

3 დ უ ც ა რ ქ ე

ს რ ე უ რ ი
გ ი მ გ რ ა უ ი ე გ ი

მხოლოდ ლიტერატურის ბიბლიოთეკის სარედაქციო საბჭო

ბ. აბაშიძე
ა. კლავია
ზ. ახვლედიანი
მ. ბაქრაძე
თ. ბუაჩიძე

ბ. ბარჩილაძე

ა. ბრეიაშვილი
დ. დუნდუა
თ. მრისთავი
მ. თოდუა
ც. თოფჩიძე
მ. გვესელავა
დ. ლაშქარაძე
ქ. ლორთქიფანიძე
მ. მაღრაძე
ბ. მილაძე
ბ. ნატროშვილი
ბ. ქლუბტი
ზ. სულაგმურიძე
ხ. ყაუხჩიშვილი
ნ. ყიასაშვილი
დ. ზენგელაია
წ. ჩხეიძე
ბ. ციციშვილი
მ. ჭელიძე
ბ. ხუციშვილი
ო. ჯინორია

ძველებერძულიდან თარგმნა,
შესავალი წერილი და განმარტებები დაურთო
აკაკი შრუშაძემ

მხატვარი
ლადო გრიგოლია

პ ლ უ ტ ა რ ქ ე

ძველი ბერძნული პროზაული მწერლობის ერთ-ერთი საუკეთესო წარმომადგენელი, ფილოსოფოსი და ისტორიკოსი პლუტარქე ყველა დროისა და ყველა ხალხის საყვარელ მწერლად ითვლება. მისი ცნობილი „პარალელური ბიოგრაფიები“ თითქმის ორი ათასი წლის წინ დაიწერა, მაგრამ მსოფლიო ლიტერატურის ოქროს ფონდის იმ შედევრებს განეკუთვნება, რომლებიც „ჩვენ ასლაც კიდევ ესთეტიკურ სიამოვნებას გვაგრძნობინებენ და გარკვეული აზრით ნორმისა და მიუწვდომელი ნიმუშის მნიშვნელობას ინარჩუნებენ“, (მარქსი).

პლუტარქე დაიბადა დაახლოებით 46 წელს ახალი წელთაღრიცხვით. მისი სამშობლო იყო ცენტრალურ საბერძნეთში მდებარე ბეოტიის პატარა, მაგრამ სახელგანთქმული ქალაქი ქეირენეა. სწორედ ამ ქალაქთან მომხდარ საბედისწერო ბრძოლაში ძველი წელთაღრიცხვის 338 წელს ფილიპე მაკედონელმა ბოლო მოუღო საბელოვანი ელადის დამოუკიდებლობას. პლუტარქეს მშობლიური მხარე სახელმოსხვევილი იყო უწინარის ყოვლისა იმით, რომ ადრე, ელინურ სანაში კაცობრიობას შესძინა ორი დიდი პოეტი: დიდაქტიკოსი ჰესიოდე და ქორიკული პოეზიის ანუ საგუნდო ლირიკის ბრწყინვალე წარმომადგენელი პინდარე.

დაწვრილებითი ცნობები პლუტარქეს ცხოვრებაზე მწერლისავე თხზულებებშია დაცული. იგი აქ გვაცნობს მთელ თავის ოჯახსა და ამ ოჯახის წინაპრებს. პლუტარქესა და მის ძმებს, ლამპრიასა და ტიმონს, წილად სვდათ აღზრდილიყვნენ დიდი ტრადიციების მქონე წარწინებული გვარის ოჯახში. მათი მამა არისტობულე ფილოსოფიის, თეოლოგიისა და პოეზიის კარგი მცოდნე ყოფილა. შინ მიღებული განათლების გასაღრმავებლად სულ ასალგაზრდა პლუტარქე არისტობულემ ათენს გაგზავნა.

პლუტარქეს ეპოქაში საბერძნეთი რომის უზარმაზარი იმპერიის მხოლოდ პროვინცია იყო, მაგრამ უმადლესი სწავლა-განათლებისა და კულტურის კერას ჯერ კიდევ მაინც ქველი ელადის ბურჯი ათენი წარმოადგენდა. განსაკუთრებით ძლიერი იყო ამ დროს ათენის ფილოსოფიური სკოლა და სულიერი საზრდოს მისაღებად აქეთიყენ მოიხწრაფოდა არა მარტო ბერძენი, არამედ რომაელი ასალგაზრდობაც. აქ პლუტარქეს ფილოსოფიას ასწავლიდა პერიპატეტიკული სკოლის წარმომადგენელი ამონიოსი. ათენში პლუტარქემ მრავალმხრივი და შესანიშნავი განათლება მიიღო. ფილოსოფიის გარდა შეისწავლა მათემატიკა, ფიზიკა, მედიცინა, რიტორიკა, მუსიკის თეორია და სხვა მრავნიერებანი.

მომავალი ფილოსოფოს-მოძალისტი ჩამოყალიბების საქმეში მნიშვნელოვანი წილი დაიდო პლატონისმის მიმდევარი ფილოსოფოსის, ზეოთ მოსხენებული ამონიოსის მო-

ძღვრებამ. ამ მოძღვრებამ ელინისტური პერიოდის რომაულ ხანაში პლატონის იდეალიზმი მისტიციზმის მიმართულებით განავითარა.

ათენშივე შეითვისა პლუტარქემ ბერძენი პოეტების, ორატორებისა და ისტორიკოსების დიდი შემკვიდრუება. ამან განაპირობა ის დიდი და საოცარი ერუდიცია, რომელიც მის თხზულებებს ეტყობა.

განსაკუთრებული გულისყური პლუტარქეს მაინც ეთიკის პრობლემებისაკენ ჰქონდა მიმართული და მრავალი შრომაც მიუძღვნა მათ.

ახალგაზრდობაში პლუტარქეს ბევრი უმოგზაურია საბერძნეთისა და იტალიის სხვა-დასხვა ქალაქებში. მოუვლია მცირე აზია და ყოფილა ელინისტური კულტურის უდიდეს ცენტრში — ალექსანდრიაში.

პოლიტიკურ ცხოვრებაში პლუტარქე ადრევე ჩაება. ნიჭიერ და წარჩინებულ ახალგაზრდას მშობლიურ ქერონეაში სხვადასხვა თანამდებობის აღსრულება მიანდეს. ასე მაგალითად, ცნობილია, რომ ქერონეის მოსახლეობამ იგი ელჩად წარგზავნა აქაა პროვინციის პროკონსულთან (მაღალი თანამდებობის რომაელ მოხელესთან). მშობლიური ქალაქის საქმეებთან დაკავშირებით პლუტარქე რამდენჯერმე ჩავიდა რომში და იქ დიდი ხანი დაჰყო. პოლიტიკურ საქმიანობასთან ერთად იგი რომში სწავლობდა ლათინურ ენას, კითხულობდა ლექციებს პრაქტიკული ფილოსოფიის (ეთიკის) სხვადასხვა საკითხზე და მჭიდრო ურთიერთობას ამყარებდა იქაურ განათლებულ და არისტოკრატიულ წრეებთან, წარჩინებულ მაგისტრატებთან. აქ იგი დაუახლოვდა იმპერატორის მეგობარსა და ოთხჯერ კონსულად ნამყოფ კვინტუს სოსიუს სენეციონს¹. გაიცნო და დაიმეგობრა ფილოსოფოსი ფავორინუსი, მესტრიუს ფლორუსი, გაიუხ მინუციუს ფუნდანიუსი, ჰერენიუს სატურნიუსი და სხვები. ამ პირთ პლუტარქე სწირად მოისმენიებს ხოლმე თავის შრომებში. „პარალელური ბიოგრაფიებისა“ და სხვა თხზულებათა დიდი ნაწილი მან მიუძღვნა კვინტუს სოსიუს სენეციონს.

სამწერლო მოღვაწეობით უკვე სახელგანთქმული პლუტარქე, როგორც ღრმად განათლებული, პოლიტიკურად მომზადებული და რომის ორიენტაციის კაცი, დაიასლოვა იმპერატორმა ტრაიანემ და კონსულარის საპატიო წოდება უბოძა. მას საგანმეებლოდ გადასცეს ილირიის პროვინცია. ბიზანტიური ხანის ლექსიკონში, რომელიც სვიდას სახელითაა ცნობილი, ნათქვამია, რომ იმპერატორმა ტრაიანემ ილირიის მიმართეულ ბრძანება დაუგზავნა — პლუტარქეს დაუკითხავად და მისი რჩევა-დარიგების გარეშე არც ერთი საქმე არ წამოეწყეთ¹. პლუტარქე საიმპერატორო კარის მასწავლებლადაც მიიწვიეს. ცნობილია, რომ იგი ასწავლიდა ადრიანეს, რომელიც შემდეგ იმპერატორი გახდა და პლუტარქე აქაის ანუ სრულიად საბერძნეთის საგანმეებლოს პროკონსულად დანიშნა.

პლუტარქე საბერძნეთისა და, კერძოდ, ბეოტიის მგზნებარე პატრიოტი იყო. ამატომ რომის იმპერატორთა და წარჩინებულთა სიმპათიებს, დიდ ნდობასა და მათი წყალობით მიღებულ მაღალ თანამდებობებს ყოველთვის სამშობლოს საკეთილდღეოდ იყენებდა. მისი რომაული ორიენტაცია სწორედ ამით იყო შეპირობებული. სამშობლოსათვის თავდადებული პლუტარქე ათენმა საპატიო მოქალაქედ აირჩია, ქერონეამ კი აგორანომოსად და არქონტ-ეპონიმად დანიშნა.

¹ Suidae Lexicon; edidit Ada Adler. Pars II, Lipsiae; 1928.

სიცოცხლის მეორე ნახევარში, როგორც ჩანს, პლუტარქემ პოლიტიკურ მოღვაწეობაზე სელი აიღო და დარჩენილი ცხოვრების წლები საყვარელ ქერონეაში გაატარა. იგი ამბობდა: „მე ამ პატარა ქალაქში დავიბადე; ჩემი აქედან წასვლა ისედაც პატარა ქალაქს ერთი კაცით უფრო შეამცირებსო“. ქერონეაში პლუტარქემ დააარსა მცირე აკადემია, რომელშიც მისი მგვარამეზობლები და მოწაფეები მოღვაწეობდნენ. ამ აკადემიამ, როგორც გადმოგვცემენ, ას წელზე მეტ ხანს იარსება.

პლუტარქეს პირადი ცხოვრებიდან ცნობილია, რომ ძველად ცოლი სახელად ტიმოქსენე, რომელიც ფრიად განათლებული ქალი ყოფილა. ამბობენ, ცოლის სიყვარულმა დააწერინა პლუტარქეს ჩვენამდე მოღწეული თხზულება „რჩევა-დარიგება მეუღლეებს“. ტიმოქსენესაგან პლუტარქეს ოთხი ვაჟი და ორი ქალი შეეძინა. ერთ-ერთი ვაჟი, სახელად ლამპრია, მამის თხზულებათა კომენტატორი და გამომეცემელი გახდა.

სიცოცხლის ბოლო წლებში, მისტიკური მიდრეკილების გამო, პლუტარქე მჭიდროდ დაუკავშირდა დელფოს სამისნოს და აპოლონ ღმერთის ქურუმთმთავრობა იკისრა. დელფოს ქურუმთა კოლეგიაში იგი შევიდა 95 წელს. პლუტარქე ცდილობდა აღედგინა დელფოს სამისნოს ძალადაკარგული კულტი და მისთვის ფილოსოფიური დასაბუთება მიეცა.

გარდაიცვალა პლუტარქე 120 — 130 წლების შუა ხანებში. ამფიქტიონთა საბჭოს საგანგებო დადგენილებით ქერონეის და დელფოს მკვიდრებმა სახელოვან მოღვაწეს ძველი დაუდგეს და ზედ ხოტბის წარწერა ამოკვეთეს ¹.

* * *

პლუტარქე ბერძნული მწერლობის ისტორიის ელინისტური პერიოდის უნივერსალური მოაზროვნეა და ამ პერიოდის ერთ-ერთი უკანასკნელი დიდი წარმომადგენელიც. მისი მოღვაწეობა ემთხვევა რომის იმპერიის ეგრეთ წოდებული „სტაბილიზაციის“ ანუ „ბედნიერი საუკუნის“ ხანას. ახალი წელთაღრიცხვის მეორე საუკუნის პირველ ნახევარში რომში შედარებით მყარი მდგომარეობა იყო. საგარეო პოლიტიკაც აღმავლობის გზით მიემართებოდა და შესაძლებელი ხდებოდა რომის სახელმწიფოს დაპყრობითი პოლიტიკის შემდგომი, მაგრამ არცთუ ისე ხანგრძლივი გაფართოება. იმპერატორი ტრაიანე, ასე ვთქვათ, უკანასკნელად აელვარებს იარაღს და რომის იმპერიას ჯერ კიდევ უნარჩუნებს მსოფლიო ხასიათს. დროებითი აღმავლობის მიუხედავად შინაგანი წინააღმდეგობა და კლასობრივი ბრძოლა „ბედნიერ საუკუნეშიც“ ძალუმად იზრდებოდა და რომის სახელმწიფოს მონათმფლობელური სისტემის ხრწნასა და დაცემას აჩქარებდა.

რომის იმპერია უღმობლად ჩაგრა და დაპყრობილ ქვეყნებს და მათ პოლიტიკურ და ეკონომიურ დამოუკიდებლობას ფესქვეშ თელავდა. განსაკუთრებული სიმკაცრით ჩაგრაგდნენ რომაელები აღმოსავლეთის პროვინციებს, რომელთა დიდი ნაწილი ბერძ-

¹ არქეოლოგიური გათხრების დროს დელფოში აღმოაჩინეს ამ ძეგლის ნაშთი წარწერით (Corpus inscriptionum graecarum, 1713).

ქერონეის ტაძარში დღესაც უჩვენებენ პლუტარქეს მარმარილოს სავარძელს.

ნებით იყო დასახლებული. დიადი წარსულის მქონე ელადა რომის ბატონობის ქვეშ იტანჯებოდა. პლუტარქეს კარგად ესმოდა, სახელოვანი საბერძნეთის პოლიტიკური დამოუკიდებლობის აღდგენა არსებულ ვითარებაში შეუძლებელი იყო; ელადის დიადი წარსული სსოფნასდა შემორჩა. ამიტომ პლუტარქე, სხვა ბერძენ მოღვაწეთა მსგავსად, არსებულ ვითარებას შეურიგდა და რომის იმპერიას „ხსნის ღუზას“ ეძახდა. რომის სახელმწიფოს მესვეურნი დაპყრობილ ქვეყნებში არისტოკრატთა წრეებს აძლავებდნენ. პლუტარქე ერთ-ერთი ბერძენი არისტოკრატი იყო. იგი ლოიალურად ეკიდებოდა რომას იმპერიის პოლიტიკას და სხვებსაც ურჩევდა რომის ორიენტაცია მიეღოთ. რომაელთა მიერ საბერძნეთის მხარეებში მაღალ თანამდებობებზე დაწინაურებულ ბერძნებს პლუტარქემ სპეციალური შრომაც კი დაუწერა („რჩევა-დარიგება სახელმწიფო მოღვაწეთათვის“). ამ შრომაში ნათლად ჩანს პლუტარქეს კლასობრივი შეზღუდულობა, მისი შემთანხმებლური პოლიტიკა. პლუტარქეს აზრით, ელინები გულისყურით უნდა მოეკიდნენ კეისრის (ე. ი. რომის იმპერატორის) მიერ ელადაში წარმოგზავნილ პროკონსულებსა და პროკურატორებს, რომლებიც საბერძნეთის მართავენ. რაკი სხვა გამოკონსულებს ვერ ხედავდა, პლუტარქე თანამემამულეთ მოუწოდებდა სამშობლოს საკეთილდღეოდ რომაელებს დამორჩილებოდნენ, მხოლოდ თავი შეტისმეტად არ დაემცირებინათ.

* * *

ანტონინუსთა დინასტიის ორი წარმომადგენლის მარკუს ტრაიანე (97 — 117) და პუბლიუს ელიუს ადრიანე (117 — 138 წწ.) იმპერატორების დროს კულტურისა და მეცნიერების განვითარებას სოციალურ-პოლიტიკური ვითარება საკმაოდ უწყობდა ხელს. განვითარდა მეცნიერებისა და ხელოვნების სხვადასხვა დარგი. მწერლობა აღმავლობის გზით წარიმართა. განსაკუთრებით მაღალ დონეს მიაღწია ისტორიოგრაფიამ. საისტორიო პროზას ელინისტური პერიოდის ბერძნულ მწერლობაში პირველი ადგილი ეკავა. რომის სახელმწიფოს ბატონობის ხანაში ისტორიის როლი კიდევ უფრო გაიზარდა. აწმყო ვითარებით უკმაყოფილო ისტორიკოსებს ჩვეულებრივ ახასიათებთ „გარდასულ ბრწყინვალე დროთა“ ქება-დიდება (laudatio temporis acti). დაცემული ზნეობის აღდგენას ძველი გმირებისა და პოლიტიკური მოღვაწეების ლეგენდარული ვაჟკაცობის, სიქველისა და კეთილშობილების კონკრეტულ მაგალითების ჩვენებით ცდილობდნენ. ასეთ ისტორიკოსთა პლეადას მიეკუთვნებიან I და II საუკუნეების პირველხარისხოვანი რომაელი და ბერძენი ისტორიკოსები: პუბლიუს კორნელიუს ტაციტუსი, გაიუს სევერინუს ტრანკვილუსი, აპიანე ალექსანდრიელი, ფლორუსი, პლუტარქე და სხვები.

ამ ისტორიკოსებს ერთმანეთთან აახლოებს ღრმა ინდივიდუალიზმი და რწმენა ძლიერი პიროვნებისადმი, რომელსაც ძალუძს სახე შეუცვალოს ძველსა და დროშემუღ ვითარებას. იმპერიის დროინდელი რომის ისტორიოგრაფიისათვის დამახასიათებელი პრინციპი — წარსული დროისა და მისი წარმომადგენლების უპირატესად ლამაზი ფერებით დახატვა — საფუძვლად უდევს პლუტარქეს საისტორიო ხასიათის შრომას, მის „პარალელურ ბიოგრაფიებს“.

პლუტარქე ფრიად უხვი პროდუქციის მწერალი გახლდათ. ჩვენამდე მოღწეულია ანტიკურ ხანაში შედგენილი ნუსხა, რომელშიც დასახელებულია ქერონელი ბრძენის 227 ნაწარმოები¹. ამათგან ჩვენამდე მოღწეულია 154. ზოგიერთი თხზულება პლუტარქეს ხელიდან გამოსული არ ჩანს და ფსევდო-პლუტარქეს სახელითაა ცნობილი. ასეთებია, მაგალითად, ტრაქტატები: „პომპეოსის ცხოვრებისა და შემოქმედების შესახებ“, „ათი რიტორის ცხოვრება“, „სატრფიალო მოთხრობები“, ე. წ. „მცირე პარალელები“, „ალექსანდრიული ანდაზები“ და სხვა.

პლუტარქეს ლიტერატურულ მემკვიდრეობას მეთექვსმეტის თავი მოუყარას ორ დიდ კრებულში. პირველ კრებულს, რომელშიც შეტანილია უპირატესად ფილოსოფიური ხასიათის ტრაქტატები, სახელად ეწოდება „ეთიკა“ ანუ „მორალია“. მეორე კრებული კი წარმოადგენს გამოჩენილი ბერძენი და რომელი პიროვნებების ცხოვრებას აღწერას და „პარალელური ბიოგრაფიების“ (ბიოჰ პარალელჰ) სახელს ატარებს.

პირველი კრებულის სახელი „ეთიკა“ („მორალია“) მთლად ზუსტი როდია. ამ კრებულში 104 დასახელების ნაწარმოები შედის და ფილოსოფიურ-მორალისტური ტრაქტატების გვერდით მრავალად წყვედება ისეთი თხზულებები, რომელთაც, შეიძლება ითქვას, ფილოსოფიასთან არაფერი აქვს საერთო. მეცნიერებაში დღემდე სადაოა ამ კრებულის კლასიფიკაციის საკითხი. „ეთიკაში“ წარმოდგენილ ნაშრომებს საფუძვლად უდევს პლუტარქეს ფართო ინტერესები, მისი დიდი და საოცრად მრავალმხრივი ერუდიცია. კრებულში შესული სხვადასხვა მოცულობის სტატიები ნაირგვარ თემებზეა დაწერილი. პლუტარქე აქ გვესაუბრება ღმერთის, ადამიანისა და ცხოველთა სამყაროს შესახებ. იგი გვება ხულ სხვადასხვა საკითხს მეცნიერების სხვადასხვა დარგიდან. ფილოსოფიასთან ერთად აქ წარმოდგენილია: ისტორია, არქეოლოგია, ფიზიკა (ბუნებისმეტყველება), მათემატიკა, მედიცინა, რელიგია, პოლიტიკა, ლიტერატურა, გრამატიკა, მუსიკა, მოძღვრება ადამიანის აღზრდის შესახებ, სიყვარული, ცხოველთა ფსიქოლოგია, პიტიონა და სხვ. სწორედ ამიტომ „ეთიკის“ კრებულს სხვაგვარად „ნარევი თხზულებები“ („სინკრეტა მატა მატა“) უწოდეს. აი რამდენიმე სათაური იმ სტატიებისა, რომლებიც „ეთიკაში“ შედის: „რომაელთა ბედნიერებისათვის“, „ალექსანდრე დიდის ბედნიერებისა ანუ სიქველსათვის“, „ბავშვთა აღზრდისათვის“, „სიკეთისა და მანკიერებისათვის“, „სწორია თუ არა გამოთქმა: იცხოვრე შეუმჩნევლად?“, „იმაზე, რომ არ შეიძლება კმაყოფილებით ცხოვრება ვაიკურეს მოძღვრებაზე დაყრდნობით“, „პლატონური ძიებანი“, „ისტოქლოა წინააღმდეგობებისათვის“, „ისიდასა და ოსირისისათვის“, „რჩევა-დარიგებები ჯანმრთელობის შესანარჩუნებლად“, „ტიმონის ფსიქოლოგიისათვის“, „სოკრატეს ღვათებრივი სულისათვის“, „ლაკედემონელთა სხარტი გამოთქმები“ (ე. წ. „აოფთემატა“), „ჰეროდოტეს მზაკვრობისათვის“, „წყალი უფრო სასარგებლოა თუ ცეცხლი?“, „მუსიკისათვის“ და სხვ.

¹ ამ ნუსხის შედგენა მიეწერება პლუტარქეს შვილს ლამპრიას. სვიდას ლექსიკონში ნათქვამია: „ლამპრიამ, ქერონელი პლუტარქეს ძემ, შეადგინა ნუსხა იმ წიკნთა, რომლებიც მაჰამისმა შეიხზა“. სვიდას ცნობას ამჟამად ნაყალბევად მიიჩნევენ: Albin Lesky, Geschichte der griechischen Literatur. Bern und München, 1963. გვ. 876.

„ეთიკის“ მრავალი სტატია პლატონისებური ფორმით — დიალოგებითა და დიატრიხებითაა დაწერილი. პლუტარქე თავის თავს უყურებს, უწინარეს ყოვლისა, როგორც ფილოსოფოსს, და მართლაც ფილოსოფია, ამ მეცნიერების ანტიკური გაგებით, განსაკუთრებით ფილოსოფიის ეთიკური ნაწილი, არსებითი ელემენტია პლუტარქეს შემოქმედებაში. ელინისტური სამყაროს ფილოსოფიის მთავარი მიმდინარეობანი სტოიციზმი და ეპიკურეიზმი იყო. პლატონის ფილოსოფიური მოძღვრების ერთგული აკადემიური სკოლა, რომლის წარმომადგენლებია პლუტარქე და მისი მასწავლებლები ამონიოსა, მისტიციზმის პოზიციებიდან ებრძოდა როგორც სტოიციზმს, ისე ეპიკურეიზმსაც. პლატონის აკადემიური და არისტოტელეს პერიპატეტიკული სკოლები ელინისტურ ეპოქაში, მართალია, ძალზე გაიზარდნენ, მაგრამ მოკლებული იყვნენ ორიგინალობას. ასეთი საფუძველი ამ სკოლებს ჯერ კიდევ ადრევე გამოაცალა ბერძნული პოლისის დაცემის ფაქტმა. პლუტარქეს ხანაში ეს ფილოსოფიური დაჯგუფებები პლატონიზმის ნიადაგზე წარმოქმნილ იდეალისტურ ეკლექტიზმს აგრეგულებდნენ. პლუტარქეს ერთ-ერთი ეკლექტიკოსი და კომპილატორი იყო. მას აინტერესებდა ფილოსოფიის არა თეორიული საკითხები, არამედ პრაქტიკული ფილოსოფია — რელიგია და ეთიკა.

პლუტარქეს რელიგიური შეხედულებები გვიანანტიკური ხანის მსოფლმხედველობას ყველა არსებით ელემენტს შეიცავს. პლუტარქეს თეოლოგიურ ეკლექტიზმს ახასიათებს ღვთაებრივი იერარქიის რწმენა: არსებობს ორი კოსმოსური საწყისი; პირველია ყოველი სიკეთის საწყისი ანუ ღმერთი, ხოლო მეორე საწყისს წარმოადგენს მატერია; იგი არის სუბსტრაქტი და ბოროტების პირობა. უზენაეს ღმერთსა და ადამიანს შორის შუამავლებად არიან მეორეხარისისოვანი ღმერთები, დემონები და გმირები. პლუტარქეს, მისი მოძღვრების მისხედვით, ნეობლატონიზმის წინამორბედ და „ნახევრად ქრისტიანი“ კაცად მიიჩნევდნენ. მარქსი პლუტარქეს „ეკლესიის მამათა“ რიცხვს აკუთვნებს.

პირველი და მეორე საუკუნეების ბერძნულ-რომაულ ფილოსოფიაში განსაკუთრებით ძლიერადაა წარმოდგენილი მორალური ხასიათის ტენდენციები. პლუტარქეს ფილოსოფიაში უმთავრესი არის არა თეოლოგია, არამედ ეთიკა. პლუტარქე, როგორც ფილოსოფოს-მორალისტი, ყველა თავის შრომაში მიზნად ისახავს საზოგადოებაში არსებულ წინააღმდეგობათა დაძლევას, ზნეობრივი დაქვეითების შეჩერებას, ადამიანის განწმენდას მანკიერებისაგან და მის მორალურ აღზევებას. პლუტარქეს ეთიკური მოძღვრება ზომიერია; იგი ებრძვის როგორც ასკეტიზმს, ისე თავაწყვეტილობას; ადამიანი თავისი თავის მზრძანებელი უნდა იყოს; უნდა დაითკოს მაჟნე ვნებები და საზოგადოებას პირნათლად ემსახუროს. ვერც დიდი სიმდიდრე, ვერც წარჩინებული გვარი და, საერთოდ, ვერაფერი ვერ უშველის კაცს, თუ იგი მანკიერებათა მარწმუნეშია მოქცეული. მანკიერებისაგან თავისუფალი და ზნეობრივად ამაღლებული ადამიანი მისწავლება მხოლოდ უმაღლეს სიკეთეს (არეტეს), რომელიც, პლუტარქეს აზრით, არის უზენაესი და ხრულყოფილი ღვთაება. მოძღვრება უზენაესი „სიკეთის“ იდეაზე ძირითადია პლატონის სკოლის მიმდევარი ფილოსოფოსის პლუტარქეს შემოქმედებაში.

* * *

თხზულება, რომელმაც პლუტარქეს საყვარელი მწერლის სახელი მოუხვეჭა, არის არა ზემოთ მიმოხილული „ეთიკა“, არამედ ე. წ. „პარალელური ანუ შედარებითი ბიოგრაფიები“. ამ თხზულებაში პლუტარქე ძველი საბერძნეთისა და რომის გამოჩენილ მოღვაწეთა პორტრეტებს გვიხატავს.

„პარალელური ბიოგრაფიები“ პლუტარქემ, როგორც ჩანს, მაშინ შეთხზა, როცა იგი უკვე სახელმწიფოებრივი მწერალი-მორალისტი იყო. ამ ხანას ახალი წელთაღრიცხვის 110 — 115 წლებით განსაზღვრავენ.

„პარალელური ბიოგრაფიები“ საისტორიო სახიათის თხზულებაა. „პარალელური“ ეწოდება იმიტომ, რომ პლუტარქე ბერძენი მოღვაწის ცხოვრებას აღწერას გვერდით ათავსებს მისი აზრით ამ ბერძნის თანასწორ რომაელი მოღვაწის ბიოგრაფიას, ხოლო ბოლოში ზოგჯერ დაურთავს დასკვნას, სადაც ერთმანეთს უდარებს მის მიერ აღწერილ ორ პიროვნებას. ამ დასკვნითი სახიათის შედარებას სინკრისისი — „შეთანასწორება“ ეწოდება.

ჩვენამდე მოღწეულია ორმოცდაათი ბერძენ-რომაელი მოღვაწის ცხოვრების აღწერა. აქედან ორმოცდაექვსი ბიოგრაფია წყვილდებულია და პარალელიზმის პრინციპით არის აგებული. სულ 23 წყვილია. ამათ შორის მეცხრამეტე და მეოცე წარმოადგენს ტეტრადას (ოთხეულს) — ერთადაა დალაგებული ოთხი მოღვაწის ბიოგრაფია: ორი ბერძენი მოღვაწის ცხოვრებას უპირისპირდება ორი რომაელის ცხოვრების აღწერა. დანარჩენ ოთხ ბიოგრაფიაში აღწერილია იმ მოღვაწეთა ცხოვრება, რომელთაც, როგორც ჩანს, პლუტარქემ პარალელები ვერ მოუძებნა. ბიოგრაფიები დაწყვილებულია შემდეგნაირად:

1. თეზეუსი _____ რომეულსი
2. ლიკურგე _____ ნუმა
3. სოლონი _____ პუბლიკოლა
4. თემისტოკლე _____ კამილუსი
5. პერიკლე _____ ფაბიუს მაქსიმუსი
6. ალკიბიადე _____ გაიუს მარციუსი (კორიოლანუსი)
7. ტიმოლეონტი _____ ემილიუს პაულუსი
8. პელოპიდა _____ მარცელუსი
9. არისტიდე _____ კატონ უფროსი (ცენზორი)
10. ფილოპოიმენი _____ ტიტუს კვინციუს ფლამინიუსი
11. პირსი _____ გაიუს მარიუსი
12. ლისანდრე _____ სულა
13. კიმონი _____ ლუკულუსი
14. ნიკია _____ კრასუსი
15. ევმენე _____ სფერტორიუსი
16. აგესილაე _____ პომპეუსი
17. ალექსანდრე მაკედონელი _____ გაიუს იულიუს კეისარი
18. ფოკიონი _____ კატონ უმცროსი (უტიკელი)
19. 20. აგისი და კლეომენე _____ ტიბერიუს და გაიუს გრაკუსები (ტეტრადა)
21. დემოსთენე _____ ციცერონი
22. დემეტრიოს პოლიორკეტე _____ ანტონიუსი
23. დიონი _____ ბრუტუსი

უპარალელოდაა წარმოდგენილი სპარსთა მეფის არტაქსერქსე II-ის, არატოსის, იმპერატორების გალბასა და ოტონის ბიოგრაფიები. დასკვნითი შედარებები, ე. წ. სინკრისისები, არ ახლავთ თემისტოკლე — კამილუსის, პიროს — მარიუსის, ალექსანდრე მაკედონელ — გაიუს იულიუს კეისრისა და ფოკიონ — კატონ უმცროსის ბიოგრაფიებს. ეს სინკრისისები დაკარგულია. ასევე არ შემონახულა პლუტარქესეული გაბამინონდას, ლეონდას, სციპიონ უმცროსის, არისტომენეს, დიოფანტის, პინდარეს, კრატეტის, სოკრატისა და სხვების ცხოვრების აღწერა. მოღწეულ ბიოგრაფიებში მოცულობით ყველაზე დიდია პომპეუსის, ალექსანდრე მაკედონელის, გაიუს იულიუს კეისრის, კატონ უმცროსისა და ანტონიუსის ბიოგრაფიები.

„პარალელური ბიოგრაფიების“ პრინციპი — სახელმწიფო მოღვაწეობის თვალსაზრისით გამოჩენილი ბერძენი პირის შედარება რომაელ მოღვაწესთან — ზოგჯერ, ასე თუ ისე, გამართლებულია (მაგალითად, ალექსანდრე მაკედონელისა და გაიუს იულიუს კეისრისა, დემოსთენე — ციცერონისა, სპარტის მეფეების აგისისა და კლემენეს და რომაელი გრაკუსებისა); მაგრამ უფრო ხშირად შედარება მეტად გარეგნულია და უსაფუძვლო: პლუტარქე ჩვეულებრივ მხედველობის გარეშე ტოვებს ქრონოლოგიასა და კონკრეტულ ისტორიულ ვითარებას. გამოჩენილ პირთა შედარების ძირითად საფუძვლად იგი სასიათოებისა და ბედისწერის მსგავსებას მიიჩნევს.

პლუტარქეს ყოველი ბიოგრაფია დამოუკიდებელი ნაშრომის შთაბეჭდილებას ტოვებს. შედარების დროს პლუტარქე უპირატესობას ჩვეულებრივ რომაელ მოღვაწეს ანიჭებს და ამით თავის პოლიტიკურ მიმართულებას, რომაულ ორიენტაციას ამჟღავნებს. მაგრამ ამის საფუძველზე სრულიადც არ უნდა დავასკვნათ, რომ პლუტარქეს საკუთარი ქვეყანა არ უყვარდა და პატრიოტიზმი დამპყრობელ რომსა და მის მმართველებს ანაცვალა. სწორია მოსაზრება, რომ ეს პლუტარქეს გონივრული ტაქტიკური ნაბიჯი იყო¹.

პლუტარქე ანგარიშს უწყევდა გაბატონებულ ძალას, სოტბას ასხამდა რომაელ მოღვაწეებს, მაგრამ, ამავე დროს, სახელოვან ბერძენთა ცხოვრების აღწერით რომაელებს ურყენებდა, თუ რანი იყვნენ ელინთა ვაჟკაცები. ამით პლუტარქეს სურდა გაექარწყლებინა დამპყრობთა ყალბი წარმოდგენა ბერძნებზე. ცნობილია, რომ გამარჯვებებითა და წარმატებებით აღზულებული ქედმაღალი რომაელები ბერძნებს დასცინოდნენ და „გრეკულებს“ (Graeculi) ეძსდნენ.

* * *

პლუტარქე ძველი ბერძნული მწერლობის ისტორიაში ბიოგრაფიული ჟანრის წარმომადგენლად ითვლება; მაგრამ გამოჩენილ ადამიანთა ცხოვრების მხატვრულად აღწერის იდეა მას არ ეკუთვნის. ასეთი იდეა ჯერ კიდევ ელინურ პერიოდში ჩაისახა და ნაწილობრივ განხორციელდა კიდევ, მომდევნო ელინისტურ ანუ ალექსანდრიულ პერიოდში „ბიოგრაფიული ლიტერატურა“ საკმაოდ ღაბრად გავრცელდა.

¹ С. Я. Лурье, «Плутарх и его время». Плутарх, избранные биографии. М. Л., 1941, гл. 13.

ძველი წელთაღრიცხვის IV საუკუნეში ბერძენმა ისტორიკოსმა ქსენოფონტმა დაწერა ბიოგრაფიული ხასიათის შრომები: „კიროპედია“ („კიროსის აღზრდა“) და „ანაბასილია“. ბიოგრაფიული ჟანრი გავრცელებული იყო რომაულ მწერლობაშიც. ისტორიკოსმა კორნელიუს ნეპოტმა (ძვ. წ. 100 — 27 წწ.) შეადგინა წიგნი „გამორჩენილ ადამიანთა ცხოვრების შესახებ“ (*De viris illustribus*). ამ წიგნში, რომელიც ჩვენამდე სრულად არ მოღწეულა, ბიოგრაფიები დაჯგუფებული იყო აღსაწერი პიროვნებებს მოღვაწეობის კვალობაზე (მხედართმთავრები, მეფეები, ორატორები, პოეტები და ა. შ.). არარომულ მოღვაწეთა ჯგუფს პარალელურად მოსდევდა რომაელ მოღვაწეთა ცხოვრების აღწერა. შეიძლება ვივარაუდოთ, რომ „პარალელური ბიოგრაფიების“ კომპოზიცია პლუტარქეს კორნელიუს ნეპოტის თხზულებამ შთააგონა.

ცნობილ მოღვაწეთა ცხოვრების შედარებები რომელი მწერლების სხვა ხასიათის წიგნებშიც გვხვდება. ისტორიკოსი სალუტიუს კრისპუსი (ძვ. წ. მნ — 35 წწ.) „კატილინას შეთქმულებაში“ (*De coniuratione Catilinae*) ერთმანეთს ადარებს იულიუს კეისარსა და მარკუს პორციუს კატონს (ცენზორს). ალექსანდრე მაკედონელი და გაიუს იულიუს კეისარი პლუტარქემდე ჯღლეიუს პატერკულუსმა შეუდარა ერთმანეთს. ასეთი ხასიათის შედარებები დიდი რომაელი ორატორის ციცერონის თხზულებებში გვხვდება.

პლუტარქესთან ასალი ის იყო, რომ მან ხასიათის ბიოგრაფია შექმნა. მისი „ბიოგრაფიები“ ფასეულია არა მარტო როგორც საისტორიო წყარო, არამედ როგორც საუკეთესო ნიმუში იმ ჟანრისა, რომელსაც ლიტერატურულ პორტრეტს უწოდებენ. ეს ჟანრი ფაქტიურად პლუტარქემ დაამკვიდრა. ძველ ხანაში ბიოგრაფიული ჟანრი შეპირობებული იყო ინდივიდუუმის ცნების ანტიკური გაგებით. ეს იყო ძლიერი პიროვნების კულტი, რომელსაც უმაღლეს საფეხურს მიაღწია პლუტარქეს ეპოქაში.

„პარალელურ ბიოგრაფიებში“ ისტორიულ მიზანს ეთიკური მიზანი ძლევს. ისტორია, პლუტარქეს აზრით, ეთიკის სამსახურში უნდა იდგეს. ისტორიიდან, გამორჩენილი პიროვნების ცხოვრებიდან მკითხველის ზნეობრივი ამბავებისათვის სასარგებლო მგავალითები უნდა ამოგარიდოთ. ისტორიულ ფონს, რომელშიც გმირებს უხდებათ მოქმედება, პლუტარქესათვის მეორეხარისხოვანი მნიშვნელობა აქვს.

პლუტარქე ერთმანეთისაგან განასხვავებს „ისტორიასა“ და „ცხოვრებას“. მისი მიზანია ისტორიულ პირთა ეთიკური შეფასება. ისტორიული ფაქტები პლუტარქეს აინტერესებს იმდენად, რამდენადაც ისინი გმირის დასახსნათებლად გამოდგებიან. პლუტარქე თითქმის ყოველთვის ცდილობს თავისი გმირი აქოს და იგი ლამაზ ფერებში აღწეროს წარმოგვიდგინოს. ამიტომ გმირის დადებითი მხარეების მახასიათებელ ფაქტებს მეტი გულისყურით ეკიდება. ამა თუ იმ გამორჩენილი პიროვნების ცხოვრების აღწერის დროს პლუტარქე უდიდეს ყურადღებას აქცევს გმირის ცხოვრების წყაროებთან ეპიზოდებს, ანეკდოტებს, მოსწრებულ სიტყვებს და მთავარ ამბებს ზოგჯერ გვერდს უვლის. ადამიანის ცხოვრების აღწერამ, ისტორიისაგან განსხვავებით, ადამიანის ხასიათი უნდა გვიჩვენოს. ასეთია, პლუტარქეს აზრით, იმ მწერლის დანიშნულება, ვისაც მიზნად ცნობილი მოღვაწის ბიოგრაფიის შეთხზვა დაუსახაძეს. ალექსანდრე მაკედონელისა და იულიუს კეისრის ცხოვრების აღწერის შესავალში პლუტარქე პირდაპირ აცხადებს, რომ მისი მიზანი განსხვავდება ისტორიკოსის მიზნისაგან და ამიტომ მკითხველს სთხოვს ნუ გაიკიცხავს, თუ ბევრ რაზე გამოტოვებს: „მე ცხოვრებას ვწერ და არა ის-

ტორიას. დიად ამბებში ყოველთვის ცხადად როდი ჩანს სიკეთე თუ მანკიერება; ერთი პატარა საქმე, ერთი სიტყვა, ან მოსწრებული თქმა სშირად უფრო ნათლად ამჟღავნებს ადამიანის ხასიათს („ეთოს“-ს), ვიდრე სისხლისმღვრელი ბრძოლები, დიდძალი ჯარას სარდლობა და ქალაქთა გარემოცვანი. ვით მსატყარი ასერხებს ხოლმე ადამიანის მსგავსების განსასიერებას თვალებისა და ხასის გამომეტყველების საშუალებით, ხოლო სხეულის დანარჩენ ნაწილს იმდენ ყურადღებას აღარ აქცევს, რადგან გამომეტყველება ყველაზე უფრო მეტად ამჟღავნებს ადამიანის თავისებურებას, ისე მეტ, ნება მომეცით, ღრმად ჩაეწვდეთ ამ პიროვნებათა სულიერ სამყაროს და თითოეული მათგანის ცხოვრება ამისდა მიხედვით ავსახო“.

„პარალელურ ბიოგრაფიებში“, ისე როგორც „ეთიკაში“, პლუტარქე მორალისტად გვევლინება. მის ბიოგრაფიებს დიდაქტიკური ხასიათი აქვთ. მორალისტი და მსატყ-რული დახასიათების დიდი ოსტატი უფრო სშირად სოტბას ასხამს თავის გმირებს, ლამაზი ფერებით ხატავს მათ; გვიჩვენებს გმირების სიმაჰაცეს და სამშობლასადმი მგზნებარე სიყვარულის მაგალითებს. გამოჩენილ პირთა ასეთი იდეალიზაციით პლუ-ტარქეს: „ურს გააფართოოს მეითხველის პირიზონტი, დანერგოს მის შეგნებაში მშვენი-ერების შეგნძნების იდეა, მისცეს სიკეთისა და ბიწიერების გარჩევის შესაძლებლობა და, რაც მთავარია, აღუძრას მისწრაფება სათნოებისადმი. „თვალებისათვის სასარგებ-ლო ფერის ბრწყინვალეობა და მიმზიდველობა, — ამბობს იგი პერიკლეს ბიოგრაფიას შესავალში, — სითბოსა და საზრდოს აძლევს მხედველობას; ასევე ადამიანის გონებაც იმისკენ უნდა იყოს მიმართული, რაიც მას სიამებს მოპვერის და მისთვის ჩვეულ მშვე-ნიერებისაკენ წარიტაცებს“.

პიროვნების შეფასება, პლუტარქეს აზრით, ადამიანის ხასიათს უნდა ემყარებოდეს და არა მის პოლიტიკურ მოღვაწეობას. აქედან გამომდინარეობს ის, რომ მონათმფლო-ბელთა კლასის წარმომადგენელი პლუტარქე ერთ-ერთ ბიოგრაფიაში, მაგალითად, მა-ღალ შეფასებას აძლევს აჯანყებული მონების სახელგანთქმულ მეთაურს — სპარტაკს.

მართალია, პლუტარქე ისეთი ისტორიკოსი ვერ არის, როგორიც, ვთქვათ, თუკიდი-დე იყო, სშირად სუბიექტურად მსჯელობს, სოგჯერ ისტორიულ სინამდვილესაც ღალა-ტობს, მაგრამ, მიუხედავად ამისა, მისი „პარალელური ბიოგრაფიები“ ფასდაუდებელი წყაროა ისტორიული მცენიერებისათვის. აქ მოიპოვება ისეთი ცნობები საბერძნეთისა და რომის ისტორიიდან (და არა მარტო საბერძნეთისა და რომის ისტორიიდან), რომ-ლებიც სხვა წყაროებში არაა აღნიშნული. თუ ჩვენ არ მიეხედავთ პლუტარქეს პარალე-ლიზმს და მის ბიოგრაფიებს ქრინოლოგიური რიგით დავალაგებთ, თვალწინ წარმო-გვიდგება პორტრეტების უსარმაზარი გაღერება, რომელიც მოიცავს, ერთი მხრივ, რომის მთელ ისტორიას დასაბამითიდან რესპუბლიკის დაცემამდე და, მეორე მხრივ, ძველი სა-ბერძნეთის ისტორიას მითიური ხანებიდან ელინთა ნაციონალური დამოუკიდებლობის დაკარგვამდე.

სამეცნიერო ლიტერატურაში გავრცელებული იყო აზრი, თითქოს პლუტარქე „ბიოგ-რაფიების“ შედგენის დროს არ ეყრდნობოდა პირველწყაროებს. ასეთი აზრი ყველაზე მკვეთრად ედ. მაიერმა გამოთქვა. მისი შეხედულებით, პლუტარქე ემყარებოდა მხო-ლოდ და მხოლოდ პერიპატეტკოსებისა და ალექსანდრიელ მოღვაწეთა კომპილატო-რულ შრომებს. ბოლო ხანებში ჩატარებულმა კვლევამ დაადასტურა ის, რომ პლუტარქე

თითქმის ყოველთვის ეყრდნობოდა პირველწყაროებს. ედ. მაიერის შეხედულება თავის დროზე უკუაგდო რუმინელმა მეცნიერმა ბარბუმ, რომელმაც პლუტარქეს შემოქმედებას საფუძვლიანი გამოკვლევა მიუძღვნა¹.

პლუტარქეს ზოგჯერ ისეთი მასალა აქვს გამოყენებული, რომელიც ჩვენამდე არ მოღწევულა. აქვე უნდა აღვნიშნოთ ისიც, რომ პლუტარქეს თხზულებებში მრავალადა შემონახული ანტიკური ეპოქის პოეტთა იმ თხზულებების ფრაგმენტები, რომლებიც დროთა განმავლობაში დაკარგა.

პლუტარქეს უდიდეს ერუდიციას გვიმოწმებს ის ფაქტი; რომ მის თხზულებებში სა- მასზე მეტი ავტორია დამოწმებული. „პარალელურ ბიოგრაფიებსა“ და „ეთიკაში“ გა- მოყენებულია მრავალი ბერძენი და რომაელი ისტორიკოსი, ფილოსოფოსი, გრამატიკოსი და მითოლოგი, მოყოლებული ჰეროდოტედან და პლატონიდან ვიდრე ლივიუსამდე. სოლონის ბიოგრაფია, მაგალითად, მთლიანად ეყრდნობა არისტოტელეს „ათენელთა სახელმწიფო წყობილებას“. სანამ არისტოტელეს ეს თხზულება აღმოჩნდებოდა (აღმოჩნდა იგი გასული საუკუნის მიწურულში), სოლონის ისტორია მხოლოდ პლუტარქეს ბიოგრაფიის წყალობით იცნობდა. პლუტარქეს გადმოცემის სიზუსტე სოლონის ცხოვრების აღწერაში არისტოტელეს თხზულებამ კარგად დაადასტურა.

პლუტარქე თავის წყაროს ზოგჯერ კრიტიკულადაც ეკიდება. ასე, მაგალითად, ისტორიკოს ოპიუსის შესახებ პომპეუსის ცხოვრების აღწერაში იგი ამბობს: „ოპიუსს ჩვენ მეტისმეტი სიფრთხილით უნდა მოვეყიდოთ, როცა იგი კეისრის მტრებსა თუ მეგობრებსე ლაპარაკობს“.

ყველაზე უფრო ხშირად პლუტარქე „ბიოგრაფიებში“ იმოწმებს ჰეროდოტეს, ქსენოფონტს, თუკიდიდეს, პლატონს, არისტოტელეს, არისტოკრატეს, ჰერმიპე სმირნელს, სფეროსს, თეოფრასტეს, კრიტიას, ფილოსტეფანეს, აპოლოდორე მითოლოგსა და სხვებს.

„პარალელური ბიოგრაფიები“ სადა და მეტად მიმზიდველი თხრობით ხასიათდება. ამბები გადმოცემულია სწრატად. მთელი თხზულება ოპტიმისტური შეხედულებებით, პუმ. ნურბით, კეთილშობილებითა და ღრმა დრამატიზმითაა გაჟღერთალი. ავტორი დაწერილებით ჩერდება გმირის პირად ცხოვრებაზე და ამასთან დაკავშირებით მრავალ საინტერესო დეტალს გადმოგვცემს. იგი ცდილობს ისტორიული ფაქტები არ დაამახინჯოს და გულწრფელი იყოს. პლუტარქეს კლასობრივი შეზღუდულობა და მისი, როგორც ისტორიკოსის, ზოგი ნაკლი მკითხველს ხელს არ უშლის დაინახოს „პარალელურ ბიოგრაფიებში“ ის, რაც მთავარია. სახელდობრ: მამაცი ადამიანის თაყვანისცემა და სამშობლოსა და მისი ხალხის მკნებარე სიყვარული.

ყოველივე ამან პლუტარქეს დიდი პოპულარობა მოუპოვა არა მარტო ანტიკურ ხანაში, არამედ უფრო გვიანაც. ბიზანტიურ პერიოდში დიდ თაყვანს სცემდნენ პლუტარქეს ერუდიციას და მის თხზულებებს განსაკუთრებული მწრუნელობით ეპყრობოდნენ. ცნობილია, რომ საშუალო საუკუნეების თეოლოგიისა და სქოლასტიკის მარწუხებში მომწყვდეული და „გასანათლებლად“ მონასტრებში მობილიწებული ახალგაზრდობა წმინდანთა ცხოვრების ტექსტის ყდაში ჩასმულ „პარალელურ ბიოგრაფიებს“ კითხუ-

¹ N. I. Barbu, Les procédés de la peinture des caracteres et la vérité historique dans les biographies de Plutarque. Paris. 1934.

ლობდა და ხარბად ეწაფებოდა თსრობის მარჯვე ოსტატის მიმხიდველ მხატვრულ სახეებს. ამან განაპირობა ის, რომ პლუტარქეს თხზულებებმა საკმაოდ კარგად მოადწიეს ჩვენს დრომდე ¹.

* * *

პლუტარქეს სახელგანთქმულმა წიგნმა დიდი როლი ითამაშა მსოფლიო კულტურის ისტორიაში. „პარალელურ ბიოგრაფიებს“ გატაცებით კითხულობენ რენესანსის ეპოქაში. საფრანგეთის ბურჟუაზიული რევოლუციის მოღვაწეები პლუტარქეს გმირთა მამაცობით შთაგონებული ებრძოდნენ საშუალო საუკუნეების გადმონაშთებს. პლუტარქემ დიდი გავლენა მოახდინა სოციალ-უტოპიზმის ისეთ წარმომადგენელზე, როგორიც ბაზუენი იყო.

„პარალელური ბიოგრაფიები“ არა ერთმა და ორმა მწერალმა გამოიყენა საკუთარი ნაწარმოების ქარგად. შექსპირის „იულიუს კეისარი“, „ანტონიუსი და კლეოპატრა“, „კორიოლანუსი“ და „ტიმონ ათენელი“ პლუტარქეს „ბიოგრაფიების“ საფუძველზეა დაწერილი. ფრანგი დრამატურგები კორნელი და რასინი თავიანთი დრამებისათვის ხშირად სესხულობდნენ სიუჟეტებს „პარალელური ბიოგრაფიებიდან“ (შდრ. კორნელის „ნიკომედე“, „აგესილაე“, „სერტორიუსი“, „პომპეუსის სიკვდილი“, „ოტონი“; რასინის „მითრიდატე“, „ალექსანდრე“). პლუტარქეს ბიოგრაფიებს იყენებდა ვოლტერიც (შდრ. „ბრუტუსი“, „იულიუს კეისარი“, „კატელინა“, „ტრაიუმვირატი“).

მონტენი და რუსო აღფრთოვანებული იყვნენ „პარალელური ბიოგრაფიებით“. ჟან ჟაკ რუსო სიბერის ჟამს წერდა: „იმ მცირერიცხოვან წიგნთა შორის, რომელთაც სანდასან ვერ კიდევ ვკითხულობ, პლუტარქეს „პარალელური ბიოგრაფიები“ ის ნაწარმოებია, რომელიც საოცრად მიზიდავს და ყველაზე მეტ სარგებლობას მაძლევს. ეს წიგნი ჩემი პირველი საყვარელი წიგნი იყო და სამარის კარამდეც მან უნდა მიმაგილოს“ (Rousseau, „Les rêveries du Promeneur solitaire“, Prom. IV).

დიდი გერმანელი მწერალი შილერი „ყარალებში“ კარლ შოტის პირით სიყვარულით იხსენიებს პლუტარქეს.

სიამოვნებით და უსაზღვრო გრძნობით კითხულობდნენ „პარალელურ ბიოგრაფიებს“ დეკაბრისტები. პლუტარქეს ამ წიგნს თავიანთ სცემდა დიდი რუსი კრიტიკოსი ბელინსკი. რუსული ლიტერატურის კრიტიკის, რეალისტური ესთეტიკის ეს ბრწყინვალე ფუძემდებელი განსაკუთრებით ღრმად გრძნობდა და აფასებდა ანტიკურ კულტურას. მისი შესვდეულებები და აზრები ანტიკურ კულტურაზე ფასდაუდებელი განძია ლიტერატურათმცოდნეობაში. თუ როგორ ტკბებოდა სულიერად იგი ანტიკური ლიტერატურის ნიმუშების კითხვის დროს, ეს კარგად ჩანს მის პირად წერილებში. აი, მაგალითად, რას წერს ბელინსკი პლუტარქეს „პარალელური ბიოგრაფიების“ შესახებ თავის მეგობარს ვასილ პეტრეს ძე პოტკინს 1841 წლის 28 ივნისით დათარიღებულ წერილში: „ამ წიგნმა გამაგიჟა. ღმერთო ჩემო, კიდევ რამდენი სიცოცხლე იმალება ჩემში... ძველი დროის ყველა გმირთაგან სამმა დაიმსახურა მთელი

¹ „პარალელური ბიოგრაფიების“ ბერძნული ტექსტი პირველად დაიბეჭდა 1517 წელს ფლორენციაში. ეს პირველი გამოცემა (editio princeps) ეკუთვნის ფილიპე იუნტას. შემდეგ გამოცემა აღდგენილია (1519 წ.).

ჩემი სიყვარული, თავიანთი სიყვარული — ტიმოლეონტმა და გრაკუსებმა. კატონის (უტიკელის და არა პირუტყვ კატონ უფროსის) ბიოგრაფიამ ტრაკედიის პირქუში სიღაღის სურნელება მაგრძნობინა: რა უაღრესად კეთილშობილი პიროვნებაა. პეროკლესა და ალკიბიადეს გაკვირვებისა და აღტაცების სრული და უხვი ხარკი გადაეწადა. კეისარზე რაღას იტყვიო? — შეშეკითხები... მე ასლა მომსიბლა ერთმა იდეამ, რომელმაც მთელი არსებით შემოიპყრო და გამოიტაცა... მთლიანად გატაცებული ვარ სამოქალაქო ქველობის იდეით, სიმართლისა და პატიოსნების პათოსით და მათ გვერდით ნაკლებად ვამჩნევ რაიმე სიღაღის. ასლა მიხედვით, თუ რატომ დაჩრდილეს ჩემს თავში კეისარიც და ალექსანდრე მაკედონელიც ტიმოლეონტმა, გრაკუსებმა და კატონ უტიკელმა (და არა წითურმა პირუტყვმა კატონ უფროსმა). მე გამოვიტარდა რაღაც ევლური, შმაგი, ფანტასტიკური სიყვარული ადამიანის პიროვნების თავისუფლებისა და დამოუკიდებლობისადმი, რაც შესაძლებელია მხოლოდ სიმართლესა და ქველობაზე დაფუძნებულ საზოგადოებაში. პლუტარქეს კითხვას რომ ვიწყებდი, ვფიქრობდი, ჩემს თავში ბერძნები რომაელებს დაჩრდილავენ—მეთქი, მაგრამ ასე არ გამოვიდა. პერიკლეთი და ალკიბიადეთი უზომოდ აღტაცებული ვიყავი, მაგრამ ტიმოლეონტმა და ფოკიონმა (ამ ბერძენ-რომაელებმა) თავიანთი მკაცრი კოლოსალობით დაჩრდილეს ჩემს თავში მშვენიერი და ტურფა სახეები ათეულთა წარმომადგენლებისა. მაგრამ რომაელთა ბიოგრაფიებს რომ ვკითხულობდი, ჩემი სული ოკეანეში დაცურავდა. პლუტარქეს საშუალებით ბევრი რამ გავიგე, რაც არ მესმოდა. საბერძნეთისა და რომის ნიადაგზე აღმოცენდა უახლესი კაცობრიობა. საბერძნეთი და რომი რომ არ ყოფილიყო, შუა საუკუნეები ვერაფერს შექმნიდნენ. ჩემთვის გასაგებები გახდა საფრანგეთის რევოლუციაც და მისი რომელი ზარზეიმაც, რასაც წინათ დავცინოდი... მომსიბლაგია ძველი სამყარო. მის ცხოვრებაში არის მარცვალი ყოველივე დიდისა, კეთილშობილისა, სიქველისა, იმიტომ რომ მისი ცხოვრების საფუძველია პიროვნების სიამაყე. პირადი ღირსების ხელშეუხებლობა. დიას, ბერძნული და ლათინური ენები უნდა იყოს ქვაკუთხედი ყოველგვარი განათლებისა, საძირკველი სკოლებისა¹.

პლუტარქესა და მის თხზულებებს, როგორც ჩანს, ძველი ქართული მწერლობაც იცნობდა. სახელდობრ, პლუტარქესა და მის „ალექსანდრე მაკედონელს“ იხსენიებს თამარ მეფის პირველი ისტორიკოსი, „ისტორია — აზმანის“ ავტორი. იგი თამარ მეფეზე ამბობს: „რომლისა შესხმაჲ კამს ჰომიროსისა მიერ. რაჲმ იგი აღიდა სიტყუაჲ ალექსანდრესადმი პლუტარქოს ზემომმაღლეულმან ისტორიათა მწერლობასა შინა გელმწიფეთა შემასხმელობისასა“².

XIX საუკუნის დასაწყისში პლუტარქეს „პარალელური ბიოგრაფიები“ რუსულ ენაზე თარგმნა სპირიდონ დესტუნისმა³.

¹ იხ. ბ. გ. ბელინსკი, რჩეული ფილოსოფიური თხზულებანი, თბილისი, 1948, გვ. 289 — 291.

² „ისტორია და აზმანი შარავანდედთანი“: მარიამისეული ქართლის ცხოვრება, გვ. 563, კ. კეკელიძის გამოცემა, თბილისი, 1941, გვ. 54.

³ Плутарховы сравнительныя жизнеописания славных мужей, перевел с греческого Спиридон Дестунис. СПб., 1814—1821 (13 წიგნად).

პლუტარქეს თხზულებათა გამოცემებისა და თარგმანების შესახებ იხ. ს. ყაუხჩიშვილი, ბერძნული ლიტერატურის ისტორია, ტ. II, თბილისი, 1949, გვ. 199.

გამოქვეყნდა თუ არა რუსული თარგმანი, აღიძრა სურვილი ეს თხზულება ქართულ ენაზეც თარგმნილიყო. საქართველოს მეცნიერებათა აკადემიის კ. კეკელიძის სახელობის ხელნაწერთა ინსტიტუტში ინახება რამდენიმე რეველი, სადაც წარმოდგენილია „პარალელური ბიოგრაფიების“ ქართული თარგმანი რუსული ენიდან. ნიკო დადიანის დავალებით თარგმანი დესტუნისის გამოცემიდან შეუსრულებია მღვდელს იასე გარსევანიშვილს. S 256 ხელნაწერს ასეთი მინაწერი აქვს: „უინაიდან განშეცადა მარგვობა და სიეტკპო პლუტარხოსის დიდთა მამაცთა ცხოვრების აღწერისა, აღვიძარ სურვილთ გარდმოცემად ჩუენსა ზედა ენასა, სარგოდ საყვარელისა ჩემისა მამულისა და მრავლის შრომით კათარგმნინე წიგნი ესე მღვდელს იასე გარსევანოვს და მეცა გასწორებითა და სხოლიონთა დახსნით შემხულა დიადი შრომა, მალე მოყვანად სისრულენ სურვილი იგი ჩემი, აჲ წარმითხუელთა საყვარელთა თანამეამუღელთა ვსთხოვ შენდობით მომსენ მე-ყონ. და გინცა დაიწუნოთ, ამას ხელს ნუ ახლებთ და უკეთესად სთარგმნეთ: მეგვეიდრე მეგერელიისა (ნ. დადიანი)“¹.

დესტუნისის გამოცემიდან შესრულებულ ამ ქართულ თარგმანს დღეს ანტიკვარული მნიშვნელობაა აქვს.

* * *

პლუტარქეს ბიოგრაფიების ჩვენი ქართული თარგმანი შესრულებულია უშუალოდ ორიგინალიდან — ძველებერძული ენიდან. ამ წიგნში შესულია ცამეტი მოღვაწის ბიოგრაფია. ესენია: თუზეგის, რომულუსი, ლიკურგე, სოლონი, ლუკულუსი, ეგმენე, სერტორიუსი, პომპეუსი, ალექსანდრე მაკედონელი, გაიუს იულიუს კეისარი, ტიბერეუს გრაკუსი, გაიუს გრაკუსი და ციცერონი. პარალელურად წარმოდგენილია მხოლოდ თუზეგს-რომულუსის, ეგმენე-სერტორიუსის და ალექსანდრე მაკედონელისა და იულიუს კეისარის ბიოგრაფიები, დანარჩენები კი მოცემულია ცალ-ცალად.

ლუკულუსისა და პომპეუსის ბიოგრაფიებში მრავლად მოიპოვება ცნობები კავკასიისა და, კერძოდ, საქართველოსა და სომხეთის შესახებ. სხვა წყაროებთან ერთად პლუტარქეს ამ ცნობებს საქართველოს ანტიკური პერიოდის ისტორიისათვის მეტად დიდი მნიშვნელობა აქვს; მეტადრე მაშინ, როცა ამ ეპოქის ერთგვული წერილობითი ძეგლები ჯერჯერობით არ მოგვეპოვება. პლუტარქესეული ეს ცნობები თავის დროზე ივანე ჯავახიშვილმა გამოიყენა „ქართველი ერის ისტორიის“ პირველ წიგნში². თითო-ორი სანიტერესი ცნობა თუზეგის, ალექსანდრე მაკედონელის, იულიუს კეისარისა და ციცერონის ცხოვრებათა აღწერილობაშიც არის დაცული. როგორც ცნობილია, ბერძნულ-რომაულ ისტორიოგრაფიაში და ძველ ქართულ წერილობით წყაროებშიც³ ხშირად გვხვდება მცდარი ცნობები ალექსანდრე მაკედონელის კავკასია-იმერიაში ლაშქრობაზე. დღეს უკვე დამტკიცებულია, რომ ალექსანდრე მაკედონელი არასოდეს არ ყო-

¹ ხელნაწერი S 256 — 289: „პლუტარხოსისნი შეთანასწორებითნი ცხოვრება-აღწერანი დიდებულთა მამაკაცთანი“, იხ. აგრეთვე ხელნ. H 1422.

² ი. ჯავახიშვილი, „ქართველი ერის ისტორია“, წ. I, თბილისი, 1928, გვ. 3-4.

³ „მოქცევაჲ ქართლისაჲ“, ლეონტი მროველის „მეფეთა ცხოვრება“ და სხვ.

ფილა კავკასიაში და, მაშასადამე, საქართველოში¹. ანტიკური ხანის ნაშთებია იმ მცირერიცხოვან ჯგუფს, რომელიც სამართლიანად და წყაროებზე დაყრდნობით უარყოფდა. ალექსანდრე მაკედონელის ლაშქრობას საქართველოში და საერთოდ კავკასიაში, სტრაბონთან, არიანესთან და ზოგიერთ სხვა მოღვაწესთან ერთად ეკუთვნოდა პლუტარქეს, ლიკურგეს, სოლონის, ევმენეს, სერტორიუსისა და ტიბერიუს და გაიუს გრაკუსების ბიოგრაფიები საინტერესოა ძველი მწერლობისა და ანტიკური ისტორიის თვალსაზრისით. ჩვენი უმაღლესი სკოლების ფილოლოგიისა და ისტორიის ფაკულტეტების სტუდენტობას ეს ბიოგრაფიები გარკვეულ სარგებლობას მოუტანს სასემინარო მუშაობის დროს.

ლიკურგეს ბიოგრაფია მნიშვნელოვანი წერილობითი წყაროა სპარტის სახელმწიფოს აღრეული პერიოდის გასაცნობად. უაღრესად საყურადღებოა პლუტარქეს მიერ ამ ბიოგრაფიაში დამოწმებული რეტრა. ლიკურგეს, რომელსაც ჩვეულებრივ ლეგენდარულ პიროვნებად თვლიან, მიეწერება სპარტაში მრავალი საუკუნის მანძილზე არსებული სახელმწიფო წყობილების შექმნა.

პოლონის პლუტარქესეული ცხოვრება არისტოტელეს „ათენელთა სახელმწიფო წყობილებასთან“ ერთად ძვირფასი წყაროა VI საუკუნის (ძვ. წ.) ათენის პოლისის ისტორიისა და გამომჩენილი რეფორმატორის და პოეტის მოღვაწეობის გასაცნობად.

ტიბერიუს და გაიუს გრაკუსების ბიოგრაფიები საყურადღებოა რომის რესპუბლიკის მიწურულ პერიოდში ამტყდარი სამოქალაქო ომებისა და ამ დროს გაგრძელებული აგრარული მოძრაობის ისტორიისათვის.

განსაკუთრებული ყურადღების ღირსა რომულუსის ბიოგრაფიაში მოთავსებული ცნობა, რომელიც პლუტარქეს ჩვენთვის ჯერჯერობით უცნობი წყაროდან ამოუღია. აქ ნათქვამია, რომ ქალაქ რომის დაარსება მიეწერება ოდიშისა და კირკეს ვაჟს რომანოსს. კირკე ბერძნული მითოლოგიის თანახმად კოლხეთის მეფის აიეტის დაა. იმავე რომულუსის ბიოგრაფიაში პლუტარქე იმოწმებს სხვა წყაროსაც, რომლის მიხედვით, რომი დააფუძნეს პელასგებმა. ამ ცნობებს განსაკუთრებულ ხასიათს ის გარემოება ანიჭებს, რომ იტალიის უძველესი, არაინდოევროპული მოსახლეობა ეტრუსკების სახით მრავალი მეცნიერის მიერ აღიარებულია იბერიულ-კავკასიური მოდგმის ხალხების მონათესავე მოსახლეობად. პელასგები წინაბერძნულ მოსახლეობაში შემავალ და ეტრუსკების ნათესავ ტომად ითვლება. მართალია, პლუტარქეს მიერ დამოწმებული ცნობები ლეგენდარული ხასიათისაა, მაგრამ ცნობილია, რომ ლეგენდებსა და მითებში, როგორც წარსული სინამდვილის ფანტასტიკურ ანარეკლში, ჭეშმარიტების მარცვლები მოიპოვება.

* * *

პლუტარქეს ბიოგრაფიების ქართული თარგმანი პირველად 1957 წელს გამოვიდა. ამ ახალ გამოცემაში დამატებულია რომულუსის, ევმენეს და სერტორიუსის ბიოგრაფი-

¹ ამის შესახებ იხ. ს. ყაუხჩიშვილი, ბერძნული ლიტერატურის ისტორია, II, თბ. 1949, გვ. 232 — 233; მ. ალექსიშვილი, ალექსანდრე მაკედონელი, თბილისი, 1950, თავი VIII; ალექსანდრე მაკედონელის კავკასია-ინგოვიაში ყოფნის საკითხი და ქართული წერილობითი წყაროები (გვ. 169 შმდ).

გზი და თევზებს-რომელუსისა და ევმენე-სერტორიუსის შეთანასწორებანი (სინკრისი-სები). ქართულად თარგმნილი ბიოგრაფიები ხელახლად შევეუდარე ბერძნულ ირიგინალს და გავასწორე ნებისთინი აუ უნებლიე შეცდომები. გავიყვალისწინე აგრეთვე ის შენიშვნები, რომლებიც მკითხველებისაგან მივიღე.

წიგნს დართული აქვს საკმაოდ მრავალრიცხოვანი კომენტარები. უამისოდ ანტიკური ეპოქის ძეგლის კითხვა მკითხველისათვის გართულდებოდა. კომენტარების მიზანია ანტიკური ტერმინებისა და ტექსტების სოციალური ადგილის ახსნა-განმარტება.


ბიოგრაფიები განლაგებულია ქრონოლოგიური რიგის დაუცველად, როგორც ეს ორიგინალშია. ქრონოლოგიური რიგის დაუცველობა ორიგინალში შეპირობებულია პარალელურობის პრინციპით.

ბერძნული და რომაული საკუთარი სახელები გადმოცემული მაქვს იმ ნორმების მიხედვით, რომლებიც თბილისის უნივერსიტეტის კლასიკური ფილოლოგიის კათედრამ შეიმუშავა.

ბიოგრაფიების თარგმნის დროს ხელთ მქონდა პლუტარქეს თხზულებათა რამდენიმე გამოცემა. ძირითადად კი ვეყრდნობოდი BT-ს გამოცემებს: 1. *Plutarchi Vitae Parallelae*, rec. Carolus Sintenis. Lipsiae, 1873—1874; 2. *Plutarchi Vitae Parallelae*, recognoverunt Cl. Lindskog et K. Zieglger. Lipsiae, 1960—1964.

აპაპი ურუშაძე

არეული პირობაში



თ მ ზ ე მ ს ი

1. გეოგრაფიულ თხზულებებში, ჩემო სოსიუს სენეციონო¹, ისტორიკოსები იმ ქვეყნებს, რომელთა თაობაზე მათი ცოდნა ფრიად შეზღუდულია, რუკის კიდეებზე გაიტანენ ხოლმე და ზოგიერთ მათგანს ასეთ მინაწერს უკეთებენ: „ამ მხარეთა მიღმა უწყლობით გადაბრუებული და მძვინვარე ნადირ-მხეცებით სავსე უღაბნაო“, ან „გაუქვალ ჭაობებში“, ან — „სუსხიანი სკვითაო“, ან კიდევ — „ყინულოვანი ზღვაო“. ასევე მეც, ჩემს პარალელურ ცხოვრებათა აღწერილობაში, უტყუარი ამბებისა და ისტორიისათვის ხელმისაწვდომი ეპოქის მიმოხილვის შემდეგ, უფრო ადრინდელ ხანაზე სრულიად თამამად შემძლო მეთქვა, რომ „იქ ყველაფერი სასწაულებრივი და ზღაპრულია, პოეტებისა და მითოგრაფების წყართა და ჭეშმარიტებისა არაფერი გააჩნია“. მიუხედავად ამისა, კანონმდებელ ლიკურგესა და მეფე ნუმას ცხოვრებათა გამოცემის შემდეგ ვიფიქრე, ურიგო არ იქნებოდა აღმეწერა ცხოვრება უძველესი რომულუსისა, რომლის მოღვაწეობის ხანას ამ ჩემი თხრობით მივუახლოვდი. თუმცადა ასეთი საყოყმანო (ესქილეს სიტყვებს მოვიტან) კითხვა დამებადა:

ნეტავ ვინ შეძლებს შერჩინებას ასეთ გაყვაცთან,
ვინ დაეუყვნო მას პირისპირ მისი ბადალი?²

დიდხანს ვიფიქრე და აღმოჩნდა, ბრწყინვალე და სათაყვანო ათენის დამფუძნებელი უნდა დამეპირისპირებინა და შემედარებინა უძლეველი და სახელოვანი რომის მამისთვის.³

ჩემი სურვილია ეს მოთხრობა ზღაპრული ამბებისაგან განეწმინდო, ჭეშმარიტებას დაეუმორჩილო და ისტორიის სახე მიეცე. მაგრამ იქ, სადაც იგი სიჯიუტეს გამოიჩინეს და არ ეცდება სინამდვილეს დაექვემდებაროს, კეთილშობილურნე მკითხველს ვთხოვ მოწყალე თვალთ შეხედოს ძველისძველ ამბავთა გადმოცემას.

2. გგონებ, თეზესი ბევრ რამეში ემსგავსება რომულუსს: ორივეს წარმოშობა ბურუსითაა მოცული, ორივეზე დარბეულია ხმა, რომ ისინი ღმერთების შვილები იყვნენ:

ყოველმა ჩვენგანმა იცის, რომ ორივე მამაცი იყო.⁴

გარდა ამისა, დიდ ძალასთან ერთად ორივეს დიდი ჭკუაც ჰქონდა. ერთმა მათგანმა რომი დააარსა, მეორემ — ათენი დაასაზღა; ქალაქთა შორის უბრწყინვალესი ეს ორი ქალაქი მათგან იღებს დასაბამს. ქალების მოტაცებითაც ჰგვანან ისინი ერთმანეთს და იმითაც, რომ ვერც ერთი ვერ გაექცა უბედურებას და მახლობელთა შურისძიებას. ხოლო მეტნაკლებად ზღაპრულ გადმოცემას თუ დაეჯერება, სიკვდილის წინ ორივე მტრულად შეეჯახა თურმე თავ-თავიანთ მოქალაქეებს.

3. მამის მხრივ თეზესის გვარი ერეხთევსისა და პირველ ავტოხთონთა გვარისაგან წარმოდგა⁵. დედით კი თეზესი პელოპიდი იყო. პელოპსი პელოპონესის მეფეთა შორის ყველაზე უფრო ძლიერი მეფე გახდა არა დიდი სიმდიდრითა და ქონებით, არამედ შვილების წყალობით⁶. მან თავისი ქალიშვილები უწარჩინებულეს გაყაყაცებს მიათხოვა, მრავალი ვაჟი კი სხვადასხვა ქალაქთა არქონტებად დააყენა. ერთ-ერთმა მათგანმა, პითევსმა, თეზესის პაპამ, პატარა ქალაქი ტროიძენე დააარსა და სახელი გაითქვა, როგორც ყველაზე უფრო განათლებულმა და ბრძენმა კაცმა თანამედროვეთა შორის. იმ დროს, როგორც ჩანს, ჰიბრძნის ძალა იმით გამოიხატებოდა, რითაც პესიოდემ⁷ მოიხვეჭა სახელი. აქ, უწინარეს ყოვლისა, იგულისხმება მის „სამუშაოებში“ გაფანტული რჩევა-დარიგებანი. ერთ-ერთი მათგანი:

დათქმული ჭირა შეეცადე მეგობარსა ვადაზე მისცე...

ამბობენ, პითევსისა არისო. ყოველ შემთხვევაში, ფილოსოფოსი არისტოტელეც ამას ამბობს. პითევსის სახელმოხვეჭილობას გვიმეცადნებს ისიც, რომ ევრიპიდე იპოლიტეს წმინდა პითევსის გამოზრდილს უწოდებს⁸.

გადმოგვცემენ, უშვილო გეგოსს⁹ წინასწარმეტყველმა პითიამ¹⁰ უმისნა: არც ერთ ქალს არ მიჰკარებოდა მანამდე, სანამ ათენში არ დაბრუნდებოდა. ეს წინთქმა შემდეგ საყოველთაოდ ცნობილი გახდა;

მაგრამ მაშინ ისე წარმოთქვა პითაგორამ, რომ ეგეოსმა ვერ გაიგო. ამიტომ ჯერ ტროიძენში მივიდა და პითეგესს გაუზიარა ღეთის ნათქვამი:

ძლიერო მეფე, ტიკის ფესსა ნუ გახსნი მანამ,
ათენის ხალხთან ვინემ ისევ არ დაბრუნდები.

პითეგესი, ცხადია, მიხვდა მისნობის აზრს და, არაფერ იცის, დარწმუნებისა თუ მოტყუების გზით, ეგეოსი აიძულა დაკავშირებოდა ეთრას. ეგეოსი ასეც მოიქცა. მერმე მიხვდა მხოლოდ, რომ საქმე თურმე პითეგესის ქალიშვილთან ჰქონია. ბოლოს, როცა გაიგო, ეთრა ორსულად იყო, თავისი მახვილი და წაღები დაუტოვა. ეგეოსმა ისინი ერთი უზარმაზარი ლოდის ქვეშ ამოღო. ამ ლოდს შიგნიდან იმოდენა ფოსო ჰქონდა, ნივთების შესაწყობად და დასამალავად საკმარისი იყო. ეგეოსმა ეს საიდუმლო მხოლოდ ეთრას გაუმჟღავნა და უბრძანა: თუ ვაჟი შეეძინება და იგი მიაღწევს ჭაბუკობის ასაკს, როცა ლოდის აწევას და მის ქვეშ შენახული ნივთების გამოღებას შეძლებს, ეს ვაჟი ამ ნივთებიანად, ისე რომ არავინ იცოდეს, მასთან გაგზავნოს (ეგეოსს ძალზე ეშინოდა პალანტის ორმოცდაათი ვაჟისა — პალანტიდებისა, რომლებიც მას მტრობდნენ და უშვილობის გამო ზიზღით უყურებდნენ). დაარიგა თუ არა ეთრა, ეგეოსი ტროიძენედან წავიდა.

4. ეთრას შეეძინა ვაჟი. ერთნი ამბობენ, ყმაწვილმა მაშინვე მიიღო თეზევსის სახელი, ვინაიდან მისთვის ლოდქვეშ საგანძურში გამოსაცნობი საგნები იყო დამალულიო. მეორენი კი ამტკიცებდნენ, ეს სახელი შემდეგ მიიღო ათენში, როცა იგი ეგეოსმა შვილად სცნო ¹¹.

თეზევსი პითეგესის სახლში იზრდებოდა. გამზრდელად და პედაგოგად მიჩენილი ჰყავდა ვინმე კონიდა, რომელსაც ათენელები თეზევსისადმი მიძღვნილი ღღესასწაულის წინაღღეს აქამდე მსხვერპლად სწირავენ ვერძს. ამგვარად იგონებენ ისინი და თაყვანს სცემენ მას უფრო მეტად, ვიდრე სილანიონსა და პარასიოსს, რომლებიც თეზევსის სახეს ზატავდნენ თუ აქანდაკებდნენ ¹².

5. იმ დროში ასეთი ადამიანი იყო: ბავშვობის ასაკიდან გამოსული ყრმა დელფოში უნდა მისულიყო და დედის მუტკლიდან გამოყოფილი თმის ერთი ბლუჯა ღმერთისათვის შეეწირა ¹³. მივიდა დელფოში თეზევსიც. სხვათა შორის ამბობენ, მის პატივსაცემად დელფოში ერთ

ადგილს „თესეა“ ეწოდაო¹⁴. მართლაც ეს ადგილი დღესაც ამ სახელს ატარებს.

თეზევსმა თავი გაიკრიჭა მხოლოდ წინ, აი ისე, როგორც ამას, პომეროსის თქმით, აბანტები აკეთებდნენ¹⁵. ამრიგად ვაკრეჭილ თმას სახელად „თეზევსური“ ეწოდა. ასეთნაირად თავს პირველად აბანტები იკრეჭდნენ; მაგრამ ეს მათ არც არაბებისაგან უსწავლიათ, როგორც ამას ზოგიერთი ფიქრობს, და არც მიზიელების მეტოქეობით იქცეოდნენ ასე. აბანტები მეომარი და პირისპირ მებრძოლი ხალხი იყო. ისინი გაწაფული იყვნენ მტერთან ხელჩართულ ბრძოლაში, რასაც არტილოქეც¹⁶ გვიმოწმებს აი ამ ლექსში:

მეისვე შეწყდება ისართა და შურდულთ ზუზუნი,
ოდეს არესი გააჩაღებს ხელჩართულ ბრძოლას;
აღრიალდება ველზე ხრმალი მრავალნაცადი,
ვინ დაუდგება წინ ევბეის შუბოსან შვილთა!

აბანტები თავს წინ იკრეჭდნენ იმიტომ, რომ მტრისთვის თმაში ხელის წავლების საშუალება არ მიეცათ. ეს, ცხადია, იცოდა ალექსანდრე მაკედონელმაც და, როგორც გადმოგვცემენ, თავის სარდლებს უბრძანა თურმე მაკედონელთათვის წვერები დაეპარსათ, ვინაიდან ბრძოლის დროს მათთვის წვერში ხელის წავლება მეტად ადვილი საქმე იყო.

6. ეთრა დიდხანს მალავდა თეზევსის წარმოშობის საიდუმლოს, პითევსმა კი ხმა დაარბია, ყმაწვილი პოსეიდონისაგან შეეძინა ჩემს ასულსო. პოსეიდონს ტროიძენელები განსაკუთრებულ თავყანს სცემდნენ; იგი მათი ქალაქის მფარველ ღმერთად ითვლებოდა და ხეხილთაგან მოწვეულ პირველ ნაყოფს სწირავდნენ. აღსანიშნავია ისიც, რომ ტროიძენელთა ლითონის ფულს დაღად სამთითა აზის¹⁷.

როცა თეზევსი სიჭაბუკეში შევიდა, საოცარ ღონესთან ერთად დიდი სიმაძიაცე და გამჭრიახი ქუჩა-გონება გამოიჩინა, მაშინ ეთრამ იგი ლოდთან მიიყვანა, უამბო მისი წარმოშობის ამბავი და უთხრა, ლოდთან მამისეული გამოსაცნობი ნივთები გამოეღო და ათენს ზღვით გამგზავრებულყო. თეზევსი ლოდს ქვემოდან შეუდგა და სულ ადვილად გადააბრუნა, მაგრამ ზღვით გამგზავრებაზე უარი თქვა, თუმცა ეს გზა უსაფრთხო იყო და თან პაპა და დედაც ურჩევდნენ.

ხმელეთის გზით ათენში წასვლა მეტად ძნელი გახლდათ, ვინაი-

დან ამ გზის არც ერთი მონაკვეთი არ იყო უფათერაკო, ავაზაკები-
სა და ქურდებისაგან თავისუფალი.

იმ დროში ადამიანებს ღონიერი მხარ-მკლავი, მარდი ფეხები და
მძლავრი სხეული ჰქონდათ. ისინი ალბათ საოცრად დიდი აღნაგობი-
სანი იყვნენ და არ იცოდნენ, თუ რა იყო დაღლა. მაგრამ ბუნები-
საგან მინიჭებულ ამ მაღლს ზოგიერთი პატიოსან და სასარგებლო
საქმეს როდი აზმარდა. უსირცხვილო ზვიადობით გათავხედებულნი
თავიანთ ძალ-ღონეს მხეცურ სისასტიკესა და უწყალო ძალდატანე-
ბაში ხარჯავდნენ, ყველას, ვინც ზელში ჩაუფარდებოდათ, შეუბრა-
ლებლად სპობდნენ. სირცხვილ-ნამუსს, სამართლიანობას, თანასწო-
რობასა და ადამიანის სიყვარულს, მათი აზრით, მხოლოდ ლაჩრები
ასხამდნენ ზოტბას, რომლებიც ვერ ბედავდნენ სხვების დაჩაგვრას
იმის შიშით, თვითონვე არ დაჩაგრულიყვნენ. ასეთი ლაჩრების ზი-
ბაძვა ავაზაკებს ძალ-ღონით აღსავსე ვაჟკაცებისათვის შეუფერებ-
ლად მიაჩნდათ.

ამ ყაჩაღთა ერთი ნაწილი გაანადგურა და აღგავა პირისაგან მი-
წისა თავისი ლაშქრობის დროს ჰერაკლემ¹⁸. დანარჩენი ავაზაკები,
ჰერაკლეს მოახლოებისთანავე შიშით ზარდაცემულნი, მიიმალნენ,
გამოჩენას ვეღარ ბედავდნენ და ავაზაკობაზე ხელი აიღეს. მაგრამ
ჰერაკლეს ჩქარა უბედურება ეწია. მას შემოაკვდა იფიტი¹⁹. ამის გა-
მო ლიღიაში წავიდა და მკვლელობისათვის თავისი თავი იმით დაი-
საჯა, რომ იქ მონად გაუხდა ომფალეს²⁰, რომელსაც საკმაოდ დიდ-
ხანს ემსახურა. ამის წყალობით ლიღიაში მასშინ მშვიდობიანობა და
სრული უშიშროება გამეფდა. მაგრამ ელადის მიწაზე კვლავ ხდებო-
და მრავალგვარი ბოროტმოქმედება, რასაც ხელს არავინ უშლიდა. აი,
ამიტომ პელოპონესიდან ფეხით ათენში წასვლა მეტისმეტად საშიში
იყო.

პითევსმა ბევრი რამ უამბო თეზევსს ყაჩაღების თაობაზე, გა-
აცნო, რას წარმოადგენდა თითოეული ყაჩაღი, თუ როგორ ექცეოდ-
ნენ ეს ავაზაკები ზელში ჩავარდნილ უცხოელებს და დაბეჯითებით
ურჩევდა, ათენში ზღვით წადიო.

მაგრამ თეზევსს, უმკველია, უკვე დიდი ხნიდან წვავდა ცეცხლი,
რაიც ჰერაკლეს საგმირო საქმეთა ბრწყინვალე სახელმა დაუწყო.
იგი განსაკუთრებულ თავყანს სცემდა ჰერაკლეს და ხარბად უსმენ-
და, ვინც მოუყვებოდა, თუ როგორი იყო გმირი. კიდევ უფრო მეტ

ყურადღებას აქცევდა იმათ ნაამბობს, რომელთაც ჰერაკლე ენახათ და ბედნიერება ჰქონდათ მისი საქმისა და სიტყვის მოწმენი ყოფილყვნენ.

მაშინ უკვე აშკარა იყო, რომ თეზევსი იმ ცეცხლით იფერფლებოდა, რა ცეცხლიც სწავდა მრავალი წლის შემდეგ თემისტოკლეს, რომელიც ამბობდა: მილტიადეს გამარჯვებებმა ძილი დამიფრთხესო²¹. სწორედ ასევე ჰერაკლეს შეუღარებელი გაქცეობით გაოცებულ თეზევსს ღამით სულ მისი საგმირო საქმენი ეზმანებოდა, ღლით კი, ფიქრებით გატაცებულს, მწველი შური მოსვენებას არ აძლევდა და აქეზებდა თვითონაც ჩადენა მსგავსი გმირობა.

7. ჰერაკლესა და თეზევსს ერთმანეთთან სისხლით ნათესაობაც აახლოებდა: ეთრა პითევსის ქალიშვილი იყო, ალკმენე — ლისიდიკესი, ლისიდიკე და პითევსი კი და-ძმანი, ჰიპოლამიასა და პელოპსის შვილები იყვნენ²².

თეზევსი დიდ სამარცხვინო საქმედ თვლიდა მორიდებოდა ბრძოლას იმ დროს, როცა ჰერაკლე ყველგან ესხმოდა თავს აფაზაკებს და მათგან ზღვასა და ხმელეთს წმენდდა. თეზევსის ფიქრით, თუ ათენში ლაირულად ზღვით გაემგზავრებოდა, ბოლო ჰეშმარიტ მამას კი გამოსაცნობ ნიშნებს — წაღებსა და მახვილს — სისხლით შეუღლებავს მიუტანდა და თავის დიდებულ წარმოშობას მალე ვერ დაამტკიცებდა, ამით შეარცხვენდა იმას, ვისაც ხალხის ხმა მის მამად თვლიდა. ამ აზრით გამსჭვალული თეზევსი ათენისაკენ მიმავალ გზას დაადგა იმ გადაწყვეტილებით, არავინ დაეჩაგრა და იერიში მხოლოდ მოძალადეებზე მიეტანა.

8. პირველად იგი ეპიდავრის მიდამოებში²³ აფაზაკ პერიფეტეს წააწყდა, რომელიც იარაღად უზარმაზარ კომბალს ხმარობდა და ამიტომაც მეტსახელიად კორინეტედ იწოდებოდა²⁴. პერიფეტემ თეზევსს ზელი სტაცა და გზა გადაუღობა. მაშინ თეზევსი შეებრძოლა და ყაჩაღს სიცოცხლე მოუსწრაფა. პერიფეტეს კომბალმა კი ისე მოხიბლა, რომ იმ დღიდან მისი განუყრელი იარაღი გახდა, როგორც ჰერაკლესათვის ლომის ტყავი. ლომის ტყავის ტარება ჰერაკლესათვის იმის ნიშანი იყო, თუ რა უზარმაზარი მხეცი ჰყავდა დამარცხებული. თეზევსი კი ნადავლი კომბლით იმას უჩვენებდა ხალხს, რომ ის ბრძოლით მოიპოვა და ვაგლობად ველარავინ წაართმევდა.

ისტმოსში თეზევსმა მოკლა ფიჭვთა მზნექელი სინისი. სინისს მან

ისეთივე სიკვდილით მოულოდნელად, როგორც ამ ავაზაკმა მრავალს მოუსწრაფა სიცოცხლე²⁵. თეზევსს სრულებით არ უტეია ეს ხერხი ყაჩაღისაგან ესწავლა; მაგრამ ის კი დაამტკიცა, რომ მამაცობა ყოველგვარ ოსტატობა-გარჯიშობაზე მაღლა დგას.

სინისს მეტად ლამაზი და გოლიათური აღნაგობის ასული ჰყავდა, სახელად პერიგუნე. მამა რომ მოუკლეს, პერიგუნე გაიქცა. თეზევსმა თავგამოდებით დაუწყაო მას ძებნა. პერიგუნემ თავი ძეძვისა და სატაცურის ხშირ ბუჩქნარს შეაფარა და მცენარეებს, თითქოს რაიმე ესმოდათო, ბავშვური გულუბრყვილობით შეემუდარა დაეფარათ იგი, ეფიცებოდა, არასოდეს აღარ მოტეხდა და არ დაწვავდა მათ, თუ დამალავდნენ და განსაცდელისაგან იხსნიდნენ. თეზევსმა ხმამაღლა დაუწყაო ძახილი ასულს, ფიცს აძლევდა, რომ თავის მზრუნველობას არ მოაკლებდა და არას ავნებდა. მაშინ პერიგუნე საფრიდან გამოვიდა. თეზევსი და პერიგუნე ერთმანეთს დაუკავშირდნენ. ამ კავშირის შედეგად იშვა მელანიპე. ამის შემდეგ თეზევსმა პერიგუნე მიათხოვა ექალიელი ეგრისთევსის ძეს დეიონევსს. თეზევსის ვაჟი მელანიპე იყო მამა იოქსესი, რომელმაც ორნიტესთან ერთად ახალშენი დააარსა კარიასში. აი, ამიტომაც, რომ იოქსესს შთამომავალი ქალები და კაცები წინაპართა აღათის მიხედვით არ წვავენ სატაცურისა და ძეძვის ბუჩქებს, იცავენ და თაყვანს სცემენ მათ.

9. კრომიონის გარეული ღორი, რომელსაც სახელად ფეას ეძახდნენ, მეტად მძვინვარე და ძნელად დასაპარცხებელი ნადირი იყო²⁶. გზად გავლისას თეზევსი ჩაუსაფრდა და მოკლა იგი, რამეთუ ხალხს არ ჰგონებოდა, რომ იგი ყველაფერს იძულებით სჩადიოდა. თეზევსი ფიქრობდა: მამაცმა ვაჟკაცმა თავი მხოლოდ არამზადა ავაზაკებისაგან უნდა დაიცვას, ნადირზე კი პირველმა უნდა მიიტანოს იერიში, გინდაც ამით დიდ საფრთხეში ჩაიგდოს თავიო.

ზოგიერთის აზრით, ფეა თურმე კრომიონში მცხოვრები ერთი უტიფარი ყაჩაღი და კაცისმკვლეელი დედაკაცი იყო. ღორის სახელი მისი ხასიათისა და ცხოვრების წირის გამო შეურქმევიათ. შემდეგში იგი თეზევსს მოუკლავს.

10. მეგარის საზღვარზე თეზევსმა მოკლა სკირონი. მან იგი კლდიდან გადააგდო. სკირონი, საყოველთაოდ გავრცელებული გადმოცემის თანახმად, გამვლელ-გამომვლელთ ძარცვავდა; ზოგიერთის სიტყვით კი, უცხოელებს უტიფრად გაუშვებდა ხოლმე ფეხებს და,

დამბანეთო, უბრძანებდა. იმ დროს, როცა უცხოელნი სკირონის ფეხების ბანას შეუდგებოდნენ, ქუსლს ჰკრავდა და შეუბრალებლად ზღვაში ჰყრიდა მათ. მეგარელი ისტორიკოსები არ ეთანხმებიან ამ გადმოცემას, სიმონიდეს²⁷ სიტყვით რომ ვთქვათ, რომ უცხადებენ ძველთაძველ ამბებს და ამბობენ: სკირონი არც ავაზაკი და არც ასეთი ურცხვი ვინმე იყო; პირიქით, იგი ყაჩაღთა დამსჯელი და კეთილშობილი ხალხის მოყვარე და მეგობარი გახლათ. ეაკე ბერძენთა შორის უწმინდეს კაცად ითვლებოდა; სალამინელ კიქრევსს ღვთაებრივი პატივი აქვს ათენელებში; ხოლო პელეგისისა და ტელამონის გაუქაცობა ყველასათვის ცნობილია. სკირონი კი იყო კიქრევსის სიძე, ეაკეს სიმამრი და პაპა პელეგისისა და ტელამონისა, რომლებიც სკირონისა და ქარიკლოს ასულ ენდეიდისაგან წარმოიშვნენ. ყოველად შეუძლებელია, წარჩინებული გაუქაცები გავარდნილ არამზადს დანათესავებოდნენ და მასთან გაეზიარებინათ ის, რაც ყველაფერზე წმინდა და ძვირფასია ადამიანისათვისო. თეზევსმა, როგორც მეგარელი ისტორიკოსები დაასკვნian, სკირონი მაშინ კი არ მოკლა, როცა პირველად მიდიოდა ათენში, არამედ უფრო გვიან, მეგარელთა ხელში მყოფი ელევსინის აღების დროს, როცა არქონტი დიოკლე მოატყუა: აი, ასეთი წინააღმდეგობებია სკირონზე გადმოცემულ ამბებში.

11. ელევსინში თეზევსმა ბრძოლაში დაამარცხა და მოკლა არკადიელი კერკიონი²⁸. მცირე მანძილის გავლის შემდეგ სიცოცხლე მოუხსრატა ჰერმოსში დამასტეს ანუ პროკრუსტეს. თეზევსმა იგი აიძულა დატოლებოდა საკუთარ სარეცელს ისე, როგორც ამას ეს ავაზაკი სხვებს უკეთებდა²⁹. ამგვარ მოქმედებაში თეზევსი ჰერაკლეს ჰბაძავდა. ჰერაკლე თავის მტერს იმითვე უსწორდებოდა, რა სასჯელსაც მას უშზადებდნენ: ბუსირისი მან მსხვერპლად შესწირა³⁰, ანტიოხის დაახრჩო, კიკნოსი ორთა ბრძოლაში დასცა³¹, ტერმეროსს კი თავი გაუხეთქა და ისე მოკლა; აი, აქედან წარმოიშვა, როგორც ამბობენ, თქმა — „ტერმეროსის უბედურებაო“. ტერმეროსი ალბათ თავს აჯახებდა შემხვედრთ და ისე კლავდა.

თეზევსიც ჰერაკლესავით სჯიდა ბოროტმოქმედთ; როგორ ძალადობასაც იყენებდნენ სხვებზე, ისეთივე ძალადობას იჩენდა მათდამი და ბოროტმოქმედნი თავიანთი უსამართლო საქციელის საზღაურად სამართლიან სასჯელს ღებულობდნენ.

12. მცირე ხნის შემდეგ თეზესი კეფისის საბაპიროს მიადგა³². აქ მას შეეგებნენ ფიტალეს შთამომავლები, რომლებმაც პირველი გულთბილი შეხვედრა მოუწყვეს³³. თეზესმა მათ სთხოვა ჩადენილ მკვლელობათაგან განეწყმინდათ. ფიტალიდებმა იგი ადათით დადგენილი წესებით განწყმინდეს, ღმერთების მოსამადლიერებლად მსხვერპლი შესწირეს და ამის შემდეგ დიდებულად გაუმასპინძლდნენ სტუმარს, რომელსაც აქამდე, მთელი გზის მანძილზე, არავინ აღამიანური გულთბილობით არ შეხვედრია.

ამბოზენ, თეზესი ათენში მივიდა მერვე დღეს კრონიოსის თვისა, რომელსაც ახლა ჰეკატომბეონს ეძახიან³⁴.

ქალაქში საყოველთაო შფოთი და უთანხმოება დახვდა. ეგეოსის ოჯახშიც უწყსრიგობა სუფევდა. კორინთოდან ლტოლვილი მედეა ეგეოსთან ცხოვრობდა³⁵. იგი მას უშვილობისაგან ჯადოსნური წამლით განკურნვას დაჰპირდა. განჭვრიტა რა წინასწარ, თუ ვინ იყო თეზესი, ატეხილი შფოთით დაშინებული და დაუძლურებული მოხუცი ეგეოსი მედეამ თაარწმონა სკოლმარი დაეპატიმრებინა და მოეწამლა.

თეზესი ღზიხზე მივიდა. მას არ უხდოდა უცაოდ ეთქვა, თუ ვინ იყო. გადაწყვეტილი ჰქონდა ამ საიდუმლოების გამოცნობა ეგეოსისათვის მიენდო. როცა ზორცი მიაბრუნეს, თეზესმა მის დასაჭრელად მხვეილი ამოიღო და ეგეოსს დაანახვა. ეგეოსმა მყისვე იცნო იგი, მოწამლული თასი შორს გადაისროლა, შვილს ზოგი რამ ჰკითხა და გადაეხვია. მერმე ყრილობა მოიწვია და თეზესი ათენელებს წარუდგინა, რომელთაც მამაცობისათვის სიხარულით მიიღეს იგი.

ვადმოგვემენ, იმ ადგილას, სადაც ეგეოსის მიერ გადასროლილი თასიდან საწამლაგი დაინთხა, ამჟამად ღობეშემოვლებული დელფიონიონის ტაძარი დგასო³⁶. აქ იყო თურმე ეგეოსის სასახლე. ტაძრის აღმოსავლეთით მდგარ ჰერმესის ქანდაკებას ეგეოსის სასახლის კარიბჭის ქანდაკებას უწოდებენ.

13. პალანტიდებს აქამდე იმედი ჰქონდათ, რომ უშვილო ეგეოსის სიკვდილის შემდეგ სამეფო იმათ ჩაბარდებოდა. მაგრამ ახლა, როცა ეგეოსის მემკვიდრედ თეზესი გამოაცხადეს, საშინლად განრისხდნენ. ჯერ ბრაზი იმაზე მოსდიოდათ, რომ მეფობდა ეგეოსი, პანდიონის ნაშვილები³⁷, რომელსაც ერეხთიდების არაფერი ეცხო. ახლა კი, როცა დარწმუნდნენ, ტახტი კვლავ ვიღაც მითრეული, უცხოელი

თეზევის ხელში გადავან, უფრო აინთნენ და საომრად აღდგნენ. ისინი ორ ნაწილად გაიყვნენ. პალანტიდების ერთი რაზმი, მამის წინამძღოლობით, სტეფოსიდან პირდაპირ ქალაქისაკენ დაიძრა, მეორე რაზმი კი გარგეტოსში ჩასაფრდა, რათა მოწინააღმდეგეს ორივე მხრიდან დაესხოდნენ თავს. მათთან მაცნედ იყო ერთი აგნუსიელი კაცი³⁸, სახელად ლეოსი. ამან პალანტიდების განზრახვა თეზეუსს აცნობა. თეზეუსი მყისვე დაესხა თავს ჩასაფრებულთ და ყველანი ამოჟლიტა. პალანტთან მყოფი პალანტიდები კი, როცა ეს ამბავი გაიგეს, უკუიქცნენ და დაიფანტნენ.

აი, ამის გამო, ამბობენ, პალენეს დემის მცხოვრებნი ქორწინებით არასოდეს არ უმოყვრდებიან აგნუსიელებს და, გარდა ამისა, პალენელებში მაცნე არასოდეს არ ჰკრებს ხალხს ძახილით: „აკუეტე ლეო!“ ვინაიდან ეზიზღებათ სახელი, რომელიც გამცემს ერქვაო³⁹.

14. თეზეუსს სურდა სულ საქმით ყოფილიყო გართული და თან ხალხის გულიც მოეგო. ამიტომ ახლა მარათონის ხარის დასამორჩილებლად გაემართა. ეს ხარი ტეტრაპოლისის მცხოვრებთ მცირე ვნებას როდი აყენებდა⁴⁰. თეზეუსმა იგი ცოცხლად შეიპყრო, ხალხის საჩვენებლად ქალაქში ჩამოაბარა და მერმე დელფინიონის აპოლონს შესწირა.

თქმულება ჰეკალეზე, თუ როგორი სტუმართმოყვარეობით მიიღო მან თეზეუსი, ვფიქრობ, მთლად არ უნდა იყოს ჭეშმარიტებას მოკლებული⁴¹. ყოველ შემთხვევაში, როცა ერთმანეთის მახლობლად განლაგებული დემები ჰეკალესიების დღესასწაულს იხდიან, ჰეკალიოს ზევსს მსხვერპლს სწირავენ და თან პატივით იგონებენ ჰეკალეს ჰეკალენეს საალერსო სახელით. ეს იმიტომ, რომ ჰეკალემ თეზეუსი, როცა იგი სულ ახალგაზრდა იყო, მოხუცებული ქალის გულთბილობით მიიპატიჟა სახლში, მოეფერა და საალერსო სახელს ეძახდა. როცა თეზეუსი საბრძოლველად მიდიოდა, ჰეკალემ ზევსს აღუთქვა მსხვერპლი, თუ მას უვნებლად დააბრუნებდა.

მაგრამ ჰეკალე თეზეუსის დაბრუნებამდე გარდაიცვალა. მაშინ თეზეუსმა, როგორც ფილოქორე გადმოგვცემს⁴², ბრძანება გასცა ჰეკალესათვის მიეგოთ ზოლმე ის პატივი, რაზეც ზემოთ ითქვა.

15. მცირე ხნის შემდეგ კრეტიდან მესამეჯერ მოვიდნენ ათენში ელჩები დათქმული ხარკის მისაღებად. გადმოცემის თანახმად, როცა ატიკაში გერავლად მოკლეს ანდროგეოსი, მინოსმა ატიკას ომი გა-

მოუცხადა და მოსახლეობას დიდი ტანჯვა მიაყენა ⁴³. ქვეყანას ცალკე ღმერთების რისხვაც ანადგურებდა: ჩამოვარდა შიმშილობა, გავრცელდა სენიანობა, დაშრა მდინარეები. მაშინ ღმერთმა ატიკელებს უწინასწარმეტყველა, თუ მინოსს გულს მოუღობობდნენ და მოურიგდებოდნენ. ზეცის რისხვა შეწყდებოდა და მათ ტანჯვას ბოლო მოედებოდა. ატიკელებმა მინოსთან გაგზავნეს ელჩი თხოვნა-ვედრებით და შეკრეს ზაფი იმ პირობით, რომ ყოველ ცხრა წელიწადში ერთხელ უნდა გაეგზავნათ შვიდი ჭაბუკი და ამდენივე ქალიშვილი, რაშიც ისტორიკოსთა უმრავლესობა ერთმანეთს ეთანხმება. ყველაზე უფრო შემადრწუნებელი თქმულების მიხედვით, კრეტაზე წაყვანილ ბავშვებს ლაბირინთში ჭამდა მინოტავრი; სხვა გადმოცემით ყმაწვილები ლაბირინთში იბნეოდნენ, გამოსავალს ვერ პოულობდნენ და იქ იხოცებოდნენ. მინოტავრი, როგორც ევრიპიდემ ამბობს, იყო

ჩანასახშივე შერეული სახის ქმნილება,

ანუ:

ნახევრად ხარი და ნახევრად ადამიანი.⁴⁴

16. ფილოქორე ამბობს, კრეტელები ასეთ გადმოცემას არ ეთანხმებიანო. ისინი ამტკიცებენ შემდეგს: ლაბირინთი იყო ციხე, რომლის მთელი საშინელება მხოლოდ და მხოლოდ ის გახლდათ, რომ იქ ჩაშწყვდეულს გამოქცევა აღარ შეეძლო. მათი სიტყვით, მინოსმა ანდროგეოსის ხსოვნის აღსანიშნავად გიმნასტური ასპარეზობა დააწესა და გამარჯვებულებს ჯილდოდ აძლევდა იმ ყმაწვილებს, რომლებიც მანამდე ლაბირინთში იყვნენ ჩაშწყვდეულნი. ბირეელ ასპარეზობაზე გაიმარჯვა სამეფო კარზე ფრიად გავლენიანმა ერთ-ერთმა სარდალმა, სახელად ტავროსმა, უკეთურმა და ჰრისხანე კაცმა, რომელიც ათენელთა ბავშვებს ქედმაღლურად და შეუბრალებლად ექცეოდა ⁴⁵.

არისტოტელეს თავის „ბოტიელთა სახელმწიფო წყობილებაში“, როგორც ჩანს, არ იზიარებს იმ აზრს, რომ მინოსი ბავშვებს კლავდა ⁴⁶. ის ფიქრობს, რომ ყმაწვილები კრეტაზე მონობის უღელს ეწეოდნენ და მონობაშივე ბერდებოდნენ. ერთხელ თურმე კრეტელებმა, ღვთაებისადმი დიდი ხნის წინათ მიცემული აღთქმის შესასრულებლად, დელფოში გაგზავნეს საკუთარი შვილები; დელფოში გასაგზავნ ყმაწვილებს ლაბირინთის ტყვეთა შვილებიც შეუერთდნენ და ყვე-

მ. პლუტარქე

ლანი ერთად წავიდნენ. ამათ აქ თავის რჩენა ვერ შეძლეს. ამიტომ ჯერ იტალიაში გადავიდნენ და იქ იაპიგიაში დასახლდნენ⁴⁷. მერმე კი უკან დაბრუნდნენ, თრაკიაში დამკვიდრდნენ და ბოტიელებად იწოდებოდნენ. აი, ამიტომ ბოტიელი გოგოები მსხვერპლის შეწირვის დროს ასე წაუშლერებდნენ ხოლმე:

„გავემართოთ ათენისაკენ!“

როგორც ჩანს, მართლაც დიდი უბედურებაა იმ ქალაქის მტრად გადაკიდება, რომელსაც მწარე ენის პატრონი ხალხი ჰყავს და პოეზიითაც განთქმულია⁴⁸. ატიკის თეატრებში მინოსს მუდამ ავად იხსენიებდნენ და ლანძღავდნენ. მას ვერ უშველა ვერც ჰესიოდემ იმით, რომ „მეფეთა შორის უდიდესი მეფე“ უწოდა და ვერც ჰომეროსმა, რომელმაც მას „ზევსთან მოსაუბრე“ შეარქვა⁴⁹. ტრაგიკოსებმა ყველას აჯობეს: თეატრების სცენიდან დიდად გაუტეხეს სახელი მინოსს, როგორც მრისხანე და მოძალადე კაცს.

მიუხედავად ამისა, გადმოცემა მინოსს მაინც კანონმდებელ მეფედ თვლის, ხოლო რადამინთისი ამ გადმოცემით მინოსის მიერ დადგენილი სამართლის უბრალო დამცველი იყო⁵⁰.

17. როცა მესამეჯერ ხარკის გადახდის დრო დადგა და იმ მამებს, რომელთაც უწლოვანი შვილები ჰყავდათ, თავიანთი ნაშიერები კენჭის საყრელად უნდა გაეშვათ, მოქალაქეთა შორის კვლავ იფეთქა ეგეოსის ზიზღმა. ისინი აღშფოთებულნი მოსთქვამდნენ, რომ ეგეოსი, მიზეზი ყველა უბედურებისა, ერთადერთი კაცი იყო, რომელიც საყოველთაო სასჯელს არ იზიარებდა, რომ იგი სამეფოს გამგებლობას ვიღაც უკანონოდშობილსა და გადამთიელს აძლევდა და გულგრილად უყურებდა, თუ ვით ეკარგებოდათ შვილები სხვებს და უძეოდ შთებოდნენ.

ამან თეზევსი მეტისმეტად შეაწუხა. გადაწყვიტა ასეთი გულგრილობა არ გამოეჩინა და მოქალაქეთა ბედი გაეზიარებინა. თეზევსმა განაცხადა, რომ წილისყრის გარეშე გაემგზავრებოდა კრეტაზე. ყველას გაუკვირდა მისი გადაწყვეტილება და ხალხისადმი ასეთ ერთგულებას სიხარულით შეხვდნენ. ეგეოსი სთხოვდა და ემუდარებოდა თეზევსს ხელი აეღო განზრახვაზე, მაგრამ რა დაინახა, თეზევსი შეუდრეკელი და გაუტეხელი იყო, დანარჩენი ყმაწვილები წილისყრით გადაარჩია.

ქელაქნივე ამბობს: ⁵¹ ქალაქი წილისყრით კი არ გზავნიდა ქალ-
გეთ, არამედ თვითონ მინოსი იყო ხოლმე იქ და ირჩევდა ვინც
უნდოდაო. იმჭერად მან, დათქმული პირობის თანახმად, ყველაზე
უწინ თეზევსი აირჩია. პირობა ასეთი იყო: ზომილდა ათენელებს
უნდა მიეცათ, ზომილზე ასული ყმაწვილები მასთან ერთად გაემ-
გზავრებოდნენ, ოღონდ არავითარი იარაღი თან არ უნდა ჰქონოდათ,
ამ ხარკის გადახდას კი ბოლო მოეღებოდა მინოტავრის სიკვდილის
შემდეგ.

მანამდე ყმაწვილთა ხსნის არავითარი იმედი არ იყო. ამიტომაც
გარდუჟალი უბედურების ნიშნად ათენელები ზომილდს შავი იალ-
ქნით გზავნიდნენ. მაგრამ ახლა თეზევსმა გაამხნევა მამა და დაამე-
და, მინოტავრს დავამარცხებო. მაშინ ეგეოსმა მესაჭეს თეთრი იალ-
ქანი მისცა; უბრძანა, თუ თეზევსი გადაარჩებოდა, დაბრუნებისას
თეთრი აფრა გაეშალა, თუ არა და შავით ეცურა მწუხარების ნიშ-
ნად.

სიმონიდე ამბობს, ეგეოსმა თეთრი იალქანი კი არა, „წითელი
აფრა მისცა, შედებილი მარად მწვანე მუხის ყვავილის სითხითო“; აი
ეს აფრა უნდა ყოფილიყო ყმაწვილთა ხსნის ნიშანი. სიმონიდეს სი-
ტყვიით, ზომილდს მესაჭეობდა ამარსიას ძე ფერეკლე. ფილოქორე კი
გადმოგვცემს: მესაჭედ თეზევსმა სკიროსიდან წაიყვანა სალამინელი
ნავსითოე, ხოლო მის თანაშემწედ ზომილდის ცხვირზე — ფეაქია,
ვინაიდან მაშინ ათენელები ჯერ კიდევ არ იყვნენ გაწათუღნი ხა-
ზღვაო საქმეშიო. ზომილდზე მყოფ ყმაწვილებში იყო ერთი მენეს-
თეც, სკიროსის შვილიშვილი ქალიშვილის მხრიდან. ამას გვიმოწმებს
თეზევსის მიერ ფალერონში, სკიროსის ტაძრის გვერდით აგებული
ტაძარი გმირების — ნავსითოესი და ფეაქისა. გარდა ამისა, — აი-
კენის ფილოქორე, — მათ პატივსაცემად დადგენილ იქნა „კიბერნეი-
ების“ დღესასწაულიცო ⁵².

18. როცა წილისყრა დამთავრდა, წილზედრილი ყმაწვილები თე-
ზევსმა პრიტანიონიდან ⁵³ გამოიყვანა, დელფინიონში წავიდა და ამ
ყმაწვილების სახელზე აპოლონს შესწირა სალოცავი შტო. ეს
იყო თეთრი მატყლით შემოწნული წმინდა ზეთისხილის შტო. ლოც-
ვის მერე თეზევსი ზღვის ნაპირზე ჩავიდა და ზომილდში ჩაჯდა. ეს
იყო მუნაქიონის თვის მეექვსე დღე ⁵⁴. სხვათა შორის ამ დღეს ახ-
ლაც გზავნიან ხოლმე ქალიშვილებს სალოცავად დელფინიონში.

ამბობენ, დელფოში თეზეესს ღმერთმა ურჩია წინამძღოლად აფროდიტე გაეხადა და თანამგზავრად მოეხმო. იმ დროს, როცა თეზეესი ზღვის ნაპირზე მსხვერპლად სწირავდა დედალ თხას, ის თურმე უცეროდ მამალ თხად იქცა. აი, ამის გამო ღმერთქალი ეპიტრაგოად იწოდა⁵⁵.

19. ჩავიდა თუ არა თეზეესი კრეტაზე, როგორც ამას მწერლები წერენ და პოეტები მღერიან, იგი შეიყვარა არიადნემ;⁵⁶ მისცა ძაფი და ასწავლა, თუ ვით შეიძლებოდა ლაბირინთის ხვეულებიდან თავის დაღწევა. თეზეესმა მოკლა მინოტავრი, წამოიყვანა არიადნე და ახალგაზრდა ათენელები და ზღვით უკან დაბრუნდა. ფერეკიდე⁵⁷ ამბობს: თეზეესმა კრეტელთა ზომალდებს ფსკერი დაუხვერიტა და დაღევნების საშუალება მოუხსო. დემონი⁵⁸ გადმოგვცემს: თეზეესმა მოკლა მინოსის სტრატეგოსი ტავროსიც, რომელიც ნავსადგურში თავს დაესხა ზომალდით იმ დროს, როცა ზღვაში გასვლას აპირებდაო.

ფილოქორეს სიტყვით კი მინოსმა მოაწყო სხვადასხვა სახის ასპარეზობა. ცხადი იყო, ყველას ისევ ტავროსი აჯობებდა; ამიტომ მის მიმართ შუროთ აინთნენ; ტავროსის ძლიერება, ამ კაცის საშინელი ბასიათის გამო, ისედაც აუტანელი იყო. გარდა ამისა, ტავროსს ბასიფაესთან⁵⁹ ახლო კავშირსაც აბრალებდნენ. ამიტომ, როცა თეზეესმა მასთან გაჯიბრება მოითხოვა, მინოსი დათმობაზე წავიდა.

კრეტაზე მიღებულია, რომ სანახაობებს ქალებიც უყურებდნენ. და აი, არიადნე, რომელიც მაშინ ასპარეზობას ესწრებოდა, თეზეესის გარეგნობამ მოხიბლა. იგი გაოცებული იყო, თეზეესმა შეჭიბრებაში ყველას რომ აჯობა. მინოსიც ნასიამოვნები დარჩა. განსაკუთრებით ტავროსის დამარცხებამ და შერცხვენამ გაახარა. ამიტომ თეზეესს ათენელთა ბავშვები გადასცა და მის ქალაქს ჩაიკი მოხსნა.

თავისებურად და დაწვრილებით მოგვითხრობს ამ ამბის თაობაზე კლიდემე, რომელიც თბრობას შორიდან იწყებს⁶⁰. ის ამბობს, ბერძნებს ერთი საერთო გადაწყვეტილება ჰქონდათ, რომლის ძალითაც არც ერთ ტრიერს არ შეეძლო ზღვაში გასვლა, თუ მგზავრი ხუთ კაცზე მეტი იქნებოდა. გამოინაკლისი დაუშვეს მხოლოდ ზომალდ არგოს მეთაურ იასონისათვის, რომელიც ყოველ მხრივ სერავდა ზღვას და მას მეგობრეთაგან წმენდდაო.

როცა დედალე ზომალდით ათენს გაიქცა, მინოსი, წინააღმდეგ გა-

დაწყვეტილებისა, გრძელი ზომალდებით დაედევნა; მაგრამ ქარიშხალმა სიცილიის სანაპიროებისაკენ გაიტაცა და მინოსმა სიცოცხლე იქ აღასრულა⁶¹. გადავიდა რა ათენელებს, დევკალიონმა, მინოსის შვილმა, ელჩები გაგზავნა ბრძანებით გადაეცათ მისთვის დედალე. იგი იმუქრებოდა, რომ წინააღმდეგ შემთხვევაში დახოცავდა მინოსის მიერ მძევლებად წაყვანილ ბავშვებს. თეზევსმა დევკალიონს აუღელვებლად შეუთვალა, რომ დედალეს ვერ გასცემდა: დედალე ჩემი ბიძაშვილია, სისხლით ნათესავიო: დედალეს დედა, მეროპე, ერებთევსის ასული იყოო. ასეთი პასუხის შემდეგ თეზევსი ზომალდთა შენებას შეუდგა. ნაწილს ატიკაში აშენებდა, თიმეტადის მხარეში⁶², შარაგზიდან მოშორებით, ნაწილს კი პითევსის მეშვეობით აგებდა ტროიძენეში. ამით განზრახულის დაფარვა სურდა.

როცა ყველაფერი მზად იყო, თეზევსი ზღვით გაემართა სალაშქროდ. მეგზურებად ჰყავდა დედალე და კრეტიდან გამოქცეული ლტოლვილები. ეჭვი ვერავინ აიღო; კრეტელებმა იფიქრეს, ჩვენი მოკავშირეების ზომალდები მოდიანო. თეზევსმა ნავსადგური ხელთ იგდო, ზომალდიდან გადმოვიდა და ენოსოსში მოასწრო შესვლა. აქ ლაბირინთის კარიბჭესთან ხელჩართული ბრძოლა გამართა და დევკალიონი და მისი შუბოსანი მძევლები ამოჰლიტა. ამის შემდეგ სამეფო საქმეთა გამგებლობა არიადნეს ხელში გადავიდა. თეზევსმა მასთან ზავი შეკრა, ათენელი ყმაწვილები დაიბრუნა და ათენელთა და კრეტელთა შორის მეგობრობა დაამყარა. ორივე მხარემ დაიფიცა, ერთმანეთს აღარასოდეს ევომოთო.

20. ამ ამბებზე და, კერძოდ, არიადნეზე. მრავალი თქმულება არსებობს, მაგრამ ეს თქმულებანი ერთმანეთს არ ეთანხმება. ზოგი ამბობს: თეზევსისაგან შიტოვებულმა არიადნემ თავი ჩამოიხრჩოო; ზოგიერთის გადმოცემით მეზღვაურებმა არიადნე გადასვეს ნაქსისზე,⁶³ სადაც ცოლად გაჰყვა დიონისეს⁶⁴ ჭურუმ ენარეს, ვინაიდან თეზევსმა მიატოვა და სხვა შეიყვარაო:

მკნებარე შთაუწერგა ტრფობა პანოპეისის ასულმა ეკლემ.

ეს ტაეპი, პერეა მეგარელის სიტყვით,⁶⁵ ჰესიოდედან ამოიღო ბოსისტრატემ, ხოლო ჰომეროსის „ნეკიიაში“, ათენელთა გულის მოსაგებად, ჩაუტოო აი ეს:

თეზევსი და პარიტოვ — მძლე ღმერთების ბრწყინვალე მოდგმა⁶⁶.

ზოგიერთები გადმოგვცემენ: არიანდნე თეზევსისაგან ენობიონი და სტაფილე შვაო. ამ ზოგიერთთ მიეკუთვნება იონ ქიოსელიც, ⁶⁷ რომელიც თავის ქალაქზე ამბობს:

ოდესღაც ენობიონმა, თეზევსის ძემ ააგო ესა.

ის, რაც ყველაზე საქებარია თეზევსისათვის ამ თქმულებებში, ასე ვთქვათ, ყველას პირზე აკერია; თუმცა ზემოთქმულ ამბავთა თავისებური გადმოცემა მოეპოვება პეონ ამათუსიელს ⁶⁸. მისი სიტყვით, თეზევსმა, როცა ქარიშხალმა კიპროსის სანაპიროებისაკენ გაიტაცა, მასთან მყოფი ფეხმძიმე არიანდნე, რომელიც ხომალდის რწმუნის გამო თავს ცუდად გრძნობდა და მისუსტებული იყო, ხმელეთზე მარტოდმარტო გადასვა. თვითონ კი კვლავ ხომალდს დაუბრუნდა, მაგრამ ზღვამ ხმელეთიდან შორს გაიტაცა.

იქაური ქალები არიანდნეს ალერსით შეხვდნენ, მარტოობით სასოწარკვეთილს ნუგეშს სცემდნენ და ამშვიდებდნენ; მიჰქონდათ მასთან ვითომცდა თეზევსის მიწერილი ტყუილი წერილები; მშობიარობის ქამს კი დიდად მოეხმარნენ და მოუარეს. არიანდნე მშობიარობას გადაჰყვა ისე, რომ ბავშვი არ უშობია. ქალებმა იგი მიწას მიაბარეს.

თეზევსი უკან დაბრუნდა და ამ ამბის გაგებაზე უსაზღვრო მწუხარებამ შეიპყრო. იმ ქვეყნის მკვიდრთ დაუტოვა ფული და სთხოვა არიანდნეს მოსაგონებლად მსხვერპლი შეეწირათ ხოლმე. თეზევსმა არიანდნეს ორი პატარა ქანდაკება დაუდგა, ერთი ვერცხლისა და ერთი ცპილენძისა. გორბიეოსის თვის მეორე დღეს, ⁶⁹ როცა არიანდნესათვის მსხვერპლს სწირავენ, ერთი ყმაწვილი კაცი ლოგინზე წეება ხოლმე და ისე კვნესის და მოძრაობს, როგორც მშობიარე ქალი. იმ პატარა ჭალას კი, სადაც არიანდნეს საფლავს გვიჩვენებენ, ამათუსიელები არიანდნე-აფროდიტეს ჭალას ეძახიან.

ზოგიერთი ნაქსოსელი მწერალი ამ თქმულებას თავისებურად გადმოსცემს. ისინი ამბობენ, იყო ორი მინოსი და ორი არიანდნე: ⁷⁰ ერთი არიანდნე დიონისეს შეუუღლდა ნაქსოსზე და სტაფილე შვა, მეორე და, უმცროსი არიანდნე კი, თეზევსის მიერ მოტაცებული და მერმე მიტოვებული, მოვიდა ნაქსოსზე. მასთან ერთად იყო ძიძა, სახელად კორკინე, რომლის საფლავს ახლაც კი გვიჩვენებენო. ეს არიანდნეც აქვე მოკვდა. პატივი, რომელსაც ეს არიანდნე ღებულობს, სრულებით არა ჰგავს პირველის პატივს. უფროსი არიანდნეს დღეს

მხიარულებითა და თამაშით ზეიმობენ, უმცროსისადმი მიძღვნილი მსხვერპლთშეწირვა კი მწუხარებითა და სევდითაა შეზავებული.

21. კრეტიდან გამომგზავრებული თეზევსი მიაღდა დელოსს. აქ აპოლონ ღმერთს მსხვერპლი შესწირა და არიადნესაგან საჩუქრად მიღებული აფროდიტეს ქანდაკება დაუდგა. მერმე ახალგაზრდებთან ერთად გამართა ცეკვა, რომელსაც, ამბობენ, დელოსელები დღესაც ასრულებენო. ეს რითმული ცეკვა ლაბირინთის მრავალ ხვეულს წარმოგვიდგენს, რომლის დროსაც ჯერ დახლართული, ხოლო შემდეგ გაშლილი მოძრაობები სრულდება. დიკეარქოსის გადმოცემით ცეკვის ამ სახეს დელოსელები „გერანოსს“ უწოდებენ⁷¹. ეს ცეკვა თეზევსმა მოაწყო „კერატონის“ ანუ იმ საკუთხეველის ირგვლივ, რომელიც მთლიანად საქონლის მარცხენა რქებისაგან იყო აგებული⁷². ამბობენ, თეზევსმა დელოსზე შეჯიბრებებიც მოაწყო და გამარჯვებულებმა მაშინ პირველად იმისგან მიიღეს ჯილდოდ პალმის რტო.

22. თეზევსსა და მის მესაჭეს, როცა ატიკას მიუახლოვდნენ, სიხარულისაგან დაავიწყდათ აღემართათ ის იალქანი, რომელსაც ეგეოსისათვის მათი კარგადმყოფობა უნდა ეუწყებინა. მაშინ მწუხარებისაგან სასოწარკვეთილი ეგეოსი კლდიდან გადმოიჩეხა და სიცოცხლე მოისწრაფა.

შევიდა თუ არა ნავსადგურში, თეზევსი აქედან გამგზავრების უამს ფალერონში ღმერთებისადმი აღთქმული მსხვერპლის შეწირვას შეუდგა, ქალაქში კი გადარჩენის საუწყებლად შიკრიკი აფრინა. შიკრიკი გზად მრავალ ისეთ მოქალაქეს შეხვდა, ვინც მეფის სიკვდილს მწარედ დასტიროდა და, რაც მოსალოდნელი იყო, ბევრი გაჩაგრებულიც იხილა, რომლებიც აღტაცებით შეეგებნენ და მზად იყვნენ გვირგვინებით შეემკოთ იგი. შიკრიკმა გვირგვინები მიიღო და ამ გვირგვინებით თავისი სამაცნეო კვერთხი შემოსა. შემდეგ ზღვის ნაპირზე დაბრუნდა და, რაკი თეზევსს ზედაშე ჯერ კიდევ არ დაენთხია, შორიახლო დადგა, რათა მსხვერპლშეწირვაში მისთვის ხელი არ შეეშალა. ზედაშეს დანთხევა რომ დამთავრდა, თეზევსს ეგეოსის სიკვდილი ეუწყა. თეზევსი და მისი მხლებლები ტირილითა და ზარით გაემუტნენ ქალაქისაკენ. ამბობენ, აქედან იღებს დასაბამს ის, რომ ოსქოფორიების⁷³ ზეიმის დროს ახლაც გვირგვინებით ამკობენ არა მაცნეს, არამედ მის კვერთხს, ისიც, რომ დამსწრენი ზედაშეს

დანთხევას დასძახიან „ელეღევ“-სა და „იუ, იუ“-ს. პირველ შეძახილს ჩვეულებრივ ისინი გამოსცემენ, რომლებიც გამარჯვების სიმღერას მღერიან, ხოლო მეორე ზარისა და გლოვის ნიშანი არის.

დაკრძალა თუ არა მამა, თეზევსმა მაშინვე შეუსრულა აბოლონ ღმერთს მიცემული აღთქმა. მოხდა ეს პიანფუსიონის თვის შემდეგ დღეს; სწორედ ამ დღეს შევიდნენ ქალაქში განსაცდელისაგან დახსნილნი. რაც შეეხება ცერცვის ხარშვის ადათს, ამბობენ, რომ ის დამკვიდრდა შემდეგნაირად: საფრთხისაგან თავდაღწეულმა ყმაწვილებმა დარჩენილი სურსათი ერთმანეთში აურიეს, ერთ ქოთანში მოხარშეს და საერთო ლხინზე შექამეს. ისევე, როგორც მაშინ მოქპონდათ სავედრებელი შტოები, ისე ახლაც გამოაქვთ მატყლით შემოსილი ზეთისხილის რტო, ეგრეთ წოდებული „ირესიონე“, რომელიც მოუსავლიანობის შეწყვეტის აღსანიშნავად მრავალგვარი ხილის ნაკოვით არის შემკობილი და ზედ ასე დამღერიან:

არესიონეს ჩვენთან მოაქვს პური და ლეღვი,
თაფლი თასითა, დასაზელი ტანისა ზეთიც
და შუში ღვინოც, რომ დამთვრალმა იძინო, ქალო!

ზოგიერთი ამბობს, ეს ადათები დაწესდა პერაკლიდების მოსაგონებლად, რომელთაც ათენელები ასეთივე წესით კვებავდნენო;⁷⁴ უმრავლესობა კი იმას უჭერს მხარს. რაც ზემოთ ითქვა.

23. ის ოცდაათხოფიანი ზომალდი, რომლითაც თეზევსი ყმაწვილებთან ერთად კრეტაზე გაემგზავრა და მერმე უკან უვნებლად დაბრუნდა, ათენელებმა დემეტრიოს ფალერელის დრომდე შემოინახეს.⁷⁵ ისინი მას ძველ ფიცრებს აცლიდნენ, ახალს უდგამდნენ და ასე ამავრებდნენ. ამგვარად ეს ზომალდი ფილოსოფოსებისათვისაც მსჯელობის საგანი გახდა ბუნებაში არსებულ საგანთა ზრდასთან დაკავშირებით. ერთნი ამბობდნენ: ეს იგივე ზომალდია, როგორიც აყიო; ხოლო მეორენი ამტკიცებდნენ: ეს ის ზომალდი აღარ არისო.⁷⁶

ათენელები რომ ოსქოფორიების დღესასწაულს იხდიან, ესეც თეზევსმა დააწესა. თეზევსს მაშინ ყველა ქალიშვილი, რომელთაც წილად ზვდათ მგზავრობა, კრეტაზე არ წაუყვანია. მან მეგობარ ქაბუეებში ორი სულ ახალგაზრდა და ქალური შესახედაობის, მაგრამ მამაცური სულისა და მხნეობის მქონე ყმაწვილი შეარჩია. ცხელი აბაზანებითა და აზიზი მოვლით, ზეთ-საძეხებლებით, თმისა და კანის განაზებით და სხვადასხვა მორთულობით თეზევსმა ისე შეცვალა ეს

ყმაწვილები და ისე გარდაუქმნა ხმა, გარეგნობა და მიზრა-მოზრა, რომ მართლაც ქალიშვილებს დაემსგავსნენ და ვერც ვერაფერს გამო-
არჩევდა მათგან. ამის შემდეგ თეზევსმა ისინი ასულთა რიცხვს მი-
უმატა და მათ ქალიშვილობაში ექვე არავის შეუტანია. უკან რომ
დაბრუნდა, საზეიმო მსვლელობას წინ მოუძღოდნენ თეზევსი და ეს
ორი ყმაწვილი, რომლებიც ისე იყვნენ მორთულნი, როგორც ამჟამად
ერთგვებიან ოსქოფორები⁷⁷. ოსქოფორები ვაზის რქას, თქმულების
მიხედვით, დიონისესა და არიადნეს პატივსაცემად ატარებენ, ანდა,
რაც უფრო სწორი უნდა იყოს, იმის აღსანიშნავად, რომ თეზევსი და
მისი მხლებლები უკან რთველის დროს დაბრუნდნენ. დიპნოფორები,
რომლებიც ზეიმს ესწრებიან და მსხვერპლშეწირვაში მონაწილეო-
ბენ, კრებაზე გასამგზავრებლად წილხვედრილი ყმაწვილების დე-
დებს პაბავენ. ისინი ახალგაზრდებთან მიდიან და მიაქვთ პური და
ნაირ-ნაირი სურსათი⁷⁸. ამ ზეიმზე ჰყვებიან აგრეთვე თქმულებებს
იმის მოსაგონებლად, რომ ზემოხსენებული დედებიც უყვებოდნენ
შვილებს სხვადასხვა თქმულებებს მათი გამაგრებისა და გამხნეების
მიზნით. ამ ამბავს ჩვენ დემონიც გადმოგვცემს.

ათენში თეზევსს მიწის ნაკვეთი მიუზომეს⁷⁹. იმ ოჯახებს, რომ-
ლებიც მონოსის ხარკის გადახდაში მონაწილეობდნენ, თეზევსმა და-
უწესა ბეგარა, რასაც მსხვერპლშეწირვა მოითხოვდა. მსხვერპლშე-
წირვაზე კი უნდა ეზრუნათ ფიტალიდებს. ამით თეზევსმა მათ სამა-
გიერო პატივი მიუზღო სტუმართმოყვარეობისათვის.

24. ეგეოსის სიკვდილის შემდეგ თეზევსმა დიადი და საოცარი
საქმე განიზრახა. ატიკის მთელ მოსახლეობას ერთ ქალაქში მოუყა-
რა თავი და ჩამოაყალიბა ერთი პოლისი ერთი ხალხით, რომელიც
მანამდე გაფანტულად ცხოვრობდა და საერთო სასარგებლო საქმი-
ნათვის ძნელად თავმოსაყრელი იყო. ზოგჯერ ისიც კი ზღებოდა,
რომ ერთმანეთს ედავებოდნენ და ეომებოდნენ.

თეზევსმა რჩევა-დარიგებით ჩამოუარა ცალკეულ დემებს და გვა-
რებს. უბრალო და ღარიბმა ხალხმა მაშინვე დაუჭირა მხარი მის
მოწოდებას. რაც შეეხება შეძლებულებს, თეზევსმა მათ შესთავაზა
უმეფო სახელმწიფო წყობილება — დემოკრატია, რომელიც მის მხო-
ლოდ და მხოლოდ საომარ საქმეთა არქონტად და კანონთა მცველად
გამოიყენებდა, ყველა დანარჩენთ კი სრულ თანასწორობას მიანი-
ჭებდა. ზოგიერთი მან დაიარწმუნა, ზოგმა კი, ვისაც ეშინოდა მისი

გამბეღაობისა და უკვე ეგზომ გაზრდილი ძლიერებისა, იძულების გზით დათანხმებას საკუთარი ნებით დათმობა არჩია. მაშინ თეზევს-მა გააუქმა ცალ-ცალკე არსებული პრიტანიონები, საბჭოები და თანამდებობანი, დააარსა ყველასათვის საერთო ერთი პრიტანიონი და ერთი საბჭო იქ, სადაც ახლა ქალაქია გაშენებული; უწოდა პოლისს სახელად ათენი და საზოგადო — პანათენური დღესასწაულიც დააწესა. ასევე დაადგინა მან ჰეკატომბეონის მეთექვსმეტე დღეს სამსხვერპლო დღეობა — მეტროიკიები, რასაც ჯერაც კიდევ იხდიან. ამის შემდეგ, მიცემული პირობის შესაბამისად, სამეფოს ძალაუფლებაზე ხელი აიღო და დემოკრატების შემწეობით სახელმწიფო წყობილების მოწესრიგებას შეუდგა⁸⁰. პოლისის ბედის თაობაზე იგი სამისნოს დაეკითხა და ასეთი წინთქმა მიიღო:

ძეო ეგეოსის, თეზევს, შენ, პითეასის ასულის შოღვაჲ,
მრავალი ქალაქის ბედი და საზღვრები მამამან ჩემმან
მაგ თქვენი პოლისის შიგნით მოათავსა ჯერ კიდევ როდის,
მამ, ნუღარ იწვალებ შენს თავს ეგზომ ძლიერ ფიქრით და განსჯით;
გახსოვდეს, რომ ტყავის გულა ზღვის ტალღებზე იოლად ცურავს.⁸¹

გადმოგვცემენ, ეს წინთქმა პოლისის თაობაზე უფრო გვიან სიბილაშაც⁸² ლექსად წარმოთქვაო:

თუნდაც დასველდეს, ბედი როდი ჩაძირავს ტიქსა.

25. თეზევსს სურდა პოლისი კიდევ უფრო მეტად გაეზარდა. ამიტომ ქალაქში იწვევდა ყველას და თანასწორ უფლებებს სთავაზობდა. ამბობენ, ცნობილი მოწოდება: „ხალხნო ყოველნო, აქ მოდიეთო!“ იყო მოწოდება თეზევსისა, რომელიც საერთო სახალხო ქალაქს აყალიბებდა. მაგრამ არც ის დაუშვია, რომ მრავლად მოზღვავებულ ბრბოს რაღაც აღრეული და უწესრიგო დემოკრატია შეექმნა. მან პირველმა გამოჰყო მოსახლეობიდან ცალ-ცალკე ევპატრიდები, გეომორები და დემიურგები, ევპატრიდებს დაუდგინა საღვთო საქმეთა ცოდნა, თანამდებობათა აღსრულება, კანონთმოდგერობა და დანართენ მოქალაქეთათვის ზეციურ თუ ამქვეყნიურ აღათთა განმმარტებლად ყოფნა. თანასწორობა დააფუძნა იმაზე, რომ ევპატრიდები გამოირჩეოდნენ პატივით, გეომორები — სარგებლიანობით, ხოლო დემიურგები — მრავალრიცხოვნობით⁸³.

არისტოტელეს სიტყვას, რომ თეზევსი პირველი დაეყარნო

ბრბოს და ხელი აიღო მონარქიაზე, როგორც ჩანს, „ზომალდთა კატალოგში“ გვიმოწმებს ჰომეროსიც, რომელიც მხოლოდ და მხოლოდ ათენელებს უწოდებს დემოსს⁸⁴.

თეზევსმა მოჭრა ფულიც, რომელზედაც ხარის გამოსახულება აღბეჭდა. შეიძლება ეს მართონის ხარის ან მინოსის სტრატეგოსის გამო გააქეთა⁸⁵ ანდა, შესაძლოა, ამით მოქალაქეებს მიწათმოქმედებისაკენ მოუწოდებდა. ამბობენ, აქედან წარმოიშვა სიტყვები: „პეკატომბონი და დეკამბონიო“⁸⁶.

თეზევსმა ატიკას მტკიცედ შეუერთა მეგარის მხარე. მან ისთმოსში დადგა საყოველთაოდ ცნობილი სვეტი, რომელზედაც ქვეყნის საზღვრის აღსანიშნავად ტრიმეტრით⁸⁷ გააქეთა ორი წარწერა, რომელთაგან ერთი, აღმოსავლეთისაკენ მიმართული, აუწყებდა:

პელოპონესი არ არის აქ, იონია;

მეორე, დასავლეთისაკენ მიმართული, კი გვამცნობდა:

პელოპონესია აქ და არა იონია.⁸⁸

ისტმოსშივე მოაწყო მან გიმნასტური შეჯიბრებები ჰერაკლეს მიზაძვით. მსურვალედ სურდა ბერძნებს მისი მიზეზით ეზეიმოდ ხოლმე ისთმური დღეობები პოსეიდონის სადიდებლად ისევე, როგორც ჰერაკლეს მიზეზით ზეიმობდნენ ოლიმპიურ დღეობებს ზევსის სადიდებლად⁸⁹. ისთმოსში დაწესებული მელიკერტესადმი მიძღვნილი დღესასწაული კი ღამით იმართებოდა ხოლმე და წმიდა საიდუმლოების აღსრულებას უფრო ჰგავდა, ვიდრე ზანახაობასა და საყოველთაო ზეიმს⁹⁰. ზოგიერთი ამბობს, ისთმური დღეობები თეზევსმა მიუძღვნა სკირონს, ვინაიდან სურდა ნათესავის მკვლელობისაგან განწმენდილიყო: სკირონი კანეთესა და პითევსის ასულის ჰენიოქეს შვილი იყო. სხვები კი ამტკიცებდნენ: სკირონს კი არა — სინისს, სწორედ ამ უკანასკნელს მოუწყო მან გიმნასტური შეჯიბრებები და არა პირველსაო.

კორინთელებს თეზევსმა დაუწესა, რომ ჩამოსულ ათენელები-სათვის მიეცათ ხოლმე ისთმურ დღეობებზე წინა ადგილები ისეთი სივრცისა, რასაც დაიკავებდა წმინდა ზომალდის მიწაზე დაფენილი იალქანი⁹¹. ასე გადმოგვცემენ ჰელანიკე და პალიკარნასელი ანდრონი⁹².

26. თეზევსმა, როგორც ფილოქორე და სხვებიც გადმოგვცემენ,

ევქსინის პონტო⁹³ გადაცურა და ჰერაკლესთან ერთად ამადონ ქალეზზე გაილაშქრა. სიმამაცის ჯილდოდ მან მიიღო ანტიოპე. მაგრამ უმრავლესობა კი, რომელთა შორისაც ფერეკიდე, ჰელანიკე და ჰეროდორეც არიან⁹⁴, ამბობს, რომ თეზევსი სალაშქროდ გაემართა საკუთარი ხომალდით ჰერაკლესზე უფრო გვიან და ამადონი ქალი ტყვედ ჩაიგდო. ესენი უფრო სწორს ამბობენ. მართლაც, მასთან ერთად მოლაშქრეთაგან გადმოცემაში სხვა არავინ ჩანს ისეთი, ვისაც ამადონი ქალი ტყვედ ჩაეგდოს. ბიონი მოგვითხრობს: თეზევსმა ამადონი მოტყუებით გაიტაცაო. საქმე ისაა, რომ ამადონი ქალები მამაკაცთა მოყვარულნი არიან და აი, როცა თეზევსი მათი ქვეყნის ნაპირს მიადგა, კი არ გატყუულან, არამედ სასტუმრო ძღვენი გაუგზავნეს მას. ძღვენის მიმტან ამადონს თეზევსმა ხომალდზე ასვლა სთხოვა თურმე და, როცა ქალი ავიდა, თეზევსი მყისვე გავიდა ზღვაშიო.

ვინმე მენეკრატე, რომელმაც ბითონიის ქალაქ ნიკეას ისტორია გამოსცა, ამბობს, რომ ანტიოპეს დაუფლებული თეზევსი ერთხანს ამადონთა მხარეში ცხოვრობდა; თან ახლდა მასთან ერთად მოლაშქრე სამი ათენელი ახალგაზრდა, ძმები ევნევსი, თოანტი და სოლოენტი. ამ უკანასკნელს შეუყვარდა ანტიოპე, მაგრამ თავის ვრძნობას ყველას უმაღავდა, გარდა ერთი მეგობრისა, რომელსაც გულისნადები გაუზიარა. ამან ანტიოპესთან შეამავლობა გაუწია. ანტიოპემ შეთავაზებული წინადადება უკუაგდო, მაგრამ გონივრულად მოიქცა და თეზევსისათვის არ შეუჩივლია. სასოწარკვეთილი სოლოენტი მდინარეში გადავარდა და დაიღუპა. როცა თეზევსმა ახალგაზრდა კაცის ტანჯვისა და უბედურების მიზეზი შეიტყო, ღრმა მწუხარებას მიეცა და ოდესღაც პითიასაგან მიღებული წინთქმა ამას დაუკავშირა. დელფოში პითიამ უმისნა: თუ უცხო მხარეში მძიმე სევდა შეიპყრობდა და მეტისმეტად დადარდიანდებოდა, იქ ქალაქი აეშენებინა და ამ ქალაქის წინამძღოლებად მისი ამალიდან გამორჩეული პირები დაეტოვებინა. მართლაც, თეზევსმა აქ ქალაქი დააარსა; ღვთაების სადიდებლად ქალაქს პითიპოლისი უწოდა, ხოლო მახლობელ მდინარეს ახალგაზრდა კაცის ხსოვნის აღსანიშნავად სოლოენტი დაარქვა. წინამძღოლებად და კანონთა დამწესებლებად ქალაქში დატოვა დაღუპული ყმაწვილი კაცის ძმები და მათთან ერთად ათენელი ვაჟკაცი, ევატრიდთაგანი ჰერმოოსი. აი, ამის გამოა, რომ პითიპოლისელები ერთ-ერთ ადგილს ქალაქში „ჰერმეისის სახლს“ ეძახიან.

მაგრამ სვამენ რა შეცდომით შემოსილ მახვილს მეორე მარცვალზე, ამით გმირის პატივისცემა ღმერთზე გადააქვთ⁹⁵.

27. ამაძონი ქალის მოტაცებამ ამაძონების ომი გამოიწვია. ეს ომი, თუმცე ქალებთან წარმოებული, უბრალო საქმე როდი იყო. ამაძონები შიგ ათენში ვერ დაბანაკდებოდნენ და ბრძოლაში პირდაპირ პნიქსსა და მუსეიონთან ვერ ჩაებმებოდნენ,⁹⁶ რომ მთელ მხარეს არ დაუფლებოდნენ და პოლისში უშიშრად არ შეედწიათ. პელანიკეს გადმოცემული ამბავი, ამაძონებმა კიმერიის გაყინული ბოსფორი⁹⁷ გადმოლახეს და ატიკაში ისე მოვიდნენო, ძნელი დასაჯერებელია. მაგრამ ისინი რომ შუაგულ პოლისში დაბანაკდნენ, ამის უტყუარი მოწმეა მრავალი ადგილის სახელი და ბრძოლაში დაღუპულთა საფლავები.

ორივე მებრძოლი მხარე დიდი ხნის განმავლობაში ყოყმანობდა და შეტევის დაწყებას აყოვნებდა. ბოლოს თეზევსმა, მისნის ნათქვამის თანახმად, შესწირა მსხვერპლი ფობოსს⁹⁸ და ამაძონებს ეკვეთა. ბრძოლა მოჭდა ბოედრომიონის თვეში.⁹⁹ აი, ამ ბრძოლის გამო ათენელები დღემდე მართავენ ბოედრომიონების დღესასწაულს.

კლიდემე, რომელიც ცდილობს ყველაფერი ზუსტად და დაწვრილებით გადმოგვცეს, მოგვითხრობს, რომ ამაძონთა მარცხენა ფრთა მიბრუნებული იყო ახლანდელი ამაძონიონისკენ, მარჯვენა კი პნიქსის გასწვრივ იდგა და ქრისემდე აღწევდა. ამ ფრთას ათენელები მუსეიონიდან დაესხნენ თავს და ამაძონებთან ბრძოლაში ჩაებნენ. ბრძოლაში დაცემულთა საფლავები განლაგებულია იმ ქუჩის გასწვრივ, რომელსაც გმირ ქალკოდონტის ტაძრის მახლობლად მდებარე კარიბჭესთან მივყევართ. ამ კარიბჭეს ამჟამად პირევის კარიბჭეს ეძახიან. ბრძოლის დროს ათენელები იძულებული გახდნენ ქალებისთვის ზურგი ეჩვენებინათ და უკან დახეულიყვნენ, ვიდრე ეგმენიდების ტაძრამდე. მერმე ათენელები პალადიონიდან,¹⁰⁰ არდეტოსიდან და ლიკეონიდან ეკვეთნენ ამაძონებს, მათი მარჯვენა ფრთა ბანაკამდე უკუაგდეს და მრავალი გაჟლიტეს. მეოთხე თვეს, პიპოლიტეს წყალობით, შეიკრა ზავი. კლიდემე იმ ამაძონ ქალს, რომელიც თეზევსთან ცხოვრობდა, პიპოლიტეს უწოდებს და არა ანტიოპეს. სხვები ამბობენ: ეს ქალი თეზევსის მხარეზე იბრძოდა, მოლბადიას ნატყორცნმა შუბმა განვმირა და მის საფლავზე ოლიმპიის ვეის ტაძრის მახლობლად სამახსოვრო სვეტი დგასო.¹⁰¹

გასაკვირველი სრულებითაც არ არის, რომ ისტორია იბნევა ეგ-
ზომ შორეულ ამბავთა გადმოცემის დროს. ასე, მაგალითად, ამბო-
ბენ, დაჭრილი ამაძონები ანტიოპემ უჩუმრად გაგზავნა ქალკიდაში,
სადაც მათ მკურნალობდნენ; ზოგიერთები კი დაკრძალული არიან
ახლანდელი ამაძონიონის მახლობლად.

ასე იყო თუ ისე, ყოველ შემთხვევაში, ამაძონებთან ომი ზავით
დამთავრდა. ამას გვიმოწმებს, ერთი მხრივ, თეზესის ტაძრის მახ-
ლობლად მდებარე იმ ადგილის სახელი ჰორკომოსიონი,¹⁰² მეორე
მხრივ კი ის, რომ აქ ძველთაგანვე სწირავდნენ ზოლმე მსხვერპლს
ამაძონებს თეზესისადმი მიძღვნილი დღესასწაულის წინაღღეს.

ამაძონების საფლავს თავიანთ მხარეში უჩვენებენ მეგარელებიც;
სახელდობრ, იმ გზაზე, რომელსაც მოედინიდან, სადაც რომბოიდი
დგას, ეგრეთ წოდებულ რუსისაკენ მიეყვებათ.¹⁰³ ამბობენ აგრეთვე
იმასაც, რომ ზოგიერთი ამაძონი ქერონეაში მოკვდა და დაკრძალუ-
ლი არიან ღელის პირად, რომელსაც ძველად, ვგონებ, თერმოლონტი
ერქვა, ამჟამად კი ჰემონს ეძახიან. ამის თაობაზე ცნობები ჩვენ დე-
მოსთენეს ცხოვრების აღწერაში გვიწერია.¹⁰⁴ როგორც ჩანს, ამაძო-
ნებს არც თესალია გადაუვლიათ უომრად. მათ საფლავებს ჯერ კი-
დეც ახლაც გვიჩვენებენ სკოტუსასა და კინოსკეფალეს მახლობლად.¹⁰⁵

28. აი, ყველაფერი ის ამაძონთა შესახებ, რაც მოგონების ღირსი
იყო. „თეზიდის“ ავტორი, რომელმაც ამაძონების ამხედრების ამ-
ბავი აღწერა, მოგვითხრობს: როცა თეზესმა ფედრა შეირთო ცო-
ლად, ანტიოპემ ეს ლაშქრობა წამოიწყო; ანტიოპეს სხვა ამაძონებიც
შეუერთდნენ შურის საძიებლად და ჰერაკლემ ისინი ამოეღიტაო;
მაგრამ ეს ზღაპარი და მოჩმახული ამბავია.¹⁰⁶

ანტიოპეს სიკვდილის შემდეგ თეზესმა შეირთო ფედრა. ანტი-
ოპესაგან თეზესს ჰყავდა ვაჟიშვილი იბოლიტე, ან, როგორც პინდა-
რე ამბობს, დემოფონტი. რაც შეეხება იმ უბედურებას, რაც თეზესს
ცოლისა და ვაჟიშვილისაგან შეხვდა, რაკილა ამ ამბის გადმოცემაში
ტრაგიკოსები ისტორიკოსებს ეთანხმებიან, სარწმუნოდ უნდა მივიჩ-
ნიოთ, რასაც ისინი წერენ.¹⁰⁷

29. არსებობს სხვა გადმოცემებიც თეზესის ქორწინებათა თა-
ობაზე, რომლებიც სცენას ასცდნენ. ამ ქორწინებათ არც დასაწყისი
ჰქონიათ კეთილგონივრული და არც დასასრული ბედნიერი. ამბობენ,
თეზესმა მოიტაცა ტროიძენელი ქალი, ვინმე ანაქსო, ხოლო სინი-

სისა და კერკიონის მოკვლის შემდეგ ძალადობა იხმარა მათ ქალიშვილებზე; მან ცოლად შეირთო აიანტის დედა პერიბეა, შერმე ითხოვა ფერებეა, შემდეგ იფიკლეს ასული — იოპე. პანოპევის ასულის ეგლეს ტრფობისთვის, როგორც ზემოთ ვთქვით, მიატოვა არიადნე, რისთვისაც ბრალს სდებდნენ, ულამაზო და შეუფერებელი საქციელი ჩაიდინაო. მაგრამ ყველაფერს გადააჭარბა ელენეს მოტაცებამ, რამაც მთელი ატიკა ომის ცეცხლში გახვია და თეზევსს საბოლოოდ გაქცევა და დაღუპვა არგუნა წილად. ამის შესახებ ქვევით ვიტყვით.

იმხანად გმირებმა მრავალი საგმირო საქმე ჩაიდინეს. ჰეროდოტე ფიქრობს, რომ თეზევსმა მონაწილეობა მიიღო მხოლოდ და მხოლოდ ლაპითებისა და კენტავრების ბრძოლაში. სხვები კი ამბობენ, იგი ისაონთან ერთად კოლხებშიც იყო და მელეაგრესთან ერთად გარეული ტახიც დაამარცხაო.¹⁰⁸ აი, აქედან მომდინარეობს ანდაზა: „არაფერი უთეზევსოდ“.¹⁰⁹ თვითონ თეზევსმა კი მარტომ, მოკავშირის გარეშე, მრავალი და ბრწყინვალე საქმე შეასრულა. ამიტომ გავრცელდა მასზე ხმები: „ეს მეორე ჰერაკლეოა“. გარდა ამისა, თეზევსმა დახმარება აღმოუჩინა აღრასტეს კადმეასთან დაღუპული მებრძოლების გვამთა მოძებნასა და დაკრძალვაში.¹¹⁰

მან ეს მოახერხა არა თებულების დამარცხებით ბრძოლაში, როგორც ეს ევრიპიდეს გამოჰყავს ტრაგედიაში,¹¹¹ არამედ დარწმუნებისა და მშვიდობიანი მოლაპარაკების გზით. უმრავლესობა ამას ასე გადმოგვცემს; ფილოქორე გვიმტკიცებს, ეს იყო პირველი ზავი, რომელიც გვამთა გადაცემისა და დაკრძალვის გამო დაიდო. მაგრამ საქმე ისაა, რომ ჰერაკლე პირველი გახლდათ, რომელმაც მტრებს მოკლულთა გვამები გადასცა; ამაზე მოთხოვნილია ჰერაკლეს ამბავთა წიგნში.¹¹² ელევთერში გვიჩვენებენ მრავალი ჭარისკაცის საფლავებს, ელევსინში კი — წინამძღოლებისას. ეს თეზევსის იმ დახმარების ნიშანია, რომელიც აღრასტეს გაუწია. ამას ჩვენ გვიმოწმებს ევრიპიდეს „მავედრებელი ქალებიც“ და ესქილეს „ელევსინელებიც“, რომლებშიც თეზევსი თვითონვე ამბობს იმას, რაც მოიმოქმედა.

30. თეზევსის დამეგობრება პირითუსთან, ამბობენ, შემდეგნაირად მოხდაო:¹¹³ თეზევსს ძალ-ღონისა და სიმამაცის წყალობით დიდი სახელი ჰქონდა გავარდნილი. პირითუსმა გადაწყვიტა დასარწმუნებლად გამოეცადა თეზევსის ვაჟკაცობა. ამიტომ მართონიდან თეზევსის ხარები გაიტაცა. როცა შეიტყო, შეიარაღებული თეზევსი

კვალდაკეოლ მისდევდა, კი არ გაიქცა, არამედ შემობრუნდა და გმირს პირისპირ შეხვდა. როგორც კი შეხედეს ერთმანეთს, ისე მოიხიბლნენ ერთიმეორის სილამაზით და მამაცობით, რომ ბრძოლაზე მყისვე აიღეს ხელი. პირითუსმა პირველმა გაუწოდა მარჯვენა თეზევს და სთხოვა, თვითონვე ყოფილიყო ხარების ვატაყების საქმის მოსამართლე და თან უთხრა: მზადა ვარ მივიღო ის სასჯელი, რასაც მომიზღავო. თეზევსმა დანაშაული შეუნდო და წინადადება მისცა, მისი მეგობარი და მოკავშირე გამხდარიყო. მეგობრობა გმირებმა ფიცით შეკრეს.

მცირე ხნის შემდეგ, დეიდამიასთან ქორწინების დროს პირითუსმა თეზევს შეუთვალა, სწვეოდა, გაეცნო მისი მხარე და ლაბითებს დაახლოებოდა. ქორწილზე მიიწვიეს კენტავრებიც. როცა ღვინით შეზარხოშებულმა კენტავრებმა თავხედობა დაიწყეს და ლაბითთა ქალებს დაერივნენ, ლაბითებმა ქალების დასაცავად ხელი გამოიღეს. ზოგიერთი კენტავრი იქვე მოკლეს, ზოგიც ბრძოლით დაამარცხეს და ბოლოს, თეზევსის მონაწილეობით და შემწყობით, თავიანთი ქვეყნიდან გარეკეს.

პეროდორე გადმოგვცემს, ეს ამბავი აგრე არ მომხდარაო: კენტავრებსა და ლაბითებს შორის ომი უკვე ატეხილი იყო, როცა თეზევსი ლაბითების დასახმარებლად მივიდა. მან პირველად მაშინ იხილა საკუთარი თვალთა პერაკლე: თეზევსი დიდხანს ემზადებოდა შეხვედროდა ტრაქინეში¹⁴ გმირს, რომელიც იქ ისვენებდა მრავალი ხეტიალისა და საგმირო საქმის შესრულების შემდეგ. მათი შეხვედრა აღსავსე იყო ერთმანეთის პატივისცემით, სიყვარულითა და ქებადიდებით.

მოუხედავად ასეთი გადმოცემისა, უფრო მეტად იმათ დაეჯერებათ, რომლებიც მოგვეთხრობენ, რომ პერაკლე და თეზევსი უწინაც მრავალჯერ შეხვედრიან ერთმანეთს: რომ პერაკლემ წმიდა საიდუმლოების აღსრულებაში მონაწილეობა თეზევსის შემწყობით მიიღო, წინასწარ კი განიწმინდა, როგორც ამას საჭიროება მოითხოვდა, უნებლიეთ ჩადენილ შეცოდებათაგან.

31. ჰელანიკეს სიტყვით, თეზევსი უკვე ორმოცდაათი წლის კაცი იყო, როცა მისი ასაკისათვის შეუფერებელი საქციელი ჩაიდინა და ელენე მოიტაცა¹⁵. ამიტომაც, რომ ზოგიერთი, რომელსაც ამ მძიმე ბრალდებიდან მისი დახსნა სურს, ამბობს: ელენე თეზევსმა კი

არა, იდასმა და ლინკეცსა მოიტაცეს; მოტაცებული ქალი დასაცავად ჩააბარეს თეზეცს და დაუბარეს, არ დამორჩილებოდა დიოსკურების მოთხოვნას და არ დაებრუნებინა ელენე¹¹⁶. ისინი, ზეცის ვფიცავ, იმასაც კი გვიმტკიცებენ: ელენე თეზეცს გადასცა თვითონ ტინდაროსმა, ვინაიდან ეშინოდა, ჯერ კიდევ სულ ბავშვი ელენე არ მოეტაცა პიპოკონტის ძეს ენარსფორესო¹¹⁷.

ყველაზე ჭეშმარიტი ამბავი, რომელსაც მრავალი მწერალი გვიმოწმებს, მაინც აი ეს არის: თეზეცსი და პირითუსი ორივენი ერთად მივიდნენ სპარტაში, მოიტაცეს გოგონა, რომელიც იმ დროს არტემიდე-ორთიას ტაძარში ცეკვავდა და გაიქცნენ. მღევრად გაგზავნილი კაცები ტეგეას¹¹⁸ იქით აღარ დადევნებია. საფრთხეს გადაარჩენილმა გამტაცებლებმა პელოპონესი გადაიარეს და მერმე პირობა შეკრეს, ვისაც წილისყრით ელენე ცოლად შეზდებოდა, იგი უნდა დახმარებოდა მეგობარს საცოლის შოვნაში. ამის შემდეგ, პირობის თანახმად, წილი ჰყარეს და ელენე შეხვდა თეზეცს. თეზეცსა გოგონა, რომელსაც ქორწინების ასაკი ჯერ არ დადგომოდა, აფიდნეში¹¹⁹ მიიყვანა, მასთან დედამისი ეთრა დატოვა და ქალიშვილზე ზრუნვა თავის მეგობარს აფიდნოსს დააგელა, რომელსაც სთხოვა კარგად დაეცვა იგი და ყველასთვის დაემალა. თვითონ კი, პირითუსისთვის სამაგიეროს გადახდის მიზნით, მასთან ერთად გაემგზავრა ეპირში მოლოსთა მეფე აიდონეცის ქალიშვილის მოსატაცებლად. ეს აიდონეცის თავის ცოლს პერსეფონეს ეძახდა, ქალიშვილს — კორეს, ძალღს კი — კერბერს. აიდონეცსი იმას, ვინც მისი ქალიშვილის ქმრობას მოინდომებდა, წინადადებას აძლევდა, მის ძალღს კერბერს შერკინებოდა; გამარჯვებული, პირობის თანახმად, მის ქალიშვილს ცოლად წაიყვანდა. როცა აიდონეცსმა შეიტყო, პირითუსი და მისი ამზანავი, სიძობაზე ბედის საცდელად კი არა, ქალღს მოსატაცებლად არიან მოსულიო, ორივენი შეიბყრო. პირითუსი მყისვე დაავლევჩინა ძალღს, თეზეცსი კი სატუსალოში ჩაეკეტა¹²⁰.

32. სწორედ ამ დროს მენესთეცსმა, იმ პეტეცის ძემ, რომელიც ლრენეცის ვაჟი და ერებთეცის შვილიშვილი იყო, როგორც ამბობენ, აღამიანთა შორის პირველმა დაიწყო დემაგოგობა და სიტყვიერი გამოსვლებით ბრბოს გულის მოგება. მან ამხედრა და წააქეზა თეზეცსზე ისედაც გულმოსული შეძლებულები. ისინი გამსჭვალულნი იყვნენ იმ აზრით, რომ თეზეცსმა ყოველ ევაპატრიღს, რომლებიც

ცალ-ცალკე დემებში მბრძანებლობდნენ, საგამგებლო და მეფობის უფლება აღუკვეთა, მათ ერთ ქალაქში მოუყარა თავი და თავის ქვეშევრდომებად და მონებად აქცია. რაც შეეხება მდაბიო ხალხს, მენესთევსი აწვდებდა და უსაყვედურებდა, რომ მდაბირნი თავისუფლების აპრდილს ხედავენ მხოლოდ, სინამდვილეში მათ სამშობლოც წართმეული აქვთ, საღვთო საქმეთა შესრულების უფლებაც და მრავალ კეთილშობილ და კანონიერ ბასილევსთა ნაცვლად ერთ გადამთიელ და მოთრეულ დესპოტს შესცქერაინ.

მენესთევსის ამბოხებისაკენ გამიზნულ საქმიანობას მეტისმეტად შეუწყო ხელი ტინდარიდების თავდასხმით გამოწვეულმა ომმა. ამბობენ, რომ ტინდარიდებმა შეიარაღებული თავდასხმა მხოლოდ და მხოლოდ მენესთევსის შეგონებით მოახდინესო. ტინდარიდებს დასაწყისში ხელი არ გამოუღიათ და მხოლოდ თავიანთ დას მოითხოვდნენ. მაგრამ, როცა ქალაქის მოსახლეობამ დაჟინებით უპასუხა, რომ მათი და არა ჰყავთ და არც იციან, სად იმყოფება, მაშინ ტინდარიდებმა ომი დაიწყეს. ამ დროს აკადემოსმა როგორღაც გაიგო, რომ ელენე აფიდნეში ჰყავდათ დამალული და ეს ტინდარიდებს აცნობა. ამის გამო აკადემოსს სიცოცხლეში ტინდარიდებისაგან მრავალი პატივი ხვდა; შემდეგშიც, როცა ლაქედმონელები მრავალჯნის შეჭრილან ატიკაში და მთელი მხარე უოხრებიათ, აკადემოსის პატივისცემის გამო არც ერთხელ არ უხლიათ ხელი აკადემიისათვის¹²¹.

დიკეარქოსი ამბობს, ტინდარიდებთან ერთად მაშინ ლაშქრობაში არკადიიდან მოსული ექედემოსი და მარათოსი მონაწილეობდნენ. ექედემოსის სახელისაგან ექედემია ეწოდა ახლანდელ აკადემიას, ხოლო მარათოსის სახელი შეერქვა მარათონის დემს, ვინაიდან მარათოსმა რომელიღაც წინასწარმეტყველების გამო საკუთარი ნებით შეაწირინა თავი მსხვერპლად დარაზმული ჯარის წინ. ტინდარიდები აფიდნეში გაემართნენ, ბრძოლაში გაიმარჯვეს და ქალაქი აიღეს. ამბობენ, აქ ბრძოლაში დაეცა სკირონის ვაჟი ალიკე, რომელიც მაშინ დიოსკურებთან ერთად წამოვიდა ხალაშქროდ. მეგარის მხარეში ერთი ადგილი ამ ალიკეს სახელს ატარებს, ვინაიდან ყმაწვილი აქ დაკრძალესო. ჰერეა კი გადმოგვცემს, რომ ალიკე თეზევსმა განგმირა აფიდნესთანო, ამის დასამოწმებლად მოაქვს ლექსი ალიკეზე:

ის აფიდნეს ქალაქთან დიდთან თეზევსმა ბრძოლაში
მოკლა ლამაზთმიან ელენეს გამო.¹²²

მე კი მგონია, თეზვესი რომ იმ დროს იქ ყოფილიყო, ვერც აფიდ-
ნეს აიღებდნენ და ვერც თეზვესის დედას წაიყვანდნენ ტყვედ.

33. აფიდნეს აღებამ ათენის მოსახლეობა დიდად დააშინა. მაშინ
მენესთევსმა ზალხი დაარწმუნა, ქალაქში მიეღოთ და გულთბილად
მოაქიდებოდნენ ტინდარიდებს, რომლებიც, მისი სიტყვით, ეომებოდ-
ნენ მხოლოდ და მხოლოდ მათ შეუტაცბყოფელ თეზვესს, დანარჩენ
მოქალაქეთათვის კი კეთილისმდომნი იყვნენ და ხსნა მოაქონდათ.
ტინდარიდები თავიანთი საქმით ამართლებდნენ მენესთევსის სი-
ტყვებს. ისინი, მიუხედავად იმისა, რომ ყველაფერი მათ ხელში იყო,
წმინდა საიდუმლოებაში მონაწილეობის უფლების გარდა სხვას არა-
ფერს თხოულობდნენ¹²³. ეს უფლება კი მათ უნდა მიეღოთ, ვინაი-
დან პერაკლეზე ნაკლები ნათესაობით როდი იყვნენ დაკავშირებული
ქალაქთან. ამ უფლების მოპოვებაში მათ დაეხმარა ის, რომ ქალაქმა
აფიდნემ ისინი იშვილა ისე, როგორც თავის დროზე პილიოსმა იშვი-
ლა პერაკლე¹²⁴. ტინდარიდები ღვთაებრივი პატივისცემით სარგებ-
ლობდნენ და ამიერიდან ანაკეზად იწოდებოდნენ, ან იმიტომ,
რომ ზავი დაიდო,¹²⁵ ანდა იმის გამო, რომ ყოველნაირად ცდილობდ-
ნენ და ზრუნავდნენ ქალაქში დიდძალი ჯარის ყოფნის ჟამს არავის
ცუდი რამ არ შემთხვეოდა. ანაკოს ეხეინ-ს ისეთ პირებზე
იტყვიან ხოლმე, რომლებიც რამეზე ზრუნავენ და ფხიზლობენ. შე-
საძლოა, ბასილევსებსაც ამის გამო ეძახიან ანაკტებს. ზოგი-
ერთის აზრით, ტინდარიდების სახელი ანაკები დაკავშირებუ-
ლია მათი ვარსკვლავების გამოჩენასთან ზეცაზე:¹²⁶ ატიკელები ხომ
ზემთო მყოფ საგნებზე ანეკას იტყვიან და ანოთენ-ის ნაცვ-
ლად ანეკათენ-ს ამბობენ¹²⁷.

34. თეზვესის დედა ეთრა, რომელიც დაატყვევეს, ამბობენ, ჯერ
ლაკედემონში, ხოლო აქედან, ელენესთან ერთად, ტროაში წაიყვა-
ნესო. პომეროსიც გვიმოწმებს თავისი სიტყვით, რომ ელენეს გაჰყვა.

პითეისის ასული ეთრა და კლიმენე, თვალადი ქალი¹²⁸.

ზოგიერთი ამ ტაეპს ყალბად თვლის. ასევე ყალბად თვლიან მითს
იმ მუნიქეს შესახებ, რომელიც ლაოდიკემ დემოფონტისაგან გააჩი-
ნა მალულად და რომელიც, გადმოცემის მიხედვით, ეთრამ გამოზარ-
და ილიონში¹²⁹. ისტროსი „ატიკის ისტორიის“ მეცამეტე წიგნში
ეთრაზე თავისებურ და სრულიად განსხვავებულ ამბავს გადმოგვ-

ცემს¹⁸⁰. ასევე თავისებურებას იჩენენ ისინი, რომლებიც მოგვი-
თხრობენ, რომ ალექსანდრე, თესალიაში პარისად წოდებული, ბრძო-
ლაში დაამარცხეს აქილევსმა და პატროკლემ სპერქიოსის ნაპირ-
თან¹⁸¹, ხოლო პექტორმა ტროიძენელთა ქალაქი აიღო, გაძარცვა და
აქ დატოვებული ეთრა თან წაიყვანა. მაგრამ ამ გადმოცემას მრავალ-
ი შეუსაბამობა ახლავს.

35. ერთხელ მოლონელმა აიდონევსმა სტუმრად მიიღო პერაკლე
და მასთან საუბარში მოიგონა თეზევსი და პირითუსი, თუ რა გან-
ზრახვით მივიდნენ ისინი მასთან, როგორ ამხილეს ისინი და დასა-
ჯეს. პერაკლე მეტად შეწუხდა, როცა გაიგო, რომ ერთი მათგანი უსა-
ხელოდ დაღუპულიყო და მეორეც დაღუპვის პირზე იდგა. მან იცო-
და, პირითუსისთვის საყვედურებით ველარაფერს გააწყობდა, რაც
შეეხება თეზევსს, პერაკლემ მეფეს სთხოვა, მაღლი მოედო და იგი
მისთვის დაეთმო. აიდონევსი ამაზე დათანხმდა და გათავისუფლებუ-
ლი თეზევსი ათენში დაბრუნდა, სადაც მისი მეგობრები ჯერ კიდევ
არ იყვნენ მთლიანად დამარცხებულნი.

ყველა ის სატაძრო ნაკვეთი¹⁸², რომელიც მას უწინ ქალაქმა მი-
უზომა, გარდა, როგორც ფილოქორე გადმოგვცემს, ოთხი ნაკვეთისა,
თეზევსმა პერაკლეს შესწირა და „თესეიონების“ ნაცვლად „პერაკ-
ლეიონები“ დაარქვა.

თეზევსმა მაშინვე მოინდომა ძველებურად მოეკიდა ხელი მარ-
თვა-გამგეობისათვის და სახელმწიფოს სათავეში ჩამდგარიყო, მაგრამ
წინ საყოველთაო ამბოხება და შფოთი გადაეღობა. ვინც მისადმი
ზიზიით იყო გამსჭვალულნი, ახლა მისი შიში სრულებით აღარ ჰქონ-
დათ. მოსახლეობის უმრავლესობაც გადაგვარებული დახვდა. ხალხი,
იმის მაგივრად, რომ უსიტყვოდ შეესრულებინა ბრძანება, პატივის-
ცემას მოითხოვდა. მაშინ თეზევსმა ძალდატანებას მიმართა, მაგრამ
დემაგოგიისა და ამბოხებათა წყალობით დამარცხდა. თეზევსმა ბო-
ლოს და ბოლოს სახელმწიფო საქმეებზე ხელი აიღო, თავისი ბავშვე-
ბი მალულად ეგებეზე გაგზავნა ელფენოტთან, ქალკოდონტის შვილ-
თან; თვითონ კი დასწყევლა ათენელები გარგეტოსში, სადაც ახლა
ეგრეთ წოდებული არატერიონია და სკიროსზე გაემგზავრა¹⁸³. იგი
ფიქრობდა, აქ მეგობრები ჰყავდა და თან იმის იმედიც ჰქონდა, ამ
კუნძულზე ზოგიერთი ადგილ-მამული მემკვიდრეობით მას ეკუთვნე-
ნოდა.

სკიროსელებზე იშვანად ლიკომედე მეფობდა. თეზევსი მივიდა მასთან და კუთვნილი ადგილ-მამული გამოსთხოვა, რათა იქ დასახლებულიყო. ზოგიერთი კი ამბობს, თეზევსმა ათენელთა წინააღმდეგ დახმარება სთხოვაო. ლიკომედემ ამ ვაჟკაცის დიდი სახელის შიშით თუ მენესთევსის გულის მოსაგებად თეზევსი, ვითომცდა სიმაღლიდან მისი ადგილ-მამულის საჩვენებლად, კუნძულის ერთ მაღლობზე იყვანა, ხელი ჰკრა, კლდიდან გადაავლო და ასე გამოასალმა სიცოცხლესო. ზოგიერთის გადმოცემით, თეზევსი ნასადილვეს, ჩვეულებისამებრ, სასაიროდ გავიდა და კლდეზე თავითონ წაბორძიკდა და გადავარდაო.

მაშინ თეზევსის სიკვდილს არავინ ყურადღება არ მიაქცია: ათენში მენესთევსი მეფობდა, თეზევსის შვილები კი, როგორც რიგითი ადამიანები, ელეფნორს გაჰყვნენ ილიონში სალაშქროდ¹³⁴. როცა მენესთევსი ილიონთან დაიღუპა, თეზევსის შვილები ათენში დაბრუნდნენ და სამეფო ძალაუფლება დაიბრუნეს.

დიდი ხნის შემდეგ ათენელებმა თეზევსს, როგორც გმირს, სხვადასხვა მიზეზის გამო, პატივისცემა დაუწყეს. ერთ-ერთი მიზეზი, სახელდობრ, ის იყო, რომ სპარსთა წინააღმდეგ მართაობთან გამართულ ბრძოლაში მრავალმა ჯარისკაცმა საკუთარი თვალით იხილა აჩრდილი იარაღში ჩამჭდარი თეზევსისა, რომელიც ბარბაროსებზე იერიშით მიისწრაფოდა.

36. სპარსთა ომების შემდეგ, ფედონის არქონტობის დროს¹³⁵, სამისნოდ მისულ ათენელებს პითიამ ურჩია, მოეგროვებინათ თეზევსის ძვლები, დაეკრძალათ დიდი პატივით და დაეცვათ. თეზევსის საფლავის აღმოჩენა და ძვლების ამოკრეფა სკიროსზე მცხოვრებ დოლობთა მიუკარებლობისა და უხეშობის წყალობით მეტად ძნელი საქმე იყო. როდესაც კიმონმა კუნძული სკიროსი აიღო, რაც აღწერილია მისი ცხოვრების წიგნში, გადაწყვიტა, რადაც არ უნდა დაჯდომოდა, თეზევსის საფლავი ეპოვნა და ეს პატივი ხელიდან არ გაეშვა¹³⁶. როგორც ამბობენ, ერთხელ თურმე არწივმა ზორცეს ნისკარტით ჩიჩქნა დაუწყო და კლანჭებით მიწას თხრიდა; კიმონმა ეს ღვთის ნიშნად მიიჩნია და ეს ადგილი გაათხრევინა. მან აქ აღმოაჩინა დიდი აღნაგობის ადამიანის კუბო, რომლის გვერდითაც სპილენძის შუბი და ხმალი იდო. როცა კიმონმა ეს ყველაფერი თავისი ტრიერებით ათენში მიიტანა, გახარებული ათენელები ისეთი ბრწყინვალე ზეიმით და

მსხვერპლშეწირვით შეეგებნენ. თითქოს თვითონ თეზეუსი დაბრუნებულიყო ქალაქში.

თეზეუსის ნეშტი დაკრძალულია შუა ქალაქში, ახლანდელი გიმნაზიონის მახლობლად. ეს ადგილი ლტოლვილი მონების, დაჩაგრული და ძლიერთაგან დაშინებული ხალხის თავშესაფრად ითვლება, ვინაიდან თეზეუსი დამცველი და დამხმარე იყო სხვებისა და დაჩაგრულთა თხოვნა-ვედრებისადმი მუდამ გულისხმიერებას იჩენდა.

ყველაზე უფრო დიდ მსხვერპლს მისი ხსოვნის აღსანიშნავად სწირავენ ხოლმე რვა პიანეთსიონს, იმ დღეს, როცა თეზეუსი ახალგაზრდებთან ერთად კრეტიდან დაბრუნდა. თეზეუსს პატივით იგონებენ აგრეთვე სხვა თევების რვა რიცხვშიც; იმიტომ რომ, როგორც ისტორიკოსი დიოდორე გადმოგვცემს, იგი პირველად მოვიდა ათენში ტროიძენედან რვა პეკატომბეონს; ათენელთა აზრით კი იმიტომ, რომ ეს რიცხვი სხვაზე უფრო მეტად შეეფერება თეზეუსს, რომელიც პოსეიდონის შვილად ითვლება; პოსეიდონს მსხვერპლს სწირავენ ყოველი თვის რვა რიცხვში. რვა არის პირველი წყვილი რიცხვის კუბი და პირველი ოთხეულის გაორმაგება და იმ ღმერთის დამახასიათებელ სიმტკიცესა და ურყევობას გვამცნობს, რომელსაც ჩვენ ასფალიოსსა და გაიეოქოსს ვეძახით¹³⁷.

რომულუსი

1. ისტორიკოსები ვერ შეთანხმებულან, თუ ვინ და რა მიზეზით მისცა ქალაქ რომს მისი დიდებით მოსილი და ყველა ხალხში განთქმული სახელი. ერთნი ამბობენ, პელასგები დასასლებული ქვეყნების უმეტეს ნაწილში ხეტილისა და მრავალი ხალხის დაპყრობის შემდეგ ამ ადგილას დასახლდნენ და თავიანთი იარაღის ძალის აღსანიშნავად ქალაქს რომა დაარქვესო¹. მეორენი მოგვითხრობენ, ტროას აღების შემდეგ ზოგიერთი გადარჩენილი, რომელთაც ხომალდები იშოვეს და ზღვაში გავიდნენ, ქარმა ტირენიას მიაყენა და ლუზა მდინარე ტიბრის შესართავთან ჩაუშვეს;² ერთმა ქალმა, სახელად რომამ, რომელიც ყველაზე უფრო წარჩინებული და ჭკვიანი იყო, ზღვაზე მოგზაურობით შეწუხებულსა და გატანჯულ ტროელთა ქალებს ზომალდების გადაწვა შეაგონა. ქალებმა ზომალდები მართლაც გადაწვეს. მამაკაცები ჯერ საშინლად განრისხდნენ, მაგრამ მერმე აუცილებლობას დამორჩილდნენ და პალანტიუმის მიდამოებში დასახლდნენ. სულ მოკლე ხანში ისე მოეწყვენ, რომ არც კი ელოდნენ: მიწა ნოყიერი შეხვდათ და ახლომანლო მცხოვრებლებმაც გულთბილად შეითვისეს. ამის გამო რომას მოწიწებით სცემდნენ პატივს და რაკი ის იყო აქ დამკვიდრების მიზეზი, ქალაქსაც მისი სახელი უწოდეს. ამბობენ, აქედან იღებს დასაბამს ჩვეულება, ქალები რომ ნათესავსა და მახლობელ მამაკაცებს პირზე კოცნით ეალერსებიან: ტროელთა ქალები, ზომალდების დაწვის შემდეგ, სწორედ ასე ჰკოცნიდნენ და ეალერსებოდნენ ვაჟკაცებს და ევედრებოდნენ დაეცხროთ რისხვა.

2. ზოგიერთი გადმოგვცემს, იტალუსისა და ლეგარიას, ან როგორც სხვები ფიქრობენ, პერაკლეს ძის ტელეფეს ასულმა რომამ ამის შემდეგ, რაც ენეასთან თუ ენეასის ძე ასკანიუსთან იქორწინა,

თავის სახელი დასდო ქალაქს. ზოგიერთის აზრით კი ქალაქი და-
 აფუძნა ოდისეგვისა და კირკეს ვაჟმა რომანოსმა². არიან ისეთებიც,
 რომლებიც ამტკიცებენ: რომი დიომედეს მიერ ტროადან გამოგზავ-
 ნილმა ემათიონის ძემ რომოსმა დააარსაო. სხვები ქალაქის დამფუძ-
 ნებლად თვლიან ლათინთა მეფე რომისს, ვინც განდევნა ტირენები,
 რომლებიც თესალიიდან ლიდიაში, ხოლო ლიდიიდან იტალიაში გა-
 დასახლდნენ. ისინი კი, რომლებიც სამართლიანად მიიჩნევენ, რომ ქა-
 ლაქს სახელი რომულუსმა დაარქვა, ერთმანეთს ვერ ეთანხმებიან ამ
 ვაჟკაცის წარმომავლობის საკითხში. ერთნი ამბობენ, იგი იყო ენეა-
 სისა და ფორბანტის ასულ დექსითეას ძე და ჯერ კიდევ სულ ჩვილი
 ძმასთან, რემუსთან⁴ ერთად ნავით ჩამოიყვანეს იტალიაში. აღიდე-
 ბულმა მდინარემ თურმე ყველა ნავი შთანთქა. ის ნავი კი, რომელ-
 შიაც ბაღლები იყვნენ, წყნარად გარიყა გაშლილ ნაპირზე და ჩვილე-
 ბი გადარჩნენ, რაც მართლა საოცრება გახლდათ, ხოლო ამ ადგილს
 სახელად რომი უწოდესო. მეორენი ამტკიცებენ: ზემოხსენებული
 ტროელი ქალის⁵ ასული რომა ტელმაქეს ვაჟს ლათინუსს გაჰყვა
 ცოლად და შვა რომულუსიო. მესამენი კი გადმოგვცემენ, იგი მარსი-
 საგან გაუჩნდა ენეასისა და ლავინიას ასულ ემილიასო.

ზოგიერთი რომულუსის წარმოშობის თაობაზე სულ ზღაპრულ
 ამბებს მოგვითხრობს. აღბანთა ყველაზე უსამართლო და შეუბრა-
 ლებელ მეფე ტარხეციუსს შინ საოცარი სასწაული მოევლინა: ოჯა-
 ხის კერის შუა ფალოსი აღმოიმართა თურმე და მრავალი დღის გან-
 მავლობაში ასე დარჩა. ტირენიაში იყო ტეთისის სამისნო. იქ კი ტარ-
 ხეციუსს უწინასწარმეტყველეს: შენი ქალი მოჩვენებას უნდა დაუ-
 კავშირდეს, ფალოსთან დაკავშირების შედეგად კი შეეძინება ვაჟი,
 რომელიც დიდად სახელოვანი, ვაჟკაცობით, ბედ-იღბლითა და ძლი-
 ერებით გამოირჩეული იქნებაო. ეს მისნობა ტარხეციუსმა თავის
 ერთ-ერთ ასულს გაანდო და უბრძანა შეუღლებოდა ფალოსს. ქალი-
 შვილმა ეს იუყადრისა და თავის მეგობრად ამ საქმისათვის მწევალი
 ქალი გაგზავნა. როცა ტარხეციუსმა ეს შეიტყო, საშინლად განარისხ-
 და, ორივე სამყობილესი ჩასვა და სიკვდილი მიუსჯა. მაგრამ ძილ-
 ში ვესტა გამოეცხადა და მკვლელობა აუკრძალა. მაშინ ტარხეციუს-
 მა ტყვე-ქალებს უბრძანა ექსოვათ ქსოვილი იმ პირობით, როცა და-
 ასრულებდნენ, გათხოვების უფლება მიეცემოდათ. დატყვევებულნი
 დღისით ქსოვდნენ, ღამით კი, ტარხეციუსის ბრძანებით, მათ ნაქსოვს

სხვა ქალები არღვევდნენ. მხევალ ქალს ფალოსისაგან ტყუპი შე-
ეძინა. ტარხეციუსმა ჩვილები ვინმე ტერაციუსს გადასცა და მათი
დაბოცვა უბრძანა. ტერაციუსმა ტყუპები წაიყვანა და მდინარის პი-
რის დატოვა. ჩვილებთან სიარული დაიწყო ძუ მევლმა და მათ ძუ-
წუს აწოვებდა; სხვადასხვა ფრინველთ კი ჩისკარტით საცეხები მოა-
ქონდათ და ბაღლებს პირში უდებდნენ. ბოლოს ტყუპები შეამჩნია
ერთმა მწყემსმა; გაოცებულმა გამბედაობა მოიკრიბა, მიუახლოვდა,
აიტაცა ჩვილები ხელში და თან წაიყვანა. ასე გადარჩნენ ბაღლები.
მერმე კი, როცა დაიზარდნენ, თავს დაესხნენ ტარხეციუსს და და-
ამარცხეს იგი. ამას მოგვითხრობს ვინმე პრომეთეონი, რომელმაც
„იტალიის ისტორია“ შეთხზა.

3. ყველაზე უფრო სანდო და მრავალი მოწმობით დადასტურე-
ბული გადმოცემა მისი უმთავრესი ნაწილისა ბერძნებს. პირველად
მიაწოდა დიოკლე პეპარეთოსელმა, რომელსაც ბევრ შემთხვევაში
ეთანხმება ფაბიუს პიქტორიც. მართალია, მათთან ზოგიერთი სხვაო-
ბა კი გვხვდება, მაგრამ გადმოცემის ძირითადი შინაარსი ასეთია:
ენეასის იმ შთამომავალთაგან, რომლებიც ალბაში მეფობდნენ, მემ-
კვიდრეობა ერგო ორ ძმას — ნუმიტორსა და ამულიუსს. ამულიუსმა
მთელი მემკვიდრეობა ორ ნაწილად გაყო: სამეფო ძალაუფლებას
ქონება და ტროადან ჩამოტანილი ოქრო დაუპირისპირა. ნუმიტორმა
სამეფო ძალაუფლება აირჩია. რაკილა ამულიუსი ქონებას დაეპატრო-
ნა და ამის წყალობით ძალაც მეტი ჰქონდა, ნუმიტორს სულ ადვი-
ლად წაართვა სამეფო გამგებლობა. შეშინებულმა, ნუმიტორის
ასულს შვილები არ შეეძინოსო, ძმისშვილი ვესტას ქურუმად გაამ-
წესა, რათა მთელი სიცოცხლე გაუთხოვრად, ქალწულობაში გაეტა-
რებინა. ნუმიტორის ასულს ზოგიერთები — ილიას, ზოგი — რეას,
ზოგიც — სილვიას სახელით მოიხსენიებენ. მცირე ხნის შემდეგ გა-
მოიჩვენა, რომ ვესტას ქურუმთათვის დადგენილი კანონის საწინააღ-
მდეგოდ იგი ფეხმძიმედ იყო. მაგრამ სიკვდილით დასჯისაგან მეფის
ასულმა ანთომ დაიხსნა, რომელმაც მამის წინაშე დაყენებული თხოვ-
ნით მიადგია ამას. ნუმიტორის ასული დაამწყვდიეს და მასთან არა-
ვის უშვებდნენ, რათა ამულიუსისაგან მალულად არ მომშობიარე-
ბულიყო. ბოლოს ქალმა იმშობიარა და შვა ორი საოცარი აღნაგობი-
სა და სილამაზის ვაჟი. ამ ამბავმა ამულიუსი კიდევ უფრო მეტად
დააფრთხო. მან მსახურს უბრძანა წაეყვანა ჩვილები და ხადმე გადა-

ეყარა. ზოგიერთი ამბობს: ამ მსახურს ფაუსტულუსი ერქვაო; ხოლო სხვები ხმტკიცებენ: ამას კი არ ერქვა ფაუსტულუსი, არამედ იმას, ვინც ბალები იპოვა და აიყვანაო. ერთი სიტყვით, მსახურმა ჩვილები გობში ჩასხა და გადასაყრელად მდინარეზე ჩავიდა. მაგრამ როცა აზვირთებული და გაშმაგებული წყალი იხილა, შიშით ველარ მიეკარა, ჩვილები ფლატეზე დატოვა და გამობრუნდა. როცა მდინარე აღიდდა და ხმელეთზე გადმოვიდა, წყალმა გობი აიტაცა, წყნარად წაიღო და გამოირიყა ერთ მშვიდ ადგილას, რომელსაც ახლა კერმალუსს ეძახიან, უწინ კი გერმანუსს უწოდებდნენ, როგორც ჩანს, იმიტომ რომ „გერმანები“ ღვიძლ ძმებს ნიშნავს⁹.

4. ამ ადგილის მახლობლად იყო ერთი ველური ღელვის ხე, რომელსაც „რუმინალურს“ ეძახდნენ ან რომელუსის ხათრით, როგორც ამას ბევრი ფიქრობს, ან კიდევ იმიტომ, რომ მცოხნავი პირუტყვი ეფარებოდა მის ჩრდილს შეუდღის სიცხეში; ანდა, რაც ყველაზე უფრო შეესაბამებოდა სინამდვილეს, მიტოვებულ ჩვილებს აქ აწოვებდნენ ძუძუს¹⁰. ძუძუს ძველები უწოდებდნენ „რუმას“, ხოლო იმ ღმერთქალს, რომელზედაც ფიქრობდნენ, ბალების გამოკვებას თვალყურს ადევნებდაო, სახელად უწოდებენ რუმილიას. ამ ღმერთქალს მსხვერპლს სწირავენ ღვინის გარეშე: სამსხვერპლო საქონელს რძეს ასხურებენ. აი, ამ ხის ქვეშ იწვნენ თურმე ჩვილები და მათ, როგორც გადმოგვცემენ, ძუძუს აწოვებდა ძუ მგელი, რომელსაც ბალების გამოკვებასა და დაცვაში ეხმარებოდა კოდალა. ორივე — ძუ მგელიცა და კოდალაც მარსისადმი შეწირულ წმინდა სულდგმულებად ითვლებიან¹¹. ლათინები კოდალას განსაკუთრებული მოწიწებითა და თაყვანისცემით ექცევიან. აი, იმიტომ იყო, როცა ჩვილების დედა ამტკიცებდა, ისინი მარსისაგან შემეძინაო, ყველა უჯერებდა. თუმცა იმასაც ამბობენ, რომ თვითონ ამულიუსმა შეაცდინა: იარაღ-ასხმული გამოეცხადა, ძალა იხმარა და ქალწულობა წაართვაო. ზოგიერთის აზრით, თქმულებას ზღაპრული ხასიათი ძიძის სახელის ორაზროვნების წყალობით მიეცა. მართლაც, ლათინები „ლუპას“ ძუ მგელსაც ეძახიან და მეძავ ქალსაც. სწორედ ასეთი ქალი იყო ფაუსტულუსის ცოლი აკა ლარენცია, რომელმაც ჩვილები გამოკვება. რომაელები მას მსხვერპლს სწირავენ, ხოლო აპრილის თვეში მარსის ქუჩაში მისი სულის მოსახსენიებელ მსახურებას ასრულებს, ამ დღეობას „ლარენციას“ უწოდებენ.

5. რომელები თაყვანს სცემენ კიდევ მეორე ლარენციას შემდეგი მიზეზის გამო. ერთ დღეს თურმე ჰერკულესის ტაძრის მცველმა, რომელიც უსაქმურობით მოწყენილიყო, გადაწყვიტა თავის გასართობად ღმერთთან კოჭაობა გაემართა. მან ასეთი პირობა დადო: თუ მოიგებდა, ღმერთს მისთვის უნდა ებოძებინა ის წყალობა, რომელსაც მოსთხოვდა, თუ წააგებდა, მაშინ მას უხვ სუფრას გაუშლიდა და ტურფა ქალსაც მიუწვევდა. აი, ამ პირობით კოჭები ააგდო ჯერ ღმერთის სახელზე, მერმე კი თავისთვის და წააგო. რახან სურდა სიტყვის კაცი გამოსულიყო და დათქმული პირობა შეესრულებინა, ღმერთს სუფრა გაუწყო, მერმე დაიჭირავე ერთი ლამაზი, მაგრამ ჯერ სახელგაუთქველი ქალი, სახელად ლარენცია, გაუშალა სარეცელი ტაძარში და კარგადაც მოუღწინა. ლხინის შემდეგ კი ჩაკეტა იქ, ვითომცდა ღმერთი უნდა დაჰპატრონებოდა. ღმერთი თურმე მართლაც დაუკავშირდა ქალს, მერმე კი უბრძანა დილაადრიან მოედანზე წასულიყო, პირველი შემხვედრისათვის ეკოცნა და საყვარლად გაეხადა. და, აი, ქალს შეხვდა ერთი ხანშიშესული, საკმაო ქონების მფლობელი უცოლშვილო მოქალაქე, სახელად ტარუციუსი. იგი ლარენციას დაუახლოვდა, შეიყვარა და, როცა სიკვდილი კარს მოადგა, დიდძალი ქონების მემკვიდრედ დატოვა. ლარენციამ ამ სიმდიდრის დიდი ნაწილი ანდერძით ხალხს გადასცა. ამბობენ, იგი უკვე სახელგანთქმული იყო და ღვთის საყვარლად ითვლებოდა, როცა ანაზღუულად გაუჩინარდა იმ ადგილის მახლობლად, სადაც პირველი ლარენცია იყო დაკრძალული. ამ ადგილს ახლა ვეღაბრუმი ჰქვია, იმიტომ რომ ფორუმზე მისასვლელად აქ ნაგებობი გადადიოდნენ მდინარის ხშირი ადიდების დროს, ასეთ გადასვლას კი „ველატურას“ ეძახიან. ზოგიერთი ამბობს: სანახაობათა მომწყობნი ფორუმიდან ცირკისაკენ მიმავალ გზაზე სწორედ ამ ადგილიდან სააფრე ტილოებს აგებდნენ, აფრას კი ლათინურად „ველუმი“ ეწოდება.

აი, ამის გამო ეწია მეორე ლარენცია პატივსა და თაყვანისცემას რომელთა მხრივ.

6. ჩვილები აიყვანა ამულიუსის ღორების მწყემსმა ფაუსტულუსმა. ეს თითქოს სხვების შეუმიჩნევლად მოიმოქმედა, მაგრამ ზოგიერთი, რომელთა აზრიც უფრო ჰგავს ქეშმარიტებას, ამტკიცებს: ეს ნუმიტორმა იცოდა და აღმზრდელებს ბალებს გამოზრდაშიც ეხმარებოდა. წერა-კითხვისა და ყველა იმ საგნის შესასწავლად,

რომელთა ცოდნაც წარჩინებულ პირთათვისაა საჭირო, ამბობენ, ბავშვები გაბიუმში ჩაიყვანესო. ვადმოგვცემენ იმასაც, რომ მათ დაარქვეს რომულუსი და რემუსი სიტყვა „ძუძუს“ წყალობით, ვინაიდან დაინახეს, მგლის ძუძუს სწოვდნენო¹². ჩვილობაშივე გამოამყავნდა, ბალოების დიდსა და მოხდენილ სხეულებში კეთილშობილება იყო დაბუდებული. როცა წამოიზარდნენ, ორივენი ძლიერნი და მამაცნი გახდნენ, ყოველგვარ საფრთხეს დიდი გამბედაობითა და სრული უშიშროებით ეგვებოდნენ. რომულუსი, ჩანდა, უფრო მეტად ჭკუნი მოქმედებდა და სახელმწიფოებრივ ნიჭს ამჟღავნებდა. მეზობლად მოსახლე ხალხში, რომელთანაც საძოვრებისა თუ ნადირობის გამო ურთიერთობის დამყარება უხდებოდა, წინააღმდეგული ქცევით შექმნა აზრი, რომ იგი თავისი ბუნებით წინამძღოლობისათვის უფრო იყო გაჩენილი ამ ქვეყნად, ვიდრე მორჩილებისათვის.

ტოლ-სწორებსა და მდაბიოებს ძმები მეგობრულად ექცეოდნენ. მაგრამ მეფის მიერ დაყენებულ ზედამხედველებს, მხედართმთავრებსა და მწყემსთა გამგებლებს, რომლებიც სულაც არ აღემატებოდნენ სიჭველით მათ, ქედმაღლურად ეპყრობოდნენ და მათ მუქარასა და რისხვას არად აგდებდნენ. ისინი თავისუფალი კაცისათვის შესაფერ ცხოვრებას ეწეოდნენ, თავსუფლებას სიზარმაცესა და უქნარობაში კი არ ხედავდნენ, არამედ ვარჯიშობასა, ნადირობასა და რბენა-შეჯიბრში; ასევე ავაზაკებთან ბრძოლაში, ქურდების შეპყრობასა და ძალადობა-უსამართლობის მსხვერპლთა დახსნაში. აი, ამის გამო ძმები ფრიად სახელგანთქმულნი იყვნენ.

7. ერთხელ ნუმიტორისა და ამულიუსის მწყემსები წაიკიდნენ და ერთმანეთს საქონელი წაართვეს. რომულუსი და რემუსი გაწყურნენ, მოძალადეები კარგად მიბეგვეს, უკუაქციეს და დიდი ნადავლი იგდეს ხელთ. როცა ამის გამო ნუმიტორი ვანრისხდა, ეს არად ჩააგდეს და შეკრიბეს რაზმი, რომელიც ლატაკებისა და მონებისაგან შედგებოდა. ისინი ვანდგომისა და დაუმორჩილებლობისაკენ უბიძგებდნენ მათ. ერთხელ, როცა რომულუსი, ღვთისმსახურებისა და მისნობის ერთგული კაცი, მსხვერპლს სწირავდა, ნუმიტორის მწყემსები შეხვდნენ მცირერიცხოვანი მსლებლებით მიმავალ რემუსს და ჩხუბი აუტეხეს. ჩხუბში, რომელშიაც ორივე მეგრძოლი მხრიდან ზოგი გაილაზა და ზოგიც დაიჭრა, გაიმარჯვეს ნუმიტორის მწყემსებმა და რემუსი ცოცხლად შეიპყრეს. იგი მიიყვანეს ნუმიტორთან და ბრალდე-

ბით აავსეს, მაგრამ ნუმიტორი ძმის რისხვას მოერიდა და რემუსი
 ვერ დასაჯა. იგი გაეშურა ამულიუსთან და სამართალი მოსთხოვა:
 ძმა ვარ შენი და მომხედვე; მართალია, მეფე ბრძანდები, მაგრამ შენს
 მსახურებს ჩემს თავს ნუ აჩაგვრინებო. აღშფოთებული იყვნენ ალ-
 ბას მოსახლენიც. ისინი თვლიდნენ, ასეთი დამცირება ნუმიტორის
 ღირსებისათვის შეუფერებელი არისო. ამან იმოქმედა ამული-
 უსზე და ნუმიტორს რემუსი მის განკარგულებაში გადასცა;
 შეედლო ისე მოქცეოდა, როგორც მოესურვებოდა. როცა ნუმიტო-
 რი შინ დაბრუნდა, ბრძანა ჭაბუკი მასთან მიეყვანათ. იგი გააოცა
 ძისი სხეულის აღნაგობამ, რომელიც ახოვნებითა და ძლიერებით
 ყველას აღემატებოდა, ხოლო მის სახეზე ამოიკითხა სულის სიმტკი-
 ცე და შეუპოვრობა: ჩანდა, ჭაბუკი არსებულ ვითარებას ქედმოუხ-
 რელი სიმამაცით შეეგებებოდა. ნუმიტორი ისმენდა მის მიერ ჩადე-
 ნილ საქმეთა ამბავს, რაც შეესაბამებოდა საკუთარი თვალით ნანახს,
 მაგრამ რაც მთავარი იყო, ღვთის განგებით, რომელიც დიად საქმეთა
 საწყისს განსაზღვრავს, ბედნიერმა შემთხვევამ ნუმიტორს საშუალე-
 ბა მისცა სინამდვილეს მიხედვრილიყო. ნუმიტორმა ტკბილი და ალერ-
 სიანი გამოხედვით ნდობა და იმედი შთაუწერა რემუსს და ჰკითხა:
 ვინა ხარ, რა წარმოშობის ბრძანდებიო? რემუსმა თამამად უპასუხა:
 „არაფერს დაგიმალაფ. ჩანს, შენ უფრო მეტად ხარ შემკობილი მე-
 ფური ღირსებით, ვიდრე ამულიუსი: სანამ კაცს დასჯიდე, ჯერ ჰკი-
 თხავ და მოუსმენ, ის კი განუკითხავად აგზავნის ხალხს დასასჯე-
 ლად. ჩვენ ტყულები ვართ. აქამდე თავს ეთვლიდით მეფის მსახურ-
 თა — ფაუსტულუსისა და ლარენციას შვილებად, მაგრამ მას შემდეგ,
 რაც იძულებული ვართ სულის შესანარჩუნებლად ვიბრძოლოთ, რად-
 გან ცილი დაგვწამეს და შენთან დავაბეზდეს, ფრიად საოცარი აზ-
 რები გვესმის. სინამდვილეა თუ არა ჩვენზე დარჩეული ხმები, ეს,
 როგორც ჩანს, ახლანდელმა განსაცდელმა უნდა განსაჯოს. ამბობენ,
 ჩვენი დაბადება საიდუმლოებითაა მოცული; ქვეყნად გაჩენის დღი-
 ლანგე საოცარზე საოცარი ყოფილა ჩვენი გამოკვებისა და გამოზრდის
 ამბავიც; საზრდოს გვაძლევდნენ თურმე ის ფრინველნი და მხეცნი,
 რომელთა შესაჭმელადაც მიგვაგდეს; დიდი მდინარის პირად ვობში
 ჩაყრილებს მგელი გვაწოვებდა ძუძუს, ხოლო კოდალას ნისკარტით
 მოჰქონდა საკვები ჩვენთვის. ის გობი დღემდე შემოინახა. მისი სპი-
 ლენძის საღებავზე ამოკაწრულია უკვე ფერგადასული წარწერა, რო-

მელიც შეიძლება ჩვენი მშობლებისათვის გამოსაცნობ ნიშნად გახდეს ოდესმე, მაგრამ გამოუსადეგარია, რაკი ჩვენ ცოცხალთა შორის აღარ ვიქნებით“.

ამ სიტყვებითა და რემუსის გარეგნობით ნუმიტორმა ვაჟუკის ასაკი განსაზღვრა. მას ახლა იმედი შთაესახა და იმასლა ფიქრობდა, ვით გასაუბრებოდა საიდუმლოდ თავის ასულს, რომელიც ჯერ კიდევ დამწყვედელი ჰყავდათ.

8. როცა ფაუსტულუსმა რემუსის შეპყრობისა და დასასჯელად გადაცემის ამბავი შეიტყო, რომულუსს ძმის გამოსახსნელად მოუწოდა და თან მისი წარმოშობის მთელი სიმართლე უამბო. მანამდე ამის თაობაზე ძმებს გადაკვრით ესაუბრებოდა და მხოლოდ ცოტას უმჯღავნებდა, რაც მათ სულიერ აღზევებას ხელს არ შეუშლიდა. შექმნილი ვითარების გამო ასწრაფებულმა და შიშით აღსავსე ფაუსტულუსმა ჩვენთვის ცნობილი გობი წაიღო და ნუმიტორთან გაეშურა. მეფის მცველებმა, რომლებიც ქალაქის ბჭესთან ჩამდგარიყვნენ, მასზე ეჭვი მიიტანეს და დაკითხეს. ფაუსტულუსი დაიბნა. მას დაუნახეს გობი, რომელსაც წამოსახამს ქვეშ მალავდა. მცველთა შორის შემთხვევით აღმოჩნდა ერთი იმათაგანი, რომლებმაც ჩვილები გადასაყრელად წაიყვანეს და ბაღლების მიტოვებას დაესწრნენ. როგორც კი დაინახა ამან გობი, მაშინვე იცნო ნახელავით და წარწერით და იგრძნო: აქ რაღაც ამბავიაო. ამიტომ აღარ დააყოვნა, ყველაფერი აუწყა მეფეს და საქმის გამოძიება ურჩია. ფაუსტულუსი ბევრი აწამეს, მაგრამ ბოლომდე მაინც ვერ გამოტეხეს. მან განაცხადა, ბავშვები გადარჩნენ და ახლა აღბადან შორს ნახირს აძოვებნო, რაც შეეხება გობს, იგი მიმაქვს ილიასთან, რომელსაც შვილებთან შეხვედრის იმედის განსამტკიცებლად ხშირად გამოუთქვამს სურვილი: ერთი მაჩვენე, რომ ხელი შევახოო.

შიშით დამფრთხალი თუ განრისხებული ადამიანი ჩვეულებრივ წინდაუხედავად იქცევა. ასე მოუვიდა ამულიუსსაც. მან სასწრაფოდ აფრინა ნუმიტორთან მისი მეგობარი, ერთი ღირსეული კაცი და უბრძანა გაეგო, ხომ არ მიუღწევია ნუმიტორის ყურამდე ბაღლების გადარჩენის ამბავს. როცა ეს კაცი მივიდა და იხილა, თუ რა დიდი აღერსითა და სიყვარულით ეპყრობოდა ნუმიტორი რემუსს, მათ იმედს ფრთა შეასხა და მოუწოდა მტკიცედ მოჰიდებოდნენ საქმეს. თვითონაც მათთან დარჩა და დახმარების ხელი გაუწოდა. კიდევ რომ

მოესურვათ, დაყოვნების უფლება არც ჰქონდათ, დრო აღარ ითმენდა: რომელუსი უკვე ახლოს იყო; მასთან ჯგრო-ჯგროდ მობრბოდნენ ამულიუსის ზიზღითა და შიშით ამოძრავებული მოქალაქენი. რომელუსს თვითონაც მოჰყავდა საკმაოდ მრავალრიცხოვანი ლაშქარი, რომელიც ასეულებად იყო დაყოფილი. ყოველ რაზმს მოუძღოდა მეთაური და ყოველ მათგანს ზეადმართული მოჰქონდა თივისა და ფიჩხის კონით დავვირგვინებული ჭოკი. ასეთ კონებს ლათინები „მანიბულებს“ ეძახიან. სწორედ აქედანაა ჯარებში ახლაც ზმარებული სიტყვა „მანიბულარები“¹³.

ერთი სიტყვით, სანამ რემუსი ქალაქის შიგნით აწყობდა ამბოხს და გარს იკრებდა მომხრეებს, რომელუსი თავისიანებით ქალაქს უახლოვდებოდა. გამოუვალ მდგომარეობაში მყოფმა თავზარდაცემულმა ტირანმა ველარაფერი მოიმოქმედა, საკუთარი თავის გადარჩენაც ვერ შეძლო: იგი შეიპყრეს და მოკლეს.

ამ ამბავთა დიდ ნაწილს გადმოგვცემენ ფაბიუსი და პეპარტო-სელი დიოკლე, რომელმაც, ჩანს, პირველმა გამოაქვეყნა რომის დარსების ისტორია. მართალია, ეს გადმოცემები ზოგიერთებისათვის საეჭვოა დრამატული და ზღაპრული ელფერის გამო, მაგრამ თუ ჩვენ დავუჯვირდებით, რავგარ საქმეთა შემომქმედია ბედისწერა და გავიზიარებთ აზრს, რომ რომის სახელმწიფო დიად სასწაულთა ღვთაებრივი საწყისის გარეშე ვერ მიაღწევდა დღევანდელ ძლიერებას, მაშინ უნდობლობით აღარ უნდა მოგვეიდოთ ასეთ გადმოცემებს.

9. ამულიუსის მოკვლისა და წესრიგის დამყარების შემდეგ ძმებმა აღარ მოინდომეს ეცხოვრათ ალბაში ძალაუფლების გარეშე; მაგრამ არც გამგებლობის დაბატონება სურდათ, სანამ პაპა ცოცხალი ჰყავდათ. ამიტომ წინამძღოლობა ნუმიტორს ჩააბარეს, ამით საკუთარ ღელას საკადრისი პატივი მიუგეს, თვითონ კი გადაწყვიტეს განცალკევებით ეცხოვრათ და დაეარსებინათ ქალაქი იქ, სადაც იმათ პირველად აწოვეს ძუძუ. ჩანს, ეს ყველაზე მოკრძალებული მიზეზი იყო. ძმები იძულებული გახდნენ ან დაეშალათ მათთან შემოკრებილ მონათა და განდგომილთა მრავალრიცხოვანი ლაშქარი და ყოველგვარ ძალაუფლებაზე ხელი აეღოთ, ანდა ამ ლაშქართან ერთად დასახლებულიყვნენ. ალბას მოსახლეობამ არ იკადრა განდგომილთა შემოერთება და არც მოქალაქეებად მიიღეს ისინი. ამას გვიმოწმებს უწინარეს ყოვლისა განდგომილთა მიერ ქალების მოტაცების ამბავი.

ეს საქმე თავხედობის გამო კი არ ჩაუღენიათ, არამედ მდგომარეობამ აიძულა ისინი ასე მოქცეულიყვნენ: ნებით არავინ მიჰყებოდა მათ ცოლად. მოტაცებულ ქალებს დიდი მოწიწებითა და პატივით ეკიდებოდნენ. როგორც კი დაიწყო ქალაქის მშენებლობა, მაშინვე დაარსეს ლტოლვილთათვის წმინდა თავშესაფარი, რომელსაც ასილუოს ღმერთის სახელი უწოდეს¹⁴. აქ ღებულობდნენ ყველას და აქედან ხელში ვერ ჩაუვარდებოდა ბატონს გაქცეული მონა, ვერც შევახშეს მოვალე და ვერც ხელისუფალთ კაცისმკვლელები. ამტკიცებდნენ: პითონის სამისნოს წინათქმით აქ ყველასათვის უზრუნველყოფილი ხელშეუხებლობა გვაქვსო. ამის გამო ქალაქი სწრაფად გაიზარდა; თუშცადა ამბობენ, პირველად აქ ათასზე მეტი კომლი არ იყოო. მაგრამ ამის თაობაზე ქვემოთ.

როცა დასახლებას შეუდგნენ, ძმებში მყისვე უთანხმოება ჩამოვარდა ადგილის გამო. რომულუსმა დააფუძნა ეგრეთ წოდებული „რომა კვადრატა“, რაც ოთხკუთხოვანს აღნიშნავს, და სწორედ ამ ადგილზე მოინდომა ქალაქის აგება¹⁵, რემუსმა კი აირჩია ავენტინუსის ერთი ვამაგრებული ადგილი, რომელსაც მისი ხათრით რემონიუმი ეწოდა; ხოლო ახლა რიგნარიუმი ჰქვია. ბოლოს ძმები შეთანხმდნენ, დაგა სამისნო ფრინველებზე დაკვირვებით გადაეწყვიტათ და როცა საამისოდ ცალ-ცალკე დასხდნენ, ამბობენ, რემუსს ექვსი ძერა გამოეცხადა, რომულუსს კი ორჯერ მეტიო. ზოგიერთი გადმოგვცემს: რემუსმა ნამდვილად იხილა თავისი ფრთოსნები, რომულუსმა კი იცრუა; როცა მასთან რემუსი მივიდა, რომულუსმა მხოლოდ მაშინ დაინახა თორმეტი ძერაო. აი, ამის გამოა, რომ რომაელები ფრთოსნებზე მკითხაობის დროს განსაკუთრებულ უპირატესობას დღემდე ძერებს აძლევენ. პეროდორე პონტოელი გადმოგვცემს: ჰერაკლეს ხატობდა, როცა საქმეს ხელს მოჰკიდებდა და ძერა გამოჩნდებოდაო. მართლაც, ძერა ყველაზე უვნებელია სულდგმულთა შორის, იგი არასოდეს ზიანს არ მიაყენებს იმას, რასაც ადამიანი თესავს, რგავს ან აძოვებს, იკვებება მხოლოდ და მხოლოდ ლეშით: არ კლავს და არ ვნებს არც ერთ ცოცხალ არსებას, ხოლო ფრინველს მკვდარსაც კი არ მიეკარება თვისტომობის გამო; ეს მაშინ, როცა არწივი, ბუ და ქორი თავიანთ მოძმეთაც კი მტრობენ და ცოცხლად გლეჯენ. აქი უსკილვე ამბობს:

განა ფრთოსანი უმანკოა, რის სხვა ფრთოსანს ჰამს? 16.

გარდა ამისა აღსანიშნავია ისიც, რომ სხვა ფრინველები, ასე ვთქვათ, თვალში გვეჩხირებიან, მათი დანახვა ყოველთვის შეგვიძლია, ძერა კი ძვირად სახილველია და ძნელად თუ ვიპოვით კაცს, ვინც მის ბარტყებს წაწყდომოდეს. ყველაფერმა ამან ზოგიერთს უცნაური აზრი შეაგონა, თითქოს ძერები აქ შორიდან, უცხო ქვეყნიდან მოფრინავდნენ. მისნები, თავის მხრივ, ფიქრობენ, რომ ეს ზებუნებრივი მოვლენაა, რომელშიაც უზენაესი განგების ძალა ჩანს.

10. გაიგო თუ არა, ძმამ მომატყუაო, რემუსი გაბრაზდა. როცა რომულუსი ქალაქის კედლის გარშემოსარტყმელად თხრილის ამოღებას შეუდგა, დასცინოდა და საქმეშიც ხელს უშლიდა. ბოლოს საქმე იქამდე მივიდა, რომ ერთხელ, როდესაც რემუსი თხრილს გადაახტა, რომულუსმა ძმას საშინელი ძალით დაჰკრა და იქვე სული გააფრთხოვნა. ზოგიერთი ამბობს, რემუსი რომულუსის ერთ-ერთმა მეგობარმა ცელერმა მოკლაო. ამ შეტაკებაში დაიღუპნენ აგრეთვე ფაუსტულუსი და პლისტინუსი. გადმოგვცემენ: პლისტინუსი ფაუსტულუსის ძმა იყო და მას რომულუსის აღზრდაში შველოდაო. ცელერი ტირენიაში გაიქცა. ამ დროიდან მოკიდებული რომაელები მარდსა და მკვირცხლ ადამიანებს „ცელერებს“ უწოდებენ¹⁷. ეს სახელი შეარქვეს კვინტუს მეტელუსსაც იმის გამო, რომ მამის სიკვდილიდან სულ რამდენიმე დღის შემდეგ გასაოცარი სისწრაფით მოამზადა გლადიატორობა შეჰიბრა¹⁸.

11. დაკრძალა თუ არა რემუსი და აღმზრდელები რემორიაზე, რომულუსი ქალაქის დაფუძნებას შეუდგა. ამ საქმეში მას ეხმარებოდნენ მის მიერ ტირენიიდან გამოწვეული საგანგებო პირები, რომლებიც დაწვრილებით უხსნიდნენ ადათით დადგენილ წესებს და ისე იქცეოდნენ, ვით საიდუმლო სამსახურის აღსრულების ეამს.

უწინარეს ყოვლისა იმ ადგილზე, სადაც ახლა კომიციუმი¹⁹, ამოთხარეს ორმო და შიგ კაშნიკად ჩააწყვეს ყველაფერი ახლად მოწყული, რასაც კი ადათით სასარგებლო სახმარად მიიჩნევდნენ და რაც ბუნებამ მიუზღო. ბოლოს თითოეულმა ჩაყარა ამ ორმოში იმ მხარიდან მოტანილი პეშვი მიწა, საიდანაც მოვიდა. მერმე მთელი ეს მიწა ერთხანეთში აურის, ორმო სამყაროს სახელით მონთლეს და დაარქვეს „მუნდუსი“, მიიჩნიეს რა ეს ადგილი შუაგულად. აქედან ქალაქის მიჯნა წრედ შემოავლეს. ქალაქის დამფუძნებელმა გუთანში, რომელსაც სპილენძის სახნისი გაუყეთა, ხარი და ძროხა შეაბა. გუთანს

თვითონვე გაუძღვა და მიჯნის გაყოლებაზე ღრმა კვალი გაავლო. უკან მიმყოლთ დავალებული ჰქონდათ გუთნით ამოგდებული ბელტი წრის შიგნით მოექციათ; არც ერთი ბელტი მიჯნის გარეთ არ უნდა მოხვედრილიყო. ასეთი სამიჯნო ხაზით განსაზღვრავენ ხოლმე ქალაქის კედლის მოხაზულობას და ბევრათა ამოღების წესით სახელად უწოდებენ „პომერიუმს“, რაც აღნიშნავს: „კედლის უკან“, „კედლის შემდეგ“²⁰. იქ, სადაც კარიბჭის გაკეთებაა გათვალისწინებული, სახნისს მიწიდან იღებენ, გუთანს ზევით სწევენ და შუალედს ტოვებენ. ამის გამოა, რომ მთელ კედელს წმინდა ადგილად თვლიან კარიბჭის გამოკლებით. კარიბჭეც რომ წმინდად ჩათვალოს ვინმემ, ზოგიერთი აუცილებელ და არაწმინდა საგანთა ქალაქში შეზიდვა და გატანა უთუოდ მკრეხელობა იქნებოდა.

12. აღიარებულია, რომ ქალაქი დაარსდა მაისის კალენდებამდე მეთერთმეტე დღეს²¹. რომაელები ამ დღეს ზეიმობენ და მას სამშობლოს დაბადების დღეს უწოდებენ. როგორც ამბობენ, დასაწყისში არც ერთ ცოცხალ არსებას ამ ზეიმზე მსხვერპლად არ სწირავდნენ, ფიქრობდნენ, სამშობლოს დაბადების დღის სახელობაზე გამართული დღესასწაული წმინდად და შეუბღალავად დაეცვათ. სხვათა შორის ქალაქის დაფუძნებამდე რომაელებს სწორედ ამავე დღეს ჰქონდათ სამწყემსო დღესასწაული, რომელსაც უწოდებენ პარილიებს.

დღესდღეობით რომაულ კალენდებს არაფერი აქვთ საერთო ბერძნულ ნუმენიებთან²². ამბობენ, ის დღე, როცა რომულუსმა ქალაქი დააფუძნა, ზუსტად ემთხვევა ბერძნული თვის ოცდამეათე დღეს²³ ამ დღეს ყოფილა მნათობის დაბნელების გამომწვევი შეხვედრა მთვარისა მზესთან, რაც თურმე იცოდა ებიკოსმა პოეტმა ანტიმაქეტოსელმა; მომხდარა კი ეს მეექვსე ოლიმპიადის მესამე წელს²⁴.

რომაელთა შორის ისტორიაში ყველაზე უფრო ჩახედული კაცის, ფილოსოფოს ვარონის დროს მოღვაწეობდა მისი მეგობარი ტარტუციუსი. იგი გახლდათ ფილოსოფოსი და მათემატიკოსი, რომელიც გატაცებული იყო წინასწარმეტყველებისათვის მნათობთა მოძრაობის ცხრილის შედგენით და ამ საქმეში დიდი სახელიც ჰქონდა²⁵. ვარონმა მას დაავალა დაედგინა რომულუსის დაბადების დღე და საათი მისი ცხოვრების ბედის გათვალისწინებით და საამისოდ დაყრდნობოდა იმ მოძღვრებას, რომლითაც გეომეტრიული ამოცანების გადაწყვეტის დროს ხელმძღვანელობენ. ვარონის აზრით, თუ ეს მოძღვრება სა-

შუალეზას იძლევა დაბადების დღის ცოდნის საფუძველზე ადამიანის მომავალი ცხოვრება ვიწინასწარმეტყველოთ, მანვე უნდა შესძლოს კაცის ცხოვრების გათვალისწინებით მისი დაბადების დღეც განსაზღვროს.

ტარუციუსმა დაგვლება შეასრულა. მან დაწვრილებით შეისწავლა რომულუსის წილად ხვედრილი ძნელებდობა და შესრულებული საქმენი, მისი სიცოცხლის ხანგრძლივობა და სიკვდილის ვითარება. მერმე ყველაფერ ამას თავი მოუყარა და გაბედული სიმტკიცით განაცხადა შემდეგი: რომულუსი დედას ჩაესახა. მეორე ოლიმპიადის პირველ წელს²⁶, ეგვიპტელთა თვის — ხეაკის ოცდამესამე დღეს, ამ დღის მესამე საათზე, როცა მზის სრული დაბნელება მოხდა; დაიბადა თოითის თვის ოცდამეერთე დღეს, მზის აღმოსვლის ჟამს, ზოლო რომი დააფუძნა ფარმუთის თვის მეცხრე დღეს, მეორე და მესამე საათის შუალედში²⁷.

ვარსკვლავთმცრიცხველნი ფიქრობენ, ქალაქის არსებობის ხანგრძლივობა, ვითარცა ადამიანისა, დასაბამითგანვე მტკიცედაა განსაზღვრული ბედისწერით. რომლის განჭვრეტაც თურმე ვარსკვლავთა განლაგებაზე დაკვირვებით შეიძლება.

ამ და ამგვარ ამბავთა უცნაურობამ და გარდამეტებულობამ შესაძლოა მკითხველი კი არ გაიტაცოს, არამედ თავი მოაბეზროს კიდევ თავისი ზღაპრული ელფერით.

13. როგორც კი დააფუძნა ქალაქი, რომულუსმა უწინარეს ყოვლისა სამხედრო რაზმებად დაჰყო ყველა, ვინც ასაკით მომწიფებული იყო. ყოველ რაზმში შედიოდა სამი ათასი ქვეითი მებრძოლი და სამასი ცხენოსანი. ასეთ რაზმს ეწოდებოდა „ლეგიონი“, ვინაიდან მისი შედგენა არჩევით ხდებოდა. ირჩევდნენ იმას, ვინც საომარი საქმისათვის ვარგოდა²⁸. ყველა დანარჩენი ითვლებოდა ხალხად და ამ მრავალრიცხოვან ფენას ეწოდებოდა „პოპულუსი“. ასი საუკეთესო მოქალაქე რომულუსმა დანიშნა მრჩეველებად. რომელთაც პატრიციუსები დაარქვა, მათ კრებულს კი სენატი უწოდა. სენატი ზუსტად უზუტესთა საბჭოს აღნიშნავს. ერთნი ამბობენ, მრჩეველებს პატრიციუსები ეწოდათ იმის გამო, კანონიერი შვილების მამები იყვნენო, მეორენი კი ამტკიცებენ: უფრო მეტად იმიტომ, რომ შეეძლოთ, თვითონვე ეჩვენებინათ თავიანთი მამები, რაიც ქალაქში პირველ ხანებში მოზღვაგებულ პირთაგან არცთუ ისე ბევრს ძალუძდაო²⁹. სხვე-

ბის აზრით, მრჩეველთა სახელი მომდინარეობს „პატროცინიუმ“ სიტყვიდან: ასე უწოდებდნენ და ღღემდე ასე ეძახიან მფარველებსო ფაქრობენ, მფარველობას ეს სახელი მისცა ვეანდრესთან ერთად მოსულმა ერთმა მოქალაქემ, რომელსაც პატრონი ერქვა და გაჭირვებულთ მზრუნველობასა და დახმარებას უწევდა³⁰. ჭეშმარიტებას მაინც ის უფრო უახლოვდება, ვისი აზრითაც რომელუსი სათავეში მდგომთა და უძლიერესთა მოვალეობად დაბეჩავებულებზე ზრუნვასა და მათ მფარველობას თვლიდა, ხოლო მფარველობაში მყოფთ ასწავლიდა, ძლიერთა წინაშე შიში კი არ ჰქონოდათ და მათთვის მიგებული პატივის გამო კი არ განაწყენებულაყვნენ, არამედ კეთილმოსურნეობით მოჰყიდებოდნენ, ჩაეთვალათ ისინი საკუთარ მშობლებად და ყოველთვის მამებად მოეხსენებინათ. და, მართლაც, ღღემდე უცხოელები სენატში შემავალ პირთ „წინამძღოლებს“ უწოდებენ, თვითონ რომაელები კი — „რჩეულ მამებს“. ამ სახელწოდებით რომელსაღაც შუტრის ნატამალიც არ ურევია, დიდებასა და პატივს გამოხატავენ. თავდაპირველად მათ მხოლოდ „მამებს“ ეძახდნენ, შემდეგში კი, როცა სენატის შემადგენლობაში უფრო მეტი და მეტი პირი მიიღეს, „რჩეული მამები“ შეარქვეს. აი, ასეთი იყო ის საპატიო სახელი, რომლითაც რომელუსმა სენატორთა ფენა უბრალო ხალხისაგან განასხვავა³¹. გარდა ამისა, მან კიდევ იმ ნიშნით გამოიჩინა ძლიერნი მდაბიოთაგან, რომ პირველთ უწოდა პატრონები, რაც „მფარველთ“ აღნიშნავს, ხოლო მეორეთ დაარქვა კლიენტები, რაც, თავის მხრივ, „ხელქვეითებს“ გამოხატავს. ამასთანავე მათ ურთიერთობაში დაამკვიდრა საოცარი კეთილმოსურნეობა, რომელიც მომავალში დიდ უფლებათა და მოვალეობათა საფუძველი გახდა.

პატრონები ხელქვეითებს განუმარტავდნენ კანონებს, იცავდნენ სასამართლოში და ყოველ საქმეში მრჩეულებად და შემწეებად ევლინებოდნენ, კლიენტები კი თავის მხრივ მფარველებს გულმოდგინედ ემსახურებოდნენ, მართო მოწოდებით როდი კმაყოფილდებოდნენ, არამედ ხელმოკლე პატრონებს ქალიშვილების გათხოვებაში ეხმარებოდნენ და მათ ვალებს იხდიდნენ. ვერც ერთი კანონი და ვერც ერთი მმართველი ვერ აიძულებდა კლიენტს პატრონის წინააღმდეგ მოწმედ გამოსულიყო, ანდა პატრონს კლიენტის საწინააღმდეგო ჩვენება მიეცა. შემდგომ ხანებში ყველა უფლება და მოვალეობა ძალაში დარჩა, ეს კია, წარჩინებულ პირთა მიერ მდაბიოთა-

გან ფულის აღება სამარცხვინო და უპატიო საქმედ ჩაითვალა. აი, ყველაფერი ის, რის თქმაც გვინდოდა ამ ამბის ირგვლივ.

14. რომის დაარსებიდან მეოთხე თვეს, როგორც ფაბიუსი გადმოგვცემს, მოხდა ქალების მოტაცებასთან დაკავშირებული ამბავი. ზოგი ამბობს, რომულუსმა საბინებზე³² ძალა იმიტომ იხმარა, რომ ბუნებით ომის მოყვარული კაცი იყო და თანაც ერწმუნა რომელიღაც წინასწარმეტყველებას, თითქოს რომს ბედით ეწერა ომების წყალობით გაზრდა და განდიდება. ამბობენ: მან ბევრი კი არა, სულ ოცდაათი ქალიშვილი მოიტაცა, თანაც იმიტომ, რომ ომს უფრო დაეძებდა, ვინემ ქორწინებებსო. მაგრამ ეს სინამდვილეს არ შეესაბამება. რომულუსი ხედავდა, ქალაქი სწრაფად იესებოდა ახალმოსულებით, რომელთაგან ცოლები ცოტას ჰყავდა, უმრავლესობა წარმოადგენდა გაჭირვებულ და საექვო პიროვნებათა ბრბოს, ვინც იმედს არ იძლეოდა, რომ აქ მტკიცედ დამკვიდრდებოდა. რომულუსი იმედოვნებდა, თუ საბინებს ქალებს მოსტაცებდა, ამ უსამართლო საქმით მათთან ერთგვარ კავშირსა და ურთიერთობას დაამყარებდა. აი, როგორ წამოიწყო მან ეს ამბავი. უწინარეს ყოვლისა ხმა დაარხია, ვითომ რომელიღაც ღმერთის მიწაში ჩაფლული საკურთხეველი იპოვა. ამ ღმერთს სახელად უწოდებდნენ კონუსს, ალბათ ბჭობის ღმერთი იყო და იმიტომ; საბჭოს ხომ დღესაც კონსილიუმს ეძახიან, უმაღლეს თანამდებობის პირთ კი — კონსულებს, ესე იგი მჩრგვლებს. შესაძლოა ეს იყო ღმერთი პოსეიდონ-პიპიოსი³³. მისი საკურთხეველი მართლაც უდიდეს ჰიპოდრომზე დგას და მხოლოდ ცხენების შეჯიბრებებზე გამოაჩენენ ხოლმე. სხვები კი ამტკიცებენ: რაკილა საბჭოს გადაწყვეტილება სრულიად გასაიდუმლოებული და განუცხადებელი იყო, აზრს როდია მოკლებული ღმერთისათვის შეწირული მიწისქვეშა საკურთხეველი დაფარული ჰქონოდათო.

როცა საკურთხეველი სამზეუროზე ამოიტანეს, რომულუსმა ყველას წინასწარ აუწყა ეს და ღმერთის სახელობაზე ბრწყინვალე მსხვერპლშეწირვა, ასპარეზობა და საყოველთაო სანახაობა გამართა. ზეიმზე დიდძალმა ხალხმა მოიყარა თავი. მეწამულ ტოვაში გამოწყობილი რომულუსი თავკაცებთან ერთად წინ იჯდა. თავდასხმის ნიშანი ის იყო, რომ დათქმულ დროზე რომულუსი ფეხზე წამოდგებოდა, ტოვას დაკეცავდა და მხრებზე მოიგდებდა. მახვილებით შეიარაღებული მრავალი კაცი წინამძღოლს თვალებში შესცქეროდა, როგორც

კი ნიშანი იქნა მიცემული, რომელებმა მყისვე იშიშვლეს მახვილები, კიჲინით ეკვეთნენ საბინებს და თანმხლები ქალიშვილები მოსტაცეს. დაზარალებულ საბინებს კი გაქცევის საშუალება მისცეს და უკან არ დაედევნენ. ზოგიერთი ამბობს: მოიტაცეს სულ ოცდაათი ქალიშვილი, რომელთა სახელები შემდეგ კუბრებს მიეცათ³⁴. ვალერიუს ანტიას გადმოცემით მოიტაცეს ხუთას ოცდაშვიდი ასული, იუბას მტკიცებით კი მოტაცებულ ქალიშვილთა რიცხვი ექვსას ოთხმოცდასამს აღწევდა³⁵. რომულუსს ყველაზე მეტად ის ამართლებს, რომ ყველა მოტაცებული ქალწული იყო. გათხოვილი ქალი არ მოუტაცნიათ, გარდა ერთისა, რომელსაც სახელად ჰერსილია ერქვა და ისიც შემთხვევით წაიყვანეს. ქალიშვილების მოტაცებაზე რომაელებს უბიძგა არა თავხედობამ თუ უსამართლობამ, არამედ იმან, რომ განზრახული ჰქონდათ ორივე ტომი შეერთებინათ და მტკიცე კავშირით შეეკრათ: ზოგი ამბობს: ჰერსილია დაქორწინდა ჰოსტილიუსზე რომელიც რომაელებში გამორჩეული ვაჟკაცი იყო. სხვათა გადმოცემით კი იგი შეუღლებია თვითონ რომულუსს და გაუჩენია მისთვის შვილები — ერთი ასული, რომელსაც დაბადების რიგის გამო პრიმა³⁶ დაარქვეს და ერთადერთი ვაჟი, ვისთვისაც რომულუსს, მის გამგებლობაში მოქალაქეთა თავმოყრის აღსანიშნავად, აოლიუსი³⁷ უწოდებია, ხოლო შემდეგში სხვებს აბილიუსი შეურქმევიათ.

სხვათა შორის ზენოდოტე ტროიძენელს, რომელიც ამ ცნობებს გვაწვდის, მრავალი მოკამათე ჰყავს³⁸.

15. ამბობენ, ქალიშვილების მომტაცებელთა შორის მაშინ აღმოჩენილა მდაბიო წარმოშობის რამდენიმე კაცი, რომელთაც სილამაზითა თუ სიმაღლით ყველაზე უფრო გამორჩეული ასული მიჰყავდათ თურმე. როცა გზათ შემომხედურ წარჩინებულებს ქალიშვილის წართმევა დაუბიძგებიათ, მდაბიოებს უყვირიათ: ეს ქალიშვილი მიგვყავს ტალახისთან, ახალგაზრდა, მაგრამ სახელოვან და ღირსეულ კაცთანო. ეს რომ მოუსმენიათ, წარჩინებულებს გამამხნევებელი ყიჲინა და ტაშის ცემა აუტეხნიათ, ზოგიერთი მათგანი შემობრუნებულია კიდევ, მდაბიოებს გაყოლიან და გზადაგზა, ტალახისის მიმართ კეთილგანწყობილებისა და მაღლიერების გრძნობის გამოსახატავად, სულ მისი სახელი უყვირიათ. აქედან მოკიდებული დღემდე ქორწინების დროს რომაელებისათვის ტალახისის ისეთივე შეძახილია, როგორც ბერძნებისათვის ჰიმენეოსი³⁹. ამის მიზეზი კი, ამბო-

ბენ, ის იყო, რომ ტალასიუსისათვის საბინების ასულობა შეუძლებელი
ბედნიერი გამოდგა. კართაგენელმა სექტიუს სულამ, მუზებისა და ქა-
რიტების საქმეში ჩახედულმა კაცმა, ჩვენ გვითხრა: სინამდვილეში
ტალასიუსის სახელი ასულთა მოტაცების დროისათვის რომულუსმა
პირობით ნიშნად დათქვა; ყველა მომტაცებელი, რომელთაც ქალი-
შვილები მიჰყავდათ, განუწყვეტლივ გაიძახოდა ტალასიუსის სახელს
და ეს შეძახილი ქორწინების დროს ჩვეულებად დარჩაო. ისტორი-
კოსთა უმრავლესობა, რომელთა შორის იუბაც არის, ფიქრობს, რომ
ეს შეძახილი მოწოდება საქმის სიყვარულის გასაღვივებლად და
მატყლის მონდომებით სართავად: მაშინ იტალიური სიტყვები ჯერ
კიდევ არ იყო შერეული ბერძნულთან⁴⁰. თუ ეს აზრი მცდარი არ
არის და თუ რომაელები იმ დროს სიტყვა „ტალასიას“ იმ გავებით
იყენებდნენ, როგორც ჩვენ, მაშინ ზემოხსენებული შეძახილი შეიძლე-
ბა, სხვა, უფრო ჭეშმარიტი მიზეზით აიხსნას. როცა რომაელებთან ომის
შემდგომ საბინებმა ზავი შეკრეს, მოტაცებულ ქალთა თაობაზე დაიდო
ხელშეკრულება, რომლის ძალითაც ცოლებს თავიანთი ქმრებისათვის
სხვა საქმე არ უნდა ეკეთებინათ, მატყლის დართვის გარდა. შემ-
დგომში მართლაც ჩვეულებად დარჩა ის, რომ ქორწილის დროს პა-
ტარძლის მშობლები, ან მამები, ანდა ყველა დამსწრე ზუმრობით
შესძახებდნენ ხოლმე: „ტალასიუს!“ და ამით ოჯახს მოაგონებდნენ:
შემობრძანებულ პატარძალს, მატყლის დართვის გარდა, სხვა საქმე
არ მოეთხოვებო.

დღემდე დარჩა ის ჩვეულებაც, რომ პატარძალი თვითონ ვერ გა-
დაბიჯებს ქმრის სახლის ზღურბლს, იგი ხელში ატატებული უნდა
შეიყვანონ შინ, გინაიდან საბინთა ასულები მაშინ თავისი ნებით კი
არ შესულან რომაელთა ოჯახებში, არამედ ძალდატანებით შეიყვანეს.
ზოგიერთი ამბობს: პატარძლისათვის შუბის წვერით თმის გაყოფაც
იმის მაუწყებელი ნიშანია, რომ პირველი ქორწინება ბრძოლის და
მტრობის ვითარებაში მოხდაო. ამის თაობაზე ჩვენ დაწვრილებით
გვაქვს ნათქვამი „საკითხებში“⁴¹.

საბინთა ქალების გაბედული მოტაცება მოხდა მაშინდელი სექსტი-
ლის, ხოლო ახლანდელი აგვისტოსთვის მეთვრამეტე დღეს. ამ დღეს
ჩვეულებრივ კონსულაიის ზეიმს მართავენ⁴².

16. საბინები მრავალრიცხოვანი და მეომარი ტომი იყო. ცხოვ-
რობდნენ გალაგნის კედლებით გაუმაგრებელ სოფლებში, ვინაიდან

თვლიდნენ, რომ ლაქედემონელთაგან წამოსულებს სიამაყე და გულ-
მედგრობა შეეფერებოდა⁴³. მაგრამ რაკი ხელავდნენ, რომ უდიდესი
საწინდრით იყვნენ ხელფენშეკრულნი, ქალიშვილების ბედით და-
შინებულებმა თავშეკავებული და ზომიერი წინადადებებით გაუგზავ-
ნეს რომაელებს ელჩები.

საბინები რომულუსს სთხოვდნენ დაებრუნებინა მათთვის ასულე-
ბი, ხელი აეღო ძალადობაზე და მეგობრობა და მოყვრობა ორ ტომს
შორის მხოლოდ ამის შემდეგ დაემყარებინა მშვიდობიანი და კანონი-
ერი გზით. რომულუსმა ქალიშვილები არ დააბრუნა, ხოლო სა-
ბინებს მოუწოდა ახლაც დათანხმებოდნენ მოყვრობას. სანამ სხვა
საბინები ამაზე მსჯელობდნენ და დროს მზადებაში კარგავდნენ, კენი-
ტების მეფე აკრონი, კაცი მედგარი და მრისხანე მეომარი, პირველი
აღდგა საომრად და დიდძალი ჯარით რომულუსის წინააღმდეგ წარე-
მართა. აკრონი იმთავითვე ეჭვის თვალთ უყურებდა რომულუსის
გაბედულ საქმეთ, ხოლო ახლა, როცა ქალებიც დაიტაცა, მას ყველა-
სათვის საშიშ კაცად თვლიდა და ვარაუდობდა, იგი კიდევ უფრო
აუტანელი გახდებოდა, თუ არ დასჯიდნენ. საომრად წამოსულ აკრო-
ნისაკენ თავის მხრივ რომულუსიც დაიძრა. როცა პირისპირ დადგნენ
და ერთმანეთს თვალი შეავლეს, სარდლებმა ერთიმეორე ორთა ბრძო-
ლაში გამოიწვიეს, საომრად გამზადებულ ჯარებს კი უბრძანეს არ გან-
ძრეულიყვნენ, რომულუსმა აღთქმა დადო, თუ მტერს ძირს დასცემ-
და, თვითონვე შესწირავდა ზევსს დამარცხებულის იარაღს. მან მარ-
თლაც აჯობა აკრონს, ძირს დასცა იგი. როცა ბრძოლა გაჩაღდა, მისი
ჯარი გაანადგურა და მტრის ქალაქიც აიღო. დატყვევებულ მცხოვ-
რებლებს არა ავნო რა, გარდა იმისა, რომ უბრძანა, დაენგრიათ სახ-
ლები და გაჰყოლოდნენ რომში, რათა იქ დასახლებულიყვნენ და
სხვათა თანაბარი უფლების მქონე მოქალაქენი გამხდარიყვნენ. რომის
ზრდას არაფერი არ უწყობდა ისე ხელს, როგორც დამარცხებულთა
შემოერთება და მათი ქალაქში დამკვიდრება.

მიცემული აღთქმით რომ ზევსის გული უფრო მოეგო და თანა-
მოქალაქეებისათვისაც საამო სანახაობა გაემართა, რომულუსმა თავის
ბანაკში თვალი დაადგა ერთ უზარმაზარ მუხას, მოჭრა იგი და მის-
გან გამოაკობიტა გამარჯვების ნიშანი⁴⁴, რომელზედაც მთავადგა და
ჩამოვიდა აკრონის თითოეული იარაღი, თვითონ საგანგებო ტანსაც-
მელში გამოეწყო და ჩამოშლილი თმა დაფნის გვირგვინით დაიმშვე-

ნა. გამარჯვების ნიშანი მარჯვენა მხარზე გაიდო, მერმე ზეადმართული სწორად დაიკავა, საზეიმო სიმღერა წამოიწყო და წინ წარუძღვა მხედრობას, რომელიც სრული აღჭურვილობით მიჰყვებოდა. მოქალაქეები სიხარულითა და აღფრთოვანებით ეგებებოდნენ რომულუსსა და მის ჯარს. ეს საზეიმო მსვლელობა მომავალ ტრიუმფთა დასაწყისი და მაგალითი იყო. გამარჯვების ნიშანს სახელად უწოდეს ფერეტრიუს—ზევსის ძღვენი, ვინაიდან რომაელები „დანარცხებას“ აღნიშნავენ „ფერირე“⁴⁵ სიტყვით; რომულუსი ხომ შეევედრა ღმერთს, მტრის დანარცხების ძალა მისცემოდა.

ვარონი ამბობს, მტრისათვის წართმეულ საჭურველს „ოპიმია“⁴⁶ შეარქვეს, რადგანაც ნადავლ სიმდიდრეს რომაელები „ოპუს“ სიტყვით გამოხატავენო. უფრო დამაჯერებელი იქნება, კაცმა რომ ეს სიტყვა „საქმეს“ დაუკავშიროს, „ოპუს“ მართლაც „საქმეს“ აღნიშნავს. „ოპიმიების“ შეწირვის უფლება განსაკუთრებული მამაცობისათვის ეძლევა სარდალს, თუ იგი საკუთარი ხელით მოკლავს მტრის მხედართმთავარს. ეს უფლება წილად ხვდა მხოლოდ და მხოლოდ სამ რომაელ სარდალს: პირველად — კენიტელი აკრონის მკვლელ რომულუსს, მეორედ — კორნელიუს კოსუსს, რომელმაც ტირენელი ტოლუმნიუსი მოკლა და ბოლოს — კლავდიუს მარცელუსს, ვინც გალუბის მეფე ბრიტომარტუსი⁴⁷ დაამარცხა. კოსუსი და მარცელუსი რომში შევიდნენ ოთხ-ოთხცხენიანი ეტლებითა და თან გამარჯვების ნიშანი მიჰქონდათ. დიონისიოსი ცდება, როცა ამბობს: საზეიმო სვლის დროს რომულუსმაც ეტლი გამოიყენაო. გადმოგვცემენ, რომ რომის მეფეთა შორის ღემარტუსის ძე ტარკვინიუსი იყო პირველი, რომელმაც ტრიუმფები ასე დიდებული სანახაფი გახადა. სხვები კი ამტკიცებენ: სატრიუმფო ეტლზე პირველად პოპლიოლა ავიდაო. ასეა თუ ისე, რომში არსებული ყველა ქანდაკება გამარჯვების ნიშნის მატარებელი რომულუსისა მას ქვეითად მომავალს წარმოგვიდგენს.

17. კენიტების დატყვევების შემდეგ, სანამ ჰხვა საბინები მზადებაში იყვნენ, ფიდენეს, კრუსტუმერიუმისა და ანტემნეს მოსახლენი რომაელთა წინააღმდეგ საომრად აღდგნენ, მაგრამ გაჩაღდა თუ არა ბრძოლა, მყისვე დამარცხდნენ. რომულუსმა მათ ქალაქები წაართვა, სამკვიდრებელი გაუჩანავა და ყველა ძლეული რომში გადასახლა. დამარცხებულთა მიწები მოქალაქეებს დაუნაწილა, მაგრამ ის ნაკვე-

თები, რომლებიც მოტაცებულ ქალიშვილთა მამებს ეკუთვნოდათ ხელუზღებლად დაუტოვა პატრონებს.

დანარჩენმა საბინებმა ეს ამბები ველარ მოითმინეს, მხედართმთავრად ტატიუსი აირჩიეს და რომზე გაილაშქრეს. მაგრამ ქალაქი თითქმის მიუვალი იყო იმ მაღლობის წყალობით, სადაც ახლა კაპიტოლიუმი. აქ იდგა ყარაული, რომლის უფროსი იყო ტარპეიუსი და არა ქალწული ტარპეია, როგორც გვიმტკიცებს ზოგიერთი, ვისაც სურს რომულუსი გულუბრყვილო კაცად წარმოგვიდგინოს. ტარპეია ყარაულის უფროსის ასული იყო. მან საბინებს სიმაგრე იმიტომ ჩააბარა, რომ მოიხიბლა ოქროს სამაჯურებით, რომლებიც მტრებს დაუნახა, და ღალატის საზღაურად მოითხოვა მიეცათ მისთვის ის, რასაც მარცხენა ხელზე ატარებდნენ. ტატიუსი დათანხმდა. ტარპეიამ ღამით ერთ-ერთი კარი გააღო და საბინები სიმაგრეში შეუშვა. როგორც ჩანს, ერთადერთი როდი იყო ანტიგონე⁴⁸, როცა ამბობდა: მიყვარს ის, ვინც ღალატს აპირებს, და მეზიზღებიან, ვინც ეს უკვე ჩაიდინაო, ანდა — კეისარი⁴⁹, ვინაც თრავიელ რიმიტალკეზე თქვა: მიყვარს გამცემლობა, მაგრამ გამცემი მძულსო. ასეთია არამზადების მიმართ იმათი განწყობილება, რომლებსაც ისინი სჭირდებათ ისე როგორც ზოგიერთი ცხოველის შხამი და ნაღველია ზანდაზან საჭირო. მათ მართლაც მოსწონთ გამცემი, როცა მისგან სარგებლობას იღებენ, მაგრამ მიღწევენ თუ არა მიზანს, ბოროტი საქმე ზიზღითა და სიძულვილით ავსებთ. აი, ასეთი განწყობა ჰქონდა ტარპეიას მიმართ მამის ტატიუსსაც. როცა სიმაგრეში შევიდნენ, საბინებს უბრძანა პირობა დაეცვათ და ყველაფერი, რაც მარცხენა ხელზე ჰქონდათ, უშურველად მიეცათ გამცემისათვის. ტატიუსმა პირველმა მოიხსნა ხელიდან სამაჯური და ფართან ერთად თავისიანების მოღალატე ასულს ესროლა. ასევე მოიქცნენ სხვებიც და ოქროს სამაჯურებისა და ფარების ქვეშ მოქცეული ტარპეია სიცოცხლეს გამოასალმეს. იუბამ, რომელიც სულბიციუს გალბას გადმოცემას ემყარება, ამბობს: რომულუსმა ღალატში ამხილა ტარპეიუსიც და დასაჯაო. რაც შეეხება სხვა გადმოცემებს ტარპეიას თაობაზე, ამთავან ყველაზე უფრო დაუჯერებელი ჩანს ის ამბავი, თითქოს ტარპეია იყო საბინთა მხედართმთავრის ტატიუსის ასული, რომელიც ვითომ ძალდატანებით ჰყავდა ცოლად რომულუსს და ზემოხსენებული ღალატისთვის საკუთარმა მამამ დასაჯა. ამ ამბის გადმომცემთა შორის ანტიგონოსიც

არის⁵⁰. პოეტი სიმბოლურ⁵¹ კი სულ ტყუილებს ჩმახავს, როცა გვიმტკიცებს, ვითომც კაპიტალიზმი ტარპეიამ ჩააბარა არა საბინებს, არამედ კელტებს, რომელთა მეფეზეც შეყვარებული იყო. აი, რას ამბობს იგი:

კაპიტალიზმის ბორცვთან ტარპეია ცხოვრობდა ძველად,
ამ ქალმა დიდებულ რომის ხელპყ კელტები მძლე.
კელტების სკიპტრის მფეის სარეცელში ჩაწოლა სურდა,
ამიტომ მიჰყიდა მან შობელი ქალაქი მტერს.

ცოტა ქვემოთ კი ტარპეიას სიკვდილის თაობაზე ნათქვამია:

კელტების ურიცხვმა ტომმა, ბოიებმა ყველაზე უწინ
მიდამო პადუსის წყლისა არ წააბილწინეს ქალს,
ღონიერ მკლავთაგან ფარნი ზარდამცემნი დაიხსნეს სწრაფად,
გამეცხს დაყარეს და დაფლეს ასე რიგად ის.

18. იმ მაღლობს, სადაც ტარპეია დამარხეს, ტარპეიუმში ეწოდებოდა მანამდე, სანამ ტარკვინიუს მეფემ ის ადგილი იუპიტერს არ შესწირა. ტარპეიას ნეშტი სხვაგან გადაიტანეს და მისი სახელიც დავიწყებას მიეცა. კაპიტალიზმზე ტარპეიუმში ახლა ეწოდება მხოლოდ ერთ კლდეს, საიდანაც დამნაშავეთ გადაიხეხავდნენ ხოლმე.

როცა საბინებმა სიმბაგრე დაიკავეს, განრისხებულმა რომულუსმა ისინი ბრძოლაში გაიწვია. ტატიუსმა გამოწვევა მიიღო, რახან უკანდახვეის შემთხვევაში საიმედო თავშესაფარი ეგულებოდა. ადგილი, სადაც ჯარები ერთმანეთს უნდა შეპყროდა, უამრავ გორაკებშუა იყო მოქცეული, ისე რომ ორივე მხარეს ცხარე და მძიმე ბრძოლა ელოდა. ასეთ ვიწრობაში უკან დახევაცა და დევნაც ფრიად ხანმოკლე იქნებოდა. გარდა ამისა, რამდენიმე დღის წინ აღიდებულ მდინარესაც გადაეგლო და ვაკე ადგილებში, იქ, სადაც ახლა ფორუმი, შავი შლამი კარგა სქლად დაეტოვებინა. თვალთ შეუმჩნეველი ეს საშინელი შლამი ვერაგულ საფლობს ჰქმნიდა და იქიდან თავის დაღწევა თითქმის შეუძლებელი იყო. საბინები, რომლებიც აქეთკენ მოისწრაფოდნენ, ბედმა დაიხსნა. ერთი გამოჩენილი ვაჟაკი, სახელითა და მამაცობით გაყოყაჩებული კურციუსი, სხვებზე ბევრად ადრე გამოიჭრა აქეთ ცხენზე ამხედრებული. უცბად ცხენი შლამში ჩაეფლო. მხედარი ერთხანს ცდილობდა ცემითა და შეძახილებით პირუტყვი შლამიდან ამოეყვანა, მაგრამ, როცა ყველაფერი ამოა გამოდგა, ცხენ-

ნი მიატოვა და თავი გადაიხრჩინა. ამიტომ ეწოდება ახლაც ამ ადგილს „ლაქუს ქუჩიუსი“⁵².

საბინები საფრთხეს გადაურჩნენ და ცხარე ბრძოლა გააჩაღეს. გამარჯვების ბედი ვერ გადაწყდა, თუმცაღა ორივე მხრივე მრავალი მებრძოლი დაეცა. ამათ შორის იყო ჰოსტილიუსიც. ამბობენ, იგი იყო პერსილიას ქმარი და პაპა იმ ჰოსტილიუსისა, ვინც ნუმას შემდეგ მეფობდაო.

როგორც მოსალოდნელი იყო, მოკლე ხნის განმავლობაში მრავალი შეტაკება მოხდა, მაგრამ ყველაზე უფრო მეტად იხსენიებენ უკანასკნელ მებრძოლებს. ამ ბრძოლის დროს რომულუსი ქვით დაიჭრა თავში. ცოტალა უკლდა მიწაზე დაცემულიყო და მედვარი წინააღმდეგობა შეეწყვიტა. რომაელები მყისვე შედრკნენ და დაბლობი ადგილებიდან გარეკილნი სირბილით პალატიუმისაკენ გაეშურნენ. ოდნავ მომჯობინებული რომულუსი ცდილობდა იარაღით გადაეჭრა გზა უკუქცეულთათვის, ხმამაღალი ყვირილით მოუწოდებდა შეჩერებულიყვნენ და კვლავ ბრძოლას დაჰბრუნებოდნენ. მაგრამ მის გარშემო ისეთი ტალღა იყო უკუქცევისა, რომ ვერც ერთი ვერ ბედავდა შემობრუნებას. მაშინ რომულუსმა ცად აღაყრო ხელნი და შეეგვდრა იუბიტერს გაეჩერებინა ჯარი, ნუ აარიდებდა მოწყალე თვალს რომელთა შერყეულ სახელმწიფოს და ნუ დაღუპავდა მას. როგორც კი დაამთავრა ვედრება, მრავალი რომაელი შეიპყრო სირცხვილმა, უკუქცეულთ სიმაჟაცე დაუბრუნდათ. ისინი თავდაპირველად შეჩერდნენ იმ ადგილას, სადაც ახლა აგებულია ტაძარი იუბიტერსტატორისა, რაც, ასე ვთქვათ, „გამჩერებელს“ აღნიშნავს. ერთი სიტყვით, რომაელებმა კვლავ შეკრეს თავიანთი რიგები და საბინები ახლანდელ რეგიამდე⁵³ და ვესტას ტაძრამდე აოტეს.

19. რომაელებიც და საბინებიც უკვე ემზადებოდნენ ბრძოლა თავიდან დაეწყოთ, მაგრამ ყველა შეაჩერა შემზარავმა, ენით აღუწერელმა სანახაობამ. სხვადასხვა მხრიდან ანაზღივლად გამოჩნდნენ რომელთა მიერ მოტაცებული ქალები. თითქოს ღვთაებისაგან შეგონებულნი, წივილ-კივილით და გოდებით გადავიდნენ გროვად დაყრილ იარაღსა და გვამებზე და ქმრებსა და მამებს მიაშურეს. ნაწილს თმა ჩამოეშალა და ყველაზე საალერსო სახელებით ხან საბინებსა და ხან რომაელებს უხმობდა. ამან ორივე მებრძოლი მხარე გატეხა, ორივემ უკან დაიხია და მებრძოლ მწყრივთა შორის ქალებს ადგილი და-

უთმეს. ქალების ქვითინი და ტირილი ყველგან აღწევდა. ღრმა სიბრა-
ლულის გრძნობას იწვევდა მათი სახე და კიდევ უფრო მეტად მათი
სიტყვები, რომლებიც სამართლიანი და გულანდილი საყვედურებით
იწყებოდა და ხვეწნა-მუდარით მთავრდებოდა. „განა, — ამბობდნენ
ქალები, — რა საშინელება ჩავიდინეთ თქვენ წინაშე, ანდა რა დაგი-
შავეთ ისეთი, რომ ასე დავიტანჯეთ და ახლაც ასე უღმობლად ვი-
ტანჯებით? ძალდატანებითა და უკანონოდ მოტაცებულნი იმათგან,
რომელთაც ახლა ვეკუთვნით, დიდი ხანია დაგვივიწყეს ჩვენმა ძმებ-
მა, მამებმა და ნათესაებმა. ამ ვითარებამ შეგვაერთა საძაგელ
მტრებთან ისეთი მტკიცე კავშირით, რომ იძულებული ვართ იმათ გა-
მო, რომლებმაც ძალა იხმარეს და უკანონობა ჩაიდინეს, შიშით ვკან-
კალებდეთ, როცა ბრძოლად მიდიან და ვიტყვი, როცა იღუპებიან.
თქვენ არ მოხვედით შურის საძიებლად მოძალადეებზე, სანამ ჩვენ
ჯერ კიდევ ქალწულები ვიყავით; ახლა კი მოსულხართ და ქმრებს
ცოლებს ართმევთ, ბავშვებს კი ღედებს! ჩვენისთანა უბედურათვის
ეგ დახმარება თქვენს წინანდელ გულგრილობასა და ღალატზე უფრო
მწარეა. აი, როგორი სიყვარული გვერგო იმათგან, აი, როგორი სიბ-
რაღლული დავიმსახურეთ თქვენგან! თუ თქვენ სხვა რაიმე მიზეზის
გამო იბრძოდით, ამიერიდან უნდა შეწყვიტოთ ბრძოლა: თქვენ ხომ
ჩვენი წყალობით პაპები და მოყვრები გახდით. მაგრამ თუ ეს ომი
ჩვენი მიზეზით არის ამტყდარი, მაშინ წაგვიყვანეთ აქედან თქვენს
სიძებთან და შვილიშვილებთან ერთად; დაგვიბრუნეთ მამები და
ახლობლები; ნუ წაგვართმევთ შვილებსა და ქმრებს; ნუ გადაგვაქ-
ცევთ კვლავ ტყვეებად!“

ბევრი ამის მსგავსი სიტყვა თქვა აგრეთვე ჰერსილიამ, სხვები კი
ამ სიტყვებს გულის მომკვლელ ქვითინს ურთავდნენ. ბოლოს და ბო-
ლოს მეომარმა მხარეებმა დროებითი ზავი დადეს და მხედართმთავ-
რები მოსალაპარაკებლად შეიყარნენ⁵⁴. გახარებულ ქალებს ამასობა-
ში მამებსა და ძმებთან მიჰყავდათ თავიანთი ქმრები და შვილები. მიჰ-
ქონდათ საქმელი და სასმელი, ვისაც კი ეს სჭირდებოდა, ხოლო დაჭ-
რილები გადაჰყავდათ სახლებში, მხრუნველობით უვლიდნენ და ამით
საშუალებას აძლევდნენ ეხილათ, რომ ქალები სახლის სრული ბა-
ტონ-პატრონი არიან, რომ ქმრები მათ ყურადღებითა და მოწონებით
ეპყრობიან.

მალე ზავი დადეს შემდეგი პირობებით: ქალები, სურვილისდა მი-

ხედვით, რჩებოდნენ თავიანთ ქმრებთან და თავისუფლებოდნენ, როგორც ზემოთ ითქვა, ყოველგვარი საქმისა და გარჯისაგან, გარდა მატყლის რთვისა: რომაელები და საბინები დასახლებოდნენ ერთ ქალაქში; ქალაქს რომულუსის სახელის მიხედვით „რომი“, ხოლო ყველა რომაელს, ტატიუსის სამშობლოს პატივსაცემად „კვირიტები“ დაერქმეოდა⁵⁵. მეფობა და მხედართმთავრობა ორივესთვის საერთო უნდა ყოფილიყო. იმ ადგილს, სადაც შეთანხმება დაიდო, დღემდე ეწოდება „კომიციუმი“, ვინაიდან რომაელები „კომირე“ სიტყვით „ერთად შეყრას“ აღნიშნავენ.

20. როცა ქალაქი ორგზის გაიზარდა, დამატებით აირჩიეს საბინ-თაგან ასი პატრიცი, ხოლო ლეგიონები ექვს-ექვსი ათასი კვეითისა და ექვსას-ექვსასი მხედრის შემცველი გახდა. მოსახლეობა სამ ფი-ლელ დაყვეს და უწოდეს: პირველს — რამნები რომულუსის სახელი-საგან, მეორეს — ტატიები ტატიუსის სახელისაგან, მესამეს — ლუკე-რები იმ წმინდა ჭაღის წყალობით, რომელსაც ხელშეუხებლობის უფლებით თავს აფარებდა მრავალი ლტოლვილი, რათა მერმე რომის სახელმწიფოს მოქალაქეობა მიეღო. რომაელები „ლუკოს“ სიტყვით „ჭალას“ აღნიშნავენ. ფილე რომ ზუსტად სამი იყო, ამას თვითონ სიტყვაც გვიმოწმებს: რომაელები ფილებს ახლაც ტრიბებს უწოდე-ბენ, ხოლო ფილარქებს — ტრიბუნებს⁵⁶. თითოეული ფილე შეიცავ-და ათ კურიას⁵⁷, რომელთაც, როგორც ზოგიერთი ამბობს, მოტაცე-ბულ საბინელ ქალთა სახელები ეწოდა. მაგრამ ეს სწორი არ უნდა იყოს, კურობათა უმრავლესობამ სახელი მიიღო ადგილმდებარეობის მიხედვით. ქალებს კი ისედაც ბევრი პატივი დაუწესეს, რომელთაგან აღსანიშნავია შემდეგი: როცა მომავალთ დაინახავენ, ყველამ გზა უნდა დაუთმოს; ქალის თანდასწრებით უწმაწური სიტყვები არამც და არამც არ გაბედონ, მის წინაშე გაშიშვლებულნი არ გამოჩნდნენ. არ შეიძლება ქალების მიცემა სასამართლოში მკვლელობის ბრალდე-ბით. მათი ბავშვები ატარებენ ბუშტისებრ ყელსაბამს, რომელსაც „ბულა“ ეწოდება და აცვიათ ძოწით მოქარგული სამოსი⁵⁸.

რომაელთა ორი მეფე სახელმწიფო საქმეთ იმთავითვე ერთად რო-დი წყვეტდა; პირველ ხანებში ყოველი მათგანი თავისი ასი სენატო-რით კანცალკეებით ბჭობდა. მერმე კი სენატის ყველა წევრს ერთად მოუყარეს თავი. ტატიუსი ცხოვრობდა იქ, სადაც ახლა მონეტის ტა-ძარია⁵⁹; რომულუსი კი ბინადრობდა ეგრეთ წოდებულ ლამაზი სანა-

პიროს კიბესთან⁶⁰. ეს კიბე მდებარეობს პალატიუმიდან დიდი ცირკისაკენ ჩამავალ გზაზე. აქვე იდგა თურმე წმინდა შინდის ხე, რომლის თაობაზე ასეთ ამბავს ვადმოგვცემენ: ერთხელ რომულუსმა მკლავის ძალის გამოსაცდელად ავენტინუსის გორაკიდან შინდის ხის ტარიანი შუბი სტყორცნა; შუბი ისე ჩაესო თურმე მიწაში, რომ თუმცა ბევრმა სცადა მისი ამოღება, ვერავინ ვერ შეძლო. ნოციურ და მაცოცხლებელ მიწაში შუბის ტარმა ჩქარა გაიდგა ფესვები, აიყარა ტანი და შინდის ხე იქცა. რომულუსის მეგვიდრეები ამ შინდის ხეს თაყვანს სცემდნენ, როგორც უწმინდეს რამეს და კარგად რომ დაეცათ, კედელი შემოავლეს. თუ ვისმე გამგელეს მოეჩვენებოდა, ხე ცოცხლად არ გამოიყურება და დაჰკნობასა და გახმობას აპირებოდა, ყოველ შემხვედრს ყვირილით საშველად უხმობდა. ამის გამგონნი, თითქმის ხანძარი გაჩენილიყო, „არიქა, წყალიო“, ყვიროდნენ და ყოველი მხრიდან მოეშურებოდნენ წყლით სავსე ჭურჭლებით. გაიუს კეისრის⁶¹ დროს, როგორც ამბობენ, ზემოხსენებული კიბის აღდგენა დაიწყო; ხელოსნებმა სწორედ ამ ხის მახლობლად ორმო ამოთხარეს, შინდის ფესვები უნებლიეთ დააზიანეს და ხეც გახმაო.

21. თვეთა აღრიცხვა საბინებმა რომაელებისა გადაიღეს. ამის თაობაზე რაც კი საჭირო იყო, ყველაფერი ნუმას ცხოვრებაშია აღნიშნული. რომულუსმა თავის მხრივ საბინების გრძელი ფარების ხმარება დაიწყო, შეცვალა როგორც საკუთარი, ისე რომელიმე მეომარების შეიარაღება, რომლებიც მანამდე არგოსულ ფარებს ატარებდნენ. ერთმანეთის დღესასწაულებსა და მსხვერპლშეწირვის ადათის შესრულებაში რომაელებიცა და საბინებიც ისე მონაწილეობდნენ, არც ერთი ტომი ძველ წესებში არაფერს არ ცვლიდა, ოღონდ ახალი დღესასწაულები კი შემოიღეს. ამათგან აღსანიშნავია მატრონალიების დღეობა, რომელიც ქალებს მიეძღვნა⁶², ვინაიდან მათი წყალობით ბოლო მოეღო ომს, და აგრეთვე კარმენტალიების ზეიმი. ზოგიერთი ფიქრობს, რომ კარმენტა აღამიანთა დაბადების გამეგებელი მოიარა⁶³ არის და ამის გამო მას თაყვანს სცემენ დედები. სხვების აზრით იგი იყო არკადიელი ევანდრეს ჯადოქარი მეუღლე, რომელიც წინასწარმეტყველებას ლექსად წარმოთქვამდა და იმის გამო შეარქვეს კარმენტა „კარმენა“ სიტყვისაგან, რაც „ლექსებს“ აღნიშნავს, მისი ნამდვილი სახელი კი იყო ნიკოსტრატე. ეს აზრი საყოველთაოდ არის აღიარებული. ზოგიერთი კიდევ უფრო დამარწმუნებლად განმარტავს

„კარმენტა“ სიტყვას, როგორც „გონებაწართმეულის“ აღმნიშვნელს: ღვთის ზეშთაგონება გონებას ურევს ადამიანსო. მართლაც, რომელები „წართმევა-დაკლებას“ „კარერე“, ხოლო „გონებას“ „მეხსენების“ სიტყვებით გამოხატავენ. პარილიების ღვთის შესახებ კი ზემოთ არის ნათქვამი⁶⁴.

ლუპერკალიები, მისი აღნიშვნის დროის მიხედვით თუ ვიმსჯელებთ, განწმენდის ღვთისაა. იგი იმართება თებერვლის თვის ერთ კვირას ღვთის. „თებერვალი“ „განწმენდას“ ნიშნავს, ხოლო იმ კვირას ღვთის ძველად „ფებრატის“ ეძახდნენ. ლუპერკალიების ღვთისაა სახელს ბერძნულად შეესაბამება „ლიკია“ სიტყვა, რომელიც, ჩანს, ისე ძველია, რომ დასაბამს იღებს ევანდრეს მსლებელი არკადიელებისაგან. მაგრამ ეს მხოლოდ და მხოლოდ საყოველთაოდ გავრცელებული აზრია. შესაძლებელია კი, რომ ლუპერკალიების სახელი მომდინარეობდეს ძუ მგლისაგან⁶⁵. ჩვენ ხომ ვხედავთ, ლუპერკუსები⁶⁶ სირბილს იმ ადგილიდან იწყებენ, სადაც თავის დროზე ჩვილი რომულუსი დაადგეს. ლუპერკუსთა ქცევის მიზეზი ძალზე ძნელი ასახსნელია: ისინი კლავენ თხეებს, შემდეგ მოჰყავთ წარჩინებული გვარის ორი ყრმა; ზოგიერთი ლუპერკუსი გასისხლიანებულ მახვილს მათ შუბლს შეახებენ, სხვებს მყისვე მოაქვთ რძეში დისველებული მატყლი და ყრმებს სისხლს სწმენდენ. სისხლის ჩამოწმენდის შემდეგ ყრმებმა აუცილებლად უნდა გაიცინონ. მერმე ლუპერკუსები თხეების ტყავს ზოლებად ჭრიან, მთლად გაშიშვლებულნი — ტანზე მხოლოდ სარტყელიდა აქვთ — დარბიან და ყოველ შემხვედრს ტყავის მათრახს ურტყამენ. ახალგაზრდა ქალები არასდროს არ გაუტრბიან ლუპერკუსების მათრახებს, ვინაიდან დარწმუნებული არიან, ეს შემწვობას აღმოუჩენს მათ ფეხმძიმობასა და მშობიარობაში. ღვთისაა სახელს თავისებურება კიდევ ის არის, რომ ლუპერკუსები მსხვერპლად სწირავენ ძალს. ეინმე ბუტასი⁶⁷, რომელიც ელეგიებში რომეელთა ჩვეულებების ზღაპრულ მიზეზებს აღწერს, ამბობს, რომ ამულიუსის დაძლევის შემდეგ გახარებული რომულუსი და მისიანები სირბილით გაეშურნენ იმ ადგილისაკენ, სადაც ჩვილებს ძუ მგელი ძუძუს აწოვებდა. ლუპერკალიების ღვთისაა სახელს არის მიბაძვა მაშინდელი სირბილისა. წარჩინებული გვარის ყრმები ახლაც მორბიან ხოლმე და

შემხვედრთ ურტყამენ. სწორედ ასე მორბოდნენ ხმლებით აღზრდილ რომულუსს და მის რეშუსი.

შუბლთან მიტანილი მახვილი, — ამბობს ბუტასი, — მაშინდელი ზოცვა-უღერტისა და საფრთხის ნიშანია, რძით ჩამოწმენდა კი ტყუპების გამოკვებას მოგვაგონებსო.

გაიუს აცილიუსი⁶⁸ მოგვითხრობს: ჯერ კიდევ ქალაქის დაარსებამდე რომულუსსა და რემუსს ნახირი დაეკარგათ, ძმები შეევედრნენ ფავნუსს⁶⁹ და სრულიად გაშიშვლებულნი, რათა ოფლს არ შეეწუხებინათ, საძებრად გაიქცნენ. აი, ამის გამო დარბიან ლუპერკუსები ტიტველნიო. რაც შეეხება ძაღლს, შეიძლება კაცმა თქვას, თუ დღესასწაული განწმენდისაა, ამ ცხოველს იყენებენ როგორც შესაწირავ მსხვერპლს. ბერძნებს ასეთ დღეობებზე მართლაც მოჰყავთ ლეკვები და ხშირად მიმართავენ ზოლმე ეგრეთ წოდებულ პერისკილაკისმებს⁷⁰. თუ ლუპერკალიების დღესასწაული მიძღვნილია ძუ მგლისადმი, რომელმაც რომულუსი გამოკვება და გადაარჩინა, მაშინ ძაღლის მსხვერპლად შეწირვა უადგილო როდი ჩანს; ძაღლი ხომ მგლის მტერია. ვინ იცის, ვფიცავ ზევსს, იქნებ იმიტომ ისჯება ეს ცხოველი ასე, რომ ძაღლები საერთოდ ხელს უშლიან რბენაში ლუპერკუსებს!

22. ამბობენ, ცეცხლის თაყვანის ცემაც პირველად რომულუსმა დააწესა და ქურუმებად დანიშნა ქალწულები, რომელთაც ვესტალებს ეძახიან⁷¹. ზოგიერთი ამ საქმეს მიაწერს ნუმას, თუმცაღა იმასაც ვაღმოგვცემენ, რომ რომულუსი მეტად ღვთისმოსავი კაცი იყო და ამასთანავე დიდი გამოცდილება ჰქონდა სამისნო ხელოვნებაში, ამიტომაც დაიტარებდა თან საავგურო კვერთხს, ეგრეთ წოდებულ ლიტუსს⁷². ეს არის მოკაუჭებული ჯოხი, რომლითაც ფრინველთ ფრენაზე სამკითხაოდ დამსხდარი ზევსს გონებაში ოთხკუთხ ნაწილებად ჰყოფენ ზოლმე. ეს კვერთხი ინახებოდა პალატიუმზე და გაქრა მაშინ, როცა გალებმა ქალაქი აიღეს. ბარბაროსთა განდევნის შემდეგ იგი აღმოაჩინეს ფერფლის გროვაში. ცეცხლს მისთვის ვერა ევნო რა, თუმცაღა გარშემო ყველაფერი მოესპო და გაენადგურებინა.

რომულუსმა რამდენიმე კანონიც გამოსცა. ამათგან მკაცრი ჩანს ის კანონი, რომელიც ცოლს უკრძალავს მიატოვოს ქმარი. ზოლო ქმარს უფლებას აძლევს გააძევოს ბავშვების მოწამლვაში, საკეტების შეცვლასა ან ღალატში შემწინეული ცოლი. თუ ქმარი სხვა რაიმე მიზეზით განუტეგებს ცოლს, კანონი უბრძანებს ქონების ნაწილი ქალს მისცეს, ნაწილი კი ცერერას⁷³ მიუძღვნას. ვინც ცოლს გაყიდის, იკი

მსხვერპლად უნდა შესწირონ საიქიოს ღმერთებს. საგულისხმოა, რომ მამისმკვლელობისათვის განკერძოებული სასჯელი რომელსაც არ დაუწესებია, მაგრამ კაცის ყოველგვარ მკვლელობას მამისმკვლელობად აღიარებდა, ვინაიდან პირველს საზიზღარ დანაშაულად თვლიდა, მეორეს კი გაუგონარ რამედ. მართლაც, დიდი ხნის განმავლობაში საესებით ღწორად მიიჩნევდნენ, რომ მამისმკვლელობისათვის სასჯელი არ იყო გათვალისწინებული. საქმე ისაა, რომ თითქმის ექვსასი წლის მანძილზე არავის არ ჩაუდენია რომში ასეთი დანაშაული. მამისმკვლელობა პირველად მოხდა მანიხალის ომის შემდეგ და, როგორც გადმოგვცემენ, ჩაიდინა ის ლუციუს ჰოსტიუსმა. მაგრამ ამის თაობაზე ვიკმაროთ, რაც ვთქვით.

23. ტატიუსის მეფობის მეხუთე წელს მისი ნათესავები გზად წააწყდნენ ლავრენტუმთან⁷⁴ რომში მიმავალ ელჩებს და ძალით ფულის წართმევა დაუპირეს; ელჩებმა არ დაუთმეს და თავის დაცვა მოინდომეს; მაშინ ისინი სულ ერთიანად ამოკლდნენ. როცა ამ საშინელი დანაშაულის ამბავი გავრცელდა, რომელსაში საჭიროდ ჩათვალა დამნაშავენი დაუყოვნებლივ დაესაჯათ, მაგრამ ტატიუსი ფეხს ითრევდა და საქმეს აჭიანურებდა. ეს იყო მიზეზი მათ შორის ერთადერთი აშკარა უთანხმოებისა, სხვა მხრივ კი მოწიწებით ექცეოდნენ ერთმანეთს და სახელმწიფო საქმეებს სრული თანხმობით მართავდნენ. ტატიუსის მიზეზით სამართალი რაჟილა ვერ იპოვეს, მოკლულთა ნათესავები თავს დაესხნენ მას და სიცოცხლეს გამოასალმეს, როცა რომულუსთან ერთად ლავინიუმში⁷⁵ მსხვერპლის შეწირვით იყო გართული. რომულუსს კი სამართლიანი კაცობა შეუქცეს და უვნებლად გააცილეს. ტატიუსის გვამი რომულუსმა ქალაქში ჩაიტანა და დიდი პატივით დაკრძალა ავენტინუსზე ეგრეთ წოდებულ არმილუსტრიუმთან⁷⁶, მაგრამ მკვლელობისათვის შურის საძიებლად სრულიად არ გამოუღია ხელი.

ზოგიერთი მწერალი გადმოგვცემს, ლავრენტების ქალაქში შიშით ტატიუსის მკვლელები გასცა, მაგრამ რომულუსმა ისინი გაათავისუფლა და დასძინა: მკვლელობა მკვლელობითვე არის გამოსყიდული. ამან მითქმა-მოთქმა და ეჭვი გამოიწვია: რომულუსს უხარია თანაგამგებლის ჩამოცილებაო. მაგრამ ამ ამბავს არც სახელმწიფო საქმეები აურევდა-აუტრევია და არც საბინები აუჯანყებია. რომულუსს ისევ და ისევ გასაოცარი პატივისცემით ექცეოდნენ: ზოგს უყვარდა იგი,

ზოგს მისი ძლიერებისა ეშინოდა, ზოგი კი ღმერთად მიიჩნევდა. რომულუსს პატივს სცემდა სხვა მრავალი გარეშე ხალხიც. ძველმა ლათინებმა ელჩებიც კი მიუგზავნეს და მასთან მეგობრობისა და ურთიერთ დახმარების კავშირი შეკრეს.

რომის მეზობლად მდებარე პატარა ქალაქი ფიდენე, როგორც ზოგიერთი ამბობს, რომულუსმა ასე აიღო: წინასწარ მოულოდნელად გაგზავნა იქ ცხენოსანი ჯარი და უბრძანა ქალაქის კარიბჭენი გაეტეხათ, მერმე კი ანაზღეულად თვითონაც გამოჩნდა. სხვების გადმოცემით, რომულუსი იმიტომ მოიქცა ასე, რომ ფიდენელები მანამდე თვითონ დაესხნენ თავს რომაელებს, გაიტაცეს ნადავლი და თავზედურად დაარბიეს მთელი ქვეყანა ქალაქის გარეუბნებამდე. რომულუსი თავდამსხმელებს ჩაუსაფრდა, მრავალი გაჟლიტა და მტრის ქალაქიც ხელთ იგდო. აღებული ფიდენე რომულუსს არ დაურბევია და დაუნგრევია; იგი მან რომაელთა სამოსახლოდ აქცია და აპრილის იღებში იქ ორი ათას ხუთასი ახალმოსახლე გაგზავნა.

24. მცირე ხნის შემდეგ რომს თავს დაატყდა შავი ჭირი. იგი მუსრს ავლებდა მოსახლეობას, მცენარე ნაყოფს აღარ იძლეოდა და საქონელი — ნაშენს. მერმე ქალაქში სისხლის წვიმა მოვიდა და აურაცხელ ტანჯვას ზედ დაერთო ცრუმორწმუნე შიშიც. როცა ასეთივე უბედურება ლავრენტუმის მოსახლეობასაც ეწია, ყველა მიხვდა, რომ ორივე ქალაქს დაატყრა ღვთის რისხვა, რაც გამოიწვია იმან, რომ ტატიუსის სიკვდილსა და ელჩების მკვლელობის ამბავი უყურადღებოდ დატოვეს. მაშინ ორივე მხარემ გასცა მკვლელები, რომლებიც მყისვე დასაჯეს, და უბედურებამაც შესამჩნევად იკლო. რომულუსმა ორივე ქალაქი განწმინდა მსხვერპლშეწირვის იმ წესებით, რომელთაც, ამბობენ, ახლაც ასრულებენო ფერენტინუმის კარიბჭესთან⁷⁷.

ჯერ ჭირი არ იყო შეწყვეტილი, რომ რომაელებს თავს დაესხნენ კამერიელები⁷⁸ და ქვეყნის დარბევას მიჰყვეს ხელი იმ იმედით, უბედურებისაგან დათრგუნვილი მოსახლეობა თავს ვერ დაიცავსო. მაგრამ რომულუსმა მყისვე გაილაშქრა თავდამსხმელებზე, ცხარე ბრძოლაში დაამარცხა ისინი, ექვსი ათასი მომხდური მოსპო და მტრის ქალაქიც აიღო. გადარჩენილთა ნახევარი მან რომში გადასახლა, სანაცვლოდ ორგზის მეტი თანამემამულე რომიდან გაგზავნა და კამერიიში დაამკვიდრა სექსტილის კალენდებში⁷⁹. აი ამდენი მოქალაქე იყო მის გამგებლობაში რომის დაარსების მეთექვსმეტე წლის თავზე.

სხვა ნადავლთან ერთად რომულუსმა კამერიიდან წამოიღო სპონ-
გენძის ოთხცენა ეტლი და ვულკანუსის ტაძარს შესწირა. იქვე და-
ადგმევინა პირადი ქანდაკებაც. იგი გამოსახავდა გამარჯვებულ რომუ-
ლუსს, რომელსაც ღმერთქალი ვიქტორია⁸⁰ თავს გვირგვინით უბ-
კობდა.

25. რომაელთა სახელმწიფოს თანდათანობით გაძლიერებას მეზობ-
ლად მოსახლე სუსტი ტომები ასე თუ ისე ურიგდებოდნენ და კიდევ
უზაროდნენ, რაკი თავს თვითონ უშიშრად გრძნობდნენ: მაგრამ ძლი-
ერი ტომები შეშინებულნი და შურით აღვსილნი ფიქრობდნენ, რომ
ამ ამბის გულგრილად ცქერა არ შეიძლებოდა, რომ საჭირო იყო რო-
მის ზრდას წინაღობოდნენ და რომულუსი შეეკავებინათ. უწინა-
რეს ყოვლისა საომრად ხელი გამოიღეს ტირენიის მკვიდრმა ვეიებ-
მა⁸¹, რომელთაც ვრცელი მიწა-წყალი ეკავათ და საცხოვრებლად დი-
დებული ქალაქი ჰქონდათ. ომის საბაბად დაასახელეს ფიდენე⁸² და-
გვიბრუნეთ, ჩვენ გვეკუთვნოდაო. ეს მოთხოვნა არა მარტო უსამარ-
თლო, არამედ სასაცილოც იყო. როცა ფიდენელები საფრთხეში იმ-
ყოფებოდნენ და ომობდნენ, ვეიები როდი დაეხმარნენ, პირიქით,
რომაელებს საშუალება მისცეს ამოეულიტათ ისინი; ახლა კი მათ
სახლებსა და მიწებს თხოულობდნენ სხვა პატრონებისაგან. როცა
რომულუსისაგან ქედმაღლური უარი მიიღეს, ვეიებმა მხედრობა
ორად გაყვეს; ერთი ნაწილი ფიდენელთა ჯარის წინააღმდეგ წარე-
მართა, მეორე კი რომულუსის წინააღმდეგ. ვეიებმა გაიმარჯვეს და
ორი ათასი რომაელი მოკლეს, მაგრამ რომულუსთან ბრძოლაში სას-
ტიკად დამარცხდნენ და რვა ათასზე მეტი კაცი დაკარგეს. შემდეგ
კვლავ ეკვეთნენ ერთიმეორეს ფიდენესთან. ამ ბრძოლაში უდიდესი
საქმენი რომულუსმა შეასრულა. აქ გამოიჩინა მან სიმამაცესთან ერ-
თად გამჭირაობა მხედართმთავრისა და, როგორც ყველა აღიარებს,
ზეადამიანური ძლიერება და სიჩაუქე. მაგრამ ის, რასაც ზოგიერთი
ამბობს, მთლად ზღაპრულია და დაუჯერებელი: ბრძოლაში დაცემუ-
ლი თოთხმეტი ათასი კაცისაგან ნახევარზე მეტი რომულუსმა თით-
ქოს საკუთარი ხელით მოკლა. ასევე გაზვიადებულია მესენიელების
მტკიცება, თითქოს არისტომენემ სამი ასეული⁸³ მსხვერპლი შესწირა
ლაკედემონელებზე გამარჯვების აღსანიშნავად.

როცა მტერი უკუიქცა, რომულუსი გადარჩენილთ კი არ დაედევ-
ნა. პირდაპირ მტრის ქალაქისაკენ გაემართა. დიდ უბედურებაში ჩა-

გარდნილ მოქალაქეებს წინააღმდეგობა აღარ გაუწევიათ და ასი წლის ვადით თანხმობისა და მეგობრობის კავშირი ითხოვეს. მათ რომელმაც ჩააბარეს საკუთარი მიწა-წყლის დიდი ნაწილი, რომელსაც ეძახიან ზეტეტეშავიუმს, რაც შეიღ მონაკვეთს აღნიშნავს; ხელი აღლეს აგრეთვე მდინარესთან არსებულ მარილის საბადოზე და მძევლად გადასცეს ხუთასი წარჩინებული პირი.

ამ გამარჯვების აღსანიშნავად რომულუსმა ოქტომბრის იდებში⁸³ მოაწყო ტრიუმფი. მრავალ ტყვესთან ერთად საჩვენებლად გამოიყვანა ვეიების მხედართმთავარიც, რომელიც ხნიერი იყო, მაგრამ უფუნური ჩანდა, ვინაიდან თავის ასაკთან შედარებით სახელმწიფო საქმეებში გამოუცდელად იქცეოდა. ამის გამო გამარჯვების აღსანიშნავი მსხვერპლმწიფრვის დროს ფორუმიდან კაპიტოლიუმისაკენ ახლაც მიჰყავთ ხოლმე მოქარგული ტოგით შემოსილი მოხუცი, რომელსაც ყელზე საბავშვო ბულას ჰკიდებენ, შიკრიკი კი გაიძახის: „სარდიანოს ვენალეს“ — „გასაყიდი სარდელეზიო“. საქმე ისაა, რომ ამბობენ: ტირენები სარდეიდან არიან გადმოსახლებულით, ვეი კი ტირენული ქალაქია⁸⁴.

26. ეს იყო რომულუსის უკანასკნელი ომი. ამის შემდეგ მასაც ის დაემართა, რაც მცირე გამონაკლისის გარდა ყველას ემართება, ვისაც კი დიდი და მოულოდნელი წარმატებანი ძლევამოსილებისა და დიდების მწვერვალზე აიყვანს. საგმირო საქმეებით აღზევებულმა რომულუსმა აუტანელი ქედმაღლობა დაიწყო, ხალხს სრულიად ჩამოშორდა და მასთან ურთიერთობა თავისთავად მძიმე და შემაწუხებელი ერთმმართველობით შეცვალა, რასაც კიდევ უფრო უსიამოვნო იერს მეფის ახალი სამოსი აძლევდა. იგი იცვამდა მეწამულ ტუნიკას, ატარებდა მოქარგულ ტოგას, ზურგიან სავარძელზე დაბრძანდებოდა და საქმეებს ისე არჩევდა. მის გარშემო განუწყვეტილვ ტრიალებდნენ ახალგაზრდები, რომელთაც ცეცხრები ეწოდებოდათ სამსახურის მარდად შესრულების გამო⁸⁵. მას წინ მიუძღოდნენ სხვა მსახურები, რომლებიც კვერთხებით ბრბოს ერეკებოდნენ. წელზე მათ ერთკუთ დვედები, რათა მყისვე შეეკრათ ის, ვისზეც მეფე მიუთითებდა. „შეკვრას“ ლათინები ძველად „ლიგარე“ სიტყვით აღნიშნავდნენ, ახლა კი მის სანაცვლოდ „ალიგარეს“ ხმარობენ. თითქოს აქედან მიმდინარეობს წყებლის კონებით აღჭურვილ ლიქტორთა სახელი, ხოლო წყებლის კონებს ეწოდებოდა „ბაკულა“⁸⁶, ვინაიდან ძველად წყებ-

ლებს კი არ იყენებდნენ, არამედ ჯიხუტს. შესაძლებელია „ლიტორეს“ სიტყვაში კაპა⁸⁷ ახალი ჩასმული იყოს და მაშინ ძველად გვექნებოდა „ლიტორეს“, რაც ბერძნულ „ლეიტურგოის“⁸⁸ შეესაბამებოდა; ბერძნულ ენაში სიტყვა „ლეიტონ“ ახლაც სახალხო, სახელმწიფო საქმეს ნიშნავს, ხოლო „ლაოს“ — ხალხს.

27. როცა ალბაში პაპა ნუმიტორი გარდაიცვალა, სამეფო ძალა-უფლება რომულუსის ხელში უნდა გადასულიყო, მაგრამ ხალხის გულის მოსაგებად მან სახელმწიფოს მართვის საქმე თვითონ ალბას ჰევიდრთ მიანდო; თღონდ ეს იყო, რომ ყოველწლიურად უნიშნავდა მათ თავის მოადგილეს. ამან რომის წარჩინებულ მოქალაქეთ სურვილი აღუძრა ეცხოვრათ მეფის გარეშე და ჰქონოდათ დამოუკიდებელი სახელმწიფო, რომლის გამგებელნიც და მორჩილნიც იქნებოდნენ მონაცვლეობით. საქმე ის იყო, რომ იმ დროს ეგრეთ წოდებული პატრიციუსებიც კი ვეღარ მონაწილეობდნენ სახელმწიფოს მართვაში. მათ მხოლოდ სახელი და იერილა შერჩათ საპატიო; სენატშიც ჩვეულების ხაზით უფრო იწვევდნენ, ვიდრე იმისთვის, რომ საკუთარი აზრი გამოეთქვათ. ისინი უსიტყვოდ ისმენდნენ რომულუსის ბრძანებებს და ასევე უსიტყვოდ იშლებოდნენ. ხალხთან შედარებით მხოლოდ ის უპირატესობა ჰქონდათ, რომ უფრო ადრე იგებდნენ იმას, რასაც მეფე გადაწყვეტდა. მაგრამ ყველაფერი ეს თითქმის არაფერი იყო იმასთან, რაც რომულუსმა მერმე ჩაიდინა. მათი დასტურისა და გადაწყვეტილების გარეშე, თვითონ ერთპიროვნულად დაუწავილა ჯარისკაცებს ბრძოლით მოპოვებული მიწა-წყალი და ვეიებს მძევლები დაუბრუნა. ცხადია, ამ საქციელით უკვე მეტისმეტად შეურაცხყო უხუცესთა საბჭო⁸⁹. ამიტომ, როცა სულ მცირე ხნის შემდეგ რომულუსი სადღაც უკვალოდ გაქრა, ცილი სენატს შესწამეს. გაუჩინარდა რომულუსი ახლანდელი ივლისის, ხოლო მაშინდელი კვინტილისის თვის ნონებში⁹⁰. მისი აღსასრულის თაობაზე, აღნიშნული თარიღის გარდა, მტკიცესა და სარწმუნოს, რაც საყოველთაოდ იყოს აღიარებული. ვერაფერს ვიტყვით. ეს კია, რომ მაშინდელი ამბებისა და იმ საბედისწერო დღის აღსანიშნავად ჯერ კიდევ ახლაც ასრულებენ მრავალ ადათ-წესს. მაინცდამაინც არ უნდა გავიოცოთ ასეთი გაურკვევლობა. ვერაფრით ვერ გაიგეს და ვერ დაადგინეს, სიკვდილის მიზეზი სციპიონ აფრიკელისა, რომელიც უეცრად მოკვდა სადილის შემდეგ საკუთარ სახლში. ზოგი ამბობს, ბუნებით ავადმყო-

ფი იყო და ამან მოუღო ბოლო. ზოგი ამტკიცებს, მოიწამლა თავიო; სხვები კი ამბობენ: ღამით მტრები დაესხნენ თავს და მოახრჩვესო. სციპიონის გვამი სააშკარაოზე მაინც იდო და ყველას შეეძლო მისი ხილვა: მიცვალეზულის სხეული მნახველებს მომხდარ ამბავზე ეკვი-სა და ვარაუდის შესაძლებლობას აძლევდა. რომულუსი კი ისე მო-ულოდნელად გაქრა, რომ არც მისი სხეულის ნაწილი ჩანდა სადმე და არც მისი სამოსის ნავლეჯი. ზოგიერთი ვარაუდობდა, რომ მას თავს დაესხნენ სენატორები ვულკანუსის ტაძარში და სიცოცხლე მოუსწრაფეს; მოკლულის სხეული კი აკუწეს და ნაწილ-ნაწილ უბით გამოიტანეს გარეთო⁹¹. ზოლო სხვები ფიქრობენ: რომულუსის გაუ-ჩინარება არც ვულკანუსის ტაძარში მომხდარა და არც მხოლოდ სე-ნატორების თანდასწრებით. იმ დღეს, რაღაც შემთხვევის გამო, რომულუსმა კრება მოიწვია ქალაქგარეთ ეგრეთ წოდებულ თხისა თუ შვლის ჭაობთან; უცბად ჰაერში მოხდა ენით აღწერელი ამბავი და დაუჯერებელი ვარდატეხა; მზის შუქი ჩაქრა და ყველაფერს დაეუფ-ლა წყვდიადი, მაგრამ არა მშვიდი და წყნარი, არამედ შემადრწუნე-ბელი ჭექა-ქუხილით, რომელსაც თან ახლდა უძლიერესი ქარიშხალი. მრავალრიცხოვანი კრებული მყისვე დაიფანტა და უკუიქცა. მხოლოდ წარჩინებულები შეგვუფდნენ და მჭიდროდ შეეკვრნენ ერთმანეთს. როცა ბუნება დამშვიდდა და მზემ გამოანათა, ხალხი კვლავ დაუბ-რუნდა თავის ადგილს და მეფის ძებნა დაიწყო. წარჩინებულებმა კვლევა-ძიებისა და ზედმეტი ცნობისმოყვარეობის გამოჩენის უფლე-ბა ხალხს არ მისცეს და უბრძანეს, პატივი და თაყვანი ეცათ რომუ-ლუსისათვის, ვითარცა ღმერთებთან ზეატაცებული კაცისათვის, რომელიც ამიერიდან კეთილი მეფის ნაცვლად რომაელთა მოწყალე ღმერთი იქნებოდა. უმრავლესობამ ირწმუნა ეს, სიხარულის ფრთები შეისბა და იმედით აღსავსე ლოცვა-ვედრებით დაბრუნდა. მაგრამ აღმოჩნდნენ ისეთებიც, რომლებიც ჰაქმეს მკაცრად და განრისხებით იძიებდნენ, პატრიციუსებს მოსვენებას არ აძლევდნენ და ბრალს სდებდნენ: ხალხს სისულელეებით აბრეყვებთ მაშინ, როცა მეფის მკვლელები თქვენ თვითონ ხართო⁹².

28. ასეთი იყო ვითარება, როცა ფორუმზე გამოცხადდა პატრი-ციუსთა შორის წარმოშობით უპირველესი, ზოლო თავისი ღირსებით ყველაზე უფრო საპატიო კაცი, რომულუსის ერთგული და მახლობე-ლი, აღბადან გადმოასწლებულთაგანი იულიუს პროკლუსი. მან ხელი

დაადო ყველა წმიდა საფიქარს და სახალხო განაცხადა, რომ მას, გზად მიმავალს, წინ შემოეყარა ბრწყინვალე და ცეცხლისებრ ელვარე იარაღით აღკაზმული რომელუსი, რომელიც გაცილებით უფრო მშვენიერი და მაღალი ჩანდა, ვიდრე აქამდე იყო. ამ სანახაობით შეძრწუნებულმა პროკლუსმა მოჩვენებას თურმე ჰკითხა: „რის გამო და რა განზრახვით გაგვხადე, მეფეო, უსამართლო და ბოროტ ბრალდებთან საგანი? ან რად დატოვე ქალაქი ობლად და უსაზღვრო მწუხარებათა წილად?“ რომელუსმა კი თითქოს უპასუხა: „ღმერთებმა ისურვეს, პროკლუსო, რომ ჩვენ კვლავ დავუბრუნდეთ ჩვენს ოდინდელ სამყოფელ ზეცას იმას მერმე, რაც ამდენ ხანს ვიცხოვრეთ ადამიანთა შორის და დავაფუძნეთ ქალაქი, რომელიც ყველაზე ძლიერი და ყველაზე სახელოვანი იქნება. ახლა კი მშვიდობით იყავ და რომაელთ უთხარი, სიმამაცესთან ერთად თუ ზომიერებასაც დაიცავენ, ადამიანური ძლიერების მწვერვალს მიაღწევენ. მე კი თქვენი კეთილმოწყალე ღვთაება კვირინუსი ვიქნებიო“. ამბის მომთხრობის პატიოსნებისა და ფიცის წყალობით რომაელებმა ნათქვამი დაიჯერეს. შესაძლებელია მათ ზემოთაგონების მსგავსი ღვთაებრივი გრძნობა დაეუფლა; ყოველ შემთხვევაში, საწინააღმდეგო რამ აღარავის უთქვამს, ყოველგვარ ეჭვსა და ცილისწამებას თავი ანებეს და ამიერიდან ისე ეგვდებოდნენ კვირინუსს და მოუხმობდნენ, ვითარცა ღმერთს.

რომელუსის ამბის მსგავსია ელინთა თქმულებები არისტეა პროკონესელისა და კლეოდემე ასტიპალეელის თაობაზე: არისტეა სადლაც მათდის სახელოსნოში გარდაიცვალა, როცა მეგობრებმა მიაკითხეს, მისი გვამი ანაზღეულად გაქრა; სწორედ იმ დროს შორეული მოგზაურობიდან დაბრუნებულმა პირებმა კი განაცხადეს: არისტეას სულ ახლახან შეეხვდით, კროტონს მიდიოდაო. კლეოდემე, მიუხედავად არაჩვეულებრივი ღონისა და შესახედაობისა, ხასიათით ერთი ბრიყვი, შეთი კაცი იყო; მან მრავალგზის ჩაიდინა ძალმომრეობა; ბოლოს კი ბავშვების სკოლაში შეიჭრა, ჭერქვეშ შეყენებული შუა სვეტი ხელის ერთი დაკვრით ისე გადატეხა შუაზე, რომ მთელი სახურავი ჩამოიქცა და ბავშვები ვასრისა. კლეოდემეს დაედევნენ; იგი ერთ უზარმაზარ ყუთში ჩაძვრა, ზემოდან სარქველი დაიხურა და ისე ღონივრად ეჭირა შიგნიდან, ვერა კაცმა ვერ ახადა, თუმცა ბევრმა მიიტანა ძალა. ბოლოს ყუთი გატეხეს, მაგრამ შიგ ვერც ცო-

ცხალი კაცის კვალი ნახეს და ვერც მკვდრისა. გაოცებულებმა მაშინ დელფოში მისნობის მისაღებად კაცები აფრინეს, რომელთაც პითიამ შემდეგი უთხრა:

ასტიპალველი კაცი კლეოდემე გმირია ბოლო 94.

ამბობენ, ალკმენეს გვამიც, როცა დასაყრძალავად მიჰქონდათ, სადღაც გაქრა და მის ნაცვლად კუბოში ქვა იხილეს⁹⁵. ერთი სიტყვით, საკმაოდ ბლომად გვიამბობენ ასეთ შემთხვევებს და მოკვდავ არსებებს ღმერთებს უთანაბრებენ. სიჭეელის ღვათებრიობის ზედადებით სრული უარყოფა მკრეხელობა და სიმდაბლეა, მაგრამ დედამიწისა და ზეცის ერთმანეთში არევაც უგუნურებაა. სიფრთხილისათვის თავი ვანებოთ ამას და პინდარეს აზრს დავემორჩილოთ, რომ ყოველი სხეული მძლე სიკვდილს ექვემდებარება და ცოცხალი რჩება მხოლოდ სახება, ღმერთთაგან მხოლოდ ის წარმოდგება. იგი იქიდან მოდის და იქვე ბრუნდება, მაგრამ სხეულთან ერთად კი არა. არამედ მაშინ, როცა სხეულს სულ განშორდება, გამოეყოფა და გაზდება მთლიანად წმიდა, ხორცუხსმელი და უმწიკვლო. პერაკლიტეს თანახმად, ეს არის მშრალი, საუკეთესო სული, აღმოფრენილი სხეულიდან, ვითარცა ელვა ღრუბლებიდან; მაგრამ სხეულთან აღრეული და სხეულით შემოგარსული, ვით მძიმე ორთქლი, შებოროტდება და არ ძალუძს აღმადგენა. არა ჰხამს წარჩინებულთა სხეული ბუნების საწინააღმდეგოდ სულთან ერთად ვგზავნოთ ზეცაში; ოღონდ უნდა გვწამდეს, რომ სიჭველით აღჭურვილი სული, ბუნებისა და ღვთაებრივი სამართლის შესაბამისად, თანდათან ამაღლდება ადამიანური საწყისიდან გმირთა საფეხურამდე, გმირული საწყისიდან კი ღმერთთა საფეხურამდე. და ბოლოს, თუ სრულიად განიწმინდება და გასვეტადება, ვით საიდუმლო ზიარებაში, და მთლად განიტვირთება მოკვდავი ბუნებისა და განცდათაგან, ღმერთური საწყისიდან ღმერთებამდე აღმაღლდება და მიაღწევს უმშვენიერესსა და უნეტარეს მიჯნას არა სახელმწიფოს დადგენილებით, არამედ ჭეშმარიტად გონების განთავის შესაბამისად.

29. რომელუსისათვის შერქმეული მეტსახელი კვირიუსი, ზოგიერთის აზრით, ენიალოსს⁹⁶ შეესიტყვება; ზოგიერთი კი ფიქრობს, ამ სახელის საფუძველია სიტყვა „კვირიტები“, რომელსაც რომაელ მოქალაქეებს უწოდებდნენ; მაგრამ სხვები ამტკიცებენ, რომ ძველები

შუბის წვერს, ანდა თვით შუბს „კვირისს“ ეძახდნენ; აქედანვე მომდინარეობს შუბის წვერზე დადგმული იუნონა კვირიტიდის ქანდაკების სახელი; რეგიაში ჩასმულ შუბს მარსს უწოდებენ, ხოლო ომში თავგამოჩენილთ შუბით აჯილდოებენ; ჰოდა, რომელუსსაც კვირინუსი ეწოდა, ვითარცა მარსის მსახურსა და შუბის მპყრობელ ღმერთსო. მისი ტაძარი დგას მალღობზე და მას რომელუსის პატივსაცემად კვირინალის ტაძარი ეწოდება. რომელუსის სიკვდილის დღეს ეძახიან „ხალხის ლტოლვას“ და „კაპრატინის ნონებს“, ვინაიდან ამ დღეს ქალაქიდან თხის კაობთან ჩადიან და მსხვერპლს სწირავენ; თხას კი ლათინურად „კაპრა“ ჰქვია. მსხვერპლშეწირვაზე მიმავალნი გაჰყვებიან ისეთ ცნობილ მშობლიურ სახელებს, როგორიც არის: მარკუსი, ლუციუსი, გაიუსი... ასე ჰბაძევენ იმდღევანდელ ლტოლვასა და შიშსა და შფოთში ერთმანეთის გადაძახება-გადმოძახებას. თუმცა ზოგიერთი ამბობს, რომ ეს არის არა ლტოლვის, არამედ სიჩქარისა და ჩოჩქოლის მიბაძვა და მიზეზად მოჰყავთ შემდეგი ამბავი: როცა რომის ამღები გაღები კამილუსმა განდევნა, ხოლო დაუძღვრებული ქალაქი ძლივძლივობით დგებოდა ფეხზე, მას თავს დაესხნენ მრავალრიცხოვანი ლათინები ლივიუს პოსტუმუსის წინამძღოლობით, რომელმაც ჯარი რომის მახლობლად დააბანაკა და ქალაქში მაცნე გაგზავნა იმის საუწყებლად, რომ ლათინებს სურთ უკვე მივიწყებული მოყვრობა-ნათესაობა კვლავ აღადგინონ ახალი საქორწინო კავშირის საფუძველზე და ორი ხალხი მტკიცედ შეაერთონ: თუ გამოგვიგზავნით მრავლად ქალწულებს და ქვრივ ქალებს, დაგიმკვიდრდებათ ისეთივე მშვიდობა და მეგობრობა, როგორც საბინებთან დაამყარეთ მსგავსი პირობის ნიადაგზეო. რომაელებმა ეს რომ ისმინეს, ცალკე ომის შეეშინდათ, ცალკე ქალების გადაცემაც ტყვეობაზე უკეთეს საქმედ არ ჩათვალეს. ერთმა მონა ქალმა, სახელიად ფილოტისმა ან, როგორც ზოგიერთი ამბობს, ტუტოლამ, გამოუვალ მდგომარეობაში მყოფ რომაელებს ურჩია, ნურც ერთი საქმისათვის ნუ გამოიღებდნენ ხელს და მიემართათ ცბიერობისათვის, რის წყალობითაც თან ომს აიცილენდნენ და თან მძევალთა გადაცემას გადაურჩებოდნენ. ხერხი კი ის იყო, ფილოტისი და მასთან ერთად სხვა ლამაზი მონა ქალები თავისუფალი ასულების დარად მოერთოთ და მტრებისათვის გაეგზავნათ; ღამით ფილოტისი ჩირადდანს აღმართავდა, ხოლო ამ ნიშანზე იარაღსხმული რომაელები მძინარე მტერს თავს დაესხმოდნენ. ასეც

მოიქცნენ. ლათინები მართლა მოტყუდნენ. ფილოტისი კი ერთ ტყის ლეღვის ხეზე გავიდა და ჩირადდანი აღმართა, რომელსაც ბანაკის მხრიდან საბურველი ჩამოაფარა, რათა შუქი მტერს არ ეხილა, ხოლო რომაელებს კარგად დაენახათ. როგორც კი იხილეს ჩირადდნის შუქი, რომაელები დაუყოვნებლივ დაიძრნენ და ამ სისწრაფეში ქალაქის კარიბჭესთან ერთმანეთს ხშირ-ხშირად უხმობდნენ. ისინი მტერს მოულოდნელად დაესხნენ თავს და დაამარცხეს კიდეც. ამ დღის აღსანიშნავად აქამდე მართავენ საგანგებო ზეიმს. ნონებს კაპრატინები ეწოდება ტყის ლეღვის წყალობით, რომელსაც რომაელები „კაპრითი-ფიკუსს“ ეძახიან. ქალებს ლხინად იწვევენ ქალაქგარეთ ლეღვის ხე-თა ჩრდილში. მონა ქალები მხიარულად უვლიან ფერხულს, თამაშობენ, ხოლო შემდეგ ერთმანეთს ურტყამენ და ქვებს ესვრიან; ამით იგონებენ იმ ამბავს, როცა რომაელებს მხარში ამოუდგნენ და ბრძოლაში დაეხმარნენ. ასეთ ახსნას არცთუ მრავალი მწერალი ეთანხმება. მართლაც, სახელთა ამოძახილი დღის სინათლეზე, ზღვის მიმართულებით თხის ჭაობისაკენ სვლა, ჩანს, პირველ ამბავს უფრო შეესაბამება. ისე კი, ვფიცავ ზევსს, თუ ეს ორი ამბავი ერთსა და იმავე დღეს, მაგრამ სხვადასხვა დროში⁹⁷ არ იყო მომხდარი.

ამბობენ, რომელუშის ადამიანთა ზილვიდან გაქრა სიცოცხლის ორმოცდათოთხმეტი წლისა და მეფობის ოცდათვრამეტი წლის თავზეო.

თეზეუსისა და რომულუსის შეთანასწორება

1. აი, ყოველივე ის, რაც ღირსია ხსენება-მოგონებისა და რის მოპოვებაც შეეძლით თეზეუსსა და რომულუსზე. როგორც ჩანს, პირველს, რომელსაც არცთუ სახელს მოკლებული საგამგებლო ერგო შემკვიდრებობით, შეეძლო მშვიდად ემეფა ტროიძენეში, მაგრამ საკუთარი არჩევნით, ვისიმე ძალდატანების გარეშე, დიად გმირობათა შესასრულებლად გაეშურა. მეორე კი არსებული მონობისა და მოსალოდნელი სასჯელისაგან თავის დასაღწევად, როგორც პლატონი ამბობს, ნამდვილმა შიშმა და უკიდურესმა ტანჯვამ გახადა მამაცი და დიდ საქმეთ იძულებით მიჰყო ხელი⁹⁸. ამის უმთავრესი გმირობა აღბის ერთ-ერთი ტირანის მოკვლა გახლდათ, თეზეუსისათვის კი სკი-

რონი, ზინისი, პროკრუსტე და კორინტე სასხვათაშორისო საქმე და ძალის გამოცდა იყო. იგი ისე სპობდა და სჯიდა ავაზაკებს და ისე ათავისუფლებდა ელადას. მძვინვარე ტირანებისაგან, რომ უზედურებისაგან დახსნილი ზალხი არც კი იცნობდა. თეზესს უზრუნველად შეეძლო ზღვაში გასულიყო და მეკობრეთა თავდასხმის შიში არ ჰქონოდა; რომელუსს კი ამულიუსის სიცოცხლეში მოსვენებით ყოფნის უფლება არ ჰქონდა. თეზესის უპირატესობას ამტკიცებს შემდეგი ამბავი: ბოროტმოქმედთა წინააღმდეგ მან გაილაშქრა არა იმიტომ, რომ აწყენინეს, არამედ სხვების დასაცავად. რომელუსი და რემუსი კი, სანამ ტირანი მათ არ მოექცა უსამართლოდ, გულგრილად უძეკერდნენ, თუ ვით ჩავრავდა იგი სხვებს. თუკი დიდი გმირობაა საბინებთან ბრძოლაში ჭრილობის მიღება, აკრონის მოკვლა და შეტაკებაში მრავალრიცხოვანი მტრის დამარცხება, მაშინ ამ ამბავს შეიძლება დაუუპირისპიროთ კენტავრებთან ბრძოლა და ომი ამბოხებთან.

2. განა გასაოცარი არ არის თეზესის გაბედული საქციელი კრეტის ხართან დაკავშირებით, მისი თავგანწირვა — შესაქმელად მიეცა თავი რომელიღაც ურჩხულისათვის? ან მსხვერპლად შესწირვოდა ანდროგეოსის სულის მოხსენიებას, ანდა, რაც თითქმის ყველაზე იოლ საქმედ ჩანს, უსახელო და უპატიური მონობისათვის დაედო თავი და თავზე და გარეწარ ადამიანთა სამსახურში ჩამდგარიყო? განა გასაოცარი არ არის ის ამბავიც, როცა ნებაყოფლობით გაცურა კრეტისაკენ განწირულ გოგო-ბიჭებთან ერთად? ან რა შეიძლება ყველაფერ ამას უწოდოს კაცმა, თუ არ უდიდესი გამბედაობა, დიდსულოვნება, საერთო საქმისათვის მზრუნველობა და ჭარბი სურვილი სახელისა და სიქველის გამოჩენისა! სწორედ ამიტომ მგონია, რომ ფილოსოფოსნი როდი სცდებიან ტრფობის განსაზღვრისას, როცა მას ღმერთების სამსახურს უწოდებენ, ახალგაზრდების დასახსნელად გაწეულს⁸⁹. ჩანს, არიადნეს ტრფიალი უწინარეს ყოვლისა ღმერთს საქმე იყო და ვაჟკაცის გადასარჩენად ნახმარი ხერხი. სრულიადაც არ იქნება მართებული გავამტყუნოთ არიადნე იმის გამო, რომ შეყვარებული იყო. პირიქით, უნდა გვიკვირდეს, ასეთი განცდა ტრფობისა რომ ყოველ ვაჟს და ყოველ ასულს არ ჰღირსებია. რაკი ის წილად მხოლოდ და მხოლოდ არიადნეს ხვდა, მე თამამად შემოძლია ვთქვა, ყველაზე უფრო ამაღლებულ სიქველეთა თაყვანისმცემელი

და მშვენიერებისა და სიკეთის მოტრფიალუ ეს ასული ჭეშმარიტად ღმერთის სიყვარულის ღირსი იყო-მეთქი.

ორივე, თეზევსიცა და რომულუსიც, ბუნებით სახელმწიფოს მართვისთვის გახლდნენ დაბადებულნი, მაგრამ მეფობის ნიჭი ვერც ერთმა ვერ გამოიჩინა. სხვადასხვა ვნებებს აყლილებმა სახელმწიფო წყობას გეზი უცვალეს, ერთმა დემოკრატიული, მეორემ კი ტირანული საწყისებისაკენ და ამით ორივემ ერთნაირი შეცდომა დაუშვა. მმართველმა უწინარეს ყოვლისა ძალაუფლებას უნდა მოუაროს და მოუვლოს კიდევ, თუკი ჯეროვანს შეინარჩუნებს და არაჯეროვანს თავიდან მოიცილებს. ის, ვინც მთლიანად დათმობაზე წავა, ანდა ის, ვინც მეტისმეტად მოუჭერს სამართავ ღვედებს, მეფე და გამგებელი კი აღარაა, არამედ დემაგოგი და დესპოტი, რომელიც ქვეშევრდომთა ზიზლსა და სიძულვილს იმსახურებს. თუმცა აქვე უნდა ითქვას, რომ პირველის შეცდომა გადაჭარბებული ღმობიერება და კაცთმოყვარეობაა, მეორესი კი საკუთარი თავის სიყვარული და უსაზღვრო სისასტიკე.

3. თუ უბედური შემთხვევები მთლიანად ბედისწერას არ უნდა მივაწეროთ და მათი გამოძწევები მიზეზები ნაწილობრივ როგორც რომულუსის, ისე თეზევსის ხასიათთა და განწყობათა სხვადასხვაობაში უნდა ვეძიოთ, მაშინ ნურავინ გაამართლებს იმ განუკითხავ რისხვასა და თავშეუკავებელ გაშმაგებას, პირველი ძმის, ხოლო მეორე შვილის წინააღმდეგ რომ აამხედრა¹⁰⁰. ის მიზეზი, რამაც რისხვა გამოიწვია, უწინარეს ყოვლისა გაამართლებს მას, ვისაც იგი უფრო დიდი საბაბის გამო მეზივით დაატყდა თავს. არა მგონია, ვინმემ იფიქროს, რომულუსის ასეთი თავშეუკავებელი გაშმაგების მიზეზი უეცრად გამოეწვია საერთო საქმის გარჩევისა და განსჯის დროს ჩამოვარდნილ უთანხმოებას. თეზევსს კი შვილის წინააღმდეგ უბიძგა ისეთმა ძალამ, რომელსაც ჩვეულებრივი მოკვდავი ძალიან ძნელად თუ დააღწევს თავს; ეს ძალა გახლდათ ტრფობა, ეჭვიანობა და ქალისაგან უმოწყალოდ დაწამებული ცილი. რაც მთავარია, რომულუსის რისხვა მოქმედებად იქცა და საქმის ბოლოც სამწუხარო იყო; თეზევსს წყრომა კი ცარიელ სიტყვას, ლანძღვასა და ბებრულ წყევლა-კრულვას არ გასცილებია; ყველა სხვა, რაც მოხდა, ჩანს, ყრმის¹⁰¹ უბედურ ხვედრს უნდა მიეწეროს. თუ ყველაფერ ამას გაითვალისწინებს, ყოველი კაცი თეზევსის სასარგებლოდ მისცემს ხმას.

4. რომულუსს, უწინარეს ყოვლისა, მეტად შველის ის, რომ დიდი საქმენი ფრიად უმნიშვნელო საფუძველზე წამოიწყო. ხალხში მონებად და მეღორის შვილებად ცნობილმა რომულუსმა და რემუსმა, სანამ თვითონ გახდებოდნენ თავისუფალნი, თითქმის უკლებლივ გაათავისუფლეს ლათინები და სწრაფად მოიხვეჭეს სახელი მტრის დამთრგუნველთა და მოყვარეთა დამხსნელთა, ტომთა მეფეთა და ქალაქთა დამფუძნებელთა; სწორედ რომ დამფუძნებელთა და არა გადმომსახლებელთა, როგორც ეს თეზევსზე ითქმის. თეზევსმა ერთ ადგილსამყოფელზე შეკრიბა და იქ დაამკვიდრა ძალზე ბევრი სამოსახლო — ამით გაანადგურა მრავალი ქალაქი, რომლებიც ძველ მეფეთა და გმირთა სახელებს ატარებდა. ხოლო რომულუსმა გვიან დაიწყო ასეთივე მოქმედება, როცა მტრებს აიძულებდა დაენგრიათ საკუთარი საბუდარი და გამარჯვებულებს შეერთებოდნენ. რომულუსი თავდაპირველად ასეთ გადაადგილებებსა და არსებული ქალაქის გაზრდას კი არ აწარმოებდა, არამედ არარსებულს ქმნიდა; ისე მოიპოვა ერთბაშად ქვეყანა, სამშობლო, სამეფო, შთამომავლობა, ოჯახი და ნათესაობა, რომ არავინ არ მოუკლავს და არ დაუღუპავს; პირიქით, უსახლკაროებსა და უთვისტომოებს, თუკი სურდათ მოქალაქეები ყოფილიყვნენ, ყოველნაირად ესმარებოდა. ავანაყები და ბოროტმოქმედნი მას არ დაუხოცავს, მაგრამ ტომები ომით დაიმორჩილა, ქალაქები აიღო და ტყვექმნილი მეფეებითა და სარდლებით ტრიუმფი დაიმშვენა.

5. ის ამბავი, რომ რემუსი ძმის ხელითაა მკვდარი, დავას იწვევს. დანაშაულს თითქმის მთლიანად სხვებს მიაწერენ. საყოველთაოდ ცნობილია, რომ რომულუსმა დაღუპვისაგან დაიხსნა დედა, ხოლო უსახლო და უბატიური მონობისათვის განწირული პაპა ენეასის ტახტზე დასვა და საკუთარი ნებით მრავალი სამსახური გაუწია, მისთვის არასოდეს უბრალე ზიანიც არ მიუყენებია. რაც შეეხება თეზევსს, ვფიქრობ, ძალზე ძნელია ყველაზე ღმობიერ მოსამართლეთა წინაშე წარმოთქმულმა გრძელმა გამამართლებელმა სიტყვამაც კი აცდინოს მამისმკვლელის ბრალდება იმ გულმაგიწყობისა და დაუდევრობის გამო, რომელიც მან იალქნის აღმართვის ბრძანებასთან დაკავშირებით ჩაიდინა. ერთი ათენელი, რომელმაც კარგად უწყობდა, თუ რა რიგ ძნელი იყო, მიუხედავად დიდი სურვილისა, თეზევსის დაცვა, საქმეს ისეთ რიგად გვიხატავს, თითქოს ეგეოსი ზომალდის

მოახლოებისთანავე მთელი სისწრაფით აიჭრა აკროპოლისზე გადასახედად, მაგრამ წაიბორძიკა და გადავარდაო. ისე გამოდის, თითქოს მას არც ამაღლა ჰყავდა და ზღვის სანაპიროსაკენ სწრაფად მიმავალს ერთი მსახურიც კი არ ახლდა!

6. თეზევსის მიერ ქალთა გატაცებანიც სრულიად მოკლებულია კეთილსახიერ საფუძვლებს. უწინარეს ყოვლისა იმიტომ, რომ თეზევსი ხშირად ჩადიოდა ამ საქმეს. მან მოიტაცა არიადნე, ანტიოპე და ტროიძენელი ანაქსოც. ბოლოს კი ელენესაც მისწვდა და სიბერეში შესულმა, როცა უკვე დრო იყო კანონიერ შეუღლებაზეც აეღო ხელი, გაიტაცა ნორჩი, უსასკო და უმწიფარი გოგონა¹². თეზევსის გამამტყუნებელი გარემოება კიდევ ისაა, რომ ტროიძენელთა, ლაქედემონელთა და ამაძონთა ასულებს, რომლებთანაც დაქორწინებული არ იყო, როდი ძალუძდათ უფრო ღირსეული შთამომავლობა შეექმნათ ათენელთათვის, ვიდრე ერეხთევსისა და კევროფსის მოდგმის ქალიშვილებს. სწორედ ეს იწვევს ეჭვს, რომ თეზევსი ამ საქმეს მრუშობის ტრფიალით ჩადიოდა. რაც შეეხება რომულუსს, მართალია, მან თითქმის რვაასამდე ქალი მოიტაცა, მაგრამ თავისთვის, როგორც ამბობენ, მხოლოდ ერთი — ჰერსილია დაიტოვა, დანარჩენები კი მოქალაქეთაგან ღირსეულებს დაუწაწილა. მოტაცებული ქალების მიმართ გამოჩენილი პატივისცემით, სიყვარულითა და სამართლიანობით მან დაამტკიცა, რომ ორი ტომის გასაერთიანებლად ჩადენილი ძალმომრეობა და უსამართლობა ფრიად კეთილი და გონივრული საქმე იყო. ამის წყალობით შეაუღლა და ერთმანეთს მტკიცედ დაუკავშირა რომულუსმა ორი ტომი და მომავალში კეთილდღეობისა და ძლიერების წყარო მიუჩინა. დრო არის იმის მოწმე, რომ რომულუსმა ქორწინებას მოკრძალება, სიყვარული და სიმტკიცე დაუდო საფუძვლად. მართლაც, ორას ოცდაათი წლის განმავლობაში არც ერთ ქმარს არ გაუზედავს მიტოვება ცოლისა და არც ერთ ცოლს — ქმარისა. მაშინ როცა ბერძნებში მხოლოდ ყველაზე უფრო ცნობისმოყვარე შეუძლიათ დაასახელონ პირველი მამისმკვლელი და პირველი დედისმკვლელი, უკლებლივ ყველა რომაელმა იცის, რომ პირველად გაეყარა ცოლს კარგილიუს სპურიუსი უშვილობის საბაბით. რომულუსის მიერ დაწესებული ქორწინების სიმტკიცეს მართლოდენ დროის ხანგრძლივობა კი არ გვიმოწმებს, არამედ მისი შედეგებიც. ტომთა შორის ქორწინების წყალობით მეფეებმა ხელისუფლება გაინაწი-

ლეს, ხალხმა კი მოქალაქეობის უფლება მიიღო. თეზვესის ქორწინებებს კი ათენელებისათვის არ მოუტანია მეგობრული კავშირი და სასარგებლო ურთიერთობა სხვა ტომებთან. პირიქით, ქორწინებანი გახდა მიზეზი მტრობისა, ომებისა, მოქალაქეთა ხოცვა-ჟლეტისა და ბოლოს აფიდნეს დაკარგვისა. კიდევ მეტი, ათენელები მხოლოდ იმის წყალობით, რომ შეებრალათ მტრებს, რომელთაც ღმერთების დარად თაყვანი სცეს და შეევედრნენ, ძლივძლივობით გადაურჩნენ იმას, რაც თავის ღრთზე ტროელებმა ვანიცადეს ალექსანდრეს¹⁰³ მიზეზით. სამაგიეროდ თეზვესის დედას, შვილისაგან მიტოვებულსა და გაყიდულს, არა მარტო დაემუქრა, არამედ თავს დაატყდა კიდევ ჰეკაბეს¹⁰⁴ ხვედრი, თუ, რა თქმა უნდა, მისი ტყვეობის ამბავი მონაჩმაზი არაა; ისე კი მრავალ სხვა ჭირთა მსგავსად, კაცმა შეიძლება ესეც მოგონილად ჩათვალოს.

დასასრულ, თეზვესსა და რომულუსს შორის დიდ სხვაობას ჰქმნის ღვთაებრივ ძალთა ჩარევის ამბავიც. რომულუსის გადარჩენა ღმერთების უსაზღვრო კეთილგანწყობის წყალობით მოხდა. ეგეოსისათვის მიცემული წინასწარმეტყველება კი, უცხო მხარეში განრიდებოდა ქალთან ურთიერთობას, ჩანს, იმას ამტკიცებს, რომ თეზვესის ამქვეყნად წარმოშობა ღმერთთა ნება-სურვილის წინააღმდეგ მოხდა.

ლიკურგე

1. კანონმდებელ ლიკურგეზე გარკვეულად არაფრის თქმა არ შეიძლება. მისი წარმომავლობა, მოგზაურობანი, სიკვდილი და ყველაფერი ამასთან ერთად ის მოღვაწეობა, რაიც მან თავისი კანონების შემოღებასა და წესწყობილების შექმნას მიუძღვნა, სულ სხვადასხვაგვარი გადმოცემებითაა მოსილი. ამ კაცის ცხოვრების თარიღები ხომ მთლად დაუზუსტებელია. ერთნი ამბობენ, იგი იყო იფიტეს თანამედროვე და მასთან ერთად დააწესა ოლიმპიური დღეობების ქამს დაზავებაო¹. ასეთივე აზრისაა ფილოსოფოსი არისტოტელე; იგი იმოწმებს ოლიმპიადებში ხმარებულ დისკოს, რომელზედაც ამოკვეთილი და შემონახულია ლიკურგეს სახელი. მეორენი კი, რომლებიც დროის აღრიცხვას სპარტის მეფეთა რიგით აწარმოებენ, როგორც ერატოსთენე და აპოლოდორე, გვიმტკიცებენ: ლიკურგე პირველ ოლიმპიადაზე მრავალი წლით ადრე ცხოვრობდაო². ტიმეოსი თავის მხრივ ვარაუდობს, რომ სპარტაში სხვადასხვა დროს იყო ორი ლიკურგე; ერთ-ერთს მათ შორის სახელოვანი მოღვაწეობის გამო როგორც თავისი, ისე მეორე ლიკურგეს საქმენიც მიაწერესო. უფროს ლიკურგეს პომეროსზე გვიან არ უნდა ეცხოვრა. ზოგიერთი იმასაც კი ამბობს, პომეროსთან პირადი ურთიერთობაც ჰქონდაო. ქსენოფონტი გვაწვდის აზრს ლიკურგეს უძველეს ხანაში მოღვაწეობის თაობაზე და ამბობს, ეს ვაჟკაცი ჰერაკლიდების დროს ცხოვრობდაო. სპარტის უკანასკნელი მეფენიც წარმოშობით ჰერაკლიდები არიან, მაგრამ, ჩანს, ქსენოფონტს სურვილი აქვს ჰერაკლიდები უწოდოს ჰერაკლეს უშუალო ჩამომავალ პირველ მეფეთ³.

ამბავთა ასეთი დახლართულობის მიუხედავად, მივყვეთ ამ გადმოცემებში ყველაზე ნაკლებ წინააღმდეგობათა შემცველ მასალებსა

და ყველაზე უფრო გონივრულ ცნობებს და ვცადოთ ამ სახელოვანი ვაჟკაცის ცხოვრების აღწერა.

ბოეთი სიმონიდე ამბობს, რომ ლიკურგეს მამა იყო არა ევნომე, არამედ პრიტანისი. მწერალთა უმრავლესობა ლიკურგესა და ევნომეს ჩამომავლობას სხვადასხვაგვარად ადგენს: არისტოდემეს ძემ პატროკლემ წარმოშვა სოე, სოემ — ევრიტიონი, ამან — პრიტანისი, პრიტანისმა — ევნომე; ევნომეს პირველი ცოლისაგან შეეძინა პოლიდექტე, ხოლო მეორესაგან, რომელსაც დიონასე ერქვა — ლიკურგე. დიევტიქიდა გადმოგვცემს, ლიკურგე მეექვსე თაობაა პატროკლესი და მეოთხთმეტე — ჰერაკლესიო¹.

2. ლიკურგეს წინაპართაგან ყველაზე მეტად სოემ გამოიჩინა თავი. მისი მმართველობის დროს სპარტელებმა დაიმონეს ჰილოტები და შეიძინეს მრავალი მიწა-წყალი, რაც არკადიელებს ჩამოაჭრეს². ამბობენ, ამ სოეს ერთ მიუვალ და უწყლო ადგილას ალყა შემოარტყეს კლეტორიელებმა³; სოე მათ შეუთანხმდა: თუ მასთან ერთად უკლებლივ ყველა მისიანს მახლობელი წყაროს წყლით წყურვილს მოაკლევინებდნენ, წართმეულ მიწას დაუბრუნებდა. როცა ეს შეთანხმება ორივე მხარემ ფიცით განამტკიცა, სოემ შეერიბა თავისიანები და სამეფო ძალაუფლება აღუთქვა იმას, ვინც თავს შეიკავებდა და წყალს არ დაღევდა. ეს ვერაფერს შეძლო. ყველა სვამდა. სოე ყველაზე ბოლოს ჩავიდა წყაროსთან, მტრების თანდასწრებით წყლით პირი დაიბანა მხოლოდ და იქაურობას გაშორდა. იმ საბაბით, — წყალი ყველას არ დაგვიღვებიაო, სოემ დაპყრობილი მხარე შეინარჩუნა. ასეთი მამაცობის გამო სპარტელები, მართალია, დიდ პატივს სცემდნენ, მაგრამ მის ჩამომავლებს სოეს სახელით კი არა, მისი შვილის სახელით მოიხსენიებდნენ და ევრიტიონიდეებს ეძახდნენ. როგორც ჩანს, ევრიტიონი პირველი იყო, რომელმაც ხალხის გულის მოსაგებად დემაგოგობითა და პირმოთნეობით მეფის უზენაესი ერთმმართველობა დაასუსტა. სამეფო ძლიერების ასეთმა დაცემამ ხალხი გაათავებდა: მომდევნო მეფეებს ან სიძულვილით უცქერდნენ, თუ ისინი ბრბოს დასამორჩილებლად ძალას მიმართავდნენ, ანდა აბუჩად ივდებდნენ პირმოთნეობისა და უძლურების გამო. მრავალი ხნის მანძილზე მეფობდა სპარტაში ასეთი თავაშვებულობა და უწყესრიგობა. ეს არეულობა იყო სწორედ მეფის, ლიკურგეს მამის, სიკვდილის მიზეზი. იგი ერთხელ რომელიღაც ჩხუბში ჩაერია და მოჩხუბართა გა-

შეელება მოინდომა: გაშველების დროს მას მზარეულის დანა ჩასცეს. მომავცდავმა მეფემ სამეფო უფროს ვაჟს პოლიდექტეს დაუტოვა.

3. მცირე ხნის შემდეგ პოლიდექტეც გარდაიცვალა. ყველას ეგონა, ახლა ლიკურგე იმეფებდა. იგი მართლაც მეფობდა მანამდე, სანამ ცხადი არ გახდა, რომ მისი ძმის ცოლი ფეხმძიმედ იყო. გაიგო თუ არა ლიკურგემ ეს, განაცხადა: თუ ვაჟი იქნება, სამეფო მას ეკუთვნის, მე კი მხოლოდ მეურვის მოვალეობას ვავწევო. ლაკედემონელები მეფეთა დაობლებული შვილების მეურვეთ „პროდიეებს“ ეძახიან.

პოლიდექტეს ქვრივმა მასწავლის მოციქულები მიუგზავნა მალულად და შეუთვალა: მზად ვარ მოვიშორო ნაყოფი, თუ შენ, სპარტის მეფე, ცოლად შემირთავო. ამ ამბავმა ლიკურგე საშინლად აღაშფოთა, მაგრამ წინააღმდეგობა არ გაუწია. რძალს თავი მოაჩვენა, თითქოს უწონებდა განზრახულს და პირობაზე თანხმდებოდა. ლიკურგემ ქალს უთხრა: ნაყოფის მოშორება საჭირო არაა, მუცლის მოსაშლელი წამლით სხეული რატომ უნდა დაიზიანო ან თავი საფრთხეში ჩაიგდო; როგორც კი დაიბადება ბავშვი, მისი მაშინვე თავიდან მოცილება ჩემზე იყოსო.

ასეთი ხერხით ქალი მშობიარობის დღემდე მიიყვანა. როცა შეიტყო, მოლოგინების დრო დაუდგაო, გაგზავნა მასთან კარისკაცები და მცველები, რომელთაც დაავალა დასწრებოდნენ მშობიარობას: თუ გოგო დაიბადა, ქალებს ჩააბარეთ, თუ ვაჟი, მაშინვე მე მომგვარეთ, სადაც არ უნდა ვიყო და რა საქმესაც არ ვაკეთებდეთ.

იგი სპარტის დიდებულებთან ერთად ვახშმობდა, როცა დაიბადა ვაჟი. მსახურებმა მიჰგვარეს ლიკურგეს ჩვილი. როგორც გადმოგვცემენ, მან ყრმა ხელში აიყვანა და დამსწრეთ მიმართა: „სპარტელებო, დაიბადა თქვენი მეფეო!“ შემდეგ ლიკურგემ ბავშვი სამეფო ტახტზე დააწვინა და სახელად დაარქვა ქარილასო, ვინაიდან ყველანი გახარებული იყვნენ და ლიკურგეს სულგრძელობასა და სამართლიანობას ხოტბას ასხამდნენ⁷.

იმეფა ლიკურგემ სულ რვა თვე. მოქალაქენი მაინც დიდ პატივს სცემდნენ. ზოგიერთი ემორჩილებოდა როგორც მეფის მეურვეს და სამეფო ძალაუფლების მპყრობელს, ზოგიერთი კი მოწიწებით ეკიდებოდა მის სიქველეს და მზად იყო ხალისით აღესრულებინა ყველა მისი ბრძანება. მაგრამ იყვნენ ისეთნიც, ვინც შურით შესცქეროდა

და ცდილობდა წინააღმდეგობა გაეწია ახალგაზრდა კაცის აღზევებისათვის. განსაკუთრებით მტრობდნენ მისგან განაწყენებული მეფის დედის ნათესავები და მეგობრები. ამ ქალის ქმამ ლეონიდან ერთხელ საშინლად გალანძლა ლიკურგე და თქვა: დანადვილებით ვიცი, ეს კაცი მეფედ გავგვიხდებო. ასეთი წინასწარ განზრახული ცილისწამებით ლეონიდას სურდა ლიკურგეს მიმართ ეჭვი აღეძრა, ვინაიდან იმ შემთხვევაში, თუ მცირეწლოვან მეფე ქარილაოსს რაიმე უბედურება შეემთხვეოდა, ეს ამბავი ლიკურგეს ვერაგობისათვის დაებრალებინათ. ლიკურგეს საწინააღმდეგო ხმებს მისი რძალიც ავრცელებდა. ყველაფერმა ამან მძიმედ იმოქმედა ლიკურგეზე. ეშინოდა გაურკვეველი მომავლისა და გადაწყვიტა სამშობლოს გასცლოდა და ამ გზით არიდებოდა მის მიმართ აღძრულ ეჭვებს; ემოგზაურა მანამ, სანამ მისი ძმისწული ასაკში არ შევიდოდა და ტახტს მემკვიდრე არ ეყოლებოდა.

4. სამშობლოდან გამგზავრებული ლიკურგე პირველად კრეტაზე მივიდა. აქ ყურადღებით შეისწავლა ამ ქვეყნის სახელმწიფოებრივი წყობილება და ურთიერთობა გააბა იქაურ ყველაზე უფრო სახელმწიფოებრივ პირებთან. კრეტაზე არსებული მრავალი კანონი მოიწონა და გადაწყვიტა სამშობლოში გამოეყენებინა. იყო ისეთი კანონებიც, რომლებიც უკუაგდო. კრეტის ბრძენ და პოლიტიკოსებად მიჩნეულ პირებში ლიკურგემ გამოარჩია ერთი კაცი, სახელად თალესი, რომელიც თხოვნითა და მასთან ვაბმული ურთიერთობის წყალობით დაიყოლია სპარტაში გამგზავრებულიყო. ამ თალესს სახელი ჰქონდა განთქმული როგორც ღირიკული სიმღერების პოეტს, მაგრამ პოეტური ზელოვნების სამოსელით აკეთებდა იმ საქმეს, რასაც უძლიერესი კანონმდებლები. მისი სიმღერები მორჩილებისა და ურთიერთთანხმობისაკენ მოწოდების სიტყვები იყო. ამ ტკბილხმოვან და მწყობრ ლექსებს ისეთი მომხიბლავი ძალა ჰქონდა, მსმენელთ ძალაუვნებურად ლმობიერება ეუფლებოდათ, სიკეთისაკენ იზრებოდნენ და ერთმანეთში იმ დროს ფრიად გავრცელებულ მტრობასა და ზიზღს ივიწყებდნენ. შეიძლება ითქვას, თალესმა ამით ერთგვარად გზა გაუკაფა ლიკურგეს თანამემამულეთა აღზრდის საქმეში.

კრეტიდან ლიკურგე აზიაში გაემგზავრა. როგორც ამბობენ, სურდა, მსგავსად ექიმისა, რომელიც ჯანსაღ სხეულს სუსტსა და დაავადებულს უპირისპირებს, კრეტელთა სადა, მკაცრი ცხოვრების ნიჩბი

იონიელთა ფუფუნებასა და განცხრომისათვის შეედარებინა, მათი ყოფისა და სახელმწიფოებრივი წყობილების სხვაობას დაჰკვირვებოდა. ჩანს, პირველად აქ გაიცნო კრეოფილეს მემკვიდრეთაგან შემონახული პოემები ჰომეროსისაჲ. ლიკურგე მიხვდა, ამ პოემებში საამო და საღალღობო ამბებთან შერეული იყო ის, რაიც არცთუ ისე მცირე ყურადღების ღირსი გახლდათ ჰკუის სწავლებისათვის სახელმწიფო მოღვაწეობის ქამს. ამიტომ ეს პოემები დიდი სიბეჯითით გადაიწერა და სამშობლოში წასაღებად კრებული შეადგინა. ბერძნებს მაშინ უკვე ჰქონდათ ბუნდოვანი წარმოდგენა ამ პოემებზე; ზოგიერთს აღმოაჩნდა ამ ეპოსის ცალკეული ნაწილები, რომლებიც შემთხვევით გადადიოდა ხელიდან ხელში. მაგრამ ლიკურგე იმ პირველთაგანი იყო, ვინც ეს ეპოსი საყოველთაოდ ცნობილი გახდა.

ეგვიპტელები ფიქრობენ, რომ ლიკურგე მათ ქვეყანასაც ესტუმრა და, რაკი ძალზე მოეწონა ეგვიპტელთა მიერ შემოღებული წესი მეოპართა ფენის გამოყოფისა საზოგადოების დანარჩენი ნაწილისაგან, ეს წესი სპარტაში გადაიტანა, დღიური მუშეები და ხელოსნები ცალკე ფენად გამოყო და ამით სახელმწიფო წყობა მართლაც გააყეთლშობილა.

ამ ამბავს ეგვიპტელებთან ერთად ზოგიერთი ბერძენი ისტორიკოსიც გვიმოწმებს; მაგრამ ჩვენ არ ვიცნობთ არც ერთ მწერალს, ჰიპარქეს ძის არისტოკრატე სპარტელის გარდა, რომელიც ამბობდეს, თითქოს ლიკურგე ლიბიასა და იბერიასაც ესტუმრა და ინდოეთსაც მიაღწია, რათა იქ გიმნოსოფისტებთან ესაუბრაო¹⁰.

5. სამშობლოდან წასული ლიკურგე ლაკედემონელებს ძალიან მონატრათ და ხშირად უთვლიდნენ: დაბრუნდიო. ისინი გრძნობდნენ, მათ მეფეებს¹¹ მხოლოდ სახელი და პატივი ჰქონდათ და სხვა არაფრით არ ეანსხვავებოდნენ დანარჩენ მოქალაქეთაგან; ლიკურგე კი მათ თვალში ბუნებრივი თვისებებით დაჯილდოებული ნამდვილი წინამძღოლი იყო, რომელსაც ძალუძდა ხალხი უკან გაეყოლა. თვითონ მეფეებიც არ იყვნენ წინააღმდეგნი ლიკურგეს დაბრუნებისა. ისინი იმედოვნებდნენ, რომ მისი დახმარებით უფრო ადვილად მოთოკავდნენ გათავხედებულ ბრბოს. აი ასე კეთილად იყო განწყობილი ყველა ლიკურგეს მიმართ, როცა იგი სპარტაში დაბრუნდა და ხელი მიჰყო არსებული წესების დანგრევას და სახელმწიფო წყობის შეცვლას. იგი მიხვდა, ცალკეულ კანონთა გატარება სიკეთეს ვერ

მოიტანდა და უსარგებლო გამოდგებოდა, თუ, მრავალგვარი სენით დასუსტებული სხეულის წამლებითა და განმწმენდი საშუალებებით მკურნალობის მსგავსად, არსებულ არეულობას არ მოსპობდა და ცხოვრების ყაიდას არ შეცვლიდა.

საჭირო გადაწყვეტილების მიღების შემდეგ ლიკურგე დელფოში გაემგზავრა. აქ ღმერთს მსხვერპლი შესწირა, რჩევა სთხოვა და სპარტაში დაბრუნდა იმ საყოველთაოდ ცნობილი წინასწარმეტყველებით, რომელშიც პითიამ ღმერთების მეგობარი და უფრო მეტად ღმერთი, ვიდრე ადამიანი, უწოდა. პითიამ ლიკურგეს გადასცა, რომ ღმერთი უფლებას ანიჭებს მას გაატაროს თავისი კანონები, რომ ღმერთი იწონებს მის კანონმდებლობას, რომელიც ყველაზე საუკეთესო იქნება.

ასეთი გადაწყვეტილებით გამხნივებულმა ლიკურგემ განზრახული წარჩინებულ მოქალაქეთა გააცნო და მოუწოდა დახმარებოდნენ. იგი ჯერ მეგობრებს ეთათბირა — უჩუმრად, მერმე კი მოქალაქეთა უმრავლესობაც გადაიბირა და ყველანი წამოწყებული საქმის განსახორციელებლად დარაზმა.

როცა მოქმედების დრო დადგა, ლიკურგემ ოცდაათ წარჩინებულ ვაჟკაცს უბრძანა გათენებისთანავე იარაღასხმული გამოსულიყვნენ მოედანზე, რათა შიშის ზარი დაეცათ მოწინააღმდეგეთათვის. პერმპი¹² ამ ვაჟკაცთა შორის ოცი უპირველესი მოქალაქის სახელი აღწერა. ლიკურგეს საქმიანობასა და კანონების გატარებაში ყველაზე უფრო ახლო მონაწილედ წყაროები ართმიადას ასახელებენ. იგი ლიკურგეს ნამდვილი მარჯვენა ხელი იყო.

როგორც კი დაიწყო ქალაქში მღელვარება, მეფე ქარილაოსმა იმის შიშით, მთელი ეს ამბავი ჩემ წინააღმდეგაა ალბათ მომართულიო, თავი სპილენძის სასახლეს შეაფარა¹³. მერმე კი, როცა დაარწმუნეს და ფიციც მიიღო, თავშესაფრიდან გამოვიდა და ლიკურგეს საქმიანობაში თვითონაც მიიღო მონაწილეობა. ბუნებით იგი მეტად სათნო კაცი იყო თურმე. ამის თაობაზე გადმოგვცემენ შემდეგს: მისმა თანამეფემ არქელემ¹⁴ ყმაწვილი მეფის მაქებართ შენიშნა: „ვით შეუძლია ქარილაოსს არ იყოს კეთილი, როცა ბოროტთა მმართველთა არაა სასტიკიო?“

იმ სიახლეთაგან, რომლებიც ლიკურგემ შემოიღო, უპირველესი და ყველაზე უფრო მნიშვნელოვანი იყო უხუცესთა საბჭოს დაწესება. პლატონის სიტყვით, უხუცესთა საბჭო ჩაერთა რა მეფეთა გადაჭარ-

ბებულად ფიცხ მმართველობაში, მოიბოვო ამ მმართველობის თანაბარი ძალაუფლება და სახელმწიფოსათვის ამით ხსნისა და ზომიერების საწინდარი გახდა. მანამდე სახელმწიფო მეტისმეტად მერყეობდა. იგი ხან მეფეებისაგან იხრებოდა და მმართველობა ტირანიისაგან მიჰყავდა, ხან კი ხალხს უჭერდა მხარს და დემოკრატიულ წყობას უახლოვდებოდა. უხუცესთა საბჭო, ასე ვთქვათ, შუა წერტილში დადგმული საპირწონე იყო, რომელიც წონასწორობას ამყარებდა და უშიშროებასა და მყარ წესრიგს იცავდა. უხუცესთა საბჭოს ოცდარვა წევრი მეფეთა გარშემო ირაზმებოდა მუდამ, როცა დემოკრატიის დათრგუნვა იყო საჭირო; მაგრამ მაშინ, როცა ტირანიის საფრთხე იმუქრებოდა, ხალხს უერთებდა თავის ძალას. არისტოტელეს მიხედვით, უხუცესთა საბჭო ლიკურგემ სწორედ ოცდარვა კაცისაგან შეადგინა, ვინაიდან იმ ოცდაათ ვაჟკაცში, რომლებიც თავდაპირველად მიემხრნენ ლიკურგეს, ორმა სიმხდალედ გამოიჩინა და წამოწყებულ საქმეს თავი მიაწება. სფეროსი კი გვიმტკიცებს, თავიდანვე ოცდარვა კაცი იყო ლიკურგეს საქმიანობის მონაწილე¹⁴. შეიძლება მხედველობაში იქნა მიღებული ამ რიცხვის განსაკუთრებული ხასიათი: იგი არის შვიდის ნამრავლი ოთხზე და ექვსის შემდეგ პირველი სრულყოფილი რიცხვი, რომელიც თავის ნაწილთა ჯამის ტოლია¹⁵. ჩემი აზრით, ლიკურგემ ოცდარვა წევრი აირჩია იმიტომ, რომ მთელი საბჭო ოცდაათი კაცისაგან ყოფილიყო შემდგარი ოცდარვა წევრზე ორი მეფის მითვლით.

6. უხუცესთა საბჭოზე ისე ზრუნავდა ლიკურგე, რომ ამის თაობაზე დელფოდან წინასწარმეტყველებაც კი ჩამოიტანა. ამ წინასწარმეტყველებას რეტრას ეძახიან. აი რეტრის შინაარსიც: „ოდეს აღმართავ ტაძარს სილანიელი ზევსისა და ათენა სილანიელის სახელზე და ოდეს დააწესებ ფილებსა და ობეებს, შენ მოაწყობ ოცდაათი კაცისაგან შემდგარ გერუსიას არქაგეტების მირიცხვით; დროგამოშვებით ჯერ არს შეკრიბო სახალხო ყრილობა ბაბიკასა და კნაკიონს შუა; აქ საბჭო წარადგენს კანონებს კენჭის საყრელად; ხალხს დაე ეკუთვნოდეს უფლება და ძალა“¹⁶.

ამ რეტრაში სიტყვები „ფილას ფილაქსაი“ და „ობას ობაქსაი“ მოსახლეობის ნაწილებად დაყოფას გამოხატავს. ამ ნაწილებში ზოგს ფილები ჰქვია, ზოგს კი — ობეები; არქაგეტები მეფეებს ეწოდებოდათ; „აპელადეინ“ კი სახალხო ყრილობის მოწვევას ნიშნავს. სახელმწიფო

მმართველობის ამგვარი სახის საფუძვლად და მიზეზად ლიკურგე აბოლონ პითიელს აღიარებდა. ბაბიკასა და კნაკიონს ახლა ენუნტსაც უწოდებენ...^{*} არისტოტელეს მიხედვით, კნაკიონი მდინარეა, ბაბიკა კი — ხიდი. ამათ შუა მდებარე ადგილზე იმართებოდა სახალხო კრებები. აქ არც სვეტებიანი დარბაზები იყო და არც სხვა რაიმე შენობები. ლიკურგე ფიქრობდა, რომ საგანგებო მორთულობა ხელს როდი შეუწყობდა გონივრულ ბჭობას, პირიქით, შეუშლიდა კიდევ: საქმისათვის შეკრებილებს სალი მსჯელობის უნარი ქარაფშუტული აზრებით შეეცვლებათ, თუ ქანდაკებებსა და სურათებს, თეატრის სამკაულებსა და საბჭოს შენობების ოსტატურად მორთულ ჭერს დაუწყებენ ჭკვრეტასო.

უბუცესთა საბჭოს წევრთა და მეფეთა გარდა, სახალხო ყრილობაში არავის არ შეეძლო წინადადების წამოყენება; ხალხს უმაღლესი თანამდებობის პირთა მიერ შემოტანილი წინადადებების განხილვის უფლება ჰქონდა მხოლოდ. მაგრამ შემდეგში, როცა ხალხმა თავისი შემოკლებებით და დამატებებით ამ წინადადებათა გადასხვაფერება და დამახინჩვება დაიწყო, მეფეებმა, პოლიდორემ და თეოპომპემ, წინანდელ რეტრას ასეთი დამატება დაურთეს: „უკეთეს ხალხი წამოყენებულ აზრთა დამახინჩვების გზას აირჩევს, უბუცესები და არქაგეტები დაე განუდგნენ ყრილობას“. ეს იმას ნიშნავდა, რომ უბუცესთა საბჭოს წევრები და არქაგეტები აღარ დაამტკიცებდნენ ყრილობის აზრს და დაშლიდნენ სახალხო კრებას, რომელიც წინააღმდეგობას უწევდა უკეთეს წინადადებათა მიღებას. პოლიდორემ და თეოპომპემ თანამოქალაქენი დაარწმუნეს, ეს ღვთის ბრძანება არისო. ამ ამბავს იხსენიებს ტირტეოსი¹⁷ შემდეგ ლექსში:

ვუსმინეთ აბოლონ ფებოსს და სპარტაში მოგართვით თქვენა
მისნობა ნეტარი ღვთის, სიკეთე რომ მოაქვს სულ:
საბჭოს გამგებლობა, დაე, ეკუთვნოდეთ ღვთაებრივ მეფეთ,
რომელთაც ქალაქის სვე ზრუნვით უნდა ეპყრათ ხელთ.
უბუცესთ კრებული მუდამ მეფეთ შემწედ იგულისოთ უნდა.
ბოლოს ევალება ხალხს: მისდიოს რეტრების აზრს.

7. ამგვარად, ლიკურგემ ზომიერი სახელმწიფო წყობილება დაამყარა, მაგრამ მერმე, როცა მისმა მომღვენო მოღვაწეებმა დაინახეს,

^{*} ამ ადგილას ტექსტი არ იკითხება.

ოლიგარქია თავს გავიდა, გაყოყონდა და კიდევ უფრო ძლიერი გახდაო, აიღეს და ეფორთა საგამგებლო დააარსეს და ამით, პლატონის სიტყვით რომ ვთქვათ, ლაგამი ამოსდეს ამ ოლიგარქიის¹⁸. ეს მოხდა ლიკურგეს გარდაცვალებიდან დაახლოებით ას ოცდაათი წლის შემდეგ. პირველი ეფორი, რომელიც თეოპომპეს მეფობაში აირჩიეს, იყო ელატი. ამბობენ, დედოფალი მეფე თეოპომპეს საყვედურებით ავსებდა: შვილებს უფრო მცირე ძალაუფლებას უტოვებ, ვიდრე შენ მიიღეო. „პირიქით, — უპასუხებდა თეოპომპე, — უფრო დიდს, ვინაიდან ასეთი ძალაუფლება ხანგრძლივი იქნებაო“. მართლაც, სპარტის მეფეებმა ჭარბი ძალა დაკარგეს, სამაგიეროდ შურსა და საფრთხეს თავი დააღწიეს. მათ არ განუცდიათ ის, რასაც მესენიელები და არგოსელები უწყობდნენ თავიანთ მეფეებს, რომელთაც არ მოისურვებს ხალხის საკეთილდღეოდ დათმობაზე წასვლა და მმართველობის სადავეების თუნდაც ოდნავი მიშვება. ლიკურგეს სიბრძნე და შორსმჭვრეტელობა ცხადი ვახდება იმისათვის, ვინც დაუკვირდება სპარტელთა მონათესავე და მეზობლად მცხოვრები მესენიელებისა და არგოსელების უკუღმართ სახელმწიფო წყობილებას, აქაურ მეფეთა და ხალხს შორის ატეხილ შფოთს. მესენიელები და არგოსელები თავიდან სპარტელთა თანასწორნი იყვნენ, შეიძლება ითქვას, უკეთესი მიწა-წყალიც ეკავათ, მაგრამ მათი ბედნიერება ხანმოკლე გამოდგა. მეფეთა ზვიადობამ და ბრბოს თვითნებობამ სახელმწიფოს წესრიგს ძირი გამოუთხარა. მესენიელებმა და არგოსელებმა ამით დაამტკიცეს, რომ ჭეშმარიტად ღვთიით მოვლენილი სიკეთე იყო სპარტელებისათვის ის შეხმატკბილებული და გაწონასწორებული სახელმწიფო წყობილება, რომელიც მათ ლიკურგემ შეუქმნა. მაგრამ ყველაფერმა ამან გვიან იჩინა თავი.

8. ლიკურგეს სახელმწიფოებრივ მოღვაწეობაში მეორე და ყველაზე უფრო გაბედული ნაბიჯი მიწების დანაწილება გახლდათ. მანამდე საშინელი უთანასწორობა სუფევდა. ქალაქი საესე იყო ხელმოკლე და გაჭირვებული ხალხით, მაშინ როცა მთელი სიმდიდრე ერთ მუჭა მოქალაქეთა ხელში იყრიდა თავს. გამეფებული ზვიადობის, შურის, ფუფუნების და სახელმწიფოს კიდევ ორი უძველესი და საშიში სენის — სიმდიდრისა და სიღარიბის მოსასპობად ლიკურგემ სპარტელები დაიყოლია მთელი მიწა-წყალი გავერთიანებინათ, მერმე თავიდან დაენაწილებინათ, ქონებრივად გათანასწოებულიყ-

ნენ და ამის საფუძველზე ერთმანეთში თანხმობით ეცხოვრათ. იმ სხვაობის გარდა, რომ ზოგს ბიწიერებისათვის გაიცხადნენ და ზოგს სიკეთისათვის შეაქებდნენ, ადამიანთა შორის უთანასწორობას ადგილი არ უნდა ჰქონოდა. ამიტომ ყოველი სპარტელის გულისყური იქითკენ უნდა ყოფილიყო მიმართული, რომ თავი მხოლოდ და მხოლოდ სიქველთი ესახელებინა.

მაღე ლიკურგემ სიტყვა საქმედ აქცია. ლაკონიკის ერთი ნაწილი ოცდაათ ათას ნაკვეთად დაყო და ეს ნაკვეთები პერიეკებს მიუზომა¹⁹; მეორე ნაწილი კი, რომელიც ქალაქ სპარტას ეკუთვნოდა, ცხრა ათას ნაკვეთად აქცია, ვინაიდან ამდენი იყო სპარტელთა ოჯახი. ზოგიერთი ამბობს, ლიკურგემ მიწები ექვსი ათას ნაკვეთად დაყო, სამი ათასი ნაკვეთი კი შემდეგ პოლიდორე მეფემ დაუმატაო. სხვები კი ამტკიცებენ, ცხრა ათასი ნაკვეთიდან ნახევარი პოლიდორემ გამოყო ნახევარიც — ლიკურგემო. მიწის თითოეულ ნაკვეთს ყოველწლიურად შეეძლო მოეცა დალის სახით სამოცდაათი მედიმნი ქერი მამაკაცისათვის, თორმეტი მედიმნი ღედაკაცისათვის და, გარდა ამისა თხევადი ნაწარმი შესაბამისი რაოდენობით. ლიკურგე ფიქრობდა, რომ ასეთი მოსავალი სრულიად საკმარისი იყო სპარტელთა გამო-საკვებად, მათი ძალ-ღონის შესანარჩუნებლად, რომ მათ სხვა არაფერი არ უნდა დასჭირებოდათ.

გადმოგვეცემენ, მიწების დანაწილების კარგა ხნის შემდეგ ლიკურგე სხვა ქვეყანაში მოგზაურობიდან ბრუნდებოდა; სამშობლოში რომ შემოვიდა, მკა უკვე დასრულებული იყო. როცა ლიკურგემ თანაბარ სიმაღლესა და მანძილზე დადგმული ძნები იხილა, მსლებლებს ღიმილით უთხრა: მთელი ლაკონიკა ერთ სამემკვიდროს ჰგავს, რომელიც რიცხვმრავალ ძმებს ასლახან გაუყვიათო.

9. ლიკურგემ მოძრავი ქონების გადანაწილებაც განიზრახა. მას სურდა ამ ღონისძიებით ძირფესვიანად მოესპო ქვეყნის არსებული უთანასწორობა მოქალაქეთა შორის. მაგრამ როცა დაინახა, სპარტელები წინააღმდეგობის გაუწევლად პირად ქონებაზე ძნელად თუ აი-ლებენ ხელსო, სხვა გზას მიმართა და დაფარული ხერხებით მოუღო ბოლო თანამემამულეთა სიხარბეს. ქვეყნის აკრძალა ოქროსა და ვერცხლის ფული და ხმარებაში შემოიღო რკინის ფული, რომელიც მცირე ღირებულებასთან ერთად ისეთი მძიმე იყო და თან იმოღენა რომ ათი მნა²⁰ თანხის შესანახად სახლში დიდი საკუჭნაო უნდა აე-

გოთ, მის გადასატანად კი უღელი ხარი შეებათ ურემში. რკინის ფულის შემოღებით ლიკურგემ მრავალი სახის ბოროტმოქმედება განდევნა ლაქედმონიიდან. მართლაც, განა ვინ მოიპარავდა, ვინ აიღებდა ქრთამად ან ძალით გაიტაცებდა იმას, რის დამალვაც არ შეიძლებოდა, არასახარბიელო საქონელი იყო და დამსხვრევის შემდეგაც უსარგებლო რჩებოდა? როგორც ამბობენ, ფულის გამოსაკვერად საჭირო რკინას ცეცხლში გამოწრთობის დროს ლიკურგე ძმარში აწყობინებდა, ამ გზით სიმტკიცეს ართმევდა და ყოვლად უვარგისს ხდიდა.

ამის შემდეგ ლიკურგემ სპარტიდან გააძევა ყოველგვარი უსარგებლო და უქმი ხელოვნება. თუმცა რომც არავის გაეძევებინა, ხელოვნების დიდი ნაწილი ძველ ფულთან ერთად თავისთავად გაქრებოდა. საკუთარი ნაწარმის გასაღება შეუძლებელი გახდა. სხვა ბერძნებში რკინის ფულს გასაღალი არ ჰქონდა უფასურობის გამო. ამ ფულს ყველა დასცინოდა. სპარტელებს უცხოური ფუფუნების საგნების ყიდვა აღარ შეეძლოთ. მათ ნავსადგურებს სავაჭრო ხომალდები არ ეკარებოდა. ლაკონიკის მიწას ფეხს აღარ ადგამდა არც ერთი სიტყვაჭახარაკი სოფისტი. აქ ვერ დაინახავდით ვერც მოხეტიალე თაღლით მისანს, ვერც ჰეტერები²¹ მოვაჭრე კაცს და ვერც ოქრომჭედელს. ამის მიზეზი სპარტაში ნამდვილი ფულის გაქრობა იყო. ფუფუნება, რომელსაც წაერთვა ის, რაც მას სიცოცხლესა და ძალას აძლევდა, თანდათანობით თვითონვე დაჰკნა. მდიდრები უპირატესობით ვეღარ სარგებლობდნენ; მათ ქონებას ძალა დაეკარგა და, როგორც უსარგებლო რამ, სახლებში ჩაკეტეს. სპარტელებმა შესანიშნავად დაიწყეს კეთება ყოველდღიურად სახმარი ისეთი აუცილებელი საგნებისა, როგორიცაა ხაწოლი, სკამი, მაგიდა. მეტად სახელგანთქმული იყო, განსაკუთრებით ლაშქრობათა დროს, როგორც კრიტიკა ამბობს, ლაქედმონური კოთონი²². როცა ჯარისკაცები იძულებულნი იყვნენ ესვათ ბინძური წყალი, კოთონი არ აჩენდა წყლის მღვრიე ფერს. ხოლო შიგნით ისე ჰქონდა ორი მხარე ჩაზნექილი, რომ ჭუჭყს ლექავდა და პირში შედარებით სუფთა წყალს უშვებდა. ასეთი ხელმარჯვობის მიზეზიც კანონდებული ლიკურგე იყო: სპარტელი ხელოსნები იძულებული გახდნენ უქმი საქმეებისათვის თავი გაენებებინათ და თავიანთი დიდოსტატობა აუცილებელი საგნების დამზადებაში გამოეჩინათ.

10. რომ კიდევ უფრო მეტად აღმოეფხვრა სპარტელებში ფუფუნებისა და სიმდიდრისაჲენ სწრაფვა, ლიკურგემ შემოიღო მესამე, ყველაზე შესანიშნავი წესი. ეს იყო საჯარო სადილობის წესი — სისიტები²³. სადილობის ჟამს მოქალაქეებს თავი უნდა მოეყარათ და ეჭამათ კანონით დადგენილი საერთო საჭმელი. მათ აკრძალული ჰქონდათ სახლში სადილობა, მაგიდასთან მიდგმულ ძვირფას სარეცელზე წამოგორება და დახელოვნებულ მზარეულთა ნახელავი ნუგბარი საჭმელების მიღება. სპარტელთა აზრით, მზარ-თედოზე ჩრდილში წამოწოლილი ადამიანი მსუენავი პირუტყვივით გასუქდებოდა, ხასიათი გაუფუჭდებოდა და სხეულიც დაუზიანდებოდა; ვნებისაღმი მიღრეკილება და ყინიანობა გაუღვივდებოდა, ძილისგულად და ცხელი აბანოს მოყვარულ უქნარად გადაიქცეოდა, ასეთ კაცს კი, შეიძლება ითქვას, ფუფუნება ყოველდღიური წამალივით მოუწოდებოდა.

სისიტების შემოღება დიდი მიღწევა იყო. ყველაზე უფრო შესანიშნავად აქ ის უნდა ჩაითვალოს, რომ საჯარო სადილობის დაწესებით და ზომიერი საკვების წყალობით, როგორც თეოფრასტე ამბობს, სიმდიდრემ მიმზიდველობა დაკარგა და დაკნინდა; როცა მდიდარი ღარიბთან ერთად მიდიოდა სასადილოდ, უკვე აღარ იყო საჭირო საგანგებო მზადება და თვალის დასატკბობად ბრწყინვალე სუფრის გაშლა. მზის ქვეშ მდებარე ქალაქთა შორის სპარტა ერთადერთი ქალაქი იყო, სადაც მართლდებოდა საყოველთაოდ ცნობილი თქმულება იმაზე, პლუტოსი ბრმააო²⁴. სპარტაში სიმდიდრე უსულო, უძრავ ხატებასავით გახლდათ მიგდებული კუთხეში. შინ სადილობა და სისიტებზე გამაძლარი მისვლა აკრძალული იყო. ვინც ასე იქცეოდა და სხვებთან ერთად არ ჰამდა და სვამდა, იმას დანარჩენები თვალყურს ადევნებდნენ და კიცხავდნენ, როგორც თავშეუთავებულ და საჯარო სადილობის უგულუბელმოყვულ კაცს.

11. ამბობენ, სისიტების წესის შემოღებამ ყველაზე უფრო მეტად განარისხა მდიდრები. ისინი კანონმდებლის წინააღმდეგ ამხედრდნენ, თავი მოიყარეს და ლიკურგეს ყვირილი და ლანძღვა-გინება დაუწყეს. ბოლოს მდიდართა გუნდმა სეტყვასავით დააყარა ქვა. ლიკურგე მოედნიდან გაიქცა, სხვებს გაასწრო და ის იყო თავი ტაძრისთვის უნდა შეეფარებინა, რომ ერთმა ფიცხმა, მაგრამ სხვა მხრივ კეთილშობილმა ყმაწვილმა კაცმა, სახელად ალკანდრემ, თავი გამოიღო და კანონმდებელს უკან გასდია. როცა ლიკურგემ უკან

მოიხედა, ალკანდრემ მას ჯოხი ატაკა სახეში და თვალი გამოსთხარა. ლიკურგე ტკივილს როდი შეუშინდა, წელში გასწორდა, თანამოქალაქეებს წინ დაუდგა და გასისხლიანებული სახე და დასახიჩრებული თვალი უჩვენა. ამის დამნაშაველი სპარტელები საშინელმა სირცხვილმა და ჯევაბი შეიპყრო. ალკანდრე დააკავეს, ლიკურგეს გადასცეს და კანონმდებელი დიდი გულისტკივილით მიაცილეს სახლამდე. ლიკურგემ მათ მადლობა გადაუხადა და ისე გაისტუმრა. ალკანდრე სახლში შეიყვანა, მაგრამ არც საქმით და არც სიტყვით ცუდი არა უკადრებია რა მისთვის. ლიკურგემ მხოლოდ მსლებლები და მსახურები დაითხოვა და ალკანდრეს უბრძანა, ამიერიდან მას გაეწია მისთვის პირადი სამსახური. ალკანდრეც, ბუნებით კეთილშობილი ახალგაზრდა, ხმაამოუღებლად ასრულებდა იმ დღიდან მოყოლებული ყოველგვარ ბრძანებას. ლიკურგესთან საცხოვრებლად დარჩენილი ყმა-წვილი კაცი მისი უფროსის ღმობიერი ხასიათის, უბრალო ცხოვრების ნირისა და დაუცხრომელი შრომისმოყვარეობის მოწმე გახდა. მას მგზნებარედ შეუყვარდა კანონმდებელი ვაჟკაცი და ნათესავებს და მეგობრებს სულ იმას ეუბნებოდა, ლიკურგე სრულიადაც არაა მრისხანე და ქედმაღალი, პირიქით, იგი მშვიდი და სხვების მიმართ ღმობიერი ადამიანიაო. აი, ასეთი სასწელი მიიღო ალკანდრემ! ლიკურგემ სამაგიერო იმით გადაუხადა, რომ თავაწყვეტილი და ფიცხი ახალგაზრდა მოკრძალებული და გონიერი კაცი გახდა.

თავს გარდამხდარი ავი შემთხვევის მოსაგონებლად ლიკურგემ ააგო ღმერთქალ ათენას ტაძარი, რომელსაც სახელად ოპტილიტიის უწოდა. იქაური დორიელები თვალს „ობტილს“ ეძახიან. სხვა მწერლები და მათ შორის ლაკედემონელთა სახელმწიფო წყობილების აღმწერი დიოსკორიდე ამბობენ, ლიკურგე დაიჭრა, მაგრამ თვალი არ დაუკარგავს და ღმერთქალს ტაძარი გადარჩენის სამადლობლად აუგო. ასე იყო თუ ისე, ამ ავი შემთხვევის შემდეგ სპარტელები სახალხო ყრილობაზე ჯოხით სიარულს გადაეჩვივნენ.

12. საჯარო სადილობის წესს — სისტიებს კრეტელები „ანდრეიას“ ეძახიან, ლაკედემონელები კი „ფიდიტიას“. ეს ან იმიტომ, რომ საჯარო სადილობის წესი სპარტელებს მეგობრობასა და ერთმანეთის სიყვარულს აჩვენდა, და მაშინ სიტყვაში „ფიდიტია“ ლამბდა შეცვლილია დელტათი; ანდა შეიძლება იმიტომ, რომ სისტიები ხალხს უბრალოებასა და მომჭირნეობას ასწავლიდა. ასეთ შემთხვევაში „ფი-

დიტია“ წარმოდგება სიტყვისაგან „ფეილო“, რაიც „დაზოგვას“ აღნიშნავს. არაფერი გვიშლის ხელს ვიფიქროთ, რომ „ფილიტიაში“ წამატებულია პირველი თანხმოვანი, როგორც ამას ზოგიერთი ფიქრობს, და იყო „ედიტია“, რაც „ლხინსა“ და „ჭამას“ გამოხატავს.

საჯარო სუფრასთან ყოველთვის იკრიბებოდა თხუთმეტი კაცი. ხან ამაზე მეტი, ხან კიდევ ცოტათი ნაკლები. სისიტეების თითოეულ მონაწილეს ყოველთვიურად მოჰქონდა მედიმნი ქერი ფქვილად; რვა ტოლია ღვინო, ბუთი მნა ყველი. ხუთნახევარი მნა ღვლევის ჩირი და ამასთან ერთად მცირეოდენი ფული ხორცის საყიდლად. გარდა ამისა ის, ვინც მსხვერპლს სწირავდა, სისიტიაზე გზავნიდა საღვთო ზვარაკის საუკეთესო ნაწილს. ყოველი მონადირე ვალდებული იყო, ნადირევიდან ზოგი რამ საერთო სუფრისათვის შეეწირა. იმას, ვინც მსხვერპლის შეწირვით იყო დაკავებული, ან ვინც ნადირობიდან გვიან ბრუნდებოდა, უფლება ეძლეოდა შინ ესადილა. მაგრამ სხვები კი აუცილებლად უნდა დასწრებოდნენ საერთო სადილს. სპარტელები დიდხანს წმინდად ინახავდნენ ზიარად სადილობის წესს. როცა, მაგალითად, ათენელებზე გამარჯვებული მეფე აგისი ლაშქრობიდან დაბრუნდა და შინ ცოლთან ერთად სადილობა მოიწადინა, საჯარო სუფრიდან თავისი კერძი მოიციტა. პოლემარქოსებმა ეს კერძი არ გაუგზავნეს. მეორე დღეს გამწყარალმა მეფემ აღარ შესწირა კანონით დადგენილი მსხვერპლი. პოლემარქოსებმა კი ამისათვის ჯარიმა დაედეს.

სისიტეებზე ხშირად დადიოდნენ ბავშვებიც. ისინი აქ დაჰყავდათ, როგორც თავდაჭერისა და ქცევების შესასწავლ სკოლაში. აქ ბავშვები ისმეაწნენ საუბარს პოლიტიკაზე, ეჩვეოდნენ გართობას, ზომიერ ხუმრობასა და სხვისი დაცინვის ატანას. დაცინვის მოთმენა სპარტელის დიდებულ თვისებად ითვლებოდა. ვინც ვერ იტანდა, შეეძლო ეთხოვა დახსნოდნენ და დამცინავიც მყისვე დაეხსნებოდა.

საჯარო სასადილოსთან ყოველ შემსვლელს წინ დახვდებოდა საზოგადოების უხუცესი წევრი, რომელიც ახლად მოსულს კარზე მიუთითებდა და ეტყოდა: „აქედან ერთი სიტყვაც არ გამოდის გარეთ!“ სისიტეების მონაწილეობის მოსურნეს, გადმოცემის მიხედვით, შემდეგნაირ არჩევნებს უწყობდნენ: სისიტეების თითოეული წევრი ხელში აიღებდა პურის სორსოლს და უსიტყვოდ ჩააგდებდა საგანგებო ჭურჭელში, რომელიც თავზე ჰქონდა შემოდგმული მსახურს. ვინც

თანახმა იყო, ახალი წევრი მიეღოთ, ის პურის სორსოლს უბრალოდ აგდებდა ჭურჭელში, ვინც წინააღმდეგი იყო, ის პურის სორსოლს ხელით დაჭყლეტდა და ისე ჩაუშვებდა. დაჭყლეტილ სორსოლს გახვრეტილი კენჭის ძალა ჰქონდა²⁵. ერთი ასეთი სორსოლი რომ აღმოეჩინათ ჭურჭელში, მთხოვნელს წევრად არ მიიღებდნენ; საერთო სურვილი იყო, ყველანი ერთმანეთის კმაყოფილი ყოფილიყვნენ. იმ კაცზე, ვისაც წევრად არ მიიღებდნენ, ამბობდნენ: „კეკადისტაი“. საქმე ისაა, რომ ჭურჭელს, რაშიაც პურის სორსოლებს ჰყრიან, სპარტაში „კადიქოსი“ ეწოდება.

საჭმელებში ყველაზე უფრო საუკეთესო შეჭამადად სპარტელები თვლიდნენ ეგრეთ წოდებულ შავ წვესს. მოხუცი სპარტელები ხორცს თითქმის არ ეკარებოდნენ და ახალგაზრდებს უთმობდნენ, თვითონ კი სიამოვნებით შეექცეოდნენ აღნიშნულ წვესს. ამბობენ, პონტოს ერთ-ერთმა მეფემ ამ შავი წვესის გულისათვის ლაკედემონელი მზარეული იყიდა. მზარეულმა ეს შეჭამადი მოამზადა და მეფეს მიართვა. როცა მეფემ წვენი დაიწუნა, მზარეულმა უთხრა: „ჰეფეო, ამ წვესის გემო რომ გაიგო, ჯერ მდინარე ევროტში²⁶ უნდა იბანაო“.

ზომიერი ღრეობის შემდეგ სისიტიების მონაწილენი სახლებში ბრუნდებოდნენ ყოველგვარი სანთლის გარეშე. სანთლით ხელში სიარული აკრძალული იყო, რა შემთხვევაც არ უნდა ყოფილიყო. სპარტელები უნდა მიჩვეოდნენ ღამის წყვდიადში გაბედულ სიარულს.

აი, ასეთი იყო სისიტიების წესრიგი.

13. თავისი კანონები ლიკურგეს წერილობითი სახით არ გამოუქვეყნებია. წერილობითი კანონების აკრძალვა განსაზღვრულია ერთ-ერთი რეტორით. ლიკურგეს აზრით, ყველაზე მნიშვნელოვანსა და ფასდებულს სახელმწიფოს კეთილდღეობისა და ღირსებისათვის ფესვები მტკიცედ უნდა ჰქონდეს გადგმული მოქალაქეთა ხასიათსა და ქცევაში. ნებისყოფა, ლიკურგეს მიხედვით, იძულებაზე უფრო ძლიერი ბოროტია. ასეთ ნებისყოფას კი ადამიანში ქმნის აღზრდა, რომელსაც ამ შემთხვევაში ნამდვილი კანონმდებლის ძალა ენიჭება.

რაც შეეხება ფულთან დაკავშირებულ წვრილ-წვრილ გარიგებებს, რომლებიც ხშირად იცვლება, ლიკურგეს აზრით უმჯობესი იყო არ მოეთავსებინათ ისინი იძულებისა და უცვლელობის ჩარჩოებში წერილობითი დადგენილებებით. ლიკურგეს დასაშვებად მიაჩნდა ასეთი გარიგებისათვის დროთა განმავლობაში, გარემოებისა და მიხედვით,

ქვეყანა ხალხს დაემატებინა ან გამოეცლო რაიმე. ერთი სიტყვით, ლიკურგეს კანონმდებლობის მთავარი არსი აღზრდა იყო. აი, ამის გამო იყო, როგორც ვთქვით, ერთ-ერთი რეტრა აცხადებდა, დაწერილი კანონები საჭირო არ არისო.

მეორე რეტრა მიმართული იყო ფუფუნების წინააღმდეგ. ასე, მაგალითად, ამ რეტრის მიხედვით, მთელი სახლის სახურავი მარტო ცულოთ უნდა გაცეთებულყო, კარი კი — ხერხით. სხვა იარაღის მოშველიება არ შეიძლებოდა. ხომ თქვა კარგა ხნის შემდეგ, როგორც ამბობენ, ეპამინონდამ თავის ღარიბ სუფრაზე: „ასეთი სადილის პატრონს ღალატი არ მიეკარებაო“²⁷. ლიკურგე კი აღრევე მიხედა, რომ უბრალო სახლში ფუფუნება და სიმდიდრე ვერ იბოვინებდა. და, მართლაც, ვინ უნდა იყოს ისეთი უგემოვნო და უმეცარი, რომ უბრალო და ღარიბულ სახლში შეიტანოს ვერცხლსფეხებიანი საწოლები, ძოწის გადასაფარებლები, ოქროს თასები და მსგავსი სხვა ძვირფასი სამკაულნი. აუცილებელია, რომ სახლს შეეფერებოდეს საწოლი, საწოლს გადასაფარებელი, გადასაფარებელს კი სხვა მორთულობა და ავეჯი. ამბობენ. სპარტელთა უბრალო ჩვეულებამ ათქმევინა ლეოტიქიდა უფროსს²⁸ ცნობილი სიტყვებით. ლეოტიქიდა ერთხელ კორინთოში სადილობდა და გაცეებით შესცქეროდა სახლის დიდებულიად მორთულ ოთხკუთხედ ჭერს. მან მასპინძელს ჰკითხა: თქვენში ოთხკუთხედი ხეები ხომ არ იზრდებოდნენ?

ლიკურგეს მესამე რეტრა, როგორც გადმოგვცემენ, სპარტელებს უკრძალავდა ერთსა და იმავე მტერზე ხშირად ლაშქრობას, რათა ეს მტერი თავდაცვას არ დაჩვეოდა და მამაცი მებრძოლი არ გამხდარიყო. ამიტომ იყო, რომ შემდგომში მეტისმეტად კიცხავდნენ მეფე აგესილავს, რომელმაც ბეოტიკაში ხშირი ლაშქრობებით და თავდასხმებით თებელები სპარტელთა ღარი მეომრები გახადა. თებელებთან ომში დაჭრილი აგესილავ რომ იხილა, ანტალკიდამ²⁹ უთხრა: „კარგი ჯილდო კი მიიღე თებელებისაგან, რომელთაც მაშინ ასწავლე ბრძოლა, როცა ეს არც უნდოდათ და არც იცოდნენო“.

ამ სამ ბრძანებულებას ლიკურგე ეძახდა რეტრებს და ღვთისაგან მომდინარე ნაწინასწარმეტყველებ კანონებად თვლიდა.

14. ბავშვების აღზრდა ლიკურგეს კანონმდებლის უდიდეს და უკეთილშობილეს საქმედ მიაჩნდა. ამიტომ ამ საქმეს მან თავიდანვე მოჰკიდა ხელი და მყისვე მიაპყრო ყურადღება ქორწინებისა და

შვილიანობის საკითხს. არაა მართალი არისტოტელე, როცა ამბობს: ლიკურგეს სპარტელი ქალების გამოსწორება უნდოდა, მაგრამ ამ საქმეს თავი მიანება, რაკი ვერ შესძლო ქალთა თავაწყვეტილობისა და მბრძანებლობის აღადგენაო. ნიადაგ სალაშქროდ მყოფი მამაკაცები იძულებულნი ხდებოდნენ თავიანთი ქალებისათვის სრული თავისუფლება მიეცათ, ზომაზე მეტი პატივი ეძღვნათ და ქალბატონები ეძახათო. სინამდვილეში კი ლიკურგემ სპარტელი ქალების გაჯანსაღების საქმეს საკმაო ყურადღება დაუთმო. ქალიშვილების გასაკაყებლად მან სირბილი, ჭიდაობა, შუბისა და დისკოს ტყორცნა დააწესა, რათა მათ ჯანსაღ სხეულში ჩასახული ნაყოფიც ძლიერი და ღონიერი ყოფილიყო. მომავალი დედა ძალ-ღონით აღსავსე უნდა დახვედროდა მშობიარობას და ტკივილები აღვილად გადაეტანა. ლიკურგემ ქალიშვილებს აუკრძალა ნეზივრობა, სახლში ჩაკეტვა და ფუფუნებით ცხოვრება. მან ისინი მიაჩვია ზეიმზე ჭაბუკებივით გაშიშვლებული მოსულიყვნენ და ზოგიერთ წმიდა დღესასწაულზე დედიშობილა ეცეკვათ და ემღერათ ჯეელი ბიჭების თვალწინ. ზოგჯერ ქალიშვილები მასხარად იგდებდნენ მას, ვინც თავის საქმიანობაში შეცდომებს უშვებდა, და ამით აიძულებდნენ შემცოდებელს გამოსწორებულყო. ზოგჯერ კი სახოტბო სიმღერებს უმღერდნენ ღირსეულ ჭაბუკებს და ამით ყმაწვილ კაცებში პატივმოყვარეობისა და წარმატებებისაკენ სწრაფვის გრძნობას აღვივებდნენ. მამაცობისათვის ხოტბაშესხმული და ქალიშვილთა წრეში სახელმოხვეჭილი ვაჟკაცი ქება-დიდებათა გამოაყებულნი ბრუნდებოდა სახლში. გესლიანი დაცინვა გაკვეთილი იყო იმისთვის, ვისაც იგი ეხებოდა. მით უმეტეს, რომ ამ ამბავს სხვა მოქალაქეებთან ერთად მეფეები და უხუცესთა საბჭოს წევრებიც ესწრებოდნენ.

ქალიშვილების სიშიშვლე სამარცხვინოდ არ ითვლებოდა. თავაწყვეტილობასა და შეუფერებელ საქციელს აქ ადგილი არ ჰქონდა. მოკრცვობა და მოკრძალება სპარტელთა ქალიშვილებს ყოველთვის მოსდგამდათ. სიშიშვლე კი ქალიშვილებს აჩევდა უბრალოებას, უღვიძებდა მათ საკუთარი სხეულის გააყებისა და გამოწრთობის სურვილს. სწორედ ეს სიშიშვლე უნერგავდა ქალთა სქესს ვაჟკაცურ სულს და ამტკიცებდა, რომ ქალებს მამაკაცებზე ნაკლებ როდი შეეძლოთ სახელის მოხვეჭა და სიქველის გამოჩენა. ასეთი ვაჟკაცური აღზრდა სპარტელი ქალების სიტყვასა და აზრს დიდ ძალას ანიჭებდა.

და. აი, რას მოგვითხრობენ ლეონიდას³⁰ ცოლის — გორგოს შესახებ. ერთმა, როგორც ჩანს, უცხოელმა ქალმა გორგოს უთხრა: „თქვენ, ლაკედემონელი დედაკაცები, ერთადერთი ქალები ხართ ქვეყანაზე, რომლებიც ვაჟკაცებზე მბრძანებლობთ“; გორგომ კი მიუგო: „ნამდვილ ვაჟკაცებსაც მხოლოდ ჩვენ ვშობთ“.

15. ყველაფერი ეს ერთგვარი ბიძგი იყო ქორწინებისკენ — აქ მე ვგულისხმობ ქალწულთა საზიემო მსვლელობას, სიშიშვლეს, შევიბრებებს ჭაბუკთა თვალწინ. ჭაბუკებს, როგორც პლატონი ამბობს, ამ შემთხვევაში იტაცებდა არა გეომეტრიული მოხდენილობა, არამედ სიყვარულის ძალა.

ლიკურგემ გარკვეული სასჯელი დაადო უცოლოებს. მათ აკრძალული ჰქონდათ გიმნოპედიებზე დასწრება³¹. ზამთარში კი, არქონტთა ბრძანების მიხედვით, უცოლოებს ტანზე უნდა გაეხადათ და დედიშობილა მოედნის გარშემო ევლოთ, თან ემდერათ მათივე წინააღმდეგ შეთხზული სიმღერა, რომელშიც ნათქვამი იყო, რომ ისინი სამართლიანად ისჯებიან, ვინაიდან არსებულ კანონებს არღვევენ. გარდა ამისა, მათ აღკვეთილი ჰქონდათ ის მოწიწება და პატივისცემა, რითაც ახალგაზრდები უფროსებს ექცევიან. ამიტომ არავინ არ ეცხავდა იმ სიტყვებს, რომლებითაც ერთხელ დერკილიდას გაუმასპინძლდნენ, თუმცა იგი სახელოვანი სტრატეგოსი იყო. ერთხელ დერკილიდა შევიდა ერთ შენობაში. ერთ-ერთმა ახალგაზრდამ მას სკამი არ დაუთმო და უთხრა: „შენ ჯერ არავინ გაგიჩენია ქვეყანაზე, რომ შემდეგში მე დამითმოს ადგილიო“.

სპარტელები ცოლს ირთავდნენ მოტაცებით. მოტაცებულ პატარძალს ჩააბარებდნენ ეგრეთ წოდებულ ნიმფეტრიას. იგი პატარძალს თმას ძირამდე შეუკრეჭდა, მამაკაცის ტანსაცმელსა და ფეხსამოსში გამოაწყობდა და ბნელ კუთხეში ჩალისაგან გამზადებულ ლოგინზე მარტოდმარტო დააწვენდა. ნეფე, რომელიც არც მთვრალი იყო და არც ლხინისაგან აღგზნებული, არამედ ჩვეულებისამებრ ფხიზელი, როგორც ფილიტიებზე ნავახშმევ კაცს შეეფერებოდა, პატარძალთან შედიოდა, სარტყელს შემოხსნიდა, ხელში აიყვანდა და საქორწინო სარეცელზე დააწვენდა. იგი ცოლთან მცირე ხნით რჩებოდა. მერმე კი მოკრძალებით ბრუნდებოდა მისთვის მიჩენილ ოთახში, სადაც სხვა ყმაწვილ კაცებთან ერთად იძინებდა. შემდგომშიც ქმარი დღესა და ღამეს თავის ტოლებთან ატარებდა, ცოლთან კი დიდი სიფრთხი-

ლით და მალულად დადიოდა. რცხვენოდა და თან ეშინოდა, შინაურ-
თაგან ვინმეს არ შეეშინია. პატარძალი თავის მხრივ ყოველთვის იმას
ცდილობდა, საქმე ისე მოეჭაბრაკებინა, რომ ქმარს მოხერხებულ
დროს მალულად შეპყროდა. ეს ამბავი საკმაო დიდხანს გრძელდებოდა.
ზოგ სპარტელს შვილები ისე უჩნდებოდა, რომ საკუთარი ცოლი
დღისით არც კი ენახა. ასეთი იშვიათი შესვენრა მარტო თავდაპირი-
ლობასა და მოკრძალებას კი არ აჩვევდა ცოლ-ქმარს, არამედ გამ-
რავლების უნარსაც უძლიერებდა და მათ ურთიერთობას მუდამ
სიყვარულის ახალი ძალით აგზნებდა. ეს ურთიერთობა თავის მომა-
ბეზრებული და მომქანცავი როდი იყო. ცოლ-ქმარს მუდამ ჰქონ-
დათ ერთმანეთის ნდომისა და დაუცხრომელი სიყვარულის
გრძნობა.

ქორწინების საქმეში ასეთი კდემამოსილება-მოკრძალებისა და
წესრიგის დამყარების შემდეგ ლიკურგემ მრავალი ღონე იხმარა ამო
და ლაჩრული ეჭვიანობის აღმოსაფხვრელად. მისი აზრით, ქორწინე-
ბიდან ძალადობისა და უწყესრიგობის განდევნის გარდა, საჭირო იყო
ღირსეულ მოქალაქეთ შვილების გაჩენის საკითხში სრული თავი-
სუფლება მინიჭებოდათ. იგი დასცინოდა იმათ, რომელთაც მომავა-
ლი თაობის წარმოშობა კერძო საქმედ მიაჩნდათ, თანამონაწილეობას
ამ საქმეში ვერ იტანდნენ და მზად იყვნენ ამ ნიადაგზე აღმოცნე-
ბული ეჭვიანობის გამო სისხლი დაედგარათ და ომები გაეჩაღებინათ.
ახალგაზრდა ცოლის პატრონ მოხუცებულ კაცს უფლება ეძლეოდა,
თუკი ვინმე კეთილშობილი და ლამაზი ჭაბუკი მოეწონებოდა, თავის
ცოლთან მიეშვა, მათი ურთიერთობის ნაყოფი კი თავისად მიეჩნია.
კეთილშობილ ვაჟკაცს, რომელსაც მოეწონებოდა სხვისი ცოლი —
კდემამოსილი და კარგი შვილების დედა, შეეძლო ეთხოვა ქმრი-
სათვის მის ცოლთან ურთიერთობის ნება, რათა ამ ქალისაგან, ვით
ნოყიერი ყანისაგან, ძვირფასი ნაყოფი მიედო, ისეთი შვილები გაე-
ჩინა, რომლებიც კეთილშობილური სისხლის ღირსეული მემკვიდრე-
ები იქნებოდნენ.

ლიკურგე იმთავითვე ამტკიცებდა: ბავშვები სახელმწიფო კუთვნი-
ლებაა და არა მამებისო. ამიტომ სურდა მომავალი მოქალაქეები სა-
უკეთესო აღამიანებისაგან წარმოშობილყვნენ და არა შემთხვევითი
პირებისაგან. ამასთან დაკავშირებით ლიკურგე სულელურად და
უცნაურად თვლიდა სხვა კანონმდებელთა დადგენილებებს: „ზოგა-

ერთები, — ამბობდა ლიკურგე, — ძუკნა ძაღლებისა და ჭკაკი ცხენებისათვის საუკეთესო ხვადებსა და ულაყებს დაეძებენ; მათ საშოვრად არც სიტყვასა და არც ფულს არ იშურებენ, ქალებს კი სახლებში ჰკეტავენ და სასტიკად მეთვალყურეობენ, რათა შვილები მხოლოდ და მხოლოდ საკუთარი ქმრებისაგან გააჩინონ. იმაზე კი როდი ფიქრობენ, თუ ამ გზით ნაშობი ბავშვები უგუნურები, უსაყონი და სუსტები გამოვლენ. თითქოს მახინჯი მშობლებისაგან ნაშიერი სუსტი ბავშვები უბედურება არ იყოს უწინარეს ყოვლისა მათი პატრონებისა და აღმზრდელებისათვის. თითქოს ჯანსაღი დედ-მამის ჯანსაღი თაობა სიხარულს არ გვფენდეს“.

ლიკურგეს მიერ შემოღებული წესები მამაკაცისა და ქალის ურთიერთობაში სრულიად ბუნებრივი იყო და სახელმწიფოს გაჯანსაღების საქმეს ემსახურებოდა. შემდეგ ხანებში სპარტელი ქალების მსუბუქ ყოფაქცევაზე მსჯელობას ლიკურგეს წესებთან არაფერი ჰქონდა საერთო. სიძვა-მრუშობა რა იყო, ლაკედემონელებმა დიხაც არ იცოდნენ. ამასთან დაკავშირებით ხშირად იხსენიებენ ერთი ძველი სპარტელის, ვინმე გერადას სიტყვებს. ერთმა უცხოელმა გერადას ჰკითხა:

— რითი სჯიან მრუშებს თქვენს ქვეყანაში?

— ჩვენში, უცხოელო, მრუში არაა, — უპასუხა გერადამ.

— კი, მაგრამ, რომ აღმოჩნდეს მაინც? — დაიჟინა უცხოელმა.

— მაშინ ჯარიმად გადაიხდის იმხელა ხარს, რომელიც ტაიგეტის მწვერვალიდან თავს გადმოჰყოფს და მდინარე ევროტში წყალს დალევს.

— მერე სად ნახულა ამხელა ხარი? — გაუკვირდა უცხოელს.

— მაშ ვის უნახავს სპარტაში მრუში? — მიუგო გერადამ.

აი, ის რასაც სპარტელთა ქორწინების საკითხებზე გადმოგვცემენ.

16. ბავშვის აღზრდის უფლება მშობელს არ ჰქონდა. დაიბადებოდა თუ არა ყმაწვილი, მამა მას მიიყვანდა იმ ადგილას, რომელსაც „ლესქეს“ ეძახდნენ³². აქ იხსდნენ ფილების უზუცესი წევრები. ისინი ახალშობილს ვასინჯავდნენ. თუ ღონიერი და საღი აღმოჩნდებოდა, უზუცესები ბრძანებას გასცემდნენ ბავშვი გამოეზარდათ, ამასთანავე გამოუყოფდნენ მიწის ერთ-ერთ ნაკვეთს ცხრა ათასი ნაკვეთიდან. თუ ყმაწვილი სუსტი და უსახური გამოდგებოდა, ევროტ წოდებულ „აპოთეტში“ — ტაიგეტის მახლობლად მდებარე უფსკრულ-

ში ისროდნენ. უხუცესთა აზრით, დაბადებითვე უსახური და ტანდა-
ლეული ბავშვის სიცოცხლე საკუთარი თავისთვისაც და სახელმწი-
ფოსთვისაც უსარგებლო იქნებოდა. აი ამის გამო ქალები ჩვილს, სი-
მაგრის გამოცდის მიზნით, წყლით კი არ აბანავებდნენ, არამედ ღვი-
ნით. ამბობენ, ავი ზნით შეპყრობილი და სუსტი ბავშვები შუმ ღვი-
ნოს ვერ იტანენ და მაშინვე იღუპებიან; ჯანსაღი ბავშვები კი ასეთი
გამოცდის შემდეგ უფრო მეტად კაჟდებიან და იწოთობიანო.

ძიძეები ბავშვებს დიდი ყურადღებით უვლიდნენ და მშვენივრად
იყვნენ დახელოვნებული აღზრდის საქმეში. ისინი ჩვილებს არც არ-
ტახებს უჭერდნენ და არც ჩგრებში ახვევდნენ, მათ ასოებს და სა-
ერთოდ მთელ სხეულს სრულ სილალეს აძლევდნენ. ბავშვებს აჩვენ-
დნენ ზომიერად ეჭამათ და სასმელ-საჭმელში გულაზიზები არ ყო-
ფილიყვნენ, სიბნელისა და მარტოობისა არ შინებოდათ, სიმხალე
და ტირილი არ სცოდნოდათ. ამის გამო უცხოელებიც თავიანთი ბავ-
შვების აღმზრდელებად ლაქედმონელ ძიძებს ყიდულობდნენ. ასე,
მაგალითად, ალკიბიადე ათენელის ძიძა, ამბობენ, ლაქედმონელი
იყო; მაგრამ პლატონის სიტყვით, ალკიბიადეს პერიკლემ მასწავ-
ლებლად მიუჩინა მონა, სახელად ძოპირე, რომელიც სხვა მონებში
არაფრით არ გამოირჩეოდა. ლიკურგეს კი აკრძალული ჰქონდა სპარ-
ტელთა ბავშვების აღმზრდელად ნაყიდი ან დაჭირავებული პედაგო-
გის აყვანა.

მამას უფლება არ ეძლეოდა ვაჟიშვილი საკუთარი სურვილისა-
მებრ აღეზარდა. მამრობითი ტყესის ბავშვებს, როგორც კი შეუსრულ-
დებოდათ შვიდი წელი, ლიკურგე თავს მოუყრიდა და ეგრეთ წოდე-
ბულ „აგელებად“ დაყოფდა, რათა ერთად ყოფნას მიჩვეოდნენ, ერ-
თად გაზრდილიყვნენ, ერთად ეთამაშათ და ერთად ესწავლათ. „აგე-
ლების“ უფროსად ლიკურგე მას აყენებდა, ვინც გონიერებითა და
ბრძოლებში განსაკუთრებული სიმახაცით გამოირჩეოდა. „აგელეს“
უფროსს ყველანი თვალეზში უყურებდნენ; მის ბრძანებას უსიტყვოდ
ასრულებდნენ და მისგან სასჯელს მოთმინებით იტანდნენ. ასე რომ
აღზრდის მიზანი სპარტაში მორჩილების გამოუმუშავება იყო.

მოხუცები თვალყურს ადევნებდნენ ბავშვების თამაშს, ხშირად
განზრახ ჩამოაგდებდნენ მათ შორის შფოთსა და ერთმანეთს წააჩხუ-
ბებდნენ. ამ გზით ისინი მშვენივრად სწავლობდნენ ყოველი ბავშვის
ხასიათს — მამაცი იყო თუ არა, ხომ არ გამოექცეოდა ბრძოლის

ველს. წერა-კითხვას ისე ასწავლიდნენ, რამდენადაც ეს აუცილებელი შემთხვევის დროს დასჭირდებოდათ. ბოლოს და ბოლოს მთელი აღზრდის მიზანი იყო უსიტყვო მორჩილება, შრომაში გამძლეობა და ბრძოლაში გამარჯვების მოპოვება. რაც უფრო იზრდებოდნენ ბავშვები, მით უფრო სასტიკი ხდებოდა მათი გაწვრთნა: თმას ძირამდე კრეჭდნენ, აჩვევდნენ ფეხშიშველა სიარულს და აიძულებდნენ თიქმის ყოველთვის ტიტლიკანებს ეთამაშნათ.

თორმეტი წლის ასაკს რომ მიაღწევდნენ, ისინი უკვე უქიტონოდ³³ დადიოდნენ და ამიერიდან წელიწადში თითო წამოსასხამს იღებდნენ. სხეული მათ მუდამ ჭუჭყიანი ჭქონდათ, თბილ წყალში არ ბანაობდნენ, ტანს ზეთით არ იხელებდნენ. ასეთი ფუფუნების ნება ეძლეოდათ წელიწადში მხოლოდ რამდენიმე დღეს. იძინებდნენ ერთად „ილებისა“ და „აგელების“ მიხედვით ლერწმის საწოლებზე. ასეთი საწოლებისათვის საჭირო ლერწამი იზრდებოდა მდინარე ევროტის ნაპირებზე. ლერწამს ბავშვები ხელით ჰკლევდნენ და ისე მოჭქონდათ. დანის მოშველება არ შეიძლებოდა. ზამთარში ქვეშ იფენდნენ ლერწამთან შერეულ ეგრეთ წოდებულ „ლიკოფონს“, რომელიც, მათი აზრით, სითბოს შემნახავი მცენარე იყო.

17. ასეთ ასაკს მიღწეულ და გამორჩეულ ყმაწვილებს უკვე თავიანთი საყვარელი გაუცაცები ჰყავდათ. უხუცესები ბავშვების მიმართ სიფრთხილეს კიდევ უფრო მეტად აძლიერებდნენ. ისინი ხშირად დადიოდნენ გიმნასიებში, ესწრებოდნენ მოზარდთა საბრძოლო შეჯიბრებებს და ხალისით ისმენდნენ ყმაწვილთა შორის გამართულ მახვილისტყვაობას. მოხუცებისათვის ეს უბრალო დროსტარება როდი იყო. ისინი თავიანთ თავს ბავშვების მამებად, მასწავლებლებად და მოძღვრებად თვლიდნენ. არასდროს და არსად ბავშვებს მარტო არ ტოვებდნენ. მოზარდი დანაშაულს თუ ჩაიდენდა, იქვე ჰყავდა დამრიგებელიცა და დამსჯელიც.

მოზარდებს მეთვალყურედ მიჩენილი ჰყავდათ ეგრეთ წოდებული „ბედონომოსი“, რომელსაც კეთილშობილ გაუცაცთა წრიდან ირჩევდნენ. ბედონომოსები „აგელების“ სათავეში აყენებდნენ ყველაზე უფრო გონიერ და მამაც „ირენებს“. „ირენებს“ სპარტელებში ეძახდნენ ბავშვობის ასაკიდან უკვე ორი წლის წინათ გამოსულთ. ყველაზე უფროს ბავშუს კი „მელირენი“ ეწოდებოდა. ოცი წლის ასაკს მიღწეული ირენი ბრძოლებში რაზმს მეთაურობდა, მშვიდობიანობის

დროს კი რაზმის წევრებს მსახურებად იყენებდა და საერთო სადილის მომზადების საქმეს განაგებდა. მოზრდილებს იგი შეშის მოზიდვას ავალებდა, უმცროსებს კი მწვანოვან აგზავნიდა. ყველაფერი, რაც კი მოჰქონდათ, ნაქურდალი იყო: ერთნი ბაღებში მიდიოდნენ საჭურდავად, მეორენი სპარტელ ვაჭკაცთა საჯარო სასადილოში შეიპარებოდნენ და ცდილობდნენ ქურდობის დროს მოხერხება და სიფრთხილე გამოეჩინათ. ვისაც ქურდობაში დაიჭერდნენ, იმას უწყალოდ გაშოლტავდნენ, ვითარც უშნო, უხეირო ქურდს.

ბავშვები იპარავდნენ ყოველგვარ საქმელს, ეჩვეოდნენ მოხერხებულად დასხმოდნენ თავს მძინარეთ და საერთოდ ყველას, ვინც კარგად ვერ პატრონობდა თავის საქონელს. ქურდობაში დაჭერილს, როგორც ვთქვით, ცემით სჯიდნენ და ამომშვილებდნენ. მოზარდთა სადილი მეტისმეტად ძუნწი იყო. ეს იმიტომ, რომ შიმშილის მოსაკლავი სარჩო თვითონვე ეშოვათ, ეს მათ აიძულებდა გაბედულები და მარდები ყოფილიყვნენ. საყვების სიმცირის მიზეზი სწორედ ეს გახლდათ. მეორე მიზეზი, როგორც ამბობენ, დაკავშირებული იყო სხეულის ზრდის საკითხთან. თუ ზედმეტი საყვები თავისი სიმძიმით სულს არ აწევს და სხეულს სიღრმესა და სიგანეში არ ეწევა, მაშინ სული მსუბუქად მიემართება ზემოთ და ადამიანის ტანიც ღლად და ადვილად იზრდება სიგრძეში. ეს კი სხეულს შნოსა და ლაზათს ანიჭებს. წვრილი და გამხდარი სხეული ჯანსაღი და მოქნილია. სიმსუქნით დამძიმებული ტანი კი მოქნილობას წინააღმდეგობას უწევს თავისი სიმძიმით. ცნობილია, რომ ფეხმძიმობის დროს ქალები, რომლებიც კუჭს იწმენდნენ, გამხდარ, მაგრამ ლამაზ და მოქნილ ბავშვებს შობენ. საქმე ისაა, რომ მსუბუქ მასალას შემოქმედი ძალა ადვილად აძლევს საჭირო იერს. თუმცა ამის მიზეზი, დაე, სხვამ გარკვეოს.

18. ბავშვები ცდილობდნენ რაც შეიძლება ფრთხილად და მოხერხებულად ექურდათ. ასე, მაგალითად, მოგვითხრობენ: ერთმა ყრმამ მელიის ლეკვი მოიპარა და წამოსასხამის ქვეშ დამალა. ნადირმა ბრწყალებით და კბილებით მუცელი მთლად გამოუღრღნა, მაგრამ ბიჭი საიდუმლოების დასაფარავად თავს მანამ იმაგრებდა, ვინემ იქვე არ მოკვდაო. ეს ამბავი დაუჯერებელი როდია. ჩვენ საკუთარი თვალით გვინახავს სპარტელი ბიჭები, რომლებიც ხმის ამოუღებელი იტანდნენ საშინელ ცემა-ტყეპას ორთიას საკუროთხევლის წინ³⁴.

ნავახშმევს მხარ-თეძოზე წამოწოლილი ირენი ზოგიერთ ბავშვს უბრძანებდა ემღერა, ზოგს კი ისეთ შეკითხვებს აძლევდა, რომლებიც მოფიქრებულ და გონივრულ პასუხებს მოითხოვდა. ასე, მაგალითად, ირენი ბავშვებს ეკითხებოდა: „ვინაა ყველაზე უკეთესი ვაჟაკი ჩვენს ქალაქში?“ ანდა: „როგორია შენი აზრი ამა და ამ საქმეზეო?“ ამ გზით სპარტელები იმთავითვე სწავლობდნენ ავისა და კარგის გარჩევას და თანამოქალაქეთა ხასიათის გამოცნობაში ოსტატდებოდნენ თუ ვისმე შეკითხვაზე — ვინ არის კარგი მოქალაქე და ვინ სახელგატეხილი — პასუხის გაცემა გაუჭირდებოდა და ყოყმანს დაიწყებდა, სპარტელების აზრით, იგი გონებაჩლუნგობასა და ჭიქველის სიძულვილს ამჟღავნებდა. პასუხში უნდა ყოფილიყო ჩაქსოვილი მიზეზი და მტკიცებაც, ყველაფერი ეს კი მოკლედ, სხარტად თქმულიყო. მას, ვინც შეცდომით გასცემდა კითხვაზე პასუხს, ირენი სასჯელის ნიშნად ცერზე უტეხდა.

ბავშვებს ირენი ხშირად სჯიდა უხუცესთა და არქონტთა თანდასწრებით, რათა მათთვის ეჩვენებინა, სამართლიანი და შესაფერისი თუ იყო მისი სასჯელი. დასჯის დროს უფროსები ირენს ხელს არ უშლიდნენ; მაგრამ როცა ბავშვები წავიდოდნენ, ირენს თავის მხრივ სასტიკ პასუხს სთხოვდნენ, თუ აღმოჩნდებოდა, რომ იგი მეტისმეტ მრისხანებას ანდა გადაჭარბებულ ლმობიერებას იჩენდა.

ყრმების სატრფოები მათი საყვარელი ყმაწვილების სახელსაც და შერცხვენასაც იზიარებდნენ. როცა ერთხელ ერთმა ყრმამ ბრძოლის დროს სიმზდალე გამოიჩინა და ყვირილი მორთო, არქონტებმა თურმე მისი სატრფო დასაჯეს.

ამ სახის სიყვარული სპარტაში ისე ფენმოკიდებული იყო, რომ კეთილშობილი მანდილოსნებიც კი ჰყვაროდნენ ქალწულებს, მაგრამ ეკვიანობასა და შურს იქ აღვილი არ ჰქონდა. ერთი და იმავე პირის სიყვარული მეტოქეთა შორის მეგობრობის საფუძველს ქმნიდა. მეტოქენი თავგამოდებით ცდილობდნენ მათი საყვარელი არსება რაც შეიძლება მეტად გაეკეთილშობილებინათ.

19. ბავშვებს ასწავლიდნენ მახვილსიტყვაობას, მოხდენილ, მოსაზრებულ და სხარტ ლაპარაკს. ლიკურგემ, როგორც ზემოთ ითქვა, რკინის ფულს დიდ სიმძიმესთან ერთად მცირე ფასი მისცა; მაგრამ მოკლე, სადა ნათქვამში მას სურდა ღრმა და ძლიერი აზრი ჩაექსოვა. ყმაწვილები ლიკურგემ ხანგრძლივ დუმილს მიაჩვია და ამ გზით

მოსწრებული და აზრიანი პასუხის გაცემა ასწავლა. როგორც ადვირ-
ახსნილი და გარყვნილი მამაკაცია მოკლებული გამრავლების უნარს,
ისე ლაქლაქა ადამიანის სიტყვებია ფუჭი და ყოველგვარ აზრს მოკ-
ლებული.

ერთი ათენელი ლაკედემონურ მოკლე მახვილს დასცინოდა და
ამბობდა: ჩვენი ჯამბაზები მაგოდენა მახვილს სულ ადვილად ყლ-
პავენ თეატრშიო. მეფე აგისმა ათენელს უპასუხა: „ჩვენ კი სწორედ
მაგ მოკლე მახვილით ადვილად ვწვდებით ჩვენს მტრებსო“.

ჩემი აზრით, ლაკედემონური სიტყვა, მიუხედავად იმისა, რომ
მოკლეა, ადვილად ხედება მიზანს და მსმენელთა გულსა და სულს
სწვდება.

თვითონ ლიკურგე, თუ მის ღირსსახსოვარ გამონათქვამთა მიხედ-
ვით ვიმსჯელებთ, ჩანს, ფრიად სიტყვაძუნწი და ენამოსწრებული
კაცი იყო. ასეთია, მაგალითად, მისი გამონათქვამი სახელმწიფო
მმართველობის თაობაზე. ერთი კაცი ლიკურგეს ურჩევდა, სპარტაში
დემოკრატია დაამყარეო. ლიკურგემ ამ კაცს უპასუხა: „ჯერ შენ სცა-
დე შენს ოჯახში დაამყარო დემოკრატიაო“. ლიკურგეს ჰკითხეს: რა-
ტომ დააწესე ეგზომი ძუნწი და უბრალო მსხვერპლშეწირვაო? „იმი-
ტომ, — მიუგო ლიკურგემ, — რომ არასოდეს არ შეეწყვიტოთ ღვთის
პატივისცემაო“.

ათლეტური შეჯიბრებების გამო ლიკურგეს უთქვამს: „მე მხო-
ლოდ და მხოლოდ იმ შეჯიბრებებში მონაწილეობა არ ავუკრძალე
ჩემს მოქალაქეებს, სადაც ხელს ზევით არ სწევენო“³⁵.

ზოგიერთი იმოწმებს ლიკურგეს წერილობით პასუხებს თავისი
მოქალაქეებისადმი. შეკითხვაზე: „როგორ ავიცილებოთ თავიდან მტრის
თავდასხმას?“ პასუხი იყო: „თუ ღარიბები ღარიბებით და თუ არაგინ
მოინდომებს სხვაზე მაღლა დადგომასო“. ან კიდევ პასუხი კედლე-
ბის შესახებ: „ქალაქზე არ ითქმის, კედლები არა აქვსო, თუ მას აგუ-
რის ნაცვლად ვაჟკაცები არტყია გარსო“.

ადვილი საქმე როდია ირწმუნო წერილების უტყუარობა, მაგრამ
არც ისაა იოლი, რომ არ დაიჯერო.

20. გრძელი სიტყვის სიმუღელს კარგად გვიმტკიცებს სპარ-
ტელთა ზოგიერთი გამონათქვამი. აი ისინი:

ერთმა კაცმა მეტად მნიშვნელოვან საქმეზე ფრიად უდროო

დროს მორთო ლაპარაკი. მეფე ლეონიდამ ამ კაცს უთხრა: „სტუმარო, აუცილებელს საჭიროების დროს ვერ იყენებო“.

ლიკურგეს ძმისწულ ქარილაოსს ჰკითხეს: ბიძაშენმა რატომ შექმნა ასე მცირე კანონები? ქარილაოსმა უპასუხა: „იმ ხალხს, რომელსაც მრავალსიტყვაობა სძულს, არც ბევრი კანონი სჭირდებაო“.

როცა ზოგიერთმა გაკიცხა სოფისტი ჰეკატე იმის გამო, საზოგადო სადილს ესწრებოდა და ერთი სიტყვაც არ თქვაო, არქიდამიდამ შენიშნა: „ვისაც ლაპარაკი ემარჯვება, მან მისი დროც იცისო“.

აი ზოგი მაგალითი სპარტელთა ზემოხსენებული ენამწარეობისა. ერთმა აფყია კაცმა დემარატეს უხეირო კითხვებით თავი მოაბეზრა, წამდაუწუმ ეკითხებოდა: „ვინ არის სპარტელთა შორის საუკეთესო ვაჟაკიო?“ „ის, ვინც შენ არა გგავსო“, — მიუგო ბოლოს და ბოლოს დემარატემ.

ზოგიერთი მეტისმეტად აქებდა ელეელებს: ოლიმპიურ შეჯიბრებებში კარგი და სამართლიანი მსაჯები არიანო. მეფე აგისმა ამაზე თქვა: „რა დიდი ამბავია, ელეელები ხუთი წლის განმავლობაში ერთ დღეს ემსახურონ სიმართლესო!“

ერთი უცხოელი, რომელსაც სპარტელებისადმი თავისი ერთგულების დამტკიცება სურდა, მეფე თეოპომპეს ეუბნებოდა: ჩემი თანამოქალაქენი „ლაკედემონელთა მოყვარულს“ მეძახიანო. თეოპომპემ უცხოელს უთხრა: „უცხოელო, უკეთესი იქნება, თუ შენიანები „თანამემამულეთა მოყვარულს“ დაგიძახებენო“.

პაესანიას ძემ პლისტონაქსმა ერთ ათენელ მჭევრმეტყველს, რომელიც ლაკედემონელებს უსწავლელებს ეძახდა, უთხრა: „შენ მართალს ამბობ: ჩვენ სპარტელები იმ ბერძენთაგანი ვართ, რომლებსაც ცუდი არაფერი გვისწავლია თქვენგანო“.

არქიდამიდას ჰკითხეს: რამდენი ხარო სპარტელებიო? — „იმდენი, რამდენიც საჭიროა ბოროტთა უკუხაჭკევადო“, — მიუგო არქიდამიდამ.

სპარტელთა ხასიათი მათ ნაოხუნჯევშიც შეგვიძლია დავინახოთ. სპარტელებს ჩვევად ჰქონდათ გამოიშუშავებული ფუჟად არ ესმართ სიტყვა და ისე კრინტი არ დაეძრათ, თუ რასმე აზრიანს არ იტყოდნენ. ერთი სპარტელი მიიწვიეს მოესმინა იმ კაცისათვის, რომელიც ბუღბუღს ჰბაძავდა. სპარტელმა უარი თქვა: „მე თვითონ ნამდვილი ბუღბუღისთვის დამიგდია ყურიო“.

როცა ერთ-ერთმა ლაყედემონელმა საფლაგზე ასეთი ეპიგრამა წაიკითხა:

აქ წგანან ისინი, ვისაც ტირანიის ჩაქრობა სურდათ,
მაგრამ სელინუნტთან მათ არესი დაიცხრა თავს —

შენიშნა: „ამ ვაჟკაცთა დაღუპვა სამართლიანი ყოფილა; ტირანია კი არ უნდა ჩაეჭროთ, მთლიანად უნდა დაეწვათ“.

ახალგაზრდა სპარტელს დაჰპირდნენ: ბრძოლებში დახოცილ მამლებს გაჩუქებთო. სპარტელმა ჰაბუკმა დამპირებელს უთხრა: „არ მინდა. თუ ჩუქებაა, ის მამლები მაჩუქეთ, რომლებმაც სხვა მამლები დახოცეს ბრძოლებშიო“.

ერთმა სპარტელმა ტახტრევანში ჩაბრძანებული ხალხი რომ დაინახა, წამოიძახა: „ღმერთმა ნუ ჭნას, ისეთ ადგილზე დავკდე, უფროსს ფეხზე ვერ წარმოვუდგეო“.

აი ასეთი იყო სპარტელთა გამონათქვამები.

ზოგიერთი სრულიად სამართლიანად ამბობს: ლაყედემონელთა მიბაძვა ფილოსოფოსობა უფრო იქნება, ვიდრე გიმნასტიკაო.

21. სიმღერებისა და ლექსების შეთხზვის ხელოვნებას აღზრდაში ისეთივე დიდი ყურადღება ექცეოდა, როგორც სიტყვის დახვეწილობასა და სიწმინდეს. სპარტელთა სიმღერებში ჩაქსოვილი იყო ის ძალა, რომელიც სულს ამხნევებდა, აღამიანს აღაფრთოვანებდა და საგმირო საქმეებისადმი მოუწოდებდა. ამ სიმღერების სიტყვა იყო უბრალო, მაგრამ ძლიერი და ღრმა შინაარსისა, აგრეთვე რჩევა-დარიგების შემცველი.

სიმღერათა უმრავლესობა წარმოადგენდა სპარტისთვის ბრძოლებში დაცემულ ნეტარი გმირების ხოტბას; ზოგჯერ სიმღერებში გაკიცხული იყვნენ მხდალები, რომლებიც საველათო სიცოცხლითა ცხოვრობდნენ. ზოგიერთ სიმღერებში კი ვაჟკაცები, ასაკისდა მიხედვით, პირობას იძლეოდნენ, რომ უფრო მამაცი და ქედუხრელნი გახდებოდნენ.

ურიგო არ იქნება აღნიშნულის დასამტკიცებლად ერთი ასეთი სიმღერის მაგალითად მოტანა.

დღესასწაულების დროს დგებოდა სამი გუნდი, სამი სხვადასხვა ასაკისდა მიხედვით. სიმღერას უხუცესთა გუნდი წამოიწყებდა:

ჩვენ ხომ მძლე ვაჟკაცი ვიყავით ოდესღაც!

უზუცესთა გუნდს ჰაბუკთა გუნდი შეესიტყვებოდა:

ახლა კი ჩვენა ვართ, თუ გსურს გამოგვცადე!

ჰაბუკებს ახლა მესამე — ბავშვთა გუნდი შეენაცვლებოდა:

ჩვენ უფრო ძლიერნი ვიქნებით მყოფადში.

თუ ვინმე კარგად დაუკვირდება ლაქედემონურ ლექსებს, რომელთაგან ზოგმა ჩვენამდე მოაღწია, თუ ყურადღებას მიაპყრობს სალამურზე აყოლებულ სალაშქრო ჰანგებს, რასაც მტერზე იერიშის მიტანის დროს დაავსებულებდნენ, იგი მიხვდება, რომ ტერპანდრემ და პინდარემ²² ტყუილებრალოდ არ დაუკავშირეს მამაცობა მუსიკას. აი რას ამბობს ტერპანდრე ლაქედემონელებზე:

ჰაბუკთა ძალასთან ერთად მეფობს აქ წყრილა მუზაც
და სამართალიც დიდი.

პინდარე დასძენს:

უზუცესთა სიბრძნეც არის
და ჰაბუკთა მძლე შუბებიც;
გუნდებიც ჰყავთ ამ მხარეში
და მუზებიც ხმაწკრილა.

ამგვარად, ორივე პოეტი, ტერპანდრეც და პინდარეც, ამტკიცებს, რომ სპარტელები შესანიშნავი მეომრები იყვნენ და ამასთან მშვენიერი მუსიკოსებიც:

ლაქედემონელმა პოეტმაც თქვა:

მახვილით მეომარ ვაჟაცს ჩანვზე დაკვრაც შეეძლოს უნდა.

ბრძოლის წინ სპარტის მეფე ყოველთვის სწირავდა მსხვერპლს მუზებს, ამით, როგორც ჩანს, იგი თანამემამულეებს ახსენებდა მიღებულ აღზრდას და სამშობლოს აღათებს, რათა ყოველგვარ განსაცდელს მომზადებული შეხვედროდნენ და ბრძოლის უამს სამარადისო ხსოვნის ღირსი მამაცური საქმეები ჩაედინათ.

22. ბრძოლის წინ ჩვეულებრივ სასტიკ წესრიგს სადავეს მიუშვებდნენ და ახალგაზრდებს ამოსუნთქვის საშუალებას აძლევდნენ. მათ ნებას რთავდნენ დაევარცხნათ თმა, მორთულიყვნენ ტანსაცმლით და იარაღით. უფროსი თაობის სპარტელები სიხარულით შესცქეროდნენ ახალგაზრდებს, რომლებიც ჰგავდნენ დარახტულ რაშებს, ბრძოლაში რომ ჭიხვინით მიიწევდნენ.

სპარტელები თავიანთ გრძელ თმას ყრმობის ასაკიდან გამოსვლის-
თანავე უგლიდნენ. მაგრამ განსაცდელის წინ კიდევ უფრო მეტ ყუ-
რადლებას აქცევდნენ, ნელსაცხებლით იპრილებდნენ და შუაზე
იყოფდნენ. მუდამ ახსოვდათ ლიკურგეს სიტყვები: გრძელი თმა ლა-
მაზებს, ამშვენებს, მახინჯებს კი უარესად ამახინჯებს.

ლაშქრობის დროს სპარტელები უფრო ნაკლებ და მსუბუქად ვარ-
ჯიშობდნენ, შედარებით თავისუფალი ქცევისათვის ახალგაზრდა მე-
ომრებს აღარ სჯიდნენ და სასტიკ პასუხს აღარ სთხოვდნენ. ამიტომაც
შეიძლება ითქვას, რომ სპარტელები ერთადერთი მეომრები იყვნენ
მთელ ქვეყანაზე, ვისთვისაც ომი ერთგვარ დასვენებას წარმოადგენდა.

როცა რაზმები მტრის პირისპირ დამწყვიდებოდა, მეფე მსხვერ-
პლად შესწირავდა თხას და ბრძანებდა ყველა მეომარს თავი გვირ-
გვინით შეემკო. ამის შემდეგ მეფე ავლეტებს³⁸ დაავალებდა ქასტო-
რის³⁹ სიმღერა დაეკრათ, თვითონ კი წამოიწყებდა სალაშქრო პენს.
ეს იყო დიდებული და თან ზარდამცემი სანახაობა. სპარტელთა ლაშ-
ქარი ფლეიტების ზმაზე მტკიცე ნაბიჯით მწყობრად, მხიარულად მი-
ეშურებოდა განსაცდელის შესახვედრად. ბუნებრივია, რომ ასეთი
ხალხის გულს არც შიში და არც რისხვა არ ეკარებოდა. სპარტელთა
რწმენა ღვთისაგან მონაბერი მტკიცე იმედითა და მხნეობით იყო სავსე.

მტერზე საიერიშოდ დაძრულ მეფეს გვერდით ედგა საზეიმო შე-
ჯიბრებებში გამარჯვებული, გვირგვინით შემკული მეომარი.

ამბობენ: ერთ სპარტელ მოჭიდავეს ოლიმპიური შეჯიბრებების
დროს დიდი ფული შეაძლიეს: შეჯიბრში მონაწილეობას ნუ მიიღე-
ბო. სპარტელმა ამაზე უარი თქვა და ძალის საოცარი დაჭიმვით მო-
წინააღმდეგე ძირს დასცა. როცა ვიღაცამ ჰკითხა: „რა ხეირს ნახავ,
ლაკედემონელო, ამ გამარჯვებით?“ — სპარტელმა მოჭიდავემ ღიმი-
ლით მიუგო: „მეფის წინ დამაყენებენ, როცა მტრის წინააღმდეგ
საბრძოლველად დავიძრებითო!“

სპარტელები, როცა გაიმარჯვებდნენ და მტერს უკუაქცევდნენ,
მანამდე სდევნიდნენ, სანამ მოპოვებულ გამარჯვებას არ განიმტკი-
ცებდნენ. მერმე კი უკან გამობრუნდებოდნენ. დამარცხებული ხალ-
ხის გაყვლტას ბერძენისათვის შეუფერებელ და უზნეო საქმედ
თვლიდნენ: დამორჩილებული მტრის დაზოგვა არა მარტო კეთილ-
შობილურ და დიდსულოვან, არამედ სასარგებლო საქმედაც მიაჩნ-
დათ. მტრებმა იცოდნენ, სპარტელები ჯიუტ მოწინააღმდეგეებს

სპობდნენ, ხოლო დანებებულთ კი იბრალებდნენ, ამიტომ სპარტელ-
თა წინააღმდეგობას გაქცევის ამჯობინებდნენ.

23. სოფისტი ჰიპია ამბობს: ლიკურგე თვითონ ყველაზე მამაცი
მებრძოლი იყო და მრავალი ლაშქრობის მონაწილეო. ფილოსტეფა-
ნე ლიკურგეს მიაწერს ცხენოსანთა ჯარის დაყოფას ულამოსებად.
ლიკურგეს მიერ შედგენილ ულამოსში სწორკუთხედად დარაზმული
ორმოცდაათი ცხენოსანი შედიოდა. დემეტრიოს ფალერელი კი, პი-
რიქით, ამტკიცებს, ლიკურგე სამხედრო საქმიანობაში სულაც არ ჩა-
რეულა და სახელმწიფო წყობილება მშვიდობიანობის ქამს დაამყა-
რათ. ასე იყო თუ ისე, ოლიმპიური დღეობების დროს დაზავების და-
წყება ლიკურგეს ღმობიერ და მშვიდობის მოყვარულ პიროვნებად
წარმოგვიდგენს. ჰერმიპეს მოწმობით, ზოგიერთი შემდეგს ამბობს:
იფიტეს საქმიანობაში ლიკურგეს თავიდან არავითარი მონაწილეობა
არ მიუღია. სამშობლოდან მოგზაურობის დროს იგი შემთხვევით და-
ესწრო ოლიმპიაში გამართულ ზეიმს და იჭდა იქ, როგორც უბრალო
მაყურებელი. უცებ ზურგს უკან თითქოს აღამიანის ხმა მოესმა, გან-
ცვიფრებითა და საყვედურით აღსავსე: რატომ არ აიძულებ შენს მო-
ქალაქეებს მონაწილეობა მიიღონ ამ ზეიმშიო! ლიკურგე შემობრუნ-
და, მაგრამ რაკი ამის მთქმელი ვერ დაინახა, იფიქრა: ეს ალბათ
ღმთის ხმა იყო. ამის შემდეგ დაუკავშირდა იფიტეს და მასთან ერ-
თად ოლიმპიური დღეობა უფრო სახელოვანი და დიდებული გახდა.

24. სპარტელების აღზრდა სრულწლოვანებამდე გრძელდებოდა.
მაგრამ არც ამის შემდეგ ჰქონდა უფლება ვისმე ეცხოვრა ისე, რო-
გორც მოისურვებდა. სპარტელები ქალაქში ისე ცხოვრობდნენ, ვით
სამხედრო ბანაკში: ემორჩილებოდნენ განსაზღვრულ წესს, ეწეოდნენ
საზოგადოებრივ საქმიანობასა და თვლიდნენ, რომ ისინი ეკუთვნოდ-
ნენ არა საკუთარ თავს, არამედ სახელმწიფოს. თუ რაიმე დავალება
არ ჰქონდათ, მაშინ ბავშვებს ადევნებდნენ თვალყურს, ასწავლიდნენ
რასმე სასარგებლოს, ანდა თვითონვე სწავლობდნენ უხუცესები-
საგან.

ყველა იმ სიკეთიდან, რაც ლიკურგემ მოქალაქეებს მიანიჭა, გან-
საკუთრებული გახლდათ ერთი. ეს იყო თავისუფალი დროის სიჭარ-
ბე. საქმე ისაა, რომ სპარტელებს სრულიად აკრძალული ჰქონდათ
ხელოსნობა. ქონების დაგროვება, რაიც ეგზომი დიდ წვადებასა და
ჯაფასთანაა დაკავშირებული, არავის არ სჭირდებოდა, ვინაიდან სიმ-

დიდრე არავის არ შურდა და თან ყოველგვარი პატივი აყრილი ჰქონდა. მიწას სპარტელთათვის ამუშავებდნენ ჰილოტები და დათქმულ ღალასაც იხდიდნენ.

ერთი სპარტელი ათენში ჩავიდა სწორედ იმ დროს, როცა იქ ვილაცს ასამართლებდნენ. მან გაიგო, რომ გასამართლებული უქნარობის გამო დააჯარიმეს და ახლა შეწუხებული ბრუნდებოდა სახლში მისი დარდების მოზიარე მეგობრების თანხლებით. სპარტელმა გასამართლებულის მხლებლებს სთხოვა: მაჩვენეთ ერთი ის კაცი, რომელმაც თავისუფლებისათვის სასჯელი მიიღო.

ასე მონურ საქმედ თვლიდნენ სპარტელები ხელოსნობასა და სიმდიდრისთვის გარჯას.

სასამართლო ფულთან ერთად გააძევეს სპარტიდან. აქ აღარ იყო არც სიმდიდრე, არც სიღარიბე: დოვლათს თანასწორობა ჰქმნიდა. ზომიერი, სადა ცხოვრებით იოლად მიდიოდნენ. სპარტელები ერთობოდნენ ნადირობით, გიმნასტური შეჯიბრებებითა და ერთმანეთში მუსაიფით, თუ რა თქმა უნდა, სალაშქროდ არ იყვნენ წასული.

25. ვისაც ოცდაათი წლის ასაკისათვის ჯერ არ მიეღწია, ისინი საბჭოზო მოედანზე არასოდეს არ ჩადიოდნენ. რჩებოდნენ შინ და ნათესავებისა და საყვარლების დახმარებით აუცილებელ საოჯახო საქმეებს აწესრიგებდნენ. მოხუცები ასეთ საქმეებში არ ერეოდნენ, სამარცხვინოდ მიაჩნდათ. სამაგიეროდ დღის უდიდეს ნაწილს გიმნასიებსა და „ლესქებად“ წოდებულ ადგილებში ატარებდნენ. აქ ისინი სიამოვნებით იკრიბებოდნენ და ერთმანეთში ტყბილად საუბრობდნენ. გაძდიდრებასა და სავაჭრო საქმეებზე არასოდეს არ ლაპარაკობდნენ. საუბრის დროს მხოლოდ და მხოლოდ კარგს აქებდნენ და ცუდს აძაგებდნენ. ცუდი კაცის გაკიცხვას ხუმრობასა და სიცილში ატარებდნენ, რაც შეუმჩნეველ საყვედურს გამოხატავდა და გამოსწორებისაკენ მოუწოდებდა. ლიკურგე მეტისმეტი პირქუში და მკაცრი სულაც არ იყო. სოსიბიოსის გადმოცემით⁴⁰, მან პატარა ქანდაკებაც კი დაუდგა სიცილის ღმერთს. მას სურდა ხუმრობა და გართობა, ვით შრომისა და ცხოვრების საკმაზი, არ მოჰკლებოდა თავის დროზე სპარტელთა საზოგადო ღზინებსა და ჯიჯა ამგვარ თავყრილობას.

ლიკურგემ მოქალაქეები მიაჩნია არ ჰქონოდათ არც სურვილი და არც შეძლება ცალ-ცალკე ცხოვრებისა, საერთო საქმისათვის მუდამ ფუტკრებივით ერთად ეცხოვრათ, ყოველთვის ხელმძღვანელის გარ-

შემო დაჯარულიყვნენ, აღფრთოვანებას და დიდების სიყვარულს მისცემოდნენ და მთელი სიცოცხლე სამშობლოს ერთგულებაში გაეტარებინათ. ამას კარგად გვიმტკიცებს ზოგიერთი გამონათქვამი.

როცა სპარტელი პედარეტე არ აირჩიეს სამასთა საბჭოში, იგი სახეგაბრწყინებული და გახარებული დაბრუნდა შინ: საყვარელ ქალაქს სამასი კაცი ჩემზე უკეთესი ჰყოლიაო.

პოლიკრატედა სხვებთან ერთად ელჩად გაგზავნეს სპარსთა მეფის სტრატეგოსებთან. სტრატეგოსებმა ელჩებად მოგზავნილებს ჰკითხეს: „თქვენ უშუალო მეთაურმა გამოგზავნათ თუ სახელმწიფომ?“ პოლიკრატედი უპასუხა: „თუ წარმატებას მივაღწევთ იმ საქმეში, რისთვისაც მოვედით, სახელმწიფომ გამოგვგზავნა, თუ ვერა, ჩვენმა მეთაურმაო“.

ბრასიდას ღედამ არგილეონისმა მის სანახავედ ლაკედემონიაში მოსულ ამფიპოლისელებს ჰკითხა: „სპარტის შეილისათვის საკადრისი სიკვდილით თუ მოკვდაო ბრასიდა?“ ამფიპოლისელებმა უზომო ხოტბა შეასხეს ვაჟკაცს: სპარტას ბრასიდას მსგავსი მეორე არ ჰყოლიაო. ქალმა მათ სიტყვა შეაწყვეტინა: „აგრე ნუ იტყვი, სტუმარნო. ბრასიდა, მართალია, კარგი ვაჟკაცი იყო, მაგრამ ლაკედემონიას მასზე უკეთესი კიდევ ბევრი ჰყავსო“⁴¹.

26. უხუცესთა საბჭო, როგორც ითქვა, ლიკურგემ თავდაპირველად იმ ადამიანთაგან შეადგინა, რომლებიც მისი განზრახვების შესრულებაში მონაწილეობდნენ. შემდგომში მან დააწესა უხუცესთა საბჭოს გარდაცვლილი წევრი შეეცვალათ სამოც წელს მიღწეულ მოქალაქეთა შორის ყველაზე კეთილშობილი პიროვნებით. ასეთი საპატიო თანამდებობის მოპოვება, ჩანს, ადამიანთა გაჯიბრებას იწვევდა, ისე რომ დიდი საკამათო და, ასე ვთქვათ, ბრძოლის საგანი იყო. გამარჯვება უნდა დარჩენოდა მკვირცხლთა შორის არა უმკვირცხლესს, ანდა ძლიერთა შორის უძლიერესს, არამედ კარგთა და გონიერთა შორის უკეთესსა და უბრძენესს. ქველი ცხოვრების საზღაურად მას უნდა მინიჭებოდა ძალა სახელმწიფოში, მოქალაქეთა სიკვდილისა და პატივის აყრის უფლება, ერთი სიტყვით რომ ვთქვათ, უმაღლესი მბრძანებლობა.

უხუცესთა საბჭოს წევრს ასეთნაირად ირჩევდნენ: როცა ხალხი შეიკრიბებოდა, საგანგებოდ არჩეულ პირებს მახლობლად მდებარე სახლში ჩაკეტავდნენ. აქედან ესენი ვერ ხედავდნენ, თუ რა ამბავი

იყო გარეთ და ვარედან ვერავინ ზედავდა, შიგ რა ზღებოდა. მათ შეეძლოთ მხოლოდ შეკრებილი ხალხის ყვირილის გავონება. საკმეებს ხალხი ჩვეულებრივ ყვირილით წყვეტდა და ამ შემთხვევაშიც ყვირილითვე ირჩევდა მეტოქეებს, მაგრამ ყველას ერთად კი არა, აბამედ თითოეულს ცალ-ცალკე. ასარჩევი პირი წილის მიხედვით გამოვიდოდა ხალხიდან და სრული დუმილით გაივლიდა. სახალხო კრებისათვის დანიშნულ მოედანს. სავანგებოდ ჩაკეტილებს ხელთ ეპყრათ საწერი ფირფიტები, რომლებზეც აღნიშნავდნენ, თუ როგორი იყო ყვირილის ძალა თითოეული ასარჩევი პირის მოედანზე გავლის დროს. მათ, რა თქმა უნდა, არ იცოდნენ, რომელ ასარჩევს ენებოდა ყვირილი. იცოდნენ მხოლოდ რიგით: პირველი, მეორე, მესამე... ერთი სიტყვით, მერამდენე ასარჩევი გამოდიოდა მოედანზე. ვის გამოსვლაზეც უფრო ხანგრძლივი და დიდი ყვირილი ატყდებოდა, უხუცესთა საბჭოს წევრადაც იმას ირჩევდნენ.

არჩეული უხუცესი თავს ყვავილებისაგან დაწნული გვირგვინით შეიმკობდა და რიგრიგობით ღმერთების სახელზე აგებულ ყველა ტაძარს ჩამოუვლიდა. მას უკან მიჰყვებოდა მისი მომხრე მეხოტბე კაბუკების დიდი გუნდი და მრავალი ქალი, რომლებიც სადიდებელ სიმღერას უმღეროდნენ და ბედნიერი ცხოვრებისაკენ გზას ულოცავდნენ. სათითაოდ ყველა მეგობარი ვახშამზე იწვევდა უხუცესს და ეუბნებოდა: ამ სუფრით შენ პატივს გცემს მთელი ქალაქიო. მეგობრების მიერ გამართულ ყველა ლხინს რომ მოათავებდა, მერმე მიდიოდა სისიტიანზე, სადაც ყველაფერი ჩვეულებრივი წესით მიმდინარეობდა, ოღონდაც იმ გამონაკლისით, რომ უხუცესს ორ წილ სადილს მიართმევდნენ. იგი ერთ წილს გადაინახავდა. სადილობის შემდეგ საჯარო სასადილოს კარს მოადგებოდნენ მისი ნათესავი ქალები. ამ ქალებში ერთ-ერთს, ვისაც უხუცესი სხევებზე მეტად სცემდა პატივს, თავისთან მიიხმობდა, გადანახული სადილის წილს მისცემდა და ეტყოდა: ეს მე ჯილდოდ მივიღე და აი, შენ გაძლეო. ასეთი პატივით შემოსილ ქალს სხვა ქალები მოწიწებით ექცეოდნენ და შინამდე დიდი ზეიმით მიაცილებდნენ.

27. ლიკურგემ დასაფლავების წესებიც ჩინებული დააკანონა. უწინარეს ყოვლისა, ცრუმორწმუნეობის მოსასპობად ნება დართო მიცვალებული დაეკრძალათ ქალაქში და ტაძრების მახლობლად მათი ძეგლები აღეშენათ. ამით სურდა ახალგაზრდები მიჩვეოდნენ

ასეთ სანახაობას, რათა სიკვდილის შიში არ ჰქონოდათ და აღარ ერ-
წმუნათ, თითქოს ვინც მიცვალებულის სხეულს შეეხებოდა ან საფ-
ლავის ახლოს გაივლიდა, შეიბილწებოდა.

ლიკურგემ აკრძალა მიცვალებულისათვის რაიმე ნივთების ჩატა-
ნება საფლავში: ცხედარი უნდა გაეხეიათ ძოწეულის მოსახამსა და
ზეთისხილის ფოთლებში.

გარდაცვლილი პირის საფლავზე სახელის წარწერა არ შეიძლე-
ბოდა, თუ მიცვალებული ომში დაღუპული ვაჟი ან ქურუმი ქა-
ლი არ იყო.

გლოვის ხანგრძლივობა ლიკურგემ თერთმეტ დღემდე შეამცირა.
მეთორმეტე დღეს მსხვერპლი უნდა შეეწირათ ღმერთალ დემეტრე-
სათვის და გლოვისათვის საზღვარი დაედოთ. ეს იმიტომ, რომ უმოქ-
მედობასა და სასოწარკვეთილებას ადგილი არ ჰქონოდა. სპარტის
მოქალაქეს ყოველთვის ახსოვდა, რომ კარგ საქმეს შექება სჭირდე-
ბოდა, ცუდს კი — გაიციხვა. ლიკურგემ ქალაქი სანიმუშო მაგალითე-
ბით აავსო. ეს მაგალითები მუდამ თვალწინ ჰქონდა ყველას და მი-
ღებულ აღზრდასთან ერთად სპარტის მოქალაქეს ესეც სიკეთეს უნერ-
გავდა.

ამის გამო ლიკურგე ნებას არ აძლევდა არც ერთ მსურველს სამ-
შობლოდან გამგზავრებულიყო და სხვა ქვეყნებში ეხეტიალა. იგი
შიშობდა, სპარტიდან წასულებს არ ჩამოეტანათ უცხო ჩვევები და
არ მიებაძათ სხვების უწესრიგო ცხოვრებისა და ნაირ-ნაირი სახელ-
მწიფო წყობილებისათვის. მეტიც: სპარტაში უსარგებლოდ ჩამო-
სულ უცხოელებს იგი აძევებდა ქალაქიდან. როგორც თუყიდიდე ამ-
ბობს, ამას იმიტომ კი არ აკეთებდა, რომ ეშინოდა, უცხოელებს არ
მიებაძათ მისი სახელმწიფო წესრიგისათვის და არ ესწავლათ სასი-
კეთო რამ, არამედ რამე მანკიერება არ შემოეტანათ. ჩვეულებრივ
უცხო პირებთან ერთად ქალაქში უცხო სიტყვებიც შემოდის. ეს აუ-
ცილებელია. ახალი სიტყვები ახალ აზრებს იწვევს; ეს კი, თავის
მხრივ, დიდ ვნებას აყენებს ერს, მრავალ სურვილს ბადებს და დამ-
კვიდრებულ სახელმწიფო წყობილებაში ისეთ არეგ-დარევას იწვევს.
როგორსაც შეუხმატკბილებელი ხმები მუსიკაში. ლიკურგე ფიქრობ-
და, ქალაქი ცუდი ჩვევებისაგან უფრო მეტად უნდა დაეცვა, ვიდრე
შემოტანილი გადამღები სენისაგან.

28. ასეთ დადგენილებებში კვალიც არ იყო იმ უსამართლობისა

და ძალადობისა, რასაც ზოგიერთი ლიკუტრგეს კანონებს მიაწერს. თითქოს ეს კანონები ვარგოდნენ მხოლოდ მამაცობის შთასანერგავად და მოკლებული იყვნენ სამართლიანობას. უსამართლობის გამოვლინებად მიიჩნევდნენ, მაგალითად, იმას, რასაც სპარტელები „კრიპტიებს“ ეძახდნენ. მაგრამ ეს ლიკუტრგემ დააწესა თუ არა, კიდევ საუკეთესოა, თუმცა არისტოტელე გადმოგვცემს: ლიკუტრგემ შემოიღო. პლატონსაც ალბათ ამის გამო აქვს ცუდი წარმოდგენა სპარტის სახელმწიფო წყობილებასა და მის კანონმდებელზე.

ახლა ვთქვათ იმაზე, თუ რა იყო „კრიპტიები“. არქონტები ყველაზე გონიერ ახალგაზრდებს დროდადრო გზავნიდნენ ქვეყნის სხვადასხვა კუთხეში. მათ თან მიჰქონდათ მხოლოდ ხანჯლები და აუცილებელი საგნალი. დღის განმავლობაში ისინი დაქსაქსებოდნენ მაღულ ადგილებში; იქ ჩასაფრდებოდნენ და სულგანაბული ისხდნენ. როგორც კი დაღამდებოდა, შარავზაზე გამოდიოდნენ და ზოცავდნენ ყველა ჰილოტს, რომელიც ხელში მოხვდებოდათ. ხშირად ყანებსაც შეესტოდნენ და იქ ყველაზე უფრო მამაც და ღონიერ ჰილოტებს ელეტდნენ.

თუკიდრე „პელოპონესის ომის ისტორიაში“ გადმოგვცემს შემდეგს: სპარტელებმა შეარჩიეს მამაცობით სახელმოხვეჭილი ჰილოტები, შეამკეს ისინი, ვითომც გასანთავისუფლებლად, ყვავილების გვირგვინებით და ღმერთების ტაძრებში დაატარეს. მცირე ხნის შემდეგ ყველა ჰილოტი, ორი ათასზე მეტი კაცი, საღდაც უკვალოდ გაქრა. არც მაშინ და არც მერმე კაცს არ შეეძლო ეთქვა, როგორ დაიღუპნენ ისინი.

არისტოტელე საგანგებოდ აღნიშნავს, რომ ეფორები როგორც კი შეუდგებოდნენ თანამდებობის აღსრულებას, უწინარეს ყოვლისა ომს უცხადებდნენ ჰილოტებს, რათა მათ ზოცვა-ელეტს კანონიერი საფუძველი ჰქონოდა.

ჰილოტებს საერთოდ არაადამიანური სიმკაცრით ექცეოდნენ. მათ ძალით ასმევდნენ უზომო რაოდენობის შუმ ღვინოს, რათა მერმე სისტიებიზე წაეყვანათ და იქ ახალგაზრდებისათვის ეჩვენებინათ, თუ რა იყო სიმთვრალე. ჰილოტებს უბრძანებდნენ უმსგავსი და სასაცილო სიმღერები ემღერათ და გულისამრევი ცეკვები ეცეკვათ, უკრძალავდნენ თავისუფალი ადამიანისათვის შესაფერისად მოქცეულიყვნენ. ამბობენ, ლიკუტრგეს დროიდან დიდი ხნის შემდეგ, ლაკონიკაში

ლაშქრობის უამრავი თებულება ტყვექმნილ ჰილოტებს უბრძანეს, ტერ-
პანდრეს, ალკმანისა და ლაქედემონელ სპენდონტის სიმღერები ემღე-
რაით. ტყვე ჰილოტები გაჯიუტდნენ: ეს ჩვენ ბატონებს არა სურთო.

არსებულ ვითარებას კარგად გრძნობდნენ ისინი, რომლებიც ამ-
ბობენ: ლაქედემონიაში თავისუფალი მართლაც თავისუფალია და მო-
ნა მართლაც მონათ.

ჩემი აზრით, სპარტელები ასეთი მკაცრი გახდნენ დიდი მიწის-
ძვრის შემდეგ. ამ მიწისძვრით ისარგებლეს თურმე ჰილოტებმა და,
როგორც ისტორიკოსები გადმოგვცემენ, მესენიელებთან ერთად აუ-
ჯანყდნენ სპარტელებს, მრავალი უბედურება მოუტანეს ქვეყანას და
ქალაქი დაღუპვის პირამდე მიიყვანეს. მე ვერაფრით ვერ მივაწერ
ლიკურგეს ისეთი საძაგელი საქმის დაწესებას, როგორიც „კრიპტიე-
ბი“ იყო, მაშინ როცა დარწმუნებული ვარ, რომ მას მეტად ლმობიე-
რი და სამართლიანი ხასიათი ჰქონდა. თვითონ ღმერთია ამის მოწამე.

29. ლიკურგეს უმთავრესმა კანონებმა მოქალაქეთა ზნე-ჩვეულებ-
ებში ღრმად გაიდგა ფესვები. მის მიერ დაარსებული სახელმწიფო
წყობილება საკმაოდ განმტკიცდა, ისე რომ უკვე შეეძლო თავისთა-
ვად არსებობა. როგორც ღმერთს გაუხარდა, პლატონის სიტყვით,
სამყაროს შექმნის შემდეგ ამ სამყაროს ზილვა და მისი პირველი
ამოძრავება, ისე ლიკურგე იყო გახარებული და კმაყოფილი, როცა
მის მიერ შემოღებული კანონების მოქმედება და მათი სიდიადე იხი-
ლა. ამიტომაც მოიწადინა თავისი კანონებისათვის იმდენად მიენიჭე-
ბინა მარადისობა და სიმტკიცე, რამდენადაც ეს ადამიანურ სიბრ-
ძნეს ძალუძდა.

ამ მიზნით მოიწვია სახალხო კრება. როცა ყველამ მოიყარა თავი,
ლიკურგემ კრებას ასე მიმართა: „ჩვენი ქალაქის ბედნიერებისა და
სიდიადისათვის თითქმის ყველაფერი შესაფერისად და საკმარისად
არის დადგენილი. მაგრამ გასაკეთებელი დარჩა ყველაზე უფრო
მნიშვნელოვანი და უდიდესი: რამ, რაზეც ვერაფერს გეტყვით მანამ-
დე, სანამ დღეღმად არ წავალ და ღმერთს არ დავუკითხები. დღე-
ღოდან ჩემს დაბრუნებამდე დაწესებული კანონები ერთგულად და-
იცავით: ნუ შეცვლით და ნუ შერყვნით ამ კანონებს! როგორც კი
დავბრუნდები, გავაკეთებ იმას, რასაც ღმერთი მიკარნახებს.“

ამაზე ყველა დაეთანხმა და ურჩიეს ჩქარა წასულიყო. ლიკურგემ
მეფეებს, უზუტესთა საბჭოს წევრებს და მერმე ყველა მოქალაქეს

ფიცი ჩამოართვა; რომ მის დაბრუნებამდე არსებული სახელმწიფო წყობის ერთგული იქნებოდნენ და მხოლოდ და მხოლოდ დადგენილი კანონებით ისარგებლებდნენ. ამის შემდეგ იგი დელფოში გაემგზავრა.

ჩავიდა თუ არა დელფოს სამისნოში, მსხვერპლი შესწირა ღმერთს და მერმე დაეკითხა: კარგი თუა ჩემი კანონები სპარტის ბედნიერებისა და სიკეთისათვის? ღმერთმა უპასუხა, რომ მისი კანონები კარგია და რომ ლიკურგეს ჩინებული წესრიგის წყალობით სპარტა ყველაზე სახელოვანი ქალაქი გახდება. ეს წინასწარმეტყველება ლიკურგემ დაწერა და სპარტაში გაგზავნა. ამის შემდეგ მეორედ შესწირა მსხვერპლი ღმერთს და ხვევნა-აღერსით იქ მყოფ მეგობრებსა და ვაჟიშვილს გამოეთხოვა. მან გადაწყვიტა სპარტის მოქალაქენი დადებული ფიციდან არ გაეთავისუფლებინა და ნებსითი სიკვდილით მომკვდარიყო. იგი იმ ასაკში იმყოფებოდა, როცა ადამიანისთვის სიკვდილსა თუ სიცოცხლეს ერთი ფასი აქვს, მით უმეტეს, თუ ყველა განზრახული საქმე კეთილადაა წარმართული. ლიკურგემ თავი მოიკლა შიმშილით.

იგი ფიქრობდა: სახელმწიფო მოღვაწის სიკვდილიც არ უნდა იყოს უსარგებლო თანამოქალაქეებისათვის: ასეთი კაცის სიცოცხლის დასასრულიც უნდა მიზანს შეიცავდეს. თვისი სიკვდილითაც კეთილი საქმე დანერგოს. სიკვდილი, ლიკურგეს აზრით, ესოდენ ბრწყინვალე საქმეთა შესრულების შემდეგ მისი სიცოცხლის ბედნიერი დაგვირგვინება იყო და ამავე დროს იმ კეთილდღეობის განმტკიცების საწინდარი, რაც მან სიცოცხლეში შეუქმნა სპარტის მოქალაქეებს, რომლებმაც შეპფიცეს, დელფოდან დაბრუნებამდე არ დაერღვიათ მისი კანონები.

ლიკურგე არც შემცდარა ამაში. მთელი ზუთასი წლის მანძილზე ლიკურგეს კანონების დაუბრუნებლობის წყალობით სპარტამ პირველობა მოიპოვა თავისი ჩინებული წესრიგით და სახელით საბერძნეთის ქალაქთა შორის. ლიკურგეს შემდეგ თოთხმეტი მეფის მმართველობის განმავლობაში, ვიდრე არქიდამეს ძის აგისის მეფობამდე, ლიკურგეს კანონები არავის არ შეუცვლია. ეფორთა საბჭოს დაარსება სპარტის სახელმწიფოებრივი წყობის შესუსტება კი არ იყო, არამედ ამ წყობის გაძლიერება. ეს საბჭო თითქმის ზალხის სამსახურისათვის შეიქმნა, მაგრამ, როგორც ჩანს, არისტოკრატიას უფრო შეჰპაატა ძალა.

30. აგისის მეფობის დროს სპარტაში პირველად შეიჭრა ნამდვილი ფული, ფულთან ერთად კი სიხარბემ და სიმდიდრის სიყვარულმაც იჩინა თავი. ყველაფერი ეს ლისანდრეს წყალობით მოხდა. ლისანდრე თვითონ არ იყო მფლანგველი და სიმდიდრით გაქსეუბული კაცი, მაგრამ ომში მოხვეჭილი ოქრო-ვერცხლი რომ შემოჰიდა, თავის სამშობლოში ფუფუნების სიყვარული გააღვივა და ამით ლიკურგეს კანონები ნაცარტუტად აქცია. სანამ ეს კანონები ძალაში იყო, სპარტის სახელმწიფო წყობილება გამობრძმედილი და ჭკუადამაჯდარი კაცის ცხოვრებას ჰგავდა. უკეთ რომ ვთქვათ: როგორც პოეტების გადმოცემით ჰერაკლე დადიოდა ამქვეყნად ღმრის ტყავითა და უზარმაზარი კეტით და სასტიკად სჯიდა ავაზაკებსა და გამხეცებულ ტირანებს, ისე ქალაქი სპარტა მხოლოდ ერთი სკიტალით და ტრიბონით მართავდა საკუთარი ნებით დამორჩილებულ მთელ ელადას⁴². იგი ძირს ამხოვდა ყველა უსამართლო ხელისუფლებასა და ტირანიას. იგი თავისი ვადაწყვეტილებებით ბოლოს უღებდა ომებსა და აჯანყებებს აქრობდა. ასეთ დიდ გმირობათა შესასრულებლად კი ჩვეულებრივ ერთ ფარსაც არ შეარხევდა. ყოველი საქმის მოსაწესრიგებლად საკმარისი იყო სპარტას საჭირო ადგილზე მხოლოდ ერთი ელჩი მიევლინა. ამ ელჩის ბრძანებას ყველა ემორჩილებოდა და ისე იკრიბებოდნენ მის გარშემო და იცავდნენ წესრიგს, ვით ფუტკარები თავიანთი დედოფლის გამოჩენის ჟამს.

აი როგორი კეთილკანონიერება და სამართლიანობა სუფევდა სპარტაში.

ამის შემდეგ მე მაოცებს იმათი სიტყვები, რომლებიც ამბობენ: ლაკედემონელებმა მორჩილება იცოდნენ, მართვა-გამგებლობა კი არაო. მიკვირს ისიც, რომ თეოპომპე მეფის გამონათქვამს აქებენ. ვიდაცას ამ მეფისათვის უთქვამს: სპარტამ მართვის ნიჭისა და უნარის მქონე მეფეთა წყალობით შემოინახა თავიო. თეოპომპეს მიუგია: უფრო სწორად, ეს მოხდა მოქალაქეთა წყალობით, რომლებიც მართვას უდრტვინველად ემორჩილებიანო.

ჩემი აზრით კი, ვისაც მბრძანებლობა არ შეუძლია, ხალხი იმას არც დაემორჩილება. მეთაური მორჩილებას უნდა ასწავლიდეს: ვინც კარგად წინამძღოლობს, იმას სიამოვნებით მიჰყვებიან. ვით თვინიერი და გამგონე ცხენის გახედნაა მწვრთნელთა მთავარი ამოცანა, ასევე სახელმწიფოს წინამძღოლის მიზანი უნდა იყოს ადამიანებში მორ-

ჩილებს გრძნობის გამოძევაზე. ლაქედემონელები, მართალია, მორჩილებას არ ასწავლიდნენ სხვა ხალხებს, მაგრამ უღვიძებდნენ ზურგილს სპარტელთა მბრძანებლობას დამორჩილებოდნენ. ამ ხალხებს ლაქედემონელებისაგან არც ხომალდები უნდოდათ, არც ფული და არც ჰობლიტები. ერთადერთი, რასაც ისინი მათგან მოითხოვდნენ, ეს იყო სპარტელი სარდალი. და როცა ეს სარდალი მიუვიდოდათ, დიდი მოწიწებითა და რიდით ეპყრობოდნენ. ასე ექცეოდნენ სიცილიელები გილიპეს, ქალკიდელები ბრასიდას და აზიაში მცხოვრები ელინები ლისანდრეს, კალიკრატidasა და აგესილას. სპარტელ სარდლებს ყველა ხალხებისა და მმართველების დამრიგებლებსა და გონიერ უფროსებს ეძახდნენ: სპარტელთა ქალაქს კი ისე შესცქეროდნენ, ვით მალაღი ზნეობის და წესიერი სახელმწიფო წყობილების მოძღვარს.

როგორც ჩანს, ამის გამო იხუმრა სტრატონიკემ¹⁸: ათენელებს მისტერიებისა და წმინდა დღეობების გამართვას ვუბრძანებ; ელიდელებმა საჯარო შეჯიბრებები მოაწყონ; დავალება ყველამ წესიერად შეასრულოს; ვინც რამეში შეცდება, ის კი ლაქედემონელებმა გაამათრახონ! ეს სიტყვები თითქმის ზუმრობით ითქვა. სოკრატეს მიმდევარმა ანტისთენემ კი, როცა ლევკტრესთან ბრძოლის შემდეგ გაამაყებული თებელები იხილა, გულისტკივილით შენიშნა: თებელები იმ ყოყოჩა ბიჭებს გვანან, რომლებმაც თავიანთი მასწავლებლები გალახეს.

31. ლიკურგეს მოღვაწეობის მთავარი მიზანი სრულიადაც არ ყოფილა სპარტის სახელმწიფოს დატოვება მრავალი ქვეშევრდომის მეთაურად. ლიკურგეს აზრით, როგორც მთელი სახელმწიფოს, ისე ცალკეული პიროვნების კეთილდღეობის შექმნა ამ სახელმწიფოში არსებული სიქველთა და თანხმობით შეიძლებოდა. ამიტომ მან ყველაფერი ისე მოაწყო სპარტაში, რომ მოქალაქენი თავისუფალნი, ბედით კმაყოფილნი და გონიერები ყოფილიყვნენ მრავალი ხნის მანძილზე.

ლიკურგეს სახელმწიფო წყობილების არსი საფუძვლად გაიხადეს პლატონმა, დიოგენემ, ძენონმა და ყველამ, ვინც კი ამის თაობაზე რაღაც თქვა და ქებაც დაიმსახურა, თუმცა ნაწერებისა და სიტყვების მეტი არაფერი დაუტოვებიათ. ლიკურგემ ნაწერებსა და სიტყვებში კი არა, სინამდვილეში შექმნა სწორუბოვარი სახელმწიფო

წყობილება და იმათ, ვინც ოცნებად მიიჩნევენ ბრძენი ადამიანის ქმნილებას, თვალნათლივ დანახვა, რომ სპარტის სახელმწიფო გონების ნაყოფი იყო. ამით მან უბადლო დიდება მოიხვეჭა და აჯობა ყველას, ვისაც ოდესმე შეუქმნია სახელმწიფო ელინებისათვის.

არისტოტელე ამბობს: რა დიდი ზოტბითაც არ უნდა იხსენიებდნენ, ლიკურგე მაინც არ არის ლაკედემონში ისეთი პატივით მოსილი, როგორც ეკადრებაო.

სპარტაში ლიკურგეს სახელზე ტაძარი ააგეს და იქ ყოველწლიურად სწირავენ მსხვერპლს სახელოვან კანონმდებელს, ვითარცა დიდოს.

გადმოგვცემენ: როცა მისი ნეშტი სამშობლოში გადმოიტანეს და დაკრძალეს, საფლავს მეხი დაეცათ. ასეთი რამ არ ღირსება არც ერთ გამოჩენილ ადამიანს ევროპიდეს გარდა, რომელიც გარდაიცვალა მაკედონიაში და ქალაქ არეთუსიაშია დაკრძალული. ეს ძალას ჰმატებს ევროპიდეს მეზობლეთა აღფრთოვანებულ სიტყვებს: სიკვდილის შემდეგ მხოლოდ ევროპიდეს შეემთხვა ის, რითაც უწინ ღმერთების უსაყვარლესი და უწმინდესი კაცი დაჯილდოვდაო.

ზოგიერთი ამბობს, რომ ლიკურგე კირაში გარდაიცვალა; ამოლოთემოსის მტკიცებით, მისი ნეშტი ელიდაში გადმოიტანეს; ტიმეოსი და არისტოქსენე გადმოგვცემენ: ლიკურგემ კრეტაზე დაასრულა სიცოცხლეო. არისტოქსენე იმასაც ამბობს, პერგამიის კრეტელები მის საფლავს დიდი გზის მახლობლად უჩვენებენო.

გადმოცემის თანახმად, ლიკურგეს დარჩა ერთადერთი ვაჟიშვილი, სახელად ანტიორე, რომელიც უძეოდ გარდაიცვალა და ლიკურგეს გვარის შთამომავლობამაც შეწყვიტა არსებობა.

მეგობრებმა და ნათესავებმა დიდი კანონმდებლის ხსოვნის აღსანიშნავად დააწესეს ყოველწლიური დღეობა და საზეიმო შეკრება, რაც დიდხანს დარჩა ძალაში. ამ საზეიმო შეკრების დღეებს „ლიკურგიდები“ უწოდეს.

ჰიპარქეს ძე არისტოკრატე ამბობს: როცა ლიკურგე გარდაიცვალა კრეტაზე, იქაურებმა მისი გვამი დაწვეს და ფერფლი ზღვაში გადაყარეს, როგორც თვითონ წინასწარ დაიბარა, რამეთუ შიშობდა: თუ მის გვამს ლაკედემონში გადასვენებდნენ, სპარტელებს ეს მის დაბრუნებად არ ჩაეთვალათ, დადებული ფიციდან თავი არ დაეხსნათ და სახელმწიფო წყობილება არ შეეცვალათ.

აი ყველაფერი ის, რაც შეიძლება ლიკურგეზე გვეთქვას.

სოლონი

1. გრამატიკოს დიდიმეს¹ სოლონის აქსონების² თაობაზე ასკლე-პიადესადმი³ მიწერილ პასუხში მოჰყავს ვინმე ფილოკლეს სიტყვები, რომელსაც, იმათი აზრის საწინააღმდეგოდ, ვინც სოლონს იხსენიებს, მის მამად აღიარებული ჰყავს ევფორიონი. ეს მაშინ, როცა ყველანი ერთხმად ამბობენ: იგი იყო ძე ექსეკესტიდესი, მოქალაქეთა შორის ქონებითა და გავლენით საშუალო, მაგრამ გვარიშვილობით უპირველესი კაცი⁴. მართლაც, ექსეკესტიდე კოდროსის⁵ ჩამომავალი გახლდათ. რაც შეეხება სოლონის დედას, ჰერაკლიდე პონტოელის⁶ გადმოცემით იგი პისისტრატეს⁷ დეიდაშვილი ყოფილა. სოლონსა და პისისტრატეს თავდაპირველად დიდი მეგობრობა ჰქონდათ ერთმანეთში, ნაწილობრივ ნათესაობისა და ნაწილობრივ კიდევ იმის გამო, რომ სოლონი, როგორც ზოგიერთი ამბობს, მეტისმეტად ნაზი სიყვარულით ევიდებოდა პისისტრატეს თანდაყოლილ ნიჭსა და სილამაზეს. ჩანს, ეს იყო მიზეზი იმისა, რომ მათ შორის დიდი მტრობა და ზიზღი არ გაღვივებულა, როცა სხვადასხვა პოლიტიკურ შეხედულებებს დაადგნენ. მეგობრობის კანონმა მათ სულში ბოლომდე შემოინახა სიყვარული და კეთილგანწყობილება ისე, ვით ღველფი ინახავს ნაპერწკალს დიდ ნახანძრალზე.

სოლონი რომ ღამაზე ყმაშვილთადმი გულგრილი ვერ იყო და სიყვარულსაც „ხელწართულ ბრძოლაში ჩაბმულ მოკრივესავით“⁸ მამაცურად ვერ იგერიებდა, ეს მისი ლექსებიდანაც ჩანს და ერთ მის მიერვე დაწერილ კანონიდანაც. ამ კანონის ძალით სოლონი მონასწელოსაცხებით ტანის დაზეღასა და ბიჭების სიყვარულს უკრძალავს. ამით მას გარკვეული წვლილი შეაქვს კეთილშობილ, წესიერ ქცევათა განმტკიცების საქმეში; ამიტომაც რის ნებას დაბალი ღირსების ჯალბს არ აძლევს, იმისაეცნ ერთგვარად კეთილშობილთა აქებებს.

რაც შეეხება პისისტრატეს, ამბობენ, იგი ქარმოსის საყვარელი იყო და ეროსის⁹ ქანდაკება შესწირა აკადემიაში იმ ადგილს, სადაც რბენაში შეჯიბრების მონაწილენი წმიდა ჩირალდანს ანთებენო.

2. სოლონის მამამ, კაცთმოყვარეობისა და ხელგაშლილობის წყალობით, როგორც პერმიპე¹⁰ ამბობს, პირადი ქონება ფრიად დააყენა. მართალია, სოლონს დანმარების გაწვევის მსურველი არ აკლდა, მაგრამ სხვებისთვის შემწეობას დაჩვეული ოჯახის შვილმა იუკადრი-სა გარეშეთაგან მიეღო რამე და ჯერ კიდევ სულ ახალგაზრდამ ვაჭრობას მოჰკიდა ხელი. აქვე უნდა ითქვას, რომ, ზოგიერთის სიტყვით, სოლონს მოგება როდი აინტერესებდა, უფრო მეტად გამოცდილები-სა და ცოდნის მიღების წყურვილით მოგზაურობდა უცხო ქვეყნებ-ში. მართლაც, საყოველთაოდ აღიარებულია, რომ იგი სიბრძნის დი-დი მოყვარული კაცი იყო. ამას ხომ სიბერის ჟამს თვითონაც ამ-ბობდა:

თუმცაღა მოხუცი ვარ, კვლავ ვსწავლობ მე კიდევ ბევრსო.

სიმდიდრეს სოლონი თავყვანს სრულებითაც არ სცემდა; აი რას ამბობს ამის თაობაზე იგი:

ყოველი კაცი მდიდარი არს, ვინც პატრონია
ოქრო-ვერცხლისა თუ მრავალი მიწა-წყალისა,
ვისაც უხვად ჰყავს რეშა ცხენთა და რეშა ჯორთა;
ვინც ფერდღიერი და ფეხმარდი არის, — ისიცა,
ისიც — ვისაც ჰყავს თავის დროზე ცოლი და შვილი;
რაკილა ძალუძს სიჭაბუკის ასაკით დატყბეს.

სხვაგან დასძენს:

სიმდიდრე მინდა, უსამართლო არ იყოს ოღონდ,
რამეთუ ღაგვჯვის სამართალი განკითხვის ჟამსა.

უნდა ითქვას, კეთილშობილსა და სახელმწიფოსათვის თავდადებულ კაცს არაფერი უშლის ხელს, თუ ჭარბი ქონება არა, აუცილებელი მაინც შეიძინოს. ამას გარდა იმ ხანებში, ჰესიოდეს სიტყვებით რომ ვთქვათ, „არც ერთი სახის შრომა არ იყო სამარცხვინო“, ყოველი ხელობა საპატიო საქმედ ითვლებოდა და ვაჭრობასაც დიდი სახელი ჰქონდა. ვაჭრობის წყალობით ბარბაროსთა მოთვინიერება, უცხო ქვეყნების მეფეთა გულის მოგება და დიდი გამოცდილების მიღება შეიძლებოდა. ზოგიერთი ვაჭარი ქალაქის დამაარსებე-

ლიც კი გახდა. ასე მაგალითად, მასალია¹¹ დააარსა პროტისმა, რომელმაც ამით დიდი სიყვარული დაიმსახურა როდანოსის¹² სანაპიროზე მცხოვრებ კელტთა შორის ამბობენ, თალესიცა და მათემატიკოსი ჰიპოკრატეც კი ეწეოდნენ ვაჭრობასო. პლატონმა, სხვათა შორის, უცხო ქვეყნებში მოგზაურობის ხარჯის დასაფარავად ეგვიპტეში ზეთი გაყიდა თურმე.

3. ფიქრობენ, ხელგაშლილობას, ფუფუნებასა და თხზულებებში განცხრომის თაობაზე ფილოსოფიური მსჯელობის ნაცვლად თავისუფალ ლაპარაკს სოლონი ვაჭრულმა ცხოვრებამ მიაჩვიაო. ამას იმით ხსნიან, რომ ვაჭრობა მრავალსა და დიდ განსაცდელთან არის დაკავშირებული და ვაჭარი კაცი განსაცდელთა გადატანის სანაცვლოდ დატკობასა და სიამოვნებას მოითხოვს ხოლმეო. მაგრამ სოლონი რომ თავის თავს ღარიბთა ფენას უფრო მეტად აკუთვნებდა, ვიდრე მდიდართა ფენას, ეს აი ამ ლექსიდან ჩანს:

მრავალი ბოროტი კაცი მდიდარია, კარგი კი არა,

მაგრამ იმ მდიდართა ბედს არაფერს ვანაცვლებთ ჩვენ;

სიმდიდრეს სიკეთე სჯობს, სიკეთე მყარია მუდამ;

ქონება კაცთ შორის კი მარად არ შერჩება ერთს!

პოეზიას სოლონი პირველ ხანებში, როგორც ჩანს, ღარბისლური მიზნებისათვის არ იყენებდა; იგი პოეზიით ერთობოდა მხოლოდ და თავისუფალ ღროს ამაში კლავდა. მერმე და მერმე შიგ ფილოსოფიური აზრების შეტანა დაიწყო და ლექსებში ხშირად პოლიტიკურ შეხედულებებსაც აქსოვდა; მაგრამ ამას მომავალი თაობების ხსოვნაში დასაჩვენად როდი აკეთებდა; იგი მხოლოდ თავის საქმიანობას ამართლებდა; ხანდახან კი ასეთი ხასიათის ლექსებს ათენელთა გასამხნევებლად, სამოძღვრებოდ ან გასაკიცხად იყენებდა¹³. ზოგიერთი ამბობს, უნდოდა თავისი კანონებიც გაეღეჭსა და ეპოსის სახით გამოექვეყნებინაო. ამის დასამტკიცებლად მოჰყავთ ამ ეპოსის დასაწყისი:

პირველად კრონოსის ძესა, მეუფე ზევსს, მიემართათ ლოცვით,

რათა მან კეთილი ბედი და სახელი უძღვნას ამ კანონთ¹⁴.

ფილოსოფიის იმ ნაწილში, რომელსაც ეთიკა ჰქვია, სოლონი მაშინდელ ბრძენთა უმრავლესობის მსგავსად განსაკუთრებულ ყურადღებას პოლიტიკას აქცევდა¹⁵. რაც შეეხება მოძღვრებას ბუნების თა-

ობაზე, შისი ცოდნა აქ მეტად მარტივი და დაუხვეწავი იყო. ეს ნათლად ჩანს აი ამ ლექსიდან:

ღრუბელი წარმოქმნის თოვლსა და მძლევ სეტყვაც იქიდან შოდის,
მბრწყინავი ელვა კი შობს, თავის მხრივ, ქუხილს და მესს;
რაიც შევხება ზღვასა, მას ქარები აღელევენ მხოლოდ,
უქაროდ დაშთინის კი უსაზღვრო სიმშვიდე აქეს.

საერთოდ, უნდა ითქვას, იმ დროისთვის საჭირო ცოდნას თავისი ბრძნული დაკვირვებებით მხოლოდ და მხოლოდ თაღესმა გაუხსწრო წინ. სხვებმა კი ბრძენის სახელი ვონივრული პოლიტიკური მოღვაწეობის წყალობით მოიხვეჭეს.

4. მოგვითხრობენ, მაშინდელმა ცნობილმა სწავლულებმა¹⁶ ერთხელ დელფოში მთიყარეს თავი, ხოლო მეორედ კორინთოშიო. აქ ისინი პერიანდრემ შეკრიბა თურმე და ლხინი მოუწყო. მათი სახელი და დიდება მეტისმეტად გაზარდა ერთმა ოქროს სამფეხმა, რომელმაც მთელი ქვეყანა შემოიარა. ამ ოქროს სამფეხს სწავლულნი მოწიწებითა და პატივისცემით ერთმანეთს უთმობდნენ და ერთიმეორეს უგზავნიდნენ.

როგორც ამბობენ, კოსელებმა¹⁷ ერთხელ თურმე წყალში ბადე ისროლეს. მიღეტიდან მოხუტლმა სტუმრებმა წყალში გადასროლილი ბადე ნადავლის ხილვამდე იყიდეს. როცა იგი წყლიდან ამოვიდეს. შიგ ოქროს სამფეხი აღმოჩნდა. ეს ოქროს სამფეხი, ამბობენ, ტროიდან ზღვით მომავალმა ელენემ ჩააგდო მაშინ, როცა მისნის ერთი ძველი წინასწარმეტყველება გაიხსენაო. ჯერ სტუმრებსა და მეთევზეთა შორის ატყდა დავა ამ სამფეხის გარშემო, მერმე მათი ქალაქებიც ჩაერივნენ დავაში და ასე თანდათანობით ნამდვილი ომი გაჩაღდა თურმე. ბოლოს და ბოლოს პითიამ მეომარ მხარეთ უბრძანა ოქროს სამფეხი ბრძენთა შორის უბრძენისათვის გადაეცათ.

პირველად სამფეხი გაუგზავნეს მიღეტში თაღესს. კოსელებმა მხოლოდ მას უბოძეს ხალისით ის საჩუქარი, რის გამოც ყველა მიღეტელს ეომებოდნენ. თაღესმა განაცხადა, ჩემზე უფრო დიდი ბრძენი ბიასი არისო, და სამფეხი მას გაუგზავნა. ბიასმა, თავის მხრივ, იგი მთავრად სხვას, როგორც მასზე უბრძენესს. ასე შემოიარა ყველა ბრძენი აქეთ-იქით გაგზავნილმა სამფეხმა და მეორედ მოხვდა თაღესის ხელში. ბოლოს ეს სამფეხი მიღეტიდან თებეში გადაიტანეს და აქ ისმენიოს აპოლონს შესწირეს¹⁸. თეოფრასტე კი ამბობს,

სამღებნი პირველად გაგზავნეს პრიენეში ბიასთან, ხოლო მეორე ბიას-
მა გაუგზავნა მილეტში თალესს; ყველა ბრძენის შემოვლის შემდეგ
იგი კვლავ ბიას დაუბრუნდა და ბოლოს დელფოში გაგზავნეს.

აი ასე გადმოგვცემს ამ ამბავს უმრავლესობა, მაგრამ ზოგიერთი
ამბობს, ეს საჩუქარი სამღებნი კი არა, კრეზუს¹⁹ მიერ გამოგზავნილი
ფილა იყო; ზოგიერთის აზრით კი იგი ბათიკლეს ნახელავ თასს წარ-
მოადგენდა²⁰.

5. განსაკუთრებული ყურადღებით აგვიწერენ მწერლები ანაქარ-
სისა²¹ და თალესის ურთიერთობას სოლონთან და მათ საუმბარსაც
გადმოგვცემენ. ამბობენ, ათენში ჩასული ანაქარსის სოლონის სახლ-
თან მივიდა, კარზე დაუკაკუნა და სოლონს უთხრა: „მე უცხოელი
ვარ და აქ იმიტომ მოვედი, შენთან მეგობრობისა და სტუმართმოყვა-
რეობის კავშირი მჭადიაო“. სოლონმა უპასუხა: „უმჯობესია მეგობ-
რები შინ გაიჩინო, ვიდრე სხვაგანო“. „შენ ხომ შინ ხარ, — მიუგო
ანაქარსისმა, — მოდი და გამზადე შენს მეგობრადო“. სოლონი გა-
აკვირდა ანაქარსისის მოსწრებულმა სიტყვამ, გულთბილად მიიღო
სტუმარი და ერთხანს სახლშიც ჰყავდა. სოლონი მაშინ უკვე სახელ-
მწიფო საქმეებით იყო ვართული და კანონებს ადგენდა. როცა ანა-
ქარსისმა ეს გაიგო, მისი საქმიანობა სასაცილოდ აიგდო. მოქალაქე-
თა უსამართლობისა და სიხარბის დათრგუნვას სოლონი წერილობი-
თი კანონებით ცდილობდა. ანაქარსისის აზრით კი კანონები არაფრით
არ განსწავდებიან ობობას. ქსელისაგან, ვინაიდან ობობას მსგავსად
მხოლოდ სუსტებისა და წვრილფეხობის შეპყრობასა და დამორჩი-
ლებას ახერხებენ, ხოლო ძლიერნი და მდიდარნი კანონებს სულ აღ-
ვილად არღვევენ და ძალას უკარგავენ.

ანაქარსისის მოსაზრების წინააღმდეგ სოლონს უთქვამს: აღამი-
ნები იცავენ იმ შეთანხმებებს, რომელთა დარღვევა არავისთვის არაა
ხელსაყრელი. მე ისე შეხმატკბილებულად შევუდგინე კანონები მო-
ქალაქეთ, რომ ყველასთვის ცხადი იყოს, თუ რაოდენ სჯობს კანონ-
თა დარღვევას სამართლიანი მოქმედებაო. მიუხედავად ამისა, სო-
ლონს იმედი გაუტრუფდა, ყველაფერი მიიწიოს ისე მოხდა, როგორც
ანაქარსისი ვარაუდობდა.

ერთხელ თურმე ანაქარსისი სახალხო კრებაზე იყო და გააკვირვე-
ბით იძახდა: „ბერძნებში ჭკვიანი ხალხი სიტყვას ამბობს, უსწავლელ-
ნი კი საქმეს სწყვეტენო“.

6. როცა სოლონი მილეტში ჩავიდა თაღესთან, მეტისმეტად გაოცდა, სწავლული კაცი ქორწინებასა და შვილების ყოლას რომ სრულებით უარყოფდა. თაღესი სოლონის გაოცებას მაშინ დუმილით შეხვდა, ხოლო რამდენიმე დღის შემდეგ ერთი სტუმარი დაარიგა და ათქმევინა: ათი დღეა, რაც ათენიდან ჩამოვედიო. სოლონმა ჩამოსულს ჰკითხა, თუ რა იყო ახალი ათენში. თაღესის მიერ ღარიგებულიმა კაცმა, რომელმაც იცოდა, რა უნდა ეთქვა, სოლონს უპასუხა:

— ზევსს ვფიცავ, ისეთი არაფერი, გარდა იმისა, რომ ერთ ყმაწვილ კაცს ასაფლავებდნენ და მთელი ქალაქი აცილებდა სამარის კარამდე. როგორც მითხრეს, ის ერთი ფრიად სახელოვანი და მოქალაქეთა შორის სათნოებით უბირველესი კაცის შვილი იყო. თუმცა ეს კაცი მაშინ იქ ვერ ვნახე, თქვეს, უკვე დიდი ხანია უცხოეთში მოგზაურობსო.

— ვაი, რა უბედური მამა ყოფილა, — წამოიძახა სოლონმა, — მისი სახელი თუ იცი?

— სახელი კი გავიგონე, მაგრამ აღარ მაგონდება, — მიუგო უცხოელმა. — ის კი მახსოვს, მის სიბრძნესა და სამართლიანობაზე რომ ძალიან ბევრი მელაპარაკეს.

უცხოელის ყოველ პასუხზე სოლონს შიში უორკეცდებოდა. ბოლოს, უკვე სულ ერთიანად შეშფოთებულმა, უცხოელს სახელი თვითონვე გაახსენა, როცა ჰკითხა: გარდაცვლილს. სოლონის შვილს ხომ არ ეძახდნენო. უცხოელმა დაუდასტურა. სოლონმა თავ-პირში იცახელები; იგი ისე იქცეოდა და ლაპარაკობდა, ვით მწუხარებაში მყოფთ სჩვევიათ ხოლმე. მაშინ თაღესმა ხელი მოჰკიდა და სიცილით უთხრა: „აი, სწორედ ამიტომ არ მინდა ვიქორწინო და შვილები ვიყოლიო, როცა შენებრ ძლიერ ვაყკაცსაც ასეთი თავზარი დავცა. ახლა კი გამხნევდი, სტუმრის ნამბობი ნუ შეგაშფოთებს, იგი მოჭორილიაო“.

ჰერმიპეს სიტყვით, ამას მოგვითხრობს პატეკოსი²², რომელიც ამტკიცებდა: ჩემში ეზოპეს სული ჩაბუღებულაო.

7. სხვათა შორის. შეგნებულ სულმოკლეობას იჩენს ის, ვინც დაკარგვის შიშით არ იძენს იმას, რაც აუცილებლად სჭირდება. მაშინ ხომ არავინ არ უნდა შეიყვაროს სიმდიდრე, სახელი და საკუთარი სიბრძნე იმის შიშით, ვაითუ დაგკარგო. ჩვენ ვხედავთ, რომ ხანდახან ყოველგვარ ქონებაზე უფრო დიდი სიყვითე — ზნეობრივი სრულ-

ყოფაც კი ქრება ავადმყოფობისა და წამლების წყალობით. თვითონ თალესი, მიუხედავად უცოლშვილობისა, ვერ დაადწევდა თავს ამ შიშს, მეგობრების ყოლაზე, ნათესავეებსა და სამშობლოზეც რომ არ აეღო ხელი. მაგრამ მან, როგორც ამბობენ, იშვილა თავისი დისწული კიბისტე.

ადამიანის სულში ყოველთვის არის სურვილი სიყვარულისა. სიყვარული მისი თანდაყოლილი თვისებაა. ისევე, როგორც შეგრძნება, შეცნება და მოგონება. იმის სულში, ვისაც საკუთარი საგანი სიყვარულისა არ გააჩნია, გარედან იჭრება ხოლმე უცხო და ეუფლებს გრძნობებს. ვით კანონიერი მემკვიდრის გარეშე დარჩენილ სახლს ან ადგილ-მამულს, ისე ეპატრონებიან ობლად დაშთენილ სულს უცხო პირები, უკანონო შვილები და უბრალო მსახურნიც კი. მაშინ სულს იპყრობს არა მარტო სიყვარული, არამედ ზრუნვა და შიშიც მათ გამო.

კაცმა შეიძლება ნახო ადამიანები, რომლებიც დიდი სიმკაცრით ლაპარაკობენ ხოლმე ქორწინებასა და შვილების ყოლაზე, მაგრამ მერმე, თუ მონა ქალებისაგან ანდა ხატკებისაგან შეძენილი ბავშვები ავად გაუხდათ ან მოუკვდათ, საშინლად იტანჯებიან და დიაციურად იწყებენ მოთქმას. ზოგიერთს ძაღლისა და ცხენის სიკვდილი ისეთ სულმოკლე მწუხარებას ჰგვრის, რომ სიცოცხლე აღარად უღირს. ზოგი კი საყვარელ და ძვირფას შვილებს დაკარგავს, მაგრამ მაშინაც არ ვარდება უსასოო და უკადრის სასოწარკვეთილებაში, პირიქით, თავის სიცოცხლეს გონივრულად ატარებს.

უსაზღვრო მწუხარებისა და შიშის მიზეზი სისუსტე არის და არა სიყვარული. ეს კი იმ ადამიანს ემართება, ვინც გონებით არ არის გაწაფული ბედს შეებრძოლოს. ის ვერ ახერხებს დატყბებს უკვე მიღწეული და სასურველი ბედნიერებით მხოლოდ იმიტომ, რომ ამ ბედნიერების მოსალოდნელი დაკარგვა დაუსრულებელ შიშსა და ტანჯვას ჰგვრის.

სიღარიბეს როდი უნდა შეუშინდეს კაცი იმიტომ, რომ შეიძლება სიმდიდრე დაკარგოს, არც უმეგობროდ დარჩეს მეგობართა მოსალოდნელი ჩამოცილების გამო და არც ქორწინება დაგმოს შვილების სიკვდილის შიშით. ადამიანმა გონიერი თვალთი უნდა შეხედოს ყველაფერს. მაგრამ ამის თაობაზე ამჯერად საკმაოდ ბევრი ვთქვით.

8. კუნძულ სალამინის გამო მეგარელებთან წარმოებული ხან-

გრძლივი და ბედუქუღმართი ომით დაქანცულმა ათენელებმა გამოსცეს კანონი, რაიც კრძალავდა წერილობრივ ან სიტყვიერად იმის განცხადებას, რომ საჭირო იყო ათენს კვლავ გამოედრო ხელი სალამინის დასაუფლებლად. ვინც ამ კანონის წინააღმდეგ წავიდოდა, იგი სიკვდილით დაისჯებოდა²³.

ასეთი დამცირება სოლონს საშინელ წყრომას ჰგვრიდა. იგი ხელავდა, ათენელ ახალგაზრდათა უმრავლესობა მოუთმენლად მოედოდა ომის განახლებას, მაგრამ ეს ახალგაზრდობა, გამოცემული კანონის შიშით, თვითონ ვერ ბედავდა ბრძოლის დაწყებას. მაშინ სოლონმა შეშლილობა მოიგონა. მისი სახლიდან მყისვე დაიბრუნა ქალაქში ხმა, სოლონი ჭკუაზე შეიბრუნდა. ამასობაში სოლონმა ერთი ელეგიური სიმღერა შეთხზა მალულად. როცა იგი ზეპირად დაისწავლა, თავზე პატარა ქუდი დაიხურა და ხტუნვა-ხტუნვით ათენის მოედანს მიაშურა. შეიკრიბა თუ არა იქ ხალხი, სოლონი გზირის სადგომ ქვაზე შეხტა და ავაჯით წაიკითხა თავისი ელეგია, რომელიც ასე იწყება:

მაცნელ მოესულვარ სანატრელი სალამინიდან,
სიმღერა შევთხზი მე საბჭოზო სიტყვის სანაცვლოდ.

ამ ლექსს სახელად „სალამინი“ ეწოდება და ას საუცხოოდ შედგენილ ტაეზს შეიცავს²⁴.

როცა სოლონმა ლექსის კითხვა დაასრულა, მეგობრებმა ქებადიდებდა შეასხეს. განსაკუთრებით პისისტრატემ გამოიძღო თავი. იგი აქეზებდა მოქალაქეთ და მოუწოდებდა დაეჯერებინათ სოლონისათვის. მაშინ ათენელებმა გააუქმეს კანონი, განაახლეს ომი და მეთაურად სოლონი დააყენეს.

სალამინის ლაშქრობის თაობაზე ყველაზე უფრო გავრცელებული ამბავი აი ასეთია:

სოლონმა პისისტრატესთან ერთად კოლიასისაკენ გაეცურა²⁵. აქ წააწყდა ათენელ ქალებს, რომლებიც დემეტრეს²⁶ ადამით დაწესებულ მსხვერპლს სწირავდნენ. სოლონმა აქედან ერთი ერთგული კაცი აფრინა სალამინზე. ამ კაცმა თავი ათენიდან ლტოლვილად გამოაცხადა და მეგარელებს ურჩია: თუ გინდათ ათენელთა წარჩინებული ქალები ჩაიგდოთ ხელში, ახლავე გამოძევით კოლიასისაკენო.

მეგარელებმა დაუჯერეს და ვაჟყაცებით დატვირთული ხომალდი კოლიასისაკენ გაგზავნეს. როცა სოლონმა კუნძულიდან გამოსული

მეგარელთა ზომალდი დაინახა, მსხვერპლის შემწირველ ქალებს ბრძანება მისცა იქაურობას გასცლოდნენ, ზოლო ჯერ კიდევ პირტიტველი მეომარი ყმაწვილები დაბრუნდა ქალების ტანსაცმლით, თავსაბურავებითა და ფეხსაცმელებით შემოსილიყვნენ, მახვილები კი დაეშალათ და ზღვის ნაპირზე მანამ ეთამაშათ და ეცეკვათ, სანამ მტერი ხმელეთზე არ გადმოვიდოდა და ათენელები მეგარელთა ზომალდს ზელთ არ იგდებდნენ. ყველანი ბრძანებისა და დარიგების თანახმად მოიქცნენ. ქალებად გადაცმული ვაჟების ცეკვა-თამაშით მოხიზლული მეგარელები კოლიასის ნაპირს მიუახლოვდნენ, ზომალდიდან გადმოვიდნენ და გამოედევნენ. არც ერთი ამ მეგარელთაგან არ ვადარჩენილა, ყველა ამოჟლიტეს. ათენელები კი ამასობაში კუნძულს მიაღწენ და მყისვე დაეუფლნენ.

9. სხვები ამბობენ, სალამინის აღება ასეთი ხერხით არ მომხდარაო და რომ სოლონს, უწინარეს ყოვლისა, დელფოს ღმერთმა²⁷ ასეთი რჩევა მისცა:

შესწირე მსხვერპლი ამა ქვეყნის მმართველთა გმირთა,
მათ, ვინც ჩაიკრა ასოპიის მიწამ²⁸ თვის მეურღში,
რომელთ საფლავსაც მიმქრალი მზე დასცქერის მხოლოდ.

სოლონი ღამით გაემგზავრა თურმე სალამინზე და გმირებს, პერიფემესა და კიქრევსს მსხვერპლი შესწირა²⁹. ამის შემდეგ თან წაიყვანა ზუთასამდე ათენელი ვაჟაკი, რომლებიც ხალისით მიჰყვნენ ჯან, ვინაიდან დაადგინეს, რომ იმ ათენელთ, ვინც კუნძულს აიღებდა, მისი გამგებლობის სრული უფლება ეძლეოდა.

მრავალი სათევზაო ნავით, რომელთაც ერთი ტრიაკონტროსიც³⁰ მიაცილებდა, სოლონი ზღვაში გავიდა და ჩქარა მიაღწა სალამინს იმ კონცხთან, რომელიც ევბეას გასცქერის.

სალამინზე მყოფმა მეგარელებმა ამ ამბოს თაობაზე ფრიად ბუნდოვანი ცნობები მიიღეს. ისინი დიდი ჩოქროლით მივარდნენ იარაღს და ერთი ზომალდი მტრის დასახვერად ვაგზავნეს. ამ ზომალდს, როცა იგი ათენელებს მიუახლოვდა, სოლონი დაეუფლა და ზედ მყოფი მეგარელები შეკრა. ნადავლ ზომალდზე კი ყველაზე უფრო მამაცი ათენელები შესხა და უბრძანა, მტრის ქალაქთან შეუმჩნევლად მიცურებულებიყვნენ. დანარჩენი ათენელების თანხლებით იგი ხმელეთით გაეშურა მეგარელთა წინააღმდეგ და მათთან ზელჩართულ ბრძოლაში

ჩაება. სანამ ეს ბრძოლა მიმდინარეობდა, ხომალდზე მყოფი ათენელები ხმელეთზე გადასხდნენ და მაშინვე აიღეს ქალაქი.

ეს ამბავი რომ ასე მოხდა, ამას გვიმოწმებს იქ დამკვიდრებული ერთი ადამი: სალამინისაკენ ყოველწლიურად მიემართებოდა ხოლმე ერთი ატიკური ხომალდი, რომელზეც ხმაგაკმენდილი ათენელები ისხდნენ. კუნძულები ხომალდის დანახვისთანავე საშინელ ყვირილსა და ხმაურს იწყებდნენ და ათენელებისაკენ მიეშურებოდნენ. მაშინ ერთი იარაღასხმული ათენელი ვაჟკაცი ხომალდიდან ხტებოდა და ხმელეთიდან ვითომც იერიშზე წამოსულ კუნძულებელთა შესახვედრად ყიჟინით გარბოდა სკირიასის კონცხისაკენ.

ამ კონცხის მახლობლად დღემდე დგას ენიალოსის³¹ ტაძარი, რომელიც სოლონმა ააგო მეგარელებზე გამარჯვების აღსანიშნავად.

ის მეგარელები, რომლებიც მაშინ ბრძოლაში გადარჩნენ, სოლონმა გარკვეული პირობებით გაათავისუფლა.

10. მიუხედავად ამისა, მეგარელები სალამინის შესანარჩუნებლად თავისას არ იშლიდნენ: ომში მრავალ ზიანს აყენებდნენ ათენელებს და თვითონაც საკმაოდ ზარალდებოდნენ. ბოლოს მებრძოლმა მხარეებმა მომრიგებელ მოსამართლეებად ლაკედემონელები აირჩიეს.

მრავალი ამბობს; მეგარელებთან დაეაში სოლონს დანმარება გაუწია ჰომეროსის დიდმა სახელმაო. სოლონმა „ხომალდთა კატალოგში“ თავისი შეთხზული ტაეები შეიტანა თურმე და მოსამართლეთა წინაშე წაიკითხა. აი, ეს ტაეები:

თორმეტი გემი სალამინით მოჰყვა ეანტსა

და დაუმწყრივა ათენელთა ფალანგებს გვერდით³².

მაგრამ ამას მოჩმახულ ამბად თვლიან თვითონ ათენელები. ისინი ამბობენ: სოლონმა მოსამართლეთ დაუმტკიცა, რომ ეანტის შეილებმა, ფილეოსმა და ევრისაკემ, რომლებმაც ათენის მოქალაქეობის უფლება მიიღეს, კუნძული სალამინი ათენელებს გადასცეს; ამის შემდეგ ერთი მათგანი ატიკის ბრავრონში დასახლდა, მეორე კი მელიტეში; სწორედ ფილეოსისაგან მიიღო თავისი სახელი ფილედიდა დემმა, საიდანაც პისისტრატე იყო.

მეგარელთა გასამტყუნებლად სოლონმა მიცვალებულთა დაკრძალვის წესი მოიშველია: სალამინზე მკვდრებს მარხავენ ათენური ადამით და არა მეგარულით; მეგარელები თავიანთ მიცვალებულებს პირით აღმოსავლეთისაკენ მარხავენ, ათენელები კი დასავლეთისკენო.

მეგარელი ჰერეა კი ამის საწინააღმდეგოდ ამბობს: მეგარელებიც მიცვალებულებს პირით დასავლეთისკენ კრძალავენ. მთავარი განსხვავება ისაა, რომ ყოველ ათენელს საკუთარი საფლავი აქვს, მეგარელები კი სამსა და ოთხ მეცდარს ერთ სამარეში მარხავენო³³.

ამბობენ, სოლონს ძალიან დაეხმარა რამდენიმე პითიური წინასწარმეტყველება, რომლებშიც ღმერთმა სალამინს იონია უწოდო³⁴.

ათენელთა და მეგარელთა დავის განსჯას ხუთი სპარტელი აწარმოებდა. ესენი იყვნენ: კრიტოლაიდა, ამომფარეტე, ჰიფსეტიდა, ანაქსილა და კლეომენე.

11. ჯერ მარტო სალამინის ალებით გახდა სოლონი სახელოვანი და ღირსი, მაგრამ კიდევ უფრო გაითქვა სახელი ბერძენებში, როცა დელფოს ტაძარს გამოექომაგა: ჩვენ უნდა დავეხმაროთ ტაძარს და კირელებს³⁵ არ დავანებოთ სამოსნოს შებილწვა: ჩვენ უნდა დავიცვათ ღვთის გულისათვის დელფოო. ამფიკტიონებმა³⁶ მაშინვე დაუჯერეს სოლონს და კირელებს ომი გამოუცხადეს, რასაც სხვებთან ერთად არისტოტელეც გვიმოწმებს თავის „პითონში გამარჯვებულთა ნუსხაში“³⁷, სადაც დელფოს დასაცავად გამოთქმულ აზრს სოლონს მიაწერს.

მიუხედავად ამისა, იმ ომის წინამძღოლად სოლონი არ აურჩევიათ; ისე რომ სამოსელი ევანთეს მტკიცება, რასაც ჰერმიპე გადმოგვცემს, სარწმუნო არაა. ამის თაობაზე არც რიტორი ესქინე³⁸ ამბობს რამეს და დელფოს ნუსხაშიც ათენელთა სტრატეგოსად სოლონი კი არა, ალკმენია დასახელებული.

12. კილონის მომხრეთა მიმართ ჩადენილმა მკრეხელობამ თავიდანვე საშინელი შფოთი გამოიწვია ათენში³⁹. ეს ამბავი კი იქიდან დაიწყო, როცა არქონტმა მეგაკლემ ტაძარში თავშეფარებული და ღმერთქალ ათენასადმი მავედრებელი კილონის მომხრენი დააჯერა, სამსჯავროს წინაშე წარმდგარიყვნენ. კილონელებმა დამორგველი ძაფის ბოლო ღმერთქალის ქანდაკებას მიაბეს, გამოჰყვნენ ამ ძაფს და აკროპოლისიდან ჩამოსვლა დაიწყეს; მაგრამ როცა ერინიების⁴⁰ სალოცავს მიუახლოვდნენ, ძაფი თავისთავად გაწყდა. მაშინ მეგაკლე და მისი თანაარქონტები, იმ საბაბით, ღმერთქალი კილონელთა ვედრებას ყურს არ ათხოვებსო, ტაძრიდან გამოსულთა შესაპყრობად გაეშურნენ. მათ ქვებით ჩაქოლეს გარეთ მყოფნი, ხოლო ისინი, რომლებმაც საკურ-

თბევლებს მიაშურეს, მახვილებით დახოცეს: გადარჩნენ მხოლოდ ის კილონელები, რომლებიც საშველად არჩონტთა ცოლებთან მიიჭრნენ.

აი, ამ დროიდან კილონელთა მკვლელებმა „მკრეხელთა“ სახელი მიიღეს და საყოველთაო ზიზღი დაიმსახურეს.

კილონის გადარჩენილი მომხრენი შემდგომში კვლავ გააძლიერდნენ და მეგაკლეს ნაშევრთ განუწყვეტლივ ებრძოდნენ.

სოლონის დროს შფოთმა უმაღლეს მწვერვალს მიაღწია. ხალხი ორ ბანაკად გაიყო. სოლონი, რომელსაც მაშინ უკვე დიდი სახელი ჰქონდა მოხვეჭილი, საუკეთესო ათენელთა მხარდაჭერით შუაში ჩადგა და დიდი თხოვნითა და შეგონებით დააჯერა ეგრეთ წოდებული „მკრეხელები“ დამორჩილებოდნენ სამსჯავროს და სამასი წარჩინებული მოსამართლის განაჩენს.

ბრალმდებლად გამოვიდა ფლიელი მირონე და მკრეხელები დასაჯეს: ცოცხლები ათენიდან გააძევეს, დახოცილთა გვამები კი საფლავიდან ამოთხარეს და საზღვარზე გადაყარეს.

ასეთი შფოთიანობით ისარგებლეს მეგარელებმა, დაესხნენ თავს ათენელებს, წაართვეს მათ ნისეა და სალამინიც დაიბრუნეს.

ქალაქი ცრუმორწმუნე შიმშა შეიპყრო, ეცხადებოდათ მოჩვენებები. მისნები ამბობდნენ: ყველა მსხვერპლი იმას გვაუწყებს, რომ ქალაქში მკრეხელობა და ცოდვიანობაა, რაც განუშენდას საჭიროებს.

მაშინ ათენელებმა კრეტიდან გამოიწვიეს ეპიმენიდე ფესტოსელი⁴¹, რომელსაც ზოგიერთი პერიანდრეს შემდეგ მეშვიდე ბრძენად თვლის.

ეპიმენიდე ყველას მიაჩნდა ღმერთთა საყვარელ, ღვთაებრივ საქმეთა დიდ მცოდნე და წინასწარმეტყველებასა და წმიდა საიდუმლოებათა აღსრულებაში გამოცდილ კაცად. ამიტომ იმდროინდელი ხალხი მას ნიშნა ბალტეს შვილსა და ახალ კურეტს ეძახოდა⁴².

ჩავიდა თუ არა ათენში, იგი დაუმეგობრდა სოლონს, ბევრი სიკეთე უყო და მის კანონმდებლობობას გზა გაუყავა.

ეპიმენიდემ ათენელებს ასწავლა ღვთის მსახურებასა და მწუხარებაში ზომიერებას დაცვა. უბირველეს ყოვლისა მან მიცვალებულის დაკრძალვას ახლებური მსხვერპლშეწირვა დაუწესა და ამით შესცვლა ის უხეში და ბარბაროსული ადათები, რომლებსაც ათენელ ქალთა უმრავლესობა იცავდა. მაგრამ ყველაზე მთავარი მაინც ის იყო, რომ ღმერთთა გულის მოსაგები, ცოდვათაგან განსაწმენდელი მსხვერ-

პლით და ტაძართა აგებით ქალაქი წმიდათაწმიდად აქცია და მისი მოსახლეობა მართლმსაჯულების მოჩიილი და ერთსულოვანი გახადა.

ამბობენ, როცა ეპიმენიდემ მუნიქია⁴³ იხილა, დიდხანს უყურა მას და ბოლოს იქ მყოფთ ასე უთხრა: „როგორი ბრმა აღამიანი მომავლის განჭვრეტაში: რომ იცოდნენ, რამდენ ტანჯვას მოუტანს ქალაქს ეს ადგილი, ათენელები მას საკუთარი კბილებით დახრავდნენო“.

გადმოგვცემენ, ამის მსგავსი წინასწარხედვა თალესმაც გამოიჩინაო. მან თურმე მოითხოვა, როცა მოკვდებოდა, მილეტის მახლობლად მდებარე ერთ უბრალო და მიგდებულ ადგილზე დაემარხათ, რამეთუ ეს ადგილი ოდესმე მილეტელთა შეკრების ადგილი იქნებაო.

ათენელები მეტისმეტად აღფრთოვანებულნი იყვნენ ეპიმენიდეთი და მას დიდძალ განძსა და უმადლეს პატივს სთავაზობდნენ; მაგრამ ეპიმენიდემ მხოლოდ საღმრთო ზეთისხის შტო მოითხოვა და, როცა მიიღო, ათენიდან წავიდა.

13. კილონის შეთქმულება დასრულდა და მკრებელები, როგორც ითქვა, გააძევეს; მაგრამ ათენში კვლავ დაიწყო ძველი მღელვარება სარელმწიფო წყობილების გამო. ქალაქი იმდენ ბანაკად დანაწილდა, რამდენიც მდებარეობით განსხვავებული ადგილი იყო ქვეყანაში⁴⁴.

ღიაკრიები უკიდურესი დემოკრატიის მომხრენი იყვნენ, პედიაკები — უკიდურესი ოლიგარქიისა; ხოლო პარალიები, რომლებიც ყველაფერს ამჯობინებდნენ სახელმწიფოში ნარევ, საშუალო წყობას, მეტისმეტად ჭიუტობდნენ და პირველ ორ ბანაკს გამარჯვების საშუალებას არ აძლევდნენ.

იმ დროს ღარიბთა და მდიდართ შორის უთანასწორობამ ისეთ საფეხურს მიაღწია, რომ ქალაქი ფრიად დიდი განსაცდელის პირას აღმოჩნდა. ასე ჩანდა, თითქმის ერთადერთი გამოსავალი, რაც ხალხს წონასწორობას აღუდგენდა და არეულობას მოსპობდა, ტირანია უნდა ყოფილიყო.

მთელი უბრალო ხალხი მდიდრების ვალში იყო ჩაეარდნილი. ერთნი მიწას უმუშევრებდნენ მდიდრებს და მოსავლის მეექვსედს აძლევდნენ; ასეთი მოვალენი ჰექტომორებად და თეტებად იწოდებოდნენ⁴⁵; მეორენი კი საკუთარი თავის საწინდარში იღებდნენ სესხს; გამსესხებულ მევახშეებს შეეძლოთ ან თავის მონებად დაეტოვებინათ ისინი, ანდა უცხო ქვეყანაში გაეყიდათ. ბევრი მოვალე იძულებული იყო

საკუთარი შვილები გაეყიდა (ეს კანონით არ იყო აკრძალული) და მეგახშეთა სისასტიკეს ქალაქიდან გაქცეოდა. მაგრამ უმრავლესობამ და მით უფრო მძლავრებმა გაერთიანება დაიწყეს. ისინი ერთმანეთს აქეზებდნენ ასეთი მდგომარეობა აღარ მოეთმინათ და ვინმე ერთგული კაცი შეთაურად აერჩიათ; მერმე კი ვალის ვადაზე გადაუხდელობით განსაცდელში ჩაეპარდნენ პირნი დაეხსნათ, მიწები გადაეწილებინათ და სახელმწიფო წყობილება მთლიანად შეეცვალათ.

14. ასეთი ვითარების ქამს ათენელთა შორის უგონიერესნი ხედავდნენ, რომ ერთადერთი უმწიკვლო კაცი იყო სოლონი, რომელიც არც მდიდართა უსამართლო მოქმედებაში მონაწილეობდა და არც ღარიბთა გაჭირვებულ პირობებში იმყოფებოდა. ჰოდა, ათენელებმაც შესთხოვეს ხელი მოეკიდა საზოგადოებრივი საქმისათვის და უთანხმოება მოესპო.

ლესბოსელი ფანიასი⁴⁶ გადმოგვცემს: ქალაქის გადარჩენის გულისთვის სოლონიმ სიცრუეს მიმართა და ორივე მხარე მოატყუა; ღარიბებს იგი მიწების გადაწილებას, ხოლო მდიდრებს სავალო ხელშეკრულებათა დაცვას დაპირდა საიდუმლოდ.

თვითონ სოლონი კი ამბობს, რომ ერთი მხრივ მდიდართა სიხარბის, ხოლო მეორე მხრივ ღარიბთა უსაზღვრო ქედმაღლობის შიშით დასაწყისში სახელმწიფოს მართვა-გამგეობას დიდი ყოყმანით მოჰკიდა ხელი.

იგი აირჩიეს არქონტად, მომრიგებელ მოსამართლედ და კანონმდებლად ფილომპროტეს შემდეგ. მის არჩევას ყველანი სიხარულით შეხვდნენ. მდიდრები სოლონს შეეგებნენ როგორც შეძლებულ კაცს, ღარიბები კი როგორც პატიოსან ადამიანს⁴⁷.

ამბობენ, ხალხში მეტად გავრცელდა სოლონის მოსწრებული ნათქვამი მის არქონტად არჩევამდე: „თანასწორობა ომს არ წარმოშობსო“. ეს სიტყვა მდიდრებსაც მოსწონდათ და იმათაც, რომლებსაც არაფერი გააჩნდათ. მდიდრები მოელოდნენ, რომ ეს თანასწორობა ღირსებასა და კეთილშობილებაზე იქნებოდა დაფუძნებული, ღარიბები კი ფიქრობდნენ, რომ თანასწორობა ქონებრივ გათანასწორებას გულისხმობდა.

აი ამიტომ ორივე მხარე დიდი იმედებით აღიჭურვა. მათი მეთურები დაყინებით სთავაზობდნენ სოლონს ტირანიას და როგორც ძალუფლება მოპოვებულ კაცს აქეზებდნენ, რაც შეიძლება გაბედუ-

ლად მოეკიდა ხელი ქალაქის მართვა-გამგეობისათვის. იმ მოქალაქეთა უმრავლესობაც, რომლებიც დავაში არ ერეოდნენ და არც ერთ ჯგუფს არ უჭერდნენ მხარს, როდი იყო იმის წინააღმდეგი, რომ სახელმწიფოს სათავეში ყველაზე უფრო სამართლიანი და გონიერი კაცი დაეყენებინათ. მით უმეტეს ხელავდნენ, მსჯელობითა და კანონებით რაიმე ცვლილების მოხდენა ფრიად მძიმე და საშიში საქმე იყო. ზოგიერთი გადმოგვცემს, სოლონმა პითონში⁴⁸ ასეთი რჩევა მიიღო:

ბოძალდის შუა ადგილს დაჯექ და მესაქის შეუღლე საქმეს,
ათენის მრავალი მკვიდრი გეყოლება მარჯვენა ხელად.

ახლო მეგობრები მეტისმეტად კიცხავდნენ სოლონს იმისათვის, რომ ერთმმართველობას ტირანიის სახელწოდებას გამო ალმაცერად უცქერდა, თითქოს ერთმმართველობა ღირსეული კაცის ხელში მეფის ძალაუფლებას არ გაუტოლდებოდა⁴⁹. ისინი ეუბნებოდნენ: განა ასეთივე ვითარების ქაშს არ იყო, ევბელეებმა რომ ტინონდა აირჩიეს ტირანად, ზოლო მიტილენელებმა სულ ახლახან პიტაკო?

ამან ვერ ააცდინა სოლონი არჩეულ გზას. მან, როგორც ამბობენ, მეგობრებს უთხრა: „ტირანია კარგი ადგილია, მაგრამ იქიდან თავის დაღწევაა ძნელიო“... ფოკოსისადმი⁵⁰ მიწერილ ლექსში იგი ამბობს:

მე სიბრალულმა ჩემი მხარე დამაზოვინა,
ტირანის ხელი არ შევახე მშობლიურ მიწას,
შემრჩა სახელი და სინდისი სამაგიეროდ;
როდი მრცხვენია გონიერული ნამოქმედარის,
ხალხსაც მივიმხრობ ასეთ რიგად გამარჯვებულნი.

აქედან ცხადზე ცხადად ჩანს, რომ სოლონს ჯერ კიდევ კანონთა გამოცემამდე დიდი სახელი ჰქონდა მოხვეჭილი.

თუ როგორ დასცინოდნენ მას ტირანიაზე უარის თქმის გამო, თვით სოლონი ასე გადმოგვცემს:

ჰეუა-გონება როდი დაჰყვა სრულად სოლონსა,
ღვთის ნაწყალობებს უგუნურად ზურგი აქცია;
ისროლა ბადე და ნადავლით დამძიმებულ
ვერ ამოზიდა შიშისაგან სულზე მიმდგარმა.
ნეტავი ძალა და სიმდიდრე მომეცემოდეს,
ნეტავ მაქცია სულ ერთი დღით ათენს ტირანად,
ტყავი გამაძრონ მერმე, თუნდაც გადამაშენონ!

15. აი, ასე აღაპარაკებს სოლონი ბრბოსა და მდაბიო ხალხს თავის თავზე. მართალია, მან ტირანიაზე უარი თქვა, მაგრამ საქმიანობაში მეტისმეტი ლმობიერება როდი გამოიჩინა. კანონთა გამოცემის დროს არც ძლიერტ დაუთმო რამე და არც მათთვის უამებია, ვინც არქონტად აირჩია. იმისათვის, რაც ვარგისი იყო სახელმწიფოში, ხელი არ უხლია და ახლით არ შეუცვლია. ემინოდა, არ აერ-დაერია ყველაფერი და ქალაქში მდგელეარება არ გამოეწვია; იცოდა, მერმე ველარ შესძლებდა წესრიგის აღდგენას და საქმეს ისე აწყობას, რომ საუკეთესო მმართველობა დაემყარებინა. მაგრამ იქ, სადაც იმედოვნებდა, რომ ათენელებს სიტყვით დაარწმუნებდა ან იაულებით დაიმორჩილებდა, სოლონი ისე მოიქცა, როგორც თვითონ ამბობს:

ძალაუფლებას სამართალი მივუსადაგე.

როცა მას კარგა ხნის შემდეგ ჰკითხეს: საუკეთესო კანონები თუ დაუწერე ათენელებსო? უპასუხა: „დიად, იმ კანონებზე უკეთესი, რომელთაც ისინი ხალხით მიიღებდნენო“.

თანამედროვენი ამბობენ, ათენელები უნეშ, ბილწ საგნებს კეთილ-შობილური და სათუთი სახელებით მოსავენ: მეძავენს, მაგალითად, მეგობრებს ეძახიან, ხარკს — ანაბარს, დაპყრობილ ქალაქებში ჩაყენებულ ჯარს — ქალაქის დამცველ რაზმს, ხოლო ციხეს — სახლსო. როგორც ჩანს, პირველი სოლონი იყო, რომელმაც ამ ხერხს მიმართა და ვალების გაუქმებას სეისახთეია უწოდა⁵². ეს იყო მისი პირველი პოლიტიკური ნაბიჯი. ამ კანონით მან არსებული ვალები გააუქმა და მომავალშიც ყველას აუკრძალა თავისუფლების საწინდრით სესხის გაცემა.

ზოგიერთი, მათ შორის ანდროტიონი⁵³, წერს, რომ სოლონმა ღარიბები დააკმაყოფილა და მათი მდგომარეობა შეამსუბუქა არა ვალების სრული გაუქმებით, არამედ ვახშის შემცირებით; ღარიბებმა კი ამ კაცთმოყვარულ საქციელს და ამასთან ერთად ზომა-წონის ცვლილებასა და ფულის ფასის აწევასთან დაკავშირებულ ღონისძიებას სეისახთეია უწოდესო. სოლონმა მნა, რომელიც წინათ სამოც-დაცამეტ დრაქმას შეიცავდა, ას დრაქმას გაუთანაბრა; ამის წყალობით მოვალენი ვალს თინაბარი რაოდენობით, მაგრამ ფასით ნაკლები ფულით იხდიდნენ და კარგადაც სარგებლობდნენ. რაც შეეხება სესხის მიმღებთ, ამით არაფერს არ ზარალობდნენ.

მწერალთა უმრავლესობა მაინც იმას ამბობს, სეისახთვია ვალე-
ბის სრული გაუქმება იყო. და მართლაც, სოლონის პოეზია სავსე-
ბით ეხმატებულია ამ მწერალთა აზრს. თავის ლექსებში სოლონი
ამაყად აცხადებს:

ატიკის მიწას ამოვგლიჯე მრავალი პალო,
ბორკილი დავხსენ ჩემს ქვეყანას დამონებულს.

ვალის გადაუხდელობის გამო უცხო მხარეში გადახვეწილ მოქა-
ლაქენი სოლონიმ სამშობლოში დააბრუნა:

მათ ატიკური ენა უკვე აღარ იცინა,
გადავიწყა ხეტილმა შეუწყვეტელმა;
ხოლო ისინი, რომლებიც აქ იყვნენ მონებად
და სამარცხვინო საქმე სწირდათ, ვათავისუფლე⁵⁴.

სეისახთვიას კანონის გატარების დროს სოლონს ფრიად უსიამო
ამბავი შეემთხვა თურმე. ვალეების გაუქმება რომ დააპირა და იმის
ძიებას შეუდგა, როგორ გამოეთქვა თავისი კანონი ისე, რომ იგი
შთამაგონებელი ყოფილიყო და კარგი დასაწყისი ჰქონოდა, თავის
მეტად ერთგულ მეგობრებს კონონს, კლინიასა და ჰიპონიკეს გაანდო:
მიწებს ხელს არ ვახლებ, მაგრამ ვალეების გაუქმება გადაწყვეტილი
მაქვსო. სოლონის მეგობრებმა ისარგებლეს ამ ამბოს წინასწარი ცოდ-
ნით და მოასწრეს ის, რომ მდიდრებისაგან უამრავი ფული ისესხეს
და დიდძალი მიწა შეისყიდეს. როდესაც ვალეების გაუქმების დადგე-
ნილება გატარდა, შეძენილი ქონება შეირჩინეს, ხოლო ფული გამ-
სესხებულებს აღარ დაუბრუნეს. ასეთი საქციელით სოლონს მეგობ-
რებმა დიდი ბრალდება და ცილისწამება დაატყვეს თავს: თიასქოს
სოლონი უსამართლო მოქმედების მონაწილე იყო და არა დაზარა-
ლებულთა ბედის მოზიარე.

მაგრამ ეს ბრალდება მყისვე გაქარწყლდა ცნობილი ხუთი ტა-
ლანტის⁵⁵ წყალობით. ხალხმა გაიგო, რომ სოლონს გასესხებული
ჰქონდა ეს ფული და, კანონის ძალით, პირველმა აიღო ხელი გასეს-
ხებულის უკან მიღებაზე. ზოგიერთნი, რომელთა შორის ჯოდოსელი
პოლიპელეც არის⁵⁶, ხუთის ნაცვლად თხუთმეტ ტალანტს იხსენიე-
ბენ.

სოლონის მეგობრებს ათენელებმა ქრეოკოპიდები⁵⁷ შეარქვეს და
ეს სახელი სამუდამოდ შეერჩათ.

16. სოლონს არც ერთი მხარის გული არ მოუგია. მან დიდად განაწყენა მდიდრები ვალების გაუქმებით, ღარიბები კი იმით, რომ მოლოდინის წინააღმდეგ მიწები არ გაუნაწილა და ლიკურგესავით თანასწორობა და ყველას ერთნაირი ცხოვრება არ შეუქმნა. ლიკურგე პერაკლეს შთამომავალთა მეთერთმეტე თაობას ეკუთვნოდა და მრავალი წლის განმავლობაში ლაკედემონელებზე მეფობდა; აქ მან დიდი სახელი, მეგობრები და ძალაუფლება მოიპოვა; ყველაფერი ეს ლიკურგეს შველოდა იმ დიდებულ გადაწყვეტილებათა აღსრულებაში, რომლებიც სახელმწიფოს მართვის საქმეში ჰქონდა განზრახული დარწმუნების საშუალებაზე უფრო მეტად იგი ძალას იყენებდა, ისე რომ თვლიდნენ კი დაკარგა, როცა ცდილობდა ქალაქის ხსნისა და თანხმობის საქმეში დიდი წარმატება მოეპოვებინა, რათა მის მოქალაქეთა შორის არაიენ ყოფილიყო არც მდიდარი და არც ღარიბი.

სოლონმა კი ამის ვერ მიაღწია სახელმწიფო მოღვაწეობისას იმიტომ, რომ უბრალო მოქალაქე და საშუალო შეძლების კაცი იყო. მიუხედავად ამისა, ყველაფერი მოიმოქმედა იმ ძალაუფლების შესაბამისად, რაც გააჩნდა. იგი მხოლოდ საკუთარ სურვილსა და მისადმი მოქალაქეთა ნდობას ეყრდნობოდა.

სოლონი თვითონვე ლაპარაკობს, რომ აწყენინა ათენელთა უმრავლესობას, რომელიც მისგან სულ სხვა რამეს მოელოდა:

უხდენელზე ფიქრობდნენ, აწ კი განმირისდნენ მეტად,
თვალს აღმაცერად მაყურობენ, თითქოს მტერი ვიყო მათი.

სხვას რომ ამგვარი ძალა ჰქონოდაო, — ამბობს სოლონი, —

ის თავს სიმშვიდეს არ მისცემდა, შფოთს არ შეწყვეტდა,
რძეს სანამ ნაღებს არ მოხდიდა აურზაურშიან.

მაგრამ ათენელები სულ ჩქარა მიხვდნენ, რომ სოლონის კანონები სასარგებლო იყო და მის წინააღმდეგ ბუზლუნს თავი დაანებეს. მათ საჯარო მსხვერპლშეწირვა მოაწყვეს, ამ მსხვერპლშეწირვას სეი-სახთეია უწოდეს სახელად და სოლონი სახელმწიფო საქმეთა მომწესრიგებლად და კანონმდებლად აღიარეს. ათენელებმა მას ყველაფერი უკლებლივ მიანდეს; სახელდობრ: მაღალი თანამდებობანი, სახალხო კრებები, სასამართლოები და საბჭოები; აგრეთვე ამ უწყებათა რწმუნებების, მათი წევრების რაოდენობასა და ვადის განსაზღვრა. სოლონს უფლება ეძლეოდა თავის შეხედულებისდა მიხედვით გაეუქმებინა ან

დაეტოვებინა უწინ არსებული და დადგენილი წესები და უწყებები.

17. უწინარეს ყოვლისა სოლონმა გააუქმა დრაკონტის ყველა კანონი, გარდა იმ კანონისა, რომელიც მკვლელობას ეხებოდა⁵⁹. გააუქმა იმიტომ, რომ ეს კანონები შეტისმეტად სასტიკი იყო და თითქმის ყველა დანაშაულისათვის მხოლოდ ერთ სასჯელს — სიკვდილს ითვალისწინებდა. ზარმაცობაში მხილებულნიც კი სიკვდილით ისჯებოდნენ და მწვანილის ან ხილის ქურდებიც მკრეხელთა ან კაცისმკვლელთა თანაბარ სასჯელს იღებდნენ. აი ამის გამო შემდეგ ხანებში დიდი მოწონება დაიმსახურა დემადეს⁶⁰ სიტყვამ. დემადე ამბობდა: დრაკონტმა თავისი კანონები მელნით კი არა, სისხლით დაწერაო. თვითონ დრაკონტმა, როცა ჰკითხეს, ყოველგვარი დანაშაულისათვის სიკვდილით დასჯა რატომ დააწესეო, ასეთი პასუხი გასცა: მცირე დანაშაულის ჩამდენი, ჩემი აზრით, ამის ღირსია, მსხვილ დანაშაულთათვის კი უფრო დიდი სასჯელი ვერ მოვიგონეო.

18. დრაკონტის კანონთა გაუქმების შემდეგ სოლონმა გადაწყვიტა ყველა დიდი თანამდებობა მდიდრებისათვის დაეტოვებინა, როგორც ეს ძველად იყო, ხოლო ხალხი, რომელსაც წინათ ხელისუფლებაში მონაწილეობის უფლება არ ჰქონდა, მართვა-გამგეობაში ჩაერია. ამისთვის მან მოქალაქეთა ქონებრივი აღრიცხვა მოახდინა. პირველ წოდებას სოლონმა მიაკუთვნა ისინი, რომელთაც ფზვიერადი და თხევადი ჭირნახულით ხუთასი ზომა მოსავალი მოჰყავდათ და მათ პენტაკოსიომედიმნიანები უწოდა⁶¹. მეორე წოდებას მიაკუთვნა ისინი, რომელთაც ცხენის გამოკვება შეეძლოთ, ან სამასი ზომა მოსავალი მოსდიოდათ; ამათ „მხედრებს“ ეძახდნენ. მესამე წოდებაში შემავალნი ძეგგიტებად იწოდებოდნენ⁶²; მათი შემოსავალი, როგორც ფზვიერადი, ისე თხევადი, ორას მედიმს შეადგენდა. ყველა დანარჩენი თეტებად იწოდებოდნენ. სოლონმა ამათ არც ერთი თანამდებობის დაკავების უფლება არ მისცა; თეტების სახელმწიფო მართვა-გამგეობაში მონაწილეობა იმით განისაზღვრებოდა, რომ სახალხო კრებებსა და სასამართლოს სხდომებს ესწრებოდნენ და მსაჯულობდნენ⁶³.

თეტების ეს უფლება დასაწყისში არაფრად არ ჩანდა, მაგრამ მერმე ფრიალ მნიშვნელოვანი გახდა. ამის მიზეზი კი ის იყო, რომ სადავო საკითხთა უმრავლესობა დიკასტებთან მიდიოდა⁶⁴. სოლონმა უფლება მისცა ხალხს, ვისაც კი სურდა, დიკასტერიონში გაესაჩივ-

რებინა ყველა ის საქმე, რომელიც მაღალი თანამდებობის პირთ
მიადნო.

ამბობენ, სოლონმა თავისი კანონები საკმაოდ ბუნდოვნად დაწე-
რა. თან შიგ მრავალი წინააღმდეგობა დაუშვა და ამით დიკასტერიო-
ნების ძალა გაზარდაო. რაკილა მოქალაქეებს ყოველთვის არ ძალუძ-
დათ კანონთა შესწევობით გადაეწყვიტათ ის საქმეები, რაზედაც და-
ვობდნენ, ზშირად იძულებულნი იყვნენ მიემართათ დიკასტებისათვის
და ყველა სადავო საკითხი მათთვის მიენდოთ; ამის გამო დიკასტები
ერთგვარად ბატონობდნენ კანონებზე⁵⁵.

უფლებათა ასეთი გათანაბრების თაობაზე სოლონი შემდეგს ამ-
ბობს:

ხალხს ძალაუფლება მივეც მე იმდენი, რამდენიც კმარა,
პატივი არ ეუყელ მას და არც მივუმატე რამ.
უსაზღვრო ძალა და განძი დაუთვლელი, ვისაც კი ჰქონდა,
მტკიცედ დავაწესე, რომ რიდით მოპყრობოდნენ მათ.
დამცველად ძლიერი ფარით ჩავუდგეი ორივე მხარეს,
არავის არ დავუთმე გზა ძალით დავჩაგრა სხვან.

სოლონი თვლიდა, რომ საჭირო იყო უფრო მეტად დაეცვა უმწეო
მოქალაქენი. ამიტომ უფლება მისცა ყველას სასამართლოს ძალით
გამოსარჩლებოდნენ შეურაცხყოფილ კაცს. თუ ვინმე ნაცემი, დაზა-
რალებული ან ძალმომრეობით დაჩაგრული აღმოჩნდებოდა, ყოველ
მსურველს, ვისაც კი შესაძლებლობა ჰქონდა, ნება ეძლეოდა ბრალი
დაედო უკანონობის ჩამდენისათვის და მის წინააღმდეგ საქმე სასა-
მართლოში აღედგრა. ასე აჩვენდა კანონმდებელი სოლონი მოქალაქე-
ებს თავი ერთი სხეულის ნაწილად ეგრძნოთ და ერთმანეთის ჭირ-ვა-
რამი გაეზიარებინათ.

სხვათა შორის, იხსენიებენ სოლონის ერთ პასუხს, რომელიც
მთლიანად შეესაბამება ზემოაღნიშნულ კანონს. როგორც ჩანს, სო-
ლონს ჰკითხეს: რომელ ქალაქშია ყველაზე საუკეთესო მმართველო-
ბაო? „იმ ქალაქში, — უპასუხა სოლონმა, — სადაც მოქალაქენი, რომ-
ლებისთვისაც შეურაცხყოფა არ მიუყენებიათ, შეურაცხყოფილებზე
უფრო ნაკლებად როდი სდევნიან და სჯიან შეურაცხყოფილებსი“.

19. სოლონმა იმ პირთაგან, რომლებიც ერთი წლის განმავლობა-
ში არქონტებად იყვნენ, შეადგინა არეობაგის საბჭო. და თვითონაც,
როგორც არქონტი, ამ საბჭოს წევრი გახდა⁵⁷. მაგრამ რა დაინახა,
ხალხი ჯერ კიდევ დრტვინავდა და ვალების გაუქმებამ გააყოყოჩა,

თითოეულ ფილედან, ასეთი კი ოთხი იყო, — ას-ჰსი კაცი აარჩილ და მეორე საბჭოც დააარსა⁶⁸. ამ საბჭოს წევრებს დაავალა თვითონვე გაერჩიათ საქმეები და წინასწარ განუხილველად არაფერი არ გადაეგზავნათ სახალხო კრებისათვის.

უმადლესი საბჭო — არეოპაგი სოლონმა სახელმწიფო საქმეთა ზედამხედველად და კანონთა დამცველად დააწესა. იგი იმედოვნებდა, ეს ორი საბჭო, როგორც ორი ღუზა, ქალაქს მღელვარებისგან დაიცავდა და ხალხიც დამშვიდდებოდა.

უმრავლესობა ამბობს, არეოპაგის საბჭო, როგორც ზემოთ ითქვა, სოლონმა დაარსათ. ამას ყველაზე უფრო მეტად ადასტურებს, როგორც ჩანს, ის გარემოება, რომ დრაკონტი არსად არ იხსენიებს და არ ასახელებს არეოპაგიტებს და მკვლელობათა თაობაზე მუდამ ეფეტებს მიმართავს⁶⁹. მაგრამ სოლონის მეცამეტე აქსონის მერვე კანონი ამბობს: „ის პირნი, რომელთაც სოლონის არქონტობამდე მოქალაქის პატივი აეყარათ, აღდგენილ იქნენ ამ პატივში, გარდა იმ მოქალაქეებისა, რომელნიც მსჯავრდადებულ იქნენ მკვლელობის, ხოცვა-ჟლეტისა ან ტირანიისაკენ სწრაფვისათვის არეოპაგის, ეფეტებისა თუ პრიტანიონში ბასილევსების⁷⁰ მიერ და ამ კანონის გამოქვეყნების დროს გაძევებული არიან“.

ეს სიტყვები ამტკიცებს, რომ არეოპაგის საბჭო სოლონის არქონტობამდე და მის კანონთა გამოცემამდე არსებობდა. მართლაც, ვინ უნდა გასამართლებულიყო არეოპაგში სოლონამდე, თუ არეოპაგის საბჭოს გასამართლების უფლება პირველად სოლონმა მისცა? შესაძლოა დაწერილ კანონში ბუნდოვანი ან გამოტოვებული აღგილი იყოს და ასე უნდა გავიგოთ: „მსჯავრდადებულნი იმ დანაშაულში, რომელსაც ახლა, როცა ეს კანონი გამოქვეყნდა, არეოპაგიტები, ეფეტები და პრიტანები არჩევენ, პატივაყრილნი რჩებიან, ყველა დანარჩენთ აღკვეთილი უფლება ისევ უბრუნდებათ“. ასე იყო თუ ისე, ამის განსჯა შენთვის მომინდვია, მკითხველო.

20. სოლონის სხვა კანონთაგან მეტად თავისებურია და უცნაური ის კანონი, რომელიც პატივს ჰყრის იმ მოქალაქეს, ვინც შინაურად მღელვარების დროს არც ერთ მებრძოლ მხარეს არ მიემხრობა. სოლონს, როგორც ჩანს, უნდოდა არავინ ყოფილიყო გულგრილი საერთო საქმის მიმართ და არ დაკმაყოფილებულიყო იმით, რომ მასა და მის ქონებას საფრთხე არ მოელოდა. სამშობლოს ღირ-ვარამი ყვე-

ლას ერთნაირად უნდა გაეზიარებინა. სოლონი მოითხოვდა, ყოველი მოქალაქე შფოთის ატყდომისთანავე დამდგარიყო სამართლიანი საქმისათვის მებრძოლთა მხარეზე და მათი განსაცდელის გაზიარება და მათთვის დახმარების გაწევა უფრო სასიქადულო საქმედ მიეჩნია, ვიდრე განზე უშიშრად დგომა და ლოდინი, თუ ვინ გაიმარჯვებდა.

ფრიად უხერხული და სასაცილო ჩანს სოლონის ის კანონი, რომელიც ნებას რთავს მდიდარ ქალს იცხოვროს ქმრის ახლო ნათესავ კაცთან, თუ ქმარი, რომელიც კანონის ძალით მისი ბატონი და უფალი გახდა, ცვედანი აღმოჩნდა. ზოგიერთი ამბობს: ეს კანონი მეტად სამართლიანია იმათ მიმართ, რომელთაც ქალთან ცხოვრება არ შეუძლიათ და მხოლოდ სიმდიდრის გულისთვის მოჰყავთ დიდი მემკვიდრეობის მქონე ქალი; კანონიერი ქორწინების საბაბით ისინი ბუნების წესს არღვევენ; როცა ასეთი მამაკაცები დაინახავენ, მემკვიდრეობის მქონე ქალს უფლება აქვს იცხოვროს ვისთანაც უნდა, ისინი ან ხელს აიღებენ ქორწინებაზე, ან არადა უსიტყვოდ შეუპოვდებიან თავიანთ სამარცხვინო მდგომარეობას და სიხარბისათვის მკაცრადაც დაისჯებიან.

ამ კანონში კარგია ის, რომ მემკვიდრეობის მქონე ქალს ზემოაღნიშნულ შემთხვევაში შეუძლია საქმე დაიჭიროს არა ყველასთან, არამედ მხოლოდ ქმრის ახლო ნათესავთან, რათა შვილი ქმრის სისხლისა და გვარისა იყოს. ამავე მიზანს ემსახურება კანონის ის მოთხოვნაც, რომ პატარძალი ჩაიკეტოს სიძესთან და მასთან ერთად შეჭამოს კიდონიის ვაშლი⁷¹; ამასთან კანონი თხოულობს ქმარმა მემკვიდრეობის მქონე ქალთან თვეში, სულ ცოტა, სამჯერ მაინც შეასრულოს თავისი მოვალეობა. თუ ამ გზით ბავშვი არ გაჩნდა, უკიდურეს შემთხვევაში ქმრის პატივისცემა და კეთილგანწყობილება კდემამოსილი ცოლისადმი მაინც არ დაირღვევა, ასეთი დამოკიდებულება კი მეუღლეთა შორის უკმაყოფილებას ყოველთვის განმუხტავს და ცოლ-ქმარს საშუალებას არ მისცემს უთანხმოებათა მიზეზით ერთმანეთს განშორდნენ.

სხვაგვარი ქორწინების დროს სოლონმა აკრძალა მშითვეი. მისი განკარგულებით პატარძალს ქმართან შეეძლო წაეღო მხოლოდ სამი კაბა, რამდენიმე არცთუ მაინცდამაინც ძვირფასი ნივთი და სხვა არაფერი. სოლონს არ უნდოდა ქორწინება ვაჭრობას დამსგავსებოდა; მისი სურვილი გახლდათ ცოლ-ქმრის კავშირი დამყარებული ყოფი-

ლიყო ბავშვების ყოლაზე, ურთიერთსიამოვნებასა და სიყვარულზე.

ერთხელ თურმე დიონისეს⁷² დედამისმა სთხოვა: „ვინმე მოქალაქეთაგანზე გამათხოვეო“. დიონისემ უპასუხა: „მე ტირანი ვარ და შემიძლია ქალაქის კანონები არაარად ვაქციო, მაგრამ არ ძალმიძს ბუნების წინააღმდეგ წავიდე, არ გავითვალისწინო შენი ასაკი და დაგაქორწინოო“.

სახელმწიფომ არ უნდა დაუშვას უწესრიგობა ქორწინების საქმეში. გულგრილად მართლაც ვერ შეხედდავ ასაკით შეუფერებელ ცოლქმრობას, რომელიც ქორწინების მიზანს ვერ მოემსახურება. მოხუცს, რომელსაც ცოლად ყმაწვილი გოგო მოჰყავს, გონიერი არქონტი ან კანონმდებელი იმას ეტყვის, რაც თავის დროზე ფილოქტეტეს⁷³ უთხრეს:

შენ უბედურო, ცოლის შერთვას აპირებ განა? ⁷⁴.

ხოლო ახალგაზრდა ვაჟს, თუ იგი მდიდარი, მაგრამ ასაკით მიხრწნილი დედაკაცის ჭერქვეშ იხილეს ალერსითა და ზრუნვით კაცობივით გასუქებული, იგივე არქონტი ან კანონმდებელი გადაიყვანს ნორჩ ქალწულთან, რომელსაც მართლა სჭირდება ქმარი.

21. დიდი მოწონება დაიმსახურა სოლონის იმ კანონმაც, რომელიც კრძალავს მიცვალებულის აუგად ხსენებას; ვინაიდან იმქვეყნად წასულთ წმინდანებად ჩათვლას სჯული გვთხოვს; სამართალი — მათ გაკიცხვაზე თავის შეკავებას, ვინც ჩვენს შორის უკვე აღარ არის, სახელმწიფოს კეთილდღეობა კი ადამიანთა შორის მარადიული მტრობის მოსპობას.

ასევე აკრძალა სოლონმა ცოცხალთა ლანძღვა ტაძრებში, სისამართლოებში, საგამგებლო შენობებსა და შეჯიბრებებზე. ამ კანონის დარღვევისათვის დააწესა ჯარიმა. დაჯარიმებულს სამი დრაქმა დაზარებულისათვის უნდა მიეცა, ხოლო ორი დრაქმაც სახელმწიფო ხაზინაში შეეტანა. ის, ვინც საკუთარ რისხვას ვერ მოთოკავს, უზრდელობასა და თავხედობას ამტკიცებს, მაგრამ წყრომის ყოველთვის დაცხრომაც ფრიად ძნელი საქმეა, ზოგისთვის კი პირდაპირ შეუძლებელი. ამიტომ კანონი უნდა ითვალისწინებდეს ადამიანის შესაძლებლობას და ისე იწერებოდეს; განუკითხავად კი არ უნდა დასაჯოს ყველა, არამედ ის დასაჯოს, ვის დასჯასაც სიკეთის მოტანა შეუძლია.

სოლონმა დიდი სახელი მოიხვეჭა ანდერძის თაობაზე გამოცემული კანონითაც. მანამდე ათენელებს ანდერძის დატოვების უფლება როდი ჰქონდათ. მიცვალებულის უძრავ-მოძრავი ქონება მის გვარში უნდა დარჩენილიყო. სოლონმა კი მისცა რა უპირატესობა ნათესაობაზე მეტად მეგობრობასა და პირად სურვილს. უშვილო კაცს ნება დართო თავისი ქონება ვისთვისაც უნდოდა იმისთვის გადაეცა. ამით მან ყოველი კაცი საკუთარი სიმდიდრის ბატონ-პატრონი გახადა. მაგრამ სოლონმა უბრალოდ კი არ მისცა ათენელებს ანდერძის დატოვების უფლება, არამედ ზოგიერთი პირობით: ანდერძის დამტოვებელი არ უნდა ყოფილიყო მძიმედ დაავადებული, ან რაიმე სასმელით გაბრუებული, ასევე არ შეიძლებოდა ანდერძის შედგენა იძულებით ან ქალის აღერსის ზეგავლენით.

სოლონი ფრიად სამართლიანად და ვოხიერი კაცისათვის შესაფერისად ფიქრობდა, რომ მაცდურობა იძულებაზე ნაკლები ბოროტება არაა და მისგან არაფრით განსხვავდება. იგი ერთ რიგში ათავსებდა სიცრუესა და იძულებას, ტანჯვასა და სიამოვნებას, ვინაიდან ყოველივე ამას ერთნაირად შეუძლია აღამიანს გონება დაუბნელოს.

სოლონმა გამოსცა აგრეთვე კანონი, რომელიც აწესრიგებდა მოგზაურობის, მგლოვიარობისა და ზეიმების დროს ქალთა თავდაჟერა-მოქცევის საკითხებს. ამასთან დაკავშირებით ფრთა შეუკვეცა ყოველგვარ უწყსრიგობასა და თავშეუკავებლობას. მან დაადგინა, რომ ქალაქიდან გასულ ქალს თან არ უნდა წაეღო სამ კაბაზე მეტი, სასმელ-საჭმელი ერთი ობოლის⁷⁵ საფასურზე მეტი და ქალათი ერთ წყრთაზე ღირდი. ამასთან ქალი არ უნდა წასულიყო გზად ღამით; ეს შეიძლებოდა მხოლოდ იმ შემთხვევაში, თუ ეტლით გაემგზავრებოდა და თუ ეტლს ჩირადღნით გაუნათებდნენ გზას.

სოლონმა ქალებს აუკრძალა თავ-პირში ხელის ცემა, სახის კაწვრა, წინასწარ მოფიქრებული მოთქმით ტირილი და გოდება შორეული მიცვალებულის დაკრძალვის დროს. ასევე აკრძალა ხარის მსხვერპლად შეწირვა და მიცვალებულისათვის საფლავში სამ კაბაზე მეტის ჩატანება. გარდა ამისა, სოლონი ქალებს უტეხო პირთა საფლავებზე სიარულის ნებას არ აძლევდა: გამონაკლისს წარმოადგენდა მხოლოდ დაკრძალვის დღე.

ბევრი რამ, სხვათა შორის, ჩვენი კანონებითაც იკრძალება. ჩვენი კანონის ძალით ის პიროვნება, რომელიც მწუხარების ეპოს მეტისმეტ

ლაჩრობას გამოიჩენს, დამნაშავედ ითვლება და გინეკონომების მიერ დაისჯება⁷⁶.

22. ათენი ყოველდღიურად ივსებოდა ბაღხით, რომელიც თავისუფალ და განუწყვეტელ ნაკადად მოედინებოდა ყოველი მხრიდან ატიკაში. ატიკის მიწა კი საკმაოდ შწირი იყო, ხოლო ვაჭრებს ზღვით ჩვეულებრივ არაფერი არ შემოჰქონდათ იმ მოსახლეობისთვის, რომელსაც გადასაცემელი არაა გაჩნდა. სოლონმა ამის გამო მოქალაქენი წახალისა ხელოსნობისათვის მიეცათ ხელი და ვამოსცა კანონი, რომლის ძალითაც შეიღო არ იყო ვალდებული ერჩინა მამა, თუ იგი რაიმე ხელობას არ შეასწავლიდა.

ლიკურგეს ცხოვრება უნდებოდა უცხოთაგან თავისუფალ ქალაქში⁷⁷. მას ის ქვეყანა ეჭირა, რომელიც, ევრიპიდეს სიტყვით რომ ვთქვათ, „მრავალ მოსახლეს აკმაყოფილებდა და ორგზის მეტსაც ეყოფოდა“. რაც მთავარია, ლაქედემონია საესე იყო პილოტებით. ეს პილოტები უქმად კი არ უნდა ყოფილიყვნენ, არამედ განუწყვეტლივ ეშრომათ თვინიერად და მორჩილად. ამიტომ ლიკურგეს უკეთესი შესაძლებლობა ჰქონდა მოქალაქენი მძიმე შრომისა და უბრალო ხელოსნობისაგან გაეთავისუფლებინა და მუდამ იარაღქვეშ ჰყოლოდა, რათა მხოლოდ ერთი — ომში გამოსადეგი ხელობა ესწავლათ და ამაში გაწაფულიყვნენ.

სოლონი თავის კანონებს ცხოვრებას უბამებდა. რაკი ბუნებით მწირი მხარე მიწის მუშას ძლიერ აკმაყოფილებდა და უმაქნისთა და ზარმაცთა გამოცემა აღარ შეეძლო, სოლონმა დიდი პატივი მიანიჭა ხელოსნობას და არეოპაგის საბჭოს დაავალა გამოერკვია, თუ ვის საიდან ჰქონდა საარსებო სახსარი, უქნარა ხალხი კი დაესაჯა.

განსაკუთრებით სასტიკი იყო ის კანონი, რომელიც, ჰერაკლიდე პონტოელის გადმოცემით, ვალდებულებას ხსნიდა. პეტერებისაგან⁷⁸ გაჩენილ შვილებს მამები ერჩინათ. მართლაც, ვინც ქორწინების ზნეობრივ მხარეს არად აგდებს, იგი ქალს უკავშირდება არა შვილების გასაჩენად, არამედ პირადი სიამოვნებისათვის. ასეთი კაცი კი ისჯება იმით, რომ კარგავს უფლებას შვილებზე, რომელთაც უკანონო და სამარცხვინო სიცოცხლე მიანიჭა.

23. საერთოდ უნდა ითქვას, სოლონის კანონები, ქალებს რომ ეხება, მრავალ უცნაურობას შეიცავს. ასე, მაგალითად, სოლონი ნებას აძლევს ავხორცობაზე წამსწრეს იქვე მოკლას მრუში; მაგრამ თუ გინ-

მე თავისუფალ ქალს მოიტაცებს და ძალით დაიმორჩილებს, ასეთ დამნაშავეს სოლონი ასი დრაქმით აჯარიმებს. თუ მომტაცებელი ქალს სავაჭრო საგნად გახდის, იგი ოცი დრაქმით ჯარიმდება; გამო-
ნაკლისს წარმოადგენს ის შემთხვევა, როდესაც მოტაცებულნი არი-
ან საკუთარი სხეულით აშკარად მოვაჭრე ქალები, ეგრეთ წოდებული
ჰეტერები, რომლებიც უსირცხვილოდ ნებდებიან მას, ვინც გასამარჯე-
ლოს მისცემს.

სოლონმა ათენელებს აუკრძალა ქალიშვილებისა და დების გა-
ყიდვა, თუკი გაუთხოვარი ქალი მხილებული არ იყო იმაში, რომ მან
უკვე წინასწარ იცხოვრა მამაკაცთან.

საკმაო უაზრობაა ერთი და იგივე დანაშაულისათვის ადამიანის
ხან მეტისმეტი სიმკაცრით დასჯა, ხან ლმობიერების გამოჩენა და
თითქოს ხუმრობით სასჯელად ჯარიმის დადება. მაგრამ, როგორც
ჩანს, ათენში მაშინ ფული ფრიალ იშვიათი რამ იყო და, რაკი მისი
შოვნა საკმაოდ ძნელი გახლდათ, ფულადი სასჯელი მძიმე სასჯელად
ითვლებოდა.

ფულის ღირებულებას ადასტურებს, მაგალითად, ის, რომ მსხვერპლ-
შეწირვის ხარჯის შეფასებისას სოლონი ცხვარს, დრაქმას და მედიმნ
ბურს ერთ ფასად თვლის. ისტმურ დღეობაში გამარჯვებულს, სო-
ლონის მიერ დადგენილი კანონით, ჯილდოდ ასი დრაქმა ეძლეოდა,
ოლიმპიურში გამარჯვებულს კი — ხუთასი. სოლონი ხუთ დრაქმას
აძლევდა მას, ვინც მგელს მოკლავდა, მგლის ლეკვის მომყვანს კი
ერთი დრაქმით აჯილდოვებდა. დემეტრიოს ფალერელი ამბობს: ხუ-
თი დრაქმა ხარის ფასი იყო, ერთი დრაქმა კი — ცხვრისაო.

სამსხვერპლოდ ამორჩეული საქონლის ფასები, რომელთაც სო-
ლონი მეთექვსმეტე აქსონზე აწესებს, რა თქმა უნდა, მაღალია, მაგ-
რამ დღევანდელთან შედარებით საკმაოდ დაბალი გახლავთ.

ვინაიდან ათენელების ქვეყანა საქონლის საძოვრად უკეთესი
იყო, ვიდრე სამიწათმოქმედოდ, ისინი ოდითგანვე ებრძოდნენ
მგლებს.

ზოგიერთი ამბობს, ათენის ფილეებმა თავიანთი სახელი მიიღეს
არა იონის შვილებისაგან, არამედ ცხოვრების იმ ნიროსა და საქმი-
ანობის წყალობით, რომელიც ძველთაგანვე აირჩიესო. მეორებს ჰოპ-
ლიტები ეწოდებოდათ. ხელოსნებს — ერვადები: ორ დანარჩენ ფი-
ლეს მოსახლეობათაგან გედეონტები მიწის მუშაკნი იყვნენ, ეგიკო-

რები კი მესაქონლეობას და განსაკუთრებით მეცხვარეობას მისდევ-
დნენ⁷⁹.

ატიკა წყლით ღარიბი ქვეყანაა. აქ არაა დაუმშრალი მდინარე, ტბებიც იშვიათია და წყაროებიც ნაკლებად გვხვდება. ამიტომ მო-
სახლეობის უდიდესი ნაწილი ხელოვნურად გათხრილი ჭებით სარ-
გებლობს. ასეთი ვითარების გამო სოლონმა გამოსცა კანონი, რომ-
ლის ძალითაც ყოველ კაცს შეეძლო ესარგებლა საჯარო ჭით, თუ ეს
ჭა მისგან დაშორებული იყო ერთი ჰიბიკოსით, რაც ოთხ სტადიონს
უდრის⁸⁰; თუ მანძილი მეტი იყო, საკუთარი წყალი უნდა მოეძებნათ.
თუ ჭის გამთხრელი თავის კარ-მიდამოში ათი საყენის სიღრმეზე
წყალს ვერ აღმოაჩენდა, მაშინ ნება ეძლეოდა მეზობლის ჭით ესარ-
გებლა და დღეში ორჯერ ექვს-ექვსი ჩაფი წყალი ამოედო. სოლონის
ფიქრით საჭირო იყო გაჭირვებისათვის მოეგლო, ზარმაცობა კი მო-
ესპო.

სოლონმა საქმის დიდი ცოდნით განსაზღვრა მცენარეთა დარგვის
დროს შორისეული მანძილის დაცვის წესებიც. ვინც თავის მამულში
ჩვეულებრივი ხეხილის დარგვას განიზრახავდა, მეზობლის მამული-
საგან ხუთი ნაბიჯის დაშორებით უნდა დაერგო, ხოლო ზეთისხილი-
სა და ლეღვის ხის დარგვის დროს საჭირო იყო ცხრა ნაბიჯის შემ-
ცველი მანძილის დაცვა, რადგან ზეთისხილისა და ლეღვის ხე ფეს-
ვებს მეტად შორს იდგამს და მათი სიხსლოვე სხვა ხეხილისათვის
მაენეა. ისინი სხვა მცენარეებს საკვებს აცლიან და ზოგიერთი ხის-
თვის ფრიად მავნე ანაოროთქლს უშვებენ.

ვისაც ორმოს ან თხრილის ამოთხრა უნდოდა, იგი, სოლონის გან-
კარგულებით, მეზობლის მიწას უნდა დაშორებოდა იმ მანძილით, რა
სიღრმითაც თხრიდა.

ვინც ფუტკრის მოშენებას აპირებდა, სკები სამასი ნაბიჯის მო-
შორებით უნდა დაედგა მეზობლის სკებისაგან.

24. ქვეყნის ნაწარმთაგან სოლონმა ათენელებს ნება დართო უცხო-
ელებისათვის მიეყიდათ მხოლოდ ზეთუნის ზეთი, სხვა ნაწარმის
საზღვარგარეთ გატანა კი სასტიკად აკრძალა. ვინც ამ კანონს დაარ-
ღევდა, მისი განკარგულებით საჯაროდ უნდა შეეჩვენებინა არქონტს.
წინააღმდეგ შემთხვევაში თვითონ არქონტი ისჯებოდა და ასი დრაქ-
მა უნდა შეეტანა ჯარიმის სახით სახელმწიფო ხაზინაში. ამ კანონს
შეიცავს სოლონის პირველივე აქსონი. ამიტომ საფუძველს მოკლე-

ბული არ უნდა იყოს გადმოცემა, რომ უწინ აკრძალული იყო ატიკი-დან ლედვის გატანაც. ის, ვინც ამ კანონის დამრღვევთ გამოამჟღავნებდა და დააბეზლებდა, სიკოფანტად³¹ იწოდებოდა.

სოლონმა გამოსცა აგრეთვე კანონი ოთხდენა ცხოველების მიერ მიყენებული ზიანის თაობაზე. ამ კანონის ძალით, თუ ვინმეს ძაღლი უკბენდა, მისთვის უნდა მიეცათ ეს ძაღლი ყელზე მიბმული სამწყურთიანი ჩაჭვით. ეს კანონი საკმაოდ კარგი საშუალება იყო მოსახლეობის უშიშროების დასაცავად.

დიდ სიძნელეს წარმოადგენს სოლონის იმ კანონის კარგად გაგება, რომელიც ათენის მოქალაქედ უცხოელის აღიარებას ეხება. სოლონი ათენის მოქალაქედ გახდომის უფლებას ანიჭებს მხოლოდ მას, ვინც სამუდამოდაა გამოძევებული სამშობლოდან და იმ პირსაც, რომელიც მთელი ოჯახით გადმოსახლდება ათენში, რათა აქ ხელი მიჰყოს ხელოსნობას. ამობენ, სოლონმა ასეთი კანონი სხვა უცხოელების თავიდან მოშორების მიზნით კი არ გამოსცა, არამედ იმიტომ, რომ სწორედ ზემოხსენებული პირნი დაემკვიდრებინა ათენში. ესენი, მისი აზრით, მტკიცე მოქალაქენი გახდებოდნენ და ერთგულებიც იქნებოდნენ. ერთნი — საკუთარი სამშობლოს იძულებითი დაკარგვის გამო, მეორენი კი იმიტომ, რომ თავიანთი მხარე ნებით მიატოვეს.

განსაკუთრებული მნიშვნელობა ჰქონდა სოლონის კანონს საზოგადოებრივ სუფრის თაობაზეც. ხალხის ერთად სადილობას მან პარასიტიები³² უწოდა. ერთსა და იმავე პირს სოლონი ნებას არ აძლევდა რამდენჯერმე მიეღო მონაწილეობა საერთო ღრეობაში; ხოლო სჯიდა მას, ვინც საერთო სუფრაზე დასწრებას არ მოისურვებდა თვისი ჭირისას. მისი აზრით, საჯარო სადილზე ხშირი დასწრება გაუმაძღრობა იყო; დაუსწრებლობა კი — საყოველთაო წესის უგულვებელყოფა.

25. თავისი კანონების ძალა სოლონმა ასი წლით განსაზღვრა. ეს კანონები დაწერილი იყო თათხანხაგა ჩარჩოებში ჩასმულ ხის დაფებზე, რომელთაც ამავრებდნენ მოძრავ ღერძზე. ამ დაფების ნაშთებმა ჩვენ დრომდეც მოაღწია და პრიტანიონში ინახება. ეს დაფები, არისტოტელეს გადმოცემით, კირებდად იწოდებოდა³³. კომიკოსი კრატინე³⁴ ერთ ადგილის ამბობს:

სოლონს და დრაკონტს გეფიცები, თუმა მათ კირებს დღეს ქერის მარცვლის მოსახლად იყენებს ხალხი.

ზოგიერთი ამტკიცებს, კირბები ეწოდებოდა იმ ღაფებს, რომლებზეც ღვთის მსახურებისა და მსხვერპლშეწირვის წესები იყო აღწესებული; სხვა დანარჩენი ღაფები კი აქსონებად იწოდებოდნენ.

საბჭოთა ერთხმად შეჰფიცა, რომ სოლონის კანონებს მტკიცედ დაცავდა, ბოლო თესმოთებებამან სათითაოდ დადეს აღთქმა მოედანზე ქვასთან: თუ რომელიმე მათგანი თუნდაც ერთ კანონს დაარღვევდა, ის დეგლფოს სამისნოს თავის წონა ოქროს ქანდაკებას შესწირავდა.

სოლონმა ყურადღება მიაქცია ატიკური თვის უთანასწორობასაც. მან შეამჩნია, რომ არსებული ანგარიშით მთვარის მოძრაობა სრულდებით არ ეთანხმებოდა მზის ჩასვლასა და ამოსვლას; ერთსა და იმავე დღეს მთვარე ხშირად ეწეოდა და ასწრებდა ხოლმე მზეს. ამიტომ სოლონმა დაადგინა, რომ ასეთი დღე ძველი და ახალი მთვარის დღედ წოდებულიყო. მისი აზრით, ამ დღის ნაწილი, რომელიც წინ უსწრებდა მზისა და მთვარის შეხვედრას, მიწურულ იცეს განეკუთვნებოდა, ნაწილი კი — ახლად დამღვარს. როგორც ჩანს, სოლონი პირველი იყო, რომელმაც ზუსტად გაიგო პომეროსის ეს სიტყვები:

როს ახალი თვე ძველს აცესა ბოლომდე მიწურულს შეცვლის...⁸¹

მ დღის მომდევნო დღეს სოლონმა ახალი მთვარე უწოდა. ოცი რიცხვიდან მოკიდებული ვიდრე ოცდაათ რიცხვამდე მთვარის ნათელი მზარის დაბინდებაზე დაკვირვებით სოლონი დღეების აღრიცხვას აწარმოებდა არა მიმატებით, არამედ მოკლებით⁸².

შევიდა თუ არა ზემოაღნიშნული კანონები ძალაში, სოლონთან ყოველდღიურად დაიწყო სიარული ხალხმა. ერთნი უჭებდნენ კანონებს, მეორენი უწუხებდნენ, მესამენი კი რჩევას აძლევდნენ, მათი სურვილისდა მიხედვით შიგ რა შეეტანა და რა გამოეკლო. ყველაზე მეტი კი ისეთები იყვნენ, რომლებიც ახსნა-განმარტებისათვის მოდიოდნენ. ისინი სოლონს საზოგადოებრივ ესწავლებინა და აეხსნა მათთვის, თუ რას შეიცავდა თითოეული კანონი და რა აზრი იყო შიგ ჩაქსოვილი.

სოლონი გრძნობდა, რომ ხალხის ყოველი წადილის ასრულება ძნელი იყო, შეუსრულებლობა კი შურსა და უკმაყოფილებას აღ-

ძრავდა. ამიტომ მოინდომა თავი დაეხსნა ამ მძიმე მდგომარეობიდან და გაქცეოდა თანამოქალაქეთა უკმაყოფილებასა და ბრალდებებს, ვინაიდან, როგორც თვითონ თქვა:

ყველას აამო დიდ საქმეში, ძნელია შეტად.

ერთი სიტყვით, სოლონმა, სავაჭრო საქმეები მოიმიზეზა, ათენელებს ათი წლის ვადით სამშობლოდან გამგზავრების უფლება გამოსთხოვა და ზღვაში გავიდა. იგი იმედოვნებდა, ათენელები ამ ზნის განმავლობაში მის კანონებს შეეგუებოდნენ⁸⁸.

26. პირველად სოლონი ეგვიპტეში ჩავიდა და, როგორც თვითონ ამბობს, ცხოვრობდა

ნილოსის უბესთან, სადაც კანობისის ნაპირი არის⁸⁹.

აქ იგი რამდენსამე ხანს ფილოსოფიაში მცადინებოდა იქაურ ქურუმთა შორის უბრძნეს ქურუმებთან ჰელიოპოლისელ ფსენოფისსა და საისელ სონქისთან⁹⁰. ამათგან სოლონმა, როგორც პლატონი გადმოგვცემს, მოსმინა თქმულება ატლანტისზე და შეეცადა ეს თქმულება პოემად შეეთხზა და ელინებისათვის მიეწოდებინა⁹¹.

ეგვიპტიდან სოლონი გაემგზავრა კიბროსზე. აქ იგი გულთბილად მიიღო ერთმა იქაურმა მეფემ ფილოკვიპრემ. ფილოკვიპრეს ეკავა თეზევსის ძის დემოფონტეს მიერ დაარსებული პატარა ქალაქი, რომელიც გაშენებული იყო ერთ გამაგრებულ, მაგრამ სხვა მხრივ უვარგისსა და უნაყოფო ადგილზე. სოლონმა მეფე ფილოკვიპრეს ურჩია ქალაქი ცოტა ქვემოთ მდებარე ლამაზ ველზე გადაეტანა და საამური და დიდი გაეხადა. იგი თვითონ ესწრებოდა ქალაქის გადაადგილებას, თვალყურს ადევნებდა მშენებლობას, რა არის ქალაქი საცხოვრებლად მოსახერხებელი და გამაგრებული ყოფილიყო. ამის შედეგად ფილოკვიპრეს უამრავი ახალმოშენე ხალხი მიაწყდა და სხვა მეფეებმა შურის თვალთ დაუწყეს ცქერა. ამიტომ ფილოკვიპრემ სოლონს სამაგიერო პატივი სცა და ქალაქს, რომელსაც უწინ ეპეა ერქვა, სოლი უწოდა. სოლონი თვითონ იხსენიებს ამ ქალაქის დაარსების ამბავს და თავის ელეგიებში ასე მიმართავს ფილოკვიპრეს:

სოლივთ მეფე ყოფილიყავ მრავალი წელი,
ინეტარე და შენთა შვილთაც ვუსურვებ ბედსა;
ახლა ხომალდით განეშორდები ბედნიერ კუნძულს,

ით შემკული მე კიბრისი გამიგნებს გზასა;
ამ ქალაქისთვის დე მიიღოს მან მოწყალება,
რათა უგნებლად დაეუბრუნდე ჩემსა მამულსა.

27. ზოგი ვინმე, წელთაღრიცხვაზე დაყრდნობით, სოლონის შეზღუდვას კრეზესთან მოჭორილ ამბად თვლის. მაგრამ სოლონისა და კრეზეს შეზღუდვარს ამბავი იმდენად ცნობილია, იმდენი მოწმე ჰყავს და, რაც მთავარია, ისე ღირსეულად ეხამება სოლონის დიდბუნებოვნებასა და სიბრძნეს, რომ, ჩემი აზრით, ამ ამბის უკუგდება არ შეიძლება ეგრეთ წოდებული წელთაღრიცხვის წესდებების გამო, იმ წესდებებისა, რომელთაც ათასობით ადამიანი ასწორებს და დღემდე მაინც ვერ შეძლეს მათში წინააღმდეგობათა მოსპობა და სიზუსტის დადგენა.

ერთი სიტყვით, გადმოგვცემენ, რომ სოლონი კრეზეს მიწვევით სარდლში ჩავიდა. აქ დაემართა დაახლოებით ის, რაიც ემართება ზღვის სანაპიროდან მეტისმეტად მოშორებით მცხოვრებ კაცს, რომელიც თავის სიცოცხლეში პირველად გაემართა ზღვის სანაპიროდ; ამ კაცს ყოველი მდინარე, რომელიც კი გზად შემოხვდა, ზღვა ეგონა. ასევე სოლონი, როცა იგი სასახლეში შევიდა და მდიდრულად მოკაზმული, პირადი მცველებით გარშემორტყმული, ამაყად მიმომაგალი კარისკაცები იხილა, ყოველი მათგანი კრეზედ მიიჩნია. ბოლოს იგი მეფეს წარუდგინეს. კრეზეს ყველაფერი ტანზე ემოხა, რაც კი რამ გააჩნდა. ძვირფასი თვლებით, ოქროს სამკაულებით და ჭრელი სამოსით აღკაზმულ მეფეს სურდა თავისი ბრწყინვალეობითა და განსაცვიფრებელი მორთულობით სტუმარში შური აღეძრა. მაგრამ სოლონს, როცა მეფის პირისპირ წარდგა, ამ სანახაობით არაფერი განუცდია და არაფერი უთქვამს ისეთი, რასაც კრეზე მოელოდა. გონიერი ხალხისათვის აშკარა იყო, რომ სოლონი ზიზღით შესცქეროდა მეფის რეგვენობასა და წვრილმანობას. მაშინ კრეზემ ბრძანება გასცა ყველა საგანძური გაეღოთ, წაეყვანათ სტუმარი და ეჩვენებინათ მისთვის მთელი ძვირფასეულობა და სიმდიდრე. სოლონისათვის ეს საჭირო აღარ იყო. მეფის გარეგნობა მის ხასიათსა და ავლა-დიდებაზე თავისთავად მეტყველებდა.

როცა სოლონს ყველაფერი დაათვალიერებინეს, იგი კვლავ მეფეს წარუდგინეს. კრეზემ ჰკითხა:

— ჩემზე უფრო ბედნიერ ადამიანს თუ იცნობ ვისმე?

— დიად, გიცნობდი ერთ კაცს, — მიუგო სოლონმა, — იგი ჩემი თანამოქალაქე იყო და სახელად ტელე ერქვა. ეს ტელე, — განუმატა სოლონმა კრეზეს, — პატიოსანზე პატიოსანი კაცი იყო; ცხოვრებაში მას არაფერი არ გასჭირვებია; იგი სამშობლოსათვის ბრძოლაში მამაცურად დაეცა და სასახლო შვილები დატოვა.

კრეზეს ფრიად უცნაურ და უზრდელ ადამიანად მოეჩვენა სოლონი, რომელიც აურაცხელ ოქრო-ვერცხლს ბედნიერების საზომად არ თვლიდა და უბრალო, რიგითი ადამიანის სიცოცხლესა და სიკვდილს გაცილებით მეტად აფასებდა. ვიდრე ეგზომ დიდ ძლიერებასა და ძალაუფლებას. მიუხედავად ამისა, კრეზემ კვლავ ჰკითხა:

— მაგ ტელეს შემდეგ, თუ გეგულება ვინმე ადამიანთა შორის ჩემზე უფრო ბედნიერი?

— როგორ არა, — უპასუხა სოლონმა, — მე გამიგია ძმები კლეობისი და ბიტონი, სახელგანთქმულნი იმით, რომ განსაკუთრებით უყვარდათ ერთმანეთი და დედა⁹². ერთხელ, როდესაც სალოცავში წასახვლელად მომზადებულ მათ დედას ხარები დროზე არ მიუვიდნენ ისინი თვითონვე შეებნენ ეტლში და გახარებული დედა, რომელსაც მოქალაქენი შენატროდნენ, ღმერთთა ჰერას ტაძრისაკენ გააქანეს მსხვერპლშეწირვისა და ლხინის შემდეგ ძმებმა დაიძინეს, მაგრამ დილით უკვე აღარ ამდგარან: ისინი გარდაიცვალნენ. როგორც ჩანს, ეგზომ დიდ სახელთან ერთად იოლი და უდარდელი სიკვდილიც ერთი წილად.

— როგორ? — ახლა უკვე რისხვით შეჰყვირა კრეზემ. — შენ მე სრულებით აღარ მთვლი ბედნიერ ადამიანთა რიცხვში?!

სოლონმა, რომელსაც არ უნდოდა პირფერობით მოეგო მეფის გული და არც მისი მეტად განრისხება სურდა, ასე უთხრა:

— ლიდიელთა მეფეო, სხვა წყალობასთან ერთად ღმერთმა ბერძენთა ზომიერების გრძნობაც მოგვანიჭა; ჩვენი საბრძოლო უბრალო და, ასე ვთქვათ, ხალხურია; იგი არაა მეფისათვის შესაფერი და ბრწყინვალე, სამაგიეროდ, ყველაფერს ზომიერების თვალთ ჭერტს. იგი ხედავს, რომ ადამიანის ცხოვრება მრავალგვარსა და განუწყვეტელ ცვლილებათა კანონს ემორჩილება. ამიტომ ნებას არ გვაძლევს აწმყოს სიკვითით მეტისმეტად ვიამაყოთ და გავიკვირვოთ ადამიანის ბედნიერება, რომელიც დროის მიერ განწირულია და როცა აქნება შეიცვლება. ყოველ ჩვენგანს მეტად გაუჩკვეველი, ბუჩუხით მოცუ-

ლი მომავალი ელის. ჩვენ მხოლოდ იმას ვთვლით ბედნიერად; ვისაც ღმერთმა ბოლომდე მიანიჭა ბედნიერება. ცოცხალი და ამიტომაც ჯერ კიდევ საფრთხეში მყოფი ადამიანის ნეტარად აღიარება ისევე ნაადრევია, როგორც შუა ბრძოლაში მყოფ მებრძოლისათვის გამარჯვებულის სახელისა და გვირგვინის მიკუთვნება.

თქვა თუ არა ეს, მაშინვე გასცილდა ლიდიელთა მეფეს. ამ სიტყვებით მან საკმაო წყენა მიიყენა კრეზეს, მაგრამ შეგნებით კი ვერაფერი შეაგნებინა.

28. იგაფთჳერალი ეზოზე იმხანად სარდელში იყო. იგი კრეზემ მიიწვია იქ და დიდ პატივშიც ჰყავდა. ჰოდა, ეზოზე მეტისმეტად შეწუხდა, სოლონის მიმართ რომ სითბო სულ არ გამოიჩინეს. მან სოლონს ასე უთხრა:

— მეფეებს, სოლონო, ან სულ არ უნდა მიეკაროს კაცი, ან არა-და, მხოლოდ საამური უთხრას.

— სრულიადაც არა, — მოუგო სოლონმა, — მეფეებთან თუ მივა კაცი, ზევსს ვფიცავ, მხოლოდ სიმატლზე უნდა ელაპარაკოს.

ერთი სიტყვით, კრეზემ მაშინ დიდი ზიზღის თვალით შეხედა სოლონს.

მცირე ხნის შემდეგ კრეზეს კიროსთან⁹⁹ მოუხდა ბრძოლა, მაგრამ დამარცხდა; ქალაქიც დაკარგა და ტყვედაც ჩავარდა. დატყვევებულ მეფეს კოტონზე დაწვა მიუსაჯეს.

კოტონი უკვე გაჩაღებული იყო. შებოროტი კრეზე ზედ აიყვანეს. ამ ამბავს, რომელსაც სპარსთა მთელი მხედრობა შესცქეროდა, კიროსიც ესწრებოდა. კრეზემ ძალ-ლონე მოიკრიბა და რაც შეეძლო მთელი ხმით სამჯერ დაიძახა: „ოჰ, სოლონო!“. გაკვირვებულმა კიროსმა კრეზეს კაცი მიუგზავნა და აკითხვინა: ვინ არის ეგ სოლონი, ადამიანთაგანია ვინმე თუ ღმერთთაგანი, ასეთი გაჭირვების ქაშს რომ მხოლოდ მაგას მოუხმობო?

კრეზეს არაფერი დაუმალავს და კიროსს მკითხველის პირით შეუთვალა: „სოლონი ბერძენთა ერთ-ერთი ბრძენი ვახლავთ, რომელიც იმითომ კი არ მოვიწვიე ჩემს კარზე, მისთვის შესმინა და ის მესწავლა, რაც მჭირდებოდა, არამედ იმითომ, რომ ვეხილე და ჩემი ბედნიერების მოწმე თავის ქვეყანაში დაბრუნებულიყო, იმ ბედნიერებისა, რომლის დაკარგვა უფრო დიდად განვიცადე, ვიდრე ის სიხარული, რაც ამ ბედნიერების მოპოვებამ მომანიჭა. ამ ბედნიერების სი-

ტკბო ფუჭი და მოჩვენებითი იყო. ბედის ჩარხის დატრიალებამ კი საშინელი ტანჯვა და გარდუვალი დაღუპვა მარჯუნა. ეს ამბავი კი, რაც ახლა ჩემს თავზე ხდება, მაშინდელ მდგომარეობაში მიწინასწარმეტყველა სოლონმა და მირჩია, ცხოვრების დასასრულს მეტად დაგვირგვინოდა და წარმავალი ბედნიერებით გამხსნევებულს მეტისმეტად არ მეამაყუნა“.

ეს სიტყვები მაშინვე მოახსენეს კიროსს. იგი კრეზეზე გონიერი კაცი გახლდათ. რა დაინახა, სოლონის აზრი შექმნილმა მდგომარეობამ დაადასტურა, არათუ გაათავისუფლა კრეზე, მთელი სიცოცხლე პატივისცემით ეპყრობოდა მას.

ასე მოიხვეჭა სოლონმა დიდი სახელი იმით, რომ ერთხელ წარმოთქმული დარიგებით ერთი მეფე სიკვდილისაგან იხსნა, ხოლო მეორეს ჭკუა ასწავლა.

29. სოლონის არყოფნისას ათენის მოსახლეობაში კვლავ შფოთი და მღელვარება ატყდა. პედიაკების სათავეში ლიკურგე იდგა, პარალიებს აღკვეთის ძე მეგაკლე მეთაურობდა, ხოლო პისისტრატე წინამძღოლობდა დიაკრიებს, რომელშიაც შედიოდნენ მდიდრების ყველაზე უფრო დაუძინებელი მტრები თეტები. მართალია, ქალაქი ჯერ კიდევ სარგებლობდა სოლონის კანონებით, მაგრამ ყველა გადატრიალებას მოელოდა და ახალი წყობილების დამყარებისაკენ მისწრაფოდა. ყოველ პარტიას იმედი ჰქონდა ამ გადატრიალების წყალობით თანაბარ ძალაუფლებას კი არ მოიპოვებდა, არამედ უფრო მეტს და მოწინააღმდეგეთ საფსებით დაამარცხებდა.

აი ასეთი იყო საქმეთა ვითარება, როდესაც სოლონი ათენში დაბრუნდა. მას ყველა მოკრძალებითა და პატივისცემით ეპყრობოდა; მაგრამ მოხუცებულ სოლონს უკვე აღარ შესწევდა ძალა და მისწრაფება, კვლავ საჯაროდ გამოსულიყო სიტყვით და კვლავ ემოქმედა. ამიტომ ისლა მოახერხა, რომ სხვადასხვა პარტიის წინამძღოლს ცალცალკე შეხვდა და არსებული დავის მოსპობასა და მშვიდობის დამყარებას შეეცადა. ყველაზე უფრო გულდასმით მას, როგორც ჩანს, პისისტრატე უსმენდა.

პისისტრატეს საუბარში რაღაც შთამაგონებელი და მიმზიდველი გააჩნდა. ამასთან ყოველთვის მზად იყო დახმარებოდა ღარიბებს და მტრებთანაც ზომიერება გამოეჩინა. იგი, სხვათა შორის, ისეთ თვისებებს ამჟღავნებდა, რომლებიც სულაც არ ახასიათებდა, ამის წყა-

ლობით კი უფრო დიდ ნდობას იმსახურებდა, ვიდრე ისინი, ვისაც ეს თვისებები თანდაყოლილი ჰქონდათ. ასე, მაგალითად, პისისტრატე მიაჩნდათ ფხიზელ და თავდაჭერილ კაცად, რომელსაც მეტიხმეტად უყვარდა თანასწორობა და თითქმის განსაკუთრებით მტრობდა იმ კაცს, ვინც არსებული მდგომარეობის შეცვლას ცდილობდა და ახალი წყობილების დამყარებასკენ მისწრაფოდა. ამით მან ყველა მოატყუა; მაგრამ სოლონი მალე ჩასწვდა პისისტრატეს ხასიათს და პირველმა გამოიცნო მისი განზრახვა. მიუხედავად ამისა, პისისტრატე არ შეზიზღებია. სოლონი ცდილობდა როგორმე მოეთვინერებინა და გონზე მოეყვანა იგი. სოლონი ხშირად ამბობდა: ვინმემ რომ შეძლოს პისისტრატეს შეგნებიდან პირველობის ლტოლვა აღმოფხვრას და ამ კაცს ტირანიისაკენ მისწრაფების სურვილი აღუკვეთოს, პისისტრატესავით ქველმოქმედი და საუკეთესო მოქალაქე არავინ იქნებოდაო.

სწორედ ამ ხანებში თესპიდმა⁸⁴ ტრაგედიაში ცვლილებების შეტანა დაიწყო და საქმის სიახლით მრავალი ათენელი მიიზიდა, თუმცა ტრაგიკოსთა შეჭიბრებები ჭერ კიდევ არ იყო შემოღებული. რაკი სოლონი ბუნებით ცოდნისმოყვარე კაცი იყო და სიბერის ეპას საკმაოდ მისცა თავი განცხრომას, მზიარულებას, სმასა და მუსიკასაც კი, ამიტომ ხალხით გაემართა თესპიდის სანახავად, რომელიც, ძველი ჩვეულების თანახმად, თვითონვე მსახიობობდა.

სანახაობის შემდეგ სოლონი გაესაუბრა მას და ჰკითხა: „ნუთუ არ გრცხვენია, ამდენი მაყურებლის წინაშე ამდენს რომ სტყუიო?“ თესპიდმა უპასუხა: „ტყუილ თქმასა და ტყუილ მოქმედებაში არაფერი არაა სათაკილო, თუ ეს გართობის გულისთვის ხდებაო“. მაშინ სოლონმა ჯოხი დაჰკრა მიწას და თქვა: „აი ამ გართობას, რომელსაც ჩვენ ვაქებთ და პატივს ვცემთ, სულ მალე სამოქალაქო ხელშეკრულებებშიც აღმოვაჩენთო!“

30. მცირე ხნის შემდეგ პისისტრატემ საკუთარი ხელით თავი დაიჭრა და ეტლით ათენის მოედანზე გამოცხადდა. აქ ხალხის წაქეზება დაიწყო: ჩემი პოლიტიკური მოღვაწეობისათვის მტრების მსხვერპლი შევიქენიო. მართლაც, მრავლად აღმოჩნდნენ ისეთები, რომლებიც ამაზე აღშფოთდნენ და საშინელი ყვირილი მორთეს. მაშინ სოლონი მიუახლოვდა პისისტრატეს, დაუდგა წინ და უთხრა: „პიპოკრატეს ძევ, ძალიან ცუდად ჰბაძავ ჰომეროსის ოდისეესს⁸⁵;“ შენ

ყველაფერს იმიტომ ჩადიხარ, რომ თანამოქალაქენი შეცდომაში შეიყვანო; ოდისეუსმა კი თავი იმიტომ დაისახიჩრა, მტრები მოეტყუებინაო“.

ამიერიდან ბრბო შზად იყო დახმარებოდა პისისტრატეს. როცა ხალხი ყრილობაზე მოგროვდა, არისტონმა წინადადება შეიტანა პისისტრატესათვის პირად მცველებად მიეცათ კეტებით შეიარაღებული ღრმოდღაი კაცი⁹⁶. სოლონი ფეხზე წამოდგა, გაილაშქრა ამას წინააღმდეგ და ზეგრი რამ თქვა ისეთი, რაც მერმე ლექსებში აღწერა:

ტპობად მოუბარ ვაჟკაცის ბასრ ენას უსმენთ და
ცალ-ცალკე დაძრწით, ვით ცბიერი შელა ყოველგან;
თავს თუ მოიყრით, თქვენ გიონება გერთმევთ მთლიანა.

როცა სოლონი დაინახა, ღარიბები მხარს უჭერენ პისისტრატეს და შფოთავენ, ხოლო მდიდრები ღარიბებივით ვარბიან, მოედანს გასცილდა სიტყვებით: „ამათ ჭკუით გჯობივარ, იმათ კი სიმაჰაციო. ჭკუით იმათ, ვისაც არ ესმის, რა ხდება, მაჰაციოთ კი იმათ, ვისაც ესმის, მაგრამ ეშინია და ტირანის წინააღმდეგ ვერ ილაშქრებსო“.

არისტონის წინადადება ხალხმა დაამტკიცა და პირად მცველთა რაოდენობის თაობაზე პისისტრატეს დავა აღარ გაუშართა. მოქალაქენი გულგრილად შესცქეროდნენ პისისტრატეს პირად მცველებს მანამდის, ვინემ პისისტრატემ აკროპოლისი არ ჩაიგდო ხელთ, ამას კი მოჰყვა მღელვარება და მეგაკლე სხვა აღქმონიდანთან ერთად მაშინვე გაიქცა ათენიდან.

რაც შეეხება სოლონს, თუმცადა უკვე ღრმა მოხუცი იყო და პირადი მცველებიც არ ჰყავდა, მაინც გამოვიდა მოედანზე და ათენელებს სიტყვით მიმართა. იგი კიცხავდა მათ წინადაუხედაობასა და სიღარიბეს და მოუწოდებდა თავისუფლება შეენარჩუნებინათ. მაშინ ერთი ღირსსახსოვარი სიტყვა თქვა: „ეოტა ხნის წინ ახლად ფეხადგმული ტირანის ჩახშობა ათენელთათვის შეტად აღვილი საქმე იყო, აბლა კი, როცა ტირანია განმტკიცდა და ფესვები გაიდგა, მისი მოსპობა ფრიალ დიდი და მნიშვნელოვანი საქმე გახდაო!“.

შეშით მას არავინ ათხოვა ყური. მაშინ სოლონი სახლში დაბრუნდა, გამოიტანა თავისი იარაღი, დაიწყო კარის წინ ქუჩაში და თქვა: „რამდენადაც შემეძლო ვიცავდი სამშობლოსა და კანონებსო!“⁹⁷.

ამის შემდეგ სოლონი სიმშვიდეს მიეცა და არ უჯერებდა მეგობ-

ჩივს, რომლებიც ურჩევდნენ გაქცეულობას. იგი ლექსებს წერდა და ათენელებს გამოჰდა:

ოდეს სამხრდალუ წილად მოგვერით უსახდვრო ტანჯვას,
ღმერთებს ნუ დასდებთ ამ საქმეში ბრალს ჩურაფი თარს;
რაკი ამძლავრეთ ტირანები თქვენოვე ნებით,
კიდევაც უნდა დაემონათ სამარადისოდ.

31. ამ ასეთი ლექსების წერისთვის მრავალნი აფრთხილებდნენ სოლონს: ტირანი მოგკლავსო, და ეკითხებოდნენ, რის იმედი ჰქონდა; ასე თავისუფლად რომ იქცეოდა. „რისი და სიბერისაო“, ამბობდა სოლონი.

შიში ზედმეტი გამოდგა. ძალაუფლების ხელში ჩაგდების შემდეგ პისისტრატე ისეთი მზრუნველობით, პატივისცემითა და სიყვარულით ექცეოდა სოლონს და ისე ხშირად იწვევდა თავისთან, რომ სოლონი ნელ-ნელა მისი მრჩეველი გახდა და პისისტრატეს მრავალ მოქმედებას კებასაც ასხამდა.

სოლონის კანონთა უდიდესი ნაწილი პისისტრატემ ძალაში დატოვა. იგი თვითონაც იცავდა ამ კანონებს და მეგობრებსაც აიძულებდა ასევე მოქცეულიყვნენ. ასე მაგალითად, ერთხელ, როდესაც პისისტრატე უკვე ტირანი იყო, მკვლელობის საქმეზე არეობავში გამოიძახეს. პისისტრატე მორჩილად გამოცხადდა თავის დასაცავად, მაგრამ ის, ვინც მას ბრალს სდებდა, არ მოვიდა.

პისისტრატემ, სხვათა შორის, თვითონაც გამოსცა ზოგი კანონი. მათ შორის იყო ის კანონი, რომლის ძალითაც ომში დასახიჩრებული სახელმწიფო ხარჯზე უნდა შეენახათ. პერაკლიდე ამბობს, ეს კანონი ჯერ კიდევ სოლონმა გამოსცა თერასპეს დასახიჩრებულთან დაკავშირებით და პისისტრატემ სოლონს მიჰბაძაო.

თეოფრასტეს გადმოცემის თანახმად კანონი სიზარმაცის თაობაზე გამოსცა არა სოლონმა, არამედ პისისტრატემ. ამ კანონის წყალობით მიიღწია იმას, რომ მიწა გაცილებით უკეთესად მუშავდებოდა და ქალაქშიც მშვიდობიანობა დამყარდა.

სოლონი, სხვათა შორის, ამ დროს შეუდგა ატლანტისზე არსებულ იმ გადმოცემისა თუ თქმულების პოემად შეთხზვას, რომელიც მან საიხელ ბრძენთაგან მოისმინა და ათენელებს ეხებოდა. მაგრამ ამ საქმეზე ხელი აიღო არა იმითომ, თავისუფალი დრო არ ჰქონდა, როგორც ამას პლატონი ამბობს, არამედ ღრმა მოხუცებულობის გამო

შეუშინდა ასეთ დიდ საქმეს. მას რომ თავისუფალი დრო ჰქონდა, ეს მისი ლექსებიდანაც ჩანს:

ოჰმცადა მოხუცი ვარ, კვლავ ვსწავლობ მე კიდევ ბევრსო.

ანდა:

ახლა კიბრისსა, დიონისეს და მუზებს ვებრძო,
მხიარულების და სიამის მომნიჭებელთა.

32. ატლანტისის თქმულების შინაარსი პლატონისათვის მშვენიერი, მაგრამ დაუმუშავებელი ნიადაგი იყო, რომელიც ნათესაობის უფლების ძალით მიიღო⁹⁸. პლატონი დიდ პატივისცემად თვლიდა დაემუშავებინა და გაელამაზებინა იგი. სოლონის მიერ დაწყებულ საქმეს მან ისეთი დიდი ტალავარი დაუდგა, ისეთი გალავანი შემოავლო და ისეთი ვრცელი ეზო გაუშალა წინ, როგორიც არც ერთ გადმოცემას, არც ერთ თქმულებას და არც ერთ პოემას არ ღირსებია. ამ საქმეს პლატონმაც გვიან მოჰკიდა ხელი და მანამდის გამოესალმა წუთისოფელს, სანამ შრომას დაასრულებდა. ჩვენ, მართალია, დიდად გტკბებით იმით, რაც მან დაგვიწერა, მაგრამ უფრო მეტად გულსა გვწყვეტს ის, რისი შექმნაც ვერ მოასწრო. როგორც ათენელებმა ვერ დაასრულეს ოლიმპიონის აგება, ისე პლატონის სიბრძნემ მრავალ ძვირფას ნაწარმოებთა შორის ვერ მოასწრო დაემუშავებინა ატლანტისის თქმულება.

ჰერაკლიდე პონტოელის გადმოცემით, სოლონმა პისისტრატეს ტირანიის დაწყების შემდეგ საკმაოდ დიდხანს იცოცხლა. ფანიას ერესელი კი ამბობს, ამის შემდეგ ორ წელზე ცოტა იცოცხლაო. პისისტრატემ ტირანობა კომიასის არქონტობის ხანაში დაიწყო, სოლონი კი, ფანიასის მტკიცებით, გარდაიცვალა კომიასის მომდევნო არქონტის პეგესტრატეს მმართველობის დროს⁹⁹.

თქმულება იმის თაობაზე, სოლონის გვამი დაწვეს და ფერფლი სალამინზე გაფანტესო, თავისი უაზრობით სრულიად დაუჯერებელია და მოჩმახულს ჰგავს. მიუხედავად ამისა, ეს ამბავი ასე აქვს აღწერილი ზოგიერთ საპატიო მწერალს და თვით ფილოსოფოს არისტოტელესაც.

ლ უ კ უ ლ უ ს ი

1. ლუკულის¹ პაპა კონსულად ნამყოფი კაცი გახლდათ, ხოლო დედის მხრივ მისი ბიძა იყო მეტელუსი, რომელსაც მეტსახელად ნუმიდიელს ეძახდნენ. რაც შეეხება მის მშობლებს, მამამისი თავის დროზე ამხილეს, როგორც სახელმწიფო ქონების გამფლანგველი, დედას — ცეცილიას კი აღვირახსნილი ცხოვრების გამო სახელი ჰქონდა გატეხილი.

ჯერ კიდევ სულ ახალგაზრდა ლუკულუსმა, სანამ რაიმე თანამდებობის აღსრულებას შეუდგებოდა და სახელმწიფო საქმეებში ჩაებმებოდა, უპირველეს მიზნად დაისახა საჯარო სამართალში მიეცა მამამისის ბრალმდებელი მისანი სერვილიუსი, როგორც ბოროტმოქმედი. ეს ფრიად ბრწყინვალე საქმედ მიიჩნიეს რომაელებმა; სერვილიუსის გასამართლების ამბავი, როგორც დიდი მიღწევა, ყველას პირზე ეკერა. რომაელებს საერთოდ უღირს საქციელად როდი მიაჩნდათ თუნდაც საბაბის გარეშე ვისმე წინააღმდეგ ბრალდებით გამოსვლა. პირიქით, მათთვის დიდი სიამოვნება იყო ეცქირათ ახალგაზრდებისათვის, რომლებიც ისე მიესგოდნენ დანაშაულის ჩამდენთ, ვით ჯიშინი ლეკვები ნადირს.

სერვილიუსის გასამართლების დროს მხარეთა შორის საშინელი დავა ატყდა; რამდენიმე კაცი დაჭრეს, ზოგი მოკლეს. ბოლოს და ბოლოს სერვილიუსი გაამართლეს.

ლუკულუსი შესანიშნავად იყო გაწაფული ორსავე ენაში და ჩინებულადაც ლაპარაკობდა². ამიტომ სულამ საკუთარი ხელით დაწერილი თავის საქმეთა აღწერილობა მიუძღვნა, როგორც ისეთ კაცს, რომელიც გაცილებით უკეთ შეძლებდა მის მოწესრიგებას და დალაგებას³.

მისი მჭევრმეტყველება უბრალო და გაცვეთილი როდი იყო. ლუ-

კუთხის სიტყვა სრულიად არ ჰგავდა ზოგიერთ მკვარცმეტყველოთა იმ სიტყვას, რომელიც, მართალია, ფორუმს აღელვებს,

ვით ზღვის ზედაპირს ეეება და მოქნილი თევზი,

მაგრამ ფორუმს გარეშე

ხდება უნიკო. უსიცოცხლო, სულ გამომშრალი

სილამაზის სიყვარულით ლეკულებსა სიყმაწვილეში ეგრეთ წოდებული თავისუფალი და ყოველმხრივი განათლება მიიღო. უფრო ჯერ, უკვე სიბერის უამს, მრავალი ბრძოლით დაქანცულმა ჭკუა-გონებას საზრდო მისცა იმით, რომ ფილოსოფიას მოჰყიდა ხელი. ამან ახალი ძალა შეჰმატა მოკლენათა აღქმის უნარში და ამავე დროს პომპეტუტად უთანხმოების შედეგად წარმოშობილ მის მედიდურებას ფრთა შეაკვეცა.

მის განსწავლულობაზე, გარდა ზემო თქმულისა, გადმოგვცემენ შემდეგ ამბავსაც: ერთხელ თურმე ახალგაზრდობაში ჯერ ხუმრობით მერმე კი მთელი ზიზინით შეუთანხმდა ვეკილ ჰორტენზიუსსა და ისტორიკოს ჰიზენას, რომ მათი თხოვნით შეადგენდა მარსების ომის აღწერილობას ლექსად ბერძნულ ან ლათინურ ენაზე, იმისდა მიხედვით, თუ როგორ შეხედებოდა კენჭისყრით. როგორც ჩანს, ლუკულუსს წილად ზედა შეედგინა ეს აღწერილობა ბერძნულ ენაზე. მართალია, ჩვენ დღემდე შემოგვენახა მარსების ომის ისტორია ბერძნულად.

იმ მრავალ ღირსსახსოვარ შემთხვევათაგან, რომლებიც ადისტურებენ, თუ როგორ უყვარდა ლუკულუსს თავისი ძმა მარკუსი, რომაელები, უწინარეს ყოვლისა, იხსენიებენ ხოლმე შემდეგს: ლუკულუსი უფროსი იყო, მაგრამ არ მოინდომა ძმის გარეშე მიეღო რაიმე თანამდებობა და დიციდა, ვინემ ძმაც კანონით გათვალისწინებულ ასაკს არ მიაღწევდა. ლუკულუსის კეთილშობილური საქციელით ისე კმაყოფილი დარჩა ხალხი, რომ იგი ძმასთან ერთად დაუსწრებლად აირჩიეს ედილის თანამდებობაზე.

2. მარსების ომში ახალგაზრდა ლუკულუსმა სიმამაცისა და ღრმა მოსაზრებულობის მრავალი მაგალითი გამოიჩინა. მაგრამ ყველაზე მეტად სულამ სიმტკიცისა და უბოროტო ხასიათისათვის შეიყვარა. სულა მას თავიდანვე დიდმნიშვნელოვან საქმეთა შემსრულებლად იყენებდა. მათ შორის აღსანიშნავია ფულის მოჭრის საქმე ფულის

უდიდესი ნაწილი მითრილატესთან წარმოებული ომის დროს პელოპონესში სწორედ ლუკულუსის თაოსნობით მიტრეს. ამ ფუფუნ მისდა საპატიოდ „ლუკულუსის ფული“ ეწოდა. მას საკმაოდ დიდხანს ბმარობდნენ და სწრაფადაც ბრუნავდა, ვინაიდან სამხედრო ხარჯები ამ ფულით იფარებოდა.

ამ დროს, როდესაც ათენის ადემბის წყალობით სულა ბმელეთზე მბრძანებლობდა, ზღვაზე ბატონობა მაილიანად მტრის ზელთ იყო. მტერმა სულას ზღვიდან სურსათის მისაზიდი გზა გადაუჭრა. ამიტომ სულამ ლუკულუსი ეგვიპტესა და ლიბიაში გაგზავნა, რათა იქიდან ზომალდები ჩამოეყვანა:

შუა ზამთარი იყო. სამი ბერძნული ზომალდით და ამდენივე როდოსული დიკროტოსით⁸ ლუკულუსი ღია ზღვაში ვავიდა. იგი დიდი წვალეებით დაუსხლტა მტრის ურიცხვ ზომალდებს, რომლებიც ყოველი მხრივ სერაიდნენ ზღვას და, რაღა თქმა უნდა, ლუკულუსს საფრთხეს უქმნიდნენ. მიუხედავად ამისა, იგი კრეტას მიაღწა და ეს კუნძული თავის მხარეზე გადაიბირა.

კვირენეში⁹ რომ მივიდა, ლუკულუსმა იქაური მცხოვრებლები ტირანთა ძალმომრეობისა და შეუწყვეტელი ომების გამო ფრიად აღელვებული იხილა. კვირენელები მან დააშოშმინა და სახელმწიფო წყობილება დაუდგინა. აქ ლუკულუსმა მოქალაქეებს გაახსენა პლატონის ნაწინასწარმეტყველები კვირენელთა მიმართ. კვირენელებმა აჟრმე პლატონს სთხოვეს მათთვის კანონები შეედგინა და ზალხი სანიმუშო სახელმწიფოებრივი წყობილების გზაზე დაეყენებინა. პლატონმა უპასუხა: კვირენელებისათვის, რომლებიც ეგზომ ბედნიერ ყოფაში არიან, კანონების შედგენა ადვილი საქმე არ არისო. მართლაც, არაფერია ისე ძნელი, როგორც იმ ადამიანის დამორჩილება, რომელიც თავს ბედნიერად ავლის, და არაფერია იმაზე ადვილი, როგორც ბედისგან დაჩაგრულ კაცზე ბატონობა.

აი, ამიტომ იყო, რომ კვირენელები ზალხით დაემორჩილნენ მას ლუკულუსის მიერ შედგენილ კანონებს.

კვირენედან ლუკულუსი ეგვიპტეში გაემართა. გზაზე მას თავს დაესხნენ მეკობრეები და ზომალდთა დიდი ნაწილი დაკარგა. თვითონ გადარჩა და დიდი ზეიმით შევიდა ალექსანდრიაში. აქ მას შემოეგება ეგვიპტის სავანგებოდ მორთული მთელი ფლოტი, როგორც ეს ჩვეულებრივ ზღვაში გასული მეფის დაბრუნების დროს ხდებოდა

ხოლმე ჭაბუკმა პტოლემეოსმა არაჩვეულებრივი თავაზიანობა გამოიჩინა ლუკულუსის მიმართ. მიუჩინა მოსასვენებელი ბინა სასახლეში და საზრდოც დაუნიშნა. ერთი სიტყვით, ასეთი რამ არც ერთ უცხოელ სარდალს არ ჰქონებია მანამდე იქ. ლუკულუსისა და მისი ამალის შესანახავად გაღებული ხარჯი ოთხმაგად აღემატებოდა იმას, რასაც მეფე ჩვეულებრივ სხვებს უნიშნავდა. მაგრამ ლუკულუსი არაფერს იღებდა იმაზე მეტს, რაც მისთვის აუცილებელი იყო. ის კი არა, მეფის მიერ გამოგზავნილი საჩუქარიც არ აიღო, თუმცაღა ეს საჩუქარი ოთხმოცი ტალანტის ფასისა გახლდათ.

ამბობენ, ლუკულუსმა არ მოინდომა არც მემფისში წასვლა და არც ეგვიპტის დიდებული და სახელგანთქმული ძეგლების ხილვაო. მას უთქვამს: „ამ სანახაობათა დათვალიერება მოცლილი და განებივრებული კაცის საქმეა და არა იმის, ვინც ჩემსავით მტრის სიმაგრეთა მახლობლად ღია ცის ქვეშ დაბანაკებული დატოვა თავისი იმპერატორიო“.

3. პტოლემეოსმა მითრიდატესთან ომის შიშით რომაელთა მოკავშირეობაზე უარი თქვა, მაგრამ ლუკულუსს მისცა საბადრავო ხომალდები, რომლებიც კიპროსამდე გააცილებდნენ. გამგზავრების დროს პტოლემეოსი დიდი თავაზით გამოეთხოვა ლუკულუსს და საჩუქრად ოქროს ბუდეში ჩასმული ძვირფასი ზურმუხტი უბოძა. ლუკულუსს ჯერ არ უნდოდა საჩუქრის აღება, მაგრამ როცა უჩვენეს, მასზე მეფის სახე იყო ამოკვეთილი, საბოლოო უარის თქმა ვეღარ გაბედა. შეეშინდა: მეფემ არ იფიქროს მტრული განწყობილებით ეტოვებდე აქაურობას და ზღვაზე მგზავრობის დროს ხიფათი არ შემამთხვიოსო.

გზადაგზა ლუკულუსმა მრავალი ხომალდი მოაგროვა ზღვისპირა ქალაქებში. გამონაკლისს წარმოადგენდნენ ის ქალაქები; რომლებიც მონაწილეობდნენ მეკობრეთა ავაზაკურ საქმიანობაში. ამგვარად მოპოვებული ხომალდებით იგი მიაღვა კიპროსს. აქ შეიტყო, რომ მტრის ხომალდები ჩასაფრებული იყვნენ კონცხებთან და უთვალთვალდნენ. ლუკულუსმა ყველა თავისი ხომალდი ხმელეთზე ამოთრევინა, მეზობლად მდებარე ქალაქებს კი გამოსაზამთრებლად ვარვის ბინების მომზადებისა და სურსათის მომარაგების თაობაზე მისწერა, თითქოს განზრახული ჰქონდა აქ დალოდებოდა გაზაფხულს. მაგრამ დადგა თუ არა ზღვაში გასვლისთვის ხელსაყრელი ამინდი, მყისვე ჩაუშვა ხომალდები წყალში და კიპროსიდან გავიდა. დღისით

დაშვებულო, ხოლო ღამით გაშლილი იალქნებით მიცურავდა იგი ზღვაზე და ბოლოს მშვიდობიანად მიაღწია როდოსს.

როდოსელებმა ლუკულუსს მრავალი ზომადი მიუძღვნეს. რაც შეეხება კოსელებსა და კნიდოსელებს, ისინი დაარწმუნა განდგომოდნენ მეფეს და მასთან ერთად გაელაშქრათ სამოსელთა წინააღმდეგ¹⁰. პირადად ლუკულუსმა ქიოსიდან განდევნა მეფის ჯარები. გაათავისუფლა კოლოფონელები და მათი ტირანი ეპიკონე შეიპყრო.

სწორედ ამ დროს მითრიდატემ მიატოვა პერგამოსი და პიტანეში ჩაიკეტა¹¹. აქ მას ხმელეთიდან ალყა შემოარტყა ფიმბრია¹². მითრიდატემ თვალები საშველად მხოლოდ ზღვას მიაპყრო. რაკი მამაცსა და გამარჯვებულ ფიმბრიასთან შებრძოლებას ველარ ბედავდა, ყოველმხრივ გაფანტულ ფლოტს თავი მოუყარა და თავისკენ გაიწვია. ფიმბრია ამას ხედავდა, მაგრამ საზღვაო ძალები არ გააჩნდა. ამიტომ ლუკულუსს წერილი გაუგზავნა და სთხოვა მოსულიყო თავისი ფლოტით, რათა შეერთებული ძალებით მოესპოთ მითრიდატე, ყველაზე უფრო მძვინვარე და საშიში მტერი მეფეთა შორის, და მრავალი ბრძოლისა და ტანჯვის ფასად დევნილი ეს სახუკვარი ნადავლი ხელიდან არ დასხლტომოდათ რომაელებს: მით უმეტეს, იგი ასე ახლოა თავდასხმისთვის და უკვე გაბმულია მახეშიო. თუ იგი დაიჭირეს, არავის ექნება ისეთი დიდი სახელი, როგორც მას, ვინც მითრიდატეს გაქცევაში ხელი შეუშალა და ვინც იგი შეიპყრო იმ დროს, როცა თავის დახსნას აპირებდაო. ფიმბრია ლუკულუსს სწერდა: ჩვენ ორივენი გავიყოფთ გამარჯვებით მოპოვებულ სახელს, თუ მითრიდატეს მე ხმელეთიდან უკუვაგდებ, შენ კი ზღვიდან გადაუჭრი უკან დასახევე გზას; რომაელები მაშინ აღარაფრად ჩათვლიან ორქომენსა და ქერონეასთან სულას მიერ მოპოვებულ სახელგანთქმულ გამარჯვებებსო.

ფიმბრიას სიტყვებში გადაჭარბებული არა იყო რა. ყველასათვის აშკარა გახლდათ, საკმაოდ ახლო მანძილზე მყოფ ლუკულუსს რომ ფიმბრიასათვის დაეჯერებინა, ხომალდები აქ მოეყვანა და თავისი ფლოტით ნავსადგური ჩაეკეტა, ომი დამთავრდებოდა და მთელი ქვეყანა მრავალ უბედურებას აიცილებდა თავიდან. მაგრამ ლუკულუსი ალბათ უფრო მეტი მოწიწებით ეკიდებოდა სულას დავალებას, ვიდრე საკუთარსა და საზოგადო სურვილებს, ან შეიძლება ეზიზღებოდა

უწმინდესი ფიშბრია. რომელმაც სულ მცირე ხნის წინ თანამდებობის გულისათვის მოკლა თავისი მეგობარი და სარდალი¹³; ან კიდევ შე-საძლებელია ლუკულუსმა განგებინა ძალის თანახმად დაზოგა მითრი-დატე, ვით მისი მომავალი მოწინააღმდეგე და ფიშბრიას თხოვნა არ შეესაძინა. ამით მან საშუალება მისცა მითრიდატეს პიტანედან ზღვა-ში გასულიყო და დამცინავი დიმიდონი აეგლო გვერდი ფიშბრიას მხედრობისათვის.

უწინარეს ყოვლისა, ლუკულუსმა თვითონ გაანადგურა მეფის ის ხომალდები, რომლებიც ტროადის კონცხს ლეკტონთან შემოხვდა. მცირე ხნის შემდეგ შენიშნა, ტენედოსთან¹⁴ ღუზაზე იდგა ნეოპტო-ლეშ¹⁵ გაცილებით უფრო დიდი ფლოტით. ლუკულუსი ყველაზე ადრე დაიძრა მის წინააღმდეგ ხუთ რიგზე გამწყრივებულ ხომალდი-ანი რომდოსული ხომალდით, რომელსაც რომელითა ერთგული და სა-ზღვაო ბრძოლებში ფრიად გამოცდილი დამაგორა მესაჭეობდა. ნე-ოპტოლეშე ელვისებური სისწრაფით გაეშურა ლუკულუსთან შე-სახვედრად და მესაჭეს უბრძანა ცხვირით დატაკებოდა მტრის ხო-მალდს. დამაგორას შეეშინდა სამეფო ხომალდის სიმძიმისა და ცხვი-რის ძალის და მასთან ბრძოლაში პირისპირ შეხმა ვერ გაბედა; მან თავისიანებს სწრაფად მიაბრუნებინა ხომალდი გვერდზე და კიბო, რაც კი შესაძლებელი იყო, დაბლა დაახრევინა. ამგვარად გადახრილ ხომალდს მტრის ხომალდის ცხვირის დარტყმით ოდნავი ზიანიც არ მოსვლია, ვინაიდან ეს დარტყმა მხოლოდ ხომალდის წყალში ჩაშვე-ბულ ნაწილზე მოხდა. ამასობაში ლუკულუსს მოკავშირეთა ხომალ-დებმაც მოუსწრეს. მან ბრძანა მისი ხომალდი ისევ მოებრუნებინათ ცხვირით წინ და მრავალი გმირობის ჩადენის შემდეგ მტერი უკუაქ-ცია და ნეოპტოლეშეს დაედევნა.

4. ამის შემდეგ ლუკულუსი შეუერთდა სულას, რომელიც ხერო-ნესოსთან¹⁶ იდგა და მცირე აზიაში გადასვლას ლაშობდა. ლუკულუს-მა მისი გადასვლა საფრთხისაგან უვნებელაყო და მხედრობაც გადა-ყვანიდა.

ჩქარა ზავიც შეიკრა¹⁷. მითრიდატემ თავისი ფლოტით ეგქსინის პონტოს¹⁸ სანაპიროებისაკენ დაიხია. აზიას სულამ ოცი ათასი ტალან-ტის ხარკი დაადო და ლუკულუსს დაავალა, ეს თანხა აეკრიფა და იმით რომაული ფული მოეჭრა. სულას სასტიკი მოქმედების დროს ლუკულუსი ერთგვარი ნუგეში იყო აზიის ქალაქებისათვის. ასეთი

მძიმე და უწყალო დავალების აღსრულებისას იგი ცდილობდა სა-
მართლიანი ყოფილიყო და ღმობიერადაც იქცეოდა.

მას, მაგალითად, უნდოდა მიტილენელები, რომლებიც აშკარად
აუჯანყდნენ სულას, გონს მოსულიყვნენ და იმ შეცოდებისათვის, რაც
მარიუსს მიმზრობით ჩაიდინეს, მაინცდამაინც სასტიკად არ დასჯილი-
ყვნენ¹⁹. მაგრამ როცა დაინახა, მიტილენელები ჭიუტობდნენ, თავისი
ფლოტი მათ წინააღმდეგ დაიძრა, დაამარცხა ისინი საზღვაო ბრძო-
ლაში, ჩაეცა ქალაქის კედლებში და ალყა შემოარტყა. მერმე კი,
დღის სინათლეზე, სრულიად აშკარად, ღუზა აუშვა და ელვასაყენ²⁰
გაეძარტა; მაგრამ სულ მალე შეუშინევლად დაბრუნდა უკან და ქა-
ლაქის მახლობლად ჩააფრდა. მიტილენელები იმ ვანზრახვით, რომა-
ელების მიერ ვითომც მიტოვებული ზანაკი რომ დაერბიათ, უწყსრი-
გოდ, გაბედულად გამოცვრდნენ ქალაქიდან. ლუკულუსი მყისვე და-
ესხა მათ თავს; მრავალი მათგანი დაატყვევა, ხოლო ხუთასი კაცი იმ
მიტილენელთა შორის, რომლებიც თავს მედვრად იცავდნენ, სიცო-
ცოლეს გამოასალმა. სულ ამ ბრძოლაში ექვსი ათასი მონა ჩაიგდო
ხელთ და სხვა უთვალავი ნადავლიც წამოიღო.

ლუკულუსს რაღაც ზეციური განგების ძალით მცირეოდენი წი-
ლიც კი არ ედო იმ მრავალგვარ უბედურებაში, რაც სულამ და მარი-
უსმა იტალიის ხალხებს დაატეხეს თავს, ვინაიდან იგი ხანგრძლივად
იმყოფებოდა აზიაში და იქაური ამბებით იყო გართული. მიუხედა-
ვად ამისა სულა მას თავის სხვა მეგობრებზე ნაკლებ პატივს როდი
სცემდა. ის კი არა, როგორც ზემოთაც ვთქვით, მისადმი სიყვარულის
აღსანიშნავად საკუთარ მოგონებათა კრებულში გადასცა, ხოლო როცა
კვდებოდა, პომპეუსს გვერდი აუარა და შვილის მეურვედ და-
ნიშნა.

როგორც ჩანს, სწორედ ეს იყო პირველი მიზეზი ლუკულუსსა და
პომპეუსს შორის არსებული მეტოქეობისა და შურისა. ისინი მაშინ
ახალგაზრდები იყვნენ და სახელის მოხვეჭის ცეცხლით იწვოდნენ.

5. სულას სიკვდილიდან ცოტა ხნის შემდეგ, დაახლოებით ასა-
მოცდამეთექვსმეტე ოლიმპიადაში²¹, ლუკულუსმა მარკუსს კოტასთან
ერთად კონსულობა მიიღო. რომელთა უმრავლესობა ამ დროს მით-
რიდატესთან ომის განახლებას მოითხოვდა. თვითონ მარკუსიც ამ-
ბობდა: ეს ომი კი არ დამთავრებულა, მხოლოდ მცირე ხნით შეწყდაო.
ლუკულუსი, რაკი საგამებლოდ ალბესამიერ გალია ზედა წილად,

საკმაოდ ნაწყენი იყო; დიად საქმეთა შესასრულებლად აქ ნიადაგი არ გააჩნდა. ყველაზე უფრო მეტად ლუკულუსს მაინც პომპეუსი და მის მიერ ესპანეთში მოპოვებული გამარჯვებები აღიზიანებდა. ადვილი მოსალოდნელი იყო, თუკი პომპეუსი ესპანეთში ომის დამთავრებას მოახერხებდა, მყისვე აირჩევენ მთავარსარდლად მითრიდატეს წინააღმდეგ. აი, ამიტომ, როცა პომპეუსი ფულს თხოულობდა და წერილით იმუქრებოდა: თუ არ გამომიგზავნი, ესპანეთსა და სერტორიუსს²² სულ დავანებებ თავს და მხედრობას იტალიისკენ დავძრავო, ლუკულუსი მეტისმეტი გულმოდგინებით ცდილობდა, გაეგზავნა ფული და არ მიეცა მისთვის ოდნავი საბაბი, რათა უკან დაბრუნებულიყო მისი კონსულობის ვადის განმავლობაში. წინააღმდეგ შემთხვევაში მთელი რომი მრავალრიცხოვანი მხედრობის წინამძღოლის მორჩილებაში აღმოჩნდებოდა.

გარდა ამისა, ლუკულუსს ქალაქშიც ჰყავდა მტერი. ეს იყო ცეთეგუსი, რომელიც სახელმწიფოში დიდი გავლენით სარგებლობდა იმის წყალობით, რომ ყოველნაირად, სიტყვით თუ საქმით, ხალხის გულის მოგებას ცდილობდა. ლუკულუსი ზიზღის თვალით უყურებდა გარყვნილ, თავხედსა და უამრავი ცოდვებით აღსავსე ცეთეგუსს და აშკარა ომს უცხადებდა. მეორე დემაგოგი ლუციუს კვინკტიუსი სულას მიერ დაწესებული მმართველობის წინააღმდეგ აღსდგა და არსებული წყობილების დამხობას შეეცადა²³. ლუკულუსმა თუ პირადი შეგონებით, თუ საჯარო გაკიცხვით ამ განზრახვაზე ხელი ააღებინა, მის პატივმოყვარეობას ფრთა შეაკვეცა და, როგორც კი შეეძლო, ბრძნულად და სახელმწიფოსათვის საკეთილდღეოდ დიდი ღირსი ძირშივე მოსპო.

6. ამჟამობაში კილიკიის მმართველ ოქტავიუსის სიკვდილის ცნობა მოვიდა. რომში მრავალს აღეძრა სურვილი, უმმართველოდ დარჩენილი მხარე საგამგებლოდ მიეღოთ. ისინი, ვინც ამისაკენ მისწრაფოდნენ, ფეხქვეშ ეგებოდნენ ცეთეგუსს, ვითარცა ყოვლისშემძლე კაცს, რომელსაც ამ საქმის მოგვარება შეეძლო. საკუთრივ კილიკიას ლუკულუსი დიდ რამედ არა თვლიდა, მაგრამ ფიქრობდა, თუ იგი კაპადოკიასთან მახლობლად მდებარე ამ მხარეს საგამგებლოდ მიიღებდა, მითრიდატეს წინააღმდეგ გაჩაღებულ ომში მის გარდა ზხვას არავის გაგზავნიდნენ სარდლად. ამიტომ ყოველგვარ ღონეს მიმართა და შეეცადა კილიკიის მხარე სხვისთვის არ დაეთმო. ბო-

ლოს და ბოლოს, ლუკულუსი, მისი ბუნების წინააღმდეგ, იძულებული გახდა ისეთ გზას დასდგომოდა, რომელიც არ იყო საკადრისი და საქები, მაგრამ მისნის მისაღწევად კი სასარგებლო ჩანდა.

იმ დროს რომში ცხოვრობდა ვინმე პრეცია, რომელსაც სილამაზისა და სითამამის წყალობით სახელი ჰქონდა განთქმული ქალაქში. ეს პრეცია სხვა მეძავი ქალებისაგან იმით გამოირჩეოდა, რომ ხშირად თავისი საყვარლების დახმარებით მეგობრებს მისწრაფებების აღსრულებასა და თანამდებობის მიღებაში შეეღობა. ამიტომ სხვა მშვენიერებასთან ერთად თავი ისახელა, როგორც მეგობრის მოყვარულმა და საქმიანმა ქალმა. ასეთი მოქმედებით პრეციამ მეტად დიდი გავლენა მოახდინა. როცა მან იმხანად დიდი სახელის მქონე და ქალაქის სადავეების მპყრობელი ცეთეგუსი მოხიბლა და მისი ხასა გახდა, სახელმწიფოს მთელი ძლიერება თანდათანობით მის ხელში გადავიდა. არაფერი არ კეთდებოდა აქ ცეთეგუსის ჩაურევლად, ცეთეგუსი კი არაფერს აკეთებდა პრეციას ბრძანების გარეშე.

და აი, ლუკულუსმა საჩუქრებითა და პირფერობით პრეციას გული მოიგო (ამ ამაყსა და მედიდურ ქალს ლუკულუსისათვის დახმარების გაწევა სასახლო საქმედ მიაჩნდა). ამის შემდეგ ცეთეგუსმა მაშინვე დაიწყო ლუკულუსის ქება-დიდება და მისთვის კილიკია გამოითხოვა.

მიიღო თუ არა კილიკია საგამგებლოდ, არც პრეციასა და არც ცეთეგუსს დახმარება ლუკულუსს აღარ დასჭირვებია; მითრიდატესთან ომის წარმოება ყველამ ერთხმად მიანდო, როგორც ისეთ სარდალს, რომელიც სხვაზე გაცილებით უკეთესად შესძლებდა ამ ომის დამთავრებას. პომპეუსი ამ დროს ჯერ კიდევ სერტიორუსთან ბრძოლით იყო გართული, ხოლო მეტელუსი²⁴ სიბერის გამო სამხედრო სამსახურზე უარს აცხადებდა; ლუკულუსისათვის მეტოქეობის გაწევა კი მხოლოდ და მხოლოდ ამ ორ კაცს შეეძლო.

ლუკულუსის თანაკონსული კოტა, დიდხნის დაყინებითი თხოვნის შემდეგ, სენატმა ზომადლთა კრებულით გაგზავნა პროპონტიდის დასაცავად და ბითვინიისათვის საბრძოლველად²⁵.

7. ლუკულუსი ერთი ლეგიონის თანხლებით, რომელიც თვითონვე შეადგინა იტალიაში, მცირე აზიაში გადავიდა. აქ დანარჩენი ძალებიც შემოიკრიბა, მაგრამ მთელი აქაური მხედრობა ნებიერი ცხოვრებისა და ვერცხლისმოყვარეობის წყალობით უკვე ხელიდან წასუ-

ლი იყო. განსაკუთრებით გამოირჩეოდნენ ამ მხრივ ეგრეთ წოდებული ფიშბრიაწელები, რომლებიც ასე შეთვისებოდნენ ანარქიას, რომ მათი დამორჩილება შეუძლებელი იყო. სწორედ ესენი იყვნენ, ფიშბრიაწის თაოსნობით რომ კონსტული და საკუთარი სარდალი ფლაკუსი მოკლეს და მერმე ფიშბრიაწაც ულაღატეს და სულას გადასცეს. ამ თავხედ ფიშბრიაწელებს კანონები არაფრად მიაჩნდათ, სამაგიეროდ მეტისმეტად მამაცი, გაჭირვების ამტანი და ომში გამოცდილი იყვნენ. ლუკულუსმა სულ მოკლე დროში ამათ თავხედობასაც შეაკვეცა ერთა და სხვებიც აიძულა დამორჩილებოდნენ მის მბრძანებლობას. მათ მაშინ პირველად იწვნიეს ალბათ, თუ რას ნიშნავდა ნამდვილი მმართველი და მხედართმთავარი. მანამდე კი თავზე ხელის სმას იყვნენ დაჩვეულნი და სურვილისდა მიხედვით მიდიოდნენ ხოლმე სალაშქროდ.

რაც შეეხება მტერს, მისი საქმე ასე იყო: მითრიდატე, როგორც ეს სოფისტებს სჩვევიათ ხოლმე, თავდაპირველად დიდი გოგროზობითა და მედიდურობით აღსდგა რომაელთა წინააღმდეგ და გარეგნულად ბრწყინვალე და სანაქებო, სინამდვილეში კი სრულიად გამოფიტული მხედრობა დაუპირისპირა. მაშინ იგი სასაცილოდ დამარცხდა. სამაგიეროდ ჭკუა ისწავლა და, როცა რომაელებთან მეორე ომის გადახდა დასჭირდა, თავისი ძალების მართლაც ნამდვილ და საქმიან მომზადებას შეუდგა. მან თავიდან მოიცილა მეტისმეტად ჭრელი ლაშქარი, მრავალ ენაზე მეტყველ საშიში პარზაროსებისაგან რომ შედგებოდა, და აკრძალა ოქროთი და ძვირფასი თვლებით იარაღის შემკობა, გინაიდან ასეთი იარაღი გამარჯვებული მტრისათვის სანუკვარი ნაღავლი იქნებოდა, პატრონს კი არავითარ სარგებლობას არ მოუტანდა. ასეთი იარაღის სანაცვლოდ მითრიდატემ რომაული ყაიდის ხმლები გამოაქვინა და მძიმე ფარებიც დაამზადებინა. მერმე თავი მოუყარა ცხენებს, რომლებიც უფრო მეტად გაწვრთნილი იყვნენ, ვიდრე მოსართავებით შემკობილნი, ფეხზე დააყენა რომაულ საბრძოლო წყობას შეთვისებული ას ოცი ათასი მეომრისაგან შემდგარი ქვეითი ჯარი და გარდა ასი ოთხცხენიანი საომარი ეტლისა, რომელთა თვლებზეც ბასრი ცელები იყო დამაგრებული, თექვსმეტი ათასი ცხენოსანიც მოაგროვა. საბრძოლოდ მოამზადა მითრიდატემ ხომალდებიც. მათზე უკვე აღარ იყო ოქროთი გადახურული კარგები, ხასებისათვის განკუთვნილი სააბაზანოები და მდიდრული სამე-

ფო პარამხანგბი. თავისი ფლოტი მითრიდატემ ახლა იარაღით, ისრებითა და ფულით აავსო.

ამის შემდეგ იგი ბითვინიაში შეიჭრა. აქაური ქალაქები სიხარულით ეგებებოდნენ. არა მარტო ბითვინიას, არამედ მთელ აზიას მოედებოდა ძველი სენი. იგი მზად იყო განდგომოდა რომს, ვინაიდან რომაელი მეფეაშენები და გადასახადების ამკრეფნი მეტისმეტად ტანჯავდნენ. უფრო გვიან ლუკულუსმა ეს პარპიები²⁶, აზიის მოსახლეობას რომ საევეს სტაცებდნენ, აქედან გააძევა; პირველ ხანებში კი რჩევა-დარიგებებს აძლევდა, ცდილობდა ზომიერების დაცვა ესწავლებინა მათთვის და ამის წყალობით ერთგვარად შეაჩერა კიდეც ჩამოცილება ზოგიერთი ტომებისა, რომელთაგანაც, კაცმა რომ თქვას, არც ერთი არ იყო მშვიდად.

8. იმ დროს, როცა ლუკულუსი ზემოაღნიშნული საქმეებით იყო გართული, კოტა, რომელსაც ეგონა, ამსათვის მარჯვე დრო დამიდვო, მითრიდატესთან საბრძოლველად ემზადებოდა. მას ყოველი მხრიდან ატყობინებდნენ: ლუკულუსი მოახლოვდა და უკვე ფრიგიასი არის დაბანაკებული. კოტა ფიქრობდა, გამარჯვების ტრიუმფი თითქმის ჩემ ხელთ არისო. რომ ამ ტრიუმფში ლუკულუსსაც არ დაედო თავისი წილი, ბრძოლის დაწყება მეტისმეტად იჩქარა, მაგრამ ხმელეთსა და ზღვაზე ერთდროულად დამარცხდა. მან ბრძოლაში დაკარგა სამოცი ზომადი თავისი შემადგენლობით და ოთხი ათასი ქვეითი მეომარი, თვითონ კი ჩაკეტეს და ალყა შემოარტყეს ქალაქდონში²⁷. დამარცხებული კოტა ლუკულუსს მისჩერებოდა: არიქა, მიშველეო.

იყვნენ ისეთები, რომლებიც ლუკულუსს ურჩევდნენ, ზედის ანაბარა მიეტოვებინა კოტა, წინ წასულიყო და მითრიდატეს სამეფო აედო. ისინი არწმუნებდნენ: ამ სამეფოს დამცველი არა ჰყავსო. ასეთ რჩევას უპირატესად იძლეოდნენ ჯარისკაცები, რომლებიც გამწყრალნი იყვნენ კოტაზე. მათი აზრით, კოტამ თავისი რეგენობით არა მარტო საკუთარი თავი და მეომრები დაღუპა, არამედ მათაც შეუშალა ხელი, რადგან შეეძლოთ ყოველგვარი ბრძოლის გარეშე მოეპოვებინათ გამარჯვება. ამ ჯარისკაცებს ლუკულუსმა თავის სიტყვაში ასე უბასუხა: მტრის მთელი ავლა-დიდების ზელში ჩადგმვას მოწინააღმდეგისაგან ერთი რომაელის დახსნა მირჩევნიაო.

მითრიდატეს ყოფილი სარდალი ბეოტიაში, არქელაე, რომელიც

მეფეს განუდგა და რომაელებთან ერთად ლაშქრობდა, ლუკულუსს უმტკიცებდა: „მარტო შენი გამოჩენაა საკმარისი პონტოში, რომ იქაურობის სრული მბრძანებელი გახდეო“. „არა, — უთხრა მას ლუკულუსმა, — მონადირეებზე მხდალი როდი ვარ, ჯერ ნადირს გავგერიდო და მერმე მის ცარიელ ბუნავში შევიჭრო“.

თქვა თუ არა ეს, ოცდაათი ათასი ქვეითი მეომრით და ორი ათას ხუთასი ცხენოსნით ლუკულუსი მითრიდატეს წინააღმდეგ დაიძრა. როცა იგი მტრის პირისპირ დადგა, მოწინააღმდეგის ძალთა სიმრავლემ საკმაოდ შეაძრწუნა. ამიტომ გადაწყვიტა ბრძოლა გადაედო და დრო გაეჭიანურებინა. მაგრამ მას შემოეგება სარდალი მარიუსი²⁸ რომელიც ესპანეთიდან მამველი ძალებით სერტორიუსმა გამოუგზავნა მითრიდატეს. მარიუსმა ლუკულუსი საომრად გამოიწვია. ამანაც თავისი ძალები საბრძოლოდ დააწყო. ის-ის იყო მარიუსი და ლუკულუსი ერთმანეთს უნდა შეებმოდნენ, რომ უეცრად ჰაერი შეაზე გაიბო და გამოჩნდა რაღაც უზარმაზარი ცეცხლოვანი სხეული, რომელიც ორ მოწინააღმდეგე ბანაკს შორის მოექანებოდა; ის ძალიან ჰგავდა კასრს და გავარვარებული ვერცხლის ფერი იყო. ამ მოჩვენებას იმეტი თავზარი დისცა ორივე მხედრობას, რომ ისინი უბრძოლველად დაშორდნენ ერთმანეთს. როგორც ამბობენ, ეს ამბავი მოხდა ფრიგიისში, ეგრეთ წოდებული ოტრიის მახლობლად.

ლუკულუსი ფიქრობდა, მითრიდატეს უთვალავ მხედრობას, ისიც მაშინ, როცა ამ მხედრობის პირისპირ მტერი იდგა, ვერავითარი მარაგი და სიმდიდრე ვერ შეინახავდა ხანგრძლივი დროის განმავლობაში. ამის დასამტკიცებლად ლუკულუსმა მოაყვანინა ერთ-ერთი ტყვე და ორი კითხვა მისცა: პირველი — თუ რამდენ კაცთან ერთად ცხოვრობდა კარავში, მეორე — თუ რამდენი სურსათი დატოვა იქ. როცა ტყვემ პასუხი მისცა, ლუკულუსმა იგი განზე გაიყვანა, მერმე ასევე რიგრიგად დაჰკითხა მეორე და მესამე ტყვეც. ამის შემდეგ ერთმანეთს შეუფარდა მტრის მეომრებსა და სურსათის რაოდენობა და დასკვნა, რომ მტერს დარჩენილი ჰქონდა საჭმლის სამი თუ ოთხი დღის მარაგი.

ამიტომ ლუკულუსი შეეცადა დროის უფრო მეტად გაჭიანურებას. თვითონ კი ბანაკში უამრავი სურსათი მოაზიდვინა, რათა უხვად მომარაგებული დალოდებოდა მტრის კარზე მიმდგარ გაჭირვებას.

9. ამასობაში მითრიდატემ განიზრახა თავს დასხმოდა კიზიკოსე-

ლებს, რომლებიც ქალკედონთან ბრძოლაში დამარცხდნენ და სამი ათასი მეომარი და ათი ზომალდი დაეარგეს. მითრიდატეს უნდოდა ეს საქმე ლუკულუსისაგან მაღულად მოეყვანა სისრულეში. ამიტომ იგი ნავახშმევს, ბნელსა და წვიმიან ღამეში სწრაფად დაიძრა სალაშქროდ და გათენებოსას შეუფერხებლივ დააბანაკა მხედრობა ქალაქის²⁹ პირისპირ, ადრასტიის მთასთან.

ლუკულუსმა ეს შეიტყო და მითრიდატეს დაედევნა. მეტად უხაროდა, რომ მტერს ბნელ ღამეში ბრძოლისათვის მოუშადებელი მხედრობით არ შეხვდა. ჯარი ლუკულუსმა თრავიად წოდებულ სოფლის მახლობლად დააყენა და ფრიად მარჯვე, ბუნებრივად გამაგრებული აღგიმდებარეობა დაიკავა. ყველა გზა, რომლებითაც მითრიდატესთვის სურსათი უნდა ეზიდათ, აქ გადიოდა. ლუკულუსმა, რაკი წინასწარ განსაზღვრა ყველაფერი, რაც უნდა მომხდარიყო, ჯარისკაცებს არაფერი არ დაუმალა. როცა ბანაკი მოაწყვეს და ყველა საქმისაგან გათავისუფლდა, ლუკულუსმა შეკრიბა მეომრები და ამაყად განუცხადა: რამდენიმე დღის შემდეგ სისხლის დაუღვრელად გარგუნებთ გამარჯვებასო.

კიზიკოსელებს მითრიდატემ ხმელეთიდან ათი სამხედრო ბანაკით შემოარტყა ალყა, ხოლო ზღვიდან ზომალდებით ჩაუეჭა ვიწრო სრუტე, რომელიც ქალაქს ხმელეთისგან ყოფდა. ამრიგად ორმხრივ ალყაში მოიმაწყვდია კიზიკოსელები. ისინი ამ განსაცდელს მამაცურად შეხვდნენ და გადაწყვეტილი ჰქონდათ რომეღოთა გულისთვის ყოველგვარი უბედურება გადაეტანათ. მათ არ იცოდნენ, სად იმყოფებოდა ლუკულუსი და ცნობის უქონლობა მეტისმეტად აწუხებდათ. ლუკულუსის ბანაკი კი სულ ახლოს იყო, თვალთ დასანახ მანძილზე; მაგრამ ალყაშემორტყმულნი შეცდომაში შეჰყავდათ მითრიდატეს მეომრებს. ისინი კიზიკოსელებს მალეობზე განლაგებულ რომაელებზე უთითებდნენ და ეუბნებოდნენ: „ხედავთ იმათ? ეს სომეხთა და სპარსთა ჯარია, რომელიც ტიგრანმა მითრიდატეს გამოუგზავნა დასაზმარებლადო!“ კიზიკოსელებს თავზარი დაეცათ, რა დაინახეს, ურიცხვი მტრით იყვნენ გარშემორტყმულნი. ასე ეგონათ, ლუკულუსის მოსვლაც ვერას გვიშველისო.

ლუკულუსის ახლო ყოფნა პირველად არქელეას მიერ მოგზავნილმა დემონაქსმა აუწყა კიზიკოსელებს. ამათ არ დაიჯერეს და იფიქრეს: გვატყუებს ალბათ და ამ გაჭირვების ეამს ამით უნდა ნუ-

გეში გვცესო. სწორედ ამ დროს მათთან მივიდა ერთი პატარა ბიჭი, რომელიც მტრის ტყვეობას გაძოქცეოდა. კითხვაზე, თუ სად არის ლუკულუსიო, ბიჭს გაეცინა; ეგონა, ეხუმრებოდნენ; მაგრამ როცა ღარწმუნდა, ეს ხუმრობა როდი იყო, რომაელთა ბანაკი ხელით უჩვენა. ამ ამბავმა ალყაშემორტყმულნი ფრიად გაამხნევა.

კიზიკოსელთა ქალაქის მახლობლად არის დასკილიტის ტბა, რომელზედაც საკმაოდ მოზრდილი ნაგებობა შეიქმნა ცურვა. ლუკულუსმა ამ ტბიდან ერთი ყველაზე უფრო დიდი ნავი ხმელეთზე ამოატრევირა და ურმით ზღვის ნაპირამდე მიატარინა. აქ ეს ნავი ზღვაში ჩაუშვეს. ლუკულუსმა შიგ იმდენი მეომარი ჩასვა, რამდენიც კი ჩადგებოდა. ეს მეომრები ღამით შეუმჩნევლად გადავიდნენ კუნძულზე და ქალაქში შევიდნენ.

10. კიზიკოსელებს, მათი სიმაშაცის მოწონების ნიშნად, როგორც ჩანს, ღმერთმაც შთაუენერგა მხნეობა ზოგიერთი აჯალნათლივი სასწაულოთ. სწორედ იმ დროს ფერეფატიების დღეობა იყო ქარზე მომდგარი³⁰. ალყაში მომწყვდეულ მოსახლეობას მსხვერპლის შესაწირავად საჭირო შავი ძროხა არ ჰყავდა. ამიტომ ცომისაგან გამოძერწეს იგი და საკურთხეველთან დადგეს. ღმერთქალისათვის გასუქებული სამსხვერპლო დეკეული კი, კიზიკოსელთა სხვა საქონელთან ერთად, სრუტის გადაღმა იყო საძოვარზე ვაშვებული. და აი, დღესასწაულის დღეს ეს დეკეული გამოიყვო ნახიოს, მარტოდმარტომ გადაცურა ზღვა, შევიდა ქალაქში და სამსხვერპლოდ თვითონვე დადგა საკურთხეველთან. მცირე ხნის შემდეგ სახალხო მასწავლებელ არისტარქოსს ღმერთქალი გამოეცხადა ძილში და უთხრა: „აი, მოვედი მე და პონტოელი მეზუკის წინააღმდეგ სალამურზე დამკვრელი ლიბიელი მომყავს; უთხარი თანამოქალაქეთ, გამხნევდნენო“³¹.

არისტარქოსს ნაამბობით გაოცებული კიზიკოსელები ჯერ კიდევ გონს არ იკენენ მოსულნი, რომ გარიჟრაჟზე მძვინვარე ქარიშხალი ამოვარდა და ზღვა საშინლად ააღელვა. თესალიელი ნიკონიდეს ხელიდან გამოსული მეფის სასწაულებრივი მანქანები, რომლებიც ქალაქის კედლებთან ჩაეშვკრივებინა მტერს, კრიალითა და გრუხუნით იუწყებოდნენ მოსალოდნელ უბედურებას. ჩქარა სამხრეთის ქარი ამოვარდა, წარმოუდგენელი სიმძლავრით დაუბერა და სააღყო მანქანები თვალს დახამხამებაში სულ ერთიანად დალეწა. შემაძრწუნებელმა ქარმა ასი წყრთის სიმაღლის ხის კოშკი მოარყია და ძირს დასცა.

გარდა ამისა, გადმოგვცემენ, ილიონში მრავალ იქაურ მცხოვრებს მაშინ ძილში გამოეცხადა ღმერთქალი ათენაო. იგი, მთლად ოფლში იყო თურმე გაღვრილი; ხალხს წამოსასხამის ჩამოხეულ კალთას უჩვენებდა და ეუბნებოდა: კიზიკოსელთ გეხმარებოდი და ახლა სწორედ იქიდან მოგდივარო.

ილიონელები, სხვათა შორის, დღესაც უჩვენებენ იმ სვეტს, რომელზედაც ამ ამბის თაობაზე გადაწყვეტილება და წარწერები იყო ამოკვეთილი.

11. ბანაკში დამკვიდრებულ შიმშილზე მითრიდატემ კარგა ხანს არაფერი იცოდა. სარდლები ატყუებდნენ. ამიტომ მეტისმეტად ცხარობდა, კიზიკოსელები რომ ალყას ამდენ ხანს უძლებდნენ, მაგრამ პატივმოყვარეობა და ჯიუტი სიფიცხე სულ მალე გაუქრა, როცა საკუთარი თვალთა დაინახა ის საშინელი გაჭირვება, რაიც ჯარისკაცებს აღდა და იმაშიც დარწმუნდა, რომ ისინი ასეთი მდგომარეობის გამო იძულებულნი იყვნენ ადამიანის ხორციც ეჭამათ.

ლუკულუსი მითრიდატესთან თავის გასართობ ომს როდი ეწეოდა. იგი, ასე ვთქვათ, მტრის მუცელს ვაღალას აყრიდა და ყოველგვარ ღონეს ხმარობდა სურსათის მიწოდების ყველა საშუალება აღეკვეთა მისთვის.

და აი, ერთხელ, როცა ლუკულუსი რომელიღაც ციხე-სიმაგრის აღყით იყო გართული, მითრიდატემ ისარგებლა მარჯვე შემთხვევით და სწრაფად გაგზავნა ბითვინიაში თითქმის მთელი ცხენოსანი ჯარი ადალითა და ბრძოლისათვის უვარგისი ქვეითებით. შეიტყო თუ არა ეს ლუკულუსმა, ჯერ კიდევ ღამით დაბრუნდა ბანაკში და გარიყრაფზე, ქარიშხლიან ამინდში, ათი კოჰორტითა და ცხენოსნებით მითრიდატეს გაგზავნილთა დაედევნა. დიდი წვალებით მიიგვლედა იგი გზას თოვლიან ქაბუქში. მრავალი მეგრძოლი, რომლებმაც სიცივეს ვერ გაუძლეს, უკან ჩამორჩა. დანარჩენი ძალებით ლუკულუსი მტერს მდინარე რინდაკოსის²² სანაპიროსთან დაეწია და ისე გაანადგურა, რომ დამარცხებულთა ადალის გასატაცებლად და დახოცილთათვის იარაღის ასაყრელად ავოლონიაში²³ მცხოვრები ქალები ქალაქიდან გამოდიოდნენ. მოკლული, რაღა თქმა უნდა, ბევრი იყო. გარდა ამისა ხელთ ჩაიგდეს ეჭვსი ათასი ცხენი, ფრთად მრავალი საბალნე პარუტყვი და თხუთმეტი ათასი ტყვე. მთელი ეს ნადავლი ლუკულუსმა თან წაიყვანა და მტრის ბანაკის გვერდით ჩაატარა.

მე ფრიად მაოცებს სალუსტიუსი³⁴, რომელიც ამბობს, რომაელებმა მაშინ პირველად იხილეს აქლემებიო. ნუთუ მას ჰგონია, იმ რომაელებს, რომლებმაც უწინ სციპიონის წინამძღოლობით ანტიოქე დაამარცხეს, ანდა იმათ, სულ ახლახან რომ ორქომენისა და ქერონეას მახლობლად არქელეასთან იბრძოდნენ, აქლემები ნახული არ ჰყავდათ?

ასეთმა მარცხმა მითრიდატეს გადააწყვეტინა რაც შეიძლება სწრაფად დაეხია უკან. იმ განზრახვით, რომ ლუკულუსი ზურგში დაეყოვნებინა, თავის ნავარქოსს³⁵, არისტონიკეს, უბრძანა საბერძნეთის ზღვაში გასულიყო. არისტონიკე ის-ის იყო ლუზის აშვებას აპირებდა, რომ ლუკულუსმა იგი დალატის წყალობით ზელში ჩაიგდო იმ ათა ათასი ოქროთი, რომელიც არისტონიკეს რომაელთა მხედრობის ნაწილის მოსყიდვის მიზნით მიჰქონდა. მაშინ მითრიდატემ თავის დასაღწევად ზღვას მიაშურა, ხოლო მისმა სარდლებმა ჯარი ზმელეთით წაიყვანეს. ლუკულუსი მათ თავს დაესხა მდინარე გრანიკთან. აქ მან ზელთ იგდო უამრავი ტყვე და ოცი ათასამდე კაცი გაუღიტა. ამბობენ, ამ ბრძოლაში ალაღის მსლებელ თუ მეომარი ჯარიდან მოკლულთა სახით სულ ცოტა სამასი ათასი კაცი დარჩა ბრძოლის ველზეო.

12. უწინარეს ყოვლისა, ლუკულუსი კიზიკოსში შევიდა. აქ მას სიხარულითა და მეგობრული გულთბილობით შეხვდნენ. ამის შემდეგ იგი ჰელესპონტის სანაპიროებისაკენ დაიძრა და გზადაგზა ფლოტი შემოიმტკიცა. ამ ფლოტით ლუკულუსი ტროადას მიაღვა და აფროდიტეს ტაძარში დაბანჯდა. ღამით ძილში სიზმარი იხილა; თითქოს ღმერთქალი გამოეცხადა, აწლო დადგა და უთხრა:

რად გძინავს აგრე ღრმად, ლომო? სულ აწლოა ირმები შენთან!

ლუკულუსი მყისვე წამოდგა, იმავე ღამეს მოიხმო მეგობრები და სიზმარი უამბო. სწორედ ამ ღრთს ილიონიდან ვილაციები მოვიდნენ და ლუკულუსს აუწყეს: აქაველთა ნავსადგურთან მეფის ცამეტი პენტირესი³⁶ გამოჩნდა; ისინი ლემნოსისაკენ მიემართებიათო.

ლუკულუსი დაუყოვნებლივ გავიდა ზღვაში. სწრაფად ჩაიგდო ზელთ ცამეტივე პენტერესი, მოკლა მათი მეთაური ოსიდორე და მერმე მითრიდატეს ფლოტის დანარჩენ წინამძღოლთა წინააღმდეგ დაიძრა. ეს წინამძღოლნი ლუზაზე იდგნენ. საფრთხე რომ დაინახეს, ყველა ხომალდი ზმელეთზე ამოათრიეს და ბრძოლა გემბანებიდან

დაიწყეს. მათ ლუკულუსის მრავალი მეომარი დაჭრეს. ადგილმდებარეობა საშუალებას არ აძლევდა რომელით გარშემორტყმოდნენ მტერს და დაეძლიათ. ლუკულუსის ხომალდებს ზღვის ტალღები აქეთ-იქით აქანავებდა მაშინ, როცა მტრის პენტერესები მტკიცედ და უშიშრად იდგნენ ხმელეთზე.

მიუხედავად ამისა, ლუკულუსმა, მართალია, დიდი გაჭირვებით, მაგრამ მაინც მოახერხა კუნძულზე ხომალდთა მისადგომად მარჯვე ადგილის შერჩევა და იქ ყველაზე მამაცი მეომრები გადასხა. ესენი ზურგიდან ეკვეთნენ მტერს. ზოგი მოკლეს, ზოგიც აიძულეს საკუთარი ხომალდების ბაგირები გადაეჭრათ და ზღვაში ჩაშვებულყვნენ. აქ მითრიდატეს პენტერესები ან ერთმანეთს დაეჯახნენ, ან არადა პირდაპირ ლუკულუსის ხელში ჩავარდნენ.

ამ ბრძოლაში გაჟლიტეს უამრავი მტერი. ტყვეთა შორის იყო სერტორიუსის მიერ გამოგზავნილი საარდალი მარიუსი. ეს მარიუსი ცალთვალა გახლდათ. ამიტომ ლუკულუსმა ჯარისკაცებს შეტევის დასაწყისშივე უბრძანა არ მოეკლათ ცალთვალა კაცი, თუკი ასეთი შეხვდებოდათ. უნდოდა მარიუსი პატივყარილი და შერცხვენილი გამოსალმებოდა წუთისოდ.

13. გადაიხადა თუ არა ეს ბრძოლა, ლუკულუსი ახლა მთელი სისწრაფით თვითონ მითრიდატეს დაედევნა. იმედი ჰქონდა სადმე ბითინიაში წააწყდებოდა პონტოს მეფეს, რომელსაც იქ ვოკონიუსი დარაჯობდა. ეს ვოკონიუსი ჯერ კიდევ აღრევე გაგზავნა ფლოტის თანხლებით ნიკომედიაში³⁷, იმ განზრახვით, რომ მითრიდატესათვის გაქცევაში ხელი შეეშალა. მაგრამ ვოკონიუსმა საკმაოდ ბევრი დრო დაკარგა; იგი სამოთრავზე³⁸ წმიდა საიდუმლოებათა აღსრულებით და დღესასწაულთა მოწყობით იყო გართული. მითრიდატე ამასობაში ფლოტით ზღვაში გავიდა და ჩქარობდა ლუკულუსის დაბრუნებამდე პონტოში შესულიყო. მაგრამ საშინელმა ქარიშხალმა მოუსწრო. მისი ხომალდების ნაწილი ქარიშხალმა აქეთ-იქით გაფანტა, ნაწილი კი წყალში ჩაძირა. ზღვის მთელი სანაპირო მრავალი დღის განმავლობაში ტალღების მიერ გამორიყული ხომალდების ნამსხვრევებით იყო მოფენილი. თვითონ მითრიდატე საბარგო ხომალდით მიცურავდა. მისმა მესაჭეებმა ეს ხომალდი თავისი სიდიდის გამო ვერც ნაპირს მიაყენეს ასეთ საშინელ დელვაში, რაკიდა მეტად მძიმე იყო და უკვე წყალიც შესდიოდა, და ვერც ზღვაში გააჩერეს. მაშინ მითრიდატე

მეკობრეთა მსუბუქ ზომილობზე გადაჭდა და თავისი ბედი ზღვის ყაჩაღებს მიანდო. ბილოს და ბოლოს სრულიად მოჟლოდნელად და მშვიდობიანად იგი პონტოს ჰერაკლეს მიადგა.

ის ქედმაღლობა, რაც ლუკულუსმა სენატის მიმართ გამოიჩინა, ღმერთების მხრივ დაუსჯელი დარჩა. საქმე ის იყო, რომ სენატმა თავის ღრთზე გადაწყვიტა მითრიდატესთან ომის საწარმოებლად საკმარის ფლოტის აგებისათვის სამი ათასი ტალანტი გაედო. ლუკულუსმა სენატისადმი ვაგზავნილ წერილში ამაზე უარი თქვა და კვენჩით განაცხადა: მითრიდატეს ყოველგვარი ხარჯისა და დიდი მხადების გარეშე გავაძეგებ ზღვიდან მარტოოდენ მოკავშირეთა ზომილებითო. მან ეს საქმე ღმერთების წყალობით მართლაც შეასრულა. ამბობენ, პრიპოსელი არტემიდეს³⁹ რისხვა იყო მიზეზი იმისა, პონტოს ფლოტს რომ ქარიშხალი დაატყდა თავსო. მითრიდატეს ჯარისკაცებმა თურმე ერთხელ არტემიდეს ტაძარი გაძარცვეს და მისი ქანდაკება გაიტაცეს.

14. ბევრი ურჩევდა ლუკულუსს დროებით საომარი მოქმედება გადაეღო; მაგრამ ამას უურადღებდა არ მიაქცია და მითრიდატეს სამფლობელოში შეიჭრა. პირველ ხანებში იგი სურსათის მეტად დიდ ნაკლებობას განიცდიდა; ამიტომ მხედრობას უკან ოცდაათი ათასი გალატელი მიჰყვებოდა და ყოველ მათგანს საკუთარი ზურგიით ათით მედიმნი პურა მიჰქონდა. სამაგიეროდ, წინსვლის დროს, როცა ყველაფერი დაიმორჩილა, ისე აივსო ზვავითა და ბარაქით, რომ მის ბანაკში ხარი ერთ დრაქმად, ხოლო მონა ოთხ დრაქმად იყიდებოდა. სხვა სხვის ნდავლს ჯარისკაცები აღარაფრად ავდებდნენ. რაკი საყოველთაო სიუხვის დროს მისი გასაღება შეუძლებელი იყო, ნაწილს ადგილზევე ტოვებდნენ, ნაწილს კი ანადგურებდნენ.

ლუკულუსის მხედრები თემისკირამდე და თერმოიდონტის⁴⁰ ველეზამდე ცხენებით თარეშისას სოფლების აოხრებისა და აკლების მეტს ვერაფერს ახერხებდნენ. ამიტომ ჯარისკაცები ლუკულუსზე ბუზღუნებდნენ: იგი მთელ რიგ ქალაქებს დაზავების საშუალებით იერთებს, იერიშით არც ერთს არ იღებს და ჩვენ მათი გაძარცვის შესაძლებლობას არ გვაძლევსო. „აი, ახლა, — ამბობდნენ ისინი, — სულ ადვილი საქმეა დიდებული და მდიდარი ქალაქის ამისეს⁴¹ აღება, თუკი კაცი მის ალყას ოდნავ გააძლიერებს, მაგრამ ლუკულუსი ჩვენ მას გვატოვებინებს და მითრიდატესთან საბრძოლველად ტიბარენთა და ქალდეველთა⁴² უდაბნო მხარეში მიგყავართო“.

ამ ბეზღუნს ლუჯულუსი არაფრად აგდებდა, ეინაიდან იმედი ჰქონდა მისი მეომრები არ გამოიჩენდნენ ისეთ უგუნურებას, როგორიც მათ შემდგომში გამოამჟღავნეს. იგი ყველაფერს ამჯობინებდა თავი ემართლებინა იმათ წინაშე, რომლებიც ბრალად სდებდნენ ზანტ მოქმედებას; სახელდობრ, იმას, რომ საკმაოდ დიდხანს აყოვნებდა სრულიად უმნიშვნელო სოფლებსა და ქალაქებთან და ამით მითრიდატეს ძალის მოკრების საშუალებას აძლევდა. „აი, სწორედ მეც ვგ მინდა, — ამბობდა ლუჯულუსი, — მე აქ იმ მიზნით ვაყოვნებ, რომ ჩემმა მოწინააღმდეგემ კვლავ მოიკრიბოს ძალა და დიდ მხედრობას მოუყაროს თავი, რათა ადგილზევე დარჩეს და ჩვენი მოახლოებისთანავე არ გაიქცეს. განა ვერ ხედავთ, რომ ზურგს უკან გადაშლილი აქვს უზარმაზარი და უსახვრო უდაბნო? იქვე ახლოს არის კავკასიონი უამრავი ხეობებით, რომელთაც სულ ადვილად შეუძლიათ შეიფარონ და დაიცვან ბრძოლას თავარიდებული ათი ათასობით მეფე. კაბეირადან⁴³ რამდენიმე დღის სავალ მანძილზე მდებარეობს სომხეთი. სომხეთის ტახტზე ზის მეფეთა მეფე ტიგრანი⁴⁴. მას დიდძალი მხედრობა ჰყავს და ამ მხედრობის წყალობით პართებს გასაქანს არ აძლევს აზიაში, ბერძნულ ქალაქთა მოსახლეობა მიდიაში გადაჰყავს, სირიასა და პალესტინაზე მბრძანებლობს, კლავს სელევკოსის მემკვიდრე მეფეებს და მათი ქალიშვილები და ცოლები ძალდატანებით მიჰყავს ტყვედ. ეს ტიგრანი მითრიდატეს ახლობელია, მისი სიძე. მითრიდატემ რომ დახმარება სთხოვოს, უარს არ ეტყვის და ჩვენ წინააღმდეგ ომს დაიწყებს. თუ ჩვენ აჩქარდებით, რათა მითრიდატე განვდევნოთ, ამით ტიგრანის მხრივ თავდასხმის საფრთხეს შევიქმნით. ტიგრანი უკვე დიდი ხანია ჩვენ წინააღმდეგ ომის საბაბს ეძებს და იმაზე უკეთეს მიზეზს, რომ გასაჭირში მყოფ ახლობელ კაცს და ისიც მეფეს დაეხმაროს, იგი ვერასოდეს ვერ მონახავს. პოდა, რატომ უნდა მოვიქცეთ ისე, რომ მივცეთ საშუალება მითრიდატეს ჩაიდინოს ის. რაზეც არ უფიქრია? სახელდობრ, რატომ უნდა ვასწავლოთ მას, თუ ვისთან ერთად იბრძოლოს ჩვენ წინააღმდეგ? რატომ უნდა ვაძულოთ იგი დახმარებისათვის მიმართოს ტიგრანს მაშინ, როდესაც ეს არა სურს და თავისთვის სამარცხვინო საქმედ თვლის? უმჯობესი არ იქნება დრო მივცეთ. რათა საკუთარი ძალები შემოიკრიბოს და კვლავ ბოლონიერდეს? მიდიელებსა და სომხებთან ბრძოლას არა სჯობია შევებრძოლოთ კოლხებს, ტიბარენებსა და კა-

პადოკიელებს, რომლებიც ჩვენ არაერთხელ დაგვიმარცხებოდა?

15. ამ მოსაზრებაზე დაყრდნობით ლუკულუსი დიდხანს იდგა ამის შესვლამდე და ეს ქალაქი საკმაოდ სუსტ ალყაში ჰყავდა. გავიდა თუ არა ზამთარი, ამისეს სააღმოსავლეთ ლუკულუსმა მუშრენა დატოვა, თვითონ კი მითრიდატეს წინააღმდეგ დაიძრა. მითრიდატე ამ დროს კაბერიასთან იდგა და გადაწყვეტილი ჰქონდა რომაელებს გამკლავებოდა. მის ირგვლივ თავმოყრილი იყო ორმოცი ათასი ქვეითი მეომარი და ოთხი ათასი ცხენოსნისაგან შემდგარი მხედრობა. იგი ყველაზე უფრო დიდ იმედს ცხენოსნებზე ამყარებდა.

მითრიდატე მდინარე ლიკეზე გადავიდა და რომაელები ვაკეზე გამოიხმო საბრძოლველად. ერთმანეთს ეკვეთნენ ცხენოსნები, მაგრამ ამჯერად რომაელები უკუიქცნენ. ერთი წარჩინებული გვარის ვაჟაცი პომპონიუსი მძიმედ დაიჭრა და ტყვედ წაიყვანეს. ჭრილობებისაგან გამწარებული პომპონიუსი მითრიდატეს მიჰგვარეს. მითრიდატემ ჰკითხა: სიცოცხლე რომ შეგინარჩუნო, გახდები თუ არა ჩემი მეგობარი? „დიახ, გავხდები, — უპასუხა პომპონიუსმა, — თუ რომაელებთან ზავს შეკრავ; წინააღმდეგ შემთხვევაში კი ისევ მტერი დავრჩები შენით!“ ასეთი ვაჟაციობით განცვიფრებულმა მითრიდატემ პომპონიუსს არა აგნო რა.

ლუკულუსი ყოყმანობდა. მტრის ცხენოსანი ჯარის სიმრავლე აშინებდა, ვაკეზე ჩასულიყო; ხოლო მთებში წასვლას ვერ ბედავდა ვინაიდან გზა მეტად გრძელი, ტყით დაბურული და თითქმის გაუვალი იყო. რაღაც ბედზე გამოქცეაბულში თავშეფარებული ბერძნები დაიჭირეს. ამით შორის უფროსი არტემიდორე ლუკულუსს დაჰპირდა, რომ წაიყვანდა და ბანაკისათვის ფრთხილ უშიშარ ადგილას დააყენებდა, სადაც ისეთი ციხე-სიმაგრე იყო, კაბერიას ზედ თავზე დაჰყურებდა.

ლუკულუსი არტემიდორეს ერწმუნა. დადამდა თუ არა, ჩირადღნები აანთებინა და იმ ადგილისაკენ დაიძრა.

ლუკულუსმა მშვიდობიანად გაიარა ვიწროები და ციხე-სიმაგრე დაიკავა. გარიჟრაჟზე მტრის განლაგების ზემოთ აღმოჩნდა და ჯარი ისეთ ადგილზე დააბანაკა, რომელიც საშუალებას იძლეოდა, თუ უნდოდა, ადვილად წაეყვანა მხედრობა მტერზე და თუ სიმშვიდის დაცვა სურდა, სრულიად გულარხეინად ყოფილიყო.

ბრძოლის დაწყების განზრახვა და თავის განსაცდელში ჩაგდების სურვილი ამ დროს არც ერთ მხარეს არ ჰქონდა. მაგრამ მოხდა ასეთი ამბავი. მეფის ჯარისკაცები, როგორც ამბობენ, ირემს დაედევნენ თურმე. რომაელებმა ეს რომ დაინახეს, მყისვე დაუხვდნენ წინ და გზა გადაუჭრეს. მითრიდატეს ჯარისკაცები და დამხვდური რომაელები ერთმანეთს ეკვეთნენ და ბრძოლა გაჩაღდა. თანდათანობით ორივე მებრძოლ მხარეს მაშველი ძალები ემატებოდა. ბოლოს და ბოლოს მეფის მეომრებმა გაიმარჯვეს. ზევით მყოფმა რომაელებმა ბანაკიდან რა დაინახეს, ჩვენები გარბიანო, ფრიად შეწუხდნენ, ლუკულუსთან გაიქცნენ და სთხოვეს ბრძოლის დაწყების ნიშანი მიეცა და ისინი მტერზე თავდასასხმელად წაეყვანა.

ლუკულუსს სურდა მათთვის ეჩვენებინა, თუ რა დიდი მნიშვნელობა აქვს ომის ქარცეცხლისა და განსაცდელის უამს გვერდით გონიერი წინამძღოლის ყოფას. მან აღელვებულ ჯარისკაცებს უბრძანა სიმშვიდე დაეცვათ; თვითონ კი ვაკეზე ჩავიდა და პირველ შემხვდურ უკუქცეულთ ბრძანება მისცა შეჩერებულიყვნენ და მას გაჰყოლოდნენ მტრისკენ. ესენი მაშინვე დაემორჩილნენ. მალე დანარჩენებიც შემობრუნდნენ და მტრის წინააღმდეგ დაირაზმნენ. მათ სულ ადვილად დაძლიეს მოწინააღმდეგე და მეფის ბანაკამდე მირევეს.

დაბრუნდა თუ არა უკან, ლუკულუსმა იმ რომაელებს, რომლებიც ბრძოლას გაექცნენ, დაწესებული სასჯელის ძალით პატივი აპყარა. უბრძანა, საგანგებოდ ჩამწყრივებული მხედრობის წინ უსარტყელო ტუნიკების⁴⁵ ამარა თორმეტი ფუტის სიმაღლე თხრილი ამოეთხარათ.

16. მითრიდატეს ბანაკში დანდარიების⁴⁶ ერთი მთავარი იყო, სახელად ოლთაკე. დანდარიები ერთ-ერთი ტომია იმ ბარბაროსთა, რომლებიც მეოტისის ტბის⁴⁷ სანაპიროზე ცხოვრობდნენ. ეს ოლთაკე ყოველგვარ საომარ საქმეში გამოირჩეოდა ღონითა და მამაცობით; მნიშვნელოვან ამბავთა განსჯის დროს მახვილ გონებას ამჟღავნებდა, სხვებთან ურთიერთობაში კი ფრიად ალერსიანი და თავანთიანი კაცი იყო: ოღონდაც მუდამ უთანხმოება და მეტოქეობა ჰქონდა პირველობის გულისთვის ერთ-ერთ თანამემამულე მთავართან. აი, ამის გამო ოლთაკემ მითრიდატეს დიდი საქმის შესრულება აღუთქვა: ლუკულუსის მოკვლას დაჰპირდა. მეფემ ეს მოიწონა და ოლთაკეს განგებ შეურაცხყოფა მიაყენა, რათა მისი მოჩვენებითი რისხვა გამო-

ეწვია. ვითომ ნაწყენი ოლთაკე ცხენზე შეჯდა და ლუკულუსთან გა-
იქცა.

ლუკულუსმა იგი გულთბილად მიიღო, ვინაიდან რომაელთა ბა-
ნაკში დიდად ჰქონდა სახელი განთქმული. მცირე ხნის გამოცდის
შემდეგ ლუკულუსი ისე მოიხიბლა ოლთაკეს საზრიანობით და გუ-
ლისხმიერებით, რომ ხანდახან მასთან ერთად სადილობდა და ბჭობდა
კიდევაც.

ბოლოს, როცა დანდარიელმა იფიქრა, განზრახულის სისრულეში
მოყვანის დრო დადგაო, მსახურ ბიჭებს უბრძანა მისი ცხენი ბანაკის
გარეთ გაეყვანათ, თვითონ კი, შუადღეზე, როცა ჯარისკაცები წამო-
წოლილი იყვნენ და ისვენებდნენ, მთავარსარდლის კარვისკენ გაე-
მართა. იმედი ჰქონდა ლუკულუსის კარავში შესვლას, როგორც ში-
ნაურ კაცს, არავინ დაუშლიდა, მით უმეტეს, თუ იტყოდა, რომ მთა-
ვარსარდლისათვის ფრიალ დიდმნიშვნელოვანი ამბავი ჰქონდა მოსახ-
სენებელი. იგი მართლაც სულ ადვილად შევიდოდა კარავში, რომ
ძილს, რომელსაც საკმაოდ მრავალი სარდალი დაუღუპავს, არ ეხსნა
ლუკულუსი.

ლუკულუსს ეძინა. ერთ-ერთმა პირისფარეშმა მენედემემ, რომე-
ლიც კარვის კარის წინ იდგა, ოლთაკეს უთხრა:

— უდროო დროს მოხვედრი; დიდხნის უძილობითა და მრავალი
საქმით დაქანცულმა ლუკულუსმა სულ ახლახან ჩაიძინა.

მენედემეს ზიტყვებს ოლთაკემ ყური არ ათხოვა და უკან არ და-
იხია.

— მართალია, — უთხრა პირისფარეშს, — არ მიშვებ კარავში,
მაგრამ მაინც შევალ, რაკილა მსურს მთავარსარდალს პუცილებელი
და დიდი საქმის გარშემო მოველაპარაკო!

მენედემეს გული მოუვიდა:

— მთავარია ლუკულუსი იყოს კარგად, სხვა არაფერი, — მიუგო
ოლთაკეს, ჰკრა ორივე ხელი და კარვიდან გააგდო.

დამფრთხალი ოლთაკე რომაელთა ბანაკიდან ჩუმად გამოვიდა, მო-
ახტა ცხენს და გაწბილებული მითრიდატეს ბანაკში დაბრუნ-
და.

აი, ამგვარად გარემოება ადამიანთა მოქმედებას სამკურნალო წამ-
ლის დარად ხან მხსნელ ძალად ევლინება და ხან კი მომაკვდინებ-
ლად.

17 მცირე ხნის შემდეგ ლუკულუსმა სურსათის გადმოასაზიდად გაგზავნა სორნაციუსი და თან ათი კოჰორტი გააყოლა. მას მაშინვე დაედევნა მითრიდატეს ერთ-ერთი სარდალი, მენანდრე. სორნაციუსი შეჩერდა, ხელჩართულ ბრძოლაში ჩაება, მტერი საშინლად და-
აზარალა და განდევნა.

იმ მიზნით, რომ ჯარისკაცებს პური უხვად ჰქონოდათ, ლუკულუსმა ახლა აღრიანეც გაგზავნა მეზრძოლებითურთ საალაფოდ. მითრიდატემ ეს ამბავი უყურადღებოდ არ დატოვა, აღრიანეს წინააღმდეგ მენემაქესა და მირონის წინამძღოლობით მრავალი ცხენოსანი და ქვეითი მეომარი დაძრა. როგორც ამბობენ, ეს მეომრები სულერთი-
ანად აკუწეს რომაელებმა. ორად ორი კაცი გადაურჩა სიკვდილს თურმე.

მითრიდატე ყოველნაირად ცდილობდა ეს უბედური შემთხვევა როგორმე მიეჩქმალა, თითქოს დიდი არაფერი მომხდარიყო, და ამ ვითომ მცირე მარცხს სარდალთა გამოუცდელობას აბრალებდა. მაგრამ აღრიანემ დიდი ზარ-ზეიმით ჩაუთარა მის ბანაკს; მას თან პურითა და მტრისთვის წართმეული ნადავლით დატვირთული მრავალი ურე-
მი მიჰყავდა. ამან მითრიდატეს სასო წარუყვეთა, ხოლო მისი ჯარის-
კაცები შეაშფოთა და შოშში ჩააგდო. ამის გამო გადაწყვიტეს აქ მე-
ტი აღარ დარჩენილიყვნენ.

მეფის კარისკაცებმა მშვიდად დაიწყეს ბანაკიდან პირადი ქონების გატანა, მაგრამ სხვებს ამის ნებას არ აძლევდნენ. ბანაკის გასასვლელ-
თან ძალდატანებით მირეკილი მეომრები მეტისმეტად განრისხდნენ და წინამძღოლთა ქონების დატაცებასა და მათი პატრონების ხოცვას შეუდგნენ. სარდალი დორილაე მოკლეს მხოლოდ და მხოლოდ იმი-
ტომ, რომ ტანთ ძოწის კაბა ემოსა. ქურუმში პერმეოსი ბანაკის კარი-
ბჭესთან გასრისეს. თვითონ მითრიდატე კი, რომელსაც გვერდით არც ერთი მხლებელი და მეჩინიბე არ ახლდა, ჯარისკაცთა ბრბოს შე-
ერია და გამოვარდა ბანაკიდან. მან სამეფო საჯინიბოდან ვერც ერთი ცხენი ვერ გამოიყვანა. კარგა ხნის შემდეგ ლტოლვილთა ნაკადში ჩათრეული მითრიდატე საჭურისმა პტოლემეოსმა დაინახა. იგი მა-
შინვე ჩამოხდა ცხენიდან და პირუტყვი მეფეს მიჰგვარა.

რომაელები მითრიდატეს კვალდაკვალ დაედევნენ. იგი უკვე თით-
ქმის მათ ზელში იყო. ისინი ისე ახლოს მიაღწნენ მეფეს, თითქოს კი-
დეც უნდა შეეპყროთ, მაგრამ ჯარისკაცთა ანგარებამ და საშინელმა

სიხარბემ რომაელებს ხელიდან გამოაცალა ის ნადავლი, რომელსაც ისინი მრავალი ბრძოლისა და განსაცდელის ფასად უკვე დიდი ხანია ხელში ჩასაგდებად დასდევდნენ, ხოლო გამარჯვებულ ლუკულუსს დიდი ჯილდო დააქარგვინა.

მდეგრები თითქმის დაეწივნენ იმ ცხენს, მითრიდატეს რომ მი-
აქროლებდა, მაგრამ ანაზღეულად მეფესა და მის მღევარ რომაელთა
შორის ერთი ოქროთი დატვირთული ჯორი ჩადვა. შეიძლება ეს ჯო-
რი თავისთავად შემოიქრა შუაში, ანდა შესაძლებელია მეფემ განგებ
მიუგდო იგი მღევრებს. ასე იყო თუ ისე, რომაელებმა ჯორის გა-
ძარცვა, ოქროს მობოჭვა და ერთმანეთთან ჩხუბი დაიწყეს და დრო
დაქარგეს⁴⁸.

ჯარისკაცთა სიხარბემ მარტოოდენ ეს ერთი ზარალი როდი მოუ-
ტანა ლუკულუსს; მან ბრძანა მასთან მიეყვანათ მეფის საიდუმლოე-
ბათა მცოდნე ერთ-ერთი ტყვე, მდივანი კალისტრატე. ჯარისკაცებმა,
რომელთაც ტყვე მიჰყავდათ, დაინახეს, რომ მას სარტყელში ზუთა-
სი ოქრო ჰქონდა. ოქროზე გაგიჟებულმა ჯარისკაცებმა კალისტრატე
მყისვე გამოასალმეს სიცოცხლეს.

მიუხედავად ასეთი საცქიელისა, ლუკულუსმა მითრიდატეს ბანა-
კი თავის ჯარისკაცებს გასაძარცვავად დაუთმო.

18. კაბერიასა და სხვა ციხე-სიმაგრეთა უმრავლესობის აღების
შემდეგ ლუკულუსმა მათში ფრიალ დიდძალი განძეულობა იპოვა. აქ
იგი წააწყდა მრავალ საპყრობილესაც, რომლებშიც ბევრი ბერძენი
და მეფის მრავალი ნათესავი იყო ჩამწყვდეული. ეს ხალხი უკვე დი-
დი ხანია თავს დაღუპულად თვლიდა და ლუკულუსის წყალობამ
მათ არა მარტო თავისუფლება, მკვდრებით აღდგენა და ხელახალი
სიცოცხლე მიანიჭა.

რომაელებმა აქ ტყვედ ჩაიგდეს მითრიდატეს და ნისა. ამისათვის
ტყვეობა პირდაპირ ჰიკედილისაგან დახსნას უღრიდა. მეფის დანარ-
ჩენი დები და ცოლები, რომელთაც ეგონათ, ფარნაკიის⁴⁹ მიდამოებ-
ში ყოველგვარი განსაცდელისაგან მოშორებით მშვიდად იმყოფე-
ბოდნენ, საცოდავად დაიხოცნენ. საქმე ის იყო, რომ მითრიდატემ
გაქცევის ჟამს მათ დასახოცად ფარნაკიაში გაგზავნა საჭურისი ბა-
ჭიდე.

სხვა თავშეფარებულთა შორის იქ, ფარნაკიაში, მეფის ორი გა-
უთხოვარი და, ასე ორმოც-ორმოცი წლის როქსანე და სტატირა იმ-

ყოფებოდა. აქვე იყო მისი ორი ცოლი, წარმოშობით ორივე იონიელი, ქიოსელი ბერენიკე და მილეტელი მონიმე.

მონიმეს ბერძნებში დიდი სახელი ჰქონდა მოხვეჭილი. მითრიდატემ თურმე მისი დამორჩილება სცადა და ძღვნად თხუთმეტი ათასი ოქრო გაუგზავნა, მაგრამ მონიმე მანამდე არ დაჰყვა მეფის ნებას, სანამ ამან ცოლად შერთვა არ აღუთქვა, დიადემა არ გაუგზავნა და დედოფლად არ აღიარა⁵⁰. მიუხედავად ამისა, ეს ქალი მთელ დროს მწუხარებაში ატარებდა და თავის საბედისწერო სილამაზეს დასტიროდა; ამ სილამაზემ ქმრის ნაცვლად მრისხანე ბატონი გაუჩინა, ხოლო საქორწინო სარეცლისა და სასახლის მაგიერ წილად არგუნა საპყრობილე, რომელსაც ბარბაროსები დარაჯობდნენ. ელადას მოშორებული და ქეშმარიტ ბედნიერებას აღკვეთილი მონიმე მხოლოდ და მხოლოდ სიზმრად ხედავდა იმ ბედნიერებას, რომელზედაც ოცნებობდა.

და აი, როცა ფარნაკიაში ბაკქიდე მოვიდა და ქალებს გამოუცხადა, უნდა დაიხოცოთ, ოღონდაც თითოეულ თქვენგანს შეუძლია ის სიკვდილი აირჩიოს, რომელიც ყველაზე უფრო ადვილი და ყველაზე უფრო უმტკივნეულო ჰგონიაო, მონიმემ ჩამოიგლიჯა თავიდან დიადემა, შემოიხვია ყელზე და ჩამოეცა. დიადემა მაშინვე გაწყდა. „ოჰ, წყევლო ძინძო, — შეჰყვირა ქალმა, — შენ ამ საქმეშიც უსარგებლო ყოფილხარ ჩემთვის!“ გაგლეჯილი დიადემა მონიმემ ძირს დააგდო, დააფუტოხა მას და ბაკქიდეს ყელი მიუშვირა: მომკალი ჩქარაო.

მითრიდატეს მეორე ცოლმა ბერენიკემ საწამლავეთ სავსე კათხა აიღო და დალევას აპირებდა. დედამისმა, რომელიც იქვე იყო, სთხოვა: ნაწილი მე დამითმეო. დედა-შვილმა ერთი კათხიდან შესვეს შხამი; მაგრამ მისი ძალა მარტოოდენ. მისუსტებული დედის მოსაკვდინებლად აღმოჩნდა საკმარისი, ბერენიკეს კი უცბად როდი მოუსწრაფა სიცოცხლე. ქალი საშინელი ტანჯვით ებრძოდა სიკვდილს. მაშინ ბაკქიდე წაეშველა სულთმობრძავს და დაახრჩო იგი.

მეფის გაუთხოვარ დებში ერთმა, როგორც ამბობენ, მითრიდატეს წყევლა-კრულვასა და შეჩვენებაში შესვა საწამლავე, ხოლო მეორეს, სტატირას, ერთი საყვედური და შეუფერებელი სიტყვა არ აღმოხდომია. პირიქით, სტატირამ ქება-დიდება დაუწყო ძმას იმისათვის, რომ მან საკუთარი განსაცდელის ჟამს არ დაივიწყა ისინი და ყველაფერი

მოიმოქმედო, რათა მისი აზრობლები თავისუფალნი და ნამუსაუბ-
რედონი გამოსალმებოდნენ სიცოცხლეს.

ამ ამბავმა ფრიად მძიმე შთაბეჭდილება მოახდინა კეთილსა და
კაცთმოყვარე ლუკულუსზე.

19. ამის შემდეგ ლუკულუსი სწრაფად მიადგა ტალავრას⁵¹, მაგ-
რამ რა გაიგო, მითრიდატეს გაესწრო და უკვე ოთხი დღით ადრე
ტიგრანთან გაქცეულიყო, უკანვე გამობრუნდა. დაიმორჩილა ქალდე-
ველები და ტიბარენები, აიღო მცირე სომხეთი, დაიკავა იჭაუთი ცი-
ხე-სიმაგრეები და ქალაქები და მერმე ტიგრანთან აპიუსის⁵² გაგზავნა
წინადადებით: მითრიდატე გადმოემეციო: თვითონ კი მიადგა ამისეს,
რომელიც ჯერ კიდევ ალყაშემორტყმული იყო.

ამისეს ხანგრძლივი ალყისა და მისი აუღებლობის მიზეზი გახლ-
დათ ქალაქის სტრატეგოსი კალიმაქე. იგი თავისი გამოცდილებით ნა-
ირ-ნაირ მანქანებს იგონებდა და ქალაქის დასაცავად, რამდენადაც ეს
სააღყო პირობებში იყო შესაძლებელი, მეტისმეტად მარჯვე ფან-
დებს მიმართავდა. ამით რომაელებს მრავალ ვნებას აყენებდა, რის
გამოც შემდგომ სასტიკი პასუხი აგო.

ამჯერად ლუკულუსმა აჯობა მას სამხედრო ხერხში და ერთ მშვე-
ნიერ დღეს, სწორედ იმ დროს, როდესაც მეომრები ჩვეულებისამებრ
დასასვენებლად გაჰყავდა ხოლმე, მოულოდნელად იერიშზე გადავი-
და და ქალაქის კედლის მცირე ნაწილი დაიკავა. კალიმაქე გაიქცა;
ოღონდ ქალაქს წინასწარ ცეცხლი წაუკიდა. ეს ან ჯიბრით ჩაიდინა,
რომ რომაელებს აქ სარგებელი ვეღარ ენახათ, ანდა იმიტომ, რომ თა-
ვისი გაქცევა გაეადვილებინა.

ასე იყო თუ ისე, გაქცეულ მტერს, რომელმაც ხომალდს მიაშურა
ზღვაში გასასვლელად, ყურადღება არავენ მიაქცია. როგორც კი მო-
ედო ხანძარი და ქალაქის კედლის უმეტესი ნაწილი ცეცხლის ალში
გაეხვია, რომელიც ჯარისკაცები ძარცვა-გლეჯას შეუდგნენ. დასაღუ-
ბავად განწირული ქალაქის სიბრაღულით ლუკულუსმა გარედან
დანმარების გაწევა სცადა და ბრძანება გასცა ცეცხლი ჩა-
ეჭროთ, მაგრამ ამაოდ; მას აღარავინ ემორჩილებოდა. გაათრე-
ბული ჯარისკაცები საშინელი კიჟინითა და იარაღის ეღარუნით ქა-
ლაქის ქონებას მოითხოვდნენ. ბოლოს და ბოლოს იძულებულმა ლუ-
კულუსმა დაუთმო მათ იმ იმედით, რომ ცეცხლისაგან მაინც გადაარ-
ჩენდა ქალაქს. მაგრამ ჯარისკაცებმა ეს იმედიც გაუცრუეს. ისინი

აბრიალებული ჩირადნებით დარბოდნენ და დაეძებდნენ ნადავლს; მათ ყველგან შეჰქონდათ ცეცხლი და მრავალი შენობა გადაწვეს.

გარიყრაჲზე, შევიდა თუ არა ქალაქში, თვალაცრემლებულმა ლუკულუსმა მეგობრებს უთხრა: „ყოველთვის ბედნიერ კაცად ვთვლიდი სულას, მაგრამ დღევანდელ დღეს ყველაზე უფრო მეტად მათეებს მისი ბედნიერება. მას უნდოდა გადაერჩინა ათენი და შეძლო კიდევაც ეს. მე მსურდა მიმებაძა მისთვის, მაგრამ რომელიდაც ბოროტმა სულმა მემიუისის სახელი მარგუნა წილად“ ⁵³.

მიუხედავად ამისა, ლუკულუსი შეეცადა შეძლებისდაგვარად აღორძინებინა ქალაქი. მისი აღების დროს ღვთის წყალობით ბედზე წამოსულმა წვიმამ ხანძარი ჩააქრო.

ამისეში ყოფნის დროს ლუკულუსმა მრავალი დანგრეული შენობა აღადგინა, ლტოლვილი ამისელები აღერსიანად მიიღო და დანარჩენ ბერძნებსაც, რომელთაც კი სურდათ, ქალაქში დასახლების უფლება მისცა და ოცდაათი სტადიონი მიწა მიუზღომა.

ქალაქი ამისე ათენელთა ახალშენი იყო. იგი დაარსდა იმ ხანებში, როდესაც ათენელების ძლიერებამ უმაღლეს წერტილს მიაღწია და როცა ისინი ზღვაზე მბრძანებლობდნენ. აი ეს იყო იმის მიზეზი, რომ ის ათენელები, რომელთაც სურდათ არისტონის ტირანიას გაქცეოდნენ, აქ მოვიდნენ, დასახლდნენ და აქაური მოქალაქეობის უფლება მიიღეს. მაგრამ მას, ვინც შინაურ უბედურებას თავი დააღწია, ახლა უცხოეთში უნდა ეგემა ტანჯვა.

გადარჩენილი ათენელები ლუკულუსმა შესაფერისი ტანსაცმლით შემოსა, თითოეულ მათგანს ორას-ორასი დრაქმა მისცა და უკან, სამშობლოში, გაისტუმრა.

ამისეს აღების ჟამს რომაელებმა ტყვედ ჩაიგდეს გრამატიკოსი ტირანიონი. ⁵⁴ მურონამ ⁵⁵ იგი თავისთვის გამოითხოვა და როდესაც ტყვე საკუთარ გამგებლობაში მიიღო, თავისუფლება მიანიჭა. კაცმა რომ თქვას, მურონა ასეთ ბრწყინვალე საჩუქარს კეთილშობილურად როდი მოექცა. ლუკულუსი მეტად უღირს საქციელად მიიჩნევდა, ისეთი სახელგანთქმული სწავლული, როგორც ტირანიონი იყო, ჯერ მონად გაეხადათ და მერმე გაეაზატებინათ. მართლაც, მოჩვენებითი განტევება ტირანიონისათვის ჭეშმარიტი თავისუფლების აღკვეთას ნიშნავდა.

სხვათა შორის, მარტოოდენ ამ შემთხვევით როდი გამოამყდავსა

მუდრენამ, რომ თავის უფროსს ბევრად ჩამორჩებოდა კეთილშობი-
ლებაში.

20. ახლა ლუკულუსი აზიის სხვა ქალაქებისაკენ გაემართა იმ გან-
ზრახვით, რომ საომარ საქმეთაგან მოცილილობის ქაშის ის სამართალი
და კანონები დაეწესებინა, რომლებიც ენით გამოუთქმელსა და წარ-
მოუდგენელ უბედურებაში მომწყვდეულ აზიის საგამგებლოს უკვე
დიდი ხანია ესაჭიროებოდა.

მოიჯარენი და მეგანშენი ძარცვავდნენ ამ მხარეს და მის მოსახ-
ლეობას მონებად ხდიდნენ. ცალკეული პირები იძულებული იყვნენ
საკუთარი ლამაზი ქალ-ვაჟები გაეყიდათ; ხოლო ქალაქები ტაძრის
ქონებას, სურათებსა და წმინდა ქანდაკებებს ჰყიდდნენ, მაგრამ სა-
ბოლოოდ თვითონაც განწირულნი იყვნენ და მონობა არ ასცდებო-
დათ. ყველზე უფრო შემადრწუნებელი მაინც ის წამება იყო, რასაც
იქაურები მონად გახდომამდე განიცდიდნენ. მათ თოკებით სცემდნენ,
საპყრობილეებში ჰყრიდნენ, ცხენებით ათრევდნენ, ღია ცის ქვეშ
აჩერებდნენ; პაპანაქება სიცხეში მზეზე აყენებდნენ, ხოლო სიცივე-
ში ტალახში ან ყინულზე ჰყრიდნენ. ასე რომ ამ წამებასთან შედა-
რებით ხალხს მონობა მოსვენებად ეჩვენებოდა.

აი ასეთი საშინელება იხილა ლუკულუსმა აზიის ქალაქებში და
უსამართლოდ დაჩაგრულები მყისვე დაიხსნა მარწუხებიდან. უწინა-
რეს ყოვლისა, ბრძანება გასცა, თავნის მესხედ ნაწილზე მეტი სარგე-
ბელი არ მიერიცხათ; მერმე გააუქმა ყოველი სარგებელი, რომელიც
თავნს აღემატებოდა. მესამე ღონისძიება, რაც გაატარა და რაც ყვე-
ლაზე მნიშვნელოვანი იყო, ის გახლდათ, რომ მეგალეს მოვალის შე-
მოსავლიდან მხოლოდ მეოთხედი წილით უნდა ესარგებლა; ის პირი,
ვინც თავნს სარგებელსაც მიათვლიდა, ერთსაც და მეორესაც დაკარ-
გავდა.

ამ ღონისძიებათა წყალობით სულ რაღაც ოთხი წლის მანძილზე
ხალხმა მთელი ვალები დაფარა; ყადაღიდან დახსნილი ქონება კი
პატრონებს დაუბრუნდა.

ვალებში ასეთი საყოველთაო ჩავარდნა იმ ოცი ათასი ტალანტის
ბრაღი იყო, რომელიც ხარკის სახით სულამ აზიას დაადო. მეგალე-
ები გასესხებულს ორმაგად ღებულობდნენ და მათი წყალობით ვალ-
მა სარგებლითურთ ას ოცი ათას ტალანტს მიაღწია.

მეგახშეებმა, თითქოს საშინლად დაზარალებულებმა, რომში ყვი-

რილი ატეხეს ლუკულუსის წინააღმდეგ: უსამართლოდ მოგვექცაო. მათ ფულით მოისყიდეს ზოგიერთი სახალხო ტრიბუნი და ლუკულუსზე ააშხედრეს. ამ მეგავსეებს ფრიად დიდი ძალა ჰქონდათ ქალაქში იმის წყალობით, რომ სახელმწიფო მოღვაწეთა შორის საკმაოდ მრავალი მოვალე ჰყავდათ⁵⁶.

რაც შეეხება ლუკულუსს, მას აფასებდნენ და პატივს სცემდნენ არა მარტო ის ხალხები, რომელთაც კეთილი საქმე უყო, არამედ სხვა საგამგებლო პროვინციებიც. ამ პროვინციების მოსახლეობა ბედნიერად თვლიდა იმათ, რომელთაც ასეთი წინამძღოლის ყოლა ერგოთ წილად.

21. ტიგრანთან გაგზავნილი აპიუს კლოდიუსი (იგი; სხვათა შორის, ლუკულუსის ცოლისძმა გახლდათ) მეფის ეტიკებმა პირველად ჩრდილოეთისაკენ წაიყვანეს შემოვლითი გზით და ტყუილუბრალოდ ბევრი დრო დააკარგვინეს. მაგრამ როცა ერთმა სირიელმა აზატმა სწორი გზა უჩვენა, სოფიზმით გრძელსა და დახლართულ გზას თავი მიაწება და ბარბაროს ეტიკებს გამოეთხოვა. რამდენიმე დღის შემდეგ ევფრატზე გადავიდა და ეგრეთ წოდებულ „დაფნესთან მდებარე“ ანტიოქიას მიაღწა⁵⁷.

აქ ბრძანება მიიღო ტიგრანისათვის დაეცადა, რომელიც მაშინ თინიკიაში იმყოფებოდა და იქ ზოგიერთ, ჯერ კიდევ დაუმორჩილებელ ქალაქებს იპყრობდა. ტიგრანის მოლოდინში აპიუსმა თავის მხარეზე გადაიბირა მრავალი მთავარი, რომლებიც სომხეთის მეფის მბრძანებლობის ქვეშ იტანჯებოდნენ. მათ შორის იყო გორდინეს⁵⁸ მეფე ზარბიენოსიც. გარდა ამისა, ტიგრანის მიერ დამონებული ბევრმა ქალაქმა აპიუსთან ფარულად გამოგზავნა ელჩები. აპიუსმა მათ ლუკულუსის სახელით შემწეობა აღუთქვა და სთხოვა ჯერჯერობით სიმშვიდე დაეცვათ.

სომხეთის მბრძანებლობა ბერძნებისათვის, მაგალითად, აუტანლად მძიმე იყო. საოცარი წარმატებებით ფრთაშესხმული მეფე ტიგრანი ნამეტნავად ზვიადი გახდა. მას ეგონა, ყველაფერი ის, რაც ხალხის მისწრაფებისა და გოაცების საგანს წარმოადგენდა, არათუ მას ეკუთვნოდა, არამედ მარტოდენ მისთვის იყო შექმნილი.

დასაწყისში ტიგრანის ზრახვანი და შესაძლებლობანი უმნიშვნელო იყო. მაგრამ მერმე მრავალი ხალხი დაიმორჩილა და პართების ძლიერება ისე დააყინა, რაც მანამდე ევრაზიის შესძლო. მესოპოტა-

შია ტიგრანმა ბერძნებით აავსო. ისინი იძულებით გადმოასახლა აქ კი-
ლიკიიდან და კაპადოკიიდან. ასევე წამოიყვანა სამშობლოდან მომ-
თაბარე არაბები⁵⁹ და თავისი დედაქალაქის მახლობლად დაასახლა.
უნდოდა ეს ხალხი სავაჭრო საქმეებში გამოეყენებინა.

ტიგრანის გარშემო თავმოყრილი იყო მრავალი მეფე, რომლებიც
ემსახურებოდნენ. ოთხი მეფე მაინც, პირისფარეშთა და პირად
მცველთა მსგავსად, მუდამ თან ახლდა. თუ ტიგრანს სადმე ცხენით
მიდიოდა, ეს მეფეები მოკლე კაბებით ქვეითად მისდევდნენ უკან,
ხოლო როცა იჭდა და გინმესთან მოლაპარაკებას აწარმოებდა, გულ-
ხელდაკრეფილი გაუწირველად ედგნენ გვერდით. ეს მათ აშკარა მო-
ნობას გამოხატავდა. ისინი, ასე ვთქვათ, ხელს იღებდნენ თავისუფ-
ლებაზე და საკუთარ თავს ყოველგვარი წინააღმდეგობის ვარეშე
მპრძანებელს უმორჩილებდნენ.

ამ სანახაობამ ვერც შეაშინა და ვერც გააკვირვა აპიუსი. მან ტიგ-
რანს შეხვედრისთანავე პირდაპირ აუწყა თავისი მოსვლის მიზანი:
მითრიდატე უნდა წავიყვანო, ვინაიდან იგი ლუკულუსის ტრიუმფის
დროს უნდა გაატარონ როგორც ტყვე; წინააღმდეგ შემთხვევაში კი
დავალებული მაქვს ომი გამოგიცხადო.

ტიგრანი თუმცა ცდილობდა მზიარული და მომღიმარი სახე მიე-
ლო და ისე მოესმინა აპიუსის სიტყვები, ყველამ შეამჩნია მის სახე-
ზე აღბეჭდილი აღშფოთება, რაც ახალგაზრდა კაცის პირდაპირმა ლა-
პარაკმა გამოიწვია: ასეთი თამამი სიტყვები მან თითქმის პირველად
მოისმინა თავისი მეფობის, ანუ, უკეთ რომ ვთქვათ, ძალადობის ოც-
დახუთი წლის მანძილზე.

ტიგრანმა აპიუსს უპასუხა: მითრიდატეს არ გავცემ, მაგრამ თუ
რომაელები ომს დამიწყებენ, თავს დავიცავო.

ლუკულუსზე გამწყრალმა ტიგრანმა, ვინაიდან თავის წერილში
უბრალოდ „მეფე“ უწოდა მას და არა „მეფეთა მეფე“, საპასუხო ბა-
რათში იგი იმპერატორად არ მოიხსენია.

აპიუსს ტიგრანმა საუცხოო საჩუქრები მიართვა. აპიუსმა არ მი-
იღო მაშინ სომეხთა მეფემ ამ საჩუქრებს კიდევ მიუმატა სხვა რამე-
ებიც და ისე გაუგზავნა. აპიუსს როდი უნდოდა ეფიქრათ, რომ იგი
ტიგრანის მტრობის გამო ამბობდა უარს ნაბოძვარზე, ამიტომ ერთი
ფაილა აიღო, დანარჩენი საჩუქრები კი ისევ უკან დაუბრუნა ტიგ-
რანს და სასწრაფოდ თავის სარდლისკენ გაემართა.

22. აქამდე ტიგრანი არც ნახვისა და არც მასთან საუბრის ღირ-
სად თვლიდა მითრიდატეს, თუმცაღა მისი ახლობელი კაცი იყო და
თანაც ესოდენ დიდი სამეფო ჰქონდა დაკარგული. ტიგრანი მას ფრი-
ად უპატივცემლოდ და ამპარტავნულად მოექცა და თითქოს ტყვე
ყოფილიყო, მოშორებით ერთი ჭაობიანი, მანვე ადგილი მიუჩინა სამ-
ყოფად. მაგრამ ახლა, აზიუსის ელჩობის შემდეგ, დიდი პატივითა და
მოწიწებით მიიწვია სასახლის კარზე.

სასახლეში გამართულ საიდუმლო თათბირზე, ახლობელ პირთა
საუბედუროდ, ტიგრანმა და მითრიდატემ ურთიერთ შორის არსე-
ბულ ეჭვსა და უნდობლობას ბოლო მოუღეს და ყველაფერი ახლობ-
ლებს გადააბრალეს.

ამ ბრალდებულთა რიცხვში იყო ნიკიერი ორატორი და დიდი
სწავლული მეტროდორე სკეფსისელი, რომელსაც ისეთი მეგობრობა
ჰქონდა მითრიდატესთან, რომ მეტსახელად „მეფის მამას“ ეძახდნენ.
ერთხელ თურმე მითრიდატემ რომაელთა წინააღმდეგ ბრძოლაში დაბ-
მარების სათხოვრად იგი ტიგრანთან გაგზავნა. ტიგრანმა, როგორც
ამბობენ, მეტროდორეს ჰკითხა: „შენ თვითონ რას მიჩიევ ამ შემ-
თხვევაში?“ მეტროდორემ, ან ტიგრანის სასარგებლოდ, ანდა, შე-
იძლება იმიტომ, რომ მითრიდატეს გადარჩენა არ უნდოდა, სომეხთა
მეფეს ასე უპასუხა: „ვითარცა ელჩი გთხოვ დაეხმარო მითრიდატეს,
ხოლო ვითარცა მრჩეველი გირჩევ უარი შეუთვალო“.

ეს ამბავი ტიგრანმა მითრიდატეს გადასცა და თან დაუმატა: იმე-
დი მაქვს ამისათვის ცუდს არაფერს შეამთხვევ მეტროდორესო. მი-
უხედავად ამისა, მეტროდორე მითრიდატეს ბრძანებით მყისვე მოკ-
ლეს. ტიგრანმა ბევრი ინანა; მაგრამ ამ კაცის უბედურების მიზეზი
მთლად იგი არ ყოფილა. მან, ასე ვთქვათ, უკანასკნელი ბიძგი მისცა
მეტროდორეს მოძულე მითრიდატე მეფის უკეთურ ზრახვებს.

მითრიდატე უკვე კარგა ხანია ფარულად მტრობდა მას. ეს ამბავი
გამოძვლავნდა მითრიდატეს საიდუმლო ბარათებით, რომლებიც რო-
მაელებმა ჩაიგდეს ხელთ. ამ ბარათებში იპოვეს ბრძანება მეტროდო-
რეს სიკვდილით დასჯაზე.

მეტროდორე დიდი პატივით დაკრძალა ტიგრანმა და იმ კაცის
გვამის გასაბატონსებლად, რომელიც სიცოცხლეში ვერაფრულად გას-
ცა, არაფერი არ დახოგა.

ტიგრანის კარზე გამოესალმა სიცოცხლეს რიტორი ამფიკრატეც.

იგი ათენელი იყო და ღირსია მოვიხსენიოთ აქ. როგორც გადმოგვცემენ, ამფტრატე სამშობლოდან ტიგროსთან მდებარე სელევკიაში გაიქცა⁶⁰. როცა აქ სთხოვეს, ხალხისათვის მკვერმეტყველება ესწავლებინა, მან ათვალწუნებითა და კვებით განაცხადა: „გეჯა დელფინს ვერ დაიტევსო“⁶¹. აქედან იგი მითრიდატეს ასულსა და ტიგრანის მეუღლე კლეოპატრასთან გაემართა. მაგრამ აქ მალე რაღაც ცილი დასწამეს და ბერძნებთან ურთიერთობა აუკრძალეს. ამის გამო შიმშილით მოიკლა თავი. კლეოპატრამ იგიც დიდი პატივით მიაბარა მიწას. მისი გვამი ეგრეთ წოდებულ დაბა საფას მახლობლად განისვენებს.

23. ლუკულუსმა, რომელმაც აზიაში სრული სამართლიანობა და მშვიდობა დაამყარა, არც სიამოვნება და გართობა დაივიწყა. ეფესოში ყოფნის ქაშს იგი საუცხოო ზეიმებს, გამარჯვებისადმი მიძღვნილ დღესასწაულებს, ათლეტთა და გლადიატორთა შეჯიბრებებს აწყობდა. მან ამით მეტისმეტად მოხიბლა მოსახლეობა. აზიის მადლიერმა ქალაქებმა, თავის მხრივ, მის პატივსაცემად „ლუკულუსის დღეობა“ დააწესეს და რომაელ სარდალს ჭეშმარიტი ერთგულება აღუთქვეს, რომელიც ყველა პატივისცემაზე ძვირფასი საჩუქარია.

დაბრუნდა თუ არა აზიუსი, ტიგრანთან ომის დაწყება გადაწყვიტეს. ლუკულუსი მხედრობით კვლავ პონტოს მიაღდა და ალყა შემოარტყა სინოპს⁶², ანდა, უკეთ რომ ვთქვათ, მეფის მომხრე კილიკელებს, რომელთაც ეს ქალაქი ეკავათ. კილიკელებმა მრავალი სინოპელი გაჟლიტეს, ქალაქი ცეცხლს მისცეს და ღამით იქიდან გაიქცნენ.

როცა ლუკულუსმა ეს გაიგო, ქალაქში შეიჭრა, იქ დარჩენილი რვა ათასი კილიკიელი ააკლწინა და ადგილობრივ მოსახლეობას თავისი ქონება დაუბრუნა. გარდა ამისა ქალაქზეც დაიწყო ზრუნვა. ამის მიზეზი სიზმარი გახლდათ. ლუკულუსს ეზმანა, თითქოს ვიღაც თავთან დაუდგა და უთხრა: „ცოტა წინ წამოიწიე, ლუკულუსო; აქ ავტოლიკე მოვიდა და შენთან საუბარი სურს“.

ლუკულუსმა გაიღვიძა, მაგრამ ვერ გარკვეულიყო, თუ რას ნიშნავდა სიზმარი. იმ დღეს მან ქალაქი აიღო და კილიკიელთა ღვინის დროს, რომლებიც ხომალდებისაკენ გარბოდნენ, ზღვის ნაპირზე დაგდებული ერთი ქანდაკება დაინახა. იგი კილიკიელებს წამოედოთ ქალაქიდან, მაგრამ ზომალღზე ატანა ვეღარ მოასწრეს. ეს ქანდაკება სთენისის⁶³ ერთ-ერთი ულამაზესი ნაწარმოები იყო. ლუკულუსს ვილაყამ უთხრა, რომ ეს სინოპის დამფუძნებელ ავტოლიკეს ქანდაკება

არისო. გადმოცემის თანახმად, ავტოლიკე დეიმაქეს ძე ერთ-ერთი იმთავანი იყო, რომლებიც თესალიიდან წამოვიდნენ და ჰერაკლესთან ერთად ამაქონების წინააღმდეგ იბრძოდნენ. როცა ავტოლიკე ამ ლაშქრობიდან ზღვით სამშობლოში ბრუნდებოდა დემოლეონტისა და ფლოგოისის თანხლებით, ხერონესოსის მახლობლად მდებარე ეგრეთ წოდებულ პედალიონთან ხომალდი დაედღუა. თვითონ კი, თავისი იარაღებით და მეგობრებით, გადაჩა და სინოპს მიაღწა. მან ეს ქალაქი სირიელებს წაართვა: სინოპი მაშინ, როგორც ამბობენ, აპოლონის და ასოპოსის ასულ სინოპეს ძის სირთსის ნაშიერ სარდლებს ეკავათ ⁶⁴.

როცა ლუკულუსმა ეს გაიგო, მყისვე გაახსენდა სულას დარიგება. თავის „მოგონებებში“ სულა ამბობს, არაფერი არ უნდა ჩათვალოს კაცმა ისე სანდოდ და ისე ჭეშმარიტად, როგორც ის, რაც სინოპრად გამოგვეცხადება ხოლმეო.

როცა ლუკულუსმა შეიტყო, მითრიდატე და ტიგრანი მზად არიან აზიაში შესაჭრელად და ლიკონიისა და კილიკიის მხარეებში მხედრობის გადასაყვანადო, მეტისმეტად გაუცვივრდა. მას აოცებდა ის ამბავი, რომ სომეხთა მეფემ, რომელსაც რომაელებთან ომის დაწყება ჰქონდა განზრახული, არ გამოიყენა მითრიდატე მისი ძლევამოსილების ხანაში და მის დიდ ძალებს თავისი არ შეუერთა. ახლა კი, როცა მითრიდატეს ყველაფერი დააკარგვინა და განადგურებამდე მიიყვანა, ფრთხილ უმწყო იმედებით მოინდომა ომის დაწყება და თავს საფრთხეში იგდებდა იმათთან ერთად, რომელთაც ფეხზე წამოდგომა აღარ შეეძლოთ ⁶⁵.

24. მითრიდატეს შვილმა მახარემ ⁶⁶, რომელსაც ბოსფორის სამეფო ეკავა, ლუკულუსს ათასი ოქროდ ღირებული გვირგვინი გამოუგზავნა და სთხოვა, რომაელთა მეგობრად და მოკავშირედ მიეღო. ამის საფუძველზე ლუკულუსმა იფიქრა, პირველი ომი უკვე დამთავრდაო. პონტოს სანაპიროთა დასაცავად აქ ექვსიათასიანი მხედრობით სორანციუსი დატოვა, თვითონ კი თორმეტი ათასი ქვეითი და სულ ცოტა სამი ათასი ცხენოსანი ჯარისკაცით კვლავ საომრად დაიძრა. იგი, როგორც ჩანდა, რაღაც დიდი, უგუჟური გამბედაობით წაქეზებული თამამად მიემართებოდა იმ მეომარ ტომთა წინააღმდეგ, რომელთაც მრავალი ათასი ცხენოსანი ჰყავდათ და ღრმა მდინარეებით დასერილი და მარადიული თოვლით დაფარული მთე-

ბით გარშემორტყმული უსაზღვრო მიწა-წყალი ეკავათ. ჯარისკაცები რომლებიც ისედაც არ იცავდნენ ხოლმე წესრიგს, ახლა ფრიად უხალისოდ მიჰყვებოდნენ ლუკულუსს და აშკარად გამოხატავდნენ თავიანთ უკმაყოფილებას. დემაგოგებმა რომში ყვირილი ატეხეს. ისინი ამბობდნენ: ლუკულუსმა ერთ ომს მეორე მიაყოლა მაშინ, როცა სახელმწიფოს ეს სრულებით არ სჭირდებოდა. იგი მხოლოდ იმიტომ იქცევა ასე, რომ მთავარსარდლის სახელი შეინარჩუნოს, იპაროს არ ჰყრის და ქვეყნის განსაცდელის ფასად პირად გამდიდრებაზე ზრუნავსო.

დემაგოგებმა ბოლოს და ბოლოს თავიანთ მიზანს მიაღწიეს; მაგრამ ეს შემდეგ მოხდა.

ლუკულუსი დიდი სისწრაფით მიიწევდა წინ და ევფრატს მიაღდა. როცა ეს მდინარე იქაური ზამთრის წვიმების შედეგად აღიდებული და ამღვრეული დაინახა, შეწუხდა. ეგონა, აქ ნავების მოსაგროვებლად და ტივების შესაკვრელად დიდი შრომა და დრო დასჭირდებოდა. მაგრამ, მისდა საბედნიეროდ, საღამო ეამს წყლის დონემ საგრძნობლად დაიწია, ღამით სულ შემცირდა, ხოლო გარიჟრაჟზე მდინარე თვალნათლივ მთლიანად ჩაჯდა კალაპოტში. როცა იქაურმა მკვიდრებმა მდინარეში, ფონის მთელ სიგრძეზე პატარ-პატარა, ახლად ამოზიდული კუნძულები დაინახეს, რომელთა ირგვლივ წყალი უმოძრაოდ იდგა, ლუკულუსის წინ პირქვე დაემხნენ. ასეთი რამ უწინ ფრიად იშვიათად ხდებოდა. იქაურებმა იფიქრეს, მდინარე ლუკულუსის მონა-მორჩილი ყოფილა, მას ემსახურება და ადვილი გადასვლის საშუალებას აძლევსო.

ისარგებლა რა ამ შემთხვევით, ლუკულუსმა ჯარი მდინარეზე გადაიყვანა. ამ დროს კარგის მომასწავებელი ნიშანი იხილა. იქ, მდინარის ნაპირებზე, ბალახობდნენ სპარსელ არტემიდესადმი შეწირული ძროხები. ევფრატის გაღმა ნაპირზე მცხოვრები ბაბილონელები ყველაზე უფრო დიდ თავყვანს ღმერთთაგან ამ ღმერთქალს სცემდნენ. ამ ძროხებს მხოლოდ და მხოლოდ მსხვერპლშეწირვისათვის იყენებდნენ. ასე რომ, ეს ძროხები, რომელთაც დაღად ღმერთქალის ნიშანი — ჩირაღდანი ესვათ, თავისუფლად დანავარდობდნენ იმ მხარეში. საჭიროების დროს ასეთი ძროხის დაჭერა ადვილი საქმე როდია.

და აი, როცა ლუკულუსის მხედრობა ევფრატზე გადავიდა, ერთ-ერთი ძროხა ნახირს გამოეყო, ღმერთქალისადმი შეწირულ ერთ წმინ-

დალოდთან მივიდა, შედგა ზედ, ჩაქინდრა თავი, თითქოს თოკით ჩამოჭახესო, და ლუკულუსს შესაწირველად დამორჩილდა.

გარდა ამისა, წყალზე მშვიდობით გადასვლის აღსანიშნავად ლუკულუსმა ერთი ხარი მდინარე ევფრატსაც შესწირა.

იმ დღეს მან იქ დაისვენა, ხოლო მეორე დღეს თუ მომდევნო დღეებში სულ სოფენზე⁶⁷ გავლით მიემართებოდა. მოსახლეობას, რომელიც ეგებებოდა და მის მხედრობას გულითადად ღებულობდა, ცუდი არაფერი შემთხვევია, ის კი არა, როცა ჯარისკაცებმა ერთი იქაური ციხე-სიმაგრის აღება მოისურვეს, სადაც მათი ფიქრით დიდძალი ქონება უნდა ყოფილიყო, ლუკულუსმა ხელი საკმაოდ შორს მდებარე ტაგროსის მთებისაკენ გაიშვირა და შემორებს უთხრა: „ჯერ ის ციხე-სიმაგრე უნდა ავიღოთ; დანარჩენი ისედაც გამარჯვებულთა ხვედრიაო“.

ლუკულუსმა კვლავ სწრაფი ნაბიჯით გასწია წინ, გადალახა ტიგროსი და სომხეთში შეიჭრა.

25. პირველსავე მაცნეს, რომელმაც ტიგრანს ლუკულუსის მოახლოება აუწყა, ჯილდოს ნაცვლად თავი მოჰკვეთეს. ამის შემდეგ ლუკულუსის მოახლოებაზე სიტყვას ვერაფერს სძრავდა. ტიგრანმა არც კი იცოდა, რომ უკვე გარს ომის ცეცხლი ჰქონდა შემოთხუთებული, იგი მშვიდად იჯდა და მლიქვნელთა ლაპარაკს უსმენდა. ისინი ამბობდნენ: ლუკულუსი მართლა დიდ სარდლად ჩაითვლება, თუკი ტიგრანს ეფესოში მოუცდის და მაშინვე არ გაიქცევა აზიიდან, როცა სომხეთის უზარმაზარ მხედრობას დაინახავსო.

როგორც ყველა სხეულს არ შეუძლია ბევრი შუმი ღვინის ატანა, ისე ყველა ადამიანს არ შეუძლია ჭკუა-გონების შენარჩუნება დიდი ბედნიერების ჟამს.

ახლო მეგობართაგან მარტოოდენ მითრობარძანემ გაბედა პირველად სიმართლე ეთქვა ტიგრანისათვის. ასეთი ჭითამამის სანაცვლოდ საკმაოდ ცუდი საჩუქარი მიიღო. იგი მყისვე გაგზავნეს ლუკულუსის წინააღმდეგ სამი ათასი ცხენოსნითა და დიდძალი ქვეითი. ჯარისკაცით და უბრძანეს ცოცხლად მოეყვანა რომაელთა სარდალი, ხოლო ყველა დანარჩენი შეუბრალებლად გაეყლიტა.

ლუკულუსის მხედრობის ნაწილი ამ დროს უკვე ადგილზე იყო დაბანაკებული; დანარჩენი კი ჯერ კიდევ გზაში იმყოფებოდა და თანდათან ახლოვდებოდა. როცა მზვერავებმა ლუკულუსს აუწყეს, ჩვენ-

ვენ ბარბაროსი მოდიხო, შეშინდა. არ უნდოდა მტერი მის შუაზე გა-
ყოფილსა და ბრძოლისათვის დაუწყობელ მხედრობას დასხმოდა
თავს და მის რიგებში ჩოჩქოლი შეეტანა.

ლუკულუსმა ჯარის დაბანაკება განაგრძო, ხოლო მტრის წინააღ-
მდეგ ექვსი ათასი ცხენოსნითა და ოდნავ მეტრიცხოვანი მძიმედ და
მსუბუქად შეიარაღებული ქვეითებით, ლეგატი სექსტილიუსი გაგზავ-
ნა: უბრძანა ახლოს მისულიყო მტერთან და, მანამ მოეცადა, ვინემ არ
შეიტყობდა, რომეღთა ჯარი მთლიანად დაბანაკდაო.

სექსტილიუსი მზად იყო მთავარსარდლის ბრძანება შეესრულე-
ბინა, მაგრამ მითრობარძანე მამაცურად ეკვეთა მას და ისიც იძულე-
ბული გახდა ბრძოლაში ჩაბმულიყო.

ამ ბრძოლაში მითრობარძანე დაეცა, მისი მეომრები უკუიქცნენ,
მცირეოდენი გამონაკლისის გარდა რომეღლებმა ყველა გაელ-
ტეს.

მაშინ ტიგრანმა მიატოვა მის მიერ აგებული დიდი ქალაქი ტიგ-
რანოკერტა⁶⁸, დაიხია ტავროსისაკენ და იქ მთელი თავისი ძალების
თავმოყრა დაიწყო. ლუკულუსმა, რომელიც ტიგრანს მომზადები-
სათვის დროს არ აძლედა, მურენა გაგზავნა დავალებით, მოსვე-
ნება არ მიეცა და გზა გადაეჭრა იმ ძალებისათვის, რომლებიც ტიგ-
რანის გარშემო იკრიბებოდნენ, სექსტილიუსს კი უბრძანა უკუეგდო
მეფის დასახმარებლად მიმავალ არაბთა უშველებელი ურდო.

სექსტილიუსი ანაზდეულად დაესხა თავს არაბებს, რომლებიც ის-
ის იყო ბანაკს სცემდნენ და მათი უმრავლესობა შემუსრა. მურენა
კი ფეხდაფეხ მისდევდა ტიგრანს, რომელიც დიდი მხედრობისათვის
ვიწრო და გაუვალი ხეობით მიემართებოდა. აქ მურენამ იხელთა
მარჯვე დრო და სომხეთის მეფეზე იერიში მიიტანა.

ტიგრანმა მიატოვა მთელი თავისი აღალი და გაიქცა. ამ ბრძოლა-
ში ბევრი სომეხი დაეცა, უფრო მეტი კი ტყვედ ჩავარდა.

26. ლუკულუსმა რომ თავისიანების წარმატება დაინახა, მხედრო-
ბა ტიგრანოკერტასკენ დაძრა, იქ დაბანაკდა და ქალაქს ალყა შემო-
არტყა.

ტიგრანოკერტაში კილიკიიდან გადმოსახლებული მრავალი ბერძე-
ნი ცხოვრობდა. აქვე იყვნენ ბერძენთა მსგავსად ძალით გადმოსახ-
ლებული ბარბაროსებიც: ადიაბენელები⁶⁹, ასირიელები, გორდიენე-
ლები და კაპადოკიელები. ტიგრანმა მათი სამშობლო ადგილები მი-

წასთან გაასწორა, ხოლო ისინი აიძულა აქ, ტიგრანოკერტაში დასახლებულიყვნენ.

ქალაქი ტიგრანოკერტა სავსე იყო დიდძალი განძითა და საუცხოო ძეგლებით. როგორც უბრალო, ისე წარჩინებული მოქალაქე თავგამოდებით ეჯიბრებოდა მეფეს ქალაქის გაზრდასა და გამშვენიერებაში.

აი, ლუკულუსმაც ამის გამო უფრო მეტად გააძლიერა ალყა. იგი დარწმუნებული იყო, ტიგრანი ამას ვერ აიტანდა, რისხვა აზრს შეაცვლეფინებდა და ბრძოლის გასაჩაღებლად უკან დაბრუნდებოდა. ლუკულუსი არც შემცდარა.

მითრიდატე წამლაუწუმ შიკრიკებსა და წერილებს უგზავნიდა ტიგრანს და ურჩევდა ბრძოლაში არ ჩაბმულიყო, მხოლოდ ცხენოსანი ქარით მტრისათვის სურსათის მისაზიდი გზები გადაეჭრა. ასევე დაეინებით სთხოვდა მეფეს გაფრთხილებულიყო და რომაელთა დაუძლეველ იარაღს გაქცეოდა მასთან მითრიდატეს მიერ მიგზავნილი ტაქსილე, რომელიც ლაშქრობის ერთ-ერთი მონაწილე გახლდათ⁷⁰.

პირველ ხანებში ტიგრანი მათ გულდასმით უსმენდა, მაგრამ როცა მასთან სომეხთა და გორდიენელთა მთელი მხედრობა მივიდა, როცა უკლებლივ გამოცხადდა მიდიელთა და ადიაბენელთა ლაშქარი თავ-თავიანთი მეფეების წინამძღოლობით, როცა მოზღვავდნენ ბაბილონის ზღვის⁷¹ სანაპიროდან წამოსულ არაბთა უთვალავი ურდოები, კასპიის ზღვის მხრიდან დაძრული მრავალრიცხოვანი ალბანები და ალბანების მეზობლად მცხოვრები იბერები და არაქსის⁷² სანაპიროებზე მოსახლე თავისუფალ ტომთა საკმაოდ დიდი ჯარები, რომლებიც ტიგრანის ალერსიანმა თხოვნამ და უხვმა საჩუქრებმა მოიზიდეს, მაშინ მეფის სუფრასა თუ საბჭოზე იმედითა და გამბედაობით აღსავსე ხმები და რომაელთა მისამართით ბარბაროსული მუქარა გაისმა.

ტაქსილემ, რომელიც ბრძოლის დაწყების წინააღმდეგი იყო, კინალამ თავი არ დაკარგა. ტიგრანს ეკვიპქონდა, რომ მითრიდატე შურის გამო ცდილობდა აეცდინა იგი ბრძოლიდან, რომელიც დიდი წარმატების მიღწევას უქაიდა.

ამის გამო ტიგრანმა მითრიდატეს აღარ დაუცადა. არ უნდოდა მითრიდატესაც ჰქონოდა წილი დიდ გამარჯვებაში და მთელი თავისი მხედრობით რომაელთა წინააღმდეგ გაემართა. როგორც ამბობენ, მა-

შინ კიდევ შესწავლა თურმე მეომრებს, რომ მისდა სამწუხაროდ ბრძოლა მოუწევს მარტოოდენ ლუკულუსთან და არა რომაელთა ყველა სარდალთან.

ტიგრანის გამბედაობა, სხვათა შორის, სრულიადაც არ იყო უგუნური და უაზრო: სომხეთის მეფე ხედავდა, რომ მას უკან მიჰყვებოდნენ აურაცხელი ტომები, მრავალი მეფე და დიდძალი ქვეითი თუ ცხენოსანი ჯარი. მას საბრძოლოდ მიჰყავდა ოცი ათასი მშვილდოსანი და მეშურდულე, ორმოცდათხუთმეტი ათასი მხედარი, აქედან ჩვიდმეტი ათასი — როგორც ლუკულუსი სენატს სწერდა — აბჯარში იყო ჩამჯდარი და კიდევ — ას ორმოცდაათი ათასი კოჰორტებად და ფალანგებად დაწყობილი მძიმედ შეიარაღებული ქვეითი ჯარი. გარდა ამისა, ტიგრანის ლაშქარში ირიცხებოდა ოცდათხუთმეტი ათასამდე გზისა და ხიდის მკეთებელი, მდინარეთა ფონის გამწმენდი, ტყის მკაფიავი და სხვა სამუშაოთა შემსრულებელი კაცი. ისინი ზურგში უდგნენ მებრძოლებს და მთელი ჯარის გარეგნულ იერს ძალას ჰმატებდნენ.

27. აი, ყველა ამ ძალებითურთ ტიგრანმა ტავროსი გადალახა და ტიგრანოკერტა რომაელთა ჯარით ალყაშემორტყმული დაინახა. ქალაქში მყოფი ბარბაროსები ტიგრანის გამოჩენას სიხარულის ყიფინითა და ტაშისცემით შეხვდნენ. ისინი რომაელებს ემოქრებოდნენ და ქალაქის კედლებიდან სომხეთის მხედრობაზე უთითებდნენ.

ლუკულუსმა მომავალი ბრძოლის თაობაზე თათბირი გამართა. ზოგიერთი ურჩევდა მოეხსნა ალყა და ტიგრანის წინააღმდეგ დაეძრა ჯარი, ზოგიერთი კი შეუძლებლად თვლიდა ზურგში ამდენი მტრის დატოვებასა და ალყის მოხსნას. ლუკულუსმა განაცხადა, ცალ-ცალკე არც ერთი რჩევა არ ვარგა, მაგრამ ორივე ერთად ჰქვეიანურიანო, და თავისი მხედრობა ორ ნაწილად გაჰყო. მურენა ექვსი ათასი ქვეითი ჯარისკაცით ქალაქის სააღყოფ დატოვა, თვითონ კი თან წაიყვანა ოცდაათი კოჰორტი, რომლებიც ათი ათასამდე მძიმედ შეიარაღებულ ქვეით მეომარს მოითვლიდნენ, მთელი ცხენოსანი ჯარი, დაახლოებით ათას კაცამდე მეშურდულე და მშვილდოსანი, და მტრისკენ გაეშურა. იგი ერთ ვრცელ მინდორში მდინარის გაყოლებაზე დაბანაკდა.

ლუკულუსის მხედრობა ფრიად უმნიშვნელო შოიგენა ტიგრანს, მოიქვენელებს კი ქილიკობის საბაბი მიეცათ. ერთნი დასცინოდნენ

ლუკულუსს, მეორენი კი მომავალი ნადავლის გასაყოფად უკვე წინასწარ ჰყრიდნენ წილს. ყოველი სარდალი და პატარა მეფე ცალ-ცალკე ეხვეწებოდა ტიგრანს: მაგ საქმის მოსაგვარებლად მარტო მე გამიშვი, შენ კი მშვიდად იჯექი და უცქირეო. ტიგრანმა მხიარული გუნებისა და ენამახვილობის გამოძლეავენების სურვილით ცნობილი სიტყვები წარმოთქვა: „თუ ეს რომაელები ელჩებად მოვიდნენ აქ, მეტისმეტად ბევრნი არიან, თუ ჯარისკაცებად — ფრიად მცირენიო“.

აი, ასე ლუკულუსის დაცინვასა და ქილიკობაში გაატარეს ის დღე ტიგრანმა და მისმა ამაღამ.

გარიჟრაჟზე ლუკულუსმა იარაღსხმული გამოიყვანა თავისი მხედრობა. ბარბაროსთა ჯარი მდინარის აღმოსავლეთით იყო დაბანაკებული. რაკი მდინარე დასავლეთის მიმართულებით უხევდა, სადაც ყველაზე უფრო აღვილი იყო მასზე გადასვლა, ლუკულუსმაც ჯარი იქითკენ წაიყვანა. ეს მეტად სწრაფად გააკეთა. ტიგრანს კი ეგონა, ლუკულუსმა უკან დაიხიაო. მან დაუძახა ტაქსილეს და ლიცილით უთხრა: „ვერ ხედავ, როგორ გარბიან რომაელთა უძლეველი ჯარისკაცები?“. „მეფეო, — უბასუხა ტაქსილემ, — მე ძალიან მინდა შენდა საბედნიეროდ რამე სასწაული მოხდეს; მაგრამ რომელი მეომრები, როცა ისინი გზად მიდიან, ძვირფას ტანსაცმელს არ იცვამენ, არც ასე ახურავთ მუზარადები და იარაღიც, როგორც აი ახლა, ასე როდი აქვთ ტყავის ბუდიდან ამოწვდილი. მათი ბრწყინვალე იერი იმას ამტკიცებს, რომ ისინი ბრძოლისათვის არიან მზად და უკვე იერიშზე მოდიანო“.

ტაქსილეს ტიგრანთან საუბარი ჯერ არც დაემთავრებინა, რომ ლუკულუსის პირველი ლეგიონი ყველასათვის აშკარად შემობრუნდა. მდინარეზე გადასასვლელად კოპორტებიც ცალ-ცალკე რაზმებად დაიყო. ტიგრანი თითქოს ახლავა გამოფხიზლდა და ორჯერ თუ სამჯერ შეჰყვირა: „ნუთუ ჩვენ წინააღმდეგ მოდიან რომაელები?!“ მისმა ურდომ დიდი აღიარებით დაიწყო საბრძოლოდ დარაზმება.

შუა აღვილი მეფემ დაიკავა, მარცხენა ფრთის წინამძღოლობა აღიაბენელთა მთავარს მისცა, ხოლო მარჯვენაზე მიდიელთა მეფე დააყენა. მარჯვენა ფრთის წინა ხაზზე აბჯარში ჩამსხდარ მხედართა დიდი ნაწილი ჩამწყვრივდა.

ის-ის იყო ლუკულუსმა მდინარეზე გადასვლა დააპირა, რომ ზოგიერთმა მისმა ხელქვეითმა ურჩია გაფრთხილებოდა დღევანდელ

დღეს, ერთ-ერთ იმ კვიმატ დღეთაგანს, რომელთაც „ნავს დღეებს“ ეძახიან: სწორედ ამ დღეს კიმბრებთან ბრძოლაში დაიღუპა ცეპიონის ხელმძღვანელობის ქვეშ მყოფი რომაელთა მხედრობათ⁷³. ლუკულუსმა მათ ცნობილი სატყვეებით უპასუხა: „რომაელებისათვის მე ამ დღესაც ბედნიერ დღედ ვაქცევო“. ეს იყო ოქტომბრის ნონების წინაღღე.

28. თქვა თუ არა ეს, ლუკულუსმა თავისიანება გაამხნევა, მდინარეზე გადავიდა და პირველი დაიძრა მტრის წინააღმდეგ. მას თავლისმომჭრელად ელვარე ქიცვიანი რკინის აბჯარი ეცვა, რომელზედაც ფოჩებიანი სამხედრო წამოსასხამი ჰქონდა წამოგდებული. ხელში ლუკულუსს ქარქაშიდან ამოწვდილი ხმალი ეჭირა და ზევით სწევდა იმის ნიშნად, რომ საჭირო იყო დაუყოვნებლივ ჰკვეთებოდნენ მტრის მშვილდოსნებს. რომლებიც სეტყვასავით აყრიდნენ რომაელებს ისრებს, და სწრაფი იერიშით მათთვის ისრის სატყორცნი მანძილი წაერთმიათ.

მაღე მან დაინახა თავით ფეხამდე აბჯარში ჩამჯდარი ცხენოსანი ჯარი, რომელზედაც მტერი დიდ იმედებს ამყარებდა. ამ ჯარს დაეკავებინა ერთი განიერი გორაკი. მასზე ასასვლელად მოწინააღმდეგეს სულ რაღაც ოთხი სტადიონის გავლა დასჭირდებოდა, თანაც გზა სრულიადაც არ იყო დამრეცი და ძნელი სავალი. ლუკულუსმა მის განჯარგულებაში მყოფ თრაკიელ და გალატელ მხედრებს უბრძანა გვერდიდან შემოევლათ გორაკისათვის, დასხმოდნენ თავს მტრის ცხენოსნებს და მათი შუბები ხმლის დაკვრით მოეგვრებინათ. ერთადერთი ძალა აბჯარში ჩამსხდარი ცხენოსნებისათვის შუბი არის. ასეთი ჯარი, მძიმე და უხეში საჭურველის გამო, მეტად ზანტად მოძრაობს და შუბის გარდა სხვა იარაღით ვერც საკუთარ თავს დაცავს, ვერც მტერს მიაყენებს ვნებას.

თვითონ ლუკულუსი ორი კოჰორტით გორაკის დასაკავებლად გაეშურა. ჯარისკაცები მამაცურად მისდევდნენ უკან. ისინი ხედავდნენ, იარაღსაშეშული წინამძღოლი ყველაზე წინ მიდიოდა ქვეითად, არ ერიდებოდა განსაცდელს და თავგამოდებით მიიწევდა გორაკისაკენ.

ავიდა თუ არა გორაკზე, ლუკულუსი ერთ საჩინო ადგილზე დადგა და მთელი ძალ-ღონით შეჰყვირა: „ჩვენ გავიმარჯვეთ, მეგობრებო, ჩვენ გავიმარჯვეთ!“ ამ სატყვეებით ჯარი მტრის აბჯარში ჩამჯდარ მხედრობისაკენ დაძრა და ჯარისკაცებს უბრძანა, ოროლები აღარ ენ-

მართა, ყოველ მათგანს ხელში ხმალი მოემარჯვებინა და მტრისათვის ფეხებსა და თეძოებზე დაეცხოთ, ვინაიდან აბჯარში ჩამჯდარ ცხენოსნებს მხოლოდ ეს ადგილები ჰქონდათ დაუფარავი.

ამ ბრძანების შესრულება საჭირო აღარ იყო. ტიგრანის აბჯროსანმა ცხენოსნებმა რომაელების შემოტევას აღარ დაუცადეს. შემადრწუნებელი ყვირილი ატეხეს და სამარცხვინოდ გაიქცნენ. ისინი ჯავშნისაგან დამძიმებული ცხენებით საკუთარი ქვეითი ჯარის რიგებში შეიჭრნენ. მოწინააღმდეგის ქვეითებმა ბრძოლის დაწყება ვეღარ მოახერხეს. ასე რომ ტიგრანის მრავალათასიანი მხედრობა ბრძოლისა და სისხლის ღვრის გარეშე დამარცხდა.

დიდი ზოცვა-უღელტა გაიმართა მხოლოდ მტრის უკან გაქცევის ანდა, უკეთ რომ ვთქვათ, ამის ცდის დროს. მტერმა გაქცევა ვერ შეძლო. მისი ხშირი რიგები ამ შემთხვევაში ფრიალ დამაბრკოლებელ გარემოებად გადაიქცა.

ტიგრანმა ჯერ კიდევ დასაწყისშივე უშველა თავს რამდენიმე კაცის თანხლებით. როცა დაინახა, შვილიც მის ბედს იზიარებდა, თავიდან გვირგვინი ჩამოიღო, აცრემლებული თვალებით შვილს გადასცა და უთხრა როგორმე თავი გადაერჩინა და სხვა გზით გაქცეულიყო. მაგრამ ჰბატუმა გვირგვინის თავზე შემოდგმა ვერ გაბედა და ერთს ყველაზე უფრო სანდო მსახურს გადასცა შესანახად. ეს მსახური შემთხვევით ტყვედ ჩავარდა. იგი ლუკულუსთან მიიყვანეს. ისე რომ სხვა ნადავლთან ერთად ტიგრანის გვირგვინიც რომაელთა ხელში აღმოჩნდა.

როგორც ამბობენ, ამ ბრძოლაში ასი ათასზე მეტი ქვეითი მეომარი დაკარგა მტერმა. ხოლო მის ცხენოსანთაგან თითქმის არავინ გადაარჩენილა. რაც შეეხება რომაელებს, მათ ასამდე კაცი დაუჭრეს, ხუთი კი მოუტლეს⁷⁴.

ანტიოქე ფილოსოფოსი⁷⁵, რომელიც ამ ბრძოლას მოიხსენიებს თავის თხზულებაში „ღმერთთა შესახებ“, ამბობს: ამ ბრძოლის მსგავსი ბრძოლა მზეს არ უხილავსო.

მეორე ფილოსოფოსი სტრაბონი⁷⁶ „ისტორიულ მოგონებებში“ აცხადებს: რომაელები სირცხვილისაგან წითლდებოდნენ და თავის თავს დასცინოდნენ, ამისთანა ღვთის გლახებზე როგორ აღვმართეთ იარაღით.

ლივიუსი კი ამბობს: მტრის რიცხოვნობრივად ასე ჭარბ ძალებს რო-

მავლები აქამდე არასოდეს არ შეხვედრიან საბრძოლველად: გამარჯ-
ვებულნი თითქმის ორჯერ და კიდევ უფრო მეტჯერ ნაკლებნი იყუ-
ნენ დამარცხებულებზეო⁷⁷.

რომანელთა შორის ყველაზე უფრო გამოჩენილი და მრავალმვა-
დახდილი სარდლები უბირატესად იმისთვის აქებდნენ ლუკულუსს
რომ ორი მეტისმეტად სახელგანთქმული და უძლიერესი მეფე ორი
ერთმანეთის საწინააღმდეგო საშუალებით — სისწრაფითა და დაყოფ-
ნებით დაამარცხა. მართლაც, მითრიდატე ლუკულუსმა მისი ძლიერ-
ების ქამს დროის გაჭიანურებითა და ნელი მოქმედებით დაასუსტა
ხოლო ტიგრანი სწრაფი იერიშით გატეხა.

ლუკულუსი იმ მცირერიცხოვან სარდალთა რიგს ეკუთვნოდა.
რომლებიც თავ-თავის დროზე გადამწყვეტ საქმეში აუჩქარებელ მოქ-
მედებას, ხოლო თავის დასაცავად ვაზედულ იერიშს მიმართავდნენ.

29. სწორედ ამის გამო მითრიდატე მაინცდამაინც დიდი სიჩქარით
არ მიისწრაფოდა ბრძოლისაკენ. იგი ფიქრობდა, ლუკულუსი მისთვის
ჩვეული სიფრთხილითა და დაყოვნებით იომებდა და ამიტომ ტიგრა-
ნის დასახმარებლად ფრიად დინჯად მიემართებოდა. მაგრამ როცა
გზაზე რამდენიმე დაფეთებული და შეშინებული სომეხი ლტოლვილი
შემოეყარა, მაშინვე მიხვდა, საქმე ცუდად იყო. მერმე და მერმე
მითრიდატეს მრავალი უიარაღო დაჭრილი მეომარი ხვდებოდა გზა-
ში. მან აქ შეიტყო სომეხთა მარცხი და ტიგრანის ძებნას შეუდგა.

მითრიდატემ ტიგრანი ყველასაგან მიტოვებული და სასოწარკვე-
თილი იხილა, მაგრამ სამაგიერო კი არ გადაუხადა და ამპარტანუ-
ლად მოექცა, პირიქით, ცხენიდან ჩამოხდა და მასთან ერთად საერთო
უბედურება დაიტირა; მერმე მთელი თავისი ამაღა დაუთმო და მო-
მავლის იმედით გააშენნევა. ამის შემდეგ მითრიდატე და ტიგრანი
კვლავ ახალი ძალების შეგროვებას შეუდგნენ.

ამასობაში ქალაქ ტიგრანოკერტას ბერძნული მოსახლეობა იქაურ
ბაბუაროსთა წინააღმდეგ აღსდგა და მოინდომა ქალაქი ლუკულუსის-
ათვის ჩაებარებინა. მაშინ ლუკულუსი იერიშზე გადავიდა და ქალა-
ქი აიღო. სამეფო განძეულობა თავისთვის დაიტოვა. ქალაქი კი გა-
საძარცვად დაუთმო ჯარისკაცებს, რომლებმაც იქ სხვა ქონებასთან
ერთად რვა ათასი ტალანტი ლითონის ფული ნახეს. ამის გარდა, ლუ-
კულუსმა ყოველ ჯარისკაცს რვაასი დრაქმაც მისცა ნადავლიდან⁷⁸.
მაღე მან შეიტყო, რომ ქალაქში იმყოფებოდა დიონისეს საქმის მრავ-

ვალი ოსტატი⁷⁹. რომლებიც ტიგრანს მის მიერ აგებული თეატრის გახსნისათვის ყოველი მხრიდან შემოეკრიბა. ლუკულუსმა ისინი გამარჯვების აღსანიშნავად გამართულ შეჯიბრებებსა და სანახაობებში გამოიყვანა.

ტიგრანოკერტაში მყოფ ბერძნებს ლუკულუსმა სავზაო მარაგი დაურიგა და სამშობლოში გაისტუმრა. ასევე მოიქცა აქ ძალით გადმოსახლებულ ბარბაროსთა მიმართაც. მართალია, ერთი ქალაქი დაინგრა, სამაგიეროდ მრავალი ქალაქი ისევ აღორძინდა და ამ ქალაქებმა თავ-თავიანთი მოსახლეობა უკან დაიბრუნეს. სამშობლოში დაბრუნებულმა ხალხმა ლუკულუსს, როგორც კეთილმოქმედსა და ქალაქთა ამ აღორძინებელ კაცს, თაყვანისცემა დაუწყო.

ლუკულუსი დანარჩენ საქმეებშიც იმ კაცის ღირსებისათვის შესაფერ წარმატებებს აღწევდა, რომელიც სამართლიანობისა და კაცთმოყვარეობისათვის შექცებას უფრო მაღლა აყენებდა, ვიდრე ომში მოპოვებული გამარჯვებებისათვის შესხმულ ზოტბას. ბაქოლაში მიღწეულ გამარჯვებებში საკმაოდ დიდი წილი ედო მხედრობას და კიდევ უფრო მეტი ბედს; სამართლიანობა და კაცთმოყვარეობა კი ლუკულუსის სათნოებისა და ზრდილობის მაუწყებელი იყო. იგი სწორედ ამის წყალობით იარაღის გარეშე ახერხებდა ბარბაროსთა მოთვინიერებას. არაბთა მეფენი თავისი ნებით ეახლნენ და მთელი თავიანთი ქონება გადასცეს. ასევე მოვიდნენ მასთან სოფენეს მკვიდრნი. გორდიენეს მოსახლეობა კი ისე მიენდო ლუკულუსს, რომ ყველანაშად იყვნენ საკუთარი ქალაქები მიეტოვებინათ და მას გაჰყოლოდნენ უკან. ამის მიზეზი ისევ და ისევ მისი სამართლიანობა და კაცთმოყვარეობა გახლდათ.

გორდიენეს მეფე ზარბიენოსი, რომელიც ვერ იტანდა ტიგრანის ტირანიას, აპიუსის მეშვეობით, როგორც ეს ზემოთ აღინიშნა, ლუკულუსთან საიდუმლო მოლაპარაკებას აწარმოებდა მოკავშირეობის თაობაზე, მაგრამ იგი მანამდე გასცეს და მოკლეს ცოლ-შვილთან ერთად, ვინემ რომაელები სომხეთში შეიჭრებოდნენ. ლუკულუსს ეს ამბავი კარგად ახსოვდა და, როცა გორდიენეში შევიდა, დიდი ამბით დაკრძალა ზარბიენოსი. ამ შემთხვევისათვის საჭირო კოცონი სამეფო ტანსაცმლით, ოქროულობითა და იმ ნადავლით მორთო, რომელიც ტიგრანს წაართვა. ლუკულუსმა კოცონი საკუთარი ხელით დაანთო და მიცვალებულს მის მეგობრებთან და ნათესავებთან ერთად

ზედაშე დაუქცია. ამ წესის აღსრულების დროს იგი ზარბიენოსს თავის მეგობრად და რომელთა მოკავშირის სახელით მოიხსენიებდა. გარდა ამისა, ლუკულუსმა ბრძანა გორდიენეს მეფისათვის ძვირფასი ძეგლი აეგოთ. ზარბიენოსის სასახლეში დიდძალი ოქრო-ვერცხლი აღმოჩნდა. აქვე იყო შენახული სამი მილიონი მედიმნი ხორბალი⁸⁰. ასე რომ ნადავლმა ჯარისკაცებიც გაამდიდრა და ლუკულუსმაც საყოველთაო განცვიფრება გამოიწვია. საქმე ის იყო, რომ ლუკულუსს სახელმწიფო ხაზინიდან ერთი დრაქმაც არ მიუღია. საომარ ხარჯებს ომში მოპოვებული ნადავლით ფარავდა.

30. იმ ხანებში ლუკულუსთან პართების მეფის გამოგზავნილი ელჩები მოვიდნენ. ისინი მეგობრულ კავშირს თხოვდნენ მას. ლუკულუსს ეს ძალიან ესიამოვნა და პართების მეფეს თავის მხრივ მანაც გაუგზავნა ელჩები. ლუკულუსის ელჩებმა გამოარკვეეს, რომ პართების მეფე ორპირობდა და დახმარების გაწვევისათვის ტიგრანს ჯილდოდ მესოპოტამიას სთხოვდა.

ლუკულუსმა ეს რომ გაიგო, გადაწყვიტა ტიგრანისა და მითრიდატესათვის, როგორც უკვე წელში გატეხილი მოწინააღმდეგეთათვის, თავი დაენებებინა⁸¹, პართების წინააღმდეგ გაელაშქრა და მათი ძალა გამოეცადა. იგი დიდ გამირობად თვლიდა, ათლეტის მსგავსად, ერთი ომით სამი მეფის ზედიზედ დამარცხებას და მზის ქვეშ აბსებულ სამი უზარმაზარი სამეფოს დაუძლეველი და გამარჯვებული კაცის სახელით გადაქელვას.

გორდიენედან ლაშქრობის დაწყების მიზნით ლუკულუსმა ბრძანება გაუგზავნა პონტოში სორნაციუსსა და მის ხელქვეით მეთაურებს, იქაური მხედრობა მასთან მოეყვანათ.

სორნაციუსი და მისი სხვა ლეგატები, რომლებმაც მანამდე იწვინეს ჯარისკაცების უხეშობა და სიჭიუტე, ახლა საცხებიტ დარწმუნდნენ მათ თვითნებობაში. ვერავითარი რჩევითა და ძალიტ ვერ დაიყოლიეს ისინი ლუკულუსთან წაყვანაზე. ისინი ყვირილიტ ფიცულობდნენ: იქ კი არა, აქაც არ მოვიცდით, სულ წავალთ და პონტოს დაუცველად დავტოვებთო.

აუწყეს თუ არა ეს ამბავი ლუკულუსს, მისი მხედრობაც მაშინვე წახდა ზნეობრივად. ლუკულუსის ჯარისკაცები, რომლებმაც გამდიდრება და განებივრება მოასწრეს, ისედაც უხალისოდ ასრულებდნენ მეთაურის მოვალეობას და დასვენებას მოითხოვდნენ. როცა პონტოს

დამცველი ჯარისკაცების სითამამე გაიგეს, ისინი მამაცებად ჩათვა-
ლეს და განაცხადეს: იმათ მაგალითს უნდა მივბაძოთ; ჩვენ საკმაოდ
ბევრი რამ გავაკეთეთ და უშიშრად ყოფნისა და დასვენების უფლება
დამსახურებული გვაქვსო.

31. ამისთანა და ამაზე კიდევ უფრო უარესი სიტყვების მოსმენის
შემდეგ ლუკულუსმა პართების წინააღმდეგ ლაშქრობა გადაიფიქრა
და შუა ზაფხულში კვლავ ტიგრანისაკენ გაემართა. როცა ტავროსი
გადალახა, მეტისმეტად შეწუხდა, ჯერ კიდევ მწვანედ მოღალანე ყ-
ნები რომ იხილა⁸². ცივი ჰაერის გამო აქ გაზაფხული ძალზე იგვი-
ნებს ზოლმე.

მიუხედავად ამისა, ლუკულუსი ველზე დაეშვა, ორჯერ თუ სამ-
ჯერ უკუაქცია სომხები, რომლებიც თავს დაესხნენ, და დაუბრკო-
ლებლივ მათი სოფლების აოხრება და ტიგრანისათვის მომზადებული
პურის მარაგის დატაცება დაიწყო. ამით მტერს დაატეხა თავს ის გა-
ჭირვება, რომლისაც თვითონ ეშინოდა.

ლუკულუსი სომხების ბანაკის გარშემო თხრილებს ავლებდა,
მტერს თვალწინ მიწა-წყალს უოხრებდა და ბრძოლაში იწვევდა; მაგ-
რამ მრავალჯნის დამარცხებული მხედრობა ადგილიდან ვერ დაძრა.
მაშინ ლუკულუსი ტიგრანის დედაქალაქისაკენ, არტაქსატასაკენ, და-
იძრა⁸³. იქ ტიგრანის მცირეწლოვანი შვილები და კანონიერი ცოლე-
ბი იმყოფებოდნენ. ლუკულუსი დარწმუნებული იყო, ტიგრანი ამ
ქალაქს უბრძოლველად არ დათმობდა.

გადმოგვცემენ, როცა რომაელებმა ანტიოქე დაამარცხეს, კართა-
გენელი ჰანიბალი სომხეთის მეფე არტაქსასთან⁸⁴ მივიდა და მრავალი
კეთილი და სასარგებლო რჩევა-დარიგება მისცაო. ჰანიბალმა ამ ქვე-
ყანაში თურმე ერთი მეტად ნოყიერი და მშვენიერი, მაგრამ გამოუ-
ყენებელი ადგილმდებარეობა შეამჩნია და იქ ქალაქის გეგმა მოხაზა.
მან ამ ადგილზე არტაქსა მიიყვანა, უჩვენა იგი და წააქეზა: ეს ადგი-
ლი დაასახლეო. სომხეთის მეფეს გაუხარდა და ჰანიბალს სთხოვა, ამ
საქმეს თვითონ ჩადგომოდა სათავეში. მართლაც აქ უზარმაზარი და
მეტისმეტად ლამაზი ქალაქი აღიმართა. მას მეფის სახელი დაერქვა
და სომხეთის დედაქალაქად გადაიქცა⁸⁵.

აი, სწორედ ამ ქალაქისაკენ გაემართა ლუკულუსი. ტიგრანმა თა-
ვი ველარ შეიკავა. მხედრობა აქეთკენ წამოიყვანა და მეოთხე დღეს
რომაელების პირისპირ დაბანაკდა. მოწინააღმდეგეთ ერთმანეთისაგან.

ჰყოფდა მდინარე არსანია⁸⁶, რომელიც აუცილებლად უნდა გადაე-
ლახათ რომაელებს, თუკი არტაქსატასთან მისგლა უნდოდათ.

ლუკულუსმა, თითქოს გამარჯვება უკვე ხელში ჰქონდა, ღმერთებს
მსხვერპლი შესწირა და ჯარი მდინარეზე გადაიყვანა. წინ თორმეტი
კოპორტი მიდიოდა, ხოლო დანარჩენი კოპორტები, მტრის ალყის
თავიდან ასაცილებლად, ზურგში იყვნენ დაწყობილნი. ლუკულუსის
წინააღმდეგ მტრის რჩეული და მრავალრიცხოვანი მხედრობა ჩამ-
წყრივდა. ამ მხედრობის წინ ცხენოსანი მშვილდოსნები — მარდები⁸⁷
და შუბოსანი იბერები⁸⁸ იდგნენ. უცხო მეომართა შორის ყველაზე
უფრო დიდ ნდობას, როგორც საუკეთესო მებრძოლებს, ტიგრანი
სწორედ ამათ უცხადებდა. მაგრამ არავითარი ბრწყინვალე გამირობა
მათ მაშინ არ ჩაუდენიათ, რომაელ მხედრებთან მცირეოდენი შეტა-
კების შემდეგ იერიშზე წამოსულ ქვეითებს ვეღარ გაუმკლავდნენ,
ორ ნაწილად გაიყვნენ და უკუიქცნენ. რომაელმა მხედრებმა ამით
ისარგებლეს და უკუქცეულებს გამოედევნენ. მტრის დევნაში რომა-
ელი ცხენოსნები დაიქსაქსნენ და ახლა ამათ წინააღმდეგ ტიგრანის
მხედრები გაეშურნენ. ტიგრანის ბრწყინვალე და მრავალრიცხოვანი
მხედრობის დანახვამ ლუკულუსი შეაშინა, მტრის მადევარი რომაელი
ცხენოსნები უკან გამოიწვია და პირველად მის წინააღმდეგ საუკეთე-
სო რაზმებად განლაგებულ ატროპატენებს⁸⁹ ეკვეთა. მან ჯერ კიდევ
ბრძოლის გაჩაღებამდე დასცა ატროპატენებს თავზარი და უკუ-
აქცია.

ლუკულუსის წინააღმდეგ ამხედრებულ სამ მეფეთაგან, როგორც
ამბობენ, ყველაზე უფრო სამარცხვინოდ მითრიდატე პონტოელი გა-
იქცა. მან თურმე რომაელთა საომარ ყიყინასაც კი ვერ გაუძლო.

მტრის დევნა მეტისმეტად გახანგრძლივდა. რომაელები მთელი
ღამის განმავლობაში ელვტდნენ მტრებს, ტყვედ მიჰყავდათ ისინი და
ფულსა და სხვა ნადავლს აგროვებდნენ. ამან ლუკულუსის მეომრე-
ბი ფრიად დაქანცა.

ლივიუსი ამბობს, პირველ ბრძოლაში გაცილებით უფრო მეტი
მტერი შემუსრეს, სამაგიეროდ მეორე ბრძოლაში მტერმა საკმაოდ
ბევრი წარჩინებული კაცი დაკარგა მოკლულთა თუ დატყვევებულთა
სანითო.

32. ამ გამარჯვებით აღტაცებულმა და გამხნეგებულმა ლუკულუს-
მა გადაწყვიტა წინ წასულიყო და მტერი საბოლოოდ მოესპო. მაგრამ

მისთვის სრულიად მოულოდნელად შემოდგომის ბუნიობის უამს საშინელი ამინდი დადგა. დაიწყო გაუთავებელი თოვბა. შიგადაშიგ, როცა ცა მოიწმინდებოდა, დედამიწა ჭირხლით იფარებოდა და ჰყინავდა. მდინარეებში ისე ცივი იყო წყალი, ცხენები დასაღვეად ვეღარ ეკარებოდნენ. გაყინულ მდინარეებზე გადასვლაც მეტისმეტად გაძნელდა, ყინული ტყდებოდა და მისი ბასრი წვეტები ცხენებს ფეხის ძარღვებს აჭრიდა. ამ ქვეყნის უდიდესი ნაწილი ჯაგნარით დაფარული, ხეობებით დასერილი და ტყიანი იყო. გზად მიმავალ ჯარისკაცებს თოვლი ზვინებდალ ეყრებოდათ თავზე. ხშირად უხდებოდათ ნესტიან მიწაზე დიდი ტანჯვით დამის გატარება.

ბრძოლის შემდეგ რამდენიმე დღის განმავლობაში ჯარისკაცები მორჩილად მიჰყვებოდნენ ლუკულუსს, მაგრამ მერე დრტვინვა დაიწყო. ჯერ ათასისათვისა მეშვეობით სთხოვდნენ ლუკულუსს: დაგვზოგეო, მერმე და მერმე კი აჩოჩქოლებულ ჯგუფებად იკრიბებოდნენ და დამით კარვებს ყვირილით იღებდნენ. ეს უკვე ჯარის ამბოხების ნიშანი იყო. ლუკულუსი ხვეწნა-მუდარით სთხოვდა ჯარისკაცებს სულგრძელობა და მოთმინება გამოეჩინათ მანამდის, ვინემ სომხების კართავენს არ აიღებდა და რომელთა უდიდესი მტრის — აქ იგი პანბალს გულისხმობდა — ქმნილებას არ დაანგრევდა⁹⁰.

ლუკულუსმა მხედრობა ვერ დააჯერა. მაშინ უკან წაიყვანა, სხვა გადასასვლელით ტავროსი გადალახა და ეგრეთ წოდებულ მიგდონი-აში, ნოყიერსა და თბილ ქვეყანაში ჩავიდა. აქ იყო დიდი და მჭიდროდ დასახლებული ქალაქი, რომელსაც ბარბაროსები ნისიბისს, ხოლო ბერძნები მიგდონიის ანტიოქიას ეძახდნენ⁹¹. ამ ქალაქს დიდად წარჩინებული ტიგრანის ძმა გურა მართავდა. მაგრამ, სინამდვილეში, ნისიბისი გამოცდილსა და მანქანათა გამოგონებაში დახელოვნებულ კალიმაქეს ხელში იყო. ეს ის კალიმაქე გახლდათ, რომელმაც ლუკულუსს მრავალი ვნება მიაცენა ამისესთან.

ლუკულუსი ქალაქის მახლობლად დაბანაკდა, ყოველგვარი სააღ-ყო ხრიკი გამოიყენა და სულ მოკლე ხანში ქალაქი იეროშით აიღო. გურას მიმართ, რომელიც თავისი ნებით ჩაბარდა, კაცთმოყვარეობა გამოიჩინა: მაგრამ კალიმაქე, მიუხედავად იმისა, რომ ჰპირდებოდა, დიდძალ გადამაღულ ჭონებას გაჩვენებო, არ დაინდო. ლუკულუსმა ბრძანა კალიმაქესათვის ბორკილები დაედოთ და სამართალში მიეცათ, რათა პასუხი ეგო ამისეს დაწვესათვის, რისი მიზეზით რომე-

ლებმა პატივმოყვარობა ვერ დაიკმაყოფილეს და ამისეს ბერძნული მოსახლეობის მიმართ სულგრძელობა ვეღარ გამოიჩინეს.

33. აქამდე კაცს შეიძლება ეფიქრა, რომ ბედი მუდამ თან სდევდა ლუკულუსს ლაშქრობაში; მაგრამ ამიერიდან, თუ შეიძლება ითქვას, მისი კეთილისმყოფელი ზურგქარი ჩადგა. ლუკულუსი ახლა ყველაფერს ძალდატანებით აკეთებდა და მრავალ წინააღმდეგობას აწყდებოდა⁹²; მართალია, იგი კვლავ ამჟღავნებდა კარგი სარდლისათვის დამახასიათებელ ვაჟკაცობასა და სიმტკიცეს, მაგრამ მის საქმეებს უწინდებური სახელი და მადლი მოაკლდა. ის კი არა, მთელი რიგი მარცხისა და მხედრობასთან უსარგებლო უთანხმოების წყალობით ძველი დიდებაც კინაღამ დაკარგა.

საკუთარი ბედის ცვლილებაში საკმაოდ დიდი ბრალი თვითონ ლუკულუსს მიუძღოდა. ჯარისკაცთა ბრბოს წინაშე პირტერობა არ შეეძლო და ხელქვეითის გულის მოსაგებად კაწეულ ყოველ მოქმედებას ძალაუფლების შეურაცხყოფად და დაკნინებად თვლიდა. ყველაზე მთავარი მაინც ის იყო, რომ ბუნებით ვერ ეგუებოდა ვერც მასზე ძლიერებს და ვერც მის სიმაღლეზე მდგომ ხალხს. ყველა ეზიზღებოდა და თავის ღირსად არავის თვლიდა.

აი, ყველა ის ნაკლი, რომელიც ლუკულუსს, როგორც ამბობენ, მრავალ კარგ თვისებასთან ერთად ჰქონდა. იგი იყო ტანადი, ლამაზი, მკვევრმეტყველი და შეეძლო ერთნაირად გამოემჟღავნებინა თავისი ნიჭი როგორც ფორუმზე, ისე სამხედრო ბანაკშიც. სალუსტიუსი ამბობს, ლუკულუსმა ომის დასაწყისშივე დაიმსახურა ჯარისკაცების წყრთამო: ისინი აიძულა ორი ზამთარი ზედიზედ ბანაკში გაეტარებინათ, ერთი კიზიკოსის მახლობლად და მეორე ამისესთანო. რომელ მგომრებს ამის შემდეგაც მრავალი მძიმე ზამთრის გადატანა მოუხდათ. მტრის ქვეყანაში იქნებოდა ეს თუ მოკავშირის ქვეყანაში, ზღუდით, ისინი მაინც ღია ცის ქვეშ დაბანაკებულნი ზამთრობდნენ ხოლმე. ბერძნულსა და, საერთოდ, მოკავშირეთა ქალაქში ლუკულუსი არც ერთხელ არ შესულა თავისი მხედრობით.

ლუკულუსის მიმართ ჯარისკაცების ასეთი ცუდი განწყობილებით რომში მყოფმა დემაგოგებმა ისარგებლეს და ეს მტრული ურთიერთობა კიდევ უფრო მეტად გაზარდეს. შურით აღსავსე დემაგოგები ლუკულუსს ბრალად სდებდნენ იმას, რომ თითქოს სარდლის რწმუნების შენარჩუნებისა და ანგარების მიზნით ახანგრძლივებდა

ომს. ისინი ამბობდნენ: ლუკულუსს თავის ხელში ჰყავს მომწყვდეული კილიკია, აზია, ბითინია, პაფლაგონია, გალატია, პონტო, სომხეთი და სხვა ქვეყნები ვიდრე ფაზისამდგომო; მან ახლახან ტიგრანის სამეფოც კი ააოხრა; იგი ისე იქცევა, თითქოს მეფეთა გასაძარცვად იყოს მივლინებული და არა საომრად.

როგორც გადმოგვცემენ, ასე ლაპარაკობდა თურმე ერთ-ერთი პრეტორი — ლუციუს კინცციუსი. ლწორედ ამან დაარწმუნა ხალხი გამოეტანათ გადაწყვეტილება ლუკულუსის ხელქვეით მყოფი საგამგებლო მხარის სამართავად შემცვლელი პირის გავაზნის თაობაზე. დაადგინეს აგრეთვე ისიც, რომ ლუკულუსის მხედრობის უდიდესი ნაწილი დაშლილიყო.

34. ამ დიდ უსიამოვნებათ მალე კიდევ სხვა დიდი უსიამოვნებაც დაერთო ზედ და ლუკულუსის საქმეები სულ ერთიანად არიგ-ღარია. ამის მიზეზი იყო გარეშარი და თავხედი პუბლიუს კლოდიუსი, ლუკულუსის ცოლისძმა; ძმა იმ ფრიალ გარყვნილი ქალისა, რომელთან ბილწი კავშირისათვის მას საქვეყნოდ კიცხავდნენ⁹³.

კლოდიუსი იმხანად ლუკულუსის ლაშქარში მსახურობდა, მაგრამ ის პატივი, რომლის ღირსადაც თავის თავს სცნობდა, არ ჰქონდა. კლოდიუსს უნდოდა ყველაფერში პირველი ყოფილიყო, მაგრამ მისი ცუდი ხასიათის გამო მუდამ უკან რჩებოდა. მაშინ იგი ფიშპრიას სარდლობის ქვეშ მყოფ ჯარს შეუჩნდა და ლუკულუსის წინააღმდეგ აამხედრა. მაცდუნებელ სიტყვებს, რომელთაც კლოდიუსი დაუზოგავად ხარჯავდა, პირმოთნეობას მიჩვეული ჯარისკაცები ხალისით უსმენდნენ. ეს ის ჯარისკაცები იყვნენ, რომლებიც ფიშპრიათ თავის დროზე დაიყოლია კონსულ ფლავუსის მოკვლის შემდეგ თვითონ აერჩიათ სარდლად. აი ამიტომ ისინი კლოდიუსსაც სიხარულით ეგებებოდნენ და „ჯარისკაცის მეგობარს“ ეძახდნენ. კლოდიუსი თავს ისე აჩვენებდა, თითქოს ძალიან წუხდა მათ ბედზე. იგი ეკითხებოდა: როდისღა უნდა მოეღოს ბოლო ამდენ ომსა და ტანჯვას? ნუთუ ყველა ხალხებთან ბრძოლასა და მთელ დედამიწაზე წანწალში უნდა დამთავრონ სიცოცხლე ამ საცოდავმა ჯარისკაცებმა და მძიმე ლაშქრობის სანაცვლოდ არაფერი არ უნდა მიიღონ? განა ის ეყოფათ, პატიოსანი თვლებით დატვირთულ ურმებსა და აქლემებს მისდიონ? პომპეუსის ჯარისკაცები უკვე ჩვეულებრივ ხალხად გადაიქცნენ. ისინი თავ-თავიანთი ცოლ-შვილით მდიდარ ქვეყნებში ცხოვრობენ და

ქალაქებიც აქვთ. მათ არ დასჭირვებიათ მითრიდატესა და ტიგრანის დევნა ისეთ უდაბნოებში, სადაც ადამიანს ფეხი არ დაუდგამს, არც აზიის სამეფოთა ნგრევა. მშვიდობიანი ცხოვრება პომპეუსელებმა იმის საფასურად მოიპოვეს, რომ ესპანეთში გაძევებულთ, ხოლო იტალიაში გაქცეულ მონებს ებრძოდნენო. „თუ ჩვენ ლაშქრობის დამთავრება არ გვიწერია, — ასკვნიდა კლოდიუსი, — განა არ ჯობია დარჩენილი ჯანი და სიცოცხლე იმ სარდლისთვის დაფხოვით, რომელიც ყველაზე დიდ განძად საკუთარ მეომართა სიმდიდრეს თვლის?“

ამ მიმართვამ ისეთი ავი ზეგავლენა მოახდინა ლუკულუსის მხედრობაზე, რომ მან უარი განაცხადა გაპყოლოდა ლუკულუსს ტიგრანისა და მითრიდატეს წინააღმდეგ მაშინაც კი, როცა მითრიდატე აკლავ პონტოში შეიჭრა და თავისი ძალაუფლების აღდგენა დააპირა

რომაული მხედრობა, დაზამთრების საბაზით, გორდიენეში იდგა და ლუკულუსის შემცველელის, პომპეუსისა თუ სხვა რომელიმე სარდლის მოსვლას ელოდებოდა⁹⁴.

35. სწორედ ამ დროს მოვიდა ცნობა, მითრიდატემ ფაბიუსი დაამარცხა და ახლა სირანციუსისა და ტრიარიუსის წინააღმდეგ მიემართებოდა⁹⁵. ჯარისკაცებს შერცხვათ და ლუკულუსს გაჰყვნენ. პატივმოყვარე ტრიარიუსი მზად იყო სწრაფი გამარჯვება მოეპოვებინა და ლუკულუსისათვის, რომელიც უკვე უახლოვდებოდა, არ დაეცა, მაგრამ იგი დიდ ბრძოლაში დამარცხდა. როგორც ამბობენ, ამ ბრძოლაში შვიდი ათასზე მეტი რომელი დაცა. მოკლულთა შორის ას ორმოცდაათი ცენტურიონი და ოცდაოთხი სამხედრო ტრიბუნი იყო. ბანაკს მითრიდატე დაეუფლა. რამდენიმე დღის შემდეგ ლუკულუსიც მოვიდა და შეიფარა ტრიარიუსი, რომელსაც განრისხებული რომელი ჯარისკაცები მოსაკლავად დაეძებდნენ.

მითრიდატე ლუკულუსთან ბრძოლას თავს არიდებდა და ელოდებოდა ტიგრანს, რომელიც დიდძალი მხედრობით უკვე მოდიოდა მისკენ. ლუკულუსმა გადაწყვიტა, სანამ ისინი შეერთებას მოასწარებდნენ, ტიგრანს დახვედროდა და შებრძოლებოდა.

სწორედ ამ დროს ფიშპრიას ჯარისკაცები ამბობდნენ და თავიანთი რიგები მიატოვეს: თანახმად ვადაწყვეტილებისა ლაშქრობიდან ჩვენ უკვე თავისუფალი ვართ; ლუკულუსი ამიერიდან ჩვენ სარდლად აღარ ითვლება, ვინაიდან მისი საგამგებლო მხარე კანონმა სხვებს გადასცა სამართავადო.

არ დარჩენილა ადამიანის ღირსების დამამცირებელი არა ხერხი, რომლისთვისაც ლუკულუსს მაშინ არ მიემართოს. იგი ყოველ ჯარისკაცს სათითაოდ ეხვეწებოდა დარჩენილიყო. სასოწარკვეთილი და თვალაპრემლებული ლუკულუსი კარავ-კარავ დადიოდა მუდარით და ზოგ მეომარს ხელსაც კი ჰკიდებდა: შემძებრალყო. ჯარისკაცები მის ხვეწნა-მუდარას არ ისმენდნენ, ცარიელ ქისებს ფეხებში ესროდნენ და ეუბნებოდნენ: წადი და მარტოდმარტო ებრძოლე მტერს, იმის წყალობით ხომ მხოლოდ შენ გამდიდრდი!

სხვა ჯარისკაცთა დაუინებელი თხოვნით ფიშბრიას მეომრები იძულებული გახდნენ დათმობაზე წასულიყვენ და ერთი ზაფხული კიდევ დარჩენილიყვნენ. პირობა ასეთი იყო: თუ ამ ხნის განმავლობაში მათ მტერი თავს არ დაესხმოდა, ისინი სამსახურიდან თავისუფლდებოდნენ.

ლუკულუსი იძულებული იყო დაეკმაყოფილებულიყო ამით, წინააღმდეგ შემთხვევაში მარტო რჩებოდა და ქვეყანა ბარბაროსებისათვის უნდა დაეთმო. მასთან დარჩენილ ჯარისკაცებს უკვე ძალას არაფერში ატანდა, არც ბრძოლაში მიჰყავდა ისინი და გულგრილად უყურებდა იმას, თუ როგორ არბევდა კაპადოკიას ტიგრანი და როგორ იწყებდა უწინდებურ ყოყონობას მითრიდატე. და ეს ხდებოდა მაშინ, როცა ლუკულუსმა სენატს წერილობრივ აუწყა: მითრიდატე საბოლოოდ დაგბლიეო! მასთან რომიდან მოხელეებიც კი ჩამოვიდნენ, რათა პონტოში, ვითარცა უკვე მთლიანად დამორჩილებულ ქვეყანაში, მოეწესრიგებინათ საქმეები, მაგრამ მოვიდნენ თუ არა, მყისვე დარწმუნდნენ, რომ ჯარისკაცთა მიერ აბუჩად აგდებული და შეურაცხყოფილი ლუკულუსი საკუთარი თავის პატრონიც ადარ იყო. ჯარისკაცთა თავხედობა სარდლის მიმართ იქამდე მივიდა, რომ როცა ზაფხული გავიდა, იარაღი აისხეს, ხმლები იშიშვლეს და მტერს ეძახდნენ. მტერი კი იქ არსად იყო. მას უკვე მოესწრო აქედან წასვლა. ამის შემდეგ ჯარისკაცებმა მხედრული ყიჟინა დასცეს, ხმლები ჰაერში შეათამაშეს: ის დრო, რაც ლუკულუსს შევპირდით დასაარჩენად, უკვე გავიდაო, თქვეს და ბანაკიდან წავიდნენ.

დანარჩენი მეომრები პომპეუსმა გაიწვია ლუკულუსის ბანაკიდან. ხალხის კეთილგანწყობილებისა და დემავოგათა მლიქვნელობის წყალობით პომპეუსი უკვე დანიშნეს მითრიდატესა და ტიგრანთან წარმოებული ომის მთავარსარდლად ⁹⁶.

სენატი და რომის წარჩინებულთა ფენა თვლიდნენ, ლუკულუსი უსამართლოდ დაჩაგრესო. მათი აზრით, ლუკულუსი ომში კი არა, ტრიუმფში შემცვლელს ღებულობდა და იძულებული იყო არა მარტო სარდლობაზე აედო ხელი, არამედ ამ სარდლობით მოპოვებულ ჯილდოც დაეთმო და სხვისთვის გადაეცა.

36. ასეთი უსამართლობით ყველაზე მეტად მაინც მასთან მყოფი ხალხი იყო აღშფოთებული: ლუკულუსს აღარ ჰქონდა უფლება დაეჯილდოებინა თუ დაესაჯა ჯარისკაცები. პომპეუსი ლუკულუსთან მისვლისა და იმის მიერ რომიდან ჩასულ ათ მონღელსთან ერთად გამოცემული ბრძანებების შესრულების ნებას არავის აძლევდა. მან საგანგებო განკარგულებით აკრძალა ლუკულუსის ბრძანებები და თავისი მრავალრიცხოვანი მხედრობით ყველას შიში ჩაუწერგა.

მიუხედავად ამისა მათმა მეგობრებმა გადაწყვიტეს ისინი ერთმანეთისათვის შეეზგედრებინათ. შეზგედრა მოხდა გალატიის ერთ სოფელში. პომპეუსი და ლუკულუსი ერთმანეთს მეგობრულად მიესალმნენ და ერთიმეორეს წარმატებები მიულოცეს. ასაკით ლუკულუსი უფროსი იყო, მაგრამ პომპეუსი თავისი ღირსებით ლუკულუსზე წინ იდგა: ის უფრო მეტჯერ იყო სარდლად და ორი ტრიუმფიც ჰქონდა გადახდილი.

როგორც ეს გამარჯვებულთა შეეფერებოდა, მათ წინ მიუძღოდათ ლიქტორები, რომელთაც ხელთ დაფნის შტოებით შემოსილი წყებლის კონები ეპყრათ. პომპეუსს დიდი გზა ჰქონდა გამოვლილი. იგი უწყლო და გადახრუკული ადგილებით მოდიოდა. ამიტომ მისი ლიქტორების წყებლის კონებზე შემოხვეული დაფნის შტოები დამჟვანარიყო. ეს რომ დაინახეს, ლუკულუსის ლიქტორებმა პომპეუსის ლიქტორებს პატივი სცეს და საკუთარი, ჯერ კიდევ ახალი და მწვანე დაფნის შტოები მიართვეს. პომპეუსის მეგობრებმა ეს ამბავი კეთილის მომასწავებელ ნიშნად ჩათვალეს. მართლაც, პომპეუსის სარდლობა ლუკულუსის საგმირო საქმეებმა შეამკო.⁹⁷

პომპეუსისა და ლუკულუსის მოლაპარაკებამ კეთილი შედეგი ვერ გამოიღო. ისინი ერთმანეთს კიდევ უფრო დიდ მტრებად დაშორდნენ.

პომპეუსმა ლუკულუსის მიერ გამოცემული ბრძანებები გააუქმა და მთელი მხედრობა ჩამოართვა. ლუკულუსს მომავალი ტრიუმფისათვის მხოლოდ ათას ექვსასი ჯარისკაცი დაუტოვა. ყოფილ მთავარსარდალს ეს ჯარისკაცებიც ფრიად უგულოდ გაჰყვნენ.

არ ვიცი, უუნარობით იყო ეს გამოწვეული თუ უბედობით, ოღონდაც ლუკულუსს აკლდა ის, რაც სარდლობის ეამს უპირველესი და უდიდესია. მას რომ სხვა დიდ ღირსებებთან, მამაცობასა, მუყაითობასა, ცოდნასა და სამართლიანობასთან ერთად სარდლისათვის აუცილებელი ეს ღირსებაც ჰქონოდა, რომაელთა საბრძანებელის საზღვრად აზიაში ევფრატი კი არ იქნებოდა, არამედ ქვეყნიერების კიდე და პირკანიის ზღვა⁹⁸. დანარჩენი ხალხები კი ტიგრანს ჰყავდა დამორჩილებული. რაც შეეხება პართებს, მათი ძლიერება ლუკულუსის დროს ისეთი როდი იყო, როგორც კრასუსის ლაშქრობის ეამს⁹⁹. პართები ჯერ კიდევ არ იყვნენ გაერთიანებულნი: შინაური შფოთი და მეზობელ ხალხებთან წარმოებული ომები მათ საშუალებას არ აძლევდა სომეხი შეურაცხყოფლები მოეგერიებინათ. აი ამის გამო, ჩემი აზრით, ლუკულუსმა მაშინ უფრო მეტი ვნება მიუტანა სამშობლოს სხვების მეშვეობით, ვიდრე სარგებლობა თავისი მოქმედებით: მისმა გამარჯვებებმა სომხეთში, პართების მახლობლად, ტიგრანოკერტისა და ნისიბისის აღებამ, აქედან რომში ჩამოზიდულმა უთვალავმა სიმდიდრემ და ტრიუმფისათვის წამოღებულმა ტიგრანის გვირგვინმა, — ყველაფერმა ამან წააქეზა კრასუსი აზიაში გალაშქრებულიყო. მას ეგონა, იქაური ბარბაროსები მდიდარ ნადავლს წარმოადგენდნენ და სხვას არაფერს: მაგრამ კრასუსმა მალე იგემა პართების ისართა სიმწვავე და საკუთარი მარცხით დაამტკიცა, რომ ლუკულუსმა გამარჯვება მოიპოვა არა მტრის უგუნურებისა და სისუსტის წყალობით, არამედ საკუთარი მამაცობითა და გამოცდილებით. მაგრამ ამის თაობაზე შემდეგ¹⁰⁰.

37. ჩამოვიდა თუ არა რომში, პირველი, რაც ლუკულუსმა გაიგო, ის იყო, რომ გაიუს მემიუსს¹⁰¹ სამართალში მიეცა მისი ძმა მარკუსი კვესტორობის დროს სულას ბრძანებით ჩადენილი მოქმედებისათვის. მარკუსი გამართლდა; მაგრამ ახლა ლუკულუსზე მიიტანა იერიში მემიუსმა და ხალხი დაიყოლია მისთვის ტრიუმფის უფლება არ მიეცათ, იმ მიზეზით, ლუკულუსმა ბევრი ფული მიითვისა და ომი გაახანგრძლივაო.

ლუკულუსი დიდ გასაჭირში ჩაეარდა; მაგრამ წარჩინებული და გავლენიანი მოქალაქენი ტრიბებში შეერივნენ და დაეინებულნი თხოვნით ძლიერდობით დაარწმუნეს ხალხი, ლუკულუსისათვის ტრიუმფის გადახდის ნება დაერთოთ¹⁰².

ლუკულუსის ტრიუმფი სხვა ტრიუმფების მსვავსად საზეიმო პროცესიის სივრძითა და გამოტანილი ნივთების სიმრავლით ხალხის განსაცვიფრებლად როდი იყო მოწყობილი. ლუკულუსმა ფლამინიუსის ცირკი მტრის ნაირ-ნაირი იარაღითა და მეფეებისაგან წამოღებული სააღყო მანქანებით მორთო. ეს სანახაობა თავისთავადაც საყურადღებო აღმოჩნდა.

საზეიმო სვლაში მონაწილეობდა რამდენიმე ჯავშანში ჩამჯდარი ცხენოსანი, ათი საბრძოლო, ორმხრივ ცელდამაგრებული ეტლი და მეფის სამოცამდე კარისკაცი და სარდალი. ტრიუმფში ჩაატარეს აგრეთვე სპილენძისცხვირიანი ას ათი გრძელი ხომალდი, მითრიდატეს ოქროს ქანდაკება, რომელსაც ექვსი წყრთა სიმაღლე ჰქონდა. მისი ძვირფასი თვლებით მოჭედილი ფარი და ოცი ვერცხლის ჭურჭლეულობით აღსავსე ყუთი; გარდა ამისა ოცდათორმეტი ყუთი ოქროს თასებით, იარაღითა და ფულით გაჭედილი გამოატარეს. ყველაფერი ეს საგანგებოდ დანიშნულ ხალხს მოჰქონდა.

დანარჩენი ნადავლი ჯორებს ჰქონდათ აკიდებული. რვა ჯორს ოქროსაგან ნაკეთები საწოლები მოჰქონდა, ორმოცდათექვსმეტს — ვერცხლის ზოდები, ხოლო სხვა ას შვიდ ჯორზე თითქმის ორ მილიონ შვიდას ათას დრამამდე ვერცხლის ფული იყო აკიდებული.

ტრიუმფში გამოტანილ დაფებზე აღნიშნული იყო ის თანხა, რომელიც ლუკულუსმა მეკობრეებთან ომის საწარმოებლად პომპეუსს მისცა და ის თანხაც, რაც მან სახელმწიფო ხაზინაში შეიტანა. ცალკე იყო აღნიშნული ისიც, რომ თითოეულმა ჯარისკაცმა ცხრაას ორმოცდაათი დინარი მიიღო.

ტრიუმფის დასასრულს ლუკულუსმა ბრწყინვალე ლხინი გადაუხადა ქალაქს და მის მახლობლად მდებარე დაბებს, რომელთაც „ვიკუსებს“ ეძახიან¹⁰³.

38. გაშორდა თუ არა კლოდიუს, ამ ბილწსა და უზნეო ქალს, ლუკულუსმა შეირთო კატონის და სერვილია; მაგრამ ეს ქორწინებაც უიღბლო გამოდგა მისთვის. ერთადერთი ეს იყო, რომ სერვილია კლოდიუსავით სამარცხვინოდ არ ცხოვრობდა ძმებთან, თორემ სხვა მხრივ ისეთივე ავხორცი და გარყვნილი გამოდგა. ლუკულუსი იძულებული იყო კატონის პატივისცემით აეტანა ეს ქალი, მაგრამ მერმე ველარ მოითმინა და გაავდო.

სენატი დიდ იმედებს ამყარებდა სახელმწიფეჭილსა და ძლიერი

გავლენის მქონე ლუკულუსზე და მასში პომპეუსის ტირანიის მოწინააღმდეგესა და წარჩინებულთა ფენისათვის ერთგულ მებრძოლს ხედავდა; მაგრამ ლუკულუსი სახელმწიფო მოღვაწეობას ჩამოშორდა. ეს ან იმიტომ გააკეთა, რომ ეგონა: სახელმწიფო განუკურნებელი სენითაა დაავადებულიო, ანდა შეიძლება, როგორც ზოგიერთი ამბობს, დიდებით უკვე გამძლარს ამდენი უიღბლოდ დამთავრებული ბრძოლისა და ჯაფის შემდეგ იოლი და ფუფუნებით აღსავსე ცხოვრება უნდოდა.

ზოგიერთები კიდევ უქებენ ლუკულუსს ცხოვრების ასეთნაირ შეცვლას: ამის წყალობით მარიუსის ბედი აიცდინა თავიდანო¹⁰⁴. მარიუსმა კიმბრებზე გამარჯვებისა და დიდი და ბრწყინვალე წარმატების შემდეგ არ მოინდომა ჩამოშორებოდა სახელმწიფო მოღვაწეობის ასპარეზს, დაესვენა და იმ პატივს დასჯერებოდა, მართლაც რომ შესაშური იყო. სახელსა და მბრძანებლობას დახარბებული მოხუცი ახალგაზრდებთან პოლიტიკურ ბრძოლაში ჩაება, რამაც ისეთი სამინელი საქმენი ჩაადენინა და ისეთი უბედურება დაატეხა, ამ საქმეებზე საშინელი რომ იყო. ციცერონიც უკეთესად გაატარებდა სიბერის დღეებს, რომ კატილინას გასცლოდა. ასევე მოიგებდა სციპიონიც, კართაგენისა და ნუმანციის დამორჩილების შემდეგ თუკი განსვენების მიეცემოდა. პოლიტიკურ მოღვაწეობასაც თავისი დრო და საზღვარი აქვს. როგორც ათლეტთა ბრძოლაში, ისე პოლიტიკურ კიდილშიც იგრძნობა ხოლმე ძალისა და ახალგაზრდული გატაცების შესუსტება.

კრასუსი და პომპეუსი დასცინოდნენ განცხრომასა და ფუფუნებაში ჩაძირულ ლუკულუსს: ამ ასაკის კაცს ნებიერობაში ყოფნა კი არა, სახელმწიფო მოღვაწეობა და სარდლობა შეჰვედრისო!

39. მართლაც, ლუკულუსის ცხოვრება შეიძლება შევადაროთ ძველ კომედიას, სადაც ჯერ პოლიტიკური მოღვაწეობისა და გმირის სარდლობის ამბებს ვხვდებით, მერმე კი ღვინის სმას, ღრეობას, და მრავალგვარ ხუმრობა-გართობას ვხედავთ¹⁰⁵. გართობათა რიგს ვაკუთვნებ მე ლუკულუსის მიერ აგებულ ძვირფას შენობებს, სასიერნო ხეივანებისა და აბანოების მოწყობას და კიდევ უფრო მეტად სურათებს, ქანდაკებებს და ხელოვნების სხვა ამდაგვარ ნიმუშებს, რომელთაც ლუკულუსი დიდი გულმოდგინეობით აგროვებდა და რომელთა გულისთვისაც დაუზოგავად ფანტავდა ლაშქრობებში მოხვე-

ჟილ აურაცხელ სიმდიდრეს. აი, ღღესაც, როცა ფუფუნებამ საოცარ სიმაღლეს მიაღწია, ლუკულუსის ბალები კეისართა დიდებულ ბალებთან ერთად იხსენიება.

ზღვის სანაპიროსა და ნეაპოლის მიდამოებში მან ბევრი რამ გააკეთა; მთებში დიდი გვირაბები გათხარა, ზღვიდან გაიყვანა თევზსაცავი თხრილები, რომელიც მის საცხოვრებელ სახლებს გარს ევლებოდა, და ზღვის პირზე შენობები აღმართა. სტოელი ტუბერონი¹⁰⁶, რომელმაც ყველაფერი ეს საკუთარი თვალთა იხილა, ლუკულუსს ტოგაში გამოწყობილ ქსერქსეს¹⁰⁷ ეძახდა.

ტუტსკულუმის ახლომანლო ლუკულუსს ჰქონდა აგარაკები, მაღალი კოშკები, საიდანაც ყველაფერი შესანიშნავად ჩანდა, მამაკაცთა მრავალი ღია დარბაზი და სასეირნო ხეივანები. პომპეუსმა, რომელიც ერთხელ იქ იყო, ლუკულუსს უსაყვედურა: საზაფხულოდ მშვენიერი სახლები აგოგია, ზამთარში კი შიგ ყოფნა ყოვლად შეუძლებელიაო. ლუკულუსს ამაზე გაეცინა და უპასუხა: „იქნე“ გგონია, წეროებსა და ყარყატებზე ნაკლები ჰქუა მაქვს და წლის დროთა მიხედვით საცხოვრებელ ადგილს არ გამოვიცვლიო?“

ერთხელ ერთმა პრეტორმა, რომელსაც დიდებული სანახაობის მოწყობა ჰქონდა განზრახული, გუნდის მოსაკაზმავად ლუკულუსს მეწამული ფერის ქლამიდები¹⁰⁸ სთხოვა. ლუკულუსმა უპასუხა: ვნახავ და, თუ აღმოჩნდა, რომ მაქვს, მოგცემო. მეორე ღღეს მან პრეტორს ჰკითხა: რამდენი გჭირდებაო? პრეტორმა უპასუხა: ასი ცალი მეყოფაო. ლუკულუსმა მას ორჯერ მეტი გაატანა. აი, სწორედ ამაზე ამბობს პოეტი ფლაკუსი¹⁰⁹, იგი სიმდიდრეს არ თვლის სიმდიდრედ, თუ ის ქონება, რომელიც არა ჩანს და რომელზეც პატრონმა არაფერი იცის, რასაც თვალნათლივ ვხედავთ, იმას არ აღემატებაო.

40. ლუკულუსის ყოველდღიური სუფრა, როგორც ეს ახლად გამოდიდრებულ კაცს შეეფერება, ყოველმხრივ დიდებული იყო. ლუკულუსი ცდილობდა განცვიფრებაში მოეყვანა უბრალო ხალხი არა მარტო ძოწეულის ძვირფასი ხალიჩებით, ძვირფასი თვლებით მოჭედილი თასებით და ღვინოზე შიგადაშიგ გამართული გუნდური ფერხულობითა და მუსიკით, არამედ მრავალგვარი ნუგბარ-ნუგბარი საჭმლითა და საგანგებოდ შემზადებული ძვირფასი ნამცხვრებით.

სხვათა შორის საყოველთაო ქება დაიმსახურა პომპეუსმა იმ სიტყვისათვის, რომელიც ავადმყოფობის ეპოს წარმოთქვა. ექიმმა მას

საქმელად შაშვის ხორცი დაუნიშნა. მსახურებმა განაცხადეს: ზაფხულში შაშვის შოვნა არსად არ შეიძლება; ეს ფრინველი მხოლოდ და მხოლოდ ლუკულუსს ჰყავსო. პომპეუსმა შაშვისათვის ლუკულუსთან წასვლის ნება მსახურებს არ დართო და ექიმს უთხრა: „როგორ? ლუკულუსი რომ განცხრომით არ ცხოვრობდეს, პომპეუსი ვერ იცოცხლებსო?“ მან ექიმს სთხოვა, რამე ზელმისაწვდომი საქმელი დაენიშნა მისთვის¹¹⁰.

კატონი ლუკულუსის მეგობარი და მოყვარე კაცი იყო, მაგრამ მისი ცხოვრების ნირი ისეთ ბრალს ჰგვრიდა, რომ ერთხელ, როდესაც სენატში ერთი ახალგაზრდა კაცი სრულიად უდროოდ დროს გრძელსა და მოსაწყენ სიტყვას ამბობდა უბრალო და თავდაპირველი ცხოვრების თაობაზე, ფეხზე წამოხტა და ამ ყმაწვილს მიმართა: „აღარ გაათავებ? შენ მდიდარი ხარ, როგორც კრასუსი, ცხოვრობ, როგორც ლუკულუსი და ლაპარაკობ კი, ვით კატონიო!“

ზოგიერთი ამბობს, ეს ნამდვილად ასე იყო ნათქვამი, ოღონდ ამის მთქმელი კატონი არ ყოფილაო.

41. ლუკულუსი ასეთი ნებიერი ცხოვრებით არამარტო კმაყოფილი, გაამაყებულიც იყო. ეს ცხადია შემდეგი ღირსსახსოვარი ამბიდან. ამბობენ, ლუკულუსი მრავალი დღის განმავლობაში ეპატიუებოდა და უმასპინძლდებოდა საქმეებზე რომში ჩამოსულ ბერძნებს. ამათ ბოლოს და ბოლოს ბერძნული მოკრძალება გამოიჩინეს, შერცხვათ და მოწვევაზე უარის თქმა დაიწყეს; ასე ეგონათ, ყოველდღიური დიდი ხარჯი მათი მიზეზით იყო გამოწვეული. ლუკულუსმა მაშინ სიცილით უთხრა ბერძნებს: „ზოგიერთი რამ ამ ხარჯიდან, რა თქმა უნდა, თქვენთვისაც კეთდება, ჩემო ბერძნებო, მაგრამ უდიდესი წილი მაინც ლუკულუსისთვისაა განკუთვნილიო“.

ერთხელ ლუკულუსი მარტოდმარტო ვახშმობდა. მას ერთი მაგიდა და უბრალო ვახშამი მიართვეს. გამწყრალმა ლუკულუსმა ამ საქმისათვის დანიშნულ მონას დაუძახა და ლანძღვა დაუწყა. მონამ უპასუხა: რაკილა მოწვეული არავინ გყავდა, არ მეგონა, თუ ძვირფასი ვახშამი დაგჭირდებოდაო. „რას ამბობ, — შეპყვირა ლუკულუსმა, — განა არ იცოდი, დღეს ლუკულუსთან ლუკულუსი სადილობდაო?“

როგორც ჩანს, ამის თაობაზე ბევრს ლაპარაკობდნენ ქალაქში. ერთხელ, როდესაც ლუკულუსი ფორუმზე უქმად დადიოდა, მასთან

მივიდნენ ციცერონი და პომპეუსი. ციცერონი მისი დიდი მეგობარი და თითქმის შინაური კაცი იყო. რაც შეეხება პომპეუსს, მართალია, ლუკულუსს მასთან მთავარსარდლის რწმუნების გამო თავის დროზე უთანხმოება ჰქონდა, მაგრამ მიუხედავად ამისა ხშირად ხვდებოდა მას და ერთმანეთს მეგობრულად ესაუბრებოდნენ. ციცერონი ლუკულუსს მიესალმა და ჰკითხა: ხომ შეიძლება გეწვიოთ? ლუკულუსმა უპასუხა: დიდად მოხარული ვარ და გთხოვთ მობრძანდეთო. „ჩვენ გვინდა, — უთხრა ციცერონმა, — დღეს შენთან შინაურულად ვისადილოთ; საგანგებო მომზადება საჭირო არაა, რაც შენთვისაა გაკეთებული, იმაზე გადავიდეთო!“ ლუკულუსმა თავი მოიკატუნა და მოითხოვა ასეთ შემთხვევაში დარბაზობა გადაედოთ. ციცერონმა და პომპეუსმა ლუკულუსს ამაზე უარი უთხრეს და იმ მიზნით, რომ სამზადისზე ბრძანება არ გაეცა, მსახურებთან გამოლაპარაკების საშუალება არ მისცეს. ერთ თხოვნაზე დაეთანხმნენ მხოლოდ, რომ მათი თანდასწრებით თავის მსახურისათვის ეთქვა: დღეს „აპოლონის დარბაზში“ უნდა ვისადილოთო. აპოლონის დარბაზი კი მის ერთ-ერთ უძვირფასეს სასადილო ოთახს ერქვა სახელად. ამით ლუკულუსმა სტუმრებს ეშმაკობაში აჯობა. საქმე ის იყო, რომ მის ყოველ სასადილო დარბაზისათვის, როგორც ჩანს, დაწესებული იყო განსაკუთრებული ხარჯი და ის, თუ როგორი უნდა ყოფილიყო სუფრის თადარიგი. ამიტომ, როცა მონები გაიგებდნენ, თუ სად უნდოდა სადილობა ლუკულუსს, იცოდნენ, რამდენი დაეხარჯათ, როგორ მოერთოთ დარბაზი და საერთოდ როგორი თადარიგით მომზადებულიყო სადილი. „აპოლონის დარბაზში“ სადილობა ჩვეულებრივ ორმოცდაათი ათასი დინარი ჯდებოდა. აი, ამდენი დაიხარჯა ციცერონისა და პომპეუსის სტუმრობის დროსაც. პომპეუსი და მისი მზღებლები კი მეტისმეტად გააოცა ასეთმა დიდმა ხარჯმა და სუფრის სწრაფმა გაწყობამ.

აი, ასე თავქარიანად ხარჯავდა ლუკულუსი ქონებას. იგი ისე ეცეოდა სიმდიდრეს, როგორც ტყვეთ და ბარბაროსთ.

42. ყურადღებისა და მოგონების ღირსია, სხვათა შორის, ლუკულუსის ლტოლვა წიგნებისადმი. იგი ბევრ ლამაზად დაწერილ წიგნს აგროვებდა. ამ წიგნების შეძენაზე უფრო მეტად საქმე მანერა ლუკულუსის მიერ მათი გამოყენება იყო. მისი ყველა ბიბლიოთეკა, ამ ბიბლიოთეკების გარშემო მოწყობილი სასივრცო ხეივანები და სა-

მეცადინეო ოთახები მუდამ ღია იყო. ლუკულუსი ხალხით ღებულ-
ლობდა იქ სწავლულ ბერძნებს. ისინიც, მოტყუებოდნენ თუ არა სხვა
საქმეებს, სიამოვნებით მოდიოდნენ აქ, როგორც მუშების ნაფსაყუ-
დალში, და მთელ დღეს ერთმანეთთან საუბარში აატარებდნენ. ხში-
რად თვითონ ლუკულუსიც ჩამოდიოდა ხეივანებში, ესაუბრებოდა
ფილოსოფებს და აქ მოსულ სახელმწიფო მოღვაწეებსაც, თუკი სჭირ-
დებოდათ, დახმარებას უწევდა. ერთი სიტყვით, მისი სახლი ნამდვი-
ლი თავშესაფარი იყო რომში ჩამოსული ბერძნებისათვის.

ლუკულუსი თავიანთ სცემდა ფილოსოფიას საზოგადოდ; იგი მის
ყოველ მოძღვრებას პატივითა და სიყვარულით ეკიდებოდა; მაგრამ
განსაკუთრებული ვნებით შეიყვარა აკადემიის ფილოსოფია. ოღონდ
ეგრეთ წოდებული ახალი აკადემიის ფილოსოფია კი არა, თუმცაღა
იგი ფილონის მიერ განმარტებული კარნეადეს თხზულებების წყა-
ლობით მაშინ დიდ პატივში იყო, არამედ ძველი აკადემიის ფილო-
სოფია, რომლის წარმომადგენლად იმ ხანებში შესანიშნავი და დახე-
ლოვნებული მკვებმეტყველი ანტიოქე ასკალონელი ითვლებოდა.
ლუკულუსმა იგი დიდი გულმოდგინეობის შედეგად მეგობრად და
თავისი წრის კაცად გაიხადა და დაუპირისპირა ფილონის მოწაფე-
ებს, რომელთა რიცხვშიც ციცერონი იყო. ციცერონმა, სხვათა შო-
რის, ამ აკადემიის ფილოსოფიის სისტემაზე შესანიშნავი წიგნი და-
წერა, რომელშიც ლუკულუსი ძველი აკადემიის ფილოსოფიის დამ-
ცველად გამოჰყავს, თავისი თავი კი ამ ფილოსოფიის მოწინააღმდე-
გედ. ციცერონის ამ წიგნის სათაურია „ლუკულუსი“¹¹¹.

ლუკულუსი და ციცერონი, როგორც ეს ზემოთ ვთქვით, დიდი მე-
გობრები იყვნენ და ერთ პოლიტიკურ პარტიას ეკუთვნოდნენ. ლუ-
კულუსი მთლიანად არ ჩამოშორებია პოლიტიკურ მოღვაწეობას; მაგ-
რამ პირველობისა და დიდი გავლენის მოპოვებისათვის გამართული
პატივმოყვარული მეტოქეობა და ბრძოლა, როგორც სამიში და ამ-
პარტავენული საქმე, თავიდანვე კრასუსსა და კატონს დაუთმო. როცა
ლუკულუსმა პირველობაზე ხელი აიღო, იმ პირებმა, რომელნიც
ეჭვისა და შიშის თვალით უყურებდნენ პომპეუსის ძლიერებას, კრა-
სუსი და კატონი სენატის უპირველეს დამცველებად გამოიყენეს.

ლუკულუსი ამიერიდან ფორუმზე მხოლოდ მეგობრების გულის-
თვისდა ჩამოდიოდა და სენატში მაშინ გამოჩნდებოდა, როცა საჭირო
იყო პომპეუსის რაიმე პატივმოყვარე მისწრაფებათა აღკვეთა. მან და-

არღვია ის განკარგულებები, რომლებიც პომპეუსმა აზიაში მეფეთა დამარცხების შემდეგ გამოიტანა და კატონის დახმარებით საშუალება არ მისცა მას გაეტარებინა კანონი ჯარისკაცთათვის მიწების განაწილების თაობაზე. პომპეუსმა მაშინ კრასუსთან და კეისართან შეჰყარა პირი; უკუთ რომ ვთქვათ, შეთქმულებას მიმართა¹¹². მან ქალაქი შეიარაღებული ჯარისკაცებით აავსო, ძალით გაატარა თავისი კანონები და კატონი და ლუკულუსი თავ-თავიანთი მომხრეებით ფორუმიდან გააძევა.

ამ ამბავმა წარჩინებულთა ფენაში დიდი გულისწყრომა გამოიწვია. მაშინ პომპეუსელებმა მოიყვანეს ვილაც ვეტიუსი და განაცხადეს: ეს კაცი პომპეუსზე ხელყოფის ღროს შევიპყართო. სენატში შემდგარ დაკითხვაზე ამ ვეტიუსმა ბრალი დასდო სხვებს, ხოლო ხალხის წინაშე კი ლუკულუსი დაასახელა: პომპეუსის მოკვლაზე მაგან წამაქეზაო. ეს არავინ დაიჯერა და მაშინვე აშკარა გახდა, ეს კაცი პომპეუსელთა მიერ იყო მოსყიდული საზიზღარი ცილისწამებისათვის. უფრო მეტად ნათელი შეიქნა ეს ამბავი, როცა რამდენიმე დღის შემდეგ ვეტიუსის გვამი ციხიდან გადმოაგდეს. პომპეუსელები ამტკიცებდნენ: ვეტიუსი თავისი სიკვდილით მოკვდაო; მაგრამ მოწოდებისა და ცემის ნიშნები, გვამს რომ აჩნდა, აშკარად ხდიდა იმას, რომ ვეტიუსი ვერაგულად იყო მოკლული.

43. ამ ამბავმა კიდევ უფრო მეტად ჩამოაცილა ლუკულუსი პოლიტიკას. ხოლო როცა ციცერონი რომიდან გააძევეს და კატონი კიპროსზე გაგზავნეს, მაშინ კი სავსებით ხელი აიღო სახელმწიფო მოღვაწეობაზე.

ამბობენ, სიკვდილის წინ თანდათანობით გონება დაჟარგა და სულით დაავადდაო. კორნელიუს ნეპოტი გადმოგვცემს: ლუკულუსი არც სიბერისა და არც ივადმყოფობის მიზეზით არ შერყეულა ჰკუთხე; იგი ერთ-ერთი მისი აზატი კალისტენეს მიერ მიცემული წამლის წყალობით შეეშალაო. კალისტენემ ეს წამალი იმიტომ მისცა, რომ ლუკულუსს იგი უფრო მეტად შეჰყვარებოდა; მას თურმე ეგონა, ამ წამალს ასეთი ძალა ჰქონდა; მაგრამ სინამდვილეში წამალმა ლუკულუსი შეარყია და გონება დაუბნელა; ამის გამო, ჯერ კიდევ სიცოცხლეში, ლუკულუსის ქონებას მისი ძმა განაგებდაო¹¹³.

ასე იყო თუ ისე, როცა ლუკულუსი გარდაიცვალა, ხალხი ფრიად შეწუხდა. ისე გეგონებოდა, თითქოს იგი თავისი სარდლობისა და

პოლიტიკური მოღვაწეობის ნიჭის გაფუჭების ქამს გამოსალმებოდა სიცოცხლეს. ყველა გარბოდა მის დაკრძალვაზე და მოითხოვდნენ, ლუკულუსის გვამი, რომელიც კეთილშობილ ახალგაზრდებს ფორუმზე მიჰქონდათ, მარსის ველზე დაესაფლავებინათ, აი იქ, სადაც სულა იყო დაკრძალული. რაკილა ლუკულუსის სიკვდილი მეტისმეტად მოულოდნელად მოხდა და მარსის ველზე დაკრძალვისათვის მომზადება დიდ სიძნელეს წარმოადგენდა, ამიტომ ხალხი დაეთანხმა ლუკულუსის ძმას, რომელიც თხოულობდა, გვამი ტუსკულუმის მამულში დაემარხათ, სადაც საამისოდ ყველაფერი მზად იყო.

ამის შემდეგ ლუკულუსის ძმას დიდხანს აღარ უცოცხლია. იგი არც ასაკით და არც სახელით დიდად არ ჩამორჩებოდა ლუკულუსს და ამიტომაც მალე მიჰყვა უკან თავის საყვარელ ძმას.

1. დურისის გადმოცემით, ევმენე კარდიელი¹ ერთი ხერსონესელი ღარიბი მეეტლის შვილი გახლდათ, რომელმაც თავისუფალი კაცისათვის შესაფერი განათლება მიიღო და პალესტრაშიც გაიწაფა². ერთხელ, მის ბავშვობაში, კარდიაში იმყოფებოდა ფილიპე³ და თავისუფალ ღროს ესწრებოდა იქაურ ყრმათა შეჯიბრს პანკრატიონსა⁴ და ჭიდაობაში. ევმენემ აქ ისეთი წარმატება, მკვირცხლი გონება და სიმამაცე გამოიჩინა, ფილიპეს მეტისმეტად მოეწონა და თან წაიყვანა. როგორც ჩანს, უფრო სწორი უნდა იყოს სხვათა გადმოცემა, რომლებიც ამბობენ: ფილიპე სტუმართმასპინძლობით იყო დაკავშირებული ევმენეს მამასთან და ამიტომ წაიყვანა თან მისი შვილიო. ფილიპეს სიკვდილის შემდეგ, რაკი ყველამ მიიჩნია, რომ ალექსანდრეს⁵ გარშემო დარაზმულ ვაჟაკებს ევმენე არც გონიერებით და არც ერთგულებით არ ჩამოუვარდებოდა, იგი სამეფო კარის მთავარ მდივნად გამოაცხადეს, მაგრამ პატივი ისეთივე ჰქონდა, როგორც მეფის მეგობრებსა და მახლობლებს. მერმე ლაშქრის ნაწილი ჩააბარეს და სარდლის ჩინით ინდოეთს მიაგვლინეს; ხოლო როცა ჰეფესტიონი გარდაიცვალა და მისი თანამდებობა პერდიკას მისცეს, პერდიკას ნაცვლად მთელი ცხენოსანი ჯარის მეთაურად დანიშნეს⁶. ამის გამო მაკედონელები, რომლებმაც იცოდნენ, სხვა მრავალ სიკეთესთან ერთად რომ მეფემ ევმენე თავისი მოყვრობის ღირსიც გახადა, ზემ-ჩუმად დასცინოდნენ არქიბასპისტს⁷ ნეობტოლემეს, ვინც ალექსანდრეს სიკვდილის შემდეგ ხშირად ამბობდა: მე ფართთა და შუბით ვახლდი ხოლმე მეფეს, ევმენე კი საწერი ჩხირებით და ფირფიტებით დასდევდაო. პირველი ქალი, რომელიც ალექსანდრემ აზიაში გაიცნო, არტაბაძოსის ასული ბარსინე გახლდათ. ამ ქალისაგან მას ჰყავდა ვაჟი, სახელად ჰერაკლე. როცა ალექსანდრემ თავის მეგობრებს შესაუბლეს-

ლად სპარსთა ასულები დაუნაწილა, ბარსინეს ერთი და, აბაშა, პტოლემეს მისცა, მეორე კი, რომელსაც სახელად ასევე ბარსინე ერქვა, ევმენეს უბოძა.

2. მიუხედავად ასეთი განწყობილებისა, ალექსანდრე ზშირად ჩავრობდა მასზე და ჰეფესტიონის გამო კიდევ გაურისხდა. ერთხელ ჰეფესტიონმა ფლეიტაზე დამკვრელ ეგეოსს გადასცა სახლი, რომელიც მონებს ევმენესათვის ჰქონდათ დაქირავებული. გაბრაზებული ევმენე მენტონთან ერთად ალექსანდრეს მიგარდა და ყვირილი მართო: როგორც ჩანს, გაცილებით უკეთესია, იარაღი დაჰყაროს კაცმა და ფლეიტაზე დაკვრას ან ტრაგედიაში თამაშს მიჰყოს ხელით! ალექსანდრემ მაშინ ევმენეს მხარი დაუჭირა, გაწყრა და ჰეფესტიონი კარგად გამოლანძღა. მაგრამ სულ ჩქარა აზრი შეიცვალა და ახლა ევმენე შერისხა: შენი საქციელით ჰეფესტიონის გულწრფელი გამომჟღავნება კი არა, ჩემი შეურაცხყოფა გინდოდათ! ერთხელ კიდევ აირა მოხდა. ალექსანდრე ნეარქეს ზომალდებით შორეულ ნაოსნობაში აგზავნიდა, მაგრამ რაკი სამეფო ხაზინა იმ დროს დაცარიელებული იყო, საჭირო ფული მეგობრებს სთხოვა. ევმენემ, რომელსაც სამასი ტალანტი მოსთხოვა, სიძუნწე გამოიჩინა და მხოლოდ ასი მისცა: ესეც ძლივძლივობით შევაგროვე ჩემი მმართველების მეშვეობით. ალექსანდრე არ შესდევნია, მაგრამ მისი ფული არ აიღო, მონა ბიჭებს კი უბრძანა, ევმენეს კარვისათვის ჩუმად ცეცხლი წაეკიდებინათ და, როცა იქიდან ფულის გამოტანას დაიწყებდნენ, ცრუპენტელა ტყუილში დაეჭირათ. მოხდა ისე, რომ კარავი უფრო ადრე დაიწვა, ვიდრე იქიდან რაიმეს გამოტანას მოასწრებდნენ. ალექსანდრე მეტისმეტად შეწუხდა ამ კარავში შენახული მიმოწერის განადგურების გამო, მაგრამ შიგ აღმოჩნდა ცეცხლში გადამდნარი ათასზე მეტი ტალანტის თქრო და გერცხლი. ალექსანდრემ არაფერი არ აიღო, ოღონდ ყველა სატრაპსა და სარდალს მისწერა, განადგურებული საბუთების პირები გამოეგზავნათ, ევმენეს კი ყველა ასლის მიღება უბრძანა.

ერთხელაც ევმენე რაღაც საჩუქრის გამო წაეკინკლავა ჰეფესტიონს, ბევრი ავი სიტყვა უთხრა, ბევრიც მას აკადრეს, მაგრამ ამ დავაში გამარჯვება მაინც მას ჰვდა. მცირე ხნის შემდეგ, როცა ჰეფესტიონი გარდაიცვალა, დიდად დამწუხრებულმა მეფემ მრისხანე თვალით დაუწყო ცქერა ყველას, ვისაც, მისი აზრით, სიცოცხლეში შურა და ჰეფესტიონის და ვისაც მისი სიკვდილი გაუხარდა. ყველაზე მე-

ტი ეჭვი ეგმენეზე მიიტანა და ხშირად საყვედურით მოავიწყებდა ჰეფესტიონთან მის წარამარა დავას და კინკლაობას. მოხერხებულმა და დარწმუნებამი დახელოვნებულმა ეგმენემ სცადა თავის გადასარჩენად გამოეყენებინა ის, რაც დაღუპვას უქადდა. იცოდა, რა ალექსანდრეს მეგობრული განწყობილება ჰეფესტიონის მიმართ, გადაწყვიტა დიდი პატივი ეცა მიცვალებულისათვის და ჰეფესტიონის დასაქრძალავად დაუზოგავად გაიღო საკმაოდ დიდი თანხა.

3. როცა ალექსანდრე გარდაიცვალა, მაკედონურ ფალანგასა და მეფის მეგობრებს შორის უთანხმოება ჩამოვარდა⁹. ეგმენე გულში პირველს უჭერდა მხარს, სიტყვით კი აცხადებდა: ჩემთვის, როგორც უცხოური წარმოშობის კაცისთვის, ორივე მხარე ერთია და მაკედონელთა დავაში ვერ ჩავერევით. მცირე ხნის შემდეგ მეფის მეგობრები ბაბილონიდან გაემგზავრნენ, ეგმენე კი ქალაქში დარჩა, თითქმის მთელი ფეხოსანი ლაშქარი დაამშვიდა და მეფის ახლობლებთან შეერიგებაზე დაიყოლია. როცა შფოთი ჩაცხრა და სარდლები ერთმანეთს შეხვდნენ, სასატრაპოებისა და უმაღლეს სამხედრო თანამდებობათა განაწილებას შეუდგნენ. ეგმენეს წილად ხვდა კაპადოკია, პაფლაგონია და პონტოს ზღვის გაყოლებაზე მდებარე ქვეყნები ტრაპეზუნტამდე. ეს მხარე ჯერ კიდევ არ იყო მაკედონელთა გამგებლობაში და იქ არიარათე მეფობდა. საჭიროა იყო ლეონატესა და ანტიგონეს¹⁰ დიდი მხედრობით ჩაეყვანათ ეგმენე და ამ ქვეყნის სატრაპად გამოეცხადებინათ. მაგრამ ანტიგონე პერდიკას ბრძანებებს არ ემორჩილებოდა, დიად საქმეებზე ოცნებობდა და ყველას აგდებით უყურებდა; ლეონატე კი ფრიგიაში ჩავიდა, რათა ეგმენეს ჯარით მიშველებოდა. სწორედ ამ დროს კარდიელთა ტირანმა ჰეკატემ ლეონატეს სთხოვა, უწინარეს ყოვლისა ანტიპატრესა და ლამიაში¹¹ ალყა შემორტყმულ მაკედონელებს დახმარებოდა. ლეონატე ევროპაში გადასასვლელად გაეშადა და ეგმენეც დაარწმუნა, მას გაჰყოლოდა. ლეონატეს სურდა ეგმენე ჰეკატესთან შეერიგებინა. საქმე ის გახლდათ, რომ ეგმენე და ჰეკატე სახელმწიფოებრივი უთანხმოების გამო კარგა ხანია ერთმანეთს ეჭვის თვალით უყურებდნენ. ეგმენე ხშირად და აშკარად სდებდა ხოლმე ბრალს ჰეკატეს და ალექსანდრეს მოუწოდებდა კარდიელებისათვის თავისუფლება დაებრუნებინა. ამის გამო მაშინ ეგმენემ ბერძნების წინააღმდეგ ლაშქრობაზე უარი თქვა: ვშიშობ, ანტიპატრემ, რომელსაც იმთავითვე ვძულვარ, ჰეკატეს გულის

მოსაგებად არ მომკლასო. ლეონატემ დაუჯერა და ყველა თავისი ზრახვა გაუმჟღავნა: ჩემგან ალყაში მყოფთა დახმარების გაწევა მხოლოდ ცარიელი დაპირება და საბაბია, სინამდვილეში კი განზრახული მაქვს, როგორც კი გადავალ ევროპაში, მაკედონია დავიმორჩილო. ამასთან ერთად ლეონატემ ევმენეს უჩვენა კლეოპატრას¹² რამდენიმე წერილი. ამ წერილებში კლეოპატრა ლეონატეს პელაში¹³ იწვევდა და ცოლობას სთავაზობდა. ანტიპატრეს შიშით, თუ იმის გამო, რომ ვერ ენდო თავქარიან, მერყევსა და მოუფიქრებელი მისწრაფებებით გატაცებულ ლეონატეს, ევმენე თავისი ქონებით ღამით ბანაკიდან აიყარა. მას ჰყავდა სამასი ცხენოსანი, ორასი შეიარაღებული მონა და ჰქონდა ოქრო, რომლის ფასიც ზუთი ათასი ტალანტის ღირებულების ვერცხლს შეესაბამებოდა. მთელი ამალით ევმენემ პერდიკას მიაშურა და ლეონატეს ზრახვები აუწყა. პერდიკამ მას მყისვე დიდი ძალა და პატივი მიანიჭა და ერთ-ერთ მრჩეველად გაიხადა.

განვლო ერთმა ხანმა და ევმენე დიდი მხედრობით, რომელსაც თვითონ პერდიკა სარდლობდა, კაპადოკიაში ჩაიყვანეს, ხოლო არიარათეს დატყვევებისა და ქვეყნის დამორჩილების შემდეგ სატრაპად დანიშნეს. ევმენემ იქაური ქალაქები თავის მეგობრებს დაუწავილა, შიგ მცველები ჩააყენა და, რაკი პერდიკა ამ საქმეებში არ ერეოდა, საკუთარი სურვილის მიხედვით მოსამართლეები და გამგებლები დანიშნა. ამის შემდეგ ევმენემ კაპადოკია დატოვა და პერდიკას გაჰყვა, რათა მისთვის მხარი დაემშვენებინა. თანაც არ სურდა მაკედონიის სამეფო კარს მოსწყვეტოდა.

4. პერდიკა დარწმუნებული გახლდათ, განზრახულს თვითონვე შეასრულებდა, მაგრამ მიტოვებულ მხარეებში რომ ფხიანი და ერთგული მცველი იყო საჭირო, ამასაც კარგად გრძნობდა. ამიტომ ევმენე კილიკიიდან უკან დააბრუნა, ვითომდა სასატრაპოს სამართავად, სინამდვილეში კი სურდა ხელში ჰყოლოდა მეზობლად მდებარე სომხეთი, რომელიც ნეოპტოლემემ შფოთის ბუდედ აქცია. ევმენემ უწინარეს ყოვლისა სცადა ზვიადი და თავქარიანი ნეოპტოლემე თავაზიანი ურთიერთობით და საუბრით დაეწყინარებინა. მერმე, როცა მაკედონელთა გაყოფილი და გათავზიდებული ფალანგა იხილა, მის საპირისპიროდ ცხენოსანი ჯარის მომზადებას შეუდგა. ამ მხარის მკვიდრნი, ვისაც ცხენზე ჯდომა შეეძლო, ყოველგვარი გადასახადისაგან გაათავისუფლა. თავისიანებს კი, რომელთაც ენდობოდა, საკუ-

თარი სახსრებით ნაყიდ ცხენებს ურიგებდა, პატივისცემითა და უხვი საჩუქრებით მხნეობას უმატებდა და სხეულის გასაძაფრებლად გახუწყვეტლივ ავარჯიშებდა. მაკედონელთა ნაწილი გაოცებული იყო, ნაწილმა კი სიმამაცის ფრთა შეისხა, როცა დაინახეს, რომ ევმენემ სულ მოკლე ხანში ექვსი ათას სამასამდე მხედარი შემოიკრიბა.

5. ამასობაში კრატერემ¹⁴ და ანტიპატრემ დაამარცხეს ბერძნები და პერდიკას ძალაუფლების დასამზობად აზიაში გადავიდნენ. სწრაფად გავრცელდა ხმა: მათ კაპადოკიაში შეჭრა აქვთ განზრახულიო. პერდიკამ, რაკი თვითონ პტოლემეს ეომებოდა¹⁵, სომხეთსა და კაპადოკიაში მყოფი ძალების სარდლად ევმენე დანიშნა და განუსაზღვრელი უფლებებით აღჭურვა. ამის თაობაზე მან წერილები დაგზავნა, რომელთა მეშვეობითაც ალკეტასა¹⁶ და ნეოპტოლემეს უბრძანებდა ევმენეს დამორჩილებოდნენ, ევმენეს კი ურჩევდა, საქმე საკუთარი სურვილის მიხედვით წარემართა. ალკეტამ ლაშქრობაში მონაწილეობაზე აშკარა უარი განაცხადა: ჩემს გამგებლობაში მყოფ მაკედონელებს ანტიპატრესთან ბრძოლა რცხვენიათ, ხოლო რაც შეეხება კრატერეს, ისე უყვართ ეს კაცი, რომ მზად არიან სიხარულით მიიღონო. ნეოპტოლემემც აღარ მალავდა, რომ ევმენეს უღალატა. როცა ევმენემ ბრძანება გაუგზავნა მასთან გამოცხადებულიყო, არ დაემორჩილა და მის წინააღმდეგ თავისი ძალები დარაზმა. ევმენემ მაშინ პირველად იგემა თვისი წინდანედულობისა და თადარიგიანობის ნაყოფი. საქმე ის გახლდათ, რომ მისი ქვეითი ჯარი ბრძოლაში დამარცხდა, მაგრამ მხედართა შემართების წყალობით ნეოპტოლემე უკუაქცია და მთელი მისი აღალი ხელთ იგდო. მტრის დევნის დროს მიმოფანტულ თავის ფეხოსნებს ევმენემ დიდი გარჯით თავი მოუყარა, იარაღი დააწყობინა და აიძულა ფიცი დაედოთ, რომ მასთან ერთად იბრძოლებდნენ.

ნეოპტოლემემ უკუქცევის დროს რამდენიმე კაცი შეკრიბა და კრატერესა და ანტიპატრესთან გაეშურა. ამით კი ევმენესთან უკვე ელჩები გაეგზავნათ და სთხოვდნენ მათ მხარეზე გადასულიყო; სამაგიეროდ ჰპირდებოდნენ, რომ შეუნარჩუნებდნენ ყველა სასატრაპოს, რომელსაც განაგებდა და დამატებით გადასცემდნენ ახალ ლაშქარსა და სამფლობელოს. ამ პირობის ძალით ანტიპატრესთან მტრობა მეგობრობად შეეცვლებოდა, ხოლო კრატერე, ვინც მისი მეგობარი იყო, მტრად აღარ გადაექცეოდა. როცა ევმენემ შეთავაზებული

პირობები მოისმინა, ასეთი პასუხი გასცა: „მე დიდი ხანია ანტიპატრეს მტერი ვარ და ახლა მეგობრად ვერ გავუხდები, მით უმეტეს, ვხედავ, იგი თავის მეგობრებს მტრებად ექცევა; რაც შეეხება კრატერეს, მზად ვარ იგი პერდიკას შევასვენო და ეს ორი ვაჟკაცი თანაბარი და სამართლიანი პირობებით შევარიგო. თუ რომელიმე მათგანი პატივმოყვარეობას გამოიჩენს და პირობას დაარღვევს, უკანასკნელ ამოსუნთქვამდე უსამართლოდ განაწყენებულს დავეხმარები და უმალ სიცოცხლეს შევწირავ, ვიდრე სიმართლეს ვუღალატებო“.

6. როცა ეს პასუხი მოისმინეს, ანტიპატრე და მისიანები გულდასმით შეუდგნენ მთელი არსებული ვითარების განხილვას. სწორედ ამ დროს მათთან გამოცხადდა უკუქცეული ნეობტოლემე, დამხვედურთ ბრძოლის შედეგი ამცნო და დახმარება სთხოვა: კარგი იქნება თუ ორივე, ანტიპატრეც და კრატერეც, დამეხმარება, მაგრამ კრატერეს შემწეობა კი აუცილებელია; მაკედონელებს იგი განსაკუთრებით უყვართ, საკმარისია მისი ფართოფარფლებიანი თავსარქმელი¹⁷. თხილონ, ანდა მისი ხმა გაიგონონ, რომ მყისვე იარაღი აისხან და მასთან გაეშურონ. კრატერეს მართლაც დიდი სახელი ჰქონდა მოხვეჭილი და ალექსანდრეს სიკვდილის შემდეგ ძალზე ბევრს სურდა სწორედ იგი ეხილათ მბრძანებლად. ყველას ახსოვდა, თუ რა ხშირად იმსახურებდა იგი ქვეშევრდომთა მიზეზით ალექსანდრეს რისხვას, როცა შეუპოვრად ეწინააღმდეგებოდა მაკედონელთა მთავარსარდლის მისწრაფებას ყველგან სპარსული ჩვეულებები დაენერგა. კრატერე თავგამოდებით იცავდა ხოლმე სპარსული ყოყოჩობითა და ფუფუნებით შებღალულ მამაბაბისეულ აღათებს¹⁸.

კრატერემ ანტიპატრე კილიკიაში გაგზავნა, თვითონ კი ლაშქრის დიდ ნაწილს ჩაუდგა სათავეში და ნეობტოლემესთან ერთად ეგმენეს წინააღმდეგ დაიძრა. იგი იმედოვნებდა, რომ მტრის ჯარს, რომელიც ახლახან მოპოვებული გამარჯვების შემდეგ დაქსაქსული და ღზინის გადაყოლილი იქნებოდა, ანაზღეულად დაესხმოდა თავს.

ეგმენემ რომ წინასწარ იგრძნო კრატერეს მოახლოება და საამისოდ თადარიგიც დაიჭირა, ეს სარდლისთვის დამახასიათებელი სიფხიზლე გახლდათ და არა რაღაც სასწაული. ეგმენე მტერსაც ატყუებდა, არ აძლევდა საშუალებას გაეგო ის, რაც საქმეს აგნებდა, და თავის მეომრებსაც არ უმელავნებდა, თუ ვისთან უნდა ებრძოლათ.

ისინი კრატერეს ჯარს ისე შეეზნენ, რომ არ უწყოდნენ, ვინ იყო ამ ჯარის სარდალი. აი ამ საქმეშიც, ვფიქრობ, დიდი და ნიჭიერი წინამძღოლის წელოვნება უნდა დავინახოთ. ეგმენემ წინასწარ ხმა დაარბია: ნეოპტოლემე დაბრუნდა უკან პიგრეტთან ერთად და თან კაპადოკიელთა და პაფლაგონელთა მხედრობა მოჰყავსო.

ეგმენეს განზრახული ჰქონდა ბანაკიდან ღამით აყრილიყო. სანამ ამ საქმეს შეუდგებოდა, ღონის მოსაყრებად თავი ძილს მისცა და საოცარი სიზმარი იხილა. ეზმანა ორი ალექსანდრე, რომლებიც თავთავიანთ ფალანგებს წინამძღოლობდნენ და ერთმანეთთან შესარკინებლად ემზადებოდნენ, მერმე ერთი მათგანის დასახმარებლად ღმერთქალი ათენა მობრძანდა, მეორის დასახმარებლად კი — ღმერთქალი დემეტრე. გაჩაღდა ცხარე ბრძოლა. ათენას შემწეობის ქვეშ მყოფი ალექსანდრე დამარცხდა, ხოლო გამარჯვებულს ღმერთქალმა დემეტრემ ახლად მოჭრილი თავთავებისაგან გვირგვინი დაუწნა. ეგმენემ სიზმარი მაშინვე თავის სასარგებლოდ ახსნა: იგი ხომ იბრძოდა საუკეთესო მიწისათვის, რომელიც სწორედ იმ დროს ტურტად იყო გადაბიზინებული მწიფე პურის თავთავებით. მთელი მიდამო ნათესებით გახლდათ მოფენილი და საამოდ აღლანებული ნოყიერი მიწები ადამიანის თვალს მშვიდობიანი და ლაღი ცხოვრების სურათს სთავაზობდა. ეგმენეს კიდევ უფრო შეემატა მზნეობა, როცა გაიგო, მტრის დათქმული ნიშანი „ათენა და ალექსანდრე“ იყო. მაშინ მან თავის პირობით ნიშნად „დემეტრე და ალექსანდრე“ გამოაცხადა და ჯარისკაცებს უბრძანა, თავზე პურის თავთავების გვირგვინი დაედგათ და იარაღიც თავთავებით შეემკოთ. მან მრავალჯერ მოინდომა სარდლებისა და მეთაურებისათვის გაემხილა, თუ ვისთან მოუხდებოდათ ბრძოლა; არ სურდა მარტო მას სცოდნოდა საიდუმლო, რომლის დაცვასაც მდგომარეობა აიძულებდა, მაგრამ ერთხელ მიღებულ გადაწყვეტილებას არ უღალატა და საფრთხის წინაშე მხოლოდ საკუთარ ჭკუას მიენდო.

7. კრატერესთან საბრძოლველად ეგმენემ არც ერთი მაყედონელი არ გაუშვა. მის წინააღმდეგ მან გაგზავნა უცხოელთაგან შემდგარი ორი ცხენოსანი რაზმი, რომელთაც არტაბაზეს შვილი ფარნაბაზოსი და ფენიქს ტენედოსელი მეთაურობდნენ. ეგმენემ მათ უბრძანა, როგორც კი დაინახავდნენ მტერს, მყისვე თავს დასხმოდნენ, ბრძოლა გაეჩაღებინათ და ისე გაედევნათ მოწინააღმდეგე, უკან მოხედვის სა-

შუალეზა არ მიეცათ. ამასთან მტრის არაერთგვაროვანი მოწოდებისათვის ყური არ დაეგდოთ და მისი არც ერთი ელჩი ახლოს არ გაეკარებინათ. ეგმენე ძალზე შიშობდა, მაკედონელებს კრატერე არ ეცნოთ და მის მხარეზე არ გადასულიყვნენ. თვითონ სამასი საუკეთესო მხედარი საომრად დააწყო და მარჯვენა ფრთისაკენ გაეშურა, რათა ნეოპტოლემეს შეებოდა. როცა გამოჩნდნენ ველის შუაგულში აღმართულ გორაკიდან მომავალი ეგმენეს მხედრები, რომლებიც სწრაფად და მთელი ალტყინებით მტერთან შესახვედრად მოქროდნენ, გაოცებულმა კრატერემ ნეოპტოლემე საშინლად გაიცხა და საყვედურებით აავსო: შენ მე მომატყუე და მაკედონელთა ღალატი დამიმალეო. მან თავის მეთაურებს უბრძანა მხნედ ყოფილიყვნენ და თვითონაც მოწინააღმდეგისაკენ დაიძრა.

პირველი შეხლა ისეთი უეცარი და ცხარე გახლდათ, მეომრებს შუბები მყის დაელეწათ და ხმლებით გააჩაღეს ბრძოლა. კრატერემ ალექსანდრეს სახელი როდი შეარცხვინა. მან მრავალი დასცა ძირს, მრავალიც უკუაქცია, მაგრამ ბოლოს გვერდიდან ერთი თრაკიელი მხედარი გამოუბრა და მთელი ძალით დაჰკრა მახვილი. კრატერე ცხენიდან ჩამოვარდა. მიწაზე განრთხმულს მრავალმა მხედარმა ჩაუქროლა, მაგრამ ვერც ერთმა ვერ შეამჩნია. მხოლოდ ეგმენეს ერთმა სარდალმა გორგიამ იცნო იგი. გორგია მაშინვე ჩამოქვეითდა და უკვე სულთმობრძავ კრატერეს მცველები დაუყენა.

სწორედ ამ დროს ნეოპტოლემე ეგმენეს ეკვეთა. მათ ძველი ზიზღი და რისხვა ამოქმედებდათ, მაგრამ პირველ ორ შეტაკებაში ერთმანეთი ვერ შეამჩნიეს; ხოლო ახლა, ამ მესამე ბრძოლის ყამს, როგორც კი დალანდეს ერთიმეორე, მაშინვე მახვილები იშიშვლეს და ყიჟინით პირისპირ შესახვედრად გაიჭრნენ. როცა მათი რაშები, ვით ორი ტრიფრი¹⁹, საშინელი ძალით შეეჯახნენ, მხედრებმა აღვირებს ხელი უშვეს, ერთმანეთს ჩაეჭიდნენ და ერთიმეორისათვის მუზარადის ჩამოგლეჯასა და მხრებთან ჯავშნის გახვევას ცდილობდნენ. ამ ჭიდილში ცხენები თავიანთ პატრონებს გამოუხსლტნენ და ორივე მხედარი ძირს ჩამოაგდეს. მიწაზე დაცემულები კიდევ უფრო ძლიერად ჩაებლაუჭნენ ერთმანეთს და ბრძოლა განაგრძეს. ნეოპტოლემემ წამოდგომა დააპირა, მაგრამ ეგმენემ მუხლი გადაუმხვებია და თვითონ დაასწრო ფეხზე დადგომა. მუხლგადამტვრეული ნეოპტოლემე ჯანსაღ მუხლს დაეყრდნო და მამაცურად იცავდა თავს,

მაგრამ მის დარტყმებს დიდი ზიანის მიყენება აღარ შეეძლო. ბოლოს კისერში დაიჭრა, დაეცა და მიწაზე განერთხო. რისხვითა და ძველი სიძულვილით ანთებულმა ევმენემ მიწაზე განრთხმულს იარაღის აყრა და ლანძღვა-გინება დაუწყო. ნეოპტოლემემ მას ჯაგშნის ქვემო ნაწილში აძგერა მახვილი, რომელიც ჯერ კიდევ ხელში ეჭირა, და საზარდულთან დაჭრა. მომაკვდავის სუსტმა დარტყმამ უფრო მტერად შეაშინა ევმენე, ვიდრე დააზიანა. აპყარა თუ არა მკვდარს იარაღი, ბარძაყებსა და მკლავებზე მიღებული მრავალი ჭრილობის გამო თავი ცუდად იგრძნო, მაგრამ, მიუხედავად ამისა, მაინც ცხენს მოახტა და მეორე ფრთისაქენ გაქუსლა, სადაც, მისი აზრით, მტერი ჯერ კიდევ ძლიერი იყო. აქ მან კრატერეს აღსასრული შეიტყო და მასთან გაქანდა. დაინახა თუ არა სულთმობრძავი, მაგრამ ჯერ კიდევ გონებაზე მყოფი კრატერე, მაშინვე ჩამოქვეითდა, მომაკვდავს მწარე ტირილით მარჯვენა ხელი გაუწოდა და ნეოპტოლემეს ათასი წყევლა-კრულვა გაუგზავნა. ევმენე დასტიროდა კრატერეს ბედს და საკუთარ ზვედრსაც, რომელმაც აიძულა სამკვდრო-სასიცოცხლოდ შებმოდა ეგზომ ახლობელ კაცსა და მეგობარს.

8. ეს ბრძოლა ევმენემ მოიგო პირველი გამარჯვებიდან დაახლოებით ათი დღის შემდეგ²⁰. ხოლო რაკი იგი სიბრძნისა და მამაცობის წყალობით მიიყვანა სასურველ შედეგამდე, დიდი სახელი მოიხვეჭა. მაგრამ ამასთან ერთად შური და სიძულვილიც დაიტეხა თავს როგორც მოკავშირეთა, ისე მტრების მხრივ: ამ მოთრეულმა გადამთიელმა პირველსა და ყველაზე წარჩინებულ მაკედონელს მაკედონელებისავე იარაღით და ხელით მოუსპო სიცოცხლეო. პერდიკას რომ კრატერეს დაღუპვის ამბის შეტყობა მოესწრო, პირველ ადგილს მაკედონელებში იგი დაიკავებდა და არა სხვა ვინმე, მაგრამ პერდიკა მოკლეს ეგვიპტეში აფეთქებული აჯანყების დროს, სწორედ ორი დღით ადრე, სანამ მის ბანაკში ევმენესთან ბრძოლის ამბავი მიღწევდა. განრისხებულმა მაკედონელებმა ევმენეს მაშინვე სიკვდილი მიუთსაჯეს და მის წინააღმდეგ გადაწყვეტილი ომის სარდლობა ანტიგონესა და ანტიპატრეს მიანდეს.

ევმენე ამ დროს იდის მთაგრეხილთან²¹ სამეფო რემას წააწყდა და იქიდან წაიყვანა ცხენები, რამდენიც სჭირდებოდა, ზედახედვლებს კი ამის თაობაზე ხელწერილი გაუგზავნა. ამბობენ, როცა ეს ამბავი გაიგო, ანტიპატრემ გაიცინა და თქვა: მაკვირვებს ევმენეს

წინდახედულობა; მას იმედი აქვს, რომ შეუძლია სამეფო ქონების სარგებლობისათვის ანგარიში ჩაგვაბაროს და თვითონაც მოგვეზოგოს იგიო.

ევმენემ გადაწყვიტა ბრძოლა გაემართა ლიდის ველზე სარდეს მახლობლად, ვინაიდან მტერს ცხენოსანი ჯარით აღემატებოდა და თან ღიდი სურვილი ჰქონდა კლეოპატრასთვის თავისი ძალები ეჩვენებინა. მაგრამ კლეოპატრამ, რომელსაც ანტიპატრეს მხრივ ბრალდებისა ეშინოდა, დაჟინებით სთხოვა: აქ ნუ იბრძოლებო. მაშინ ევმენე ზემო ფრიგიასში წავიდა და გამოსაზამთრებლად კელენესთან²² დაბანაკდა. აქ მას მთავარსარდლობის გამო დავა გაუშმართეს ალკეტამ, პოლემონმა და დოკიმოსმა. ევმენემ მათ უთხრა: „თქვენ საქციელზეა ნათქვამი: ზოგიერთს ფეხებზე ჰკიდა, რაც მოხდებაო“.

ევმენე ჯარისკაცებს შეჰპირდა, რომ სამ ღღეში დათქმულ ქირას გადაუხდიდა. მალე მათ მიჰყიდა იმ მხარის სოფლები და სიზაგერნი, რომლებიც მონებითა და პირუტყვით იყო სავსე. მყიდველი, იქნებოდა ეს მაკედონური რაზმის მეთაური თუ დაქირავებულ მეომართა უფროსი, ევმენესაგან იარაღსა და საალყო მანქანებს ღებულობდა და საყიდლად დანიშნულ ადგილს გარს ერტყმოდა. ამ გზით მოპოვებულ ნადავლს, კუთვნილი ქირის შესაბამისად, ჯარისკაცები ერთმანეთში ინაწილებდნენ. ასეთი ხერხის წყალობით ევმენემ კვლავ ღიდი სიყვარული დაიმსახურა და როცა ბანაკში მტრის სარდალთა მიერ შემოგზავნილი წერილები აღმოჩნდა, რომლებშიც ას ტალანტსა და პატივს ჰპირდებოდნენ მას, ვინც ევმენეს მოკლავდა, მაკედონელები საშინლად აღშფოთდნენ. მათ სასწრაფოდ გადაწყვიტეს გამოეყობ მეთაურთა შემადგენლობიდან ათასი კაცი, რომლებიც მორიგეობით დაიცავდნენ ევმენეს დღისით საქმიანობის დროს და ღამესაც გაუთევდნენ. მცველებად არჩეულები უყოყმანოდ დამორჩილდნენ გადაწყვეტილებას და სიხარულით იღებდნენ ევმენესაგან იმ პატივსა და წყალობას, რომელთაც მეფეებისაგან ღებულობენ ხოლმე ჩვეულებრივ მათი ახლო მეგობრები. ევმენეს უფლება ჰქონდა გაეზოქებინა მეწამული თავსარქმლები და ქლამიდები, სწორედ ის საგნები, რომლებიც ყველაზე მეფურ საჩუქრად ითვლება მაკედონელებში.

9. ბედის წყალობა და წარმატება პატარა ბუნების კაცსაც ამაღლებს ერთგვარად. როცა იგი საჩინო ადგილიდან დაუწყებს ჭვრეტას საკუთარ თავს, ბედნიერება დიდებულებისა და ღირსების გრძნობა-

საც უნერგავს. მაგრამ კეშმარიტი დიდსულოვნება და სიმტკიცე წარუმატებლობისა და უბედურების გადატანის უამს გამოძეულადნდება ხოლმე. ამის სანიშნუშო მაგალითი ევმენე გახლავთ.

ჯერ იყო და ღალატის წყალობით ანტიგონემ დაამარცხა იგი კაპადოკიელი ორკინიების სამკვიდრებელთან. ევმენე, მართალია, გაიქცა, მაგრამ მოღალატეს მტერთან გადასვლის საშუალება როდი მისცა: მან იგი შეიპყრო და ხეზე ჩამოკიდა. მერმე მტრისგან შეუშინებულად შემობრუნდა, მოწინააღმდეგეს გვერდი უქცია და სხვა გზით კვლავ იმ ადგილთან მივიდა, სადაც მცირე ხნის წინ ბრძოლა მოხდა. აქ ევმენემ ბანაკი დასცა და დახოცილ მეომართა გვამები შეკრიბა. შემდეგ მახლობელი სოფლების სახლებს დაუარა, ყოველ მათგანს კარები ჩამოხსნა და მათი საშუალებით გვამთა დასაწყვავად კოცონი გააჩაღა. მეათურთა გვამები მან ცალკე დაწვა, რიგითი ჯარისკაცებისა კი — ცალკე. მერმე ორი ტაგრუცი აღმართა და უკან გაბრუნდა. როცა აქ ანტიგონე მოვიდა, იგი გაოცებული დარჩა ევმენეს სიმამაცითა და ვაჟკაცობით.

მცირე ხნის შემდეგ ევმენე ანტიგონეს ალაღს წააწყდა. მას სულ ადვილად შეეძლო მტრის მრავალი თავისუფალი თუ მონა ჯარისკაცი ჩაეგდო ხელთ და გაუთავებელი ომებით და ძარცვა-გლეჯით მოხვეჭილ სიმდიდრეს დაჰპატრონებოდა, მაგრამ შეშინდა: მოპოვებული ნადავლი მის მეომრებს დაამძიმებდა, უკანდახევაში ხელს შეუშლიდა და მოუქნელებს გახდიდა. ისინი ველარ გაუძლებდნენ გამუდმებულ წანწალსა და გაჭიანურებულ ომს, რომლის იმედიც მას ჰქონდა; იგი სწორედ ამ გზით ვარაუდობდა ანტიგონეს თავიდან მოცილებას. მაგრამ რა დაინახა, ვერაფრით ვერ აიძულებდა მაკედონელებს არ შეხებოდნენ იმ განძს, რომელიც თითქმის უკვე ხელთ ჰქონდათ, ჯარისკაცებს უბრძანა ჯერ თავი წესრიგში მოეყვანათ, ცხენებისათვის საკვები მიეცათ და მერმე დაბრუნდნენ მტრის წინააღმდეგ. თვითონ კი ალაღის მეთაურ მენანდრეს, თითქოს მისი მეგობარი და ახლობელი ყოფილიყო, საგანგებოდ გაგზავნილი კაცის პირით შეუთვალა: გაფრთხილდი და თავდასხმისათვის მისაწყვდომ მაგ დაბლობიდან დაუყოვნებლივ შეათარე თავი მახლობლად მდებარე ფერდობს, რომელსაც ჩემი მხედრები ვერ მიუღებენ და ვერც ალყას შემოგარტყამენო. როცა მენანდრე მიხვდა, რა საფრთხეც ელოდა და თავისი ბარგიც დაკავებული ადგილიდან აიყარა, ევმენემ ყასიდად გაგზავნა

მწვერავები, ჯარისკაცებს კი უბრძანა იარაღი აესხათ და ცხენებზე ამხედრებულიყვნენ, თითქოს უკვე აპირებდა მტერზე თავდასხმას. მაგრამ მწვერავებმა ამბავი მოიტანეს: მენანდრეს კაცი ვერ მიეკარება, ისეთი მიუვალი ადგილისათვის შეუფარებია თავით. ევმენემ ამის გაგონებაზე თავი ისე დაიჭირა, თითქოს ძალზე შეშუხდა და ჯარს უკან დაახევინა. მენანდრემ, როგორც ამბობენ, ეს ამბავი ანტიგონეს აუწყა. მაკედონელებმა მაშინ ევმენეს ქება დაუწყეს და მისდამი მეგობრული გრძნობით გაიმსჭვალნენ: ამ კაცმა ჩვენი ცოლშვილი დაზოგა, ჩვენს ბავშვებს მონის ზვედრი არ არგუნა და ჩვენი ქალების შერცხვენა არ მოინდომაო. „ჩემო კეთილებო, — უთხრა ანტიგონემ თავისიანებს, — არ დაიჯეროთ ეგ! ევმენემ თქვენი გულისათვის კი არ მისცა. ჩვენს ჯარს თავის დაღწევის საშუალება, არანედ შეეშინდა, წართმეულმა ნადავლმა გაქცევაში ხელი არ შემოშალოსო!“

10. ამის შემდეგ ევმენე სულ ხეტილსა და თავშესაფრის ძებნაში იყო. ამიტომ ბევრ ჯარისკაცს შინ დაბრუნება ურჩია. იგი მარტო მათი კეთილდღეობისათვის როდი ზრუნავდა, არ სურდა ტვირთად ჰყოლოდა ჯარი, რომელიც ბრძოლისათვის მცირე იყო, დასამალავად კი მეტისმეტად მრავალრიცხოვანი. ხუთასი მხედრისა და ორასი ჰომლიტის თანხლებით ევმენემ თავი შეაფარა ლიკაონიისა და კაპადოკიის საზღვარზე მდებარე ციხე-სიმაგრე ნორას. ის მეომრები, რომლებმაც ვერ აიტანეს ამ მხარეში ყოფნა, ცხოვრების მძიმე პირობები და გათავისუფლება ითხოვეს, ევმენემ ხალხით გაათავისუფლა და გულთბილად გაისტუმრა.

მცირე ხნის შემდეგ ნორას ანტიგონე მიაღდა. სანამ ციხე-სიმაგრეს ალყას შემოარტყამდა, მან ევმენეს მოლაპარაკება შესთავაზა. ევმენემ შეუთვალა: შენ მრავალი მეგობარი გახვევია გარს და მრავალი მეთაურიც გაყავს, რომლებიც საჭიროების შემთხვევაში შეგცვლიან; მე კი იმ ხალხში, რომლის გულისთვისაც ვომობ, არავინ მეგულის ისეთი, ჩემს შემცვიდრედ რომ დავტოვო. ამიტომ, თუ მოლაპარაკება გსურს, მიველები გამომიგზავნო. ანტიგონემ მტკიცედ მოსთხოვა: როგორც უძლიერესს, სწორედ შენ უნდა შეახლო მოსალაპარაკებლადო. ევმენემ ამაზე მიუგო: სანამ ხელთ მახვილი მიჭირავს, ჩემზე ძლიერად არავის არ ვთვლიო. ანტიგონე მაინც დაემორჩილა. მის მოთხოვნას და ციხე-სიმაგრეში მძევლად თავისი ძმისშვი-

ლი ნეობტოლეზე გაუგზავნა. მაშინ ევმენე ანტიგონესთან ჩავიდა. ისინი მეგობრული ზევინა-კოცნით შეხვდნენ ერთმანეთს და გაიხსენეს ძველი სიყვარული და ახლო ურთიერთობა. მოლაპარაკებამ დიდხანს გასტანა. საკუთარი უშიშროების უზრუნველყოფისა და დაზავების თაობაზე ევმენეს სიტყვაც არ დაუძრავს, მაგრამ მოითხოვა მისთვის შემოემტკიცებინათ სასატრაპოები და დაებრუნებინათ ადრე ნაბოძები ყველა პატივი. დამსწრენი გაოცდნენ მისი ღიღისულოვნებითა და მამაცობით. მოლაპარაკების ადგილზე მრავლად მობრძნდნენ მაკედონელები, რომელთაც სურდათ ეხილათ, თუ როგორი იყო ევმენე, ის კაცი, ვისაც კრატერუს სიკვდილის შემდეგ ყველაზე მეტად გაეთქვა სახელი ლაშქარში. ანტიგონე შეშინდა, მოზღვავებულ ბრბოს რაიმე ვნება არ მიეყენებინა ევმენესათვის, ამიტომ ჯერ ყვრილით უკრძალავდა ყველას მასთან მიახლოებას, მერმე კი ქვებას სროლა დაუწყო მის სანახავად გამოშურებულ მეომრებს. ბოლოს ხელი მოხვია ევმენეს, შუბოსან მცველთა დახმარებით, როგორც იქნა, ბრბო გაარღვია და უსაფრთხო ადგილზე გაიყვანა.

11. მოლაპარაკების შემდეგ ანტიგონემ ნორას კედელი შემოაგლო, მცველები ჩაუყენა და იქაურობა დატოვა. ევმენე უძლიერეს ალყაში მოექცა. ციხე-სიმაგრეში პური, წყალი და მარილი უნვად ჰქონდათ, მაგრამ ეს იყო და ეს, სხვა არაფერი გააჩნდათ და მშრალ პურზე გადადიოდნენ. მიუხედავად ამისა ევმენე ცდილობდა ალყაში მყოფთა ცხოვრება ხალისიანი ყოფილიყო. იგი რიგრიგობით იწვევდა საკუთარ სუფრასთან მეომრებს და საერთო პურის ჭამას ტკბილი და მიმზიდველი საუბრით ამშვენებდა.

ევმენე მეტად მოხდენილი გარეგნობის ვაჟკაცი გახლდათ და მუდამ იარაღსხმულ მეომარს როდი ჰგავდა. არაჩვეულებრივი შნო და ლაზათი, ახალგაზრდული იერი და ჩამოქნილი სხეული ისეთ შთაბეჭდილებას ქმნიდა, თითქოს ხელოვნების მთელი სიფაქიზე და დახვეწილობა ამ კაცში იყო ხორცშესხმული. დიდი მკვერმეტყველი იგი არ ყოფილა, მაგრამ, როგორც მისი წერილებიდან ჩანს, უაღრესად სასიამოვნო და დამარწმუნებელი ლაპარაკი იცოდა.

ალყით გარემოცულ მის მხედრობას ყველაზე მეტად სივიწროვე ტანჯავდა. ჯარი უზადრუკ ქოხმახებში იყო განლაგებული და სამოძრაოდ მხოლოდ და მხოლოდ ორი სტადიონი²³ ფართობი ეკავა. ჯარისკაცებს განძრევისა და ვარჯიშობის არავითარი საშუალება არ

ჰქონდათ და ცხენებიც მუდამ უქმად მიბმული ჰყავდათ და ისე კვე-
ბავდნენ. ევმენეს სურდა არა მარტო დაეთრგუნა უმოქმედობა, რაც
ჯარისკაცებს ძალას აცლიდა, არამედ ამზადებდა მეომრებს პირველი-
ვე მარჯვე შემთხვევის დროს გაქცევა არ გაძნელებოდათ. ამიტომ ჯა-
რისკაცებს სასერიზოდ მიუჩინა ციხე-სიმაგრის ყველაზე დიდი ფარ-
თობი, რომელსაც თოთხმეტი წყრთა სიგრძე ჰქონდა და ბრძანა სე-
ირნობის დროს თანდათანობით გაერთულებინათ მოძრაობა. ცხენე-
ბის გასაფარჯიმებლად მან ასეთ ზერს მიმართა: ჭერზე დამაგრებუ-
ლი ფართო და გრძელი ღვედები ყოველ ცხენს კისერზე მიაბეს, ჭო-
ჭონაქების საშუალებით კი პირუტყვს ზევით სწევდნენ, ისე რომ უკა-
ნა ფეხებზე მტკიცედ დამდგარიყო, ხოლო წინა ფლოქვებით ოდნავ
შეხებოდა მიწას. ჭერზე ასეთნაირად გამოკიდებულ ცხენებს საგან-
გებოდ მიჩენილი მეჭინიბენი შეძახილითა და მათრახების ცემით აი-
ძულებდნენ განძრეულიყვნენ. თანდათანობით გაღიზიანებული და
ბრაზით ანთებული ცხენები ყალყზე დგებოდნენ, უკანა ფეხებს გაშ-
მაგებით იჭნევდნენ აქეთ-იქით და ოფლში გაღვრილნი მთელი ტანის
დაძაბვით ცდილობდნენ ზეაწეული წინა ფეხებით ნიადაგს დაყრდ-
ნობოდნენ. მათი სიფიცხისა და ძალის შესანარჩუნებლად ეს
ვარჯიში ამაო როდი იყო. ამასთან ერთად ცხენებს საკვებად აძლევდ-
ნენ დანაყილ ქერს, რათა ადვილად გადაეშუშავებინათ და მოენელე-
ბინათ.

12. ამ გაჭიანურებული ალყის დროს ანტიგონეს აუწყეს: მაკედო-
ნიაში ანტიპატრე გარდაიცვალა და აქ დიდი შფოთი და არეულობა
დაიწყო, რაც კასანდრესა და პოლისპერქონტის დავამ გამოიწვიათ²⁴.
როგორც კი შეიტყო ეს ამბავი, ანტიგონემ თავისი ძველი იმედები
უკუაგდო, უმალლეს გამგებლად ყოფნა მოიწადინა და განიზრახა ევ-
მენე მეგობრად და ამ საქმის მონაწილედ გაეხადა. მან ევმენეს ჰიე-
რონიმე²⁵ მიუგზავნა, მისი მეშვეობით დაეხავა და ფიცის პირობები
შესთავაზა. ევმენემ ფიცის შინაარსი გაასწორა და მაკედონელებს,
რომლებსაც იგი ალყაში ჰყავდათ, მიმართა: თქვენ გადაწყვიტეთ,
რომელი ფიცია უფრო სამართლიანია. ფიცის დასაწყისში ანტიგონე
მეფეებს მოიხსენებდა, მაგრამ ეს მოსაჩვენებლად, ვითომ დამკვიდ-
რებული წესის დასაცავად იყო გაკეთებული. ფიცის მთელ დანარ-
ჩენ ნაწილში ანტიგონე მხოლოდ მისადმი ერთგულებას მოითხოვდა.
ევმენემ ფიცში მეფეთა შემდეგ პირველ ადგილზე ოლიმპიად²⁶ ჩა-

წერა. მერმე კი აღთქმას დებდა, რომ არა მარტო ანტიგონეს კეთილსმზრახველი, არამედ ოლიმპიადასა და მეფეთა ერთგულიც იქნებოდა და მტერ-მოყვარეც საერთო ეყოლებოდათ.

მაკედონელებმა შესწორებული ფიცი უფრო სამართლიანად მიიჩნიეს და ევმენეს აღთქმა დაადებინეს, რომ დაიცავდა მას. ამის შემდეგ ალყა მოხსნეს და ანტიგონეს შეუთვალეს: ახლა შენც უნდა დალო ფიცი ევმენეს წინაშეო.

ევმენემ ის კაბადოკიელი მძევლები, რომლებიც ნორაში ჰყავდა, უკლებლივ დააბრუნა, თვითონ კი სანაცვლოდ ცხენები, სასაბალნე პირუტყვი და კარგები მიიღო. მერმე თავი მოუყარა უკუქცევის დროს მიმოფანტულ და იმ მხარეში უქმად მოხეტიალე თავის ჯარისკაცებს. ამ გზით მან ათასამდე ცხენოსანი შემოიკრიბა და მათთან ერთად ციხე-სიმაგრეიდან გაიქცა. ევმენეს ანტიგონესი ეშინოდა და ამის სრული საფუძველიც ჰქონდა. საქმე ის გახლდათ, რომ ანტიგონემ ბრძანა ხელახლა მოემწყვდიათ ალყაში იგი და ამასთან ერთად საგანგებო წერილით სასტიკად ვაკიცხა მაკედონელები, რომლებმაც მის მიერ შედგენილ ფიცში შეტანილი შესწორება მოიწონეს.

13. გაქცევის დროს ევმენემ მაკედონიიდან იმათი წერილები მიიღო, რომელთაც ანტიგონეს გაძლიერებისა ეშინოდათ. ოლიმპიადა უთვლიდა: ჩამოდი და აღსაზრდელად ჩაიბარე ალექსანდრეს ვაჟი, რომელსაც ვერაგობას უწყობენო. პოლისპერქონტი და ფილიპე მეფე²⁷ კი უბრძანებდნენ კაბადოკიაში მყოფ ჯარს სათავეში ჩადგმონ და ანტიგონეს შეებმონ. ამასთან ნებას აძლევდნენ კვინდეს²⁸ საგანძურიდან ხუთასი ტალანტი პირად საქმეთა მოსაწყვსრიგებლად აეღო, ხოლო ომის საწარმოებლად იმდენი დაეხარჯა, რამდენსაც მოისურვებდა. ამის თაობაზე ადრევე მისწერეს არგირასპიდების²⁹ მეთაურებს, ანტიგენესა და ტევტამოსს. რაკი წერილი მიიღეს. ისინი სიტყვით ტკბილად შეხვდნენ ევმენეს, მაგრამ გულში შური და პატივმოყვარეობა ახრჩობდათ და მეორე ადგილზე ყოფნას უღირს საქმედ თვლიდნენ. მათი შური ევმენემ იმით დააკოა, რომ ფული არ აიღო, თითქოს არ სჭირდებოდა; ხოლო რადგან ამ მოშურნეებს არც წინამძღოლობა შეეძლოთ და არც სხვის მორჩილებაში ყოფნა სურდათ, მათ ავადმყოფურ პატივმოყვარეობასა და ძალაუფლების სიყვარულს მათივე ცრუმორწმუნეობა დაუპირისპირა. ევმენემ მათ აუწყა: სიზმარში გამომეცხადა ალექსანდრე და მაჩვენა ერთი მეფეურად მორთული კარავი, რომელშიაც სამეფო ტახტი იდგა. მერმე მითხრა: თუ

ამ კარავში შეიკრიბებით ხოლმე და ბჭობას გამართავთ, მე ყოველთვის დავესწრებით და თქვენ მიერ წამოწყებული ყოველი თათბირისა და საქმის მონაწილე ვიქნებით. ევმენეს ნათქვამი ანტიგენემ და ტევტამოსმა ადვილად დაიჯერეს, მით უმეტეს, რომ არ სურდათ ევმენეს კარავში სიარული და არც ევმენე თვლიდა ღირსეულ საქმედ სხვის კარზე გამოჩენას. შეთანხმების შედეგად ახალი კარავი დადგეს, შიგ ალექსანდრეს სახელზე შეწირული სამეფო ტახტი მოათავსეს და თავმოყრა და უდიდეს საქმეთა თაობაზე თათბირი ამ კარავში დაიწყეს.

როცა ქვეყნის შუაგულში შევიდნენ, მათ შემოხვდათ ევმენეს მეგობარი პევკესტა³⁰ და სხვა სატრაპები. აქ ძალები გააერთიანეს. იარაღის სიმრავლემ და ჩინებულმა მომზადებამ მაკედონელებს ძალღონე შეჰპატი. მაგრამ მათი სარდლები ალექსანდრეს სიკვდილის შემდეგ ძალაუფლების წყალობით აუტანელი განდნენ და ნებიერ ცხოვრებას მიეცნენ. ბარბაროსულად გაამპარტავებულნი ტირანებს დაემსგავსნენ, ერთმანეთი შეიძულეს და მათ შორის ყოველგვარი თანხმობა დაირღვა. ისინი მაკედონელი მეომრების წინაშე ურცხვად მლიქვნელობდნენ და მათთვის დიდებულ ნადიმებსა და საზვიამო მსხვერპლშეწირვებს აწყობდნენ. მოკლე ხანში ბანაკი გარყვნილები-სა და თავაწყვეტილი ღრეობის ბუდედ აქციეს, ხოლო ჯარისკაცები მორჩილ ბრბოდ გახადეს, რომელიც პირფერობის წყალობით ირჩევდა წინამძღოლებს ისე, როგორც ცრუ დემოკრატიული მმართველობის დროს ხდება ხოლმე. როცა ევმენემ იგრძნო, სარდლებს ერთმანეთი ეზიზღებათ, ჩემი კი ეშინიათ და ელოდებიან მარჯვე დროს, რათა მომკლანო, ყველას მოაჩვენა თავი, თითქოს ფული სჭირდებოდა და მრავალი ტალანტი ისესხა სწორედ იმათგან, რომელთაც იგი ყველაზე მეტად სძულდათ. ევმენეს იმედი ჰქონდა, ეს ხალხი მიენდობოდა და ვალის დაკარგვის შიშით მისი მოკვლის განზრახვაზე ხელს აიღებდა. მოხდა ისე, რომ სხვისი სიმდიდრე მან საკუთარი სიცოცხლის დასაცავად გამოიყენა; მაშინ როცა სხვები თავის გადასარჩენად თვითონ იძლევიან ხოლმე ფულს, ევმენე ერთადერთი კაცი იყო, ვინც უშიშროება ვალის აღებით მოიპოვა.

14. ასეთ ვითარებაში მაკედონელები თავს არჩეინად გრძნობდნენ; საჩუქრების წყალობით ზნე მთლად წაიხდინეს, ურცხვად დადიოდნენ იმათ კარზე, რომელთაც პირადი მცველების ყოლა სურდათ

და სარდლის თანამდებობის მიღებას ლამობდნენ. მაგრამ როცა ანტიგონემ დიდძალი ჯარი მათ მახლობლად დააბანაჟა და შექმნილმა მდგომარეობამ თვითონ მოითხოვა ნამდივლი სარდალი, მაშინ არა მარტო უბრალო მეომრებმა მიაპყრეს თვალი ევმენეს, არამედ მშვილობასა და განცხრომაში აღზევებულნიც დაემორჩილნენ და უსიტყვოდ შეუდგნენ დაკისრებული მოვალეობის შესრულებას.

ამასობაში ანტიგონემ მდინარე პასიტიკრის³¹ გადალახვა სცადა. სარდლებმა, რომელთაც სანაპირო ზოლი უნდა დაეცვათ, მტრის განზრახვა ვერ შენიშნეს. მხოლოდ ევმენემ გადაუღობა მას გზა და ბრძოლა გაუშართა. მან მრავალი მოწინააღმდეგე შემუსრა, მდინარის კალაპოტი გვაგებით აავსო და ოთხი ათასი კაცი ტყვედ წაიყვანა.

მაკედონელებმა თავიანთი შეხედულება ევმენეზე მისი ავადმყოფობის დროს გამომამყლანეს. მათი აზრით, სხვა სარდლები თავს მხოლოდ ბრწყინვალე ნადიმებისა და დღესასწაულების მოწყობით იჩენდნენ, წინამძღოლობა და ომის წარმოება კი მხოლოდ ევმენეს შეეძლო. პეკესტამ, რომელსაც პირველობის იმედი ჰქონდა, პერსიდაში ჯარისკაცებს დიდებული ღვინი მოუწყო და ყოველ მათგანს სამსხვერპლო ვერძი უბოძა. რამდენიმე დღის შემდეგ ისინი მტერზე სალაშქროდ გაემართნენ. სწორედ ამ დროს მიიმე ავადმყოფი ევმენე საკაცით ჯარისაგან მოშორებით მიჰყავდათ, რათა უძილობით დატანჯული მოსვენებით ყოფილიყო. მცირე მანძილს გავლის შემდეგ მოლაშქრეებმა უცბად დაინახეს მტერი, რომელიც გორაკებზე გადმოდიოდა და ველზე ეშვებოდა. მწვერვალებიდან მწყობრად მომავალი ჯარის მოოქრული იარაღი მზეზე თვალისმომჭრელად ლაპლაპებდა. მრავლად მოჩანდა სპილოებზე დადგმული კოშკურები და ძოწეულის საბურველები, რომლითაც მტრის მეომრები ბრძოლის ქაშის ირთებოდნენ. ამის მხილველმა მაკედონელებმა, რომლებიც პირველ რიგებში მიდიოდნენ, სელა შეაჩერეს და ყვირილი მორთეს. ისინი ევმენეს მოუხმობდნენ: მაგის სარდლობის გარეშე ნაბიჯსაც არ გადავდგამთო. მერმე იარაღი მიწაზე დაყარეს და ერთმანეთს მოუწოდებდნენ, არ განძრეულიყვნენ; ხოლო მეთაურებს ურჩევდნენ სიმშვიდე დაეცვათ, ევმენეს გარეშე ბრძოლაში არ ჩაბმულიყვნენ და თავი საფრთხეში არ ჩაეგდოთ. ეს რომ გაიგონა, ევმენემ მზღებლებს საკაცე სწრაფად წააღებინა, ჯარს თავში მოექცა და საკაცის ფარდები ორივე მხრივ გადაწია. მერმე მარჯვენა ხელი გამოყო და ჯარისკაცებს მხიარულად დაუქნია. დაინახეს თუ არა იგი, ჯარის-

კაცები მყისვე მიესალმნენ მაკედონურ ენაზე; მერმე ფარები აიტაცეს, ზედ შუბრები დასცხეს და, რაკი სარდალი უკვე მათთან იყო, მამაცური ყიჟინით მტერი ბრძოლაში გამოიწვიეს.

15. როცა ანტიგონემ ტყვეებისაგან გაიგო, ეგმენე ავად არის და დასუსტებულს საკაცით დაატარებენო, იფიქრა: რაკი ეგმენე დასნეულეულა, სხვების დამარცხება ძნელი საქმე აღარ არისო. ამიტომ აჩქარდა და სამომად დაიძრა. მაგრამ როცა ახლო ჩაუარა მტრის ლაშქარს, რომელიც რაზმებად ეწყობოდა და მისი სიდიდე და მხედრული გამართულობა იხილა, გაოცებული შეჩერდა და კარგა ხანს გაუნძრევლად იდგა. მალე დაინახა საკაცე, რომელიც ჯარის ერთი ფრთიდან მეორე ფრთისაკენ დაჰქონდათ. ანტიგონემ ჩვეულებისამებრ ხმამაღლა გაიცინა და მეგობრებს უთხრა: „აი ეს გახლავთ ის საკაცე, ჩვენ წინააღმდეგ რომ ამხედრებულა!“ ამის შემდეგ მან უკან დახია ჯარი და ბანაკი მოშორებით დასცა.

ეგმენეს მეომრებმა შვევით ამოისუნთქეს და კვლავ ძველ თავაშევებულებას მიეცნენ. აიგდეს რა აბუჩად მეთაურები, საზამთრო ბინები გაბენეს³² მთელ მხარეში დაიდეს და ისე დაიფანტნენ, მანძილი პირველი საზამთრო სადგომიდან უკანასკნელამდე ათას სტადიონს აღწევდა. შეიტყო თუ არა ეს, ანტიგონე მოულოდნელად გაემართა მტრისკენ ძნელად სავალი და უწყლო, მაგრამ ხელსაყრელი და მოკლე გზით. იგი იმედოვნებდა, თუ საზამთრო ბინებში მიმოფანტულ მტრის მეომრებს დაესხმოდა თავს, მათ მეთაურებს მეტად გაუჭირდებოდათ ძალთა ერთ ადგილზე შეკრება. მაგრამ როცა ანტიგონე უკაცრიელ მხარეში შეიჭრა, საშინელმა ჭარბა და სიცივემ სვლა გააძნელა და ჯარისკაცები მეტისმეტად შეაწუხა. ისინი იძულებულნი იყვნენ კოცონები დაენთოთ და, ცხადია, მტრისთვის შეუმჩნეველი ვერ იქნებოდნენ. კოცონთა სიმრავლით გაკვირვებულმა ბარბაროსებმა, რომლებიც უდაბნოს მახლობელ მთებზე ცხოვრობდნენ, სამგზავრო აქლემებზე მაცნეები შესხეს და პეგკესტასთან გააგზავნეს. მოტანილმა ამბავმა პეგკესტა მეტად შეაშინა და თავგზა აღბნია. როცა სხვებიც ასეთ მდგომარეობაში დაინახა, მთელი ძალით მოკურცხლა და თან გაიყოლა მხოლოდ ის მეომრები, რომლებიც გზად შემოხვდნენ. ეგმენემ არეულობა და შიში ჩააქრო იმით, რომ თავისიონებს დაჰპირდა: მტრის სწრაფ სვლას ისე შეეაჩერებ, განზრახულ ვადაზე სამი დღით გვიან მოაღწიონ აქო. როცა ეს ირწმუნეს, ეგმენემ

ყველგან დაგზავნა მალემსრბოლები ბრძანებით, რათა ჩარისკაცებს საზამთრო სადგომები დაეტოვებინათ და რაც შეიძლება სწრაფად შეკრებილიყვნენ. თვითონ კი სხვა საარდლებთან ერთად ცხენზე ამხედრებული გავიდა იმ ადგილზე, რომელიც უდაბნოზე გამვლელთათვის ადვილად დასანახავი იყო. მერმე საკმაოდ დიდი სივრცე გადაზომა და ბრძანა ერთმანეთისაგან განსაზღვრულ მანძილზე დაეთოთ კოცონები, როგორც ამას დაბანაკებული ლაშქარი აკეთებს ხოლმე. როცა ბრძანება შესრულდა და ანტიგონემ აელვარებული კოცონები დაინახა, ცალკე რისხვამ და ცალკე სასოწარკვეთილებამ შეიბყრო. იფიქრა: ჩემი გამოლაშქრება მტერს ადრევე შეუტყვია და ახლა ჩვენთან შესახვედრად მოდისო.

ანტიგონეს სულაც არ სურდა მისი დაღლილი და დაუძლურებული ჯარი მომზადებულ და კარგად გამოზამთრებულ ლაშქართან ბრძოლაში ჩაბმულიყო. ამიტომ მოკლე გზაზე უარი თქვა და გეზი სოფლებსა და ქალაქებისაკენ აიღო, რათა მხედრობას სული მოებრუნებინა და ძალონე მოეკრიბა. მას არ შეხვედრია არავითარი დაბრკოლება, რაც ჩვეულებრივი მოვლენაა ხოლმე მტრის სიახლოვის ყამს; იქაურმა მოსახლეობამ კი აუწყა: არავითარი ლაშქარი არ გვიხილავს იმ ადგილზე, სადაც მტერი გვეგულებოდათ; იქ მხოლოდ და მხოლოდ მრავალი კოცონი ანთიაო. ანტიგონე მიხვდა, მტერმა რომ მოატყუა, და განრისხებული გადამწყვეტი და აშკარა ბრძოლისათვის მოემზადა.

16. ამასობაში ევმენეს გარშემო თავი მოიყარა ლაშქრის დიდმა ნაწილმა. ყველა აღტაცებული იყო მისი საზრიანობით და მოითხოვეს წინამძღოლად მხოლოდ იგი ყოფილიყო. განაწყენებულმა და შურით აღვსილმა არგირასპიდების მეთაურებმა ანტიგონემ და ტევტამოსმა ევმენეს შეთქმულება მოუწყვეს; შეკრიბეს მრავალი სატრაპი და მეთაური და დაიწყეს ბჭობა, თუ როდის და როგორ მოესპოთ იგი. ბოლოს შეთანხმდნენ, ევმენე ბრძოლისათვის გამოეყენებინათ, ბრძოლის დამთავრებისთანავე კი მოეკლათ. სპილოთა რაზმის გამგებელმა ევდამოსმა და ფედიმოსმა შეთქმულთა განზრახვა საიდუმლოდ აუწყეს ევმენეს. მისადმი კეთილგანწყობილებამ ან სიყვარულმა როდი აიძულა ისინი ასე მოქცეულიყვნენ, იმის შიში ჰქონდათ, მისთვის სესხად მიცემული ფული არ დაჰკარგოდათ. ევმენემ მათ მადლობა გადაუხადა, თავის კარავში წავიდა და მეგობრებს უთხრა: მძევნვარე მხეცებით ვარ გარშემორტყმულიო. მერმე ანდერძი დაწე-

რა და მოსპო ყველა პირადი წერილი. არ უნდოდა საიდუმლო ცნობები მათ შემდგენელთა წინააღმდეგ ბრალდებისა და ცილისწამების საბაზად გამოყენებინათ მისი სიკვდილის შემდეგ.

ეს საქმე რომ მოათავა, იმის ფიქრს მიეცა, როგორ მოქცეულიყო: ჩაბარებოდა მტერს, თუ გაქცეოდა და მიდიასა და სომხეთზე გავლით თავი კაპადოკიაში შეეფარებინა. მიუხედავად მეგობრების დაჟინებული თხოვნისა, ვერაფერი ვერ გადაწყვიტა. ბედის უკუღმართობა აიძულებდა ხან ერთ აზრს დადგომოდა, ხან მეორეს, მაგრამ ბოლოს ფიქრს თავი ანება და ჯარის საბრძოლოდ დაწყობას შეუდგა. მან ელინებსა და ბარბაროსებს შემაგონებელი სიტყვა უთხრა. თავის მხრივ მაკედონურმა ფალანგამ და არგიარსპიდებმა ეგმენეს მოუწოდეს გამხმნეებელიყო: მტერი ჩვენს იერიშს ვერ გაუძლებსო. ესენი იყვნენ ფილიპესა და ალექსანდრეს ძველისძველი მეომრები, როგორც იტყვიან, ომის ათლეტები, რომლებმაც ჯერ კიდევ არ იცოდნენ, რა იყო დამარცხება და ქედის მოხრა. სამოც წელზე ნაკლები ასაკისა არც ერთი არ იყო მათ შორის, ბევრს კი უკვე სამოცდაათ წლამდეც მიეღწია. როცა იერიშზე გადავიდნენ, ანტიგონეს ჯარისკაცებს ზიზღით შესძახეს: „არაშაღებო, თქვენ საკუთარ მამებზე აღგიმართავთ ხელი!“ ისინი რისხვით ეკვეთნენ მტერს, მისი მთელი ფალანგა ისე შემუსრეს, რომ ვერავინ ვერ გაუძლო შეტევას და ჯარისკაცთა დიდი უმრავლესობა ხელხართულ ბრძოლაში განადგურდა.

ანტიგონეს ქვეითი ჯარი, მართალია, დამარცხდა, მაგრამ მისმა მხედრობამ გაიმარჯვა. ამის მიზეზი კი ის გახლდათ, რომ პეკესტა უნდილად, ლაჩრულად იბრძოდა. ანტიგონე მთელ მის ალაშს დაეუფლა. ამაში მას ხელი შეუწყო გონივრულმა სიფრთხილემ და ადგილმდებარეობამაც. ბრძოლა ხდებოდა უზარმაზარ ველზე, რომლის ნიადაგი ადვილად ფეხმოსაკიდებელი როდი გახლდათ. ეს იყო ქვიშიანი და გადამხმარი მლაშობი. ბრძოლის დროს ცხენთა და მეომართა უსაზღვრო სიმრავლემ და ფერხთა ცემამ აქ ისეთი მტვერი დააყენა, ჰაერი კირისფერი ბულით აივსო და თვალთახედვა დააბნელა. ამის წყალობით ანტიგონემ სულ ადვილად და შეუმჩნევლად ჩაიგდო ხელში მტრის ალალი.

17. როგორც კი დამთავრდა ბრძოლა, ტვეტამოსმა მაშინვე გაგზავნა ანტიგონესთან შიკრიკები და ალალის დაბრუნება სთხოვა. ანტიგონემ ასეთი პირობა შეუთვალა: ალალსაც დაგიბრუნებ და არგი-

რასპიდებს საერთოდ კაცთმოყვარულად მოგექცევი, თუ ევმენეს შეიპყრობთო. მაშინ არგირასპიდებმა საშინელი ვერაგობა განიზრახეს; გადაწყვიტეს ცოცხლად გადაეცათ ევმენე მტრისათვის. ევმენეს რომ ეჭვი არ აედო, არგირასპიდები ჯერ ისე მივიდნენ მასთან. ზოგი დაკარგულ ალაღს შესჩიოდა, ზოგი, ვითარცა გამარჯვებულს, პირში აქებდა და გამხნევებას უსურვებდა, ზოგიც სხვა სარდლებს სიმხდალეში სდებდა ბრალს. მერმე უცბად თავს დაესხნენ, მახვილი გამოსტაცეს და ხელები ღვედლით შეუკრეს.

როცა ანტიგონეს მიერ გამოგზავნილი ნიკანორი შეპყრობილის წასაყვანად გამოცხადდა და იგი მაკედონელთა რაზმების თვალწინ გაატარა, ევმენემ სიტყვის წარმოთქმის ნება ითხოვა: შეწყალებას როდი გთხოვთ, მინდა ზოგი რამ თქვენთვის სასარგებლო გითხრათო. ჩამოვარდა თუ არა სიჩუმე, ევმენე ერთ შემადლებულ ადგილზე შედგა, შეკრული ხელები გამოაშვირა და მაკედონელებს მიმართა: „არამზადებო, ანტიგონეც კი უარს არ იტყოდა თქვენზე გამარჯვების აღსანიშნავად და თქვენდა შესარცხვენად დაედგა ისეთი ძეგლი, როგორსაც ახლა თქვენივე ხელით დგამთ იმით, რომ საკუთარ სარდალს მტერს უგდებთ ხელში! განა საშინელ და სამარცხვინო საქმეს არ ჩადინხართ, როცა გამარჯვებული ხალხი თავს დამარცხებულად აღიქმის, როცა დაკარგვის გამო, თითქოს გამარჯვება სიმდიდრეს მოჰქონდეს და არა იარაღს? განა მკრეხელობა არ არის, ალაღის გამოსასყიდ ფასად რომ სარდალს მტერთან გზავნით? მე, უძლეველი და გამარჯვებული კაცი, ჩემივე თანამებრძოლებს მტერთან მიგყავარ და სურთ დასაღუბავად გამწირონ! გავედრებთ მეომართა მფარველ ზევსსა და ფიცის დამცველ ღმერთებს, თქვენივე ხელით მომისწრაფეთ სიცოცხლე აქ! სულ ერთია, იქ რომ მომკლან, მაინც თქვენ ჩადენილ საქმედ ჩაითვლება ეს! ანტიგონე ამის გამო საყვედურს როდი გეტყვით: მას მკვდარი ევმენე სჭირდება და არა ცოცხალი! თუ თქვენი ხელები გინდათ დაზოგოთ, ჩემი ცალი ხელიც საკმარისი იქნება; გამიხსენით იგი და თქვენთვის სანუკვარი საქმეც აღსრულდება! თუ მახვილს ვერ მანდობთ, მაშინ მხეცებს მიუგდეთ ჩემი თავი შესაჰმელად! თუ ამას გააკეთებთ, ჩემი მხრივ ყოველგვარი ბრალდებისაგან თავისუფალი იქნებით და ვიტყვი, რომ თქვენი სარდალის წინაშე ყველაზე პირნათელი და ყველაზე სამართლიანი ხალხი ბრძანდებით!“

ევმენეს სიტყვებმა ლაშქრის უდიდეს ნაწილს მწუხარება მოჰგვარა, ბევრგან გოდებაც კი გაისმა. მაგრამ არგირასპიდები ყვირილით მოითხოვდნენ წაყვანათ ევმენე და მისი ლაყბობისათვის ყური არ ეგდოთ: „არაფერია ცუდი იმაში, თუ ზერსონესელი თავისი სიცოცხლით ზღაღს იმას, რომ მაკედონელები უთვალავი ომით დაჟანცა! ვანა უარესი არ იქნება ალექსანდრესა და ფილიპეს საუკეთესო მეომრებმა ამდენი წვალეზის შემდეგ სიბერეში დაკარგონ დამსახურებული ჯილდო და ლუკმა-პურისთვის სხვებს გაუშვირონ ხელი?! ისიც კმარა, რომ ჩვენი ქალები უკვე სამი ღამეა მტრის სარეცელში წვანანო!“ ამ სიტყვებთან ერთად არგირასპიდებმა ევმენე წინ გაიგდეს და აიძულეს აჩქარებულიყო.

მოზღვაგებულმა ბრბომ ანტიგონე ძალიან შეაშინა: საჭმე ის გახლდათ, რომ ევმენეს ბანაკში ერთი კაციც არ დარჩენილა. ბრბოს მოსაგერიებლად ანტიგონემ ათი საუკეთესო სპილო და მრავალი მიდიელი და პართელი შუბოსანი გაგზავნა. რაც შეეხება ევმენეს, მისი ხილვა ძველი მეგობრობისა და მოყვრობის გამო მან ვერ გაბედა. როცა მცველებმა ჰკითხეს: როგორ მოვუაროთ ტყვესო? ანტიგონემ უპასუხა: ისე, როგორც სპილოსა და ლომს უგლიანო! მაგრამ ცოტა ხნის შემდეგ ტყვე შეებრალა და ბრძანა მისთვის მძიმე ბორკილები აეხსნათ. მერმე ყველაზე ერთგული მონა მტივიან ადგილებზე მაღამოს წასასმელად მიუჩინა, ხოლო მის მეგობრებს, ვისაც კი სურდა, მასთან დღის გატარებისა და საჭმლის მიწოდების ნება მისცა.

ამის შემდეგ ანტიგონე მრავალი დღის განმავლობაში ფიქრობდა, როგორ მოქცეოდა ტყვეს. ამის თაობაზე სათათბიროდ სხვებსაც იწვევდა და მათ რჩევას გულისყურით ისმენდა. მისი ვაჟი დემეტრიოს³³ და ნეარქე კრეტელი გულწრფელად ურჩევდნენ ევმენესათვის სიცოცხლე შეენარჩუნებინა, მაგრამ სხვები დაჟინებით და ერთხმად მის სიკვდილს მოითხოვდნენ.

ევმენეს, როგორც გადმოგვცემენ, ღარაჯად დაყენებულ ონომარქესათვის უკითხავს: რას ელოდება ანტიგონე? რად არ კლავს მის მტერსა და მოწინააღმდეგეს, ვინც უკვე ხელთ ჰყავს, ან არადა დიდსულოვნად რად არ უნდა გაათავისუფლოსო? ონომარქეს თავხედური პასუხი გაუცია: მამაცურად ბრძოლაში უნდა შეხვედროდი სიკვდილს და არა ასეთ ვითარებაშიო! ევმენეს ამაზე უთქვამს: „ფიცებ ზევს, რომ სწორედ ბრძოლაში ვიყავი მამაცი! ჰკითხე იმათ, ვინც

ხელჩართულ ბრძოლაში შემხმია. ვერ დავასახელებ ვერც ერთ კაცს, რომ ჩემზე ძლიერი შემხვედროდეს!“ ონომარქემ ასე მიუგო თურმე: „აი, ახლა ხომ შეხვდი შენზე ძლიერს; რატომ არ გსურს მის დანიშნულ დროს დაელოდო?“

19. ბოლოს და ბოლოს ანტიგონემ ევმენეს სიკვდილი გადაუწყვტა და ბრძანა მისთვის საჭმელ-სასმელი აღარ მიეცათ. ორი თუ სამი დღის უჭმელ-უსმელობით იგი უკვე სიკვდილის პირამდე მიიყვანეს. მაგრამ როცა ანტიგონე ანაზღუელად ბანაკიდან აიყარა, საგანგებოდ მოგზავნილმა კაცმა ევმენეს სიცოცხლე მახვილით მოუსწრაფა.

ევმენეს გვამი ანტიგონემ მის მეგობრებს გადასცა და უბრძანა დაეწვათ, ხოლო ფერფლი ვერცხლის ლარნაკში მოეგროვებინათ და მოკლულის ცოლ-შვილისათვის გადაეცათ.

აი, ასე დაიღუპა ევმენე. უზენაესმა განგებამ მისი ორგული სარდლებისა და ჭარისკაცების დასჯის საქმე სხვებს კი არ დააჯიხრა, არამედ თვითონ ანტიგონეს მიანდო. როცა ანტიგონე დარწმუნდა არგირასპიდების უწმინდურებასა და მხეცობაში, ისინი არახოსიის მმართველს სიბირტიოსს გადასცა და უბრძანა, ყველა დახოცე, რათა ვერც ერთი ვერ დაბრუნდეს მაკედონიაში და ელინური ზღვა იზილოსო.

ს ე რ ტ ო რ ი შ ს ი

1. საკვირველი იქნებ სრულიადაც არ იყოს, რომ ბედის ჩარხის წაღმა-უკუღმა ტრიალზე დამოკიდებული შემთხვევა დროთა უსაზღვრო სარბოლაში ზშირად ერთსა და იმავე შედეგებს იწვევს. თუკი სამყაროს ძირითად ნაწილთა რაოდენობა განუსაზღვრელია, ბედისწერას დაუსრულებელი შესაძლებლობა აქვს ცალკეული მოვლენები ერთმანეთს დაამსგავსოს, ხოლო თუ პირიქითაა და შემთხვევები ძირითად ნაწილთა შეზღუდულ რიცხვთაგან იქმნება, მაშინ პირდაპირ აუცილებელია ერთსა და იმავე მიზეზთაგან წარმოქმნილი მსგავსი ამბები მრავალგზის განმეორდეს. ასეთ ამბავთა მოყვარული ხალხი გატაცებით აგროვებს საისტორიო წყაროებსა და ზეპირგადმოცემებში შემთხვევების საფუძველზე წარმოშობილ მსგავსებათა მაგალითებს, რომლებიც ზენარი ნებისა და განგების ნამოქმედარსა ჰგავს. აი ზოგიერთი მაგალითიც: იყო ორი სახელოვანი ატისი, ერთი სირიელი, მეორე — არკადიელი: გარეულმა ტახმა მოუსწრაფა სიცოცხლე ორივეს¹. იყო ორი აკტეონი: ერთი ძაღლებმა დაგლიჯეს, მეორე კი მეტრფეებმა². სციპიონიც ორი იყო: პირველმა დაამარცხა კართაგენელები, ხოლო მეორემ დედაბუდიანად ამოჟლიტა³. ილიონი ჯერ ჰერაკლემ აიღო ლაომედონტის ფაშატების გამო, მერმე აგამემნონმა დაიპყრო ეგრეთ წოდებული ზის ცხენის წყალობით, მესამედ კი ქარიდემემ დაიმორჩილა, იმანაც იმის შემწეობით, რომ ერთი ცხენი კარიბჭეში შეიჭრა და ილიონელებმა მისი ჩაკეტვა ველარ მოასწრეს⁴. ორი ქალაქი ყველაზე უფრო კეთილსურნელოვან მცენარეთა სახელებს ატარებს, ეს ქალაქებია: იოსი და სპირნა. ამბობენ, პოეტი ჰომეროსი პირველში დაიბადა, მეორეში გარდაიცვალა⁵. მოდიოთ და ამ მაგალითებს დავუმატოთ ისიც, რომ უმამაცესი მხედართმთავრები, რომლებმაც მოხერხებულობით და ნიჭით მრავალი დიდი საქმე შე-

ასრულეს, ცალთვალანი იყვნენ. ესენია: ფილიპე, ანტიგონე, ჰანიბალი და სერტორიუსიც, რომელსაც ეს თხზულება ეხება. სერტორიუსი ფილიპეზე თავშეყავებული გახლდათ ქალებთან დამოკიდებულებაში, ანტიგონეზე ერთგული მეგობრებთან ურთიერთობაში და ჰანიბალზე ლმობიერი მტრების მიმართ. ჰკუა-გონებით არც ერთ მათგანს არ ჩამოუვარდებოდა, მაგრამ ბედი ყველაზე ნაკლებ წყალობდა. უიღბლობა გაცილებით მეტ ვნებას აყენებდა ყველა საქმეში, ვიდრე აშკარა მტრები. მიუხედავად ამისა, იგი მაინც გაუტოლდა გამოცდილებით მეტეღუსს, გამბედაობით პომპეუსს და წარმატებებით სულას. სამშობლოდან ღტოლვილი და ბარბაროსთა მეთაურად დამდგარი უცხო კაცი ძლიერებით რომაელებს დაუპირისპირდა. ამ კაცს ყველაზე უფრო მეტად შეიძლება ბერძენთაგან შევუდაროთ ევმენე კარდიელი. ორივე კარგი სარდალი და მარჯვე მეთაური იყო, ერთიცა და მეორეც სამშობლოდან გააძევეს და უცხოელებს წინამძღოლობდნენ, ბედმა ორთავეს ნაძალადევი და უსამართლო სიკვდილი განუშადა: ორივეს შეთქმულება მოუწყვეს, ორივეს იმ ხალხმა მოუსწრაფა სიცოცხლე, ვისთან ერთადაც მტრებს ამარცხებდნენ.

2. კვინტუს სერტორიუსი დაიბადა საბინთა მხარეში, ქალაქ ნურსიაში, საკმაოდ წარჩინებულ ოჯახში. მამით ადრე დაიბლდა, მაგრამ დაქვრივებულმა დედამ, რომელიც, ჩანს, ძლიერ უყვარდა, მშვენივრად აღზარდა. ამბობენ, დედას რეა ერქვაო. თავდაპირველად სერტორიუსი სამართლის შესწავლას დაეწაფა და გვარიან წარმატებებსაც მიაღწია: ჯერ კიდევ სულ ყმაწვილმა საკმაო გავლენა მოიპოვა ქალაქში როგორც კარგმა მჭევრმეტყველმა, მაგრამ ბრძოლებში მოხვეჭილმა ბრწყინვალე წარმატებებმა მისი პატივმოყვარეობა სამხედრო საქმისაკენ წარმართა.

3. ლაშქრობაში მონაწილეობა სერტორიუსმა პირველად მიიღო ცეპიონის ზელმძღვანელობით მაშინ, როცა გალიაში კიმბრები და ტევტონები შეიჭრნენ⁷. რომაელები ცუდად იბრძოდნენ, მტერს ვერ გაუმკლავდნენ და უკუიქცნენ. სერტორიუსს ამ ბრძოლაში ცხენი მოუკლეს, თვითონ კი დაჭრეს. დაჭრილი სერტორიუსი აბჯრითა და ფარით როდანოსში გადაეშვა, ძლიერ დინებას შეერკინა და მეორე ნაპირზე გავიდა. აი ასეთი ნავარჯიშევი და გაკაცებული სხეული ჰქონდა სერტორიუსს.

როცა კიმბრებისა და ტევტონებისათვის ლაშქარი მეორედ დაესხა თავს გალიას, როცა მეტისმეტად გაძნელდა რომაელი ჯარისკაცის დაკავება საბრძოლო მწყობრში და მისი დამორჩილება სარდლისადმი, იმ დროს რომაელთა მხედრობას მარიუსი მეთაურობდა. სერტორიუსს კი მტრის დაზვერვის საქმე მიენდო. იგი კელტური ტანსაცმლით შეიმოსა, გალთა ენაზე ყველაზე ხშირად ხმარებული რამდენიმე წინადადება გაიზვიორა, რათა საჭირო შემთხვევაში გამოლაპარაკება შეძლებოდა, და ბარბაროსებს შეერია. როცა აქ იხილა და საკუთარი ყურით გაიგონა ის, რაც ყველაზე მნიშვნელოვნად მიაჩნდა, მარიუსთან დაბრუნდა. ასეთი მამაცობისათვის მაშინ დამსახურებული ჯილდოც მიიღო. მერმინდელ ბრძოლებშიაც მრავალჯერ გამოიჩინა ჭკუა-გონება, ამით სახელი მოიხვეჭა და მხედართმთავრის ნდობაც დაიმსახურა.

კიმბრებსა და ტევტონებთან ომის შემდეგ იგი გაგზავნეს ესპანეთში სამხედრო ტრიბუნის თანამდებობაზე პრეტორ დიდისის გამგებლობაში. სერტორიუსი დასაზამთრებლად კელტიბერების ქალაქ კასტულონში დაბანაკდა. რომაელი ჯარისკაცები, რომელთაც ყველაფერი უხვად ჰქონდათ, უსაზღვროდ თავხედობდნენ და განუწყვეტლივ ლოთობდნენ. ზიზლით ავსილმა ბარბაროსებმა დრო იხელთეს, ერთხელ ღამით მეზობლად მოსახლე გირისენებს დამხმარედ მოუხმეს, მათთან ერთად რომაელთა სადგომებს თავს დაესხნენ და შიგ მყოფთა ყლელა დაიწყეს. სერტორიუსმა რამდენიმე ჯარისკაცითურთ თავის გადარჩენა მოახერხა. შეკრიბა ის მეომრებიც, რომლებიც ასევე დაუსხლტნენ ხიფათს და მათი თანხლებით ქალაქს შემოუტარა. კარიბჭე, საიდანაც მოწვეული ბარბაროსები შეუმჩნევლად შემოვიდნენ ქალაქში, ღია დაუხვდა. მაშინ სერტორიუსი ბარბაროსებივით წინდაუხედავად როდი მოიქცა, კარიბჭეს მცველები ჩაუყენა, მთელი ქალაქი ხელთ იგდო და, სრულწლოვანი ასაკისა ვინც იყო, ყველა ამოხოცა. ამ ზოცვა-ყლელის შემდეგ სერტორიუსმა რომაელ მეომრებს უბრძანა საკუთარი იარაღი და ტანსაცმელი მოეცილებინათ, ბარბაროსთა სამოსითა და საჭურვლით აღკაზმულიყვნენ და იმ ქალაქისაკენ გაჰყოლოდნენ, საიდანაც გამოგზავნეს ისინი, რომლებიც რომაელებს ღამით თავს დაესხნენ. თავიანთი საჭურვლის ხილვამ ბარბაროსები მწარედ მოატყუა. რომაელებს კარიბჭე გაუღეს და მრავლადაც მოიყარეს თავი აქ, ეგონათ, გამარჯვებულ მეგობრებსა და

თანამოქალაქეთ შევეგებებითო. ამით ისარგებლეს რომაელებმა და ბარბაროსთა დიდი ნაწილი კარიბჭესთანვე ამოჟლიტეს, დანარჩენები კი ტყვედ ჩაიგდეს და მონებად დაყიდეს.

4. ამიერიდან სერტორიუსმა სახელი გაითქვა ესპანეთში. როგორც კი დაბრუნდა რომში, მაშინვე დანიშნეს პადუსის სანაპიროებზე მდებარე გალიის¹⁰ კვესტორად, ვინაიდან ეს აუცილებელი იყო. იწყებოდა მარსების ომი¹¹. სერტორიუსს მეომართა შეკრება და იარაღის დაშაადება ებრძანა. მაშინ, როცა სხვა ახალგაზრდები ზანტად და უხალისოდ მოქმედებდნენ, სერტორიუსი დიდი გულისხმიერებით მოეკიდა დაკისრებულ საქმეს და ისეთი კაცის სახელი მოიპოვა, რომელიც მომავალშიც სასახელო მოღვაწეობის იმედს იძლეოდა. რიგითი ჯარისკაცის გულადობა მაშინაც კი არ დაუკარგავს, როცა მხედართმთავრის ღირსებას მიაღწია. იგი თვითონ ახდენდა სასწაულებს და ბრძოლებში არასოდეს თავს არ ზოგავდა. ასე დაკარგა ცალი თვალი, რომელიც ომში გამოთხარეს. ამით მთელი სიცოცხლის მანძილზე ამაყობდა: სხვები ყოველთვის ვერ ატარებენ საგმირო საქმეთა დამამტკიცებელ ჯილდოებს, იხსნიან საპატიო ყელსაბამებს, ინახავენ შუბებსა და გვირგვინებს, მე კი ჩემი სიმაძაქის დასტური მუდამ თანა მაქვსო, ისე რომ ჩემი მხილველნი ჩემს უბედურებასთან ერთად ჩემი სიქველის ნიშანსაც ზედავენო. ხალხმა საკადრისი პატივიც მიაგო: როცა თეატრში შევიდა, ტაშის გრიალითა და მხიარული ყიჟინით შევეგებნენ. ასეთი წარმატების მიღწევა კი იმ პირთაც გაძნელებიათ, ვინც ასაკითა თუ სახელით ბევრად აღემატებოდნენ. მაგრამ როცა სახალხო ტრიბუნის თანამდებობის მოპოვება სცადა, სულა აღუდგა წინ და სერტორიუსი დამარცხდა. როგორც ჩანს, ეს იყო მიზეზი იმ ზიზღისა, რასაც ის სულას მიმართ გამოხატავდა.

როცა სულასაგან ძლეული მარიუსი გაიქცა, სულა კი მითრიდატესთან საომრად გაემართა, ერთმა კონსულმა — ოქტავიუსმა სულას მხარი დაიჭირა, მეორე კონსულმა — ცინამ კი გადატრიალების მოხდენა განიზრახა და მარიუსის დაუძლურებული პარტიის აღდგენას შეეცადა. სერტორიუსი ცინას მიემხრო, მით უფრო, რომ ზედავდა, ოქტავიუსი უსიცოცხლო კაცი იყო და თანაც მარიუსის მეგობრებს უნდობლობით ეკიდებოდა. როცა ფორუმზე კონსულთა შორის დიდი ბრძოლა გაიმართა და ოქტავიუსმა გაიმარჯვა, ცინა და სერტორიუსი, რომლებმაც ათი ათასამდე კაცი დაკარგეს, გაიქცნენ. მერმე

კი იტალიის სხვადასხვა ნაწილში მიმოფანტულ მხედრობათა დიდი ნაწილი გადაიბირეს და სულ მალე დაუპირისპირდნენ ოქტავიუსს, როგორც ღირსეული მოწინააღმდეგენი.

5. ამასობაში აფრიკიდან ჩამოვიდა მარიუსი იმ განზრახვით, რომ კონსულ ცინას მიმხრობოდა როგორც რიგითი მოქალაქე. ყველა თანახმა იყო მიედოთ იგი, მხოლოდ სერტორიუსი იდგა უარზე: ან იმიტომ, რომ, ფიქრობდა, ასეთი დიდი წინამძღოლის აქ ყოფნას მისი ურთიერთობა ცინასთან არ გაეფუჭებინა, ანდა ეშინოდა მარიუსის მძევნვარე ხასიათისა, რათა ამ კაცს, რომელიც განრისხებისას ზომიერების გრძნობას კარგავდა, ყველაფერი არ აერ-დაერია და გამარჯვების ჟამს სამართლიანობის საზღვარი არ გადაეღახა. სერტორიუსი ამბობდა, გასაკეთებელი ბევრი აღარაფერი დავგრჩენია, საცაა გავიმარჯვებთ და თუ ახლა მივიღებთ მარიუსს, კაცს უნდოსა და თანაც ძალაუფლების განიარების მტერს, მთელი სახელი და ძლიერება მას დარჩებაო. ცინამ დაადასტურა: სერტორიუსის მოსაზრებანი სწორია, მაგრამ სირცხვილში ვარ ჩავარდნილი და უხერხულია ხელი ვკრაო მარიუსს, ვინც საერთო საქმეში მონაწილეობის მისაღებად მე თვითონ მოვიხმეო. მაშინ სერტორიუსმა შენიშნა: „მეგონა, მარიუსი საკუთარი თაოსნობით ჩამოვიდა იტალიაში და ჩემი მოსაზრებაც ამას ემყარებოდა. შენი მხრივ კი არ იყო სწორი გემსჯელა კაცზე, ვინც უკვე ჩამოვიდა და ვინც შენ თვითონ მოიწვიე. იგი, ცხადია, უნდა მივიღოთ და გამოვიყენოთ: რაკილა ნდობა გამოცხადებულია, განსჯას ადგილი აღარ უნდა ჰქონდესო“.

აი ასე მოიწვია ცინამ მარიუსი და ლაშქარი სამად გაინაწილა სამმა წინამძღოლმა.

ომის დამთავრების შემდეგ ცინა და მარიუსი ისე თავხედურად და გამძვინვარებით იქცეოდნენ, რომ ომში გადატანილი ვაი-ვაგლახი ოქროს ზანად ეჩვენებოდათ რომაელებს. როგორც გადმოგვცემენ, მხოლოდ და მხოლოდ სერტორიუსი არ აპყოლია რისხვას, არ მოუკლავს არავინ და ბოროტად არ გამოუყენებია გამარჯვებულის ძალა, პირიქით, საშინლად წყალობდა თურმე მარიუსზე და როგორც კი დაიხელთებდა ცინას, ემუდარებოდა, უფრო ღმობიერი ყოფილიყო. მარიუსმა ის მოწვები, რომლებიც ომში მისი თანამოსაგრენი და მისი ტირანიის დამცველები იყვნენ, გავლენიან და მდიდარ ხალხად აქცია: ისინი ზან მარიუსის ბრძანებით ღებულობდნენ ჯილდოებს, ხან

კი, ყოველგვარ წრეს გადასულნი, ძალდატანებით იტაცებდნენ თავიანთი ბატონების ქონებას, ხოცავდნენ მათ, ძალას ზმარობდნენ მათ ცოლებზე და აუპატიურებდნენ მათ ბავშვებს. სერტორიუსმა ეს აუტანელ მოქმედებად ჩათვალა და როცა ისინი ერთ ადგილზე დაბანაკებულად მოიხელთა, ყველა, რიცხვით ოთხი ათასამდე კაცი, ერთიანად ამოხოცა¹².

6. მალე გარდაიცვალა მარიუსი, მცირე ხნის შემდეგ კი მოკლეს ცინა. კონსულობა ხელთ იგდო მარიუს უმცროსმა სერტორიუსის სურვილისა და კანონის წინააღმდეგ. კარბონები, ნორბანები და სციპიონები უღიმღამოდ ეომებოდნენ შეტევასზე გადმოსულ სულას. ყველაფერი იღუპებოდა, ნაწილობრივ წინამძღოლთა სილაჩრითა და მოუქნელობით, ნაწილობრივ კი მოღალატეთა მოქმედებით. რაკილა საქმე სულ უკან და უკან მიდიოდა, სერტორიუსის აქ ყოფნას აზრი აღარ ჰქონდა, მით უფრო, რომ ისინი, ვისაც მეტი ძალა შესწევდათ, უგუჟურად იქცევოდნენ. ამას დაემატა შემდეგიც: როცა სულა სციპიონის პირისპირ დაბანაკდა, თვალთმაქცობა დაიწყო, ვითომცდა დაზავება სურდა და მთელი მხედრობა გადაიბირა. სერტორიუსი წინასწარ აფრთხილებდა სციპიონს, დარიგებას აძლევდა, მაგრამ ვერა და ვერ დააჯერა. მაშინ კი იმედი გაიწყვიტა ქალაქზე და ესპანეთისაკენ გაემურა. სურდა მოესწროთ ძალაუფლების ხელში ჩაგდება და ამ ქვეყნის ვადაქცევა იმ მეგობართა თავშესაფრად, რომლებიც რომში დამარცხდნენ¹³.

ესპანეთის მთავორიან ადგილებში სერტორიუსს საშინელმა ქარიშხალმა მოუსწრო, ადგილობრივი ბარბაროსები კი გზაზე გასატარებლად ბაჟის გადახდას სთხოვდნენ. აღშფოთებული მისი მხლებლები გულსწყრომით ამბობდნენ: სად გაგონილა, პროკონსულის ღირსებით აღჭურვილმა რომაელმა ამ ცუდლუტ ბარბაროსებს ბაჟი უხადოსო. სერტორიუსი არად აგდებდა ამას, რაც მათთვის თითქმის სამარცხვინო ჩანდა, და ირწმუნებოდა: მე ვყიდულობ დროს, დროზე ძვირფასი არაფერია ვაჟკაცისათვის, ვინც დიდი საქმისკენ მოსწრაფვოსო. მან ფულით დააშოშმინა ბარბაროსები და ესპანეთს სწრაფად დაეუფლა. მის ხელქვეით აღმოჩნდნენ მრავალრიცხოვანი მეომარი ტომები, რომლებიც ყოველგვარ მბრძანებლობას ზიზღით ეკიდებოდნენ რომიდან განუწყვეტლივ მოვლინებულ პრეტორთა სიხარბისა და თავხედობის გამო. სერტორიუსმა კი მყისვე გადაი-

ბირა ესპანეთის დიდებულები თავაზიანი მოპყრობით, ხოლო ხალხი — ბეგარის შემცირებით, განსაკუთრებული სიყვარული მაინც იმით დაიმსახურა, რომ გააუქმა მკვიდრთა სადგომებში ჯარის ჩაყენების წესი. ჯარისკაცები აიძულა საზამთრო ბინები გარეუბნებში დაედოთ და უწინარეს ყოვლისა თვითონ უჩვენა ამის მაგალითი. მაგრამ სერტორიუსი თავის ზრახვებს მთლიანად ბარბაროსთა კეთილგანწყობილებასზე როდი ამყარებდა: მან იარაღში ჩასხა აქ გადმოსახლებული და საომრად ვარგისი რომაელები, დაიწყო ნაირგვარი სამხედრო მანქანების დამზადება, ტრიერების მშენებლობა და ქალაქთა გამგებლობის სადავეთა საკუთარ ხელში მოზიდვა. მშვიდობიან საქმეებში ღმობიერად მოღვაწე სერტორიუსი თავისი მზადებით მტერს თავზარს სცემდა.

7. როცა სერტორიუსმა შეიტყო, სულა რომს დაეუფლა და მარიუსისა და კარბონის პარტია დაემხო, მყისვე მიხვდა, მის წინააღმდეგ საომრად გამოგზავნიდნენ ლაშქარს ვინმე სარდლის მეთაურობით, ამიტომ ლივიუს სალინატორის¹⁴ მეშვეობით, რომელსაც თან ექვსი ათასი ლეგიონერი ჰყავდა, პირენეის მთები დაიკავა. მცირე ხნის შემდეგ სულამ მართლაც გამოგზავნა გაიუს ანიუსი. მაგრამ რაკილა ლივიუსი დაუძღვევლად მიიჩნია, ანიუსი უმოქმედოდ დადგა მთების ძირში. მერმე კი, როცა ვილაცა კალპურნიუსმა, მეტსახელად ლანარიუსმა, ვერაგულად მოკლა ლივიუსი და მისმა ლეგიონერებმა პირენეის მწვერვალები მიატოვეს, ანიუსმა მთები გადალახა, დიდი მხედრობით დაიძრა და შემუსრა ყველა, ვინც წინ ეღობებოდა.

სერტორიუსმა წინააღმდეგობის გაწევა ვერ შეძლო და სამი ათასი მეომრის თანხლებით ახალ კართაგენში გაიქცა¹⁵. აქ ზომალდებში ჩასხდნენ, გადასერეს ზღვა და მიაღწენენ ლიბიას მავრუსიასთან¹⁶. მეომრები წყლის მოსამარაგებლად ნაპირზე გადავიდნენ, მაგრამ ისე, რომ გამაფრთხილებელი ზომები არ მიიღეს. ამით ისარგებლეს ბარბაროსებმა და თავს დაესხნენ. სერტორიუსმა მრავალი ჯარისკაცი დაკარგა აქ და კვლავ ესპანეთისაკენ გამოსცურა. აქედან იგი უკუაგდეს; მაგრამ როცა მას კილიკიელი მეკობრენი შეუერთდნენ, კუნძულ პიტეუსას¹⁷ მიაღწა, გადავიდა ხმელეთზე და ანიუსის ჩაყენებული მცველი რაზმი დაამარცხა. არ გასულა დიდი დრო და აქ გამოჩნდა ანიუსი მრავალი ზომალდით და თავით ფეხამდე შეიარაღებული ხუთი ათასი მეომრით. სერტორიუსმა გადაწყვიტა ანიუსს

ზღვაზე შებრძოლებოდა, მიუხედავად იმისა, რომ მის განკარგულებაში მხოლოდ მომცრო, მსუბუქი ხომალდები იყო, რომლებიც სწრაფი ცურვისთვის იყვნენ აგებული და არა ბრძოლისათვის. მაგრამ ამ დროს ამოვარდა ძლიერი ზეფირი, რომელმაც ზღვა აატორტმანა და სერტორიუსის მსუბუქ ხომალდთა უმრავლესობა კლდოვან ნაპირზე გარიყა. სერტორიუსი გარიყვას გადაურჩა. იგი რამდენიმე ხომალდით ღია ზღვაში გასვლას ცდილობდა, მაგრამ მძვინვარე ქარიშხალი ამის საშუალებას არ აძლევდა, ნაპირს კი მტერი არ აკარებდა. ისე რომ იძულებული გახდა ათი დღე აზვირთებულ ტალღებთან ბრძოლაში გაეტარებინა.

8. როცა ქარი ჩადა, სერტორიუსი მიადგა ზღვაში მიმოფანტულ რომელიღაც უწყლო კუნძულებს და ერთხანს აქ დაჰყო. მერმე აქედან დაიძრა, გაიარა გაღირის სრუტე¹⁸, მოუხვია მარჯვნივ და გადავიდა ესპანეთის სანაპიროზე ბეტისის შესართავის ოდნავ ზემოთ ბეტისის ატლანტის ოკეანეს ერთვის, ესპანეთის იქაური მიდამო კი ამ მდინარის სახელით მოიხსენება¹⁹. აქ სერტორიუსს შეხვდნენ ვიღაც მეზღვაურები, რომლებიც ის-ის იყო ბრუნდებოდნენ ატლანტის კუნძულებიდან. ესაა ერთმანეთისაგან მეტად ვიწრო სრუტით გამოყოფილი, ლიბიიდან ათი ათას სტადიონზე მდებარე ორი კუნძული, რომელთაც ნეტართა კუნძულებს უწოდებენ²⁰. წვიმები აქ იშვიათია და ზომიერი. თითქმის განუწყვეტლივ ქრის წყნარი, ნოტიო ქარი. ამის გამო აქაური მიწა არა მარტო სახნავ-სათესადაა კარგი და ნოყიერი, არამედ თავისთავად იძლევა ნაყოფს, რომელიც სიუხვითა და სიტკბოებით საშუალებას აძლევს აქაურ ხალხს შრომისა და გარჯის გარეშე ირჩინოს თავი. ჰაერი კუნძულზე დიდებული და ჯანსაღია რბილი ჰავისა და წლის დროთა ზომიერი ცვალებადობის წყალობით. ჩვენს მხარეში ამოვარდნილ ჩრდილოეთისა და აღმოსავლეთის ყველა ქარს, რომელიც კი აქეთ მოისწრაფის, ხანგრძლივი გზა და უსაზღვრო სივრცე ძალას უკარგავს, ხოლო ზღვიდან მობერილ სამხრეთისა და დასავლეთის ქარებს ხანდახან თუ მოაქვთ შხაპუნა წვიმა, უპირატესად კი იქაურობას ნოტიო სითბო აგრილებენ და ნიადაგს საზრდოს აწვდიან. სწორედ ამიტომაც ბარბაროსთა შორის დამკვიდრებულია მტკიცე რწმენა, რომ აქ არის ელისიონის ველი და ნეტართა სავანე, რომელსაც ჰომეროსმა უმღერა²¹.

9. როცა სერტორიუსმა ეს ამბავი მოისმინა, საოცრად დიდი სურ-

ვილი აღეძრა ამ კუნძულებზე დასახლებულიყო და ტირანიისა და გაუთავებელი ომებისაგან მოშორებით ეცხოვრა. როგორც კი იგრძნეს სერტორიუსის განზრახვა, კილიკიელები, რომელთაც სიმდიდრე და ნადავლი სწყუროდათ და არა ზავი და სიმშვიდე, მყისვე გავიდნენ ზღვაში ლიბიის მიმართულებით, რათა მავრუსიელთა სამეფო გაშგებლობა იფთას ძის ასკალისისათვის დაებრუნებინათ. კილიკიელთა სატყეელმა სერტორიუსი სასოწარკვეთილებაში როდი ჩააგდო, პირიქით, მტკიცედ გადაწყვიტა დახმარებოდა ასკალისის წინააღმდეგ მებრძოლთ. იგი დარწმუნებული იყო, ახალი იმედებით ფრთაშესხმული მისი ჯარისკაცები შემდგომი წარმატებების მოლოდინში ყოყმანს თავს დაანებებდნენ და არ დაიფანტებოდნენ. მავრუსიელებმა სიბარულით მიიღეს სერტორიუსი. მან მყისვე მოჰკიდა საქმეს ხელი, დაამარცხა ასკალისი და ალყა შემოარტყა. სულამ ასკალისის დასახმარებლად მხედრობით გავზავნა პაკციანუსი. სერტორიუსი ბრძოლაში ჩაება, პაკციანუსი მოკლა, ძლეული მისი ჯარი თავის მხარეზე გადაიბირა და იერიშით აიღო ტინგისი²², რომელშიც ასკალისი და მისი ძმები იყვნენ თავშეფარებულნი.

ლიბიელთა გადმოცემით, ტინგისში დაკრძალული იყო ანტეოსი²³. სერტორიუსს არ სჯეროდა ბარბაროსთა ნაამბობი ანტეოსის გოლიათური აღნაგობის შესახებ, ამიტომ საფლავი გაათხრევინა და, როცა სამოცი წყრთის სიგრძე სხეული იხილა, როგორც ამბობენ, განცვიფრდა. მერმე მიცვალებულს მსხვერპლი დაუკლა, საფლავი კვლავ ამოაგსებინა, ზედ ტაგრუცი აღმართა და ამით ანტეოსის სახელი მეტი დიდებით შემოსა. ტინგისელები მოგვითხრობენ, რომ ანტეოსის სიკვდილის შემდეგ მისი ცოლი ტინგე შეეუღლა ჰერაკლეს, ამათაგან გაჩნდა სოფაკე, რომელიც ამ ქვეყნის მეფე გახდა და ქალაქს დედის სახელი უწოდა. სოფაკეს ძე იყო დიოდორე, რომელსაც ლიბიის მრავალი ტომი დაემორჩილა იმის წყალობით, რომ ამ მხარეში ჰერაკლეს მიერ დასახლებული ოლბიელებისა და მიკენელებისაგან შემდგარი ბერძნული ჯარი ჰყავდა.

ეს ამბავი აქ მეფეთა შორის ყველაზე დიდი ისტორიკოსის იუბას²⁴ ხათრით მოვიტანეთ. საქმე ისაა, რომ, გადმოცემის თანახმად, იუბას წინაპრები სოფაკესა და დიოდორეს ჩამომავალნი იყვნენ.

გამარჯვებული სერტორიუსი უსამართლოდ როდი მოექცა იმ ხალხს, ვინც იგი აქ მოიხმო და ნდობა გამოუცხადა, პირიქით, დაუბ-

რუნა ქონება, ქალაქები და ძალაუფლება, თვითონ კი აიღო მხოლოდ ის, რაც საკუთარი სურვილით მისცეს.

10. ვინემ სერტორიუსი იმ ფიქრით იყო გართული, თუ საითკენ აეღო ახლა გეზი, ლუზიტანებმა²⁵ ელჩები გამოუგზავნეს თხოვნით ჩვენს ლაშქარს წინამძღოლად დაუდექიო. რომაელთაგან დაშინებულ ლუზიტანებს ძალზე სჭირდებოდათ ღირსებით შემოსილი და გამოცდილი მეთაური და ამიტომ გადაეწყვიტათ თავისი ბედი მხოლოდ და მხოლოდ სერტორიუსისათვის მიენდოთ, მით უმეტეს, რომ ამ კაცის ნასიათი მისი მხლებლებისაგან შეიტყვეს.

ამბობენ, სერტორიუსს არ სჩვეოდა არც სიამოვნების აყოლა და არც შიშისთვის ქედის მოხრა, საფრთხეში თუ ბედნიერების ჟამს ერთნაირად თავშეკავებული იყო. მისი დროის სარდალთაგან ვერც ერთი ვერ გაუტოლდებოდა ცხარე ბრძოლაში; იგი იყო უდიდესი ოსტატი სამარ საქმეთა ფარული წარმოებისა, გასაოცარ მოხერხებასა და სიფხიზლეს იჩენდა ბრძოლისათვის მარჯვე ადგილის შერჩევისა თუ მდინარეზე ფონით გასვლისას. როცა საჭირო იყო, არ ერიდებოდა არც ხრიკსა და არც ტყუილს. გმირობის ჩამდენს ხალხისით და გულუხვად ავიღლოებდა, დამნაშავეს კი დიდი თავშეკავებით და ზომიერებით სჯიდა. თუმცაღა სერტორიუსის ნამდვილ ხასიათს მაინც ის სისასტიკე და ულმოებლობა გვიჩვენებს, რომელიც სიცოცხლის ბოლო წლებში მძევლების მიმართ გამოიჩინა. ბუნებით იგი კეთილი კაცი ალბათ არ იყო და ვითარება აიძულებდა სიკეთის ნიღაბი აეფარებინა. ჩემი აზრით, ჭეშმარიტსა და გონიერებაზე დამყარებულ სიკეთეს ვერაა ბედი ვერ აქცევს ბოროტებად, მაგრამ ადვილი შესაძლებელია წესიერსა და ბუნებით კარგ კაცს დაუმსახურებლად გადატანილ უბედურებათა გამო ბედთან ერთად ხასიათიც შეეცვალოს. ვფიქრობ, სწორედ ეს დაემართა სერტორიუსს, როცა ბედმა ზურგი უქცია; უკუღმა დატრიალებულმა საქმემ იგი მრისხანე და დაუნდობელ კაცად აქცია იმათ მიმართ, ვინც წინააღმდეგობას გაუწევდა.

11. ერთი სიტყვით, ლუზიტანების მიერ მიწვეული სერტორიუსი მაშინ ლიბიდან წამოვიდა. მან, ვითარცა განუსაზღვრელი ძალაუფლებით აღჭურვილმა მთავარსარდალმა, მყისვე შეადგინა ლუზიტანებისაგან ლაშქარი და ესპანეთის მეზობლად მდებარე მხარეები დაიმორჩილა. ამ მხარეთა მოსახლეობის დიდი ნაწილი, რომელიც ღმ-

ბიერებითა და ენერგიული მოქმედებით მოხიბლა, საკუთარი ნებით დაექვემდებარა მას. ზოგიერთი ტომი კი ტყუილებითა და ცბიერებით მიიმხრო. ამასთან დაკავშირებით, უწინარეს ყოვლისა, უნდა გადმოვცე ამბავი ფურიერმის თაობაზე. საქმე ასე იყო: ერთი იქაური მღაბიო კაცი, სახელად სპანოსი, წააწყდა ფურიერმს, რომელიც ახლადშობილი ნუკრით მონადირეებს დასხლტომოდა. რაკი დედა ირემს ვერ დაეწია, სპანოსი ნუკრს დაედევნა და მისი არაჩვეულებრივი ფერით გაოცებულმა (ნუკრი მთლიანად თეთრი გახლდათ) კიდევ დაიჭირა იგი. იმ ადგილებში შემთხვევით იმყოფებოდა სერტორიუსი, რომელიც ხალისით ღებულობდა ზოლმე ძღვნად ყოველგვარ ნანადირევსა და სოფლის ნაწარმს, ზოლო საჩუქრის მომტანს თვითონაც გულუბვად უხდიდა სამაგიეროს. ამიტომ სპანოსმა ნუკრი მას მიუყვანა. სერტორიუსმა საჩუქარი მიიღო. პირველ ხანებში ნაჩუქარ ცხოველს მაინცდამაინც დიდ ყურადღებას არ აქცევდა, მაგრამ დროთა განმავლობაში ისე მოაშინაურა და ისეთი თვინიერი გახადა, რომ დამახეზაზე მყისვე მიიჩნენდა ზოლმე მასთან და ზალხსა და ბანაკის ხმაურს შერჩეული ყველგან უკან დასდევდა. ამის შემდეგ სერტორიუსმა ფურიერმი ღმერთქალ არტემიდეს ნაბოძარ ღვთაებრივ ცხოველად გამოაცხადა: იგი მე მრავალ საიდუმლოს მიხსნისო. სერტორიუსმა კარგად უწყოდა, რომ ბარბაროსები ბუნებით ცრუმორწმუნენი იყვნენ და ადვილად დაუჯერებდნენ. მერმე ასეთი რამეც მოიგონა: თუ ფარულად შეიტყობდა მის მიერ დამორჩილებული ქვეყნის რომელიმე ნაწილს მტერი დაესხა თავს, ანდა მტერმა ესა და ეს ქალაქი განსადგომად წააქეზაო, მაშინვე გამოაცხადებდა: ეს ამბავი სიზმარში ფურიერმმა გამომჟღავნა და საჭიროა სწრაფად მოემზადოთ საბრძოლველადო. ასევე იქცეოდა სერტორიუსი იმ შემთხვევაშიც, როცა რომელიმე მისი სარდლის გამარჯვებას აუწყებდნენ. იგი მაცნეს საგულდაგულოდ დამალავდა, სიკეთის მომასწავებელი ამბის აღსანიშნავად გვირგვინით შემკულ ფურიერმს გამოიყვანდა და ბრძანებდა: აბა, მხნეობა მოიკრიბეთ და ღმერთებს მსხვერპლი შესწირეთ, სულ მალე კარგ ამბავს შეიტყობთო.

12. ამგვარი ფანდებით სერტორიუსმა ლუზიტანები ისე მოათვინიერა, რომ ყოველ საქმეში მორჩილად მიჰყვებოდნენ და დარწმუნებული იყვნენ: ვილაც გადამთიელის ნება-სურვილს კი არა, თვითონ ღმერთს ვემსახურებითო. მოვლენათა მსვლელობამ კიდევ უფრო მე-

რუნა ქონება, ქაღაჭები და ძალაუფლება, თვითონ კი აიღო მხოლოდ ის, რაც საკუთარი სურვილით მისცეს.

10. ვინემ სერტორიუსი იმ ფიქრით იყო გართული, თუ საითკენ აეღო ახლა გეზი, ლუზიტანებმა²⁵ ელჩები გამოუგზავნეს თხოვნით ჩვენს ლაშქარს წინამძღოლად დაუდგეყო. რომაელთაგან დაშინებულ ლუზიტანებს ძალზე სჭირდებოდათ ღირსებით შემოსილი და გამოცდილი მეთაური და ამიტომ გადაეწყვიტათ თავისი ბედი მხოლოდ და მხოლოდ სერტორიუსისათვის მიენდოთ, მით უმეტეს, რომ ამ კაცის ხასიათი მისი მზღებლებისაგან შეიტყვეს.

ამბობენ, სერტორიუსს არ სჩვეოდა არც სიამოვნების აყოლა და არც შიშისთვის ქედის მოხრა, საფრთხეში თუ ბედნიერების ეამს ერთნაირად თავშეკავებული იყო. მისი დროის სარდალთაგან ვერც ერთი ვერ გაუტოლდებოდა ცხარე ბრძოლაში; იგი იყო უდიდესი ოსტატი საომარ საქმეთა ფარული წარმოებისა, გასაოცარ მოხერხებასა და სიფხიზლეს იჩენდა ბრძოლისათვის მარჯვე ადგილის შერჩევისა თუ მდინარეზე ფონით გასვლისას. როცა საჭირო იყო, არ ერიდებოდა არც ხრიკსა და არც ტყუილს. გმირობის ჩამდენს ხალხით და გულუზგად ავიღოებდა, დამნაშავეს კი დიდი თავშეკავებით და ზომიერებით სჯიდა. თუმცაღა სერტორიუსის ნამდვილ ხასიათს მაინც ის სისასტიკე და ულმობელობა გვიჩვენებს, რომელიც სიცოცხლის ბოლო წლებში მძევლების მიმართ გამოიჩინა. ბუნებით იგი კეთილი კაცი ალბათ არ იყო და ვითარება აიძულებდა სიკეთის ნიღაბი აეფარებინა. ჩემი აზრით, ჭეშმარიტსა და გონიერებაზე დამყარებულ სიკეთეს ვერაზა ბედი ვერ აქცევს ზოროტებად, მაგრამ ადვილი შესაძლებელია წესიერსა და ბუნებით კარგ კაცს დაუმსახურებლად გადატანილ უბედურებათა გამო ბედთან ერთად ხასიათიც შეეცვალოს. ვფიქრობ, სწორედ ეს დაემართა სერტორიუსს, როცა ბედმა ზურგი უქცია; უკუღმა დატრიალებულმა საქმემ იგი მრისხანე და დაუნდობელ კაცად აქცია იმათ მიმართ, ვინც წინააღმდეგობას გაუწევდა.

11. ერთი სიტყვით, ლუზიტანების მიერ მიწვეული სერტორიუსი მაშინ ლიბიიდან წამოვიდა. მან, ვითარცა განუსაზღვრელი ძალაუფლებით აღჭურვილმა მთავარსარდალმა, მყისვე შეადგინა ლუზიტანებისაგან ლაშქარი და ესპანეთის მეზობლად მდებარე მხარეები დაიმორჩილა. ამ მხარეთა მოსახლეობის დიდი ნაწილი, რომელიც ლმო-

ბიერებითა და ენერგიული მოქმედებით მოხიზლა, საკუთარი ნებით დაექვემდებარა მას. ზოგიერთი ტომი კი ტყუილებითა და ცბიერებით მიიმხრო. ამასთან დაკავშირებით, უწინარეს ყოვლისა, უნდა გადმოვცე ამბავი ფუტირის თაობაზე. საქმე ასე იყო: ერთი იქაური მღაბო ეაცი, სახელად სპანოსი, წააწყდა ფუტირემს, რომელიც ახლადშობილი ნუკრით მონადირეებს დასხლტომოდა. რაკი დედა ირემს ვერ დაეწია, სპანოსი ნუკრს დაედევნა და მისი არაჩვეულებრივი ფერით გაოცებულმა (ნუკრი მთლიანად თეთრი გახლდათ) კიდევ დაიჭირა იგი. იმ ადგილებში შემთხვევით იმყოფებოდა სერტორიუსი, რომელიც ხალისით ღებულობდა ზოლმე ძღვნად ყოველგვარ ნანადირევსა და სოფლის ნაწარმს, ხოლო საჩუქრის მომტანს თვითონაც გულუბვად უხდიდა სამაგიეროს. ამიტომ სპანოსმა ნუკრი მას მიუყვანა. სერტორიუსმა საჩუქარი მიიღო. პირველ ხანებში ნაჩუქარ ცხოველს მაინცდამაინც დიდ ყურადღებას არ აქცევდა, მაგრამ დროთა განმავლობაში ისე მოაშინაურა და ისეთი თვინიერი გახადა, რომ დამახეზაზე მყისვე მიიბრუნდა ზოლმე მასთან და ხალხსა და ბანაკის ხმაურს შეჩვეული ყველგან უკან დასდევდა. ამის შემდეგ სერტორიუსმა ფუტირემი ღმერთქალ არტემიდეს ნაბოძარ ღვთაებრივ ცხოველად გამოაცხადა: იგი მე პრავალ საიდუმლოს მიხსნისო. სერტორიუსმა კარგად უწყოდა, რომ ბარბაროსები ბუნებით ცრუმორწმუნენი იყვნენ და ადვილად დაუჯერებდნენ. მერმე ასეთი რამეც მოიგონა: თუ ფარულად შეიტყობდა მის მიერ დამორჩილებული ქვეყნის რომელიმე ნაწილს მტერი დაესხა თავს, ანდა მტერმა ესა და ეს ქალაქი განსადგომად წააქეზაო, მაშინვე გამოაცხადებდა: ეს ამბავი სიზმარში ფუტირემმა გამომჟღავნა და საჭიროა სწრაფად მოემზადოთ საბრძოლველადო. ასევე იქცეოდა სერტორიუსი იმ შემთხვევაშიც, როცა რომელიმე მისი სარდლის გამარჯვებას აუწყებდნენ. იგი მაცნეს საგულდაგულოდ დამალავდა, სიკეთის მომასწავებელი ამბის აღსანიშნავად გვირგვინით შემკულ ფუტირემს გამოიყვანდა და ბრძანებდა: აბა, მხნეობა მოიკრიბეთ და ღმერთებს მსხვერპლი შესწირეთ, სულ მალე კარგ ამბავს შეიტყობთო.

12. ამგვარი ფანდებით სერტორიუსმა ლუზიტანები ისე მოათვინიერა, რომ ყოველ საქმეში მორჩილად მიჰყვებოდნენ და დარწმუნებული იყვნენ: ვიღაც გადამთიელის ნება-სურვილს კი არა, თვითონ ღმერთს ვემსახურებითო. მოვლენათა მსვლელობამ კიდევ უფრო მე-

ტად განუმტკიცა მათ ასეთი რწმენა, მით უმეტეს, რომ სერტორიუსის გაზრდილმა ძლიერებამ ყოველგვარ მოლოდინს გადააჭარბა. ლაშქარში მას ჰყავდა ორი ათასი ექვსასი კაცი, რომელთაც რომაელებს ეძახდა; ამას ემატებოდა შვიდასი ლიბიელი, რომლებიც მას ლუზიტანიაში გამოჰყვნენ; ჰყავდა კიდევ ოთხი ათასი ლუზიტანელი პელტასტი²⁶ და შვიდასი ცხენოსანი. ეს იყო და ეს. ამ ძალებით ეომებოდა იგი ოთხ რომაელ სარდალს, რომელთა ხელქვეით იმყოფებოდა ას ოცი ათასი ქვეითი მეომარი, ექვსი ათასი ცხენოსანი და ორი ათასი მშვილდოსან-მეშურდულე, გარდა ამისა მათ ემორჩილებოდა აურაცხელი ქალაქი, სერტორიუსი კი დასაწყისში მხოლოდ და მხოლოდ ოცამდე ქალაქს განაგებდა.

მიუხედავად იმისა, რომ სერტორიუსი საომარ მოქმედებას სუსტი და მცირერიცხოვანი ძალებით შეუდგა, მან არა მარტო დიდ-დიდი ტომები დაიმორჩილა და მრავალი ქალაქი აიღო, არამედ მის წინააღმდეგ დაძრული სარდლებიც სასტიკად დაამარცხა: რომაელთა მხედართმთავარი კოტა მელარიის²⁷ მახლობელ სრუტესთან გაანადგურა საზღვაო ბრძოლაში, ბეტიკის მმართველი ფუფიდიუსი მდინარე ბეტისთან დაამარცხა და ორი ათასი რომაელი ჯარისკაცი მოუსპო, ხოლო პირაქეთა ესპანეთის პროკონსული დომიციუს კალვიზიუსი თავისი კვესტორის მეშვეობით შემუსრა. თვითონ მან საკუთარი ხელით მოკლა სარდალი თორანიუსი, რომელიც მის წინააღმდეგ მხედრობითურთ გამოგზავნა მეტელუსმა. რაც შეეხება მეტელუსს, იმ დროისათვის ყველაზე უფრო გამოჩენილსა და ღირსეულ რომაელს, იგი სერტორიუსმა თავისი მარჯვე თავდასხმებით ისეთ მძიმე ვითარებაში ჩააყენა, რომ ლუციუს მანლიუსი იძულებული გახდა მის საშველად ნარბონის გალიიდან²⁸ წამოსულიყო, ხოლო სენატმა სერტორიუსის დასათრგუნავად სასწრაფოდ გამოუშვა. რომიდან პომპეუსს დიდი საჭირო ჯარებით. მეტელუსი დაიბნა და აღარ იცოდა, როგორ მოქცეულიყო ამ თავზე ხელაღებულ კაცთან, რომელიც ესპანური ჯარის მოქნილობის წყალობით წარამარა ინაცვლებდა ადგილს და პირისპირ შეებმას გაუბრუნდა. მძიმედ შეიარაღებული, საგულდაგულოდ გაწვრთნილი ჯარების ბრძოლაში გამოცდილი მეტელუსი ახლაც წინამძღოლობდა მტკიცე, ღინჯსა და საგანგებოდ შეკრულ მხედრობას, რომელიც ფრიად გამოცდილი იყო ხელჩართულ ბრძოლაში როგორ უკუეგდო და შეემუსრა მტერი, მაგრამ ძალზე უჭირ-

და მთებზე გადასვლა, ქარივით სწრაფი და განუწყვეტილად მოძრავი მტრის დევნა, შიმშილის ატანა და სერტორიუსის ლაშქრის მსგავსად უცეცხლოდ და უკარგოდ ცხოვრება.

13. აქ ისიც უნდა ვთქვათ, რომ უკვე ხანდაზმულსა და მრავალი დიდი ბრძოლის გარდამხდელ მეტელუსს ახლა უზრუნველი, ფუფუნებით სიცოცხლე სურდა. სერტორიუსი კი, ვისაც მეტელუსი ეომებოდა, ახალგაზრდული მხნეობით აღსავსე და საოცარი ჯან-ღონის პატრონი გახლდათ. იგი მოქნილი იყო და ცხოვრებაში დიდს არაფერს მოითხოვდა. სმასა და ღრეობას მოცილილობის ქამსაც არ სწყალობდა. იგი მძიმე შრომას, შორეული გზების გადალახვასა და გამუდმებულ სიფხიზლეს იყო ჩვეული, ყოველთვის მცირე და უბრალო საშუალებით კმაყოფილდებოდა. როცა დრო ჰქონდა, სულ დახეტილობდა ანდა ნადირობდა. ასე გაიცნო ყოველი ადგილის ასავალ-დასავალი და იცოდა, რომელი იყო გაუვალი და რომელი იოლად დასაძლევ. ნაცნობი ადგილების წყალობით ადვილად შეეძლო უკან დახევის დროს ხელიდან დასხლტომოდა მტერს, დევნის ქამს კი ალყაში მოექცია იგი. ერთი საიტყვით, სერტორიუსმა მეტელუსს ნამდვილ ბრძოლაში ჩაბმის საშუალება არ მისცა და დამარცხებული კაცის ვითარებაში ჩააგდო. ხოლო თვითონ სერტორიუსი, ვინც მტერს გაუბრუნდა, მტრის მდევნელის ხელსაყრელ ვითარებაში აღმოჩნდა. იგი რომაელებს წყლისა და სურსათის მისაზიდ გზას უღობავდა, წინ დაძრულ ლაშქარს თვალთაგან ეფარებოდა, დაბანაკებულს კი მოსვენებას არ აძლევდა. თუ მეტელუსის მეომრები რომელიმე დასახლებულ ადგილს ალყას შემოარტყამდნენ, მოულოდნელად გამოჩნდებოდა, მტერს თავის მხრივ მოიქცევდა ალყაში და საარსებო სახსარს უსაზღვრად. ბოლოს და ბოლოს ჯარისკაცებმა ყოველგვარი წარმატების იმედი დაკარგეს, გაჭირვებას ვეღარ გაუძლეს და, როცა სერტორიუსმა მეტელუსი ორთა ბრძოლაში გაიწვია, წინამძღოლს ყვირილით მოსთხოვეს გამოწვევა მიეღო: დაე შეებას სარდალი სარდალს და რომელი რომაელსო! მეტელუსმა უარი განაცხადა. როცა გაჭირდებოდა დაუწყეს, მათი მოთხოვნა სსასაცილოდ აიგდო და კარგადაც მოიქცა. აქი ბრძანა თეოფრასტემ: სარდალი სარდალივით უნდა მოკვდეს და არა უბრალო პელტასტის სიკვდილით.

მაღე მეტელუსმა შეიტყო, რომ შეეძლო წყურვილით დაემორჩილებინა ლანგობრიგელები²⁹, რომლებიც სერტორიუსს მცირე დახმა-

რებას როდი უწევდნენ. საქმე ის გახლდათ, რომ ქალაქში მათ ერ-
თადერთი ჭა ჰქონდათ, ქალაქის ახლომახლო და კედლებთან მდებარე
წყაროებს კი ალყის შემომრტყმელი ადვილად დაეუფლებოდა. ამის
იმედით მეტელუსი ქალაქს მიაღვა. იგი დარწმუნებული იყო, მოსახ-
ლეობა უწყლობას ვერ გაუძლებდა და ორი დღის ალყის შემდეგ ქა-
ლაქს ჩააბარებდა. ამიტომ ჯარისკაცებს უბრძანა: თან მხოლოდ ზუთი
დღის სურსათი წამოიღეთო. სერტორიუსმა დახმარება როდი და-
აყოვნა. მან მყისვე გასცა ბრძანება ორი ათასი ტყავის გულა წყლით
აეცხოთ. პირობა დადო, რომ ყოველი გულა წყლისთვის საკმაოდ
დიდ თანხას გაიღებდა. მრავალმა ესპანელმა და მავრუსიელმა მეო-
მარმა იკისრა ამ საქმის შესრულება. მაშინ სერტორიუსმა შეარჩია
მათში ყველაზე უფრო ღონიერნი და მკვირცხლნი და დაავალა გადა-
სულიყვნენ მთაზე, გადაეცათ გულები ქალაქში მყოფთათვის და მერ-
მე გამოეყვანათ იქიდან ბრძოლისათვის უვარგისი ხალხი, რათა ქა-
ლაქის დამცველებს სამყოფი წყალი ჰქონოდათ. როცა ამ ამბავმა
მეტელუსამდე მიაღწია, იგი ფრიად ცუდ გუნებაზე დადგა, ვინაიდან
მის მეომრებს საკვები უკვე გამოლეოდათ. მან სურსათისათვის ექვ-
სიათასიანი რაზმით აკვინუსი გაგზავნა. სერტორიუსმა ეს გაიგო და
უკან დაბრუნებულ აკვინუსს გზაზე ჩაუსაფრდა. როგორც კი გამოჩნ-
და იგი, ერთ დაბურულ ხეობაში ჩამჯდარი სამი ათასი კაცი ზურგი-
დან დაასხა თავს, თვითონ კი პირისპირ ეკვეთა და უკუაქცია. რომა-
ელ ჯარისკაცთა ნაწილი სერტორიუსმა მთლიანად შემუსრა, ნაწილი
კი ტყვედ წაიყვანა. აკვინუსმა ბრძოლაში იარაღი და ცხენი დაკარგა
და ისე დაბრუნდა. მეტელუსი იძულებული გახდა ალყა მოეხსნა და
სამარცხვინოდ უკან დახეულიყო. რომაელთა გაწვილებულ სარდალს
ესპანელებმა წყევლა-კრულვა და ათასგვარი დამცინავი სიტყვა გა-
აყოლეს.

14. ასეთი წარმატებებით აღფრთოვანებულ ბარბაროსებს კიდევ
უფრო მეტად შეუყვარდათ სერტორიუსი, რამეთუ ისინი რომაულ ყა-
იდაზე შეიარაღებას, რომაულ წესრიგსა და დათქმულ ნიშნების ხმა-
რებას მიაჩნია, საზღვარი დაუდო მათ ველურ და პირუტყველ ყო-
ფას და ავაზაკთა დიდი ბრბოსაგან ნამდვილი ჯარი ჩამოაყალიბა.
სერტორიუსმა სახელი გაითქვა იმითაც, რომ დაუზოგავად ხარჯავდა
ოქროსა და ვერცხლს ბარბაროსთა მუხარადების შესამკობად და მა-
თი ფარების მოსაჭედად. იგი ბარბაროსებს ქრელი ქლამიდებისა და

ტოვების ტარებას ასწავლიდა და ზალისით შველოდა. ასეთი ტანსაცმლის შეძენაში.

ბარბაროსთა გული სერტორიუსმა ყველაზე უფრო მეტად მაინც ბავშვებზე ზრუნვით მოიგო. დიდ ქალაქ ოსკაში³⁰ მან თავი მოუყარა ადგილობრივ ტომთა წარჩინებული ოჯახების ბავშვებს და ბერძნულ-რომაულ მეცნიერებათა დასაუფლებლად მასწავლებლები მიუჩინა. სინამდვილეში ეს ბავშვები სერტორიუსმა მძევლებად აიყვანა, სიტყვით კი აცხადებდა: ამათ განათლებას იმიტომ ვაძლევ, რომ მოწიფულობის ხანაში სახელმწიფო საქმეები და ქვეყნის გამგებლობა გადაეცეო. მამებს განსაკუთრებით უხაროდათ, როცა ხედავდნენ, თუ როგორ დარაზმულნი დადიოდნენ სკოლაში მეწამულ ტოვებში გამოწყობილი მათი შვილები, თუ როგორ იხდიდა მათთვის გასამრჯელოს სერტორიუსი, როგორ აწყობდა ზშირად გამოცდებს, როგორ ურიგებდა საჩუქრებს ღირსეულთ და აჯილდოებდა მათ ოქროს ყელსაბამებით, რომელთაც რომაელები „ბულებს“ ეძახიან. ესპანეთში ასეთი ადათი იყო: თუ ვინმე წინამძღოლი დაიღუპებოდა, ყველა მისი თანამებრძოლი მასთან ერთად უნდა მომკვდარიყო. ასეთ საცქიელს იქაურ ბარბაროსებში „აღთქმით თავშეწირვა“ ეწოდება. სხვა სარდლებს ძალზე ცოტა თუ ჰყავდათ ისეთი ერთგული მეომრები, რომლებიც მათთვის სიცოცხლეზე ხელს აიღებდნენ, სერტორიუსს კი თან ახლდა თავშესაწირავად გამზადებული მრავალზე მრავალი მებრძოლი. ამბობენ, ერთხელ რომელიღაც ქალაქთან ბრძოლაში დამარცხებულ სერტორიუსს მტერი რკალში იმწყვდევდა. მაშინ ესპანელმა მეომრებმა საკუთარი თავი დაივიწყეს და მხოლოდ და მხოლოდ მთავარსარდლის ხსენაზე ფიქრობდნენ, მათ სერტორიუსი მხრებზე შეისვეს, მერმე ერთმანეთს გადასცეს და ასე აიყვანეს გალაგნის კედელზე. როცა დარწმუნდნენ, წინამძღოლი საფრთხეს გადაურჩაო, მხოლოდ ამის შემდეგ უშველეს თავს და გაიქცნენ.

15. სერტორიუსს მარტო ესპანელები როდი სცემდნენ თავყანს, მას იტალიიდან მოსული მეომრებიც შენატროდნენ. აი მაგალითიც: ესპანეთში დიდძალი ფულით და მრავალრიცხოვანი მხედრობით გამოცხადდა პერპენა ფენტონი, ვინც იმ პოლიტიკურ დაჯგუფებას ეკუთვნოდა, რომელშიც სერტორიუსიც შედიოდა. მას გადაეწყვიტა დამოუკიდებელი ომი ეწარმოებინა მეტელუსთან. როცა ეს გაიგეს,

ჯარისკაცები საშინლად აღშფოთდნენ: მთელი ბანაკი სიყვარულით იხსენებდა და ნატრობდა სერტორიუსს. წარჩინებული გვარიშვილობითა და სიმდიდრით გაყოფილ პერპენას ამან დიდზე დიდი წყენა მოჰგვარა. ჩქარა ამბავი მოიტანეს: პომპეუსი პირენეის მთებზე გადმოვიდაო. ჯარისკაცებმა ხელი სტაცეს იარაღსა და ლეგიონთა დროშებს. და პერპენას ყვირილით მიუქრნენ: ახლავე წაგვიყვანე სერტორიუსთან, თუ ამას არ იზამ, ჩვენ თვითონვე გადავალთ იმ ვაჟკაცის მხარეზე, ვისაც ძალუძს თავისი თავი და სხვებიც დაიხსნასო. პერპენამ უწინდელ გადაწყვეტილებაზე ხელი აიღო, წაიყვანა ისინი და თავისი ორმოცდაცამეტი კოჰორტით სერტორიუსს შეუერთდა.

16. სერტორიუსს აურაცხელი ძალები ჰყავდა: მის მხარეზე დადგა მდინარე იბეროსის გამოღმა მოსახლე ყველა ტომი, მის ისედაც დიდ ლაშქარს უწყვეტ ნაკადად უერთდებოდა ყოველი მხრიდან დაძრული ხალხი. მაგრამ სერტორიუსს აშფოთებდა ბარბაროსთა უწესრიგობა და უგუნური სიამამაცე. ისინი დაყოვნებას ოდნავადაც ვერ იტანდნენ და ყვირილით მოითხოვდნენ: დროა მტერთან ბრძოლა დავიწყეთო. სერტორიუსი ამაოდ ცდილობდა შეგონებებით დაემშვიდებინა ძალამოჭარბებული ბრბო. როცა დაინახა, ესპანელები უსაზღვროდ ბოხოქრობდნენ და მზად იყვნენ აეძულებინათ იგი უდროოდროს ჩაბმულიყო ბრძოლაში, მაშინ დათმობაზე წავიდა და მეომრებს უფლება მისცა თავის ნებაზე შეტაკებოდნენ მოწინააღმდეგეს. სერტორიუსი იმედოვნებდა: მტერი მთლიანად ვერ მოსპობს. ამათ, მაგრამ ჰკუას კი ასწავლის და მომავალში უფრო მორჩილთ გახდისო. მართლაც, ყველაფერი ისე მოხდა, როგორც სერტორიუსი ვარაუდობდა. იგი მტრისაგან შევიწროებულ ესპანელთა საშველად გაეშურა, უკუქცეულთ თავი მოუყარა და მშვიდობით დააბრუნა ბანაკში.

შერცხვენილ ესპანელთა სასოწარკვეთილების გასათანტავად სერტორიუსმა რამდენიმე დღის შემდეგ მთელი ლაშქარი მოედანზე შეკრიბა და იქვე ორი ცხენი მოაყვანინა, ერთი მთლად ქანცაწყვეტილი და ბებერი, მეორე კი ტანალი და ღონიერი, რომელსაც საოცრად ხშირი და მზინავი ლამაზი კუდი ჰქონდა. დაჩაჩანაკებულ ცხენს ერთი წარმოსადგეგი და მკლავძლიერი ვაჟკაცი ამოუდგა უკან, ხოლო ღონიერს — ტანდალეული და საცოდავი შესახედაობის მეომარი.

დათქმულ ნიშანზე ძლიერი ვაჟკაცი ორივე ხელით ჩაეჭიდა კუდში თავის ცხენს და მოსაგლეჯად მთელი ძალით დაეჭაჩა, სუსტმა კი ღონიერ პირუტყვს ღერ-ღერად დაუწყო ძუის ამოცლა. პირველმა მაყურებელთა სიცილი გამოიწვია. იმანაც ხანგრძლივი და ამოო გარჯის შემდეგ ცხენს თავი დაანება, მეორემ კი ამასობაში ნელ-ნელა გაბდღენა თავისი წილი კუდი. მაშინ წამოდგა სერტორიუსი და შეკრებილთ მიმართა: „ხომ ხედავთ, ჩემო თანამებრძოლნო, მოთმინება და დაჟინება რომ ჯობია ძალას? ის, რაც ერთი ხელის მოქნევით დაუძლეველია, ადვილად კეთდება თანდათანობით. განუწყვეტელ, დაჟინებულ მოქმედებას ვერაფერი ვერ დაუდგება წინ, მისი შემწვობით დრო ამსხვრევს და ანადგურებს ყოველგვარ ძალას. იგი კეთილი მოკავშირეა იმისა, ვინც გონების თვალთ ზომავს თავის დროსა და ჟამს და სასტიკად მტრობს უდროოდ აჩქარებულ კაცს“. ამდაგვარი შეგონებებით სერტორიუსი ყოველთვის ცდილობდა ხელსაყრელი დროის შერჩევა ესწავლებინა ბარბაროსებისათვის.

17. სერტორიუსის სამხედრო წარმატებათა შორის ყველაზე გასაოცარი ეგრეთ წოდებული ხარაკიტანებზე გამარჯვება გახლდათ. ეს ტომი მდინარე ტაგონიუსის ვადალმა იმყოფება³¹. ხარაკიტანები ქალაქებსა და სოფლებში კი არ ცხოვრობენ, არამედ განლაგებული არიან ერთ საკმაოდ დიდსა და მაღალ გორაკზე, რომლის ჩრდილოეთით მდებარე კლდოვანი ფერდობი ხავსეა გამოქვაბულებითა და გვირაბებით. გორაკის ძირას მთელი მიდამო აყალო მიწისაა, ნიადაგი აქ ისეთი ფაშარი და სუსტია, კაცის ფეხის დადგმას ვერ უძლებს, ოღნავი შენებითაც კი კირისა და ნაცრის მსგავსად იშლება და კარგა შორს მანძილზე მტვრის კორიანტელს აყენებს. იქაური ბარბაროსები ომის საფრთხის მოახლოებისთანავე მთელი თავისი ქონებით გამოქვაბულებში იმალებოდნენ და ძალით მათი დამორჩილება შეუძლებელი გახლდათ. სერტორიუსმა, რომელიც მეტელუსს თავს არიდებდა, ერთხელ ბანაკი სწორედ ამ გორაკთან დასცა. ხარაკიტანები მას, როგორც დამარცხებულსა და უკუქცეულ კაცს, ქედმაღლურად და აგდებით უყურებდნენ. გაჯავრებულ სერტორიუსს უნდოდა ბარბაროსებისათვის დაემტკიცებინა, რომ სრულიადაც არ იყო ლაჩარი და დამარცხებული, ამიტომ გათენებისთანავე ცხენზე შეჰდა და იქაური ადგილმდებარეობის დაზვერვას შეუდგა. რაკი გორაკთან მისადგომი ვერ იპოვნა, ტყუილად იხეტიალა და ხარაკიტანებს ამაო მუქარა

უთვალა. უცებ შენიშნა, რომ ფაშარი ნიადაგიდან ქარისგან ავარდნილი მტვრის კორიანტელი მალა, ბარბაროსებისაყენ მიემართებოდა. მათი გამოქვაბულები, როგორც ვთქვი, ჩრდილოეთის მხარესაა მიქცეული, იქაურ ქართა შორის კი ყველაზე ძლიერი და ხშირი სწორედ ჩრდილოეთის ქარია, რომელსაც ზოგიერთი კეკიას³² უწოდებს. იგი ნოტიო ველებიდან და დათოვლილი მთებიდან მოქრის ხოლმე აქეთ.

მაშინ შუა ზაფხული იდგა, ჩრდილოეთში ყინულის დნობის შედეგად ამძლავრებული ქარი საამოდ უბერავდა და დღის განმავლობაში ბარბაროსებსა და მათ პირუტყვს აგრილებდა.

სერტორიუსმა ყველაფერი ეს გონებით აწონ-დაწონა, ზოგი რამ ახლომახლო მოსახლეთაგან შეიტყო და მერმე ჯარისკაცებს უბრძანა ფუყე, ნაცარა მიწა მოეგროვებინათ, გადმოეტანათ და გორაკის პირისპირ დაეხვავებინათ. ბარბაროსებს ეგონათ, სერტორიუსი იერიშისათვის მიწაყრილს ამზადებსო, და დაცინვა დაუწყეს. მან ჯარისკაცები დალაშქრებდა ამუშავა, შემდეგ კი ბანაკში დააბრუნა. გარიჟრაჟზე სუსტმა ქარმა დაქროლა, მოზიდული მიწა მჩატედ აიტაცა და ბზესავით მიმოფანტა. ამოიწვერა თუ არა მზე, ახლა თავაწყვეტილმა კეკია ქარმა გაინავარდა და გორაკები მტვრით აავსო. მაშინ ჯარისკაცები კვლავ მიადგნენ მიწის გროვას და გადააბრუნეს იგი ერთნი ფუყე ბელტებს აქუცმაცებდნენ, სხვები ცხენებს დააჭენებდნენ აღმა-დაღმა და ფაშარი ნიადაგიდან ავარდნილ მტვერს ძლიერ ქარს ატანდნენ. დაქუცმაცებული მიწა ქარს საშინელი ძალით მიჰქონდა ზემოთ, ბარბაროსებისკენ, და კეკიას მოლოდინში კარდაღებული სადგომებს ავსებდა. რაკი გამოქვაბულთ მხოლოდ ის ერთადერთი მხარე ჰქონდათ ღია, საიდანაც ქარი უბერავდა, მტვრით დამძიმებულმა, დანისლულმა და სულის შემეხუთავმა ჰაერის ძლიერმა ნაკადმა ბარბაროსებს თვალები დაუბნელა და სუნთქვა შეუკრა. ისინი დიდი წვალების ფასად ორ დღეს ითმენდნენ ამას, მაგრამ მერმე ვეღარ გაუძლეს და მესამე დღეს მოწინააღმდეგეს ჩაბარდნენ. ამ გამარჯვებამ ძალაზე უფრო დიდება შეჰმატა სერტორიუსს, რადგან გამჭირახობით დასძლია ის, რის დაძლევაც იარაღით არ ხერხდებოდა.

18. სანამ ომი მეტელუსთან წარმოებდა, ასე ჩანდა, თითქოს სერტორიუსის ყველა წარმატების მიზეზი იყო სიბერე და თანდაყოლი-

ლი სიზანტე რომელი მხედართმთავრისა, რაკი ვერ უმკლავდებოდა
 მამაც მეომარს, ვინც სათავეში ედგა ავაზაკთა ბრბოს და არა ნამ-
 დვილ სამხედრო ლაშქარს. მაგრამ როცა სერტორიუსი პირენეის
 მთებზე გადმოსული პომპეუსის პირისპირ დაბანაკდა და სამხედრო
 ხელოვნებაში გაწვრთნილი კაცის სახელის მოსახვეჭად ორ სარდალს
 შორის სასტიკი ბრძოლა გაიმართა, სერტორიუსმა გაცილებით უფრო
 დიდი ნიჭი გამოიჩინა იერიშისა თუ თავდაცვის უკეთესად მომზადე-
 ბის საქმეში. ამიტომ მისი ღიღების ხმა რომს მიწვდა და იგი ერთ-
 ხმად აღიარეს საომარ ხელოვნებაში ყველაზე უფრო გამოცდილ და
 ნიჭიერ მხედართმთავრად მაშინდელ მხედართმთავართ შორის. პომ-
 პეუსს ნაკლები სახელი როდი ჰქონდა. იგი ღიღების მწვერვალს იყო
 უკვე მიღწეული. განსაკუთრებით ისახელა თავი პომპეუსმა სულას
 საქმისათვის თავდადებულ ბრძოლაში. სულამ ხომ ამისათვის მას
 მეტსახელად „მაგუსი“ ანუ „ღიდი“ შეარქვა და ჯერ კიდევ პირტიტ-
 ველ ყმაწვილკაცს სატრიუმფო პატივიც მიანიჭა. სერტორიუსისადმი
 დაქვემდებარებულ მრავალ ქალაქს თვალი უკვე პომპეუსისაკენ ეჭი-
 რა და მის მხარეზეც კი აპირებდნენ გადასვლას, მაგრამ მალე შე-
 იცვალეს აზრი ლავრონთან³³ მომხდარი მოულოდნელი მარცხის გა-
 მო. სერტორიუსმა ლავრონს ალყა შემოარტყა. მაშინ პომპეუსი მთე-
 ლი თავისი ჯარით ქალაქის დასახმარებლად გაეშურა. სერტორიუსმა
 განიზრახა დაეკავებინა ერთი გორაკი, რომელიც ქალაქის ასაღებად
 მეტად მარჯვე ადგილი ჩანდა. მტრის განზრახვისათვის რომ ხელი
 შეეშალა, მხედრობა პომპეუსმა სწორედ იქით წაიყვანა, მაგრამ სერ-
 ტორიუსმა დაასწრო. პომპეუსმა თავისი ჯარი შეაჩერა. იგი გახარე-
 ბული იყო შექმნილი ვითარებით. ეგონა: მტერი ქალაქსა და ჩემს
 ლაშქარს შორის გამოიმწყვდევია. მან ლავრონელებთან მაცნე აფრბ-
 ნა და შეუთვალა: გახსნევდით, ქალაქის კედლებზე დასხედით და
 უცქირეთ, როგორ მოვიქცევ სერტორიუსს ალყაშიო. ეს რომ სერ-
 ტორიუსმა შეიტყო, გაიცინა და თქვა: სულას მოწაფეს (ასე ეძახდა
 დაციწვით პომპეუსს) მე ვასწავლი, სარდლისთვის რომ სჯობია ხში-
 რად უკან იცქიროს, ვიდრე წინო. ამ სიტყვებთან ერთად თავისი-
 ნებს დაანახვა ექვსი ათასი პოპლიტი, რომლებიც მან ბანაკში დატო-
 ვა, როცა ზემოხსენებული გორაკის დასაკავებლად გამოემართა. ეს
 პოპლიტები ზურგიდან უნდა დასხმოდნენ თავს პომპეუსს, როცა იგი
 სერტორიუსზე იერიშს მიიტანდა. ცოტა უფრო გვიან პომპეუსი ყვე-

ლაფერს მიხვდა. მაგრამ ვერც ხელის გამოღება გაბედა იმის შიშით, ალყაში არ მოვექცეო, და სირცხვილით ვერც საფრთხეში მყოფი ლავრონელები მიატოვა. იგი იძულებული გახდა უმოქმედოდ დარჩენილიყო ადგილზე და ქალაქის დაცემისათვის ეყურებინა. მართლაც, მცირე ხნის შემდეგ ლავრონელმა ბარბაროსებმა წინააღმდეგობა შეწყვიტეს და სერტორიუსს ჩაბარდნენ. სერტორიუსმა მათ სიცოცხლეც შეუნარჩუნა და თავისუფლადაც გაუშვა, მაგრამ ქალაქი ცეცხლს მისცა. მრისხანებამ და უღმობლობამ როდი ჩაადენინა ეს (სერტორიუსი სარდალთა შორის ყველაზე ნაკლებ ემორჩილებოდა თავის ვენებებს). მას სურდა შეერცხვინა და გაეწვილებინა პომპეუსის თაყვანისმცემლები, სურდა ბარბაროსებში დარხელიყო ხმა, განწირულ ქალაქთან მდგარი პომპეუსი მოკავშირეებს კი არ ენმარებოდა, არამედ ცეცხლს ეფიცებოდაო.

19. მართალია, არანაკლები მარცხი სერტორიუსსაც მოუვიდა, მაგრამ დამნაშავე ამაში მისი სარდლები იყვნენ. ისა და მისი რაზმი მუდამ დაუძლეველი და უგნებელი რჩებოდა. მარცხის შემდეგ სერტორიუსის ჯარების ფეხზე სწრაფი დადგომა გაცილებით უფრო დიდ გაოცებას იწვევდა, ვიდრე მისი მოწინააღმდეგე მხედართმთავრების გამარჯვებები. ამის მაგალითია ბრძოლა სუკრონთან პომპეუსის წინააღმდეგ და მერმე ბრძოლა ღურის მახლობლად პომპეუსისა და მეტელუსის გაერთიანებულ ძალებთან³⁴.

ამბობენ, პომპეუსი სუკრონთან ბრძოლის დაწყებას ძალზე ჩქარობდა, რათა გამარჯვებაში წილი მეტელუსს არ დაედო. თავის მხრივ სერტორიუსსაც სურდა პომპეუსს მეტელუსის მოსვლამდე შეებოდა. ამიტომ ჯარი სადამო ჟამს გამოიყვანა და საბრძოლოდ დააწყო. ფიქრობდა, მოახლოებული ღამის წყვილიდი უკუქცევისა თუ დევნის დროს ხელს შეუშლიდა უცხო ქვეყნიდან მოსულ მტერს, რომელიც იქაურ ადგილმდებარეობას არ იცნობდა. ჩქარა ხელჩართული ბრძოლა გაჩაღდა და მარჯვენა ფრთაზე განლაგებული სერტორიუსი აღმოჩნდა არა პომპეუსის, არამედ აფრანიუსის პირისპირ, ვინც მტრის მხედრობის მარცხენა ფრთას ხელმძღვანელობდა. როცა სერტორიუსს აუწყეს, პომპეუსის წინააღმდეგ დარაზმული ლაშქრის მარცხენა ფლანგი მტრის იერიშს ვერ უძლებს და დამარცხებული უკან იხევსო, მარჯვენა ფრთის მეთაურობა სხვებს მიანდო და სასწრაფოდ დამარცხებულთა საშველად გაემართა. მან თავი მოუყარა

უკუქცეულ მეომრებს, დარაზმა ისინი მწყრივში დარჩენილებთან ერთად, გამხნევა და ახალი ძალით ეკვეთა იერიშზე წამოსულ პომპეუსს. რომაელებს შავი დღე დაადგათ და მთლიანად უკუიქცნენ. დაჭრილი პომპეუსი ძლივს გადაურჩა სიკვდილს. საქმე ის იყო, რომ სერტორიუსის ლაშქარში მყოფმა ლიბიელებმა ხელთ იგდეს მისი ოქროთი დარაბტული შეკაზმული ცხენი და ნადავლის გასაყოფად ერთმანეთთან გაჩაღებულ დავაში რომაელთა მხედართმთავრის დევნას თავი მიანებეს.

როცა სერტორიუსი მარცხენა ფლანგის დასახმარებლად გაეშურა, აფრანიუსმა დრო იხელთა, მის წინააღმდეგ მებრძოლი რაზმები უკუაგდო და ბანაკისაკენ გარეკა. კარგად რომ დაღამდა, გაქცეულ მტერთან ერთად ბანაკში შეიჭრა და იქაურობის აოხრებას შეუდგა. აფრანიუსმა პომპეუსის გაქცევის ამბავი არ იცოდა და ვერ შეძლო თავისი თავაწყვეტილი ჯარისკაცები შეეჩერებინა და აეკრძალა ბანაკის ძარცვა. ამასობაში მარცხენა ფრთაზე გამარჯვებული სერტორიუსი დაბრუნდა, აფრანიუსის არეულ-დარეულ მეომრებს ეკვეთა და მრავალი მათგანი ამოჟლიტა. დილაადრიან კვლავ აისხა იარაღი და საბრძოლველად გამოვიდა, მაგრამ როცა შეიტყო, მეტელუსი მოახლოვდაო, ჯარი ბანაკში დააბრუნა და ასე თქვა: „ეს დაჩაჩანაყებული დიაცი რომ არა, იმ ლაწირაკ პომპეუსს კარგად გავშოლტავდი და ისე გავაბრუნებდი რომშიო“.

20. სერტორიუსს დიდი მწუხარება მოჰგვარა ფურირმის დაკარგვამ. ის აღარსად ჩანდა და მხედართმთავარსაც ბარბაროსებზე ზეგავლენის საოცარი საშუალება აღეკვეთა. ესპანელთ კი სწორედ ახლა სჭირდებოდათ შეგონება და გამხნევება. მაგრამ სულ ჩქარა ღამით სახეტილოდ წასული რამდენიმე მეომარი დაკარგულ ფურირებს წააწყდა. ის ფერით იცნეს, დაიჭირეს და პატრონს მიჰგვარეს. სერტორიუსმა მეომრები დააროგა, ნაპოვნის თაობაზე არაგისთვის არაფერი ეთქვათ, სამაგიეროდ დიდი თანხის გადახდა აღუთქვა და ფურირებში საგულდაგულოდ დამალა. რამდენიმე დღის შემდეგ გაბრწყინებული სახით გამოვიდა ბანაკში, მისთვის განკუთვნილი შემადგენილი ადგილისაკენ გაემართა და გზადაგზა ბარბაროსთა თავკაცებს ამცნო: ძილში ღვთაება გამომეცხადა და დიდი სიკეთე მიწინასწარმეტყველაო. მერმე იმ შემადგენილ ადგილზე ავიდა, დაჯდა და მასთან საქმეზე მოსულ ხალხს საუბარი გაუმართა. ამ დროს იქვე

მახლობლად მყოფმა, წინასწარ დარიგებულმა მცველებმა ფურიერ-ში გამოუშვეს. როგორც კი დაინახა პატრონი, გახარებული პირუტყვი კუნტრუშით გაეშურა მისკენ, მერმე გვერდით დაუდგა, თავი მუხლებზე დაუდო და ჩვეულებისამებრ მარჯვენა ხელის ლოკვა დაუწყო. სერტორიუსი, თავის მხრივ, დიდი სიყვარულით მიეალერსა ფურიერს, ზოლო როცა თვალეზზე ცრემლიც მოადგა, იქ მყოფი ესპანელები საკვირველების ხილვამ ადგილზე გააქცავა. ამის შემდეგ მხნეობითა და კეთილი იმედებით აღვსილმა მეომრებმა სერტორიუსი, გითარცა საოცარი და ღმერთებისათვის საყვარელი ვაჟაცი, ტაშისცემით და ყიჟინით საკუთარ კარვამდე გააცილეს.

21. სერტორიუსმა მტერი საგუნტინების ველზე რკალში მოიმწყვდია და მეტისმეტად შეავიწროვა. მაგრამ როცა რომაელები სურსათის დასატაცებლად ბანაკიდან აიყარნენ, იძულებული გახდა ბრძოლაში ჩაბმულიყო. ორივე მხარე ბრწყინვალედ იბრძოდა. ცხარე ბრძოლაში დაცვა პომპეუსის ყველაზე ნაცადი სარდალი მემიუსი³⁵. სერტორიუსი გააფთრებით უტევდა რომაელებს და გაიმარჯვა კიდევ. მერმე მეტელუსისაკენ გაეშურა და დაუზოგავად ანადგურებდა ყველას, ვინც გზაზე გადაეღობებოდა. მიუხედავად ასაკისა, მეტელუსი მტკიცედ იდგა და შეუპოვრად იბრძოდა, სანამ შუბით არ დაჭრეს. რომაელები, რომლებმაც საკუთარი თვალთი იხილეს თუ სხვებისაგან შეიტყვეს მთავარსარდლის დაჭრა, მტერზე უსაზღვროდ განრისხდნენ და დიდ ღირსებად ჩათვალეს დაჭრილი წინამძღოლის მიტოვება. მეტელუსი მყისვე ხელში აიტაცეს, წინ ფარებით დაუდგნენ და ბრძოლის ველიდან გაიყვანეს, შეტევაზე გადმოსული ესპანელები კი შეუპოვარი ბრძოლით უკუაგდეს. რაკი გამარჯვებამ ზურგი შეაქცია, სერტორიუსმა ყველა ზერხს მიმართა თავისიანების უკანდახევა უზრუნველყო, ლაშქარი მარჯვ აღგილზე გაეყვანა და მაშველ ძალას მშვიდად დალოდებოდა. მან მიაშურა მთაზე განლაგებულ ერთ საიმედოდ დაცულ ქალაქს და მისი კედლები და კარიბჭე საგანგებოდ გაამაგრა. მას ალყაში მოქცევის ფიქრი სულ არ ჰქონდა, მტერი კი სასტიკად მოატყუა. რომაელებმა სერტორიუსს ალყა შემოარტყეს და დარწმუნებულიც იყვნენ, ქალაქს ადვილად აიღებდნენ, მაგრამ ბარბაროსები ნებაზე მიუშვეს, არ მიაქციეს ყურადღება, ისინი რომ გარბოდნენ, ზოლო სერტორიუსის მაშველი ძალები დასახმარებლად ემზადებოდნენ. ძალთა შეკრება ხდებოდა ქა-

ლაქებში გაგზავნილ მეთაურთა მეშვეობით, რომელთაც სერტორიუსმა უბრძანა, როგორც კი ქარის საკმაო რაოდენობა მოგროვდებოდა, ეს მისთვის დაუყოვნებლივ ეუწყებინათ. როცა მაცნე მოვიდა, სერტორიუსმა სულ ადვილად გაარღვია მტრის რკალი და თავისიანებს შეუერთდა. აღორძინებული მრავალრიცხოვანი ლაშქრით სერტორიუსი კვლავ ფეხდაფეხ მისდევდა მტერს, ხან ჩაუსაფრდებოდა, ხან ალყას შემოარტყამდა, ხან კი ანაზღეული სისწრაფით იქ გამოჩნდებოდა, სადაც არ ელოდნენ, და რომაელებს ხმელეთით სურსათის მისაზიდ გზას უჭრიდა. ასევე მოუჭრა მან მტერს საზღვაო გზაც. ზღვის მთელი სანაპირო ზოლი მეკობრეთა ზომალდებს ჰქონდა დაკავებული.

ბოლოს და ბოლოს რომაელი სარდლები იძულებული გახდნენ გათიშულიყვნენ. მეტელუსი გალიაში წავიდა, სრულიად უსახსროდ დარჩენილმა პომპეუსმა კი ზამთარი ვაკეების³⁶ მხარეში გაატარა. იგი სენატს სწერდა: თუ ფულს არ გამომიგზავნიან, ქარს უკან დაგაბრუნებ, მთელი ჩემი ქონება კარგა ზანია იტალიისათვის ომში დავხარჯეო³⁷. რომში ხმა დაიბრძო: პომპეუსზე აღრე იტალიაში სერტორიუსი გამოცხადდებო. აი, რა ვითარებაში ჩააყენა სერტორიუსის სიმარჯვემ იმ დროის უპირველესი და უძლიერესი მხედართმთავრები!

22. მეტელუსმა სულ ჩქარა გამოამჟღავნა, რომ სერტორიუსისა ეშინოდა და ამ ვაჟკაცის ძალას დიდად აფასებდა. მან საჯაროდ გამოაცხადა, რომ რომაელს, ვინც სერტორიუსს მოკლავდა, ას ტალანტ ვერცხლს მისცემდა და ოცი ათას იუგერ³⁸ მიწას მიუზომავდა; თუ მკვლეელი გაძევებული კაცი აღმოჩნდებოდა, მას რომში დაბრუნების უფლება მიენიჭებოდა. მეტელუსმა აშკარა ბრძოლაში გამარჯვების იმედი დაკარგა და ახლა ღალატის შემწეობით სურდა სერტორიუსის თავი ეყიდა.

კიდევ მეტი, ერთ რომელიდაც შეტაკებაში მან სერტორიუსი დამარცხა. ამ ბატარა გამარჯვებამ ისე გააყოყნა და ისეთი ბედნიერების ფრთები შეასხა, რომ ქარისკაცებს თავი იმპერატორად გამოაცხადებინა. ის ქალაქები კი, რომლებშიც შედიოდა, მსხვერპლის შეწირვითა და ბომონთა აგებით ეგებებოდნენ. იმასაც გადმოგვცემენ, რომ მეტელუსი ხალისით იდგამდა თავზე გვირგვინებს და მის პატივსაცემად გამართულ ძვირფას წვეულებებში სასმელს სატრიუმ-

ფო სამოსელში განოწყობილი სვამდა. ლხინის დროს საჯანგებო იარაღების მეშვეობით ჭერიდან ეშვებოდა თურმე გამარჯვების დმერთ-ქალ ნიკეს ქანდაკებები, რომლებიც მას ძლევის აღსანიშნავ ოქროს სამკაულებსა და გვირგვინებს აწვდიდნენ, ხოლო ყრმათა და ქალთა გუნდები გამარჯვების პიმნებს უმღერდნენ.

ასეთი საქციელით მეტელუსმა თავი სასაცილო მდგომარეობაში ჩაიგდო. იგი ქედმაღლობდა და ხარობდა იმით, რომ უკან დაახევინა სერტორიუსს, რომელსაც სულასაგან გაქცეულ მაწანწალასა და კარბონის განადგურებული ხროვის ნაბოლარას ეძახდა.

სერტორიუსის დიდსულოვნება მის მოქმედებაში ჩანდა. უწინარეს ყოვლისა, აღსანიშნავია ის, რომ რომიდან ლტოლვილ და მის მხარეზე გადასულ სენატორთა კრებას სენატი უწოდა. ამათაგან ნიშნავდა იგი კვესტორებსა და პრეტორებს და სხვა საქმეებსაც სამშობლოში მოქმედი მამაპაპური კანონებით აწესრიგებდა. მართალია, სერტორიუსი ესპანელთა იარაღს, ფულად სახსრებსა და ქალაქებს ეყრდნობოდა, მაგრამ ერთხელაც კი არ დასცდენია, რომ იგი მათ უმაღლეს ძალაუფლებას დაანებებდა. ესპანელების სარდლებად და გამგებლებად ყოველთვის რომაელებს აყენებდა. იგი რომაელთა თავისუფლებისათვის იბრძოდა და სრულიად არ სურდა ესპანელთა აღზევება რომაელებზე. სერტორიუსი სამშობლოს მოყვარული კაცი იყო და შინ დაბრუნების ძლიერი სურვილი მუდამ თან სდევდა; მაგრამ წარუმატებლობის ქამს თავი მამაცურად ეჭირა და მტერს ქედს როდი უხრიდა. როცა კი გაიმარჯვებდა, მეტელუსსა და პომპეუსს მოციქულს უგზავნიდა: მზად ვარ იარაღი დავაწყო და ვიცხოვრო როგორც კერძო პიროვნებამ, თუ შინ დაბრუნების უფლებას აღმითქვამთ; მირჩევნია რომში ყველაზე კინი მოქალაქე ვიყო, ვიდრე სამშობლოდან ლტოლვილი და მთელი დანარჩენი სამყაროს აღიარებული მბრძანებელიო. ამბობენ, სამშობლოში დაბრუნების დიდი სურვილი გამოწვეული იყო მისი უსაზღვრო სიყვარულით დედისადმი, რომელმაც ობლობაში გამოხარდა და ვისიც საოცრად ერთგული იყო. სწორედ იმ დროს, როცა მეგობრებმა მიიხმეს და ესპანეთში მხედართმთავრობა შესთავაზეს, დედის სიკვდილი შეიტყო. მწუხარებამ კინაღამ სიცოცხლე არ მოუსწრათა. შვიდი დღის განმავლობაში გაუნძრევლად იწვა თავის საწოლზე, არც ბრძანებებს იძლეოდა და არც არავის იკარებდა. სარდლებმა და სხვა წარჩინებულმა პირებმა,

რომლებიც მისი კარგის გარშემო ტრიალებდნენ, ბოლოს და ბოლოს ძლივძლივობით დაიყოლიეს იგი ვარეთ გამოსულიყო, ჯარისკაცებს დალაპარაკებოდა და ხელი მოეკიდა საქმეებისათვის, რომელთაც იმხანად კარგი პირი უჩანდა. აი ამის გამო იყო, რომ სერტორიუსს ბევრი თვლიდა ბუნებით ღმობიერ და მშვიდი ცხოვრების მოტრფილ კაცად, რომელმაც სამხედრო საქმეთა წინამძღოლობა საკუთარი ნებისაგან დამოუკიდებელ მიზეზთა წყალობით იკისრა. რაკიდა თავშესაფარი ვერსად იპოვა და მტრებმა ხელთ იარაღი დააჭერინეს, თავის გადასარჩენად მიმართა ომს, ვითარცა აუცილებელ საშუალებას.

23. სერტორიუსის დიდსულოვნება მითრიდატესთან ურთიერთობაშიც გამოჟღავნდა. იმ დროს, როცა სულას მიერ დამარცხებულმა მითრიდატემ ხელახალი ბრძოლისათვის წამოყო თავი და აზიის დასაუფლებლად კვლავ აღმართა ხელი, სერტორიუსის სახელი უკვე ყველგან ჰქუხდა. დასავლეთიდან ზღვით მოსული ხალხი ისე ავრცელებდა პონტოში სერტორიუსის წარმატებათა ამბებს, თითქოს გარედან შემოტანილი უცხოური საქონელი ყოფილიყო. მითრიდატემ გადაწყვიტა სერტორიუსთან ელჩები გაეგზავნა. განსაკუთრებით წააქეზეს იგი ენაგაქლესილმა მლიქვნელებმა, რომლებიც სერტორიუსს პანიბალს ადარებდნენ, მითრიდატეს კი — პიროსს³⁹. ისინი ამბობდნენ: თუ საუკეთესო მხედართმთავარი უდიდეს მეფეს შეუკავშირდა, მათ გაერთიანებულ ძალას რომაელები წინ ვერ დაუდგებიან და ვერ შეძლებენ ორი ერთიმეორეზე ნიჭიერი წინამძღოლის მიერ ორმხრივ მიტანილი იერიშის მოგერიებასო. ერთი სიტყვით, მითრიდატემ ესპანეთში გაავგზავნა ელჩები სერტორიუსისათვის განკუთვნილი წერილებითა და სიტყვიერი დავალებებით. იგი სერტორიუსს ჰპირდებოდა ფულსა და ზომალდებს ომის საწარმოებლად, თვითონ კი მოითხოვდა მისთვის შემოემტკიცებინათ აზიის მთელი ის ნაწილი, რომელიც სულასთან დადებული ხელშეკრულების საფუძველზე რომაელებს გადასცა. სერტორიუსმა მოიწვია საბჭო, რომელსაც სენატს ეძახდა. ყველამ ერთხმად ურჩია მიეღო შემოთავაზებული პირობები: ბოლოს და ბოლოს მითრიდატეს ვუთმობთ სახელსა და ცარიელ უფლებას იმაზე, რაც არ გვეკუთვნის, სანაცვლოდ კი მივიღებთ ჩვენთვის ყველაზე უფრო აუცილებელსო. სერტორიუსი საბჭოს აზრს არ დაეთანხმა და განაცხადა: „მე არა ვარ წინააღმდეგი მითრიდატეს

გადაეცეს ბითვინია და კაპადოკია, რომელთა ტომებიც ომთავითვე მეფის გამგებლობას ექვემდებარებიან და რომაელებს მათთან არაფერი ესაქმებათ. რაც შეეხება რომაელთა მიერ სამართლიანი გზით მოპოვებულ პროვინციას, იგი მითრიდატემ ძალით ჩაიგდო ხელთ და განაგებდა მანამ, სანამ იქიდან ფიბრიამ არ გააძევა და მერმე, სულასთან დადებული ხელშეკრულებით, თვითონვე უარი არ თქვა მასზე. მე ვერ დავუშვებ ეს პროვინცია კვლავ მის ხელში გადავიდეს. სრულიადაც არა მსურს ჩემმა გამარჯვებამ სამშობლოს ენება მოუტანოს, პირიქით, იგი რომის გაძლიერებას უნდა ემსახუროდეს. კეთილშობილი ვაჟკაცი პატიოსან გამარჯვებას უნდა ესწრაფებოდეს და არა შერცხვენის ფასად საკუთარი თავის ხსნას“.

24. სერტორიუსის პასუხმა მითრიდატე მეტად გააოცა. ამბობენ, თავის მეგობრებს ასე მიმართაო: „განა რა მოთხოვნებს წამოგვიყენებდა სერტორიუსი, პალატიუმზე რომ დაბრძანდეს⁴⁰, თუ ახლა ატლანტის ზღვისაკენ განდევნილი კაცი ჩვენს სამეფოს საზღვრებს უნიშნავს და აზიის დაუფლებისათვის ომით გვემუქრებაო?!“ ასე იყო თუ ისე, შეთანხმება დაიდო და ფიცითაც შეიკრა: კაპადოკია და ბითვინია მითრიდატეს რჩებოდა, სერტორიუსი მას სარდალსა და მეომრებს გაუგზავნიდა, თვითონ კი მითრიდატესაგან სამი ათას ტალანტსა და ორმოც ზომალდს მიიღებდა. აზიაში სარდალად სერტორიუსმა გაგზავნა სენატიდან გამოქცეული და მასთან თავშეფარებული მარკუს მარიუსი. მისი დახმარებით მითრიდატემ აიღო აზიის რამდენიმე ქალაქი. როცა მარიუსი ამ ქალაქებში შედიოდა, წინ მას მიუძღოდნენ წვეპლის კონებით და ცულებით აღკაზმული მხლებლები⁴¹, ზოლო მითრიდატე, როგორც მისი მორჩილი ხელქვეითი, მეორე მწყრივში მიჰყვებოდა. მარიუსმა ზოგიერთ ქალაქს თავისუფლება მიანიჭა, ზოგიერთი კი სერტორიუსის სახელით ხარკისაგან გაათავისუფლა. სულ ახლახან გადასახადის ამკრეფთაგან შეწუხებულმა და იქ დაბანაკებულ ჯარისკაცთა გაუმადლობით და ქედმაღლობით დაზავრულმა აზიამ მარიუსის წყალობით იმედის ფრთა შეისხა და ძალაუფლების შეცვლას მოუთმენლად ელოდა.

25. როცა ესპანეთში სერტორიუსთან მყოფმა სენატორებმა და სხვა წარჩინებულმა პირებმა შიშისაგან თავი დახსნილად იგრძნეს და იმედი მიეცათ მტერს ღირსეულად დაუპირისპირდებოდნენ, სწორედ ამ დროს მათ შორის თავი იჩინა შურისა და უსაფუძვლო მე-

ტოქეობის გრძნობამ სერტორიუსის ძლიერების მიმართ. ეს ამბავი წამოიწყო პერპენამ, რომელიც კარგი გვარიშვილობით ყოყორობდა და ოცნებაში ძალაუფლებას ეპოტინებოდა. იგი თავის მომხრეებს საიღუმლოდ ეთათბირებოდა და მკრეხელურ სიტყვებს ეუბნებოდა: „განა რომელმა ბოროტმა დემონმა შეგვადპრო, რომ ავისაგან კიდევ უფრო უარესისავენ მიგვაქანებს? სამშობლოში მყოფნი უღირს საქმედ ვთვლიდით დავმოჩილებოდით ბრძანებებს, რომელთაც იძლეოდა მთელი ხმელეთისა და ზღვის გამგებელი სულა, აქ მოსვლით კი თავი დავიღუპეთ; გვეგონა, თავისუფლად ვიცხოვრებდით, სინამდვილეში კი ლტოლვილი სერტორიუსის მცველებად ვიქცით და საკუთარი ნებით მონურ ყოფას გვიწიეთ. ჩვენს თავყრილობას სენატი ჰქვია და ამ სახელს, ვინც კი გაიგონებს, ყველა დასციინის. ჩვენ ესპანელებსა და ლუზიტანებზე ნაკლებ როდი გვიწევს ლანძღვა-გინების, ბრძანებებისა და მძიმე შრომის ატანა?!“ ასეთი და ამის მსგავსი სიტყვების წარამბარა მოსმენის მიუხედავად, ბევრი ვერ ბედავდა აშკარა განდგომას სერტორიუსის ძლიერების შიშით, მაგრამ ფარულად საერთო საქმეს ზიანს აყენებდნენ. პერპენას მომხრენი ბარბაროსებს სერტორიუსის სახელით სასტიკად სჯიდნენ. უამრავ გადასახადებს აწერდნენ და ასეთი მოპყრობით საშინლად აბოროტებდნენ. ქალაქებში აჯანყებები და შფოთი დაიწყო. ისინი, ვისაც სერტორიუსი საქმეთა მოსაწესრიგებლად და ამბოხებულთა დასამშვიდებლად აგზავნიდა, კიდევ უფრო ამძაფრებდნენ ხალხს დაუმორჩილებლობისაკენ სწრაფვას, კიდევ უფრო მეტად აღვივებდნენ მტრობას, ახალ-ახალ აჯანყებებს აწყობდნენ და უკან ისე ბრუნდებოდნენ. ამის გამო სერტორიუსმა ძველებურ ლოიალობასა და ლმობიერებაზე ხელი აიღო და წრესგადასული მრისხანება ოსკაში აღსაზრდელად გაბარებულ ესპანელთა შვილებს დაატეხა თავს: ნაწილი დახოცა, ნაწილი კი გაყიდა.

26. სერტორიუსზე თავდასასხმელად პერპენას უკვე მრავალი შეთქმული ჰყავდა გამზადებული. მან მიიმხრო აგრეთვე ერთ-ერთი სარდალიც, სახელად მალიუსი. ამ მალიუსს უყვარდა ერთი ლამაზი ყრმა, რომელსაც კეთილგანწყობილების დასამტკიცებლად შეთქმულთა მთელი განზრახვა აღუყა და ურჩია: ყველა თავყვანისმცემელს მოერიდე და მხოლოდ და მხოლოდ ჩემი იყავით; იცოდე, სულ რამდენიმე დღეში დიდი კაცი გაგხდებოდა. ყრმამ მთელი ეს ამბავი მიუტა-

ნა მის მეორე მეტრფეს აუფიდიუსს, რომელსაც უფრო თანაუგრძ-
 ნობდა. ნაამბობმა აუფიდიუსი მეტისმეტად გააოცა: თვითონ სერ-
 ტორიუსის წინააღმდეგ მოწყობილი შეთქმულების წევრი იყო, მაგ-
 რამ არ იცოდა, თუ მასში მალიუსიც მონაწილეობდა. როცა ყრმამ
 დაასახელა მისთვის ცნობილი შეთქმულნი პერპენა, გრეკინუსი და
 კიდევ სხვები, აუფიდიუსი დაფრთხა. მართალია, მან ნაამბობი სასა-
 ცილოდ აიგდო და ყრმას უბრძანა განრიდებოდა ქარაფშუტა და
 ტრაბახა მალიუსს, მაგრამ თვითონ პერპენასთან გაეშურა. ამცნო
 მას ვითარების სიმწვავე, ის, თუ რა საფრთხე იყო მოსალოდნელი
 დაყოვნებით და ურჩია სწრაფად ემოქმედა. შეთქმულებმა აუფიდიუსს
 დაუჯერეს, ერთი კაცი მოამზადეს, საგანგებო წერილით აღჭურვეს
 და სერტორიუსს მიუგზავნეს. წერილი ერთ-ერთი სარდლის გამარჯ-
 ვებასა და მრავალრიცხოვანი მტრის განადგურებას იუწყებოდა. გა-
 ხარებულმა სერტორიუსმა სიკეთის მაუწყებელი ცნობის აღსანიშნა
 ვად ღმერთებს სამსხვერპლო ცხოველი შესწირა. პერპენამ, თავის
 მხრივ, ლხინი გამართა და გამოაცხადა, რომ იწვევდა სერტორიუსსა
 და თავის მეგობრებს (ისინი ყველანი შეთქმულნი იყვნენ). პერპენამ
 დიდი თხოვნით დაიყოლია სერტორიუსი წვეულებაზე მისულიყო.
 ყველა ლხინი, რომელთაც იგი მანამდე ესწრებოდა, თავდაპირილო-
 ბისა და წესიერების ნიმუში გახლდათ. ურცხვ სანახაობასა და
 ბილწსიტყვაობას სერტორიუსი ვერ ითმენდა, წვეულებაზე მყოფთ
 იგი ყოველთვის ზრდილობიან ქცევასა და ზომიერსა და უწყინარ
 გართობას აჩვენებდა. მაგრამ ამჯერად, როცა სმა გაჩაღდა, სტუმრებ-
 მა, რომლებიც ჩხუბის ასატეხად საბაბს ეძებდნენ, დაუფარავად და
 იწყეს უწყმაწუტრი სიტყვების სროლა. მერმე თავი მეტისმეტად მო-
 იმთვრალეს და თავაწყვეტილად იქცეოდნენ, რათა სერტორიუსი გა-
 ებრაზებინათ. უწყსრიგობით იყო უკმაყოფილო თუ შეთქმულთა
 თავხედური ლაყბობისა და წრეგადასული ქცევის წყალობით, სერ-
 ტორიუსი მათ განზრახვას მიხვდა. მან სარეცელზე მდგომარეობა
 შეიცვალა და გულამბა დაწვა, რათა აურზაურისათვის ყურადღება
 არ მიექცია და არაფერი გაეგონა. მაშინ პერპენამ შუში ღვინით საგ-
 სე თასი აიღო. მაგრამ მოსვა თუ არა, მყისვე ხელიდან გაუშვა. თა-
 სი წკრიალით დავარდა ძირს. ეს შეთქმულთა ნიშანი გახლდათ. ან-
 ტონიუსმა, რომელიც იქვე იყო მხარ-თეძოზე წამოწოლილი, აღარ
 დააყოვნა და სერტორიუსს მახვილი დაჰკრა. სერტორიუსი მაშინვე

შებრუნდა მისკენ, ფეხზეც წამოდგა, მაგრამ ანტონიუსი მეგრძე ეცა და ორივე ხელი გაუყავა. სერტორიუსმა თავის დაცვა ველარ შეძლო და მრავალგზის დაჭრილმა სული განუტევა⁴².

27. ესპანელთა დიდმა ნაწილმა მაშინვე შეაქცია ზურგი პერპენას და მოციქულთა მეშვეობით პომპეუსსა და მეტელუსს მორჩილება გამოუცხადა. შერჩენილ რაზმებზე დაყრდნობით პერპენამ მოიწადინა რაღაც წამოეწყო, მაგრამ როგორც კი სცადა სერტორიუსის მიერ შექმნილ საომარ ძალთა გამოყენება, მაშინვე შეირცხვინა თავი და გამოაშკარავა, რომ არც მბრძანებლად ვარგოდა და არც მორჩილებისთვის. პერპენა საკუთარი გადაწყვეტილებით პომპეუსს დაესხა თავს და მყისვე დამარცხდა. პომპეუსმა მთლიანად გაანადგურა იგი და ტყვედ ჩაიგდო. ეს უკანასკნელი უბედურებაც ვერ გადაიტანა პერპენამ, როგორც სარდალს შეეფერებოდა. მას ხელთ ჰქონდა სერტორიუსის პირადი წერილები და პომპეუსს შეჰპირდა: ყოფილი კონსულებისა და რომის სხვა გავლენიან პირთა მიერ საკუთარი ხელით ნაწერ ბარათებს გაჩვენებ, რომელთა მეშვეობითაც ისინი სერტორიუსს იტალიაში იწვევდნენ და აუწყებდნენ: აქ ძალზე ბევრია მსურველი არსებული მმართველობის წინააღმდეგ აღსდგეს და სახელმწიფო გადატრიალება მოახდინოსო. პომპეუსი უგუნური ყმაწვილივით როდი მოიქცა: მან დიდი სიღინჯითა და ჭკუით მოუარა ამ საქმეს და რომს საშინელი საფრთხე და შფოთი ააცდინა. პომპეუსმა სერტორიუსის მთელ მიწერ-მოწერას თავი მოუყარა, არც თვითონ წაიკითხა რამე, არც სხვას დაანება და ყველა წერილი დაწვა. რაც შეეხება პერპენას, იგი მყისვე სიკვდილით დასაჯა იმის შიშით, რომ მას არ დაესახელებინა ვინმე და ამას შფოთი და ამბოხება არ აეტება.

პერპენას მომხრეთა ერთი ნაწილი პომპეუსს წარუდგინეს და სიკვდილით დასაჯეს, მეორე ნაწილი კი ლიბიაში გაიქცა და მავრუსიელთა შუბების მსხვერპლი გახდა. არც ერთი შეთქმული არ გადაარჩენილა, გარდა იმ აუფიდიუსისა, რომელიც მალიუსს ყრმის ტრფობაში ეცილებოდა. დამალვა მოახერხა თუ ყურადღება არ მიექცეოდა, ძნელი სათქმელია, ეს კია, აუფიდიუსმა თავი ერთ სოფელს შეაფარა და ყველასაგან დავიწყებულმა საშინელ სიღარიბეში დავლია ბოლოს სული.

1. ასეთია ის ღირსშესანიშნავი ამბები, რომლებიც ევგენესა და სერტორიუსის ირგვლივ მოვიბოვეთ. თუ მათ ერთმანეთს შევეუდარებთ, ორივესთვის საერთო აღმოჩნდება ის, რომ უცხონი და სამშობლოდან ლტოლვილნი იყვნენ და ბოლომდე წინამძღოლობდნენ სულ სხვადასხვა ტომებს, მამაცურად მებრძოლ ჯარებსა და ძალთადიდ-დიდ შენაერთებს. მაგრამ მათ შორის სხვაობაც გახლავთ: სერტორიუსს, მისი ღირსების გამო, ყველა თანამებრძოლმა ერთსულოვნად მიანიჭა ძალაუფლება, ევგენეს კი მრავალი მოშურნე ედავებოდა წინამძღოლობას და თვითონ თავისი წარმატებებით მოიპოვა პირველობა. ხალხი, რომელიც სერტორიუსს მიჰყვებოდა, სამართლიან საქმედ მიიჩნევდა მის გამგებლობაში ყოფნას, ხოლო ევგენეს ისინი ემორჩილებოდნენ, რომელთაც თვითონ არ შეეძლოთ სარდლობა და მხოლოდ პირადი გამოჩენის სურვილი ამოძრავებდათ. სერტორიუსი რომელიც იყო და ესპანელებსა და ლუზიტანებს განაგებდა, ევგენე კი ხერსონესელი გახლდათ და მაკედონელებს წინამძღოლობდა; პირველნი ძველთაგანვე რომაელების მოწინააღმდეგე იყვნენ, მეორენი კი მაშინ მთელ კაცობრიობაზე მზრძანებლობდნენ. სერტორიუსმა ძალაუფლებას მიადგია როგორც აღიარებულმა სენატორმა და სარდალმა, ევგენემ კი მხოლოდ იმის შემდეგ მიიღო წინამძღოლობა, რაც სამეფო ქარის მდივანობისათვის შეიზიზღეს. წარმატებებისათვის ევგენეს დასაწყისშიც მცირე ხელსაყრელი პირობები ჰქონდა და შემდეგშიც დიდი დაბრკოლებები გადაეღობა. მას მრავალი აშკარა და ფარული მტერი ჰყავდა მაშინ, როცა სერტორიუსს ცხადად არავინ მტრობდა და ფარულადაც მხოლოდ რამდენიმე თანამებრძოლმა შეუტია, ისიც ბოლო ხანებში. სერტორიუსისათვის მტრის ძლევა საფრთხის დასასრული იყო, ევგენეს კი, მოშურნეთა მიზეზით, გამარჯვება დიდ განსაცდელს უქადდა.

2. ევგენესა და სერტორიუსს ბევრი რამ ჰქონდა საერთო როგორც სარდლებს, მაგრამ სხვა მხრივ მათი შეთანასწორება გაჭირდებოდა: ევგენე ომისა და დავის მოყვარული კაცი გახლდათ, სერტორიუსს კი მშვიდობისმოყვარეობა და ღმობიერება ახასიათებდა. პირველს შეეძლო უშიშრად და პატივში ეცხოვრა, თუ ძალაუფლების მაძიებელთ გზიდან ჩამოეცლებოდა, მაგრამ მან სიცოცხლე გა-

მუდმებულ ბრძოლასა და საფრთხეში გაატარა. მეორეს სრულიად არ სჭირდებოდა დიდ და საღაო საქმეებში ჩაბმულობა, მაგრამ იძულებული გახდა საკუთარი სიცოცხლის დასაცავად ომი დაეწყო მათთან, რომელთაც მშვიდობა არ სურდათ. ანტიგონე დიდი ხალისით შეივრდომებდა ევმენეს, იგი რომ პირველობისათვის ბრძოლაში არ შეებმოდა და მისთვის გზა დაეთმო, პომპეუსი და მისი მომხრენი კი სერტორიუსს, თუნდაც ბრძოლაზე ხელი აეღო, მაინც არ მოასვენებდნენ. ასე რომ პირველი საკუთარი სურვილით იბრძოდა მბრძანებლობისათვის, ხოლო მეორე ძალაუფლებად იცავდა ძალაუფლებას, რაკი მის წინააღმდეგ ომობდნენ. ომის მოყვარულია ის, ვინც პატივმოყვარეობას საკუთარ უშიშროებას აწაცვალეს, ნამდვილი მეომარი კი ის გახლავთ, ვინც ომით თავის სიცოცხლეს იცავს.

სიკვდილმა მაშინ უწია სერტორიუსს, როცა არ მოელოდა, ევმენესათვის კი სიცოცხლის აღსასრულის მოახლოება მოულოდნელი როდი იყო. პირველმა დიდსულოვნება გამოიჩინა სიკვდილის წინ და თავი ისე დაიჭირა, თითქოს მეგობრებს ენდობოდა, ხოლო მეორე უძლურებამ დასცა და როცა გაქცევა დააპირა, მაშინ შეიპყრეს. სიკვდილმა სერტორიუსის სიცოცხლეს ლაქა ვერ მოსცხო, რადგან იგი თანამებრძოლებმა მოკლეს და ჩაიდინეს ის საქმე, რასაც ვერც ერთმა მისმა მტერმა ვერ მიაღწია. ევმენე კი, როცა ტყვეობას ვერ გადაურჩა, მზად იყო იქაც ეცოცხლა. იგი ღირსეულად ვერც შეხვდა და ვერც დაუსხლტა სიკვდილს; მტერს, ვისაც ხვეწნა-მუდარა დაუწყო, სხეულთან ერთად სულიერი მხნეობაც ჩააბარა.

პოეზია

1. რომელი ხალხი, როგორც ჩანს, თავიდანვე იმავე გრძნობით იყო გამსჭვალული პომპეუსისადმი, როგორსაც ესკილეს პრომეთე გამოთქვამს თავის მხსნელ ჰერაკლეს მიმართ:

მძულს მამა, მაგრამ შვილი მისი უსაზღვროდ მიყვარს.¹

მართლაც, არც ერთ მხედართმთავრისადმი არ გამოუმჟღავნებიათ რომაელებს ისეთი ძლიერი და სასტიკი ზიზღი, როგორიც პომპეუსის მამის სტრაბონის მიმართ გამოიჩინეს². სიცოცხლეში ამ კაცის სამხედრო ძღვევამოსილებისა ეშინოდათ (სტრაბონი ფრიად მებრძოლი ვაჟკაცი იყო), ხოლო როცა მეზმა მოკლა, მისი გვამი გამოსვენების დროს კუბოლან გადმოაგდეს და ათასგვარად შეურაცხევეს. სამაგიეროდ, არც ერთ რომაელს არ დაუმსახურებია ხალხის უსაზღვრო სიყვარული ისე ადრე, როგორც პომპეუსს, და ისე ხანგრძლივად არავის არ უსარგებლია ამ სიყვარულით. იგი შეუწეველი სიძლიერით თან ახლდა მას ყოველთვის, ბედნიერებისა თუ უბედურების ჟამს. სტრაბონის ზიზღის მიზეზი იყო ერთი: მისი გაუშმადარი სიზარბე. პომპეუსი კი მრავალმხრივ ინადირებდა რომაელი ხალხის გულს. სახელდობრ: თავდაპირველი ცხოვრებით, საომარ საქმეებში ვარჯიშით, დამაჯერებელი სიტყვის წარმოთქმის ნიჭით, გულწრფელი ხასიათით და ხალხთან თავზაიანი ურთიერთობით. ამასთან ერთად პომპეუსს ყველაზე უფრო ნაკლებ სჩვეოდა თხოვნით სხვისთვის თავის შეწყენა, თვითონ კი, თუ ვინმე მიმართავდა საშველად, ყველას ხალისით ეხმარებოდა. მის კეთილშობილებას სახელს ჰმატებდა აგრეთვე ისიც, რომ დანმარებას ყოველთვის დაუმადლებლად უწევდა ხალხს და სხვის წყალობასაც ღიმილი პატივით იღებდა.

2. ზემო აღნიშნულის გარდა, ხალხის გულს პომპეუსი თავისი შესანიშნავი გარეგნობითაც იგებდა. ის მანამდე ზიზღავდა და იმონებდა ადამიანს, ვინც ამ გარეგნობის პატრონი დაილაპარაკებდა. პომპეუსის სასიამოვნო შესახედლობას მუდამ თან ახლდა ერთგვარი სიდიადე და კაცთმოყვარეობა. ჯერ სიყმაწვილის ჟამს გამოსცვიოდა მის ზასიათში ხანში შესული კაცის სიღარბისლე და მეფური ქცევა. უკან გადაყრილი თმა, მკვირცხლი თვალები და ცოცხალი სახე პომპეუსს თითქოს ალექსანდრე მეფის გამოსახულებათ ამგვანებდა; თუმცა ამ მსგავსებაზე უფრო მეტს ლაპარაკობდნენ, ვიდრე სინამდვილეში იყო. პირველ ხანებში პომპეუსს მრავალი უწოდებდა მეტსახელად ალექსანდრეს, და იგი ამას როდი გაუბოძდა. ამიტომ ზოგიერთნი უკვე დაცინვით ეძახდნენ ამ სახელს. ეს იყო მიზეზი იმისა, რომ ლუციუს ფილიპმ⁴, ყოფილმა კონსულმა, პომპეუსის დასაცავად წარმოთქმულ სიტყვაში აღნიშნა: „მე მგონი, არაფერს ჩავდივარ უცნაურს, თუ მე, ფილიპეს, ალექსანდრე მიყვარს“⁵.

გადმოცემის თანახმად, უკვე სიბერეში შესული პეტერა ფლორა მუდამ აღტაცებით იგონებდა თურმე თავის ურთიერთობას პომპეუსთან და ამბობდა, რომ ყოფელი სასიყვარულო შეხვედრის შემდეგ დიდი გულისტკივილით შორდებოდა ხოლმე პომპეუსს. ამას ფლორა სხვა ამბავსაც უმატებდა: ის თურმე პომპეუსის ერთ-ერთმა ძეგობარმა, გემინიუსმა შეიყვარა და მოსვენებას არ აძლევდა. როცა ფლორამ უთხრა, პომპეუსის ხატრით შენს ნებას ვერ დავყვებიო, მაშინ გემინიუსი თვითონ პომპეუსს მოელაპარაკა ამის თაობაზე. პომპეუსმა მას ფლორა დაუთმო, მაგრამ მას მერმე ამ ქალთან ურთიერთობა შეწყვიტა, თუმცა, როგორც ჩანს, კვლავ ძველებურად უყვარდა. ეს ამბავი უბრალო მეძავი ქალივით როდი გადაიტანა ფლორამ: დაკარგულ სიყვარულზე წუხილმა კარგა ხნით ჩააგდო ლოცინად.

სხვათა შორის, ამბობენ, ფლორას სილამაზითა და მოხდენილობით ისეთი სახელი ჰქონდა, ცეცილიუს მეტელუსმა⁶ ქანდაკებებითა და სურათებით დიოსკურთა⁷ ტაძრის მორთვის დროს მისი სურათიც დაანატვინა და ტაძარში დაადგმევინაო.

საკუთარი ხასიათისათვის უჩვეულო უკმეხობითა და გულცივობით ეპყრობოდა პომპეუსი მისი აზატი მონის დემეტრიუსის ცოლსაც: ამ ქალის ქმარი პომპეუსის წყალობით თავის დროზე გავლენით

სარგებლობდა და სიკვდილის შემდეგ ოთხი ათასი ტალანტის ქონება დატოვა. პომპეუსის გულცივობის მიზეზი დემეტრიუსის ქვრივისადმი ის იყო, რომ ეშინოდა, ამ სახელმწიფოში ქალის მაცდუნებელი სილამაზის ტყვეობაში არ აღმოჩენილიყო.

აი, თავიდანვე ასეთი ფრთხილი და თავდაპირილი კაცი იყო პომპეუსი ამდაგვარ საქმეებში. მაგრამ, მიუხედავად ამისა, მაინც ვერ აარიდა თავი ამ მხრივ მტრების გაკიცხვას. ისინი ცილს სწამებდნენ გათხოვილ ქალებთან ურთიერთობაში; თითქოს პომპეუსი ამ მანდილოსანთა გულისთვის სახელმწიფოს მრავალ საქმეს გულგრილად და ზერელედ ეკიდებოდა.

იმის დასამტკიცებლად, თუ როგორი ზომიერი და უბრალო კაცი იყო პომპეუსი პირად ცხოვრებაში, შემდეგ ამბავს გადმოგვცემენ. ერთხელ თურმე ავად გახდა და ჰამის მალა დაკარგა. ექიმმა რჩევა მისცა შაშვის ხორცი ეჭამა. შეუდგნენ ამ ფრინველის ძებნას, მაგრამ წლის ისეთი დრო იყო, საყიდლად ვერსად იშოვნეს. ვიღაცამ თქვა, შაშვის შოვნა ლუკულუსთან შეიძლება, მას მთელი წლის განმავლობაში ჰყავს ეს ფრინველებიო. „კი მაგრამ ლუკულუსი რომ პირის პატივისა და ფუფუნების კაცი არ იყოს, — წამოიძახა ავადმყოფმა, — ნუთუ ვერ იცოცხლებს ისე პომპეუსიო?“ მან ექიმის რჩევა-დარიგება ყურად არ იღო და ადვილად ხელმისაწვდომი საკვები მიიღო. ეს ამბავი, სხვათა შორის, საკმაოდ გვიან მოხდა.

3. პომპეუსი ჯერ კიდევ სულ ახალგაზრდა იყო, როცა მამის ხელმძღვანელობით ცინას³ წინააღმდეგ მოწყობილ ლაშქრობაში მონაწილეობდა. ამ დროს მეგობრად ჰყავდა ვინმე ლუციუს ტერენციუსი, რომელიც მასთან ერთად ცხოვრობდა კარავში. ეს ტერენციუსი ფულით იყო მოსყიდული ცინას მიერ და განზრახული ჰქონდა მოეკლა პომპეუსი სწორედ იმ დროს, როდესაც სხვები მხედართმთავრის კარავს ცეცხლს წაუკიდებდნენ. ამ შეთქმულების ამბავი პომპეუსს გახშობის ქაშს ეუწყა. იგი ოდნავადაც არ აღელვებულა, პირიქით, ჩვეულებრივზე უფრო მეტი ხალისით განაგრძო ღვინის სმა და ტერენციუსს მეგობრულად ეხუმრებოდა. დაწოლისა და მოსვენების დრომ რომ მოადწია, პომპეუსმა მალულად დატოვა თავისი კარავი, მამამისის კარავს მცველები დაუყენა და მოსახდენს მშვიდად დაელოდა.

ამასობაში ტერენციუსი, იმ იმედით, მკვლელობისათვის მარჯვე

დრო დამიდგაო, ფეხზე წამოდგა. იგი მახვილამოწვდილი მიუახლოვ-
და პომპეუსის საწოლს და გამალებით დაუშინა მახვილი ლოგინს,
სადაც მისი აზრით, პომპეუსი უნდა წოლილიყო.

სწორედ ამ წუთებში დიდი მღელვარება დაიწყო ლაშქარშიც,
რაც მხედართმთავრის ზიზღმა გამოიწვია. ჯარისკაცებს გადაწყვეტი-
ლი ჰქონდათ მტრის მხარეზე გადასულიყვნენ. ისინი უკვე იღებდნენ
კარგებს და იარაღს ისხამდნენ. ლაშქრის ამბოხებით თავზარდაცე-
მული მხედართმთავარი გარეთ გამოსვლას ვეღარ ბედავდა. პომპე-
უსი ამბოხებულ ლაშქარში შეიჭრა და მეომრებს ტირილით შეემუ-
დარა, მამაჩემი არ დატოვოთო. ბოლოს იგი ბანაკის კარიბჭის წინ
დაეშხო და ჯარისკაცებს ბანაკიდან გასვლის საშუალება არ მისცა,
მოთქმა-გოდებით ეუბნებოდა მოლაღატე მეომრებს: ბარემ გადამ-
თელეთ და ისე წადითო. ჯარისკაცებს შერცხვათ და ყველამ უკან
დაიხია. ასე რომ რვაასი კაცის გარდა ყველას შეეცვალა აზრი და
მეომრები თავიანთ მხედართმთავარს შეუტრიგდნენ.

4. გარდაიცვალა თუ არა სტრაბონი, პომპეუსი მაშინვე სასა-
მართლოში გაიწვიეს მამის ნაცვლად, რომელსაც ბრალად სახელ-
მწიფო ფულების გაფლანგვა ედებოდა. პომპეუსმა მოსამართლეებს
დაუმტკიცა, რომ ამ ფულის უდიდესი ნაწილი მიიტაცა ერთ-ერთმა
გააზატებულმა კაცმა, ვინმე ალექსანდრემ. საკუთრივ პომპეუსს ბრა-
ლად ედებოდა ის, რომ მითთვისა ასკულუმში⁹ ნადავლად ჩაგდებუ-
ლი სანადირო ბადეები და წიგნები. ასკულუმის აღების შემდეგ პომ-
პეუსმა მართლაც მიიღო მამისაგან აღნიშნული ქონება, მაგრამ მერ-
მე დაკარგა. სახელდობრ, როცა ცინა დაბრუნდა, მისი პირადი მცვე-
ლები პომპეუსის სახლში შეიჭრნენ და ყველაფერი გაიტაცეს.

ამ საქმის გარჩევის დროს პომპეუსს ფრიად დიდი დავა მოუხდა
დასაწყისში ბრალმდებლებთან. აქ მან შესანიშნავი გამჭრიახობა და
ასაკთან შედარებით საოცარი სიმტკიცე გამოიჩინა, რითაც დიდი სა-
ხელი და წყალობა მოიხვეჭა. თვითონ სასამართლოს წინამძღოლს
პრეტორ ანტისტიუსსაც კი შეუყვარდა იგი და გადაწყვიტა მისთვის
თავისი ასული მიეთხოვებინა. ეს განზრახვა ანტისტიუსმა მეგობ-
რებს გაანდო. მისი წინადადება პომპეუსმა თავაზიანად მიიღო და
მათ შორის საიდუმლო მოლაპარაკება გაიმართა. მიუხედავად ამისა,
ეს ამბავი ყველამ გაიგო იმის წყალობით, რომ ანტისტიუსი თავგა-
მოდებით ცდილობდა სასამართლო საქმე პომპეუსის სასარგებლოდ

გადაწყვეტილიყო. ბოლოს, როცა მსაჯულთა მიერ გამოტანილი გამართლებელი განაჩენი გამოაქვეყნა, ხალხმა, თითქოს ნიშანი მისცესო, ერთხმად შესძახა: „ტალასიუსს!“ ეს ის სიტყვაა, რომელიც ადამის თანახმად ძველთაგანვე საქორწინო შეძახილს წარმოადგენს. ამ ადამ-წესის წარმოშობის თაობაზე შემდეგს ამბობენ: ერთხელ თურმე რომში საბინების ქალიშვილები ჩამოვიდნენ აქ გამართულ სანახაობათა სახილველად. ეს ქალიშვილები გამოჩენილმა რომაელმა ვაჟკაცებმა მოიტაცეს და განიზრახეს ცოლებად შეერთოთ. სწორედ ამ დროს ვიღაც უგვარო მსახურებმა და მწყემსებმა სტაცეს ხელი ერთ ლამაზსა და ტანად საბინელ ქალწულს და თან წაიყვანეს. იმის შიშით, ვინმე შემთხვევით შემხვდურ წარჩინებულ პირს არ წაერთმია მათთვის ასული, ისინი მირბოდნენ და თან ჰყვიროდნენ: „ტალასიუსს ეკუთვნისო!“ ტალასიუსი კი ფრიად პატივცემული და სახელგანთქმული ვინმე იყო თურმე. ამ სახელის გაგონებაზე ყველანი ტაშს უკრავდნენ და ყვიროდნენ, რითაც თავიანთ აღტაცებასა და მოწონებას გამოხატავდნენ. რაკი ამგვარად მოტაცებულ ასულთან ტალასიუსის დაქორწინებამ ბედნიერად ჩაიარა, ამიტომ, გადმოცემის თანახმად, მის სახელს ამეირიდან ყოველთვის ხუმრობით შესძახებენ ხოლმე ქორწილის დროს ნეფე-დედოფალს.

აი, ასეთია ის ამბავი, რომელიც ყველაზე უფრო ჭეშმარიტ ამბად უნდა ჩაითვალოს ტალასიუსზე არსებულ თქმულებათა შორის. რამდენიმე დღის შემდეგ პომპეუსი ანტისტიასზე დაქორწინდა.

5. ცოტა ხნის შემდეგ იგი ცინას ბანაკში გაემგზავრა, მაგრამ ბრალდებისა და ცილისწამების შიშით ჩქარა ფარულად გაეცალა მას. რაკილა პომპეუსი აღარ ჩანდა, ბანაკში ხმა დაირბა: ეს ახალგაზრდა კაცი ცინამ მოკლათ. ჯერ კიდევ ადრევე განრისხებული და მისადმი ზიზღით აღესილი ჯარისკაცები მყისვე დაესხნენ თავს ცინას, მაგრამ იგი გაიქცა. ერთი ცენტურიონი მახვილამოწვდილი დაედევნა და დიჭირა კიდევ. ცინა მუხლებზე დაეცა და ცენტურიონს მეტად ძვირფასი ბეჭედი გაუწოდა. ამან მწარე დაცინვით მიუგო: „მე აქ იმიტომ კი არ მოვსულვარ, ბეჭედის ძალით შეთანხმება განვატყციო, არამედ იმიტომ, რომ უსინდისო და უსამართლო ტირანი დავსაჯო“, — და იგი სიცოცხლეს გამოასალმა.

ცინას ასეთი სიკვდილის შემდეგ საქმეთა წინამძღოლობა ხელთ ჩაუვარდა მასზე უფრო მეტად უგუნურ ტირანს — კარბონს¹⁶.

ამასობაში რომს უახლოვდებოდა სულა. რომელსაც მოქალაქეთა უმრავლესობა მოუთმენლად მოელოდა. ასეთ უბედურებათა ქაშის ისინი მარტოოდენ დესპოტის შეცვლასაც კი დიდ სიკეთედ თვლიდნენ. მაშინდელმა მწარე ხვედრმა იქამდე მიიყვანა რომის სახელმწიფო, რომ მან თავისუფლების იმედი სრულიად დაკარგა და მხოლოდ შემწყალე ბატონსა ეძებდა.

6. პომპეუსი იმხანად იტალიის მხარეში, პიცენუმში ცხოვრობდა, სადაც მისი მამული იყო. რაც მთავარია, აქაურ ქალაქებს ჯერ მამამისთან და მერმე მასთანაც კეთილმეგობრული ურთიერთობა ჰქონდა დამყარებული. როცა პომპეუსმა დაინახა, წარჩინებული და საუკეთესო მოქალაქეები ტოვებენ თავიანთ ქონებას და ყოველმხრიდან, როგორც საიმედო ნავსადგურში, სულას ბანაკში გაბრუნო, გადაწყვიტა ასევე მოქცეულიყო. ოღონდ დამამიცირებელ გარემოებად თვლიდა ლტოლვილ კაცივით წასვლას, რომელსაც არავითარი სარგებლობის მოტანა არ შეუძლია და თვითონ საჭიროებს შემწეობას. მას სურდა რაიმე დახმარება გაეწია სულასათვის და მასთან პატივმოსილი და ძალით აღჭურვილი მისულიყო. ამიტომაც პიცენელების წაქეზება დაიწყო, რათა მის განზრახვას შეერთებოდნენ. პიცენელები პომპეუსის რჩევას ხალისით უსმენდნენ და კარბონის მიერ მოგზავნილ მოციქულებს ყურადღებასაც არ აქცევდნენ. ერთ-ერთმა ასეთმა მოციქულმა, ვინმე ვედიუსმა მათ უთხრა, პომპეუსი სულ ახლახან გამოხტა სკოლიდან და უკვე დემაკოვობს და თქვენი წინამძღოლობა სურსო. ამაზე პიცენელები ისე საშინლად განრისხდნენ, რომ მყისვე დაეძგერნენ ვედიუსს და სიცოცხლე მოუსწრაფეს.

პომპეუსი მაშინ სულ ოცდასამი წლისა იყო. რაკი მხედართმთავრად არავინ აღიარა, ასეთი ღირსება თვითონვე მიანიჭა თავის თავს. მერმე დიდი ქალაქის, აუქსიმუმის მოედანზე ტრიბუნა დადგა; იქიდან ორ ძმას, წარჩინებულ გენტიდიუსებს, კარბონის სასარგებლოდ და მის წინააღმდეგ რომ მოქმედებდნენ, დადგენილების თანახმად უბრძანა ქალაქს გასცლოდნენ. ამის შემდეგ პომპეუსმა მეთამართა შეკრება დაიწყო, დაუნიშნა მათ, წესის მიხედვით, ცენტურიონები და კოჰორტის მეთაურები. ასევე მოიქცა მახლობლად მდებარე ქალაქთა შემოვლის დროსაც.

კარბონის მომხრენი პომპეუსის წინაშე უკან იხევდნენ და გზას უთმობდნენ. ზოგიერთები კი დიდი ხალისით გადადიოდნენ მის მხა-

რეზე. ასე რომ პომპეუსმა სულ მოკლე ხანში სამი სრული ლეგიონი შეადგინა. მერმე სურსათი, გამწევი ძალა, ფორნები და ყველა სხვა საჭურველი მოამზადა და ეს სამი ლეგიონი სულასკენ დაძრა. იგი არ ჩქარობდა და არც მალვით მიდიოდა. პირიქით, გზაში ხშირად აყოვნებდა იმ განზრახვით, რომ მტრისთვის ზიანი მიეყენებინა და იტალიის ყველა მხარე, რომელსაც გაივლიდა, კარბონისათვის ჩამოეშორებინა.

7. პომპეუსის წინააღმდეგ ერთდროულად აღდგა მტრის სამი სარდალი: კარინა, კლეილუსი და ბრუტუსი. ისინი პირდაპირ ერთად კი არ შეებნენ მას, არამედ ცალ-ცალკე, სამი სხვადასხვა ლაშქრით შემოერთყნენ გარს და შეეცადნენ შეეპყროთ იგი. პომპეუსი ამას არ შეუშინდა. მან თავი მოუყარა საკუთარ ძალებს და წინა ხაზზე დაწყობილი ცხენოსნები, რომელთაც თვითონ მეთაურობდა, ჯერ მხოლოდ ბრუტუსის ლაშქრის წინააღმდეგ დაძრა. მის შესახვედრად თავის მხრივ მტრის მხარეზე მყოფი ვალენტისაგან შემდგარი მხედრობა გამოემართა. ყველაზე უპირველესსა და უძლიერეს პირისპირ შემომხვედურ გალს პომპეუსმა დაასწრო, ჰერა შუბი და მიწაზე დასცა. დანარჩენმა ვალებმა მყისვე იბრუნეს პირი და ქვეით მეომრებშიც არეგ-დარეგა შეიტანეს. ისე რომ მალე მთელი ლაშქარი უკუიქცა. ამის შემდეგ მტრის სარდლებიც წაეკიდნენ ერთიმეორეს და ყველამ უწესრიგოდ დაიხია უკან. ქალაქთა დიდი ნაწილი, იმის ფიქრით, მტერი შიშის გამო დაიფანტა ასეო, პომპეუსის მხარეზე გადავიდა.

ახლა კონსული სციპიონი¹¹ დაიძრა პომპეუსის წინააღმდეგ; მაგრამ სანამ ლაშქართა შორის ოროლები ტყორცნა ატყდებოდა, სციპიონის ჯარისკაცებმა პომპეუსის მეომრებს მისალმება დაუწყეს და მათ მხარეზე გადავიდნენ. სციპიონი გაიქცა. ბოლოს პომპეუსის ასალაგმავად თვითონ კარბონმა წარგზავნა ცხენოსანთა მრავალი რაზმი მდინარე არსისთან. პომპეუსი მტერს მედგრად დაუხვდა, პირი აბრუნებინა, უკან გამოედევნა და ისეთ ოღროჩოღრო აღვილებში მიიმწყვდია, სადაც ცხენოსანთა მოქმედება შეუძლებელი იყო. კარბონის მხედრებმა რა დაინახეს, მდგომარეობა უიმედო იყო, თავ-თავიანთი იარაღითა და ცხენებით პომპეუსს დანებდნენ.

8. ამ ამბებზე სულამ ერთხანს არაფერი იცოდა; მაგრამ როგორც კი მიიღო პირველი ცნობები და ყური მოჰკრა ხმებს, თუ როგორ

იყო საქმე, შეეშინდა, არაფერი მოსვლოდა მტრის მრავალი გამოჩენილი სარდლით გარემოცულ პომპეუსს და მის დასახმარებლად გაეშურა.

როცა პომპეუსმა სულას მოახლოება გაიგო, თავის სარდლებს უბრძანა მხედრობა შეეიარაღებინათ და რიგზე დაეწყათ, რათა ჯარი მთელი თავისი ბრწყინვალეობით გამოჩენილიყო იმპერატორის წინაშე. პომპეუსს სულას მხრივ დიდი პატივის იმედი ჰქონდა. სინამდვილეში იმაზე მეტიც მიიღო, რასაც მოელოდა.

დაინახა თუ არა სულამ მის შესახვედრად მომავალი პომპეუსი და რჩეული ვაჟკაცებისაგან შემდგარი საგანგებოდ დარაზმული მხედრობა, რომელიც მიღწეული წარმატებების წყალობით აღფრთოვანებული და მხიარული ჩანდა, ცხენიდან ჩამოხდა. პომპეუსი მას წესისამებრ ვით იმპერატორს, ისე მიესალმა. სულამაც თავის მხრივ არ დააყოვნა სალამი და პომპეუსსაც იმპერატორი უწოდა. არავინ მოელოდა იმას, რომ სულა ასე ახალგაზრდა კაცს, რომელსაც ჯერ სენატში მონაწილეობა არ მიეღო, გაუზიარებდა იმ სახელს, რისთვისაც თვითონ სციპიონებსა და მარიუსებს ეომებოდა. შემდეგშიაც კი მასთან თავი ალერსიანად ეჭირა ისევე, როგორც პირველი შეხვედრის დროს; პომპეუსის მოახლოებისას იგი ფეხზე დგებოდა ხოლმე და თავიდან სახვევს იხსნიდა. არავის შეუშინებია, რომ სულას ეს ასე იოლად გაეკეთებინოს სხვის მიმართ, თუმცა მრავლად ეხვია გარს ფრიად ღირსეული ხალხი.

სულას მხრივ ასეთ პატივისცემას ოდნავადაც არ გაუამაყებია პომპეუსი. პირიქით, როცა სულამ განიზრახა სასწრაფოდ გაეგზავნა იგი გალიაში, სადაც მხედართმთავრობა ჩაბარებული ჰქონდა მეტელუსს, რომელიც, ეტყობოდა, ვერაფერს აკეთებდა იმ ძალების შესაფერს, მის განკარგულებაში რომ იმყოფებოდა, პომპეუსმა განაცხადა: არა, არ იქნება ლამაზი სარდლობა წავართვა ჩემზე უფროსსა და გაცილებით მეტად სახელმოხვეჭილ კაცსო; ისე კი, თუ მეტელუსი მოისურვებს და მიბრძანებს, მზადა ვარ დავენმარო ომის წარმოებაშიო!

მეტელუსმა პომპეუსის ეს წინადადება მიიღო და მისწერა ჩასულიყო მასთან. პომპეუსი მაშინვე გაემგზავრა გალიაში. აქ მან პირადად მრავალი ღირსშესანიშნავი საქმე ჩაიდინა და მეტელუსსაც სინბერის წყალობით ჩამჭრალი მეომრის სიფიცხე და შემართება კვლავ

აღუგზნო და გაუღვივა. სწორედ ასე არბილებს და ადნობს, როგორც ამბობენ, ცეცხლზე გამდნარი გაგარვარებული სპილენძი ციგ, გამაგრებულ ლითონსაო.

ვაჟკაცთა შორის უპირველესის და ყველა ღღესასწაულში სახელოვნად გამარჯვებული ათლეტის ყრმობისუამინდელ წარმატებებს ჩვეულებრივ ყურადღებას არ აქცევენ და არც გამარჯვებათა სიებში შეაქვთ ხოლმე; პომპეუსის მაშინდელი საგმირო საქმენიც თავისთავად ფრიად ღირსშესანიშნავი გახლდათ, მაგრამ შემდეგ ხანებში მის მიერ წარმოებულმა დიდმა ბრძოლებმა და ომებმა დაიჩრდილა ისინი. ამიტომაც შემეშინდა მე პომპეუსის ადრინდელ საქმეთა დაწვრილებითი გადმოცემით უყურადღებოდ არ დამეტოვებინა ყველაზე მეტად მნიშვნელოვანი ამბები, რომელნიც უფრო მეტ ნათელს ჰფენენ ამ ვაჟკაცის ყველა ღვაწლსა და გამოვლილ განსაცდელს.

9. როცა სულამ დაიმორჩილა იტალია და დიქტატორად აღიარეს, თავისი ლეგატებისა და სარდლების დაჯილდოება დაიწყო. იგი მათ ამდიდრებდა, თანამდებობებზე აწინაურებდა და ყველას, ვისაც დახმარება სჭირდებოდა, გულუხვად და ხალისით ასახუქრებდა. რაც შეეხება პომპეუსს, სულა აღფრთოვანებული იყო მისი მამაცური ხასიათით და თავის საქმეთა დიდ ბურჯად თვლიდა; ამიტომ თავგამოდებით ცდილობდა რაღაც არ უნდა დასჯდომოდა დაენათესაგებინა. ამ საქმეში სულას თავისი რჩევით დახმარებას უწევდა მისი მეუღლე მეტელა. და აი, მათ შეაგონეს პომპეუსს განშორებოდა ანტისტიას და ეთხოვა სულას გერი, მეტელასა და სკავრუსის ასული ემილია, თუმცა ამას უკვე ჰყავდა ქმარი და ფენიქსიძედაც იყო.

ამ ქორწინებას მეტად ტირანული ელფერი დაჰკარვდა და სულას ხანას უფრო შეეფერებოდა, ვიდრე პომპეუსის ხასიათს.

სხვის მიერ დაფეხმძიმებული ემილია პომპეუსს მიჰგვარეს, ანტისტია კი სამარცხვინოდ და საცოდავად სახლიდან გამოაძევეს, მიუხედავად იმისა, რომ მას ქმრის წყალობით სულ ახლახან ჰყავდა დაკარგული მამა. ანტისტიუსი მართლაც მოკლეს სენატში, ვინაიდან ეგონათ, რაღაი პომპეუსთან იყო დაახლოებული, იგი სულას ემხრობოდა. ანტისტიას დედამ ამ უბედურებათ ვერ გაუძლო და საკუთარი ხელით მოისწრაფა სიცოცხლე. ეს სამწუხარო შემთხვევა პომპეუსისა და ემილიას ტრაგიკულ ქორწინებაში უკანასკნელი არ ყოფი-

ლა; ფეიცავ ზევს, რომ სულ მალე პომპეუსის სახლში მშობიარობის
ქამს გარდაიცვალა ემილიაც¹².

10. სწორედ ამ დროს ამბავი მოიტანეს: პერპენა¹³ ფეხს იკიდებს
სიცილიაში და ამ კუნძულს მარიუსის პარტიის ნაშთებს თავშესაფ-
რად აძლევს; კარბონიც თავისი ფლოტით აქ იმყოფება, ხოლო დო-
მიციუსი¹⁴ ლიბიას მიადგა, სხვა მრავალი წარჩინებული ლტოლვი-
ლიც, ვინც კი პროსკრიპციებს გადაურჩა, აქვე იკრიბებაო.

პერპენას, კარბონისა და დომიციუსის წინააღმდეგ გაგზავნეს
პომპეუსი საკმაოდ დიდი ლაშქრით. პერპენამ მას მყისვე დაუცალა
სიცილია.

სიცილიის აოხრებულ ქალაქებს პომპეუსი დიდი ყურადღებით
მოეყიდა. იგი კაცთმოყვარული სათნოებით ეპყრობოდა ყველას,
მესენას¹⁵ მკვიდრ მამერტინთა გარდა. მამერტინები პომპეუსის
მართლმსაჯულებას არ სცნობდნენ და იმიზეზებდნენ რომაელთა
ძველ კანონს, რომლის თანახმად ისინი სხვის სამართალს არ უნდა
დაქვემდებარებოდნენ; „რომელ კანონებზე გველაპარაკებით იმ
ხალხს, — უთხრა მათ პომპეუსმა, — ვისაც წელზე მახვილი გვარ-
ტყიაო?“

არაადამიანური დაცინვა იყო პომპეუსის მოქცევაც ბედუჯულ-
მართ კარბონისადმი. თუკი დაკისრებული ჰქონდა კარბონის მოკლა,
რაც შესაძლოა ასეც იყო, მაშინ პომპეუსს ეს საქმე მისი შეპყრობის-
თანავე უნდა შეესრულებინა და პასუხისმგებლობაც იმას დააწებო-
და, ვინაც ასეთი ბრძანება გასცა¹⁶. მაგრამ პომპეუსმა სამგზის კონ-
სულად ნამყოფი რომაელი ვაჟკაცი ბორკილგაყრილი მოაყვანიდა და
აიძულა მისი სავარძლის წინ მდგარიყო. თვითონ კი იჯდა და ისე
აწარმოებდა დაკითხვას. ამ ამბავმა დამსწრეთა შორის დიდი შეშფო-
თება და გულისწყრომა გამოიწვია. ბოლოს, პომპეუსმა ბრძანება
გასცა კარბონი გაეყვანათ და მოეკლათ.

ამბობენ, როცა დასჯის ადგილზე მიყვანილმა კარბონმა უკვე
ამოწვდილი მახვილი დაინახა, ითხოვა მიეცათ მისთვის ადგილი და
მტირედენი დრო, რათა მუცელი გაეთავისუფლებინა.

კეისრის მეგობარი, გაიუს თბიუსი გადმოგვცემს: პომპეუსი ასე-
ვე შეუბრალებლად მოექცა კვინტუს ვალერიუსსაცო; მან იცოდა,
ვალერიუსი მეცნიერი და ყოველგვარ წვრილმანში ჩახედული კაცი
იყო, როცა იგი მასთან შეპყრობილი მიიყვანეს, მოჰკიდა ხელი, გა-

ისეირნა მასთან ერთად, გამოჰკითხა და გაიგო, რაც სჭირდებოდა, და მერმე ზელქვეითებს უბრძანა წაეყვანათ და მყისვე მოეკლათ. მაგრამ საქმე ისაა, რომ ოპიუსს ჩვენ მეტისმეტი სიფრთხილით უნდა მოვეყიდოთ, როცა იგი კეისრის მტრებსა თუ მეგობრებზე ლაპარაკობს. პომპეუსი იძულებული იყო დაესაჯა სულას ყველაზე უფრო დიდგვაროვანი და აშკარა მტრები, რომლებიც კი შეიპყრეს. დანარჩენ ლტოლვილებს, რამდენადაც შეეძლო, თვალს არიდებდა, ხოლო ზოგიერთებს თვითონ ეხმარებოდა გაქცევაში.

პომპეუსს გადაწყვეტილი ჰქონდა დაესაჯა ქალაქი ჰიმერა, რომელიც მტერს უჭერდა მხარს. დემაგოგმა სთენისმა პომპეუსს სიტყვის უფლება სთხოვა და თქვა: პომპეუსი არ მოიქცევა სამართლიანად, თუ დამნაშავეს გაუშვებს და უდანაშაულო ხალხს დასჯისო. პომპეუსმა ჰკითხა: ვის გულისხმობ დამნაშავედო? — ვისა და ჩემს თავსო, — უპასუხა სთენისმა, — მე სიტყვით დავითანხმე მოქალაქეთა შორის ჩემი მეგობრები ასეთ საქმეზე, მტრები კი ძალით დავიყოლიეო.

სთენისის ასეთმა ეფუტაცურმა მოქცევამ და დიდსულოვნებამ ფრიად გააოცა პომპეუსი. მან ჯერ სთენისს აპატია დანაშაული, მერმე კი ყველა დანარჩენს.

აქ პომპეუსმა გაიგო, რომ მისი ჯარისკაცები ლაშქრობის დროს უწყესოდ იქცეოდნენ. ამ მეომართა მახვილს მან ბეჭედი დაასვა და სასტიკად სჯიდა მას, ვინც ანაბეჭდს არ შეინახავდა.

11. ასეთ საქმეთა გამგებლობით იყო გართული პომპეუსი სიცილიაში, როცა სენატის დადგენილება და სულას წერილობითი ბრძანება მიიღო. მას ავალუბდნენ გადასულიყო ლიბიაში და მთელი ძალებით შებრძოლებოდა დომიციუსს. დომიციუსს შეკრებილი ჰყავდა მეტად მრავალრიცხოვანი ლაშქარი, იმაზე მეტი, ვინემ მარიუსს, რომელიც სულ მცირე ხნის წინ ლიბიიდან იტალიაში გადავიდა, ლტოლვილიდან ტირანად იქცა და რომის სახელმწიფოს დაეპატრონა.

პომპეუსმა ყველაფერი სწრაფად მოამზადა, სიცილიის მმართველად თავისი დის ქმარი მემიუსი დატოვა, თვითონ კი ას ოცი საბრძოლო და რვაასი საბარგო ხომალდით, რომელთაც თან სურსათი, იარაღი, ფული და საალყო მანქანები მიჰქონდა, ზღვაში გავიდა.

ის-ის იყო იგი ზომალდებით უტიკასა და კართაგენს¹⁷ მიაღება, რომ მის მხარეზე მტრის შვიდი ათასი მეომარი გადავიდა. საკუთრივ მას ლიბიაში ექვსი სარული ლეგიონი მიჰყავდა.

ამბობენ, პომპეუსს აქ ერთი სასაცილო ამბავი შეემთხვაო. მისი რომელიღაცა ჯარისკაცები უცბად თურმე განძს წააწყდნენ და დიდი ქონება იშოვეს. გამოაშკარავდა თუ არა ეს ამბავი, დანარჩენმა მეომრებმა იფიქრეს: ეს ადგილი ალბათ კართაგენელების მიერ უბედურებათა უამს ჩამარბული განძეულობით არის სავსეო. ასე რომ პომპეუსმა კარგა ხანს ვეღარ შეძლო თავის ჯარისკაცთა მომსახურეობით ესარგებლა. ისინი რამდენიმე დღის განმავლობაში განძთა ძიებით იყვნენ გართულნი. პომპეუსი სიცილით მიმოდითა მეომრებში და უყურებდა, თუ როგორ თხრიდა და აბრუნებდა ერთდროულად მიწას ათიათასობით კაცი. ბოლოს და ბოლოს დაქანცულმა და იმედაგაცრუებულმა განძის მაძიებლებმა პომპეუსს მიმართეს: სადაც გინდა წაგვიყვანე, ჩვენ ჩვენი სიბრძოვისათვის საკმაო სასჯელი მივიღეთო.

12. დომიციუსს თავისი მხედრობა საბრძოლოდ ჰყავდა დაწყობილი ძნელად გადასავალ ხრამის გადაღმა. გარიჟრაჟზე კოკისპირული წვიმა მოვიდა და საშინელი ქარი ამოვარდა. ამის გამო იმ დღეს დომიციუსმა ბრძოლაზე ხელი აიღო და ბრძინება გასცა უკან დახეულიყვნენ. პომპეუსმა მარჯვე შემთხვევით ისარგებლა, სწრაფად წავიდა წინ და ხრამზე გადავიდა. შემფოთებულმა მტერმა დაქსაქსულად და უწყსრივოდ დაიწყო თავდაცვა. თანაც ქარმა მიმართულება შეიცვალა; წვიმა დომიციუსის მეომრებს პირდაპირ სახეში სცემდა. ქარიშხალი ხელს უშლიდა რომაელებსაც. ისინი ერთმანეთს კარგად ვეღარ ხედავდნენ. თვით პომპეუსიც კი ჩაეხარდა განსაცდელში იმით, რომ ვერ იცნეს. ერთი მეომრის შეკითხვაზე პირობითი ნიშნის მიცემა ოდნავ დააგვიანა და კინალამ მოკლეს. ასე იყო თუ ისე, რომაელებმა მოწინააღმდეგე უკუაქციეს დიდი ზარალით (ამბობენ, მტრის ოცი ათასი მეომარიდან მხოლოდ სამი ათასილა გადარჩაო) და პომპეუსი იმპერატორად აღიარეს. პომპეუსმა მათ უთხრა: მე ამ პატივს არ მივიღებ, სანამ მტრის ბანაკი თავის ადგილზე იქნება; თუ თქვენ იმპერატორის სახელის ღირსად მცნობთ, ჯერ მტრის ბანაკი უნდა აიღოთო¹⁸. რომაელები მყისვე დაიძრნენ დომიციუსის ბანაკისაკენ. პომპეუსი აქ უმუხარადოდ იბრძოდა, რამეთუ თავი კვლავ განსაც-

დელში არ ჩაეგდო. ბოლოს ბანაკი აიღეს და დომიციუსიც მოკლეს. ზოგიერთი ქალაქი მაშინვე დანებდა რომაელებს, ზოგი კი იერო- შით აიღეს. პომპეუსმა ტყვედ ჩაიგდო აქ დომიციუსის მოკავშირე მეფე იარფა და მისი სამეფო იამფსას გადასცა¹⁹.

ბედისა და მხედრობის მამაცობის იმედით პომპეუსი ნუმიდიში შეიჭრა. მრავალი დღე დაჰყო მან გზაში და დიდი მანძილიც განვლო ამ ქვეყანაში, იმორჩილებდა ყველაფერს, რაც კი წინ ჰვდებოდა. მან კვლავ დაუბრუნა ძველი ძალა და მრისხანება რომაელთა წინაშე ბარბაროსთა მიმკრალ შიშს და თქვა, ლიბიის მკვიდრი ნადირიც კი არ უნდა დარჩეს ისეთი, რომაელთა ძალასა და მამაცობას არ სცნობ- დესო. სწორედ ამის გამო რამდენიმე დღე პომპეუსმა ლომებსა და სპილოებზე ნადირობაში გაატარა.

როგორც ამბობენ, მან სულ რაღაც ორმოცი დღის მანძილზე და- ამარცხა მტერი, დაიპყრო ლიბია და აქაურ მეფეთა საქმენი მოაწეს- რიგა. იგი მაშინ თავისი ცხოვრების მხოლოდ ოცდამეოთხე წელი- წადში იყო გადამდგარი²⁰.

13. დაბრუნდა თუ არა უტიკაში. პომპეუსს სულას წერილი მი- ართვეს. სულა ბრძანებას აძლევდა მთელი თავისი ლაშქარი დაეშალა და თვითონ მხოლოდ ერთი ლეგიონით მის შემცვლელ სარდალს და- ლოდებოდა. პომპეუსი ამ ამბავს დიდი უკმაყოფილებით შეხვდა, მაგრამ წყენას ოდნავადაც არ ამჟღავნებდა და დარდს ჩუმად იკლავ- და გულში. რაც შეეხება მხედრობას, იგი თავის რისხვას არ მალავ- და. როცა პომპეუსმა მეომრებს სთხოვა დაშლილიყვნენ და წასუ- ლიყვნენ, მათ სულას ლანძღვა-გინება დაუწყეს, პომპეუსს კი უთხ- რეს: შენ არავითარ შემთხვევაში არ მიგატოვებთ და გირჩევთ, ტი- რანს ნუ მიენდობიო.

პომპეუსი პირველად ბევრი ეცადა ტკბილი სიტყვით დაეშოშმა- ნებინა და დაეჯერებინა მეომრები, მაგრამ რაკი ვერაფერს გახდა, ტრიბუნიდან ჩამოვიდა და ცრემლმორეული თავის კარვიაკენ გაემარ- თა. ჯარისკაცებმა იგი უკან დააბრუნეს და ისევ ტრიბუნაზე შეაყუ- ნეს. მთელი ის დღე თათქმის იმაში დაიხარჯა, რომ მეომრები პომპე- უსს ემუდარებოდნენ მათთან დარჩენილიყო და ეწინააღმდეგებოდნენ, იგი კი თავის მხრივ ეხვეწებოდა შფოთისათვის თავი დაენებებინათ. ბო- ლოს, რაკილა მეომრები ყვირილით კვლავ თავისას მოითხოვდნენ, პომპეუსმა დაიფიცა, რომ საკუთარი ხელით მოიკლავდა თავს, თუ

ძალადობას არ შესწყვეტდნენ. როგორც იქნა, ამ ხერხმა გასჭრა და ჯარისკაცები დამშვიდდნენ.

მიუხედავად ასეთი მორჩილებისა, სულას პირველად მაინც ისეთი ცნობა მიუვიდა, სადაც ნათქვამი იყო, პომპეუსი სამტროდ გადავიდგო. მაშინ სულამ თავის მეგობრებს ასე უთხრა თურმე: როგორც ჩანს, ჩემი ბედი ყოფილა ამ სიბერეში ლაწირაკებთან შებნაო. მართლაც, ჯერ კიდევ სულ ახალგაზრდა მარიუსმა შეუქმნა მას ფრიად მრავალი დაბრკოლება და უკიდურეს განსაცდელამდეც კი მიიყვანა.

როცა სულამ სიმართლე გაიგო და დაინახა, რომაელები ყველანი მზად იყვნენ სიყვარულით მიეღოთ პომპეუსი და მხარი დაემშვენებინათ მისთვის, მანაც გამოიღო თავი და სცადა ყველაზე დიდი პატივისმცემელი პომპეუსისა თვითონ ყოფილიყო. იგი ქალაქგარეთ შეეგება მას, როგორც კი შეეძლო, გულთბილად მიესალმა, ხმამაღლა მაგნუსი²¹ დაუძახა და იქ მყოფთაც უბრძანა, ამიერიდან ასე მიემართათ ხოლმე პომპეუსისათვის. სხვები კი ამბობენ, ეს წოდება ჯერ კიდევ ლიბიაში მიენიჭა პომპეუსს მთელი მხედრობის ერთსულოვანი შეძახილით, ხოლო ძალა და უფლებამოსილება ამ საპატიო სახელისა მერმე სულას წყალობით განმტკიცდაო. რაც შეეხება პომპეუსს, მან ყველაზე ბოლოს უწოდა თავის თავს ეს სახელი. მართლაც, საკმაოდ დიდი ხნის შემდეგ, როცა იგი სერტორიუსის წინააღმდეგ ესპანეთში მიაგლინეს, თავის წერილებსა და ბრძანებებს მაშინდა დაუწყო ხელმოწერა პომპეუს დიდის სახელით, ვინაიდან მის ამ წოდებას ისე მიეჩვივნენ, რომ იგი უკვე შურს აღარ იწვევდა. აი სწორედ ამიტომაც სრულიად ბუნებრივია, თუ კაცი აღტაცებული და განცვიფრებულია ძველი რომაელებით. ისინი ასეთი საპატიო წოდებებითა და სახელებით ამკობდნენ არა მარტო საომარ საქმეებში გამარჯვებულთ, არამედ სახელმწიფო საქმეთა მართვაში დამსახურებულ და სიქველთ გამორჩეულ პირებსაც. ასე, მაგალითად, რომაელმა ხალხმა ორ ვაჟკაცს თავის დროზე მაქსიმუსი უწოდა, რაიც უდიდესს ნიშნავს. ერთი მათგანი იყო ვალერიუსი, რომელსაც ეს წოდება მიენიჭა იმიტომ, რომ სენატი და ხალხი ერთმანეთს შეარიგა; მეორე იყო ფაბიუს რულუსი²²; ამან მაქსიმუსის სახელი იმით დაიმსახურა, რომ გააზატებულ პირთა ზოგიერთი შვილი, რომლებიც სიმდიდრის წყალობით სენატში შეძვრნენ, იქიდან განდევნა.

14. მალე ამის შემდეგ პომპეუსმა ტრიუმფი მოითხოვა. სულა უარს ამბობდა: ამის უფლებას კანონი კონსულს ან პრეტორს აძლევს მხოლოდ და სხვას არავისო; დიდი და ძლევამოსილი ბრძოლების შემდეგ ესპანეთში კართაგენელებზე გამარჯვებულ სციპიონ უფროსსაც კი არ მოუთხოვია ტრიუმფი სწორედ იმიტომ, რომ იგი არც კონსული იყო და არც პრეტორიო; თუ ჯერ კიდევ უწევრულვასო პომპეუსი, რომელიც თავისი ასაკის გამო სენატის წევრი არ არის²³, ქალაქში ტრიუმფით შემოვიდა, ეს საყოველთაო ზიზღს გამოიწვევს, როგორც ჩემი მმართველობის, ისე პომპეუსის მიმართაც.

ამ სიტყვებით სულა პომპეუსს იმას ეუბნებოდა, რომ ტრიუმფის უფლებას არ მისცემდა, ხოლო თუ გაჯიუტდებოდა, წინაუღედებოდა და მის პატივმოყვარეობას ლაგამს ამოსდებდა. პომპეუსი არ შემდრკალა. მან სულას რჩევა მისცა შეეგნო, რომ ამომავალ მზეს უფრო მეტი ხალხი სცემს თაყვანს, ვიდრე ჩამავალს. ამით პომპეუსი სულას ამცნობდა: ჩემი ძალა იზრდება, შენი კი მცირდება და ქრებაო. ეს სიტყვები სულამ კარგად ვერ გაიგონა, მაგრამ რა დაინახა, ამის გამგონთ სახეზე და მოძრაობაშიც განცვიფრება გამოეხატათ, იკითხა: რაო, რა თქვა მაგანო? როცა ნათქვამი შეიტყო, პომპეუსის გამბედაობით გაოცდა და ორჯერ ზედიზედ დაიძახა: დაე, გადაიხადოს ტრიუმფიო!

ბევრი იყვნენ ისეთები, რომელნიც ამის გამო თავის უკმაყოფილებასა და გულისწყრომას ამჟღავნებდნენ. პომპეუსს, როგორც ამბობენ, უნდოდა კიდევ უფრო მეტად გაეღიზიანებინა ისინი და გადაწყვიტა ქალაქში შესულიყო ეტლით, რომელშიც ოთხი სპილო იქნებოდა შებმული (მან, სხვათა შორის, ლიბიიდან ჩამოიყვანა მრავალი სპილო, რომლებიც იქაურ მეფეებს წაართვა); მაგრამ რაკილა კარიბჭე მეტისმეტად ვიწრო აღმოჩნდა, პომპეუსმა თავის განზრახვაზე ხელი აიღო და ქალაქში ცხენებით შევიდა. მისმა ჯარისკაცებმა, ვინაიდან ვერ მიიღეს იმდენი ჯილდო, რამდენსაც მოელოდნენ, გადაწყვიტეს შფოთი და აურზაური აეტეხათ. ეგ ამბავი სრულებითაც არ მაწუხებს, — განაცხადა პომპეუსმა. — მირჩევნია ტრიუმფზე ავიღო ხელი, ვიდრე ჯარისკაცებს ლაქუცი დავეწყო. მაშინ თვით სერგილიუსმა, ფრიად წარჩინებულმა კაცმა, რომელიც ყველაზე უფრო მეტად იყო პომპეუსის ტრიუმფის წინააღმდეგი, თქვა: აი, ახ-

ლა კი ვხედავ, პომპეუსი რომ ჭეშმარიტად დიდი და მართლა ტრიუმფის ღირსი კაცი გახლავთო.

სავსებით ცხადია, პომპეუსი, თუკი მოინდომებდა, სულ ადვილად მიიღებდა მაშინ სენატორის წოდებას. მაგრამ, როგორც ამბობენ, ის ამას არ ცდილობდა; მას სურდა სახელი და დიდება რაღაც არაჩვეულებრივი გზით მოეპოვებინა. სრულებითაც არ იქნებოდა საკვირველი, პომპეუსი რომ დადგენილი ასაკის მიღწევამდე სენატორი გამხდარიყო. მაგრამ ყველაზე უფრო ბრწყინვალე პატივი მისთვის სწორედ ის გახლდათ, რომ ტრიუმფს სენატში მონაწილეობის გარეშე იხდიდა. ამ ამბავმა მცირე დახმარება როდი გაუწია ხალხის გული მოეგო. რომაელი ხალხი აღტაცებული იყო იმით, რომ ტრიუმფის შემდეგ პომპეუსი მხედართა რიგებში დარჩა²¹.

15. სულა ხედავდა, თუ რა დიდ სახელსა და ძლიერებას აღწევდა პომპეუსი და საკმაოდაც წუხდა, მაგრამ რცხვენოდა ხელი შეეშალა მისთვის და თავს იკავებდა. ერთხელ პომპეუსი სულას სურვილის წინააღმდეგ არჩევნებში დაეხმარა ლეპიდუსს; მან იგი კონსულად წამოაყენა და სასურველი მიზნის მისაღწევად თავისი გავლენით რომაელი ხალხის კეთილგანწყობილება მოუპოვა. როცა სულამ არჩევნების შემდეგ ფორუმიდან მომავალი, ამალით გარშემორტყმული პომპეუსი დაინახა, უთხრა: „ყმაწვილო, ვხედავ, ხარობ გამაძრვებით, თუმცა განა კეთილშობილი და დიდებული საქმე არაა შენი მხრივ ხალხის ისე განწყობა, რომ შესანიშნავი ვაჟკაცის კატულუსის უწინარეს კონსულად არამზადაზე არამზადა ლეპიდუსი აარჩევიან?“²⁵ მაგრამ იცოდნენ, ფხიზლად იყავი; შენ ისეთი მტერი გაუჩინე საკუთარ თავს, რომელიც შენზე უფრო ძლიერიაო!“

თავის გულისწყრომა პომპეუსის მიმართ სულამ ყველაზე მეტად მაინც საკუთარი ხელით დაწერილ ანდერძში გამოამჟღავნა. მან თითქმის ყველა თავის მეგობარს საჩუქარი დაუტოვა და ზოგიერთი მათგანი შვილის მეურვედაც კი დანიშნა, პომპეუსს კი სრულიად აუარა გვერდი. პომპეუსმა ეს ამბავი ფრიად აუღელვებლად, სახელმწიფო მოღვაწისათვის დამახასიათებელი სიმშვიდით გადაიტანა. ის კი არა, როცა ლეპიდუსი და ზოგიერთი სხვაც წინააღმდეგნაირად სულას ცხედრის დაფლვას მარსის ველზე და საერთოდ მის საზღვრებში დაკრძალვას, პომპეუსმა თავი გამოიღო და ისე მოაგვარა საქმე, რომ სულ-

ლას გვამი ყოველგვარ შეურაცხყოფას აპირდა და შესაფერი პატი-
ვით მიაბარა მიწას.

16. მოკვდა თუ არა სულა, მისი წინასწარმეტყველება მაშინვე
ახდა. ლეპიდუსმა ყოველგვარი ფარული ხრიკების გარეშე დაიწყო
ცდა სულას ძალუფლების ხელთ ჩასაგდებად. მან მყისვე აისხა ია-
რალი, მარბუსის კარგა ხნის წინათ დაუძლურებული პარტიის ნაშ-
თები, სულას რომ გადაურჩა, შეკრიბა და თავის გარშემო შემოიმ-
ტკიცა. სენატისა და ხალხის უმწიკვლო, ჯანსაღი ნაწილი იმედს ლე-
პიდუსის თანაკონსულ კატულუსზე ამყარებდა. კატულუსი კეთილ-
გონიერულობისა და სამართლიანობის წყალობით იმდენად სახელ-
მწიფე პირი იყო მაშინ, რომ ყველა რომაელისაგან გამოირჩეო-
და; მაგრამ, როგორც ჩანს, იგი პოლიტიკურ მეთაურად უფრო იყო
გამოსადეგი, ვიდრე საომარ საქმეთა გამგებლად. ასე რომ ამბავთა
მსვლელობა წინამძღოლად პომპეუსს მოითხოვდა. პომპეუსს დიდ-
ხანს არ დასჭირვებია ყოყმანი, თუ ვის მხარეზე დამდგარიყო. იგი
მყისვე მიემხრო წარჩინებულთა ფენას და დაინიშნა ლეპიდუსის წი-
ნაღმდეგ მიმართულ ლაშქრის სარდლად. ლეპიდუსს ამ დროს იტა-
ლიის მოსახლეობის უდიდესი ნაწილი ფეხზე ჰყავდა უკვე დაყენე-
ბული და ბრუტუსის²⁶ მხედრობის დახმარებით დაკავებული ჰქონდა
ალპებს. ამიერ გალიაც.

სადაც კი მივიდა პომპეუსი, ყველგან უმაღლესი გატეხა მტრის წინა-
აღმდეგობა, მაგრამ საკმაოდ დიდხანს მოუხდა შეჩერება გალიის ქა-
ლაქ მუტინასთან, სადაც ბრუტუსი იდგა.

სწორედ ამ დროს რომისაკენ გაემშურა ლეპიდუსი და ქალაქის
კედლებთან დაბანაკდა. იგი ქალაქში მყოფ რომაელებს თავისი უზარ-
მაზარი მხედრობით აშინებდა და ხელმეორედ კონსულობას მოი-
თხოვდა.

ამ შიშისაგან ხალხი იხსნა პომპეუსის მიერ გამოგზავნილმა წე-
რილმა. იგი იტყობინებოდა: ბრძოლის გარეშე დავამთავრე ომიო.
მართლაც, ბრუტუსმა ან თვითონ ჩააბარა პომპეუსს თავისი ლაშქა-
რი, ან ჯარმა უღალატა და გასცა წინამძღოლი. ასე იყო თუ ისე,
ბრუტუსი პომპეუსს დანებდა. ამის შემდეგ იგი რამდენიმე ცხენოს-
ნის თანხლებით პადუსის ნაპირად მდებარე პატარა ქალაქში ჩავიდა.
ერთი დღის შემდეგ პომპეუსმა ამ ქალაქში გაგზავნა გემინიუსი და
ბრუტუსი მოაკვლევინა. ასეთი საქციელის გამო ფრიალ მრავალი სა-

ყვედური მიიღო. ჯერ, როცა მტრის მხედრობა მის მხარეზე გადავიდა, პომპეუსმა სენატს მაშინვე მისწერა, ბრუტუსი თავისი ნებით დამემორჩილაო. მცირე ხნის შემდეგ სენატისადმი გაგზავნილ წერილებში კი ბრალს სდებდა ურჩობაში მის მიერ მოკლულ კაცს.

აი ამ ბრუტუსის შვილი იყო ის ბრუტუსი, რომელმაც კასიუსთან ერთად კეისარი მოკლა. იგი არც თავისი საომარი საქმეებით და არც თავისი სიკვდილით ჰგავდა მამას, როგორც ეს უკვე ნათელვყავით მის ცხოვრების აღწერაში²⁷.

იტალიიდან უკუგდებულმა ლეპიდუსმა თავი სარდინიას შეაფარა. მაგრამ სულ მალე ავიდა გახდა და დარდისაგან მოკვდა. მისი დარდის მიზეზი საქმის წაგება როდი იყო, როგორც ზოგიერთი ამბობს, არამედ ის, რომ შემთხვევით წააწყდა ერთ პატარა ბარათს, საიდანაც ცოლის მრუშობის ამბავი შეიტყო.

17. მხედართმთავარ სერტორიუსს, რომელიც არაფრით არ ჰგავდა ლეპიდუსს, იმხანად დამორჩილებული ჰყავდა ესპანეთი და რომაელებს შიშის ზარს სცემდა. თითქოს უკანასკნელი კერაო, მასთან მოეყარა თავი სამოქალაქო ომებით გამოწვეულ სნებათაგან დარჩენილ ნაშთებს. სერტორიუსს უკვე მოესწრო მრავალი უნიჭო სარდლის განადგურება და ახლა ბრძოლას ეწეოდა ბრწყინვალე და სახელმოხვეჭილ მეომარ მეტელუს პიუსის წინააღმდეგ. ეს მეტელუსი, როგორც ჩანდა, სიბერის გამო ფრიად ზანტად იყენებდა იმ ხელსაყრელ შემთხვევებს, რომელსაც ომი აძლევდა, და ამიტომ უპირატესობა საქმეთა მსვლელობაში თავისი მოქნილობისა და სწრაფი მოქმედების წყალობით სერტორიუსს რჩებოდა. იგი უტიფრად, ყაჩაღურად ესხმოდა თავს მეტელუსს და საფრიდან გამოხდომებითა და თარეშებით მოსვენებას არ აძლევდა ამ კაცს, რომელიც ნაჩევრი იყო ომების წესისა და რიგის მიხედვით წარმოებასა და რომელიც მძიმედ შეიარაღებულ, დინჯად მომქმედ მხედრობას წინამძღოლობდა.

ამიტომაც პომპეუსი, რომელსაც ჯარი თავის განკარგულებაში ჰყავდა, ყოველნაირად ცდილობდა მეტელუსის დამხმარედ გაეგზავნათ. მიუხედავად კატულუსის ბრძანებისა, მან მხედრობა არ დაშალა; პირიქით, განუწყვეტლივ იგონებდა სხვადასხვა საბაბს და იარაღისხმული ქალაქის გარშემო იდგა, სანამ ლუციუს ფილიპეს წინა-

დადებით სერტორიუსის წინააღმდეგ გამართულ ომში უფროსობა არ უბოძეს. როგორც ამბობენ, მაშინ გაკვირვებით იკითხა ვილაცამ თუ რამე სენატში: „ნუთუ აუცილებელ პირობად მიიჩნია ფილიპეს პომპეუსი პროკონსულად იქნეს გაგზავნილი ესპანეთში?“ პროკონსულად კი არა, კონსულების შემცვლელადო, — უბასუხა მას ფილიპემ, რომელიც ამ სიტყვებით იმას გულისხმობდა, რომ დღევანდელ კონსულთაგან არც ერთს არა აქვს ფასიო²⁸.

18. ჩავიდა თუ არა პომპეუსი ესპანეთში, როგორც ეს ახალი სახელოვანი სარდლის დანიშვნისას ხდება ხოლმე ჩვეულებრივ, ხალხი იმედებით აღავსო. ის ტომები, რომლებიც სერტორიუსს მთლიანად არ უჭერდნენ მხარს, ამოძრავდნენ და პირი პომპეუსისაკენ იბრუნეს. სერტორიუსი აბუჩად იხსენიებდა პომპეუსს და მასხრობით ამბობდა: „ჯოხითა და მათრახით გავუსწორდებოდი ამ ლაწირაკს, იმ ბებრუხანასი არ მეშინოდესო!“ „ბებრუხანაში“ სერტორიუსი მეტელუსს გულისხმობდა.

ასეთი ქედმაღლობის მიუხედავად, სერტორიუსი საქმით ფრიად ფრთხილად იქცეოდა; მას ეშინოდა პომპეუსისა და საომარ მოქმედებებს დიდი წინადახედულობით ხელმძღვანელობდა.

რაც შეეხება მეტელუსს, წინააღმდეგ ყოველგვარი მოლოდინისა, იგი ნებიერსა და განცხრომით ცხოვრებას მიეცა. ამ კაცში უცარი და დიდი გარდატეხა მოხდა, იგი ამპარტავანი გახდა და ფუფუნებით საკენ მიისწრაფოდა. ამ გარემოებამ უკვე მოხვეჭილ სახელთან ერთად უფრო მეტი პატივი მოუბოვა პომპეუსს. პომპეუსი მუდამ ცდილობდა უბრალოდ და სადად ეცხოვრა. ამ მხრივ თავის შეკავება სრულიადაც არ სჭირდებოდა; იგი ბუნებით მოკრძალებული კაცი იყო და ქვენა ვნებებს როდი ჰყვებოდა.

სერტორიუსთან ომი მეტად ცვალებადი უპირატესობით მიმდინარეობდა. ყველაზე დიდი წყენა პომპეუსს სერტორიუსის მიერ ლავრონის აღება მიაყენა. მისი ფიქრით, მას ალყა ჰქონდა შემორტყმული სერტორიუსისათვის და კიდევაც იკვებნიდა ამას; მაგრამ ანაზღეულად თვითონ აღმოჩნდა გარემოცული. ამის გამო იდგილიდან დაძვრა ველარ გაბედა და მოწმესავით უყურებდა, თუ როგორ იფერფლებოდა მის თვალწინ ქალაქი. თუმცაღა მაინც მოახერხა გაენადგურებინა გამოჩენილი მხედართმთავრები — პერენიუსი და პერპენა, რომლებიც სერტორიუსის მხარეზე გადავიდნენ და მის სარდლებად

ითვლებოდნენ. პომპეუსმა ისინი ვალენტისთან დაამარცხა და ათი ათასზე მეტი კაცი მოუკლა²⁹.

19. ამ წარმატებით გამხსნელებული პომპეუსი მეტად გადიდგულდა. პოდა, რაც შეიძლება სწრაფად დაიძრა თვითონ სერტორიუსის წინააღმდეგ, რათა მეტელუსს გამარჯვებაში წილი არა ჰრეგებოდა.

დღე უკვე მიწურული იყო, როცა ორი მხედრობა ერთმანეთს ეკვეთა მდინარე სუკრონთან. მეტელუსის მოსვლის ორივე მხარეს ეშინოდა: პომპეუსს იმიტომ, რომ სურდა მარტოდმარტო ებრძოლა, სერტორიუსს კი უნდოდა მხოლოდ ერთს გასწორებოდა. შეტაკების დასრულებამ ბრძოლის ბედი საბოლოოდ ვერ გადაწყვიტა. საქმე ის იყო, რომ ორივე მეომარი მხრიდან თითო-თითო ფრთამ ერთიმეორეზე გაიმარჯვა. მხედართმთავართაგან კი უპირატესობა მაინც სერტორიუსმა მოიპოვა. მან განდევნა მის წინააღმდეგ განლაგებული მტრის მეომრები.

ცხენზე ამხედრებულ პომპეუსს თავს დაესხა მტრის ერთი გოლიათური აღნაგობის ქვეითი მეომარი. ისინი ერთმანეთს ეკვეთნენ, ხელჩართულ ბრძოლაში ჩაებნენ და ერთმანეთს ხელებზე მახვილები დასცხეს, მაგრამ სხვადასხვაგვარი ძალით; პომპეუსი დაიჭრა მხოლოდ; სამაგიეროდ თავდამსხმელს ხელი მოჰკვეთა. რომაელებმა უკან დახევა უკვე დაიწყეს, როცა პომპეუსისაკენ მტრის მრავალი მეომარი გამოეჭანა. წინააღმდეგ ყოველგვარი მოლოდინისა იგი საფრთხეს გაექცა, ოღონდ ოქროთი დარაბტული და ძვირფასი აკანმულობით მორთული ცხენი მტერს შეატოვა. სერტორიუსის ჯარისკაცები ნადავლის გაყოფას შეუდგნენ, ერთმანეთს დაერივნენ და ამით პომპეუსს გაქცევის საშუალება მისცეს.

გარიყრაუზე ორივე მხედართმთავარმა საბოლოო გამარჯვების მისაღწევად ჯარი კვლავ საბრძოლოდ დააწყო. მაგრამ ამ დროს მოახლოვდა მეტელუსი და სერტორიუსმა დაფანტული მხედრობით უკან დაიხია. მაგრამ მისი მხედრობა ისე იყო მიწვეული გაფანტვასა და მერმე ისევ სწრაფად დაწყობას, რომ სერტორიუსი ხან მარტო დახეტიალობდა, ხან კი უეცრად მოვარდნილი ნიაღვარივით კვლავ ას ორმოცდაათი ათასი კაცისაგან შემდგარი ლაშქრის თავში გამოჩნდებოდა.

ბრძოლის დამთავრების შემდეგ პომპეუსი მეტელუსის შესახვედრად გაეშურა. როცა მიუახლოვდა, თავის ლიქტორებს ბრძანება მის-

ცა წყებლის კონები დაეხარათ, რათა ამით თავიანთი ეცა მასზე უფრო გამოჩენილი კაცისათვის. მეტელუსი, მიუხედავად იმისა, რომ კონსულად ნამყოფი პირი და უფროსი კაცი იყო, განსაკუთრებულ ღირსებას როდი იჩემებდა და ამ პატივსაც წინ აღუდგა. მას პომპეუსთან თავი სხვა შემთხვევაშიაც მეგობრულად ეჭირა. ერთადერთი უპირატესობა, რითაც იგი სარგებლობდა, მხოლოდ ის იყო, როცა ორივე მხედრობა შემთხვევით ერთად დაბანაკდებოდა, სამხედრო ნიშანს მთელ ლაშქარს მისი მხარე აძლევდა. მაგრამ უმრავლეს შემთხვევაში მეტელუსი და პომპეუსი ცალ-ცალკე ბანაკდებოდნენ. ვერაფერი მტერი, რომელიც დახელოვნებული იყო სხვადასხვა ადგილას ანაზღიერულ გამოჩენასა და ბრძოლის ერთი ადგილიდან მეორეზე გადატანაში, მოწინააღმდეგე მხედართმთავართა ლაშქარს შუაზე კვეთდა და ერთმანეთს აშორებდა.

ბოლოს და ბოლოს სერტორიუსმა, როცა მტერს სურსათის მისაზიდი გზა გადაუჭრა, იქაური მხარე ააოხრა და ზღვაზე მბრძანებლობა მოიპოვა, მეტელუსი და პომპეუსი მის მიერ დამორჩილებული ესპანეთის ნაწილიდან განდევნა და აიძულა სურსათის ნაკლებობის გამო სხვა პროვინციებში შეეფარებინათ თავი⁸⁰.

20. ამ ომში პომპეუსმა თავისი ქონების უდიდესი ნაწილი დახარჯა. ამიტომ სენატისაგან ფულს მოითხოვდა და თან იმუქრებოდა, თუ ფულს არ გაუგზავნიდნენ, მთელი მხედრობით იტალიაში დაბრუნდებოდა.

პომპეუსის პირადმა მტერმა ლუკულუსმა, რომელიც მაშინ კონსულად იყო და მითრიდატესთან ომში წინამძღოლობის მოპოვებას ცდილობდა, პომპეუსისათვის ფულის გავზავნა დააჩქარა. ეშინოდა, პომპეუსს, რომელიც ისედაც მოწადინებული იყო ამას, არ მისცემოდა საბაბი სერტორიუსისათვის თავი დაენებებინა და მითრიდატეს წინააღმდეგ დაძრულიყო. ლუკულუსის აზრით, პომპეუსს ეს ბრწყინვალე სახელს მოუხვეჭდა, მით უფრო რომ მტერი ადვილად დასაძლევად ჩანდა.

სწორედ ამ ხანებში საკუთარმა მეგობრებმა ვერაგულად მოკლეს სერტორიუსი. შეთქმულთა შორის ყველაზე მთავარი პერპენა ცდილობდა შეეცვალა იგი და მის მსგავსად ემოქმედა. მართალია, ხელთ ისეთივე ძალები და სახსრები ეპყრა, მაგრამ ამ საშუალებათა გამოყენებისათვის სერტორიუსისებური უნარი როდი გააჩნდა.

პომპეუსი მყისვე დაიძრა მის წინააღმდეგ და როგორც კი შეიძლო, პერპენა დაბნეულად მოქმედებდეს, მტერს მოსატყუებლად დაუპირისპირა ათი კოჰორტი, რომელთაც ბრძანება მისცა პირველ იერიშისთანავე უწყსრიგოდ დაფანტულიყვნენ ბრძოლის ველზე.

პერპენა ის-ის იყო თავს დაესხა ამ კოჰორტებს და მტერს დაედევნა, რომ უცებ მთელი თავისი მხედრობით პომპეუსი გამოჩნდა. მან მოწინააღმდეგეს ხელჩართული ბრძოლა გაუმართა და გადამწყვეტი გამარჯვება მოიპოვა.

ამ ბრძოლაში მტრის სარდალთა უდიდესი ნაწილი დაიღუპა. პერპენა დატყვევებული მიჰგვარეს პომპეუსს. მან იგი სიკვდილით დაასჯევინა. პომპეუსი ასე იმიტომ კი არ მოიქცა, რომ პერპენას მიმართ მადლიერების გრძნობა არ გააჩნდა და დაივიწყა სიცილიაში მომხდარი ამბების დროს მის მიერ გაწეული სამსახური, როგორც ზოგიერთი ამბობს, არამედ იმიტომ, რომ სახელმწიფოს ხსნის განზრახვით გონივრულად მოქმედებდა. საქმე ის იყო, რომ პერპენა დაეპატრონა სერტორიუსის საბუთებს. მან აჩვენა პომპეუსს რომში ფრიალ დიდი გავლენის მქონე პირთა წერილები, რომელთაც სურდათ რა შფოთის ატეხა და არსებული მმართველობის შეცვლა, სერტორიუსს იტალიაში ეპატიყდებოდნენ.

პომპეუსს შეეშინდა, ამ ამბავს ახლახან დამთავრებულ ომზე უფრო დიდი ომი არ გამოეწვია და ამიტომ პერპენა მოაკვდინა, ხოლო წერილები კი არც წაუყითხავს, ისე დაწვა.

21. ზემოაღნიშნულ საქმეთა მოგვარების შემდეგ პომპეუსი კიდევ დარჩა ესპანეთში იმდენ ხანს, რამდენიც საჭირო იყო ყველაზე უფრო დიდ ამბოხებათა ჩასაქრობად და ქვეყნის ყველაზე უფრო მღელვარე საკითხთა მოსაწყსრიგებლად.

ამის შემდეგ მან თავისი მხედრობა იტალიისაკენ დაძრა, სადაც სწორედ იმ დროს მონათა ომი მთელი ჰიმმლავრით მძვინვარებდა. აი, ამის გამო იყო, რომ მთავარსარდალმა კრასუსმა იქპარა და გაბედული ბრძოლა გააჩაღა ამბოხებულ მონებთან. მან მართლაც გაიმარჯვა და მტერს თორმეტი ათას სამასი კაცი მოუკლათ³¹.

კრასუსის სწრაფი და მამაცური მოქმედების მიუხედავად ბედმა ერთგვარად ამ გამარჯვებაშიც არგუნა წილი პომპეუსს. მას ხელთ ჩაუვარდა ბრძოლიდან გამოქცეული ზუთი ათასი მონა. ამოუღიბა რა სულ ერთიანად ეს მონები, პომპეუსმა დაასწრო კრასუსს და სე-

ნატს მისწერა: კრასუსმა გლადიატორები დაამარცხა ველზე გამართულ ბრძოლაში, ხოლო მე, პომპეუსმა, საესეებით აღმოვფხვერი ამ იმის ფესვებში. პომპეუსისადმი კეთილგანწყობილი რომაელები ამ სიტყვებს დიდი ხალისით ისმენდნენ და იმეორებდნენ. რაც შეეხება ესპანეთსა და სერტორიუსზე გამარჯვებას, ხუმრობითაც კი არ უთქვამს ვისმე, მთელი ეს საქმე სხვას ეკუთვნის და არა პომპეუსსო.

ამდენ პატივსა და ამდენ დამყარებულ იმედს თან ერთგვარი ეჭვიცა და შიშიც ერთვოდა პომპეუსისადმი. ხალხს ეშინოდა, რომ პომპეუსი ჯარს არ დაშლიდა და სულას მაგალითისამებრ იარაღის ძალით ერთმმართველობას მოინდომებდა. ამიტომაც იმათ რიცხვში, პომპეუსთან რომ ვარბოდნენ და მას გზაზე მეგობრული გრძნობით ეგებებოდნენ, ცოტანი როდი იყვნენ ისეთები, ვისაც ამ საქმეზე შიში აიძულებდა.

მას შემდეგ, რაც პომპეუსმა ეს ეჭვი გააქარწყლა განცხადებით, რომ ტრიუმფის შემდეგ ჯარს დაშლიდა, მის მოშურნეებს ერთადერთი ბრალდება დაჩაოდა წამოსაყენებელი; სახელდობრ: პომპეუსი ხალხს უფრო ემზრობა, ვიდრე სენატს, და ხალხის საამებლად გადაწყვეტილი აქვს სულას მიერ უკუგდებული სახალხო ტრიბუნატის ღირსების აღდგენაო. ეს მართლაც ასე იყო. რომაელ ხალხს არაფერი არ სწყუროდა ისე დაუცხრომლად და არაფერი არ სურდა ისე მგზნებარედ, როგორც სახალხო ტრიბუნის თანამდებობის კვლავ ხილვა. პომპეუსიც დიდ ბედნიერებად თვლიდა, რომ ხელსაყრელი შემთხვევა ეძლეოდა ამ პოლიტიკური ნაბიჯის გადასადგმელად. მისი აზრით, თუკი ამ შემთხვევის გამოყენებას სხვა ვინმე დაასწრებდა, მას აღარ მიეცემოდა სხვაგვარი საშუალება კეთილგანწყობილ მოქალაქეთათვის სამაგიერო გადაეხადა.

22. მალე პომპეუსს მეორე ტრიუმფი დაუნიშნეს და კონსულის ღირსებაც მიანიჭეს³². მაგრამ ეს ამბავი როდი იყო იმის მიზეზი, რომ იგი საოცრად დიდი კაცი ჩანდა ხალხის თვალში. მისი სიდიადის ნამდვილი მიზეზი ის გახლდათ, რომ მაშინდელ სახელმწიფო მოღვაწეთა შორის ყველაზე უფრო მდიდარმა, ყველაზე უფრო ენამჭევრმა და გავლენიანმა კაცმა კრასუსმა, რომელიც პირადად პომპეუსს და საერთოდ ყველას ზიზღითა და ამაყად უყურებდა, ვერ გაბედა კონსულის თანამდებობაზე თავისი კანდიდატურის წამოყენება მანამ, ვინემ ამის ნებართვა პომპეუსს არ სთხოვა.

პომპეუსს ეს მეტად ესიაშოვნა. მით უფრო, რომ უკვე კარგა ხანია ცდილობდა რაიმე სამსახური გაეწია კრასუსისათვის და მასთან მეგობრული ურთიერთობა დაემყარებინა. ამიტომ მთელი მგზნებარებით მოჰყიდა ხელი ამ საქმეს და ხალხს თხოვნა დაუწყო. იგი რომაელებს ეუბნებოდა, რომ მისთვის კრასუსის ამხანაგად არჩევა უფრო სასიამოვნო იქნება, ვიდრე თვით კონსულის თანამდებობა.

ერთი სიტყვით, პომპეუსი და კრასუსი აირჩიეს კონსულებად. მაგრამ ისინი ერთმანეთისაგან მეტისმეტად განსხვავდებოდნენ და ამის გამო ერთმანეთში ხშირად უთანხმოება ჰქონდათ. სენატში კრასუსის სარგებლობდა განუზომელი პატივით, ხოლო ხალხში პომპეუსის გავლენა იყო დიდი. პომპეუსმა ხალხს სახალხო ტრიბუნის უფლებანი აღუდგინა და იმასაც მიაღწია, რომ სასამართლო წარმოების გამგებლობა კანონის ძალით კვლავ მხედართა წოდებას დაუბრუნა.

ყველაზე სასიამოვნო სანახაობა პომპეუსმა რომაელ ხალხს მაშინ გაუშარტა, როცა სარდლობისაგან განთავისუფლება მოითხოვა. რომაელებს შემდეგნაირი წესი აქვთ: როცა მხედრები სამხედრო სამსახურის კანონით გათვალისწინებულ ვადას მოიხდიან, თავის ცხენს ფორუმზე ჩაიყვანენ ორ კაცთან, რომელთაც ცენზორებს უწოდებენ. აქ ისინი სათითაოდ ჩამოთვლიან იმ სარდლებსა და მხედართმთავრებს, რომელთა წინამძღოლობით ლაშქრობდნენ, თავიანთი მხედრული სამსახურის ანგარიშგების შემდეგ კი თავისუფლებას ღებულობენ. ყოველ მათგანს, იმისდა მიხედვით, თუ რა დაიმსახურეს ცხოვრებაში, პატივი ან პატივის აყრა ერგება ხოლმე წილად.

პომპეუსმა რომ სარდლობისაგან გადადგომა მოიწადინა, ცენზორებად მაშინ გელიუსი და ლენტულუსი იყვნენ. ისინი მთელი თავიანთი მორთულობით ისხდნენ მოედანზე და მხედრებისაგან ანგარიშს იღებდნენ. ამ დროს ზევიდან ფორუმზე მომავალი პომპეუსი გამოჩნდა. იგი თავისი ღირსების ყველა ნიშნით იყო აღკაზმული და ცხენი საკუთარი ხელით მოჰყავდა. როცა ცენზორებს მიუახლოვდა და ყველამ იცნო, ლექტორებს უბრძანა მისთვის გზა მიეცათ და ცხენი ტრიბუნასთან მიიყვანა. გაკვირვებულ ხალხში სამარისებური დღეშილი ჩამოვარდა, ცენზორები კი ამ სანახაობაზე მოკრძალებისა და სიხარულის გრძნობით აღივსნენ.

ბოლოს უფროსმა ცენზორმა პომპეუსს მიმართა:

— დიდო პომპეუს, მსურს შევიტყო შენგან, კანონით გათვალისწინებულ ყველა ლაშქრობაში მიიღე თუ არა მონაწილეობა?

— დიხ, ყველაში, — მაღალი ხმით უპასუხა პომპეუსმა, — და ყველა ლაშქრობა ჩემი საკუთარი სარდლობით ჩავატარე.

ამის გაგონებაზე ხალხმა ყიჟინა დასცა. რაკიდა სიხარულით გამოწვეული შეძახილის დაცხრომა შეუძლებელი გახდა, ცენზორები ფეხზე წამოდგნენ და ძლევამოსილ სარდალს სახლისაკენ გასაცალელებლად გაჰყვნენ, რათა მოეგოთ იმ თანამოქალაქეთა გული, რომლებიც პომპეუსს ტაშის გრიალით მისდევდნენ უკან³³.

23. პომპეუსის კონსულობა უკვე დასასრულს უახლოვდებოდა, მაგრამ კრასუსთან არსებული უთანხმოება კიდევ უფრო მეტად იზრდებოდა.

ვინმე გაიჟს ავრელიუსი³⁴, რომელიც წარმოშობით მხედართა წოდებიდან იყო და უსაქმურ ცხოვრებას ატარებდა, საჯაროდ გამართული კრების დროს ტრიბუნაზე ავიდა და თქვა, რომ მას სიზმარში გამოეცხადა იუბიტერი და უბრძანა ეთქვა კონსულებისათვის მანამდის არ გადამდგარიყვნენ თანამდებობიდან, სანამ კვლავ ერთმანეთის მეგობრები არ გახდებოდნენ. ფეხზე მდგარი პომპეუსი ამ სიტყვებს დუმილით შეხვდა, ხოლო კრასუსმა პომპეუსს ხელი გაუწოდა და მიესალმა.

„მოქალაქენო, — თქვა მერმე მან, — მგონი, არ ჩავიდნენ უღირსსა და ურიგო საქმეს, თუ შერიგების ხელს პირველად მე გავუწედი პომპეუსს, რომელსაც თქვენ, ჯერ კიდევ პირტიტველ ყმაწვილ კაცს, პატივი ეცით და „დიდის“ სახელით მონათლეთ, რომელიც სენატორიც კი არ იყო და ორჯერ ტრიუმფი მოუწყვეთ“.

ამის შემდეგ პომპეუსი და კრასუსი შერიგდნენ და კონსულობაზეც ხელი აიღეს.

თანამდებობიდან გადადგომის შემდგომ კრასუსი წინანდელ ცხოვრებას მიეცა. რაც შეეხება პომპეუსს, მან თითქმის სულ აიღო ხელი გექილობაზე, ნელ-ნელა ფორუმსაც ჩამოსცილდა და საჯაროდ იშვიათად გამოდიოდა. თუ გამოჩნდებოდა, უთუოდ დიდი ამაღა ახლდა. მხლებელთა გარეშე მისი ხილვა ადვილი საქმე აღარ იყო, რადგან სრულ სიამოვნებას მხოლოდ დიდძალი ამალით გამოჩენა ანიჭებდა. იგი დარწმუნებული იყო, რომ ამ სანახაობით მეტი ნათელი მოეფინებოდა მის პატივსა და დიდებას და რომ საკუთარი ღირ-

სების დასაცავად საჭირო იყო მდებრივ ხალხთან შეხვედრებისა და ახლო ურთიერთობისაგან თავის შეკავება. მართლაც, იმ ადამიანთ, რომლებმაც დიდება იარაღით მოიპოვეს, ტოგის ჩაცმისა და სამოქალაქო თანასწორობას კი ვერ ეგუებიან, საფრთხე ექმნებათ თავიანთი დიდება დაკარგონ. რამეთუ ბრძოლაში სახელმოხვეჭილ ადამიანებს სურთ ისეთივე პირველობა მოიპოვონ სამოქალაქო ცხოვრებაში, როგორც იქ, სამხედრო სამსახურში ჰქონდათ, ხოლო ისინი, რომელთაც ჯარში მეორეხარისხოვანი ადგილი ეკავათ, საშინლად განიცდიან მშვიდობიან ცხოვრებაში სხვათა განდიდებას. აი ამიტომ, როცა ლაშქრობებისა და ტრიუმფების წყალობით სახელმოხვეჭილ კაცს ფორუმზე ხელთ ჩაიგდებენ, მყის მის დამორჩილებას და ყოველნაირ დამცირებას შეეცდებიან ხოლმე; მაგრამ ვინც სამოქალაქო ძალაუფლებაზე ხელს აიღებს და მათ გზას დაუთმობს, ლაშქრობებში მოპოვებულ პატივსა და ძალას ყოველგვარი შურის გარეშე უნარჩუნებენ.

ეს ამბავი სავსებით გამოაშკარავდა სულ მცირე ხნის შემდგომ.

24. მეკობრეთა ძლიერებას საფუძველი კილიკიაში ჩაეყარა, რაიც პირველად გახედული და ფარული მოქმედებებით ისაზღვრებოდა. მითრიდატესთან ომის დროს კი მეკობრეთა უტიფრობამ და გამბედაობამ უკიდურეს წერტილს მიაღწია, ვინაიდან ყაჩაღებმა თავიანთი თავი პონტოს მეფის სამსახურში ჩააყენეს. მერმე, როდესაც რომაელები გაჩაღებული შინაომის დროს ერთმანეთს რომის კართან ეკეთენ, უმეტესაწყოოდ დატოვებულმა ზღვამ მეკობრეები ნელ-ნელა თავისკენ მიიზიდა, იქამდე, რომ ყაჩაღები არა მარტო ზღვაზე მოგზაურებს ესპმოდნენ თავს, არამედ კუნძულებსა და ზღვისპირა ქალაქებსაც აწიოკებდნენ ახლა.

მდიდარი და ფრიად კეთილშობილი პიროვნებები, რომლებიც სხვებისაგან გონიერებით გამოირჩეოდნენ, ყაჩაღთა ზომალდებზე ამხანაგებად აღიოდნენ და მეკობრეთა თარეშებში მონაწილეობდნენ, თითქოსდა ეს ხელობა მათ სახელსა და პატივს მოუტანდა.

მეკობრეებს ყველგან ჰქონდათ თავიანთი ნავსადგურები და გამაგრებული საზვერაჟი კოშკები. მეკობრეთა ფლოტი გამოირჩეოდა არა მარტო იმით, რომ მამაცი მეზღვაურები და გამოცდილი მესაქეები ჰყავდა, ან კიდევ იმით, რომ მისი ზომალდები სწრაფი და მსუბუქი იყო, როგორც მათი საქმიანობა მოითხოვდა, არამედ იმი-

თაც, რომ შიშზე მეტად შურსა და ბრახს იწვევდა. მოოქრული ან-
ძები, ძოწისფერი იალქნები და დავერცხლილი ხოფები იმას ადას-
ტურებდა, რომ მეკობრეები ნებიერ ცხოვრებას ატარებდნენ და
თავიანთი ავი საქმეებით ყოყმოზდნენ. ზღვის მთელ სანაპიროზე
მეკობრეთა ფლეიტების ხმა ისმოდა და სიმღერა და ღრეობა იყო
გაჩაღებული; ყაჩაღები წამდაუწყუმ იტაცებდნენ დიდი თანამდებო-
ბის პირებს და ტყვედქმნილ ქალაქებს ხარკს ახდევინებდნენ. ყველა-
ფერი ეს კი რომაელთა ძლიერებისათვის ფრიალ სამარცხვინო იყო.

მეკობრეთა განკარგულებაში ათასზე მეტი ხომალდი იყო, ხოლო
მათ მიერ აღებულ ქალაქთა რაოდენობა ოთხასს აღწევდა.

ყაჩაღები თავს დაესხნენ და ააწიოკეს მანამდის ზელუხლებელი
და წმიდათაწმიდა ტაძრები. სახელდობრ, მეკობრეებმა ააოხრეს
კლაროსის, დიდიმისა და სამოთრაკეს ტაძრები; გააცამტვერეს
ღმერთქალ დემეტრეს სალოცავი ჰერმიონეში და ასკლეპიოსის ტა-
ძარი ეპიდავრში, ხოლო პოსეიდონისა — ისთმოსზე, ტენარესა და
კალავრიაში. ასევე დაარბიეს აპოლონის ტაძრები აკციუმში და ლეგ-
კადზე და ღმერთქალ ჰერას სალოცავები სამოსზე, არგოსში და ლა-
ცინიუმზე.

მეკობრეები, სხვათა შორის, უცნაურ მსხვერპლშეწირვას აწყობ-
დნენ ოლიმპოში³⁵ და რაღაც იდუმალ, გაუგებარ წეს-ჩვეულებებს
ასრულებდნენ. მათ შორის აღსანიშნავია მითრასადმი³⁶ მიძღვნილი
საიდუმლო მღვდელმსახურება, რაც დღემდე შემონახულია. მისი
აღსრულება პირველად სწორედ მეკობრეთა წყალობით გაიცნეს.

ავაზაკები ყველაზე უფრო მეტად რომაელებს აყენებდნენ შე-
ურაცხყოფას. ისინი ზღვიდან ხმელეთზეც გადმოდიოდნენ ხოლმე,
რომაელთა შარაგზეზე ყაჩაღობდნენ და სანაპირო დაბეებს ძარ-
ცავდნენ. ერთხელ მათ მოიტაცეს მეწამული ფერით ნაქარგ ტოგებ-
ში მორთული ორი ბრეტორი, სექსტილიუსი და ბელინუსი, თავ-თა-
ვიანთი მსახურებითა და ლიქტორებით, და მერმე ამ ტყვეებთან ერ-
თად გაიქცნენ. ერთხელაც მეკობრეებმა ხელთ ჩაიგდეს ტრიუმფგა-
დახდილი ანტონიუსის³⁷ ქალიშვილი, რომელიც სოფლისაყენ მისე-
ირნობდა. ყაჩაღებმა იგი მეტისმეტად დიდი გამოსასყიდის ფასად
გაათავისუფლეს.

მეკობრეთა ყველაზე უფრო აუტანელი თავზედობა მაინც ის იყო,
რომ თუ რომელიმე მათი ტყვე ყვირილს დაიწყებდა: რომაელი ვარ

და ესა და ეს მქვიო, ავაზაკები მყისვე ისე მოაჩვენებდნენ თავს, თითქოს გაუტყვირდათ და შეშინდნენო. ისინი თეძოებზე ხელებს ირტყამდნენ, ტყვეს ფეხებში უვარდებოდნენ და პატიებას სთხოვდნენ. ტყვე რომაელიც, ხედავდა რა ავაზაკების სიმხდალესა და ხვეწნა-მუდარას, უჭერებდა მათ. ამის შემდეგ ზოგიერთი მეკობრე წალას აცემევდა მას, ზოგიც ტოვით შემოსვლაში შევიდოდა, რათა კვლავ აღარ განმეორებულიყო შეცდომა და ამ მორთულობით რომაელი ეცნოთ. მეკობრეები დიდხანს ერთობოდნენ საბრალო რომაელის ასე დაცინვითა და აბუჩად აგდებით. ბოლოს შუაგულ ზღვაში კიბეს ჩაუშვებდნენ და ტყვეს უბრძანებდნენ ჩასულიყო, თან „გზა მშვიდობისას“ ეუბნებოდნენ. თუკი ტყვე გადალიანდებოდა, ავაზაკები ხელსა ჰკრავდნენ და წყალში აგდებდნენ.

25. ზღვის ავაზაკთა ძლიერება თანდათანობით თითქმის მთელ ჩვენს ზღვაზე³⁵ გავრცელდა და მასზე მოგზაურობა და ვაჭრობა შეუძლებელი გახდა. აი სწორედ ამ გარემოებამ გადააწყვეტინა სურსათ-სანოვავის ნაკლებობით შეწუხებულსა და მოსალოდნელი შიმშილით შეშინებულ რომაელებს გაეგზავნათ პომპეუსი საგანგებო დავალებით, რათა მეკობრეთა ხელიდან ზღვა გამოეგლიჯა.

პომპეუსის ერთმა მეგობართაგანმა — გაბინიუსმა³⁶ შეადგინა კანონი, რომლის ძალითაც პომპეუსს ენიჭებოდა არა მარტო ფლოტზე უფროსობა, არამედ პირდაპირ მონარქიული მბრძანებლობა და ყველას მიმართ განუხაზღვრელი უფლება. ეს კანონი მართვა-გამგებლობის ნებას აძლევდა მას ზღვაზე პერაკლეს სვეტებამდე⁴⁰ და მთელ ხმელეთზე ზღვის სანაპიროდან ოთხასი სტადიონის მანძილზე. ასე რომ მის ხელქვეით ექცეოდნენ არა მარტო რომაელებისადმი დაქვემდებარებული მზარეები, არამედ უდიდესი ტომები და ყველაზე უძლიერესი მეფეები. გარდა ამისა, პომპეუსს უფლება ეძლეოდა სენატის შემადგენლობიდან თხუთმეტი სენატორი აერჩია და სხვადასხვა ხელმძღვანელ თანამდებობაზე გამოეყენებინა. მას შეეძლო აგრეთვე საკუთარი სურვილის მიხედვით აეღო ფული, როგორც სახელმწიფო ხაზინიდან, ისე იჯარადრებისაგან და გაემზადებინა ორასი ზომალდი. ზომალდთა შემადგენლობაზე მბრძანებლობა, მეზღვაურებისა და მეზოფეთა შერჩევა, რა თქმა უნდა, მის ხელთ იყო.

როცა ეს კანონი საჯაროდ წაიკითხეს, ხალხმა იგი მეტისმეტი აღფრთოვანებით მიიღო; მაგრამ სენატის ყველაზე უფრო გავლენიან

წევრთა აზრით ასეთი უსაზღვრო ძალაუფლება შურზე უფრო მეტად შიშის გამოძწევნი იქნებოდა. ამიტომ კეისრის გარდა ყველამ გაილაშქრა ამ კანონის წინააღმდეგ. კეისარი თავგამოდებით იცავდა გაბინიუსის მიერ შემოთავაზებულ კანონს, მაგრამ იმიტომ კი არა, პომპეუსის დარდი ჰქონდა, ეს ოდნავადაც არ აწუხებდა; მას სურდა ამთავითვე ხალხს დაახლოებოდა და მისი ნდობა მოეპოვა. სხვები კი, როგორც ვთქვით, გააფთრებით ესხმოდნენ თავს პომპეუსს. როცა ერთ-ერთმა კონსულმა⁴¹ პომპეუსს უთხრა, შენ თუ რომელსს პაპად, მის ბოლოს ვერ ასცდები, იგი ხალხმა კინადამ შუაზე გაგლიჯა. რაც შეეხება კატულუსს, რომელიც, თავის მხრივ, გაბინიუსის კანონის წინააღმდეგ გამოვიდა, ხალხი პატივისცემის ნიშნად ღრმადუმილით შეხვდა. პომპეუსის მიმართ ყოველგვარი შურის გარეშე მრავალი ხოტბის წარმოთქმის შემდეგ კატულუსმა ხალხს ურჩია დაეზოგა ეს ვაჟკაცი და არ მიეცა იგი ერთიმეორეზე მოყოლებული განსაცდელისა და ომებისათვის. „განა სხვა ვინ გეყოლებათ, თუ პომპეუსს დაკარგავთ?“ — უთხრა მან ხალხს. — „შენ, მხოლოდ შენო!“ — ერთხმად შესძახა ყველამ.

რაკილა კატულუსმა ვერაფერს მიაღწია, ტრიბუნიდან ჩამოვიდა. მერმე როსციუსი⁴² გამოვიდა სალაპარაკოდ, მაგრამ არავინ არ უსმენდა. მან მხოლოდ ის შეძლო, რომ თითოთ უჩვენა ხალხს: მარტო პომპეუსის არჩევა არ კმარა, მასთან ერთად საჭიროა მეორე კაცის არჩევაცო. ამაზე განრისხებულ ხალხს, როგორც ამბობენ, ისეთი ყვირილი აუტეხია, რომ ფორუმის თავზე მფრინავი ყვავი დარეტიანებულია და ბრბოში ჩამოვარდნილა. აქედან ჩანს, ფრინველთა ვარდნის მიზეზი პაერის გათხელება და იქ წარმოქმნილი უზარმაზარი სიციარიელე კი არ არის, არამედ ბგერის ძალით გამოწვეული ტალღები. ხმა ხომ საოცარი სიძლიერით იფანტება და პაერში რხევასა და ღელვას წარმოქმნის.

26. ამაზე სახალხო კრება დაიშალა. კენჭისყრისათვის დანიშნულ დღეს პომპეუსი ფარულად წავიდა სოფელში. მაგრამ როგორც კი ჯაივო, კანონი დაამტკიცესო, ქალაქში დაბრუნდა. პომპეუსი რომში მოვიდა ლამით, ვინაიდან შიშობდა, მასთან შეხვედრისას ხალხის შექურებას შური არ გამოეწვია.

დილით ადრე იგი საჯაროდ გამოვიდა და მსხვერპლი შესწირა. მერმე სახალხო კრება გაიმართა. პომპეუსმა მიიღო იმაზე მეტი ხმა,

რაც უკვე კენჭისყრით იყო გათვალისწინებული. მას ნება ეძლეოდა შეიარაღება თითქმის ორმაგად გაეზარდა. მისთვის გაამზადეს ხუთასი ზომალდი. მის მესვეურობის ქვეშ შეიკრიბა აგრეთვე ას ორი ათასი მძიმედ შეიარაღებული ქვეითი ჯარისკაცი და ხუთი ათასი ცხენოსანი მეომარი. გარდა ამისა, პომპეუსმა სენატიდან თავისთვის აირჩია ოცდაათი სენატორი. ყველა ესენი ყოფილი სარდლები და პრეტორები იყვნენ, მათთან ერთად პომპეუსს უფლება ეძლეოდა თან ორი კვესტორიც ჰყოლოდა.

სურსათ-სანოვარეზე ფასები მყისვე დაეცა. ამ გარემოებამ განარებულ ხალხს საბაზი მისცა ეთქვა: მარტოოდენ სახელმა პომპეუსისამ ომს ბოლო მოუდო.

ხმელთაშუა ზღვის სანაპირო ხაზი პომპეუსმა ოცდაათ ნაწილად გაყო. თითოეულ ნაწილში ზომალდთა განსაზღვრული რიცხვი და წინამძღოლები დააყენა. ასეთ რიგად გაყოფილი და ყველგან გაფანტული ძალების წყალობით იგი თავს ესხმოდა მეკობრეთა ზომალდთა დასებს, იპყრობდა მათ და მერმე თავის ნავსადგურში მოჰყავდა. ის ავაზაკები, რომლებმაც განკერძოება და ტყვედ ჩაგარდნისაჲთ თავის დამტრეხა მოასწრეს, ყოველი მხრიდან ელვისებური სისწრაფით დაიძრნენ კილიკიისაკენ, როგორც ფუტკრები სკისაკენ. პომპეუსმა მათ წინააღმდეგ სამოცი საუკეთესო ზომალდით გაილაშქრა; მაგრამ სანამ ამ ლაშქრობას მოაწყობდა, მანამდის მეკობრეთაგან სავსებით გაწმინდა ტირენიის, ლიბიის, სარდინიის, კორსიკისა და სიცილიის ზღვები. ყველაფერი ეს პომპეუსმა შეასრულა სულ ორმოც დღეში თავისი დაუღალავი მოქმედებისა და მის ხელქვეით მყოფ მხედართმთავართა თავდაღების წყალობით.

27. რომში კი კონსული პიზონი, ბრაზითა და შურით აღსავსე, ყოველნაირად უშლიდა ხელს პომპეუსის შეიარაღების საქმეს და მეზღვაურების დათხოვა ბრძანა. მაშინ პომპეუსმა თავისი ფლოტი ბრუნდუზიუმში გაგზავნა, თვითონ კი, ტირენიაზე გავლით, რომისაკენ გაემართა. ეს რომ გაიგეს, რომაელები ზღვასავით მოაწყდნენ პომპეუსის შესახვედრად შარავზას, თითქოს სულ რამდენიმე დღის წინ არ გაეცილებინათ იგი. ხალხის სიხარულის მიზეზი მოულოდნელი და სწრაფი ცვლილება იყო; ქალაქში უამრავი სურსათ-სანოვარე გაჩნდა. პიზონს კონსულის თანამდებობიდან გადაყენების საფრთხე ემუქრებოდა. გაბინიუსმა საამისო წინადადებაც კი შეადგინა, მაგრამ

პომპეუსმა დაუშალა და მრავალ სხვა საქმეშიც შემწყნარებლობა გამოიჩინა პიზონის მიმართ.

როცა პომპეუსმა რომში მიიღო ის, რაც სურდა, ბრუნდუზიუმში მივიდა და მერმე აქედან ზღვაში გავიდა. მდგომარეობა მას მეტისმეტად აჩქარებდა, ამიტომ ქალაქებს გვერდს უვლიდა. მიუხედავად ამისა, ათენს მაინც არ ჩაუარა გვერდი. პომპეუსი ათენში გადავიდა, ღმერთებს მსხვერპლი შესწირა და აქაურ ხალხს სიტყვით მიმართა. გამობრუნებისას მის მიმართ დაწერილი თითო-თითო ტაეპიანი რამდენიმე ლექსი წაიკითხა. ქალაქის კარიბჭის შიგნითა მხარეს ეწერა:

ღმერთი ხარ, ღმერთი, თავს რაკი ცნობ აღამიანად.

ხოლო გარეთა მხარეს ასეთი წარწერა იყო:

ველოდებოდით, მოგესალმეთ, გნახეთ, გაცილებთ!

მეკობრეთა ზოგიერთმა ხომალდმა, რომლებიც ჭერ კიდევ დასაღასად დახეტიალობდნენ ზღვაზე, პომპეუსს პატიება სთხოვეს. იგი მათ დიდსულოვნად მოექცა. პომპეუსმა ეს ხომალდები მეზღვაურებიტურთ ჩაიბარა, მაგრამ დასჯით არავინ დაუსჯია. ამით დაიმედებული დანარჩენი მეკობრეები სხვა ხომალდთა მეთაურებს გაუბოლდნენ და თავ-თავიანთი ცოლ-შვილით პომპეუსს ჰბარდებოდნენ. პომპეუსიც ყველას იწყალებდა. ყველაზე მეტად სწორედ ამათი დახმარებით ეძებდა იმ მეკობრეებს, რომლებიც იმალებოდნენ, რადგან იცოდნენ, რა მძიმე დანაშაული ჰქონდათ ჩადენილი. დაიჭერდა თუ არა ასეთ ავაზაკებს, სასტიკად სჯიდა.

28. მეკობრეთა ყველაზე მრავალრიცხოვანმა და ძლიერმა გუნდებმა თავიანთი ოჯახები, ქონება და ომისათვის გამოუსადეგარი ხალხი ტავროსთან განლაგებულ ციხეებსა და გამაგრებულ ქალაქებში დატოვეს, თვითონ კი საბრძოლოდ გამზადებული ხომალდებით კილიკიის კორაკესიონთან⁴³ დადგნენ და უკვე მოახლოებულ პომპეუსთან შებმას დაუწყეს ლოდინი. მალე ბრძოლაც გაიმართა. მეკობრეები დამარცხდნენ და ალყაში მოექცნენ. ბოლოს და ბოლოს ზღვის ყაჩაღებმა პომპეუსთან ელჩები გაგზავნეს, პატიება სთხოვეს და ჩააბარეს როგორც საკუთარი თავები, ისე მათ მიერ დაკავებული ქალაქები და კუნძულები, რომლებიც მეტისმეტად ძნელი ასაღები და თითქმის მიუვალი იყო.

ასე დამთავრდა ეს ომი. სულ რაღაც სამი თვის განმავლობაში გაწმინდეს მთელი ზღვა მეკობრეთა ბატონობისაგან. პომპეუსმა ხელთ იგდო მრავალი ხომალდი, რომელთა შორის ოთხმოცდაათი სპილენძისცხვირიანი იყო. ოცი ათასზე მეტი მეკობრე ტყვედ წამოიყვანეს. პომპეუსმა მათი დახოცვა არ ინება, მაგრამ მეორე მხრივ არც იმას თვლიდა გონივრულად, ტყვეები გაეთავისუფლებინა და ამ გალატაკებულ, ბრძოლაში გაწაფულ ურიცხვ ბრბოსათვის სამუშაოება მიეცა გაფანტულიყო და მერმე ხელახლა შეკრებილიყო.

პომპეუსი ფიქრობდა, რომ აღამიანი ბუნებით არაა ველური და მოუთვინიერებელი ცხოველი, რომ იგი საკუთარი ბუნების წინააღმდეგ იხრება მანკიერებისაკენ და ზნე-ჩვეულების, ბინისა და ცხოვრების ნირის გამოცვლა კვლავ თვინიერს გახდის მას. გარეული ნადირიც კი ივიწყებს მქვინვარებასა და სიშმაგეს, თუ მას უხეში საკვები უფრო ნაზით შეეცვლება.

ამიტომაც გადაწყვიტა პომპეუსმა ტყვეები ზღვისაგან მოშორებულ ხმელეთზე დაესახლებინა და მათთვის მშვიდობიანი ცხოვრების სიტკბო ეგემებინა, რათა ისინი ქალაქებში ცხოვრებასა და მიწის დამუშავებას შეჩვეოდნენ.

ზოგიერთი მეკობრე კილიკიის პატარა და დაცარიელებულმა ქალაქებმა მიიღეს. ამ ქალაქებს ამიტომ დამატებით მიწის ნაკვეთები მიუზომეს.

პომპეუსმა აღადგინა სომხეთის მეფე ტიგრანის მიერ სულ ახლახან დარბეული ქალაქი-სოლი და მრავალი ტყვე იქ დაასახლა⁴⁴. დანარჩენ ტყვეებს საცხოვრებლად მიუჩინა აქაიის ღიმე⁴⁵, რომელიც იმხანად ხალხის ნაკლებობას განიცდიდა, მაგრამ ფრიად ვრცელი და ნოყიერი მიწა-წყალი ჰქონდა.

29. პომპეუსის მოშურნენი მის ასეთ ზომებს მეკობრეთა მიმართ გააფთრებით კიცხავდნენ; თუმცა არც მისაღმი სიყვარულით განწყობილ ხალხს მოსწონდა ის საქციელი, რომელიც მან მეტელუსის წინააღმდეგ ჩაიდინა კრეტაზე. ეს მეტელუსი ნათესავი იყო იმ მეტელუსისა, რომელიც პომპეუსთან ერთად სარდლობდა ესპანეთში და კრეტაზე პრეტორად პომპეუსის არჩევამდე გაგზავნეს. კუნძული კრეტა, კილიკიის შემდეგ, ზღვის ავაზაკთა მეორე მთავარი ბუნავი იყო. მეტელუსმა აქ მრავალი მეკობრე შეიპყრო და სულ ერთიანად

ამოყლიტა. ჯერ კიდევ ცოცხლად გადარჩენილმა, მაგრამ მეტელუსის მიერ გარშემორტყმულმა ავაზაკებმა პომპეუსს ელჩები გაუგზავნეს და სთხოვეს, კუნძულზე მოსულიყო, გინაიდან კრეტა მისი საგამგებლო მხარის ნაწილი იყო და პომპეუსის ზღვაზე მბრძანებლობა აქაც ვრცელდებოდა. პომპეუსმა თხოვნა შეიწყნარა და მეტელუსს მისწერა ომი შეეწყვიტა. ამავე დროს ცალკეულ ქალაქებს წერილობითვე უბრძანა მეტელუსს არ დამორჩილებოდნენ. გარდა ამისა, კრეტაზე პომპეუსმა სარდლად მიაგვლინა მის ხელქვეით მყოფი ერთ-ერთი მეტაური ლუციუს ოქტავიუსი. ოქტავიუსი მეტელუსის მიერ ალყაშემორტყმულ ქალაქთა კედლებში შედიოდა და ხაფანგში მომწყვდეულ ავაზაკებთან ერთად მეტელუსის წინააღმდეგ იბრძოდა. ამ ამბავმა პომპეუსს მარტოოდენ უსიამოვნება როდი მიაყენა, იგი სასაცილო მდგომარეობაშიც კი აღმოჩნდა, რაკი პატივმოყვარეობითა და მეტელუსის შურობით თავის სახელს ბიწიერ და ურჯულო ზღვის მაწანწალებს უზიარებდა და საკუთარ დიდებას, როგორც ავგაროზს რასმე, ყელზე ჰკიდებდა დასაფარავად.

არც აქილევსს ჩაუდენია მაინცდამაინც ვაჟკაცური საქმე, როცა სახელისათვის ბავშვით გახელებული და გაშმაგებული უკრძალავდა სხვებს ეტყორცნათ ჰექტორისათვის ისარი:

რომ არ წარეტაცა ამ მკვლელს დიდება გმირისა მისთვის.⁴⁶

მაგრამ პომპეუსზე უფრო მეტიც შეიძლება ითქვას. იგი რომაელთა საერთო მტრის გულისათვის იბრძოდა და ხსნას ანიჭებდა ამ მტერს მხოლოდ იმიტომ, რომ მრავალ ღვაწლგადახდილ პრეტორ მეტელუსისათვის ტრიუმფი აღევცეთა. მიუხედავად ამისა, მეტელუსი არ შეეპუა, მეკობრეები მაინც დაიმორჩილა და დასაჯა, ხოლო ოქტავიუსი სასტიკად გამოლანძღა მხედრობის თვალწინ და უკან გააგდო.

30. როცა რომში შეიტყვეს, მეკობრეებთან ომი დამთავრდა და პომპეუსი ახლა, მოცალეობის ქაშს, ქალაქების ჩამოვლას აწარმოებსო, ერთმა სახალხო ტრიბუნთაგანმა, მანილიუსმა, გამოაქვეყნა კანონი, რომლის ძალითაც პომპეუსს უნდა გადასცემოდა ყველა ის პროვინცია და ჯარი, რომლებიც ლუკულუსის ხელქვეით იმყოფებოდნენ, და აგრეთვე ბითონიაც, რომელიც გლაბრიონს ეკავა, ხოლო მერმე მითრიდატე და ტიგრან მეფეებთან ბრძოლა განეგრძო⁴⁷. გარდა ამისა, პომპეუსის განკარგულებაში უნდა ყოფილიყო ფლოტი და ზღვა-

ზე განუსაზღვრელი მბრძანებლობის უფლება იმავე პირობებით, როგორც ეს თავიდან ჰქონდა.

ეს კანონი სინამდვილეში იმას მოასწავებდა, რომ რომაელთა ძალუფლება მთლიანად ერთი პიროვნების ხელთ მოქცეულიყო. ფრიგია, ლიკონია, კაპადოკია, კილიკია, ზემო კოლხეთი და სომხეთი, ესე იგი ის პროვინციები, რომლებიც, როგორც ჩანს, პირველი გადაწყვეტილებით პომპეუსის განკარგულებაში არ შედიოდა, ახლა მის განმგებლობაში ექცეოდა მთელი იმ ბანაკებითა და ჯარებითურთ, რითაც ლუკულუსმა მითრიდატე და ტიგრანი დაამარცხა.

რომის არისტოკრატია მშვენივრად გრძნობდა, თუ როგორ უსამართლოდ და უმადურად მოექცნენ ლუკულუსს; მიუხედავად ამისა, მას ოდნავადაც არ აფიქრებდა ის ამბავი, რომ ამ ვაჟკაცს დამსახურებული დიდება წაერთვა და ომში შემცველზე უფრო მეტად ტრიუმფის მემკვიდრე გაუჩნდა. რომის დიდებულთ აწუხებდათ მხოლოდ და მხოლოდ პომპეუსის განუსაზღვრელი ძალუფლება, როგორც უკვე ჩამოყალიბებული ტირანია. ისინი ერთმანეთს ამხნევებდნენ და მოუწოდებდნენ მანილიუსის კანონის წინააღმდეგ გაელაშქრათ და თავისუფლება ხელიდან არ გაეშვათ. მაგრამ დადგა თუ არა კანონის დამტკიცების დღე, არისტოკრატებს შეეშინდათ ხალხის, უკან დაიხიეს და დუმილი არჩიეს. მხოლოდ კატულუსმა ილაპარაკა დიდხანს კანონისა და სახალხო ტრიბუნის მანილიუსის წინააღმდეგ. ბოლოს, რაკი ვერავინ დააჯერა, ტრიბუნიდან რამდენჯერმე ხმამაღლა მიმართა სენატს, წინაპართა მსგავსად მოეძებნა მთა და კლდე, სადაც გაქცევასა და თავისუფლების შერჩენას შეძლებდა.

ერთი სიტყვით, მანილიუსის კანონი, როგორც ამბობენ, ძალაში შევიდა ყველა ტრიბის დასტურით და პომპეუსმა დაუსწრებლად მიიღო თითქმის ისეთივე უზენაესი ძალუფლება, როგორიც თავის დროზე მოიპოვა სულამ, როცა ქალაქი იარადით დაიმორჩილა.

ამბობენ, როცა პომპეუსმა რომიდან წერილი მიიღო და ტრიბთა გადაწყვეტილების ამბავი შეიტყო, იმ შეგობართა თანდასწრებით, რომლებიც მას უზენაეს ხელისუფლებას ულოცავდნენ. წარბები შეიკრა, თეძოზე ხელი დაირტყა და ისე, თითქოს უკვე დაღლილი და თავმოებზრებული იყო განმგებლობის უფლებით, წამოიძახა: „ეჰ, ეს გაუთავებელი ომები! განა უკეთესი არ იქნებოდა, მეც ერთ-ერთი უბრალო ადამიანი ვყოფილიყავი? განა ამ დაუსრულებელ ლაშქრო-

ბებში ყოფნასა და მუდამ მოშურნეთა ცქერას არ აჯობებდა ცოლ
თან ერთად სოფლად მეცხოვრა?"

პომპეუსის ასეთი თვალთმაქცობა მისმა მეგობრებმაც კი ვერ
აიტანეს. იმათ იცოდნენ, რომ პომპეუსს უთანხმოება ჰქონდა ლუკუ-
ლუსთან; რომ ეს უთანხმოება მის თანდაყოლილ პატივმოყვარეობას
ცეცხლს უნთებდა და მბრძანებლობისაკენ მისწრაფების სურვილს
უძლიერებდა.

31. პომპეუსის ქცევა სულ მალე მისმა საქმეებმა გამოაშკარავა.
მან ყველგან გამოსცა ბრძანება. ამ ბრძანებებით იგი მეომრებს მო-
უწოდებდა შეერებილიყვნენ, ხოლო მის გამგებლობაში მყოფ მთავ-
რებსა და მეფეებს წინადადებას აძლევდა მასთან გამოცხადებუ-
ლიყვნენ. იმ ქვეყნის შემოვლის დროს, რომელიც მის მბრძანებლო-
ბაში გადავიდა, პომპეუსმა ლუკულუსის არც ერთი დადგენილება არ
დატოვა შეუცვლელი. მრავალი პიროვნება სასჯელისაგან გაათავი-
სუფლა, ზოგს ჯილდოები წაართვა, ერთი სიტყვით, არაფერს ზოგაფ-
და იმისათვის, რომ ლუკულუსის თავყანისმცემელთათვის ეჩვენებო-
ნა: ამ კაცს ამიერიდან აღარ აქვს ძალა და ფასიო.

ლუკულუსი ამაზე მეგობრების დახმარებით ჩიოდა. ბოლოს და
ბოლოს მოდავე მხარეებმა გადაწყვიტეს ერთმანეთს შეხვედროდნენ.
შეხვედრა მოხდა გალატიაში. პომპეუსსა და ლუკულუსს, როგორც
სახელგანთქმულ დიდ სარდლებს ბრწყინვალე გამარჯვებებით, თავ-
თავის მხრივ წინ მიუძღოდათ ლიქტორები, რომელთაც ხელთ დაფ-
ნის შტოებით შემოსილი წკებლის კონები ეპყრათ. ლუკულუსი მა-
რად მწვანე და ხეხილებით დაჩრდილულ ადგილებიდან მოდიოდა,
პომპეუსი კი უტყუო და მარად გადამხმარ მხარეზე გავლით მოემარ-
თებოდა. როცა ლუკულუსის ლიქტორებმა პომპეუსის დამცნარი
დაფნის შტოები დაინახეს, მის ლიქტორებს საკუთარი ახალი დაფ-
ნის შტოები გაუზიარეს და წკებლის კონები გაულამაზეს. დამსწრე-
ებმა იფიქრეს, ეს იმის მომასწავებელი ნიშანია, რომ პომპეუსი ლუ-
კულუსისათვის გამარჯვებათა წყალობით მიღებული ჯილდოებისა
და სახელის წასართმევად მოდისო.

საკონსულო ღირსებითა და ასაკით ლუკულუსი პომპეუსზე უფ-
როსი იყო, მაგრამ პომპეუსი ღირსებით წინ იდგა ლუკულუსზე იმით,
რომ უკვე ორი ტრიუმფი ჰქონდა გადახდილი.

ასე იყო თუ ისე, მათი შეხვედრა თავდაპირველად რაც შეიძლე-

ბოდა თავაზიანი და მეგობრული იყო. ისინი ერთმანეთის საქმეებს აღიდებდნენ და ერთიმეორეს წარმატებებს ულოცავდნენ. მაგრამ მერმე, შეეზნენ თუ არა ლაპარაკში, თავაზიანობა და ზომიერება ველარ დაიცვეს და ერთმანეთს ლანძღვა-ვინება დაუწყეს. პომპეუსი ანგარებაში დებდა ბრალს ლუკულუსს, ეს კი მის პატივმოყვარეობას კიცხავდა. მეგობრებმა ძლივძლივობით გააშველეს ისინი.

გალატიაში ლუკულუსი მის მიერ დაპყრობილი ქვეყნის მიწა-წყალსა და სხვა საჩუქრებს თავისი სურვილისდა მიხედვით ანაწილებდა. მის მახლობლად დაბანაკებულმა პომპეუსმა, აკრძალა რა ლუკულუსის განკარგულებათა შესრულება, მას ყველა ჯარისკაცი წაართვა, გარდა ათას ექვსასი მეომრისა, რომელნიც მოურჯულებლობის გამო მისთვის გამოუსადეგარნი იყვნენ, ხოლო ლუკულუსისათვის — საშიშნი. ამასთან ერთად პომპეუსი თავისი მეტოქის საგმირო საქმეთ საქვეყნოდ ამცირებდა და ამბობდა, რომ ლუკულუსი, ვით ტრაგედიათა წარმოდგენებში, მეფეთა აჩრდილებთან აწარმოებდა ომს, რომ მას მოუწევს ნამდვილი ბრძოლა ჭეშმარიტ და ჭკუანასწავლ ჯართან, ვინაიდან მითრიდატე სწორედ ახლა ეძებს ხსნას ფარის, მახვილისა და მხედრობის შემწვობით.

ლუკულუსი თავს იცავდა და აცხადებდა: მე კი არა, სწორედ პომპეუსი მიემართება მოჩვენებებსა და ლანდებთან შესარკინებლად; ვით ზარმაცი ფრინველი ეცემა ხოლმე სხვის ლეშს, ისე მიდის იგი ომის ნარჩენებით დასაპურებლად. აი, ასე მიაწერა მან თავის თავს სერტორიუსსა, ლეპიდუსსა და სპარტაკზე გამარჯვებები, მაშინ როცა ეს გამარჯვებები კრასუსს, მეტელუსსა და კატულუსს ეკუთვნით. ამიტომ გასაკვირი არაა, — ამბობდა ლუკულუსი, — თუ ეს კაცი, რომელმაც რაღაცა მანქანებით მონებზე გამარჯვების ტრიუმფი გადაიხადა, ყოველნაირად ცდილობს სომხეთისა და პონტოს ბრძოლებში მოპოვებული სახელიც მიისაკუთროს.

32. ამის შემდეგ ლუკულუსი იქაურობას გასცილდა. პომპეუსმა მთელი თავისი ხომალდები ფინიკიასა და ბოსფორს შორის მდებარე ზღვის დასაცავად ჩააყენა და მითრიდატეს წინააღმდეგ გაილაშქრა. მაგრამ მითრიდატემ, თუმცაღა ოცდაათი ათასი ქვეითი ჯარისკაცი და ორი ათასი ცხენოსანი ჰყავდა, პომპეუსთან შებრძოლება ვერ გაბედა.

პირველად მითრიდატე ერთ ბუნებრივად გამაგრებულსა და მი-

შველ მთაზე დაბანაკდა, მაგრამ მერმე ეს აღგილი, რაკი უწყლო
ეგონა, მიატოვა. შემდეგ ეს მთა პომპეუსმა დაიკავა და აქაურ მცე-
ნარეთა და ხეობებით დასერილ ადგილებზე დაკვირვებით დაასკვნა
რომ აქ წყაროები უნდა ყოფილიყო. ამიტომ ბრძანება გასცა ყველ-
გან ამოეთხარათ ჭები. მალე მთელ ბანაკს უზად ჰქონდა წყალი,
ისე რომ პომპეუსს უკვირდა, როგორ გამოჩნა მხედველობიდან ეს
გარემოება მითრიდატეს ეგზომ მრავალი ხნის მანძილზე.

მცირე ხნის შემდეგ პომპეუსი მტრის მხედრობის ირგვლივ და-
ბანაკდა და მითრიდატეს მიერ დაკავებულ ადგილს თხრილი შემო-
ავლო.

პომპეუსის ალყას მითრიდატემ ორმოცდახუთ დღეს გაუძლო
მერმე კი ბრძოლისათვის უვარგისი და ავადმყოფი მეომრები ამო-
ხოცა და რჩეულ ძალებთან ერთად გაიქცა. პომპეუსი მას ევფრატის
სანაპიროებთან დაეწია და იქვე მახლობლად დაბანაკდა. რაკილა
პომპეუსს ეშინოდა, მითრიდატეს ევფრატეზე გადასვლა არ მოეს-
წრო, შუალამის ქამს დაძრა მის წინააღმდეგ საბრძოლოდ გამზადე-
ბული მხედრობა. ამბობენ, სწორედ ამ დროს მითრიდატემ ისეთი
სიზმარი ნახა, რაც მომავალს უწინასწარმეტყველებდაო. მითრიდა-
ტეს ეზმანა, თითქოს ზურგქარის დახმარებით პონტოს ზღვაზე მი-
ცურავდა. მან უკვე ბოსფორიკ⁴⁸ დაინახა და მეგზურებს სიზარუ-
ლით მიულოცა: ნამდვილად გადავრჩითო... მაგრამ უცებ სულ მარ-
ტოდმარტო აღმოჩნდა ყველასაგან მითრევებული და ახლა ზომალდის
საბრძოლო ნამსხვრევებილა მიაქანებდა.

აი, ასეთ ტანჯვასა და მოჩვენებებში იყო მითრიდატე, რომ მის
კარავში მეგობრები შევიდნენ, გააღვიძეს და პომპეუსის მოახლოება
აუწყეს. აუცილებლობა მეფისაგან ბანაკის დაცვისათვის ბრძოლას
მოითხოვდა. და აი, მისმა სარდლებმა მხედრობა გამოიყვანეს და
საბრძოლოდ დააწყეს.

პომპეუსმა რომ მათი მზადება შენიშნა, ყოყმანი დაიწყო; გერ
გაბედა ამ სიბნელეში განსაცდელისათვის მიეცა თავი და ფიქრობ-
და, უმჯობესი იყო ამჯერად მხოლოდ ალყა შემოერტყა მტრისთვის,
რათა არ გაქცეოდა, მის რიცხოზობრივად ჭარბ ძალებს კი დღის სინათ-
ლეზე შეებოდა. მაგრამ უფროსმა ცენტურიონებმა დაჟინებით და ხან-
გრძლივი თხოვნით დააჯერეს პომპეუსი ახლავე დაეწყო მოქმედება.

არცთუ ისე ბნელოდა. მართალია, მთვარე ჩადიოდა, მაგრამ ჯერ

კიდევ საკმაოდ ჰყენდა შუქს არეშარეს და საგნების გარჩევის საშუალებას იძლეოდა. აი სწორედ ამან შეიყვანა შეცდომაში მეფის რაზმები. მათკენ მიმავალ რომაელებს მთვარე ზურგში მოქცეოდა. რაკილა მნათობი უკვე დასალიერისკენ იყო გადახრილი, პომპეუსის მეომრების ჩრდილი ფრიად გრძლად ეფინებოდა მიწას და მტრის ჯარისკაცებამდე აღწევდა, რომელთაც ამიტომაც პომპეუსის მხედრობასა და მათ შორის მდებარე მანძილის ზუსტად განსაზღვრა არ შეეძლოთ. იფიქრეს, რომაელები საკმაოდ ახლო არიანო, და ოროლების ტყორცნა დაიწყეს, მაგრამ ამაოდ, იქედან გამოტყორცნილი ოროლი არც ერთ რომაელს არ მოხვედრია.

ეს რომ დაინახეს, რომაელები ყიფინით გაეარდნენ წინ და მხნობადაკარგულ, თავზარდაცემულსა და უკუქცეულ მტერს ისე დაერივნენ, რომ ათი ათასზე მეტი კაცი გამოასალმეს სიცოცხლეს და ბანაკი აიღეს⁴⁹.

რაც შეეხება მითრიდატეს, მან რვაასი მხედრის თანხლებით ჯერ კიდევ ბრძოლის დასაწყისში გაკვეთა რომაელები და მათ რიგებში გაიჭრა; მაგრამ სულ მალე შემოეფანტა მთელი ამაღა და სამი მხლებლის ამარაღა დარჩა. ამათ შორის იყო მისი ხასა ჰიფსიკრატია, რომელიც მუდამ ვაჟკაცური ხასიათითა და ფრიად საოცარი გამბედაობით გამოირჩეოდა. ამის გამო მეფე მას ჰიფსიკრატეს ეძახდა⁵⁰. სპარსი მამაკაცის ტანსაცმლით შემოსილი და ცხენზე მჯდარი ჰიფსიკრატია არც გრძელ მანძილზე გაბმულ ჭენებას დაუქანცავს, არც მეფისა და მისი ცხენის გზაში მოვლას.

ბოლოს და ბოლოს მითრიდატემ და მისმა მხლებლებმა სინორას ციხე-სიმაგრეს მიაღწიეს⁵¹, რომელიც სამეფო ქონებითა და განძეულობით იყო სავსე. ამ ჭონებიდან მითრიდატემ ყველაზე ძვირფასი ტანისამოსი აიღო და უკუქცევის შემდეგ მასთან შემოკრებილ ლტოლვილებს დაურიგა. გარდა ამისა თითოეულ თავის მეგობარს ცალ-ცალკე მისცა მომავლდინებელი შხამი, რათა საკუთარი სურვილის გარეშე არავინ არ ჩაეარდნოდა მტერს ხელში.

აქედან მითრიდატე სომხეთისაკენ გაემართა ტიგრანთან; მაგრამ ტიგრანმა იგი არ მიიღო, თანაც ასი ტალანტი ჯილდოდ შეჰპირდა იმას, ვინც მითრიდატეს თავს მიუტანდა. ამიტომ მითრიდატემ ევფრატის სათავეს გზა აუჭკია და კოლხეთში გაიქცა.

33. ამასობაში პომპეუსი ტიგრან მცირის⁵² მიპატიეებით სომხეთ-

ში შეიჭრა. ეს ტიგრანი უკვე წინათვე განუდგა თავის მამას და ახლა პომპეუსს მდინარე არაქსის პირას დაუხვედო.

მდინარე არაქსი თავის სათავეს იმავე ადგილზე იღებს, სადაც ეფფრატი, მაგრამ მერმე აღმოსავლეთისკენ უხვევს და კასპიის ზღვას ერთვის.

პომპეუსმა და ტიგრან მცირემ არაქსის სანაპიროდან წინ წაიწიეს და გზადაგზა ქალაქები აიღეს.

ლუკულუსის მიერ სულ ახლახან დამარცხებულმა მეფე ტიგრანმა, როცა გაიგო, პომპეუსი ხასიათით მშვიდი და ალერსიანი კაცი არისო, რომაელთა მეციხოვნე ჯარი თავის სატახტო ქალაქში მიიღო⁵³, თვითონ კი მეგობრებისა და ნათესაეების თანხლებით მორჩილების გამოსაცხადებლად პომპეუსთან გაეშურა.

როცა ცხენზე შემართული ტიგრან მეფე მტრის ბანაკს მიუახლოვდა, წინ მას პომპეუსის ორი ლიქტორი შემოეგება ლიქტორებმა მეფეს უბრძანეს ცხენიდან ჩამოსულიყო და პომპეუსს ქვეითად ჰხლებოდა: რომაული მხედრობის ბანაკში ცხენზე მჯდომი კაცი ჯერ არავის უნახავსო. ტიგრანი მყისვე დამორჩილდა ბრძანებას, ეს კი არა და ხმალიც შემოიხსნა და ლიქტორებს გადასცა.

პომპეუსთან რომ მივიდა, თავიდან ჩალმა მოიხადა და უნდოდა ჩალმაც მის ფერხთა წინ დაედო, თვითონაც საკუთარი ღირსებით თავის ფრიად სამარცხვინოდ მიწაზე განრთხმულიყო, რათა რომაელთა მხედართმთავარს მუხლებზე მოჰხვეოდა. მაგრამ პომპეუსმა დაასწრო, მოჰკიდა ხელი, თავისკენ მიიწიდა და გვერდით ახლოს დაისვა, ხოლო მისი ძე ტიგრანი მეორე მხარეს დასვა. ამის შემდეგ პომპეუსმა სომეხთა მეფეს უთხრა: ყველა დღემდე განცდილი უბედურება ლუკულუსს უნდა დააბრალო; სწორედ იმან წაგართვა სირია, ფინიკია, გალატია და სოფენე, მაგრამ რაც ჩემს მოსგლამდე შემოგრაჩა, შენვე გქონდეს, ოღონდ რომაელებისათვის მიყენებული შეურაცხყოფის სამაგიეროდ ექვსი ათასი ტალანტი ხარკი უნდა გადაიხადო; სოფენეს ტახტზე კი შენი ძე დაჯდებაო.

ეს წინადადება დიდი კმაყოფილებით მიიღო ტიგრანმა. მაშინ რომაელებმა მას მეფობა მიულოცეს. ეს ისე ძალიან გაუხარდა სომეხთა მეფეს, რომ პირობა დადო: ყოველ რომაელ ჯარისკაცს ნახევარ მნა ვერცხლს, ყოველ ცენტურიონს ათ მნას, ხოლო სამხედრო ტრიბუნებს თითო-თითო ტალანტს მიეცემო⁵⁴.

სამაგიეროდ მისი ძე ტიგრან მცირე ფრიად უკმაყოფილო დარჩა; როცა იგი პომპეუსთან ლხინზე მიიწვიეს, განაცხადა: პომპეუსის მხრივ ასეთი პატივისცემა სრულებითაც არ მჭირდება, ჩემთვის სჯობია, ვინმე სხვა რომელი ვიპოვო.

ამ სიტყვებისათვის იგი შეიბყრეს და პომპეუსის მომავალ ტრიუმფში მონაწილეობის მისაღებად მცველები მიუჩინეს.

მცირე ხნის შემდეგ პარტების მეფე ფრაატემ ელჩი გამოგზავნა, რომელიც მისი სიძის, ტიგრან მცირის გათავისუფლებას მოითხოვდა და წინადადებას იძლეოდა, პარტებისა და რომაელების საბრძანებელთა საზღვრად მდინარე ევფრატი ჩაეთვალიათ. პომპეუსმა ფრაატეს ასე უპასუხა: დატყვევებული ტიგრანი მამას უფრო მეტად ეკუთვნის, ვიდრე სიმამრს; რაც შეეხება ჩვენს საზღვარს, მაგ საკითხს მართლმსაჯულება გადაწყვეტსო⁵⁵.

34. პომპეუსმა სომხეთის დასაცავად აფრანიუსი დატოვა, თვითონ კი, რადგანაც ამას აუცილებლობა მოითხოვდა, მითრიდატეს წინააღმდეგ გაემართა იმ შიშა-წყლის გავლით, რომლებიც კავკასიონის ტომებს ეჭირა. ამ ტომთა შორის ყველაზე უფრო მრავალრიცხოვანნი ალბანები და იბერები არიან. იბერთა ტომი მოსხურ მთებამდე და პონტომდე აღწევს, ალბანები კი აღმოსავლეთით კასპიის ზღვამდე მოსახლეობენ⁵⁶.

პომპეუსმა ალბანებს სთხოვა გზა დაეთმოთ და მათ ქვეყანაზე გავლს ნებართვა მიეცათ. ამათ ჯერ თანხმობა განუცხადეს, მაგრამ როდესაც პომპეუსის მხედრობას ზამთარმა ამ ქვეყანაში მოუსწრო და როცა რომაელები კრონოსის დღესასწაულს⁵⁷ იზდიდნენ, ალბანებმა სულ ცოტა ორმოცი ათასი მეომრის შემადგენლობით მდინარე მტკვარი⁵⁸ გადალახეს და პომპეუსს თავს დაესხნენ.

მდინარე მტკვარი იბერთა მთებიდან გამოდის, გზაზე სომხეთიდან მომავალ არაქსს იერთებს და თორმეტი შესართავით კასპიის ზღვაში ჩადის. თუმცა ზოგიერთი კი ამბობს, მტკვარს კი არ უერთდება არაქსი, ცალკე შტოდ მიდის და ზემოხსენებულ ზღვას მტკვრის შესართავის მახლობლად უერთდება.

თუმცა პომპეუსს შეეძლო მტკვარზე მტრის გადმოსვლას წინ დადგომოდა, მაგრამ მოითმინა და ალბანებს მდინარის გადმოლახვა აცალა. მერმე კი თავს დაესხა, უკუაქცია და სულ ერთიანად ამოჟლიტა.

ამის შემდგომ აღბანები მეფემ მას ელჩები მიუგზავნა და შეწყალება სთხოვა. პომპეუსმა დანაშაული აპატია, დაეწავა და ახლა იბერთა წინააღმდეგ გაილაშქრა.

იბერნი რიცხვით აღბანებს არ ჩამოუვარდებოდნენ. გულადობითაც სხვებზე უფრო მამაცნი იყვნენ და ძალიან უნდოდათ მითრიდატესათვის ეამებინათ და პომპეუსი უკუეჭვიათ. იბერნი არც მიდიელების მორჩილებაში ყოფილან, არც სპარსებს ექვემდებარებოდნენ და თავის დროზე მაკედონელთა მბრძანებლობაც აიცდინეს თავიდან იმის წყალობით, რომ ალექსანდრე ფრიად სწრაფად გაბრუნდა პირკანიიდან⁵⁹. მაგრამ პომპეუსმა იბერებიც დამარცხა დიდ ბრძოლაში, ისე რომ ცხრა ათასი კაცი მოკლეს, ხოლო ათი ათასზე მეტი რომაელებს ჩაუვარდათ ტყვედ.

დამარცხა თუ არა იბერები, პომპეუსი კოლხეთში შეიჭრა. მდინარე ფაზისის სანაპიროზე მას შეეგება სერვილიუსი თავის ფლოტით, რომლითაც იგი პონტოს იცავდა⁶⁰.

35. ბოსფორისა და მეოტისის მახლობლად მცხოვრებ ტომებში თავშეფარებული მითრიდატეს დევნა ფრიად დიდ სიძნელეებთან იყო დაკავშირებული: ამავე დროს პომპეუსს აუწყეს: აღბანები ხელახლა აჯანყდნენ.

რისხვითა და შურისძიებით ანთებული პომპეუსი აღბანთა წინააღმდეგ დაიძრა. მან დიდი წვალეებით და თავგანწირვით გადალახა კელაზ. მტკვარი, რომლის სანაპირო ბარბაროსებს მთელ სივრცეზე მესერით გაემავრებინათ. აქედან პომპეუსს უწყლო და მეტად მძიმე სავალი გრძელი გზა მოელოდა⁶¹. ამიტომ მან ათი ათასი გულა წყლით აავსებინა და სწრაფად დაიძრა მტრისაკენ. აღბანებს იგი მდინარე აბასის⁶² სანაპიროზე შეხვდა. სამოცი ათასი ქვეითი მეომრისა და თორმეტი ათასი მხედრისაგან შემდგარი მტრის ჯარი უკვე საბრძოლოდ იყო დარაზმული, მაგრამ შეიარაღებული კი მეტისმეტად ცუდად გახლდათ. ჯარისკაცთა უმრავლესობას ნადირთა ტყავები ეცვა. ამ მხედრობას წინამძღოლობდა აღბანთა მეფის ძმა კოსისი.

გაჩაღდა თუ არა ხელჩართული ბრძოლა, ეს კოსისი პომპეუსს ეკვეთა და ჯავშნის ნაკეცში შუბი აძგერა. მაგრამ პომპეუსმა მყისვე გამოიღო ხელი და აღბანთა წინამძღოლი სასიკვდილოდ განგმირა.

ამბობენ, ამ ბრძოლაში ბარბაროსების მხარეზე მდინარე თერმო-

დონტის გასწვრივ მდებარე მთებიდან ჩამოსული ამჟამინებიც მონაწილეობდნენო. მართლაც, ბრძოლის შემდგომ, როცა რომაელები დახოცილ ბარბაროსებს იარაღს აცლიდნენ, ამჟამინურ მსუბუქ ფარებსა და მაღალყელიან წაღებს წააწყდნენ; თუმცა, უნდა ითქვას, ქალის გვამი აქ კაცს არ უნახავს.

ამჟამინები კავკასიონის ქედის იმ ზოლზე მოსახლეობენ, რომელიც პირკანიის ზღვამდეა გადაჭიმული, მაგრამ ალბანებს არ ესაზღვრება. მათ შორის გელები და ლეგები ცხოვრობენ⁶³. ამჟამინები ამათთან ყოველწლიურად ორ თვეს ატარებენ, მერმე კი თავის მხარეში მიდიან და განცალკევებით ცხოვრობენ.

36. ალბანებთან მომხდარი ბრძოლის შემდგომ პომპეუსს გულით სურდა სამი დღის ზავად მანძილზე მდებარე პირკანიისა და კასპიის ზღვასთან გაჭრა⁶⁴; მაგრამ ამ მხარეში იმდენი მზამიანი გველი იყო, რომ პომპეუსი იძულებული გახდა უკან გამობრუნებულიყო. მან მცირე სომხეთისაკენ დაიხია.

აქედან პომპეუსმა ელიმასელთა და მიდიელთა მეფეებს, რომლებმაც მას ელჩები გამოუგზავნეს, მეგობრული პასუხი მისწერა⁶⁵. ამ დროს პართების მეფე ფორდიანეში შეჭრილიყო და ტიგრანის სამფლობელოებს აოხრებდა. პომპეუსმა მის წინააღმდეგ გაგზავნა მეომართა რაზმი აფრანიუსის წინამძღოლობით. აფრანიუსმა პართები განდევნა და მათ არბელიტისამდე მისდია⁶⁶.

პომპეუსთან მრავლად მოჰყავდათ მითრიდატეს ხასები; მაგრამ არც ერთი მათგანისათვის ხელი არ უხლია, ყველა თავ-თავის მშობლებსა და შინაურებს დაუბრუნა. ეს ხასები უმრავლეს შემთხვევაში სარდლებისა და იქაურ მთავართა ქალიშვილები და ცოლები იყვნენ. ერთ-ერთი ხარჭა კი, სახელად სტრატონიკე, რომელიც ფრიად დიდი სახელით სარგებლობდა და ოქროულობით სავსე ერთ-ერთ კომკს ფლობდა, როგორც ჩანს, ქნარზე დამკვრელი მოხუცი და ღარიბი მუსიკოსის შვილი იყო. ამ სტრატონიკემ ერთხელ ლხინის დროს ისე მოხიბლა. თურმე ქნარზე დაკვრით მითრიდატე, რომ ეს მაშინვე მიუწვა მას, სტრატონიკეს მოხუცი მამა კი, გამწყარალი იმაზე, რომ ზრდილობის გამო ნებართვაც არ სთხოვეს, გარეთ გააგდო.

დილით გაიღვიძა თუ არა მოხუცმა, თავის ოთახში დაინახა ვერცხლისა და ოქროს სასმისებით გაწყობილი სუფრა, ურიცხვი მსახურნი, საჭურისნი და ყმაწვილი ბიჭები, რომლებიც მას უძვირფა-

სეს შესამოსელს აწვდიდნენ, კართან საგანგებოდ შეკაზმული ცხენი იდგა. ასეთი ცხენებით მეფის მეგობრები დადიოდნენ ზოლმე.

მოხუცმა იფიჭრა, ეს ყველაფერი ჩემს გასამასხარებლად და დასაცინადაა ალბათ მოწყობილიო, და სახლიდან გასაქცევად კარს ეცა. იგი მსახურებმა შეაჩერეს და აუხსნეს, რომ მეფემ აჩუქა ერთი ახალხან გარდაცვლილი მდიდრის დიდი სახლი და რომ ყველაფერი ეს მხოლოდ ნიშნულია იმ ქონებისა და სიმდიდრის, რომელიც მას ებოძა.

ბოლოს და ბოლოს ძლივს დაიჯერა მოხუცმა ეს; მერმე ძოწუთულის ტანსაცმლით შეიმოსა, დარახტულ ცხენზე შეჯდა და ქალაქში ყვირილ-ყვირილით გაიჭრა: „ეს ყველაფერი ჩემი არისო!“ ზაღხს, რომელიც დასცინოდა, მოხუცი ასე ეუბნებოდა: საკვირველი ეს კი არ არის, არამედ ის, სიხარულით გაგიჟებული გზად შემომხვდურთ ქვეშ რომ არ გესვრითო. აი ასეთი სისხლისა და ჯილაგისა იყო სტრატონიკე⁶⁷.

ერთი სიტყვით, სტრატონიკემ პომპეუსს გადასცა თავისი კოშკი და მრავალი სხვა საჩუქარიც მიართვა. ამ საჩუქრებში პომპეუსმა აიღო მხოლოდ ის, რაც ტაძართა შესამკობად გამოდგებოდა და რაც მის მომავალ ტრიუმფს ბრწყინვალეობას მისცემდა, დანარჩენზე კი გახარებულ სტრატონიკეს უთხრა: შენ გქონდესო. ასევე, როცა იბერთა მეფემ ოქროსაგან ნაკეთები საწოლი, მაგიდა და ტახტი გაუგზავნა და სთხოვა, ეს საჩუქრები მიეღო, პომპეუსმა მთელი ეს ძღვენი სახელმწიფო ხაზინისათვის კვესტორებს გადასცა.

37. ახლად აგებულ ციხე-სიმაგრე კენონში პომპეუსი მითრიდატეს საიდუმლო წერილებს წააწყდა. მან დიდი სიამოვნებით წაიკითხა ისინი, ვინაიდან ეს ბარათები მეფის ხასიათს მთლიანად ააშკარავებდა. ამ ბარათებიდან, რომლებიც ერთგვარ მოგონებებს წარმოადგენდა, ცხადი გახდა, რომ მითრიდატეს მოწამლული ჰყავდა მრავალი ადამიანი, მათ შორის საკუთარი შვილი არიარათე და სარდალი ალკეოსი. ამ უკანასკნელის მოკვლის მიზეზი ის გახდა, რომ ერთხელ თურმე მეფეს ჯირითში აჭობა.

გარდა ამისა, აქვე იყო ჩაწერილი მითრიდატესა და მისი ცოლების მიერ ნანახ სიზმართა ახსნა. ბოლოს აქ აღმოჩნდა ფრიალ უხამსი ხასიათის წერილები მონიმესი მითრიდატესადმი და მითრიდატესი მონიმესადმი⁶⁸.

თეოფანე ამბობს⁶⁶, აქვე აღმოჩნდა რუტილიუსის⁶⁷ წეოლიც, რომელიც მეფეს მოუწოდებდა გაეყლიტა მცირე აზიაში მცხოვრები ყველა რომაელი. მაგრამ უმრავლესობა სავსებით სამართლიანად თვლის, რომ ეს არის თეოფანეს ბოროტი ცილისწამება რუტილიუსის მიმართ. თეოფანეს ეზიზღებოდა რუტილიუსი იმიტომ, რომ თვითონ არაფრით არა ჰგავდა მას. შესაძლოა თეოფანეს ამით უნდოდა ესია-მოვნებინა პომპეუსისათვის, რომლის მამა ფრიად ცუდი სახით წარ-მოადგინა რუტილიუსმა თავის ისტორიაში.

38. აქედან პომპეუსი ამისეში მივიდა, სადაც თავისი პატივმოყვა-რეობის წყალობით ისეთი საქციელი ჩაიდინა, რამაც ერთგვარად გა-კიცხვის ღირსი გახადა. იგი უწინ ხშირად დასცინოდა ხოლმე ლუ-კულუსს, რომ ის მტრის საბოლოო დამარცხებამდე მის ქვეყანაში განკარგულებებს იძლეოდა, საჩუქრებსა და საპატიო რწმუნებებს ანაწილებდა და საერთოდ ისე იქცეოდა, როგორც გამარჯვებულნი ომის დამთავრების შემდგომ. ახლა კი ეს პომპეუსი, როცა მითრიდა-ტე ჯერ კიდევ ბოსფორის სამეფოს მბრძანებელი იყო და საკმაო მე-ბრძოლი ძალაც ჰყავდა, იმასვე აკეთებდა, რასაც ლუკულუსი, თითქოს ყველაფერი შესრულებული ჰქონოდა. იგი ეპარქიებს აწეს-რიგებდა და საჩუქართა გაბოძებას ახდენდა. იმხანად მის წინაშე მრავალი სარდალი, მთავარი და ბარბაროსთა თორმეტი მეფე გა-მოცხადდა, რომლებიც მან ასევე დააჯილდოვა. ამათ და სხვა ამათ მსგავსთა სასიხარულოდ და თავისი ჩვეულების საწინააღმდეგოდ პომპეუსმა საპასუხო წერილში პართების მეფე ღირსად არ სცნო მე-ფეთა მეფედ ელიარებინა.

მაშინ პომპეუსს მეტად მგზნებარე წადილი და მისწრაფება ჰქონ-და სირია აეღო და არაბეთზე გავლით მეწამულ ზღვამდე მისული-ყო, რათა გამარჯვებულს მიეღწია ოკეანემდე, სამყაროს რომ ყო-ველმხრივ გარს ევლებდა. მართლაც, იგი გამარჯვებული პარველი გა-ვიდა ლიბიაში გარე ზღვის ნაპირებამდე⁷¹, მერმე ესპანეთშიც ატ-ლანტის ოკეანეთი შემოსაზღვრა რომაელთა საბრძანებელი და მე-სამეჯერ, სულ ახლახან, ალბანების დევნის დროს, ცოტა დააჯლდა, თორემ ზედ ჰირკანიის ზღვასაც მიადგებოდა.

ამგვარად, პომპეუსმა გადაწყვიტა ლაშქრობათა წრე მეწამული ზღვით შეეკრა და მხედრობა აქეთკენ დაძრა.

მეორე მხრივ იგი ხელადდა, რომ იარაღით ხელში მითრიდატეს

სეს შესამოსელს აწვდიდნენ, კართან საგანგებოდ შეკაზმული ცხენი იდგა. ასეთი ცხენებით მეფის მეგობრები დადიოდნენ ზოლმე.

მოხუცმა იფიქრა, ეს ყველაფერი ჩემს გასამასხარებლად და დასაცინადაა აღმათ მოწყობილიო, და სახლიდან გასაქცევად კარს ეცა. იგი მსახურებმა შეაჩერეს და აუხსნეს, რომ მეფემ აჩუქა ერთი ახალხან გარდაცვლილი მდიდრის დიდი სახლი და რომ ყველაფერი ეს მხოლოდ ნიშნითა იმ ქონებისა და სიმდიდრის, რომელიც მას ებოძა.

ბოლოს და ბოლოს ძლივს დაიჯერა მოხუცმა ეს; მერმე ძოწეულის ტანსაცმლით შეიმოსა, დარახტულ ცხენზე შეჯდა და ქალაქში ყვირილ-ყვირილით გაიჭრა: „ეს ყველაფერი ჩემი არისო!“ ხალხს, რომელიც დასცინოდა, მონუცი ასე ეუბნებოდა: საკვირველი ეს კი არ არის, არამედ ის, სიხარულით გაგიჟებული გზად შემომხვდურთ ქვებს რომ არ გესვრითო. აი ასეთი სისხლისა და ჯილავისა იყო სტრატონიკე⁶⁷.

ერთი სიტყვით, სტრატონიკემ პომპეუსს გადასცა თავისი კოშკი და მრავალი სხვა საჩუქარიც მიართვა. ამ საჩუქრებში პომპეუსმა აიღო მხოლოდ ის, რაც ტაძართა შესამკობად გამოდგებოდა და რაც მის მომავალ ტრიუმფს ბრწყინვალეობას მისცემდა, დანარჩენზე კი გახარებულ სტრატონიკეს უთხრა: შენ გქონდესო. ასევე, როცა იბერთა მეფემ ოქროსაგან ნაკეთები საწოლი, მაგიდა და ტახტი გაუგზავნა და სთხოვა, ეს საჩუქრები მიეღო, პომპეუსმა მთელი ეს ძღვენი სახელმწიფო ხაზინისათვის კვესტორებს გადასცა.

37. ახლად აგებულ ციხე-სიმაგრე კენონში პომპეუსი მითრიდატეს საიდუმლო წერილებს წააწყდა. მან დიდი სიამოვნებით წაიკითხა ისინი, გინაიდან ეს ბარათები მეფის ხასიათს მთლიანად ააშკარავებდა. ამ ბარათებიდან, რომლებიც ერთგვარ მოგონებებს წარმოადგენდა, ცხადი გახდა, რომ მითრიდატეს მოწამლული ჰყავდა მრავალი ადამიანი, მათ შორის საკუთარი შვილი არიარათე და სარდალი ალკეოსი. ამ უკანასკნელის მოკვლის მიზეზი ის გახდა, რომ ერთხელ თურმე მეფეს ჭირითში აჭობა.

გარდა ამისა, აქვე იყო ჩაწერილი მითრიდატესა და მისი ცოლების მიერ ნანახ სიზმართა ახსნა. ბოლოს აქ აღმოჩნდა ფრიალ უხამსი ხასიათის წერილები მონიმესი მითრიდატესადმი და მითრიდატესი მონიმესადმი⁶⁸.

თეოფანე ამბობს⁶⁶, აქვე აღმოჩნდა რუტილიუსის⁶⁷ წეოილიც, რომელიც მეფეს მოუწოდებდა გაეყლიტა მცირე აზიაში მცხოვრები ყველა რომაელი. მაგრამ უმრავლესობა სავსებით სამართლიანად თვლის, რომ ეს არის თეოფანეს ბოროტი ცილისწამება რუტილიუსის მიმართ. თეოფანეს ეზიზღებოდა რუტილიუსი იმიტომ, რომ თვითონ არაფრით არა ჰგავდა მას. შესაძლოა თეოფანეს ამით უნდოდა ესა-მოვნებინა პომპეუსისათვის, რომლის მამა ფრიალ ცუდი სახით წარ-მოადგინა რუტილიუსმა თავის ისტორიაში.

36. აქედან პომპეუსი ამისეში მივიდა, სადაც თავისი პატივმოყვა-რეობის წყალობით ისეთი საცქიელი ჩაიდინა, რამაც ერთგვარად გა-კრცხვის ღირსი გახადა. იგი უწინ ხშირად დასცინოდა ხოლმე ლუ-კულუსს, რომ ის მტრის საბოლოო დამარცხებამდე მის ქვეყანაში განკარგულებებს იძლეოდა, საჩუქრებსა და საპატიო რწმუნებებს ანაწილებდა და საერთოდ ისე იქცეოდა, როგორც გამარჯვებულნი ომის დამთავრების შემდგომ. ახლა კი ეს პომპეუსი, როცა მითრიდა-ტე ჯერ კიდევ ბოსფორის სამეფოს მბრძანებელი იყო და საკმაო მე-ბრძოლი ძალაც ჰყავდა, იმასვე აკეთებდა, რასაც ლუკულუსი, თითქოს ყველაფერი შესრულებული ჰქონოდა. იგი ეპარქიებს აწეს-რიგებდა და საჩუქართა გაბოძებას ახდენდა. იმხანად მის წინაშე მრავალი სარდალი, მთავარი და ბარბაროსთა თორმეტი მეფე გა-მოცხადდა, რომლებიც მან ასევე დააჯილდოვა. ამათ და სხვა ამათ მსგავსთა სასიხარულოდ და თავისი ჩვეულების საწინააღმდეგოდ პომპეუსმა საპასუხო წერილში პართების მეფე ღირსად არ სცნო მე-ფეთა მეფედ ელიარებინა.

მაშინ პომპეუსს მეტად მგზნებარე წადილი და მისწრაფება ჰქონ-და სირია აეღო და არაბეთზე გავლით მეწამულ ზღვამდე მისული-ყო, რათა გამარჯვებულს მიედწია ოკეანემდე, სამყაროს რომ ყო-ველმხრივ გარს ევლებოდა. მართლაც, იგი გამარჯვებული პირველი გა-ვიდა ლიბიაში გარე ზღვის ნაპირებამდე⁷¹, მერმე ესპანეთშიც ატ-ლანტის ოკეანეთი შემოსაზღვრა რომაელთა საბრძანებელი და მე-სამეგრეო, სულ ახლახან, ალბანების დევნის დროს, ცოტა დააყლდა, თორემ ზედ პირკანის ზღვასაც მიაღებოდა.

ამგვარად, პომპეუსმა გადაწყვიტა ლაშქრობათა წრე მეწამული ზღვით შეეკრა და მხედრობა აქეთკენ დაძრა.

მეორე მხრივ იგი ხედავდა, რომ იარაღით ხელში მითრიდატეს

დაჭერა ფრიად ძნელი საქმე იყო და რომ უკუქცეული და დამალუ-
ლი მტერი უფრო საშიშია, ვიდრე პირისპირ მებრძოლი.

39. აი, სწორედ ამის გამო თქვა პომპეუსმა: მითრიდატეს აქ ჩემ-
ზე უფრო მეტად ძლიერ მტერს — შიმშილს დაუფუტოვებო. მან ზღვა-
ში საგუშაგო ხომალდები ჩააყენა, რათა თვალყური ედევნებინათ იმ
ვაჭრებისათვის, რომელნიც ბოსფორში საქონლით დატვირთულნი
მიცურავდნენ და ბრძანება გასცა ყოველი შეპყრობილი სიკვდილით
დაესაჯათ. თვითონ კი მხედრობის უდიდესი ნაწილით წინ გა-
ემართა.

ლაშქრობის დროს პომპეუსი წააწყდა ტრიარიუსის წინამძღოლო-
ბით მითრიდატესთან უიღბლო ბრძოლაში მონაწილე დახოცილ ჯა-
რისკაცთა ჯერ კიდევ დაუქრძალავ გვამებს⁷². მან ისინი დიდი პატი-
ვით მიაბარა მიწას. როგორც ჩანს, დახოცილ მებრძოლთა ასე უმატ-
რონოდ მიტოვება იყო ერთ-ერთი უდიდესი მიზეზი ლუკულუსისად-
მი აღძრული ზიზღისა ჯარისკაცთა შორის.

როცა პომპეუსმა აფრანიუსის მეშვეობით ამანოსის⁷³ გარშემო
მოსახლე არაბები დაიმორჩილა, თვითონ სირიაში ჩავიდა და ეს ქვე-
ყანა, იმ საბაბით, რომ მას კანონიერი მეფეები არ ჰყავდა, რომელი
ხალხის პროვინციად და საკუთრებად გამოაცხადა. მერმე იუდეა და-
იპყრო და მეფე არისტობულე დაატყვევა⁷⁴.

პომპეუსმა ზოგი ქალაქი ააგო, ზოგსაც თავისუფლება მიანიჭა და
იქაური ტირანები დასაჯა. თავისი დროის უმეტეს ნაწილს იგი სა-
სამართლო საქმეებსა და ქალაქთა და მეფეთა შორის არსებულ სადა-
ვო საკითხების გადაწყვეტას ანდომებდა. იქ, სადაც თვითონ ვერ მი-
დიოდა, თავის მეგობრებს აგზავნიდა. ასე, მაგალითად, ერთ-ერთი
ქვეყნის გამო მოქიშვე სომხებსა და პართებს, რომლებმაც დავის გა-
დაწყვეტა მას მიანდეს, მსაჯულად და მომრიგებლად სამი მეგობარი
გაუგზავნა.

პომპეუსის ძლიერების ზმა საკმაოდ შორს იყო გავარდნილი, მაგ-
რამ ამაზე ნაკლებ როდი ჰქუხდა ზმა მის სამართლიანობასა და კე-
თილმოწყალებასზე. აი სწორედ ეს სათნოება და კეთილმოწყალება
გახლდათ იმის მიზეზი, რომ პომპეუსი თავის მეგობართა და მახლო-
ბელთა შეცოდებებს ფარავდა. მას იმთავითვე არ შეეძლო წინააღ-
მდეგობა გაეწია ამ შეცოდებათა ჩამდენ პირთათვის ან დაესაჯა ისი-
ნი. მასთან მომსვლელ ხალხს ისე ექცეოდა ზოლმე, რომ ეს ხალხიც

იძულებული იყო მშვიდად აეტანა პომპეუსის მეგობართა ვერცხლის-
მოყვარობა და უხეშობა.

40. ყველაზე უფრო გავლენიანი პიროვნება პომპეუსთან დემეტ-
რიუსი გახლდათ. ის საკმაოდ ნიჭიერი ახალგაზრდა კაცი იყო, მაგ-
რამ თავისი ბედით მეტისმეტად სარგებლობდა. აი რას მოგვითხრო-
ბენ მასზე:

ჯერ კიდევ ახალგაზრდა, მაგრამ უკვე დიდი სახელის მქონე და
სიამაყის გრძნობით აღვსილი ფილოსოფოსი კატონი ანტიოქიისაყენ
გაემართა სწორედ მაშინ, როდესაც პომპეუსი იქ იყო. კატონს ამ ქა-
ლაქის გაცნობა უნდოდა. იგი ჩვეულებისამებრ ფეხით მიდიოდა, მი-
სი მეგობრები კი ცხენებზე ისხდნენ და ისე მიჰყვებოდნენ. ქალა-
ქის კარიბჭესთან მან თეთრ ტანისამოსში გამოწყობილი ხალხის კრე-
ბული დაინახა. გზის ერთ მხარეზე ჭაბუკები იყვნენ ჩამწყკრივებულ-
ნი, მეორეზე კი ბავშვები. კატონმა იფიქრა, ეს საზეიმო შეხვედრა
ჩემს საპატივცემლოდაა ალბათ გამართული, თუმცაღა ამის მსგავსი
მე არაფერი მჭირდებოდა, და გული მოუვიდა. მაგრამ მაინც უბრძანა
მეგობრებს ჩამოქვეითებულიყვნენ და მასთან ერთად ფეხით წასუ-
ლიყვნენ. როცა კატონი და მისი მხლებლები კარიბჭეს მიუახლოვდ-
ნენ, მათ შემოეგება საზეიმოდ ჩამწყკრივებული ხალხის გამრიგებე-
ლი და წინამძღოლი, რომელსაც თავზე გვირგვინი ედგა და ხელთ
კვერთხი ეპყრა. მან მოსულთ ჰკითხა: სად დატოვეთ დემეტრიუსი
და როდის მოვაო? კატონის მეგობრებმა ამჯერ ერთი სიცილ-ხარბა-
რი ატეხეს, კატონმა კი: თჳ, უბედურო ქალაქო! — წამოიძახა და
გზა განაგრძო ისე, რომ ამჯერ მეტი არაფერი უთქვამს.

დემეტრიუსისადმი სხვების ზიზღს პომპეუსი იმით ამსუბუქებდა,
რომ დემეტრიუსის თავხედობას მისადმი უსიტყვოდ ითმენდა. ასე,
მაგალითად, ვადმოგვცემენ: ხშირად, როცა პომპეუსი ლზინის დროს
სხვებს ელოდებოდა და სტუმრებს ღებულობდა, დემეტრიუსი უკვე
ამაყად იყო წამოწოლილი სუფრასთან და თავზე წამოგდებული ტო-
გა ყურებამდე ჰქონდა ჩამოფხატული.

ამ დემეტრიუსმა ჯერ კიდევ იტალიაში დაბრუნებამდე რომის გა-
რეუბანში შესანიშნავი სახლები და მშვენიერი გასართობი ადგილე-
ბი შეიძინა. აქვე ჰქონდა მას მეტად ძვირფასი ბალები, რომელთაც
დემეტრიუსის ბალებს უწოდებდნენ. პომპეუსი კი, პირიქით, სანამ მე-
სამე ტრიუმფს გადაიხდიდა, მეტისმეტად უბრალო სახლში ცხოვ-

რობდა. საკმაოდ გვიან პომპეუსმა რომაელებს ლამაზი და სახელგანთქმული თეატრი აუგო⁷⁵ და მას დამატების სახით თავისი საცხოვრებელიც მიუშენა, რა თქმა უნდა, წინანდელზე უფრო უკეთესი. მაგრამ მის ამ სახლს არაფრთაბი შური არ გამოუწვევია. ის კი არა, პომპეუსის შემდგომ ამ ბინის ახალი მფლობელი შიგ შესვლისთანავე გაოცდა. მან გაკვირვებით იკითხა: განა სად მიერთმევდა სადილს პომპეუსს დიდიო?

აი, ასე მოგვითხრობენ ამ ამბავს.

41. პეტრას⁷⁶ მიდამოებში მოსახლე არაბთა მეფე პირველ ხანებში არაფრად აგდებდა რომაელებს, ახლა კი მეტისმეტად შეშინდა და პომპეუსს მისწერა: „გადავწყვიტე ყველაფერში დაგემორჩილო და გავაყეთო ის, რაც შენ გნებავსო“. არაბთა მეფის გადაწყვეტილებაში რომ მტკიცედ დარწმუნებულიყო, პომპეუსი თავისი მხედრობით პეტრასაკენ დაიძრა.

ასეთი ლაშქრობა თითქმის ყველამ გაიცხა. საქმე ის იყო, რომ ფიქრობდნენ: პომპეუსი მითრიდატეს დევნას გაუბრის, თუმცაღა დიხაბ საჭიროა ამ ძველი მტრის წინააღმდეგ გაილაშქროსო. მით უმეტეს, რომ ეს მტერი კვლავ გამოცოცხლებული და მომზადებული იყო. ის კი არა, ხმები დადიოდა: სკვითთა და პეონთა ქვეყანაზე⁷⁷ გავლით მითრიდატეს იტალიაში შეჭრა სურსო. პომპეუსის აზრით კი მისთვის გაცილებით ადვილი იყო მითრიდატეს ძალის გატეხა პირისპირ ომში, ვიდრე მისი შეპყრობა დევნით. ამიტომ მას სრულებითაც არ უნდოდა მტრის ამოღ დევნა. იგი სხვა საქმეებს აკეთებდა, რომლებიც ასე თუ ისე მითრიდატეს ომთან იყო დაკავშირებული, და დროს აჭიანურებდა.

ამ საკმაოდ უხერხული მდგომარეობიდან პომპეუსი ბედმა დაიხსნა.

როცა პომპეუსი პეტრას საკმაოდ მანძილზე მიუახლოვდა, იმავე დღეს ბანაკი დასცა და ბანაკის მახლობლად ცხენზე გარჯიშობა დაიწყო. ამ დროს პონტოდან შიკრიკები მოვიდნენ და თან ფრიად სასიხარულო ამბავი მოიტანეს. ამას ნათელყოფდა მათი შუბის წვერები, რომლებიც დაფნის ფოთლებით იყო შემოსილი. დინანეს თუ არა ეს, ჯარისკაცები მყისვე მოზღვადნენ პომპეუსთან, მაგრამ ამას ჯერ გარჯიშობის დასრულება უნდოდა. მეომრებმა ყვირილი მორთეს და პომპეუსს ხვეწნა-მუღარა დაუწყეს: ჩქარა გავგაგებინე, რა-

შია საქმეო. მაშინ პომპეუსი ცხენიდან ჩამოქვეითდა, შიკრიკების მოტანილ წერილს ხელი სტაცა და მეომართა წრის შუაგულში გავიდა. აქ ტრიბუნა არ იყო. ჯარისკაცებმა არც სახელდახელო სალაშქრო ტრიბუნის გაცეთებას დაუცადეს (ამისათვის ისინი ჩვეულებრივ მიწის დიდ ბელტებს აწყობენ ერთმანეთზე). ცნობისმოყვარეობის სწრაფად დაკმაყოფილების სურვილით აღელვებულმა მეომრებმა სასაბალნე ცხენთა უნაგირები ერთმანეთს დააყარეს და შემადგენელი ადგილი გააკეთეს. ამგვარად გამართულ ტრიბუნაზე პომპეუსი ავიდა და ჯარისკაცებს მითრიდატეს სიკვდილი აუწყა: საკუთარი შვილის, ფარნაქეს ღალატის გამო მითრიდატემ თავი მოიკლაო; რაც შეეხება იქაურ მემკვიდრეობას, ის, ვით თავისი წილხვედრი, ფარნაქემ მისი საკუთრა და იტყობინებოდა: ყველაფერი ეს შენი და რომაელების ხათრით მოვიმოქმედეო.

42. ამ ამბით აღფრთოვანებული მხედრობა, რაღა თქმა უნდა, მსხვერპლთშეწირვებსა და საყოველთაო ქეიფ-ნადიმებს მიეცა, თითქოს მითრიდატეს სახით მრავალი ათასი მტერი მოჰყვდომოდა.

პომპეუსი, რომელმაც ასე იოლად და მოულოდნელად დაავიროვინა თავისი ღვაწლი და ლაშქრობა, დაუყოვნებლივ დაბრუნდა არაბეთიდან; სწრაფად გაიარა გზაზე მდებარე პროვინციები და ამისეში შევიდა. აქ პომპეუსმა მიიღო ფარნაქეს მიერ გამოგზავნილი ურიცხვი საჩუქარი და აგრეთვე სამეფო გვარის კაცთა მრავალი ცხედარი, რომელთა შორის მითრიდატეს გვამიც იყო. პონტოს ყოფილი მეფის ცნობა სახეზე აღარ შეიძლებოდა (მსახურებს შემურვის დროს თავიდან ტვინის ამოღება დავიწყებოდათ). ისინი, ვინც გვამზე დახედვას მოითხოვდნენ, მითრიდატეს მხოლოდ ნაჭრილობების წყალობით ცნობდნენ. რაც შეეხება პომპეუსს, მეფის ნეშტის ხილვა ვერ აიტანა და ღვთის რისხვის თავიდან ასაცილებლად მითრიდატეს ცხედარი სინოპში გაგზავნა. იგი მეტად განაცვიფრა მეფის ტანსაცმლისა და იარაღის ბრწყინვალეობამ, თუმცა მითრიდატეს ხმლის ქარქაში, რომელიც ოთხასი ტალანტი ღირდა, უკვე მოეპარა პუბლიუსს და არიარათესათვის⁷⁸ მიეყიდა, ხოლო მითრიდატესთან შეზრდილ გაიუსს მეფის ძვირფასი ჩაღმა ფარულად გადაეცა სულას ძის ფაუსტუსისათვის, რომელიც დაქინებით მოითხოვდა ამას. პომპეუსმა მაშინ ამაზე არაფერი არ იცოდა, მაგრამ მერე ფარნაქემ შეიტყო ყველაფერი და ქურდები დასაჯა.

მოაწესრიგა თუ არა იქაურ მხარეთა საქმეები, პომპეუსმა უკანა გზა საოცრად დიდი ზარ-ზეიმით გამოიარა.

როცა იგი მიტილენეში შევიდა, თეოფანეს პატივსაცემად ამ ქალაქს თავისუფლება მიანიჭა⁷⁹. პომპეუსი აქ ესწრებოდა წინაპართაგან დაწესებულ პოეტთა ასპარეზობას. ამ პოეტთა სიმღერის საგანი მხოლოდ მისი საგმირო საქმეები იყო. აქაური თეატრით ისე მოიხიბლა რომაელთა მთავარსარდალი, რომ მისი გამოსახულება და გეგმა გადაახატვინა, რათა ამის მსგავსი თეატრი რომშიც აეგო, ოღონდ უფრო დიდი და საუცხოო.

როდოსზე ყოფნის დროს პომპეუსი უსმენდა ყველა იქაურ სოფისტს. ყოველ მათგანს საჩუქრად თითო ტალანტი უბოძა. სხვათა შორის, პოსიდონიოსმა ჩაიწერა მერმე ის სიტყვა, რომელიც მაშინ პომპეუსის წინაშე წარმოთქვა და საზოგადო მიმოხილვათა საკითხში მკვერამეტყველ პერმაგორას წინააღმდეგ გაილაშქრა⁸⁰.

ათენში პომპეუსმა ასეთივე ყურადღება გამოიჩინა ფილოსოფოსების მიმართ, ქალაქს კი აღსადგენი სამუშაოებისათვის ორმოცდაათი ტალანტი აჩუქა.

პომპეუსი იმედოვნებდა, იტალიაში ისეთი დიდებით შევიდოდა, როგორიც ჯერ არც ერთ მოკვდავს არ ღირსებია, და იხილავდა სიანუკვარ შინაურებს, რომელთაც იგი დიდი ხნის მონატრებული ჰყავდათ. მაგრამ ბოროტი სული ყოველთვის ცდილობს ხოლმე ბედის მიერ მინიჭებულ ბრწყინვალეებასა და სიდიადეს სიმწარე შეუტრიოს. და აი, ეს ბოროტი სული უკვე დიდი ხანია ფარულად უშზადებდა პომპეუსს საკმაოდ მწარე დაბრუნებას. საქმე ის იყო, რომ სანამ პომპეუსი სამშობლოდან მოშორებით იმყოფებოდა, მისი მეუღლე მუცია თავაშვებულ ცხოვრებას ეწეოდა. შინიდან მოშორებით მყოფი პომპეუსი ცოლის საქციელის ირგვლივ დარხეულ ხმებს ყურადღებას არ აქცევდა, მაგრამ როცა იტალიას მიუახლოვდა და მოცალოების ქაშს ყველაფერი კარგად აწონ-დაწონა, მუციას წერილობრივ აუწყა: გეყრებიო. თუ რისთვის გაუშვა ცოლი, ეს არც მაშინ დაუწერია და არც შემდგომ ხანებში უთქვამს ამაზე რამე. მათი გაყრის მიზეზი ციცერონის წერილებშია აღწერილი⁸¹.

43. პომპეუსის გარშემო მრავალგვარი ხმა დადიოდა რომში. მან მეტისმეტად დიდი და საყოველთაო შემფოთება გამოიწვია. ეგონათ, იგი მყისვე დაძრავდა თავის მხედრობას ქალაქისაკენ და მტკიცე

მონარქიას დაამყარებდა. კრასუსმა⁸² მოჰკიდა ხელი თავის შვილებს, წაიღო ქონება და ფარულად გავიდა რომიდან. ეს ან იმიტომ ჩაიდინა, რომ მართლა შეეშინდა, ანდა, რაც უფრო სარწმუნოა, უნდოდა ცილისწამება მეტად დამაჯერებელი ყოფილიყო და პომპეუსისადმი ზიზღი გაეძლიერებინა.

მაგრამ დადგა თუ არა ფეხი პომპეუსმა იტალიის მიწაზე⁸³, ჯარისკაცები ყრილობაზე მიიწვია და შექმნილი პირობების შესაფერი გამოსასალმებელი სიტყვით მიმართა. მან თავის მეომრებს წინადადება მისცა თავ-თავიანთ ქალაქებში დაბრუნებულყვნენ და ხელი შინაური საქმეებისათვის მოეკიდათ. თან ისიც უთხრა, არ დავიწყებოდათ ტრიუმფის დროს კვლავ მასთან მისულიყვნენ.

აი, ასე დაიშალა პომპეუსის მხედრობა. ეს ამბავი საყოველთაოდ შეიტყვეს და ამან ფრიად საოცარი შედეგი გამოიწვია. როცა იტალიის ქალაქთა მცხოვრებლებმა დაინახეს განიარაღებული და მცირეოდენი მეგობრებით გარშემოხვეული პომპეუსი, რომელიც უბრალო მოგზაურობიდან დაბრუნებულ კაცსა ჰგავდა, სიყვარულით შეეგებნენ მას და რომამდე ვააცილეს. ისე მრავალრიცხოვანი ხალხი მიჰყვებოდა პომპეუსს ქალაქისაკენ, რომ რაიმე ამბოხების მოწყობისა და სახელმწიფო გადატრიალების განზრახვის შემთხვევაში თავისი მხედრობა სრულებითაც არ დასჭირდებოდა.

44. რაკილა კანონი ტრიუმფამდე ქალაქში შესვლის ნებას არ იძლეოდა, პომპეუსმა თხოვნით მიმართა სენატს ისეთი პატივი ეცათ მისთვის, რომ კონსულთა არჩევნები გადაედოთ, რა არის ამ არჩევნებს თვითონაც დასწრებოდა და პიზონის კონსულობისათვის დაეჭირა მხარი⁸⁴. ამ თხოვნის წინააღმდეგ სასტიკად გაილაშქრა კატონმა⁸⁵ და პომპეუსის სურვილი შეუსრულებელი დარჩა.

პომპეუსი მეტად გააკვირვა კატონის გულანდილობამ და გამბედაობამ. ამის წყალობით მხოლოდ იგი გამოვიდა აშკარად კანონიერების სადარაჯოზე. პომპეუსმა განიზრახა, რაღაც არ უნდა დასჯდომოდა, ეს კაცი თავის მხარეზე გადაებირებინა. კატონს ორი დისშვილი ჰყავდა. პომპეუსმა გადაწყვიტა ერთი მათგანი თვითონ შეერთო ცოლად, მეორე კი თავის ვაჟზე დაექორწინებინა. კატონმა ფრიად დიდი ეჭვის თვალით შეხედა ამ სურვილს. იგი ფიქრობდა: ამ ხერხით პომპეუსს ჩემი გადაბირება სწადია და დანათესაობის წყალობით უნდა მომისყიდოსო.

კატონის დასა და მეუღლეს ფრად ეწყინათ. რომ მან პომპეუს დიდთან დამოყვრებაზე უარი თქვა. ამასობაში პომპეუსი აფრანიუსის კონსულად გაყვანას ცდილობდა და სამისოდ ფულს ტრიბების მიხედვით დაუზოგავად ხარჯავდა. არჩევნებში მონაწილე ტრიბები ფულს მის ბაღში ღებულობდნენ.

ეს ამბავი ქვეყანამ გაიგო და პომპეუსს გაკიცხვა დაუწყეს, რომ იგი ისეთ უდიდეს თანამდებობას, რომელსაც თვითონ დიდ გამარჯვებათა ფასად მიიღწია, გასაყიდ რამედ აქცევდა იმ ადამიანთათვის, რომელთაც მისი მოპოვება პირადი დამსახურებით არ შეეძლოთ. „აი, ხედავთ, — უთხრა მაშინ კატონმა თავის დასა და მეუღლეს, — ასეთ სამარცხვინო საქმეთა თანამოზიარედ ვახდებოდა ისიც, ვინც პომპეუსთან დამოყვრებას მოინდომებდა!“ როცა ქალებმა ეს გაიგონეს, მიხვდნენ, რომ კატონს მათზე უკეთ ესმოდა, თუ რის გაკეთება სჯობდა.

45. პომპეუსის ტრიუმფი ეგზომ დიდი და ბრწყინვალე იყო, რომ, მიუხედავად იმისა, ზეიმის გადახდა ორ დღეზე განაწილდა, დრო მაინც არ აღმოჩნდა საკმარისი. ბევრი რამ ისეთი, რაც ამგვარი დღესასწაულის განსაზღვრებად და შესამკობად გამოდგებოდა, საყოველთაო სანახაობაზე არ გამოუტანიათ.

ზეიმის დროს წინ მოჰქონდათ დაფები იმ ქვეყნებისა და ხალხების სახელთა აღნიშვნით, რომელნიც პომპეუსმა დაამარცხა და რომლებზედაც გამარჯვების ტრიუმფს იხდიდა. ეს იყო: პონტო, სომხეთი, კაპადოკია, პაფლაგონია, მიდია, კოლხეთი, იბერები, ალბანები, სირია, კილიკია, მესოპოტამია, ფინიკიისა და პალესტინის ტომები, იუდეა, არაბეთი და ხმელეთსა თუ ზღვაზე განადგურებული მეკობრეთა რაზმები. აქვე იყო აღნიშნული, რომ პომპეუსმა ამ ქვეყნებში აიღო ათასამდე ციხე-სიმაგრე და თითქმის ცხრაასი ქალაქი, რომ მან ხელთ იგდო ზღვის ყაჩაღთა რვაასი ხომალდი და დააარსა ოცდაცხრამეტი ქალაქი. გარდა ამისა, დაფებზე გაკეთებული წარწერები იუწყებოდნენ: სახელმწიფოს სახარკო შემოსავალი, რომელიც აქამდე ორმოცდაათ მილიონ დრაქმას აღწევდა, პომპეუსის მიერ რომისადმი დაქვემდებარებული ქვეყნების წყალობით ოთხმოცდახუთ მილიონ დრაქმამდე გაიზარდაო. სახელმწიფო ხაზინაში ლითონის ფულის, ოქროსა და ვერცხლის ნივთების სახით შეტანილ იქნა ოცი ათასი ტალანტი იმის ჩაუთვლელად, რაც ჯარისკაცებს დაურიგდათ.

თითოეულმა მათგანმა კი სულ ცოტა ათას ხუთასი დრაქმა მიიღო.

მეკობრეთა მეთაურების გარდა ტრიუმფში მიდიოდნენ შემდეგი ტყვეები: სომხეთის მეფის ტიგრანის ძე ცოლითა და ქალიშვილით, თვითონ ტიგრანის მეუღლე ზოსიმა, იუდეველთა მეფე არისტობულე, მითრიდატეს დაი და ხუთი შვილი⁸⁶, მრავალი სკევითი ქალი და აგრეთვე ალბანების, იბერებისა და კომაგენელთა⁸⁷ მეფის მძევლები. ზეიმზე მოჰქონდათ უამრავი ნადავლიც. მათი რიცხვი ზუსტად უდრიდა ყველა იმ ბრძოლას, რომელშიაც გამარჯვება ან თვითონ პომპეუსმა, ანდა მისმა სარდლებმა მოიპოვეს.

მაგრამ ყველაზე უფრო მეტად პომპეუსის სახელს შარავანდედით მოსავედა ისეთი რამ, რაც არც ერთ რომელს არ ღირსებია: იგი მესამე ტრიუმფს იხდიდა ქვეყნის მესამე ნაწილზე გამარჯვების გამო! სამგზის ტრიუმფი, რა თქმა უნდა, სხვებსაც ჰქონდათ გადახდილი, მაგრამ საქმე ის იყო, რომ პირველი ტრიუმფი, რომელიც პომპეუსმა გადაიხადა, ლიბიაზე გამარჯვებისა იყო, მეორე ევროპაზე გამარჯვებისა, ხოლო მესამესა და უკანასკნელ ტრიუმფს იგი აზიაზე გამარჯვებისათვის იხდიდა. ასე ჩანდა, თითქოს სამი ტრიუმფით მთელი დასახლებული სამყაროს დამორჩილებას ზეიმობდა.

46. ამ დღესასწაულის დროს პომპეუსი, იმ პირთა აზრით, რომლებიც მას ყოველმხრივ ალექსანდრეს⁸⁸ ამსგავსებდნენ, ასაკით ოცდათოთხმეტ წელზე უფრო ნაკლებისა იყო. სინამდვილეში კი უკვე ორმოც წელს უახლოვდებოდა.

მეტად იღბლიანი კაცი იქნებოდა პომპეუსი, მაშინ რომ მომკვდარიყო, როცა ყველაფერში ალექსანდრეს ბედი ეწია. ტრიუმფის გადახდის შემდეგ დაუნდობელმა დრომ შურის გამომწვევი ბედნიერება და განუკურნებელი უიღბლობა მოუტანა. მან ფრიალ ღირსეულ საქმეთა შესრულებით მოიპოვა რომში გავლენა, მაგრამ ამ გავლენას საკმაოდ უსამართლოდ იყენებდა სულ სხვა ხალხის გულისთვის. ასე რომ რამდენადაც ამ ხალხს ძალას ანიჭებდა, იმდენად საკუთარ სახელს იმცირებდა; ამგვარად, მისთვის სრულიად შეუუმჩნევლად, საკუთარმა ძლიერებამ და დიდმა გავლენამ იგი დიდების კვარცხლბეკიდან ძირს დასცა. ვით მტრის ხელში ჩავარდნილი გამაგრებული უბნები და ციხე-სიმაგრენი ქალაქისა ახალ პატრონებს ძალ-ღონეს ჰმატებს, ისე კეისარი აღზევდა რომში პომპეუსის ძლე-

გამოსილების წყალობით და ის კაცი, რომლის შემწეობითაც სხვებზე მბრძანებლობა მოიპოვა, საკვებით გაანადგურა. მოხდა ეს შემდეგნაირად.

პომპეუსის მიერ შეურაცხოფილი ლუკულუსი აზიიდან რომ დაბრუნდა, სენატმა ბრწყინვალე მიღება გაუმართა მაშინვე და წინადადება მისცა, ასევე ახლახან დაბრუნებული პომპეუსის სახელისათვის ფრთების შეკეცვის მიზნით, სახელმწიფოს საქმეებისათვის მოეკიდო ხელი. მიუხედავად იმისა, რომ უკვე მოთენთილი და სახელმწიფო მოღვაწეობისადმი გულგაგრილებული ლუკულუსი მხოლოდ დროს ტარებასა და ფუფუნებაზე ფიქრობდა, იგი მყისვე აღსდგა პომპეუსის წინააღმდეგ, თავგამოდებით შეებრძოლა იმ განკარგულებათა გულისათვის, რომლებიც პომპეუსმა გააუქმა⁸⁹, და დაამარცხა იგი. კატონის დახმარებით ლუკულუსმა სენატშიაც პირველობა მოიპოვა.

უპუგდებული და ყოველმხრივ შევიწროებული პომპეუსი იძულებული გახდა დახმარებისათვის სახალხო ტრიბუნებთან მისულიყო და ბიჭბუჭებს მიჰქედლებოდა. ამათ შორის ყველაზე უფრო საძაგელი და თავხედი იყო კლოდიუსი⁹⁰. მან ადვილად მოიქცია ხელში პომპეუსი და უბრალო ხალხის ნება-სურვილს მიუგდო. კლოდიუსი არად აგდებდა პომპეუსის დიად ღირსებას და სახელმოხვეჭილ სარდალს ფორუმზე აქეთ-იქით დააწოწიალებდა, რა არის პომპეუსს მხარი დაეჭირა ყველაფერში, რასაც თვითონ ბრბოს გულის მოსაგებად და თვალთმაქცობისათვის სწერდა და აცხადებდა. კლოდიუსს თავი ისე ეჭირა, თითქოს კი არ არცხვენდა პომპეუსს, არამედ დახმარებას უწევდა. ამიტომ მისგან სამაგიეროს მოითხოვდა; ეს სამაგიერო კიდევ მიიღო შემდგომში. სახელდობრ, კლოდიუსი სთხოვდა ელაღატა ციცერონისთვის, რომელმაც პომპეუსს დიდი სიკეთე დასდო. როცა საფრთხეში ჩავარდნილმა ციცერონმა დახმარებისათვის პომპეუსს მიმართა, ის არც კი დაენახვა მას; ის კი არა, საშუამდგომლოდ მისულ ხალხს კარი ჩაუკეტა და თვითონ სხვა კარიდან გავიდა. მოსალოდნელი გასამართლების შიშით შემკრთალი ციცერონი იძულებული გახდა მალულად წასულიყო რომიდან.

47. სწორედ ამ დროს ლაშქრობიდან დაბრუნდა კეისარი⁹¹ და ისეთი პოლიტიკური ნაბიჯი გადადგა, რომელმაც იმეამად დიდი წყალობა, ხოლო შემდგომში განუსაზღვრელი ძლიერება მოუპოვა; მაგ-

რამ პომპეუსისა და რომის რესპუბლიკისათვის ეს პოლიტიკური ნაბიჯი ფრიად სახელმწიფო გამოდგა. კეისარი პირველად ცდილობდა მაშინ კონსულის თანამდებობის მოპოვებას. იგი ხელად, კრასუსი და პომპეუსი სამტროდ იყვნენ გადაკიდებული და მათი შერიგება გადაწყვიტა. ეს თავისთავად კეთილშობილი საქმე და სასარგებლო პოლიტიკური ნაბიჯი იყო, მაგრამ ამავე დროს მეტისმეტად ბოროტ მიზანს ისახავდა და კეისარმაც ფრიად მოხერხებული ცბიერებით განახორციელა.

აქამდე მთელი ძალა რომში, ვით ხომალდზე ტვირთი, ორად იყო გაყოფილი, ისე რომ სახელმწიფოში თუკი რამე გადაზრა იქნებოდა, ძალის ასეთი განაწილება წონასწორობას ამყარებდა. მაგრამ ახლა ამ ძალამ ერთ წერტილში მოიყარა თავი, გაერთიანდა, ხოლო რაკი საწინააღმდეგო ძალა აღარ ჩანდა, თანფარდობაც დაირღვა. ამან რომის რესპუბლიკა შეარყია და ძირს დასცა. იმ ხალხს, ვინც ამბობდა: ქალაქი კეისარსა და პომპეუსს შორის შემდგომში ჩამოვარდნილმა უთანხმოებამ დალუპაო, კატონი ეუბნებოდა, რომ შეცდომა იყო ამ ამბის მიზეზად ამ უკანასკნელი გარემოების აღიარება. კეისარსა და პომპეუსს შორის არსებული შფოთი და მტრობა კი არა, არამედ სწორედ მათი შეკავშირება და თანხმობა გახდა სახელმწიფოს უბედურების პირველი და უდიდესი მიზეზიო, — ამბობდა კატონი.

ასე იყო თუ ისე, კეისარი აირჩიეს კონსულად. უპოვართა და ლარბთა გულის მოსაგებად მან დაუყოვნებლივ შემოიტანა წინადადება ახალშენთა დაარსებისა და აღგილ-მამულთა დაყოფა-განაწილების შესახებ. ამით იგი თავის საპატიო რწმუნებას ამცირებდა და კონსულობას ერთგვარად სახალხო ტრიბუნის მოვალეობას უახლოვებდა. ამის წინააღმდეგ სასტიკად გაილაშქრა მისმა თანაკონსულმა ბიბულუსმა. კატონიც თავგამოდებულად ცდილობდა მთელი ძალონით დახმარებოდა ბიბულუსს. მაშინ კეისარმა ხელი მოჰკიდა პომპეუსს, საჯაროდ ტრიბუნაზე შეაყენა და ჰკითხა: იწონებ თუ არა ჩემს კანონებსო? პომპეუსმა დასტური მისცა. „ვინმე რომ ამ კანონთა წინააღმდეგ ზელი აღმართოს, — ჰკითხა მერმე კიდევ კეისარმა, — დაეხმარები თუ არა ხალხსო?“ „დიახ, ყველაფრით დავეხმარები, — უპასუხა პომპეუსმა, — და იმათ წინააღმდეგ, ვინც მახვილით დავგემუჭრება, მეც მახვილითა და ფარით გამოვალო!“.

ასეთი მრისხანე რამ ამ დღემდე არც სიტყვით უთქვამს ოდესმე

პომპეუსს და არც საქმით შეესრულებია. ამიტომ იყო, რომ მეგობრები ამართლებდნენ: პომპეუსმა ეს სიტყვა მოუფიქრებლად წამოისროლა მაშინო. მაგრამ ყველაფერი, რაც პომპეუსმა ამის შემდეგ ჩაიდინა, იოლი დადასტურება იყო იმისა, რომ იგი კეისრის სრული მორჩილი გახდა. მცირე ხნის შემდგომ, ყველასათვის მოულოდნელად, მან ცოლად შეირთო კეისრის ასული იულია, რომელიც დანიშნული იყო ცეპიონზე⁹² და რამდენიმე დღის შემდეგ კიდევ უნდა გაპყლოდა მას; გამწყრალი ცეპიონის დასამშვიდებლად პომპეუსმა პირობა დასდო, რომ მას მიათხოვებდა თავის ქალს, რომელიც აგრეთვე უკვე დანიშნული იყო სულას ვაჟზე ფაუსტუსზე. თვითონ კეისარმა კი ცოლად შეირთო პიზონის ასული კალპურნია.

48. ამის შემდეგ პომპეუსმა ქალაქი ჯარისკაცებით გაავსო და ყველაფერს ძალით იმორჩილებდა. მისი მეომარები ანაზღეულად თავს დაესხნენ კონსულ ბიბულუსს, რომელიც ლუკულუსსა და კატონთან ერთად ფორუმზე მიდიოდა და მის ლიქტორებს წყებლის კონეები დაუმტვრიეს; ერთმა მეომარმა კი ბიბულუსს ნეხვით სავსე კალათი ზედ თავზე დაამხო; მისი თანმხლები ორი სახალხო ტრიბუნიც⁹³ დაჭრეს. მოწინააღმდეგეთაგან ფორუმის გაშენდის შემდეგ მოკავშირეებმა დაამტკიცეს ადგილ-მამულის დანაწილების კანონი. ამ ზერხით მოტყუებული ხალხი ყველაფერში მათი მორჩილი და გამგონი გახდა, იგი მათ წინააღმდეგ მიმართულ არც ერთ მოძრაობაში არ ერეოდა და მოკავშირეთა ყველა გადაწყვეტილებას დუმილით აძლევდა ხმას.

ამის წყალობით დამტკიცდა პომპეუსის ის განკარგულებანი, რომელთა წინააღმდეგ ლუკულუსი ილაშქრებდა; სახელდობრ, კეისარმა ხუთი წლის ვადით სავამებლოდ მიიღო ალპებს იმიერ და ამიერ გალია, ილირია და ოთხი სრული ლეგიონისაგან შემდგარი მხედრობა⁹⁴; გარდა ამისა, მომავალი წლისათვის⁹⁵ კონსულებად უნდა ყოფილიყვნენ კეისრის სიმამრი პიზონი და პომპეუსის ყველაზე უფრო უტიფარი მლიქვნელი გაბინიუსი.

ამ ღონისძიებათა გატარების დროს კონსული ბიბულუსი სახლში ჩაიკეტა და თავისი კონსულობის რვა თვის მანძილზე გარეთ არ გამოსულა. იგი მხოლოდ იმით კმაყოფილდებოდა, რომ კეისრისა და პომპეუსის წინააღმდეგ მიმართულ ბრძანებებს აზღავნიდა, რომლებიც აღსავსე იყო ლანძღვა-გინებითა და ბრალდებებით⁹⁶. კატონი,

თითქოს ღვთის მიერ იყო შეგონებული, სენატში ქალაქისა და პომპეუსის ბედს წინასწარმეტყველებდა. რაც შეეხება ლუკულუსს, სახელმწიფო საქმეებზე ხელი აიღო და მშვიდ ცხოვრებას მიეცა იმ საბაბით, თითქოს მისი ასაკი პოლიტიკურ მოღვაწეობას აღარ შეეფერებოდა. მართალია, ამაზე პომპეუსმა შენიშნა: მოხუცს ნებიერი ცხოვრება ნაკლებ შეჰფერის, ვიდრე პოლიტიკური მოღვაწეობაო, მაგრამ სულ ჩქარა ახალგაზრდა ცოლის ზიკვარძლის წყალობით ოვითონაც განცხრომას მიეცა; იგი მთელ დღეებს მასთან ერთად ატარებდა საკუთარ მამულსა და ბაღებში, ხოლო რა ხდებოდა ფორუმზე, ოდნავადაც არ აღარდებდა. ამის გამო მაშინდელმა სახალხო ტრიბუნმა კლოდიუსმა ათვალწუნებით დაუწყო ცქერა პომპეუსს და თავხედურ საქმეთა შესრულებას შეუდგა. მან რომიდან გააძევა ციცერონი, ხოლო კატონი სამხედრო ლაშქრობის საბაბით, კიპროსზე გაგზავნა. როცა კეისარი გალიაში გაემგზავრა, კლოდიუსმა დაინახა, რომ ხალხი, რომლის საამებლად იგი ესოდენ იღვწოდა, მისდამი ერთგულად იყო განწყობილი, ამიტომ დაუყოვნებლივ შეუდგა პომპეუსის ზოგიერთი დადგენილების გაუქმებას. მან მოიტაცა ტყვე ტიგრანი და საკუთარ სახლში დამალა; გარდა ამისა, კლოდიუსი სამართალში აძლევდა პომპეუსის მეგობრებს, რათა მათზე ესინჯა პომპეუსის ძალა. ბოლოს, როცა ერთხელ რაღაც საქმის გამო შემდგარ სასამართლოს სხდომას პომპეუსი ესწრებოდა, უტიფრობითა და თავხედობით აღსავსე აღამიანთა ჯგუფით გარშემოხვეული კლოდიუსი გამოსაჩენ ადგილზე შედგა და თავის მხლებლებს ასეთი კითხვებით მიმართა: „ვინ არის გარყვნილი იმპერატორი? ვინ არის ის კაცი, რომელიც მამაკაცებს დაეძებს? ვინ იფხანს თავს ერთი თითით?“ გარეწართა ბრბო კარგად გაწაფული გუნდით ყოველ კითხვაზე, როცა კი კლოდიუსი ტოვას შეარხევდა, ყვირილით იძლეოდა პასუხს: „პომპეუსია ეგ კაცი, პომპეუსიო!“.

49. ყველაფერი ეს საკმაოდ აღიზიანებდა პომპეუსს. იგი ჩვეულებრივ არ იყო შეურაცხყოფელი სიტყვების მოსმენას და არცთუ ამდაგვარ ბრძოლაში იყო გამოცდილი. მაგრამ ყველაზე მეტი მწუხარება მაშინ განიცადა, როცა დაინახა, სენატს უხაროდა მისი შეურაცხყოფა და ის, რომ ციცერონის ღალატისათვის ისჯებოდა.

ერთხელ ფორუმზე საქმე ხელჩართულ ბრძოლამდეც კი მივიდა და ზოგიერთები ჯიდეც დაჭრეს. კლოდიუსის ერთმა მოწამამ ამ დროს

თავმოყრილი ბრბო გაარღვია და შემართული მახვილით პომპეუსთან მიიჭრა. პომპეუსმა ეს ამბავი საბაბად გამოიყენა და გადაწყვიტა მანამდის არ გამოსულიყო ფორუმზე, სანამ კლოდიუსი თანამდებობაზე იქნებოდა მისი თავხედობისა და ცილისწამების ასაცდენად. ეს დრო მან შინ ჩაკეტილმა გაატარა... აქ იგი მეგობრებთან ერთად ბჭობდა იმაზე, თუ როგორ დაემშვიდებინა სენატისა და წარჩინებულთა ფენის რისხვა, რომელიც მის წინააღმდეგ იყო მიმართული. კულეონმა ურჩია გაპყროდა იულიუსი, ხელი აეღო კეისართან მეგობრობაზე და სენატის მხარეზე გადასულიყო. პომპეუსი ამაზე არ დთანხმდა. სამაგიეროდ დაუჯერა იმ ადამიანების სიტყვებს, რომლებიც მოითხოვდნენ კლოდიუსის უდიდესი მტრის და სენატისათვის უძვირფასესი ადამიანის ციკერონის უკან დაბრუნებას.

პომპეუსმა დიდი ამაღლის თანხლებით ფორუმზე გაიყვანა ციკერონის ძმა, რომელსაც ხალხისთვის თხოვნით უნდა მიემართა. აქ შეტაკება გაიმართა. ბევრი დაიჭრა; ზოგიერთი კილეც მოკლეს; მაგრამ ბოლოს პომპეუსმა კლოდიუსზე გაიმარჯვა.

გადაწყვეტილების ძალით ციკერონი კვლავ დაბრუნდა რომში. მან არათუ მაშინვე შეაჩივრა სენატი პომპეუსთან, არამედ პურის კანონისათვის მხარის დაჭერით⁹⁷ პომპეუსი ისევ გახადა ერთგვარი ბატონ-პატრონი ხმელეთსა და ზღვაზე, რომლებიც რომაელებს ეკუთვნოდა. ამ კანონის ძალით პომპეუსის ხელქვეითობაში აღმოჩნდა: ნავსადგურები, ყველა სავაჭრო ადგილი, ხილის ყიდვა-გაყიდვის საქმე, ერთი სიტყვით რომ ვთქვათ, ყველაფერი ის, რაც მეზღვაურთა და მიწის მუშაკთა საქმიანობაში შედიოდა. კლოდიუსი ბრალს სდებდა პომპეუსს და გაიძახოდა: პურის სიმცირის გამო კი არ დაიწერა ეს კანონი, არამედ იმიტომ, რომ ახალი დიდი რწმუნების წყალობით გამოცოცხლდეს და აღდგეს პომპეუსის მიმქრალი ძლიერება; სურსათის ნაკლებობა სწორედ ამისთვისაა განზრახ გამოწვეულიო. სხვები კი ამტკიცებდნენ, ეს კონსულ სპინთერის მოგონილი ხერხია⁹⁸. სპინთერს უნდა მაღალი თანამდებობით შებოჭოს პომპეუსი, რათა მეფე პტოლემეოსის დასახმარებლად თვითონ გაგზავნონო⁹⁹.

ასე იყო თუ ისე, სახალხო ტრიბუნმა კანიდიუსმა შემოიტანა წინადადება ეგვიპტეში სწორედ პომპეუსი წასულიყო, ოღონდ მხედრობის გარეშე, მხოლოდ ორი ლიქტორის თანხლებით, და მეფე ალექსანდრიელთან შეერიგებინა, როგორც ჩანდა, ამ წინადადე-

ბით პომპეუსი უკმაყოფილო არ იყო, მაგრამ იგი უკუაგდო სენატმა და თავის გასამართლებლად მოიმძივნა: შესაძლოა ასეთი დიდი კაცი, როგორც პომპეუსია, განსაცდელში ჩავარდესო. მაგრამ იმ ბარათებში, რომლებიც ფორუმზე და კურიის წინ აღმოაჩინეს მიმობნეული, პტოლემეოსი თხოულობდა მისთვის სპინთერის ნაცვლად პომპეუსი მიეცათ სარდლად.

ტიმაგენე¹⁰⁰, სხვათა შორის, ამბობს, პტოლემეოსი სრულიად უსაფუძვლოდ ჩამოვიდა რომში და ეგვიპტე თეოფანეს წაქეზებით დატოვაო; თეოფანე მოწადინებული იყო პომპეუსისათვის გამდიდრებისა და ახალი მხედრობის სათავეში ჩადგომის საშუალება მიეცაო. ეს ამბავი ერთი მხრივ თეოფანეს გაიძევრობის გამო თითქოს სარწმუნო იყო, მაგრამ პომპეუსის ხასიათი მას დაუჯერებელს ხდიდა. პომპეუსს ვერაგული და ფლიდი პატივმოყვარეობა როდი ახასიათებდა.

50. დანიშნეს თუ არა პურის მორეწისა და დანაწილების საქმის მეთაურად, პომპეუსმა ყოველ მხარეს გაგზავნა თავისი ლეგატები და მეგობრები; თვითონ კი სიცილია, სარდინია და ლიბია შემოიარა და აქ პურის შეგროვებას შეუდგა.

როცა იგი ამ ქვეყნებში გამგზავრებას აპირებდა, ზღვაზე საშინელი ქარიშხალი ამოვარდა. მესაჭეებმა ყოყმანი დაიწყეს. მაშინ პომპეუსი პირველი ავიარდა ხომალდზე; მან ბრძანება გასცა ღუზა აეშვათ და დაიყვია: „ზღვაში გასვლა აუცილებელია, სიცოცხლე კი სრტლებით არაა აუცილებელიო!“ ასეთი შამაცობისა, თავგამოდებისა და თანაც ბედის წყალობით პომპეუსმა ბაზრები პურით აავსო, ხოლო ზღვა ხომალდებით გაჭედა. ამგვარი მომარაგების მიზეზით რომეღთა მეზობელ ხალხებსაც კი ჭარბად ჰქონდათ პური: ეს მომარაგება დაუშრეტელი წყაროს ნაკადებივით მოეფინა ყველგან.

51. ამავე ხანებში გალიაში წარმოებულმა ომებმა ფრიად დიდი სახელი მოუხვეჭა კეისარს. ასე ჩანდა, თითქოს რომიდან მეტად მოცილებული მხოლოდ ბელაგებთან, სვებებთან და ბრიტანელებთან ბრძოლით იყო გართული; სინამდვილეში კი სხვებისათვის შეუმჩნევლად და ოსტატურად რომაელი ხალხის გადაბირებას ახერხებდა და ფრიად მნიშვნელოვან საქმეებში პომპეუსს ხელს უშლიდა. თავის ჯარს ისე უვლიდა კეისარი, როგორც ცოცხალ სხეულს. როცა ბარბაროსთა წინააღმდეგ საბრძოლველად მიჰყავდა მხედრობა, ეს მარ-

ტო ამ ბარბაროსებთან ომი კი არ იყო, არამედ წვრთნა და გეშვა ნადირზე, რათა თავისი ჯარი დაუძლეველი და თავზარდამცემი გაეზადა. თქრო-ვერცხლსა თუ სხვა ნაღველს, რაც კი იმდენ ომებში მოიპოვა, კეისარი რომში აგზავნიდა და საჩუქართა გაბოდებით ედილებს, პრეტორებს, კონსულებსა და მათ ცოლებს ქრთამავდა. ამის წყალობით იგი მრავალ მომხრეს იძენდა. აი, ამიტომ იყო, როცა კეისარმა ალპები გადმოლაზა და გამოსაზამთრებლად ლუკაში დაიბანავა, ერთიმეორეზე მოყოლებით გაემართა მასთან კაცთა და ქალთა მრავალი კრებული. აქვე გამოცხადდა ორასი სენატორი, რომელთა შორის პომპეუსიცა და კრასუსიც იყვნენ. კეისარის სადგომი ბინის კარის წინ პროკონსულთა და პრეტორთა ეს ოცი სალიქტორო წევბლის კონა მოჩანდა¹⁰¹.

კეისარმა ყველანი იმედებითა და საჩუქრებით აავსო და უკან გაისტუმრა. რაც შეეხება კრასუსსა და პომპეუსს, მათთან ხელშეკრულება დადო: კრასუსსა და პომპეუსს კონსულობა უნდა მოეთხოვათ; კეისარი მათ დაეხმარებოდა იმით, რომ არჩევნებში მონაწილეობის მისაღებად მრავალ ჯარისკაცს გაგზავნიდა. ესენი თავიანთ ზმას კრასუსსა და პომპეუსს მისცემდნენ. აირჩევდნენ თუ არა კონსულებად, კრასუსსა და პომპეუსს როგორმე მაშინვე უნდა ხელთ ჩაეგდოთ პროვინციებისა და ჯარების უფროსობა, ხოლო კეისარისათვის შემდგომი ხუთი წლითაც უნდა გაეგრძელებინათ იმ პროვინციებისა და მხედრობის გამგებლობის უფლება, რომელთა სათავეშიც იგი ახლა იდგა.

ეს ამბავი მყისვე მოედო მთელ ხალხს. რომის წარჩინებულნი მეტად დიდი გულისწყრომით შეხვდნენ ასეთ შეთანხმებას. სახალხო კრების მიმდინარეობის დროს მარცელინუსი¹⁰² ფეხზე წამოდგა და კრასუსსა და პომპეუსს პკითხა: მართლა მოითხოვთ თუ არა კონსულობასო? ხალხი პასუხს მოითხოვდა. პირველად პომპეუსმა გასცა პასუხი: შეიძლება მოვითხოვო, შეიძლება არაო. კრასუსმა უფრო მოქნილად უპასუხა: ისე მოვიქცევი, როგორც, ჩემი აზრით, უკეთესი იქნება საერთო საქმისათვისო. მარცელინუსი პომპეუსს არ მოეშვა და ფრიალ მკვახედ შეეკამათა. მაშინ პომპეუსმა თქვა: „მარცელინუსი ყველაზე უსამართლო კაცია ადამიანთა შორის და თანაც უმადური, თუმცა ამ მუნჯმა ლაპარაკიც ჩემი შემწეობით ისწავლა და მშვიერი კუჭიც ჩემი წყალობით ამოივსო გასკდომამდეო!“.

52. ერთი სიტყვით, ასე იყო თუ ისე, კონსულის თანამდებობის მოთხოვნაზე, პომპეუსისა და კრასუსის გარდა, ყველამ ზელი აიღო. მხოლოდ ლუციუს დომიციუსი დარჩა, რომელსაც კატონი არწმუნებდა და ამხნევებდა, კონსულობის მოთხოვნაზე უარი არ ეთქვა. კატონი მას ეუბნებოდა: „ამ ტირანებს თანამდებობის გამო კი არ ვებრძვით, არამედ თავისუფლებისათვის“. პომპეუსის მომხრეებს კი კატონის სიფიცხისა მეტისმეტად ეშინოდათ: ვაითუ კატონმა, რომლის მხარეზე მთელი სენატია, ხალხის ჯანსაღი ნაწილი მოგვწყვიტოს და გადაიბიროს. აი, ამიტომ მათ დომიციუსს ნება არ მისცეს ფორუმზე გამოცხადებულიყო არჩევნების დროს და მის წინააღმდეგ შეიარაღებული კაცები გაგზავნეს, რომლებმაც მოკლეს ჩირადღნით ხელში წინ მომავალი დომიციუსის ერთი მხლებელი, დანარჩენები კი უკუაქციეს. მარჯვენა იდაყვში დაჭრილმა კატონმა, რომელიც დომიციუსს წინ ედგა და იცავდა, ყველაზე ბოლოს დაიხია უკან.

აი, ასეთი გზით მიაღწიეს კონსულობას პომპეუსმა და კრასუსმა¹⁰³; მაგრამ არც სხვა შემთხვევებში მოქცეულან ისინი უკეთესად. უწინარეს ყოვლისა, როცა ხალხი კატონს პრეტორად ირჩევდა და უკვე ხმას აძლევდა, პომპეუსმა ავის მომასწავებელი ნიშნები მოიბიზეზა და სახალხო კრება დაშალა. ხოლო მეორე პომპეუსმა და კრასუსმა ტრიბები მოიხსიდეს და კატონის ნაცვლად ვატინიუსი აირჩიეს პრეტორად¹⁰⁴.

ამის შემდგომ სახალხო ტრიბუნ ტრებონიუსის შემწეობით გაატარეს კანონები, რომელთა ძალითაც კეისარს, როგორც ლუკაში შეთანხმდნენ, კვლავ ენიჭებოდა ხუთი წლით საგამგებლო უფლება, კრასუსს ეძლეოდა სირია და პართების წინააღმდეგ ლაშქრობის მეთაურობა, ხოლო პომპეუსს — მთელი ლიბია, ორივე ესპანეთი¹⁰⁵ და ჯარისკაცთა ოთხი ლეგიონი. აქედან ორი ლეგიონი პომპეუსმა დაუთმო კეისარს, რომელიც მათ გალიის ომისათვის მოითხოვდა.

კონსულობის ვადის გასვლის შემდეგ კრასუსმა დატოვა რომი და წავიდა თავის საგამგებლო მხარეში. პომპეუსმა კი ამ დროს საკუთარი ძალებით აგებული თეატრის კურთხევა მოაწყო. ამისთვის მან გამართა საძალოსნო და სამუსიკო ასპარეზობანი და აგრეთვე დიდი ნადირობაც, რომლის დროსაც დახოცეს ზუთასი ღომი. გარდა ამისა პომპეუსმა ხალხს მოუწყო სპილოების ბრძოლაც, რაც ყველაზე უფრო შემადრწუნებელ სანახაობად ითვლება¹⁰⁶.

53. ასეთი გულუბნობისათვის პომპეუსმა საკვირველი პატივი და სიყვარული მოიპოვა, მაგრამ ამასთან ერთად საკმაო გულსწყრომაც დაიმსახურა. საქმე ის იყო, რომ მან საგამგებლო ოლქებსა და ჯარებზე უფროსობა თავის ერთგულ ლეგატებს გადასცა, თვითონ კი იტალიის მშვენიერ ადგილებში მიდი-მოდიოდა და დროს ცოლთან ერთად ატარებდა; შესაძლოა, მას უყვარდა ცოლი ანდა შეიძლება ცოლს უყვარდა იგი და ამიტომ ვერ შორდებოდა. სხვათა შორის, ამასაც ამბობენ და ისიც საყოველთაოდ იყო ცნობილი, რომ ჯერ კიდევ სულ ახალგაზრდა ქალს მგზნებარე სიყვარულით უყვარდა უკვე საკმაოდ ხანში შესული პომპეუსი. ასეთი სიყვარულის მიზეზი ქალის მხრივ, როგორც ჩანს, ნაწილობრივ მისი ქმრის თავდაპერილობა გახლდათ, — პომპეუსი ცოლის სრული ერთგული იყო, — ნაწილობრივ კი ამავე ადამიანის ამაყი სიღარბისლე, რომელიც სისასტიკეში კი არ გადადიოდა, არამედ სასიამოვნო ხდებოდა სხვებთან ურთიერთობაში და ქალებს მეტისმეტად ზიზღავდა. აი ასეთი იყო პომპეუსი, თუკი ჩვენ ჭეშმარიტებად მივიჩნევთ პეტერა ფლორას აზრს¹⁰⁷.

ერთხელ, ედილთა არჩევნების დროს, ფორუმზე ხელჩართული ბრძოლა გაიმართა. პომპეუსი, რომლის თვალწინ მრავალი ადამიანი გამოასალმეს სიცოცხლეს, ისე შეიღება სისხლით, იძულებული გახდა ტანისამოსი გამოეცვალა. გასვრილი ტანსაცმელი მახუტრებმა წაიღეს და ისეთი ზმაური და სირბილი ატეხეს პომპეუსის სახლში, რომ მის ახალგაზრდა ცოლს, რომელიც მაშინ ფეხშიმედ იყო, ქმრის გასისხლიანებული ტოგის დანახვაზე გული წაუვიდა და გონზე ძლივ-ძლივობით მოვიდა, მაგრამ მეტისმეტი მღელვარებისა და შიშისაგან მუცელი მოსწყდა. აი, ამის გამო ისინიც კი, რომლებიც პომპეუსის მეგობრობას კეისრისადმი სასტიკად კიცხავდნენ, მისი ცოლის სიყვარულზე ცუდს ვერაფერს ამბობდნენ.

პომპეუსის მეუღლე ერთხელ კიდევ დაორსულდა და ქალიშვილი შეეძინა, მაგრამ მშობიარობას გადაჰყვა. დედის სიკვდილის შემდეგ არც ბავშვს უცოცხლია დიდხანს.

პომპეუსი მზად იყო ცოლის ცხედარი ალბანუმი დაეკრძალა¹⁰⁸, მაგრამ ხალხმა წინააღმდეგობა გაუწია და პომპეუსი აიძულა მეუღლე მარსის ველზე დაესაფლავებინა. ასეთი საქციელი ხალხმა ახალგაზრდა ქალის სიბრაულოთ უფრო ჩაიდინა, ვიდრე პომპეუსისა

და კეისრის გულის მოგების მიზნით; თუმცაღა ჩანდა, რომ ხალხი თავისი მოქმედებით უფრო მეტ პატივს ამ ორ პიროვნებას შორის სამშობლოდან მოცილებულ კეისარს სცემდა, ვიდრე აქ მყოფ პომპეუსს¹⁰⁹.

პომპეუსის ცოლის სიკვდილმა მთელი ქალაქი ააღელვა. ყველაფერი აირ-ღაირია და ხმა ღაირხა; მოკავშირეთა შორის უთანხმოება ჩამოვარდაო, ვინაიდან ის მოყვრობა, რომელიც პომპეუსისა და კეისრის მბრძანებლობისაგან მისწრაფების ჩახშობას თუ არა, დაფარვას მაინც ახერხებდა, უკვე დაირღვაო.

მცირე ხნის შემდგომ რომში იმის ცნობაც მოვიდა, რომ კრასუსი პარტების ქვეყანაში დაიღუპა. ამგვარად, მოკავშირეთა შორის ომის ატეხის ეს დიდი დამაბრკოლებელი მიზეზიც გაქრა. აქამდე პომპეუსი და კეისარი კრასუსის შიშით ერთიმეორეს მაინც ერთგვარი სამართლიანობით ეპყრობოდნენ; მაგრამ ახლა, როცა ბედისწერამ ბრძოლაში მათი მეტოქე სიცოცხლეს გამოასალმა, მყისვე შეიძლებოდა კომედოგრაფოსი პოეტის პირით თქმულიყო, რომ

ერთი მეორესთან შესარკინებლად უკვე იზელდა ტანს
ზეთით და ხელებს მტვრით იმშრალებდა.¹¹⁰

არა, ადამიანისთვის ყველაფერი ცოტაა! კაცის ბუნება ისეთია, რომ ბედნიერებაც კი ვერ გააძლებს და დააკმაყოფილებს. ეგზომ უსაზღვრო ძალაუფლებამ და უშველებელმა სივრცემ ორი კაცის წაღილი ვერ დააცხრო. პომპეუსი და კეისარი თუმცა ისმენდნენ და კიდევ კითხულობდნენ, რომ ღმერთებმა

სამყარო გაჰყვეს სულ სამად, თითოეულს ერგო აქ წილი,¹¹¹

მაინც არასაკმარისად თვლიდნენ ორი კაცისათვის რომაელთა საბრძანებელს.

54. ასე იყო თუ ისე, პომპეუსმა ერთხელ ხალხის წინაშე განაცხადა, რომ იგი გაცილებით უფრო ადრე იღებდა ყველა რწმუნებას, ვიდრე თვითონ მოელოდა, და ამ რწმუნებაზე სხვისი მოლოდინის წინააღმდეგ ასევე ადრე იღებდა ხელს. ამ სატყუების სიმართლეს, ზევსს ვფიცავ, ამოწმებდა ის, რომ ყოველი ლაშქრობის შემდეგ მხედრობას შლიდა, ახლა კი პომპეუსი გრძნობდა, რომ კეისარი თავისი ჯარის დაშლას სრულებითაც არ აპირებდა; ამიტომ ცდილობდა

დიდი თანამდებობანი თავისი მიმდევრებისათვის დაერიგებინა, რათა საბრძოლველად გამაგრებულიყო. მიუხედავად ამისა არავითარ ცვლილებებს არ ახდენდა და არც იმას იმჩნევდა, რომ კეისარს არ ენდობოდა: პირიქით, თავი ისე მოჰქონდა, თითქოს არაფრად აგდებდა კეისარს და ზოზღის თვალით უყურებდა.

როცა პომპეუსმა დაინახა, თანამდებობანი მისი სურვილის გარეშე ნაწილდებოდა და ამ საქმეში მოქალაქეთა მოქრთამვას მიმართავდნენ, ქალაქში ანარქიის გამეფებას გულგრილად დაუწყო ცქერა. მაშინ მყისვე დაირხა ხმა, რომში დიქტატორის დანიშვნაა მოსალოდნელიო. პირველად ამის საჯაროდ განცხადება სახალხო ტრიბუნმა ლუცილიუსმა გაბედა და ხალხს ურჩია დიქტატორად პომპეუსი აერჩიათ. ამის წინააღმდეგ ისე სასტიკად გაილაშქრა კატონმა, რომ ლუცილიუსს სახალხო ტრიბუნის აღდგომის დაკარგვა ემუქრებოდა. აქ მყოფი მრავალი მეგობარი პომპეუსს გამოესარჩლა. ისინი ამბობდნენ: პომპეუსი არც თხოულობს დიქტატორობას და არც მოწადინებულა ასეთ რასმეზეო. კატონმა შეაქო ამისათვის პომპეუსი და მოუწოდა წესრიგის დამყარებისათვის ებრუნა. პომპეუსს შერცხვა მაშინ და წესრიგის აღდგენას შეუდგა. კონსულებად აირჩიეს დომიციუსი და მესალა¹¹².

მაგრამ მალე ანარქიამ ისევ იფეთქა. ახლა ბევრნი უკვე გადაწყვეტილ ლაპარაკობდნენ დიქტატორის არჩევაზე. კატონის ჯგუფმა, იმის შიშით, რომ პომპეუსს ძალა არ ეხმარა, გადაწყვიტა მისთვის კანონით შეზღუდული გამგებლობის უფლება მიეცათ, რათა ამით პომპეუსი განუსაზღვრელი და ტირანული მმართველობის მისწრაფების გზიდან აეცდინათ.

პომპეუსის მტერმა ბიბილუსმა პირველმა შეიტანა სენატში წინადადება, პომპეუსი ერთპიროვნულ კონსულად აერჩიათ:¹¹³ ამით ქალაქი არსებული არეულობისაგან გათავისუფლდება, თუ არა და უფრო ძლევამოსილი ვაჟაკის მონობაში აღმოჩნდებაო. ეს სიტყვა ფრიალად უცნაურად მოეჩვენათ იმ კაცისაგან, ვინც ამას ამბობდა. მერმე კატონი წამოდგა ფეხზე. ყველას ეგონა, იგი ბიბილუსის წინააღმდეგ გაილაშქრებდა. ჩამოვარდა თუ არა სირიუმე, კატონმა თქვა: აქ წამოყენებულ წინადადებას პირადად მე არ შემოვიტანდი, მაგრამ რაკი იგი სხვების მიერაა შემოთავაზებული, გირჩევთ მხარი დაუჭიროთ, ვინაიდან ანარქიას ყოველგვარი სხვა მმართველობა მირ-

ჩვენიაო. კატონის აზრით, სახელმწიფოს მეთაურობას ასეთი არეულობის უამს პომპეუსზე უკეთესად გერაციონ შეძლებდა.

სენატმა ეს წინადადება მიიღო და გადაწყვიტა კონსულად პომპეუსი აერჩიათ, ოღონდ ერთპიროვნულად; თუ მას თანაკონსული დასჭირდებოდა, უნდა აერჩია ასეთი მხოლოდ ორი თვის გამოცდის შემდეგ.

ამგვარად პომპეუსი აირჩიეს კონსულად და ამ რწმუნებაში დამატაცია ინტერექსმა¹¹⁴ სულპიციუსმა. მაშინ პომპეუსი ალერსიანად მიესალმა კატონს: დიდად ვარ დავალებული შენგანო, — უთხრა და სთხოვა, მისი პირადი მრჩეველი ყოფილიყო თანამდებობის აღსრულების მთელ მანძილზე. კატონმა უპასუხა: შენ ჩემგან არაფრით არ ხარ დავალებულიო; მე რაც ვთქვი, შენი ხათრისთვის არ მითქვამს, ქალაქის გულისთვის ვთქვი; რაც შეეხება პირად მრჩევლობას, თუ მომმართავ, გემსახურები, თუ არ მომმართავ, საჯაროდ მიინც განვაცხადებ ხოლმე იმას, რაც, ჩემი აზრით, სასარგებლო იქნებაო.

აი, ასეთი კაცი იყო კატონი ყველაფერში.

55. შემოვიდა თუ არა რომში, პომპეუსმა ცოლად შეირთო მეტელუს სციპიონის ასული კორნელია. ეს კორნელია ქალწული არ ყოფილა. იგი გახლდათ ქვრივი კრასუსის ვაჟის პუბლიციუსისა, რომელიც პარტებთან ლაშქრობის დროს დაიღუპა. კორნელია ჯერ კიდევ მთლად ნორჩი მისთხოვდა მას. ამ ახალგაზრდა ქალს მოხდენილობისა და სილამაზის გარდა ბევრი რამ ჰქონდა მიმზიდველი. იგი შესანიშნავად იყო გაწაფული მხატვრულ სიტყვიერებაში, ჩანგზე დაკვრასა და გეომეტრიაში; მას უყვარდა ფილოსოფოსთა საუბრის მოსმენაც და ამ საუბრიდან სასარგებლო დასკვნების გამოტანა. ყველაფერ ამასთან ერთად მისი ხასიათი სრულიად თავისუფალი იყო იმ მანჭიაობასა და უსარგებლო პატივმოყვარეობისაგან, რაც ამგვარი განათლების მქონე ახალგაზრდა ქალებს ახასიათებს. მამამისი გვარიშვილობითა და სახელმოხვეჭილობით ისეთ სიმაღლეზე იდგა, კაცი ვერ გაიციხავდა. მიუხედავად ამისა, ხალხს არ მოსწონდა ეს ქორწინება ცოლ-ქმრის ასაკის დიდი სხვაობის გამო. კორნელია თავისი ხნოვანებით პომპეუსის ვაჟს უფრო შეეფერებოდა ცოლად, ვიდრე თვითონ პომპეუსს. უფრო გონიერი ხალხი ფიქრობდა, რომ პომპეუსი აღარ ზრუნავდა უმწყო ვითარებაში მყოფ სახელმწიფო-

ზე, რომელმაც თავის მეტურნალად იგი აირჩია და თავის თავი მხოლოდ მას ჩააბარა. პომპეუსი კი თავზე გვირგვინებს იდგამდა და საქორწინო მსხვერპლშეწირვებს მართავდა მაშინ, როცა თავისი კონსულობა უბედურ შემთხვევად უნდა ჩაეთვალა, ვინაიდან ამ რწმუნებას არამც და არამც არ მისცემდნენ, სახელმწიფოში სიმშვიდე რომ ყოფილიყო.

დაქორწინების შემდეგ პომპეუსმა მოაწესრიგა მექრთამეობისა და თაღლითობის წინააღმდეგ მიმართული მართლმსაჯულების საქმეები და შეადგინა კანონები, რომელთა მიხედვითაც სასამართლო მოქმედებდა. აქ იგი დიდი სიღინჯითა და გულწრფელობით არჩევდა საქმეებს პომპეუსი შეიარაღებული ხალხით გარშემორტყმული ხელმძღვანელობდა სასამართლო სხდომებს და ამის შემწევობით მოსამართლეებს უშიშროებას, სრულ სიწყნარესა და წესრიგს უმყარებდა. მაგრამ როცა მისი სიმაჰრი სციპიონი მისცეს სასამართლოში, სახლში გამოიძახა სამას სამოცივე მოსამართლე და სთხოვა დაზმარებოდნენ მის ახლობელს. ბრალდებელმა მაშინვე აიღო ხელი თავის ბრალდებაზე, რა დაინახა, სციპიონს ფორუმიდან მოსამართლეები სახლისაკენ მიჰყვებოდნენ.

ამის გამო პომპეუსმა ბევრი ავი სიტყვა გაიგონა; მაგრამ კიდევ უფრო მეტად გაკიცხეს, როცა კანონით აკრძალა სამართალში მიცემული პირების ქება-დიდება და თვითონ გამოვიდა ბრალდებულ პლანკუსის ხოტბით. კატონმა (იგი მსაჯულად იყო) ყურებზე ხელი აიფარა და თქვა: მე სრულებითაც არ შემფერის კანონის საწინააღმდეგოდ დამნაშავეს ქება ვისმინო. ამიტომ კატონი, სანამ განაჩენს კენჭს უყრიდნენ, სასამართლოს შემადგენლობიდან გააძევეს. პომპეუსის სამარცხვინოდ პლანკუსი მაინც გაამტყუნეს სხვებმა¹¹⁵.

სულ რამდენიმე დღის შემდეგ სამართალში მიცემული პიტესუსი, აი, ის კაცი, კონსულობის მიღებას რომ ცდილობდა¹¹⁶, დაუდარა პომპეუსს, რომელიც აბანოდან სავაზშმოდ ბრუნდებოდა, ჩაუვარდა მუხლებში და ხვეწნა-მუდარა დაუწყო. პომპეუსმა ზიზღით ჩაუარა და უთხრა: შენ ამით ვახშამი ჩამიმწარე მხოლოდ, სხვას კი ვერაფერს მიაღწევო.

ბრალდებულ პირთა მიმართ ასეთი არათანაბარი მოქცევისათვის პომპეუსმა დიდი გულისწყრომა და გაკიცხვა დაიმსახურა. სხვა მხრივ მან ყველაფერი კარგად მოაწესრიგა და რწმუნების

დარჩენილი ხუთი თვის მანძილზე თანაკონსულად სიმამრი აირჩია. ამასთან ერთად გადაწყვეტილება მიიღეს პომპეუსს კვლავ ჰყოლოდა გამგებლობაში თავისი პროვინციები შემდგომი ოთხი წლის განმავლობაში და ნება მისცეს ყოველწლიურად მიეღო ათასი ტალანტი მხედრობის შესანახად.

56. ამ ამბავმა კეისრის მეგობრებს საბაზი მისცა მოეთხოვათ, რომ ერთგვარი ყურადღება მიეპყროთ კეისრისათვისაც, რომელიც რომაელთა მბრძანებლობის გასაფართოებლად ამდენ ომს აწარმოებდა. მათი აზრით, კეისარი ღირსი იყო ან კონსულობა მიეღო მეორედ ან არადა მხედრობაზე სარდლობის ვადა გაეგრძელებინათ, რათა შემცვლელად მოსულ კაცს არ წაერთმია მისთვის ეგზომ ღიდი ღვაწლით მოხვეჭილი სახელი; ჯარის უფროსად მხოლოდ და მხოლოდ კეისარი უნდა დარჩენილიყო და მის მიერ მოპოვებული წარმატებებით თვითონვე ყოფილიყო პატივდებული მშვიდობიანობის ქამს.

ამ წინადადებას ღიდი შფოთი და დავა ჩამოაგდო. მაშინ პომპეუსმა, ვითომც იმ მიზნით, კეთილშობილური გრძნობა გამოემჟღავნებინა და კეისრისათვის მოსალოდნელი შური აეცილებინა თავიდან, განაცხადა, რომ მას აქვს წერილები, სადაც კეისარი სარდლობის მემკვიდრეს მოითხოვს და ჯარის უფროსობაზე ხელის აღების სურვილს გამოთქვამს; რაც შეეხება კონსულობას, — თქვა პომპეუსმა, — მიუხედავად იმისა, რომ კეისარი აქ არ იმყოფება, ურიგო არ იქნება ამ თანამდებობის მიღების უფლება მიეცესო.

ამის წინააღმდეგ სასტიკად გაილაშქრა კატონმა. იგი მოითხოვდა კეისარს იარაღი დაეწყო, ჩვეულებრივ რიგით პიროვნებად ქცეულიყო და მერმე მოეთხოვა მოქალაქეთაგან პატივისცემა. პომპეუსს ამის საწინააღმდეგო არაფერი უთქვამს; პირიქით, თავი ისე მოაჩვენა, თითქოს დაემორჩილა კატონის სიტყვებს. ამით მან კიდევ უფრო მეტად საეჭვო გახადა თავისი განზრახვა, რომელიც კეისრის მიმართ ჰქონდა. ის ლეგიონები, რომლებიც პართეთთან ომის წარმოების საბაზით კეისარს დაუთმო, ახლა უკან მოითხოვა. კეისარმა თუმცა იცოდა, თუ რისთვის მოითხოვდა პომპეუსი ჯარისკაცებს, ისინი ფრიად გულუხვად დაასაჩუქრა და პომპეუსთან დააბრუნა.

57. მალე პომპეუსი მძიმედ გახდა ავად ნეაპოლში; მაგრამ ისევ გამოკეთდა. მისი გამოჯანსაღების აღსანიშნავად ნეაპოლელებმა,

პრაქსაგორას რჩევით¹⁷, სამადლობელი მსხვერპლი შესწირეს. შათ მავალითს ნებაოლის მეზობლად მცხოვრებლებმაც მიბაძეს და ამგვარად სამადლობელი მსხვერპლის შეწირვა მთელ იტალიას მოედო. როგორც პატარა, ისე დიდი ქალაქები კარგა ხანს დღესასწაულობდნენ. პომპეუსის შესახვედრად ყოველმხრივ მოზღვაებულ ხალხს ველარც ერთი ადგილი გერ იტევდა; მთელი გზები, სოფლები და ნავსადგურები მოქეფე და მსხვერპლის შემწირველი ხალხით გაივსო. მრავალნი ზღდებოდნენ პომპეუსს გვირგვინებით შემკულნი, აბრიალებული ჩირაღდნებით ხელში, შიაცილებდნენ მას და ყვავილებს აყრიდნენ. ასე რომ პომპეუსის სახლში დაბრუნება მეტისმეტად ბრწყინვალე ხანაზაობას წარმოადგენდა.

ამბობენ, მოკაცშირეთა შორის ომის ატეხის ერთ-ერთი საკმაოდ დიდი მიზეზი ესეც იყო. პომპეუსის გულში სიამაყემ დაისადგურა. ამან და უსაზღვრო სიხარულმა პომპეუსს სახელმწიფო საქმეებში საღი აზროვნების უნარი წარსტაცა. მან დაივიწყა ის სიფრთხილე, რომელიც მის წარმატებასა და საქმეებს საშიშროებისაგან იცავდა, და გადაჭარბებით გამბედავი გახდა. იგი ისეთი ათვალწუნებით უყურებდა კეისარს, თითქოს მის საწინააღმდეგოდ არც იარაღი სჭირდებოდა და არც განსაკუთრებით თავის გამოდება; თითქოს გაცილებით იმაზე ადვილად დაამარცხებდა ამ გაჟაკს, ვიდრე ოდესღაც ალაზგვა.

ამას ზედ შემდეგი ამბავი დაერთო. რომში ჩამოვიდა აპიუსი და თან გალიიდან მოიყვანა ის მხედრობა, რომელიც პომპეუსმა თავის დროზე კეისარს დაუთმო. ეს აპიუსი ყველანაირად ცდილობდა დაემცირებინა გალიაში კეისრის მიერ მიღწეული წარმატებები. იგი კეისარს ლანძღავდა და ამბობდა, პომპეუსი არ იცნობს კარგად თავის ძალასა და სახელს, ვინაიდან კეისართან შერკინებას სხვა იარაღით ცდილობს მამინ, როცა კეისრის დამარცხება მისივე მხედრობით შეიძლება; ამისთვის საკმარისია პომპეუსის გამოჩენა გალიაში: იქაურ მეომრებს მეტად სძულთ კეისარი და პომპეუსის სიყვარულით არიან ანთებულინი!

ამან მთლად გააყოფოჩა პომპეუსი. თავის ძალაში დარწმუნებული ისეთი უღარდელობით აღივსო, რომ მოსალოდნელი ომით შეშინებულ ხალხს დასცინოდა. ხოლო იმათ, რომლებიც ამბობდნენ: კეისარი რომ ქალაქის წინააღმდეგ დაიძრეს, ჩვენ ვერ ვხედავთ ძალას,

მას რომ დააკავებდნენ, პომპეუსი მზიარული და გაღიმებული სახით მიმართავდა: „ნუთუაფრის დარდი ნუ გექნებათ; იტალიის მიწაზე, სადაც კი დავკრავ ფეხს, ყველგან გაჩნდება ქვეითობა და ცხენოსანი ჯარიცო“¹¹⁸.

58. ამასობაში კეისარი უფრო მეტი ძალითა და მგზნებარებით შეუდგა თავისი საქმეების წარმართვას. იგი იტალიას სულ აღარ შორდებოდა. კეისარი რომში განუწყვეტლივ აგზავნიდა თავის ჯარისკაცებს მმართველთა არხევენებში მონაწილეობის მისაღებად და ფულის შემწევობით ჩუმ-ჩუმად მაღალი თანამდებობის პირთა მოსყიდვას ახერხებდა. ამ პირთა შორის იყვნენ: კონსული პაულუსი¹¹⁹, რომელმაც პომპეუსს ათას ხუთასი ტალანტის გულისთვის უღალატა, სახალხო ტრიბუნი კურიონი, რომელიც კეისარმა საოცრად დიდი ვალებიდან ამოიყვანა, და მარკუს ანტონიუსი. ეს უკანასკნელი კურიონის მეგობარი და მისი ვალების განუყრელი მონაწილე იყო.

გადმოგვცემენ, როცა ერთმა კეისარის მიერ რომში გამოგზავნილმა და სენატის შენობის წინ მდგომმა ცენტურიონმა გაიგო, სენატი კეისარს სარდლობის ვადას აღარ უგრძელებსო, მაზვილს დაჰკრა ხელი თურმე და თქვა: „მაშინ აი ეს გაუგრძელებსო!“. მართლაც, კეისარის მთელ საქმიანობასა და მზადებას სწორედ ეს მიზანი ჰქონდა.

მაგრამ უნდა ითქვას, კურიონის ყველა მოთხოვნილება და წინადადება, რაც კეისარის სასარგებლოდ იყო წამოყენებული, მაინც ხალხის საერთო აზრს გამოხატავდა. კურიონი ორში ერთს მოითხოვდა: ან პომპეუსისათვისაც ჩამოერთმიათ სარდლობა, ან არც კეისარისთვის მოეხსნათ იგი. ვინაიდან, — ამბობდა კურიონი, — კერძო ცხოვრებას დაუბრუნდებიან ისინი თუ ისევ ერთიმეორის წინააღმდეგ დარჩებიან დაპირისპირებულნი, მაინც თანაბარ და სამართლიან პირობებში აღმოჩნდებიან და შესაძლებლობა ექნებათ მშვიდად განაგონ ის, რაც მათ ეკუთვნით. მაგრამ ის, ვინც ამ ორთაგან შეასუსტებს ერთის ძალას, რომლისაც ეშინია, მეორეს გააძლიერებს ორმაგად.

ამის საბასუხოდ მარცელიუსმა კეისარს ყაჩაღი უწოდა და წინადადება შემოიტანა საშობლობის მტრად გამოეცხადებინათ იგი, თუკი იარაღს არ დაჟრიადა. მოუხედავად ამისა, კურიონმა, ანტონიუსისა და პიზონის დახმარებით, მიადგა იმას, რომ სენატის აზრი შეიტყო.

მან ითხოვა ადგილები შეეცვალათ იმათ, რომლებიც წინადადებას იძლეოდნენ მხოლოდ კეისარს დაეყარა იარაღი და პომპეუსი დარჩენილიყო მხედართმთავრად. სენატორთა უმრავლესობამ ადგილები შეიცვალა. მერმე კვლავ ითხოვა კურთონმა თავ-თავიანთ ადგილებიდან წამომდგარიყვნენ ისინი, რომელთაც სურდათ ორივეს დაეყარა იარაღი და სარდლად არც ერთი არ ყოფილიყო. მაშინ პომპეუსის მხარეზე მხოლოდ ოცდამდე კაცი დადგა, ყველა დანარჩენმა კი კურთონს დაუჭირა მხარი¹²⁰.

კურთონმა თავი გამარჯვებულად ჩათვალა და სიხარულით გაბრწყინებული გამოვიდა ხალხთან, რომელიც მას ტაშისცემით, გვირგვინებითა და ყვავილებით შეეგება.

პომპეუსი მაშინ სენატში არ იყო. ქარის უფროსები ქალაქში არ შედიოდნენ ხოლმე.

მარცელიუსი; რაკილა კურთონმა თავისი გაიტანა, ფეხზე წამოდგა და თქვა: ასე ჯდომა და სიტყვების მოსმენა, აღარ შემიძლია, ვინაიდან ვხედავ, ალპებზე უკვე ათი ლეგიონი გამოჩნდა და აქეთ მოემართება; უნდა წავიდე და ისინი მოვაშხალო, ვინც სამშობლოს გულისთვის ამ ლეგიონებს შეერკინებაო.

59. ამის შემდგომ მოსალოდნელი უბედურების ნიშნად სენატორებმა გამოიცვალეს ტანსაცმელი და ძაძვით შეიმოსნენ.

მარცელიუსმა მთელი სენატის თანხლებით ფორუმში გაიარა და პომპეუსისაკენ გაემართა; დადგა მის წინ და უთხრა: „პომპეუსო, გიბრძანებ დაეხმარო სამშობლოს, გამოიყენო ის ძალები, რომლებიც უკვე მზად არიან, და შეკრიბო ახალი მხედრობაც!“ იგივე უთხრა პომპეუსს მომავალი წლისათვის დანიშნულმა ერთ-ერთმა კონსულმა ლენტულუსმაც.

პომპეუსმა ჯარისკაცთა შეგროვება დაიწყო. მაგრამ ზოგიერთი არ ემორჩილებოდა, ზოგიერთი, საკმაოდ მცირე რაოდენობით, ზანტად და უგულოდ მოემართებოდა მისკენ, უმრავლესობა კი მშვიდობასა და შეთანხმებას მოითხოვდა ხმამაღლა. საქმე ის იყო, რომ ანტონიუსმა, სენატის წინააღმდეგობის მიუხედავად, ხალხის წინაშე წაიკითხა კეისარის წერილი, რომელიც ბრბოს მაცთუნებელ წინადადებებს შეიცავდა. კეისარი მოითხოვდა, თვითონაც და პომპეუსიც გამოსულიყვნენ მათდამი დაქვემდებარებულ პროვინციებიდან, მასაც და პომპეუსსაც დაეშალათ მხედრობა, მერმე ხალხის წინაშე

წარმდგარიყვნენ და თავიანთი საქმიანობის ანგარიში მოეხსენებინათ.

ლენტულუსმა, რომელიც უკვე კარგა ხანია კონსული იყო, და მისმა მომხრეებმა კეისრის წინადადებათა განსახილველად სენატი არ შეკრიბეს. კილიკიიდან სულ ახლახან დაბრუნებული ციცერონი თავგამოდებით ცდილობდა პომპეუსი და კეისარი შეერეგებინა. მან ასეთი წინადადება წამოაყენა: კეისარს გალია უნდა დაეტოვებინა. მთელი მხედრობა დაეშალა, დარჩენილიყო მხოლოდ ორი ლეგიონისა და ილირიის გამგებლად და თავის მეორე კონსულობისათვის დაეცადა. რაკილა პომპეუსი ამ წინადადებით უკმაყოფილო დარჩა, კეისრის მეგობრები თანახმა იყვნენ კეისარს მარტო ერთი ლეგიონი შეერჩნოდა და მეორე დაეშალა. ლენტულუსი არავითარ დათმობაზე არ მიდიოდა; ხოლო კატონი ყვირილით ამბობდა, პომპეუსი მეორედ უშვებს შეცდომას, მას ატყუებენო. ერთი სიტყვით, შეთანხმების მიღწევის საქმე ჩაიშალა!¹²¹

60¹²². ჩქარა რომში ცნობა მოვიდა, კეისარმა იტალიის დიდი ქალაქი არიმინუმი აიღო და ახლა რომისაკენ მოემართება მთელი თავისი მხედრობით. ეს უკანასკნელი ამბავი, კეისარი მთელი მხედრობით რომზე მოდისო, ტყუილი იყო. კეისარი სულ სამასი ცხენოსნითა და ხუთი ათასი ქვეითი ჯარისკაცით მოემართებოდა. დანარჩენ ძალებს, რომლებიც ალბებს გადაღმა იმყოფებოდნენ, აღარ დაუცადა და ამჟობინა ანაზდეულად დასცემოდა თავს შემფოთებულ მტერს, ვიდრე მისთვის საბრძოლველად მომზადების დრო მიეცა.

კეისარი მიადგა მდინარე რუბიკონს, რომელიც მისთვის გადაცემულ საგამგებლო მხარეს საზღვრავდა. აქ იგი დუმილით შეჩერდა და საკმაოდ დიდხანს ფიქრობდა საკუთარი, უადრესად დიდი და გაბედული ნაბიჯის თაობაზე. ბოლოს, იმათ მსგავსად, რომლებიც მწვერვალებიდან უფსკრულში გადაეშვებიან ხოლმე, ყოველგვარი ფიქრი თავიდან მოიშორა, საშინელების წინაშე თვალები დახუჭა. იქ მყოფთ ესლა მიაყვირა ბერძნულად: წილი ნაყარიაო! — და მდინარეზე მხედრობის გადაყვანა დაიწყო.

გავრცელდა თუ არა ეს ამბავი, შეძრწუნებული რომი ისეთმა მღელვარებამ და შიშის ზარმა მოიცვა, როგორც არასდროს. სენატის შემადგენლობა მყისვე მიიჭრა პომპეუსთან. აქვე იყვნენ მალალი თანამდებობის პირნიც. ტულუსმა¹²³ პომპეუსს ჰკითხა, როგორია

შენი მხედრობა და მისი ძალო. პომპეუსმა მას ყოყმანით უპასუხა, რომ მზად ჰყავს კეისრისაგან მოსული ორი ლეგიონი და იმედი აქვს; სულ მალე შეუერთებს ამ ძალებს ჯერ კიდევ ადრე შეკრებილ ოცდაათ ათას მეომარს. ტულუსმა ამასვე შეპყვირა: პომპეუსო, შენ მოგვატყუე ჩვენო, და ურჩია, კეისართან ელჩები გაეგზავნა. ვინმე ფავონიუსმა, თითქმის ყოველმხრივ წესიერმა კაცმა, მაგრამ დარწმუნებულმა, რომ სიჯიუტითა და ქედმაღლობით კატონის კეთილშობილურ პირდაპირობას ჰბაძავდა, პომპეუსს წინადადება მისცა ფეხი დაეკრა მიწაზე და იქიდან მის მიერ დაპირებული ჯარები ამოეყვანა.

ასეთი უადგილო ხუმრობა პომპეუსმა მოთმინებით აიტანა. კატონმა გაახსენა ის, რაც თავიდანვე უთხრა კეისრის შესახებ. პომპეუსმა უპასუხა, რომ მისი ნათქვამი ფრიად წინასწარმეტყველური გამოდგა და თვითონაც უფრო მეგობრულად ექცეოდა, ვიდრე ეს საჭირო იყო.

61. კატონი რჩევას იძლეოდა, პომპეუსი ყოველმხრივ უფლებამოსილ სარდლად აერჩიათ და თან ამბობდა, მან, ვინც დიდი უბედურების წარმოქმნას შეუწყო ხელი, უნდა კიდევ აგვაშოროს იგო. ამის შემდეგ კატონი სწრაფად გაემართა თავის წილხვედრ მხარეში — სიცილიაში. ასევე ყველა სხვაც თავ-თავის საგამგებლო პროვინციაში გაემგზავრა.

თითქმის მთელი იტალია ფეხზე დადგა. კაცმა არ იცოდა, რა ხდებოდა მის გარშემო. ზოგიერთები, ქალაქგარეთ მცხოვრებლები, სირბილით მოემუშურებოდნენ ყოველი მხრიდან და რომში შემოდოდნენ მაშინ, როცა რომის მკვიდრნი ტოვებდნენ ქალაქს, სადაც ასეთი მძვინვარე ქარიშხლისა და მღელვარების ქაშის სახელმწიფოსათვის სასარგებლო პირნი სისუსტეს იჩენდნენ, ხოლო ჯიუტნი და მმართველთაში დაუმორჩილებელნი ფრიად მძლავრობდნენ.

შიშის ჩაქრობა შეუძლებელი შეიქნა; პომპეუსსაც ნებას არ აძლევდნენ საკუთარი მოსაზრებებით ემოქმედა. ყველა ცდილობდა საკუთარი განსაცდელი, შიში, მწუხარება თუ დაბნეულობა პომპეუსისათვის ეუწყებინა. ამასაც სულ ერთიმეორის საწინააღმდეგო გადაწყვეტილებები გამოჰქონდა და ისიც ერთსა და იმავე ღლეს. მტრის თაობაზე ნამდვილი ამბის გაგებას ვერ ახერხებდა; ამის მიზეზი შემთხვევითი ცნობების სიმრავლე იყო. როცა პომპეუსი ასეთ ცნობებს ურწმუნოდ ეკიდებოდა, მასზე გული მოსდიოდათ.

ბოლოს გამოაცხადა, რომ ქალაქში ნამდვილი არეულობაა და სენატის მთელ შემადგენლობას უბრძანა უკან გაჰყოლოდა. ამასთან ერთად პომპეუსმა აღნიშნა, რომ ქალაქში დარჩენილს კეისრის ერთგულ მომხრედ ჩათვლიდა. გვიან სალამოს მან ქალაქი დატოვა. კონსულები ისე გაიქცნენ რომიდან, რომ ომის დაწყების წინ აღათით დაწესებული მსხვერპლი არ შეუწირავთ. მაგრამ მიუხედავად ასეთი უკიდურესი განსაცდელისა პომპეუსი მაინც ბედნიერი კაცი იყო, რადგან ხალხი სიყვარულით ეპყრობოდა. მართალია, მრავალი ეიცხადდა ამ ახალ ომს, მაგრამ არავინ იყო ისეთი, რომელსაც მთავარსარდალი შესჯავრებოდა. მათი რიცხვი უფრო მეტი იყო, ვინც პომპეუსი ვერ დატოვა, ვიდრე იმათი, ვინც თავისუფლების გულისთვის გაიქცა.

62. რამდენიმე დღის შემდეგ კეისარი რომში შევიდა და ქალაქი დაიკავა. იგი ყველას ლმობიერად ექცეოდა და ამშვიდებდა. მაგრამ ერთ-ერთ სახალხო ტრიბუნ მეტელუსს, რომელიც ხელს უშლიდა სახელმწიფო ხაზინიდან ფული აეღო, სიყვდილით დაემუქრა და თან მუქარაზე უფრო მრისხანე სიტყვით გაუმასპინძლდა: ჩემთვის ამის თქმა გაცილებით ძნელია, ვიდრე მისი შესრულება.

მოიცოდა თუ არა თავიდან მეტელუსი, კეისარმა ხაზინიდან იმდენი ფული აიღო, რამდენიც სჭირდებოდა, და პომპეუსს დაედევნა. იგი ჩქარობდა იტალიიდან პომპეუსის გაძევებას, სანამ ამ უკანასკნელს ესპანეთიდან მხედრობა მოუვიდოდა.

პომპეუსი ამასობაში ბრუნდუნიუმში²⁴ გამაგრდა და აქ მრავალი ზომილი მოიმარაგა. მერმე ამ ზომილდებზე ოცდაათი კოჰორტის თანხლებით კონსულები შესხა სასწრაფოდ და წინასწარ ღირაქიუმში²⁵ გაგზავნა; თავისი სიმამრი სციპიონი და ვაჟი გნეუსი კი ფლორენსის მოსამზადებლად სირიაში გაუშვა. ამის შემდეგ პომპეუსმა ქალაქის კარიბჭენი ჩახერგა. მის კედლებთან მკვირცხლი მეომრები დააყენა და ბრუნდუნიელებს უბრძანა სახლებიდან გარეთ არ გამოსულიყვნენ, მერმე მთელი ქალაქი შიგნით თხრილებით გადასერა და ვიწრო შუკები, გარდა ორისა, რომელთა მეშვეობით იგი ზღვის სანაპიროზე გავიდა, მაღალი სარებით ჩაქეტა.

მესამე დღეს ყველა დანარჩენი ჯარი მას უკვე ზომილდებზე ჰყავდა: მხედრობის ზედ ასტლამ მშვიდობიანად ჩაიარა. შემდეგ პომპეუსმა კედლების მცველ მეომრებს ანაზღეულოდ ნიშანი. მისცა და, სანამ-

პირობზე სწრაფად გაშისულნი, ისინიც ხომალდებზე აიყვანა და ზღვაში ვავიდა.

დაინახა თუ არა უმეტესად ურეოდ დატოვებული კედლები, კეისარი მიხვდა, მტერი უკუქცეული იყო. მტრის დევნით გატაცებული კეისარი ძლივს გადაურჩა საგანგებოდ ამართულ სარეზებზე წამოგებასა და ტხრილებში ჩაყარდნას. იგი ბრუნდუნიელებმა გააფრთხილეს; მანაც თავი აარიდა ქალაქში შესვლას და მხოლოდ გარს შემოუარა. ბოლოს დაინახა, რომ პომპეუსის ყველა ხომალდს ზღვაში გასვლა მოესწრო, გარდა ორისა, და იქაც მებრძოლთა რიცხვი უმნიშვნელო იყო.

63. ბრუნდუნიელებიდან პომპეუსის გასვლას ზოგი ვინმე ერთ-ერთ საუკეთესო მხედრულ ზერხად თვლის. რაც შეეხება კეისარს, ძალიან უკვირდა, რომ პომპეუსმა იტალიას თავი მიანება და მაშინ დატოვა, როცა ეგზომ გამაგრებული ქალაქი ეკავა, ესპანეთიდან ჯარებს ელოდებოდა და ზღვაზე ბატონობდა. ციცერონიც აგრეთვე ბრალად სდებს პომპეუსს იმას, რომ იგი უფრო მეტად თემისტოკლეს სალაშქრო მოქმედებას ჰბაძავდა, ვიდრე პერიკლესას, თუმცა მისი მდგომარეობა თემისტოკლეს კი არა, სწორედ პერიკლეს მდგომარეობის მსგავსი იყო¹²⁶. კეისარმა სულ მალე გამოამჟღავნა საქმით, რომ დროის გაჭიანურებისა ეშინოდა. როცა პომპეუსის მეგობარი ნუმერიუსი ტყვედ ჩაიგდო, მაშინვე გაგზავნა იგი ბრუნდუნიუში, რათა მისი მეშვეობით დაზავება მოეთხოვა თანაბარ პირობებში; მაგრამ ნუმერიუსი პომპეუსთან ერთად გავიდა ზღვაში.

კეისარმა, რომელიც სამოცი დღის განმავლობაში სისხლის ღვრის გარეშე მთელი იტალიის მბრძანებელი გახდა, გადაწყვიტა მაშინვე დადევნებოდა პომპეუსს, მაგრამ რაკი ხომალდები არა ჰყავდა, გეზი შეიცვალა და ესპანეთს მიაშურა იმ განზრახვით, რომ პომპეუსის იქაური ჯარები თავის მხარეზე გადაებირებინა.

64. ამ ხნის განმავლობაში პომპეუსის გარშემო მეტად დიდმა ძალამ მოიყარა თავი. მისი ფლოტი ყოველმხრივ უძლეველი ჩანდა. ის ხუთას საბრძოლო ხომალდსა და ათრაცხელ მსუბუქ და საზვერაე კანჯოს შეიცავდა. პომპეუსის შვიდათასიანი მხედრობა საუკეთესო რომაელებისაგან და იტალიელებისაგან შედგებოდა. ყველანი გვარისწილობით, სიმდიდრითა და ვაჟკაცობით გამოირჩეოდნენ. რაც შეეხება ქვეით ჯარს, იგი თავისი შემადგენლობით ჭრელი იყო და

გაწერთნას საჭიროებდა. პომპეუსი ამ ჯარს ბერეაში¹²⁷ ყოფნის ჟამს წერთნიდა და თვითონაც უქმად კი არ იჯდა, არამედ ახალგაზრდა კაცივით ყოველგვარ შეჯიბრებაში მონაწილეობდა. ჯარისკაცთა გასამხნეებლად ამას მეტად დიდი მნიშვნელობა ჰქონდა. ისინი ხელდავდნენ, რომ ორმოცდათვრამეტი წლის პომპეუსს დიდი იარაღასხმული ეჯიბრებოდა სხვებს ხან ქვეითად, ხან კი ამხედრებული. გაჰყენებულ ცხენზე მჭდარი დაუბრკოლებლივ იდებდა ხოლმე მახვილს ქარქაშიდან და ასევე ადვილად აბრუნებდა უკან. შუბის ტყორცნაში პომპეუსი ამქდანებდა არა მარტო საოცარ სიზუსტეს, არამედ დიდ ღონესაც. იგი ისე შორს ისროდა ხოლმე შუბს, რომ ბევრი ახალგაზრდა ვერ სჯობნიდა.

პომპეუსთან თავი მოიყარა სხვადასხვა ტომთა მრავალმა მეფემ და მთავარსარდალმა; რომელიც წარჩინებულთა ამაღლა, რომელიც მის გარშემო იყო შემოკრებილი, თითქმის მთელ სენატს უდრიდა. მასთან მოვიდა აგრეთვე ლაბიენუსი, რომელმაც მიატოვა კეისარი, თუმცა მისი მეგობარი იყო და გალიაშიც მასთან ერთად ლაშქრობდა. პომპეუსს შეუერთდა ახალგაზრდა ბრუტუსიც, გალიაში მოკლული ბრუტუსის ძე, ფრიად დიდსულოვანი ვაჟაკი¹²⁸. წინათ იგი პომპეუსს არც კი ესალმებოდა, თავის მამის მკვლელად თვლიდა. ახლა კი სამსახურში ჩაუდგა, როგორც რომის განმათავისუფლებელს. მართალია, ციცერონი სულ სხვა რამეს წერდა და სულ სხვა აზრისა იყო, მაგრამ ახლა მასაც შერცხვა არ შეერთებოდა იმათ რიცხვს, რომლებიც სამშობლოს გულისთვის განსაცდელში იგდებდნენ თავს.

აქ, მაკედონიაში, პომპეუსთან მზცოვანი მოხუცი ტიდიუს სექსტიუსიც კი გამოცხადდა, რომელსაც ცალი თეძო დასახინჩრებული ჰქონდა და კოჭლობდა. სხვებმა ხუმრობა დაიწყეს და მოხუცს სიცილი დაეყარეს; მაგრამ პომპეუსი მისი დანახვისთანავე ფეხზე წამოდგა და სექსტიუსს შეეგება; იგი ფიქრობდა, მისი საქმის სამართლიანობის დამადასტურებელი იყო ის ამბავი, რომ ეს მოხუცი, მიუხედავად თავისი ასაკისა და უძლურებისა, მშვიდად ყოფნას მასთან ერთად განსაცდელის გაზიარებას არჩევდა.

55. პომპეუსის დაჯგუფებამ კიდევ უფრო მეტი სიყვარული დაიმსახურა, როცა კატონის წინადადებით სენატის ერთ-ერთ სხდომაზე მიიღეს გადაწყვეტილება არ მოეკლათ არც ერთი რომაელი ბრძოლის ველის გარეშე და არ გაეძარცვათ რომაელთა ხელქვეით მყოფი არც

ერთი ქალაქი. ისინიც კი, ვისაც ომთან არაფერი საქმე არ ჰქონდა, ან იმიტომ, რომ მეტად შორს ცხოვრობდა, ანდა დაუძღვრებული იყო და ყურადღებას არავინ აქცევდა, თავიანთ სურვილებს მაინც პომპეუსის მომხრეთა სურვილებს უერთებდნენ და ღმერთთა და ადამიანთა მტრად თვლიდნენ იმას, ვისაც პომპეუსის გამარჯვება სიამოვნებას არ მოჰგვრიდა.

რაც შეეხება კეისარს, გამარჯვების ჟამს ისიც ღმობიერებას იჩენდა. ესპანეთში მან პომპეუსის ჯარები დაამარცხა და ყველა უკლებლივ ტყვედ ჩაიგდო. წინამძღოლები ყველანი გაათავისუფლა, ჯარისკაცები კი თავის მხედრობას შეუერთა. მერმე ისევ გადავიდა ალპებზე. სწრაფად გადაკვეთა იტალია და ზამთრის მზის მოქცევის დროს ბრუნდუწიუმს მიაღწია. აქედან ზღვა გადაჭრა, შევიდა ორიკოსში¹²⁹ და პომპეუსთან გაგზავნა ამისი მეგობარი იუბიუსი¹³⁰, რომელიც მას ტყვედ ჰყავდა. კეისარი პომპეუსს შემდეგ პირობებს სთავაზობდა: ისინი ერთმანეთს უნდა შეხვედროდნენ, ხოლო შეხვედრიდან მესამე დღეს ორივეს დაეშალა მხედრობა; მერმე მეგობრობის ფიცი შეეკრათ და იტალიაში დაბრუნებულიყვნენ.

ეს პირობები პომპეუსმა კეისარის მორიგ ფანდად ჩათვალა. იგი სასწრაფოდ ჩავიდა ზღვის სანაპიროზე და ქვეითი მხედრობისათვის მეტად მოხერხებული სიმაგრეები და ადგილმდებარეობა დაიკავა. გარდა ამისა, ხელთ იგდო ზღვიდან მომსვლელთათვის ფრიად მარჯვე ნავმისადგომები და ნავსადგურები. ისე რომ საიდანაც არ უნდა დაეჭროლა ქარს, პომპეუსისათვის სულ ერთი იყო; იგი დაუბრკოლებლივ იღებდა ყოველი მხრიდან სურსათს, მხედრობასა თუ ფულს. კეისარს კი, პირიქით, მეტისმეტად არახელსაყრელი ადგილმდებარეობანი ეკავა როგორც ხმელეთის, ისე ზღვის მხრიდან და იძულებული ხდებოდა ხშირად ებრძოლა, თავს დასხმოდა პომპეუსელთა სიმაგრეებს და მტერი წამდაუწუმ გამოეწვია ბრძოლაში. ამ ცალკეულ შეტაკებებიდან იგი უმრავლეს შემთხვევაში გამარჯვებული გამოდიოდა. თუმცა ერთხელ კინალამ არ გაანადგურეს და მთელი ჯარი კინალამ არ დაკარგა.

ამ მძვინვარე შეტაკების დროს პომპეუსი გააფთრებით იბრძოდა. მტერი, რომელსაც ორი ათასი კაცი მოუჴკლა, მთლიანად განდევნა, მავრამ ბოლომდე მისი დაძლევა და კეისარის ბანაკში შეჭრა ძალ-ღონის გამოღებისა თუ შიშისა გამო ვეღარ შეძლო. ამიტომაც იყო,

რომ კეისარმა თავის მეგობრებს უთხრა: „დღევანდელ დღეს გამარჯვება მტრის მხარეზე იქნებოდა, უკეთეს გამარჯვების შემძლე ჰყოლოდაო“.

66. ამ წარმატებით გაბაყებული პომპეუსელები მეტისმეტად ჩქარობდნენ კეისარისათვის გადამწყვეტი ბრძოლა გაემართათ. თვითონ პომპეუსი ისეთ წერილებს სწერდა უცხო ქვეყნების მეფეებს, სარდლებსა და ქალაქებს, თითქოს უკვე გამარჯვებული ყოფილიყო. მაგრამ მიუხედავად ამისა, ბრძოლის განსაცდლის მაინც ეშინოდა. იგი ფიქრობდა, დროის გაჭიანურებით და მტრისთვის შექმნილი გაჭირვებული მდგომარეობით დაემარცხებინა პირდაპირ ბრძოლებაში დაუძლეველი გაყვაცები, რომლებიც უკვე დიდი ხანია ნაჩვენები იყვნენ გამარჯვების ერთსულოვნად მოპოვებას; მაგრამ ახლა, მოახლოებული სიბერის გამო, ლაშქრობის მთელ სიმძიმეს, დაუსრულებელ წანწალს, ბანაკის წამდაუჭმდ აყრა-დაცემას, თხრილების გათხრასა და სააღყო კედლების აგებას ვეღარ უძლებდნენ და ამიტომ მთელი ძალით მისწრაფოდნენ რაც შეიძლება ჩქარა გამოეღოთ ხელი და გადამწყვეტ ბრძოლაში ჩაბმულიყვნენ.

პირველ ხანებში, ზემოაღნიშნული საბაბის წყალობით, პომპეუსი ასე თუ ისე არწმუნებდა თავისიანებს მოეთმინათ და ბრძოლისაგან თავი შეეკავებინათ. მაგრამ როცა უიღბლო შეტაკების შემდეგ სურსათის ნაკლებობის გამო კეისარი აიყარა და ათამანელთა ქვეყანაზე¹³¹ გავლით თესალიაში გაემართა, პომპეუსმა თავის ჯარისკაცთა მებრძოლი სულისკვეთება ვეღარ შეაკავა. ისინი ყვიროდნენ: კეისარი გარბისო. ზოგიერთი მათგანი მოითხოვდა მტრისთვის მოსვენება არ მიეცათ და უკან დადევნებოდნენ, ზოგი კი წინადადებას იძლეოდა იტალიაში გაბრუნებულიყვნენ. იყვნენ ისეთებიც, რომლებმაც რომში მონები და მეგობრები გაგზავნეს, რათა ფორუმის მახლობლად ბინები დაეკავებინათ წინასწარ: იმედი ჰქონდათ დაუყოვნებლივ მიიღებდნენ სხვადასხვა თანამდებობებს. მრავალი პომპეუსელი საკუთარი ნება-სურვილით ლესბოსზე გაემგზავრა კორნელიასთან, რათა მისთვის ომის დამთავრების ამბავი ეხარებინათ. კორნელია ლესბოსზე, როგორც უშიშარ ადგილზე, პომპეუსმა გაგზავნა.

სენატის სხდომაზე აფრანიუსმა¹³² წინადადება შეიტანა იტალია დაეკავებინათ. იგი ამბობდა: ომის უდიდესი ჯილდო იტალია არის; მისი დაკავების შემდეგ გამარჯვებულთა მხარეზე დაუყოვნებლივ

დადგებიან სიცილია, სარდინია, კორსიკა, ესპანეთი და მთელი გალიაო. პომპეუსმა მთავარი ყურადღება უნდა მიაქციოს სამშობლოს, რომელსაც საშველად ხელები პომპეუსისავე აქვს გაწვდილიო: სამარცხენო საქმეა მშვიდად ვუცქერდეთ შეურაცხყოფილსა და ტირანთა მონებისა და მლიქვნელების ფეხქვეშ გათეული სამშობლოსო.

პომპეუსი კი თავის მხრივ საკუთარი სახელისათვის შეუფერებელ საქმედ თვლიდა მეორედ გაქცეოდა კეისარს და მისგან დევნილი ყოფილიყო მაშინ, როცა ბედი თვითონ მას აძლევდა შემთხვევას კეისარს დადევნებოდა. იგი ამბობდა: უსინდისობა იქნება სციპიონისა და ელადასა და თესალიაში თავმოყრილი ყოფილი კონსულების საფრთხეში დატოვება; ისინი მთელი თავიანთი ქონებით და დიდძალი მხედრობით მყისვე ჩაუვარდებიან კეისარს ხელშიო; რომისათვის ყველაზე მეტად სწორედ ის ზრუნავს, ვინც ომს მისგან მოშორებით აწარმოებს, რათა ქალაქმა არათუ განიცადოს, არც მოისმინოს რაიმე უბედურების ამბავი და შეეძლოს დამშვიდებით ელოდოს გამარჯვებულსო.

67. აი, ეს განიზრახა პომპეუსმა და კიდევ დაედევნა კეისარს. პან მტკიცედ გადაწყვიტა ბრძოლისაგან თავი შეეკავებინა, ხოლო მტერი მუდამ ალყაში ჰყოლოდა და შიმშილით ამოეწყვიტა. იგი თვლიდა, რომ ეს გეგმა მეტად გონივრული იყო; მით უმეტეს, რომ მის ყურამდე მიაღწია მხედართა შორის გავრცელებულმა ხმამ: საჭიროა რაც შეიძლება სწრაფად მოვეუდოთ ბოლო კეისარს და მერმე თვითონ პომპეუსიც მოვიშორეთ თავიდანო.

ზოგიერთი ამბობს: სწორედ ეს იყო მიზეზი, პომპეუსი რომ კატონს არც ერთ მნიშვნელოვან საქმეს არ ანდობდა. მაშინაც კი, როცა კეისრის წინააღმდეგ გაემართა, კატონი ზღვის სანაპიროზე დატოვა ალაღის მცველად. ეშინოდა, კეისრის მოკვლის შემდეგ კატონს არ აეძლებინა სარდლობაზე მასაც აეღო ხელი.

ასეთმა ნელმა მოქმედებამ და მტრის მხოლოდ და მხოლოდ დევნამ პომპეუსს ბევრი ბრალდება და გაკიცხვა დაატეხა თავს. მის მხედრობაში ხმამაღალი საყვედურები ისმოდა: პომპეუსი თავის ხრიკებს კეისრის წინააღმდეგ კი არა, სამშობლოსა და სენატის წინააღმდეგ მიმართავს, რათა ყველაზე იმბრძანებლოს და არასოდეს არ შეწყვიტოს იმ ხალხის მსახურად და პირად მცველად გამოყენება, რომელიც ღირსია მთელი სამყარო მართოსო.

დომიციუს აპენობარბუსი მას აგამემნონსა და მეფეთა მეფეს ეძახდა და ამით მის მიმართ საშინელ შურს იწვევდა. არანაკლებ მომაბეზრებელი ჩანდა ფავონიუსი თავისი უპასუხისმგებლო ლაპარაკითა და უადგილო ხუმრობით. „ხალხო, — ყვიროდა იგი, — ნუთუ წლებულს ტუსკულუმის ლედეს გემოს ვერ გაუვსინჯავთო?“¹³³ ლუციუს აფრანიუსმა კი, რომელმაც ესპანეთში მრავალი ჯარი დაკარგა და ლალატს აბრალებდნენ, რა დაინახა, პომპეუსი ბრძოლას თავს არიდებსო, ასე თქვა: ძალიან მიყვირს, რატომ არ გამოდიან ჩემი ბრალმდებლები პროვინციებით მოვაჭრე კაცის წინააღმდეგ საბრძოლველადო?¹³⁴

აი ასეთი და ამის მსგავსი სიტყვების მოქმედება აიძულეს და დაიყოლიეს პომპეუსი, ის კაცი, რომელიც სახელსა და მეგობრების პატივისცემას ყველაფერზე მაღლა აყენებდა, მათ იმედებსა და მისწრაფებებს დაუკრძნობდა და თავის გონივრულ გეგმებზე ხელი აეღო. ასეთი საქციელი ხომალდის უბრალო მესაჭესაც კი არ შეეფერებოდა, მით უმეტეს არ იყო შესაფერი ესოდენ დიდძალ ხალხთა და მხედრობათა მზრძანებლისათვის. პომპეუსი ხშირად აქებდა ხოლმე იმ ექიმებს, რომლებიც არასოდეს არ ემორჩილებოდნენ ავადმყოფთა ისეთ სურვილებს, მათ რომ ვნებას მოუტანდა; თვითონ კი მხედრობის დაავადებულ ნაწილს დაემორჩილა; მას შეეშინდა, სიკეთის ქმნის დროს შერისხული არ დარჩენილიყო.

განა ჯანსაღი დაერქმეოდა იმ ხალხს, რომელთაგან ზოგი ბანაკში დაწრიალებდა და კონსულისა და პრეტორის თანამდებობას მოითხოვდა, ზოგი კი, როგორც მაგალითად სპინთერი, დომიციუსი და სციპიონი, კეისრის ქურუმთუხუცესის თანამდებობის გამო გაცხარებული დავობდა? ისინი ერთმანეთს ეჭიშპებოდნენ, ამ რწმუნების მიღებას ცდილობდნენ და ისე იქცეოდნენ, თითქოს მათ წინააღმდეგ სომხეთის მეფე ტიგრანი ან ნაბატელთა მეფე¹³⁵ იდგა და არა სახელგანთქმული კეისარი და მისი მხედრობა, ვისი წყალობითაც კეისარმა იერიშით აიღო ათასი ქალაქი და დაიმორჩილა სამასზე მეტი ტომი, ის მხედრობა, რომელიც მუდამ გამარჯვებული გამოდიოდა გერმანელებსა და ვალიის ტომებთან აურაცხელ ბრძოლებში, ის მხედრობა, რომელმაც იქ ერთი მილიონი ტყვე იგდო ხელთ და ამდენივე ბრძოლის ველზე გაუღიტა.

68. მიუხედავად ამისა, პომპეუსის ჯარი დრტვინავდა და სარდლი-

საგან დაჟინებით მოითხოვდა ბრძოლის დაწყებას. როცა ეს ქარი ფარსალეს ველზე¹³⁶ გავიდა, პომპეუსი აიძულეს სამხედრო საბჭო მოეწვია. ამ საბჭოზე პირველი წამოდგა მხედრების ერთ-ერთი მეთაური ლაბიენუსი და შეჰფიცა, რომ არამც და არამც არ დატოვებდა ბრძოლის ველს, თუ მტერს მთლიანად არ განდევნიდა. დანარჩენებმაც ასეთი ფიცი დადეს.

ლამით პომპეუსმა სიზმარი ნახა. ეზმანა, თითქოს თეატრში შევიდა; ხალხი მას ტაშისცემით შეეგება, ხოლო იმ ურიცხვი ნადავლით, მტერს რომ წაართვა, გამარჯვების ღმერთქალ ვენერას ტაძრის მორთვა დაიწყო...

ამ სიზმარმა პომპეუსი ერთი მხრივ გაამხნევა, მეორე მხრივ კი საკმაოდ შეაშფოთა. შეეშინდა, მისი საკუთარი ხელით არ მიენიჭებინა სახელი და დიდება კეისრისათვის, ვისი გვარიც დასაბამს ვენერასაგან იღებდა¹³⁷.

სიზმრისაგან იგი ბანაკში მოღებულმა ზარდამცემმა ხმაურმა გამოაფხიზლა.

დილის მცველთა მორიგეობის დროს კეისრის ბანაკის თავზე, სადაც სიმშვიდე სუფევდა, ელვარე შუქი აკიაფდა და მისგან ამოზიდული ჩირალდანი პომპეუსის ბანაკში ჩაეშვა. კეისარი ამბობს, რომ მან ეს შემთხვევა საკუთარი თვალთი იხილა, როცა საგუშაგოებს ათვალიერებდა¹³⁸.

გარიჟრაჟზე კეისარმა ბანაკის აყრა დაიწყო, რათა სკოტუსასაკენ¹³⁹ დაძრულიყო. მის მეომრებს კარგები უკვე აღებული ჰქონდათ და ალალიცა და მონებიც წინასწარ გასტუმრებული ჰყავდათ, როცა მზვერავეები მოვიდნენ და განაცხადეს, რომ მტრის ბანაკში შეამჩნიეს დიდძალი იარაღი, რომელიც აქეთ-იქით გადაჰქონდათ და არაჩვეულებრივი მოძრაობა და ხმაური, რაც ბრძოლის წინ ხდება ხოლმე. მცირე ხნის შემდგომ სხვა მსტოვრებიც მოვიდნენ და თქვეს: მტრის მოწინავე რაზმები უკვე საბრძოლველად არიან დაწყობილნი.

მაშინ კეისარმა სიზარულით წამოიძახა: „დადგა სანუკვარი ღლე, როცა ჩვენ შიმშილსა და გაჰირვებასთან კი აღარ მოგვიწევს ბრძოლა, არამედ აღამიანებთან!“ მან ბრძანება გასცა მისი კარვის თავზე სასწრაფოდ გამოეკიდათ წითელი ტოგა, რაც რომაელებში ბრძოლის დაწყების ნიშნად ითვლება. ქარისკაცებმა ეს რომ დაინახეს, სიზარულის ყივინით მიატოვეს კარგები და იარაღებს მიაშურეს. ცენტუ-

რიონებმა თითოეული მეომარი თავ-თავის ადგილზე მიიყვანეს. ბოლოს ყველანი, როგორც ეს სათეატრო გუნდში ხდება ხოლმე, არეულობის გარეშე წესიერად და მშვიდად ჩამწყრიდნენ.

69. პომპეუსს მარჯვენა ფრთა ეკავა. იგი ანტონიუსს უნდა გამკლავებოდა. შუაში, ლუციუს კალვინიუსის წინააღმდეგ, თავისი სიმამრი სციპიონი დააყენა, ხოლო მარცხენა ფრთა, რომელსაც ძალას მატებდა ცხენოსანთა დიდი ჯარი, ლუციუს დომიციუსის ხელთ იმყოფებოდა. თითქმის ყველა მეომარი ამ ფრთას მოაწყდა, რათა კეისარს პირისპირ შეებოდნენ და შეემუსრათ მეათე ლეგიონი, რომელიც სახელგანთქმული იყო როგორც ყველაზე უფრო მამაცი მებრძოლი. კეისარი ჩვეულებრივ ამ ლეგიონში იბრძოდა.

როცა კეისარმა მტრის მარცხენა ფრთა ესოდენ დიდძალი ცხენოსნით გამაგრებული იხილა, შეეშინდა მოწინააღმდეგის ბრწყინვალე შეიარაღებისა და სათადარიგო ნაწილიდან ექვსი კოჰორტი გამოიწვია. ეს კოჰორტები მეათე ლეგიონის ზურგში დააყენა, ოღონდაც არ უნდა განძრეულიყვნენ და მტერს არ დანახვებოდნენ. როცა პომპეუსის მხედრები იერიშზე წამოვიდოდნენ, ეს ექვსი კოჰორტი მოწინავე რაზმების წინ უნდა გამოჰრილიყო, მაგრამ ოროლები არ უნდა გამოეტყორცნათ, როგორც ამას მამაცი მეომრები აკეთებენ ხოლმე, რათა უფრო სწრაფად გადავიდნენ ხმლებით ბრძოლაზე, არამედ ზევიდან დაეცხთ მტრებისათვის და ჭრილობა მათთვის თვალებსა და სახეში მიეყენებინათ. კეისარი დარწმუნებული იყო, რომ პომპეუსის ეს ახალგაზრდა მოხდენილი პირიქისტები¹⁰ თავიანთ სილამაზეს დაზოგავდნენ, ასეთ დარტყმას ვერ გაუძლებდნენ და თვალებში დამიწნებულ რკინას მზერას ვერ გაუსწორებდნენ.

აი, ასეთი ბრძანებებით იყო გართული კეისარი. რაც შეეხება პომპეუსს, იგი ცხენზე იჯდა და ჯარის განლაგებას ათვალისწინებდა. რაკი დაინახა, მტერი მშვიდად და სრული წესრიგის დაცვით ელოდებოდა ხელსაყრელ დროს, მაშინ როცა მისი ჯარის უდიდესი ნაწილი გამოუცდელობის გამო სიმშვიდეს ვერ იცავდა, დელავდა და აფორიაქებული იყო, იმის შიშით, ჯარი ბრძოლის დაწყებისთანავე არ შემუსრულიყო, მოწინავე რაზმებს უბრძანა თავიანთი ადგილებიდან ფეხი არ მოეცვალათ, მოეთმინათ და მტრის იერიშს მედგრად დახვედროდნენ.

პომპეუსის ამ სამხედრო ხერხს კეისარი მეტისმეტად აძაგებს. მი-

სი აზრით, პომპეუსმა შეასუსტა ანაზდეული იერიშის ძალა და ჩაქ-
ლა ის აგზნება, მტერზე თავდასხმის დროს რომ მრავალი ჯარისკა-
ცის აღფრთოვანებასა და შეტევას ძალას ჰმატებს ყიჟინითა და სწრა-
ფი მოძრაობით. თავისი მეომრები პომპეუსმა შებოჭა და სიფიცხე
შეუენელა¹⁴¹.

კეისარს თან ოცდაორი ათასი ჯარისკაცი ჰყავდა, პომპეუსს კი
ორჯერ — ანდა ცოტა კიდევ უფრო მეტი.

70. ბრძოლის დაწყების ნიშანი უკვე მისცეს. საყვირის ხმა ჯა-
რისკაცებს აქვებდა ფეხზე დამდგარიყვნენ. ამ უთვალავ ლაშ-
ქარში ყოველი კაცი ბრძოლისათვის ემზადებოდა. რამდენიმე კე-
თილშობილმა რომელმა და ზოგიერთმა ბერძენმა, რომლებიც ბრძო-
ლაში არ მონაწილეობდნენ, საბედისწერო და საშინელი ეამი რომ
მოახლოვდა, მსჯელობა დაიწყეს იმაზე, თუ სადამდე მიიყვანა რომის
სახელმწიფო ორი კაცის სიხარბემ და სიჯიუტემ.

ორივე მოწინააღმდეგე მხარეს ერთნაირი იარაღი ჰქონდა; მათი
რაზმები საოცრად ჰგავდა ერთმანეთს; აღმებიც ერთნაირი იყო და
რჩეულ ვაეკაცთა მრავალრიცხოვანი მხედრობაც ერთ სახელმწიფოს
ეკუთვნოდა. და აი, ეს ძალა, შუაზე გაყოფილი, ერთიმეორეზე აღ-
დგა. ეს ნათლად ამტკიცებდა, თუ რა ბრმა და უგუნური ხდება ადა-
მიანის ბუნება, როდესაც ვნებებს აჰყვება.

პომპეუსსა და კეისარს რომ მოეწადინებინათ მშვიდობიანად
ესარგებლათ მოპოვებული გამარჯვებებით, მთელი სამყაროს საუკე-
თესო და უდიდესი ნაწილი როგორც ხმელეთზე, ისე ზღვაზე მათ
ხელქვეით აღმოჩნდებოდა. თუ მათ სურდათ დაეკმაყოფილებინათ
თავიანთი სწრაფვა ნადავლისა და ტრიუმფისადმი, შეეძლოთ ეს სურ-
ვილი პართებთან და გერმანელებთან ომებით დაეცხროთ. ბევრი რამ
რჩებოდა გასაკეთებელი სკვითების მხარეში და ინდოეთშიც. პომპე-
უსსა და კეისარს თავიანთი სიხარბის გასამართლებლად სწორედ აქ
შეეძლოთ ერთი შეხედვით საფუძვლიანი საბაბი წამოეყენებინათ;
სახელდობრ ის, რომ მათ მიზნად ჰქონდათ ბარბაროსული ტომების
მოთვინიერება. განა სკვითთა რომელი მხედრობა, პართების რომელი
მოისრენი ან ინდოელთა რა სიმდიდრე შეაკავებდა სამოცდაათი ათა-
სი კაცისაგან შემდგარ იარაღასხმულ რომელთა მხედრობას, პომპე-
უსისა და კეისარის წინამძღოლობით მომავალს? იმ პომპეუსისა და
კეისარისა, რომელთა სახელიც რომაელთა სახელზე ბევრად ადრე

ჰქონდათ გავონილი, რადგან პომპეუსსა და კეისარს მრავალზე მრავალი ტომი ჰყავდათ დამარცხებული.

და აი ახლა ისინი, დღემდე რომ დაუძლეველთა სახელს ატარებდნენ, ერთმანეთის წინააღმდეგ საბრძოლველად აღდგნენ; არ დაინდეს საკუთარი ღირსება, რომლის გულისთვისაც სამშობლოც კი მსხვერპლად შესწირეს. პომპეუსისა და კეისრის დამოყვრება, იული-ასადმი პომპეუსის სიყვარული, მათი ქორწინება თავიდანვე ცბიერი და საეჭვო შეკავშირება იყო, ანგარების მიზნით შეკოწიწებული. მათ ურთიერთობაში ჭეშმარიტი მეგობრობის ნატამალიც კი არ ერია.

71. ფარსალეს ველი შემოშრებით, ცხენებითა და იარაღით გაივსო. როგორც კი მისცეს ორივე მხრივ ბრძოლის დაწყების ნიშანი, კეისრის ფრთიდან პირველი გამოიჭრა ას ოცი კაცისაგან შემდგარი რაზმის უფროსი გაიუს კრასიანუსი¹⁴², რომელმაც თავის ღროზე კეისრის წინაშე ფიცი დასდო. ბანაკიდან მომავალმა კეისარმა პირველად იგი შენიშნა, მიესალმა და ჰკითხა: როგორი აზრისა ხარ ბრძოლის შესახებო: „შენ ბრწყინვალე გამარჯვებას მოიპოვებ, კეისარო, მე კი დღევანდელ დღეს ან ცოცხალს ან მკვდარს შემაჩებო!“ აი, ეს სიტყვები გაიხსენა მაშინ კრასიანუსმა, გავარდა წინ, თან მრავალი მეომარიც გაიყოლა და მტრის რაზმთა შუაგულში შეიჭრა.

აქ მაშინვე მახვილებით გაჩაღდა ბრძოლა. მოკლულთა რიცხვი უთვალავი იყო. კრასიანუსი მთელი ძალით წინ მიიწევდა და მტრის მეწინავე რიგებს შუაზე კვეთდა. ამ დროს მას პირისპირ შემოეგება ერთ-ერთი პომპეუსელი და ისეთი ძალით ატაკა პირში მახვილი, მისმა წვეტმა კეფაც კი გაუხვრიტა. კრასიანუსი მკვდარი დაეცა. ბრძოლის ბედი ამ უბანზე ჯერ კიდევ გადაუწყვეტელი ღარჩა.

პომპეუსმა თავისი მარჯვენა ფრთა მაშინვე არ გამოიყვანა ბრძოლაში. იგი აყოვნებდა, აქეთ-იქით იცქირებოდა და ელოდებოდა, რას იზამდნენ მისი ცხენოსნები. ესენი თავიანთ მწყრივებს მთელ ხაზზე შლიდნენ იმ განზრახვით, რომ კეისრისათვის ალყა შემოეერთყათ და მის მეწინავე მცირერიცხოვან რაზმს ცხენოსნების უკან მდგარი ქვეითი მეომრები გადაეთელათ.

მაგრამ კეისარმა ნიშანი მისცა, ცხენოსნებმა უკან დაიხიეს, ალყისაგან თავის დისაცავად დარაზმული კოჰორტები კი სამი ათასი კაცის შემადგენლობით მტრის შესაგებებლად გამოიჭრნენ. კოჰორტთა

მეომრები მტრის ცხენოსნებს სათითაოდ გვერდში ამოუდგნენ და, როგორც ნაბრძანები ჰქონდათ, ზეამართული შუბის წვეტები პომპეუსის მხედრებს თავ-პირში დასცხეს. ესენი კი, საერთოდ სამხედრო საქმეში გამოუცდელნი, მტრის ასეთ ხერხს სრულიად არ მოელოდნენ და არც წინასწარ ჰქონდათ გაგებული ამის თაობაზე რამე. ამიტომ თვალებსა და სახეში მომართულ დარტყმებს ვეღარ გაუძლეს და საპირო გამბედაობა ვერ გამოიჩინეს. ისინი სახეზე ხელებს იფარებდნენ, მტერს ზურგს უბრუნებდნენ და სამარცხვინოდ გარბოდნენ.

კეისრის მეომრებმა უკუქცეულებს თავი მიანებეს და დაიძრნენ მტრის ქვერთი ჯარის წინააღმდეგ. პომპეუსის ქვეითი ლაშქარი ამჟამად როდიღა იყო დაცული ცხენოსნებით: ამიტომაც მის რკალში მომწყვდევა ახლა სულ ადვილი საქმე გახლდათ. კეისრის მეომრები პომპეუსელებს ფლანგიდან დაესხნენ თავს მაშინ, როცა მეათე ლეგიონმა წინა ნაწილზე მიიტანა იერიში. პომპეუსის მეომრებმა ასეთ მოწოლას ვეღარ გაუძლეს და აქეთ-იქით დაიფანტნენ, რა დაინახეს, იმედი გაუტრუდდათ: იმის მაგივრად, რომ მტერი მოექციათ ალყაში, თვითონვე ელოდათ ეს საშიშროება.

72. ქვეითი ჯარის უკან დახევის შემდეგ, როცა პომპეუსმა ჰეროში ავარდნილი მტვერი დაინახა, მიხვდა, რომ მისი მხედრობა შემუსრეს. თუ რა იფიქრა მაშინ, ძნელია ამის თქმა. მაგრამ დაბნეული და გონებაწართმეული კაცივით რომ იქცეოდა, ეს კი სრულიად აშკარა გახლდათ. მან დაივიწყა, რომ იგი პომპეუს დიდი იყო. ერთი სიტყვითაც კი არავეისთვის მიუმართავეს, ისე ნელი ნაბიჯით გაემართა ბანაკისაკენ. მისთვის სავსებით შესაფერი გახლდათ აი ეს სიტყვები:

მეუფე ზევსმა ზარი დასცა მაშინ აიანტს,
რომელმაც შიშით უძუაგლო შეიღვეცა ფარი
და მეძრწუნებით გასცქეროდა თავის ლაშქარსა.¹⁴³

ასე გაოგნებული შევიდა პომპეუსი კარავში და ზმამოუღებელი იჯდა მანამ, სანამ ლტოლვილთა მთავარი მდედარი ბანაკში არ შემოიჭრა. „როგორ, ხუთუ ბანაკშიც?“ — ესლა წამოიძახა მაშინ პომპეუსმა, სხვა აღარაფერი უთქვამს, ფეხზე წამოდგა, ვითარების შესაფერი ტანსაცმლით შეიმოსა და ბანაკიდან უხმოდ გავიდა.

პომპეუსის დანარჩენი ლეგიონებიც უკუქცნენ. მის ბანაკში სა-

შინელი ზოცვა-ჟლუტა შეიქნა. აქ კარავთა მრავალი მცველი და მონა დახოცეს; რაც შეეხება ჯარისკაცებს, ამათგან მხოლოდ ექვსი ათასი კაცი დაეცაო, — ამბობს აზინიუს პოლიონი¹⁴⁴, რომელიც ამ ბრძოლაში კეისრის მხარეზე იყო.

აიღეს თუ არა პომპეუსის ბანაკი, კეისრის მომხრენი მეტისმეტად გაოცდნენ. საქმე ის იყო, რომ მათ აქ მტრის უგუნურება და თავგაბრუნება იხილეს. ყოველი კარავი ტვიის შტოებითა და ჭრელ-ჭრელი ხალიჩებით იყო მორთული. კარგებში დადგმული მაგიდები ნაირ-ნაირი თასებითა და ღვინით სავსე კრატერებით იყო გაწყობილი¹⁴⁵. ყველა ეს მორთულობა მსხვერპლის შემწირველთ და მოხეი-მეთ უფრო შეეფერებოდა, ვიდრე საომრად გამზადებულ ხალხს. აი ასეთი ფუჭი იმედებითა და წინდაუხედავი გულდაჩერებულობით აღსავსენი გამოდიოდნენ პომპეუსელები ომში.

73. მოშორდა თუ არა მცირე მანძილით ბანაკს, პომპეუსი ჩამო-ქვეითდა, ცხენი გაუშვა და სულ რამდენიმე კაცის თანხლებით, რაკი არავინ მისდევდა, გზა ნელი ნაბიჯით განაგრძო. იგი ისე ჩაძირული-ყო ფიქრებში, როგორც შეიძლება ყოფილიყო ის კაცი, ვინც მიეჩნია მთელი ოცდაათთხმეტი წლის განმავლობაში გამარჯვებასა და ყვე-ლაფრის დამორჩილებას და ვინაც მხოლოდ სიბერის ჟამს პირველად იგემა დამარცხებისა და განადგურების სიმწარე. პომპეუსი მწუხა-რებით ეკითხებოდა თავის თავს, თუ ვით დაჯარგა ასე ერთ წუთში ის სახელი და ძლიერება, რაიც ეგზომ მრავალი ბრძოლითა და ომით მოიპოვა; თუ როგორ გახდა ასე უძლური სულ მცირე ხნის წინ დიდ-ძალი ქვეითი ჯარის, მხედრობისა და ფლოტის პატრონი კაცი და როგორ მიიპარებოდა ისე დაკნინებული და გაცამტვერებული, რომ მდევარს არ შეემჩნია.

პომპეუსმა ლარისას ჩაუარა. როცა ტემპეს ველზე¹⁴⁶ გავიდა, სა-შინლად მოწყურებული პირქვე დაემხო და იქაური მდინარის წყალი დალია¹⁴⁷, მერმე ფეხზე წამოდგა, ტემპეს ველი გადალახა და ზღვის სანაპიროზე ჩავიდა. დილაშდე მეთევზეთა ქოხში დარჩა, განთიადისას კი მდინარეზე სანაოსნოდ ვარგის ნავში ჩაჯდა. აქვე ჩაისვა თავისუ-ფალი მდგომარეობის მქონე თანმხლებნი, ხოლო მონებს უბრძანა უშიშრად ხლებოდნენ კეისარს.

პომპეუსი ზღვის სანაპიროს მიჰყვებოდა. აქ უზარმაზარი საბარგო ხომალდი დაინახა, რომელიც ღუზის აშვებას აპირებდა. ამ ხომალ-

დის პატრონი რომელი იყო, რომელსაც პომპეუსთან მეგობრული ურთიერთობა არ ჰქონდა, მაგრამ სახეზე იცნობდა. ამ კაცს სახელად პეტრციუსს ეძახდნენ. წინა დამით ამ პეტრციუსმა სიზმარში პომპეუსი იხილა, მაგრამ ისეთი სახით როდი იყო, როგორსაც ჩვეულებრივ ხედავდა ხოლმე, არამედ სასოწარკვეთილი და დაჩაჩანაყებული ჩანდა და მას გაესაუბრა.

პეტრციუსი ამ სიზმარს თანამგზავრებს უყვებოდა ისე, როგორც ეს მოცილილ ხალხს სჩვევია მნიშვნელოვან ამბებზე ლაპარაკისას. ამ დროს ერთ-ერთმა მეზღვაურმა უცებ წამოიძახა, რომ მან დაინახა ნავი: „ეს ნავი ხმელეთიდან აქეთ მოემართება; შიგ ვიღაც უცნობები სხედან. ისინი თავიანთ წამოსასხამებს აფრიალებენ და ხელებს ჩვენკენ იწვდიან“.

პეტრციუსმა დაუყოვნებლივ გააჩერებინა ხომალდი და მაშინვე იცნო პომპეუსი, სწორედ ისეთი, როგორიც სიზმარში გამოეცხადა. მან მწუხარებისაგან თავზე ხელი შემოიკრა და მეზღვაურებს უბრძანა წყალში კანჯო ჩაეშვათ. მერმე პომპეუსს მარჯვენა ხელი გაუწოდა და თავისკენ მოუხმო. შეხედა თუ არა მას, პეტრციუსი მყისვე მიხვდა, ამ კაცის ბედის ჩარხი უკულმა დატრიალებულიყო. ამიტომ მის თხოვნასა და სიტყვას აღარ დაუცადა, მაშინვე აიყვანა ხომალდზე პომპეუსიც და ისინიც, ვინც პომპეუსმა მოისურვა (ესენი იყვნენ ორივე ლენტულუსი¹⁴⁸ და ფავონიუსი), და ღუზა აუშვა.

მცირე ხნის შემდგომ ხომალდზე მყოფებმა ზღვის ნაპირზე დაინახეს მეფე დეიოტარუსი¹⁴⁹, რომელიც ყოველნაირად ცდილობდა ამ ხომალდზე მოხვედრას. პეტრციუსმა ისიც აიყვანა.

მაღე სადილობის დრო მოვიდა. ხომალდის პატრონმა დაიწყო სადილის მომზადება იმ სურსათით, რაც ხელთ ჰქონდა. ფავონიუსმა როგორც კი შენიშნა, პომპეუსი საკუთარი ხელით ცდილობდა ტანსაცმლის გახდას, მყისვე მიიჭრა მასთან, გახადა ტანთ და ზეთითაც დაიხლა. ამიერიდან ფავონიუსი ბოლომდე აღარ მოსცილებია პომპეუსს და ისე ემსახურებოდა, როგორც მონა თავის ბატონს. იგი მას ფეხებსაც კი ჰბანდა და საუხმესაც უმზადებდა. ასე რომ ვინც ამ კაცის კეთილშობილურ და თავდადებულ სამსახურს იხილავდა, იგი აუცილებლად გულწრფელი უბრალოებით იტყოდა:

აი ვით შევნით დიდგაროვანთ საქმე ყოველი!!!

74. ერთი სიტყვით, პომპეუსმა ჩაუარა ამფიპოლისს და მერმე გეზი მიტილენესაკენ აიღო¹⁵¹, იმ გადაწყვეტილებით, აქედან წაეყვანა კორნელია და ვაჟიშვილი. მიაღდა თუ არა კუნძულის სანაპიროს¹⁵², ქალაქში მაცნე აფრინა, მაგრამ არა იმ ამბებით, როგორსაც კორნელია მოელოდა. სიტყვიერი თუ წერილობითი სასიხარულო ცნობებით დაიმედებულ კორნელიას ეგონა, ომი ღირაქიუმთან დამთავრდა და პომპეუსს ისღა დარჩენია, კეისარს სდიოსო.

ასეთ ფიქრებში იყო ის, როცა მასთან შიკრიკი მივიდა. მან ვერ გაბედა პომპეუსის მეუღლეს მისალმებოდა და ყველა უსაზღვრო უბედურება ცრემლებით უფრო ამცნო, ვიდრე სიტყვებით. მერმე ურჩია აჩქარებულიყო, თუკი მოისურვებდა ენახა პომპეუსი მხოლოდ ერთსა და ისიც სხვის ხომალდზე.

ეს რომ გაიგონა, კორნელია პირქვე დაემხო მიწაზე და დიდხანს იწვა გაოგნებული და ხმაწართმეული. ბოლოს, როგორც იქნა, გონს მოვიდა, მიხვდა, გლოვისა და ტირილის დრო აღარ იყო, და ქალაქიდან ზღვის სანაპიროსაკენ გაეშურა. აქ მას შეეგება პომპეუსი და ღონემიხილი ცოლი, რომელიც კინაღამ წაიქცა, მკლავებში მოიმწყვდია. „ძვირფასო მეუღლე, — უთხრა კორნელიამ ქმარს. — მე კარგად ვხედავ, რომ ამ უბედურების მიზეზი, ერთი ხომალდით რომ მიექანები სადღაც, მე ვარ და არა შენ; კორნელიას შერთვამდე შენ ზომ ხუთასი ხომალდით სერავდი ამ ზღვას! რატომ მოხვედი ჩემს სანახავად? რატომ არ დამტოვე მრისხანე ბელისწყრის ანაბრად ქალი, რომელმაც ესოდენ მრავალი უბედურება მოგიტანა? ოჰ, რა ბედნიერი ვიქნებოდი, მანამდე მღირსებოდა სიკვდილი, სანამ გავიგებდი, რომ ჩემი პირველი ქმარი პუბლიუსი პართეთთან ბრძოლაში დაიღუპა! რა გონივრულად მოვიქცეოდი, მისი სიკვდილის შემდეგ მეც ამეღო სიცოცხლეზე ხელი, რაც უკვე განზრახული მქონდა! მაგრამ, როგორც ჩანს, პომპეუსს დიდის საუბედუროდ გადავრჩი!“¹⁵³

75. ამბობენ, როცა ეს თქვა კორნელიამ, პომპეუსმა ასე უპასუხაო: „შენ, კორნელია, დღემდე მიცნობდი როგორც ბედნიერ კაცს. შესაძლოა იმან მოგატყუა, რომ ეს ბედნიერება ჩვეულებრივზე უფრო დიდხანს შემომჩრა; მაგრამ ახლა ეს უბედურებაც უნდა ავიტანოთ; ჩვენ ზომ ადამიანები ვართ! მერმე კი კვლავ ვცადოთ ბედი. იმედი არ უნდა დავკარგოთ, რომ ამ მდგომარეობიდან ისევ შესაძლებელია დავუბრუნდეთ წარსულ ვითარებას.“

კორნელიამ ქალაქიდან თავისი ქონება და მსახურები გამოითხოვა მიტილენეს მოქალაქენი გულთბილად ესალმებოდნენ პომპეუსს და ქალაქში იბატონებდნენ, მაგრამ მან ქალაქში შესვლა არ მოისურვა და მიტილენეს მცხოვრებთ რჩევა მისცა გამარჯვებულს დამორჩილებოდნენ და მხნეობა არ დაეკარგათ. კეისარი, — ეუბნებოდა იგი, — კეთილი და მოწყალე კაცი არისო.

მერმე მან საუბარი გამართა ფილოსოფოს კრატეპესთან⁵⁴, რომელიც ქალაქიდან მის სანახავად ჩამოვიდა. პომპეუსმა ერთგვარი ექვი გამოთქვა ბედისწერის თაობაზე. კრატეპემ თავი ისე მოაჩვენა, თითქოს ეთანხმებოდა ამაში და სცადა მისთვის უკეთესი მომავლის იმედები შთაენერგა, რათა უფრო შეკამათებით არ გაებრაზებინა.

კრატეპეს, სხვათა შორის, შეეძლო შეკამათებოდა პომპეუსს და დაემტკიცებინა მისთვის, რომ რომის სახელმწიფოს ახლანდელი მერყევი მდგომარეობა მონარქიულ მმართველობას მოითხოვდა. ფილოსოფოსს შეეძლო სახელდობრ ასეთი კითხვა დაესვა: „პომპეუსო, გამარჯვება რამ შენ ზელთ აღმოჩენილიყო, რა საფუძველი გვექნებოდა ჩვენ იმის დასაჯერებლად, რომ შენ უკეთ ისარგებლებდი ბედით, ვიდრე კეისარი? მაგრამ სჯობს ამ საკითხებს, ვინაიდან ისინი ღმერთთა მსჯელობის საგანია, ჩვენ თავი დავანებოთ“.

76. ცოლისა და მეგობრების თანხლებით პომპეუსი ლესბოსიდან ზღვაში გავიდა. იგი არც ერთ ნავსადგურში არ შეჩერებულა, გარდა იმ აუცილებელი შემთხვევებისა, როდესაც სასმელი წყლისა და სურსათის მომარაგება იყო საჭირო. პირველი ქალაქი, რომელშიაც მან ფეხი შედგა, პამფილიის ქალაქი ატალია გახლდათ. აქ შემოხვდა კილიკიიდან გამოსული რამდენიმე ზომალდი. მალე ჯარისკაცებმაც დაიწყეს მის გარშემო შემოკრება და პომპეუსს ახლა თავის ირგვლივ უკვე სამოცი სენატორიც ჰყავდა.

როცა გაიგო, მისი ფლოტი ჯერ კიდევ ხელუხლებლად იდგა და რომ კატონი მის მიერ შეკრებილი დიდძალი ჯარით ლიბიაში იყო გადასული, მეგობრებზე ბრაზი მოუვიდა და მწარედ ინანა, რად აიძულა თავისი თავი მარტოოდენ ქვეითი მხედრობით ჩამპულიყო ბრძოლაში: ხოლო ის ძალა, რომელიც აშკარად ჯობნიდა მოწინააღმდეგეს, არ გამოიყენა და ფლოტი არ დააყენა ისეთ ადგილზე, საიდანაც, ხმელეთზე დამარცხების შემთხვევაში, დაუყოვნებლივ დაუპირისპირებდა მოწინააღმდეგეს ზღვაზე თავმოყრილ ესოდენ მძლავრ ლაშ-

ქარს. მართლაც, პომპეუსის ყველაზე უფრო დიდი შეცდომა და კეისრის ყველაზე უფრო მარჯვე ნერხი სწორედ ის იყო, რომ ბრძოლა გააჩაღა ზღვიდან საკმაოდ მოშორებით, სადაც სამხედრო ხომალდებს დანმარების გაწევა არ შეეძლოთ.

ერთი სიტყვით, ასე იყო თუ ისე, პომპეუსი იძულებული გახდა შექმნილი მდგომარეობის შესაბამისად რაიმე მოესაზრებინა და გაეკეთებინა. ამიტომ ზოგიერთ ქალაქებში მოციქულებს აგზავნიდა, ზოგში კი თვითონ მიემგზავრებოდა. იგი ფულსა და აღჭურვილ ხომალდებს თხოულობდა. მაგრამ მტრის მოქნილობისა და სისწრაფისაც ეშინოდა. მტერს შეეძლო მანამ დასხმოდა თავს, სანამ მზადებას დაასრულებდა. ამის გამო პომპეუსი თავის დასახსნელად საიმედო თავშესაფარსაც ეძებდა. ამის თაობაზე თავისიანებთან ბჭობა გამართა. მაგრამ გამოირკვა, რომ რომს დაქვემდებარებული არც ერთი პროვინცია თავშესაფრად არ გამოდგებოდა. რაც შეეხება უცხო სამეფოებს, ამჟამად შექმნილი პირობების მიხედვით პომპეუსს ყველაზე უფრო დამაკმაყოფილებლად მოეჩვენა პართების სამეფო. იგი, მისი აზრით, ძალაგამოცლილ პომპეუსს ელგებს მიიღებდა, დაიცავდა, მერმე ისევ ფეხზე წამოაყენებდა და დიდძალი მხედრობით უკან გამოისტუმრებდა. ზოგიერთმა კი არჩევანი ლიბიასა და მეფე იუბაზე შეაჩერა. მაგრამ თეოფანე ლესბოსელი უგუნურებად მიიჩნევდა უყურადღებოდ დაეტოვებინა პომპეუსს ზღვით სამი დღის სავალ მანძილზე მდებარე ეგვიპტე და მისი ახალგაზრდა მეფე პტოლემეოსი¹⁵⁵, რომელიც დიდად იყო დავალებული პომპეუსისაგან მამამისისთვის გაწეული მეგობრობითა და სამსახურით, და ჩაბარებოდა პართებს, ამ ფრიად ვერაგ ტომს. „პომპეუსს, — ამბობდა თეოფანე, — არ სურს მეორე კაცი იყოს მისი სიმამრის¹⁵⁶ შემდეგ და პირველი დანარჩენთა შორის. ასევე არ სურს იგემოს ამ გამარჯვებული რომაელის შემწყნარებლობა და სურს ბატონად გაიხადოს არსაქე¹⁵⁷, რომელმაც კრასუსი ცოცხლად არ შეივრდომა! პომპეუსს თავისი ახალგაზრდა ცოლი, სციპიონთა გვარეულობის ქალი, მიჰყავს ბარბაროსებთან. რომლებიც თავიანთ ძალას თავხედობითა და ავტორიტეტით ზომავენ. იქნებ მათ არაფერი არ აენონ ამ ქალს, მაგრამ მარტო იმის ფიქრიც კი აუტანელია, რომ იმ ხალხის მონად იქცეს, რომელიც ასეთ რამეზე უკან არ დაიხევს“.

როგორც ამბობენ, მხოლოდ ამის გამო აიღო ხელი პომპეუსმა

ეგვრატისაგან გამგზავრებაზე, თუკი, რა თქმა უნდა, საკუთარი მოსაზრებით ხელმძღვანელობდა და თუ. ბელისწერამ არ დააყენა სხვა გზაზე.

77. ამგვარად, ეგვიპტეში გაქცევის აზრმა გაიმარჯვა. პომპეუსი მეუღლითურთ სელევკიური ხომალდით გაემგზავრა კიპროსიდან. რაც შეეხება სხვებს, ზოგი გრძელი სამხედრო ხომალდით, ზოგი კი სავაჭროთი მიჰყვა მას უკან. ზღვა მან უვნებლად გადალახა.

როცა პომპეუსმა შეიტყო, პტოლემეოსი თავისი მხედრობით პელუზიუმში¹⁵⁸ იდგა და საკუთარ დას¹⁵⁹ ეომებოდა, თვითონაც იქით გაემართა. წინასწარ კი კაცი აფრინა, რათა ეგვიპტის მეფისათვის თავისი მოსვლა ეუწყებინა და თავშესაფარი ეთხოვა.

პტოლემეოსი მეტისმეტად ახალგაზრდა იყო. ამიტომ ყველა სახელმწიფო საქმეს პოთინე¹⁶⁰ განაგებდა. პომპეუსის თხოვნის განსახილველად აი ამ პოთინემ მოიწვია ყველაზე გავლენიან პირთა სხდომა (გავლენიან პირად კი ის ითვლებოდა, ვისაც პოთინე მოისურვებდა). მან წინადადება მისცა საბჭოს ყველა წევრს თავისი აზრი გამოეთქვა ფრიად სამარცხვინო ამბავი იყო ის, რომ პომპეუს დიდის ბედის გარშემო ბკობდნენ საჭურისი პოთინე, რიტორიკის დაჭირავებული მასწავლებელი თეოდოტე ქიოსელი და ეგვიპტელი აქილა! სასახლის კარზე პირისფარეშთა და აღმზრდელთა შორის მეფის ყველაზე უფრო დიდი და საპატიო მრჩეველები სწორედ ესენი იყვნენ. ზღვის სანაპიროდან მოშორებით ღუზაზე მდგომი პომპეუსი კი ამ სამართლოს გადაწყვეტილებას ელოდებოდა, მაშინ როცა სამარცხვინო საქმედ და თავმოყვარეობის შელახვად მიიჩნია გადარჩენისათვის კეისრისაგან ყოფილიყო დავალებული.

პოთინეს მიერ მოწვეულ საბჭოს წევრებს შორის აზრთა სხვადასხვაობამ იჩინა თავი. ერთნი პომპეუსის უკანვე გასტუმრებას მოითხოვდნენ, მეორენი იმ აზრს უჭერდნენ მხარს, რომ მოეპოვებინათ და მიეღოთ. მაგრამ თეოდოტემ¹⁶¹, რომელსაც თავისი გამჭრიახობისა და მჭევრმეტყველების ხელოვნების ჩვენება უნდოდა, განაცხადა, არც ერთი წინადადება არ ვარგაო. „თქვენ რომ პომპეუსი მიიღოთ, — ამბობდა თეოდოტე, — კეისარს მტრად გაიხდით, პომპეუსი კი სულ მალე თქვენი მბრძანებელი იქნება. მაგრამ მისი ახლანდელი თხოვნა რომ უკუაგდოთ, ორივე მხრივ ბრალდებულები აღმოჩნდებით. პომპეუსი თქვენ, ხელისკვრას დაგაბრალდებთ, კეისარი კი იმას,

რომ პომპეუსის დეენის საქმე გაუჭიანურეთ. ამიტომ ყველაფერს აჯობებს მოვიწვიოთ პომპეუსი და მოვკლათ. ამით კეისრის გულსაც მოვიგებთ და პომპეუსის შიშიც აღარ გვექნება“. როგორც გადმოგვცემენ, თეოდოტემ ამ სიტყვას ღიმილით დაუმატა თურმე: „მკვდარი არ იკბინებაო!“

78. ეს ვერაგული ჩანაფიქრი ერთხმად მიიღეს და გადაწყვეტილების სისრულეში მოყვანა აქილას დაავალეს. აქილამ თან გაიყვალა პომპეუსის ყოფილი სამხედრო ტრიბუნი ვინმე სეპტიმიუსი, ცენტურიონად ნამსახური სალვიუსი, სამი თუ ოთხი მონა და მეთევზეთა ნავით პომპეუსის ხომალდისაკენ გაემართა. ხომალდის ქიმზე თავი მოეყარათ პომპეუსის წარჩინებულ თანამგზავრებს, რათა საკუთარი თვალით ენახათ, თუ რა მოხდებოდა. მალე დაინახეს, რომ პომპეუსის შეხვედრა არ გამოირჩეოდა მეფური ბრწყინვალეობით და ოდნავაც არ ამართლებდა თეოდანეს იმედებს: მეთევზეთა ერთი უზადრუკი ნავით სულ რამდენიმე კაცი მოცურავდა. ხომალდზე მყოფნი მიხვდნენ, რომ მათ ზიზლით ეგებებოდნენ; ამიტომ პომპეუსს ურჩიეს: რაც შეიძლება შორს გაიყვანე ხომალდი ზღვაში, სანამ მტრის გამოტყორცნილი ისარი არ მოგხვედრიაო.

ამასობაში ნავი მიუახლოვდა ხომალდს. პირველად სეპტიმიუსი წამოდგა ფეხზე, პომპეუსს ლათინურ ენაზე მიესალმა და იმპერატორი უწოდა. მერმე აქილამ მისცა სალაში ბერძნულად და ნავში ჩამოიპატიჟა: აქ მეტისმეტად თავთხელია წყალი, ამიტომ მარჩხოვების გამო ხომალდით ცურვა შეუძლებელიაო.

სწორედ ამ დროს პომპეუსის თანამგზავრებმა დაინახეს, რომ რამდენიმე სამეფო ხომალდი საომრად ემზადებოდა. ზღვის მთელი სანაპირო კი ქვეითი ჯარისკაცებით იყო დაკავებული. ამიტომაც გაქცევას აზრი არ ჰქონდა, თუნდაც რომ პომპეუსს თავისი გადაწყვეტილება შეეცვალა. გარდა ამისა უნდობლობის გამოძღვანებით მკვლევებს საბაბი ექნებოდათ გაემართლებინათ თავიანთი ვერაგული საქციელი.

პომპეუსი გამოეთხოვა კორნელიას, რომელმაც უკვე წინასწარ დაიტრია მისი დაღუპვა. მერმე მასთან ერთად ნავში ჩაჯდომა უბრძანა ორ ცენტურიონს, ერთ-ერთ თავის აზატ ფილიპეს და მონას — სახელად სკვითეს.

აქილამ და მისმა მხლებლებმა პომპეუსს ქვევიდან ხელები გამო-

უწოდეს მისაშველებლად. იგი ნაფში ჩახტა, პირი ცოლისა და ვაჟისაჲს მიაბრუნა და სოფოკლეს იამბური ტაეპები წარმოთქვა:

ის, ვინც ფეხს შედგამს მეფის კარზე, მეფის მონაა,
თუნდაც მოვიდეს დაბადებით თავისუფალი.¹⁶²

79. ეს იყო უკანასკნელი სიტყვები, რომლებიც მან თავისიანებს უთხრა. ამის შემდეგ იგი ნაფში ჩაჯდა. მანძილი ზომალდიდან ნაპირამდე საკმაოდ დიდი იყო, მაგრამ პომპეუსს ერთი ალერსიანი სიტყვაც არ აღირსეს. მან თვალეზი სეპტიმიუსს მიაპყრო და ჰკითხა: „თუ არ ვცდები, შენ ჩემი ყოფილი თანამოლაშქრე უნდა იყო?“ სეპტიმიუსმა თანხმობის ნიშნად თავი დაუქნია მხოლოდ და ერთი გულთბილი სიტყვაც არ უთხრა. ისევ დუმილი ჩამოვარდა. პომპეუსს თან ჰქონდა პატარა წიგნაკი ბერძნულად ჩაწერილი სიტყვა, რომელიც პტოლემეოს მეფისათვის უნდა ეთქვა, და მის კითხვას შეუდგა.

სანამ ნაფში მსხდომნი ნაპირს უახლოვდებოდნენ, კორნელია პომპეუსის მეგობრებთან ერთად ზომალდიდან საშინელი მღელვარებით თვალს. აღევნებდა იმას, თუ რა მოხდებოდა. როცა კორნელიამ დაინახა, რომ მისადგომ ადგილისაკენ მეფის მრავალი კარისკაცი მოემართებოდა, რომლებიც თითქოს იმიტომ მოდიოდნენ, რომ პომპეუსი პატივით მიეღოთ, სული მოითქვა. მაგრამ იმ დროს, როდესაც პომპეუსმა ფილიპეს ხელი ჩასჭიდა, რათა უფრო ადვილად წამომდგარიყო, სეპტიმიუსმა ზურგში მახვილი ჩასცა; მერმე საღვთუსმა და აქილამაც იშიშვლეს თავ-თავიანთი მახვილები. პომპეუსმა ორივე ხელით ჩამოიხურა ტოგა სახეზე; არაფერი არ უთქვამს და არაფერი არ მოულოკმედნია ისეთი, რაც მის ღირსებას შელახავდა. ერთი დაიკვნესა მხოლოდ და გაეკატურად შეხვდა მახვილთა დარტყმას. ასე მოსწყდა წუთისოფელს ორმოცდაცხრამეტი წლის პომპეუსი თავისი დაბადების დღის მომდევნო დღეს.¹⁶³

80. პომპეუსის გველეშობის დანახვაზე ხომალდზე მყოფთ ისეთი შემადრწუნებელი ყვირილი აღმოხდათ, რომ ეს ხმა ზღვის ნაპირსაც მისწვდა. მერმე ლუზა აუშვეს და სწრაფად გაშორდნენ იქაურობას. მძლავრმა ქარმა მეტისმეტად შეუწყო ხელი ლტოლვილებს. ამიტომაც ეგვიპტელები, წინააღმდეგ თავიანთი სურვილისა, იძულებული გახდნენ ხელი აეღოთ დევნაზე.

მკვლევებმა პომპეუსს თავი მოჰკვეთეს, გაშიშვლებული სხეული ნაგიდან ნაპირზე გადაისროლეს და იმათ დაუტოვეს, რომელთაც ამ სანახაობით დატკბობა უნდოდათ. აზატი ფილიპე გაუნძრევლად იდგა გვამთან, სანამ ხალხმა მზერით გული არ გაიძლო. მერმე პომპეუსის ტანი ზღვის წყლით გაჰბანა და, რაკი სხვა არაფერი ჰქონდა, თავის ტუნიკა გადააცვა. შემდეგ ზღვის ნაპირი მიმოათვალიერა და იპოვა პატარა ნავის ნამტვრევები. მართალია, ეს ნამტვრევები მეტად ძველი იყო, მაგრამ გაშიშვლებული და ისიც დასახიჩრებული გვამისთვის სამგლოვიარო კოცონის დასანთებად კიდევ გამოდგებოდა.

სანამ ფილიპე ამ ნამტვრევებს ეზიდებოდა და თავს უყრიდა, მასთან მივიდა ერთი მოხუცებული რომაელი, რომელსაც ახალგაზრდობაში მონაწილეობა მიეღო პომპეუსის პირველ ლაშქრობაში. მან ფილიპეს ჰკითხა: „ვინ ხარ შენ, მეგობარო, პომპეუს დიდის დაკრძალვა რომ განგოზრახავსო?“ ამან უპასუხა: „პომპეუსის აზატი ვარო“. ეს კეთილი საქმე, — უთხრა მოხუცმა, — მარტო შენ რად უნდა ქმნა, მეც გამხადე მონაწილე. რაკი ასეთ წმინდა საქმეს წავაწყდი, დაე, ნულარ მექნება საბაბი ვიწუწუნო ჩემს ცხოვრებაზე უცხო მხარეში. მრავალი უბედურების განცდის შემდეგ მეც მეწია ბედი ერთი კეთილშობილური საქმე ჩავიდინო და უკანასკნელი ვალი მოვიხადო რომაელთა უდიდესი სარდლის წინაშეო!“

აი, ასე სცეს პატივი პომპეუსის გვამს.

მეორე დღეს კიპროსიდან ზომალდით მოვიდა ლენტულუსი, რომელმაც მომხდარი ამბის თაობაზე არაფერი იცოდა. ის სანაპირო ხაზს მიჰყვებოდა. როცა დაინახა გვამის დასაწვავად დასთებული კოცონი და მის გვერდით მდგარი ფილიპე, წამოიყვია: „ნეტავ ვინ არის, თავისი ბედი რომ აქ დაუსრულებია და საუკუნო განსვენებას მისცემია?“ მერმე ერთხანს შეჩერდა, მწარედ დაიგმინა და თქვა: „ეგვების შენ ხარ, დიდო პომპეუს?!“

მეორე ხნის შემდგომ ლენტულუსი ნაპირზე გადავიდა. იგი აქ შეიპყრეს და მოკლეს.

აი, ასეთი იყო პომპეუსის ბოლო.

ესოდენ მძიმე ცოდვით დამძიმებულ ეგვიპტეში სულ მალე ჩამოვიდა კეისარი. აქ მას პომპეუსის თავი მიაჩრთვეს. კეისარმა თავის მომტანს, ვითარცა ბოროტმოქმედს, თვალი აარიდა, პომპეუსის ბე-

ჭედი კი აიღო და ატირდა. ბეჭედზე ამოკვეთილი იყო ლომი მახვილით.

აჭილა და პოთინე კეისარმა სიკვდილით დასაჯა. ბრძოლაში დამარცხებული მეფე პტოლემეოსი კი სადღაც მდინარესთან გაქრა¹⁶⁴. რაც შეეხება სოფისტ თეოდოტეს, იგი კეისრის შურისძიებას ხელიდან დაუსხლტა. ეგვიპტიდან გაიქცა და ყველასაგან მოძულეებული საშინელ სიღარიბეში ჩავარდა. როცა კეისრის მოკვლის შემდეგ მარკუს ბრუტუსმა აზია დაიპყრო, იქ მონახა თეოდოტე, ჯერ საშინლად აწამა და შემდეგ სიკვდილით დასაჯა.

პომპეუსის ფერფლი კორნელიას მიუტანეს. მან იგი ალბანუმში დაკრძალა.

ალექსანდრე მაკედონელი

1. ალექსანდრე მეფისა და პომპეუსზე გამარჯვებული კეისრის ცხოვრებას, ამ წიგნში რომ უნდა აღვწერო, შეაავლით ალარ დავიწყებ: სათქმელი ისედაც ბევრი მაქვს; ოღონდ მკითხველს ვთხოვ ნუ გამკიცხავს, თუ ბევრ რამეს გამოვტოვებ და მათ სახელოვან საქმეთ ცალკე დაწვრილებით არ შევეხები. მე ცხოვრებასა ვწერ და არა ისტორიას. დიად ამბებში ყოველთვის ცხადად როდი ჩანს სიკეთე თუ ჰანკიერება; ერთი პატარა საქმე, ერთი სიტყვა ან მოსწრებული თქმა ზშიერად უფრო ნათლად გვიჩვენებს ადამიანის ხასიათს. ვიდრე სიბაღიამღვრელი ბრძოლები, დიდძალი ჭარის სარდლობა და ქალაქთა გარემოცვანი. ვით მხატვარი ახერხებს ხოლმე ადამიანის მსგავსების განსახიერებას თვალებისა და სახის გამომეტყველების სამუალებით, ხოლო სხეულის დანარჩენ ნაწილს იმდენ ყურადღებას ალარ აქცევს, რადგან გამომეტყველება ყველაზე მეტად ამჟღავნებს ადამიანის თავისებურებას, — ისე მეც, ნება მომეცით. ღრმად ჩავწვდე ამ პიროვნებათა სულიერ სამყაროს და თითოეული მათგანის ცხოვრება ამისდა მიხედვით ავსახო. დაე, სხვებმა აღწერონ მათი დიადი საქმენი და გადახდილი ომები!

2. ყველაზე უფრო სარწმუნოა, რომ მამით, როგორც კარანეს შთამომავალი, ალექსანდრე პერაკლიდი იყო, ხოლო დედის მხრივ, ვითარცა ნეოპტოლემეს მოდგმა, ეაკიდი¹. გადმოცემის მიხედვით, ფალიბე (ალექსანდრეს მამა) ჭერ კიდევ ყრმობის ჟამს კუნძულ სამოთრაკზე იმყოფებოდა და ოლიმპიადასთან ერთად საიდუმლო ღვთისმსახურების აღსრულებაში მონაწილეობდა. ოლიმპიადა მამითაც და დედითაც ობოლი გოგონა იყო. ფილიპეს შეუყვარდა თურმე იგი და მისი ძმის არიმბასის თანხმობაც მიიღო და ცოლად შეირთო. საქორწინო სარეცელზე ასვლის წინაღამეს პატარძალს ქუხილი მოესმა; თითქოს უცებ მეხიჯ

გავარდა და მუცელზე დაეცა; ოლიმპიადა ცეცხლში გაეზვია; ცეცხლის
 ოლი ყოველ მხრივ ჰაერში გაიფანტა და მოჩვენებაც გაქრა. დაქორწი-
 ნების შემდეგ მცირე ხანმა განვლო და ფილიპემ უცნაური სიზმარი
 ნახა: მეუღლის მუცელს თითქმის ბეჭედს არტყამდა; ბეჭედზე, რო-
 გორც მოერგენა, ლომი იყო გამოსახული. ეს სიზმარი მისწებმა ცუ-
 დად ახსნეს და ფილიპეს ურჩიეს ცოლისათვის მკაცრად ედევნებინა
 თვალყური. სახელგანთქმულმა წინასწარმეტყველმა არისტანდრე
 ტელმესელმა² კი განაცხადა: ცარიელ რასმეზე ბეჭედს როდი არტ-
 ყამენ; დედოფალი ფეხმძიმედ არის და შობს ვაჟს, რომელსაც
 ცეცხლის ძალა და ლომის გული ექნებათ. ერთხელ თურმე მძინარე
 ოლიმპიადას გვერდით მწოლიარე გველიც იხილეს. როგორც ამბობენ,
 ამ შემთხვევამ ფილიპეს ცოლისადმი სიყვარულისა და სინაზის
 გრძნობა მეტისმეტად გაუწელა და მასთან დასაწოლად თითქმის აღარ
 დადიოდაო. აღბათ დედოფლის ჯადოქრობისა ეშინოდა და ფრთხი-
 ლობდა, მეუღლემ არ მომწამლოსო. შეიძლება ოლიმპიადა ზებუნებ-
 რივი არსებაც ეგონა და მასთან ცხოვრებას სარწმუნოების წინააღმ-
 დედ ჩადენილ დანაშაულადა თვლიდა. ამ ამბავს სხვაგვარადაც გად-
 მოგვცემენ: იქაური³ ქალები ძველთაგანვე მონაწილეობენ ორფიკულ
 მისტერიებსა და დიონისე ღმერთისადმი მიძღვნილ ორგიებში. ამის
 გამო მეტსახელად ამ ქალებს კლოდონებსა და მიმალონებს უწო-
 დებენ⁴. ისინი ბევრ რასმე აკეთებენ ისეთს, რასაც ჰემოს მთის⁵ მახ-
 ლობლად მცხოვრები თრაკიელი ქალები ასრულებენ. ჩემი აზრით,
 აქედან წარმოიშვა სიტყვა „თრესკევეინ“, რაც ცრუმორწმუნეობით
 გამოწვეულ გადაჭარბებულ ღვთისმსახურებას აღნიშნავს. ოლიმპიადა
 ყველაზე მეტად ყოფილა თურმე გატაცებული ასეთი ღვთისმსახურე-
 ბით. იგი ბარბაროს⁶ ქალებს ჰბაძავდა და, როცა ბაკქელ ქალთა გუნდ-
 ში მიდიოდა, თან მოშინაურებული დიდი გველებიც მიჰყავდა. დე-
 დოფლის გველები ხშირად გამოძვრებოდნენ ხოლმე სუროს ფოთლე-
 ბიდან და სამისტერიო კალათებიდან; მერმე ბაკქელი ქალების სურო-
 თი შემოსილ კვერთხებსა და გვირგვინებს ეხვეოდნენ. ეს საინახოა
 იქ მყოფ მაჰაკაცებს შიშის ზარს ჰგვრიდა.

3. ზემოაღნიშნული საზარელი მოჩვენებების შემდგომ ფილიპემ
 დელფოს სამისნოში გაგზავნა მეგალოპოლისელი ქერონი. როგორც ამ-
 ბობენ, ქერონმა ღვთის მიერ ბოძებული წინასწარმეტყველება მოი-
 ტანა: ფილიპეს მსხვერპლი უნდა შეეწირა ხოლმე ამონისათვის და

ყველაზე მეტად ამ ღმერთისათვის ეცა თაყვანი⁷. ფილიპე მეფემ მალე ცალი თვალი დაკარგა. მაკედონიის მბრძანებელმა ამ თვალით კარის ზერელიდან დედოფლის საწოლ ოთახში შეიხედა თურმე და დაინახა ოლიმპიადასთან მწოლიარე ღმერთი ამონი, რომელსაც ვველოს სახე მიეღო⁸. ერატოსთენე⁹ გადმოგვცემს: როცა ოლიმპიადა ლაშქრად მიმავალ ალექსანდრეს აცილებდა¹⁰, მისი წარმოშობის საიდუმლოება გაუმჟღავნა თურმე და დააბრავა, ღირსეულად მოეყრობოდა თავის ღვათაებრივ წარმომავლობას. სხვები კი ამბობდნენ, ოლიმპიადა ღმერთ ამონთან კავშირს უარყოფდა და ხშირად იძახდა: „განა აღარ შეწყვეტს ალექსანდრე ჩემს ცილისწამებას ღმერთქალ ჰერას წინაშე?“¹¹.

დაიბადა ალექსანდრე ექვს ჰეკატომბეონს, სწორედ იმ თვეში, რომელსაც მაკედონელები ლოოსს უწოდებენ¹². ალექსანდრეს დაბადების დღეს ღმერთქალ არტემიდეს ტაძარს ეფესოში ცეცხლი გაუჩნდა¹³. ამ შემთხვევის გამო ჰეგესია მაგნესიელმა¹⁴ ისეთი სიტყვა თქვა, რომ მისი სუსხი საკმარისი იყო იმ ხანძრის ჩასაქრობად. მან მოსწრებულად შენიშნა: „რა გასაკვირია, არტემიდეს ტაძარი რომ დაიწვა; ღმერთქალს არ ეცალა მაშინ: იგი ალექსანდრეს დაბადების ჟამს ბებია ქალის მოვალეობას ასრულებდაო“¹⁵. ეფესოში მყოფი მოგვები, ქურუმები და მისნები კი, აღგზნებული იმ აზრით, რომ ტაძრის დაფერფვლა მეორე უბედურებას მოასწავებდა, თავ-პირში ხელეშს იცემდნენ და ყვიროდნენ: აზიისათვის რისხვა და უბედურება დაიბადა დღესო.

ფილიპე მაკედონელმა, რომელსაც პოტიდეა¹⁶ ახლანან აეღო, იმ დღეს ზედიზედ სამი სასიხარულო ამბავი გაიგო. ერთი ის, რომ პარმენიონმა¹⁷ დიდ ბრძოლაში ილირიელები დაამარცხა, მეორე — მისმა რაშმა ოლიმპაურ ჯირითში გამარჯვება მოიპოვა და მესამე ის, რომ ალექსანდრე დაიბადა. ფილიპე, ცხადია, აღტაცებული იყო, მის სიხარულს მისნებმა იმიტაც შეასხეს ფრთა, რომ გაწუცხადეს: სამი გამარჯვების ჟამს შობილი მეფისწული უძლეველი იქნებოო¹⁸.

4. ალექსანდრეს გარეგნობას ყველაზე კარგად ლისიპეს ქანდაკებები წარმოგვიდგენს. ძლევამოსილ სარდალს, სხვათა შორის, სურდა მისი სახე მხოლოდ ლისიპეს გამოეკვეთა¹⁹. ხელოვანმა მართლაც ზუსტად გამოსახა მეფის ის იერი, რაშიაც შემდეგ ალექსანდრეს ბევრი მემკვიდრე და მეგობარი ჰბაძავდა; სახელდობრ: ალეროიანი გამოხედვა და

ოდნავ მარცხნივ მოღვრებული ყელი. აპელესმა²⁰, რომლის სურათში ალექსანდრეს ხელთ მუხი უპერია, კარგად ვერ გადმოგვცა მისი კანის ფერი; მხატვარმა სახელოვანი სარდალი შავგვრემანი წარმოგვიდგინა, თითქოს კანზე რაღაც ბურუსი გადაჰკრავსო; სინამდვილეში კი, როგორც გადმოგვცემენ, ალექსანდრე თეთრყირმიზი ყოფილა. მის კანს, განსაკუთრებით გულ-მკერდსა და პირსახეზე, ოდნავი სიწითლე დაჰკრავდა.

არისტოქსენეს²¹ „მოგონებებში“ წამოიკითხავს: ალექსანდრეს პირსა და სხეულზე ფრიად საამო სუნი ასდიოდა და ამ კეთილსურნელებით მისი ტანსაცმელიც კი იყო გაჟღენთილიო. ამის მიზეზი ალბათ მეფის სხეულის სითბოსა და მხურვალეების შეზავება იყო. თეოფრასტეს მიხედვით, კეთილსურნელება სითბოს ზემოქმედების შედეგად ტენის აორთქლებით წარმოიქმნება. ცნობილია, დედამიწის ცხელ ადგილებში ყველაზე უფრო მეტი და უფრო სურნელოვანი მცენარეები იზრდება. ასეთ ქვეყნებში მზის სიმხურვალე ნივთიერებათა ზედაპირს აშორებს სინესტეს, ესე იგი იმას, რაც ჩვეულებრივ სხეულის ზრწნას იწვევს. როგორც ჩანს, სწორედ ალექსანდრეს ტანის მხურვალეობა იყო მიზეზი მისი სიფიცხისა და ლოთობისადმი მიდრეკილებისა აგრეთვე.

ალექსანდრემ ბავშობიდანვე გამოამჟღავნა თავდაპირილობა. მართალია, ბევრ რასაში სიფიცხესა და დაუცხრომლობას იჩენდა, მაგრამ ხორციელ სიამოვნებას გულგრილად ეკიდებოდა და ამ საქმეში რაც შეიძლება მეტ ზომიერებას იცავდა. პატივმოყვარეობას, მიუხედავად მცირეწლოვნებისა, დინჯი სიამაყითა და დიდსულოვნებით ეპყრობოდა. მას როდო უყვარდა ყოველგვარი საშუალებებითა და ხერხებით დიდების მოპოვება; ფილიპე მაკედონელი კი, პირიქით, ყოველნაირად ცდილობდა საკუთარი სახელის განდიდებას. იგი, სოფისტების მიზაძვით, თავს საუკეთესო მჭევრმეტყველად ახალებდა და ოლიმპიურ ჯირიტში მოპოვებულ გამარჯვებებს მონეტებზე აღაბეჭდივებდა ხოლმე.

ერთხელ მეგობრებმა ფეხმარდ ალექსანდრეს გამოსაცდელად ჰკითხეს: ოლიმპიური შეჯიბრებების დროს რბენაში ხომ არ მიიღებ მონაწილეობასო? „სიამოვნებით, — მიუვო ალექსანდრემ, — თუკი ჩემი მეტოქენი მეფენი იქნებიანო“. ალექსანდრე, როგორც ჩანს, ათლეტების მოყვარული საერთოდ არ იყო, თუმცაღა ტრაგიკული მსახიობების, ავლეტებისა და კითარაზე დამკვრელთა შეჯიბრების გარდა

საკმაოდ ხშირად აწყობდა ხოლმე რაფსოდების შეჯიბრსაც და აგრეთვე სხვადასხვაგვარ ნადირობასა და რაბდომაქიაში ასპარეზობებს. კრივსა და პანკრატიონში შეჯიბრს იგი მაინცდამაინც ხალისით არ მართავდა²².

5. ფილიპე მაკედონელი ერთხელ სამეფოდან წავიდა. მის სასახლეს სპარსთა მეფის ელჩები ეწვივნენ. უცხოელ დიდებულებს ყმაწვილი ალექსანდრე შეეგება. მეფისწულმა სტუმრები გულთბილად მიიღო, დაუახლოვდა და ალერსიანი მოქცევით მოხიბლა. მან ელჩებს ზოგი რამ ჰკითხა, მაგრამ მისი კითხვები ბავშვური ან ქარაფშუტული როდი იყო. ალექსანდრემ სტუმრებს მათ მიერ გამოვლილი გზის მანძილზე ჰკითხა ჭერ, მერე იმაზეც, თუ როგორ შეიძლება ზემო აზიაში მოგზაურობაო. ბოლოს სპარსთა მეფის გარშემო მისცა შეკითხვები: როგორია იგი მტრების მიმართ და რა სახსრები და ძალა მოეპოვებათ მის ქვეშევრდომ სპარსებსო.

ალექსანდრეს თავაზიანობით და საზრიანი შეკითხვებით გაოცებულიმა სპარსთა მეფის ელჩებმა ფილიპე მაკედონელის განთქმული პოლიტიკური ნიჭი არაფრად ჩათვალეს მისი შვილის სახარტ გონიერებასა და დიდ უნართან შედარებით.²³

მაკედონიაში ხშირად მოდიოდა ამბავი: ფილიპემ ესა და ეს ცნობილი ქალაქი აიღო და ამა და ამ ღირსშესანიშნავ ბრძოლაში გამარჯვება მოიპოვაო. ალექსანდრე ამ ამბებს მოწყენილი სახით ისმენდა და ტოლ-ამხანაგებს ეუბნებოდა: „ყმაწვილებო, მამაჩემი ყველაფერს დაიპყრობს და მე აღარაფერს დამიტოვებს, თქვენთან ერთად საგმირო და ბრწყინვალე საქმენი რომ ჩავიდინო!“

ალექსანდრეს სიმდიდრისა და განცხრომისაკენ ლტოლვა არასოდეს არ ჰქონია. მისი ოცნება მამაცობა და დიდებით მოსილი სახელის მოხვეჭა იყო. იგი ფიქრობდა, მამისაგან რამდენსაც დიდ მემკვიდრეობას მიიღებდა, მით უფრო მცირე რამ დარჩებოდა პირადად მას შესასაძრულებელი. მეფისწული წუხდა, მამამისი თავისი ძლიერების ზრდასთან ერთად მის მომავალ დიდებას რომ ფრთებს აკვეცდა.

უნდოდა მემკვიდრეობით მიეღო ომებსა და ბრძოლებთან განუყრელად დაკავშირებული სამეფო, სადაც მისი პატივმოყვარეობა ფრთებს გაშლიდა. სიმდიდრით აღსავსე და განცხრომა-ფუფუნებაში ჩაფლული საბრძანებელი მამამისისა სრულებითაც არ იტაცებდა.

ალექსანდრეს, როგორც ეს მეფისწულს შეეფერებოდა, მიჩენილი

ჰყავდა მრავალი ლალა, პედაგოგი და მოძღვარი. მათი გამგებელი იყო ოლიმპიადას ნათესავი, მკაცრი ხასიათის კაცი ლეონიდა. იგი არ თაკილობდა პედაგოგის ლამაზსა და საპატიო სახელს, მაგრამ სხვები ღირსებისა და დედოფალთან ნათესაური კავშირის გამო ალექსანდრეს მოძღვარსა და წინამძღოლს უწოდებდნენ²⁴. ლალისა და გამზრდელის მოვალეობა და სახელი მიკუთვნებული ჰქონდა წარმოშობით აქარნელ ლისიმაქეს. ეს ლისიმაქე მაინცდამაინც განათლებული პიროვნება არ იყო, მაგრამ საყოველთაო სიყვარული და მეფისწულის აღზრდის საქმეში მეორე ადგილი იმით დაიმსახურა, რომ თავის თავს ფენიქსს უწოდებდა, ალექსანდრეს აქილევეს ეძახდა, ფილიპეს კი — პელევსს²⁵.

6. ერთხელ თესალიელმა ფილონიკემ ფილიპე მაკედონელთან გასაყიდად მოიყვანა ცხენი, რომელსაც სახელად ბუკეფალა ერქვა. ფილონიკე ცხენში ცამეტ ტალანტს თხოულობდა. ბუკეფალა გამოსაცდელად მინდორში გაიყვანეს. ერთი შეხედვით ყველას მოეჩვენა, ცხენი მეტისმეტად ფიცხი და შესაჯდომად ხელი იყო, არც ერთი მხედარი არ მიიკარა, მეფის მხლებლების შეძახილზე ყალყზე დგებოდა. ფილიპეს გული მოუვიდა და მხლებლებს უბრძანა, ეს ურა და ოჩაჩი ცხენი უკან წაეყვანათ. ყმაწვილმა ალექსანდრემ, — იგი ამ ამბავს ესწრებოდა, — აღშფოთებით წამოიძახა: „რა ცხენს კარგავენ ეს მხლებლები და გამოუტყდელები იმის გამო, რომ გამოყენება არ შეუძლიათო!“ ფილიპემ შეიღს დუმილით უბასუხა; მაგრამ ალექსანდრემ რომ რამდენჯერმე გაიმეორა თავისი წუხილი, მაშინ ფილიპემ უთხრა: „შენ ისე კიცხავ უფროსებს, თითქოს მათზე მეტი რამ იცოდეს და ცხენის დაურევება უკეთ შეგეძლოს!“ „ყოველ შემთხვევაში, — უბასუხა მამას ალექსანდრემ, — მე უფრო ადვილად დავაუტრევ ამ ცხენს, ვიდრე სხვა ვინმე“. „კი მაგრამ, — ჰკითხა ფილიპემ, — რომ ვერ მოახერხო შეგდომა, რას იზამ? რით დავსაჯოთ მავ თავხედობისათვის?“ „ვფიცავ ზევსს, — მიუგო შვილმა, — ცხენის ფასს გადავიხდი!“

ამაზე ერთი სიცოცხლე ატყდა. მერმე მამა-შვილი დანაძლევენ. ალექსანდრე ცხენთან მიიჭრა; სტაცა პირუტყვს აღვირში ხელი და თავი მზისაკენ მიაბრუნებინა. ალექსანდრე მიხვდა, ცხენს ეშინოდა ჩრდილის, რომელიც მის წინ ეცემოდა, მეფისწული ერთხანს სირბილით მიჰყვებოდა ცხენს და ალერსიანად ხელს უსვამდა; ხოლო როცა შეაჩინია, ცხენი გაფიცხდა და მძიმედ ჭუნტაქესო, დინჯად მოიშორა ქლა-

მიდი²⁵, ოთხფეხს მარღად მოახტა და უნაგირზე მაგრად დაჯდა. მერ-
მე აღვირი მოზიდა, ლავამი ამოსდო და ცხენი ერთხანს შეაკავა, ერ-
თიკ არ შემოუკრაეს. პირუტყვი მოთვინიერდა, სიშმაგეს თავი ანება
და მხედარს მიენდო. ალექსანდრემ ეს რომ დაინახა, სადავე მოუშვა,
მამაცური ხმით დასჭყვივლა, დეზი შემოტკრა და მოთვინიერებული
ცხენი ელვის სისწრაფით გააქროლა. ფილიპე და მისი ამაღა დღუმი-
ლითა და შიშით შესცქეროდნენ მეფისწულს; სიხარულისაგან ფრთა-
შესხმულმა ალექსანდრემ ცხენი დაუბრკოლებლივ მოაბრუნდა უკან
და თავისიანებთან მიიჭრა. მეფის ამაღამ მხიარული ყოფიან დასცა,
ფილიპემ კი, როგორც ამბობენ, სიხარულისაგან ცრემლები ვეღარ
შეიმავრა, ცხენიდან ჩამოშტარ შვილს თავზე აკოცა და უთხრა: „შე-
ნი შესაფერი საბრძანებელი უნდა მოძებნო, შვილო, მაკედონია შენ
ვერ დაგიტევსო!“

7. ფილიპემ შენიშნა, ალექსანდრე ძალდატანებას ქედუხრელად
ხვდებოდა, კეთილ რჩევას კი, პირიქით. ადვილად ნებდებოდა და მოვა-
ლეობასაც ასრულებდა. ფილიპემ ცდილობდა დარწმუნებით უფრო
მეტად ემოქმედა შვილზე, ვიდრე ბრძანებითა და მუქარით. მუსიკისა და
ზოგადი განათლების საგნების მასწავლებლებს შვილის აღზრდისა და
განსწავლის საქმეში მაკედონიის მბრძანებელი მაინცდამაინც დიდ
ნდობას როდი უცხადებდა. იგი თვლიდა, ალექსანდრეს აღზრდა დიდ
შრომასა და, სოფოკლეს სიტყვებით რომ ვთქვათ, „მაგარ აღვირსა და
საჭეს“²⁷ მოითხოვდა.

ამიტომ შვილის აღსაზრდელად მოიწვია ფილოსოფოსთა შორის
ფრიად სახელოვანი და განათლებული ფილოსოფოსი არისტოტელე²⁸,
რომელსაც ამისათვის შესანიშნავი და შესაფერი ჭილდო უბოძა;
სახელდობრ: ფილიპემ ადადგინა მის მიერვე დარბეული არისტოტე-
ლეს სამშობლო ქალაქი სტაგირე²⁹ და მისი მიმოფანტული ან მონო-
ბაში მყოფი მოსახლეობა უკან დააბრუნა. სამეცადინო ადგილად მას-
წავლებელსა და მოწაფეს ფილიპე მეფემ მიუჩინა მიეზას მახლობ-
ლად მდებარე ნიმფეონი³⁰. აქ, სხვათა შორის, დღემდე გვიჩვენებენ
არისტოტელეს ჭვის საგარძელსა და ფილოსოფოსის ლექციებისათვის
განკუთვნილ ჩრდილოვან ხეივანს³¹.

ალექსანდრე, როგორც ჩანს, არისტოტელესგან მართო ეთიკასა და
პოლიტიკას კი არ სწავლობდა, არამედ გაიცნო საიდუმლოებით მო-
ცული მეტად ღრმა მეცნიერებანიც, რომელთაც ფილოსოფოსები აკ-

როამატიკულ და ეპოპტიკურ მოძღვრებებს უწოდებენ და ყველას რო-
დი აცნობენ ხოლმე ³². შემდეგში, როცა ალექსანდრე სალაშქროდ
იყო წასული აზიაში, გაიგო, არისტოტელემ ზოგიერთი მოძღვრება ამ
მეცნიერებათა თაობაზე წიგნად გამოსცაო. ალექსანდრეს ეს ეწყინა
და მასწავლებელს საყვედურით აღსავსე წერილი მისწერა. აი, ამ წე-
რილის ასლიც: „ალექსანდრე არისტოტელეს სიკეთეს უსურვებს!
შენ ვერ მოქცეულხარ მართებულად, აკროამატიკულ მოძღვრებათა
ირგვლივ თხზულებები რომ გამოგიცია. რითიღა უნდა გამოვიჩიო-
დეთ სხვებისაგან, თუ ის მოძღვრება, რომელზედაც ჩვენ აღვიზარ-
დეთ, ყველასათვის ხელმისაწვდომი იქნება? პირადად მე ვისურვებდი
ვჯობნიდე სხვებს უმნიშვნელოვანეს საგანთა ცოდნით, ვიდრე ფიზი-
კური ძალით. კარგად იყავ.“

მოწაფის პატივმოყვარეობის დასამშვიდებლად და საკუთარი თავის
დასაცავად არისტოტელემ ალექსანდრეს უპასუხა, რომ ზემოხსენე-
ბული თხზულებები კიდევ გამოსცა და თითქოს კიდევ არ გამოს-
ცა ³³. მართლაც, „ფიზიკის“ შემდეგ გამოქვეყნებული თხზულებანი
არისტოტელესი მისი მოძღვრების სწავლებისათვის როდია გამოსაყე-
ნებელი, იგი იმისთვისაა დაწერილი, ვინც მისი ფილოსოფია თავიდან
შეისწავლა ³⁴.

8. ზემოაღნიშნულის გარდა, ჩემი აზრით, ალექსანდრეს საექიმო
ხელოვნებაც სხვებზე უფრო მეტად არისტოტელემ შეასწავლა.
მთავარსარდალი ამ დარგში მართო თეორიით კი არ იყო გატაცებული,
არამედ, როგორც მისი წერილებიდან ჩანს, ავადმყოფ მეგობრებს პი-
რადად თვითონ უწევდა ხოლმე დახმარებას და წამლებსა და ფარე-
ზობას უნიშნავდა.

ალექსანდრე ბუნებით მეცნიერებისა და კითხვის დიდი მოყვარული
იყო. „ილიადას“ იგი სამხედრო ხელოვნების საუკეთესო ძეგლად
თვლიდა და ამ დარგში გზის გამკვლევ სახელმძღვანელოს უწოდებ-
და. მას ხელთ ჰქონდა ამ პოემის არისტოტელეს მიერ შესწორებული
ნუსხა. ეს ის ნუსხა იყო, რომელსაც სახელად ჰქვია „ილიადა სკივრი-
დან“ ³⁵. ონესიკრიტეს გადმოცემით, მთავარსარდალს იგი მარადუამს
მახვლითან ერთად ჰქონდა ბალიშქვეშ ამოდებული ³⁶. ზემო აზიაში
ყოფნის დროს ალექსანდრეს სხვა წიგნები არ ჰქონდა თურმე თან და
ამიტომ ჰარპალეს უბრძანა მათი გამოგზავნა ³⁷. ჰარპალემ გაუგზავნა
ფილისტეს თხზულებები ³⁸, ევრიპიდეს, სოფოკლესა და ესქილეს

მრავალი ტრაგედია და ტელესტესა და ფილოქსენეს³⁹ დითირამებმა, ალექსანდრე პირველ ხანებში თაყვანს სცემდა არისტოტელეს, როგორც თვითონ ამბობდა, მამაზე ნაკლებად როდი უყვარდა: მამა-ჩემმა მხოლოდ სიცოცხლე მომანიჭა, არისტოტელემ კი ცხოვრების ალღოს აღება მასწავლაო. მიუხედავად ამისა, შემდეგში ეჭვის თვალით დაუწყო ცქერა მასწავლებელს, მაგრამ ისე კი არა, რაიმე ვნება მიეტანა მისთვის. ოღონდაც მათ ურთიერთ კეთილგანწყობილებას ძველებური სიმტკიცე და სიყვარული მოაკლდა და ეს მათი განრიდებულობის მიზეზი გახდა. მიუხედავად ამისა თანდაყოლილი და შეისისხლობრცებული სწრაფვა და სიყვარული ფილოსოფიისადმი ალექსანდრეს სულში არ ჩამქალა. ამას გვიმოწმებს მისი პატივისცემა ანაქსარქესადმი, ქსენოკრატესათვის გაგზავნილი ორმოცდაათი ტალანტი და ის ყურადღება, რომელსაც იგი დანდამისისა და კალანესადმი იჩენდა⁴⁰.

9. იმ დროს, როცა ფილიპე ბიზანტიელთა წინააღმდეგ გაემართა სალაშქროდ, ალექსანდრე თექვსმეტი წლისა გახლდათ.⁴¹ იგი დატოვეს მაკედონიაში სახელმწიფო საქმეთა და სამეფო ბეჭდის უმაღლეს გამგებლად. ჯერ კიდევ სულ ახალგაზრდა მეფისწულმა განდგომილი მედები⁴² დაიმორჩილა, აიღო მათი ქალაქი, განდევნა იქიდან ბარბაროსები, დაასახლა ეს ქალაქი სხვადასხვა მოდგმის ხალხით და სახელად ალექსანდროპოლისი უწოდა.

იგი მონაწილეობდა ბერძენთა წინააღმდეგ მიმართულ ბრძოლაშიც, ქერონეასთან რომ მოხდა და, როგორც ამბობენ, პირველი შეიჭრა თურმე თებელთა წმინდა რაზმში⁴³. ჯერ კიდევ ახლა, ჩემ დროშიც, გვიჩვენებენ მდინარე კეფისეს ნაპირზე აღმართულ ბებერ, ეგრეთ წოდებულ ალექსანდრეს მუხას, სადაც მან კარავი დასცა; იქვე მაზლობლად არის ბრძოლაში დაღუპული მაკედონელების სასაფლაოც.

ასეთ საგმირო საქმეთა გამო ფილიპეს, რაღა თქმა უნდა, შვილისადმი სიყვარული კიდევ უფრო მეტად უძლიერდებოდა და თითქმის კიდევაც უხარბოდა, მაკედონელები ალექსანდრეს რომ ეძახდნენ მეფეს, მას კი — სარდალს; მაგრამ ფილიპეს გაუთავებელი ქორწინებებითა და მიჯნურობით გამოწვეული ოჯახური უსიამოვნება, რაც სამეფო სარეცლის გარდა სახელმწიფოსაც ზიანს აყენებდა, მამა-შვილს შორის უსაზღვრო ბრალდებებისა და უთანხმოების საბაბი გახდა.⁴⁴ ამ უთანხმოებას კიდევ უფრო მეტად აღვივებდა ზომაზე მეტად ეჭვიანი

და ჭირვეული ოლიმპიადაც, ალექსანდრეს რომ აღიზიანებდა. მამა-შვილს შორის ჩამოვარდნილი შფოთი სავსებით აშკარა გახდა ატალეს წყალობით ფილიპეს და კლეოპატრას ქორწინების დროს. ეს ქორწინება იმას მოჰყვა, რომ ფილიპეს. მიუხედავად თავისი ასაკისა, შეუყვარდა ქალწული კლეოპატრა და ცოლადაც შეირთო⁴⁵. და აი, საქორწინო ღვინაში შეზარხოშებულმა პატარძლის ბიძა ატალემ მაკედონელებს ურჩია ღმერთს შევედრებოდნენ, რათა ფილიპესა და კლეოპატრასაგან მაკედონიის ტახტს ჭეშმარიტი მემკვიდრე გასჩენოდა⁴⁶. ამაზე ალექსანდრე საშინლად აენთო და ატალეს შესძახა: „გამოტყვინებულო, მე შენ ნაბუშარი ხომ არ გვინგავარო!“ ამ სიტყვებთან ერთად ღვინის თასი ატალეს სახეში ესროლა. ფილიპემ მახვილი იშიშვლა და შვილს მოუღვრა; მაგრამ ორივესათვის საბედნიეროდ ბრახითა და ღვინით აღელვებულმა მეფემ თავი ველარ შეიმაგრა, წაბორძიდა და წაიქცა. „შეხედეთ, მეგობრებო, — დაცინვით წამოიძახა ალექსანდრემ, — ეს კაცი, ევროპიდან აზიაში რომ საღამუროდ წასასვლელად ემზადებოდა, სავარძლიდან სავარძლამდე ვერ მივიდა, გზაში გაიშლართო!“⁴⁷

მოთვალე ფილიპესთან მომხდარი ამბის შემდეგ ალექსანდრემ მოჰყიდა ხელი ოლიმპიადას და ებირში გადაიყვანა, თვითონ კი ილირიაში წავიდა სწორედ იმ ხანებში ფილიპესთან მივიდა კორინთელი დემარატე, რომელსაც სავსებით თავისუფლად შეეძლო შეფესთან საუბარი, ვინაიდან მისი ოჯახის ხშირი სტუმარი იყო. მეგობრული მისალმების შემდეგ ფილიპემ დემარატეს ჰკითხა: როგორი თანხმობით ცხოვრობენ ერთმანეთში ბერძნები? „განა შენ შეგფერის, ფილიპე, — უპასუხა სტუმარმა, — საბერძნეთის საქმეებზე იზრუნო მაშინ, როცა საკუთარი სახლი ესოდენი შფოთითა და უსიამოვნებით აავსეო?“ ამ სიტყვებმა ფილიპე გონზე მოიყვანეს. მან დემარატე მყისვე გაგზავნა ილირიაში და მისი დახმარებით დაარწმუნა ალექსანდრე უკან დაბრუნებულიყო.

10. მცირე ხნის შემდეგ კარიის სატრაპმა პიქსოდორემ, დამოყვრების გზით რომ ცდილობდა მაკედონიის მეფესთან კავშირის მიღწევას, გადაწყვიტა თავისი უფროსი ასული ფილიპეს ძის არიდეოსისათვის პოეტხოვეზინა. ამ საბაბით მან მაკედონიაში მიავლინა არისტოკრატე⁴⁸.

დედასა და მეგობრებს კვლავ მიეცათ საბაბი ფილიპე ალექსანდ-

რესთან დაეგზუდებინათ. მათ ხმა დაარხიეს; ფილიპე ცდილობს ამ დიდებული ქორწინებისა და მისთვის ხელსაყრელი მდგომარეობის წყალობით სამეფო ტახტი არიდვოს დაუტოვოსო. ამ ამბით აღშფოთებულმა ალექსანდრემ კარიაში აფრინა ტრაგედიის შესახობი თესალე, რომელსაც უნდა დაერწმუნებინა პიქსოდორე ხელი აეღო ნაბუშარ და ჭკუაშეშლილი არიდვოსის მოყვრობაზე და სიძელ ალექსანდრე გაეხადა. ეს პირობა პიქსოდორეს პირველ განზრახვაზე უფრო მეტად მოეწონა. ფილიპემ ეს გაიგო და, როგორც კი დაიმარტოხელა შვილი, შევიდა მის ოთახში ალექსანდრეს ერთ-ერთი მეგობრისა და მახლობლის პარმენიონის ძის ფილოტას თანხლებით. მან საშინლად გააცინა ალექსანდრე და გალანძლა, რომ მას არაფერი ეტყობა კეთილშობილებისა და თანდაყოლილი დიდი პატივის ღირსა არ ყოფილა, რაჟილა ბარბაროსი მეფის მონის, კარიელი მღაბიოს სიძობა განიზრახა, ამის შემდეგ ფილიპემ კორინთელებს მისწერა, ბორკილები დაედოთ თესალებისათვის და მასთან გამოეგზავნათ. რაც შეეგება ალექსანდრეს დანარჩენ მეგობრებს: პარპალეს, ნეარქეს, ერიგოსსა და პტოლემეს, ფილიპემ ისინი მაკედონიიდან გააძევა. შემდეგში ალექსანდრემ თავისი მეგობრები სამშობლოში დააბრუნა და დიდ პატივშიც ჰყავდა.

მცირე ხნის შემდეგ ატალესა და კლეოპატრას მზაყვრობით შეურაცხყოფილმა პავსანიამ, სამართალი რომ ვერ იპოვა, აიღო და ფილიპე სიცოცხლეს გამოასალმა⁴⁹. მეფის მკვლელობაში ყველაზე მეტად ბრალი ედებოდა ოლიმპიადას; თითქმის ისედაც აღელვებული ახალგაზრდა კიდევ უფრო აღაშფოთა და წააქეზაო. ცილისწამება ნაწილობრივ ალექსანდრესაც შეეხო. ამბობენ, როცა შეურაცხყოფილ პავსანია მასთან ჩივილით მივიდა, მან „მედეადან“ ამოღებული ტაფით მიმართა:

„სიმამრიკ, სიძელ და პატარძალიკ.“⁵⁰

ასე იყო თუ ისე, ალექსანდრემ შეთქმულების მონაწილენი მოძებნა და დასაჯა. სხვათა შორის, უკმაყოფილება კი გამოამჟღავნა, მაკედონიაში მისი არყოფნის უამს ოლიმპიადამ რომ შეუბრალებლად მოექცა კლეოპატრას.

11. სამეფო ტახტზე ალექსანდრე ოცი წლის ასაკში დაჯდა⁵¹. მაკედონიის სახელმწიფო მაშინ ყოველმხრივ დიდ შუტრსა და სიძულ-

ვილს იწვევდა და საფრთხის ქვეშ იმყოფებოდა. ბარბაროსულსა და მეზობელ ტომებს აღარ სურდათ მაკედონიის მონად ყოფნა და თავიანთი სამეფოების ოდიტვანვე ჩვეული დამოუკიდებლობისაკენ მისწრაფოდნენ. ფილიპე მაკედონელმა, მართალია, იარაღით ბრძოლაში დაამარცხა საბერძნეთი, მაგრამ დროის უქონლობის გამო, ასე ვთქვათ, ვერ შეძლო მისი სრული დამონება და მოთვინიერება. ფილიპემ ცვლილებები და არევ-დარევა შეიტანა მხოლოდ საქმეებში და სახელმწიფო ასეთ უჩვეულო გარემოების წყალობით მეტად მღელვარე და ავთორიტეტულ მდგომარეობაში დატოვა. მაკედონელებს ეშინოდათ ამ მდგომარეობისა და იმ აზრისა იყვნენ, რომ ალექსანდრეს საესებით დაენებებინა თავი საბერძნეთის საქმეებისათვის და ძალადობა არ ეხმარა; განდგომილი ბარბაროსები ღმობიერი მოპყრობით მიემხრო კვლავ და მათ მხრივ მოსალოდნელი ახალი შფოთილე დაეშოშმინებინა. მაგრამ ალექსანდრეს სულ სხვა აზრი ამოძრავებდა. სახელმწიფოს უშიშროებისა და ხსნის მოპოვებას გამგედაობისა და სულის სიმტკიცის წყალობით ცდილობდა. იგი გრძნობდა, თუკი ოდნავ მერყეობას შეიმჩნევდა, მის წინააღმდეგ მთელი ქვეყანა აიშლებოდა.

ალექსანდრემ ვერ ბარბაროსთა მღელვარებანი და აქაური ომები ჩაქრო; მერმე სწრაფად გაიარა ჯართან ერთად გზა ვიდრე ისტროსამდე და აქ დიდ ბრძოლაში დაამარცხა ტრიბალების მეფე სირმე⁵². მცირე ხნის შემდეგ ალექსანდრემ გაიგო: თებელები აჯანყდნენ და ათენელებიც მიემხრნენო. მან მყისვე გადაიყვანა ჯარი თერმოპილზე⁵³ და ასე თქვა: სანამ ილირიაში და ტრიბალების ქვეყანაში ვიყავი, დემოსთენე ბავშვს მძახდა, თესალიაში მყოფს ყრმას მიწოდებდა, დაე, ახლა ათენის კედლებთან დაგაჟკაცებული მიხილოსო⁵⁴.

მიაღწია თუ არა თებეს, ალექსანდრემ საშუალება მისცა იქაურებს მოენანიებინათ შეცოდებანი: თებელებს მოსთხოვა მხოლოდ ფენიქსი და პროთიტე⁵⁵ გადაეცათ მისთვის და ამასთან ხელუხლებლობას დაპირდა ყველას, ვინც კი მის მხარეზე გადავიდოდა; მაგრამ თებელებმა თავის მხრივ მისგან მოითხოვეს მძევლებად ფილოტა და ანტიპატრე⁵⁶ და მოუწოდეს ყველას, ვისაც კი საბერძნეთის განთავისუფლება უნდოდა, მათ გვერდში დამდგარიყო. მაშინ ალექსანდრემ მაკედონელები საომრად დასძრა.

თებელები იბრძოდნენ შესაძლებლობაზე მეტი სიმამაცითა და სიმ-

ტყიციით; ისინი წინაღუდგნენ ბევრად მრავალრიცხოვან მტერს. ბოლოს კადმეის სიმაგრეში მყოფი მაკედონელები გამოცვივდნენ და ზურგიდან დაესხნენ თავს, თებელებს ალყა შემოარტყეს და ბევრი მათგანი დაიღუპა ამ ბრძოლაში. ქალაქი აიღეს, გაძარცვეს და მიწასთან გაასწორეს⁵⁷.

ალექსანდრე დარწმუნებული იყო, თებელების ასეთი უბედურებით შეძრწუნებული ბერძნები შეშინდებოდნენ და დაწყენარდებოდნენ. მეორე მხრივ, თავის მოქმედებას იმითაც ამართლებდა, რომ სურდა დაეკმაყოფილებინა მოკავშირეთა მოთხოვნა: ფოკიდელები და პლატეელები ბრალს სდებდნენ თებელებს⁵⁸.

ქურუმთა, მაკედონელთა მახლობლებისა, პინდარეს შთამომავალთა და იმ თებელთა გარდა, მაკედონიისაგან განდგომას რომ ეწინააღმდეგებოდნენ, ალექსანდრემ ყველა თებელი, დაახლოებით ოცდაათი ათასამდე კაცი, მონად გაყიდა. თებეს ბრძოლაში დაიხოცა ექვსა ათასზე მეტი კაცი⁵⁹.

12. იმ მრავალი უბედურებისა და რისხვის ეამს, ქალაქ თებეს რომ თავს დაატყდა, რამდენიმე თრაკიელი ჯარისკაცი წარჩინებული და პატიოსანი ქალის ტიმოკლეას სახლში შეიჭრა. სანამ ჯარისკაცები მის ქონებას ძარცვავდნენ, წინამძღოლმა კეთილშობილი ქალი ძალით დაიმორჩილა. პატივი აპხადა და შერმე ჰკითხა: ოქრო და ვერცხლი ზომ არსად გაქვს დამალულიო? ქალმა უპასუხა: მაქვსო. მან მარტო წაიყვანა იგი თავის ბაღში, უჩვენა ჭა და უთხრა: ქალაქს რომ იღებდით, ყველაზე უფრო ძვირფასი ნივთები ჩემი ქონებიდან აქ ჩავყარეო. თრაკიელი დაიხარა და ჭას ჩახედა. ტიმოკლეა უკან ამოუდგა, ჰკრა ხელი და ჭაში ჩააგდო. ჭაში ჩავარდნილს სეტყვასავით დააყარა ქალმა ჭვა და სიცოცხლეს გამოასალმა.

ტიმოკლეა თრაკიელებმა შეიპყრეს და ალექსანდრეს მიჰგვარეს. იგი მტყიცედ და უშიშრად მიჰყვებოდა ჯარისკაცებს. მისი გარეგნობა და მიხრა-მოხრა პირველ შეხედვისთანავე ამფლავებდა, ქალი კეთილშობილი და დიდბუნოვანი იყო. მეფემ ვინაობა ჰკითხა. ქალმა უპასუხა: თეაგენეს დაი ვარ; ჩემი ძმა ფილიპეს ბერძენთა თავისუფლებისათვის ებრძოდა, ჯარს მეთაურობდა და ქერონესთან მომხდარ ბრძოლაში დაიღუპაო. ქალის პასუხითა და მის მიერ ჩადენილი მოქმედებით გაოცებულმა ალექსანდრემ ჯარისკაცებს უბრძანა გაეთავისუფლებინათ ტიმოკლეა ბავშვებითურთ.

13. ათენელები ალექსანდრემ შეირიგა, თუმცა ისინი თებეს ააგზე დამტყდარ უბედურებას დიდად განიცდიდნენ. ათენელებმა გლოვის აღსანიშნავად იმ დროისათვის მოახლოებულ მისტერიათა დღესასწაულის მოწყობასაც კი მიანებეს თავი და მათ ქალაქში გამოქცეულ თებელებს ფრიად გულთბილად დაუთმეს თავშესაფარი. ალექსანდრემ, ან იმიტომ რომ ლომისებრად დაიცბო რისხვა, ანდა შეიძლება მრისხანე და სასტიკი მოქმედებისათვის ლმობიერი საქციელის დაბრისპირება უნდოდა, არათუ დაივიწყა ათენისადმი მიმართული ყველა ბრალდება, არამედ ათენის სახელმწიფოს რჩევა მისცა კარგად დაჰკვირვებოდა არსებულ მდგომარეობას; ალექსანდრე ამბობდა: მე თუ რაიმე შემემთხვა, საბერძნეთის საქმეთა გამგებელი ათენი უნდა იყოსო. გარდა ამისა ამბობენ, ალექსანდრე შემდეგში ზშირად წუხდა, თებელების უბედურებას რომ გაიხსენებდა და ამიტომ ბევრ მათგანს ფრიად ლმობიერად ექცეოდა⁸¹. კლიტოსის მკვლელობას, სიმთერაღეში რომ ჩაიდინა, და ინდოეთში ლაშქრობის დროს გამომჟღავნებულ მაკედონელთა სიმხდალეს. რამაც ამ ლაშქრობის დამთავრებას ხელი შეუშალა და სახელოვან სარდალს ერთგვარი ჩრდილიც მიაყენა, ალექსანდრე სავსებით მიაწერდა დიონისეს რისხვასა და შურისძიებას. ამით აიხსნება ის, რომ გადარჩენილ თებელებში არავინ ყოფილა შემდეგში ისეთი, რომელსაც რაიმე დასჭირვებოდეს, ეთხოვოს ალექსანდრესთვის და გაწბილებული დარჩენილიყოს⁸².

აი ის, რაც თებეზე მინდოდა მეთქვა.

14. ისთმოსის ყრილობაზე შეკრებილმა ბერძნებმა გადაწყვიტეს სპარსთა წინააღმდეგ ლაშქრობაში ალექსანდრესთან ერთად მიეღოთ მონაწილეობა⁸³. ალექსანდრე მთავარსარდალად გამოაცხადეს. სახელმწიფოს მრავალი მოღვაწე და ფილოსოფოსი მოწიწებით ულოცავდა მას მხედართმთავრობას. ამასვე მოელოდა იგი დიოგენე სინოპელი-საგან, რომელიც კორინთოს მახლობლად ცხოვრობდა; მაგრამ დიოგენე ოდნავ ყურადღებასაც არ აქცევდა ალექსანდრეს ირგვლივ მომზდარ ამბებს და კრანიონში განისვენებდა⁸⁴. მაშინ მთავარსარდალი თვითონ გაემართა ფილოსოფოსთან. დიოგენე ამ დროს წამოწოლილი-ყო და მზეზე თბებოდა. მოახლოებული მეფე და მისი ამაღა რომ დაინახა, ოდნავ წამოიწია და ალექსანდრეს გადახედა. მთავარსარდალი თავაზიანად მიესალმა ფილოსოფოსს და ჰკითხა: ხომ არაფერი გჭირდებაო? დიოგენემ უპასუხა: „ცოტა იქით გაიწი, მზეზე ნუ მეფარე-

ჩიო!“ ამ პასუხმა, როგორც გადმოგვცემენ, ალექსანდრე უხერხულ მდგომარეობაში ჩააყენა. გარცეხული ფიქრობდა თურმე ფილოსოფოსის ასეთ უქმენობასა და სიამაყეზე.

მთავარსარდლის მსლებლებმა, დიოგენეს რომ გასცილდნენ, სიცილი და ხუმრობა დაიწყეს. ალექსანდრემ მათ უთხრა: „ალექსანდრე რომ არ ვიყო. დიოგენედ ყოფნას ვინატრებდით“.

მთავარსარდალმა გადაწყვიტა სპარსთა წინააღმდეგ ლაშქრობაზე ღვთის წინასწარმეტყველება გაეგო და დელფოს სამისნოში მივიდა. შემთხვევით ის დღე ერთ-ერთი ნავსი დღე აღმოჩნდა და ამ დროს მკითხაობა არ შეიძლებოდა.⁶⁴ ალექსანდრემ კაცი გაგზავნა და მისანი ქალი ტაძარში დაიბარა. მან უარპყო ალექსანდრეს მიწვევა და მისნობის ადათი დაიმოწმა. მაშინ მთავარსარდალი თვითონ შევიდა წინასწარმეტყველთან და ძალით წაიყვანა ტაძარში. ქალი ბოლოს დამორჩილდა და ასე წამოიძახა: „შენ უძლეველი ხარ, შეილოო!“ ალექსანდრემ რომ ეს ისმინა. თქვა: სხვანაირი მისნობა მე აღარ მჭირდება; ამ ქალისაგან სწორედ ისეთი წინასწარმეტყველება მივიღე, როგორიც მსურდაო.

როცა ალექსანდრემ ლაშქრობის დაწყება განიზრახა, ღმერთმა მრავალი სასწაული მოავლინა. სხვათა შორის, ორფევსის ქანდაკებას, კიპაროსის ხისაგან რომ იყო გამოთლილი. ლიბეთრაში იმ დღეების მანძილზე ოფლი წუთწუთით ჩამოსდიოდა.⁶⁵ ყველას შეეშინდა ასეთი სასწაულისა: მაგრამ არისტანდრემ ხალხს ურჩია გამხნეებულებო, მან სასწაული ასე ახსნა: ალექსანდრე მომავალში ბევრ სახელოვან და საგმირო საქმეს შეასრულებს; მის საქებად პოეტებსა და მუსიკოსებს ბევრი ოფლის ღვრა და უსაზღვრო შრომის გაწევა დასჭირდებათო.

15. ალექსანდრეს ლაშქრის სიდიდეზე ზოგიერთი ამბობს: სულ ბევრი, ოცდაათი ათასი ქვეითი ჯარისკაცისა და ოთხი ათასი ცხენოსნისაგან შედგებოდაო; ზოგიერთის აზრით კი, ლაშქარი ორმოცდაათ ათასამდე ქვეითსა და ხუთი ათასამდე ცხენოსან მეომარს მოითვლიდა. არისტოტელე⁶⁶ მოგვითხრობს: ჯარის შესანახად ალექსანდრეს სამოცდაათ ტალანტზე მეტი არ ჰქონდაო; დურისი კი ამბობს: მთავარსარდალსო სურსათის მარაგი მხოლოდ ოცდაათი დღისა გააჩნდა; ხოლო ონესიკრიტეს გადმოცემით ორასი ტალანტიც ალექსანდრეს სხვისა ემართა. მიუხედავად იმისა, რომ ალექსანდრეს სახსრების სიმცირის

გამო თითქმის უმწეო მდგომარეობა ჰქონდა ლაშქრობის დაწყების დროს, მანამდის არ ავიდა ზომალდზე, ვიდრე მეგობრების საქმეებს არ გადახედა. ზოგს მიწა მისცა, ზოგს სოფელი, ზოგსაც დაბისა თუ ნავსადგურის შემოსავალი დაუნიშნა. როცა სამეფო ქონება ასეთნაირად თითქმის მთლიანად იქნა გაფლანგული და დანაწილებული, პერდიკამ⁶⁷ ალექსანდრეს ჰკითხა: „კი მაგრამ შენთვის რაღას იტოვებ, მეფეო?“ — „იმედსო“, — უპასუხა ალექსანდრემ. — „მაშინ ჩვენც, შენი თანამოლაშქრენი, მაგას გავინაწილებთო“, — უთხრა პერდიკამ მთავარსარდალს და უარი თქვა ალექსანდრეს მიერ შეთავაზებულ ქონებაზე. მას მთავარსარდალის ზოგიერთმა სხვა მეგობარმაც მიჰბაძა. იმათ კი, ვინც იღებდა ნაბოძებს და ვისაც დახმარება სჭირდებოდა, ალექსანდრე ხალისით ასაჩუქრებდა. ასე დაანაწილა მან თითქმის მთელი ქონება, რაც მაკედონიაში მოეძევებოდა.

ასეთი აღფრთოვანებით და სულიერი განწყობილებით ალექსანდრემ ჰელესპონტი გადალახა. როცა ილიონის სანაპიროზე ავიდა⁶⁸, ათენას მსხვერპლი შესწირა და გმირებს ზედაზე დაუქცია. მერმე ტანი დაიხილა ზეთით და მეგობრებთან ერთად გაშიშვლებულმა, როგორც წესია, მრავალგზის შემოუბრინა აქილევის სახელზე აღმართულ ძეგლს. შემდეგ გვირგვინით შეამკო იგი და შენატრა აქილევს, რომ სიცოცხლეში ბედმა უერთგულესი მეგობარი არგუნა წილად, ხოლო სიკვდილის შემდგომ მისი გმირობის დიდებული მეხოტბე.⁶⁹

იმ დროს, როცა მთავარსარდალი გარს უვლიდა ქალაქს და ღირს-შესანიშნავ ადგილებს ათვალიერებდა, ჰკითხეს: ალექსანდრეს⁷⁰ ჩანგის ნახვას ხომ არ ისურვებო? ალექსანდრემ უპასუხა: მაგის ნახვა მცირედაც არ მიზიდავს, მე ვეძებ აქილევის ჩანგს, რომელზედაც მისი პატრონი სახელოვანი ვაჟკაცების დიდებასა და გმირობას დამლეროდაო.⁷¹

16. ამასობაში დარიოსის სარდლებმა მრავალრიცხოვანი ჯარი შეკრიბეს და მდინარე გრანიკის გადასასვლელთან დარაზმეს⁷². ალექსანდრეს აუცილებელი ბრძოლა მოელოდა პირდაპირ აზიის კარიბჭესთან, ამ ქვეყანაში რომ შესულიყო და ომი დაეწყო. მაკედონელთა უმრავლესობას აშინებდა მდინარის სიღრმე, გაღმა ნაპირის უსწორმასწორო და ციცაბო მდებარეობა; ამ ნაპირზე გადასვლაც ბრძოლის შედეგად იყო მხოლოდ შესაძლებელი. ზოგიერთი იმასაც კი ფიქრობდა, რომ საჭირო იყო გაფრთხილებოდნენ ახლახან დამდგარ ნავს

თვეს: მაკედონელთა მეფეებს, ჩვეულების თანახმად, დესიოსის თვეში
ჯარი სალაშქროდ არ გამოჰყავდათ⁷³. ეს უხერხულობა ალექსანდრემ
იმით გაასწორა, რომ ბრძანება გასცა ამ თვისათვის სახელად ეწოდებო-
ბინათ მეორე არტემისიოსი⁷⁴. პარმენიონი მთავარსარდალს არწმუნებ-
და: უკვე დაგვიანებულია ლაშქრობის დაწყება და თავის საფრთხეში
ჩაგდება არ ღირსო. ალექსანდრემ პარმენიონს უპასუხა: თუ გრანი-
კის შემეშინდა, ეს შეარცხვენს პელესპონტს, რომელიც გადმოვ-
ლახეო.

ამის შემდეგ მთავარსარდალი ცხენოსანთა სამი რაზმით მდინარე-
ში გადაეშვა. ალექსანდრე აქ უფრო სიფიციხის გავლენით მოქმედებ-
და, ვიდრე სარდლისათვის დამახასიათებელი გონიერულობით. იგი არ
ერიდებოდა მტრის ნატყორცნ ისრებს, გაფთრებით ებრძოდა მდინა-
რის ტალღებს, ქვევით რომ მოაქანებდნენ და თავზე ესხმებოდნენ. იგი
შეუჩერებლივ მიისწრაფოდა მტრის ქვეითი და ცხენოსანი ჯარით
დაფარულ კლდოვანი ნაპირისაკენ. მთავარსარდალი შეუპოვრად ცდი-
ლობდა მდინარეზე გადასვლას და ბოლოს, დიდი ჯაფითა და წვალე-
ბით, ავიდა ტალახიან, მოლიბულ ნაპირზე. აქ იძულებული გახდა მყის-
ვე ჩაბმულიყო არეულ ბრძოლაში და ცალ-ცალკე გამკლავებოდა შე-
ტევაზე წამოსულ მტერს. სანამ წესრიგში მოიყვანდა მაკედონელებს,
რომლებმაც გრანიკი გადალახეს.

მტრის უმრავლესობა მაკედონელთა მთავარსარდლისაკენ მიისწრა-
ფოდა. იგი მეტად ადვილი შესამჩნევი იყო მრგვალი ფართი და მუ-
შარადის ჯილით, რომელზეც აქეთ-იქით საოცრად დიდი და თეთრი
ფრთები იყო დამაგრებული. მტრის მიერ გამოტყორცნილი შუბი
ალექსანდრეს ჯავშნის ნაოჭში მოხვდა; მაგრამ წინამძღოლი არ დაჭ-
რილა. სულ მალე შეერთებული ძალით ეკვეთნენ მას სპარსი სარდ-
ლები — რესაკე და სპითრიდატე. მთავარსარდალმა გვერდი უქცია
სპითრიდატეს და თოროსან რესაკეს შუბი აძგვრა; მაგრამ იგი გადა-
ტყდა. ახლა ხმალი შემართა ალექსანდრემ. ამასობაში სპითრიდატემ
ცხენი განზე გაიყვანა, უნაგირზე მთელი ტანით აღიმართა და ალექ-
სანდრეს სპარსული ხმალი დაჭრა. მთავარსარდლის მუშარადის ჯი-
ლის ერთი ფრთა ძირს ჩამოვარდა, მუშარადი კი ძლივს გადარჩა დამ-
სხვრევას. ხმლის წვერი ალექსანდრეს თმას შეეხო ოდნავ. სპითრი-
დატე კვლავ წამოიმართა ცხენზე და მეორედ უნდოდა დაეჭრა ხმალი,
მაგრამ „შავმა“ კლიტოსმა⁷⁵ დაასწრო და სპარსი სარდალი შუბით გან-

გმირა. ერთდროულად ალექსანდრეს მოქმედებამ ხმაღმა რესაიეც დას-
ცა ძირს.

სანამ ცხენოსანი ჯარი ამ ფრიად სახიფათო ბრძოლაში იყო, მაკედონელთა ფალანგაც გადმოვიდა მდინარეზე და ორი ქვეითი ჯარი ერთმანეთს შეება. დარიოსის მხედრობა მედგრად ვერ იბრძოდა, იგი მტერს დიდხანს ველარ გაუშლავდა, პირი იბრუნა და, დაჭირავებულ ბერძენ მეომართა⁷⁶ გარდა, მთელი ჯარი უკუიქცა.

დარიოსის მიერ დაჭირავებული ბერძენი ჯარისკაცები ერთ-ერთ სერზე იდგნენ და ალექსანდრეს შერიგებას სთხოვდნენ: მაგრამ მთავარსარდალმა აქაც რისხვა უფრო გამოიჩინა, ვიდრე გონიერება, და ბერძნებს პირველი ეკვეთა. ამ ბრძოლაში დაკარგა ცხენი, რომელსაც ფერდში დაჰკრეს ხმალი. ეს ცხენი, სხვათა შორის, ბუკეფალა არ ყოფილა, სხვა ცხენი იყო. მაკედონელებს ყველაზე უფრო დიდი საფრთხე სწორედ აქ შეხვდათ. ყველაზე მეტი მოკლული და დაჭრილი აქ აღმოაჩნდათ. ამის მიზეზი კი ის გახლდათ, რომ მაკედონელებს თავგამოდებით შეებრძოლნენ მამაცი დაჭირავებული ბერძენი მეომრები, რომელთაც გადარჩენის იმედი აღარ ჰქონდათ.

ბარბაროსებმა, როგორც ამბობენ, ამ ბრძოლაში დაკარგეს ოცი ათასი ქვეითი და ორი ათას ხუთასი ცხენოსანი ჯარისკაცი. არისტო-ბულეს გადმოცემით, ალექსანდრეს მოუკლეს სულ ოცდაათოთხმეტი მეომარი, რომელთაგან ცხრა ქვეითი ჯარისკაცი იყო. მთავარსარდალმა ბრძანება გასცა დაღუპულ მეომართათვის ლისიბეს მიერ გამოკვეთილი სპილენძის ქანდაკებანი დაედგათ.

ალექსანდრემ მოინდომა გამარჯვების მონაწილედ ბერძნებიც გაეხადა. მან საგანგებოდ გაუგზავნა ათენელებს მტრისაგან წართმეულ სამასი ფარი; ხოლო დანარჩენ ნადავლზე სათითაოდ გააკეთებინა ასეთი ზვიადური წარწერა: „ალექსანდრემ, ფილიპეს ძემ და, ლაკედემონელთა გამოკლებით, ყველა ბერძენის შვილმა, წავართვი ეს აზიის მკვიდრ ბარბაროსებს“.

ძვირფასი თასები, ძოწეულის სამოსელი და სხვა მისთანა ნივთები, რაც კი სპარსებს წაართვა, ზოგიერთის გარდა ყველა დედას გაუგზავნა მთავარსარდალმა.

17. გრანიკთან ბრძოლამ დაუყოვნებლივ მოახდინა დიდი გარდატეხა ალექსანდრეს სასარგებლოდ. ამის წყალობით მან აიღო სარდე, სპარსთა ბატონობის ეს ყველაზე უფრო დიდი დასაყრდენი ზღვის

სანაპიროს გასწვრივ. ალექსანდრეს დანებდნენ სხვა ქალაქებიც. წინააღმდეგობა მას მხოლოდ მილეტმა და პალიკარნასმა გაუწიეს. ალექსანდრემ იერიშით აიღო ეს ქალაქებიც და მათ ირგვლივ მდებარე ყველა დასახლებული ადგილი. ამის შემდეგ ყოყმანი დაიწყო. არ იცოდა, როგორ მოქცეულიყო; ხან ფიქრობდა გაეხედნა და ღარიოს გადაემწყვეტ ბრძოლაში შებოღდა, ხან კი იმას არჩევდა ჯერ ზღვის სანაპიროზე მდებარე მხარეთა საქმეები მოეგვარებინა და იქაური სიბდიდრით ესარგებლა, ამით ერთგვარად გაწაფულიყო და თავისი ძალები განემტკიცებინა. მერმე კი აზიის სიღრმეში შეჭრილიყო ღარიოსთან ბრძოლის გასაჩაღებლად.

ლიკიაში, ქალაქ ქსანთეს მიდამოებში, არის ერთი წყარო. რომელმაც, ამბობენ. ალექსანდრეს ლაშქრობის დროს თავისთავად შეიცვალა მიმართულება. ნაპირებზე გადმოვიდა და ამოაგდო ძველებური ასოებით ნაწერი სპილენძის ფირფიტა. ფირფიტაზე ასე ეწერა თურმე: ბერძენთა მიერ დამსობილი სპარსთა ბატონობა თავის არსებობას შეწყვეტსო. ამ წინასწარმეტყველებით გამხსენებულმა ალექსანდრემ ვაღწყვიტა დაუყოვნებლივ განეწმინდა მტრისაგან ზღვის სანაპირო ქვეყნები თვით ფინიკიისა და კილიკიის საზღვრებამდე.

ალექსანდრეს მიერ პამფილიის სანაპიროს მოულოდნელმა გათალახვამ ბევრ ისტორიკოსს მისცა მასალა სასწაულებრივი და დაუჯერებელი ამბების შესათხველად. ისინი მოგვითხრობენ, თითქოს რომელიღაცა ღმერთის შემწეობით ალექსანდრეს გზას უხსნიდა ზღვა; ჩვეულებრივ იგი მუდამ მძლავრად ეხეტყება ხოლმე პამფილიის მთების ძირს და იშვიათად თუ გამოაჩენს ამ მთების მომიჯნავე და წყალში ჩამალულ პატარ-პატარა კლდეთ. მენანდრე თავის კომედიაში სწორედ ამ სასწაულის გამო დაცინვით ამბობს:

ბედი მილიმის ისე, როგორც ალექსანდრესა.

თუ ვეძებ რასმე, იგი მყისვე თვალწინ მიჩნდება.

ჩემი წადილით ზღვაც მკერდს მიხსნის კალასკელად.

ალექსანდრე თვითონ თავის წერილებში ამ სასწაულზე არაფერს ლაპარაკობს! იგი მხოლოდ იმას ამბობს. რომ ფასელიდიდან გამოსვლის დროს გადაიარა ეგრეთწოდებული კლიმაქსი და რომ ამის გამო დააყოვნა მრავალი დღე ამ ქალაქში⁷⁷. ფასელიდში ყოფნის დროს მან ნახა განსვენებული თეოდოქტე ფასელიდელის ქანდაკება, მოედანზე რომ იყო დადგმული. ისაღილა თუ არა, ღვინით შეზარხოშებული

ალექსანდრე მხიარული ამაღლით გაემართა მოედნისაკენ და თეოდოქტეს ქანადაკება მრავალი გვირგვინით შეამკო. მან, ასე ვთქვათ, მხიარულებასა და ხუმრობაში სცა პატივი იმ ვაჟკაცს, რომელიც არისტოტელესა და ფილოსოფიის წყალობით გაიცნო⁷⁸.

18. ამის შემდეგ ალექსანდრემ დაამარცხა პისიდები, წინააღმდეგობას რომ უწევდნენ; დაიმორჩილა ფრიგიაც და აიღო ქალაქი გორდიოსი⁷⁹. აქ მთავარსარდალმა ნახა საყოველთაოდ ცნობილი ეტლი, ძეძვის ლაფნით რომ იყო შეკრული და ადგილობრივი მცხოვრებლებისაგან ამ ეტლის თაობაზე ჭეშმარიტებად შინეული თქმულება მოისმინა: ვინც მის ნასკვს გამოხსნის, ბედად უწერია მსოფლიოს მბრძანებლობაო. ბევრი ამბობს: ნასკვის თავები ჩამალული და მზაკვრულად იყო გადახლართულიო; ალექსანდრემ მისი გამოხსნა ვერ შეძლო. მერმე ნასკვი ხმლით გადაჭრა და მასში თითქოს ლაფნის უამრავი წვერო აღმოაჩინა. არისტოტელეს გადმოცემით კი ალექსანდრემ სულ ადვილად გამოხსნა ნასკვი: ხელნას გამოაძრო კავი, რაც უღელს ამავრებდა, და ამრიგად იგი ეტლს მოაშორა.

გორდიოსიდან გამოსვლის შემდეგ ალექსანდრემ დაიმორჩილა ბაფლაგონიელები და კაბადოკიელები. ჩქარა მემნონის სიკვდილი შეიტყო. მემნონი დარიოსის ერთ-ერთი სარდალი იყო და სპარსთა ფლოტს მეთაურობდა. სწორედ მემნონისაგან იყო მოსალოდნელი, რომ ალექსანდრეს გააწვავებდა, დიდ წინააღმდეგობას გაუწევდა და მრავალ დბრკოლებას შეუქმნიდა. მისმა სიკვდილმა ალექსანდრეს ერთიორად შეჰმატა მხნეობა აზიის სიღრმეში შეჭრილიყო.

ამასობაში დარიოსიც დაიძრა სუზიდან⁸⁰. იგი იმედებს თავის მრავალრიცხოვან ძალებზე ამყარებდა. მას მოჰყავდა მხედრობა, რომელიც ექვსას ათას ჯარისკაცს მოითვლიდა.⁸¹ გარდა ამისა, დარიოსს გამგებლობა მისცა ერთმა სიზმარმაც, რომელიც ჯადოქრებმა სპარსთა მბრძანებლის საამებლად ახსნეს და არა ისე, როგორც სინამდვილეში უნდა აეხსნათ. დარიოსს ეზმანა: მაკედონელთა ფალანგას ვითომ შემაძრწუნებელი ცეცხლი ანადგურებდა... ალექსანდრეს ის ტანსაცმელი ეცვა, რომელსაც თვითონ დარიოსი ატარებდა მაშინ, როცა იგი მეფის ასტანდი⁸² იყო; ასეთნაირად მორთული ალექსანდრე ვითომ სპარსთა მბრძანებელს ემსახურებოდა... მერმე თითქოს ბელოსის ტაძარში შევიდა და... გაუჩინარდა.

ჩანს, ამ სიზმრით ღმერთს იმის ჩვენება უნდოდა, რომ მაკედო-

ნელთა საქმენი ბრწყინვალედ და სახელოვნად დაგვირგვინდებოდა, ხოლო ალექსანდრე დაიმორჩილებდა აზიას ისე, როგორც წინათ დაიმორჩილა დარიოსმა. რომელიც ასტანდი იყო და მეფე გახდა; ამის შემდეგ ალექსანდრე სულ მალე და სახელოვნად დაასრულებდა სიცოცხლეს.

19. დარიოსი კიდევ უფრო მეტად გაამხნევა იმ გარემოებამ, რომ ალექსანდრემ დიდხანს დააყოვნა კილიკიაში. სპარსთა მბრძანებელი ამას სიმხდალედ თვლიდა. სინამდვილეში მაკედონელთა მთავარსარდლის შეყოვნების მიზეზი. ავადმყოფობა იყო. ზოგიერთი ამბობდა: ავადმყოფობა დიდმა ჯაფამ გამოიწვიაო; ზოგიერთის აზრით კი ალექსანდრე ავად გახადა კილნოსის³³ ყინულივით ცივ წყალში ბანაობამო. ალექსანდრეს მკურნალობას ვერც ერთი ექიმი ვერ ბედავდა. მკურნალნი ფიქრობდნენ: ამ ავადმყოფობას ვერავითარი წამალი ვერ უშველისო, და თანაც ეშინოდათ, მარცხი რომ მოგვივიდეს. მაკედონელებმა ცილი არ დაგვწამონო. მაგრამ ერთ-ერთმა ექიმმა ფილიპე აქარნელმა, მიუხედავად იმისა, რომ მის გარშემო შექმნილ სახიფათო მდგომარეობას ხედავდა, გადაწყვიტა მინდობოდა მთავარსარდლის მეგობრულ განწყობილებას მისადმი. იგი დანაშაულად თვლიდა მკურნალობის გარეშე დეტოვებინა ალექსანდრე, რომლის სიცოცხლეს საფრთხეში იყო, და მის მოსარჩენად უკანასკნელი ღონე არ ეხმარა, თუნდაც ეს საკუთარი თავის განწირვასთან ყოფილიყო დაკავშირებული. ფილიპემ წამალი მოამზადა და ალექსანდრეს ურჩია მოთმინებოთ დაელოდა, თუკი მას მოარჩენა და ლაშქრობის გაგრძელება უნდოდა.

სწორედ ამ დროს პარმენიონმა ბანაკიდან ალექსანდრეს წერილი გამოუგზავნა³⁴. იგი მთავარსარდალს ურჩევდა ფილიპეს მიმართ სიფხიზლე გამოეჩინა. პარმენიონი სწერდა: დარიოსმა ფილიპე ექიმადიდი საჩუქრებით მოისყიდა და საკუთარი ქალის მითხოვებასაც დაჰპირდა, თუ შენ სიცოცხლეს მოგისპობსო. ალექსანდრემ წერილი წაიკითხა, არც ერთ თავის მეგობარს არ უჩვენა და ბალიშის ქვეშ ამოიღო.

დანიშნულ დროს მთავარსარდლის მეგობრების თანხლებით ალექსანდრესთან შევიდა ფილიპე, რომელსაც ფიალით წამალი მოჰქონდა. ალექსანდრემ მას პარმენიონის მიერ გამოგზავნილი წერილი გადასცა, თვითონ კი ხალისიანად და ყოველგვარი უნდობლობის გამოთქმადენების გარეშე ჩამოართვა წამლით სავსე ფიალა. საყვირველი და ამაღელ-

გვებელი სანახაობა გაიმართა: მკურნალი წერილს კითხულობდა, მთავარ-სარდალი წამალს სვამდა მერმე ერთმანეთს შეაცქერდნენ, მაგრამ მათ სახეზე სულ სხვადასხვაგვარი გამომეტყველება აღიბეჭდა: ალექსანდრე გაბრწყინებული და მხიარული სახით ფილიპესადმი კეთილგანწყობილებასა და ნდობას გამოხატავდა, ფილიპე კი აღშფოთებული იყო ცილისწამებით; იგი ხან ღმერთებს მოუწოდებდა ზეცისაკენ ხელაპყრობილი, ხან კი ავადმყოფის საწოლის წინ ეცემოდა მუხლებზე და მთავარსარდალს ემუდარებოდა, მხნეობა არ დაეკარგა და მას დაეხმობოდა.

წამალმა ჯერ მძლავრად იმოქმედა სხეულზე და სულ ერთიანად მოადუნა იგი. ალექსანდრეს გული წაუვიდა; ხმაწარამეთუღსა და გრძნობადეკარგულს სიცოცხლის ნიშანწყალი ძლივს ეტყობოდა; მაგრამ ფილიპემ ჰყისვე მოიყვანა გონზე. ალექსანდრემ ძალა მოიკრიბა და დაენახა მაკედონელებს, რომელთაც მთავარსარდალის გამოჩენამდე იმედი ჰქონდათ დაკარგული.

20. დარიოსის ჯარში ერთი სამშობლოდან გამოქცეული მაკედონელი იყო, სახელად ამინტა, რომელმაც მშვენივრად იცოდა ალექსანდრეს ხასიათი. როცა ამინტამ დაინახა, დარიოსი ალექსანდრეს წინააღმდეგ გალაშქრებას ვიწრობზე გავლით ცდილობს⁸⁵, მეფეს რჩევა მისცა ადგილზე დარჩენილიყო და თავისი აურაცხელი ძალებით ფართო და გადაშლილ ველებზე შებრძოლებოდა ეგზომ მცირერიცხოვან მტრის მხედრობას. დარიოსმა ამინტას უპასუხა: მეშინია, მტერმა გაქცევა არ მოასწოროს და ალექსანდრე ხელიდან არ დამისხლტესო. ამაზე ამინტამ ასე მიუგო მეფეს: „მაგ მზრივ დამშვიდებული ბრძანდებოდეთ, მეფეო, იგი თვითონ გამოემართება შენკენ და, ვგონებ, მოღის კიდევცო“.

ერთი სიტყვით, დარიოსმა არ დაუჯერა ამინტას, დაძრა ჯარი და კილიკიისაკენ გაემართა.

სწორედ ამ დროს ალექსანდრე სირიაში მიისწრაფოდა დარიოსის წინააღმდეგ. ღამის სიბნელეში სპარსთა და მაკედონელთა მხედრობა ერთმანეთს ასცდა და უკან გამობრუნდნენ. ალექსანდრე მეტად კმაყოფილი იყო ასეთი ბედნიერი შემთხვევისა, ჩქარობდა რაც შეიძლება მალე შეხვედროდა მტერს ვიწრობაში. დარიოსი კი ცდილობდა თავის განლაგების ძველ ადგილს დაჰბრუნებოდა და მხედრობა ვიწრობიდან გაეყვანა. იგი მიხვდა, რომ მოლოდინის წინააღმდეგ არახელსაყრელ

მიდამოებში აღმოჩნდა. ეს მხარე ზღვასა და მთებს შორის იყო ყოველმხრივ ჩამწყვედული; შუაზე მას მდინარე პინაროსი კვეთდა⁸⁸. დარიოსის ცხენოსანი ჯარი აქ სრულებითაც ვერ იმოქმედებდა, მაგრამ მცირერიცხოვან მაკედონელთათვის მეტად ხელსაყრელი იყო. ბედმა, მართალია, მარჯვე ადგილი არგუნა ალექსანდრეს, მაგრამ მაკედონელთა მთავარსარდლის გამარჯვებას უფრო მეტად მხედართმთავრულმა ნიჭმა შეუწყო ხელი, ვიდრე ბრმა ილბალმა. მიუხედავად იმისა, რომ დარიოსის ძალები თვალსაჩინოდ აღემატებოდა მაკედონელთა ძალებს, ალექსანდრემ საშუალება არ მისცა მტერს მისთვის აღემატებოდა: პირიქით, მარჯვენა ფრთით თვითონ შემოუარა მტრის მარცხენა ფრთას და გვერდიდან თავს დაესხა. ალექსანდრე პირველ რიგებში იბრძოდა და მოწინააღმდეგე ბარბაროსები მალე უკუაქცია. ქარესი ამბობს, ვითომც ალექსანდრე ბარძაყში ხმლით მაშინ დაჭრეს, როდესაც დარიოსთან ხელჩართულ ბრძოლაში ჩაებაო. ყოველ შემთხვევაში ალექსანდრე ამ ბრძოლის თაობაზე ანტიპატრესადმი მიწერილ წერილებში არ ამბობს, თუ ვინ დაჭრა. ალექსანდრე მხოლოდ იმას წერს, რომ ბარძაყში მახვილით დაიჭრა და რომ ქრილობას გართულება არ მოჰყოლია.

ალექსანდრემ ბრწყინვალედ გაიმარჯვა⁸⁹. მან თერომეტ ათასზე მეტი მტრის მეომარი მოსპო, მაგრამ დარიოსი ვერ შეიპყრო. სპარსთა დამარცხებულმა მეფემ ოთხი თუ ხუთი სტადიონით გაასწრო მაკედონელთა წინამძღოლს⁹⁰. ალექსანდრემ ხელთ იგდო დარიოსის ეტლი და მშვილდი. იგი ამ ნადავლით დაბრუნდა მაკედონელებთან, რომლებიც ბარბაროსთა ბანაყის სიმდიდრის დატაცებას შედგომოდნენ. მიუხედავად იმისა, რომ მტერმა ქონების უდიდესი ნაწილი დამასკში დატოვა, რათა ბარგს ბრძოლაში ხელი არ შეეშალა, მაკედონელებმა სპარსთა ბანაყიდან მაინც აურაცხელი განძი გამოიტანეს. ჭარისკაცებმა ხელუხლებლად დატოვეს მხოლოდ ალექსანდრესათვის განკუთვნილი დარიოსის კარავი, რომელიც საესე იყო მშვენიერი მსახურებით, ნაირ-ნაირი მორთულობითა და უთვალავი ძვირფასი ნივთებით.

ალექსანდრემ სწრაფად ჩამოიხსნა იარაღი და აბანოსაკენ გასწია: „წავიდეთ, მეგობრებო, — მიმართა მან ამაღლას, — ჩამოვირეცხოთ ბრძოლაში დადენილი ოფლი დარიოსის აბანოში!“ მთავარსარდლის ერთ-ერთმა მეგობარმა კი ამ სიტყვებზე წამოიძახა: „არა, ზევსს ვფიცავ, დარიოსისა კი არა, ალექსანდრეს აბანოში; ყველაფერი დამარ-

ცხებულისა გამარჯვებულს ეკუთვნის და მის სახელსაც უნდა ატარებდესო“.

სააბაზანო კარავში ალექსანდრემ ნახა თასები, სურები, აბაზანები და სურნელოვანი ნელსაცხებლებისათვის განკუთვნილი ჭურჭლეულობა. ყველა ეს ნივთი დიდი ოსტატობით იყო ოქროსგან ნაჭედი. ამ კარავში ნელსაცხებლისა და სურნელოვანი ზეთის ღვთაებრივი სუნი იდგა. აქედან ალექსანდრე დარიოსის კარავში შევიდა. იგი სიმალლითა და სიდიდით, საუცხოო ხალიჩებითა და ჩინებულად გაწყობილი მაგიდებით მართლაც განცვიფრების ღირსი იყო. ალექსანდრემ მეგობრებს გადახედა და თქვა: „აი, თურმე რა ყოფილა მეფობაო!“

21. მთავარსარდალი ის-ის იყო სადილობას აპირებდა, რომ მოახსენეს: ტყვეები მოიყვანეს, მათ შორის დარიოსის დედა, ცოლი და ორი ქალიშვილი, რომლებმაც დამარცხებული მეფის ეტლისა და მშვილდის დანახვაზე თავ-პირში ხელები წაიშინეს და ტირილი მორთეს, ვინაიდან დარიოსი მოკლული ჰგონიათო. ალექსანდრე ერთხანს ჩაფიქრდა, ტყვექმნილი ქალების ბედმა საკუთარ გამარჯვებაზე უფრო მეტად ააღელვა. მან ტყვეებთან გაგზავნა ლეონატე⁸⁹, რომელსაც უბრძანა: გადაეცი ქალებს რომ დარიოსი მკვდარი არ არის და ჩემი შიში ნუ ექნებათ: უთხარი, მე დარიოსს მხოლოდ ძალაუფლებისათვის ვებრძვი-თქო. გარდა ამისა, ლეონატემ ქალებს აცნობა: ისარგებლებთ ჩველა იმ პატივით, რაც დარიოსის მეფობაში გქონდათო. ეს სიტყვები ქალებს ფრიად ღმობიერად და ალერსიანად მოეჩვენათ. ალექსანდრემ საქმით კიდევ უფრო მეტად დაამტკიცა კაცთმოყვარობა; დარიოსის ოჯახის წევრებს ნება დართო დაეკრძალათ ის მოკლული სპარსები, რომელთა დამარცხვასაც მოისურვებდნენ, და ამ საქმისათვის საშხედრო ნადავლიდან აეღოთ შესაფერისი სამოსელი და მორთულობა. მსახურთა რაოდენობა და პატივი ქალებისათვის ალექსანდრეს ოდნავადაც არ შეუმცირებია; პირიქით, შემოსავალი ახლა უფრო მეტი ჰქონდათ, ვიდრე უწინ; მაგრამ მთავარსარდალის მშვენიერა და მართლაც მეფური მოქცევა კეთილშობილ, კდემამოსილ ტყვე ქალებისადმი იმით გამოიხატა, რომ ცუდი რამ ალექსანდრესაგან არ მოუსმენიათ, არც იმის ეჭვი და შიში. ჰქონიათ, მისგან შეურაცხყოფილი და პატივშელახული იქნებოდნენ. ისინი თითქოს მტრის ბანაკში კი არ ცხოვრობდნენ, არამედ ქალწულთათვის განკუთვნილ შეუბღალავ და ხელშეუვალ ტაძარში, სადაც მათ ვერაფერ ვერ ხედავდა.

ამბობენ, დარიოსის ცოლი დედოფალთა შორის ულამაზესი იყო. თვითონ დარიოსიც ლამაზი და წარმოსადეგი ვაჟაკი ყოფილა. მათი შვილებიც მშობლებს ჰგავდნენ.

მიუხედავად დარიოსის ცოლისა და ქალიშვილების ასეთი სილამაზისა, ალექსანდრეს არც ერთი მათგანისათვის არ უხვია ხელი; იგი ფიქრობდა: საკუთარი ვნებების დამორჩილება უფრო სასახელოა მეფისათვის, ვიდრე მტერზე გამარჯვებაო. სხვათა შორის, სანამ დაქორწინდებოდა, ბარსინას გარდა სხვა ქალს არ იცნობდა. ეს ბარსინა მემნონის ქვრივი იყო და ტყვედ დამასკის მახლობლად ჩავარდა. მას მიღებული ჰქონდა ბერძნული განათლება და ხასიათითაც ფრიად სათნო ქალი ჩანდა. მამამისის არტაბაზეს დედა მეფის ასული იყო. როგორც არისტოტელე გადმოგვცემს, ალექსანდრე პარმენიონმა წააქეზა ამ ლამაზსა და კეთილშობილ ქალს დაახლოვებოდა.

როცა მთავარსარდალმა სილამაზითა და ტანცენარობით რჩეული სხვა ტყვე ქალებიც დაინახა, ასე იხუმრა თურმე: სპარსი ქალები მამაკაცის თვალისათვის დიდი წამება ყოფილაო. ტურფა ტყვე ქალებს ალექსანდრემ საკუთარი თავდაჰყვრილობა და მოკრძალება დაუბრისპირა; იგი ისე მოეპყრო მათ, ვით უსულო და ლამაზ ქანდაკებებს ეპყრობიან ხოლმე.

22. ზღვის სანაპიროზე დაბანაკებულმა ჯარის სარდალმა ფილოქსენემ ერთხელ ალექსანდრეს მისწერა, რომ მასთან არის ვინმე თეოდორე ტარენტელი, რომელსაც ორი აუწერელი სილამაზის ბიჭი ჰყავს გასაყიდი, და მთავარსარდალს ეკითხებოდა: ხომ არ ინებებთ ეს ბიჭები იყიდოთ? ალექსანდრე საშინლად აღშფოთდა და მეგობრებს წამდაუწუმ ეკითხებოდა: განა ფილოქსენემ რა სიბილწე შემამჩნია, ასეთ საშიზლარ წინადადებას რომ მაძლევსო?! მან ფილოქსენეს გაუგზავნა წერილი, რომელშიაც მრავალგზის კიცხავდა და თან ბრძანებდა: მაგ ვილაც თეოდორეა. ჩანდაბაში გაისტუმრე თავისი საქონლითო! ასევე გალანძლა მან პაგნონი⁹⁰, რომელიც ალექსანდრეს სწერდა, მინდა კორინთოში სილამაზით განთქმული ბიჭი კრობილე ვიყიდო და მოგვევარო.

როცა ალექსანდრემ შეიტყო, პარმენიონის ხელქვეითმა მაკედონელმა მხედრებმა დამონმა და ტიმოთემ ზოგიერთ დაქირავებულ ჯარისკაცთა ცოლებს ნამუსი აჰხადესო, პარმენიონს წერილობრივ უბრძანა: თუ ეს მხედრები მართლაც ამხილეს დანაშაულში, სიკვდილით

დასაჯე, როგორც ადამიანთა განსაწირავად გაჩენილი მხეცეებიო. ამ წერილში, სხვათა შორის, საკუთარი თავზე სიტყვასიტყვით ასე წერდა: „ვერვინ ვერ იტყვის ჩემზე ღარიოსის ცოლი მენახოს ან მისი ხილვა მომნატრებოდეს; ის კი არა, უფლებაც არ მიმიცია ვინმესთვის მის ტანკენარობაზე ესაუბრა ჩემთანო!“ ალექსანდრე ამავე წერილში ამბობდა: ორმა რამემ, ძილმა და ქალისადმი ღტოლვამ ყველაზე მეტად მაგრძნობინა, რომ მე ადამიანი ვარ; დაღლილობა და გნებათაღელვა სწორედ ადამიანური ბუნების თანდაყოლილი უმწყობის შედეგი არისო.

ალექსანდრე ჭამაშიაც ფრიად ზომიერი კაცი იყო და ამას ყოველთვის ამჟღავნებდა. ეს ჩანს თუნდაც იმ სიტყვებში, რომლითაც მან ადას მიმართა. ეს ადა მთავარსარდალმა დედობილად გაიხადა და კარიის დედოფლობაც უბოძა. ადა, დედობრივი სიყვარულის აღსანიშნავად, ყოველდღე უგზავნიდა ალექსანდრეს ნაირ-ნაირ ნუგბარ საქმელებსა და ნამცხვრებს: ბოლოს საგანგებოდ შერჩეული მზარეულებისა და ხაბაზების გაგზავნაც დაუწყო; მაგრამ ალექსანდრემ ადას შეუთვალა, მე ეს არ მჭირდება. ჩემმა აღმზრდელმა ლეონიდამ მე უკეთესი მზარეულები მიბოძა, სახელდობრ: საუზმის ნაცვლად ნახაშმევისათვის დანიშნულ ვარჯიშობას მიწყობდა და მარბენინებდა, ვახშმის ნაცვლად კი მცირე საუზმეს მაძლევდაო. ლეონიდა, — ამბობდა ალექსანდრე, — შირად ხსნიდა ჩემი ქვეშაგებისა და ტანსაცმლის სკივრს და გულდასმით ათვალიერებდა, დედაჩემს ტკბილეულზე ან სხვა ზედმეტი რაიმე არ ჰქონოდა შიგ ჩადებულო.

23. ღვინისადმი მიდრეკილება ალექსანდრეს გაცილებით უფრო ნაკლები ჰქონდა, ვიდრე ამას ფიქრობდნენ. მართალია, დიდხანს იჯდა ხოლმე სუფრასთან, მაგრამ იმდენ დროს ღვინის სმაში არ ატარებდა, რამდენსაც საუბარს ანდომებდა. ყოველ ღვინის თასს, ჩვეულებრივ, გრძელ სიტყვას მოაყოლებდა ხოლმე. ამას, რაღა თქმა უნდა, მხოლოდ მოცალეობის ჟამს ჩადიოდა. საქმის დროს კი ზოგიერთი სარდალივით როდი იქცეოდა: მაშინ ვერც ღვინო და ძილი, ვერც გართობა, ვერც ქალები და ვერც წარმტაცი სანახაობა ვერ შეიჩერებდა. ამას ამტკიცებს მთელი მისი სიცოცხლე. რომელიც, მართალია, ფრიად ხანმოკლე გამოდგა, მაგრამ აღსავსე იყო მრავალი და დიადი საგმირო საქმით. როდესაც ალექსანდრეს თავისუფალი დრო ჰქონდა, ადგებოდა თუ არა, ღმერთებს მსხვერპლს შესწირავდა და მაშინვე საუზმედ

ჯდებოდა. დღის დანარჩენ ნაწილს ნადირობას, ბრძანებების გაცემას, მეომართა საქმეების გარჩევასა ან კითხვას ანდომებდა. თუ საღმე გზად მიდიოდა და მაინცდამაინც არ ეჩქარებოდა, გზადაგზა მშვილდის სროლაში ვარჯიშობდა და გაქანებულ ეტლზე ახტომასა და ჩამოხტომას სწავლობდა. როგორც მისი დღიურებიდან ჩანს¹⁰, ხშირად ერთობოდა მელიებსა და ჟრინველებზე ნადირობითაც. როდესაც შესასვენებლად დაბანაკდებოდა, ან აბანოში წავიდოდა ან არადა ზეთით დაიხეღა ტანს, მერმე ხაბაზთა და მზარეულთა უხუცესებს ეკითხებოდა: სადილისათვის ხომ ყველაფერი კარგად არის მომზადებულიო. სადილობას იწყებდა გვიან, თითქმის მაშინ, როცა უკვე ბინდდებოდა. ლხინის დროს საკვირველ მზრუნველობასა და ყურადღებას იჩენდა: უსამართლოდ და დაუდევრად არაფერი არ უნდა განაწილებულიყო. სმას, როგორც ვთქვით, საუბრით ახანგრძლივებდა. მეგობრებთან ურთიერთობაში ალექსანდრე საერთოდ საყვარელი მეფე იყო ყველა მეფეთა შორის და არც თავაზიანობა აკლდა; მაგრამ მერმე აუტანელი გახდა თავისი ტრახანით; უბრალო ჭარისკაცისებრ მეტისმეტი მკვებარობა დაიწყო და მლიქვნელების ნათქვამს დიდ ანგარიშს უწყევდა. ამან მის გარშემო მყოფი პატიოსანი მეგობრები უხერხულ მდგომარეობაში ჩააყენა. მათ არ სურდათ მლიქვნელებს ქლესათბაში შეჩიბრებოდნენ, მაგრამ არც ის აძლევდათ ხელს მეფის ქებაში ჩამორჩენილიყვნენ. მათი აზრით, პირველი სამარცხვინო იყო, მეორეს შეიძლება ხიფათი მოეტანა.

ლხინის შემდეგ ალექსანდრე ტანს იბანდა და დასაძინებლად წვებოდა; ხშირად შუადღემდე ეძინა. ხანდახან კი მთელ დღეს საწოლში ატარებდა.

ძვირფასი საქმელებისადმი ისეთ თავდაჭერილობას იჩენდა, რომ ზღვის სანაპიროებიდან მისთვის გამოგზავნილ იშვიათ ხილსა და თევზეულობას ხშირად მეგობრებს უგზავნიდა და თავისთვის თითქმის აღარაფერს იტოვებდა. მიუხედავად ამისა მისი სუფრა მაინც დიდებული იყო; ბედნიერებასთან ერთად ალექსანდრეს ხარჯიც ემატებოდა; გასავალმა ათი ათას დრაქმას მიაღწია და აქ შეჩერდა. ასეთივე თანხა უნდა გაეღო იმასაც, ვინც ალექსანდრეს სტუმრად მიიღებდა.

24. ისოსთან მომხდარი ბრძოლის შემდეგ ალექსანდრემ მხედრობის ერთი ნაწილი დამასკოში გაგზავნა და იქიდან ნაღვლად მიიღო

დიდძალი ფული, ალალი და აგრეთვე სპარსთა ცოლ-შვილი. ყველაზე უფრო მეტად ამ დროს თესალიელი ცხენოსნები გამდიდრდნენ; ვინაიდან თესალიელმა მხედრობამ ბრძოლაში თავი ისახელა, მთავარსარდალმა გადაწყვიტა სამაგიერო გადაეხადა და ამიტომ განზრახ გაგზავნა დამასკში. დოვლათითა და ბარაქით აიგსო ჯარის დანარჩენი ნაწილიც. მაკედონელებმა მაშინ პირველად იგემეს ოქროვერცხლის, ბარბაროსთა ქალებისა და ფუფუნების სიტკბო. ისინი კვალზე დაგეშილი ძალებივით ჩქარობდნენ უკან დადევნებოდნენ მტერს და სპარსთა სიმდიდრე მთლიანად ჩაეგდოთ ხელში. მაგრამ ალექსანდრემ ამას ამჯობინა, ჯერ ზღვისპირა ქვეყნებში გამაგრებულიყო. მასთან მყისვე მოვიდნენ კიპროსის მეფენი და კუნძული ჩააბარეს; ასევე დანებდნენ ალექსანდრეს ფინიკიის ქალაქებიც ტვიროსის გარდა⁹². ალექსანდრემ ტვიროსს ალყა შემოარტყა მიწაყრილით, სალყო მანქანებითა და ზღვის მხრიდან ორასი ტრიერით. ქალაქის გარემოცვა შეიძ თვეს გაგრძელდა. სწორედ ამ ხანებში მთავარსარდალმა სიზმრად იხილა პერაკლე, რომელიც კედლებიდან ხელს უქნევდა და თავისაკენ უხმობდა. ამავე დროს მრავალ ტვიროსელს ძილში თურმე აპოლონი გამოეცხადა. იგი ტვიროსელებს ეუბნებოდა: ალექსანდრეს მხარეზე გადავდივარ, ვინაიდან ის, რაც თქვენს ქალაქში ხდება, მე არ მომწონსო. მაშინ ტვიროსელებმა ისე შეიპყრეს ღმერთის ქანდაკება, როგორც მტრის მხარეზე გადასვლის დროს დანაშაულზე წასწრებული მეომარი; შეკრეს დიდი ჯაჭვით, მილურსმნეს კვარცხლობეკზე და „ალექსანდრისტი“ დაარქვეს. ალექსანდრემ კიდევ ასეთი სიზმარი ნახა ძილში: მოეჩვენა სატირი⁹³, რომელიც შორიდან ელაზლანდარებოდა, მაგრამ მისი დაჭერა რომ მოინდომა, სატირი გაეცქა; ბოლოს, ბევრი ხვეწნისა და დევნის შემდეგ, დანებდა და ხელში ჩაუვარდა. მისნებმა სატირის სახელი ორად გაჰყვეს და მთავარსარდალს თითქმის სარწმუნოდ უწინასწარმეტყველეს: ტვიროსი შენი იქნებაო⁹⁴. ახლაც უჩვენებენ სხვათა შორის იმ წყაროს, სადაც ალექსანდრემ ძილში თითქოს სატირი იხილა.

ტვიროსის გარემოცვის დროს ალექსანდრემ გაილაშქრა არაბებზე, რომლებიც ანტილიბანოსის მახლობლად ცხოვრობდნენ⁹⁵. ამ ლაშქრობის დროს თავის გამზრდელ ლისიმაქეს წყალობით თავი ხიფათში ჩაიგდო. ლისიმაქე ალექსანდრეს სალაშქროდ გაჰყვა და ამბობდა: მე ფენიქსზე უარესი არა ვარ და არც მასზე უფრო მოხუცებულიად

ვთელი თავსო. მთავარიან ადგილს რომ მიუახლოვდა, ალექსანდრე ცხენიდან ჩამოხტა და ქვეითად გაუდგა გზას. დანარჩენები ამასობაში საკმაოდ წინ წავიდნენ. უკვე ღამდებოდა და მტერიც ახლოს იყო, მაგრამ მთავარსარდალს არ უნდოდა დაღლილი და ძალაწართმეული ლისიმაქეს მიტოვება. იგი მას ამხნევებდა და სიარულში შველოდა. ამის გამო ალექსანდრე სულ რამდენიმე მეომრის თანხლებით შეუძინველად მოსწყდა მთავარ მხედრობას და სიბნელისა და საშინელი სიცივის მიზეზით იძულებული შეიქნა ღამე სახიფათო ადგილას გაეტარებინა. მან შორიდან დაინახა უამრავი კოცონი, მტერს რომ აქა-იქ დაენთო. საკუთარი სხეულის მოქნილობაზე დანდობილმა ალექსანდრემ, მაკედონელებს გაჭირვების ქამს თავისი სიმამაცით რომ ამხნევებდა ხოლმე, მიიჩინა იმ არაბებთან, რომელთაც სხვებზე უფრო ახლო ჰქონდათ კოცონი გაჩაღებული და ორ ბარბაროსს, კოცონს რომ შემოსხდომოდნენ, მახვილით მოუსწრაფა სიცოცხლე; მერმე სტაცა ხელი მუგუზხალს და თავისიანებთან მიიტანა. მათ ისეთი დიდი კოცონი გააჩაღეს, რომ მტერი შეაშინეს და გააქციეს. მაკედონელებმა მოიგერიეს ის არაბებიც, რომელთაც იერიშის მიტანა გაბედეს, და ღამე მშვიდად გაატარეს.

ამ ამბავს ქარესი მოგვითხრობს⁹⁶.

25. რაც შეეხება ტვიროსის გარემოცვას, იგი ასეთნაირად დამთავრდა: მრავალგზის ომგადახდილი მხედრობის უდიდეს ნაწილს ალექსანდრე ასვენებდა და ქალაქის კედლებზე იერიში მხოლოდ მტერე რაზმებით მიჰქონდა, რათა მტერს მოსვენების საშუალება არ მიეცემოდა.

ერთხელ მისანი არისტანდრე მსხვერპლს სწირავდა და, სამსხვერპლო ნიშნებს რომ დახედა, დამსწრეებს გადაჭრით უწინასწარმეტყველა: ქალაქს აუცილებლად ამ თვეში ავიღებთო. ამაზე ერთი სიცილხარხარი ატყდა (ეს სწორედ თვის უკანასკნელი დღე იყო). მეფემ, რომელსაც მუდამ სურდა წინასწარმეტყველების კეთილად ახდომა, შემკრთალი მისნის დანახვაზე ბრძანება გასცა, ეს დღე ჩაეთვალით მიწურული თვის ოცდამერვედ და არა ოცდამეათედ. მერმე კი ბუკნალარით ნიშანი მიაცემინა და ქალაქის კედლებზე უფრო მედგრად მიიტანა იერიში, ვიდრე ეს განზრახული ჰქონდა. შეტევა ფრიად მძლავრი აღმოჩნდა; ბანაკში დასვენებულმა მაკედონელთა ძირითადმა მხედრობამაც თავი ველარ შეიკავა და იერიშზე წასულთა დასახმა-

რებლად გაეშურა. ტვირთსელები სულით დაეცნენ და ქალაქი იმავე დღეს აიღეს⁹⁷.

ამის შემდეგ ალექსანდრემ ალყა შემოარტყა სირიის უდიდეს ქალაქ ღაზას⁹⁸. ერთ დღეს მთავარსარდალს მხარზე დაეცა პატარა გოროხი, რომელიც მადლიდან რომელიღაც ფრთოსანმა ჩამოაგდო. ამის შემდეგ ფრინველი ერთ-ერთ სააღყო მანქანაზე შემოჰდა და შეუმჩნევლად გაიხლართა ბაღებში, რომელთაც ბაგირების მოსაწევად ხმარობდნენ. ეს ნიშანი ისე ახდა, როგორც არისტანდრემ უმისნა შეფეს: ალექსანდრე მხარში დაიჭრა, მაგრამ ქალაქი კი აიღო.

ნადავლის უდიდესი ნაწილი მან გაუგზავნა ოლიმპიადას, კლეოპატრასა⁹⁹ და მეგობრებს; ლეონიდას კი, თავის მოძღვარს, ალექსანდრემ გაუგზავნა ხუთასი ტალანტის გუნდრუკი და კიდევ ასი ტალანტის სხვა საკმეველი. ერთხელ, ბავშვობაში, ალექსანდრეს, როგორც ამბობენ, მსხვერპლშეწირვის დროს. როცა ორივე ხელით მობოჭა გუნდრუკი და ცეცხლში ჩაყარა, ლეონიდამ უთხრა: „ალექსანდრე, როცა ნელსურნელებით აღსაესე ქვეყანას დაიპყრობ, აი, მაშინ აღკმე ასე გულუხვად გუნდრუკი. ახლა კი გამოზოგვით იხმარე ის, რაც გავგანიაო“. სწორედ ეს გაიხსენა მთავარსარდალმა და ლეონიდას მისწერა: „აი, სამყოფად გიგზავნი გუნდრუკსა და სხვა საკმეველსაც, რათა ღმერთთა წინაშე ძუნწი აღარ იყოო!“

26. დარიოსის ძვირფასეულობისა და აღაღის მიღების დროს ალექსანდრეს მიართვეს ერთი ყუთი, რომელიც მთავარსარდალის ხელქვეითებმა ყველაზე საუცხოო ნივთად ჩათვალეს. ალექსანდრემ მეგობრებს ჰკითხა: მათი აზრით რა უნდა ყოფილიყო ამ ყუთში ჩადების ღირსი. ზოგმა ეს თქვა, ზოგმა — ის; ბოლოს თვითონ ალექსანდრემ დასძინა, რომ შიგ ჩადებდა და შეინახავდა „ილიადას“. ამას მოგვითხრობს ბევრი მწერალი, რომელნიც ნდობას იმსახურებენ. თუ ჭეშმარიტია ის, რასაც ალექსანდრიელები პერაკლიდებზე დაყრდნობით ამბობენ, მაშინ უნდა ვიგულისხმოთ, რომ ჰომეროსი მაკედონელთა მთავარსარდალისათვის უსარგებლო პოეტი როდი იყო და არც ღირსი შემწეობას უჩენდა ლაშქრობის ქამს. სახელდობრ, ალექსანდრიელები ამბობენ, რომ ეგვიპტის დაპყრობის შემდეგ ალექსანდრემ გადაწყვიტა აფგო დიდი და ხალხმრავალი ბერძნული ქალაქი, რომელიც მისი სახელის მატარებელი იქნებოდა. ხუროთმოძღვართა რჩევით მან მართლაც ამოირჩია ერთი ადგილი და ის-ის იყო კედლების ამო-

შენებას უნდა შესდგომოდა, რომ ღამით საკვირველი სიზმარი ნახა. მან იხილა საპატიო გარეგნობის ჭაღარაშერეული მსცოვანი კაცი, რომელიც წარუდგა მას და ასეთი ლექსით მიმართა:

ძვეს ერთი კუნძული პატარა იქ მრავალტალღოვან ზღვაში,
იგებატის მახლობლად; და მას უწოდებენ სახელად ფაროსს.¹⁰⁰

ალექსანდრე მცისევე წამოდგა და გაემართა ფაროსისაკენ, რომელიც მაშინ ჯერ კიდევ კუნძული იყო და კანობოსის შესართავის¹⁰¹ ცოტა ზემოთ მდებარეობდა, ახლა კი მიწაყრილითაა ხმელეთთან დაკავშირებული. მთავარსარდალმა იხილა მეტად ხელსაყრელი ადგილმდებარეობა (მიწის ზოლი საკმაო ფართო ყელით ერთმანეთისაგან გამოყოფდა წყალუნე ტბასა¹⁰² და ზღვის, სადაც ფრიად მოხერხებული დიდი ნავსაყუდელი ჩანდა), და თქვა: ჰომეროსი ყოველმხრივ გაოცების ღირსი იყო და ახლა უბრძნეს ხუროთმოძღვრადაც მოგვევლინათ. მან ბრძანა მოეხაზათ ქალაქის გეგმა, რომელიც ამ ადგილმდებარეობასთან იქნებოდა შეფარდებული.

რაკილა ცარცი ვერ იშოვეს, ხუროთმოძღვრებმა შავ მიწაში მიმოაბნეეს ფქვილი და მოხატეს დიდი რკალი, რომელსაც საპირისპირო მხარეებიდან წამოსული ორი პირდაპირი ხაზი ქმნიდა და თავისი მოყვანილობით მიწაზე დაფენილ ქლამიდს მოგავდა. ალექსანდრეს ძალიან მოეწონა ეს გეგმა¹⁰³. სწორედ ამ დროს მდინარიდან და ტბიდან ანაზღეულად ამოფრინდა ნაირ-ნაირი ჯიშისა და სიდიდის ფრინველების აურაცხელი გუნდი, ღრუბელივით დაედო ფქვილით მოფენილ ადგილს და მისგან ნატამალიც აღარ დატოვა. ამ ამბავმა ალექსანდრე ძალიან შეაშთოთა; ეს ავბედითობის ნიშნად ჩათვალა; მაგრამ მისწივებმა გაამხნევეს და განუცხადეს, შენ დაარსებ მეტისმეტად მდიდარ ქალაქს, რომელიც მრავალი ტომის ხალხს გამოკვებავსო.

ალექსანდრემ ქალაქის მშენებლებს უბრძანა საქმეს შედგომოდნენ, თვითონ კი ამონის ტაძრისაკენ გაემართა¹⁰⁴. გზა იყო მეტად ძნელი, დამქანცველი და ორგვარ ხიფათთან დაკავშირებული; ერთი რომ რამდენიმე დღის სავალზე გადაჭიმული იყო უდაბნო და წყალს ვერსად იშოვიდნენ, მეორეც — თვალუწყდენელ ქვიშაში სვლის დროს შესაძლოა სამხრეთის მძლავრი ქარი ამოვარდნილიყო, რაც თურმე, როგორც ამბობენ, ძველად მომხდარა — კამბიზეს ლაშქრობის ქამს¹⁰⁵. ამოვარდნილ ქარს აუტაცნია მაშინ ჰაერში ქვიშის გორები, ზღვასა-

გით აუღელვებია თვალუწვდენელი უდაბნო და დაუმარხავს და დაუ-
ლუპავს ორმოცდაათი ათასი კაცი. თითქმის ყველა ამ უბედურებაზე
ფიქრობდა, მაგრამ ძნელი იყო გადაეტქმევინებინათ ალექსანდრესა-
თვის ის, რასაც იგი ერთხელ გადაწყვეტდა. ბედი მფარველობდა მის
გეგმებს, ძალას აძლევდა მის განზრახვას და ალექსანდრეს ფიცხელი
სული საკვირველ და დაუძლეველ შეუპოვრობას იჩენდა არა მარტო
მტრის, არამედ ადგილისა და დროის მიმართაც.

27. ამ ლაშქრობის სიძნელეთა გადალახვაში ალექსანდრესადმი
ღვთის მიერ ბოძებულ დახმარებას უფრო მეტი ნდობა გამოუთქვავს,
ვიდრე იმ წინასწარმეტყველებებს, რომლებიც მთავარსარდალმა შემ-
დეგში მიიღო; ერთგვარი რწმენა, რაღა თქმა უნდა, მისანთა რჩევებსაც
ჰქონდათ. უდაბნოში მოლაშქრეებს ზევსმა ჯერ კოკისპირული და ხან-
გრძლივი წვიმა მოუვლინა და წყურვილის შიში გაუფანტა; გავარვა-
რებული ქვიშა წვიმების წყალობით გაგრილდა, დაღბა და ნიადაგში
ჩაჭდა; ჰაერიც უფრო დაიწმინდა და სუნთქვა გაადვილდა. გარდა
ამისა, ზევსი სხვა მხრივაც დაეხმარა თურმე ალექსანდრეს ლაშქარს;
როცა მეგზურებს სამანძილო ნიშნები დაეზნათ და მაკედონელი მე-
ომრები უგზო-უკვლო ხეტიალში ერთმანეთს მოსწყდნენ და გზის გაგ-
ნებას ვეღარ ახერხებდნენ, გამოჩნდნენ ყვავები, რომლებმაც თურმე
ლაშქრის მეგზურობა იკისრეს. ფრინველები მეომრებს წინ მიუძღო-
დნენ, ხოლო როცა მხედრობა ჩამორჩებოდა ან შეყოვნდებოდა,
ისინიც შეჩერდებოდნენ და ლაშქარს ელოდებოდნენ. ყველაზე უფრო
საკვირველი კი, როგორც კალისტენე ამბობს, ის იყო, რომ ყვავები
ბხელ ღამეში ჩხავილით უხმოვდნენ გზაარეულ მეომრებს და სწორ
გზაზე აყენებდნენ.

ერთი სიტყვით, ალექსანდრემ გადალახა უდაბნო და დანიშნულ
აუგილას მივიდა. აქ მას ამონის მისანმა უთხრა: ღმერთი ამონი მამის
დარად მოგესალმებაო. ალექსანდრემ ამონის მისანს ჰკითხა: მამაჩე-
მის მკვლელებიდან ხომ არავინ დამსხლტომიაო? მისანმა მთავარსარ-
დალს ურჩია უფრო გონივრულად ელაპარაკნა და დასძინა: მამაშენი
მოკვდავი როდი არისო! ალექსანდრემ მაშინ კითხვა შეცვალა და ასე
მიმართა: ფილიპეს ყველა მკვლელზე ვიძიე თუ არა შურიო? ისიც
ჰკითხა, რაც მის მბრძანებლობას ეხებოდა: მაძლევს თუ არა ღმერთი
უფლებას, ყველა ადამიანის ბატონი ვიყო? მისანმა უპასუხა, ღმერ-
თი ამის უფლებას გაძლევს და ფილიპეზეც შური კარგად იძიეო. ამის

შემდეგ მთავარსარდალმა უხვი შესაწირავი უძღვნა ღმერთ ამონს და იქაურებს საჩუქრად ფული დაურიგა.

ამ ამბავს ამონის ქურუმის მისნობის თაობაზე ბევრი მწერალი აღწერს, თვითონ ალექსანდრე კი ღედას სწერს ბარათში, რომ ზოგი ისეთი რამ მოისმინა მისნისაგან, რასაც საიდუმლოდ ინახავს და, როცა უკან დაბრუნდება, მხოლოდ და მხოლოდ მას ეტყვის. სხვათა შორის, ზოგიერთი გადმოგვცემს, ამონის მისანს სურდა ტკბილი სიტყვით ბერძნულად მიემართა ალექსანდრესათვის და მისთვის „ო, პაიდიონ“ („ჩემო შვილო“) დაეძახა, მაგრამ ბარბაროსული გამოთქმის წყალობით სიტყვის ბოლო ბგერა შეცვალა, ნ-ს ნაცვლად ს ინმარა და „ო, პაიდოს“ — „ზევსის შვილო“ წარმოთქვა. მაგრამ ეს შეცდომა ალექსანდრესათვის მეტად ხელსაყრელი გამოდგა. მყისვე დაირბა ხმა, ღმერთმა ამონმა ალექსანდრე ზევსის ძედ აღიარაო.

ამბობენ, ეგვიპტეში ალექსანდრე ფილოსოფოს ფსამონს უსმენდა და მისი აზრებიდან ყველაზე უფრო ის მოსწონდა, რომ ყველა ადამიანს ღმერთი განაგებს, რამეთუ ადამიანის მამოძრავებელი საწყისი ღვთაებრივი წარმოშობის არისო. თვითონ კი უფრო მეტ ფილოსოფიურ გააზრებას აძლევდა ამას და ამბობდა: ყველა ადამიანის საერთო მამა ღმერთი არის, მაგრამ მე ჩემს შვილებად განსაკუთრებით იმ ადამიანებს ჩავთვლი, რომლებიც ზნეობრივად სრულყოფილნი არიანო.

28. ბარბაროსთა მიმართ ალექსანდრე საერთოდ ქედმაღალი იყო და თავი ისე ეჭირა, თითქოს ღრმად იყო დარწმუნებული თავის ღვთაებრივ წარმოშობასა და ღმერთის ძეობაში; ბერძენთა წინაშე კი ფრიად დიდი ზომიერებითა და სიფრთხილით ასაღებდა თავს ღმერთად, თუ არ მივიღებთ მხედველობაში იმ წერილს, რომელიც ათენელებს სამოსის თაობაზე გაუგზავნა. „მე, — სწერდა ალექსანდრე ათენელებს, — არ დაგითმობდით მაგ თავისუფალ და სახელოვან ჭაღაქს. მაგრამ თქვენ ჰელოზთ მას იმის წყალობით, ვინც მაშინ თქვენი უფალი იყო და ჩემს მამად იწოდებოდა“. იგი აქ ფილიპეს გულისხმობდა. უფრო გვიან კი, როცა ერთხელ ისრით დაიჭრა და ტკივილებით უსაზღვროდ იტანჯებოდა, მეგობრებს თურმე ასე მიმართა: „ეს სისხლია, მეგობრებო, ჭრილობიდან რომ მოდის, და არა

იქორი, რაიცა ღმერთებს მიმოუჩქედთ სხეულში მხოლოდ 106.

ერთ დღეს საშინელი ჭექა-ქუხილი ატყდა. შიშისაგან ყველას თავბარი დაეცა. ანაქსარქე სოფისტმა¹⁰⁷, რომელიც მაშინ იქ იყო, ალექსანდრეს უთხრა: „შენც ხომ ვერ მოგვივლენდი, ზევსის შვილო, ამის მსგავს რამესო?“ „მე არ მინდა, — მიუგო სიცილით მთავარსარდალმა. — შენ რჩევას გერწმუნო და მეგობრებში შიში გამოვიწვიო, — და დაუმატა: — შენ ჩემი სადილითაც უკმაყოფილო ხარ, ვინაიდან მაგიდებზე მხოლოდ თევზს ხედავ დაწყობილს და არა სატრაპთა თავებისო“¹⁰⁸. როგორც გადმოგვცემენ, ანაქსარქემ მართლაც შენიშნა ასეთი რამ მთავარსარდალს, როცა მეფემ ჰეფესტიონს¹⁰⁹ პაწაწა თევზები გაუგზავნა ძღვნად. ამით ანაქსარქე, ასე ვთქვათ, დასცინოდა იმათ, რომელნიც დიდი ტანჯვისა და მრავალი ხიფათის ფასად იხვეჭენ სახელს და ამავე დროს სხვებზე ან ნაკლებ ან სრულებითაც გერტყებიან ცხოვრების სიამით.

ზემოთქმულიდან სავსებით ნათელია, რომ ალექსანდრეს არ სწამდა თავისი ღვთაებრიობა და არც ამაყობდა ამით. მის ღვთაებრივ წარმოშობაზე გავრცელებულ აზრს იგი იყენებდა როგორც საშუალებას სხვა ხალხების დასამორჩილებლად.

29. როცა ალექსანდრე ეგვიპტიდან თინიკიაში დაბრუნდა, ღმერთებს მსხვერპლშეწირვა და ზეიმი გაუმართა. მოაწყო საფერხულო და ტრაგიკულ გუნდთა ასპარეზობა, რაც არა მარტო მომზადებით იყო ბრწყინვალე, არამედ იმითაც, რომ მონაწილენი განსაკუთრებული მონდომებით ეცილებოდნენ ერთმანეთს. ქორეგოსობა¹¹⁰ დაავლებული ჰქონდათ ეპიროსის მეფეებს ისე, როგორც ათენში ფილეების მიხედვით საგანგებოდ შერჩეულ პირებს. ქორეგოსები განსაცვიფრებელი თავგამოდებით ეჯიბრებოდნენ ერთიმეორეს. ყველაზე უფრო მეტად ერთმანეთს ნიკოკრეონტი სალამინელი და პასიკრატე სოლელი ეცილებოდნენ¹¹¹. ბედმა მათ საუკეთესო მსახიობთა ქორეგოსობა არგუნა; პასიკრატეს წილად ხვდა ათენოდორე, ნიკოკრეონტს კი — თესალე¹¹². ამ თესალეს ალექსანდრე მფარველობდა, მაგრამ ყურადღება მის მიმართ მანამდის არ გამოუქმლავნებია, სანამ წილისყრით ათენოდორე გამარჯვებულად არ აღიარეს. როცა ალექსანდრე თეატრიდან გადიოდა, თურმე ასე თქვა: მე სავსებით ვუჭერ მხარს მსაჯულთა გადაწყვეტილებას, მაგრამ სიამოვნებით დავთმობდი ჩემი სამეფოს ნაწილს, ოღონდ თესალეს არ ვხედავდე დამარცხებულსო. ერთხელ ათენელებმა ათენოდორე დააჯარიმეს, ვინაიდან დიონისიების

დღესასწაულზე არ გამოცხადდა¹¹³. ათენოდორემ მეფეს სთხოვა მიეწერა ათენელებსათვის ამაზე. ალექსანდრემ ეს არ გააკეთა, მაგრამ ჯარიმა მის მაგიერ გავზავნა ათენში. სკარფელმა ლიკონმა, რომელსაც დიდი წარმატებები ჰქონდა თეატრში, ერთხელ კომედიაში თავის მხრივ ლექსი ჩაურთო, რომელშიაც ათ ტალანტს მოითხოვდა. ალექსანდრემ ამაზე გაიცინა და ლიკონს ნათხოვარი თანხა მისცა¹¹⁴.

ამასობაში დარიოსმა ალექსანდრეს ელჩები გამოუგზავნა და თან წერილიც გამოაყოლა. დარიოსი ალექსანდრეს სთავაზობდა ტყვეების გამოსასყიდად ათი ათას ტალანტს, უთმობდა მთელ სამფლობელოს, რაც ევფრატის დასავლეთით მდებარეობდა, ჰპირდებოდა ერთ-ერთი ქალიშვილის მითხოვებას და სთხოვდა მეგობრობასა და მოკავშირეობას. მთავარსარდალმა დარიოსის წინადადებანი მეგობრებს ამცნო. „მე რომ ალექსანდრე ვიყო, — თქვა პარმენიონმა, — მივიღებდი ამ პირობებსო“. „მეც მივიღებდი, ვფიცავ ზევსს, — უპასუხა ალექსანდრემ, — პარმენიონი რომ ვიყოო“.

ალექსანდრემ დარიოსს საპასუხოდ მისწერა: თუ იგი თავისით გამოცხადდებოდა მის წინაშე, კატთოყვარული პატივი არ მოაკლდებოდა, თუ არა და მაშინ თვითონ გაემართებოდა მასთან.

30. ასეთი საქციელი სულ ჩქარა იზანა მთავარსარდალმა. საქმე ის იყო, რომ დარიოსის ცოლი მშობიარობას გადაჰყვა. ალექსანდრე ძალიან წუხდა, თავისი დიდსულოვნების გამოხედავების მშვენიერი შემთხვევა რომ ხელიდან გაუშვა. მან დიდი პატივით დაკრძალა სპარსთა დედოფალი და არავითარ ხარჯს არ დაერიდა.

იმ პირისფარეშთა შორის, რომელნიც სეფექალებთან ერთად იქნენ დატყვევებულნი, ერთი საჭურისი იყო, სახელად ტირფოსი. იგი მაკედონელთა ბანაკიდან გაიქცა, შეჯდა ცხენზე და ჰენებით მიიჭრა დარიოსთან, რომელსაც მეუღლის სიკვდილი ამცნო. დარიოსმა ხელი თავში ირტყა და ტირილით წამოიძახა: „ვაი, უბედურნო სპარსნო! თქვენი მეფის მეუღლე და დაი. სიკოცნლეშიც მტერს ტყვედ ჩაუვარდა და სიკვდილის შემდეგაც მოკლებულია მეფური პატივით დაკრძალვასო“... საჭურისმა დარიოსს სიტყვა შეაწყვეტინა და უთხრა: „რაც დაკრძალვას შეეხება, მეფეო, და დედოფლის შესაფერ ყოველგვარ პატივსა და ღირსებას, ამაში შენ სპარსთა ბოროტ ბედს ბრალს ვერ დასდებ არც დედოფალ სტატირას, სანამ ცოცხალი იყო, არც დედაშენს და არც შენ შვილებს არ მიჰკლებიათ ძველებური პა-

ტივი და სიკეთე, გარდა იმისა, რომ ვეღარ ჰვრეტენ შენს ნათელს, რომელსაც კვლავ გამოაბრწყინებს უფალი ორომაზდ¹¹⁵. შენს განსვენებულ მეუღლეს არათუ არ მიჰკლებია რაიმე პატივი, არამედ თვით მტრებმაც კი დაიტირეს იგი საკუთარი ცრემლებით. ეს იმიტომ, რომ ისევე გულმოწყალეა ალექსანდრე დამარცხებულთა მიმართ, როგორც მრისხანე ბრძოლის ჟამს“.

ამის გამგონე დარიოსს მღელვარებამ და დარდმა უკადრისი ეჭვები აღუძრეს. მან საჭურისი კარვის სიღრმეში შეიყვანა და უთხრა: „თუ შენ სპარსთა ბედის მსგავსად მაკედონელთა მხარეზე არ გადასულხარ და მე, დარიოსი, კვლავ შენი მბრძანებელი ვარ, გაფიცებ მიორას დიად ნათელსა და მეფის ამ მარჯვენას, მითხარი. — იქნებ სტატირას სიკვდილით მის სულ მცირე უბედურებას დავტირი და იქნებ მის სიცოცხლეში უფრო მეტად უბედური ვიყავი? იქნებ უფრო ღირსეული ყოფილიყო ჩვენთვის, ალექსანდრეზე ვერაგსა და მძევნვარე მტერს რომ ჩავვარდნოდით ხელში? განა რა წმინდა ურთიერთობა უნდა ჰქონოდა ახალგაზრდა კაცს მტრის მეუღლესთან, რომ ასეთი პატივი უცია მისთვის?“

დარიოსი ისევ ლაპარაკობდა, რომ ტირეოსი ფეხქვეშ ჩაუვარდა და შეევედრა: „ნუ ამბობ ასეთ შეუფერებელ სიტყვებს, ნუ იხსენიებ აუგად ალექსანდრეს და ნუ სცხებ ჩირქს განსვენებულ დასა და მეუღლესო“. საჭურისი დარიოსს სთხოვდა, ნუ აღიკვეთავდა უბედურების ჟამს იმ დიდ ნუგეშსა და შეგნებას, რომ იგი დამარცხებულ იქნა უკეთესი ვაჟკაცისაგან, რომელიც თავისი ბუნებით ადამიანს აღემატებოდა: იგი მოწიწებით უნდა მოჰქცეოდა ალექსანდრეს, რომელმაც უფრო მეტი თავშეკავება გამოამჟღავნა სპარსთა ქალების მიმართ, ვიდრე მამაცობა დარიოსის მეომართა წინაშე. თავისი ნათქვამის დასადასტურებლად საჭურისმა საშინელი ფიცი წარმოთქვა და დარიოსს მოუთხრო სხვა ამბებიც ალექსანდრეს თავდაპირილობასა და დიდსულოვნებაზე. დარიოსი მეგობრებთან დაბრუნდა, ხელები ზეცისაკენ აღაპყრო და შეჰღაღადა: „ჩემი საგვარეულოსა და სამეფოს მფარველნი ღმერთნი, მხურვალედ გვედრებით მომეცი საშუალება აღვადგინო სპარსთა დაკარგული ბედნიერება და დავტოვო ისე, როგორც მე მივიღე გამეფების ჟამს, გამარჯვებულმა კი ალექსანდრეს სამაგიერო ვუზღო იმ წყალობისათვის, რომელიც მან აღმოუჩინა ჩემს საყვარელ ადამიანებს ჩემი უბედურების დროს! მაგრამ თუ

დადგა ჟამი აღსასრულისა, ჟამი შურისგებისა და ბედის ცვლილებისა, რათ: შესწყვიტოს მბრძანებლობა სპარსთა, დაე, ნუ დაჰდება კვიროსის ტახტზე სხვა ვინმე, ალექსანდრეს გარდა!“

ეს ამბავი რომ ასე მოხდა და ასე ითქვა, ამას ჩვენ ბევრი მემართიანე გადმოგვცემს¹¹⁶.

31. ევფრატის დასავლეთით მდებარე მიწა-წყლის მთლიანად დაპყრობის შემდეგ ალექსანდრე დარიოსის წინააღმდეგ დაიძრა. სპარსთა მბრძანებელი თავის მხრივ მაკედონიის ძალებთან შესახვედრად მილიონიანი მხედრობით გამოემართა ზემო აზიიდან. სწორედ ამ დროს ერთ-ერთმა მეგობართაგანმა ალექსანდრეს სასაცილო ამბავი უთხრა: მხედართა მსახურნი გასართობად ორ თანაბარ ნაწილად გაიყვნენ და ორივეს თავ-თავისი სარდალი და წინამძღოლი ჰყავს, რომელთაგან ერთი ალექსანდრედ, ხოლო მეორე დარიოსად იწოდებოთ. მათ ჯერ გორბეზების სროლა დაუწყეს ერთმანეთს, მერმე მუშტი-კრივზე გადავიდნენ, ბოლოს ისე გაცხარდნენ ბრძოლაში, რომ ბევრმა მათგანმა ერთმანეთს ქეები და ჯოხები დაუშინეს და ვერაფრით ვერ გაეშველეთო.

ალექსანდრემ რომ ეს ისმინა, ბრძანება გასცა თვითონ წინამძღოლნი შეჩვენებოდნენ ერთმანეთს: „ალექსანდრეს“ თვითონ შეასხა იარაღი, „დარიოსს“ კი ფილოტამ გაუწია ასეთი სამსახური.

მთელი მხედრობა შეცქეროდა. ორთა ბრძოლას და ამ გართობაში მყოფადის წინასწარ განჰვრეტას ცდილობდნენ. ბრძოლა ფრიად ცხარე იყო; გაიმარჯვა იმ წინამძღოლმა, რომელიც „ალექსანდრედ“ იწოდებოდა. მან ამისათვის ჯილდოდ მიიღო თორმეტი სოფელი და სპარსული კაბის ტარების უფლება.

ამ ამბავს ერატოსთენე მოგვითხრობს. რაც შეეხება დარიოსთან წარმოებულ დიდ ბრძოლას, იგი მოხდა არა არბელასთან, როგორც ბევრი წერს, არამედ გავგამელასთან¹¹⁷. ამბობენ, გავგამელა იქაურ ენაზე აქლემის სახლს ნიშნავს; ოდესღაც ერთი მეფე¹¹⁸ სწრაფად მსრბოლი აქლემის წყალობით მტრებს გაექცა, პირუტყვი აქ დატოვა და ულუფად რამდენიმე სოფლის შემოსავალი დაუნიშნაო.

ბოედრომიონის თვეში, როცა ათენში მისტერიების დაწყების დრო იყო, მთვარის დაბნელება მოხდა¹¹⁹. დაბნელების შემდეგ მეთერთმეტე დამეს, როცა ორივე მხედრობა ერთმანეთის პირისპირ აღმოჩნდა, დარიოსს თავისი ძალები უკვე შეიარაღებული ჰყავდა და რაზმებს

ჩირადდანთა შუქზე ათვალიერებდა. მაკედონელები ამ ღრთს ისვენებდნენ; თვითონ ალექსანდრე კი მკითხავ არისტანდრესთან ერთად კარგის წინ წმინდა საიდუმლოებას ასრულებდა და მსხვერპლს სწირავდა თობოსს¹²⁰.

ნიფატეს ქედსა და გორდიების მთათა¹²¹ შორის მდებარე ველი სპარსთა მიერ დანთებული ცეცხლით იყო გაჩირადდებული. მტრის ბანაკიდან, ვით უსაზღვრო ზღვიდან, ისე ისმოდა რაღაც გაურკვეველი ღრტვინვა და გუგუნო. როცა ალექსანდრეს უხუცესმა მეგობრებმა ეს ველი ასეთ მდგომარეობაში იხილეს, მტრის მეომართა სიმრავლით განცვიფრდნენ. ყველაზე მეტად პარმენიონი იყო გაოცებული. ისინი ერთმანეთს შორის ბჭობდნენ, თუ რა ძნელი და მძიმე საქმე იქნებოდა აშკარა თავდასხმით ეგზომ მრავალრიცხოვანი მტრის ოტება. როგორც კი დამთავრა ალექსანდრემ მსხვერპლშეწირვა, ისინი მასთან მივიდნენ და ურჩიეს მტერს დამით დასხმოდა თავს, რათა სიბნელით დაეფარა ის, რაც ყველაზე უფრო მეტად იყო საშიში მომავალ ბრძოლაში. ალექსანდრემ ღირსსახსოვარი პასუხი გასცა: „მე გამარჯვებას არ ვიპარავო“. ზოგიერთმა ეს პასუხი ბავშვურ და ქარაფშუტულ პასუხად ჩასთვალა. მათი აზრით, ალექსანდრე ფრიად დიდ საფრთხეს ეთამაშებოდა. ზოგიერთთა მიხედვით კი ალექსანდრეს აწმყოს იმედი ჰქონდა და მომავალსაც მართებულად ჰგონებდა; მას არ სურდა, თუ დარიოსი დამარცხდებოდა, მისთვის საბაზი მიეცა, რათა კვლავ წამომდგარიყო ფეხზე ბედის საცდელად და ბრალი დამარცხებაში ღამის სიბნელისათვის დაედო ისე, როგორც უწინ დააბრალა თავისი მარცხი მთებს, ვიწრობებსა და ზღვას. მეტისმეტად მრავალრიცხოვანი ძალისა და მიწა-წყლის მფლობელი დარიოსი იარაღის ან მეომართა ნაკლებობის გამო ომს თავს ვერ დაანებებდა. იგი ომს მხოლოდ მაშინ შეწყვეტდა, როცა დღის სინათლეზე გამართულ ბრძოლაში სულით დაეცემოდა, თავის უძლეურობას შეიგნებდა და გამარჯვების იმედს დაკარგავდა.

32. როცა მეგობრები წავიდნენ, ალექსანდრე მოსასვენებლად კარავში შევიდა. ჩვეულების წინააღმდეგ მას თურმე ისე ღრმად ეძინა მოთელი დანარჩენი ღამე, რომ მასთან ალიონზე მისული სტრატეგოსები ფრიად გაკვირდნენ. ისინი იძულებული გახდნენ თვითონ გაეცათ განკარგულება, რათა ჯარისკაცებს დღის საუზმე მიეღოთ. რაკილა ღრთ არ ითმენდა და მთაფარსარდალს კვლავ ეძინა, მასთან შევიდა

პარმენიონი, დადგა მის საწოლთან და ორჯერ თუ სამჯერ სახელი დაუძახა. ალექსანდრემ, როგორც იქნა, გაიღვიძა. პარმენიონმა ჰკითხა, თუ რა იყო, რად სძინავს უკვე გამარჯვებული კაცის ძილით, თითქოსდა ყველა ბრძოლათა შორის უდიდესი ბრძოლა არ მოელოდეს?! ალექსანდრემ ღიმილით უპასუხა პარმენიონს: „განა შენ გგონია, ჩვენ უკვე გამარჯვებული არა ვართ? რამეთუ აღარ გვჭირდება ხეტიალი და ღვერა დარიოსისა. რომელიც ამ ვრცელ, უდაბურ ქვეყანაში აქამდე თავს ვვარიდებდომ?“

თავის სიდიადეს, მოსაზრებულობასა და მხნეობას ალექსანდრე ამქადაგებდა არა მარტო ბრძოლის წინ, არამედ თვით განსაცდელის დროსაც. პარმენიონის სარდლობის ქვეშ მყოფმა მარცხენა ფრთამ ბრძოლაში უკან დახევა და არე-დარევა დაიწყო, ვინაიდან მაკედონელთა რიგებში საოცარი სისწრაფით და ძალით შეიჭრნენ პაქტრიელი ცხენოსნები, ხოლო მამეოსმა¹²² თავისი მხედრები პარმენიონის ფალანგის გარშემოსავლელად გაგზავნა, რათა მერმე თავს დასხმოდნენ ალაღის მცველებს. ორმხრივი მოწოლით შემოთეხულმა პარმენიონმა ალექსანდრესთან მაცნეები აფრინა და მთავარსარდალს შეატყობინა: მთელი ბანაკი და ალაღი დაიღუპება, თუ მეწინავე ნაწილიდან უმაღლეს არ მოაშველებ ჩემს ზურგის რაზმს ძლიერ ძალასო. მოხდა ისე, რომ ალექსანდრე სწორედ ამ დროს თავის მეომრებს შეტევაზე გადასვლის ნიშანს აძლევდა. როცა მან პარმენიონის ამბავი გაიგო, ასე თქვა: „პარმენიონს აზრი და ჭკუა დაუკარგავს და გაჭირვების უამს ავიწყდება ის, რომ თუ გავიმარჯვებთ, ჩვენიცა და მტრის ალაღიც ჩვენი იქნება, ხოლო თუ დავმარცხდით, მაშინ ქონებასა და მონებზე კი არ უნდა ვიფიქროს, არამედ იმაზე, თუ როგორ დავიხსოვოთ სახელოვნად მამაცურ ბრძოლაშიო.“

ალექსანდრემ მაცნეებს უბრძანა მისი ნათქვამი პარმენიონისათვის გადაეცათ და თავზე ზუფი ჩამოიცვა; რაც შეეხება დანარჩენ საჭურველს, ის უკვე კარავში ჰქონდა ასხმული. მისი ქამარშემორტყმული ზედა კაბა სიცილიური იყო. ამ კაბაზე მას ეცვა ისოში მოპოვებული ნადავლიდან აღებული ტილოს ორმაგი ჯავშანი. მთავარსარდალის ზუფი, თეოფილე ოსტატმა რომ გამოჰვდა, რკინისა გახლდათ, მაგრამ ისე ბრწყინავდა, როგორც წმინდა ვერცხლი. მასზე მიმაგრებული იყო ძვირფასი თვლებით მოოჭვლილი რკინისავე საყელური. ალექსანდრეს საოცრად ნაწრთობი და მსუბუქი ხმალი ჰქონდა. იგი მას კიტიონელთა მეფემ¹²³ აჩუქა და მთავარსარდალიც ბრძოლებში უფრო მეტად

ხმლის ხმარებას იყო ნაჩვევი. ატარებდა აგრეთვე მხარზე შესაკვრელ წამოსასხამს, რაც თავისი საუცხოო ნახელავობით მის ყველა საჭურველს სჯობდა. ეს წამოსასხამი უფროსი პელიკონის ხელიდან იყო გამოსული და მთავარსარდალს პატივისცემის აღსანიშნავად ქალაქმართლისა მიართვა საჩუქრად¹²⁴. იგიც მუდამ ხმარობდა მას და ბრძოლათა დროს არ იშორებდა. სანამ ალექსანდრე ფალანგას აწყობდა, ბრძანებას ან რჩევა-დარიგებას აძლევდა მხედრობას, ან სანამ რაზმებს ათვალიერებდა, მანამდის სხვა ცხენზე იჯდა და უკვე სიბერეში შესულ ბუკეფალას ზოგავდა; ხოლო როცა საბრძოლო საქმეს შეუდგებოდა, მაშინ ბუკეფალას მოუყვანდნენ; იგიც გადაჯდებოდა მასზე და მყისვე შეტევაზე გადადიოდა.

33. დარიოსთან ბრძოლის დაწყების წინ ალექსანდრემ გრძელი სიტყვით მიმართა თესალიელებს და სხვა ბერძნებს, რომლებიც ყიფიანით მოითხოვდნენ, ბარბაროსების წინააღმდეგ წაგვიყვანეო. ბერძნებმა ამით მთავარსარდალს მხნეობა შეჰმატეს. მან მაშინ მარცხენა ხელში შუბი დაიჭირა, მარჯვენა ზეცისაკენ აღაპყრო და ღმერთებს, როგორც კალისტენე ამბობს, შეემუდარა: თუ მე ჭეშმარიტად ზეცის შვილი ვარ, მფარველობა გაუწიეთ ბერძნებს და სიმტკიცე შთაუნიშნეთო. ალექსანდრეს გვერდით ცხენზე იჯდა თეთრ ქლამიდში გამოწყობილი წინასწარმეტყველი არისტანდრე თავზე ოქროს გვირგვინით. მან მიუთითა არწივზე, რომელიც ალექსანდრეს თავზე კამარას არტყამდა და პირდაპირ მტრისკენ აეღო გეზი. ყველას, ვინც კი ეს იხილა, უსაზღვრო გამბედაობა შთაენერგა. ამ კეთილის მაუწყებელი ნიშნით აღფრთოვანებული მეომრები ერთმანეთს ამხნევებდნენ და ბრძოლისაკენ უხმობდნენ. მტრის წინააღმდეგ შეტევაზე წასულ ცხენოსნებს სირბილით მიჰყვა ზღვის ტალღებივით მღელვარე მაკედონური ფალანგა; მაგრამ სანამ მეწინავე რაზმები ხელჩართულ ბრძოლაში ჩაებმებოდნენ, ბარბაროსები უკუიქცნენ. მაკედონელები გააფთრებით დაედევნენ მათ. მტრის დამარცხებულ მხედრობას ალექსანდრე სულ უფრო და უფრო ავიწროებდა და შუაგულისაკენ ერგებოდა, სადაც დარიოსი იყო. მთავარსარდალმა სპარსთა მეფე შორიდან დაინახა. იგი წინა ხაზზე ჩამწყრივებული სამეფო რაზმის სიღრმეში იმყოფებოდა და თავის სილამაზითა და წარმოსადგეობით დანარჩენ სპარსთა შორის გამოირჩეოდა. დარიოსი მაღალ საბრძოლო ეტლზე იდგა და მრავალრიცხოვან რჩეულ ცხენოსანთა რაზმით იყო გარე-

მოცული. ეტლის ირგვლივ მჭიდროდ ჩამწყრივებული ცხენოსნები მზად იყვნენ შესაფერად დახვედროდნენ მტერს, მაგრამ მოახლოებულ ალექსანდრე ზარდამცემად მოეწვინა მათ. მთავარსარდალმა გაქცეული სპარსნი ზედ მიაჯარა ჯერ კიდევ ადგილზე დარჩენილ მეომრებს, დააფრთხო და უმრავლესობა აქეთ-იქით მიმოფანტა. მხოლოდ უჰამაცესნი და ფრიად წარჩინებულნი სპარსნი ესალმებოდნენ მეფის გულისათვის სიცოცხლეს. ისინი ერთმანეთზე ეცემოდნენ, მაკედონელთა აბრკოლებდნენ და მომაკვდავნი მათ მხედრებსა და ცხენებს კიდევ უწევდნენ წინააღმდეგობას.

მთელი ეს შემადრწუნებელი ამბავი დარიოსის თვალწინ ხდებოდა. მეფის დასაცავად ჩამწყრივებული მეომრები ძირს ეცემოდნენ, ისე რომ ეტლის მობრუნება და გავლა ადვილი აღარ იყო; დახოცილთა გროვა ბორბლებს გზას უღობავდა და სისხლით ღებავდა, ცხენებიც ყალყზე დგებოდნენ და მეეტლეს შიშის ზარს ჰგვრიდნენ¹²⁵. მაშინ დარიოსმა მიატოვა ეტლი. თავისი საჭურველიც, გადაჯდა, როგორც ამბობენ, ახალგაზრდა ფაშატ ცხენზე და გაქცევით უშველა თავს.

ფიქრობენ, დარიოსი მაშინ ვერ გაიქცეოდა, პარმენიონისაგან რომ კვლავ არ მოსულიყვნენ სხვა მხედრები ალექსანდრესთან. ისინი დაზმარებას მოითხოვდნენ: იქ, პარმენიონთან, მტრის დიდმა ძალამ მოიყარა თავი და არამც და არამც დანებება არ სურსო. საერთოდ პარმენიონს ბრალს სდებენ: ამ ბრძოლაში დუნედ და ფრიად მოუტყნელად მოქმედებდაო. შეიძლება სიბერემ ერთგვარად შეუსუსტა მამაცობა, ანდა შეიძლება ალექსანდრეს ძლიერების აღზევებას ვერ ითმენდა და, როგორც კალისტენე გადმოგვცემს, შურის თვალთ უყურებდა მთავარსარდალს. ერთი სიტყვით, ალექსანდრე მაშინ ძალიან უკმაყოფილო დარჩა, პარმენიონმა რომ ხელმოკრედ სთხოვა შველა; მაგრამ ჭარისკაცებს სიმართლე დაუმალა და უკან დახვევის ნიშანი მიაცემინა, ვითომც ხოცვა-ჟლეტის შესაწყვეტად და თანაც უკვე ბნელდებოა. ამის შემდეგ ზიფათში მყოფ პარმენიონის ნაწილისაყენ გაეშურა. მაგრამ გზაში გაიგო: მტერი სავსებით დაამარცხეს და განდევნესო.

34 ამგვარად დასრულდა ეს ბრძოლა და სპარსთა მბრძანებლობა, ასე ვთქვათ, სავსებით შეიმუხრა. ალექსანდრე აზიის მეფედ აღიარეს. მან ჩინებული მსხვერპლი შესწირა ღმერთებს და მეგობრებიც დაასაჩუქრა: უბოძა მათ სიმდიდრე, სასახლენი და მმართველებად დანიშნა. საკუთარი პატივის განსაღიდებლად ბერძნებს მისწირა, ყოველ-

გვარი ტირანია გაუქმებულია და შეგიძლიათ თქვენ-თქვენი ქალაქები დამოუკიდებლად მართოთ. პლატელებს¹²⁶ ალექსანდრე განსაკუთრებით დაჰპირდა: თქვენს ქალაქს აღვადგენო; თქვენმა წინაპრებმა იმიტომ გადასცეს თავისი ქვეყანა ბერძნებს, რომ აქ ებრძოლათ თავისუფლების გულისათვისო. ნადავლის ნაწილი მთავარსარდალმა კროტონელებსაც გაუგზავნა იტალიაში. ამით პატივი სცა ათლეთ ფაულეს თავგამოდებასა და დიდსულოვნებას სპარსთა ომების დროს. როცა სხვა იტალიოტებმა¹²⁷ უარი განაცხადეს დახმარებოდნენ ბერძნებს, მაშინ ფაულემ საკუთარი სახსრებით აავიო ხომალდი და სალამინისაკენ გასცურა, რათა თვითონაც გაენაწილებინა ბერძენთა ზიფათი.

ასე აფასებდა ალექსანდრე ყოველგვარ სიკეთეს და გარდასულ დროთა საბელოვან საქმეთ მოწიწებით ინახავდა ხსოვნაში.

35. ამის შემდეგ ბაბილონში ილაშქრა მთავარსარდალმა და მთელი ეს მხარე სწრაფად დანებდა მას. ეგპტანასთან¹²⁸ არსებულმა ცეცხლოვანმა ნაპრალმა ფრიალ გააოცა იგი. თითქოს წყაროთ, ისე ამოდიოდა იქიდან ცეცხლი. ამ ნაპრალის მახლობლად ნავთობმა ამოხეთქა ისე უხვად, რომ ირგვლივ ტბა დააყენა. ნავთობი სხვათა შორის ფისსა ჰგავს და ისეთი ამთვისებელია ცეცხლის, რომ სანამ ალი შეეხებოდეს, მანამდის იფეთქებს, თუკი მისი შუქი მოხვდა; ამასთანავე ცეცხლის წყაროსა და ნავთობს შორის ხშირად პერიც იწყის. ბარბაროსებმა, რომელთაც ალექსანდრესათვის ნავთობის ბუნებისა და ძალის ჩვენება უნდოდათ, ის ქუჩა, მეფის დროებითი სადგომისაკენ რომ მიემართებოდა, ნავთობით ოდნავ მორწყეს. მერმე, როცა დაღამდა, ქუჩის თავში დადგნენ და მორწყულ ადგილს ჩირადნები მიუშვირეს. მიიტაცა თუ არა ნავთობით დანამუღმა ადგილმა ცეცხლი, იგი თვალის დასამხამებაში გავრცელდა, სწრაფად მიიღწია მეორე მხარეს და მთელი ქუჩა ცეცხლში გახვია.

იმ მსახურთა შორის, რომლებიც მეფეს აბანოში ემსახურებოდნენ, ტანს ზეითი უხეღდნენ და უგულებლობის ჟამს ხუმრობით ართობდნენ, იყო ერთი ათენელი ათენოფანე. ერთ დღეს აბანოში ალექსანდრეს გვერდით ედგა ფრიალ უსახური და სასაცილო გარეგნობის, მაგრამ სიმღერაში დაოსტატებული ბიჭი, სახელად სტეფანე. ათენოფანემ ალექსანდრეს ჰკითხა: „გინდა, მეფეო, ნავთობის ძალა სტეფანეზე გცადოთ? თუ ამასაც ცეცხლი წაეკიდა და არ ჩაქრა, მაშინ ჩემთვის ცხადი იქნება, რომ მისი ძალა მართლაც დაუძლეველი და საშინელი

ყოფილათ". ბიჭი დიდი ხალისით დათანხმდა მასზე ცდა მოეხდინათ. სტეფანე ნავთობით გათხუპნეს; მერმე ცეცხლი მიუშვირეს. მყისვე იფეთქა სხეულზე ალმა და ბიჭი მთლიანად ცეცხლში გაეხვია. ამის დანახვასე აღექსანდრე მეტისმეტად შეწუხდა და შეშინდა კიდევ. ამ დროს რომ ბედზე მრავალი მსახური არ ყოფილიყო იქ და ხელთ სა-
ბანაო წყლით სავსე ჭურჭლები არ ჰქონოდათ, ცეცხლს ვერათერს დააკლებდნენ. ბოლოს და ბოლოს, როგორც იქნა, ჩააქრეს ცეცხლი და ბიჭი გადაარჩინეს, თუმცა ამის შემდეგ კარგა დიდხანს ეწვალე-
ბოდა.

კაცმა რომ თქვას, კეშმარიტებასთან ახლოს არიან ისინი, რომ-
ლებიც მითის სიმართლის დასამტკიცებლად ამბობენ: ნავთობი ის
შხამი იყო, მედემ რომ გვირგვინი და წამოსასხამი გაჟღინთა, რაზე-
დაც ტრაგედიაშია საუბარიო!²⁹ ცეცხლი თავისთავად არ გასჩენიათ
ამ საგნებს; როცა ალი მიუახლოვეს, მათ სწრაფად მიიზიდეს იგი და
წამში აბრიალდნენო. ცეცხლის ნაკადი, შორიდან რომ მოემართება,
ზოგიერთ სხეულს მხოლოდ სინათლესა და სითბოს შესძენს ზოლზე;
მაგრამ როცა სინათლე და სითბო ისეთ საგანში მოიყრის თავს, რომე-
ლიც ფრიალ ხმელია და საკმაოდ ბევრი ცხიმითაა გაჟღენთილი, ცე-
ცხლად იქცევა და საოცარი სისწრაფით გარდაქმნის სხეულს.

საკუთარი ნავთობის წარმოშობაზე ბაბებს ეჭვს, არის თუ არა
იგი...³⁰ ცეცხლოვანი სითბე, რომელიც ნიადაგიდან გამოდის, სადაც
მიწა ცხიმოვანი და ცეცხლოვანია. აი ბაბილონის ნიადაგი ფრიალ
ცხელია, ისე რომ ქერის მარცვლები ხშირად მიწიდან ამოცვივიან
ხოლმე ჰერში. ვინაიდან იქაური ნიადაგი სიმცხუნვარისაგან ხშირად
ირყევა. ბაბილონის მცხოვრებნი პაპანაქების დროს წყლით სავსე
კუდებზე იძინებენ.

პარპაღემ, რომელიც ბაბილონის მმართველად დატოვეს, თავის
გამოჩენა განიზრახა და გადაწყვიტა მეფის სასახლე და სასიერო
ზეივნები ბერძნული მცენარეებით მოერთო. მან თითქმის ყველა მცე-
ნარე ახარა, მაგრამ სურო ბაბილონის ნიადაგმა არ მიიღო, აქ ვერ
იხარა. ბაბილონის ჰავა მცხუნვარეა, სუროს კი სიციფე უყვარს, სი-
ცხეს ვერ იტანს და ამიტომაც აქ იღუპება.

ასეთი სახის გადახვევა, თუ, რა თქმა უნდა, ზომას არ გადასცდა,
ვფიქრობ, დიდ უკმაყოფილებას არ გამოიწვევს მკაცრი მკითხველე-
ბის მხრივ.

36. ბაბილონის შემდეგ ალექსანდრემ დაიკავა სუზა. მეფის სასახლეში მან ხელთ იგდო ლითონის ფული ორმოცი ათასი ტალანტის რაოდენობით და აღრაცხელი სამკაული და ძვირფასეულობა. აქვე იპოვეს, როგორც ამბობენ, ზუთი ათასი ტალანტის პერმიონული ძოწი, რომელიც ას ორმოცდაათი წლის განმავლობაში იდო აქ თურმე და თავის ფერი ისე ჰქონდა შენახული, თითქოს ახალიაო¹³¹. ამის მიზეზს იმით ხსნიან, რომ ტანსაცმლის წითლად შეღებვის დროს საღებავს ურევენ თაფლს, ხოლო თუ თეთრად შეღებვა უნდათ, მაშინ ხმარობენ თეთრ ზეთს. თაფლი და ზეთი კი ხანგრძლივად ინახავს საღებავის სიხასხასესა და ზზინვარებას. დინონი გვიამბობს¹³², სპარსთა მეფენი წყალსაც კი აზიდინებდნენ ნილოსსა და ისტროსიდან და სხვა ნივთებთან ერთად საგანძურში ინახავდნენ, რათა ამითაც დაემტკიცებინათ თავიანთი ძალაუფლების სიდიადე და ის, რომ მთელი სამყაროს მბრძანებლები იყვნენო.

37. პერსიდა მთაგორიანი მდებარეობის გამო ფრიად მიუვალი მხარეა¹³³; თანაც იმის შემდეგ, რაც დარიოსი გაიქცა, ამ ქვეყანას იცავდნენ უმამაცესნი სპარსნი; მაგრამ პერსიდაში შეღწევის დროს ალექსანდრეს შემწეობა აღმოუჩინა ერთმა იქაურმა კაცმა, რომელმაც ორივე ენა (სპარსულიცა და ბერძნულიც) იცოდა და მაკედონელებს მოკლე შემოსასვლელი გზა უჩვენა. ეს კაცი მამით ლიციელი იყო, დედით კი სპარსი. სხვათა შორის ამბობენ, ალექსანდრე ჯერ კიდევ ბავშვი იყო, პითიამ რომ იწინასწარმეტყველა: სპარსთა წინააღმდეგ ლაშქრობის უამს ალექსანდრეს მეგზური ლიკოსი იქნებაო¹³⁴.

აქ. პერსიდაში, ბევრი ტყვე სპარსი გაყლიტეს¹³⁵. თვითონ ალექსანდრეც წერს, რომ გასცა ბრძანება დაეხოცათ ტყვეები, ვინაიდან ამას თავისთვის სასარგებლო საქმედ თვლიდა.

ამ მხარეში¹³⁶ ალექსანდრემ ხელთ იგდო, როგორც ამბობენ, იმდენივე ფული, რამდენიც სუზაში; რაც შეეხება დანარჩენ სამკაულსა და სიმდიდრეს, იმით გატანას ათი ათასი უღელი ჯორი და ზუთი ათასი აქლემი დასჭირდო.

დარიოსის სასახლეზე იერიშის მიტანის დროს მეომრებმა ქსერქსეს დიდი ქანდაკება კვარცხლბეკიდან გადმოაგდეს. როცა ალექსანდრემ ძირს საცოდავად დაგდებული ქანდაკება იხილა, შეჩერდა და ვით სულიერს ისე მიმართა: „მითხარი, რა გიყო ახლა? ჩავიარო გვერდი და ბერძნების წინააღმდეგ ვალაშქრებისათვის დაგტოვო ძირს დაგდებული, თუ სხვა საქმეებში შენი სიდიადისა და მამაცობი-

სათვის ისევ ფეხზე დაგაყენო?" ბოლოს, დიდი ხნის, ფიქრის შემდეგ, მთავარსარდალმა ქსერქსეს ქანდაკებას გვერდი ჩაუარა...¹³⁷

ვინაიდან უკვე ზამთარი იყო, ალექსანდრემ გადაწყვიტა მხედრობა დაესვენებინა და ამიტომ ოთხ თვეს აქ დაჰყო.

როცა იგი პირველად დაჯდა ოქროთი მოვარაყებულ გავალაქის ქვეშ სამეფო ტახტზე, ამბობენ, კორინთელმა მოხუცმა დემარატემ, რომელიც ალექსანდრეს ერთგული პირი და მამამისის ყოფილი მეგობარი გახლდათ, ტირილი მორთო და ასე თქვაო: რა დიდი სიამოვნება მოაკლდათ იმ ბერძნებს, რომლებიც მანამდის დაიხოცნენ, სანამ ალექსანდრეს დარიოსის ტახტზე დაბრძანებულს იხილავდნენო!

38. პერსიდაში შეყოვნების შემდეგ ალექსანდრემ გადაწყვიტა დარიოსს დადევნებოდა. სწორედ ამ ხანებში მან ნადიმი გამართა და მეგობრებთან ერთად ილხენდა. თავის საყვარლებთან ერთად სანადიოდ მეძაგი ქალებიც მოვიდნენ. ყველაზე უფრო მეტად ამ ქალთა შორის გამოირჩეოდა ათენელი თაისი, იმ პტოლემეოსის საყვარელი, რომელიც შემდეგში მეფე გახდა¹³⁸. თაისი დიდი ოსტატობით ასხამდა ხოტბას ალექსანდრეს და ეხუმრებოდა კიდევ. ბოლოს, როცა ღვინო მოეკიდა, ისეთი რამ თქვა, რაც მისი სამშობლოს ღირსებას შეეფერებოდა, მაგრამ მისთვის მეტად ამალღებული გახლდათ. „იმ წვალებისათვის, რაც აზიაში ხეტიალის ქაშს გადავიტანე, — თქვა მან, — სწორედ დღეს მივიღე ჯილდოდ ის, რომ შემიძლია მასხარად ავიღო სპარსთა ქედმაღალი სეფე-დარბაზები; მაგრამ კიდევ უფრო მეტად სიამოვნებით დაეწვავდი ამ ლხინის დროს ქსერქსეს სასახლეს; ქსერქსემ ხომ ათენი გადაბუგა! მე თვითონ შევუნთებდი ცეცხლს მეფის თვალის წინ, რათა ყველამ თქვას მერმე, ალექსანდრეს ლაშქარში მყოფმა დიაცებმა უფრო მეტად იძიეს შური: სპარსებზე ელადისათვის, ვიდრე ბერძენთა მხედრობის მეთაურებმა ზღვასა და ხმელეთზე გამართული ბრძოლების დროსო“.

თაისის სიტყვას ტაშითა და მხიარული ყიჟინით შეხვდნენ. მეგობრების მოწონებამ და პატივმოყვარეობამ მეფეც ჩაითრია. იგი მყისვე წამოხტა და თავზე გვირგვინით, ანთებული ჩირაღდნით ხელში წინ წარუძღვა თავის მეგობრებს, რომლებმაც ღრძიანცელითა და ყვირილით ალყა შემოარტყეს სასახლეს. ეს რომ გაიგეს, დანარჩენი მაკედონელებიც სიხარულით მოცვივდნენ ანთებული ჩირაღდნებით. ისინი ფიქრობდნენ, სასახლს დაწვა და განადგურება იმის მაჩვენებე-

ლია, მეფე სამშობლოში დაბრუნებაზე ფიქრობს და ბარბაროსებში დარჩენა სრულეებითაც არ სურსო. ზოგიერთი ამბობს, ეს ამბავი ასე მოხდაო, ზოგიერთის გადმოცემით კი სასახლე წინასწარი განზრახვით გადაწვეს. ყოველ შემთხვევაში ყველანი იმ აზრისა არიან, რომ ალექსანდრე მალე მოეგო გონს და ბრძანა ხანძარი ჩაექროთ.

39. ალექსანდრე ბუნებით ფრიად გულუხვი კაცი გახლდათ, ხოლო გაძლიერებასთან ერთად გულუხვობა კიდევ უფრო გაეზარდა. ალექსანდრეს ზელგაშლილობას, რაც მთავარია, თან მადლიც ახლდა, რომლის გარეშეც საჩუქარს ქეშმარიტად ფასი არა აქვს. ამაზე მე რამდენიმე მაგალითს მოვიყვან:

პეონიელთა წინამძღოლმა არისტონმა ერთ-ერთი მტერთაგანი მოკლა, მისი თავი ალექსანდრეს უჩვენა და უთხრა: „ასეთი საჩუქრის სანაცვლოდ ჩვენში ოქროს თასს იძლევიანო.“ — „მართალია, — მიუგო სიცილით ალექსანდრემ, — მაგრამ ცარიელს; მე კი შენ სადღეგრძელოს დავლევ და ღვინით სავსეს მოვართმევო“¹³⁹.

ერთი რიგითი მაკედონელი ჯარისკაცი სამეფო ოქროთი დატვირთულ ჯორს მიერეკებოდა. როცა პირუტყვს ქანკი გამოეღია, ჯარისკაცმა საბალნე თვითონ აიკიდა და წაიღო. მეფემ დაინახა, როგორ მოეზარა იგი ტვირთს, გაიგო, რაშიც იყო საქმე და, როცა ჯარისკაცმა ტვირთის დაგდება დააპირა, უთხრა: „ძალა მოიკრიბე, ცოტა კიდევ გაიარე და ეგ საბალნე შენს კარავში მიიტანეო“.

საერთოდ ალექსანდრეს უფრო მეტად მოსდიოდა გული იმათზე, ვინც არაფერს იღებდა მისგან, ვიდრე მთხოვნელებზე. მაგალითად, მან წერილი მისწერა ფოკიონს, რომ მოშავალში ადარ ჩათვლიდა მეგობრად, თუ მის წყალობაზე კვლავ უარს იტყოდა. სერაპიონს, ერთ-ერთ იმ ჭაბუკთაგანს, რომელთანაც ბუროს თამაშობდა ხოლმე, ალექსანდრე არაფერს არ აძლევდა იმიტომ, რომ იგი არაფერს თხოულობდა. ერთ დღეს თამაშის დროს სერაპიონი ბუროს სულ სხვებს უგდებდა. მეფემ ჰკითხა: „რატომ მე არ მაძლევ ბუროსო“ „შენ არ თხოულობ და იმიტომო“, — უპასუხა სერაპიონმა. ამაზე ალექსანდრეს გაეცინა და ჭაბუკს მრავალი საჩუქარი უბოძა.

ვინმე პროტემ, ლზინის დროს რომ ნიჭიერ ოხუნჯად ითვლებოდა, ერთხელ თურმე მეფის წყრომა დაიმსახურა. როცა მეგობრებმა მეფეს თხოვნა დაუწყეს, პროტეა კი ცრემლებს ღვრიდა, ალექსანდრემ თქვა, შევუბრუნებო. მაშინ პროტემ ალექსანდრეს უთხრა: „თუ

ასეა, მეფეთ, ჭირ რამე საწინდრად მომეცი საამისოდო“. ალექსანდრემ ბრძანა მისთვის ხუთი ტალანტი მიეცათ.

თუ რაზომ დიდი იყო ის სიმდიდრე, რაც მეგობრებსა და ბიარდ მცველებს უნაწილდებოდა, ამას გვიჩვენებს ის წერილი, რომელიც ოლიმპიადამ მისწერა ალექსანდრეს: „შენ, — ამბობს ოლიმპიადა, — სხვა საშუალებით უნდა უქნა სიკეთე მეგობრებს და სხვაგვარად იყოლოდო ისინი პატივში: ახლა კი ყველას მეფეებს უთანაბრებ, მრავალ მეგობარს აძენინებ. ამით კი საკუთარ თავს წირავ და ეუღლად რჩები“. ასეთ წერილებს ოლიმპიადა ხშირად სწერდა, მაგრამ ალექსანდრე მათ მუდამ საიდუმლოდ ინახავდა. მხოლოდ ერთხელ, როცა ჰეფესტიონმა ჩვეულების მიხედვით გახსნილი წერილის წაკითხვა მოინდომა მასთან ერთად, მან ამის ნება დართო, ოღონდ თითიდან ბეჭედი წაიძრო და დაბეჭდვის ნიშნად ჰეფესტიონს პირზე მიაღო.

მაძეოსს, რომელიც დარიოსის კარზე დიდ გავლენიან პირად ითვლებოდა, ჰყავდა შვილი. იგი სასატრაპოს განაგებდა¹⁴⁰; ალექსანდრემ მას მეორე, უფრო დიდი სასატრაპოც შესთავაზა, მაგრამ მან უარი თქვა ამბზე და ალექსანდრეს უთხრა: „წინათ ერთი დარიოსი იყო, ახლა კი შენ. მრავალი ალექსანდრე შექმენი“.

პარმენიონს ალექსანდრემ აჩუქა ბაგოასის სასახლე¹⁴¹, რომელიც სუზასთან მდებარეობდა: ამ სასახლეში, ამბობენ, ათასი ტალანტის ტანსაცმელი იპოვესო. ანტიპატრეს კი წერილობით უბრძანა, თან პირადი მცველები ჰხლებოდა: „შენ წინააღმდეგ შეთქმულებას მოწყობილიო“.

ალექსანდრე დედას ბეერ საჩუქარს უგზავნიდა, მაგრამ სახელმწიფო და საომარ საქმეებში ჩარევის უფლებას არ აძლევდა. დედა ამის გამო შვილს კიცხავდა ხოლმე, მაგრამ ალექსანდრე გულმშვიდად ეგუებოდა მის საყვედურებს. მხოლოდ ერთხელ, როცა გრძელი ბარათი წაიკითხა, რომელიც ანტიპატრემ მისწერა დედამისის წინააღმდეგ, თქვა: ანტიპატრეს არ სცოდნია, დედის ერთი ცრემლი რომ ათი ათას ასეთ წერილს დაგვიწყებსო.

40. ბოლოს და ბოლოს ალექსანდრემ დაინახა, მის გარშემო მყოფი ბირები მეტისმეტად მიეცნენ ფუფუნებას და მეტისმეტად ხელგაშლილად ცხოვრობენ. ასე მაგალითად: ტეოსელი ჰაგონი ვერცხლის ლურსმნებით დაჭედულ ფეხსაცმელებს ატარებდა; ლეონატეს სავარჯიშო ადგილებისათვის საჭირო სილა უამრავი აქლემით ეგვიპტიდან მოსდიოდა; ფილოტას თავის მხრივ სანადიროდ იმდენი ბადე ჰქონდა,

მათი სიგრძე ას სტადიონს უდრიდა; ისინი, რომლებსაც წინათ უბრალო ზეთიც არ მოეძეგებოდათ, ახლა, სანამ დასაბანად და დასაზეთად წავიდოდნენ, ტანზე ძვირფას მალამოს იცხებდნენ; მათ თან ახლდათ მექისენი და პირისფარეშნი, რომელნიც მოვალენი იყვნენ ისინი დაეზილათ და დაეძინებინათ. ალექსანდრე ასეთნაირად განებიერებულ ხალხს წყნარად, ფილოსოფოსის სიბრძნით კიცხავდა: მიკვირს, რომ ამდენი სახელოვანი ბრძოლის გადატანის შემდეგ არ გაავონდებათ, გამარჯვებულნი რომ უფრო მეტი სიამოვნებით იძინებენ, ვიდრე დამარცხებულნი; თქვენ უდარებთ სპარსთა ცხოვრებას თქვენს საკუთარს და ვერ ხედავთ, რომ არაფერი არ არის ფუფუნებაზე უფრო მონური და შრომაზე უფრო მეფუფრია“. განა როგორ მოუვლის თავის ცხენს კაცი, — ეუბნებოდა ალექსანდრე მათ, — როგორ გაიწმენდს შუბსა და მუზარადს, თუ იგი გადაეჩვია მისთვის ძვირფასი საკუთარი სხეულის ხელით შეხებასო?“

სწორედ ამიტომ კიდევ უფრო მეტად იკაუებდა საკუთარ თავს ალექსანდრე ლაშქრობათა და ნადირობათა დროს, არ ერიდებოდა საფრთხესა და გაქირვებას. ერთმა ლაქედემონელმა ელჩმა, რომელიც იმ დროს მოვიდა, როცა ალექსანდრემ ის-ის იყო გვეებერთელა ლომი მოკლა, ასე შესძახა: „სწორედ რომ ღირსეულად შებმისარ, ალექსანდრე, ლომს მეფუფრი დიდებისთვისო!“ ალექსანდრეს ლომზე ნადირობის ამსახველი ბრინჯაოს ქანდაკება დელფოს შესწირა კრატერემ¹⁴². იგი გამოსახავდა ლომს, ძაღლებს, მეფეს, ლომს რომ ერკინებოდა, და თვითონ კრატერესაც, მეფის დასახმარებლად რომ მიისწრაფოდა. ეს ქანდაკება ნაწილობრივ ლისიპემ ჩამოასხა, ნაწილობრივ — ლეოქარემ¹⁴³.

41. ერთი სიტყვით, ალექსანდრე საფრთხეს არ ერიდებოდა ხოლმე, ამით კი საკუთარ თავსაც წრთვნიდა და სხვებსაც მოუწოდებდა სიქველისავენ. მაგრამ მის მეგობრებს სიმდიდრისა და ზვაობის წყალობით განცხრომისა და უსაქმურობის მეტი აღარაფერი უნდოდათ. მათ უკვე უმძიმდათ დაუსრულებელი წანწალი და ლაშქრობა. ასე რომ თანდათანობით იქამდე მივიდნენ, ალექსანდრეზე ძვირის თქმა და ავენობა დაიწყეს. პირველ ხანებში ალექსანდრე ფრიალ მშვიდად იტანდა ამას და ამბობდა: მეფის ზვედრია კარგის ქმნისათვის ავი მოისმინოსო. მართლაც, მის მიერ მახლობლებისადმი გაწეული სულ მცირე სამსახურიც კი დიდი წყალობისა და პატივისცემის მაჩვენებელი გახლდათ. მე რამდენიმე მაგალითს მოვიტან.

ერთხელ პევეკეტას¹⁴⁴. რომელიც დათვმა დატორა და დაკბინა, ალექსანდრემ წერილი გაუგზავნა და გაიკცხა: „ამაზე სხვებს რომ მისწერე, მე რატომ არაფერი მაუწყე; ახლა მაინც მომწერე, როგორ ხარ, და ისიც შემატყობინე, შენი თანამონადირეებიდან ხომ არ მიგატოვებენ, რომ დავსაჯო“.

ჰეფესტიონს, რაღაც საქმეების გამო რომ წასული იყო, შემდეგი მისწერა: „იქნევმონზე¹⁴⁵ ვნადირობთ გასართობად; კრატერე შემთხვევით პერდიკას ხელშეზღუდვით დაეცა და ორივე თეძოში დაიჭრა“.

როცა პევეკეტა განიკურნა, ალექსანდრემ ალექსიპე ექიმს წერილით გადაუხადა მადლობა.

კრატერეს ავადმყოფობის დროს ალექსანდრემ ცუდი სიზმარი ნახა; ამიტომ კრატერეს გამოჯანმრთელების გამო მსხვერპლი შესწირა და მასაც ურჩია ასევე მოქცეულიყო. მკურნალ პავსანიას, რომელსაც გადაწყვეტილი ჰქონდა კრატერესათვის ხარისძირა მიეცა, ალექსანდრემ მისწერა ბარათი, სადაც ერთი მხრივ თავის წუხილს გამოთქვამდა, მეორე მხრივ კი ექიმს ურჩევდა, თუ როგორ ეხმარა წამალი.

ეფიალტე და კისე, რომლებმაც პირველად აღუწყეს ჰარპალეს გაქცევისა და განდგომის ამბავი, ბორკილებში ჩასვა, ვინაიდან მისი აზრით ისინი ცილს სწამებდნენ ვაყვაცს.

როცა ალექსანდრე ავადმყოფებსა და მოხუცებს შინ აბრუნებდა, ერთი მეომარი, ევრილოქე ეგეელი, ავადმყოფებში ჩაეწერა; მაგრამ როცა გამომჯდა, არავითარი ავადმყოფობა არ სჭირდა, გამოტყდა: ტელესიპაზე ვარ შეყვარებული; იგი მიდის და ზღვის პირამდე მივდიოდა გამეცილებინათ. ალექსანდრემ ჰკითხა: რა წოდებას ეკუთვნის ეგ ქალი? — თავისუფალი ყოფაქცევის ქალიაო, — უპასუხა ევრილოქემ, „რაკილა ეგ რეა, — უთხრა ალექსანდრემ, — ჩვენც თანავიგობნობთ, ევრილოქე, სიყვარულში. რახან ტელესიპა თავისუფალი ქალია, ნახე ერთი, რა თ შეიძლება მისი დაყოლიება, რომ დარჩეს: სიტყვით თუ საჩუქრებითო?“

42. ზემოაღნიშნულთან ერთად გაკვირვების ღირსია ისიც, როგორ ახერხებდა ალექსანდრე ეშოვა თავისუფალი დრო და მეგობრებისათვის სულ უმნიშვნელო ამბებზე მიეწერა ხოლმე წერილები. ერთ-ერთ წერილში, მაგალითად, იგი ბრძანებას იძლევა მოძებნონ სელევკეს¹⁴⁶ მონა ბიჭი, რომელიც კილიკიაში გაიქცა; მეორეში აქებს პევეკეტას იმიტომ, რომ მან კრატერეს მონა ნიკონი შეიპყრო; მეგაბიძოსს¹⁴⁷ წე-

ჩილს სწერს ერთი მონის თაობაზე, რომელმაც თავი ტაძარს შეაფარა, და უბრძანებს, თუ შეგიძლია მონა ტაძრიდან გამოიტყუე და ისე დაიჭირო, ტაძარში კი ხელს ნუ ახლებო.

პირველ ხანებში, როცა ალექსანდრე სისხლის სამართლის საქმეებს არჩევდა ხოლმე, ამბობენ, ბრალდებულის ლაპარაკის დროს ცალ ყურზე ხელს იფარებდა, რათა ერთი ყური ბრალდებულის სასარგებლოდ წმინდად დაეცვა და ცილისწამება არ მოესმინა. მაგრამ შემდეგში დაუსრულებელი დასმენების წყალობით ფრიად სასტიკი გახდა და ნამდვილი ბრალდების გარდა სიცრუესაც ჭეშმარიტებად მიიჩნევდა. ყველაზე უფრო მეტად მაშინ კარგავდა გონებას, ხდებოდა მრისხანე და შეუზრახლებელი, როცა საკუთარ თავზე ცუდ რასმე მოისმენდა, ვინაიდან სახელი სიცოცხლეზე და მეფობაზე უფრო მეტად უყვარდა.

ალექსანდრე დარიოსის დევნას არ წყვეტდა, რადგანაც განზრახული ჰქონდა კვლავ შებრძოლებოდა მას; მაგრამ როცა გაიგო, დარიოსი ბესას¹⁴⁸ შეუპყრობო, მაშინ თესალიელები შინ გაუშვა და თანაც ხელფასის გარდა თითოეულს ორი ათასი ტალანტი საჩუქრად უბოძა.

დარიოსის დევნა მეტად ძნელი და ხანგრძლივი გამოდგა, ალექსანდრემ ცხენით სამი ათას სამასი სტადიონი მანძილი განვლო. მეომართა უმრავლესობა საშინლად მოიქანცა: განსაკუთრებით უწყლობამ შეაწუხა მხედრობა. ამ გაჭირვების დროს ალექსანდრეს გზად შემოეყარა რამდენიმე მაკედონელი, რომელნიც მდინარიდან მოდიოდნენ და ტიკებით ჭორებზე წყალი მოჰქონდათ. როცა მათ შუადღის პაპანაქება სიციხეში წყურვილისაგან დატანჯული ალექსანდრე დაინახეს, მყისვე გაავსეს მუზარადი წყლით და მიართვეს. ალექსანდრემ იკითხა: „ვისთვის მიგაქვთ ეგ წყალი?“ „ჩვენი საკუთარი ბავშვებისათვის, — უბასუხეს. — მაგრამ ოღონდ შენ იცოცხლე და ჩვენ კიდევ გაეაჩნეთ შვილებს, თუ ესენი დაგველუბებაო“. ეს რომ მოისმინა, ალექსანდრემ მუზარადი ხელში აიღო, ირგვლივ მიმოიხედა და, როცა გარშემო მყოფი მხედრები დაინახა, რომელთაც თავები მოებრუნებინათ და სასმელს ხარბად შესცქეროდნენ, წყალი არ დალია, სავსე მუზარადი უკან დააბრუნა, მძლავრად გადაუხადა და თქვა: „მე რომ მარტო დავლიო, ესენი სულით დაეცემიანო“. მხედრებმა რომ მისი თავშეკავებულობა და დიდსულოვნება დაინახეს, ცხენებს მათარახები შემოკრეს და ყიჟინით მიმართეს მეფეს: დაგვენდე, მეფეო, და კვლავ წინ გავვიძებ; ჩვენ ამიერიდან

არც დაღლა, არც წყურვილი არ შეგვაწუხებებს და არც მოკვდავებად ჩავთვლით თავს, სანამ ასეთი მეფე გვეყოლებაო.

43. გულმოდგინეობა ყველამ ერთნაირი გამოიჩინა; მაგრამ, ამბობენ, მტრის ბანაკში შეჭრა მეფესთან ერთად მხოლოდ სამოცმა კაცმა მოახერხაო. ისინი აქ მიწაზე დახვავებულ ოქროსა და ვერცხლის ზეინებზე გადადიოდნენ, ქალებითა და ბავშვებით დატვირთულ, უწინამძღოლოდ სხვადასხვა მხარეს მიმავალ დიდძალ ეტლებს უკან იტოვებდნენ და მტრის მეწინავე რაზმებს მისდევდნენ, სადაც, მათი აზრით, დარიოსი უნდა ყოფილიყო. ბოლოს ძლიერღივივობით იპოვეს იგი. შუბებით მთლად დაცხრილული დარიოსი ეტლში იწვა და სულს დაფუტდა¹⁴⁹; მაგრამ წყალი მაინც მოითხოვა და, როცა ცივი წყალი დალია, წყლის მიმწოდებელს, პოლისტრატეს, უთხრა: „აი, მეგობარო, ეს წამი აღსასრულისა ყველა ჩემს ბედუკუდმართობაზე უფრო მეტწევავა, იმიტომ რომ სიკეთისათვის სამაგიეროს ვერ მოგიზღავე. მაგრამ შენ ალექსანდრე გიბოძებს სანაცვლოს, ალექსანდრეს კი ღმერთები გადაუხდიან იმ კეთილმოწყალებისათვის, რომელიც მან დედაჩემსა და ჩემს ცოლ-შვილს გაუწია. შენი მეშვეობით მას ამ ჩემს მარჯვენა ხელს ვართმევ“. თქვა თუ არა ეს, დარიოსმა პოლისტრატეს ხელი აიღო და სული გაანუტევა.

როცა ალექსანდრე მოვიდა, ამ უბედური შემთხვევით გამოწვეული მწუხარება ვეღარ დაფარა. მან მოიძრო საკუთარი ქლამიდი და დარიოსის გვამს დააფარა. შემდეგ, როცა ბესა შეიპყრო, ასე დაასჯევინა: ორი სწორი ხე ერთიმეორისაკენ დახარეს; ორივეზე ბესას სხეული ხელფებით მიაკრეს და მერმე ხეებს ხელი უშვეს; ისინი სწრაფად დაუბრუნდნენ თავიანთ პირვანდელ მდგომარეობას და მათზე მიკრული სხეული საშინელი ძალით გაგლიჯეს¹⁵⁰.

დარიოსის გვამი ალექსანდრემ მეფური პატივით შეამოსინა და დედამისს გაუგზავნა; დარიოსის ძმა ექსათრე კი მეგობრად აღიარა.

44. ალექსანდრემ ამის შემდეგ რჩეული მხედრობით ფეხი პირკანიაში შედგა. აქ იხილა ზღვის უბე, რომელიც ბონტოზე მცირე ჩანდა, მაგრამ მისი წყალი სხვა ზღვების წყალზე უფრო მტკნარი იყო. ალექსანდრემ ამ ზღვაზე სააწმუნო გერაფერი შეიტყუო და ყველაზე უფრო მართებულად ის მოეჩვენა, რომ შეიძლება იგი მეოცისის ტბის ნაწილი ყოფილიყო¹⁵¹. სხვათა შორის, ბუნებისმეტყველებმა იცოდნენ ჰემმარიტება და ისინი ჯერ კიდევ ალექსანდრეს ლაშქრობამდე მრავალი

წლით ადრე მოგვითხრობდნენ, იმ ოთხი უბიდან¹⁵², რომელნიც გარე ზღვიდან¹⁵³ ხმელეთში არიან შეჭრილნი, ყველაზე უფრო ჩრდილოეთით მდებარეობს ის, რომელიც პირქანიისა ანუ კასპიის ზღვად იწოდება.

აქ, პირქანიაში, ვილაც ბარბაროსები უეცრად თავს დაესხნენ იმ მაკედონელებს, რომელთაც მეფის ცხენი ბუკეფალა მიჰყავდათ და პირუტყვი წაართვეს. ამან ალექსანდრე ფრიალ შეაწუხა. მან მაცნე გაუგზავნა ბარბაროსებს და დაემუქრა, თუ ცხენს არ დაუბრუნებდნენ, ყველას ცოლშვილიანად ამოჟლეტდა; მაგრამ როცა ბარბაროსები მოვიდნენ, ცხენი მოუყვანეს და ქალაქებიც ჩააბარეს, იგი ალერსიანად მოექცა ყველას და ცხენში გამოსასყიდიც კი მისცა იმათ, რომლებმაც იგი გაიტაცეს.

45. აქედან ალექსანდრე პართიაში¹⁵⁴ გადავიდა და აქ, მოცლილობის ქამს, პირველად ჩაიცვა ბარბაროსული ტანისამოსი. ამით უნდოდა ადგილობრივ ზნე-ჩვეულებებს შეგუებოდა ალბათ იმ აზრით, რომ ადამებისა და ტომობრივი წესების ერთნაირობა ხალხთა მოთვინიერებას გააადვილებდა; ან იქნებ ცდას ატარებდა, თუ როგორ შეძლებდნენ მეფის ახალ წესზე თავყვანისცემას¹⁵⁵ მაკედონელები, რომელთაც თანდათანობით აჩვევდა შერიგებოდნენ მის მიერ ცხოვრების ნირის შეცვლასა და გადასხვაფერებას. ალექსანდრეს არჩევანი წმინდა მიდიურ ტანისამოსზე, მეტისმეტად ბარბაროსულსა და უცნაურზე, არ შეჩერებულა. მას არ ჩაუცვამს გრძელი შარვალი და ხიფთანი და არც ჩალმა დაუხურავს. მან მშვენივრად შეუხამა ერთმანეთს სპარსული და მიდიური სამოსი. იგი სპარსულზე უფრო მდიდრული იყო, მიდიურზე კი უფრო სადა.

პირველ ხანებში ამ სამოსელს ალექსანდრე სასახლეში ატარებდა — ბარბაროსებთან ან მეგობრებთან შეხვედრის დროს; მერმე კი, ასეთრიგად მორთული, ცხენზე შემჯდარი საჯაროდ გამოდიოდა და მოლაპარაკების დროსაც ამ ტანსაცმელში გამოჩნდებოდა ხოლმე. ეს სანახაობა მეტად მძიმე იყო მაკედონელთათვის; მაგრამ მისი უდრეკი ხასიათით სხვა მხრივ აღტაცებულნი, ფიქრობდნენ, საჭირო იყო დაეთმოთ მისთვის ზოგიერთი რამ, რაც მას სიამოვნებას მოჰგვრიდა და განდიდებაში დაეხმარებოდა. მის მრავალ საგმირო საქმეთა გარდა მაკედონელებმა იცოდნენ, მაგალითად, ისიც, რომ ალექსანდრე სულ ახლახან დაიჭრა წვივში ისრით და დამსხვრეული ძვალი გარეთ გამოუვარდა;

ერთხელ კიდევ ქვა მოხვდა კისერში ისე, რომ თვალებზე ბინდი გადაეკრა და კარგა ხანს ასეთ მდგომარეობაში იყო. მიუხედავად ამისა, იგი მაინც არ ცხრებოდა, საკუთარ თავს არ ზოვავდა და ნიადაგ საფრთხეში აგდებდა. მაშინ როცა მუცელკეთილით იყო დააფარებული, მან გადალახა მდინარე ორექსარტე¹⁵⁶, რომელიც ტანაისი¹⁵⁷ ეგონა, უკუაქცია სკვითები და ასი სტადიონის მანძილზე ცხენდაცხენ მისდევდა.

46. მრავალი მწერალი ამბობს, აქ, პართიაში ალექსანდრეს ამაძონების დედოფალი ეწვიაო. ამ მწერალთა შორის არიან: კლიტარქე, ბოლიკლიტე, ონესიკრიტე, ანტიგენე და ისტროსი; მაგრამ არისტოზულე, სამეფო კარის მდივანი ქარესი, პტოლემეოსი, ანტიკლიდე, ფილონ თებელი, ფილიპე თეანგელელი და ამათ გარდა პეკატე ერეტრიელი, ფილიპე ქალკიდელი და დურის სამოსელიც ამბობენ, ეს მოჭოროლი ამბავიაო. როგორც ჩანს, ამას თვითონ ალექსანდრეც უდასტურებს მათ. სახელდობრ, ანტიბატრეს დაწვრილებით სწერს ყველაფერს და, სხვათა შორის, ამბობს, რომ სკვითთა მეფემ ქალიშვილის მითხოვება შესთავაზა, მაგრამ ამაძონს სრულებითაც არ იხსენიებს. კიდევ იმათაც გადმოგვცემენ, რომ დიდი ხნის შემდეგ უკვე გამეფებულ ლისიმაქეს ონესიკრიტე თავისი თბუღლების მეორე წიგნს უკითხავდა, რომელშიაც ამაძონის ამბავი იყო აღწერილი, ლისიმაქემ წყნარად ჩაიკინა თურმე და ონესიკრიტეს უთხრა: „კი მაგრამ მე სად ვიყავი მაშინო?“ ერთი სიტყვით დაიჯერებს ვინმე ამ ამბავს თუ არ დაიჯერებს, ამით მისი პატივისცემა ალექსანდრეს მიმართ არც შემცირდება და არც გაიზარდება¹⁵⁸.

47. იმის შიშით, რომ მავედონელებს ლაშქრობის გაგრძელებაზე უარი არ ეთქვათ, ჯარის დიდი ნაწილი ალექსანდრემ ადგილზე დატოვა; ის რჩეული მხედრობა კი, პირქანიაში რომ ჰყავდა და ოცი ათასი ფეხოსნისა და სამი ათასი ცხენოსნისაგან შედგებოდა, თან წაიყვანა. ალექსანდრე მეომრებს ასე ეუბნებოდა: ბარბაროსები ჭერჭერობით ისე გვიცქერიან შაკედონელებს, თითქოს სიზმარში გვხედავდნენ; თუ ჩვენ აზიის შეჯანჯლარების შემდეგ უკან დავიხევთ, ისინი მყისვე დავგვსნ-მიან თავს, ვით ღამფრთხალ დიაცებსო. მიუხედავად ამისა, მაინც ნება დართო, ვისაც უნდოდა სამშობლოში დაბრუნებულიყო; მაგრამ ყველა ღმერთი დაიმოწმა, რომ სამშობლოში დაბრუნების მსურველნი ბედის ანაბარა ტოვებენ მას რამდენიმე მეგობრისა და მოხალისე მეომრის

ამაჩა მკედონელებისათვის მთელი სამყაროს დაპყრობის უამს. ეს თითქმის სიტყვასიტყვით გაიმეორა ალექსანდრემ ანტიპატრესადმი მიწერილ ბარათში. აქვე ამბობს იმასაც, რომ როცა ეს სიტყვა წარმოთქვა, ყველამ ერთხმად შესძახა თურმე: ქვეყნის რომელ კიდეშიც გნებავს, წაგვიყვანეთ.

რაკილა ამ ცდამ გაუმართლა, დანარჩენი მხედრობის დაყოლიებაც აღარ იყო ძნელი. ყველა ხალხისით მიჰყვა უკან.

ამ დროიდან მოკიდებული ალექსანდრე კიდევ უფრო მეტად უხამებდა საკუთარი ცხოვრების ნირს მკვიდრთა ადამ-წესებს და თავის მხრივ ადგილობრივ მოსახლეობას მკედონელთა ზნე-ჩვეულებებს უახლოებდა. იგი ფიქრობდა, ასეთი ურთიერთაღრევის ნიადაგზე წარმოქმნილი კეთილგანწყობილების წყალობით უფრო მეტად განმტკიცდებოდა მისი ძალაუფლება, ვიდრე ძალადობის გზით, იმ დროს, როცა იგი ამ ქვეყანას საკმაოდ შორი მანძილით გაეცლებოდა. ამავე მიზნით შეარჩევინა სპარსთა შორის ოცდაათი ათასი ყრმა, მიუჩინა მათ მრავალი ზედამხედველი და ბრძანება გასცა ბავშვებისათვის ბერძნული ენა და მკედონური იარაღის ხმარება ესწავლებინათ. ასეთივე მოსაზრება ამოძრავებდა ალბათ ალექსანდრეს, როცა ცოლად როქსანა შეირთო¹⁵⁹; თუმცაღა უნდა ითქვას, ამ ქორწინების საბაზი მხოლოდ და მხოლოდ სიყვარული იყო. ეს მშვენიერი, მოხდენილი ასული ერთ-ერთი ლხინის დროს იხილა, შეუყვარდა და დაასვენა, რომ მასთან შეუდლება ამბავთა მსვლელობისათვის სწორედ შესაფერი იყო. ამ საქორწინო კავშირით აღფრთოვანებულ ბარბაროსებს ფრიად მხურვალედ შეუყვარდათ ალექსანდრე, რადგანაც გასათვარი თავდაქერილობა გამოამჟღავნა და იმ ერთადერთ ქალს, რომლის სიყვარულის ტყვეობაში მოექცა, კანონიერი ქორწინების გარეშე ხელი არ ახლო.

ალექსანდრე ხელაფდა, რომ საუკეთესო მეგობართაგან ჰელესტიონი იწონებდა მის მოქმედებას და მასთან ერთად ეგუებოდა ცხოვრების ახალ ნირს; კრატერე კი მამაბაპური აღათების ერთგული რჩებოდა. ამიტომ იყო, რომ ალექსანდრე ბარბაროსებთან ურთიერთობისათვის პირველს იყენებდა, ხოლო მეორის მეშვეობით ბერძენ-მკედონელთა საქმეებს აგვარებდა. საერთოდ, ჰელესტიონი უფრო მეტად უყვარდა, კრატერეს კი პატივს სცემდა და ხშირად ამბობდა: ჰელესტიონს ალექსანდრე უყვარს, კრატერეს კი მეფეო. ამის გამო მათ შორის ფარული მტრობა გაღვივდა და ხშირად ამკარა შეხლა-შემოხლაც

ხდებოდა. ერთხელ ინდოეთში საქმე ხელჩართულ ბრძოლამდეც კი მივიდა; მათ ერთმანეთის წინააღმდეგ ხმლები იმშიშვლეს, თითოეულ მათგანს თავ-თავიანთი მეგობრებიც წამოეშველნენ; მაგრამ ამ დროს მოიჭრა ალექსანდრე; მან საჯაროდ გამოლანძღა ჰეფესტიონი და უთხრა, რომ იგი რეგვენი და ქკუთარეული ყოფილა. რაჟილა არ ესმის, რომ იმ შემთხვევაში, თუკი მას ვინმე ალექსანდრეს წაართმევს, არაარაობა იქნება. რაც შეეხება კრატერეს. იგი ალექსანდრემ განმარტოებით საკმაოდ მრისხანედ გაკიცხა; ბერძენ პირისპირ შეაზვედრა ორივე, შეარიგა და დაიფიცა ამონიკა და სხვა ღმერთებიც, რომ ისინი ადამიანთა შორის ყველაზე უფრო მეტად უყვარს: „მაგრამ თუ კიდევ გავიგე თქვენი წაკიდების ამბავი, — ეუბნებოდა მათ, — ან ორივეს მოგვლავთ, ანდა იმას, ვინც პირველად ატეხს ჩხუბს თქვენ შორისო“. გადმოგვცემენ, ამიერიდან ჰეფესტიონსა და კრატერეს ერთმანეთისათვის საქმით კი არა, ხუმრობითაც აღარ უკადრებიან რაო.

48. რაც შეეხება პარმენიონის შვილს ფილოტას, მამაცობისა და ამტანი ხასიათის წყალობით ფრიად დიდი პატივით სარგებლობდა მაკედონელთა შორის; მასავით გულუხვი და მეგობართა ერთგული კაცი ალექსანდრეს შემდეგ თითქმის არავინ იყო. ასე, მაგალითად, გადმოგვცემენ: ერთხელ თურმე ერთ-ერთმა ახლობელმა ცოტაოდენი ფული სთხოვა. მან ბრძანა მთხოვნელისათვის ფული მიეცათ. ხაზინის გამგებელმა ფილოტას მოახსენა: ფული არა მაქვსო. „რას ამბობ. — შეჰყვირა თურმე ფილოტამ, — ფული თუ არა, ძვირფასი ტანსაცმელი მაინც როგორ არა გაქვსო?!“ მაგრამ მეორე მხრივ სიამაყით გულზე მოსული და ატრაცხელი სიმდიდრის წყალობით გაამპარტაცნებული ფილოტა ისე უვლიდა თავის სხეულს და ისეთნაირ ცხოვრებას ეწეოდა, მასავით, ასე ვთქვათ, პატარა კაცს სრულებითაც არ შეეფერებოდა. თავის ღირსებასა და დიდსულოვნებას უხეში და უცნაური საქციელით ყოველგვარ ფასს უკარგავდა და ამით მხოლოდ ექვსა და შურს იწვევდა. სწორედ ამიტომ უთხრა ერთხელ პარმენიონმა: „ეცადე, შვილო, ცოტა უფრო მოკრძალებული იყოო“.

ფილოტა კარგა ხანია უკვე დასმენილი ჰყავდათ ალექსანდრესთან. როცა დარიოსი კილიკიაში დაპარცხდა და დამასკოში მისი ქონება მაკედონელებმა ხელთ იგდეს, იმ მრავალრიცხოვან ტყვეთა შორის, ალექსანდრეს ბანაკში რომ მიიყვანეს, აღმოჩნდა ერთი ლამაზი ვარგებობის პიღბელი ქალი, სახელად ანტიგონე. იგი წილად ხვდა ფილოტას. ფი-

ლოტა, ვითარცა ახალგაზრდა კაცი, როგორც კი შეზარხოშდებოდა ღვინით. ფრიად თავისუფლად ლაპარაკობდა ხოლმე თავის საყვარელ-თან; იგი ტრაბახით ჰყვებოდა თმში გარდახდილ საგმირო ამბებს და ყველაზე უფრო მნიშვნელოვანსა და სახელოვან საქმეთ თავსა და მა-მამისს მიაწერდა, ალექსანდრეს კი ბავშვს ეძახოდა და ამბობდა: ჩვენი წყალობით მიიღო მთავარსარდლის სახელიო. ეს სიტყვები ამ ქალმა ერთ თავის მახლობელს გადასცა; ამან კი, როგორც ეს ჩვეულებრივ ხდება ხოლმე, თავის მხრივ სხვას უამბო; ბოლოს და ბოლოს ამ ამ-ბავმა კრატერემდე მიიღწია. კრატერემ მოჰკიდა ხელი ანტიგონეს და მალულად ალექსანდრესთან მიიყვანა. მოისმინა რა ამ ქალისაგან ყვე-ლაფერი, ალექსანდრემ უბრძანა კვლავ გაეგრძელებინა კავშირი ფილო-ტასთან და ყოველივე, რასაც კი გაიგებდა, პირდაპირ მისთვის ეუწყე-ბინა.

49. ფილოტა ვერ მიხვდა, რომ მის წინააღმდეგ შეთქმულება იყო მოწყობილი, ამიტომ კვლავინდებურად განაგრძობდა ანტიგონესთან ცხოვრებას და გაბრაზების ქაშის მრავალი უხამსი სიტყვით იხსენიებდა ხოლმე მეფეს.

ასე რომ ალექსანდრეს უკვე ბლომა სამხილებელი მასალა მოეპო-ვებოდა ფილოტას წინააღმდეგ, მაგრამ, მიუხედავად ამისა, მაინც დუმდა და თავს იკავებდა. ალექსანდრე ამას ან იმიტომ აკეთებდა, რომ პარმენიონის ერთგულებას ეკიდებოდა ნდობით, ან არადა შეიძლე-ბა მამა-შვილის ძალისა და გავლენისა ეშინოდა.

სწორედ ამ ხანებში ერთმა მაცედონელმა, სახელად ლიმნემ, წარმო-შობით ქალესტრელმა¹⁶⁰, ალექსანდრეს მოსაკლავად შეთქმულება მო-აწყო და ერთ ახალგაზრდას, ნიკომაქეს, რომელთანაც სასიყვარულო ურთიერთობა ჰქონდა, წინადადება მისცა საქმის თანამონაწილე გამე-დარიყო. ნიკომაქემ ამაზე უარი თქვა და ეს ამბავი თავის ძმა კებალი-ნეს¹⁶¹, აუწყა. კებალინე ფილოტასთან მივიდა და სთხოვა, იგი და მისი ძმა ალექსანდრესთან მიეყვანა: ფრიად აუცილებელი და მნიშვნელო-ვანი საქმე გვაქვს მოსახსენებელიო. ფილოტამ კი გაურკვეველი მიზე-ზით ისინი მას არ წარუდგინა: მეფეს ამეამად სხვა უფრო მნიშვნე-ლოვანი საქმეები აქვსო. ასე მოიქცა იგი ორჯერ. ბოლოს ძმებმა ეჭვი მიიტანეს ფილოტაზე და ახლა სხვა პირს მიმართეს¹⁶². მისი მეშვეობით ისინი წარადგინეს ალექსანდრესთან. ძმებმა უწინარეს ყოვლისა ლიმ-

ნეს შეთქმულებაზე მოახსენეს; მერე კი ფილოტაზეც უთხრეს გაკრით: ორგზის ვიყავით მისგან უყურადღებოდ დატოვებულნიო.

ამ ამბავმა ალექსანდრე ფრიად გაახელა. მყისვე აფრინეს კაცი ლომნეს შესაპყრობად; მაგრამ მოხდა ისე, რომ ლომნე თავის დაცვის დროს მოკლეს. იმ ფიქრმა, შეთქმულების ძაფი დამისხლტა ხელიდანო, მთლად გააცოფა მთავარსარდალი.

რაკი დაინახეს, მეფე შემწყრალია ფილოტაზეო, მის ძველ მტრებს საბაბი მიეცათ უკვე აშკარად ეთქვათ: მეფის მხრივ წინაუხედაობა აქნება, თუ ფიქრობს. რომ ვიღაცა ქალესტრელ ლომნეს მისდათავად შეეძლო ამისთანა გაბედული საქმისათვის ხელი გამოეღო; იგი ამ შემთხვევაში მსახურს ან, უკეთ რომ ვთქვათ, იარაღს წარმოადგენდა, რომელიც ვიღაცის უფრო მძლავრი ხელით იყო ამოქმედებულიო. მათი აზრით, შეთქმულები უნდა მოეძებნათ იმ პირთა შორის, რომელთაც ყველაზე უფრო მეტად მოუტანდა სარგებლობას ამ შეთქმულების დაფარვა.

როგორც კი მეფემ ამგვარ ხმებსა და ვჭევებს გულდასმით მიაპყრო ყური, მყისვე წამოვიდა ათასობით ბრალდება ფილოტას წინააღმდეგ. ბოლოს იგი შეიპყრეს და მეფის შეგობრების თანდასწრებით წამებით დაჰკითხეს. ალექსანდრე საგანგებოდ ჩამოშვებული ფარდის უკან იდგა და ასე უსმენდა ბრალდებულს. როცა ფილოტამ გმინვა მორთო და დამცირებული ეგედრებოდა პეტესტიონს, ალექსანდრემ, როგორც ამბობენ, ასე დაუძახა თურმე: „ნუთუ, ფილოტავ, ასეთმა სულმდაბალმა და ლაჩარმა ადამიანმა გაბედუე ამოდენა საქმეზე ხელის გამოღებაო?!"

დასაჩვენს თუ არა სიკვდილით ფილოტა, მაშინვე აფრინა კაცები მიიღიაში, რათა მოეკლათ პარმენიონიც, ის კაცი, რომელმაც ბევრი სამსახური გაუწია ფილიპეს და ალექსანდრე ყველაზე უფრო მეტად წააქეზა აზიაში ლაშქრობა დაეწყო. იმ სამი შვილიდან, მას რომ ჰყავდა, ორის სიკვდილი ჯერ კიდევ ადრევე იხილა საკუთარი თვალით ლაშქრობის ქაშს, მესამესთან ერთად კი თვითონაც დაიღუპა¹⁵³.

ასეთი საქციელის ჩადენის შემდეგ ალექსანდრე მეტად საშიშ პიროვნებად იქცა ბევრი შეგობრისათვის. განსაკუთრებით საშიში გახდა იგი ანტიპატრესთვის, რომელმაც ფარულად გაგზავნა ელჩები ეტოლიელებთან და მათთან მჭიდრო კავშირი შეკრა. ეტოლიელებს ეშინოდათ ალექსანდრესი იმის გამო, რომ ენიადი¹⁵⁴ დაანგრის. როცა

ალექსანდრემ ამ ქალაქის დარბევის ამბავი გაიგო, ასე თქვა თურმე: ერთილეუბს ენიაღის შვილები კი არა, მე თვითონ დავსჯით.

50. მცირე ხნის შემდეგ ამ ამბავს მოჰყვა კლიტოსის¹⁶⁵ მოკვლა. იგი რომ უბრალოდ აღვწერთ, გაცილებით უწყალოდ მოგვეჩვენება, ვიდრე ფილოტას სიკვდილი; მაგრამ თუ ყველაფერს გავითვალისწინებთ და ჩავუყვირდებით მიზეზსა და გარემოებას, დავინახავთ, რომ ეს საქმე მეფემ ჩაიდინა არა წინასწარი განზრახვით, არამედ რაღაც უბედური შემთხვევის წყალობით, რომ მეფის რისხვამ და სიმთვრალემ მისცა საბაზი უკუღმართ ბედისწერას კლიტოსი დაედუბა. ეს ამბავი შემდეგნაირად მოხდა.

ზღვის სანაპიროდან მოსულმა პირებმა მეფეს ბერძნული ხილი მითხრეს. ქორფა, ლამაზი ხილის დანახვით ალტაცებულმა მეფემ მიიპატიჟა კლიტოსი, რათა ძღვენი ეჩვენებინა და მისთვისაც გაენაწილებინა. კლიტოსი ამ დროს მსხვერპლშეწირვით იყო გართული, მაგრამ თავი ანება ამ საქმეს და ალექსანდრესთან გაემართა. მოხდა ისე, რომ სამი სამსხვერპლოდ გამზადებული ცხვარი კლიტოსს უკან დაედევნა. როცა ეს ამბავი მეფემ გაიგო, თავის მისწრაფს, არისტანდრესა და ლაქედემონელ კლეომანტეს აუწყა. მისწრაფმა განაცხადეს: ეს ცუდი ნიშანი არისო. მაშინ ალექსანდრემ ბრძანება გასცა უშალვე შეეწირათ მსხვერპლი კლიტოსის ხსენისათვის, ვინაიდან ამ სამი დღის წინ მეც ცუდი სიზმარი ვნახეო. მას ეზმანა, ვითომ კლიტოსი იჯდა შავი წამოსასხამებით შებურვილ პარმენიონის შვილებთან, რომლებიც დაიხოცნენ. ერთი სიტყვით, ცოდვათა მოსანანიებელი მსხვერპლშეწირვის აღსრულებას კლიტოსმა ბოლომდე აღარ მოუცადა და წვეულებაზე მივიდა სწორედ იმ დროს, როცა მეფემ დიოსკურებისათვის ზეარაკის შეწირვა ის-ის იყო დაამთავრა.

გაჩაღდა თუ არა მზიარული ღრეობა-ქეიფი, დაიწყეს სიმღერა ვინმე პრანიქესა თუ, რთგორც ზოგიერთი ამბობს, პიეროინეს ლექსებისა, რომლებიც შეთხზული იყო ბარბაროსთა მიერ სულ ახლახან დამარცხებული სარდლების განსაქიქებლად და დასაცინად. მონადიმეთა შორის მყოფი ხანშიშესული სტუმრები ამაზე გაბრაზდნენ და ლანძღვა-გინება დაუწყეს როგორც პოეტს, ისე მომღერალს; მაგრამ ალექსანდრე და მისი ახლობელი მეგობრები სიამოვნებით უსმენდნენ ამ სიმღერებს და მომღერალს უბრძანეს, თავისი საქმე გაეგრძელებინა. კლიტოსი, რომელსაც ღვინო უკვე მოჰქიდებოდა და ბუნებით ფიცხი

და თავისნება ვაზლდათ, ყველაზე მეტად აღშფოთდა. იგი ამბობდა, ღამაში არაა მაკედონელთა შეურაცხყოფა ბარბაროსთა და მტრების თანდასწრებითო. ეს მაკედონელები, მიუხედავად იმ უბედურებისა, მათ რომ შემთხვევით, ბევრად უკეთესები იყვნენ, ვიდრე ისინი, ვინც მათ დასცინიანო. ალექსანდრემ ამაზე შენიშნა: კლიტოსი თავის თავსაც იცავს, როცა სილანირეს უბედურ შემთხვევას უწოდებსო. კლიტოსი ადგილიდან წამოიჭრა და მეფეს შეჰყვირა: „სწორედ ამ სილანირემ დაგიხსნა შენ, ღმერთთა შვილო, მაშინ, როცა სპითრიდატეს ხმაღს ზურგი უჩვენე! სწორედ მაკედონელთა სისხლითა და ჭრილობებით აღზევდი შენ ეგზომ მალლა, რომ ფილიპეს მამად აღარა სცნობ და თავს ამონის შვილად ასაღებო!“

51. „არამზადაც,—მიუგო ადელეებულმა ალექსანდრემ კლიტოსს,—ნუთუ გგონია, მუდამ გაიზარებ, ასეთ სიტყვებს რომ ამბობ ჩემზე და მაკედონელებს მიშფოთებ?!“—„არა, ალექსანდრე, არა,—მიუგო მან,—აბა რა გვაქვს სასიხარულო, როცა იმ ღვაწლისათვის, რაც დავიმსახურეთ, ასეთ სამაგიეროს ვღებულობთ? ჩვენ გვჭურს იმათი ბედი, ვინც აღრევე დაიხოცნენ და ვერ ზედავენ, თუ როგორ სცემენ მიდიური ჯოხებით მაკედონელებს და როგორ თხოულობენ სპარსებისაგან ესენი საკუთარ მეფესთან მისეღის უფლებას!“

კლიტოსის ასეთ თავისუფალ გამოსვლას ალექსანდრეს მეგობრები წინ აღუდგნენ და კლიტოსს ლანძღვა დაუწყეს; უფრო ხნიერები კი შფოთის დაწყნარებას ცდილობდნენ. ალექსანდრე ამ დროს მოუბრუნდა ქსენოლოქე კარდიელს და კოლოფონელ არტემიოსს და ჰკითხა: „როგორ გგონიათ, ბერძნები ვანა ისე არ გამოირჩევიან მაკედონელებში, როგორც ღმერთკაცები მხეცებში?“

კლიტოსი არ ცხრებოდა; იგი ალექსანდრეს მოუწოდებდა ხმამალლა ეთქვა ის, რაც სურდა; წინააღმდეგ შემთხვევაში ნუ იწვევდა სუტრაზე თავისუფლად მოაზროვნე და გულახდილ ვაჟაკებს და ეცხოვრა ბარბაროსებთან და მონებთან ერთად, რომლებიც თავყანს სცემენ მის სპარსულ სარტყელს და თეთრ წამოსასხამს. ახლა კი ვეღარ შეიკავა რისხვა ალექსანდრემ, სტაცა ხელი მის წინ დაყრილ ვაშლებში ერთ-ერთს, ესროლა სახეში კლიტოსს და მახვილს დაუწყო ძებნა: მაგრამ ერთ-ერთ მის პირად მცველ არისტოფანეს¹⁶⁶ უკვე მოესწრო მახვილის დამალვა. მონადიმენი ალექსანდრეს გარშემოერტყნენ და ემუდარებოდნენ დამშვიდებულყო; მაგრამ იგი ადგილიდან წამოსტა,

მკედონურ ენაზე ხმამაღლა მოუხმო თავის მოისართ (ეს დიდი საფრთხის მაუწყებელი იყო), მეზუქეს კი უბრძანა, ნიშანი მიეცა და თან მუშტი ჰკრა სახეში იმის გამო, რომ არ ემორჩილებოდა და ნიშნის მიცემას აყოვნებდა. შემდეგში ეს მეზუქე დიდ პატივში ჰყავდათ; მისი წყალობით იყო მაშინ, რომ ლაშქარში განგაში არ ატყდა.

რაკილა კლიტოსი ალექსანდრეს წინაშე უკან არ იხევდა, მეგობრებმა ძლივს გაიყვანეს სანადიმო დარბაზიდან. მაგრამ იგი კვლავ შემოვიდა სხვა კარიდან და უტიფრად და გესლიანად დაიწყო ევრიპიდეს „ანდრომაქედან“ იამბიკური ლექსის კითხვა:

გაი, რა ავი ადამები აქვთ ელადში...167

მაშინ ალექსანდრემ გამოსტაცა ერთ-ერთ შუბოსანს შუბი და სხეულში გაუტარა კლიტოსს, რომელსაც კარის ფარდა გადაეწია და მეფესთან მისვლას ლაშობდა. კლიტოსი გულგამგმირავი ბლავილით დაეცა ძირს; ალექსანდრეს მყისვე გაუარა რისხვამ და, როცა გონს მოსულმა მის ირგვლივ დუმილით მდგარი მეგობრები დაინახა, სწრაფად ამოაძრო კლიტოსის გვამს შუბი და საკუთარ კისერში უნდა ჩაეცა; მაგრამ იგი შეაჩერეს. პირადმა მცველებმა ხელები გაუაყვეს, ზე ასწიეს და ძალით საწოლ ოთახში შეიყვანეს.

52. მთელი ღამე განუწყვეტელ ოხვრა-კვნესაში გაატარა მთავარსარდალმა. მეორე დღეს კი გოდებისაგან უკვე ღონემიხილი უსიტყვოდ იწვა და ხანდახან მძიმედ დაიკვნესებდა. მეფის ღუმილმა მისი მეგობრები ფრიად შეაშფოთა და ძალით შევიდნენ მასთან. იგი არავის არ უსმენდა; მაგრამ როცა მისანმა არისტოდრემ კლიტოსზე ნანახი სიზმარი და მსხვერპლშეწირვის დროს აგისმომასწავებელი ნიშანი გაახსენა, იმის დასამტკიცებლად, მომხდარი შემთხვევა უკვე დიდი ხანია ბედისწერამ გადაწყვიტაო, ალექსანდრემ მაშინ თურმე ოდნავი შეება იკრძნო. მერმე არისტოტელეს ნათესავი ფილოსოფოსი კალისტენე და აბდერელი ანაქსარქე შეიყვანეს მასთან. კალისტენე ცდილობდა ალერსიანი სიტყვებით ენუგეშებინა იგი და მომხდარ ამბავზე ისე გადაკვრით ელაპარაკა, ზედმეტი ტყვილი არ მიეყენებინა. ანაქსარქემ კი, რომელიც ფილოსოფიაში თავიდანვე საკუთარი გზით მიდიოდა და იმით გაითქვა სახელი, რომ გაცვეთილ, ჩვეულებრივ აზრებს ქედმაღლობითა და ზიზღით ექცეოდა, შემოსვლისთანავე შეჰყვირა:

„განა ეს არის ალექსანდრე, რომლისკენაც ახლა მთელი სამყაროს თვალია მიპყრობილი? ეს ისე წევს და ტირის, ვითარცა მონა, რამეთუ ეშინია კაცთა კანონისა და ძრახვისა, იმ კაცთა, რომელთათვისაც თვითონ უნდა იყოს კანონი და სამართლიანობის განსახიერება! მან ხომ იმიტომ გაიმარჯვა, რომ იმბრძანებლოს და სხვები ჰყავდეს მორჩილებაში და არა იმიტომ, რომ სხვების ლიტონ აზრებს ემონოს! განა შენ არ იცი, — მიმართა მერმე ალექსანდრეს, — რომ ზევსს გვერდით დიკე და თემიდა¹⁶⁸ უსხედან, რათა ყველაფერი ის, რაც მბრძანებელმა ჩაიდინა, თვით განგებისაგან ნებადართულად და სამართლიანად იქნას აღიარებული?“

ასეთი და სხვა ამის მსგავსი სიტყვების წყალობით ანაქსარქემ მართლაც შეუმსუბუქა მეფეს ტანჯვა, მაგრამ ხასიათი კი შეუცვალა და ბევრად უფრო ამპარტავანი და უსამართლო გახდა. ამით მან მეფის განსაკუთრებული წყალობა დაიმსახურა და იმდენი მოახერხა, რომ კალისტენეს საუბარს მეფის თვალში ყოველგვარი ფასი დაუკარგა, მით უფრო, რომ კალისტენე პირქუშობისათვის არცთუ მაინცდამაინც უყვარდა ალექსანდრეს.

ამბობენ, ერთხელ, სადილობის ეამს, საუბარი ჩამოვარდა ამ მხარეში¹⁶⁹ წლის დროებისა და ამინდის შესახებო. კალისტენე იმათ აზრს უჭერდა მხარს, ვინც ამბობდა: აქაური ჰავა უფრო ცივია და ზამთარი უფრო სუსხიანი, ვიდრე საბერძნეთისაო. როცა ანაქსარქემ საწინააღმდეგოს მტკიცება და დავა დაიწყო, კალისტენემ ასე უთხრა თურმე: „შენ მაინც უნდა აღიარო ჩვენთან ერთად ის, რომ აქ უფრო ცივა, ვიდრე ელადაში; შენ ხომ იქ გაცვეთილ წამოსასხამში ატარებდი მთელ ზამთარს, აქ კი სამ ხალიჩაში გამოხვეულ ბარ წამოწოლილიო“. ამან ფრიად დიდი შეურაცხყოფა მიაყენა ანაქსარქეს და კალისტენე კიდევ უფრო შეიძულა.

53. რაც შეეხება დანარჩენ სოფისტებსა და პირობთნე ხალხს, კალისტენემ ისინიც აიძუდრა თავის წინააღმდეგ. ამის მიზეზი კი ის იყო, რომ ახალგაზრდობას უყვარდა იგი ენამჭევრობისათვის, ხოლო ხანშიშესულებს არანაკლებ მოსწონდათ მისი თავშეკავებული ცხოვრება, დარბაისლობა და საკუთარი ხვედრით კმაყოფილება. მათ მოწონებას კალისტენე იმიტაც იმსახურებდა, რომ ამართლებდა უცხოეთში თავისი მოგზაურობის იმ მიზეზს, რაზეც ყველა ლაპარაკობდა. იგი თურმე ფრიად სახელოვანი მიზნით მივიდა ალექსანდრესთან; მას

სურდა საკუთარი სამშობლო¹⁷⁰ კვლავ აღედგინა და იქ თანამოქალაქნი დაებრუნებინა.

გარდა იმისა, რომ კალისტენეს ისედაც შურის თვალთ შესცქეროდნენ მისი სახელის გამო, იგი თვითონაც აქლევდა ცილისმწამებლებს დაბეზღების საბაბს. სახელდობრ, მეფის მიწვევაზე თითქმის ყოველთვის უარს ამბობდა და, თუ ოდესმე მის სუფრას ეწვეოდა, გოროზი გამომეტყველებითა და ღუმილით ამკლავებდა, რომ თვალში არ მოსდიოდა ის, რაც მის გარშემო ხდებოდა. სწორედ ამის გამო თქვა მასზე ალექსანდრემ:

მძულს მე ისეთი ბრძენი, რომელიც
თავის თავისთვის არ არის ბრძენი¹⁷¹.

როგორც ვადმოგვცემენ, ერთ დღეს მეფესთან გამართულ ნადიმზე, სადაც ბევრი სტუმარი იყო მიწვეული, კალისტენეს სთხოვეს ღვინით სავსე თასით ხელში მაკედონელები შეეჭო. მან ისეთი ენაწყლიანობით შეასრულა თურმე ეს თხოვნა, რომ სტუმრები ფეხზე ადგნენ, კალისტენე ტაშით დააჯილდოვეს და გვირგვინებითაც შეამკეს. მაგრამ ალექსანდრემ ევრიბიდე დაიმოწმა და კალისტენეს მისი სიტყვებით უთხრა:

როს საუცხოო საბაბი გაქვს საღაპრად,
ენაშვევრობა სრულებითაც არ არის ძნელი¹⁷².

და დაუმატა: „უკეთესია შენი მჭევრმეტყველების ძალა მაკედონელთა გაიციზებით გვიჩვენო, რათა გაიგონ თავიანთი შეცდომები და უკეთესები გახდნენო“. კალისტენემ მართლაც მიმართა პალინოდიას და ამჯერად მეტად გულახდილად ილაპარაკა მაკედონელების წინააღმდეგ. თავის სიტყვაში ის აზრი გაატარა, ფილიპეს აღზევებისა და გაძლიერების მაზეზი ბერძენთა შორის არსებული უთანხმოება იყო, და დასძინა:

თუ ხალხში თანხმობა მცირებს, პატევშია თვით არამზადაც.

ამ სიტყვით საშინელი და უსაზღვრო ზიზღი დაიმსახურა მაკედონელებში. რაც შეეხება ალექსანდრეს, მან შენიშნა: კალისტენემ ამით ენაშვევრობაზე უფრო მეტად მაკედონელებისადმი მტრობა გამოამჟღავნაო.

54. ეს ამბავი, როგორც ჰერმიპე¹⁷³ ამბობს, კალისტენეს წიგნის მკითხველმა სტრებოსმა¹⁷⁴ არისტოტელეს აუწყა და ისიც გადასცა.

როცა კალისტენემ შეუთხა წყრომა შენიშნა, თურმე წასვლის დროს
თარჯერ თუ სამჯერ გაუმეორა:

მოკვდა თვით პატროკლე, ვინაც ბევრად იყო ძვირფასი შენზე 175.

არისტოტელე, როგორც ჩანს, არ შემცდარა, როცა უთქვამს: კა-
ლისთენე მჭევრმეტყველებით მართლაც ძლიერი და დიდი იყო, მა-
გრამ ჭკუა არ ჰქონდათ. ყოველ შემთხვევაში კალისტენემ, რო-
გორც ფილოსოფოსს შეეფერებოდა, გადაჭრით გაილაშქრა ალექსან-
დრეს თაყვანისცემის წინააღმდეგ და მხოლოდ მან გამოთქვა აშკარად ის
გულისწყრომა, რომელსაც ბევრი კეთილშობილი და უზუცესი
მაკედონელი გულში იმარხავდა. კალისტენემ დიდი სირცხვილი აც-
დინა ბერძნებს და კიდევ უფრო დიდი შერცხვენისაგან იხსნა თვით
ალექსანდრეც, რომელსაც უარი ათქმევინა თაყვანისცემის ახალ წეს-
ზე: მაგრამ საკუთარი თავიც დაიღუპა, ვინაიდან ცხადი იყო, რომ
იმდენად კი არ დაარწმუნა მეფე, რამდენადაც აიძულა ასე მოქ-
ციულებოდა 176.

მიტილენელი ქარესი მოგვითხრობს: ერთ ნადიმზე ალექსანდრემ
ფილა დასცალა და ერთ-ერთ მეგობარს გაუწოდა. ამან ჩამოართვა
თურმე სასმისი, მივიდა სამსხვერპლო ბომონთან და იქ დამდგარმა და-
ლია. შემდეგ ალექსანდრეს მიუახლოვდა, ჯერ თაყვანი სცა, მერმე
აკოცა, შემდეგ კი თავის ადგილს დაუბრუნდა და მხარეთმცოდნე წა-
მოწვა 177. დანარჩენებმა რიგრიგობით მიჰბადეს მას. ბოლოს კალისტენემ
აიღო ფილა და სწორედ იმ დროს დალია, როცა მეფე ყურადღებას
არ აქცევდა და ჰეფესტიონს ესაუბრებოდა. სასმისის დაცლის შემ-
დეგ კალისტენე საკოცნელად ალექსანდრესთან გაემართა, მაგრამ დე-
მეტრიოსმა, რომელსაც მეტსახელად ფილოს ეძახდნენ, ალექსანდრეს
შეჰყვირა: „არ აკოცო მაგას. მხოლოდ მაგან არ გცა თაყვანი შენო!“
ალექსანდრემ მართლაც აარიდა თავი მის კოცნას. მაშინ კალისტენემ
ხმაძალდა წამოიძახა: „რა გქნა ახლა, წავალ ასე, ერთ კოცნას მოკ-
ლებულიო.“

55. ალექსანდრესა და კალისტენეს შორის ასე თანდათანობით გაჩა-
ღებული მტრობის დროს ჰეფესტიონმა ყველაზე ადრე დააჯერა ალექ-
სანდრე, რომ კალისტენე დაპირდა მას მეფისათვის თაყვანი ეცა. მაგ-
რამ პირობა გატეხა. მერმე ლისიმაქე და პაგრონე შეუჭრდნენ მეფეს
და ეუბნებოდნენ: ეს სიბღიბე ისე ამპარტავნულად დადის, გვეო-

ნება. ტირანია მოესპოს: თანაც ახალგაზრდა ბიჭები დასდევნენ კულოში და თაყვანს სცემენ, ვითარცა ერთ-ერთ თავისუფალ კაცს მრავალათასთა შორისო.

ამიტომაც, როცა ჰერმოლეს შეთქმულება¹⁷⁸ გამოემყვანდა, რაც ალექსანდრეს წინააღმდეგ იყო მიმართული, აშკარა გახდა, რომ დამბეზღებლები თითქოს მართლა სდებდნენ ბრალს კალისტენეს; ისინი აშბობდნენ: როცა ჰერმოლემ კალისტენეს ჰკითხა, როგორ შეიძლება ადამიანი სახელოვანი გახდესო, მან უპასუხა: „ფრიად სახელგანთქმული ადამიანის მოკვლითო“. გარდა ამისა, — უმატებდნენ ისინი, — აქვებდა რა ჰერმოლეს კალისტენე ამ საქმის შესასრულებლად, ეუბნებოდა: ნუ შეგეშინდება ოქროს სარეცლისა და გახსოვდეს, რომ საქმე გვაქვს ადამიანთან, რომელიც ისევე მორჩილია ავადმყოფობისა და ისევე შეიძლება დაიჭრას, როგორც ყველა სხვაო.

მიუხედავად ამისა, ჰერმოლეს არც ერთ თანამზრახველს არ დაუსახელებია კალისტენე შეთქმულების მონაწილედ უსაშინლესი წამების დროსაც. ალექსანდრეც იმ წერილებში, რომლებიც მაშინვე გაუგზავნა კრატერეს, ატალესა და ალექტას¹⁷⁹, ამბობს, რომ წამებას მიცემული ახალგაზრდები გამოტყდნენ დანაშაულში, მხოლოდ ჩვენ ჩავიღინეთ ეს საქმე, სხვა თანამზრახველი არ გვყოლიათ. მაგრამ უფრო გვიან, ანტიპატრესადმი მიწერილ ბარათში ალექსანდრე სტეზებთან ერთად ბრალს კალისტენესაც სდებს: „ახალგაზრდა შეთქმულები, — ამბობს იგი, — მაკედონელებმა ჩაქოლეს, ამ სოფისტს კი მე თვითონ დავსჯი ისევე, როგორც მის აქ გამომგზავნელებს და იმათ, ვინც ჩემ წინააღმდეგ შეთქმულებს თავისი ქალაქების კარს უხსნიანო“. ამ სიტყვებით ალექსანდრე პირდაპირ ააშკარავებს თავის წყრომას არისტოტელეს მიმართ, რომელთანაც კალისტენე აღიზარდა, როგორც მისი ნათესავი. იგი არისტოტელეს ზიძაშვილი ქალის ჰეროს შვილი გახლდათ.

რაც შეეხება კალისტენეს, ზოგიერთის ცნობით იგი ჩამოახრჩო ალექსანდრემ, ზოგიერთი კი გადმოგვცემს, ბორკილებში ჩასმული საპყრობილეში ავადმყოფობით გარდაიცვალაო. ქარესის მიხედვით, კალისტენემ დატყვევებიდან შვიდი თვის შემდეგ განუტევა სული, მანამდე კი ბორკილები ედო ფეხებზე და მცველები ჰყავდა მიჩენილი. იგი უნდა გასამართლებულიყო სამბოში არისტოტელეს თანდასწრებით, მაგრამ სწორედ იმ დღეებში, ალექსანდრე რომ ინდოეთში

ლაშქრობდა და მალეებისა და ოქსიდრაკების მხარეში დაიჭრა, საშინლად დასივებული და ტილებდახვეული კალისთენე ტანჯვით გარდაიცვალა¹⁸⁰.

56. ზემოაღწერილი ამბავი საკმაოდ გვიან მოხდა. უფრო ადრინდელ ამბავთაგან კი უნდა აღენიშნოთ შემდეგი: უკვე სიბერეში მყოფმა კორინთელმა დემარატემ გადაწყვიტა, რაღაც არ უნდა დასჯდომოდა ალექსანდრესთან წასულიყო. როცა მან ალექსანდრე ნახა, ასე უთხრა თურმე: დიდი სიამოვნება მოაკლდათ იმ ბერძნებს, რომლებიც მანამდე დაიხოცნენ, სანამ ალექსანდრეს დარიოსის ტახტზე მჯდარს იხილავდნენ¹⁸¹. დემარატე დიდხანს ვეღარ დატება მეფის წყალობით; იგი მალე ვახდა ავად და გარდაიცვალა. მას ჩინებული პატივი სცეს; ალექსანდრეს მხედრობამ განსვენებულს დიდი ყორღანი აღუმართა. ამ ყორღანის სიმაღლე ოთხმოც წყრთას აღწევდა. რაც შეეხება დემარატეს ნეშტს, იგი საუცხოოდ მორთული ოთხცხენიანი ეტლით ალექსანდრემ ზღვის სანაპიროზე მიატანინა¹⁸².

57. როცა ინდოეთში შეჭრა დააბირა, ალექსანდრემ დაინახა, რომ მისი მხედრობა ნაღავლით უკვე მეტისმეტად დაიტვირთა და ისე დამძიმდა, განძრევა დიახაც უჭირდა; ამიტომ, გარიჟრაჟზე, როცა ურმები უკვე გამზადებული იყო, ჯერ საკუთარი ოთხთვალა ეტლებისა და მეგობრების ალაღის დაწვა დაიწყო, მერმე კი ბრძანება გასცა დანარჩენ მაკედონელთა ურმებისათვისაც შეენთოთ ცეცხლი. აღმოჩნდა, რომ ამ საქმის განზრახვა გაცილებით უფრო ძნელი იყო, ვიდრე მისი სისრულეში მოყვანა. მართლაც, ასეთი ნაბიჯის გადადგმამ მხედრობის ფრიალ მცირე ნაწილი შეაწუხა, უმრავლესობა კი ყოყინით შეხვდა ამ ამბავს, რაღაც განგების ძალის მიერ შთაგონებული აღფრთოვანებით დაურიგეს გაჭირვებულთ ის აუცილებელი საგნები, რაც მათ სჭირდებოდათ. ზედმეტი ქონება კი დასწევს და გაანადგურეს. ალექსანდრეს ამით სიმხნე და ახალი ლაშქრობისათვის მეტი გაბედულება შეჰმატეს მეომრებმა.

სხვათა შორის, იგი უკვე მრისხანე და შეუბრალებელი გახდა დანაშავეთა დასჯის დროს. ასე მაგალითად, ერთ-ერთი ჰეტეროსი მენანდრე, რომელიღაც ციხე-სიმაგრის უფროსად რომ დანიშნა, სიკვდილით დასაჯა მხოლოდ იმიტომ, რომ მან არ მოინდომა იქ დარჩენა. როცა მის წინააღმდეგ ბარბაროსები ამხედრდნენ, ერთი მათგანი ორსოდატე ალექსანდრემ თვითონვე განგმირა მშვილდ-ისრით.

სწორედ ამ ხანებში ერთმა ცხვარმა დაბადა ბატყანი, რომელსაც თავზე მოყვანილობითაც და ფერთაც ჩალმის მსგავსი ხორცმეტი ჰქონდა, ხოლო ორივე მხარეს წყვილ-წყვილი ჰანჭალი ესხა. ამ სასწაულმა ალექსანდრე ფრიად შეაშფოთა და ცოდვებისაგან თავი განაწმენდინა ბაბილონელებს. რომლებიც ჩვეულებრივ თან ჰყავდა და ასეთი შემთხვევების დროს იმსახურებდა. მან მეგობრებს უთხრა, რომ არა საკუთარი თავის, არამედ მათ გამო წუხს; რომ ეშინია, მისი სიკვდილის შემდეგ ბედისწერამ ძალაუფლება არ გადასცეს ვინმე უგვარო და ლაჩარ კაცს. მაგრამ შემდეგში მოხდა ისეთი სასწაული, რამაც ალექსანდრეს სასოწარკვეთილება გაუქრო. პირისფარეშთა უფროსი, ვინმე მაკედონელი პროქსენე სამეფო კარვისათვის მდინარე ოქსოსის¹⁸³ მახლობლად მიწის თხრის დროს წააწყდა ერთ წყაროს, რომლის წყალი ბლანტი და ცხიმოვანი იყო. როცა წყალს თავი მოართევს, ქვემოდან ანკარა და გამჟვირვალე ზეთმა იჩქეფა, როგორც აღმოჩნდა, არც სუნით და არც გემოთი იგი არ განსხვავდებოდა ზეთუნის ზეთისაგან, თუმცაღა ამ ქვეყანაში ერთი ზეთისხილის ხეც არ იყო; ამბობენ, თვითონ ოქსოსის წყალიც ფრიად რბილია და შიგ მობანავეთა კანს ცხიმით ჰფარავსო. თუ რაზომ დიდი იყო ალექსანდრეს აღტაცება ამ სასწაულით, ეს ჩანს იმ წერილიდან, რომელიც ანტიპატრეს გაუგზავნა ამის თაობაზე. ალექსანდრე წერს, რომ იგი ამ სასწაულს თვლის ყველაზე დიდი სიკეთის მაუწყებელ ნიშნად იმ სასწაულთა შორის, რომლებიც ღვთაებამ მოუვლინა. მისნები კი ამბობდნენ: ეს, მართალია, სახელოვან, მაგრამ ფრიად ტვირთმძიმე და ძნელ ლაშქრობას მოასწავებს, ვინაიდან ზეთი იმიტომ მისცეს ღმერთებმა ადამიანებს, რომ შრომაში ცოტა სიმსუბუქე იგროძნონო.

58. ინდოეთის ბრძოლებში მრავალი საფრთხე გარდახდა ალექსანდრეს და რამდენიმე მძიმე ჭრილობაც მიიღო. დიდმა სიკვდილიანობამ, რაც სურსათის ნაკლებობითა და იქაური მკაცრი ჰავით იყო გამოწვეული, მისი მხედრობა საკმაოდ შეამცირა. მიუხედავად ამისა, ალექსანდრე ცდილობდა ბედისწერას სიმამაცით გამკლავებოდა, ხოლო ძალა ზასიითის სიმტკიცით გადაელახა. იგი ფიქრობდა: მამაცთათვის არაფერია დაუძლეველი, ლაჩრებს კი ვერავითარი სიმამრე გერ დაიცავსო.

ამბობენ, რომ სისომითრეს მიერ დაცავებული ციცაბო და მთუვალი

კლდის გარემოცვის დროს ალექსანდრემ იმედდაკარგული მეომრების დანახვაზე ოქსიარტეს¹⁸⁴ ჰკითხა, როგორი ბუნების კაცია სისიმიოთრეო? მაგაზე შშიშარა კაცი ადამიანებში არ მოიპოვებაო, უბასუხა ოქსიარტემ. „მაგით, — მიუგო ალექსანდრემ, — შენ იმას ამბობ, რომ ეს კლდე სულ ადვილად ასაღები უნდა იყოს ჩვენთვის, რაკი მისი გამგებელი მტკიცე ვაჟკაცი ვერ ყოფილაო“. მან შეაშინა თურმე სისიმიოთრე და ეს კლდე მალე აიღო.

როცა მეორე, ასეთივე ციკაბო კლდეს¹⁸⁵ შემოარტყა ალყა, მასზე იერიშის მიტანა ალექსანდრემ ახალგაზრდა მაკედონელებს უბრძანა და ერთ-ერთ მათგანს, სხეულად ალექსანდრეს უთხრა: „რაც შეგეხება შენ, ყველაზე მეტად გმართებს სიმამაცის გამოჩენა, თუნდაც იმ სახელის გულისათვის, რომელსაც ატარებო“. ეს ყმაწვილა მართლაც გაჟვაცურად იბრძოდა და მამაცური სიკვდილით დაეცა კიდეც. ამან ფრიად ატკინა გული თურმე მთავარსარდალს.

ეგრეთ წოდებული ნისის¹⁸⁶ სიმავრეზე იერიშის მიტანას მაკედონელები აცოვენდნენ. ამ ადგილს ღრმა მდინარე ჩამოუდიოდა. მის ნაპირზე ალექსანდრეც შეჩერდა და წამოიძახა: „რატომ არ ვისწავლე მე ტუტუტმა ცურვაო!“ ხელში მომარჯვებული ფარით მან მაინც გადაწყვიტა მდინარეზე გადასვლა.

ბრძოლის დამთავრების შემდეგ ალყაშემორტყმულ ქალაქიდან მასთან ზავის სათხოვრად მოვიდნენ ელჩები. ისინი განცვიფრდნენ, როცა მეფე უბრალო ტანსაცმელში, იარაღით ხელში და ამაღის გარეშე დაინახეს. ალექსანდრემ ბალიში მოატანინა და ყველაზე უხუცეს ელჩს, სხეულად აკუფისს სთხოვა აეღო და დამქდარიყო. გაუკვირდა აკუფისს მისი კეთილშობილება და კაცთმოყვარეობა და ჰკითხა: რის შესრულებას მოითხოვ ჩვენგან, რომ შენი მეგობრები გავენდეთო? ალექსანდრემ უბასუხა: „შენმა ხალხმა თავის მმართველად შენ უნდა აგირჩიოს და ჩვენ მძევლებად ასი საუკეთესო ვაჟკაცი გამოგვიგზავნოსო“. აკუფისს ამაზე გაეცინა და უთხრა: „ხელმწიფევ, მე უფრო უკეთესად მოვუგლი ჩემს სამეფოს, თუ შენ ასი საუკეთესო ადამიანის ნაცვლად ამდენივე არამზადის გამოგვიგზავნიო“.

59. როგორც გამმოგვცემენ, ტაქსილეს¹⁸⁷ ეკავა ინდოეთის ნაწილი, რომელიც თავისი სიდიდით ეგვიპტეს არ ჩამოუვარდებოდა და საუცხოო იალალებითა და ძვირფასი ნაყოფის მომტანი მიწებით იყო მდიდარი. ეს ტაქსილე ჰქვანი კაცი გახლდათ. იგი ალურსიანად მიე-

სალმა ალექსანდრეს და უთხრა: „განა რა საჭიროა, ალექსანდრე, ერთმანეთს შორის ომი ვაწარმოოთ და ვიბრძოლოთ, თუკი იმისთვის არ მოსულხარ, რომ წყალი და ატეცილებელი საზრდო წაგვართვა? გონიერი ხალხი ხომ მხოლოდ ამ საგნებისათვის ხდება იძულებული ბრძოლას მიმართოს. რაც შეეხება სხვა, ეგრეთ წოდებულ სიმდიდრესა და ქონებას, თუკი შენზე მეტი მაქვს, მზად ვარ შემოგთავაზო; მაგრამ თუ შენზე ნაკლები მაქვს, მაშინ უკან არ დავიხევ მაღლიერების გრძნობით შევხედო ჩემთვის გაღებულ მოწყალებასო“. ესიაზონა ეს სიტყვები ალექსანდრეს, გაუწოდა ტაქსილეს ხელი და უთხრა: „ნუთუ გგონია, ჩვენი შეხვედრა ასეთი გულთბილი თავაზიანობის გამო ბრძოლის გარეშე ჩაივლის? არა, შენ ეს ვერ გიშველის. მე შენთან სასტიკ დავასა და ბრძოლას გავაჩადებ წყალობის გაღებაში, რათა ამ მხრივ ვერ მაჯობო, რა გინდ გულუხვი არ უნდა იყო“. მან დიდძალი საჩუქარი მიიღო ტაქსილესაგან, მაგრამ თავის მხრივ კიდევ უფრო მეტი უბოძა მას და ბოლოს ათასი ტალანტი თეთრიც კი მისცა. ამით ალექსანდრემ ძალზე დაანადგურა მეგობრები, სამაგიეროდ ბევრი ბარბაროსის გული მოიგო.

ყველაზე უფრო გულადი ინდოელები, დაქირავებულ მეომრებად რომ მსახურობდნენ, ქალაქიდან ქალაქში გადადიოდნენ, ამ ქალაქებს მამაცურად იცავდნენ და ალექსანდრეს დიდ ვნებას აყენებდნენ. მან ერთ-ერთ ქალაქში ამ ინდოელებთან საზავო პირობა შეკრა, მაგრამ როგორც კი წავიდნენ ისინი, თავს დაესხა გზაში და სულ ერთიანად ამოჟლიტა¹⁸⁸. ეს საქციელი მის საომარ საქმეებს ერთგვარ ლაქად აჩნია. თუმცაღა ყველა დანარჩენ შემთხვევაში ალექსანდრე ომს კანონიერად და მეფისათვის საკადრისი წესით აწარმოებდა. ამ ინდოელებზე არანაკლებ ვნებას აყენებდნენ იჭაური ფილოსოფოსებიც¹⁸⁹. ისინი კიცხავდნენ ალექსანდრეს მხარეზე გადასულ მეფეებს და თავისუფალ ტომებს მის წინააღმდეგ ამხედრებდნენ. ამიტომ ალექსანდრემ ბევრი მათგანი ჩამოახრჩო.

60. პოროსთან¹⁹⁰ შებრძოლების ამბავს ალექსანდრე თვითონვე გადმოგვცემს თავის წერილებში. იგი ამბობს, რომ მოწინააღმდეგე ჯარების ბანაკთა შორის მდინარე ჰიდასპე¹⁹¹ ჩამოდიოდა; გაღმა ნაპირზე პოროსს სპილოები ჰყავდა ჩამწყვრივებული და საოცარ სიფხიზლეს იჩენდა, რათა მტერი მდინარეზე არ გადმოეშვა. ალექსანდრე კი თავის მხრივ ბრძანებას იძლეოდა, მაკედონელთა ბანაკში

ყოველდღიურად აეტეხათ ზარდამცემი ხმაური და ალიაქოთი; იგი ცდილობდა ბარბაროსები თანდათანობით მიჩვევოდნენ ამას და მისი შიში არ ჰქონოდათ. ერთ ქარიშხლიან და უმთვარო ღამეს კი თან წაიყვანა ქვეითი მეომრების ნაწილი და საუკეთესო მხედრები, საკმაო მანძილით გაშორდა მტერს და ერთ პატარა კუნძულზე გადავიდა. უცებ კოკისპირულმა წვიმამ დაასხა; ატყდა ჭექა-ქუხილი; ზედიზედ დაეცა მენი. როცა ალექსანდრემ დაინახა, რომ ბევრი მისი მეომარი მოკლა მენმა და ბევრსაც ცეცხლი წაუყიდა, სწრაფად დატოვა კუნძული და გაღმა ნაპირისაკენ გაემართა. მაგრამ ჰიდასპე ისე გააცოთა ქარიშხალმა, რომ ელვის სისწრაფით აღიღდა, ხმელეთზე გადავიდა. ჩამოანგრია მიწა და ტალღების ნაწილი იქითგან წარმართა. ალექსანდრემ ორ ნაწილად გაყოფილი მდინარის შუა ადგილას მიაღწია, მაგრამ ფეხი ვერ მოიკიდა, ისე იყო იქაურობა გაღმებული და გარეცხილი. როგორც ამბობენ, სწორედ აქ წამოიძახა თურმე: „ოჰ, ათენელებო, რომ იცოდეთ, რა საფრთხეში ვიგდებ თავს მხოლოდ იმიტომ, თქვენი ქება დავიმსახურო?“ ამ სიტყვებს ჩვენ ონესიკრიტე გადმოგვცემს. თვითონ ალექსანდრე კი თავის წერილებში მოგვითხრობს, მაკედონელებმა მიატოვეს ტივები და იარაღით ხელში ხმელეთზე გადასასვლელად შევიდნენ ნაპირზე გადასულ მდინარის წყალში, რომელიც მკერდამდე სწვდებოდათ.

გავიდა თუ არა ხმელეთზე, ალექსანდრე ცხენოსნებთან ერთად წავიდა წინ და ქვეითი ჯარი ოცი სტადიონით ჩამოიტოვა უკან: გზაში ფიქრობდა: თუ მტერი ცხენოსანი ჯარით დამესხა თავს, სულ ადვილად დავამარცხებ, ხოლო თუ ჩემ წინააღმდეგ ქვეითი ლაშქარი დაძრა, ამასობაში ჩემი ქვეითი მეომრებიც მოასწრებენ შემომიერთდნენო. მისი ვარაუდიდან პირველი ახდა. ალექსანდრეს თავს დაესხა მტრის ათასი ცხენოსანი და ექვსასი საბრძოლო ეტლი. მან მტერი უკუაქცია, უკლებლივ ყველა ეტლი ხელთ იგდო და ოთხასი მხედარი სიცოცხლეს გამოასალმა. პოროსი მიხვდა, მდინარეზე თვითონ ალექსანდრე იყო გადმოსული და მთელი თავისი ძალებით მისკენ დაიძრა. მან ჰიდასპეს ნაპირზე მხოლოდ რამდენიმე რაზმი დატოვა, რათა დანარჩენი მაკედონელები დაებრკოლებინათ და მდინარეზე არ გადმოეშვათ. ალექსანდრეს, ცოტა არ იყოს, შეეშინდა პოროსის სპილენძისა და მტრის სიმრავლის; მან მტრის მარცხენა ფრთაზე მიიტანა იერიში, ხოლო კენეს¹⁹² უბრძანა მარჯვენა ფრთას დასხმოდა თავს.

ორივე ფრთა გაანადგურეს. დამარცხებული მეომრები სპილოებისა-
კენ ისევდნენ უკან და ცდილობდნენ კვლავ შემჭიდროებულიყვნენ. ამი-
ტომ ბრძოლა აქ არათანაბარი ძალით, მაგრამ მთელი სიმძაფრით მიმ-
დინარეობდა და ძლიერძლივით დილის რვა საათზე დამთავრდა. მტე-
რი დაწებდა ალექსანდრეს. აი, ამას მოგვიხსენებთ თავის წერილებში
ამ ბრძოლის მთავარი გმირი¹⁸⁸.

თითქმის ყველა მემკვიდრე ამბობს, პოროსს ოთხი წყრთა და ერთი
მტკაველი სიმაღლე ჰქონდაო; თავისი სიდიდის და მოცულობის წყა-
ლობით იგი საესებით შეეფერებოდა თურმე იმ სპილოს, რომელიც
ცხენის მაგივრობას უწევდა. როგორც გადმოგვცემენ, ეს სპილოც
ზომაზე მეტად დიდი ყოფილა. ამ ცხოველმა გასაოცარი გონიერება
და იშვიათი მზრუნველობა გამოიჩინა თურმე მეფის მიმართ. სანამ
პოროსი შედგრად იყო, სპილო გააფთრებით იცავდა თავს და მომხდუ-
რებს იგერიებდა. მაგრამ როცა იგრძნო, მეფეს მრავალი ისარი მოხე-
და და ჭრილობებისაგან ღონე ეკარგებოდა, იმის შიშით, შეწუხებული
მხედარი არ გადმოვადგოო, ფრთხილად დაეშვა მუხლებზე, გადმოსვა
პოროსი ძირს და სორთუმით ნელ-ნელა, სათითაოდ დაუწყაო სხეული-
დან ისრების ამოღება.

პოროსი ტყვედ ჩაიგდეს; ალექსანდრემ ჰკითხა: როგორ გინდა
მოგექცეთო? „მეფურადო!“ — უპასუხა პოროსმა. ალექსანდრემ კი-
დეც ჰკითხა: სხვას ზომ არაფერს დაუმატებდი მაგასო? „რაცი ვთქვი,
მეფურად-მეთქი, ამ სიტყვაში ყველაფერი ივლისსმება,“ — მიუგო
პოროსმა. ალექსანდრემ იგი სატრაპის სახელწოდებით დანიშნა არა
მარტო იმ ქვეყნის მმართველად, რომელზედაც უწინ მეფობდა, არა-
მედ შეფერთა ის მხარეც, რომლის დამოუკიდებლად მცხოვრები
ხალხი მაკედონელებმა დაიმორჩილეს. როგორც ამბობენ, ამ მხარეში
თხუთმეტი ტომი ცხოვრობდა, ხუთი ათასი ღირსშესანიშნავი ქალაქი
და ფრად მრავალი სოფელი იყო. გარდა ამისა ალექსანდრემ დაიპყ-
რო სამგზის უფრო დიდი მხარეც და მის სატრაპად ერთ-ერთი თავი-
სი ჰერტროსი ფილიპე დააყენა.

61. პოროსთან ბრძოლის შემდეგ მოკვდა ბუქეფალა, მაგრამ მა-
შინვე კი არა, არამედ ცოტა უფრო გვიან. უმრავლესობა ამბობს,
ქრილობების მეურნალობის დროს მოხდა ესა; ონესიკრიტეს პი-
ხეფით კი ბუქეფალას სიკვდილის მიზეზი სიბერე და დაუძლურება
იყო: ბუქეფალამ სულ ოცდაათი წლის ასაკში განუტეგია. ამ ამბავ-

მა დიდად დაამწუხრა თურმე ალექსანდრე; იგი ფიქრობდა: ბუკეფალას სახით ცხენი კი არა, მანლობელი და მეგობარი დავკარგეთ. მის სახელობაზე ალექსანდრემ ჰიდასპეს პირად ააშენა ქალაქი და სახელად ბუკეფალია უწოდა. მოგვითხრობენ აგრეთვე იმასაც, როცა მას საკუთარი ხელით გამოზრდილი და საყვარელი ძაღლი, სახელად პერიტა, მოუყვდა, ამ ძაღლის სახელობის ქალაქიც ააგო. სოტრიონი ამბობს: ეს ლესბოსელი პოტამონისაგან გამიგონიათ¹⁹⁴.

62. პოროსთან ბრძოლამ მაკედონელები საშინლად მოქანცა და ინდოეთის სიღრმეში შეჭრის სურვილი საგსებით გაუქარწყლა. მათ ის იყო დიდი წვალების ფასად დაამარცხეს მეფე პოროსი, რომელმაც მაკედონურ მხედრობას ოცი ათასი ქვეითი და ორი ათასი ცხენოსანი მეომარი დაუპირისპირა, ამიტომაც საკმაოდ მედგრად აღუდგნენ წინ ალექსანდრეს, რომელიც ყოველგვარი ძალით ცდილობდა მდინარე განგზეც გადასულიყო. მაკედონელებს გაეგოთ, რომ ამ მდინარეს ოცდაათორმეტი სტადიონი სიგანე¹⁹⁵ და ასი საყენი სიღრმე ჰქონდა, ისიც შეიტყვეს, რომ გაღმა ნაპირი დაფარული იყო უთვალავი ქვეითი ჯარით, ცხენოსანი მეომრებით და სპილოებით. ალექსანდრეს მხედრობაში ხმა დადიოდა: განდარიტა და პრესიელთა¹⁹⁶ მეფენი მაკედონელთა დასახვედრად მზად არიან ოთხმოცი ათასი ცხენოსნით, ორასი ათასი ქვეითი მეომრით, რვა ათასი. საბრძოლო ეტლითა და ომში გამოწვრთნილი ეჭესი ათასი სპილოთით. აქ გადაჭარბებული არაფერი იყო. მაგალითად, ანდროკოტემ, რომელიც ამ ამბების შემდეგ სულ მალე გამეფდა, სელევკეს არუქა ზუთასი სპილო, ეჭესასი ათასი კაცისაგან შემდგარი ჯარით გადაიარა ინდოეთი და მთელი ეს ქვეყანა დაიმორჩილა.

თავისი მხედრობით უკმაყოფილო, სიბრაზისაგან გაცეცხლებული ალექსანდრე კარავში ჩაიკეტა და დაწვა. მისი აზრით, მის მიერ აქამდე შესრულებულ სამირო საქმეებს არავითარი ფასი აღარ ექნებოდა, თუ იგი განგზე არ გადავიდოდა. ეგონა, უკან დახევა თავის დამარცხებულად აღიარებას ნიშნავსო. მეგობრები მდგომარეობის შესაფერად ალექსანდრეს ნუგეშს სცემდნენ, ზოლო ჯარისკაცები ხმაჟღერად ტირილით გროვდებოდნენ მისი კარვის წინ და ემუდარებოდნენ ესმინა მათი თხოვნა. ბოლოს და ბოლოს იგი მოღბა და უკან დახევის თადარიგს შეუდგა. ალექსანდრემ საკუთარი სახელის განდიდების მიზნით მრავალგვარ თვალთმაქცურსა და სოფისტურ ხერხს მიმართა¹⁹⁷. ასე,

მაგალითად, მან ჩვეულებრივზე უფრო დიდი და მძიმე იარაღი, ცხენის ბაგები და მრავალი ლავამი გააქეთებინა. ეს ყველაფერი ძირს მიმოაფანტინა და იქ დატოვა. მანვე აუგო ღმერთებს ზომონები, რომელთაც დღემდე სცემენ თავყანს განგზე გადმოსული პრესიელთა მეფენი და მათ ბერძნული ადათ-წესების მიხედვით სწირავენ მსხვერპლს.

ანდროკოტე ჯერ კიდევ ბალლი იყო, ალექსანდრე რომ ნახა. შემდეგში იგი ხშირად ამბობდა თურმე: ალექსანდრეს სულ ადვილად შეეძლო განგს გადაღმა მდებარე ქვეყნის დაპყრობა, ვინაიდან იმ ქვეყნის მეფე უზნეობისა და უგვარო ჩამომავლობის გამო ყველას ეზიზღებოდა და ეჯავრებოდა¹⁹⁸.

63. ალექსანდრე აქედან გაემგზავრა იმ ზღვის სანახავად, რომელიც გარს ეკვრის ქვეყნიერებას¹⁹⁹. ამისათვის გააქეთებინა აურაცხელი ნიჩბიანი ნავი, შეაკვრევინა ტივები და მათი საშუალებით ნელ-ნელა დაუყვა მდინარეებს²⁰⁰. ამ მოგზაურობის დროს ალექსანდრე უმოქმედოდ როდი იყო. გზადაგზა მდგარი ბრძოლების წარმოება უზღებოდა. ხშირად გადადიოდა ხმელეთზე, იერაში მიჰქონდა შემხვედრ ქალაქებზე და თითქმის სულ ყველას იპყრობდა; მაგრამ ეგრეთ წოდებულ მალეების ქვეყანაში, სადაც, გადმოცემის მიხედვით, ინდოელთა შორის ყველაზე უფრო მეომარი ტომი ცხოვრობდა²⁰¹, კინაღამ არ აკუწეს. მან ისართა ტყორცნით მიმოფანტა თურმე ციხე-სიმაგრეში თავმოყრილი მტერი და სახელდახელოდ მიყუდებული კიბის საშუალებით პირველი ავიდა კედელზე. უცებ კიბე ჩატყდა; მტერი კიბის ძირში მოგროვდა და ალექსანდრეს, რომელსაც რამდენიმე მეომარი ახლდა, სეტყვასავით დაუშინა ისრები ქვევიდან. უკან დასახევი გზა აღარ იყო. ალექსანდრემ ძალა მოიკრიბა, კედელთან მოჯარული მტრების შუაგულში ჩახტა და, საბედნიეროდ, მაშინვე ფეხზე წამოდგა. როცა ის იარაღის ქნევით მტრისაკენ გაექანა, ბარბაროსებს ისე მოეჩვენათ, ალექსანდრეს ირგვლივ რაღაც სასწაულებრივი შარავანდელი აკიაფდაო. ამან ისინი დააფრთხო და დაითანტნენ კიდევ; მაგრამ რა დაინახეს, მასთან ორი პირადი მცველის მეტი არავინ იყო, მიიპრნენ ალექსანდრესთან, დასცხეს ხმლები და შუბლები, დაუღწევს აბჯარი და, მიუხედავად იმისა, რომ იგი გააფთრებით იცავდა თავს, უამრავი ჭრილობა მიაყენეს. ერთ-ერთი ბარბაროსი ოდნავ მოშორებით დადგა, საშინელი სიმძლავრით დასჭიმა მშვილდი და ისეთი ძა-

ლით გამოსტყორცნა იქიდან ისარი, რომ ალექსანდრეს ჯავშანი გაუ-
ხვრიტა, ძუძუსთან გაუარა და მკერდის ძვალში შეიჭრა. საშინელმა
ჭრილობამ ალექსანდრე იძულებული გახადა ცოტა უკან დახეულიყო.
მას მუხლი მოეკვეთა და წელში მოიხარა. მშვილდოსანმა მტერმა
ბარბაროსული ხმალი იშისვლა და ახლა ისე გამოეჭანა მისკენ. მთა-
ვარსარდალს პევეკსტა და ლიმნეოსი ამოეფარნენ ფარად, მაგრამ
ორივე მძიმედ დაიჭრა, ერთ-ერთი მათგანი, ლიმნეოსი სიცოცხ-
ლესაც გამოესალმა.

პევეკსტა გააფთრებით იგერიებდა მტერს, ხოლო ალექსანდრემ
კიდევ მოიკრიბა ძალა და თავდამსხმელი ბარბაროსი მოკლა. ჭრილო-
ბებით მთლად დაცხრილულ მთავარსარდალს ბოლოს უშველელელი
კეტი დაჰკრეს კისერში. ძალდაკარგული ალექსანდრე კედელს მი-
ეყრდნო, მაგრამ პირისახე მაინც მტრისკენ მიჰმართა. ამასობაში
კედლიდან მაკედონელი მეთორები ჩამოიჭრნენ, უკვე გრძნობამიხდი-
ლი მეფე მტერს ხელიდან გამოსტაცეს, აიყვანეს და კარავში შეიტა-
ნეს. მხედრობაში მყისვე გავარდა ხმა: ალექსანდრე მოგვიკლესო.

დიდი გაჭირვებისა და წვალების ფასად მოახერხეს მეფის მკერდ-
ში მოხვედრილი ხის ისრის გადახერხვა. მერმე ძლივძლივობით გა-
უხსნეს ალექსანდრეს ჯავშანი და ძვალში შეჭრილი ისრის წვერის
ამოღებას შეუდგნენ. როგორც ამბობენ, ისრის ეს წვერი სამი თითის-
ოდენა სიფართოვისა და ოთხი თითისოდენა სიგრძის იყო თურმე. მისი
ამოცლის დროს ალექსანდრეს რამდენჯერმე წაუვიდა გული და სიკვ-
დილს მიუახლოვდა, მაგრამ როგორც კი ამოაცალეს, მაშინვე გამო-
ცოცხლდა. საფრთხემ, მართალია, განვლო, მაგრამ იგი კიდევ დიდხანს
იყო სუსტად, დიდხანს ფარეზობდა და მკურნალობდა.

ერთ დღეს ვაიგონა, მისი კარვის კართან. მაკედონელები ხმაუ-
რობდნენ და მის ნახვას თხოულობდნენ. მან მაშინვე მოიგდო ტანზე
წამოსასხამი და მხედრობას წარუდგა: მერმე მსხვერპლი შესწირა
ღმერთებს და კვლავ გზა გააგრძელა. გზადაგზა მთელ რიგ ქვეყნებსა
და მრავალ დიდ ქალაქს იპყრობდა.

64. ერთხელ ალექსანდრემ დაატყვევა ათი გიმნოსოფისტი, რომ-
ლებმაც ყველაზე უფრო მეტად წააქეზეს საბა ალექსანდრეს განდგო-
მობა და მაკედონელებს ამით ბევრი ვნება მიაყენეს²⁶². ეს გიმნოსო-
ფისტები ფრიად სახელგანთქმული იყვნენ იმით, რომ კითხვებზე მე-
ტად მოსწრებულ და სხარტ პასუხებს იძლეოდნენ. ალექსანდრემ მათ

რამდენიმე ძნელი კითხვა შესთავაზა და თან დაემუქრა: პირველ
თქვენგანს, თუ სწორად ვერ მიპასუხა, სიკვდილს მივაცემინებ, მერმე
კი ცუდი პასუხისათვის რიგრიგობით დანარჩენებსაც ასეთი ბერი
მოგვლითო: ყველაზე უბუკეს გიმნოსიფისტს ალექსანდრემ უბრ-
ძანა მხაჭულის მოვალეობა შეესრულებინა.

პირველს ასეთი კითხვა მისცა:

— როგორ გგონია, ცოცხლები უფრო მეტია სამყაროში თუ
მკვდრები?

გიმნოსიფისტმა უპასუხა:

— ცოცხალნი, რამეთუ მკვდარნი არაა არიან უკვე.

მეორეს ჰკითხეს:

— დედამიწა ზრდის უფრო დიდ-დიდ ნადირებს თუ ზღვა?

— დედამიწა, — უპასუხა ამან, — რამეთუ ზღვაჲ ნაწილ არს მი-
წისა.

მესამე გიმნოსიფისტს ასეთი კითხვა მისცა ალექსანდრემ:

— რომელი ცხოველია ყველაზე უფრო მოხერხებული?

— ის ცხოველი, რომელიც დღემდე უცნაურ არს ადამიანის-
თვისო, — იყო პასუხი.

მეოთხემ კითხვაზე, თუ რა მოსაზრებით აამხედრა მან საბა, ასეთი
პასუხი გასცა:

— მეწადა, რათა პატივით ეცხოვრა მას ქვეყანასა ზედა ან სახე-
ლოენად მომკვდარიყო.

მეხუთეს ასეთი კითხვა მისცეს:

— როგორ ფიქრობ, რომელი უფრო უწინ იყო, დღე თუ ღამე?

— დღე იყო უწინარეს ღამისა ერთი დღით, — უპასუხა ამან და,
მეფის განცვიფრება რომ შენიშნა, დაუმატა: უცნაურ კითხვებზე პა-
სუხებიც უცნაური უნდა იყოსო.

ახლა მეექვსეს მიუბრუნდა ალექსანდრე და შეეკითხა:

— ყველაზე უფრო რა საშუალებით შეუძლია კაცს სხვების სიყ-
ვარული დაიმსახუროს?

— იმით, — უპასუხა გიმნოსიფისტმა, — თუ ეს კაცი თავის ძლიე-
რებასთან ერთად საშიში არ იქნება.

დანარჩენ სამ გიმნოსიფისტთან ალექსანდრემ ერთ-ერთს ჰკი-
თხა: როგორ შეიძლება ადამიანი ღმერთი გახდესო? მას უპასუხეს: —
თუ ისეთ რასმე გააკეთებს, რის ქმნაც ადამიანს არ ძალუძსო შემ-

დღემა გიმნოსოფისტმა კითხვანზე, თუ რა უფრო ძლიერია, სიცოცხლე თუ სიკვდილი? ასე უპასუხა: — სიცოცხლე, რამეთუ ურიცხვ უბედურებასა და ჭირს იტანსო. უკანასკნელ გიმნოსოფისტს ალექსანდრემ ჰკითხა: როდემდე უნდა იცოცხლოს ადამიანმაო? ამან უპასუხა: — მანამდე. სანამ იგი სიკვდილს არ ამჯობინებს სიცოცხლესო.

ამ პასუხების მიღების შემდეგ ალექსანდრე მსაჯულად არჩეულ გიმნოსოფისტს მაუბრუნდა და უბრძანა თავისი აზრი გამოეთქვა; ამანაც თავის მხრივ განაცხადა: ერთიმეორეზე უარესად პასუხობდნენო. „მაშ, კარგი, — უყვირა მას ალექსანდრემ, — რაკი ასე რიგად გამოგაქვს მსჯავრი, ყველაზე პირველად შენ მოკვდებიო!“ „არამც და არამც, მეფეო, — უპასუხა იმან, — თუ შენ სიტყვას არ გადაუხვევ; შენ აკი თქვი, პირველად იმას მოვაკვლევინებ, ვინც ყველაზე ცუდად მიპასუხებსო?“

65. ალექსანდრემ ეს ინდოელები დაასაჩუქრა და გაათავისუფლა კიდევ; მერმე კი ყველაზე უფრო სახელგანთქმულ გიმნოსოფისტებთან, რომლებიც თავისთვის მშვიდად ცხოვრობდნენ, თხოვნით გაგზავნა ონესიკრიტე, რათა მასთან მისულიყვნენ. ეს ონესიკრიტე დიოგენე კინიკოსის სკოლის ფილოსოფოსი იყო. როგორც ამბობენ, კალანემ ფრიად უკმეხად მიიღო იგი და კადნიერი ხმით უბრძანა თურმე ტანისამოსი გაეხადა და საუბარი გატიტვლებულს მოესმინა: სხვაგვარად კი ერთ სიტყვასაც არ დაეძრავ შენთან, თუნდაც ზევსისაგან იყო მოგზავნილიო. რაც შეეხება დანდამისს, იგი უფრო ზრდილობიანად შეხვდა ონესიკრიტეს და, როცა მისგან მოისმინა საუბარი სოკრატეს, პითაგორასა და დიოგენეს შესახებ, ასე თქვა თურმე: „ეს ვაჟკაცები, ჩემი აზრით, ბრწყინვალე ნიჭით იყვნენ დაჯილდოებულნი, მაგრამ ისე გაატარეს თავიანთი სიცოცხლე, რომ კანონებს მეტისმეტად სცემდნენ თავყინსო“. სხვები კი გადმოგვეცემენ, დანდამისს არაფერი არ უთქვამს ონესიკრიტესთვის, გარდა იმისა, რომ ჰკითხა: „რის გულისთვის გამოიარა ალექსანდრემ ასე შორი გზა და რატომ მოვიდა ჩენთანო“ 2639

სხვათა შორის, ტაქსილემ დაითანხმა, როგორც იქნა, კალანე, ალექსანდრესთან მისულიყო. მისი ნამდვილი სახელი იყო სფინე; მაგრამ რაკილა იგი შემხედურებს ინდურ ენაზე ესალმებოდა და ბერძნულად „ხაირინის“ ნაცვლად „კალეს“ ეუბნებოდა, ბერძნებმა კალანე შეარქვეს. კალანემ, როგორც ამბობენ, ალექსანდრეს მისი სამეფოს

სურათი შემდეგნაირად წარმოუდგინა თურმე: მიწაზე საქონლის გამ-
ხმარი, გამოუქნელი ტყავი დაადლო და მის ერთ კიდეს ფეხი დააჭირა.
სიმაღლისაგან ტყავის ეს ნაწილი უძრავად გაეკრა მიწას, სამაგიეროდ
დანარჩენი ნაწილები აღიმართა ზევით. იმის დასამტკიცებლად, რომ
მუდამ ასე მოხდებოდა, კალანემ გარშემოუარა მთელ ტყავს. იგი მის
ყოველ კიდეს ფეხს აჭერდა და თან ალექსანდრეს სხვა ზედამართულ
კიდეებზე უთითებდა. ბოლოს კალანემ ტყავის შუაგულს დაადგა ფე-
ხი მტკიცედ და ტყავმაც ამჯერად მთლიანად შეწყვიტა მოძრაობა
და მიწას გაეკრა. ამ სურათით კალანეს სურდა ეჩვენებინა, რომ სა-
ჭირო იყო ალექსანდრეს ფეხი მტკიცედ მოეკიდებინა სამეფოს შუა-
გულში და მისგან ასე შორს არ წასულიყო.

66. მდინარეთა დაყოლებით ზღვისკენ²⁰⁴ ცურვას შვიდი თვე დას-
ჭირდა. ბოლოს ალექსანდრე თავისი ფლოტით ოკეანეში გავიდა და
მიადგა იმ კუნძულს, რომელსაც თვითონ სცილუსტის ეძახის. სხვები
კი ფსილტუკის უწოდებენ²⁰⁵. აქ ალექსანდრე ხმელეთზე გადმოვიდა,
ღმერთებს მსხვერპლი შესწირა და რამდენადაც შესაძლებელი იყო,
გაიცნო იქაური ზღვისა და მისი სანაპიროს თავისებურება. ამის შემ-
დეგ მხურვალედ შეევედრა ღმერთებს, რომ მის შემდეგ არც ერთ
მოკვდავს არ გადაელახა ის მიწა, რომელსაც მან თავისი ლაშქრით
მიადწია. მერმე უკან გამობრუნდა და ფლოტს უბრძანა ისე ეცურა,
ინდოეთის სანაპირო ზელმარჯვნივ ყოფილიყო. ფლოტის წინამძღო-
ლად დანიშნა ნეარქე. ხოლო მესაჭეთუფროსობა ონესიკრიტეს მიან-
დო. თვითონ კი ხმელეთით წავიდა და ორიტების მხარე²⁰⁶ გაიარა.
გზად ფრიად უკიდურესი გაჭირვება გადაიტანა და დიდძალი ხალხი
დაკარგა. ალექსანდრეს ინდოეთიდან მეთთხედი ნაწილიც კი არ გა-
მოუყვანია თავისი საომარი ძალებისა, რომელიც ლაშქრობის დაწყე-
ბის ჟამს ას ოც ათას ჯვებით მეომარს და თხუთმეტ ათასამდე ცხენო-
სანს მოითვლიდა. ათასგვარმა მძიმე ავადმყოფობამ, ცუდმა საკვებმა,
საშინელმა სიციხემ და უმთავრესად შიმშილმა მხედრობის დიდი ნაწი-
ლი შემუსრა. ალექსანდრეს მეომრები მოხვდნენ საცხებით მწირ და
უნაყოფო მხარეში, რომლის მკვიდრნიც საშინლად დატყავდნენ ცხოვ-
რობდნენ: მათ ჰყავდათ მცირეოდენი და ისიც უგვარგისი ცხვარი, რომ-
ელიც ზღვის თევზით კვებას იყო ნაჩვევი და ამიტომ ხორცი საძაგე-
ლი და მყარალი ჰქონდა. სამოც დღეში ძლივძლივებით გაიარა ალექ-
სანდრემ ეს მხარე და ბოლოს გედროსიას მიადწია²⁰⁷, აქ კი მახლო-

ბელი სატრაპებისა და აქაური მეფეების ბეჭითობის წყალობით მყის-
ვე ყველაფერი უხვად იშოვა.

67. გედროსიაში ალექსანდრემ მხედრობა შეასვენა და მერმე დიდი
ზარ-ზეიმით შეიღ ღღეში კარმანია გაიარა⁵⁰⁸. მთავარსარდალი ნელ-
ნელა მიჰყავდა რვატხენიან ეტლს; ახლო მეგობრებთან ერთად იგი
მალალსა და ყოველმხრივ სახინო ოთხკუთხა ფიცარნაგზე დადგმულ
საქარცხულზე იჯდა და ღღედალამ განუწყვეტელი ლხინით მიემარ-
თებოდა წინ. უკან აურაცხელი ეტლი მისდევდა; ზოგ მათგანს მეწა-
მული ან ჭრელი ფარდაგები ჰქონდა გადახურული, ზოგი კი სულ
ნორჩი, მწვანე შტოებით იყო დაჩრდილული. ამ ეტლებს მოჰყავდათ
ალექსანდრეს დანარჩენი მეგობრები და მხედართმთავრები; ისინი
გვირგვინებით იყვნენ შემკულნი და გზადაგზა ღვინოს შეექცეოდნენ.
აქ კაცი ვერც ფარს დაინახავდა, ვერც ზუჩ-მუზარადსა და მაკედონურ
შუბს; მეომრები მთელი გზის მანძილზე შეიარაღებულნი იყვნენ ჯამ-
ფიალებით, საღვინე თასებითა და დოქებით; ისინი ვეებერთელა კას-
რებიდან და კრატერებიდან განუწყვეტლივ ისხამდნენ ღვინოს და
ერთმანეთის სადღეგრძელოს სვამდნენ; ერთნი წინ მიდიოდნენ და ისე
სცლიდნენ თასებს, მეორენი კი ძირს სახელდახელოდ გაშლილ სუფ-
რასთან მხარ-თეძოზე წამოწოლილნი შეექცეოდნენ სასმელს. სალამუ-
რისა და ფლეიტის წკრიალა ხმები, ჩანგზე აყვლებული სიმღერები
და ბახუსით შეზარხოშებული ქალების ცეკვა-თამაში მთელ არემარეს
მოედო. ბახუსით გათამამებული, თავის ნებაზე მიშვებული და ყო-
ველგვარი მხედრული წესრიგის გარეშე მიმავალი ლაშქარი ისე თავ-
აწყვეტილად იქცეოდა, კაცი იფიქრებდა, ამ მხიარული ღრეობის მო-
საწილე თვითონ ღმერთი დიონისე არისო.

გედროსიის სამეფო სასახლეში რომ მივიდა, ალექსანდრემ კვლავ
შეასვენა მხედრობა და ახალი ზეიმი მოაწყო. როგორც ამბობენ,
ალექსანდრე საკმაოდ შეზარხოშებული უყურებდა აქ გამართულ სა-
ფერხულო გუნდების შეჯიბრს, რომელშიც გამარჯვება ერთ-ერთი
გუნდის ხელმძღვანელმა და ალექსანდრეს საყვარელმა ბაგოასმა მო-
იპოვა. ჩინებული სამოსელით მოკაზმულმა ბაგოასმა მერმე თეატრი
გაიარა და მეფეს გვერდზე მიუჯდა; მაკედონელებმა რომ ეს იხილეს,
ტაშისკერა და ღრიანცელი ატეხეს და ალექსანდრეს სთხოვეს ბაგოა-
სისთვის ეკოცნა; ისინი მანამდის არ დაწყნარდნენ თურმე, სანამ
ალექსანდრემ ბაგოასი არ გადაკოცნა.

68. აქ, გედროსიაში, ალექსანდრეს შეუერთდა ნეარქეც თავისი ფლოტით, რამაც მთავარსარდალი მეტად გაახარა. როცა ნეარქეს მოგზაურობის ამბები მოისმინა, გადაწყვიტა დიდი ფლოტით თვითონვე დაპყლოდა ეფფრატს ქვევით, მერმე არაბეთისა და ლიბიისათვის შემოეცლო და ჰერაკლეს სვეტების საშუალებით ღია ზღვაში შეეტურებულიყო. მართლაც, თავსაკში²⁰⁹ მრავალგვარი ხომალდი ააგეს და ალექსანდრესთან ყოველმხრივ მოზღვადნენ მეზღვაურები და მესაჭენი. მაგრამ ინდოეთში ჩატარებულმა დიდმა ლაშქრობამ, მალეების ქვეყანაში მიღებულმა ჭრილობამ, მხედრობის დიდი ნაწილის დაღუპვის თაობაზე გავრცელებულმა ხმებმა და იმ იმედის დაკარგვამ, რომ ალექსანდრე უკან კეთილად დაბრუნდებოდა, ხელი შეუწყო იმას, რომ დაპყრობილი ხალხები აჯანყებულები; ხოლო ალექსანდრეს სარდლებსა და სატრაპებს საბაბი მიეცათ მრავალი უსამართლობა ჩაედინათ და დაუცხრომელი სიხარბე და ქედმაღლობა გამოემჟღავნებინათ. მღელვარება და ალექსანდრეს მონარქიის დაქუცმაცების ცდა საფრთხოდ ყველგან დაიწყო. ოლიმპიადა და კლეობატრა, მაგალითად, ანტიპატრეს განუდგნენ და სამეფო გაინაწილეს. ოლიმპიადამ ეპირი ჰიილო, კლეობატრამ კი მაკედონია. ალექსანდრემ რომ ეს შეიტყო, ასე თქვა თურმე: „დედაჩემი ფრიად ჭკვიანად მოქცეულა; მან იცის, მაკედონელები დედაკაცის მმართველობის ქვეშ ყოფნას ვერ აიტანენო“²¹⁰.

ზემოაღნიშნულ გარემოებათა გამო ალექსანდრემ ნეარქე ზელახლა გაისტუმრა ზღვისკენ იმ გადაწყვეტილებით, რომ მთელი სანაპირო მხარე საომარ მდგომარეობაში ჩაეყენებინა, თვითონ კი ზემო აზიიდან ქვევითკენ დაეშვა და უკეთური სტრატეგოსების დასჯა დაიწყო. აბულეტეს²¹¹ ერთ-ერთი შვილი ოქსიარტე საკუთარი ხელით განგმირა მაკედონური შუბით. აბულეტემ, რომელსაც დაკისრებული ჰქონდა სურსათის მომზადება, დავალება არ შეასრულა და ალექსანდრეს სამი ათასი ტალანტის ლითონის ფული მიართვა მხოლოდ. ალექსანდრემ ბრძანა ეს ვერცხლის ფული ცხენებისათვის დაეყარათ; როცა ცხენებმა ფულს პირიც არ დააკარეს, ალექსანდრემ აბულეტეს შეჰყვირა: „რა სარგებლობას მოგვიტანს ჩვენ შენი ეს წყალობაო?“ და აბულეტე საპყრობილეში ჩასვა.

69. მივიდა თუ არა ალექსანდრე პერსიდაში, უწინარეს ყოვლისა, აჭაურ მეფეთა წესის მიხედვით ქალებს ფული დაურიგა. სპარსთა

მეფეებს წესად ჰქონდათ, როცა კი მივიდოდნენ პერსიდაში, თითო-
 კული ქალისათვის ერთი თქრო მიეცათ. როგორც ამბობენ, სწორედ
 ეს ჩვეულება იყო იმის მიზეზი, რომ ზოგიერთი მეფე იშვიათად მი-
 დიოდა იქო; ხოლო მეფე ოხოსი²¹² ერთხელაც არ ყოფილა თურმე
 პერსიდაში და სიძენწის წყალობით თავისი თავი საკუთარ სამშობ-
 ლოში უცხოელი გახადა. შემდეგ ალექსანდრემ კიროსის საფლავი მო-
 ინახულა, როცა დაინახა გაძარცვული და გადათხრილი საფლავი. ამ
 მკრეხელობის ჩამდენი სიკვდილს მიაცემინა, მოუხედავად იმისა, რომ
 დამნაშავე, სახელად პოლიმაქე პელას²¹³ საკმაოდ წარჩინებული მოქა-
 ლაქე გახლდათ. ალექსანდრემ საფლავის ქვაზე ამოკვეთილი წარწერა
 წაიკითხა და ბრძანება გასცა ამ წარწერის ქვეშ მისი ბერძნული თარ-
 გმანიც ამოეჭრათ. წარწერა ასეთი იყო: „ადამიანო, ვინც არ უნდა იყო
 შენ და საიდანაც არ უნდა იყო მოსული — რომ მოხვალ კი, მე ამა-
 ში დარწმუნებული ვარ — იცოდე, მე ვარ კიროსი, სპარსთა ბატონო-
 ბის დამფუძნებელი. ამიტომაც ნუ შეგშურდება ეს ერთი პეშვი მიწა,
 სხეულს რომ მიფარავს“. ამ წარწერამ ფრიალ მძიმე შთაბეჭდილება
 მოახდინა ალექსანდრეზე და ღრმად დააფიქრა იგი ადამიანის ბედის
 გაურკვევლობასა და წარმავლობაზე.

აქ, პერსიდაში, ფილოსოფოსმა კალანემ, რომელსაც მცირე ხანს
 კუჭის ტყივილები აწუხებდა, მოითხოვა მისთვის კოცონი დაენთოთ.
 მას თხოვნა შეუსრულეს და კოცონთან ცხენით მიიყვანეს. კალანე
 ჯერ ღმერთებს შეევედრა, მერმე თავისი სულისათვის ზედაშე დაუქ-
 ცია მათ და ერთი ბლუჯა საკუთარი თმაც შესწირა. შემდეგ კოცონზე
 ავიდა, იქ დამსწრე მაკედონელებს გამოემშვიდობა და სთხოვა მთელი
 ის დღე მხიარულად გაეტარებინათ და მეფესაან ერთად ელხინათ. მას
 მაკედონელებს უთხრა: თქვენ მეფეს მცირე ხანში ბაბილონში ვნახა-
 ვო²¹⁴. თქვა თუ არა ეს, კალანე წამოსასხამში გაეხვია და კოცონზე
 გაწვა. ცეცხლი უკვე მიუახლოვდა, მაგრამ კალანე არც განძრეულა,
 რა მდგომარეობაშიც იწვა, იგივე შეინარჩუნა და ამგვარად, თავის
 სამშობლოს ბრძენთა ძველი ადათის მიხედვით, საკუთარი თავი მსხვერ-
 პლად შესწირა. მრავალი წლის შემდეგ ასევე მოიქცა ათენში მეო-
 რე ინდოელიც, რომელსაც კეისართან ჰქონდა თურმე ნაცნობობა.
 სხვათა შორის, მის ძველს დღემდე გვიჩვენებენ და მას ინდოელის
 საფლავის ძეგლს ეძახიან.

70. დიწვა თუ არა კალანემ თავი, ალექსანდრე უკან დაბრუნდა

და საგანგებოდ გამართულ ვახშამზე მრავალი მეგობარი და სარდალი მიიწვია. მან აქ შეჯიბრი გააჩაღა ღვინის სმაში და გამარჯვებულისათვის ჯილდოდ გვირგვინი დაადგინა. ყველაზე მეტი დალია პრომაქეზი; მან ოთხი ვეებერთელა ფიალა დასცალა და ჯილდოდ ერთ ტალანტად ღირებული გვირგვინი მიიღო. სამაგიეროდ, მხოლოდ სამი დღეა იცოცხლა. შეჯიბრში მონაწილე სხვა პირთა შორის, როგორც ქარესი ამბობს, სიმთვრალისაგან ორმოცდაერთი კაცი დაიღუპა; ამას ხელი შეუწყო იმ ამბავმა, რომ ამ თავაწყვეტილ ღრეობას ზედ საშინელი სიცივე დაერთო.

სუხაში ალექსანდრემ მეგობრებს ქორწილი მოუწყო. თვითონ ცოლად შეირთო დარიოსის ასული სტატირა, ხოლო წარჩინებული მაკედონელები სპარსთა უმწვენიერეს ქალებზე დააქორწინა. გარდა ამისა, უკვე წინათ დაქორწინებულ მაკედონელებს საერთო წინებული ღზინი გადაუხადა. ამბობენ, ამ ღრეობაზე დაპატიჟებული იყო ცხრა ათასი კაცი და ალექსანდრემ თითოეულ მათგანს საჩუქრად დიდი ოქროს სამსხვერპლო თასი უბოძა. მან ამ დროს სხვა საკვირველი გულუხვობაც გამოიჩინა თურმე. სახელდობრ, თვითონ გადაუხადა მეგალებს ყოველი მოვალე მაკედონელის სესხი. ამაში დახარჯულმა თანხამ ცხრა ათას რვაას სამოცდაათ ტალანტს მიაღწია.

ცალთვალა ანტიგენე ტყუილად ჩაეწერა თურმე მოვალეთა სიაში და ფულის გასაცემ მაგიდასთან ვიღაც კაცი მიიყვანა, რომელიც დაჟინებით ამბობდა, ანტიგენეს ნამდვილად მართებს ჩემი ფულით. ანტიგენემ, რა თქმა უნდა, მიიღო ვითომ ვალში გადასახდელი ფული, მაგრამ მერმე ტყუილში დაიჭირეს. მეფე განრისხდა, ანტიგენე სასახლიდან გააძევა და სარდლობაც აღუკვეთა. ეს ანტიგენე საომარ საქმეებში ფრიად სახელმწიფოეპილი კაცი გახლდათ. ფილიპე მაკედონელმა რომ პერინთოს²¹⁵ ალყა შემოარტყა, ანტიგენე ჯერ კიდევ სულ ახალგაზრდა იყო. მას აქ კატაპელტედან²¹⁶ გამოტყორცნილი ისარი მოხვდა თვალში, მაგრამ არავის არ დაანება თვალიდან ისრის ამოღება და მანამდის არ შესწყვიტა ბრძოლა, სანამ არ აოტა მტერი და ქალაქის კედლებში არ ჩაეკეტა. ახლა პატივის ასე აყრამ მძიმედ იმოქმედა მასზე. აშკარა იყო, დარდისა და ნაღველისაგან თავს მოიკლავდა. მეფეს შეეშინდა ამის, მოლბა და ანტიგენეს ნება დართო ფული დაეტოვებინა.

71. ის ოცდაათი ათასი ყრმა, ალექსანდრემ რომ გასაწვრთხელად

და ბერძნული განათლების მისაღებად დატოვა აქ, უკვე დაფაქცე-
ბული ჩანდნენ. ვარჯიშობის დროსაც სიმკვირცხლესა და საკვირველ
სიმჩაატეს ამჟღავნებდნენ. ალექსანდრეს ეს ფრიალ ესიამოვნა, მაგრამ
მაკედონელებში ამან სასოწარკვეთილება გამოიწვია, ვაითუ მოგვაკ-
ლოს მეფემ ყურადღება და მზრუნველობა ჩვენო. ამიტომ, როცა
ალექსანდრემ დაუძლურებული და დასახიჩრებული მეომრების საზ-
ლებში დასაბრუნებლად მათი ზღვის სანაპიროზე გაგზავნა მოინდომა,
მაკედონელებმა ბუზღუნი დაიწყეს: ეს ჩვენი შეურაცხყოფა და შე-
გინება არისო; მეფემ ჩვენ დაუზოგველად გამოგვიყენა ყოველი მხრივ
და ახლა ასე სამარცხვინოდ თავიდან გვიშორებს და გვაგდებს სამ-
შობლოში ჩვენს მშობლებთან, რომელთაგანაც ჩვენი თავი ასეთ
მდგომარეობაში როდი ჩაიბარაო; მაშ ყველა მაკედონელი გაუშვას
შინ მეფემ, როგორც უძლური ხალხი; მაშ, ჰყავდეს ეს მოციკავე
ლაწირაკები და მათთან ერთად გაემართოს სამყაროს დასაპყრო-
ბადო

ამ სიტყვებმა ალექსანდრე გააბრაზა; განრისხებულმა მეფემ სას-
ტიკად გალანძლა მაკედონელები, გარეკა ისინი, პირადი მცველობა
სპარსებს გადასცა და მათგანვე შეარჩია შუბოსნები და სამეფო კვერ-
თხის მატარებელნი. რა დანახეს მაკედონელებმა, მათ მეფეს ვარს
სპარსები ეხვეოდნენ, თვითონ კი თავიდან მოცილებულნი და დამცი-
რებულნი იყვნენ, უკან დაიხიეს. მერმე ერთმანეთს შორის განსაჯეს
ყველაფერი და ივრძნეს, რომ შურმა და რისხვამ ლამის გააცოფათ.
ბოლოს მოილაპარაკეს თუ არა ერთმანეთში. უიარაღოდ და ქიტო-
ნების ამარა გოდებითა და ტირილით მეფის კარავთან მივიდნენ:
„შენს ხელთა ვართ, მეფეო, ისე მოგვექეც, ვითარცა უკეთურ და
უმადურ ხალხსო“. ალექსანდრე, მართალია, ცოტათი მოლბა, მაგრამ
ისინი ახლოს მაინც არ მიიკარა. მაკედონელები ორი დღისა და ლამის
განმავლობაში არ მოშორებიან მის კარავს, განუწყვეტლოვ ტიროდნენ
და ხელმწიფეს უხმობდნენ. მესამე დღეს ალექსანდრე გარეთ გამო-
ვიდა; დაჩაჩანაკებული და სასოწარკვეთილი მაკედონელები რომ დაი-
ნახა, თვითონაც ატირდა და დიდხანს ღვრიდა ცრემლებს. მერმე
ლმობიერი საყვედურით მიმართა მათ და მამაშვილურად დაარიგა.
ბოლოს დაუძლურებული მეომრები გულუხვად დაასაჩუქრა, სამშობ-
ლოში გაისტუმრა და ანტიპატრეს მისწერა, ისინი ყოველი შევიბრე-
ვისა და სანახაობის დროს გვირგვინშემკულნი დაესვა ხოლმე პირველ

ადგილებზე. დაობლებულ ბავშვებს, რომელთა მამებიც ომში დაი-
ლუპნენ, ჯამაგირი დაუნიშნა.

72. როცა ალექსანდრე მიდიის ქალაქ ეკატანაში შევიდა, ძრათა-
ვა სასწრაფო საქმეები და კვლავ სანახაობათა და დღესასწაულების
ვაძართვა დაიწყო. ამ მიზნისათვის საბერძნეთიდან სამი ათასი ხელო-
ვანი გამოუგზავნეს.

სწორედ იმ დღეებში ციებ-ცხელებით გახდა ავად ჰეფესტიონი.
იგი, როგორც ახალგაზრდა და ბრძოლას ჩვეული კაცი, ექიმის დანიშ-
ნულ ფარეზობას ვერ იტანდა. ერთხელ, როცა მისი ექიმი გლაგოსი
თეატრში წავიდა, საუზმეს მიუჯდა, შექამა ერთი მოხარშული მამალი
და დიდი თასით ღვინოც დალია. ამან მისი მდგომარეობა გააუარესა
და სულ ცოტა ხნის შემდეგ გარდაიცვალა კიდევ. ალექსანდრემ მწუ-
ხარებისაგან კინაღამ გონება დაკარგა. მან ბრძანა გლოვის ნიშნად
ცხენებისა და ჯორებისათვის ფაფარი დაეჭრათ და ეკატანას ირგვლივ
მღებარე ქალაქების კედლებიდან ქონგურები გადმოეწვრათ. საბრა-
ლო ექიმი ალექსანდრემ ჯვარზე გააკრა, ბანაკში კი დიდიხნით აკრ-
ძალა ფლეიტაზე და საერთოდ ყოველგვარ საკრავზე დაკვრა და მა-
ნამდის არ გააუქმა ეს გადაწყვეტილება. სანამ ამონის წინასწარმეტ-
ყველება არ მიიღო. ამონი რჩევას აღუდგა ჰეფესტიონისათვის პატი-
ვი ეცა და ვით გმირისათვის, ისე შეეწირა ხოლმე მსხვერპლი.

მწუხარებაში ნუგეშის საძოვენლად ალექსანდრემ მიმართა ოძს
და ბრძოლის ველზე, ასე ვთქვათ, ადამიანებზე სანადიროდ გავიდა.
მან დაიმორჩილა კოსეები²¹⁷ და ყველა დედაბუდიანად ამოჟლიტა.
ადამიანთა ამ შემუსვრას ალექსანდრემ ჰეფესტიონის სულის მოსახსე-
ნიებელი მსხვერპლი უწოდა. მან განიზრახა ჰეპესტიონის ძეგლისა-
თვის, დაკრძალვისა და სხვა სამკაულისათვის ათი ათასი ტალანტი
გაეღო. ალექსანდრეს სურდა ჰეფესტიონის დაკრძალვა გაწეულ ხარჯ-
ზე უფრო დიდებული გამოსულიყო. ამის მისაღწევად ამჯობინა ყველა
ხელოვანზე უფრო მეტად დაყრდნობიდა სტასიკრატეს²¹⁸, რომელიც
იმედს იძლეოდა, რომ თავისი აქამდე უბადლო ხელოვნებით შექმნიდა
საუცხოო, დიად და კადნიერს რასმე. ჯერ კიდევ მანამდე, როცა სტა-
სიკრატე ალექსანდრეს შეხვდა, მთავარსარდალს უთხრა, თრაკიის მთა
ათონს ყველა მთაზე უკეთ შეუძლია მიიღოს ადამიანის გამოსახულე-
ბათ. „თუ შენ მიბრძანებო, — ეუბნებოდა, — ათონის მთას შენი სა-
ხელის უკვდავსაყოფად მარადიულ, ბრწყინვალე ძეგლად გადავაქცევ;

მარცხენა ხელი შენ შემოხვეული გექნება ათი ათასი კაცით დასახლებული ქალაქისათვის, ხოლო მარჯვენა ხელში გეპყრება ქალაქი წყალმარავალი მდინარისა, რომელიც თავის ტალღებს ზღვისკენ წარმართავსო“. ალექსანდრემ სტასიკრატეს ამ წინადადებაზე მაშინ უარი თქვა; ახლა კი, პედესტიონის დაკრძალვის დღეებში, მთელ დროს ხელოვნების ისტატებთან ატარებდა და მათთან ერთად ფრიად უცნაურსა და დიდ ხარჯებთან დაკავშირებულ გეგმებს აწყობდა.

73. ალექსანდრეს, როცა ეკბატანიდან ბაბილონში მიდიოდა, კვლავ შეხვდა ნეარქე (იგი თავისი ფლოტით დიდი ზღვიდან ისევ ეფუტატში შემოცურებულიყო). მან მთავარსარდალს აღწყა, რომ გზად შემოეყარა რამდენიმე ქალდეელი¹⁹ და მათგან მიიღო რჩევა, ალექსანდრე ბაბილონს გაფრთხილებოდა ალექსანდრემ ყურად არ იღო ეს და გზა განაგრძო. როცა ბაბილონის კედლებთან მივიდა, აურაცხელი ყვავი დაინახა. ყვავები ჩხუბობდნენ და ერთმანეთს კოართნიდნენ. რამდენიმე მათგანი მის წინ დაეცა. მცირე ხნის შემდეგ მას აღუწყეს: „ბაბილონის მმართველმა აპოლოდორემ შენი პედის გასაგებად მსხვერპლი შესწირაო“. ალექსანდრემ მყისვე იხმო მკითხავი პითაგორა, რომელმაც დაადასტურა, ნამდვილად იყო ასეთი. მთავარსარდალმა ჰკითხა, როგორი იყო მსხვერპლიო? პითაგორამ უპასუხა: ღვიძლი ჰქონდა დაზიანებულიო. გაიგონა თუ არა ეს, ალექსანდრემ გულისტკივილით შეჰყვირა: „ყოვლისშემძლე ღმერთებო, ეს ხომ ფრიად ცუდი ნიშანია არისო!“

პითაგორასათვის ალექსანდრეს ხელიც არ უხლია, ისე გაუშვა, მაგრამ ძალზე წუხდა იმას, რომ ნეარქეს არ დაუჭერა. იგი მთელ დროს ან ბაბილონის გარეთ გამართულ კარავში, ან კიდევ ეფუტატზე მოგზაურობაში ატარებდა. მას მოსვენებას არ აძლევდა ცუდის მომასწავებელი ბევრი სხვა ნიშანიც. ბაბილონში გამოზრდილ ერთ-ერთ დიდსა და ლამაზ ლომს, მაგალითად, შინაური ვირი დაესხა თავს, ჰკრა წიხლი და სული გააცხებინა. ერთხელ სხეულის დასაზღვლად ალექსანდრემ ტანთ გაიხადა და მერმე ბურთის თამაში დაიწყო. მასთან მოთამაშე ყმაწვილებმა თამაშის დამთავრების შემდეგ მოინდომეს ტანისამოსი აეღოთ და მისთვის მიერთმიათ, მაგრამ დაინახეს, რომ ალექსანდრეს სამეფო სავარძელზე მდუმარედ იჭდა მეფის სამოსითა და დიადემით მოკაზმული უცნობი კაცი. როცა ვინაობა ჰკითხეს, იგი დიდხანს არ იძლეოდა პასუხს და დუმდა. ბოლოს, როგორც იქნა, 30. პლუტარქე

იკადრა ხმის ამოღება და განაცხადა, რომ მას სახელად ჰქვია დიონისე და წარმოშობით არის მესენელი, რომ რაღაც ბრალდების მიზეზით იგი ზღვის სანაპიროდან აქ მოიყვანეს და დიდხანს ბორკილებში იყო ჩაჭედული; ამ ცოტა ხნის წინათ, — ამბობდა იგი, — მას გამოეცხადა სარაპისი²²⁰, აჰყარა ბორკილები, მოიყვანა აქ და უბრძანა შემოსილიყო ამ ტანსაცმლითა და დიადემით, მერმე სავარძელზე დამჯდარიყო და ხმა არ ამოედო.

74. როცა ალექსანდრემ ეს გაიგო, წინასწარმეტყველთა რჩევით ის კაცი სიკვდილს მიაცემინა; მაგრამ თვითონ სულის სიმშვიდე დაკარგა, ღვთის მიმართ ურწმუნო გახდა და მეგობრებს ეჭვის თვალით დაუწყო ცქერა. ყველაზე მეტად მას ანტიპატრესა და მისი შვილების ეშინოდა. ანტიპატრეს ერთი ვაჟი იოლა ღვინის მთავარ მწედ ჰყავდა მთავარსარდალს, ხოლო მეორე კასანდრე სულ ახლახან მოვიდა მაკედონიიდან მასთან. აი ამ კასანდრემ, როცა დაინახა, ზოგიერთი ბარბაროსი მიწაზე გართხმული ესალმებოდა მეფეს, თავი ველარ შეიმაგრა და საკმაოდ თავხედურად გადაიხარხარა, ვინაიდან მას, ვითარცა ბერძნულ ყაიდაზე აღზრდილ კაცს, უწინ ასეთი რამ არ ენახა. ალექსანდრე ამაზე საშინლად განარისხდა, კასანდრეს ორივე ხელი თმაში სტაცა და თავი კედელზე მიანარცხებინა. ერთხელაც, როცა კასანდრეს ანტიპატრეს ბრალმდებლების წინააღმდეგ უნდოდა რაღაც ეთქვა, ალექსანდრემ სიტყვა შეაწყვეტინა და უყვირა: „რას ამბობ? ეს ხალხი რომ შეურაცხყოფილი არ იყოს, განა მარტო ცილისწამების გულისათვის გამოივილიდა ამოდენა გზასო!“ კასანდრემ უბასუხა: სწორედ ეს ადასტურებს ამათ ცილისმწამებლობას; ესენი ასე შორს იმიტომ მოვიდნენ, რომ სიცრუეში არ იქნან მხილებულნიო. „ეგ — მიუგო დაცინვით ალექსანდრემ, — ნამდვილი არისტოტელური სიტყვა-ქაზრაკობაა, რომელიც მამაშენის გასამტყუნებლადაც გამოდგება და გასამართლებლადაც, მაგრამ ვაი თქვენ, თუ ეს ხალხი ოდნავ შეურაცხყოფილი აღმოჩნდაო!“

ამბობენ, ალექსანდრეს ამ მუქარამ და მისდამი შიშმა წარუხოცელი დადი დაასვა კასანდრეს სულს; დიდი ხნის შემდეგ, როცა აგი უკვე მაკედონიის მეფე და საბერძნეთის მბრძანებელი იყო, ერთხელ დელფოში სეირნობდა და ქანდაკებებს ათვალიერებდა. აქ ალექსანდრეს ქანდაკებაც დაინახა და უცებ ისეთი თავზარი დაეცა, მთელ

სხეულში ჟრუანტელმა დაუარა; ალექსანდრეს სახის ხილვამ კასანდრეს თავბრუ დაასხა და გონს ძლივსა მოვიდა თურმე.

75. ალექსანდრე მაშინ ცრუმორწმუნეობას მიეცა და მუდამ მოუსვენობასა და შიშში იყო. თუ უჩვეულო და უცნაურ რასმე შეამჩნევდა, თუნდაც სულ უმნიშვნელოს, სასწაულად და უბედურების მომასწავებლად თვლიდა. მისი სასახლე მსხვერპლის შემწირვლებით, ცოდვათაგან განმწმენდი ჭურუმებითა და წინასწარმეტყველებით აივსო. ღვთის რწმენის მიმართ უნდობლობა და ზიზღი მისდამი ისეთივე ბოროტებაა, როგორც ცრუმორწმუნეობა. ვითარცა წყალი, მუდამ რომ დაბლობისაკენ მიექანება, ისე ავსებს იგი ადამიანის სულს უგუნურებითა და შიშით. აი ასე დაემართა მაშინ ალექსანდრეს²²¹. მაგრამ როცა პეტესტიონზე ღვთის მიერ მოგზავნილი წინასწარმეტყველება მიიღო, თავი ანება მწუხარებას და კვლავ საზეიმო მსხვერპლ-შეწირვა და ღვინო დაიწყო. ერთხელ ალექსანდრემ ჩინებული ღრეობა გამართა ნეარქესა და მის თანმხლებთა პატივსაცემად. ნადიმის დამთავრების შემდეგ ტანი განიბანა და დასაძინებლად უნდოდა ჩვეულებისამებრ წასვლა; მაგრამ ამ დროს მას შეუჩნდა მედიოსი²²² და დაითანხმა ახლა მასთან წასულიყო ღვინოზე. ალექსანდრე წაჰყვა. იგი აქ იმ საღამოსაც და მეორე დღის განმავლობაშიც ღვინოს სვამდა. მას პერაკლეს თასი²²³ ჯერ კიდევ არ ჰქონდა დალეული, რომ ხურვება აუვარდა და უცებ ისეთი ტკივილი იგრძნო ზურგში, თითქოს შუბი ჩასცესო. ასე აღწერენ ამ ამბავს ის პირნი, რომელთაც სურთ ფრიად მნიშვნელოვანს დასასრულიც დიადი და სამწუხარო ჰქონდეს. არისტოტელე კი ამბობს, ალექსანდრეს საშინელი ციებ-ცხელება დააწყებინა და შეუწყვეტელი წყურვილი აუტყდა; წყურვილის მოსაკლავად ღვინო დალია; ამის გამო გონება დაკარგა და ღვთისის თვის ოცდამეათე დღეს გარდაიცვალა.

76. სამეფო კარის დღიურებში ალექსანდრეს ავადმყოფობა შემდეგნაირად არის აღწერილი:

ღვთისის დღის მეთვრამეტე დღეს აბანოში მეფეს ციებ-ცხელება და ძალიან შეუტია და იქ დაიძინა.

მეორე დღეს მიიღო აბაზანა, დაბრუნდა თავის დარბაზში და მთელი ეს დღე მედიოსთან კამათლების თამაშში გაატარა. საღამოს კვლავ მიიღო აბაზანა, ღმერთებს მსხვერპლი შესწირა და კიდევ ივახშმა; მაგრამ ღამით ზურვებამ შეუტია.

დესიოსის ოცში, აბაზანის მიღების შემდეგ, ჩვეულებრივი მსხვერპ-
ლი შესწირა, მერმე სააბაზანო ოთახში წამოწოლილი ნეაქქესაგან მი-
სი მოგზაურობისა და დიდი ზღვის²²⁴ ამბებს ისმენდა. ასე გაატარა მე-
ფემ ოცდაერთი დესიოსი, მაგრამ სიცხემ საშინლად აუწია და მთელი
ღამე მძიმე მდგომარეობაში იყო.

მეორე დღეს ხურვებამ კვლავ მძლავრად შეუტია. იგი დიდ აბაზა-
ნასთან გადაიყვანეს და იქ დააწვინეს. აქ იგი საუბრობდა მხედართ-
მთავრებთან მეთაურთა თავისუფალი ადგილების თაობაზე და ამ ად-
გილებზე გამოცდილი ხალხის დანიშვნას მოითხოვდა.

ოცდაოთხში ციებ-ცხელებამ კვლავ იმძლავრა. ალექსანდრე ხელში
აიყვანეს და მსხვერპლი ისე შესწირა. დიდ-დიდ მხედართმთავრებს
უბრძანა, სასახლეში დარჩენილიყვნენ, ხოლო ასისტავეებს და ზუთა-
სისტავეებს²²⁵ დაავალა ღამე ეზოში გაეტარებინათ.

ოცდახუთში იგი სასახლის მეორე ნაწილში გადაიყვანეს, სადაც
ცოტა დაიძინა, მაგრამ ხურვება არ გამოჩენილბოა. როცა მასთან სარდ-
ლები მივიდნენ, უკვე ხმას ვეღარ იღებდა.

ასეთივე მდგომარეობაში იმყოფებოდა მეფე ოცდაექვს დესიოსს.
მაკედონელებს ეგონათ, უკვე მოკვდაო, და ამიტომ ყვირილით მიიჭრ-
ნენ სასახლის ჭიშკართან და მეფის მეგობრებს ემუქრებოდნენ. ისინი
იძულებულნი გახდნენ მათთვის კარი გაეღოთ. მაკედონელებმა, ჭიშკო-
ნების ამარა, თითო-თითოდ ჩაუარეს გვერდი მეფის სარეცელს.

ამავე დღეს პითონი და სელევკე გაგზავნეს სერაპისის ტაძარში,
რათა გაეგოთ, ხომ არ იყო საჭირო ალექსანდრეს გადაყვანა ამ ტა-
ძარში.

ღმერთმა ბრძანა, ალექსანდრე ადგილზე დაეტოვებინათ. ოცდარვა-
ში, საღამო ჟამს, იგი გარდაიცვალა²²⁶.

77. აქ მოყვანილი ამბის უმეტესი ნაწილი ასეა სიტყვასიტყვით
დღიურებში აღწერილი. მაშინ არავის დაჰბადებია ექვი იმისა, რომ
ალექსანდრე მოწამლეს; მაგრამ ექვსი წლის შემდეგ, დაბეზლების წყა-
ლობით, ოლიმპიადამ მრავალი კაცი გამოასახლმა სიცოცხლეს, ხოლო
უკვე მიცვალებული იოლას²²⁷ ძელები საფლავიდან ამოაყრევინა, იმან
ჩაუსხა ალექსანდრეს სასმელში შხამიო. ისინი, რომლებიც ამბობენ,
ალექსანდრეს მოწამვლის რჩევა ანტიპატრეს არისტოტელემ მისცა
და, საერთოდ, შხამი მისი წყალობით იქნა აზიაში მიტანილიო, გადმო-
გვცემენ, ეს ამბავი გაავრცელა ვიდაც აგნოთემისმა, ვინც ეს თითქოს

ანტიგონე მეფისაგან მოისმინაო. საწამლავად გამოყენებული იყო ის ყინულივით ცივი წყალი, რომელიც ნონაკრიდის²²⁸ მთიდან გადმოდი-
სო. ამ წყლის წვეთებს ვირის ჩლიქში აგროვებენ თურმე, ვინაიდან
ისეთი ცივია და მძაფრი, სხვა ჭურჭელში არ ინახება, მყისვე შლის
მას და იღვრება. საერთოდ უმრავლესობა ფიქრობს, ხმა ალექსანდრეს
მოწამელის შესახებ შეთხზულიაო. ამის დასადასტურებლად უმნიშვნე-
ლო როდია ის გარემოება, რომ ალექსანდრეს სიკვდილის შემდეგ
სარდლები ერთმანეთს წაეციდნენ და ეს საკმაოდ ღიბხანს გაგრძელ-
და. მეფის გვამი კი ამ დროს დაუკრძალავი იდო ცხელ, ჩახუთულ
ადგილას. მიუხედავად ამისა, გვამს გახრწნის ოდნავი ნიშანაც არ
გვხვობოდა, ისეთი წმინდა და ახალი ჩანდა.

სწორედ იმ ხანებში როქსანა ფეხმძიმედ გახლდათ და ამის გამო
მაკედონელები დიდ პატივსაც სცემდნენ. ის მუდამ ექვს თვალთა
შესცქეროდა სტატირას²²⁹ და ახლა ყალბი წერილით მიიტყუა. მას
სტატირა და ამისი დაი მოაკვლევინა; მათი გვამები ქაში ჩაყარა და ქა
ამოაგვებინა. ეს ამბავი იცოდა პერდიკამ და როქსანას ეხმარებოდა
კიდეც. პერდიკამ სხვათა შორის მალე მოიპოვა საკმაოდ დიდი ძალი
და თავის მზღებლად, თითქოსდა მეფე ყოფილიყო, დაატარებდა არი-
დეოსს, რომელიც ფილიპეს მდაბიო წარმომავლობის მეძავ ქალ ფი-
ლინესაგან შეეძინა.

არიდეოსის ჭკუასუსტობის მიზეზი ავადმყოფობა გახლდათ. ბუ-
ნებით გონაყლული იგი არ ყოფილა და არც უშიშვროდ დაჰმართია
ეს სენი. პირიქით, ამბობენ, ბავშვობაში კარგი ხასიათისა და საკმაო
ნიჭის პატრონი ჩანდა, მაგრამ მას შემდეგ, რაც ოლიმპიადამ სხვადა-
სხვა შსამი ასვა, გონება აემღვრაო.

გაიშს იშლიშს კეისარი

1. როცა სულამ¹ გამარჯვება მოიპოვა, ვერც დაპირებებით და ვერც მუქარით ვერ შეძლო რომის ყოფილი ერთმმართველის ცინას ასული კორნელია კეისრისათვის დაეშორებინა². ამის გამო სულამ კორნელიას მზითვი აღუკვეთა და სახელმწიფო საკუთრებად გამოაცხადა. სულას მტრული განწყობილების მიზეზი კეისრის მიმართ მარიუსთან ნათესაობა გახლდათ. სახელდობრ, უფროსი მარიუსი კეისრის მამიდის, იულიას მეუღლე იყო, ისე რომ მისი ძე უმცროსი მარიუსი კეისარს მამიდაშვილად ხვდებოდა.

პირველ ხანებში ურიცხვ მკვლელობათა და მეტისმეტი მოუცლელობის გამო სულა კეისარს ყურადღებასაც არ აქცევდა. კეისარს აზნუნშიაც არ ჩაუვლია ეს; მიუხედავად იმისა, რომ ჯერ სულ ახალგაზრდა იყო, საჩაროდ გამოვიდა და შეეცადა ქურუმის თანამდებობა მიეღო³. სულამ წინააღმდეგობა გაუწია ამ განზრახვას, ყველაფერი ისე მოაწყო, რომ კეისარი ამ საქმეში დამარცხდა. სულას მისი მოკვლაც კი უნდოდა. როცა ზოგიერთმა უთხრა, ასეთი ყმაწვილის მოკვლას არავითარი აზრი არა აქვსო, სულამ მათ ასე მიუგო: „ბრძოლები ყოფილხართ, თუ ვერ ხედავთ, რომ ამ ყმაწვილში მრავალი მარიუსი ზისო“.

ეს სიტყვები რომ კეისრის ყურამდე მივიდა, კეისარი საბინების მხარეში გადაიხვეწა და დიდხანს იქ იმალებოდა. შემდეგ კი, როცა ავადმყოფობის მიზეზით სახლიდან სახლში გადაჰყავდათ, დამით ხელო ჩაუვარდა სულას მეომრებს, რომლებიც იმ ადგილებს ზეგრავენ და დამალულებს იჭერდნენ. კეისარმა მათი მეთაური კორნელიუსი ორ ტალანტად მოისყიდა, თავი დაიხსნა, დაუყოვნებლივ მიაშურა ზღვას და გაემგზავრა ბითინიაში მეფე ნიკომედესთან⁴. კეისარმა მასთან მცირე ხანს დაჰყო და მერმე უკანვე დაბრუნდა; მაგრამ კუნძულ ფარ-

მაკუსასთან⁵ ამჯერად ტყვედ ჩაუვარდა მეკობრეებს, რომელთაც იმახანად უკვე დიდი ზომადღოვრებული ჰყავდათ და ამის წყალობით ზღვაზე მბრძანებლობდნენ.

2. როცა მეკობრეებმა თავის გამოსასყიდად კეისარს პირველად ოცი ტალანტი მოსთხოვეს, სიცილი დაეყარა მათ: თქვენ არ გცოდნიათ, ვინა გყავთ ტყვედ შეპყრობილიო, და, თავის მხრივ, ყაჩაღებს დაჰპირდა: ორმოცდაათ ტალანტს მოგცემთო. ამის შემდეგ თავისი კაცები კეისარმა სხვადასხვა ქალაქებში აფრინა ფულის საშოვრად, თვითონ კი მხოლოდ ერთი მეგობრისა⁶ და ორი მსახურის თანხლებით ამ სისხლისმსმელ კილიკელებთან დარჩა⁷. მიუხედავად ამისა, იგი ისეთი ზიზღით ეპყრობოდა მეკობრეებს, როცა კი დასვენებას მოიხსურებდა, მსახურის პირით ბრძანებას აძლევდა ჩუმად ყოფილიყვნენ. ოცდათვრამეტი დღე ისე გაატარა კეისარმა მათთან, თითქოს ტყვეობაში კი არა, პირადი მცველების მზრუნველობის ქვეშ იმყოფებოდა; იგი მეკობრეებს ფრიად უღარდელად ეხუმრებოდა და მათთან ერთად ვარჯიშობდა კიდეც. ხანდახან პოემებსა და სიტყვებს წერდა, მათ მოსასმენად ყაჩაღებს უხმობდა და, ვინც თავის განცვიფრებას არ გამოამყლავენბდა, ყოველგვარი მორიდების გარეშე უზრდელებსა და ბარბაროსებს ეძახდა, ზმირად კი სიცილით ემუქრებოდა: ყველას ჩამოგახრჩობთო. მეკობრეები ხალისით უსმენდნენ მას და ამ გულახდილობაში მისი უბრალო და მხიარული ხასიათის გამოვლინებას ხედავდნენ.

მოვიდა თუ არა მილეტიდან⁸ გამოსასყიდი თანხა, კეისარმა იგი გადაიხადა და თავისუფლება მიიღო. მერმე კი დაუყოვნებლივ აღჭურვა რამდენიმე ზომადი და მილეტის ნავსადგურიდან ზღვის მაწანწალებს დაედევნა. მან მეკობრეებს მიუსწრო კუნძულთან, სადაც ჯერ კიდევ ღუზაზე იდგნენ, და უმრავლესობა შეიპყრო, მათი ქონება, როგორც ნაღავლო, კეისარმა თვითონ მიისაკუთრა, ტყვედქმნილი მეკობრეები კი პერგამონის⁹ საპყრობილეში ჩააგტა. ამის შემდეგ გაემართა აზიის მმართველ იუნიუსთან, რომელსაც, ვითარცა პრეტორს, ვალად ედო ეს ტყვეები დაესაჯა; მაგრამ იუნიუსმა, ყაჩაღებისათვის წართმეულ ფულს რომ ხარბი თვალთ უყურებდა (ეს თანხა ცოტა როდი იყო), კეისარს უთხრა, დატყვევებულ მეკობრეთა საქმეს მაშინ განვიხილავ, როცა დრო მექნებაო. მაშინ კეისარი გამოემშვიდობა იუნიუსს და თვითონვე მოვიდა პერგამონში. მან ყაჩაღები საპყრობილიდან გამოი-

ყვანა და უკლებლივ ყველა ჯვარს აცვა, როგორც წინასწარ შეჰპირდა კუნძულზე, თუმცა მისი ნათქვამი მაშინ ყაჩაღებს ხუმრობა ეგონათ.

3. ცოტა ხნის შემდეგ, როცა სულას ძალაუფლება უკვე თახდა-თანობით შესუსტდა, მეგობრებმა კეისარს მოუწოდეს სამშობლოში დაბრუნებულიყო¹⁰; მაგრამ იგი ჯერ როდოსზე¹¹ გაემგზავრა მოლონის ძე აპოლონიოსის სკოლაში, რომელსაც, სხვათა შორის, ციცერონიც უსმენდა. ეს აპოლონიოსი ფრიად სახელოვანი მჭევრმეტყველი და უზადო ხასიათის კაცი იყო¹². როგორც ამბობენ, პოლიტიკურ მჭევრმეტყველებას კეისარს საოცარი ბუნებრივი ნიჭიც ჰქონდა და ამ საქმეში ფრიად დაუცხრომლადაც ვარჯიშობდაო; ამ მხრივ ყოველგვარი ეჭვის გარეშე მოიპოვა მეორე ადგილი. რაც შეეხება პირველ ადგილს, მრავალი საქმით გათუღმა კეისარმა იგი ხელიდან გაუშვა, რამეთუ უფრო მეტად ძალაუფლებისა და იარაღში პირველობის მოპოვებას ესწრაფებოდა. ლაშქრობათა და სახელმწიფო მოღვაწეობის მეოხებით მან მართლაც მოიპოვა ძალაუფლება, მაგრამ მჭევრმეტყველებას სწორედ ამის გამო ვერ მიადწია იმ მაღალ საფეხურს, რომლისაკენაც თანდაყოლილი ნიჭი უხმობდა. თვითონ კეისარიც, უფრო გვიან, ციცერონის მიერ კატონზე დაწერილი თხზულებების საწინააღმდეგო სიტყვაში მკითხველს სთხოვს, რომ იგი ნუ შეადარებს ჯარისკაცის სიტყვას იმ ნიჭიერი ორატორის მჭევრმეტყველებას, რომელმაც ამ საქმეში გაწაფვას ბევრი დრო მოანდომა¹³.

4. დაბრუნდა თუ არა რომში, პროვინციაში ჩადენილი ბოროტმოქმედებისათვის კეისარმა სამართალში მისცა დოლაბელა¹⁴. მის ბრალდებას თავისი მოწმობით საბერძნეთის მრავალმა ქალაქმა დაუჭირა მხარი. მიუხედავად ამისა, დოლაბელა გამართლდა. ბერძენთა პატივისცემა რომ გადაეხადა, კეისარმა ხელი მოჰკიდა იმ საქმეს, რაც მათ მაკედონიის პრეტორ მარკუს ლუკულუსთან¹⁵ აღძრეს პუბლიუს ანტონიუსის წინააღმდეგ¹⁶, რომელსაც ბრალად სდებდნენ მექრთამეობას. კეისარი ისე თავგამოდებით შეუდგა ამ საქმეს, რომ ანტონიუსმა საჩივრით მიმართა სახალხო ტრიბუნებს: აქ, საბერძნეთში, ბერძენებთან მოუკერძოებელი სამართალი ვერ ვპოვეო.

თვისი ჩინებული დისაცავი სიტყვებით კეისარმა რომში ფრიად ბრწყინვალე სახელი მოიხვეჭა. ამავდროს, თავაზიანობით და მეგობრული აღერსიანობით, რაიც მისი ასაკისათვის დიახაც საკვირვე-

ლი გახლდათ, მდაბიო ხალხში დიდი სიყვარული მოიპოვა. მისი ნადიმები, საუცხოო სუფრები, ერთი სიტყვით, ხელგამღილი და ნებური ცხოვრება თანდათანობით ზრდიდა მის ძალასა და წონას სახელმწიფოში.

კეისრის მოშუერნენი პირველ ხანებში ფიქრობდნენ: შემოეხარება თუ არა ქონება, ძალაც მყისვე გაუქრებაო, — და მის მზარდ გაგონას ხალხში ყურადღებასაც არ აქცევდნენ; მაგრამ მერმე, საკმაოდ გვიან, როცა ეს ძალა ისე გაიზარდა, წინ ველარაფერი დაუდგებოდა და ამჟამად მისწრაფოდა სახელმწიფო გადატრიალებისაკენ, ისინი მიხვდნენ, რომ არავითარი საქმის დასაწყისი არ უნდა ჩაითვალოს უმნიშვნელოდ, რამეთუ ყოველი მცირე საქმე სიჭიუტის წყალობით დიდად გარდაიქმნება და მისდამი გამოჩენილი უყურადღებობა იმას შეუწყობს ხელს, რომ ამ საქმეს ველარაფერი დააბრკოლებს.

ციცერონი, როგორც ჩანს, მაინც პირველი იყო, რომელმაც კეისარი საეჭვო პიროვნებად აღიარა და მისი პოლიტიკა ისევე საშიშრად ჩათვალა, ვით ღროვებით დამშვიდებული ზღვა. იგი გარეგნულად აღერსიან, მხიარულ კეისარში ფრიად შეუპოვარი ხასიათის კაცს ხედავდა. ციცერონი ამბობდა, რომ იგი კეისრის ყოველ სურვილსა და სახელმწიფო საქმიანობაში ტირანულ განზრახვას კვრეტდა: „მაგრამო, — უმატებდა ამას ციცერონი, — როცა მე მის გულმოდგინედ დაწყობილ თმას ვუტყეპ, როცა ვხედავ, რომ იგი თავს ერთი თითით იფხანს¹⁷, მაშინ კი აღარ მგონია, ამ კაცს გუნებაში ისეთი დიდი ბოროტი ზრახვა ჰქონდეს, როგორც რომაელთა სახელმწიფოებრივი წყობილების დამოხდა არისო“. მაგრამ ამას თაობაზე უფრო გვიან მოვითხრობთ.

5. ხალხის სიყვარულის პირველი დამამტკიცებელი ნიშანი კეისარმა მაშინ მიიღო, როცა გაიუს პომპილიუსთან სამხედრო ტრიბუნობისათვის ქიშპობის დროს ამ თანამდებობაზე თავის მეტოქეზე უწინ იქნა აღიარებული; ხოლო მეორე და უფრო ცხადი ნიშანი კი მაშინ მოიპოვა, როცა მამიდამისი, მარიუსის მეუღლე იულია გარდაიცვალა და მისი ხსოვნის აღსანიშნავად ფორუმზე ბრწყინვალე სახატბო სიტყვა წარმოთქვა, ხოლო დაკრძალვის დროს კი ისეთი გამზედაობა გამოიჩინა, რომ საჯაროდ გამოიტანა მარიუსის ქანდაკებაში, რომლებიც, სულას ბატონობის დროიდან მოკიდებული, მაშინ პირველად იხილეს რომაელებმა: მარიუსი და მისი მომხრენი ხალხის

მტრებად იყვნენ აღიარებულნი. მარიუსის გამოსახულებათა დანახვაზე ზოგიერთებმა ხმა აღიმალღეს კეისრის წინააღმდეგ, მაგრამ ხალხი მხიარული ყოფნითა და ტაშისცემით მიეგება ამ ამბავს; იგი განცვიფრებული იყო კეისრის მოქმედებით, რომელიც მარიუსის პატივს ესოდენ მრავალი ხნის შემდეგ, ასე ვთქვათ, საიქიოს სამეფოდან რომშიმ აბრუნებდა¹⁸.

გარდაცვლილ მოხუც ქალთა პატივსაცემად საფლავზე სიტყვის წარმოთქმა ძველი რომაული ჩვეულება იყო, ახალგაზრდა ქალების მიმართ კი ასეთი წესი არ არსებობდა; მაგრამ კეისარმა, როცა ცოლი გარდაეცვალა¹⁹, პირველმა გადაუხვია ამ აღთს და მეუღლის ხსოვნის აღსანიშნავად სიტყვა წარმოთქვა. მან ამითაც დაიმსახურა ერთგვარი პატივი და საკუთარი სევდის გამომჟღავნებით ისე მოინადირა თითქმის მთელი ხალხის გული, რომ ხალხს იგი ძალაუვნებურად უნდა შეჰყვარებოდა, ვით უწყინარი და გრძნობით აღსავსე კაცი.

დაკრძალა თუ არა მეუღლე, კეისარი კვესტორის ჩინით პრეტორ ვეტუსთან ერთად იბერიაში გაემგზავრა²⁰. ამ ვეტუსს კეისარი, სხვათა შორის, იმ დროიდან მოკიდებული მუდამ პატივს სცემდა და შემდეგ ხანებში, როცა თვითონ გახდა პრეტორი, მის შვილს კვესტორობა უბოძა.

კვესტორის მოვალეობის აღსრულების შემდეგ კეისარი რომში დაბრუნდა და მესამედ იქორწინა პომპეიაზე²¹. კორნელიასაგან მას დარჩა ქალიშვილი, რომელიც შემდგომ ცოლად გაჰყვა პომპეუს დიდს²².

კეისარი ფულს მეტისმეტად ხელგამლილად ხარჯავდა. ერთი შეხედვით ისე ჩანდა, თითქოს ამ უსაზღვრო ხარჯვით ეფებერულსა და ხანმოკლე დიდებას ყიდულობდა; სინამდვილეში კი შეუღარებლად მკერდ თანხით ფრიად დიადსა და მნიშვნელოვანს იძენდა. ამბობენ, კეისარს, სანამ რაიმე თანამდებობას მიიღებდა, ათას სამასი ტალანტი ვალი ჰქონდაო²³. მიუხედავად ამისა, როცა აბიუსის გზის პროკურორად დანიშნეს, საკუთარი სახსრებიდან დიდძალი ფული დააჩარჯა. ხოლო მერმე, ედილი რომ გახდა, სამას ოცი წყვილი გლადიატორი გამოიყვანა: ამით და სხვადასხვა სანახაობათა, ზარ-ზეიმებისა და ნადიმების მოსაწყობად გაწეული ხარჯებით კეისარმა ყველა მისი წინამორბედი დაჩრდილა: მან ისე მოინადირა ხალხი, რომ თითოეული

ცდილობდა მისთვის გამოეძებნა რაიმე ახალი თანამდებობა და ახალი პატივი, რა არის მისთვის მაღლობა გადაეხადა ²⁴.

6. რომში იმხანად ორი პოლიტიკური პარტია არსებობდა; ერთი იყო სულას პარტია, მეტად დიდი ძალისა და მნიშვნელობის მქონე; ხოლო მეორე — მარიუსელთა პარტია, რომელიც მაშინ დაკნინებული, გაფანტული და სავსებით უძლური ჩანდა. პოდა, კეისარმა სწორედ ამ პარტიის გაძლიერება და აღდგენა მოინდომა. თავისი ედილობის დროს, როცა მისმა ხელგაშლილობამ უმაღლეს მწვერვალს მიაღწია, მიუღწეად გააქეთებინა მარიუსისა და ძლევაშოსილი ნიკეს, გამარჯვების ღმერთქალის ქანდაკებანი, მიიტანა ღამით ისინი კაპიტოლიუმზე და იქ დადგა. დილით ადრე, როცა დაინახეს ეს ოქროთი მზინავი და დიდი ოსტატობით ნაკეთები ქანდაკებანი, რომელთა წარწერებიც მხილველს კიმბრებზე ²⁵ გამარჯვებას აგონებდა, ყველას გაუკვირდა მათი დამდგმელის გამბედაობა (მისი ვინაობა უცნობი როდი დარჩა). ამაზე მყისვე დაირბა ქალაქში ხმა და ქანდაკებათა სახილველად უამრავი ხალხი მოგროვდა. ზოგიერთმა ყვირილი ატეხა: კეისარი თავისი პოლიტიკური ზრახვებით ტირანიისაკენ მიისწრაფვის, რაკილა ცდილობს მკვდრეთით აღადგინოს ის გადაჭარბებული პატივი, რაიც კანონებითა და სენატის გადაწყვეტილებებით იქნა დამარხული; ეს ცდა არის მის მიერ უკვე წინასწარ მომადლიერებულ ხალხზე იმის გასაგებად, ჰყავს თუ არა თავისი გულუხვობით ისე მოთვინიერებული ხალხი, რომ ამ უკანასკნელმა მას ასეთი ოინების უფლება მისცესო. რაც შეეხება მარიუსელებს, ისინი საოცარი სიმრავლით გამოჩნდნენ მყისვე, ერთმანეთი გაამხნევეს და კაპიტოლიუმში ტაშისცემით აავსეს. მარიუსის სახის დანახვაზე ბევრ მათგანს სიხარულის ცრემლი მოადგა და დიდად შეამკეს კეისარი, როგორც ერთადერთი კაცი იმ მრავალთა შორის, რომელიც მარიუსის ნათესაობის ღირსი იყო.

ამ ამბავთან დაკავშირებით მოიწვიეს სენატის სხდომა. სხდომაზე წარმოდგა იმ დროს რომაელებში ფრიალ დიდი გავლენის მქონე კაცი კატულუს ლუტაციუსი, რომელმაც კეისარს ბრალი დასდო და ღირს-სახსოვარი სიტყვა წარმოთქვა: „ჩვენს სახელმწიფოზე კეისარს იერიში მოაქვს უკვე არა საიდუმლო გზებითა და ხერხელებით, არამედ საალყო მანქანებითო“. მაგრამ კეისარმა ისე დაიცვა თავი ამ ბრალდებისაგან, რომ სენატიც კი თავის მხარეზე გადაიბირა. მისი მომხრენი

კიდევ უფრო მეტად გამხნევდნენ და კეისარს მიუჭოდებდნენ არც ერთ თავის განზრახვაზე არ აეღო ხელი. ისინი არწმუნებდნენ: ხალხის დახმარებით ყველაფერში გაიმარჯვებ და პირველი კაცი იქნებით.

7. სწორედ ამ ხანებში გარდაიცვალა ქურუმთუხუცესი მეტელუსი²⁶, ქურუმის უმაღლესი თანამდებობის დასაკავებლად მწვავე დავა განაღდა სერვილუს ისავრიკუსსა²⁷ და კატულუსს შორის, რომელნიც ფრიად წარჩინებულნი და სენატში მეტად დიდი გავლენის მქონე პიროვნებანი იყვნენ. კეისარმა მათ როდი დაუთმო; იგი სახალხო კრებაზე გამოვიდა და თავის მხრივ ქურუმთუხუცესის თანამდებობა მოითხოვა. რაკილა ჩანდა, ორივე მხარე თანაბარი გულმოდგინებით იბრძოდა, კატულუსს კიდევ უფრო მეტად შეეშინდა გაჩაღებული დავის წინასწარგანუჭკერტელი შედეგისა სწორედ საკუთარი დიდი ღირსების გამო და კეისარს კაცები მიუგზავნა: მაგ თანამდებობის დასაკავებლად გზიდან ჩამომეცალე და დიდ თანხას მოგცემო. კეისარმა უპასუხა: კიდევ უფრო დიდ თანხას ვისესხებ, ვალეებში ჩაგვარდები, მაგრამ ბრძოლას მაინც განვაგრძობო. არჩევნებისათვის დანიშნულ დღეს ცრემლმორგეულმა დედამ იგი კარამდე მიაცილა. კეისარი მას გამოეშვიდობა და უთხრა: „დედაჩემო, შენს შვილს ან ქურუმთუხუცესად იხილაგ, ან გაძევებულ მაწანწალად“. დაიწყო კენჭისყრა და დიდი კამათის შემდეგ კეისარმა გამარჯვება მოიპოვა. ამით მან სენატი და წარჩინებული მოქალაქენი შიშში ჩააგდო, ვაითუ უკიდურეს თავხედობამდე მიიყვანოს ხალხი კეისარმაო. ამის გამო პიზონი²⁸ და კატულუსი ბრალად სდებდნენ ციცერონს იმას, რომ კატილინას²⁹ შეთქმულების გამომჟღავნების დროს დაზოგა კეისარი, რომელიც თავის წინააღმდეგ თვითონვე იძლეოდა სამხილებელ მასალას.

კატილინას განზრახული ჰქონდა არა უბრალო შეცვლა სახელმწიფო წყობილებისა, არამედ ყოველგვარი ხელისუფლების მოსპობა და ყველაფრის არევ-დარევა. პოდა, როცა მის წინააღმდეგ მცირე მამხილებელი მასალა გამომჟღავნდა, ვიდრე ყველა მისი განზრახვა აშკარა გახდებოდა, კატილინა რომიდან გაიქცა, მაგრამ შეთქმულების გეგმათა განსახორციელებლად ქალაქში დატოვა ლენტულუსი და ცეტეგუსი. აქეზებდა თუ არა კეისარი ამ პირთ, ან ენმარებოდა თუ არა მათ ფარულად, ეს არცთუ ისე ადვილი გასარკვევია. სენატის სხდომაზე, როცა ეს პირნი საგსებით ამხილეს დანაშაულში და როცა კონ-

სულმა ციცერონმა თითოეულ სენატორს სთხოვა დამნაშავეთა სასჯელის ირგვლივ თავისი აზრი გამოეტქვა, აი მაშინ ყველამ, სანამ კეისარს მოუწვედა სიტყვა, სიკვდილით დასჯა მოითხოვა. რაც შეეხება კეისარს, იგი წინასწარ კარგად აწონილ-დაწონილი სიტყვით გამოვიდა და განაცხადა, რომ ღირსებითა და გვარისშვილობით გამორჩეულ პირთა გაუსამართლებლად სიკვდილით დასჯა, თუკი ამას უკიდურესი აუცილებლობა არ მოითხოვს, მისი აზრით, არც რომელიმე ჩვეულებების შესაფერი იქნება და არც სამართლიანი. მაგრამ, — ამბობდა კეისარი, — თუ ჩვენ ამ პირთა შევიპყრობთ და კატილინას განადგურებამდე იტალიის იმ ქალაქებში გადავასახლებთ, რომელთაც თვითონ ციცერონი აპირებდა, აი, მერმე სენატს სრული საშუალება მიეცემა ზავისა და მშვიდობის პირობებში თითოეულ მათგანზე თავისი გადაწყვეტილება გამოიტანოსო.³⁰

8. ეს წინადადება ისეთი ლმობიერი აღმოჩნდა და ისეთი მძლავრი ენაშტევრობით ითქვა, ვიდრე კატონისა და კატულუსის სიტყვის რიგი მოვიდოდა, კეისარს უკვე დაუთანხმენ არა მარტო ისინი, რომლებიც მის შემდგომ წამოდგნენ სალაპარაკოდ, არამედ ბევრმა მათგანმა, მასზე უწინ რომ გამოვიდნენ სიტყვით, უარყო თავისი მოსაზრება და კეისარს წინადადებას დაუჭირა მხარი. რაც შეეხება კატონსა და კატულუსს, ისინი მთელი სიმძაფრით წინაუდგნენ კეისარს რჩევას. ის კი არა, კატონმა თავის სიტყვაში ეჭვიც კი გამოთქვა კეისარის მიმართ და ფრად ცხარედ შეეკამათა³¹. ბოლოს შეთქმულთ მაინც სიკვდილით დასჯა მიუსაჯეს. როცა კეისარი სენატის სხდომიდან გამოდიოდა, ახალგაზრდებმა, რომლებიც მაშინ ციცერონს მცველებად ჰყავდა მიჩენილი, მახვილები იშეშვლეს და კეისარისაკენ გაეშურნენ; მაგრამ, როგორც ვაღმოგეცემენ, კურიონმა მას ტოგა გადააფარა და ისე გაიქცა³²; ციცერონმაც თავის მხრივ ნიშანი მისცა ახალგაზრდებს შეჩერებულებიყვნენ. ეს ან ხალხის შიშით ჩაიდინა, ანდა იფიქრა: ეს მცველობა უსამართლო და არაკანონიერი იქნებაო.

თუ ყველაფერი ეს მართალია, მაშინ მე არ ვიცი, რატომ არაფერი დაწერა ამაზე ციცერონმა თავის წიგნში „ჩემი კონსულობის თაობაზე“³³. შემდეგ ხანებში ციცერონს ბრალად სდებდნენ იმას, რომ კეისარის წინააღმდეგ მაშინ შექმნილი ხელსაყრელი მდგომარეობა არ გამოიყენა და შეეშინდა ხალხის, რომელიც საოცარ ერთგულებას იჩენდა კეისარის მიმართ.

რამდენიმე დღის შემდეგ კეისარი სენატში მივიდა იმ მიზნით, რომ მის წინააღმდეგ აღძრული ეპყები გაეფანტა. მტრები საშინელი ხმაურით შეხვდნენ. როცა ხალხმა დაინახა. სენატის სხდომა ჩვეულებრივზე დიდხანს გაგრძელდაო, ყვირილით მიაწყდა სენატის შენობას და მას გარს შემოერტყა. ხალხი კეისარს თხოულობდა და სენატს წინადადებდა აძლევდა გამოეშვათ იგი.

კატონს ყველაზე მეტად ეშინოდა იმ ამბოხებისა, რაც მოხალღნელი იყო ღარიბთაგან, რომელნიც თავიანთ იმედებს კეისარზე ამყარებდნენ და მთელი ხალხის წაქეზება შეეძლოთ. ამიტომ სენატი ღაიყოლია ღარიბთა ფენისათვის ყოველთვიურად დაერიგებინათ პური. მართალია, ამით სახელმწიფოს გასავალს დავმატა ახალი ხარჯი, რაც ყოველწლიურად შვიდნახევარ მილიონ ღინარს აღწევდა, სამავიეროდ, ამ ზომის მეოხებით იმ ღროს თავიდან მოიშორეს საშინელი საფრთხე; მან შესუსტა და დააქუცმაცა კეისარის ძალთა უდიდესი ნაწილი სწორედ იმ ხანებში, როცა კეისარი პრეტორობას იწყებდა და ამ თანამდებობის წყალობით კიდევ უფრო საშიში პიროვნება გახდა.

9. მის პრეტორობას რაიმე ამაღლავებელი შედეგი არ მოჰყოლია; თღონდ ერთგვარი უსიამოვნო შემთხვევა საკუთარ სახლში მოუხდა.

ერთი პუბლიუს კლოდიუსი იყო ³⁴, წარმოშობით კეთილშობილი კაცი, სიმდიდრითა და ენამკვეთობით გამოჩენილი, მაგრამ ისეთი ბილწი და თავხედი, რომ ვერც ერთი ყბადაღებული გარყვნილი ვერ აჯობებდა. ამ კლოდიუსს უყვარდა კეისარის ცოლი პომპეია, რომელიც ამ სიყვარულის წინააღმდეგი როდი გახლდათ, მაგრამ საქმე ის იყო, რომ საქალებო ოთახს ფხიზელი დამცველები ჰყავდა მიჩენილი; კეისარის დედა ავრელიაც, ეს დარბაისელი ქალი, თავის რძალს განუწყვეტლივ დასდევდა ფეხდაფეხ და შეყვარებული წყვილის შეგვედრას ძნელ და მეტად სახიფათო საქმედ ხდიდა.

რომაელებს, სხვათა შორის, ჰყავთ ღვთაება, რომელსაც „კეთილღმერთქალს“ ³⁵ უწოდებენ; ბერძნები მას „ქალთა მფარველს“ ³⁶ ეძახიან. ფრიგიელები ამ ღმერთქალს თავისად აცხადებენ და ამბობენ. იგი მეფე მிடასის ³⁷ დედა იყო; რომაელები კი ამტკიცებენ, რომ ის არის ნიმფა ღრიადა, ფაენის საყვარელი; ³⁸ რაც შეეხება ბერძნებს, ისინი ამ ღმერთქალს თვლიან დიონისეს ერთ-ერთ ძიძად, რომლის სახელის ხსენება აკრძალულია. სწორედ ამიტომ ამ ღვთაების დღესასწაულის დროს ქალები კარგებს ეზოის შტოებით ფარავენ და თქმუ-

ლების მიხედვით დმერთქალის გვერდით საღმრთო გველი წვება. ამ წმინდა ღღესასწაულის მიმდინარეობას, წესის თანახმად, ვერც ერთი მამაკაცი ვერ დაესწრება და ვერც სახლში დარჩება. მხოლოდ ქალები თავისთვის, სრულიად განცალკევებულ პირობებში ასრულებენ საიდუმლო ღვთისმსახურებაში ბევრ რასმე ისეთს, რაც, როგორც ამბობენ, ორფიკულ მისტერიებს ჩამოგავს. როცა ამ ღღესასწაულის დღე დგება, კონსული ან პრეტორი, ვისთანაც ზეიმი უნდა გაიმართოს, ოჯახის ყველა მამაკაცთან ერთად სახლიდან მიდის. ოჯახის უფროსობას ამ დღეს ქალი კისრულობს და შესაფერისად რთავს ხოლმე სახლს. ღვთისმსახურების უმთავრესი ნაწილი სრულდება ღამით. ღამის ზეიმს თან ახლავს სხვადასხვა გაერთობა და შეუწყვეტელი მუსიკა³⁹.

10. სწორედ ასეთ ღღესასწაულს მართავდა იმ ხანად პომპეია. კლოდიუსი მაშინ ჯერ კიდევ უწყვერულეაშო ვაჟი იყო. იმ იმედით, პირტიტველობა დამეხმარებო, ქნარზე დამკვრელი ქალის ტანსაცმელი გადაიცვა და ასეთ რიგად მორთული, ახალგაზრდა ქალის სახით, კეისრის სახლისაკენ გაემართა. კარი ღია დაუხვდა; მხევალმა ქალმა, რომელმაც ყველაფერი იცოდა, იგი უშიშრად შეიყვანა სახლში, თვითონ კი პომპეიასთან გაიქცა, რათა კლოდიუსის მოსვლა შეეტყობინებინა. მას ცოტა შეაგვიანდა. კლოდიუსმა ვერ მოითმინა იქ, სადაც დატოვეს, და ამ ვეებერთელა სახლში სიარული დაიწყო, მაგრამ ისე, რომ სინათლეს გაურბოდა. უცებ ავრელიას მოახლეს წააწყდა, რომელსაც ეგონა, ესეც ქალიაო, და სთხოვა თამაშში მონაწილეობა მიეღო. კლოდიუსმა უარი უთხრა. მაშინ ქალმა სტაცა ხელი, გაიყვანა შუა ოთახში და გამოჰკითხა, ვინა ხარ და საიდან მოსულხარო? კლოდიუსმა უბასუხა, პომპეიას აბრას (ახე ეძახდნენ იმ მხევალს) გელოდებიო. იგი ხმამ გასცა. მოახლე კივილით გაიქცა მყისვე განათებული ადგილსაკენ, იქ, სადაც ქალთა ჯგუფი იყო და ყვირილი მორთო: არიქა, მამაკაცი ვნახეო. ქალები შიშმა აიტანა. ავრელიამ ღვთისმსახურება შეწყვიტა, წმინდა საგნები დაფარა, ქალებს უბრძანა, კარები ჩაეკეტათ და კლოდიუსის საძებრად ჩირადღნებით მთელ სახლს შემოეუარა. ბოლოს იგი დამალული იპოვეს იმ მხევალი ქალის ოთახში, რომლის დახმარებითაც სახლში შემოვიდა. ქალებმა იცნეს და სახლიდან გააძევეს. იმ ღამესვე, როგორც კი დაბრუნდნენ ქალები თავ-თავიანთ სახლებში, ქმრებს სასწრაფოდ უამბეს, რაც მოხდა.

მეორე დღეს მთელ ქალაქში გავარდა ხმა, კლოდიუსმა ასეთი დღე

ასეთი ბილწი საქმე ჩაიდინა და პასუხი უნდა აგოს არა მარტო მის მიერ შეურაცხყოფილ პირთა წინაშე, არამედ ქალაქისა და ღმერთების წინაშეცო. ერთ-ერთმა სახალხო ტრიბუნთაგანმა კლოდიუსს ბრალად დასდო ღვთის მკრეხელობა. მის წინააღმდეგ გამოვიდნენ აგრეთვე ყველაზე უფრო გავლენიანი სენატორები და სხვა ბლომა საზიზღარ გარყვნილებასთან ერთად ამხილეს მისი ბილწი ქვეშირი საკუთარ დასთან, ლუქსუსის მეუღლესთან; მაგრამ მათ მისწრაფებათა წინააღმდეგ აღდგა ხალხი და კლოდიუსს გამოესარჩლა. ეს ფრიად დაეხმარა კლოდიუსს მოსამართლეთა წინაშე, რომლებიც შეშინებულნი იყვნენ და ბრბოს წინაშე ძრწოდნენ.

კეისარი პომპეიას მაშინვე გაეყარა, მაგრამ როცა სასამართლოში მოწმედ მიიწვიეს, განაცხადა: კლოდიუსის წინააღმდეგ მიმართულ ბრალდებათა ირგვლივ არაფერი ვიციო. რაკილა ეს პასუხი მეტად უცნაური ჩანდა, ბრალმდებელმა ჰკითხა: „კი მაგრამ ცოლი რაღაზე გაუშვიო?“ „იმიტომ რომ, — უპასუხა კეისარმა, — ჩემს ცოლზე ეჭვიც კი არავინ უნდა მიიტანოსო!“ ზოგიერთები ამბობენ, კეისარმა ის თქვა, რასაც ფიქრობდაო; სხვები კი ამტკიცებენ, იგი ხალხის გულის მოსაგებად მოიქცა ასე, ვინაიდან ხალხი კლოდიუსის დახსნას ლამობდაო. ასე იყო თუ ისე, კლოდიუსი გაამართლეს. ამაში მას ისიც დაეხმარა, რომ მოსამართლეთა უმრავლესობამ მსჯავრის გამოტანის დროს თავისი აზრი განზრახ გაურკვეველი ასოებით აღნიშნა ფირფიტებზე, რათა კლოდიუსის დასჯით საფრთხეში არ ჩაეგდოთ თავი ბრბოსთან, ზოლო განთავისუფლებით წარჩინებულთა თვალში ღირსება არ აპყროდათ⁴⁰.

11. გაუთავდა თუ არა პრეტორობის ვადა, კეისარმა მაშინვე მიიღო საგამგებლოდ ესპანეთი, როგორც პროვინცია;⁴¹ მაგრამ საქმე ის იყო, რომ ვერ დაეკმაყოფილა მევალეები, რომლებიც ხელს უშლიდნენ დანიშნულ ადგილზე წასულიყო დი ალიაქოთს უტეხდნენ. კეისარმა დახმარებისათვის მიმართა კრასუსს, რომელთა შიშის უმდიდრეს კაცს, რომელსაც თავის მხრივ პომპეუსთან პოლიტიკური ბრძოლის საწარმოებლად კეისარს ცხოველმყოფელი ძალა და სიფიცხე სჭირდებოდა. ამიტომ იგი შეუთანხმდა მის ყველაზე უფრო აბეზარ და უღმობელ მევალეებს და იკისრა რვაას ოცდაათი ტალანტის ვალის გადახდა⁴². ამრიგად, კეისარს საშუალება მიეცა პროვინციაში წასულიყო.

გადმოგვცემენ, როცა კეისარი ალბებზე გადავიდა და ერთ პატარა, ლატაკ ბარბაროსულ დაბაზე გაიარა, მეგობრებმა სიცილით ჰკითხეს: „ნუთუ აქაც არის რაიმე მეტოქეობა თანამდებობათა გულისათვის? ნუთუ აქაც არის ბრძოლა პირველობისათვის და შური ძლიერთა შორის?“ კეისარმა სავსებით დინჯად მიუგო თურმე: „მე ვამჯობინებდი, პირველი ვიყო ამათში, ვიდრე მეორე რომაელებშიო“. ერთხელ კიდევ, უკვე ესპანეთში, როცა მოცილილობის ქამს ალექსანდრეზე რაღაცას კითხულობდა⁴³, კეისარი ხანგრძლივსა და ღრმა ფიქრებს მიეცა და ბოლოს კიდევ ატირდა. განცვიფრებულმა მეგობრებმა ამის მიზეზი ჰკითხეს. „როგორ გგონიათ, — უბასუხა მათ კეისარმა, — განა არ არის სევდის ღირსი ის, რომ ალექსანდრე ჩემს ასაკში უკვე უამრავ ხალხზე მეფობდა, მე კი აქამდე არაფერი სასახელო არ გამიკეთებიაო?“

12. მივიდა თუ არა ესპანეთში, კეისარმა დაუყოვნებლივ დაიწყო ენერგიული მოქმედება. მის განკარგულებაში მყოფ ოც კოჰორტა⁴⁴ სულ რამდენიმე დღის განმავლობაში დაუმატა ათი კოჰორტი და კალიკებსა და ლუზიტანებზე გაილაშქრა⁴⁵. მათი დამარცხების შემდეგ ოკეანისაკენ გაემართა⁴⁶ და გზადაგზა დაიპყრო ის ტომები, რომელნიც რომაელთა მორჩილებაში უწინ არ ყოფილან. ომის ბრწყინვალედ დამთავრების შემდეგ კეისარმა არანაკლები წარმატებით დაიწყო მშვიდობიან საქმეთა გამგებლობა. მან ქალაქებში თანხმობა დაამყარა და განსაკუთრებული მონდომებით შეუდგა კრედიტორებსა და მოვალეთა შორის არსებული დავის მოგვარებას. კეისარმა დაადგინა, რომ კრედიტორს მოვალის შემოსავლიდან ყოველწლიურად აეღო მხოლოდ ორი მესამედი, დარჩენილი ნაწილით კი პატრონს ესარგებლა, სანამ ასეთ რიგად მთელი ვალი არ იქნებოდა გასტუმრებული. ამ საქმეთა მოწესრიგების წყალობით დიდად გაითქვა სახელი. ამის შემდეგ მალე დატოვა პროვინცია, სადაც თვითონაც გამდიდრდა და ლაშქრობათა დროს ნივთიერი მღვდმარეობის გამოკეთების საშუალება მისცა ჯარისკაცებსაც, რომლებმაც იგი იმპერატორად აღიარეს⁴⁷.

13. იმ პირთ, რომელნიც ტრიუმფისაკენ⁴⁸ მიილტვოდნენ, კანონის თანახმად ქალაქგარეთ ევალებოდათ ყოფნა, ხოლო ისინი, ვინც კონსულობას ლამობდნენ, რომში უნდა ყოფილიყვნენ და არჩევნებისათვის მომზადებულიყვნენ. კეისარი კი სწორედ იმ დროს დაბრუნ-

და, როცა საკონსულო კომიტეები⁴⁹ უკვე დაწყებული იყო და ორი-
ვე მხრზე კანონის საწინააღმდეგო ვითარებაში აღმოჩნდა; ამიტომ
თხოვნით მიმართა სენატს, ნება მიეცათ მისთვის კონსულობა მო-
ეპოვებინა დაუსწრებლად — მეგობართა დახმარებით. ამ თხოვნის წი-
ნააღმდეგ პირველად კატონმა გაილაშქრა და ამის დასასაბუთებლად
კანონი მოიშველია; მერმე კი, როცა დინახა, კეისარმა სენატორთა
უმრავლესობა თავის მხარეზე გადაიბირაო, საქმის გასაჭიანურებლად
დრო გამოიყენა და მთელი დღე თავის სიტყვას მოანდომა. მაშინ კე-
ისარმა გადაწყვიტა, ხელი აეღო ტრიუმფზე და როგორმე კონსულო-
ბა მიეღო.

როგორც კი მოვიდა რომში, მყისვე მიმართა ერთ პოლიტიკურ
ხერხს და, კატონის გარდა, ყველა მოატყუა. სახელდობრ, ეს იყო
ქალაქში ყველაზე უფრო დიდი გავლენის მქონე პირთა, პომპეუსისა
და კრასუსის შერიგება. კეისარმა ძველი მტრები მეგობრებად აქცია,
მათი ძალა საკუთარ ხელში მოიმწყვდია და ამ ვითომცდა კაცთმოყვა-
რული საქმით სრულიად შეუმჩნევლად სახელმწიფო გადატრიალება
მოახდინა⁵⁰. მართლაც, სამოქალაქო ომის მიზეზი კეისარსა და პომ-
პეუსს შორის ჩამოვარდნილი შფოთი კი არ იყო, როგორც ბევრი
ფიქრობს, არამედ სწორედ მათი მეგობრობა; ისინი ჯერ შეთანხმდნენ
არისტოკრატია გაენადგურებინათ, მაგრამ მერმე წაიკიდნენ და ერთ-
მანეთის წინააღმდეგ აღდგნენ. რაც შეეხება კატონს, მყოფადს რომ
წინასწარმეტყველებდა ხშირად, მაშინ ანჩხლი და მოუსვენარი კაცი
შეარქვეს, მერმე კი გონიერი, მაგრამ ბედუკუდმართი მრჩეველის სა-
ხელი მოიხვეჭა.

14. ასე იყო თუ ისე, კრასუსისა და პომპეუსის მეგობრული მხარ-
დაჭერით გამწვანებული კეისარი კონსულობისათვის ხალხის წინაშე
წარსდგა და კალპურნიუს ბიბულესთან ერთად დიდი პატივით იქნა
აღიარებული კონსულად⁵¹. შეუდგა თუ არა მოვალეობის აღსრულე-
ბას, კეისარმა ისეთი კანონები გამოსცა განსახილველად, რომ მათი
წამოყენება ვინმე უტიფარ სახალხო ტრიბუნს უფრო შეეფერებოდა.
ვიდრე კონსულს; სახელდობრ, ბრბოს გულის მოსაგებად კეისარმა
გამოსცა კანონპროექტი ზოგიერთ ადგილ-მამულთა დაყოფა-განაწი-
ლების შესახებ. წარჩინებულებმა სენატში ამის წინააღმდეგ გაილაშ-
ქრეს, ხოლო კეისარმა, რომელიც უკვე კარგა ხანი საბაბს ეძებდა,
ხმა აღიმართა და განაცხადა: სწორედ სენატის ზეიადობისა და გულ-

ქვაობის წყალობით ვარ იძულებული ხალხს მივმართო, რომ მხარი დამიჭიროსო. ამ სიტყვების შემდეგ სწრაფად დატოვა სენატი და მიაშურა ფორუმს, სადაც ხალხი იყო შეკრებილი. აქ კეისარმა აქეთ-იქით ამოიყენა კრასუსი და პომპეუსი და ჰკითხა: იწონებთ თუ არა ჩემს კანონებსო? იმათ უბასუხეს: ვიწონებთო. მაშინ კეისარმა სთხოვა მათ დახმარებოდნენ იმ პირებთან ბრძოლაში, რომელნიც მახვილ-მომარჯვებულნი ემუქრებოდნენ. ორივემ აღუთქვა კეისარს დახმარება, ხოლო პომპეუსმა დაუმატა, რომ აღმართულ მახვილს იგი არა მარტო მახვილით, ფართაც დაუხვდებოდა. ამან რომელი წარჩინებულები ფრიად შეაწუხა. მათი აზრით, ეს იყო გიჟური და ბავშვური სიტყვა, რომელიც არც მოქმედის პირად ღირსებას შეეფერებოდა და არც იმ მოწიწებას, რისი გამოჩენაც საჭირო იყო სენატის წინაშე. რაც შეხება ხალხს, იგი პომპეუსის გამოსვლით ნასიამოვნები დარჩა.

ამ ძლევამოსილ ვაჟკაცს რომ უფრო დაახლოვებოდა, კეისარმა პომპეუსს მიათხოვა თავისი ქალი იულია, რომელიც უკვე დანიშნული იყო სერვილიუს ცეპიონზე; სერვილიუსს კი კეისარი დაჰპირდა, რომ მიათხოვებდა პომპეუსის ასულს, რომელიც ასევე არ იყო თავისუფალი და დანიშნული იყო სულას ვაჟზე ფაუსტუსზე. მცირე ხნის შემდეგ კეისარმა თვითონაც იქორწინა და ცოლად მოიყვანა კალპურნია, პიზონის ასული⁵², პიზონი⁵³ მან მომდევნო წელს კონსული გახდა. ამან კატონი საშინლად აღაშფოთა და ხმამაღლა განაცხადა: აუტანელი ამბავია მაკანკლობის შემწეობით ძალაუფლების მოპოვება და ქალების საშუალებით პროვინციათა და მხედრობათა გამგებლობაში ერთმანეთის გაყვანაო.

კეისარის თანაკონსული ბიბილუსი ამოდო ლამობდა ხელი შეეშალა კეისარის კანონპროექტებისათვის; მან ვერაფერს ვერ მიაღწია; ის კი არა, რამდენჯერმე საშინელ საფრთხეში ჩავარდა და ფორუმზე კინაღამ მოკლეს კატონთან ერთად. ამიტომ ბიბილიუსი შინ ჩაიკეტა და კონსულობის დანაჩენი დრო ასე გაატარა.

დაქორწინდა თუ არა პომპეუსი, მაშინვე გაავსო ფორუმი შეიარაღებული მებრძოლებით და ხალხს საშუალება მისცა კეისარის კანონები გაეტარებინა. მისივე დახმარებით კეისარმა ხუთი წლის ვადით საგამგებლოდ მიიღო ალბებს იმიერ თუ ამიერ გალია⁵⁴ და აგრეთვე ილირია⁵⁵ ოთხი ლეგიონითურთ. კატონი, რომელმაც ამის წინააღმდეგ ხმის ამაღლება გაბედა, კეისარმა საპყრობილეში წააყვანა.

ნინა. ეგონა, იგი თხოვნა-მუდართი მიმართავდა სახალხო ტრიბუნებს. მაგრამ რა დაინახა, კატონი ზმამოუღებლად მიჰყევოდა მცველებს და ამ ამბით უკმაყოფილო იყო არა მარტო წარჩინებულთა ფენა, არამედ კატონის თვინიერებით აღტაცებული ხალხიც, რომელიც მდუმარე და დამწყობებული მისდევდა უკან დატყვევებულს, მაშინ კეისარმა ერთ-ერთ ტრიბუნს თვითონვე სთხოვა ჩუმად კატონი გაეთავისუფლებინა.

რაც შეეხება დანარჩენ სენატორებს, ამათგან მეტად მცირედენი მიდიოდნენ ხოლმე კეისართან ერთად სენატში, სხვები კი უკმაყოფილონი იყვნენ და სენატს თავს არიდებდნენ. ერთხელ ერთმა ყველაზე უხუცესმა სენატორმა კონსილიუსმა კეისარს უთხრა: ისინი აქ იმიტომ არ მოდიან, შენი იარაღისა და მეომარების გშინიათო. „კი მაგრამ, — ჰკითხა კეისარმა, — რატომ შენც არ რჩები სახლში ამის შიშით?“ „იმიტომ, რომ სიბერე მიკარანახებს, უშიშარი ვიყო; ჩემი დარჩენილი დღეები იმდენად მცირეა, რომ სიფრთხილე აღარ ღირსო“, — მიუგო კონსილიუსმა.

ყველაზე უფრო სამარცხვინოდ მაშინდელ პოლიტიკურ ამბებში მაინც იმას თვლიდნენ, რომ კეისარის კონსულობის დროს სახალხო ტრიბუნად აირჩიეს სწორედ ის კლოდიუსი, რომელმაც კეისარის საქორწინო სარეცელი და ღამის წმინდა ღვთისმსახურება შეზღავნა. მაგრამ საქმე ის იყო, რომ კლოდიუსი ციცერონის გასანადგურებლად იქნა ტრიბუნად არჩეული და თვითონ კეისარიც მანამდის არ წავიდა თავის პროვინციაში, სანამ არ დაამარცხა ციცერონი და იტალიიდან არ გააძეგებინა იგი ⁵⁵.

15. როგორც გადმოგვცემენ, ასეთია ყველა ის ამბავი, რაც გალიაში ლაშქრობის წინ მოხდა. შემდგომი ომებითა და კელტების დასამორჩილებლად წარმოებულ ლაშქრობებით კეისარის ცხოვრებაში ახალი ხანა დაიწყო. კეისარი სულ სხვა ცხოვრებას მიეცა და ახალ საგმირო საქმეთა გზაზე დადგა. მან დაამტკიცა, რომ იგი, ვითარცა მეომარი და სარდალი, არც ერთ სახელგანთქმულსა და დიდებულ მხედართმთავარს არ ჩამოუვარდებოდა. მართლაც, ჩვენ რომ მას შევუღაროთ ფაბიუსები, სციპიონები და მეტელუსები ⁵⁶, ან კიდევ მისი თანამედროვე და მასზე მცირე ხნით ადრე მცხოვრები პირები — სულა, მარიუსი, ორივე ლუკილუსი ⁵⁷ და თვითონ პომპეუსიც, რომელიც სხვადასხვა ბრწყინვალე საომარ საქმეთა წყალობით მაშინ ცამდე

აპყავდათ ქებით, დავრწმუნდებით, რომ კეთსრის საგმირო საქმენი ყველა მათ დიდებას აღემატებოდა. პირველთ მან აჯობა იმ მიუდგომელი ადგილმდებარეობის დაძლევათ, სადაც ომს აწარმოებდა, მეორეთ — დაპყრობილი ქვეყნის სივრცით, მესამეთ — ურიცხვი და ძლიერი მტრის დამარცხებით, მეოთხეთ — მოწინააღმდეგის ფრიალ ველურსა და ვერაჲ ხასიათთან შერკინებით, მეხუთეთ — ტყვეების მიმართ გამოჩენილი ლმობიერებითა და მოწყალებით, მეექვსეთ — საკუთარი მეომრებისადმი გამოჩენილი გულუხვობითა და გაღებული საჩუქრებით, ყველას ერთად კი იმით, რომ ყველაზე მეტი ბრძოლა ჩაატარა და ყველაზე მეტი მტერი მოსპო. სახელდობრ, ათ წელზე უფრო ნაკლებ დროში, რომლის განმავლობაშიც იგი ომს აწარმოებდა გალიაში, იერიშით აიღო რეასზე მეტი ქალაქი, დაიმორჩილა სამასი სხვადასხვა ტომის ხალხი და მთელი ამ ხნის მანძილზე ბრძოლა აწარმოვა სამ მილიონ კაცთან, რომელთაგან ერთი მილიონი ბრძოლის ველზე მოსპო და ამდენივე ტყვედ ჩაიგდო ხელში.

16. კეთსარი ჯარისკაცთა ისეთი დიდი სიყვარულითა და ისეთი თავდადებით სარგებლობდა, რომ თვით ისინიც კი, რომელნიც სხვა ლაშქრობების დროს არაფრით არ განსხვავდებოდნენ დანაჩრენ შემართაგან, უძლეველ მებრძოლებად იქცნენ და კეთსრის დიდების გულისათვის მზად იყვნენ ყოველგვარ საშინელ საფრთხეს პირისპირ შეხვედროდნენ. აი, ასეთი იყო, მაგალითად, აცილიუსი. იგი მასალიასთან⁵⁸ გაჩაღებული საზღვაო ბრძოლის დროს მტრის ხომალდზე ავარდა და, როცა მარჯვენა ხელი ხმლით მოჰკვეთეს, ფარი მარცხენა ხელში დაიჭირა, დასცხო იგი მტერთ სახეში, ყველანი უკუაქცია და ხომალდს დაეპატრონა. ასეთივე იყო კასიუს სცევაც. დირაქიუმთან⁵⁹ ბრძოლაში ისრით თვალამოთხრილმა, მხარსა და თეძოში ოროლებით დაკოდილმა და ას ოცდაათი ისრით ფარდაცხრილულმა კასიუს სცევამ მტერს მოუხმო: მოდი, დაგნებდებითო. და, როცა ორი მათგანი მოვარდა, ერთ-ერთს მხარი ჩამოასხნიბა ხმლით, ხოლო მეორეს სახეში დაჰკრა და გააქცია. ამასობაში მისიანები წამოეშველნენ და დაიხსნეს იგი.

ერთხელ ბრიტანეთში მტერი თავს დაესხა ჭაობიან, წყლით დაფარულ ადგილას მომწყვდეულ მოწინავე ცენტურიონებს⁶⁰. ერთი ჯარისკაცი კეთსრის თვალწინ, სწორედ იმ დროს, როცა კეთსარი ბრძოლის ველს დასცქეროდა, მტრის რიგების შუაგულში შეიჭრა.

აქ მრავალი და საოცარი გმირობა გამოიჩინა, და ცენტურიონები გაჰყრებოდათ დაიხსნა. როცა ბარბაროსები გაიქცნენ, ეს მეომარი თავისიანებს მიჰყვა უკან, მერმე მორევში გადაეშვა, რომელიც ხან ცურვით, ხან ფეხით ძლივძლივობით გადალახა, მაგრამ ფარი დაკარგა. ასეთი მამაცობით განცვიფრებული კეისარი და მისი ამაღა სინარულითა და ყიფინით შეხვდნენ მეომარს, მაგრამ იგი, თავჩაქინდრული და აცრემლებული ფეხქვეშ ჩაუვარდა კეისარს და ფარის დაკარგვის გამო პატიება სთხოვა.

აი, კიდევ მამაცობის მაგალითი. ერთხელ ლიბიაში სციპიონელებმა ხელთ იგდეს ხომალდი, რომელზეც კვესტორად დანიშნული გრანიუს პეტრონი მიცურავდა. მეკობრეებმა ყველა მგზავრი ტყვედ გამოაცხადეს, ხოლო კვესტორს ხელშეუხებლობას დაჰპირდნენ; მაგრამ ამან განაცხადა: კეისარის მეომრები პატიების მიღებას არ არიან ჩვეულებრივნი, ისინი ამ წყალობას თვითონ აძლევენ სხვებსო. თქვა თუ არა ეს, გრანიუსმა მახვილი დაიცა და სიცოცხლე მოისპო.

17. ასეთი მამაცობა და პატივმოყვარეობა კეისარმა თვითონ შთაუწერა და აღუგზნო მეომრებს უწინარეს ყოვლისა იმით, რომ გულუხვად უძღვნიდა მათ სამაგიერო პატივსა და ჯილდოებს და თან უმტკიცებდა: ამ ომებით მოპოვებულ სიმდიდრეს მე პირადი განცხრომისა და კმაყოფილებისათვის როდი ვაგროვებ; ეს სიმდიდრე, ჩემთან რომ ინახება, გმირულ საქმეთა საერთო ჯილდოა და აქედან ვხარჯავ მხოლოდ იმდენს, რამდენიც საჭიროა ყველაზე უფრო წარჩინებულ მეომართა დასასაჩუქრებლადო. მეორე ხერხი, რომელსაც კეისარი ჯარისკაცთა გასალომგულებლად ხმარობდა, იყო ის, რომ იგი საკუთარი ნებით იგდებდა ხოლმე თავს ყოველგვარ საფრთხეში და არავითარი სიძნელის წინაშე არ იხევდა უკან.

კეისარის სიყვარული განსაცდელისადმი სრულიადაც არ აოცებდა იმათ, რომლებიც მის პატივმოყვარეობას იცნობდნენ, მაგრამ აკვირვებდათ ის ამტანიანობა, რასაც იგი სიძნელეთა წინაშე იჩენდა და რაც მისი სხეულის ძალ-ღონეს აღემატებოდა.

კეისარი აგებულებით სუსტი იყო: ტანი მეტად თეთრი და ნაზი ჰქონდა; ხშირად იცოდა ხოლმე თავის ტკივილი და ამასთან ერთად შეპყრობილი იყო ავი ზნითაც⁶¹. ამ სენმა, როგორც გადმოგვცემენ. პირველად კორდუბეში⁶² მოუარა. ჯანის სისუსტე ნებიერი ცხოვრების საბაზად არასოდეს არ გადაუქცევია კეისარს. პირიქით, სხეულის

უძლეულების წამალს იგი სამხედრო სამსახურში ეძებდა: სენს კი სან-კრძლივი მოგზაურობით, ზომიერი ცხოვრებით, ნიადაგ ღია ცისქვეშ ყოფნით და გაჭირვების გადატანით ებრძოდა და ამით სხეულის გაკა-ყვებას ცდილობდა. უმეტეს წილად ეტლში ან ტახტრევანზე ეძინა, რათა დასვენების დროც საქმისათვის გამოეყენებინა. გათენებისთანა-ვე იწყებდა ციხე-სიმაგრეთა, ქალაქთა და ბანაკების გარშემოვლას ეტ-ლით. მის გვერდით იჯდა ვინმე იმ მონათაგანი, რომელნიც გაწა-ფულნი იყვნენ მგზავრობისას მისი კარნახით ეწერათ, ხოლო უკან, ეტლზე ერთი ხმალშემორტყმული მეომარი იდგა. კეისარი ისე სწრა-ფად მოგზაურობდა ჩვეულებრივ, რომ როცა პირველად გამოვიდა რომიდან, უკვე მერვე დღეს როდანოსის სანაპიროს მიადწია⁶³.

ცხენზე ჯდომას ბავშვობიდანვე იყო შეჩვეული და ისე იყო გაწა-ფული, რომ ხელებს ზურგზე შემოიწყობდა და ცხენს მთელი ძალ-ლონით მიაჰყენებდა. გარდა ამისა, ლაშქრობისას კეისარი გავარჯიშდა იმაშიც, რომ შეეძლო ორი და, როგორც ობიუსი⁶⁴ ამბობს, უფრო მეტი მონისათვის ერთდროულად ეკარნახა ხოლმე წერილები. გად-მოგვეცემენ, ბარათების საშუალებით მეგობრებთან ურთიერთობის დამყარებაც კეისარმა შემოიღო, ვინაიდან გადაუდებელ საქმეებზე მოსალაპარაკებლად მათთან პირისპირ შეხვედრის საშუალებას არც ნიადაგი მოუტლელობა აძლევდა და არც ქალაქის სივრცეო.

თუ რაოდენ მოკრძალებული იყო კეისარი პირად ცხოვრებაში, ამას შემდეგი მაგალითი გადმოგვცემს. ერთხელ მედიოლანუმში⁶⁵ იგი სადილად მიიწვია მისმა იქაურმა მასპინძელმა ვალერიუს ლე-ონმა და მთავრად სატაცური, რომელსაც ზეითუნის ზეთის ნაცვლად უბრალო ზეთი მოასხა. კეისარი საჭმელს მადიანად შეექცა, ხოლო მეგობრები, რომელთაც უკმაყოფილება შეატყო, სასტიკად გააციხა: „თუ რაიმე არ მოგწონთ, შეგიძლიათ არ მიირთვათ, ეს სრულიად საკმარისია; მაგრამ ის, ვინც მასპინძლის ასეთ უზრდელობას გა-აზხელს, თვითონაც უზრდელიაო“.

ერთხელ გზაში ავდარმა წამოუსწრო კეისარს და აიძულა ერთი ღარიბი კაცის ქონში შეეფარებინა თავი. კეისარმა დაინახა, რომ ქონ-ში სულ ერთი პატარა ოთახი იყო, რომელიც ერთ კაცს ძლივძლივო-ბით დაიტევდა. მაშინ მეგობრებს უთხრა: „საბატიო ადგილი ყოველ-თვის ძლიერებს უნდა დაუთმოთ, ხოლო აუცილებელი — ავადმყო-ფებსო“. და ქონში მოსვენება ობიუსს შესთავაზა, თვითონ კი სხვებ-

თან ერთად კარის წინ საჩრდილობელში მოთავსდა დასაძინებლად.

18. პირველი ომი, რომლის წარმოება გალიაში ლაშქრობის დროს მოუხდა კეისარს, იყო ომი ჰელვეტებსა და ტიგურინებთან⁶⁶. ამ ტომებმა თორმეტი საკუთარი ქალაქი და თახასი სოფელი გადაწვეს და წინ — რომისადმი დაქვემდებარებული გალიის ნაწილზე⁶⁷ გადასახლელად ვაემართნენ, რაც თავის დროზე კიმბრებმა და ტეტონებმა ჩაიდინეს⁶⁸. ჰელვეტები და ტიგურინები არც მაშაცობაში ჩამოუვარდებოდნენ მათ და არც სიმრავლეში. მათი საერთო რაოდენობაც სამას ათასამდე კაცს აღწევდა. აქედან ას ოთხმოცდაათი ათასი კაცი ბრძოლისუნარიანი იყო. ტიგურინები თვითონ კეისარს არ დაუშორებია. ისინი მის მიერ გაგზავნილმა ლაბიენუსმა გაანადგურა მდინარე არართან⁶⁹. რაც შეეხება ჰელვეტებს, ისინი მოულოდნელად დაესხნენ თავს კეისარს გზაში, როცა ერთ-ერთ მოკავშირე ქალაქში⁷⁰ მხედრობა მიჰყავდა; მაგრამ კეისარმა დაასწრო და თავი ერთ ბუნებრივად გამაგრებულ ადვილს შეაფარა. აქ მთელი თავისი ძალები შეკრიბა და საომრად დააწყო. მას ცხენი მოართვეს; „ცხენით, — თქვა კეისარმა, — გამარჯვების შემდეგ ვისარგებლებ მტრის დასადევნებლად, ახლა კი ისე ვავეშუროთ მოწინააღმდეგისაკენ“, და მტერს ქვეითად ეცვთა. ხანგრძლივი და მძიმე ბრძოლის შემდეგ კეისარმა მტერი აოტა, ყველაზე უფრო დიდი სიძნელე მტრის ალაღთან და ბანაკთან გადაეღობა კეისარს. აქ მოწინააღმდეგის დარაჰმული ვაეკაცები კი არ იბრძოდნენ მართო, არამედ მათი ქალებიცა და ბავშვებიც, რომელნიც უკანასკნელ ამოსუნთქვამდე გააფთხრებიათ იცავდნენ თავს. ბოლოს ისინი უკლებლივ ამოხოცეს და ბრძოლა ძლივძლივობით შეუაღამისას დასრულდა.

ეს ბრწყინვალე გამარჯვება კეისარმა კიდევ უფრო მეტი სახელოვანი საქმით დააგვირგვინა. მან მოაგროვა ბრძოლაში გადარჩენილი და დაუანატრელი ბარბაროსები და აიძულა მიტოვებულ მხარეს დაპბრუნებოდნენ და დასახლებულიყვნენ იმ ქალაქებში, რომლებიც მათვე დაანგრიეს. კეისარმა ეს იმიტომ გააკეთა, რომ ეშინოდა, გერმანელები არ გადმოსულიყვნენ და ამ გამართახებულ მხარეს არ დაპბატრონებოდნენ.

19. მეორე ომი, კელტების დაცვის საბაბით. მან უკვე გერმანელებთან აწარმოვა, მიუხედავად იმისა, რომ მათი მეფე არიოვისტი

სულ მცირე ხნის წინათ მოკავშირედ გამოაცხადა რომში⁷¹. გერმანელები კეისარისადმი დაქვემდებარებული ტომებისათვის მეტად აუტანელ მეზობლებად ითვლებოდნენ და უეჭვო იყო, რომ ისინი, როგორც ხელსაყრელი დრო მიეცემოდათ, თავიანთ ხედვრს არ დასჯერდებოდნენ, გამოილაშქრებდნენ და გალიას დაიპყრობდნენ.

კეისარმა რა დაინახა, მისი სარდლები შიშობდნენ ამ ომის მოლოდინში, ყველაზე მეტ სიმხდალეს კი წარჩინებული გვარის ის ახალგაზრდა წინამძღოლები იჩენდნენ, რომლებიც კეისარს მხოლოდ იმიტომ გამოჰყვნენ, რომ ლაშქრობისას მოხვეჭილი სიმდიდრით ესარგებლათ, კეისარმა ისინი საბჭოზე შეკრიბა და ბრძანებით მიმართა: „რაკილა ასეთ სილაჩრესა და სინაზეს იჩენთ, ახლავე უკან გაბრუნდით. თქვენი საკუთარი სურვილის წინააღმდეგ თავს საფრთხეში ნუ ჩაიდებთ! მე მარტოოდენ მეათე ლეგიონის ამარა გავემართები ბარბაროსთა წინააღმდეგ. ისინი, ვისთანაც მე ბრძოლა მომიხდება, არაფრით არიან კიმბრებზე უმღიერესნი და არც მე ვარ მარიუსზე ნაკლები წინამძღოლი“⁷². მეათე ლეგიონმა მას ელჩები მიუგზავნა და ამ სიტყვებისათვის მადლობა გადაუხადა. რაც შეეხება დანარჩენ ლეგიონებს, მათ საკუთარი წინამძღოლები გაიციხეს და ბრძოლის სურვილით აღგზნებულნი მიჰყვნენ ყველანი კეისარს. რომაელებმა მრავალი დღე იარეს გზად და ბოლოს მტრისაგან ორასი სტადიონის მოშორებით დაბანაკდნენ.

კეისარის ამ ნაბიჯმა არიოვისტის მამაცობას რამდენადმე ფრთა შეაკვეცა. იგი სრულებითაც არ მოელოდა იმას, რომ რომაელები თავს დაესხმოდნენ გერმანელებს, პირიქით, დარწმუნებული იყო, ისინი გერმანელების მოახლოებასაც კი ვერ გაუძლებდნენ. არიოვისტი გააოცა კეისარის გაბედულებამ, თანაც ნახა, რომ მისი მხედრობა დაბნეული იყო. გერმანელთა მხნეობის დაუძლურებას კიდევ უფრო მეტად შეუწყო ხელი მისან ქალთა წინასწარმეტყველებამ. მდინარეთა მორევებზე, წყლის ტრიალსა და ხმაურზე დაკვირვებით ისინი მომავალს სკვრეტდნენ და არიოვისტს ახალი მთვარის დადგომამდე ბრძოლის დაწყებას უკრძალავდნენ.

როცა კეისარმა ეს ამბავი შეიტყო და დაინახა, გერმანელები მშვიდად არიან და ჯერ ბრძოლის დაწყებას არ აპირებენო, უმჯობესად მიიჩნია ხწორედ ასეთ პირობებში დასხმოდა მათ თავს და უქმად არ მჭდარიყო მანამდის, სანამ გერმანელები მათთვის ხელსაყრელ

დროს დაელოდებოდნენ. მან იერიში მიიტანა იმ მიწაყრილებსა და გორაკზე, სადაც ისინი იყვნენ დაბანაკებულნი და ისე გააღიზიანა ბარბაროსები, რომ ბრაზით აიშალნენ ბანაკიდან და ბრძოლაში ჩა-
ენხნენ. კეისარმა ბრწყინვალე გამარჯვება მოაპოვა. უკუქცეულ
მტერს ოთხასი სტადიონის მანძილზე რენოსამდე⁷³ მისდია და მთელი
ეს სივრცე გვამებითა და მტრის მიერ მიტოვებული საჭურვლით
აავსო. არიოვისტმა, როგორც იქნა, დაასწრო და რამდენიმე მეომრის
თანხლებით რენოსი გადალახა. ამბოზენ, გერმანელთა გვამების რი-
ცხვი ოთხმოცი ათასი იყო.

20. ამ ომის დასრულების შემდეგ კეისარმა მხედრობა გამოსა-
წამთრებლად სექვანების⁷⁴ მხარეში დატოვა, თვითონ კი იმ მიზნით,
რომში მამდინარე ამბები მხედველობიდან არ გამოჰპარვოდა, პადო-
ნის⁷⁵ გასწვრივ მდებარე გალიაში გადმოვიდა⁷⁶. ეს მხარე მისთვის
საგამგებლოდ გადაცემული პროვინციის ნაწილი იყო. სხვათა შორის,
ამიერალპების გალიას დანარჩენი იტალიისაგან საზღვრავს მდინარე,
რომელსაც რუბიკონს ეძახიან.

აქ გატარებული დრო კეისარმა იმას მოახმარა, რომ თავის მომ-
ხრეთა რიცხვი გაეზარდა. მასთან ფრიად მრავალი ხალხი მოდიოდა.
იგი თითოეულ სტუმარს აძლევდა იმას, რასაც ეს უკანასკნელი
სთხოვდა და ამრიგად ყველას კმაყოფილს ისტუმრებდა, ზოგს უკვე
დასაჩუქრებულს და ზოგსაც იმედით აღსავსეს. პომპეუსი ვერ ამჩნევ-
და, რომ კეისარი მთელი თავისი ლაშქრობის მანძილზე ასე იქცეოდა:
იგი ერთი მხრივ თანამოქალაქეთა იარაღით მტერს ამარცხებდა, ხო-
ლო მეორე მხრივ მტრისაგან წართმეული ქონებით იმავე თანამოქა-
ლაქეთ იმორჩილებდა და ითვინიერებდა.

ამიერალპების გალიაში ყოფნის დროს კეისარმა გაიგო, რომ მას
განუდგნენ ყელტთა შორის უძლიერესი ბელგები, რომელთაც მთე-
ლი გალიის მესამედი ნაწილი ეკავათ⁷⁷. ამ ბელგებმა, როგორც კე-
ისარს ეუწყა, მრავალათასიანი შეიარაღებული ჯარი შეკრიბეს. კე-
ისარი მყისვე გაბრუნდა უკან და მტრის წინააღმდეგ დიდი სისწრა-
ფით დაიძრა. იგი სწორედ იმ დროს დაესხა თავს ბელგებს, როცა
ისინი რომის მოკავშირე ვალებს არბევდნენ. ბელგები ამჯერად ცუ-
დად იბრძოდნენ. კეისარმა რიცხვმრავალი მტრის ურდო უკუქცია
და ისე გაანადგურა, რომ ბარბაროსთა გვამებით ჭაობები და ღრმა
მდინარეები აივსო და რომაელები ზედ თავისუფლად გადადიოდნენ.

რაც შეეხება დანარჩენ ამბოხებულთ, იმათგან ოკეანის სანაპიროს გასწვრივ მცხოვრები ტომები⁷⁸ ყველანი უბრძოლველად დანებდნენ კეისარს: მაგრამ მას კიდევ მოუხდა გალაშქრება ბელგთა შორის უღელტეხის და უმამაცესი მებრძოლი ტომის ნერვიების წინააღმდეგ. ნერვიები უღრან ტყეებში ცხოვრობდნენ. მათ თავ-თავიანთი ოჯახები და ქონება მტრისაგან რაც შეიძლებოდა მეტი მოშორებით, ტყის სიღრმეში დამალეს და სწორედ იმ დროს, როცა კეისარი გალაშქრის დაბანაკებით იყო გართული და ბრძოლას არ მოელოდა, სამოცი ათასი მეომრის შემადგენლობით თავს დაესხნენ. ნერვიებმა კეისარს ცხენოსანი ჯარი უკუაქციეს, მეთორმეტე და მეშვიდე ლეგიონს გარს შემოერტყნენ და ცენტურიონები ყველა ამოჴლიტეს. კეისარს რომ ფარისათვის ხელი არ ეტაცნა და წინა ხაზზე მებრძოლი რიგების გაჭრის შემდეგ მტერს არ ჰკვეთებოდა, ამავე დროს კეისარის საფრთხის დანახვაზე მეთავე ლეგიონი რომ მაღლობიდან ძირს არ დაშვებულიყო და ბარბაროსთა რაზმები არ მიეღწე-მოეღწეა, რომაელთაგან ძნელადღა თუ გადარჩებოდა ვინმე. მაგრამ ახლა კეისარის სიმამაცით გამხევებული რომაელები, როგორც იტყვიან ხოლმე, საკუთარ ძაღლონეზე აღმატებით იბრძოდნენ. ნერვიებიც, თავის მხრივ უკიდურესი თავგანწირულებით იგერიებდნენ მტერს. რომაელებმა, მართალია, ვერ უკუაქციეს ისინი, სამაგიეროდ სულ ერთიანად აკუწეს. ამბობენ, სამოცი ათასი ბარბაროსისაგან მხოლოდ ხუთასი მეომარი, ხოლო მათი საბჭოს ოთხასი უხუცესი წევრისაგან მხოლოდ სამი კაცი გადაურჩა სიკვდილს.

21. როცა ეს ამბავი სენატს ეუწყა, მან დაადგინა ღმერთების მიმართ სამადლობელი პარაკლისი გადაეხადათ და თხუთმეტი დღის განმავლობაში დღესასწაულები გაემართათ. ასეთი ზეიმი უწინ არც ერთი გამარჯვების დროს არ ყოფილა. ამის მიზეზი კი ის იყო, რომ ახლანდელი საფრთხე მეტად დიდი ჩანდა, — რომაელთა წინააღმდეგ ამდენი ტომი ერთდროულად აღსდგა; ამას გარდა, ხალხმა ისედაც ბრწყინვალე გამარჯვება კეისარის სიყვარულით კიდევ უფრო მეტი დიდებით შემოსა.

რაც შეეხება თვითონ კეისარს, გალიაში საქმეთა მოგვარების შემდეგ გამოსაზამთრებლად კვლავ პადოსის მხარეში გადმოვიდა და რომის მიმართ საკუთარი ზრახვების აღსრულება დააპირა. სახელდობრ, თახამდებობის მძიებელი პირნი მისი დახმარებით სარგებლობდნენ,

მისგან მიღებული ფულით ხალხს ქრთამავდნენ და, როგორც კი დაინიშნებოდნენ თანამდებობაზე, მაშინვე აკეთებდნენ ყველაფერ იმას, რაც კი კეისრის ძლიერების გაზრდის შეუწყობდა ხელს. მაგრამ კეისარი მარტოოდენ ამით როდი დაკმაყოფილდა. მისივე თაოსნობით ლუკაში⁷⁹ მისთან შეიკრიბა თითქმის ყველა წარჩინებული და ღიდი გავლენის მქონე პირი. მათ შორის იყვნენ: პომპეუსი, კრასუსი, სარდინიის პრეტორი აპიუსი და ესპანეთის პროკონსული ნეპოტი. სულ ლუკაში ჩამოვიდა ას ოცი ლიქტორი და ორასზე მეტი სენატორი.

გამართული თათბირის შემდეგ ისინი ასეთ შეთანხმებამდე მივიდნენ: პომპეუსი და კრასუსი კონსულებად უნდა არჩეულიყვნენ, ხოლო კეისარს მხედართმთავრობის ვადის კიდევ ხუთი წლით განგრძობის გარდა განსაზღვრული თანხაც უნდა მისცემოდა. ასეთი პირობა ფრიად უცნაურად მიიჩნია ჭკუადამჯდარმა ხალხმა. მისთვის თანხის მიცემას, ვითომდა კეისარს ეს უჭირდა, სწორედ ის პირები სთხოვდნენ სენატს, რომელთაც კეისარისაგან ესოდენ ბევრი ფული ჰქონდათ მიღებული; ისინი, კაცმა რომ თქვას, აიძულებდნენ სენატს ასეთი გადაწყვეტილება გამოეცანა. კატონი მაშინ იქ არ იყო, იგი განზრახ მოიშორეს თავიდან და კიბროსზე გააგზავნეს. კატონის მიმდევარი ფავონიუსი, რომელმაც ამ გადაწყვეტილების წინააღმდეგ გამოსვლით ვერაფერს მიაღწია, სენატის კარიდან გამოვარდა და ხალხს ყვირილით მოუხმო დასახმარებლად. მას არავინ მიაქცია ყურადღება. ზოგს პომპეუსისა და კრასუსის ეშინოდა, ხოლო უმრავლესობამ კეისრის ხათრით შეიკავა თავი, ვინაიდან სწორედ კეისარზე დამყარებული იმედებით სულდგმულობდნენ.

22. ლუკადან კეისარი კვლავ თავის მხედრობასთან დაბრუნდა გალიაში და ნახა, რომ ეს ქვეყანა საკმაოდ ღიდ ომს მოეცვა. გალიის მიწის დაპყრობის მიზნით ორი გერმანელი ტომი სულ ახლახან რენოსზე გადმოსულიყო. ერთი იყო უზიპეტების ტომი, მეორე კი — ტენქტერებისა. მათ წინააღმდეგ წარმოებულ ომზე კეისარი თავის „დღიურებში“ შემდეგს წერს: ბარბაროსებმა მას ელჩები მიუგზავნეს თურმე, მაგრამ ზავის დროებით ჩამოგდების დროს გზაში თავს დაესხნენ და რვაასი ცხენოსნისაგან შემდგარი რაზმით მისი ხუთათასიანი მხედრობა, რომელიც არაფერს არ მოელოდა, უკუაქციეს. მერმე ისევ გამოუგზავნეს ელჩები, რათა კვლავ მოეტყუებინათ, მაგრამ კეისარმა ეს ელჩები შეიპყრო და თავისი ჯარი ბარბაროსთა წინააღ-

მდეგ დაძრა. ასეთი მუხთალი და ფიცისგამტეხი მტრის ნდობა სისულელედ ჩათვალა. ტანუზიუსი⁸⁰ კი თავის მხრივ გადმოგვცემს, როცა სენატს გამარჯვების აღსანიშნავად დღესასწაულებისა და საყოველთაო პარაკლისის მოწყობის დადგენილება გამოჰქონდა, კატონმა თურმე წინადადება შეიტანა კეისარი ბარბაროსებისათვის გადაეცათ, რათა ფიცისგამტეხის ლაქა რომს ჩამოშორებოდა და წყევლა-კრულვა ასეთი ვერაგობის უშუალო მიზეზს დასტებოდა თავს.

რენოსზე ვადმოსულ გერმანელთაგან ოთხასი ათასი კაცი ვაჟლიტეს. მდინარეზე უკან გადასვლა ფრიად მცირე რიცხვმა მოახერხა. გადარჩენილი ბარბაროსები იქ სუგამბრებმა შეიფარეს. სუგამბრებიც გერმანული მოდგმის ტომი იყო. კეისარმა ეს მათ წინააღმდეგ ომის გაჩაღების საბაზად გამოიყენა. მას, სხვათა შორის, რენოსზე ლაშქრით პირველად გადასული კაცის სახელის მოხვეჭის სურვილიც ამოძრავებდა. ამიტომ ხიდის აგება დაიწყო და ამისათვის ის ადგილი აირჩია, სადაც მდინარე ყველაზე უფრო განივრად და მძლავრად მოედინებოდა. მისი დინება გზადაგზა წამოღებულ ძირკვებსა და მორებს დიდი ძალით ახეთქებდა და ბოძებს არყევდა. კეისარმა მდინარის ფსკერზე ხის უზარმაზარი ხიმინჯები ჩაასმევინა, ამის მეოხებით წყლის გაათრებული მდინარეა ალაგმა და ფრიად სასწაულებრივი და დაუჯერებელი საქმე გააქეთა: ხიდის აგება სულ რაღაც ათიოდე დღეში დაამთავრა.

23. ამის შემდეგ მან მხედრობა ისე გადაიყვანა მეორე ნაპირზე, მისთვის წინააღმდეგობის გაწევა არავის გაუხედავს. გერმანელთა შორის ყველაზე უფრო მოწინავე სვებთა ტომიც კი უღრანსა და ტყით დაფარულ ხეობებში გაიხიზნა. კეისარმა მტრის ქვეყანა ცეცხლით გაანადგურა, რომელთა მარადიულ მოკავშირეთ მხნეობა შთაუწერვა და გერმანიაში გატარებული თვრამეტი დღის შემდეგ კვლავ გალიაში დაბრუნდა.

ბრიტანელებზე გალაშქრება კეისარის გასაოცარი მამაცობის დაღასტურებაა⁸¹. მან პირველმა შეაღწია თავისი ფლოტით დასავლეთის ოკეანეში და მხედრობა ატლანტის ზღვაზე გადაიყვანა. საომრად, დაპყრობითი მიზნებით იერიში მიიტანა დაუჯერებელი სიდიდის კუნძულზე, იმ კუნძულზე, რომელიც გაცხარებული დავის საბაზს წარმოადგენდა მწერლებში. ზოგიერთი მას არარსებულად თვლიდა და მის სახელსა და მასზე არსებულ გადმოცემებს მოჭორილ ამბად მი-

იჩნეცდა. მისი დამორჩილებით რომაელთა ბატონობა მანამდე ცნობილი სამყაროს მიღმაც გადასწია კეისარმა. იგი ორგზის ვადავიდა გალიის სანაპიროდან ამ კუნძულზე და იქ წარმოებული მრავალი ბრძოლის შედეგად მტერს უფრო მეტი ვნება მოუტანა, ვიდრე სარგებლობა თავის მეომრებს. საბრალო და ღატაკ ბრიტანელთ არაფერი ჰქონდათ ისეთი, რაც ნაღავლად წამოღების ღირსი იქნებოდა. სწორედ ამის წყალობით იყო, რომ კეისარმა ამ ომის დამთავრებით სასურველი შედეგი ვერ მიიღო. მან მძევლები გამოართვა მხოლოდ ბრიტანელთა მეფეს⁸², მერმე ხარკი დაადო და კუნძულს განშორდა.

გალიაში დაბრუნებულმა კეისარმა რომში მყოფ მეგობართაგან მიიღო წერილი, რომელიც, სხვათა შორის, ბრიტანეთში უნდა მისვლოდა. წერილი კეისარს ქალიშვილის გარდაცვალებას აუწყებდა. იქ ნათქვამი იყო, რომ მისი ასული, პომპეუსის მეუღლე მშობიარობას გადაჰყვა. ამ ამბით გამოწვეული მწუხარება, როგორც პომპეუსის, ისე კეისარისა უსაზღვრო იყო. მათი მეგობრებიც შემფოთებულნი იყვნენ; ისინი გრძნობდნენ, რომ ისედაც აფორიაქებულ სახელმწიფოში დაირღვა მოყვრობა, რომლის წყალობითაც მშვიდობა და თანხმობა ჯერ კიდევ სუფევდა, რაც შეეხება ბავშვს, დედის სიკვდილის შემდეგ დიდხანს ვეღარ იცოცხლა და სულ მალე მოკვდა. სახალხო ტრიბუნთა ენერგიული წინააღმდეგობის მიუხედავად იულიას გვამი ხალხმა მარსის ველზე⁸³ გადაიტანა და იქ დაკრძალა.

24. კეისარი იძულებული შეიქნა უკვე საკმაოდ დიდი მხედრობა საზამთრო სადგომებში დასაბანაკებლად მრავალ ნაწილად დაეყო;⁸⁴ თვითონ კი ჩვეულებისამებრ იტალიაში გაემართა. მაგრამ სწორედ ამ დროს გალიის მთელ ტომებში ხელახალმა აჯანყებამ იფეთქა. ამბოხებულთა დიდ-დიდი ბრბოები ყველგან დაძრწოდნენ, რომაელთა საზამთრო სადგომებს ანადგურებდნენ და მათ სიმაგრეებზე იერიში მიჰქონდათ. აჯანყებულთა ყველაზე უფრო ძლიერმა და მრავალრიცხოვანმა ურდომ ამბიორიქსის მეთაურობით კალტა და ტიტირიუსი თავ-თავიანთი ჯარებითურთ ამოუღიბა⁸⁵. მერმე სამოცი ათასი მეომრით ციცერონის⁸⁶ წინამძღოლობის ქვეშ მყოფ ლეგიონს ალყა შემოარტყეს და ისეთი იერიში მიიტანეს მასზე, რომ კინაღამ არ დაიმორჩილეს. რომაელები ყველა დავტრილი იყო და მოზღვავებული მტრის ძალას საოცარი მამაცობით იგერიებდნენ.

კეისარი აქედან უკვე საკმაოდ შორს იმყოფებოდა, მაგრამ როცა

ეს ამბავი ეუწყა, დაუყოვნებლივ გამობრუნდა უკან, შეკრიბა სულ რაღაც შვიდი ათასი მეომრისაგან შემდგარი ჯარი და ალყისაგან ციკრონის დასახსნელად მთელი სისწრაფით გაეშურა. ალყის შემოპრტყმელთ კეისრის მოახლოება როდი გამოეპარათ. მათ ათვალწუნებით შეხედეს მის მცირერიცხოვან მხედრობას და იმ იმედით, ერთი დაკვრით შეეშუსრავთო, კეისართან პირისპირ შესახვედრად დაიძრნენ. კეისარმა მტრის მოსატყუებლად ხერხი იხმარა და სულ უკან უკან იხვედა, ვიდრე მარჯვე აღგილმდებარეობა არ დაიკავა, საიდანაც მცირერიცხოვანი ძალებით მტრის უთვალავ ლაშქართან შებრძოლებას შეძლებდა. აქ საფარში გამაგრდა და თავის მეომრებს ჯერჯერობით ბრძოლაში ჩაბმა აუკრძალა. მერმე ბრძანა პატნეზები აემალღებინათ, ბანაცის კარიბჭენი ჩაეხერგათ და ამით მტრისათვის ეჩვენებინათ, თითქოს მისი ეშინოდათ. კეისარმა ამ ხერხით მტერი აიძულა გაიმაყებულიყო. მართლაც, გათამამებულმა ბარბაროსებმა უწყესრიგოდ, ცალ-ცალკე ბრბოებად დაიწყეს თავდასხმა. მაშინ კეისარი საფრიოდან გამოვიდა და მტერს ეკვეთა. მან ბარბაროსები უკუაქცია და მრავალი მათგანი მოსპო.

25. ამ გამარჯვებამ იქაური გალების⁸⁷ მრავალი ამბოხება ძირშივე ჩააქრო. თვითონ კეისარი მთელი ზამთრის განმავლობაში ყველგან მიდი-მოდიოდა და შფოთის ახალ ნიშნებს მყის სასტიკად ძირკვავდა. შეფერთხილი მხედრობის შესავსებად იტალიიდან სამი ლეგიონი მოუვიდა, აქედან ორი ლეგიონი პომპეუსმა გამოუგზავნა საკუთარი ჯარიდან, ხოლო მესამე სულ ახლახან იქნა შეკრებილი პადოსის ირგვლივ მდებარე გალიაში.

ამასობაში თავი იჩინა გალიაში ოდესმე მომხდარ ამბოხებათა შორის უდიდესი და უაღრესად სახიფათო აჯანყების ნიშნებმა. მას უკვე დიდი ხანია თესავდნენ გალიის ფრიად წარჩინებულნი პირნი ყველაზე უფრო მეომარ ტომებში. ამ ამბოხებას ბევრი რამ ჰმატებდა ძალას: უპირველეს ყოვლისა უამრავი ხალხი, რომელიც ყოველმხრივ შეკრებილიყო და იარაღი აესხა, შემდეგ ბრძოლისათვის შეგროვილი დიდძალი სიმდიდრე, გამაგრებული ქალაქები და თავდასხმებისათვის თითქმის სრულიად მიუვალი ადგილები. გარდა ამისა, მაშინ ზამთარიც იდგა. მდინარეები ყინულით და ტყეები თოვლით იყო დაფარული; მინდორ-ველები საშინელ ჭაობებად ქცეულიყო; რაც შეეხება გზებს, ზოგან ისეთი ღრმა თოვლით იყო დაფარული, მათი მიგნება არავის

შეეძლო, ზოგან კი ისე იყო ქაობებში ჩაფლული და მოვარდნილი წყლით წალეკილი, რომ არც მათი ნახვა და გამოყენება შეიძლებოდა. ერთი სიტყვით, ყველაფრით ჩანდა, რომ კეისარი აჯანყებულთა წინააღმდეგ. თითქოს ვერაფერს გააწყობდა. მაშინ მართლაცდა მრავალი ტომი აღდგა. აჯანყებულთა შორის ყველაზე მეტად არვერნები და კარნუტები⁵⁸ გამოირჩეოდნენ. ამბოხების საერთო ხელმძღვანელად არჩეულ იქნა ვერცინგეტორიქსი, რომლის მამა გალებმავე მოკლეს, ვინაიდან ეკვი ჰქონდათ, რომ იგი ტირანიის დამყარებას ლაშობდა.

26. ვერცინგეტორიქსმა თავისი მხედრობა მრავალ ნაწილად დაყო, ყოველ ნაწილს საკუთარი წინამძღოლი ჩაუყენა სათავეში და მდინარე არარის სანაპიროებამდე მდებარე ყველა კუთხე მიიმხრო. სწორედ იმ დროს, როდესაც თვით რომში ზოგიერთები უკვე აღდგნენ კეისრის წინააღმდეგ, ვერცინგეტორიქსმა განიზრახა მთელი გალია საომრად აემზედრებინა. ეს ამბავი რომ ცოტათი გვიან მოემოქმედა, სახელდობრ, როცა კეისარი სამოქალაქო ომში იყო ჩაბმული, იტალიას კიმბრთა ცნობილ შემოსევაზე ნაკლები საფრთხე არ დაატყდებოდა თავს. მაგრამ კეისარს თავიდან შესისხლხორცებული ჰქონდა ის, რომ ომისათვის შესანიშნავად გამოეყენებინა ყოველგვარი მდგომარეობა და განსაკუთრებით დრო. ახლაც გაიგო თუ არა ამბოხების ამბავი, თავისი ჯარით მყისვე დაიძრა მტრის წინააღმდეგ და ესოდენ სუსხიანი ზამთრის პირობებში ვასაოცარი სისწრაფით გადალახა მეტად მძიმე და გრძელი გზა. ამით უნდოდა ბარბაროსებისათვის ეჩვენებინა, რომ მათ წინააღმდეგ დაუძლეველი და შეუპოვარი ლაშქარი მოდიოდა. მართლაცდა იმ ადგილებში, სადაც წერილის მისატანად გაგზავნილი შიკრიკი ვერ შეაღწევდა, კეისარი მთელი თავისი მხედრობით გამოჩნდა. გზადაგზა იგი აჯანყებულთა მიწა-წყალს აზრებდა, გამაგრებულ ადგილებს ანგრევდა, ქალაქებს იმორჩილებდა და ამბოხებულთაგან გამდგარ ტომებს იერთებდა. სწორედ ამ ხანებში მის წინააღმდეგ ედუებიც⁵⁹ აღდგნენ და აჯანყებულებს მიემხრონენ; ეს ედუები უწინ რომაელი ხალხის ძმებად იყვნენ აღიარებულნი და ფრიად დიდი პატივითაც სარგებლობდნენ. ამ ტომის განდგომამ საკმაოდ დიდი მწუხარება მიაყენა ლაშქარს. ედუების ღალატის გამო კეისარი აქედან დაიძრა და ლინგონთა მხარეში გადავიდა, რათა მისულის მოკავშირე სექვანებთან⁶⁰, რომლებიც დახარჩენ გალებთან შე-

ღარებით ყველაზე უფრო ახლოს ცხოვრობდნენ იტალიასთან. ლინგონების მხარეში გავლის დროს მას თავს დაესხა მტერი და მრავალი ათასი მეომრით ალყა შემოარტყა. კეისარი იძულებული შეიქნა მთელი თავისი ძალებით გამკლავებოდა ბარბაროსებს. ბოლოს, ხანგრძლივი და სისხლისმღვრელი ბრძოლის შემდეგ მტერი გატეხა და დაამარცხა კიდეც. როგორც ჩანს, ერთგვარი მარცხი ბრძოლის დასაწყისში კეისარმაც განიცადა. სახელდობრ, არვერნები დღემდე გვიჩვენებენ მათ ტაძარში ჩამოკიდებულ მახვილს, ვითარცა კეისარისთვის წართმეულ ნადავლს. შემდეგ ხანებში ეს მახვილი კეისარმა თვითონაც ნახა თურმე და ჩუქად ჩაიციწა; მისმა მეგობრებმა მახვილის ჩამოხსნა დააპირეს, მაგრამ არ დაანება, ვინაიდან წმინდა შეწირულებად ჩათვალო.

27. ერთი სიტყვით, ასე იყო თუ ისე, ბრძოლაში გადარჩენილმა ბარბაროსთა უმრავლესობამ მეფე ვერცინგეტორიქსთან ერთად თავი ქალაქ ალენიას⁹¹ შეაფარა. ეს ქალაქი თავისი უზარმაზარი კედლებითა და შიგ ჩაკეტილ თავდამცველთა სიმრავლით აუღებელ სიმაგრედ ჩანდა. ამას ზედ ისიც დაერთო, რომ კეისარს ზურგიდანაც ენით აუწერელი განსაცდელი დაემუქრა. სახელდობრ, გალიის უმამაცესი ტომები შეერთდნენ და სამასი ათასი კაცის შემადგენლობით ალენიასთან იარაღსხმულნი მოვიდნენ. ქალაქში მებრძოლ მეომართა რაოდენობაც ამ სამოცდაათ ათასზე ნაკლები არ ყოფილა. ასე რომ კეისარი ამ ომში ორცეცხლშუა აღმოჩნდა მომწყვდეული. იგი იძულებული შეიქნა ორი კედელი აეგო, ერთი ქალაქისაკენ, მეორე კი ზურგიდან იერიშზე წამოსული მტრის წინააღმდეგ, ვინაიდან აშკარა იყო, ბარბაროსთა ორივე ძალა რომ ერთმანეთს შეერთებოდა, კეისარი და მისი მხედრობა ერთიანად განადგურდებოდა. ალენიასთან შექმნილმა საფრთხემ მრავალ საფუძველზე დამყარებით კეისარს დასახურებელი სახელი მოუხვეჭა. მართლაცდა, არც ერთ ბრძოლაში არ გამოუჩენია კეისარს ისეთი სიმამაცე და ნიჭი, როგორც ამ ომში გამოამჟღავნა. ყველაზე უფრო საკვირველი მაინც ის არის, რომ ქალაქში ჩაკეტილ მტერს სულ არ შეუშინებია, თუ როგორ შეეხება კეისარი გარედან მოზღვავენულ მრავალ ათას ბარბაროსს და როგორ აღმოჩნდა გამარჯვებული. დიდი გაოცების ღირსია ისიც, რომ ეს ამბავი არც იმ რომელთა გაუგიათ, რომელნიც ქალაქისაკენ აღმართულ კედელს დარაჯობდნენ. კეისარის გამარჯვება მხოლოდ მაშინ შეიტყვეს, როცა გაიგონეს ყვირილი და გოდება ალენიაში ვარე-

მოცული მამაკაცებისა და ქალებისა, რომლებმაც დაინახეს, თუ როგორ მოჰქონდათ რომელიმე მეომარებს მოპირდაპირე მხრიდან თავიანთ ბანაკში ოქრო-ვერცხლით მოჭედული უამრავი ფარი, გასისხლიანებული თორები, თავები და გალური კარვები. აი ასე სწრაფად, ჩრდილისა და სიზმრის შავგვსად გაქრა და მიმოიფანტა ბარბაროსთა უზარმაზარი მხედრობა. ამ ლაშქრობის უდიდესი ნაწილი ბრძოლაში დაეცა.

ალექსის დამცველები, რომლებმაც ტანჯვა და დავიდარაბა მიაცენეს საკუთარ თავსაც და კეისარსაც, რომელებს დანებდნენ. ზოლო მთელი ამ ომის წინამძღოლმა ვერცინგეტორიქსმა ყველაზე უფრო ძვირფასი იარაღი აისხა, ცხენი შეკაშმა და ქალაქის კარიბჭიდან გამოვიდა. მან ჯერ იმ ადგილს შემოუქროლა, სადაც კეისარი იჯდა, მერმე კი ცხენიდან ჩამოხდა, მთელი თავისი იარაღი ძირს დაყარა და კეისრის ფერხთა წინ დუმილით დაჯდა. ბოლოს იგი მცველებს გადასცეს, რათა ტრიუმფის გამართვამდე პატიმრობაში ჰყოლოდათ.

28. კეისარს უკვე კარგა ხანია გადაწყვეტილი ჰქონდა პომპეუსის დამხობა და პომპეუსსაც, რაღა თქმა უნდა, კეისრის განადგურება სურდა. რაც შეეხება კრასუსს, იგი ფრთხილად ადევნებდა თვალყურს მათ შორის ჩამოვარდილ შუღლს და მზად იყო ერთ-ერთი მათგანის დამარცხების შემთხვევაში გამარჯვებულს ჰკვეთებოდა; მაგრამ მოხდა ისე, რომ კრასუსი პარტებთან ბრძოლაში დაიღუპა⁹². ძალაუფლების უმაღლესი საფეხურის მოსაპოვებლად კეისარს ახლა იმის განადგურება დარჩენოდა, ვისაც ეს საფეხური ჯერ კიდევ ეკავა, ზოლო პომპეუსს. თუ კეისრის მსხვერპლად გახდომა არ სურდა, უნდა მოესპო იგი, ვისიც მას ეშინოდა.

კეისრის შიში პომპეუსმა საკმაოდ გვიან იგრძნო. მანამდე იგი ათვალწუნებით უყურებდა და ფიქრობდა, ადვილად დაამარცხებდა იმ კაცს, რომელიც მისი წყალობით აღზევდა. კეისარს კი თავიდანვე ჰქონდა გეგმები დაწყობილი და მოწინააღმდეგეთ, ათლეტის მსგავსად, საკმარ მანძილით განშორდა. იგი აქ გალებთან წარმოებულ ომებში გავარჯიშდა, მხედრობაც გამოწროვნა და საგმირო საქმეთა შეოხებით ისეთი სახელი მოიხვეჭა, პომპეუსის დიდების საზღვარს მიაღწია. ახლა იგი ცდილობდა თავის ზრახვების სისრულეში მოყვანას იმ მრავალი საბაბის საშუალებით, რომელთაც მას პომპეუსიც აძლევდა, აგრეთვე დროის პირობებიც და რომის სახელმწიფოს ქართვერი მდგომარეობაც. ამ უკანასკნელი გარემოების გამო ისინი, ვინც თანამდებობათა მოპოვებისაკენ მიისწრაფოდნენ, შუაგულ ქუ-

ჩებში მავიდებს დგამდნენ და ბრბოს უსიარცხვილოდ ქრთამავდნენ⁹³. მოსყიდული ხალხი კრებაზე მიდიოდა და მომქრთამელთა გულისათვის საარჩევნო დავას ხმის მოცემით კი არ სწყვეტდა, არამედ მშვილდისრებით, მახვილებითა და შურდულებით. პოდავენი ხშირად სისხლითა და დახოცილთა გვამებით ბილწავდნენ ტრიბუნას და მხოლოდ ამის შემდეგ შორდებოდნენ ერთმანეთს. მათ ქალაქი ალაღბედზე მიავდეს და ისიც საერთო ანარქიის ტალღებში ისე მიემართებოდა, როგორც მესაქეს შოკლებული ზომალდი. გონიერი ხალხი ერთადერთ გამოსავალს ასეთი სიგიჟისა და საშინელი ქარიშხლისაგან მხოლოდ იმაშილა ხედავდა, ოუ სახელმწიფოში მონარქია მაინც დამყარდებოდა და არა სხვა უარესი რამ. ბლომად იყვნენ ასეთებიც, რომლებიც უკვე აშკარად და გაბედულად ამბობდნენ, მონარქიის გარეშე სახელმწიფოს განკურნვა შეუძლებელი საქმე არის და ეს გამკურნებელი წამალი ჩვენ იმ მეტად მოწყალე ექიმისაგან უნდა მივიღოთ, რომელიც ამას თვითონვე გვთავაზობსო. ექიმში ისინი, რაღა თქმა უნდა, პომპეუსს გულისხმობდნენ. პომპეუსი თავს იკატუნებდა და სიტყვით ამაზე უარს ამბობდა, საქმით კი ყოველნაირად ცდილობდა დიქტატორად ელიარებინათ. კატონი და მისი მომხრენი პომპეუსის წადილს მიხვდნენ და სენატი დაარწმუნეს იგი ერთპიროვნულ კონსულად აერჩიათ. ამით ის უნდოდათ, რომ პომპეუსი კანონიერი მონარქიით დაკმაყოფილებულიყო და დიქტატორობისაკენ სწრაფვაზე ხელი აეღო. გარდა ამისა გადაწყვიტეს მისთვის პროვინციათა გამგებლობის ვადა გაეგრძელებინათ. პროვინცია კი პომპეუსს ორი ჰქონდა — ესპანეთი და მთელი ლიბია, რომელთაც იგი იქ მივლინებული ლეგატების საშუალებით მართავდა. პროვინციებში ჩაყენებული ჯარის შესანახად პომპეუსი სახელმწიფო ხაზინიდან ყოველწლიურად ათას ტალანტს იღებდა.

29. სწორედ ამ ხანებში კეისარმა რომში კაცები აფრინა. იგი კონსტულობასა და თავის პროვინციებში პომპეუსის თანაბრად უფლებამოსილობის გაგრძელებას მოითხოვდა. პომპეუსი ამ ამბავს ჭერჭეროვით დუმლით შეხვდა; მაგრამ მარცელუსი და ლენტულუსი⁹⁴, რომელთაც ისედაც ეზიზღებოდათ კეისარი, მისი მოთხოვნების წინააღმდეგ გამოვიდნენ და იმას, რაც აუცილებელი იყო, ბევრი ზედმეტი რამ დაუმატეს, რათა პატივი აეყარათ და შეურაცხყოფა მიეცენებინათ კეისარისათვის. მათ, მაგალითად, კეისარის მიერ გალიაში სულ

ახლახან დაარსებულ ახალშენ კომუნის⁸⁵ მცხოვრებლებს მოქალაქეობის უფლება აღუკვეთეს. კონსულმა მარცელუსმა თავის მხრივ ერთ-ერთი იქაური სენატორი, რომელიც რომში ჩამოვიდა, გაროზვა და მერმე დაცინვით უთხრა: ეს იმის ნიშნად მოგართვით, რომ გახსოვდეს, რომელი არა ხარ; ახლა კი წადი და ნაცემი ადგილი კეისარს უჩვენო!

მარცელუსის კონსულობის შემდგომ სახელმწიფო მართვა-გამგეობაში მონაწილე პირთ კეისარმა ნება მისცა უზად ესარგებლათ მის მიერ გალიაში მოპოვებული სიმდიდრით. ასე მაგალითად, სახალხო ტრიბუნი კურიონი⁸⁶ მან აურაცხელი ვალებიდან ამოიყვანა, ხოლო კონსულ პაულუსს⁸⁷ ათას ხუთასი ტალანტი მისცა. პაულუსმა ამ თანხით მშვენიერი ბაზილიკა ააგო ფორუმზე; იქ, სადაც უწინ ფულვიას ბაზილიკა იყო. კეისარის ასეთმა მოქმედებამ პომპეუსს შიში მოჰგვარა. იგი უკვე აშკარად ცდილობდა ნაწილობრივ საკუთარი ძალონისა და ნაწილობრივ მეგობრების მეოხებით იმის მიღწევას, რომ კეისარისათვის როგორმე სარდლობა ჩამოერთმიათ და მის ადგილზე სხვა ვინმე დაენიშნათ. ამასთან ერთად პომპეუსმა კეისართან კაცები გაგზავნა და მოსთხოვა უკან დაებრუნებინა ის მეომრები, რომლებიც გალიაში ომების საწარმოებლად დაუთმო. კეისარმა ყოველი მეომარი ორას ორმოცდათი ტალანტით დაასაჩუქრა და მყისვე გაუგზავნა პომპეუსს.

იმ პირებმა, რომლებმაც ეს მეომრები პომპეუსს მიუყვანეს, ხალხში კეისარზე მეტად ცუდი და ბოროტი ხმების გავრცელება დაიწყეს. მათ ფრიად ფუჭი იმედებით თვალი აუხვიეს პომპეუსს. ისინი არწმუნებდნენ, კეისარის მთელ მხედრობას შენ უყვარხარ და თუ აქ გამეფებული შურისა და სახელმწიფო არეულობის წყალობით შენს ადგილზე ძლივსლა დგახარ, სამავიეროდ იქაური მხედრობა მზად არის შენთვის თავი დასდოს და როგორც კი გადმოვა იტალიაში, მყისვე შენს მხარეზე დადგებაო. თავისი გაუთავებელი ლაშქრობებით კეისარმა მართლაც დაიშინახურა საკუთარი ჯარისკაცების წყრომა; მათ ეპვი ჰქონდათ, რომ იგი ტირანიისაკენ მიისწრაფოდა.

ამის წყალობით ისეთი გული მიეცა პომპეუსს, რომ მხედრობის მომზადებაზე სულაც არ ზრუნავდა; მას თითქოს საშიშარი აღარაფერი ჰქონდა და ეგონა, სიტყვებითა და გადაწყვეტილებათა მიღებით და-

ამარცხებდა კეისარს. კეისარი კი ოდნავ ყურადღებასაც არ აქცევდა ამ სიტყვებსა და გადაწყვეტილებებს. ასე მაგალითად, ამბობენ, როცა ერთმა მის მიერ რომში მიგზავნილმა და სენატოს შენობის წინ მდგომმა ცენტურიონმა გაიგო, სენატი კეისარს სარდლობის გაგრძელების ვიღას აღარ აძლევსო, მაზვილის ტარს დაჰკრა ხელი თურმე და თქვა: „მაშინ აი ეს მისცემსო“!

30. კაცმა რომ თქვას, კეისრის მოთხოვნილებას გარეგნულად სპარტოლიანობის იერი დაჰკრავდა. სახელდობრ, კეისარი თანახმა იყო, იარაღი დაეწყო, ოღონდ პომპეუსიც ასევე უნდა მოქცეულიყო. მერჯე ორივენი, უკვე კერძო პიროვნებებად ქცეულნი, გაწეული ღვაწლისათვის თანამოქალაქეთაგან რაიმე ჯილდოს მიღებას დაელოდებოდნენ. იგი სენატს აფრთხილებდა: იმ შემთხვევაში, თუკი მას ჯარს წაართმევდნენ და პომპეუსს გაუძლიერებდნენ იმ ძალაუფლებას, რაც ჰქონდა, მოხდებოდა ის, რომ ერთს, ვითომცდა ტირანიისაკენ მისწრაფებისათვის დათრგუნავდნენ, მეორეს კი უკვე ნამდვილ ტირანად აქცევდნენ. როდესაც კურიონმა ეს წინადადება კეისრის სახელით ხალხს გამოუცხადა, მას დიდი ტაშისცემით მიეგებნენ; ზოგიერთმა ყვავილების გვირგვინიც კი მიართვა, თითქოს გამაჩრგებელი ათლეტი ყოფილიყო. ერთ-ერთმა სახალხო ტრიბუნმა ანტონიუსმა კი სახალხო კრებაზე კეისრის მოთხოვნილების შემცველი წერილი მიიტანა და კონსულთა დიდი წინააღმდეგობის მიუხედავად წაიკითხა⁹⁸.

მაგრამ პომპეუსის სიმაჰრმა სციპიონმა სენატში წინადადება შეიტანა კეისარი სამშობლოს მტრად გამოეცხადებინათ, თუკი დათქმული ღლისათვის იარაღს არ დააწყობდა. ამის შემდეგ კონსულები სენატის წევრებს შეეკითხნენ, ვინ იყო იმის მომხრე, რომ პომპეუსს ჯარი დაეშალა და ვინ იმისა, რომ კეისარი მოქცეულიყო ასე. პირველ წინადადებას სულ რამდენიმე კაცი მიემხრო, მეორეს კი მცირე გამოთავისის გარდა, ყველამ დაუჭირა მხარი. მაშინ ანტონიუსმა და მისმა მომხრეებმა კვლავ წამოაყენეს წინადადება, რომ სარდლობა ორივეს, პომპეუსსაც და კეისარსაც ერთდროულად მოეხსნა თავიდან. ამ წინადადებას ყველა ერთსულოვნად დაეთანხმა; მაგრამ სციპიონმა მთელი ძალ-ღონით გაილაშქრა ამის წინააღმდეგ, ხოლო ლენტულუსმა ყვირილი მორთო: ყაჩაღის წინააღმდეგ იარაღით უნდა ვიმოქმედოთ და არა კენჭისყრითო. ამის შემდეგ სენატის სხდომა და-

იშალა და შინაური განხეთქილების დაწყების ნიშნად სენატორები სამგლოვიარო ტანსაცმლით შეიმოსნენ.

31. მცირე ხნის შემდგომ კეისრისაგან კვლავ მოვიდა წერილი, რომელიც საკმაოდ ზომიერ წინადადებათა შემცველი ჩანდა. კეისარი ყველაფერზე ხელს იღებდა, ოღონდ მოითხოვდა მისთვის საგამგებლოდ გადაეცათ ამიერალშების გალია და იღირა ორი ლეგიონითურთ მანამდის, სანამ იგი მეორეგზის კონსულობას არ მიიღებდა. ორატორი ციცერონი, კილიკიიდან რომ სულ ახლახან იყო დაბრუნებული⁹⁹, მთელი ძალ-ლონით ცდილობდა მოწინააღმდეგენი დაეზავებინა და პომპეუსი მოეღბო. პომპეუსი, მართლაც, თითქმის ყველაფერზე დათანხმდა, მაგრამ დაეინებით მოითხოვდა კეისრისათვის ჯარის ჩამორთმევას. მაშინ ციცერონმა კეისრის მეგობრებს რჩევა მისცა ზემოხსენებული პროვინციებით და მხოლოდ ექვსი ათასი მეომრისაგან შემდგარი მხედრობით დაემაყოფილებულიყვნენ და ამრიგად მშვიდობიანობა აღედგინათ. ბოლოს და ბოლოს პომპეუსმა ამაზეც ქედი მოიხარა და დათმობაზე წავიდა; მაგრამ კონსული ლენტულუსი და მისი მომხრენი ასეთ პირობებს არ დათანხმდნენ; ის კი არა, ანტონიუსი და კურიონი საშინლად გამოლანძღეს და სენატიდან სამარცხვინოდ გააძევეს. ასეთი საქციელით ლენტულუსის პარტიამ მშვენიერი საბაზი მისცა კეისარს, რათა ჯარისკაცები კიდევ უფრო მეტად გაეხელებინა. იგი მათ უჩვენებდა იმ სახელოვან და დიდი თანამდებობის მქონე პირებს, რომლებიც მონის ტანისამოსში გადაცმულნი დაქირავებული ოთხთვალეებით გამოიქცნენ მასთან. ანტონიუსი და კურიონი მტრის შიშმა აიძულა მონებად გადაცმულნი გამოსულიყვნენ რომიდან¹⁰⁰.

32. კეისარს სულ სამასამდე მხედარი და ხუთი ათასი ქვეითი მეომარი ჰყავდა თან. დანარჩენი ლაშქარი ალბებს გადალმა იყო დატოვებული და მისი მოყვანა უკვე დავალებული ჰქონდათ იქ გაგზავნილ პირებს. კეისარი ზედავდა, რომ მის მიერ განზრახული საქმის დაწყება და პირველი იერიშის მიტანა იმდენად მრავალრიცხოვან მხედრობას არ მოითხოვდა, რამდენადაც სასწაულებრივ მამაცობასა და მტერზე თავზარდამცემ სწრაფ თავდასხმას. მისი აზრით, გაცილებით უფრო ადვილი იყო მტრის შეძრწუნება ანაზღეული იერიშით, ვიდრე მისი დამარცხება დიდი და მომზადებული ჯარის დაპირისპირებით. ამიტომ თავის სარდლებსა და ცენტურიონებს უბრძანა შეიარაღებულიყვნენ მხოლოდ და მხოლოდ მახვილებით, სხვა იარაღი არ

ეხმარათ და დაეკავებინათ იტალიის დიდი ქალაქი არამინუმი¹⁰¹; ამასთან ერთად კეისარმა ისინი გაათრთხილა, რაც კი შეიძლებოდა, სისხლის ღვრასა და აურზაურს მორიდებოდნენ. მხედრობის წინამძღოლობა პორტენზიუსს დაავალა; თვითონ კი მთელი ეს დღე თავისი ანების წრეში გაატარა და გლადიატორთა გარჯიშობას შესცქეროდა. საღამოს უამს აბაზანა მიიღო; მერმე სასადილო დარბაზში შევიდა და მცირე ხანი ვახშამზე მიწეულებთან ერთად დაჰყო. როგორც კი დაღამდა, ზე წამოდგა, სტუმრებს ბოდიში მოუხადა და სთხოვა მის დაბრუნებამდე არ დაშლილიყვნენ. რამდენიმე მეგობარს წინასწარ უთხრა უკან გაჰყოლოდნენ, ოღონდ ყველანი ერთად კი არა, არამედ ცალცალკე, სხვადასხვა გზით. ამის შემდეგ ერთ-ერთ ნაქირავებ ეტლში ჩაჯდა და პირველად იმ გზით კი არ წავიდა, საითაც უნდა წასულიყო, არამედ სულ სხვა გზით; მერმე კი უკვე არამინუმისაკენ გადაუხვია.

ზოდესაც მიადგნია ეგრეთ წოდებულ მდინარე რუბიკონს, რომელიც ამიერალპების გალიას დანარჩენი იტალიისაგან გამოჰყოფს, იგი ფრთხილ ღრმა ფიქრებმა მოიცვა, ვინაიდან იგრძნო, რომ საფრთხეს თითქმის უკვე მიუახლოვდა. უაღრესად დიდი და გაბედული მოქმედების დაწყების წინ შემკრთალმა კეისარმა ეტლი შეაჩერა და დიდხანს დუმილით უკვირდებოდა თავის განზრახვას. იგი მან ყოველმხრივ აწონ-დაწონა; ხან ერთ გადაწყვეტილებაზე შეჩერდებოდა, ხან მეორეზე. მაშინ მრავალგზის გამოიცვალა აზრი და მერმე საკმაოდ დიდხანს ისაუბრა ამის თაობაზე თანშელებ მეგობრებთან, რომელთა შორის აზინიუს პოლიონიც იყო. კეისარს წარმოდგენილი ჰქონდა, თუ რაოდენ დიდი უბედურების დასაწყისი იქნებოდა ყველა ხალხისათვის ამ მდინარეზე გადასვლა და ისიც ესმოდა, თუ როგორ შეაფასებდა ამ ამბავს მომავალი თაობა. ბოლოს მხნეობამოკრებილმა კეისარმა მყოფადის პირისპირ შესახვედრად ფიქრები თავიდან მოიშორა და ის სიტყვები წარმოთქვა, რომელსაც საფრთხით აღსაესე და გაბედული საქმის დასაწყისში ამ საქმის მესვეურნი ამბობენ ხოლმე: „წილი ნაყარიაო!“ — დაიძაბა და ფონისკენ დაიძრა¹⁰². დარჩენილი გზა ისე სწრაფად გაიარა, რომ ჯერ კიდევ გათენებამდე შეიჭრა არამინუმში და ქალაქი დაიკავა. ამბობენ, რუბიკონზე გადასვლის წინა ღამით საშინელი სიზმარი ნახაო; მას თურმე ეზმანა, თითქოს საკუთარ დედას ბუნებისაგან აკრძალული კავშირით შეეუღლა.

33. არიმინუმის აღების შემდეგ ომს. ასე ვთქვათ, კარი ფართოდ გაეღო ერთდროულად ყველგან — ხმელეთზეც და ზღვაზეც, და პროვინციის საზღვრებთან ერთად რომის კანონებიც წაიშალა. იტალიაში ჩვენ მაშინ შეგვეძლო დაგვეჩვენა ანა მარტო ის, თუ როგორ დაძრწოდნენ შიშით ზარდაცემული მამაკაცები და ქალები აქეთ-იქით — ეს ხომ უწინაც მომხდარა — არამედ ისიც, თუ ვით დგებოდნენ ფეხზე თვით ქალაქები და ვით მიიბოდნენ ერთმანეთის პირისპირ შესახვედრად. რაც შეეხება რომს, იგი ისე აივსო მახლობელ მზარეთაგან მოზღვაგებული ლტოლვილებითა და საბუდრებიდან აყრილი ხალხით, თითქოს აწვირთებული მდინარე მოვარდნილიყო. არც ერთ თანამდებობის პირს აღარ ძალუძდა რჩევა-დარიგებებითა თუ რაიმე სხვა საშუალებით წესრიგის დაცვა; ის კი არა, ასეთ დიდ ქარიშხალსა და მღელვარებაში ამ ქალაქმა საკუთარი თავი კინაღამ თვითონვე არ დაღუპა. მთელი რომი მოწინააღმდეგეთა ქინძორეულმა ბრძოლამ და მოუსვენარმა ძალმომრეობამ მოიცვა. ისინიც კი არ იყვნენ მოსვენებულნი, ვისაც დროებით გამარჯვება ერგო. ამ ვრცელ ქალაქში ხელახლა უხდებოდათ შეტაკება შეშინებულ და სასოწარკვეთილ მტერთან და მომავლის რწმენით გაამაყებულნი ახალ ბრძოლას აჩაღებდნენ.

პომპეუსს, რომელიც ისედაც საკმაოდ შეშფოთებული იყო, არსადან აღარ ასვენებდნენ. ერთნი მას პასუხს სთხოვდნენ იმისათვის, რომ საკუთარი თავისა და რესპუბლიკის საზიანოდ კეისარი ასე აღაზრდა, ხოლო მეორენი ბრალს სდებდნენ იმაში, რომ თავის დროზე ნება მისცა ლენტულუსს და მის მომხრეებს გაეღანძათ კეისარი, რომელიც მაშინ დათმობაზე მიდიოდა და ვინიერ პირობებს სთავაზობდა. აი ასეთი გაჭირვების ქაშს ფავონიუსმა პომპეუსს ურჩია მიწაზე ფეხი დაეკრა. საქმე ის იყო, რომ ერთხელ პომპეუსმა ტრაბახით განუცხადა სენატს: „არავითარი დავიდარება და ზრუნვა ომის მზადებისათვის თქვენ არ გჭირდებათ: თუ კეისარი ოდესმე გამოჩნდა, მე მიწას ერთხელ დაგვრავ ფეხს და მთელ იტალიას ჭარბით გავავსებო“.

სხვათა შორის პომპეუსს ახლაც უფრო მრავალრიცხოვანი მხედრობა ჰყავდა, ვიდრე კეისარს; მაგრამ აღარავინ აძლევდა ნებას საკუთარი მოსაზრებით ემოქმედა. ბოლოს და ბოლოს მცდარმა ხმებმა, მტერი უკვე კარზეა მომდგარი და ყველაფერი ხელთ იგდოთ, პომ-

პეუსი აიძულა საყოველთაო მდელვარებას აჰყოლოდა, მან გამოაქვეყნა გადაწყვეტილება, რომ ხედავს რა ასეთ შფოთს, ქალაქს ტოვებს. ამასთან ერთად პომპეუსმა წინადადება მისცა სენატს უკან გაჰყოლოდა და რომში დარჩენა აუკრძალა ყველას, გისაც კი სამშობლო და თავისუფლება ერჩივნა ტირანიას.

34. კონსულები სხვათა შორის ისე გაიქცნენ ქალაქიდან, წასვლის წინ ადამით დაწყებული მსხვერპლიც კი არ შეუწირავთ. გარბოდა სენატორთა უდიდესი ნაწილიც. შეშფოთებული სენატორები სიჩქარეში საკუთარ ქონებას ისე ექცეოდნენ, თითქოს სხვისი საკუთრება ეოფილიყო და მიჰქონდათ ის, რაც კი პირველად მოხვდებოდათ ხელში. ამ ტალღას სრულიად უსაფუძვლოდ აჰყვნენ ისინიც, რომლებიც უწინ კეისრის მხურვალე მომხრეებად ითვლებოდნენ, მაგრამ ამჟამად შიშისაგან გონება დაკარგეს. ყველაზე უფრო სამწუხარო სანახაობა კი მაინც ეს იყო, რომ ქალაქი ასეთი მძვინვარე ქარიშხლის მოლოდინში სასოწარკვეთილ მესაჭეთაგან ბედის ანახარა მიტოვებულ ხომალდს ჰგავდა. მიუხედავად იმისა, რომ ქალაქიდან ასე აყრა ფრიალ მძიმე იყო, პომპეუსის სიყვარულით რომაელები გაძევების ადგილსაც სამშობლოდ თვლიდნენ და ტოვებდნენ რომს, ვითარცა კეისრის ბანაკს. აი, ამ დროს ერთ-ერთი ყველაზე უფრო მახლობელი მეგობარი კეისრისა, გალიის მთელ ომებში მისი ლეგატი და თავდადებული თანამებრძოლი ლაბიენუსიც კი განუდგა კეისარს და პომპეუსის მხარეზე გადავიდა. მიუხედავად ასეთი საქციელისა, კეისარმა მას მაშინ მთელი მისი კუთვნილი ფული და ავლა-დიდება გაუგზავნა.

კეისარი უწინარეს ყოვლისა გაემართა დომიცისსაკენ, რომელსაც მის ხელქვეით მყოფი ოცდაათი კოჰორტით კორფინიუმი ეკავა¹⁰³, და ბანაკი ამ ქალაქის მახლობლად დასცა. დომიცისმა მდგომარეობიდან თავის დაღწევის ყოველგვარი იმედი დაკარგა და მონა ექიმს საწამლაფი მოსთხოვა. მას იგი მიართევს და დალია იმდენი, რაც საკმარისი იყო თავის მოსაკლავად. მცირე ხნის შემდგომ დომიცისმა შეიტყო, კეისარი ტყვეებს რაღაც არაჩვეულებრივი კაცთმოყვარეობით ექცევო. გაიგო თუ არა ეს, თავისი თავი დაიტირა და მის მიერ მიღებული აჩქარებული გადაწყვეტილების გამო სინანული გამოთქვა; მაგრამ ექიმმა გაამხნევა და უთხრა, რომ მან ძილის მომვრელი წამალი დალია და არა მომავდინებელი შხამი. დომიცისის სიხარულს საზღვარი აღარ ჰქონდა; იგი გახარებული წამოხტა ფეხზე

და კეისართან გაეშურა. კეისარმა იგი შეიწყალა; თუმცაღა ამის შემდეგ დომიციუსი ისევ პომპეუსთან გაიქცა.

როცა კეისრის ასეთი ღმობიერების ამბავი რომში შეიტყვეს. მოქალაქეებს შვება მიეცათ და ზოგიერთი ლტოლვილიც უკან დაბრუნდა.

35. დომიციუსის ჯარით კეისარმა თავისი მხედრობა შეაგხო და იმ ლაშქართა შემოერთებაც მოასწრო, რომელნიც პომპეუსისათვის იტალიის ქალაქებში იკრიბებოდნენ. ასე მრავალრიცხოვან და ზარდამცემ ძალად გადაქცევის შემდეგ კეისარი ახლა თვითონ დაიძრა პომპეუსის წინააღმდეგ. პომპეუსმა მის იერიშს თავი აარიდა და ბრუნდუზიუმში გაიქცა. კონსულები და მხედრობა კი დირაქიუმში ჰყავდა წინასწარ გაგზავნილი. მცირე ხნის შემდგომ, როგორც კი მიუახლოვდა კეისარი, თვითონაც იქით გასცურა, რაზეც უფრო დაწვრილებით მისი ცხოვრების აღწერაში იქნება მოთხრობილი¹⁰⁴.

კეისარს უნდოდა მაშინვე დასდევნებოდა უკან პომპეუსს, მაგრამ რაკილა ხომალდები თითქმის სულ არ ჰყავდა, ამიტომ რომში დაბრუნდა. აი, ამგვარად, სულ რაღაც სამოცი დღის განმავლობაში, სისხლის ღვრის გარეშე, კეისარი მთელი იტალიის სრული ბატონ-პატრონი შეიქნა.

რომი კეისარს გაცილებით უფრო დამშვიდებულ მდგომარეობაში დაუხვდა, ვიდრე მოელოდა. მან აქ სხვთა შორის მრავალ სენატორს მოუსწრო. კეისარმა მათ ალერსიანი და მეგობრული სიტყვით მიმართა და მოუწოდა შესატყვის საზავო პირობების დასადგენად პომპეუსთან კაცები გაეგზავნათ. მის წინადადებას არავინ არ დაუპირა მხარი; შესაძლოა სენატორებს მათგან მიტოვებული პომპეუსის ეშინოდათ, ანდა შეიძლება ფიქრობდნენ, კეისარი გულთხრით არ ლაპარაკობდა და ზრდილობით შეფერადებულ ტყუილს ამბობდა.

სახალხო ტრიბუნი მეტელუსი ყოველნაირად ცდილობდა ხელი შეეშალა კეისრისათვის სახელმწიფო ხაზინიდან ფული აეღო და რაღაც კანონებს იმოწმებდა. „იარაღი და კანონები, — უთხრა მას კეისარმა, — ერთმანეთს ვერ ეგუებიან; შენ თუ ჩემი მოქმედება არ მოგწონს. ახლავე გაეთრიე აქედან! ომი ლაილას ვერ იტანს! აი, როცა ზავი დაიდება და მე იარაღს დავყრი, მაშინ დაბრუნდი და ილაყებ, რამდენიც გსურდეს. ამას რომ გეუბნები, — დაუმატა მან, — ამით ჩემს სამართლიან უფლებებს ვთმობ; ხომ იცი, რომ შენცა და ყველა სხვა ჩემი მტრებიც, რომელთაც აქ მოგისაწრით, ჩემს

ხელთა ხართ!“ უთხრა თუ არა ეს მეტელუსს, კეისარი ხაზინის სალა-
როს კარისაჲცნა გაემართა, მაგრამ რაკილა გასაღები ვერ ნახა, ოსტა-
ტები დაიბარა და უბრძანა კარი შეემტვრიათ. მაშინ ზოგიერთთა
მხრივ წაქეზებული მეტელუსი კვლავ წინაღუდგა მას. მოთმინებიდან
გამოსული კეისარი სიკვდილით დაემუქრა სახალხო ტრიბუნს, თუ
კვლავ მოაბეზრებდა თავს. „იცი თუ არა, შე ლაწირაკო, — შეჰყვი-
რა კეისარმა მას, — რომ ჩემთვის უფრო ძნელია ამის თქმა, ვიდრე
მისი აღსრულება?!“ ამ სიტყვამ მეტელუსი აიძულა შიშით განშორე-
ბოდა იქაურობას და იმასაც შეუწყო ხელი, რომ ყველაფერი ის,
რასაც ომი მოითხოვდა, გაცილებით ადვილად და სწრაფად მისცემო-
და კეისარს.

36. მცირე ხნის შემდგომ კეისარმა ესპანეთში გაილაშქრა. მას გა-
დაწყვეტილი ჰქონდა პომპეუსის ლეგატები აფრანიუსი და ვარონი¹⁰⁵
ესპანეთიდან გაეძევებინა, იქაური ჯარები და პროვინციები დაემორ-
ჩილებინა და მერმე პომპეუსის წინააღმდეგ დაძრულიყო ისე, რომ
ზურგში აღარც ერთი მტერი არ ჰყოლოდა. მიუხედავად იმისა, რომ
მის პირად სიცოცხლეს ესპანეთში მრავალჯგზის მოელოდა ხიფათი
მტრის საფრიდან და შიშმილის გამო მხედრობაც საშიშროების წი-
ნაშე იდგა, მანამდის არ შეწყვიტა მტრის დევნა, მისი ბრძოლაში
გამოწვევა და თხრილებით მისთვის ალყის შემორტყმა, სანამ თავისი
ძალის მეოხებით მოწინააღმდეგის ბანაკისა და ჯარის სრული ბატონ-
პატრონი არ გახდა. დამარცხებული ლაშქრის მეთაურები პომპეუს-
თან გაიქცნენ¹⁰⁶.

37. დაბრუნდა თუ არა კეისარი რომში, სიმამრმა პიზონმა ურჩია
ზავის დასადებად პომპეუსთან ელჩები გაეგზავნა; მაგრამ ისავრი-
კუსმა იმ აზრით, რომ კეისარისათვის ეამებინა, ამ წინადადების წი-
ნააღმდეგ გაილაშქრა. ჩქარა კეისარი სენატის მიერ დიქტატორად
იქნა არჩეული¹⁰⁷. მან სამშობლოდან გაძევებული ხალხი უკან დააბრუ-
ნა, სულას დროს უფლებააყრილ რომაელთა შვილები პატივში აღად-
გინა და ვალთა სარგებლის ნაწილობრივი გაუქმებით მოვალეთა
მდგომარეობა შეამსუბუქა. კეისარმა ამის მსგავსი სხვა რამდენიმე
პოლიტიკური ღონისძიება მიიღო კიდევ და თერთმეტი დღის შემ-
დეგ დიქტატორობაზე უარი თქვა. მან თავისი თავი სერვილიუს ისავ-
რიკუსთან ერთად კონსულად გამოაცხადა და სალაშქროდ გაემზადა.
ზამთრის ბუნიაობის ჟამს, იანვრის თვის დამდეგს, რაც ათენელ-

თა პოსეიდონის თვეს შეესაბამება, ექვსასი რჩეული ცხენოსნით და ხუთი ლეგიონით კეისარი ზღვაში გავიდა; დანარჩენი მხედრობა კი, რაკილა მეტისმეტად ჩქარობდა, უკან ჩამოიჭოვა. გადავიდა თუ არა იონიის ზღვაზე, კეისარმა ორიკოსი და აპოლონია¹⁰⁸ აიღო და ხომალდები ჩამორჩენილ მეომართა წამოსაყვანად ბრუნდუზიუმში დააბრუნა. ეს ჯარისკაცები, უკვე ახალგაზრდობის ასაკს გადაცილებულნი და განუწყვეტელი ომების წყალობით მოქანცულნი, გზაში კეისარზე ჩიოდნენ: „ნეტა სად და რისთვის მივყავართ ამ ადამიანს? იგი აქეთ-იქით ისე შეუსვენებლივ გვაწაწალებს და ისე გვექცევა, თითქოს უსულო არსებანი ვიყოთ და დადლილობას არა ვგრძნობდეთ. მახეილიც კი დაჩლუნგდებოდა ამდენი ხმარებით; ხანგრძლივი სამსახურის შემდეგ ფარსა და აბჯარსაც კი შეასვენებენ ხოლმე. ნუთუ ვერ ამჩნევს კეისარი ჩვენს ჭრილობებზე, რომ ის მოკვდავ ხალხზე სარდლობს, რომ ჩვენც, როგორც მოკვდავებს, შეგვიძლია ვიწვავოთ და ვიტანჯოთ? ასეთ ზამთარში და ისიც ქარიშხლიან ამინდში თვით ღმერთიც ვერაფერს გახდება ზღვაზე; კეისარი კი ისე თავგამეტებით იქცევა, თითქოს კი არ დევნის მტერს, არამედ თვითონ გაურბისო“. აი, ასე ლაპარაკობდნენ ჯარისკაცები და ნელ-ნელა ბრუნდუზიუმისაკენ მიიწევდნენ; მაგრამ როცა იქ მივიდნენ და გაიგეს, კეისარი უკვე გავიდა აქელანო, მყისვე იცვალეს აზრი. „ჩვენ ჩვენი იმპერატორის მოღალატენი ვართო“, — გაიძახოდნენ ისინი და საკუთარ თავსაც კიცხავდნენ და წინამძღოლებსაც ლანძღავდნენ: რატომ არ აგვაჩქარეთო. მერმე შემალდებულ ადგილებზე განლაგდნენ, აქედან ზღვასა და ეპირს გასცქეროდნენ და მოუთმენლად მოელოდნენ ხომალდებს, რომელთა საშუალებითაც კეისართან გადავიდოდნენ.

38. აპოლონიაში კეისარს საომარი მოქმედების დაწყებისათვის საკმაო ძალა არ ჰყავდა. მთავარი მხედრობა კი ბრუნდუზიუმიდან გამოსვლას ძალზე აყოენებდა. ასეთი გამოუვალი მდგომარეობით შეწყუბუნებულმა კეისარმა მეტად თავზეხელაღებული გადაწყვეტილება მიიღო. მან განიზრახა ყველასაგან მალულად ერთ თორმეტხოდნიან ხომალდში ჩამჯდარიყო და, მიუხედავად იმისა, რომ მთელი ზღვა მოწინააღმდეგის ფლოტს ეკავა, ბრუნდუზიუმში ასულიყო. მართლაც, დაღამდა თუ არა, მონის ტანსაცმელში გადაცმული კეისარი ხომალდზე ავიდა და ვინმე უბრალო კაცის მსგავსად ჩუმად ერთ კუნჭულში დაჯდა. მდინარე აოქმ ხომალდი ზღვისაკენ გააქანა. განთიადის ქარი

მდინარის ტალღებს ზღვაში მიაგორებდა და შესართავში სიმშვიდეს ამყარებდა; მაგრამ ღამით იგი ზღვის ძლიერმა ქარმა შეცვალა. ზღვის მოქცევამ და ტალღების შეხეთქებამ მდინარე საშინლად ააზვირთა. იგი მძვინვარე და შეუპოვარი გახდა. მისი ტალღები ზარღამცემი ხმაურით ეჩახებოდა ზღვისაგან მოვარდნილ ტალღებს და მდინარეში საშინელ მორევებს აჩენდა. მდინარიდან ზღვაში გასვლა შესაძლებლობის უკვე შეუძლებელი საქმე იყო. ამიტომ მან მეზღვაურებს უბრძანა, ხომალდი უკანვე გაებრუნებინათ. კეისარმა რომ ეს გაიგო, მყისვე გამოაჩინა სახე, მისი დანახვით განცვიფრებულ მესაჭეს ხელში სწვდა და შესძახა: „წინ, ძვირფასო მეგობარო, მხნეობა მოიკრიბე და ნურაფროსა ნუ გეშინია; შენ ამ ხომალდით კეისარი და მისი ბედი მიგყავსო!“ მეზღვაურებმა მაშინვე დაივიწყეს ქარიშხალი; ხოფებს ისე მძლავრად დააწვნენ, თითქოს შეეზარდნენო, და მთელი გულმოდგინეობით ცდილობდნენ მდინარეს შებრძოლებოდნენ. მაგრამ ეს შეუძლებელი გამოდგა. ხომალდში წყალი შეიჭრა. მდინარის შესართავში მას ჩაძირვის საფრთხე მოელოდა. კეისარი დიდი სიხსელისა და თანხმად მესაჭეს, რომ ხომალდი უკან მოებრუნებინა.

როცა კეისარი ბანაკში დაბრუნდა, აქ მყოფი მეომრები უკმაყოფილოდ შეხვდნენ და გულმოსულებმა გაკიცხვა დაუწყეს, რომ არ სჯერა გამარჯვებისა მარტოოდენ მათთან ერთად, არ ენდობა მათ და გზაში ჩამორჩენილი ჯარის გულისათვის წუხს და თავს საფრთხეში იგდებს.

39. ამასობაში ბრუნდუნიუმიდან ანტონიუსი ჩამოვიდა და თან მხედრობა მოიყვანა. კეისარი გამხნევდა და პომპეუსი ბრძოლაში გამოიწვია. პომპეუსი მეტად ხელსაყრელ ადგილზე იყო დაბანაკებული და ხმელეთიდან და ზღვიდან საკმაო მომარაგება ჰქონდა. კეისარს კი თავიდანვე არ გააჩნდა კარგი მომარაგება, ხოლო შემდეგ ბანაკში სურსათის ნაკლებობამ მეტისმეტად შეაწუხა. მისი ჯარისკაცები მიწიდან რაღაც ფესვებს თხრიდნენ, წვრილ-წვრილად დაჭრილს რძეში ურევდნენ და ამით იკვებებოდნენ. ერთხელ ამ ფესვებისაგან პური გამოაცხვეს. მერმე წინა ხაზზე აგებულ მტრის სიმაგრეებთან მიიჭრნენ და ამ პურების გადატყორცნა დაიწყეს. პურების გადასროლასთან ერთად ისინი მოწინააღმდეგეთ შესძახოდნენ: სანამ დედამიწას ასეთი ფესვების აღმოცენება შეეძლება, ჩვენ პომპეუსის

ალყის შემორტყმას არ შეეწყვეტო. პომპეუსი, რაღა თქმა უნდა, ყოველნაირად ცდილობდა ეს პურები და კეისრის მეომართა სიტყვები მის მხედრობამდე არ მისულიყო. მაგრამ ამოდ, პომპეუსის ჯარისკაცები სულთ ეცემოდნენ. მათ აძრწუნებდათ მტრის უგრძნობლობა და კეისრის მეომრებს მხეცებად თვლიდნენ.

პომპეუსის სიმაგრეებთან განუწყვეტლივ ხდებოდა ცალკეული შეტაკებები. ამ შეტაკებებში კეისარი ყოველთვის გამარჯვებული გამოდიოდა. გამონაკლისს წარმოადგენდა ერთი ბრძოლა, რომლის დროსაც იგი სასტიკად დამარცხდა და კინალამ ბანაკი დაჰკარგა. პომპეუსის იერიშს მაშინ ვერაფერ ვერ გაუძლო. თხრილები დახოცილთა გვამებით გაივსო. მტრის მიერ უწყვეტელი ჯარისკაცები საკუთარ პატენჯებსა და სიმაგრეებზე ეცემოდნენ. კეისარი მათ შესახვედრად გამოდიოდა: იგი ყოველნაირად ცდილობდა ლტოლვილნი უკან გაებრუნებინა, მაგრამ ვერაფერი გააჩივდა. იგი მიეარდებოდა ხოლმე დროშებს, ცდილობდა ხელი ეტაცა მათთვის, მაგრამ მედროშენი მათ ძირს ყრიდნენ, რის გამოც ოცდათორმეტი დროშა მტერმა ჩაიგდო ხელში. აი, ამ ბრძოლაში კეისარი კინალამ თვითონვე არ გამოესალმა სიცოცხლეს. ერთ წარმოსადევსა და ღონიერ მეომარს, რომელიც უკან მობოდა, კეისარმა ხელი სტაცა და უბრძანა შეჩერებულიყო და მტერს ჰკევებოდა. შიშისაგან გონებადაკარგულმა მეომარმა ხმალი შემართა და ის იყო უნდა დაეკრა მისთვის, რომ კეისრის პირადმა მცველმა დაასწრო და მხარი ჩამოათალა.

ამ ბრძოლის შემდეგ კეისარმა საქმე საბოლოოდ წაგებულად ჩათვალა. მაგრამ პომპეუსმა, სიფრთხილთა თუ ბედისწერის მიზეზით, ეს დიდი გამარჯვება ბოლომდე არ მიიყვანა. უწყვეტელი მტერი მხოლოდ მისსავე ბანაკში ჩაკეტა და მერმე უკან დაიხია. მაშინ ბანაკში დაბრუნებულმა კეისარმა მეგობრებს ასე უთხრა: „დღევანდელ დღეს გამარჯვება მტრების მხარეზე იქნებოდა, უკეთეს გამარჯვების შემძლე ჰყოლოდათ“ 109.

მერმე კეისარი კარავში შევიდა, წამოწვა და მთელი ღამე მოუშვენრად, ფრიალ მშიშე ფიქრებში გაატარა. იგი თავის თავს კიცხავდა, რომ ასე უხეირო სარდლობა გამოიჩინა: იმის ნაცვლად, ბრძოლა მახლობლად მდებარე ვრცლად გადაშლილ ადგილსა და მაკედონიისა და თესალიის მდიდარ ქალაქებთან გაემართა, მან ბანაკი დასცა ზღვასთან, სადაც მტერი ყოველმხრივ ძლიერი იყო და სადაც სურათისა

ნაკლებობის გამო თვითონ უფრო ჰგავდა ალყაშემორტყმულს, ვიდრე მისგან გარემოცული მტერი.

აი, ასეთი ფიქრებით გატაცებულმა და ახლანდელი მდგომარეობითა და სურსათის ნაკლებობით შეწუხებულმა კეისარმა ამ ადგილიდან მხედრობა დაძრა და გადაწყვიტა სციპიონის წინააღმდეგ წაეყვანა მაკედონიაში. კეისარს იმედი ჰქონდა იქ მიიტყუებდა პომპეუსს, რომელიც იძულებული იქნებოდა ზღვიდან უკვე ყოველგვარი დაბმარების გარეშე ებრძოლა მასთან, ან არა და განმარტოებით დაორენილ სციპიონს დაამარცხებდა.

40. კეისრის ბანაკიდან აყრამ პომპეუსის ლაშქარსა და მის მეთაურებს დიდი სურვილი გაუღვიძა უკან დადევნებოდნენ, მათი აზრით, დამარცხებულსა და უკუქცეულ კეისარს. მაგრამ პომპეუსი თვითონ დიდი სიფრთხილით იქცეოდა და ყოველნაირად ერიდებოდა იმას, რომ ერთი ბრძოლის ბედისათვის მიენდო ესოდენ დიდი საქმის გადაწყვეტა. იგი საუკეთესოდ იყო მომზადებული ხანგრძლივი დროისათვის და ცდილობდა ისედაც შეფერთხილი მტრის ძალები დაყოვნების საშუალებით მოექანცა და დაესუსტებინა. კეისრის მხედრობის მთავარსა და საუკეთესო მებრძოლ ბირთვს, რა თქმა უნდა, დიდი გამოცდილება და შეუპოვარი გამბედაობა ჰქონდა ომში; მაგრამ მისი გარისკაეები უკვე ხანში იყვნენ შესულნი. დაუსრულებელი ლაშქრობა, პანაქის აყრა-დაცემა, საალყო კედლების დაცვა და ღამის ტეხა მათ საშინლად ქანცავდა. ასეთი შრომისათვის არაქათი თითქმის საფსებით ჰქონდათ გამოღეული და ეს უძლურება სულის სიმტკიცესაც კი აჯარგვინებდათ. გარდა ამისა ხმები დადიოდა, კეისრის ლაშქარში რაღაც გადამდები სენი მძვინვარებს, რომლის მიზეზიც უჩვეულო საცვედიაო. რაც მთავარია, კეისარს მაშინ არც ფულადი საჭსრები გააჩნდა და არც სურსათი ჰქონდა საკმაო. ასე ეტყობოდა, სულ მოკლე დროში თვითონვე დაიღუპებოდა.

41. აი სწორედ ამ მიზეზის გამო არ სურდა პომპეუსს ბრძოლაში ჩაბმა. მის საქციელს, რაკილა იგი თანამოქალაქეთა სიცოცხლეს ზოგავდა, მხოლოდ და მხოლოდ კატონი იწონებდა. ის კი არა, როცა კატონმა ბრძოლაში დაცემული მტრის ათასამდე გვამი დაინახა, სახე შეიბურა და ცრემლმორეული განშორდა იქაურობას. მის გარდა ყველა დანარჩენი კიცხავდა პომპეუსს იმისათვის, რომ ბრძოლას გაუბოღდა. ისინი მას აღიზიანებდნენ და დაცინვით აგამემონნსა.¹¹⁰ და

მეფეთა მეფეს ეძახოდნენ, ვინაიდან ერთმპყრობელობაზე ხელის აღება არ სურდა და ქედმაღლობდა იმით, რომ მასზე დამოკიდებული იყო მრავალი სარდალი, რომელნიც მის კარავში ბრძანებისათვის მოდიოდნენ. ფავონიუსი პირში მთქმელი კატონის მიბაძვით გესლიანად ამბობდა: პომპეუსის მბრძანებლობისადმი სიყვარულის წყალობით წლეულს ჩვენ ტუსკულუმის¹¹¹ ლედვს გემოს ვერ გავუტყუავთო. ხოლო უხეირო სარდლობის შემდეგ ესპანეთიდან ახლახან დაბრუნებული აფრანიუსი, რომელსაც აბრალებდნენ, კეისარს თავისი მხედრობა ფულზე მიჰყიდაო, კითხულობდა: რატომ არ ებრძვით იმ გაჭარს, რომელმაც ჩემგან პროვინციები იყიდაო?

ყველა ამ მიზეზთა წყალობით წაქეზებულმა პომპეუსმა, საკუთარი ნება-სურვილის წინააღმდეგ, ბრძოლაში ჩასაბმელად კეისარის დევნა დაიწყო. კეისარმა გზის დიდი ნაწილი ფრიად მძიმე ვითარებაში გაიარა. ახლახან განცდილი მარცხის გამო ყველა აღმაცერად უყურებდა და სურსათს არავინ აძლევდა. მაგრამ როცა თესალიის ქალაქი გომფი აიღო, არათუ გამოკვება მხედრობა, არამედ სენისაგანაც განკურნა იგი სრულიად უჩვეულო ხერხით. საქმე ის იყო, რომ ჯარისკაცები ამ ქალაქში უამრავ ღვინოს წააწყდნენ და მუცს დაეწყანენ. იმდენს სვამდნენ, რამდენიც სურდათ და დანარჩენ გზას უკვე ქეიფითა და ღრეობით აგრძელებდნენ. სიმთვრალის წყალობით თავიდან მტანჯველი ფიქრები მოიშორეს და ჯანშიც მკვეთრი გარდაქმნა იგრძნეს.

42. როცა ორივე მოწინააღმდეგე მხედრობა ფარსალეს ველზე გავიდა და ერთმანეთის პირისპირ დაბანაკდა, პომპეუსი კვლავ თავისი ძველი განზრახვის შესრულებას შეეცადა¹¹². ყველაზე უფრო იმან შეუწყო ხელი, რომ არც წინამოსწავეების ნიშნები იუწყებოდნენ კარგ რასმე და არც პომპეუსის მიერ ნახული სიზმარი იყო მაინცდამაინც სასიამოვნო. მან სიზმრად იხილა, ვითომცდა რომაელები თეატრში ტაშს უკრავდნენ.

პომპეუსის გარშემო მყოფი წარჩინებული პირები კი ისე იყვნენ გადიდგულებულნი და აუცილებელი გამარჯვების რწმენით დაიმედებულნი, რომ დომიციუსი, სპინთერი და სციპიონი გაცხარებულნი დაობდნენ ერთმანეთში იმის თაობაზე, თუ რომელი მათგანი დაიკავებდა კეისარის ნაცვლად ქურუმთუხუცესის თანამდებობას. ბევრნი იყვნენ ისეთებიც, რომლებიც რომში ხალხს აგზავნიდნენ, რათა და-

ექირავებიანთ და ამთავითვე დაეჭირათ კონსულთა და პრეტორათათვის შესაფერისი ბინები. ისინი დარწმუნებულნი იყვნენ, ომის დამთავრებისთანავე დაიკავებდნენ ამ თანამდებობებს. ყველაზე უფრო მეტად მაინც მხედრები დრტვინავდნენ და დაუყოვნებლივ მოითხოვდნენ ბრძოლის დაწყებას. ისინი ბრძოლისათვის შესანიშნავად იყვნენ მომზადებულნი და იარაღის ბრწყინვალეობით, გათქვირული ცხენებითა და ბოლოს, თავიანთი სიმრავლით აღტაცებულნი, მეტისმეტად ქედმაღლობდნენ; კეისრისათვის ცხენოსანს შვიდი ათასი მტრის მხედარი უპირისპირდებოდა. არცთუ ქვეითი ჯარი იყო თანაბარი რაოდენობისა. კეისრის ოცდამდე ათასი მეომრის წინააღმდეგ მტრის ორმოცდახუთი ათასი ჯარისკაცი იყო დარაზმული.

43. კეისარმა ამასობაში თავისი მეომრები შეკრიბა და უწინარეს ყოვლისა აუწყა: კონტინიუსი¹¹³, რომელსაც ჩვენთან ორი ლეგიონი მოჰყავს, სულ ახლოს არის, ხოლო თხუთმეტი დანარჩენი კოჰორტი მეგარასა და ათენის მახლობლიაა განლაგებული კალენუსის¹¹⁴ სარდლობით. ამის შემდეგ კეისარმა ჯარისკაცებს ჰკითხა: გინდათ დაველოდოთ ამ ძალების მოსვლას, თუ თქვენ თვითონვე გამოიღებთ თავს და ჩაებმებით ბრძოლაში? ჯარისკაცებმა ყიჟინა ატეხეს და კეისარს სთხოვეს, ამ ძალებისათვის კი არ დაეცადა, არამედ ყოველგვარი მხედრული ხერხი და სარდლის ნიჭიერება გამოეყენებინა, რათა ისინი რაც შეიძლება მალე შეზმოდნენ მტერს.

იმ დროს, როდესაც კეისარი ლაშქრის განწმენდის წეს-ჩვეულებას ასრულებდა, მკითხავმა პირველი სამხვერპლო ცხოველის შეწირვისთანავე განუცხადა, სამი დღის შემდეგ მტერთან ბრძოლის პერიოდი გადაწყვეტილი იქნებაო. კეისრის კითხვაზე, ამჩნევს თუ არა ის მსხვერპლის შიგნეულობაზე დაკვირვებით თუნდაც რაიმე ნიშანს ბრძოლის კეთილი აღსასრულისა, წინასწარმეტყველმა უპასუხა: „მაგ კითხვაზე შენ თვითონ უფრო უკეთ გასცემ პასუხს შენს თავს. ღმერთები დიდ ცვლილებასა და ამდროინდელი მოღვთმარების საწინააღმდეგო გარდატეხას იუწყებიან. ამიტომ, თუ შენს თავს ახლა კარგ მდგომარეობაში თვლი, ცუდ ბედს ელოდე, თუ — ცუდში, მაშინ — უკეთესსო“.

ბრძოლის დაწყების წინა დამეს, როდესაც კეისარი საგუშაგოებს უვლიდა, დაახლოებით შუაღამისას, ზეცაზე ცეცხლოვანი ჩირაღდანი გამოჩნდა. მან ჯერ კეისრის ბანაკის თავზე ვადაიარა თითქოს, მერმე

იფეთქა, აელვარდა და პომპეუსის ბანაკში ჩავარდა. დილის დაფიონის დროს კი შენიშეს, რომ მტრის მხედრობაში საშინელი არეულობა სუფევდა. მიუხედავად ამისა, კეისარი ამ დღეს ბრძოლას არ მოელოდა. მან ბრძანება გასცა ბანაკი აეყარათ, რათა სკოტუსას მიმართულებით დაძრულიყვნენ.

44. კარვები უკვე აიღეს, როცა კეისართან მშვერავები მიიჭრნენ ცხენებით და აუწყეს, მტერი საომრად მოემართებაო. ზომაზე მეტად გახარებულმა კეისარმა, ღმერთების მიმართ ლოცვის აღავლენის შემდეგ, ლაშქარი სამ ნაწილად გაყო და საბრძოლოდ დარაზმა. შუა ნაწილის წინამძღოლად დომიციუს კალვინუსი¹¹⁵ დააყენა; მარცხენა ფრთა ანტონიუსმა დაიკავა; მარჯვენას კი თვითონ კეისარი ჩაუდგა სათავეში, ვინაიდან განზრახული ჰქონდა აქ მეთუ ლეგიონთან ერთად ებრძოლა. როცა შენიშნა, მტრის ცხენოსანი ჯარი სწორედ ამ ლეგიონის პირისპირ იყო დარაზმული, შეეშინდა მოწინააღმდეგის ბრწყინვალე შეიარაღებისა და სიმრავლისა. ამიტომ ბრძანება გასცა უკანა რიგებში მდგომი რაზმებიდან ექვსი კოჰორტი ფარულად მასთან გადმოსულიყო. ეს ექვსი კოჰორტი კეისარმა მარჯვენა ფრთის ზურგში დააყენა და აუხსნა, როგორ უნდა მოქცეულიყვნენ, როცა მტრის მხედრობა იერიშზე წამოვიდოდა.

პომპეუსსაც თავის მხრივ მარჯვენა ფრთა ეკავა, მარცხენა დომიციუსს ეჭირა, შუა ნაწილს კი პომპეუსის სიმამრი სციპიონი მეთაურობდა. პომპეუსის მთელი ცხენოსანი ჯარი მარცხენა ფრთაზე იყო თავმოყრილი იმ განზრახვით, მტრის მარჯვენა ფრთას შემორტყმოდა გარს და სავსებით გაენადგურებინა ის რაზმები, სადაც თვითონ მხედართმთავარი იმყოფებოდა. ყველა დარწმუნებული იყო, რომ მტრის ქვეითი ჯარი, რაგინდ მრავალრიცხოვანი არ ყოფილიყო, წინააღმდეგობას ვეღარ გაუწევდა ესოდენ ძლიერი მხედრობის იერიშს და უკუქცეული მთლიანად შეიმუხრებოდა.

როცა ორივე მებრძოლი მხარე უკვე მზად იყო იერიშის დაწყების ნიშანი მიეცა, პომპეუსმა თავის ფეხოსნებს უბრძანა ფხიზლად ყოფილიყვნენ და ერთ მტკიცე რიგად შემჭიდროებულთ მტრის მოწოდებისათვის დაეცადათ, სანამ მოწინააღმდეგე ოროლის ტყორცნის მანძილზე არ მიუახლოვდებოდა მათ. კეისარი ამბობს, პომპეუსმა აქაც შეცდომა დაუშვაო; მან არ იცოდა, თავიდანვე სწრაფად და ძლი-

ერად მიტანილი იერიში რომ დარტყმასაც ძალას აძლევს და საყოველ-
თაო მღელვარე განწყობასაც აღგზნებას ქმატებსო.

კეისარი ის-ის იყო თავისი ფრთის დაძვრასა და ბრძოლის დაწყე-
ბას აპირებდა, რომ ერთ-ერთი ერთგული და ომებში გამობრძმედი-
ლი ცენტურიონი დაინახა. იგი თავის მეომრებს ამხნევებდა და მამა-
ცობისაკენ მოუწოდებდა. კეისარმა დაუძახა და ჰკითხა: „გაიუს კრ-
სინიუსო, როგორ ფიქრობ, გვექონდეს თუ არა გამარჯვების იმედი?
როგორია, თუ ამჩნევ ჩვენი განწყობილება?“ კრასინიუსმა მარჯვენა
ხელი გამოსწია და კეისარს ხმამაღლა შესძახა: „ჩვენ ბრწყინვალედ
გავეიმარჯვებთ, კეისარო; შენ ღღეს შე ან ცოცხალს ან მკვდარს შემა-
ქებო. თქვა თუ არა ეს, კრასინიუსმა თავისი ას ოცი მეომარი
გაიყოლა უკან და საოცარი სისწრაფით პირველი ეკვეთა მტერს. მან
წინა ხაზზე მდგომი პომპეუსის ჯარისკაცები აკუწა და წინსვლა
განაგრძო. გზადაგზა ერთიმეორის მიყოლებით ხოცავდა მტრის მე-
ომრებს; მაგრამ ბოლოს ისე მძლავრად ატაკეს პირში მხვილი, რომ
მისმა წვეტმა კეფაში გაატანა.

45. იმ დროს, როცა ქვეითი ჯარები შუა ბრძოლის ველზე ერთმა-
ნეთს ეკვეთნენ, პომპეუსის მხედრობის მარცხენა ფრთიდან ამაყად
გამოიჭრნენ ცხენოსნები და იმ განზრახვით, რომ მტრის მარჯვენა
ფრთისათვის ალყა შემოეგრტყათ, ცალ-ცალკე რაზმებად დაიქსაქსნენ.
მაგრამ სანამ ისინი თავდასხმას მოასწრებდნენ, კეისარის კოჰორტები
გამოიჭრნენ წინ. თავიანთი ჩვეულების წინააღმდეგ ოროლებს შორი-
დან კი არ ტყორცნიდნენ და თეძოებსა და წვიგებზე კი არ ურტყამ-
დნენ მტრებს, არამედ თვალებში უმიზნებდნენ და ჭრილობებს სა-
ხეზე აყენებდნენ. ისინი კეისარმა დაარიგა ასე მოქცეულიყვნენ. ის
დარწმუნებული იყო, რომ ომებსა და ჭრილობებს მიუჩვეველი, საკუ-
თარი სილამაზითა და სიჩაუქით მოამაყე ახალგაზრდა მხედრები
სწორედ ასეთ დარტყმას აარიდებდნენ თავს და, როგორც შექმნილი
საფრთხის, ისე მოსალოდნელი დასახიჩრების შიშით, იერიშს ვეღარ
გაუმკლავდებოდნენ. ასეც მოხდა. პომპეუსის მხედრები ზეადმართულ
ოროლებს ვეღარ უძლებდნენ, რკინის იარაღისათვის თვალის გასწო-
რებას ვერ ბედავდნენ, სახეს იფარავდნენ და მტერს ზურგს უბრუ-
ნებდნენ. ბოლოს და ბოლოს ასეთი საქციელით საკუთარი რიგები
არიგ-დარიგს, უკუიქცნენ და მთელი საქმე სამარცხვინოდ დაღუპეს.
მხედრებზე გამარჯვებული კეისარის მეომრები ახლა მტრის ფე-

ხოსან ჯარს შემოერთყნენ, ზურგში მოექცნენ და ხოცვა-ჟლეტა დაუწყეს.

როცა მარჯვენა ფრთაზე მყოფმა პომპეუსმა უკუქცეულ და მიმოფანტული მხედრები იხილა, სულ სხვა კაცად იქცა. აღარ ახსოვდა, რომ პომპეუს დიდი იყო ღვთის მიერ გონებაწართმეული კაცის მსგავსად ზარდაცემულმა პომპეუსმა მღუშმარტლ მიაშურა თავის კარავს, დაჯდა იქ და თავჩაქინდრული დაელოდა ბრძოლის ბედის გადაწყვეტას. ასე იჯდა, სანამ ჯარის საყოველთაო უკუქცევს შემდეგ მტერმა პატნეზები არ გადმოლასა და ბანაიკს მცველებს არ შეუტია. მაშინ პომპეუსი თითქოს გონს მოვიდა და, როგორც ამბობენ, ესლა წამოიძახა: „ნუთუ ბანაქშიც?!“ მერმე მწეღარმთავრის საომარი მორთულობა მოიხადა, ლტოლვილი კაცის შესაფერი ტანისამოსი გადაიცვა და ბანაიკიდან ჩუმად გავიდა.

თუ რა შეემთხვა მას შემდეგ ხანებში, როგორ მიანდო თავისი თავი ეგვიპტელებს და როგორ მოკლეს მათ იგი, ამას მისი ცხოვრების აღწერაში გადმოგვცემთ ¹¹⁶.

46. როცა კეისარი პომპეუსის ბანაქში შევიდა და უკვე შემუსრული მტრის დაზვინული გვამები და მოწინააღმდეგის ქლეტა იხილა, ოხვრით წამოიძახა: „აი რა უნდოდათ ამათ! ამათ მაიძულეს ეს გამეკეთებინა! მე, გაიუს კეისარს, რომელმაც იღბლიანად დავამთავრე უდიდესი ომები, სარდლობაზე რომ უარი მეთქვა, ესენი ალბათ სიკვდილს მომისჯიდნენ!“ აზინიუს პოლიონი ამბობს, ეს სიტყვები კეისარმა ლათინურად წარმოთქვა მაშინ, ხოლო მე შემდეგ ბერძნულად დავწერეო. იგი ამას გარდა გადმოგვცემს, დახოცილთა უდიდეს ნაწილს შეადგენდნენ მონები, რომელნიც მოკლეს ბანაიკის აღების დროს; რაც შეეხება ჯარისკაცებს, იმათგან ბრძოლაში ექვსი ათას კაცზე მეტი არ დაცემულაო ¹¹⁷.

ტყვექმნილ მეომართა უმრავლესობა კეისარმა თავის ლეგიონებს შეუერთა. მან პატიება მიანიჭა მრავალ წარჩინებულ პირსაც. მათ შორის იყო ბრუტუსი, მისი მომავალი მკვლელი. ამბობენ, ბრძოლა რომ დამთავრდა, ბრუტუსი არსად ჩანდა და კეისარი მეტისმეტად შეწუხდა; მაგრამ როცა ის გადარჩენილთა შორის აღმოჩნდა და მასთან გამოცხადდა, უსაზღვროდ გაიხარაო ¹¹⁸.

47. კეისრის გამარჯვების მომასწავებელ საოცარ ნიშანთა შორის ყველაზე უფრო შესანიშნავი, როგორც გადმოგვცემენ, ტრალისში ¹¹⁹

მომზადარი ამბავი იყო. აქ, ღმერთქალ ნიკეს ტაძარში, კეისრის ქანდაკება იდგა. ეს აღგილი ბუნებრივად მწირი და თანაც ქვეებით მოკირწყლული იყო. და აი აქ, ქანდაკების კვარცხლბეკთან, პალმა ამოვიდა თურმე. ფარსალეს ველზე გამართული ბრძოლის დღეს მისწობაში ფრიად სახელგანთქმული ერთი კაცი, ისტორიკოს ლივიუსის თანამემამულე და ნაცნობი გაიუს კორნელიუსი, პატავიუმში¹²⁰ იჯდა და ფრინველთ ფრენას აკვირდებოდა. მან, როგორც ლივიუსი ამბობს, უწინარეს ყოვლისა ბრძოლის დრო გამოიცნო და დამსწრეთ უთხრა, საქმე უკვე დაიწყო და მოწინააღმდეგენი ერთმანეთს ეკვეთნენო. მერმე კვლავ განაგრძო დაკვირვება ფრინველებზე. დაინახა თუ არა რაღაც სასწაულებრივი ნიშნები, მაშინვე წამოიჭრა აღგილიდან და ილტაცებით დაიძახა: „კეისარო, გამარჯვებული შენა ხარო!“ ამან იქ მყოფნი განცვიფრდნენ; კორნელიუსმა კი თავიდან წინასწარმეტყველის გვირგვინი ჩამოიღო და დაიფიცა, მანამდის არ შეიდგამდა ამ გვირგვინს, სანამ მის ხელოვნებას საქმე არ დაადასტურებდა. ლივიუსი ამტკიცებს, ყველაფერი სწორედ ასე მოხდაო.

48. გამარჯვების აღსანიშნავად თესალიელთა ტომს კეისარმა თავისუფლება მიანიჭა და პომპეუსის დევნა დაიწყო. მიადგა თუ არა აზიას, თქმულებების შემკრებ თეოპომპეს¹²¹ ხსოვნის პატივსაცემად თავისუფლება უბოძა კნიდოსელებსაც და ამასთან ერთად აზიის მთელ მოსახლეობას ერთი მესამედით შეუმცირა ხარკი.

ალექსანდრიაში იგი პომპეუსის სიკვდილის შემდეგ მივიდა. აქ თეოდოტემ პომპეუსის თავი მიართვა, მაგრამ კეისარმა პირი მიიბრუნა და, როცა დამარცხებული ვაჟკაცის ბეჭედი ხელში აიღო, თავლებზე ცრემლი მოადგა. რაც შეეხება პომპეუსის მეგობარებსა და მახლობლებს, რომლებიც ამ ქვეყანაში დაიფანტნენ და მერმე შეფის მიერ დატყვევებულ იქნენ, კეისარმა ისინი ყველა შეიწყალა და თავის მხარეზე გადაიბირა. იგი რომში მეგობრებს სწერდა: გამარჯვების ყველაზე უფრო ღირსი სიტყვის იმაში ევრძნობ, რომ მუდამ დავისნა განსაცდელისაგან ისინი, ვინც ჩემ წინააღმდეგ იბრძოდნო.

ალექსანდრიაში გაჩაღებულ ომზე ზოგიერთი ამბობს, იგი აუცილებელი რაღი იყო¹²²; ეს ომი კლემატრას საფვარულმა გამოიწვია და კეისრისათვის სამარცხვინო და საკმაოდ საზიფათოც გამოდგაო. ზოგიერთი კი ბრალს სდებს ეგვიპტის მეფის კარისკაცებს, ვანსაკუთრებით ფრიად დიდი ძალის მქონე საჭურის პოთინეს, რომელ-

მაც მცირე ხნის წინათ სიცოცხლეს გამოასალმა პომპეუსი, მერმე კლეოპატრა გააძევა და ახლა ფარულად უგებდა მახეს კეისარსაც. აი ამის გამო, საკუთარი თავის დასაცავად, ამბობენ, კეისარი მაშინ მთელი ღამეები ნადიმობდაო. პოთინე უკვე ამცარად აუტანელი იყო. იგი თავისი სიტყვებით და მოქმედებით დიდ სიძულვილსა და უპატივცემულობას ამჟღავნებდა კეისარისადმი. კეისარის ჯარისკაცებს მისი წყალობით გამხმარი პური ეძლეოდათ. უკმაყოფილო მეომრებს პოთინე რიხით ურჩევდა ეჭამათ ეს პური და მადლობელიც ყოფილიყვნენ იმისა, რომ სხვის ქონებას ჭამდნენ. სადილობის დროს ხისა და თიხის ჭურჭელს ურჩევდა მათ და თან იმიზეზებდა: ოქროსა და ვერცხლის ყველა ჭურჭელი კეისარმა წაიღო ვალშიო. მართლაც, მაშინდელი მეფის მამას¹²³ კეისარისა ემართა ჩვიდმეტ მილიონ ნახევარი სესტერცი. ამ ვალის ნაწილი კეისარმა ჯერ კიდევ აღრევე აპატიო მეფისწულეს და ამჟამად დარჩენილი ათი მილიონი სესტერცი მხედრობის შესანახად მოითხოვდა. პოთინე მას ურჩევდა ახლა ეგვიპტიდან წასულიყო და თან ჰპირდებოდა: ვალს მადლობასთან ერთად მერმე მიიღებო. ასეთ რჩევაზე კეისარმა პოთინეს უთხრა, რომ მას ეგვიპტელი მრჩევლები სრულიადაც არ სჭირდებოდა. ამის შემდეგ კეისარმა ფარულად გამოიწვია კლეოპატრა იმ ქვეყნიდან, სადაც იგი გაძევებული იყო.

49. კლეოპატრამ თავის მეგობართაგან მხოლოდ ერთი, აპოლოდორე სიცილიელი წამოიყვანა თან, ჩაჯდა პატარა ნავში და უკვე საღამო უკვე სასახლეს მიაღწა. რაკი სხვაგვარად არ შეეძლო შეუძენველი ყოფილიყო, კლეოპატრა საძინებელ ტომარაში ჩაძვრა და შიგ მთელი ტანით გაიკიმა. აპოლოდორემ ტომარა ღვედით შეკრა და იგი სასახლის კარიდან პირდაპირ კეისართან შეიტანა. ამბობენ, კეისარი კლეოპატრას ამ პირველმავე ხერხმა მოეხიბლაო. მერმე კი მისი სიმეკერცხლით, მოქცევით და მშვენიერებით მთლიანად დატყვევებულმა კეისარმა კლეოპატრა ძმასთან შეარიგა იმ პირობით, რომ ძმასთან ერთად კლეოპატრასაც ექვდა.

ამ შერიგების აღსანიშნავად დიდი ღვინო გაიმართა. ღვინოს დროს კეისარს მონა დალაქმა, რომელიც თავისი სილაჩრით ქვეყნად ყველა მბდალს აქარბებდა და შიშის გავლენით გაუგებარს არაფერს ტოვებდა, შეიტყო, რომ სტრატეგოს აქილასა და საჭურის პოთინეს მიერ მოწყობილი იყო შეთქმულება კეისარის წინააღმდეგ. გაიგო თუ

არა ეს, კეისარმა მამაკაცთა დარბაზის გარშემო მცველები დააყენა. პოტინე მოკლეს. რაც შეეხება აქილას, იგი ეგვიპტის მხედრობის ბანაკში გაიქცა და კეისრის წინააღმდეგ სასტიკი ომი დაიწყო. კეისარი იძულებული შეიქნა თავისი მცირერიცხოვანი ძალებით გამკლავებოდა ამოდენა ქალაქსა და ეგვიპტის დიდ მხედრობას. უწინარეს ყოვლისა, საკმაოდ დიდი საფრთხე მაშინ იგემა, როცა წყალს კინალამ არ მოწყვიტეს. საქმე ის იყო, რომ წყლის არხები მტერმა ჩახერგა. მეორე ზიდათი იყო მტრის განზრახვა მისთვის ფლოტისაკენ მიმავალი გზა გადაეჭრა. ამ საფრთხის თავიდან ასაცილებლად კეისარი იძულებული იქნა ცეცხლი გამოეყენებინა. მის მიერ დანთებული ხანძარი ნავსაშენიდან გავრცელდა და უზარმაზარი ბიბლიოთეკაც შთანთქმა. მესამე საშიშროება ფაროსთან¹²⁴ გაჩაღებული ბრძოლის დროს გარდახდა კეისარს. ამ გამართული შეტაკების შემს კეისარი პატნეზიდან პატარა ნავში ჩახტა და მის მზარეუზე მებრძოლ მეომართა დასახმარებლად გაეშურა: მაგრამ მის ნავს ეგვიპტელები ყველა მხრიდან შეუახლოვდნენ ცურვით. მაშინ კეისარი ზღვაში გადახტა და დიდი ტანჯვით და წვალებით ნაპირზე გავიდა. ამბობენ, ამ დროს შენიშვნების ჩასაწერი მრავალი წიგნაკი ეჭირა ხელში; მიუხედავად იმისა, რომ სეტყვასავით აყრიდნენ ისრებს და მათ ასაცილებლად თავს წყალში ჰყოფდა, წიგნაკებს მაინც არ უშვებდა თურმე ხელიდან. ისინი წყალზემოთ ცალ ხელში ეჭირა და ცალი ხელით კი მიცურავდაო. მისი ნავი სწრაფად ჩაიძირა.

ბოლოს მეფეც მტრის მხარეზე გადავიდა. მაშინ კეისარი მტრის წინააღმდეგ დაიძრა, მასთან ხელჩართულ ბრძოლაში ჩაება და გამარჯვა. ამ ბრძოლაში მრავალი ეგვიპტელი დაეცა. რაც შეეხება მეფეს, იგი უგზოუკვლოდ დაიკარგა.

ამის შემდეგ კლეოპატრა ეგვიპტის დედოფლად დატოვა კეისარმა, თვითონ კი სირიაში გაემგზავრა.

მცირე ხნის შემდეგ კლეოპატრას კეისრისაგან შეეძინა ვაჟი, რომელსაც ალექსანდრიელებმა კესარიონი დაარქვეს¹²⁵.

50. როცა კეისარი აზიაში მივიდა, შეიტყო, რომ მითრიდატეს შვილს ფარნაკეს¹²⁶ დაემარცხებინა დომიციუსი¹²⁷, რომელიც მცირერიცხოვანი ამალით პონტოდან¹²⁸ გაქცეულიყო; რაც შეეხება ფარნაკეს, იგი ფრიად დახარბდა გამარჯვებას, დაიკავა ბითვინია და კაპადოკია და ახლა ეგრეთ წოდებულ მცირე სომხეთის¹²⁹ დაპყრო-

ბაც სურსო; მან ყველა იქაური მეფე და ტეტრარქოსი¹³⁰ საამბო-
ხოდ წააქეზათ.

კეისარი მყისვე დაიძრა მის წინააღმდეგ სამი ლეგიონით და ქა-
ლაქ ზელასთან¹³¹ დიდი ბრძოლა გაუშართა. კეისარმა მთლიანად შე-
მუსრა მისი მხედრობა, თვითონ ფარნაკე კი პონტოდან გააქცია.

ამ ბრძოლის ანაზღაურება და სწრაფი დამთავრება რომ რომში
გუწეებინა, კეისარმა ერთ-ერთ თავის მეგობარს ამანციუსს სამი სი-
ტყვა მისწერა: „მიველ, ვნახე, დავამარცხო“. ლათინურად ამ ზმნებს
ერთნაირი ბოლოკიდური აქვთ და ფრიად დამარწმუნებელი სისხარ-
ტით გამოითქმიან¹³².

51. ამის შემდეგ კეისარი იტალიაში გადავიდა და წლის ბოლო-
სათვის უკვე რომში იყო. იგი აქ მეორედ აღიარეს დიქტატორად¹³³
მიუხედავად იმისა, რომ ეს თანამდებობა უწინ არასოდეს არ ყოფი-
ლა ყოველწლიური. მომდევნო წელს კეისარი არჩეულ იქნა კონსუ-
ლადაც.

კეისარს ამ ხანებში საკმაოდ ცხარედ კიცხავდნენ იმის გამო, რომ
მან ამბოხებული მეთომრები, რომელთაც ორი პრეტორი კოსკონიუსი
და გალბა მოკლეს, მხოლოდ იმით დასაჯა, რომ ჭარისკაცთა ნაცვლად
მოქალაქენი უწოდა, სოლო მერმე თითოეულ მათგანს ათას-ათასი
დრაქმა დაურიგა და მიწის დიდი ნაკვეთებიც მიუზომა იტალიაში¹³⁴.
კეისარს ბრალად სდებდნენ იმასაც, რომ იგი იყო მიზეზი დოლაბე-
ლას თავხედური ქცევისა, ამანციუსის ანგარებისა და ანტონიუსისა
და კორფინიუსის ლოთობისა. მასვე აბრალებდნენ კორფინიუსის სხვა
საქციელსაც. ამ კორფინიუსმა მისაკუთრა პომპეუსის სახლი და, რაკი
არასაკმაო მოცულობისა ეჩვენა, დაანგრია და გადააკეთა¹³⁵. ასეთი
მოქმედებანი რომაელების წყრომას იწვევდა. კეისარმა იცოდა ეს
ყველაფერი და არც მოსწონდა მისი მეგობრების საქციელი, მაგრამ
იძულებული იყო თავის პოლიტიკურ მოღვაწეობაში ამ პირთა დახ-
მარებით ესარგებლა.

52. ფარსალესთან მომხდარი ბრძოლის შემდეგ კატონი და სციპი-
ონი ლიბიაში გაიქცნენ და აქ მეფე იუბას¹³⁶ დახმარებით საკმაოდ
მრავალრიცხოვანი მხედრობა შეკრიბეს. გაიგო თუ არა ეს, კეისარმა
მათ წინააღმდეგ გალაშქრება გადაწყვიტა. ზამთრის ბუნიობის ჟამს
სიცილიაში გადავიდა¹³⁷ და, რომ თავისი სარდლებისათვის იმთავითვე
აღეცხეთა აქ შეყოვნების ყველა იმედი, საკუთარი კარავი პირდაპირ

ზღვის პირზე დასცა. დაქროლა თუ არა ზურგქარმა, კეისარი ზომალ-
დში ჩაჯდა და სამი ათასი ქვეითი მეომრისა და ცხენოსანთა მცირე-
რიცხოვანი რაზმის თანხლებით ზღვაში გავიდა. ეს ძალები მან ნა-
პირზე გადასხა და შეუქმნევლად უკანვე დაბრუნდა, ვინაიდან მთა-
ვარი ჯარის დარდი აწუხებდა. ეს ჯარი გზაში შემოხვდა. კეისარმა
ისივე ბანაკში გადაიყვანა. ამასობაში გაიგო, მტერს ერთი ძველისძვე-
ლი წინასწარმეტყველების იმედი აქვსო: თითქოს სციპიონთა გვარს
ბედით უწერია ლიბიაზე მარადიული ბატონობაო¹³⁸. კეისრის ბანაკ-
ში ერთი კაცი იყო, ყოველმხრივ უმნიშვნელო და აბუჩად აგდებული,
მაგრამ წარმოშობით აფრიკელთა გვარს ეკუთვნოდა. სახელად ამ
კაცს სციპიონ სალუციონი ერქვა. და აი, კეისარი ამ სციპიონს ბრძო-
ლის დროს მუდამ თავში აყენებდა, ვითომცდა მხედრობის ბელა-
დიად, თან აძულვებდა წარამარა დასხმოდა მტერს თავს და ხელჩარ-
თულ ბრძოლაში ჩაბმულიყო. საკმაოდ ძნელია იმის თქმა, თუ რის-
თვის აკეთებდა ამას კეისარი. შეიძლება ამით მტრის მხედართმთავარ
სციპიონის მასხრად აგდება უნდოდა, ანდა შეიძლება ზემოაღნიშნუ-
ლი წინასწარმეტყველების მისაკუთრება სურდა.

კეისრის მეომრებს არც ბური ჰქონდათ საკმაო რაოდენობით და
არც პირუტყვის საკვები. ისინი იძულებულნი იყვნენ ზღვის ხავსით
გამოეცვებათ ცხენები; ოღონდ ამ ხავსს წინასწარ რეცხდნენ, რათა
სიშლაშე გამოსცლოდა, მერმე შესანელებლად მცირეოდენ ბალახს
ურევდნენ და ცხენებს ისე აძლევდნენ. მთელ მინდორ-ველზე ცხე-
ნოსანი ნუმიდიელები დაჯირითობდნენ. ისინი ხან აქ გამოჩნდებოდ-
ნენ, ხან იქ. ერთხელ კეისრის მხედრები ისვენებდნენ და ერთ ლი-
ბიელს შესცქეროდნენ, რომელიც მათ წინ ცეკვავდა და ფლეიტაზე
განსაცვიფრებლად უკრავდა. მხედრები აღფრთოვანებულნი იყვნენ
ლიბიელის ოსტატობით. თავიანთი ცხენები მონებს მიანდეს. უცებ
კეისრის ცხენოსნებს გარს შემოერტყნენ ნუმიდიელები. მხედართა
ნაწილი იქვე დახოცეს, ნაწილი კი უკუაქციეს. უკუქცეულთ ნუმი-
დიელები დაედევნენ და მათთან ერთად ბანაკში შეიჭრნენ. კეისარი
და აზინიუს პოლიონი რომ არ დახმარებოდნენ ბანაკიდან თავისი-
ანებს და უკუქცევა არ შეეჩერებინათ, ომის საქმე დამთავრებული
იქნებოდა. ერთხელაც ერთ-ერთ ხელჩართულ ბრძოლაში გამარჯვება
მტრის ჯარში ძალების მხარეზე გადაიხარა. ამ დროს, როგორც გად-
მოგვცემენ, უკუქცეულ მედროშეს კეისარმა კისერში სტაცა თურმე

ხელი, მოწინააღმდეგისაკენ შეატრიალა და შესძახა: „აი, იქ არის მტერიო!“

53. წარმატებით გადიდებულბულმა სციბიონმა გადაწყვეტი ბრძოლის გამართვა განიზრახა. აფრანიუსისა და იუბას მხედრობა მან ერთმანეთისაგან მოშორებით დააბანაკა, ქალაქ თავსუსის მახლობლად, ზედ ტბის სანაპიროზე კი საკუთარი ბანაკი დასცა, რომელიც ბრძოლის დროს მთელი მხედრობისათვის საყრდნობი წერტილი და თავშესაფარი იქნებოდა.

სანამ სციბიონი ამ საქმით იყო გართული, კეისარმა გასაოცარი სისწრაფით გადაიარა ტყიანი ადგილები, გაუფალი ხეები და სციბიონის მხედრობის ერთ ნაწილს ალყა შემოარტყა, მეორეს კი პირდაპირ შეუტია. სციბიონელთა უკუქცევის შემდეგ მშვენივრად ისარგებლა მარჯვე შემთხვევით და მის მხარეზე გადახრილი ბედის სასწორით. კეისარმა სწრაფად იგდო ხელთ აფრანიუსის ბანაკი და იუბას მიერ მიტოვებული ნუმიდიელთა ბანაკიც დაუყოვნებლივ ააოხრა. ერთ დღეში, სულ რამდენიმე საათში, სამ ბანაკს დაეუფლა; ამასთან მტრის ორმოცდაათი ათასი მეომარი მოსპო, თვითონ კი მხოლოდ ორმოცდაათამდე კაცი დაკარგა.

აი ასე მოგვითხრობს ამ ბრძოლის შესახებ ზოგიერთი. სხვები კი ამბობენ, კეისარს თავსუსის ბრძოლაში მონაწილეობა არ მიუღიაო. როცა იგი ჯარის რიგებს აწყობდა, ჩვეულმა სენმა შეუტიაო¹³⁹. როგორც კი იგრძნო შეტევის დაწყება, ვიდრე გრძნობას დაჰკარგავდა, მახლობლად მდებარე სიმაგრეში გადაიყვანეს და იქ იმყოფებოდაო.

ბრძოლაში გადარჩენილმა და ტყვექმნილმა ზოგიერთმა ყოფილმა კონსულმა და პრეტორმა თავი მოიკლა, უმრავლესობა კი კეისარმა დაასჯევინა სიკვდილით¹⁴⁰.

54. კატონის ცოცხლად შეპყრობის სურვილით აღტყინებული კეისარი დიდი სისწრაფით გაემართა უტიკაში¹⁴¹. კატონი ამ ქალაქს იცავდა და ამის გამო ბრძოლაში მონაწილეობა არ მიუღია. როცა კეისარმა გზაში გაიგო, კატონმა თავი მოიკლაო, ძალიან შეწუხდა, მაგრამ ამის მიზეზი არცთუ ისე ადვილი გასარკვევია. ყოველ შემთხვევაში, მან მხოლოდ ესა თქვა: „ეჰ, კატონ, შურის თვალით შევცქერა შენს სიკვდილს, რამეთუ შენც შურით აღმიკვეთე შენთვის სიცოცხლის ჩუქების საშუალებათ!“ მაგრამ ამ ამბის შემდეგ კატონის წინააღმდეგ

დაწერილ თხზულებას ოდნავადაც არ ეტყობა ლმობიერებისა და შემარიგებლობის კვალი. ან კი როგორ დაინდობდა კეისარი ცოცხალ კატონს, როცა უკვე განსვენებულის მიმართ ესოდენი გესლი ვადმო-
ანთნია? მაგრამ მის მიერ გამოქვეყნებული შემწყნარებლობა ციცე-
რონისა, ბრუტუსისა თუ სხვა მრავალი ათასისადმი, მის წინააღმდეგ
რომ იბრძოდნენ, ზოგიერთს აფიქრებინებს, რომ ეს თხზულება და-
იწერა არა კატონის პირადი ზიზღით, არამედ პოლიტიკური პატივ-
მოყვარეობით. აი მისი დაწერის მიზეზიც: ციცერონმა დაწერა კა-
ტონის ხოტბა და ამ ნაწარმოებს სახელად „კატონი“ უწოდა. რო-
გორც მოსალოდნელი იყო, უძლიერესი ორატორის ამ შესანიშნავ თე-
მაზე დაწერილ წიგნს ხალხი ხარბად დაეწაფა. ამან კეისარმა ფრიად
გაანაწყენა. იგი ფიქრობდა, იმ კაცის ქება-დიდება, რომლის სიკვდი-
ლის მიზეზიც თვითონ იყო, მის წინააღმდეგ მიმართულ ბრალდებას
წარმოადგენდა. მაშინ კატონის წინააღმდეგ მან მრავალი ბრალდება
შეკრიბა და წიგნად გამოცა. ამ წიგნს კეისარმა სახელად „ანტიკა-
ტონი“ დაარქვა. ორივე ნაწარმოებს დღესაც ბევრი თავ-თავისი მოყ-
ვარული ჰყავს, იმის მიხედვით, ვინ ვის თანაუგრძნობს — კეისარს თუ
კატონს ¹⁴².

55. დაბრუნდა თუ არა ლიბიდან რომში, კეისარმა ხალხის წინა-
შე ფრიად ქედმაღლური სიტყვა წარმოთქვა თავისი გამარჯვების თა-
ობაზე. მან ხალხს უთხრა: იმდენი მიწა-წყალი დავიბყარი, იქიდან სა-
ხელმწიფო ხაზინაში ყოველწლიურად ორასი ათასი ატიკური მედიმი-
ნი პური ¹⁴³ და სამი მილიონი საწყაო ზეთითუნის ზეთი შემოვაო.
ამის შემდეგ კეისარმა ეგვიპტეზე, პონტოსა და ლიბიაზე გამარჯვების
აღსანიშნავი ტრიუმფი გადაიხადა ¹⁴⁴; ამასთან ლიბიის ტრიუმფი, რა
თქმა უნდა, მეფე იუბაზე გამარჯვებას აღნიშნავდა და არა სციპი-
ონზე. საზეიმო პროცესიაში მაშინ მოჰყავდათ მეფისწულიც — ჯერ
კიდევ ბალლი იუბა, ვისთვის ტყვეობა მეტად საბედნიერო გამოდგა;
ბარბაროსი და ნუმიდიელი იუბა ფრიად განსწავლული მწერალი
გაბდა ¹⁴⁵.

ტრიუმფების გადახდის შემდეგ კეისარმა დიდი ჯილდოები დაური-
გა თავის მეომრებს, ხოლო ხალხს ლხინი და სანახაობები გაუშა. ათა.
რომაელ მოქალაქეებს გაუშალა ოცდაორი ათასი სუფრა ერთდრო-
ულად, თითოეული სუფრა სამი კაცისათვის იყო განკუთვნილი. ამას
გარდა, დიდი ხნის წინათ გარდაცვლილი ქალიშვილის იულიას ხსოვ-

ნის აღსანიშნავად კეისარმა გლადიატორთა ბრძოლები და ნავმეჩი-
ები მოაწყო.

ასპარეზობათა დამთავრების შემდეგ მოსახლეობის აღწერა მოხ-
და¹⁴⁶. წინანდელი სამას ოცი ათასი კაციის ნაცვლად ახლა აღმოჩნდა
სულ ას ორმოცდაათი ათასი კაცი. აი რა უზედურება მოიტანა სამო-
ქალაქო ომმა, აი მოსახლეობის რა დიდი ნაწილი გაანადგურა მან!
რაც შეეხება სხვა მრავალ მწუხარებას, რაც დანარჩენ იტალიასა და
პროვინციებს გარდახდათ თავს, ამაზე ჩვენ აღარაფერს ვამ-
ბობთ¹⁴⁷.

წმ. ზემოაღნიშნულ ამბავთა დასრულების შემდეგ კეისარი მე-
ოთხედ აირჩიეს კონსულად, რის შემდეგაც ესპანეთისაკენ გაემართა
პომპეუსის ვაჟების წინააღმდეგ¹⁴⁸. მიუხედავად იმისა, რომ ისინი ჯერ
სულ ახალგაზრდები იყვნენ, გასაოცარი სიმრავლის მხედრობა შეე-
რიბეს და წინამძღოლობისათვის სავსებით შესაფერი მამაცობაც გა-
მოიჩინეს. ამ ამბავმა კეისარი უკიდურესი საფრთხის წინაშე დააყენა.
დიდი ბრძოლა მოხდა ქალაქ მუნდასთან¹⁴⁹, როცა კეისარმა აქ და-
ინახა, რომ მის მეომრებს სასტიკად ავიწროებდა მტერი, რომელსაც
ისინი სუსტ წინააღმდეგობას უწევდნენ, თავის ჯარისკაცთა რაგებში
შეიჭრა და ყვირილი მორათო: თუკი აღარაფრისა გრცხვენიათ, ბარემ
ამიღეთ და იმ ლაწირაც ბიჭებს გადამეცითო. ბოლოს და ბოლოს კე-
ისარმა ძლივძლივობით, დიდი წვალებით ფასად აიტაცა მტერი და მას
ოცდაათ ათასზე მეტი კაცი შეუშუსრა; თვითონ კი ათასი საუკეთესო
მებრძოლი დაკარგა. ბრძოლის შემდეგ თავის კარავში დაბრუნე-
ბულმა კეისარმა მეგობრებს უთხრა: მე ზშირად შემხედვარია ბრძო-
ლა გამარჯვებისათვის, დღეს კი ჩემი საკუთარი სიცოცხლას შენარ-
ჩუნებისათვის ვიბრძოდიო.

გამარჯვება ამ ბრძოლაში მან ღიონისიების დღესასწაულის დროს
მოაპოვა¹⁵⁰. ამბობენ, პომპეუსმაც ამ დღესასწაულის ქაშს დაიწყო
ოპიო. ამ ორ ამბავს შორის სულ ოთხმა წელმა გაწვლო.

რაც შეეხება პომპეუსის შვილებს, იმათგან უმცროსი ვაჟი გაიქცა,
ხოლო უფროსის თავი რამდენიმე დღის შემდეგ დიდიუსმა კეისარს
მაართვა¹⁵¹.

მუნდასთან ბრძოლა კეისარის უკანასკნელი ომი იყო. არაფერს არ
მოუტანია ისეთი მძიმე მწუხარება რომაელებისათვის, როგორიც ამ
ბრძოლაში გამარჯვების აღსანიშნავად გამართულმა ტრიუმფმა. კე-

ისარმა უცხო სახელმწიფოთა წინამძღოლები ან ბარბაროსთა მეფე-ები კი არ დაამარცხა, არამედ რომაელთა შორის ფრიად გავლენიანი, მაგრამ შემთხვევის წყალობით გაუბედურებული კაცის შვილები და-ხოცა და მისი გვარი ძირფესვიანად ამოუღლიტა. კეისარის ღირსებას ოდნავადაც არ შეეფერებოდა ის, რომ საკუთარი სამშობლოს უბე-დურებას ზეიმობდა. იგი შეჰხაროდა თავის საქციელს, რომელსაც დმერათთა და კაცთა წინაშე მხოლოდ აუცილებლობით თუ გაამართ-ლებდა. რომაელთა წყრომას კიდევ უფრო მეტად აღიზიანებდა ისიც, რომ უწინ, ამ ბრძოლის მოგებადღე, კეისარი საშინაო ომში მობო-ვებულ გამარჯვებას არც მაცნეს საშუალებით და არც საჯარო წერი-ლობრივი განცხადების გზით არ იტყობინებოდა; პირიქით, ასეთი გამარჯვებულის სახელისა ერცხვინებოდა¹⁵².

57. ერთი სიტყვით, ასე იყო თუ ისე, რომაელებმა ქელი მოიხარეს ამ ადამიანის ბედის წინაშე, კისერზე უღელი დაიდგეს და, თვლიდ-ნენ რა მონარქიას მოსვენებად სამოქალაქო ომებისა და სხვა უბე-დურებათა შემდეგ, კეისარი მთელი სიცოცხლის მანძილზე დიქტა-ტორად აღიარეს. სამუდამო ძალაუფლებასთან შეერთებული ეს შე-უზღუდავი მონარქია უკვე აშკარა ტირანია იყო.

ციცერონის წინადადებით სენატმა კეისარს თავის დროზე პირვე-ლი და დიდი პატივი მიაგო, მაგრამ ის პატივი მაინც ადამიანის დიდე-ბის ფარგლებში ეტეოდა. სხვებმა კი ერთმანეთის ცილობაში ამას ზედ დაურთეს ახალი, საგანგებო რწმუნება და იმდენი ქნეს, რომ მათ მიერ მიღებული გადაწყვეტილებებით, რომელნიც ყოველგვარ ზომასა და გონიერების საზღვარს სცილდებოდნენ, კეისარი აუტანე-ლი და საძულელი გახადეს ყველაზე უფრო თვინიერ მოქალაქეები-სათვისაც. კეისარს მტრები, როგორც ფიქრობენ, მლიქვნელებზე უფ-რო მეტად ცდილობდნენ მისთვის საგანგებო რწმუნებათა მინიჭებას. ამას კი იმიტომ სჩადიოდნენ, რომ რაც შეიძლება მეტი საბაბი ჰქო-ნოდათ მის წინააღმდეგ და მერმე დიდ-დიდი ბრალდებებით დასხ-მოდნენ თავს. სხვა მხრივ, სამოქალაქო ომების დამთავრების შემდეგ, კეისარს თავი ისე ეჭირა, რომ მისი დაძრაება არ შეიძლებოდა. რო-გორც ფიქრობენ, უსაფუძვლო არ იყო გადაწყვეტილება, რომ კე-ისარისათვის, მისი ღმობიერების აღსანიშნავად, მოწყალების ტაძარი აეგოთ¹⁵³. მართლაცდა, კეისარმა ომში მის წინააღმდეგ მეტბრძოლა უმრავლესობას პატიება უბოძა. ზოგიერთ მათგანს თანამდებობა და

სახელიც კი მინიჭა; მაგალითად, ბრუტუსსა და კასიუსს. ესენი მან პრეტორებად გახადა.

იგი, სხვათა შორის, გულგრილად ვერ უტყუროდა პომპეუსის დამხობილ ქანდაკებებს და კვლავ კვარცხლბეკზე დაადგმევინა ისინი. ამაზე ციცერონს უთქვამს თურმე: „კეისარმა პომპეუსის ქანდაკებათა აღდგენით საკუთარ ქანდაკებებს გაუმაგრა ძირიო“.

მეგობრები კეისარს სთხოვდნენ თავის გარშემო მცველები ჰყოლოდა და ბევრი მათგანი სამსახურს სთავაზობდა. კეისარი ამაზე არ დათანხმდა. მან განაცხადა: „სჯობს კაცი ერთხელ მოკვდეს, ვიდრე ნიადაგ ამის შიშში იყოსო“. ყველაზე საიმედო და მტკიცე ბურჯად იგი ხალხის კეთილგანწყობილებას თვლიდა. ამ კეთილგანწყობილების შემომტკიცების მიზნით კვლავ დაიწყო ხალხის გულის მონადირება ლხინებით და პურის დარიგებით; ჯარისკაცებს კი ახალშენები დაუარსა. ასეთ ახალშენთა შორის ფრიად მნიშვნელოვანი იყო კართაგენი და კორინთო. ეს ქალაქები ერთსა და იმავე დროს დაინგრნენ და ახლა მათი აღორძინებაც ერთდროულად მოხდა.

58. რაც შეეხება წარჩინებულთა ფენას, მის ერთ ნაწილს კეისარი კონსულობასა და პრეტორობას ჰპირდებოდა, მეორეს სხვა თანამდებობებითა და პატივით ზიზღავდა, ხოლო ყველას ერთად დიდ იმედებს უწერგავდა და თავგამოდებით ცდილობდა ხალხი საკუთარი ნებასურვილით ყოფილიყო მის მორჩილებაში.

როცა კონსული მაქსიმე გარდაიცვალა, მისი გამგებლობის ვადის გასვლამდე დარჩენილი ერთი დღით კეისარმა კონსულად კანინიუს რებელიუსი დანიშნა¹⁵⁴. როგორც ჩვეულება მოითხოვდა, მრავალი რომაელი მოეშადა მასთან მისასვლელად, რათა მიელოცათ და იგი სენატის კარამდე მიეცილებინათ. ამაზე ციცერონმა ასე იოხუნჯა თურმე: „აბა, ვინჩაოთ, თორემ კანინიუსი კონსულის თანამდებობიდან გადადგომას მოგვასწრებსო“.

ბუნებით დიდ საქმეთა შესასრულებლად დაბადებული და პატივმოყვარე კეისარი მოპოვებულ წარმატებებს როდი სჯერდებოდა; მიღწეული გამარჯვება ბოლომდე ვერ ატკბობდა; პირიქით, მომავლისათვის აქეზებდა და მზნეობას ჰმატებდა. ეს წარმატებანი ახალ დიდ განზრახვებს უღვიძებდა და ახალი სახელის მოხვეჭის ჟინს აღუძრავდა; თითქოს ძველი დიდება უკვე მოყირჭებული ჰქონდა. კეისარს ეს ვნება სხვა არა იყო რა თუ არა ქიშპობა საკუთარ თავთან ისე, ვით

ვინმე სხვასთან; ეს იყო ერთგვარი პატივმოყვარული მისწრაფება, რათა მომავალში განზრახულ საქმეთ უსაზღვროდ გადაეჭარბებინათ მოპოვებული მიღწევებისათვის.

კეისარს განზრახული ჰქონდა და ემზადებოდა კიდევ იმისათვის, რომ პართების წინააღმდეგ გაელაშქრებინა. პართების დამორჩილების შემდეგ იგი ფიქრობდა გასულიყო პირკანიაში, აჰყოლოდა კასპიის ზღვის სანაპიროებსა და კავკასიას, შემოეგლო პონტოსათვის¹⁵⁵ და სკვითიაში შეჭრილიყო; ხოლო აქედან გადაეგლო გერმანიის მეზობლად მდებარე მხარეები, თვითონ გერმანიაც და კელტთა ქვეყანაზე გადავლით იტალიაში დაბრუნებულიყო. ამგვარად, კეისარს სურდა ისე შეეკრა რომის იმპერიის წრე, რომ იგი ყოველმხრივ ოკეანეთი ყოფილიყო შემოსაზღვრული.

პართიაში ლაშქრობისათვის მზადების დროს კეისარმა კორინთოს ყელზე¹⁵⁶ არხის გაჭრა გადაწყვიტა და ეს საქმე ანიენუსს მიანდო. ამის გარდა მას განზრახული ჰქონდა სხვა ღრმა არხის გათხრაც, რომლითაც მდინარე ტიბრი კირკეუმისაკენ წარიმართებოდა და ზღვას ტრაციინასთან შეერთებოდა¹⁵⁷. ამით კეისარი ცდილობდა რომში სავაჭროდ მიმავალი ხალხისათვის უშიშარი და ადვილად სავალი გზა შეექმნა.

ამ საქმეებთან ერთად მას გადაწყვეტილი ჰქონდა პომენტუმისა და სეტიას ირგვლივ მდებარე ჭაობთა ამოშრობა, რათა ეს მიდამოები ნაყოფიერ მინდვრებად ექცია და მრავალი ათასი კაცისათვის დასამუშაველად გადაეცა.

შემდეგ კეისარს სურდა, ამოეყვანა მიწაყრილი რომის უახლოეს მიდამოთა სანაპიროებზე, რომელთაც უამისოდ ზღვა ჰფარავდა ხოლმე. მას უნდოდა ოსტიას¹⁵⁸ სანაპიროს მეჩხეი და მიუღდგომელი ადგილებიც ამოეწმინდა და იქ ეგზომ განშორებული ნაოსნობისათვის ნავსადგურები და ხომალდთა მისადგომები აეგო.

აი ასეთი იყო კეისარის გეგმები¹⁵⁹.

59. კეისარის მიერ კალენდრის ოსტატურად მოწესრიგებამ და ღრთის აღრიცხვაში არსებული ცდომილების შესწორებამ ფრიადდი სარგებლობა მოიტანა. რომაელები მარტო ძველ დროში როდი სარგებლობდნენ ღრთის არაზუსტი აღრიცხვით და თევების წელიწადისადმი შეუთანხმებელი მიმართებით¹⁶⁰, რის გამოც მსხვერპლშეწირვები და ღღესასწაულები თანდათანობით სცილდებოდა დაწესე-

ბულ ვადებს და წლის სულ სხვა მონაკვეთებში გადადიოდა. თვით კერძო ხანაშიაც კი, როდესაც ხმარებაში უკვე მზის წელიწადი იყო, ხალხს ამისი არაფერი ესმოდა. დროის ანგარიში მხოლოდ და მხოლოდ ქურუმებს შეეძლოთ. ისინი მოულოდნელად, როცა ამის თაობაზე არაფერი არ იცოდა, წლის დროში ჩართავდნენ ხოლმე დამატებით თვეს, რომელსაც სახელად მერკედონიუსს ეძახდნენ. ამბობენ, პირველად ამ თვის ჩართვა ნუმა დაიწყო. მან ამით დროთა აღრიცხვაში არსებული შეცდომების გასასწორებლად უმნიშვნელო და საკმაოდ ხანმოკლე ვადისათვის ვარჯისი ხერხი იპოვა. ამის შესახებ ჩვენ მოთხრობილი გვაქვს მისი ცხოვრების აღწერაში¹⁶¹.

კალენდრის მოწესრიგება კეისარმა დაავალა საუკეთესო ფილოსოფოსებსა და მათემატიკოსებს. შემდეგ მიღებული დასკვნები შეისწავლა და გამოაქვეყნა კალენდრის შესწორების საკუთარი, შედარებით ზუსტი ხერხი¹⁶². მისი კალენდრით დღემდე სარგებლობენ რომაელები და, როგორც ჩანს, წელთაღრიცხვაში ისინი ყველა ხალხზე უფრო ნაკლებ შეცდომებს უშვებენ. მიუხედავად ამისა, კეისრის მიმართ მტრულად განწყობილმა პირებმა და საერთოდ ყველამ, ვინც კი მის მბრძანებლობას ვერ იტანდა, აქ, ამ საქმეშიც, ბრალდებების საბაზი იპოვეს. აი, მაგალითად, გადმოცემის მიხედვით, ორატორმა ციცერონმა ერთ კაცს, რომელმაც თქვა, ხვალ ზეცაზე ლირა¹⁶³ ამოვაო, ასე უპასუხა თურმე: „დიახ, ამოვა თანახმად განკარგულებისა!“ ისე გამოდიოდა, თითქოს კეისარი აუცილებლობით გამოწვეულ კალენდრის გადახალისებას ძალდატანებით ახვევდა თავზე აღამიანებს.

60. ყველაზე უფრო აშკარა ზიზღსა და კეისრის მოკვლის სურვილს მისი მეფედ გახდომის უინი იწვევდა. კეისრის უმთავრესი დანაშაული ხალხის თვალში სწორედ მეფობისაკენ სწრაფვა იყო; ფარულ მტრებს კი ეს უკვე კარგა ხანია მისდამი სიძულვილის ფრიად განსაკუთრებულ საბაზს აძლევდა. მოუხედავად ასეთი განწყობილებისა, ის პირნი, რომელნიც კეისარს მეფის პატივს სთავაზობდნენ, ხალხში ხმას ავრცელებდნენ, თითქოს სიბილას¹⁶⁴ წიგნების მიხედვით პართების დამორჩილებას რომაელები მხოლოდ მაშინ შეძლებენ, თუ მათ წინააღმდეგ ლაშქრობის დროს წინამძღოლად მეფე ეყოლებაო, სხვაგვარად კი პართების დამარცხება მიუღწეველი საქმეაო. ასეთი ხმების გამავრცელებელი პირები¹⁶⁵ იმდენად გაკადნიერდნენ, რომ კეისარს, როცა იგი ერთხელ აღბაღან რომში ბრუნდებოდა, ვით

მეფეს ისე მიესალმნენ. ამ ამბავმა ხალხი ფრიალ შეაშფოთა, ხოლო გამწყრალმა კეისარმა შენიშნა: „მე კეისარი მქვია და არა მეფეო!“ მის სიტყვებს ხალხი საყოველთაო დუმილით შეხვდა; კეისარი კი დანადვლიანებული და უკმაყოფილო სახით თავის გზას გაუდგა.¹⁶⁶

ერთხელ სენატში კეისარს ფრიალ სავანგებო რწმუნებანი მიანიჭეს. იგი ამ დროს საორატორო ტრიბუნაზე იჯდა. როცა მასთან კონსულები და პრეტორები გამოცხადდნენ, რომელთაც თან სენატის შემადგენლობა ახლდა, იგი ფეხზე არ წამოდგა. კეისარი მათ ისე მოექცა, თითქოს ვინმე კერძო პირებთან ჰქონდა საქმე; „საქიროება მოითხოვს, — უთხრა მათ, — რწმუნებანი მომაცლოთ და არა მომიმართოთ“. მისმა ასეთმა ქცევამ მეტისმეტად მძიმე შთაბეჭდილება მოახდინა არა მარტო სენატზე, არამედ ხალხზედაც, რომელსაც სენატის სახით შეურაცხყოფილად მიიჩნდა მთელი სახელმწიფო. ყველა, ვისაც კი შეეძლო სენატში აღარ დარჩენილიყო, დაუყოვნებლივ გარეთ გამოვიდა საშინლად დამწუხრებული. კეისარი მიხვდა, რაც ხდებოდა, და მყისვე შინ დაბრუნდა. აქ მან კისერთან ტოგა გადაიწია და ყელგაშიშვლებულმა მეგობრებს ყვირილით მიმართა: „აი, მზადა ვარ იმის მსხვერპლი შევიქნე, ვისაც ჩემი მოკვლა სწადიაო“. შემდეგ ხანებში თავის გასამართლებლად ავადმყოფობას იმიზეზებდა: რაინი, ვინც ამ სენით არიან შეპყრობილნი, თუკი ბრბოს წინაშე ფეხზე მდგომელა უწევთ ღაპარაკი, საკუთარი გრძნობების წონასწორობას ვეღარ ინარჩუნებენო; ეს ავადმყოფობა ჯერ ცახცახს აღუტებს მათ, მერმე რეტს დაასხამს და ბოლოს გონებასაც აკარგვინებსო.¹⁶⁷ მაგრამ საქმე ეს როდი იყო. სინამდვილეში კეისარს უნდოდა სენატის წინაშე ფეხზე წამოდგარიყო, მაგრამ, როგორც ამბობენ, ეს მას არ დაუწება ერთ-ერთმა მისმა მეგობარმა, უფრო სწორად რომ ვთქვათ, მისმა მლიქვნელმა — კორნელიუს ბალბუსმა. მან კეისარს ასე უთხრა თურმე: „განა არ გახსოვს, რომ შენ კეისარი ხარ? ნუთუ არ გინდა პატივცემულ იქნე ამ ხალხისაგან, რომელთან შედარებით მთელი თავით მაღლა დგახარო?“.

ნ1. ამ უსიამოვნო შემთხვევებს ჩქარა ზედ დაერთო სახალხო ტრიბუნების შეურაცხყოფაც. იმ დღეს ლუპერკალიების დღეობა იყო. ამ დღეობის შესახებ მრავალი მწერალი წერს, იგი ძველ დროში მწყემსთა დღესასწაულს წარმოადგენდა და ზოგიერთი რაპით არკადიულ ლიკებს წაავადსო. ასეთი ზეიმის დროს ყველმობილი

გვარისა და მაღალი თანამდებობის ბევრი ყმაწვილი კაცი გაშიშვლებული დარბის ხოლმე ქალაქში და ყველა შემხვედრს ხუმრობითა და სიცილით ბანჯგვლიან ტყავებს ურტყამს. მორბენალ ახალგაზრდებს თვალსაჩინო ღირსების ქალებიც კი განგებ ხდებიან ვზაზე და დასარტყმელად ხელებს უწვდიან ისე, როგორც ეს სკოლაში ხდება. მათ სწამთ, რომ ეს ორსულებს მშობიარობას უადვილებს, ხოლო უნაყოფო ქალებს დაორსულებაში შეეღოს.

სატრიუმფო სამოსელში გამოწყობილი კეისარი საოთრატორო ტრიბუნის მახლობლად ოქროს სავარძელში იჯდა და ამ სანახაობას შესცქეროდა. წმინდა სტოლოს მონაწილე მორბენალთა შორის ანტონიუსიც იყო ¹⁶⁸. ჩქარა მან ფორუმთან მიიღრინა. ხალხმა ვზა დაუთმო და ანტონიუსმა დაფნის გვირგვინით მოკაზმული სამეფო დიადემა კეისარს გაუწოდა; ამაზე კანტიკუნტი და ისიც წინასწარ მომზადებული ტაშისცემა გაისმა. კეისარმა გვირგვინი აირიდა; ახლა კი მთელმა ხალხმა დასცბო ტაში. მერმე ისევ მიაღრთვა ანტონიუსმა კეისარს გვირგვინი; ტაში ისევ რამდენიმე კაცმა დაუტყრა; ხოლო როცა კეისარმა კვლავ აირიდა გვირგვინი, ტაშისცემა კვლავ მთელმა ხალხმა ატეხა. როცა ამგვარი ხერხით ხალხს განწყობილება გამოამჟღავნა, კეისარი ფეხზე წამოდგა და ბრძანა გვირგვინი კაპიტოლიუმში წაეღო. მცირე ხნის შემდეგ ხალხმა სამეფო გვირგვინით მოკაზმული კეისარის ქანდაკებები დაინახა. მაშინ სახალხო ტრიბუნები, ფლავიუსი და მარტულუსი ¹⁶⁹ მყისვე მიიპრინენ ამ ქანდაკებებთან და მათ მოკაზმულობანი დახსნეს. მერმე, კეისარს რომ პირველად მეფესავით მიესალმნენ, ის პირები დაძებნეს და საპყრობილეში წაიყვანეს. ხალხი ტაშის გრიალით მიჰყვებოდა ამ სახალხო ტრიბუნებს და მათ „ბრუტუსებს“ ეძახოდა, იმიტომ რომ ზწოროდ ბრუტუსი იყო ის პირი, რომელმაც მეფობა მოსპო და მონარქიისაგან წართმეული ძალაუფლება სენატსა და ხალხს გადასცა ¹⁷⁰.

სახალხო ტრიბუნთა მოქცევით აღშფოთებულმა კეისარმა მარტულუსსა და მის ამხანაგებს მათი წოდების ღირსება აპყარა. მათ წინააღმდეგ მიმართულ საბრალმდებო სიტყვაში არაერთხელ შეურაცხყო ხალხიც იმით, რომ სახალხო ტრიბუნებს „ბრუტუსებსა“ და „კვიმელებს“ უწოდებდა ¹⁷¹.

62. ყოველივე ამის გამო ხალხმა დახმარებისათვის მიმართა მარკუს ბრუტუსს, რომელიც წარმოშობით ეკუთვნოდა მამის მხრივ ძვე-

ლი ბრუტუსის გვარს, ხოლო დედის მხრივ სერვილიუსთა წარჩინებული ოჯახს. ამასთან ერთად იგი კატონის სიძე და დისწული იყო.

კეისრისაგან მიღებულმა მრავალმა პატივმა და წყალობამ ბრუტუსს მონარქიის მოსაპოვის სურვილი შეუწეა. ფარსალესთან პომპეუსის უკუქცევის შემდეგ არა მარტო თვითონ იქნა შეწყყნარებული კეისრის მიერ, არამედ თავისი შუამდგომლობით ბევრი მეგობარიც დაიხსნა და, რაც მთავარია, ფრიად დიდი ნდობითაც სარგებლობდა კესართან. სწორედ იმ დროისათვის მეტად ბრწყინვალე პრეტორის წოდება მიიღო, ხოლო სამი წლის გავლის შემდეგ კონსულიც უნდა გამხდარიყო. მიუხედავად იმისა, რომ ამ თანამდებობას კასიუსიც¹⁷² ჩემულობდა, უპირატესობა მაინც მას მიენიჭა. როგორც გადმოგვცემენ, კეისარს ამაზე უთქვამს: კასიუსი საკმაოდ სამართლიანად იბრძვის ამ ადგილისათვის, მაგრამ ბრუტუსს მე მაინც ვერ ავუვლი გვერდსო.

მაშინ როცა კეისრის წინააღმდეგ შეთქმულება უკვე მზადდებოდა, ვილაც პირებმა ბრუტუსი კეისართან დააბეზღეს. კეისარმა ამას ყურადღება არ მიაქცია. მან საკუთარ ტანზე მიიღო ხელი მხოლოდ და დაამბეზღებლებს უთხრა: „ბრუტუსი მოითმენს იმდენს, რომ ამ სხეულს არ შეეხოსო“. ამით ის უნდოდა ეთქვა, რომ ბრუტუსი თავისი სახელოვნებით ძალაუფლების ღირსი იყო, მაგრამ ამ ძალაუფლების გულისათვის უმადური და ფლიდი არ გახდებოდა.

ისინი, ვისაც სახელმწიფო გადატრიალება სურდათ, დახმარებასათვის თვალს ან მხოლოდ და მხოლოდ ბრუტუსს აპყრობდნენ, ან არადა უპირატესობას ამ საქმეში მაინც მას ანიჭებდნენ; მაგრამ საქმე ის იყო, რომ მასთან ამაზე აშკარად ლაპარაკს ვერ ბედავდნენ. ამიტომ ერთ მშვენიერ ღამეს, ტრიბუნა და საეარძელი, რომელზედაც ბრუტუსი, როგორც პრეტორი, სასამართლო საქმეებს იხილავდა, ასეთი შინაარსის წარწერებით გაავსეს: „შენ გძინავს, ბრუტუს!“, „არა, შენ ბრუტუსი არა ხარ!“

კასიუსმა იგრძნო, რომ ეს ამბავი ბრუტუსს ნელ-ნელა პატივმოყვარეობას უღვიძებდა. ამიტომ უწინდელზე უფრო მეტი დაჟინებით დაიწყო ბრუტუსის წაქეზება. კეისრის მიმართ მას, სხვათა შორის, ამოძრავებდა პირადი ზიზღიც იმ მიზეზთა გამო, რომლებიც ჩვენ უკვე ბრუტუსის ცხოვრების აღწერილობაში გადმოგვცით¹⁷³. რაღა თქმა

უნდა, კეისარიც თავის მხრივ ეჭვის თვალთ უყურებდა კასიუსს. ერთხელ შეგობრებს უთხრა: „როგორ გგონიათ, რა სურს კასიუსს? იგი მეტისმეტად ფერმკრთალია და მე ეს არ მომწონს!“ ერთხელაც კეისართან ანტონიუსი და დოლაბელა დაბეზლეს თურმე: ესენი ამბობნენ ამზადებენო. „მე ოდნავადაც არ მეშინია ამ ჩასუქებული და გრძელთმიანი ხალხისო, — თქვა ამაზე კეისარმა, — უფრო მეტი შიში იმ მკლე და ფერმკრთალი ადამიანებისა მაქვსო“. ამ ქარავმაში კეისარი კასიუსსა და ბრუტუსს გულისხმობდა ¹⁷⁴.

63. კეისარისათვის, როგორც ჩანს, საკუთარი ბედისწერის წინასწარი განქვრეტა უფრო ადვილი გამოდგა, ვიდრე მისი თავიდან აცილება. ამბობენ, მაშინ ამ ბედისწერის მომასწავებელი მრავალი საოცარი ნიშანი და სასწაული გამოჩნდაო. ასეთ დიდ საშინელებათა შორის შესაძლოა მოგონების ღირსიც კი არ იყოს ისეთი ამბები, რომელთაც მაშინ ჰქონდათ ადგილი; სახელდობრ: ზეცაზე ცეცხლის აელვარება, ხშირად ღამით ამტყდარი ხმაური, ანდა ფორუმზე ცალკეულ ფრინველთა ჩამოფრენის შემთხვევები. ფილოსოფოსი სტრაბონი მოგვითხრობს ¹⁷⁵, ზეცაზე მრავლად გამოჩნდნენ ცეცხლმოდებული მეომარნი, რომელნიც ძირს მოქროდნენ; მისივე სიტყვით, ერთი ჯარისკაცის მონას ხელზე საშინელი ალი აუვარდა თურმე; ვინც მას შესცქეროდა, ყველას ეგონა, დაიწვა მონაო; მაგრამ ჩაქრა თუ არა ალი, ეს კაცი საგსებით უვნებელი იხილეს. იმ დღეს კეისარი მსხვერპლს სწირავდა. აღმოჩნდა, რომ სამსხვერპლო პირუტყვის გული არა ჰქონდა. ეს ფრიალ დიდი უბედურების ნიშანი იყო. უკულო ცხოველის არსებობა ბუნებაში შეუძლებელია. ერთმა მკითხავმა ილევ. როგორც ამას მრავალი მხილველი გადმოგვცემს, კეისარს ურჩია გაჰფრთხილებოდა დიდ განსაცდელს მარტის თვის იმ დღეს, რომელსაც რომაელები იღებს ეძახდნენ. როცა ეს დღე დადგა, სენატში მიმავალმა კეისარმა ვზად შემომხვდურ მკითხავს სალამი მისცა და ხუმრობით უთხრა: „აი, ზომ დადგა მარტის იღებო!“ — „ღიახ, დადგა, მაგრამ ჯერ არ გასულაო!“ — აუღელვებლად უპასუხა თურმე კეისარს მკითხავმა ¹⁷⁶.

მარტის იღების წინაღობით კეისარი გახშმად ჰყავდა მოწვეული მარკუს ლეპიდუს ¹⁷⁷. კეისარი ჩვეულებისამებრ სუფრასთან წამოწოლილი იყო და წერილებს ხელს აწერდა. უცებ სიტყვა ჩამოვარდა იმაზე, თუ რომელი სახის სიკვდილია ყველაზე უკეთესიო. ამ

კითხვაზე პასუხის გაცემა ყველას დასწრო კეისარმა და წამოიძახა: „მოულოდნელი“.

განშმის შემდეგ, როცა კეისარი თავის სარეცელში ჩვეულებისამებრ მეუღლის გვერდით იწვა, საწოლი ოთახის ყველა კარი და ფანჯარა ანაზღეულად თავისთავად გაიღო, ხმაურით და ოთახში შემოჭრილი მთვარის შუქით შეშფოთებულმა კეისარმა გაიგონა, რომ ღრმა ძილში წასული კალპურნია, რაღაც სიზმრებით აფორიაქებული, კვნესოდა და გაუგებრად ბუტბუტებდა. კალპურნიას ეზმანა, თითქოს მოკლული ქმარი ჰყავდა მკლავებზე გადასვენებული და დასტიროდა ზოგიერთი ამბობს, კეისარს ცოლს ასეთი სიზმარი არ უნახავსო. როგორც ლივიუსი გადმოგვცემს, სენატის გადაწყვეტილებით კეისარის სახლის თავზე პატივისცემის ნიშნად დადგმული იყო ქონგური; კალპურნიამ სიზმრად იხილა, ვითომცდა ეს ქონგური გადმონგრეულიყო და ამიტომ მოთქვამდა და ტიროდა ძილშიო. ასე იყო თუ ისე, დილით კალპურნიამ კეისარს ხვეწნა-მუღდარა დაუწყო: თუ შესაძლებელია, დღეს გარეთ ნუ გახვალ და სენატის სხდომა გადასდევ; თუ ჩემს სიზმარს არაფრად აგდებ, მაშინ სხვა სახის წინასწარმეტყველებით და მსხვერპლშეწირვით მაინც შეიტყვე შენი მომავალიო. როგორც ჩანს, რაღაც ეჭვი და შიში კეისარს თვითონაც ჰქონდა იმ დღეს. მას აქამდე არასოდეს არ შეენიშნა კალპურნიასთვის ქალური ცრუმორწმუნეობა. მაშინ კი მეუღლე მეტისმეტად შეშფოთებული იხილა. ამიტომ, როცა კეისარს მრავალი მსხვერპლს შეწირვის შედეგად მკითხავემაც ცუდი მომავალი უწინასწარმეტყველეს, გადაწყვიტა ანტონიუსი გაეგზავნა და სენატის სხდომა დაეშალა.

64. აი ასეთ ვითარების ქამს კეისართან მივიღო დეციმუს ბრუტუსი, რომელსაც მეტსახელად ალბინუსს ეძახდნენ¹⁷⁸. ეს ბრუტუსი ისეთი ნდობით სარგებლობდა, რომ კეისარს ის თავის მეორე მკმაკვიდრედ ჰყავდა ჩაწერილი ანდერძში¹⁷⁹. მიუხედავად ამისა, იგი მეორე ბრუტუსთან და კასიუსთან ერთად კეისარის წინააღმდეგ მიმართული შეთქმულების მონაწილე იყო. ამიტომ ეშინოდა სენატის სხდომა კეისარს არ გადაედო და შეთქმულება არ გამომეცხვენებოდა.

დეციმუს ბრუტუსმა მისნების დაცინვა და კეისარის თავგამოჯდებული ღარიგება დაიწყო. მისი სიტყვით, კეისარი თვითონვე აძლევდა სენატს ბრალდებათა და ცილისწამებათა საბაზს იმიტომ, რომ სენატს აბუჩად იგდებდა. „სენატი, — ეუბნებოდა დეციმუს ბრუტუსი კე-

ისარს, — შენი მოწვევით შეიკრიბა დღეს; ყოველი სენატორი მზად არის იტალიის გარეთ მდებარე და რომისადმი დაქვემდებარებულ ქვეყნებში და აგრეთვე ზღვაზე ყოფნის ქამს სამეფო გვირგვინის ტარების უფლება მოგცეს. აბა რას იტყვიან შენი მტრები, აწ შეიკრიბილ სენატორთ რომ ვინმემ გამოუცხადოს: ანლა დაიშალენია და მაშინ შეიკრიბეთ, როცა კალპურნია უკეთეს სიზმრებს იხილავსო? ვანა აუტანელ ამბად არ ჩათვლიან სენატის წევრები იმას, რომ რომელიმე შენმა მეგობართანგანმა მათ მტკიცება დაუწყოს: კეისრის ასეთი მოქმედება მონობა და ტირანია არ არისო? თუ მაინცდამაინც დღევანდელ დღეს საბედისწერო დღედ თვლი, მაშინ უმჯობესია შენ თვითონვე მიხვიდე სენატში და სხდომა გადადებულად გამოაცხადო“.

ამ სიტყვებთან ერთად დეციმუს ბრუტუსმა ხელი მოჰკიდა კეისარს და გარეთ გამოიყვანა. ის იყო გასცდა კეისარი თავის სახლს, რომ ამ დროს მასთან შესახვედრად გამოემართა ერთი უცხო მონა; მაგრამ კეისარს გარს იმდენი ხალხი ეხვია და იქ ისეთი მიხლა-მოხლა იყო, რომ ამ მონას ხელი ჰკრეს და ახლოს არ მიუშვეს. მაშინ იგი კეისარს სახლში შეიჭრა ძალით; მივიდა კალპურნიასთან და სთხოვა: კეისრის მოსვლამდე დამაცდევინე, ვინაიდან მისთვის ფრიად მნიშვნელოვანი საქმე მაქვს საუწყებელით.

65. ბერძნული მჭევრმეტყველების ერთი მასწავლებელი, არტემიდორე კნიდოსელი¹⁸⁰ თავისი ცოდნის წყალობით ფრიად დაახლოებული იყო ბრუტუსის წრის ზოგიერთ პირთან და ამიტომ შეთქმულებაზე ბევრი რამ იცოდა. აი ეს არტემიდორე მივიდა კეისართან და წერილი მიუტანა, სადაც აღწერილი იყო ყველაფერი ის, რაც კეისარისთვის უნდა ეუწყებინა. როცა არტემიდორემ დაინახა, რომ კეისარი მიწოდებულ წერილებს მის გარშემო თავმოყრილ მსახურთ აძლევდა, სულ ახლოს მიიჭრა მასთან და უთხრა: „ჩემი წერილი მართო შენ გადაიკითხე, კეისარო, და, რაც შეიძლება, სწრაფად! ეგ წერილი ფრიად მნიშვნელოვან ამბავს შეიცავს და ეს ამბავი შენ შეგახება“. კეისარმა არტემიდორესაგან წერილი მიიღო, მაგრამ წაკითხვით კი ვერ წაიკითხა, თუმცაღა მისი გადათვალისწინება მრავალჯერ სცადა. მას ამაში ხელს უშლიდა გზად შემთხვევური ბრბო. ბოლოს, მხოლოდ ამ ერთი წერილით ხელში, კეისარი სენატში შევიდა.

ზოგიერთი ამბობს, ეს წერილი კეისარს სხვა ვინმემ გადასცაო; რაც შეეხება არტემიდორეს, ის სრულებითაც ვერ მიუახლოვდა კე-

ისარს, ვინაიდან გარშემოხვეული ბრბო ვერასგზით ვერ გაარ-
ღვიაო ¹⁸¹.

66. ყველაფერი ეს შესაძლოა შემთხვევის საქმე იყო, მაგრამ შემ-
თხვევით არ იყო შერჩეული ის ადგილი, სადაც ბრძოლა და მკვლე-
ლობა მოხდა და სადაც მაშინ სენატი შეიკრიბა. ეს იყო პომპეუსის
მიერ აგებული და თეატრისათვის განკუთვნილი შენობა, სადაც თვით
პომპეუსის ქანდაკება იდგა ¹⁸². სავსებით აშკარად ჩანდა, რომ შეთ-
ქმულთა განზრახვის აღსრულება აქ, სწორედ ამ ადგილზე რომელი-
მაც ღმთაების კარნახით და მოწოდებით მოხდა.

გადმოცემის თანახმად, კასიუსმა, სანამ კეისარზე ხელს აღმართავ-
და, ეპიკურეს ¹⁸³ მოძღვრების კარგი ცოდნის მიუხედავად, თვალები
პომპეუსის ქანდაკებას მიაპყრო თურმე და ღუმილით საშველად
მოუწოდა; მაგრამ შემაძრწუნებელი საქმის აღსრულებისათვის დამდ-
გარმა ჟამმა იგი მეტისმეტად ააფორიაქა, ააღელვა და წინანდელი
განსჯის უნარი დაუკარგა.

კეისრის ერთგული და ფრიად დიდი ღონის პატრონი ანტონიუსი
ბრუტუსს ალბინუსმა ამ დროს სენატის გარეთ გააჩერა და განზრახ
გრძელი საუბარი გაუბა ¹⁸⁴.

შევიდა თუ არა კეისარი შენობაში, სენატი პატივისცემის ნიშნად
ფეხზე წამოდგა. ბრუტუსის გარშემო თავმოყრილი შეთქმულნი ორ
ნაწილად გაიყვნენ. ერთნი კეისრის სავარძელს ამოუდგნენ უკან, მე-
ორენი კი პირისპირ შეხედნენ კეისარს და ტულიუს ციმბერთან ¹⁸⁵
ერთად ამის გაძევებული ძმის პატიების თხოვნა დაუწყეს; სავარძ-
ლამდე ამ თხოვნით მიაცილეს. კეისარი სავარძელში ჩაჯდა და შეთ-
ქმულთა თხოვნა უკუაგდო; მაგრამ ისინი არ მოეშვნენ და კიდევ
უფრო მეტი დაჟინებით მოითხოვდნენ თავისას. კეისარი ამაზე გან-
რისხდა და აბეზარი მთხოვნელები სათითაოდ გაკიცხა. მაშინ ტული-
უსმა ორივე ხელი სტაცა მას ტოვაში და კისერზე ჩამოადლიტა. ეს
უკვე თავდასხმის ნიშანი იყო. პირველად კასკამ ¹⁸⁶ დაჭრა მახვილი
კეისარს კეფაში, მაგრამ ეს დაკვრა საკმაოდ მსუბუქი იყო და მომკ-
ვდინებელი არ გამოდგა: კასკა, როგორც ჩანს, დასაწყისში შემოთე-
ბული იყო ესოდენ ფრიად გაბედული საქციელით. კეისარი მყისვე
შეტრიალდა მისკენ, მის მახვილს ხელი სტაცა და ღონივრად ჩაეჭიდა.
ორივემ ერთდროულად შეპყვირა; დაჭრილმა კეისარმა ლათინურად
შესძახა კასკას: „კასკავ, ვერაგო, რას შვრებიო!“ თავდამსხმელმა კი

თავის ძმას¹⁸⁷ ბერძნულად მოუხმო საშველად: „არიქა, ძმაო, და-
მეგმარეო!“

იმ სენატორი, რომელთაც შეთქმულებისა არაფერი იცოდნენ, ასეთი შემადრწუნებელი საქციელის დანახვაზე თავზარი დაეცათ და ისე აცახცახდნენ, ვერც ვაქცევა შეძლეს და ვერც კეისრის დაცვა. მათ ზმის ამოღებაც კი ვერ გაბედეს. ამასობაში ყოველმა შეთქმულმა იშიშვლა მახვილი კეისრის მოსაკლავად და ისე შემოერთყნენ გარს, რომ საითაც კი არ მიაბრუნებდა თავს, ყველგან მახვილს აწყდებოდა, რომელსაც სახესა და თვალებში ატაკებდნენ. გაშმაგებული კეისარი ნადირივით ტრიალებდა შეთქმულთა წრეში. რაკი ყოველი შეთქმული ვალდებული იყო მონაწილეობა მიეღო კეისრის მოკვლაში, ამიტომ ერთხელ ბრუტუსმაც დასცა კეისარს მახვილი ფერდში. ზოგიერთი გადმოგვცემს, კეისარი შეთქმულთ ებრძოდა და ყვირილით ზან აქეთ აწყდებოდა, ზან იქითო; მაგრამ როცა მახვილამოწყვდილი ბრუტუსი დაინახა, თავზე ტოგა წაიფარა და წინააღმდეგობა შეწყვიტაო¹⁸⁸.

კეისრის გვამი, შემთხვევით თუ მკვლელთა განზრახვით, დააგდეს ამ კვარცხლბეკთან, რომელზედაც პომპეუსის ქანდაკება იყო აღმართული. ეს კვარცხლბეკი სულ სისხლით იყო შეღებული. ისე ჩანდა, თითქოს თვითონ პომპეუსი ესწრებოდა თავისი მტრის დასჯას: კეისარი ახლა მის ფერხთა წინ ეგდო და მრავალი ჭრილობით დაცხრილული ჯერ კიდევ ფეთქავდა. ამბობენ, კეისარმა ოცდასამი ჭრილობა მიიღო და ერთ სხეულზე ამდენი ჭრილობის მიყენების დროს მრავალმა შეთქმულმაც დაჭრა ერთმანეთით.

67. მოკლეს თუ არა კეისარი, ბრუტუსი სენატის შუაგულში გამოვიდა და მომხდარ საქმეზე რალაციის თქმა დაიპირა, მაგრამ აღარავინ მოუსმინა. შეშფოთებული სენატორები კარს მიაწყდნენ, გარეთ გამოცივიდნენ, განგაში ატეხეს და ხალხს შიშის ზარი დასცეს.

ყველა გაბრბოდა-გამორბოდა. ერთნი სახლებში იმალებოდნენ, მეორენი კი საზარაფო მაგიდებსა და საეაჭროებს ანებებდნენ თავს. ზოგიერთი სირბილით მიეშურებოდა მკვლელობის ადგილისაკენ, რათა უბედური შემთხვევა საკუთარი თვალით ეხილა, ზოგი კი, ვისაც ამის ნახვა უკვე მოესწრო, უკან მობრბოდა. კეისრის უახლოესი მეგობრები ანტონიუსი და ლეპიდუსი სენატიდან ჩუმად გაიპარნენ და სხვის სახლებში დაიმალნენ.

ბრუტუსი და მისი ამხანაგები, მკვლელობის შემდეგ კვლავაც

ცეცხლით ანთებულნი, ერთად შეიჯარნენ, სენატიდან ამოწვდილა მახვილებით გამოვიდნენ და კაპიტოლიუმისაკენ გაემართნენ. ისინი შიშისაგან დამფრთხალ ხალხს როდი ჰგავდნენ; სახეგაბრწყინებულნი მხნედ და ამაყად მიაბიჯებდნენ, ბრბოს თავისუფლებისაკენ მოუწოდებდნენ და გზად შემომხვდურ წარჩინებულ პირთ იერთებდნენ. იყვნენ ისეთებიც, რომლებიც ძალით აეკიდნენ და შეუერთდნენ ბრუტუსის ჯგუფს. ესენი თავს ისე აჩვენებდნენ, თითქოს მკვლელობაში მონაწილეობა ჰქონდათ მიღებული და სახელის მოხვეჭას ლამობდნენ. ამ პირთა შორის იყვნენ გაიუს ოქტავიუსი და ლენტულუს სპინთერი. ასეთი მედიდურობისათვის მათ შემდეგ ხანებში სამავიერო მიეწოდოთ. ანტონიუსმა და ახალგაზრდა კეისარმა¹⁸⁹ მათ ისე მოუღეს ბოლო, რომ ვერ იგემეს ის დიდება, რისთვისაც კვდებოდნენ. ამის მიზეზი მათ მიმართ საყოველთაო უნდობლობა იყო. სხვათა შორის, შურისმგებლებმა ისინი დასაჯეს არა კეისარის მოკვლის საქმეში მონაწილეობისათვის, არამედ ბოროტი განზრახვისათვის.

კეისარის მოკვლის მეორე დღეს ბრუტუსი და მისი მეგობრები ფორუმზე გამოვიდნენ და ხალხს სიტყვით მიმართეს. მოლაპარაკე შეთქმულთ ხალხი არც თავის უკმაყოფილებას უჩვენებდა და არც მოწონებას ამჟღავნებდა. ასეთი სამარისებური დუმილი იმის ნიშანი იყო, რომ ხალხს ენანებოდა კეისარი, მაგრამ ამავე დროს ბრუტუსსაც პატივს სცემდა.

სენატმა ერთგვარი ამნისტია და საყოველთაო შშვილობა გამოაცხადა. ამასთან ერთად დაადგინა ღვთაებრივი პატივი ეცათ კეისარისათვის და ოდნავადაც არ დაერღვიათ მისი მბრძანებლობის დროს მიღებული გადაწყვეტილებანი¹⁹⁰. ამას გარდა, ბრუტუსსა და მის მეგობრებს სენატმა უბოძა პროვინციები და შესაფერი ღირსებანი. ამიტომ ყველანი ფიქრობდნენ, სახელმწიფოს საქმეთა მდგომარეობა განმტკიცდა და შესანიშნავი თანხმობა დამყარდა.

ნმ. მაგრამ როცა კეისარის ანდერძი გახსნეს და აღმოჩნდა, რომ კეისარი კარგა მნიშვნელოვან საჩუქარს აძლევდა ყოველ რომაელს, ხოლო მერმე კი ფორუმზე კრილობებისაგან საშინლად დასახიჩრებული გვამი იხილეს, რომაელებმა სიმშვიდე და წესრიგი ვეღარ დაიცვეს. მოედნიდან მოტანილი მერხები, ხაირხები და მაგიდები კეისარის გვამის ირგვლივ მოაგროვეს, ყველაფერ ამას ცეცხლი შეუთეს და გვამი დაწვეს. ამის შემდეგ ხალხის ერთმა ნაწილმა ხელი სტაცა აგიზ-

გაზებულ მუგუზლებს და კეისრის მკვლელობა სახლების გადასაბუგად გაეშურა. სხვანი კი ქალაქის ყოველ კუნძულში დარბოდნენ და შეთქმულთ დაეძებდნენ, რათა შეეპყროთ ისინი და მერმე ნაკუწ-ნაკუწად დაეგლიჯათ; მაგრამ ვერც ერთი მათგანი ვერ იპოვეს; კეისრის მკვლელებმა ფრიად სანდო ადგილებს შეაფარეს თავი.

ამბობენ, კეისრის ერთ-ერთმა მეგობარმა, სახელად ცინამ, ამ ამბავთა წინაღამეს საკმაოდ უცნაური სიზმარი იხილაო. მას ეშინა, თითქოს კეისარი ვახშმად იწვევდა: იგი ამაზე უარს ამბობდა; მაგრამ მერმე, მიუხედავად მისი უარისა და წინააღმდეგობისა, კეისარმა ვითომ ხელი სტაცა და ძალით წაიყვანა.

აი, როცა ამ ცინამ გაიგო, ფორუმზე კეისრის გვამს წვავენო, საწოლიდან წამოდგა და კეისრისათვის უკანასკნელი პატივის მისაგებად ფორუმისაკენ გაემართა მიუხედავად იმისა, რომ უსიამოვნო სიზმარი ჰქონდა ნახული და თან ციებ-ცხელებაც აწუხებდა. გამოჩნდა თუ არა ცინა ფორუმზე, ხალხის გროვიდან ერთ-ერთმა რომელიმე მეორეს ჰკითხა, ვინ არის ეგ კაციო, და როცა მისი სახელი გაიგო, თავის მხრივ სხვას გადასძახა. ამგვარად, მთელ ხალხში მყისვე დაიბნა ხმა: აი ეს კაცი კეისრის ერთ-ერთი მკვლელიაო. შეთქმულთა შორის მართლაც იყო ერთი ცინა, ამ ცინას სეხნია. და აი რომელებმა კეისრისათვის პატივის მისაგებად მისული მეგობარი შეთქმულ ცინად მიიღეს, მყისვე ეკვეთნენ და ზედ მოედნის შუაგულში აკუწეს¹⁰¹.

ამ ამბით თავზარდაცემული ბრუტუსი, კასიუსი და სხვა შეთქმულნი რამდენიმე დღის შემდეგ ქალაქიდან გაიქცნენ. თუ რა გააკეთეს მათ შემდეგ ხანებში, რა გადაიტანეს და როგორ დაიხოცნენ, ეს ყველაფერი ბრუტუსის ცხოვრებაშია აღწერილი.

69. კეისარი, რომელმაც ბომპეუსის სიკვდილის შემდეგ ოთხ წელიწადზე მეტი ველარ იტოცხლა, სულ ორმოცდათექვსმეტი წლისა გამოასალმეს სიცოცხლეს.

კეისარმა ძლივძლივობით მოიპოვა ის ძალაუფლება, რის მიღებასაც იგი მთელი სიცოცხლის მანძილზე ცდილობდა და რისთვისაც ფრიად მრავალი განსაცდელი გადაიტანა. ასეთი წვალების ფასად წილად ზედა მხოლოდ და მხოლოდ ლიტონი სახელი და ისეთი დიდება, რომელსაც რომის მოქალაქენი შურიტ აღვსილი თვალით შესცქეროდნენ. მაგრამ უნდა ითქვას, რომ მისი მფარველი კეთილი სული, რომელიც სიცოცხლეში შემწეობას უჩენდა, კეისარს არც სიკვდილის

შემდეგ ჩამოშორებია. იგი მისი მკვლევლობის შურისმგებლად გადაიქცა; იგი სდევნიდა მკვლევლებს ყველგან, ხმელეთსა თუ ზღვაზე, და დაეძებდა მათ კვალს მანამ, სანამ არც ერთი მათგანი არ დარჩა ცოცხალთა შორის. მან სამაგიერო მიუზღო ყველა შეთქმულს და დასაჯა, როგორც მკვლევლობის უშუალო მონაწილენი, ისე ის პირნი, რომლებმაც თავიანთი აზრებითა და განწყობილებებით რაიმე მონაწილეობა მიიღეს შეთქმულთა საქმეში.

ყველაზე საოცარი ბედი, რაც შეიძლება ადამიანს ერგოს, წილად ხვდა კასიუსს. ფილიპთან¹⁹² დამარცხებულმა კასიუსმა სიცოცხლე მოისწრაფა სწორედ იმ მახვილით, რომელიც მან კეისრის წინააღმდეგ აღმართა. იმ ხანებში მომხდარ ზებუნებრივ მოვლენათაგან ფრიად სასწაულებრივი იყო დიდი კუდიანი ვარსკვლავის გამოჩენაც. კეისრის მოკვლის შემდეგ შვიდი ღამის განმავლობაში კაშკაშებდა იგი ზეცაზე და მერმე გაქრა. აღსანიშნავია აგრეთვე მზის შუქის ძლიერების შესუსტება. მთელი იმ წლის მანძილზე ფრიად მკრთალი მზე ამოდიოდა და ძველებური ელვარება დაკარგული ჰქონდა. იგი დედამიწის დაბინდულსა და მძიმე ჰაერში ვეღარ ატანდა. სიცივის წყალობით დედამიწის ნაყოფნი კი ზრდასა და დამწიფებას ვეღარ ასწრებდნენ, ისე ჰყნებოდნენ¹⁹³.

ბრუტუსის წინაშე კეისრის აჩრდილის გამოცხადებამ ყველაზე უფრო ნათლად დაამტკიცა ის, რომ ღმერთებს არ მოსწონდათ მისი მოკვლა. მოხდა კი ეს ამბავი შემდეგნაირად: ბრუტუსი ეშაღებოდა აბილოსიდან¹⁹⁴ გაღმა ხმელეთზე მხედრობის გადასაყვანად. იგი წინაღობით თავის კარავში ისვენებდა და ჩვეულებისამებრ არ ეძინა, — მომავალზე ფიქრობდა. (ამბობენ, ამ კაცს სარდალთა შორის ყველაზე ცოტა ეძინა და მიჩვეული იყო დროის უდიდესი ნაწილი ფხიზლად ეტარებინაო). უცებ კარვის კართან რაღაც ხმაური მოესმა. მიმქრალი სინათლის შუქზე ბრუტუსმა კარავი დაათვალიერა. და სასწაულებრივად დიდი ტანადობის და მოღუშული სახის ვაჟკაცის შემადრწუნებელი აჩრდილი იხილა. ბრუტუსს ჯერ თავზაზი დაეცა; მაგრამ მერმე რა დაინახა, მოჩვენება არაფერს აკეთებდა, არაფერს ამბობდა და დუმილით იდგა მის საწოლთან, ვინაობა ჰკითხა. „მე შენი ბოროტად სული ვარ, ბრუტუს, — უბასუხა აჩრდილმა; — შენ მე ფილიპთან მიხილავო“. „დიან, გიხილავო“, — გაბედულად მიუგო მაშინ ბრუტუსმა და მოჩვენებაც მყისვე გაქრა.

რამდენიმე ხნის შემდეგ ბრუტუსი ფილიპის მახლობლად ანტონიუსისა და კეისრის ¹⁹⁵ წინააღმდეგ დაბანაკდა. პირველ ბრძოლაში მან უკუაქცია მტერი, მერმე უკან დაედევნა და კეისრის ბანაკი ააოხრა. როცა ბრუტუსი მეორე შეტაკებას ამზადებდა, მას კვლავ გამოეცხადა ღამით იგივე მოჩვენება. აჩრდილს ამჯერად აღარაფერი უთქვამს მისთვის. ბრუტუსი მიხვდა, რომ მისი ბედი გადაწყვეტილი იყო და ბრძოლაში თავგანწირვით გადაეშვა. მაგრამ ბრძოლის დროს არ დაღუპულა. როცა მისი შებდრობა უკუიქცა, ბრუტუსი ერთ ფლატეზე ავიდა და, როგორც ამბობენ, რომელიღაც მეგობრის დახმარებით მახვილზე მკერდით დაეგო და სიცოცხლეს გამოესალმა.

ტიბერიუს ბრაპსუსი

1. ჩვენ უკვე გადმოვეცით ორი ბერძენის ისტორია: რომელსაც ახლა ტიბერიუსისა და გაიუსის ცხოვრება უნდა შევუდართოთ ამ რომაელთა ცხოვრება ნაკლებ ბედკრული როდი ვახლავთ¹.

ტიბერიუსი და გაიუსი რომაელთა ცენზორის ტიბერიუს გრაკუსის შვილები იყვნენ². ეს ტიბერიუსი ორჯერ კონსულად ნამყოფი და ორჯერ ტრიუმფგადახდილი კაცი იყო, მაგრამ ბრწყინვალე სახელი მაინც საკუთარი ზნეობრივი თვისებების წყალობით მოიხვეჭა. აი, სწორედ ამის გამო იგი ღირს იქმნა ცოლად შეერთო ჰანიბალზე გაშარჯებული სციპიონის ასული კორნელია. ამ ქალიშვილის მამის მეგობარი ტიბერიუსი არასოდეს არ ყოფილა; პირიქით, ერთ-ერთი დაუძინებელი მტერი იყო მისი. ამიტომ კორნელიასთან დაქორწინება სციპიონის გარდაცვალების შემდეგ მოხდა³.

როგორც გადმოგვცემენ, ერთხელ თურმე ტიბერიუსმა თავის სარეცელში ორი გველი იხილა. მისნებმა ეს სასწაული აუხსნეს და ორივე გველის ერთდროულად მოკვლა ან გაშვება სასტიკად აუკრძალეს. ამასთან მისნებმა განაცხადეს: თუ არჩევანის მიხედვით მამალ გველს მოკლავდნენ, ეს შემთხვევა თვითონ ტიბერიუსს მოუტანდა სიკვდილს, დედალი გველის მოკვლა კი კორნელიას წარსტაცებდა სიცოცხლეს. ტიბერიუსმა, რომელსაც ცოლი ძალიან უყვარდა, გადაწყვიტა: თუ სიკვდილია, სჯობს მე მოვკვდე, უკვე ხანში შესული კაცი, ვიდრე ჯერ კიდევ სულ ახალგაზრდა ჩემი ცოლიო. ამ გადაწყვეტილებით მან მამალი გველი მოკლა, დედალი კი თავისუფლად გაუშვა. ამის შემდეგ ტიბერიუსი სულ მალე გარდაიცვალა და კორნელიასაგან შეძენილი თორმეტი შვილი დატოვა.

ოჯახის პატრონობა და ბავშვების აღზრდა თავის თავზე კორნელიამ აიღო. მან ისეთი გულისხმიერება გამოიჩინა და შვილებისადმი

ისეთი სიყვარული და დიდსულოვნება გამოამჟღავნა, რომ გადაწყვეტილება, რომლის ძალითაც ტიბერიუსმა საკუთარი სიკვდილი არჩია, ეგზომ ღირსეული ქალის სიკვდილს, სრულიად არ აღმოჩნდა მცდარი.

მეფე პტოლემეოსმა კორნელიას დედოფლის გვირგვინი შესთავაზა და ცოლობა სთხოვა, მაგრამ ქალმა უარი განუცხადა⁴.

დაქვრივებულ კორნელიას შვილების უმრავლესობა დაეხოცა და შერჩა მხოლოდ ერთი ქალი, რომელიც სციბიონ უმცროსს მისთხოვდა⁵ და ორი ვაჟი — ტიბერიუსი და გაიუსი, რომელთაც ახლა ჩვენს მოთხრობა ეხება.

შერჩენილი შვილები კორნელიამ დიდი მზრუნველობით გამოზარდა. მართალია, რომაელებში ისინი ბუნებრივი ნიჭით დაჯილდოებული ახალგაზრდების სახელით სარგებლობდნენ, მაგრამ სინამდვილეში კეთილი თვისებები უფრო მეტად მინიჭებული ჰქონდათ არა ბუნებით, არამედ აღზრდით.

2. ვით დიოსკურთა⁶ გამოშასხველ ქანდაკებებსა და სურათებში აღბეჭდილი მსგავსება შეიცავს ამავე დროს ერთგვარ სხვაობასაც, რაიც არსებობს მამაც მოკრივესა და ჩაუქ ცხენოსანს შორის, ისე ახალგაზრდა ვრაცხუსთა მოქმედებებსა და პოლიტიკურ მოღვაწეობაში მკვეთრად ჩანს საკმაოდ დიდი განსხვავება იმ მრავალ მსგავსებასთან ერთად, რაც იყო მათ მამაცობასა და თავმდაბლობაში, კეთილშობილებასა, მჭევრმეტყველებასა და დიდსულოვნებაში. მე მგონი, ურიგო არ იქნება ამაზე შევჩერდეთ.

უწინარეს ყოვლია, უნდა აღვნიშნოთ, რომ ტიბერიუსის სახის იერს, გამოხედვასა და მოძრაობას დიდი სიმშვიდე და თავდაპირილობა ახასიათებდა, გაიუსი კი მკზნებარე და ფიცხი კაცი იყო. საჭაროდ სიტყვის წარმოთქმის დროს ტიბერიუსი ერთ ადგილზე იდგა ზოლმე მშვიდად, ზოლო გაიუსი პირველი იყო რომაელთა შორის, რომელიც ლაპარაკის ქამს ტრიბუნაზე აქეთ-აქით დადიოდა და მხრებიდან ტოგას იშორებდა. ასევე იქცეოდა თურმე, როგორც გადმოგვცემენ; ათენელი კლეონი⁷; იგი პირველი მჭევრმეტყველი იყო, რომელიც ტრიბუნაზე ტანიდან წამოსასხამს იშორებდა და სიტყვის წარმოთქმის დროს თეძოზე ხელს ირტყამდაო. გაიუსის სიტყვა, მრისხანე და მკზნებარე, შიშს იწვევდა, ტიბერიუსის სიტყვა კი მეტად სასიამოვნო გახლდათ და იქითკენ იყო გამიზნული, მსმენელებში გულშემატკივრობისა და სიბრაულის გრძნობა აღეძრა. ტიბერიუსს მეტისმეტად დახვეწილი და

ფაქიზად დამუშავებული მეტყველება ჰქონდა, ხოლო გაიუსს — დამა-
ჯერებელი და ფერადოვანი. ტიბერიუსი ცხოვრებაშიც უბრალო და
კამათივით გაურჩეველი კაცი იყო. გაიუსი, თუ ჩვენ მას სხვა რომა-
ელებს შევუდარებთ, ასევე მოკრძალებული და თავდაჭერილი ჩანდა,
მაგრამ ძმასთან შედარებით საშინლად ჟინიანი იყო და ყველაფერი
ზომას გადასული უყვარდა. ასე, მაგალითად; დრუზუსი² კიცხავდა
მას იმის გამო, რომ დელფოსურა ვერცხლს მაგიდები იყიდა და ყო-
ველ გირვანქაში ათას ორას ორმოცდაათი დრაქმა გადაიხდა.

ტიბერიუსსა და გაიუსს მეტყველების გარდა ხასიათიც სხვადას-
ხვაგვარი ჰქონდათ. ტიბერიუსი ალერსიანი და მშვიდი ხასიათის ალა-
მიანი იყო, გაიუსი — სასტიკი და ფიცხი. ამიტომ სიტყვოს წარმოთ-
ქმისას ზშირად ისე გაფიცდებოდა, ხმას იმალდებდა ხოლმე, ლან-
ძღვა-გინებას იწყებდა და ყველაფერს ერთმანეთში ურევდა. ის
ზურგს უკან იყენებდა ერთ გონიერ მონას, სახელად ლიციინიუსს,
რომელსაც ხელთ ეპყრა საგანგებო საკრავი იარაღი, რასაც ხმის და-
საყენებლად ხმარობდნენ. და აი, როცა ლიციინიუსი შეატყობდა, გა-
იუსი ლაბარაკის დროს ხმას უმალდებდა და გაფიცებული სადაცაა
ძირითად თემას დაშორდებოდა, თავისი საკრავით რბილ ხმას გამოს-
ცემდა ხოლმე; მაშინ გაიუსი მყისვე ცხრებოდა, დაბლა უწევდა ხმას,
მშვიდდებოდა და დამთმობი ხდებოდა.

3. აი, ასეთი გახლდათ მათ შორის არსებული სხვაობანი. მაგრამ
სიამავე მტრების წინაშე, სამართლიანობა მდაბიოთა მიმართ, დარ-
ბისლობა სახელმწიფო თანამდებობათა აღსრულების დროს და გან-
ცხრომა-ნებივრობაში თავდაჭერილობა ერთსაც და მეორესაც ერთ-
ნაირად ახასიათებდა... *

ტიბერიუსი ცხრა წლით უფროსი იყო გაიუსზე³. ამ გარემოებამ
საქმად ხანგრძლივი დროით გათიშა ძმათა პოლიტიკური მოღვაწე-
ობა და მცირედ როდი შეუწყო ხელი მათ მიერ წამოწყებულ საქმეთა
მარცხს. რაკილა ძმებმა სრულწლოვანებას სხვადასხვა დროს მიაღწიეს,
ამიტომ ვერ შეძლეს ძალების გაერთიანება; რაიც დაუძლეველ ძლიე-
რებად გადაიქცეოდა.

ახლა ჩვენ ცალ-ცალკე უნდა ვთქვათ ძმების შესახებ. ჯერ უფრო-
სიდან დავიწყოთ.

* ტექსტი დაზიანებულია.

4. შევიდა თუ არა სიმწიფის ხანაში, ტიბერიუსმა მაშინვე მოიხვეჭა ისეთი სახელი, რომ ეგრეთ წოდებულ ავგუსტოთა საქურუმო საზოგადოების წევრად აირჩიეს¹⁰. ამის ღირსად ცნეს არა იმდენად დიდი გვარისმგებლობის გამო, რამდენადაც პირადი სიკეთისა და ღირსების მიზეზით. ეს აშკარა გახდა აპიუს კლავდიუსმა, ყოფილმა კონსულმა და ცენზორად ნამყოფმა ვაჟკაცმა, რომელიც საქუთარი ღირსების წყალობით, რომელთა სენატში უპირველეს კაცად იყო აღიარებული და თავისი დიდსულოვნებით გარშემო მყოფ ხალხზე მალლა იდგა. ერთხელ აპიუსი ქურუმთა სერობაზე შეხვდა ტიბერიუსს, დიდი ხალხით დაუმეგობრდა და წინადადება მისცა მის ქალიშვილზე დაქორწინებულიყო. ტიბერიუსმა სიამოვნებით მიიღო ეს წინადადება. საქორწინო შეთანხმება იქვე შეიკრა. როცა აპიუსი შინ დაბრუნდა, კარიდანვე შესძახა ცოლს მალაღი ხმით: „ანტისტიაგ, ჩვენი კლავდია ერთ ვაჟკაცზე დაგნიშნეო“. „რამ აგაჩქარა ასე? — ჰკითხა აპიუსს გაკვირვებულმა ცოლმა, — განა სასიძო, კლავდიასათვის რომ განგიზრახავს, ტიბერიუს გრავსუსი არისო?“

ჩემთვის სრულიად არაა უცნობი ის, რომ ზოგიერთი ამ ამბავს გრავსუსთა მამას ტიბერიუსს და სციპიონ აფრიკელსაც მიაწერს, მაგრამ უმრავლესობა მაინც ისე გადმოგვცემს, როგორც მე ვწერ. პოლიბიოსი¹¹ კი ამბობს: სციპიონ აფრიკელის სიკვდილის შემდეგ მისმა ნათესავებმა ყველას არჩიეს ტიბერიუსი და ცოლად მისცეს კორნელია, რომელიც მამაშისმა გაუთხოვარი დატოვაო.

ახალგაზრდა ტიბერიუსი მონაწილეობდა ლიბიის ლაშქრობაში¹² მეორე სციპიონთან ერთად, რომელსაც ცოლად მისი და ჰყავდა. აქ ტიბერიუსი სარდალთან ცხოვრობდა კარავში და ამის წყალობით სულ მალე გაიცნო სციპიონი, მისი კეთილშობილი სული, მისი საოცარი თვისებები, რომელნიც სხვებში მამაცობისაგან ზწრათვისა და დიდი სარდლის ბრწყინვალე საქმეთა მიბაძვის სურვილს აღძრავდა. ლიბიის ლაშქრობის ჟამს ტიბერიუსმა ტოლებთან შედარებით მალე გამოიჩინა თავი დიდი წესრიგით და სიმამაცით. ფანიუსის¹³ გადმოცემით, იგი პირველად ავიდა თურქე მტრის ქალაქის კედელზე. ფანიუსი იმასაც ამბობს, რომ თვითონაც ტიბერიუსთან ერთად ავიდა ამ კედელზე და მის ზეგ ჩადენილი გმირობის მონაწილე გახდა. ტიბერიუსი მხედრობაში დიდი სიყვარულით სარგებლობდა; ამიტომ ბანაკიდან მისმა წასვლამ საყოველთაო მწუხარება გამოიწვია.

5. ლიბიის ლაშქრობის დამთავრების შემდეგ ტიბერიუსი კვესტორად აირჩიეს და ამ თანამდებობის აღსრულების დროს წილად ხვდა კონსულ გაიუს მანცინუსთან ერთად მონაწილეობა მიეღო ნუმანციელთა წინააღმდეგ ლაშქრობაში¹⁴. გაიუს მანცინუსი ურიგო კაცად როდი ითვლებოდა, მაგრამ რომელ სარდალთა შორის ყველაზე ბედუქულობარტი იყო. მისი ხელმძღვანელობით წარმოებული ავბედითი ლაშქრობის დროს, რასაც შედეგად მრავალი მარცხი მოჰყვა, ტიბერიუსმა გამოიჩინა არა მარტო უსაზღვრო გონიერება და სიმამაცე, არამედ, რაც უფრო საკვირველია, დიდი მოკრძალება და პატივისცემა თავისი უფროსისადმი, რომელიც ისე იყო გაოგნებული წარუმატებლობით, რომ აღარც კი ახსოვდა, სარდალი თუ იყო.

მრავალ დიდ ბრძოლაში დამარცხებულმა მანცინუსმა ერთ მშვენიერ ღამეს უკან დახევა გადაწყვიტა და ბანაკი ზედის ანაბარა მიატოვა. შეამჩნიეს თუ არა ეს, ნუმანციელები მყისვე დაეპატრონენ რომელთა ბანაკს; მერმე უკუქცეულთ დაესხნენ თავს, ამოუღიტეს მათი უკანა რაზმი, რკალში მოიმწყვდიეს მთელი მხედრობა და ისეთ ციწროებში შერეკეს, რომ იქიდან თავის დაღწევა შეუძლებელი იყო. რაკი მანცინუსმა დაკარგა ამ გაჭირვებული მდგომარეობიდან თავის დაღწევის იმედი, მტერს ელჩები მიუგზავნა და ბრძოლის შეწყვეტა და დაზავება მოსთხოვა. ნუმანციელებმა მანცინუსს შეუთვალეს: ტიბერიუსის გარდა ჩვენ არავის არ ვენდობით, ამიტომ მოსალაპარაკებლად ის გამოგზავნე ჩვენთანო.

ხუმანციელები ასე იმიტომ მოიქცნენ, რომ პატივს სცემდნენ ყმაწვილ კაცს, რომელსაც მათ მხედრობაში მეტად დიდი სახელი ჰქონდა მოხვეჭილი. გარდა ამისა, კარგად ახსოვდათ, რომ ტიბერიუსის მამა, რომელიც ომს ეწეოდა ესპანელებთან და რომელმაც აქ მრავალი ტომი დაამარცხა, ნუმანციელებთან შეკრა ზავი და რომელიც ხალხს შეავონა ეს ზავი პირიანად და სამართლიანად დაეცა¹⁵.

ამგვარად, ნუმანციელებთან გაგზავნეს ტიბერიუსი. იგი შეხვდა მათ წარმომადგენლებს, გამართა მოლაპარაკება, ზოგიერთ რამეზე დაიყოლია ნუმანციელები, ზოგი პირობა თვითონ მიიღო და შეკრა ზავი¹⁶. ამით მან აშკარად იხსნა განადგურებისაგან ოცი ათასი რომელიც მოქალაქე, თუ ანგარიშში არ ჩავთვლით მრავალ ზედალეს და ამ ხალხს, რომელიც უკან მიჰყვებოდა მანცინუსის მხედრობას.

6. რომელთა მიერ ბანაკში დატოვებულ მთელ ქონებას ნუმანციელები დაეპატრონენ და სულ ერთიანად დაიტაცეს. ამ ქონებაში იყო, სხვათა შორის, ტიბერიუსის ფირფიტებიც, რომლებიც მისი კვესტორული მოღვაწეობის აღნუსხვასა და სხვადასხვა ანგარიშებს შეიცავდა. ტიბერიუსმა გადაწყვიტა რაღაც არ უნდა დაჯდომოდა ეს ფირფიტები უკან დაებრუნებინა. მიუხედავად იმისა, რომ რომაელთა მხედრობა უკვე საგრძნობლად წინ იყო წასული, იგი სამი თუ ოთხი ამხანაგის თანხლებით ნუმანციელთა ქალაქისაკენ გაბრუნდა. აქ ნუმანციელთა მეთაურები გამოიძახა და სთხოვა მისთვის ფირფიტები დაებრუნებინათ, რათა მტრებს არ მისცემოდათ ცილისწამების საბაზი: ამ ფირფიტების გარეშე იგი რწმუნების აღსრულების ანგარიშს ვერ ჩააბარებდა.

ნუმანციელებს ძალიან გაუხარდათ, ტიბერიუსისათვის სამსახურის გაწყვეის შემთხვევა რომ მიეცათ, და ქალაქში შეიპატიჟეს. მაგრამ იგი შეჩერდა და ყოყმანი დაიწყო. მაშინ ნუმანციელები მიუახლოვდნენ მას, მოჰკიდეს ხელი და მხურვალედ დაუწყეს ვედრება: ამიერიდან მტრებად ნულარ ჩაგვთვლი, შენს მეგობრებად გვიგულებ და გვერწმუნეო. ტიბერიუსს ძალიან უნდოდა თავისი ფირფიტები უკან დაებრუნებინა; გარდა ამისა, შეიშობდა: ვაითუ ჩემი უნდობლობით ნუმანციელები განვარდნით — და გადაწყვიტა მათი სურვილი შეესრულებინა. იგი ქალაქში შევიდა. უწინარეს ყოვლისა, ნუმანციელებმა მას საუზმე შესთავაზეს და დაეინებით დაუწყეს თხოვნა მათთან ერთად დამჯდარიყო სუფრაჟთან და ეჭამა რამე. ამის შემდეგ დაუბრუნეს ფირფიტები და წინადადება მისცეს ნადავლად წამოღებული ქონებიდან აეღო, რაც კი მოესურვებოდა. მაგრამ ტიბერიუსი ასე როდი მოიქცა. მან აიღო მხოლოდ საკმეველი, რასაც საჯარო მსხვერპლშეწირვის დროს ხმარობდა ხოლმე, მეგობრულად გამოემშვიდობა ნუმანციელებს და წავიდა.

7. დაბრუნდა თუ არა ტიბერიუსი რომში, მის მიერ ნუმანციელებთან დადებული ზავი აქ შეაფასეს, როგორც საშინელი და სამარცხვინო რამ რომის რესპუბლიკისათვის. გრაკუსთა ნათესავები და მეგობრები, რომლებიც ნუმანციის ლაშქრობაში მონაწილეობდნენ და რომლებიც ხალხის დიდ ნაწილს შეადგენდნენ, მაშინვე მიემხრნენ ტიბერიუსს და ამბობდნენ: ტიბერიუსის წყალობით მრავალი რომელი მოქალაქე გადაარჩაო. დამარცხების მთელ სირცხვილს ისინი სარ-

დალს მიაწერდნენ. მაგრამ სხვებიც, ვინც უკმაყოფილონი იყვნენ ტიბერიუსის მოქმედებით, წინადადებას იძლეოდნენ ამ შემთხვევაში წინაპრებისათვის მიებაძათ: ძველმა რომაელებმა ის მხედართმთავრები, რომლებიც სამნიტებთან სამარცხვინო ზავის დადების შემდეგ თავს ბედნიერად გრძნობდნენ, გაატიტვლეს და უკანვე მტრებთან გარეკესო. ასევე გადასცეს სამნიტებს ისინიც, ვინც სამარცხვინო ზავის შეკერაში მონაწილეობდნენ ანდა ამ ზავს თანაუგრძნობდნენ. სახელდობრ, ასე მოექცნენ ისინი კვესტორებსა და სამხედრო ტრიბუნებს და ფიცის გატება და საზავო ხელშეკრულების დარღვევაც მათ დააბრალესო ¹⁷.

აი ასეთი ვითარების დროს ხალხმა ტიბერიუსის მიმართ უსაზღვრო თანაგრძნობა და სიყვარული გამოიჩინა. მან დაადგინა, რომ კონსული მანცინუსი, გატიტვლებული და ბორკილგაყრილი, ნუმაცი-ელებისათვის გადაეცათ. ყველა დანარჩენი კი ტიბერიუსის ხათრით ხალხმა შეიწყალა.

როგორც ჩანს, ტიბერიუსს დიდი შემწეობა აღმოუჩინა ამ საქმეში სციპიონმა, რომელიც იმ დროს რომაელთა შორის ყველაზე უფრო დიდი გავლენისა და ძალის მქონე კაცად ითვლებოდა. მაგრამ, მიუხედავად ამისა, სციპიონს ბრალად სდებდნენ ერთი მხრივ იმას, რომ მან არ დაიხსნა მანცინუსი, ხოლო მეორე მხრივ იმას, რომ ხელი არ შეუწყო თავის ნათესავ და მეგობარ ტიბერიუსის მიერ ნუმაციელებთან დადებული საზავო ხელშეკრულების განმტკიცებას. ამ ორ კაცს შორის ჩამოვარდნილი უკმაყოფილების საბაბი, როგორც ჩანს, ორივეს პატივმოყვარეობა და ტიბერიუსის მეგობართა და სოფისტთა წაქეზება იყო. ისინი ცდილობდნენ ტიბერიუსი სციპიონის წინააღმდეგ აემხედრებინათ. მაგრამ ამ უთანხმოების მიძიმე, სავალალო შედეგი არ მოჰყოლია. ის კი არა, ჩემი აზრით, ტიბერიუსს, როცა იგი პოლიტიკურ ასპარეზზე თავისი კანონებით გამოვიდა, უბედურება არ შეემთხვეოდა, სციპიონ აფრიკელი რომ იმ დროს რომში ყოფილიყო. სციპიონი ნუმაციაში იმყოფებოდა და იქ ომს აწარმოებდა მაშინ, როცა ტიბერიუსმა თავისი კანონების გატარება სცადა. აი, ამ ცდის მიზეზიც.

8. რომაელები მეზობლად მოსახლე ხალხის იმ მიწებს, რომლებიც ომით დაიპყრეს, ნაწილობრივ ჰყიდდნენ, ნაწილობრივ კი სახელმწიფო საკუთრებად აქცევდნენ და არცთუ ისე დიდი გადასახადის ფასად, რაც

ხაზინაში შედიოდა. სარგებლობაში აძლევდნენ ღარიბსა და არაფრის მქონე მოქალაქეთ. მდიდრებმა საიჯაროდ გასაცემი მიწის ფასის გაზარდა დაიწყეს და ღარიბებს თანდათანობით მათი ნაკვეთებიდან აძევებდნენ. მაშინ გამოსცეს კანონი, რომლის ძალითაც აღარავის არ ეძლეოდა უფლება ხუთას ოუგერზე მეტი მიწა ჰქონოდა¹⁸. ამ კანონმა ერთხანს ლავამი ამოსდო მდიდართა სიხარბეს და დაეხმარა ღარიბებს იმაში, რომ ისინი იჯარით აღებულ მიწებზე დარჩენილიყვნენ და შეენარჩუნებინათ ადგილ-მამულის ის წილი, რაც თითოეულ მათგანს პირველი დანაწილების დროს ერგო. მაგრამ მცირე ხნის შემდეგ ღარიბთა მეზობლად მოსახლე მდიდრებმა სხვისი სახელით დაიწყეს საიჯაროდ გასაცემი მიწის დაპატრონება და ბოლოს უკვე აშკარად დამკვიდრეს თავისთვის ასეთი მიწების უდიდესი ნაწილი. მიწის ნაკვეთებიდან გამოძევებული ღარიბები აღარც სამხედრო სამსახურს ეწეოდნენ ხალისიანად და აღარც შვილების აღზრდაზე ზრუნავდნენ. ამის გამო მთელ იტალიაში ხულ მალე საგრძნობი გახდა, ერთი მხრივ, თავისუფალ მოქალაქეთა რიცხვის შემცირება, მეორე მხრივ კი ბარბაროს მონათა რაოდენობის უსაზღვრო ზრდა. ამ მონათა შემწეობით მდიდრები ამუშავებდნენ იმ მიწებს, საიდანაც რომელიმე მოქალაქენი განდევნეს.

გაიუს ლელიუსმა, სციპიონის ახლო მეგობარმა, გადაწყვიტა ეშველა ამ უბედურებისათვის, მაგრამ მას საშინელი წინააღმდეგობა გაუწიეს წარჩინებულებმა. მოსალოდნელი შფოთვის შიშით ლელიუსმა ხელი აიღო თავის განზრახვაზე¹⁹. ამის გამო მას მეტსახელად „ბრძენი“ თუ „გონიერი“ შეარქვეს. როგორც ჩანს, „საპიენს“ ლათინურად ერთსაც აღნიშნავს და მეორესაც.

როგორც კი ტიბერიუსი სახალხო ტრიბუნად აირჩიეს²⁰, მან მყისვე მთელი მგზნებარებით მოჰკიდა ხელი ლელიუსის წამოწყებულ საქმეს. ბევრი მწერალი ამბობს, ამისათვის ტიბერიუსი რიტორმა დიოფანემ და ფილოსოფოსმა ბლოსიუსმა წააქეზესო. დიოფანე მითილენელი ლტოლვილი იყო, ბლოსიუსი კი იტალიის კუმიდან იყო წარმოშობით. ეს ბლოსიუსი რომში დაუახლოვდა ანტიპატრე ტარსელს, რომელმაც მას პატრივი სცა და ზოგიერთი თავისი ფილოსოფიური თხზულება მიუძღვნა²¹.

ზოგიერთთა მიხედვით, ყველაფრის მიზეზი ტიბერიუსის დედა კორნელია იყო. იგი თურმე ხშირად კიცხავდა შვილებს; რომელი-

ბი ჯერ კიდევ სციპიონის სიდედრს მეძახიან და არა გრაცხუსთა დედასო!

სხვები კი ამტკიცებენ, რომ მთელი წამოწყების მიზეზი იყო ვინმე სპურიუს პოსტუმიუსი, ტიბერიუსის ტოლ-სწორი და მისი მეტოქე ორატორულ ხელოვნებაში. როცა ტიბერიუსი ლაშქრობიდან დაბრუნდა და დაინახა, სპურიუსს უფრო დიდი სახელი და გავლენა ჰქონდა მოხვეჭილი და საყოველთაო მოწიწებას იმსახურებდა, როგორც ჩანს, მოისურვა ეჯობნა მისთვის და ფრიად სახიფათო საქმეს მოჰკიდა ხელი. მის ამ პოლიტიკურ ნაბიჯს ხალხი დიდი იმედებით შეეგება.

ტიბერიუსის ძმა გაიუსი, თავის მხრივ, ერთ-ერთ ჩანაწერში ამბობს: როცა ნუმანციუსი მიმავალმა ტიბერიუსმა ეტრურიაზე გადაიარა, აქ უდაბნოდ ქცეული მზარე იხილა და დაინახა, რომ ისინი, ვინც მიწას ზნავდნენ და საჭონელს ამოგებდნენ, სულ უცხოელები და ბარბაროსები იყვნენ. აი, მაშინ მოუვიდა პირველად გონებაში ის პოლიტიკური განზრახვა, რამაც მასაც და მეც ათასი უბედურება დაგვატება თავსო.

ყველაზე მეტად ტიბერიუსის პატივმოყვარეობა და მისწრაფება ხალხმა აღაგზნო. ხალხი სხვადასხვა წარწერებით სვეტებზე, კედლებსა და ქანდაკებებზე მხურვალედ მოუწოდებდა ტიბერიუსს სახელმწიფო მიწები ღარიბებისათვის დაებრუნებინა.

9. უნდა ითქვას, კანონი ტიბერიუსს ერთპიროვნულად არ შეუდგენია. ამ საქმეში იგი ხელმძღვანელობდა იმ მოქალაქეთა რჩევა-ღარიბებებით, რომელნიც თავიანთი ვაჟკაცობისა და სახელის წყალობით რომში პირველობდნენ. მათ შორის იყვნენ: უზენაესი ქურუმი კრასუსი, კანონთა მცოდნე და იმხანად კონსულად მყოფი მუციუს სცევოლა და ტიბერიუსის სიმამრი აპიუს კლავდიუსი. ტიბერიუსის კანონიერობილი და ზომიერი კანონი, რომელიც საშინელი უსამართლობისა და სიჭარბის წინააღმდეგ იყო მიმართული, კაცმა რომ თქვას, არასოდეს დაწერილა. იმ პირთ, რომელთაც ეკადრებოდათ ურჩობისათვის პასუხი ეგოთ და ჯარიმის გადახდევინებით გაძევებულ ყოფილიყვნენ უკანონოდ მითვისებული მიწებიდან, ტიბერიუსის კანონი მხოლოდ იმას უბრძანებდა, რომ სასყიდლის მიღების შემდეგ ხელი აეღოთ მითვისებულ მიწებზე და გადაეცათ ისინი იმ მოქალაქეთათვის, ვისაც დანებარება ესაჭიროებოდა. მართალია, ბოროტების ასეთი გამოხწო-

რება საკმაოდ ღმობიერი ჩანდა, ხალხი მაინც კმაყოფილი დარჩა. იგი მზად იყო დაეგოწებინა წარსული, თუკი მომავალში უსამართლობით აღარ შეავიწროებდნენ. მაგრამ სიხარბით გატაცებული მდიდრები და შეძლებულები აღსდგნენ ამ კანონის წინააღმდეგ და პატივმოყვარეობის გრძნობით აღვსილნი გაათრებთ დაუპირისპირდნენ კანონის შემდგენელს. ისინი ცდილობდნენ, რომ ხალხი განდგომოდა ამ კანონსა და არ მიეღო იგი. ამ მიზნით ავრცელებდნენ ხმებს: მიწების ხელახალი გადანაწილებით ტიბერიუსს სახელმწიფო წყობილების დარღვევა და ყველაფრის არეგ-დარეგა აქვს განზრახული! ასეთი ხრიკებით მდიდრებმა ვერაფერს ვერ მიაღწიეს. კეთილშობილურსა და სამართლიან საქმეს ტიბერიუსი იცავდა ისეთი სიტყვით, რომელსაც კარგი კი. არა, ავი საქმის გაპატიოსნებაც კი შეეძლო. შეუზოვარი და უძლეველი ჩანდა ტიბერიუსი, როდესაც იგი ხალხით გარშემორტყმულ ტრიბუნაზე იდგა და ღარიბთა დასაცავად სიტყვას ამბობდა.

„იტალიაში მცხოვრებ ნადირებსაც კი, — ამბობდა თავის სიტყვაში ტიბერიუსი, — თავთავიანთი სოროები და ბუნებები აქვთ თავშესაფარად; მაგრამ იმ ხალხს, ვინც იტალიისათვის იბრძვის და სიცოცხლეს სწირავს, არაფერი გააჩნია საკუთარ ქვეყანაში პაერსა და სინათლის მეტი. ეს ადამიანები უსახლკარონი არიან, მათ არა აქვთ მუდმივი ადგილსამყოფელი და ცოლ-შვილით აქეთ-იქით დაძრწიან. სარდლები ატყუებენ ჯარისკაცებს, როცა მათ ბრძოლისაგან მოუწოდებენ და არწმუნებენ, მტრისაგან დაიცვან წინაპართა საფლავები და ტაძრები. ეს მაშინ, როდესაც რომაელთა უმრავლესობას არც მამისეული საკუთრებეელი და არც წინაპართა სასაფლაოები არ გააჩნია. ჯარისკაცები მხოლოდ სხვისი ფუფუნებისა და სიმდიდრის გულისათვის ომობენ და იბრძებიან. მათ მსოფლიოს მბრძანებლებს უწოდებენ, სინამდვილეში კი მათ საკუთარი მიწის ერთი ნაგლეჯიც არ გააჩნიათ!“

10. ამ სიტყვას, რომელიც დიდი გატაცებითა და ჭეშმარიტი მეზნებარებით იქნა წარმოთქმული, ხალხი აღფრთოვანებით შეეგება. რაც შეეხება ტიბერიუსის მოწინააღმდეგეთ, ვერც ერთმა მათგანმა სამაგიეროს თქმა ვერ გახედა. ტიბერიუსთან კამათზე ხელი აიღეს და მიაშურეს ერთ-ერთ სახალხო ტრიბუნს, დარბაისელ, ფაქიზი ზნეობის მქონე ახალგაზრდა კაცს მარკუს ოქტავიუსს. ოქტავიუსი ტიბერიუსის

უახლოესი მეგობარი იყო. ამიტომ პატივს სცემდა მას და პირველ ხანებში მასთან ბრძოლას თავს არიდებდა. მაგრამ მერმე, რომის მრავალი წარჩინებული მოქალაქის დაჟინებულ თხოვნას ძალაუვნებურად დაუთმო, დაუპირისპირდა ტიბერიუსს და მისი კანონის გატარების წინააღმდეგ გამოვიდა²². სახალხო ტრიბუნატში კი ამა თუ იმ კანონის მიმართ გამოთქმულ უარყოფით აზრს ყოველთვის გადამწყვეტი მნიშვნელობა აქვს; საკმარისია წინააღმდეგ გამოვიდეს ერთი ტრიბუნი, რომ ყველა დანარჩენთა თანხმობამ ძალა დაკარგოს. ამ მარცხით გაჯავრებულმა ტიბერიუსმა უკან წაიღო მდიდართა მიმართ საკმაოდ ლმობიერად შედგენილი კანონი და მერმე შემოიტანა ახალი, ხალხისათვის გაცილებით უფრო ხელსაყრელი და უფრო მკაცრი მოძალადეთათვის. ახალი კანონით ტიბერიუსი წინადადებას აძლევდა მდიდრებს უყოყმანოდ დაეცალათ ის მიწები, რომელთაც ისინი ძველი კანონების წინააღმდეგ ფლობდნენ.

ამან ტიბერიუსსა და ოქტავიუსს შორის მწვავე ბრძოლა გამოიწვია. მიუხედავად გაცხარებული კამათისა, ტიბერიუსსა და ოქტავიუსს, როგორც გადმოგვცემენ, ერთმანეთის შეუტაცხმყოფელი არაფერი უთქვამთ და რისხვის ქაშს არც ერთი უკადრისი სიტყვა არ წამოსცდენიათ. თანდაყოლილი ზნეობრივი სიფაქიზე და კარგი აღზრდა, როგორც ჩანს, ზომიერების ჩარჩოში აკავებს და ლაგამს სდებს ადამიანის ჭკუა-გონებას არა მარტო ბახუსის გავლენის ქვეშ ყოფნის დროს, არამედ პატივმოყვარულ მისწრაფებათა და განრისხების დროსაც.

როცა ტიბერიუსმა დაინახა, კანონი ეხებოდა ოქტავიუსსაც, როგორც საკმაოდ დიდი საზოგადო მიწების მფლობელს, სთხოვა დავაზე ხელი აეღო და მიწების საფასურის ანაზღაურებას საკუთარი ქონებიდან დაჰპირდა, მიუხედავად იმისა, რომ ეს ქონება არცთუ ისე მნიშვნელოვანი იყო, ოქტავიუსმა ამ წინადადებაზე უარი თქვა. მაშინ ტიბერიუსმა გამოსცა გადაწყვეტილება, რომლის ძალითაც მოვალეობის აღსრულებას უკრძალავდა თანამდებობათა მქონე პირთ მანამ, სანამ მისი კანონი კენჭის საყრელად არ იქნებოდა წარდგენილი. მერმე საკუთარ ბეჭდით დაბეჭდა სატურნუსის ტაძარი, რათა კვესტორებს არაფერი არ გამოეტანათ იქიდან და არც შეეტანათ²³. ამასთან ტიბერიუსმა პრეტორებს აუწყა, რომ ურჩობის შემთხვევაში ყველას დააჯარიმებდნენ. მოსალოდნელი სასჯელით დაშინებულმა თა-

ნამდებობის პირებმა თავთავიანთი მოვალეობის შესრულებაზე ხელი აიღეს.

ამის გამო მდიდრები ძაძებით შეიმოსნენ და ფორუშზე სასოწარკვეთილნი და დამწუხრებულნი დადიოდნენ. მათ შეთქმულება მოაწყვეს და ტიბერიუსს მკვლელები მიუჩინეს. ტიბერიუსმა ეს გაიგო და აშკარად დაიწყო მოკლე მახვილის ტარება, რომელსაც რომაელები „დოლოს“ ეძახიან და რომელსაც ჩვეულებრივ ავაზაკები ატარებენ ხოლმე.

11. სახალხო კრებასათვის დანიშნულ დღეს, როცა ტიბერიუსმა თავისი კანონისათვის ხმის მისაცემად ხალხი მოიწვია, მდიდრებმა საარჩევნო ურნები მოიტაცეს. ამ ამბავმა დიდი მღელვარება გამოიწვია. ტიბერიუსის მომხრენი იმდენად მრავალრიცხოვანნი იყვნენ, რომ მათ ძალით შეეძლოთ გაეტანათ თავისი და ამ მიზნით კიდევ დაიწყეს თავმოყრა. მაშინ ყოფილი კონსულები მანლიუსი და ფულვიუსი ფეხებში ჩაუტყვიდნენ ტიბერიუსს, ხელში სწვდნენ და ცრემლმორეულნი ევედრებოდნენ კანონზე კენჭისყრა შეეწყვიტა. ტიბერიუსი წინასწარ გრძნობდა, მალე საშინელი ამბები დატრიალდებოდა, თანაც ყოფილ კონსულებს დიდ პატივს სცემდა და ამიტომ ჰკითხა: აბა, თქვენ რას ბირჩევთ, როგორ მოვიქცეო? მანლიუსმა და ფულვიუსმა ტიბერიუსს მიუგეს, რომ მათ არ ძალუძთ ასეთ დიდ საქმეში რჩევის მიცემა და დაჟინებით დაუწყეს თხოვნა სენატისათვის მიემართა. ტიბერიუსი მყისვე დაეთანხმა მათ.

სენატი მალე შეიკრიბა, მაგრამ რაკი იქ მდიდრები მბრძანებლობდნენ, ვერაფერი გააწყო. მაშინ ტიბერიუსმა, ვინაიდან სხვანაირი საშუალებით კანონის გატარება აღარ შეეძლო, ფრიად უკანონო და სათაქილო გზას მიმართა. მან განიზრახა ოქტავიუსის გადაყენება ტრიბუნის თანამდებობიდან. სანამ ამ უკიდურესობამდე მივიდოდა, ტიბერიუსი მეგობრულად ავლებდა ხელს ხელებზე ოქტავიუსს და ტკბილი სიტყვებით საჯაროდ ემუდარებოდა მოეხსნა თავისი აკრძალვა და დაეკმაყოფილებინა სამართლიანი მოთხოვნები იმ ხალხისა, რომელსაც განუწყვეტელი ჯაფისა და მძიმე განსაცდელის სამავგროდ სულ მცირე გასამრჯელო ეძლეოდა. ოქტავიუსმა ტიბერიუსის თხოვნა უკუაგდო. მაშინ ტიბერიუსმა განაცხადა: „როცა ერთნაირი უფლებით მოსილი ორი ტრიბუნი მნიშვნელოვან საქმეში ერთმანეთს ვერ უთანხმდებიან, მაშინ ბრძოლა აუცილებელია. ერთადერთ გამოსა-

გალს ამ მდგომარეობიდან მე იმაში ვხედავ, რომ ერთ-ერთმა ჩვენ-თაგანმა თანამდებობაზე ხელი უნდა აიღოს. დაე, ჯერ ოქტავიუსმა შეიტანოს სახალხო კრებაში საკითხი ჩემი შეცვლის თაობაზე. თუ ხალხი ამას მოისურვებს, მე მაშინვე გადავდგები და რიგითი ადამიანის ცხოვრებას დავუბრუნდები“.

ოქტავიუსმა ამაზეც უარი თქვა. „ასეთ შემთხვევაში, — უთხრა მას ტიბერიუსმა, — მე შევიტან საკითხს სახალხო კრებაში შენი ტრიბუნად ყოფნა-არყოფნის შესახებ, თუკი, რა თქმა უნდა, დაფიქრების შემდეგ აზრს არ გამოიცვლი!“

12. იმ დღეს ზემოხსენებული სიტყვებით დაშალა ტიბერიუსმა კრება. მეორე დღეს, როცა ხალხი შეიკრიბა, ტიბერიუსი ტრიბუნაზე ავიდა და კვლავ შეეცადა დაეყოლიებინა ოქტავიუსი. ოქტავიუსმა უკან არ დაიხია. მაშინ ტიბერიუსმა წინადადება შეიტანა ოქტავიუსისათვის სახალხო ტრიბუნის რწმუნება ჩამოერთმიათ და ხალხს სთხოვა ახლავე ეყარათ კენჭი ამ წინადადებისათვის. რომის ოცდათხუთმეტი ტრიბიდან ჩვიდმეტმა ტრიბმა ოქტავიუსის წინააღმდეგ მისცა ხმა. საკმარისი იყო ამათ ერთი ტრიბი მიმატებოდა კიდევ, რომ ოქტავიუსს რიგით ადამიანად გახდომა მოუწევდა; მაგრამ ტიბერიუსმა კენჭისყრა შეაწყვეტინა და კვლავ დაუწყო თხოვნა-ვედრება ოქტავიუსს. მან ხალხის თვალწინ ხელი მოხვია მას, აკოცა და დაჟინებით სთხოვა: ნურც თავს შეირცხვენ და ნურც მე მაიძულებ გავხდე მიზეზი ასეთი მკაცრი და უკიდურესი ზომებისათვის. ამ სიტყვებს ოქტავიუსი, როგორც ამბობენ, უკვე მორჩილად და გრძნობამორევით უსმენდა. იგი ატირდა თურმე და თვალზეა ცრემლებული დიდხანს მდუმარედ იდგა. მაგრამ როცა იქვე თავმოყრილ მდიდრებსა და შეძლებულებს გადახედა, როგორც ჩანს, შერცხვა თავისი საქციელის და იმის შიშით, ძლიერთა თვალში არ დამცირებულყო, გადაწყვიტა მამაცურად შეგებებოდა ყოველგვარ საფრთხეს. „ტიბერიუსს, — თქვა მან, — შეუძლია მოიქცეს ისე, როგორც ნებაეს!“

წინადადება ოქტავიუსის გადაყენების თაობაზე მიღებულ იქნა. ტიბერიუსმა უბრძანა ერთ აზატს (ტიბერიუსი თავის აზატებს ლიქტორებად იყენებდა). ოქტავიუსი ტრიბუნიდან ძირს ჩაეთრია. შეურაცხყოფითა და ძალდატანებით ოქტავიუსის ტრიბუნიდან ჩამოგდება მეტისმეტად სამწუხარო სანახაობა იყო. ხალხი მყისვე დაიძრა ოქტავიუსისაკენ, მაგრამ მდიდრები მოვარდნენ და ბრბო შეაკავეს. ოქტავი-

უსი ძლივს გადარჩა, იგი ხალხს ხელიდან გამოგლიჯეს. ოქტავიუსი ბრბოს გაექცა, მაგრამ მის ერთგულ მონას, რომელიც დამცველად ედგა წინ, თვალები გამოსთხარეს. ხალხის თავდასხმა ოქტავიუსზე ტიბერიუსის სურვილის წინააღმდეგ მოხდა. როცა ტიბერიუსმა დაინახა, რა ხდებოდა, სწრაფად ჩამოიჭრა ტრიბუნიდან იმ განზრახვით, რომ მღვლეარება დაეშოშმინებინა.

13. ამის შემდეგ მიწის კანონი ძალაში შევიდა. მიწების გამოსავლევად და გასანაწილებლად აირჩიეს სამი კაცი: თვითონ ტიბერიუსი, მისი სიმამრი აპიუს კლავდიუსი და მისი ძმა გაიუს გრაქხუსი²⁴. გაიუსი ამ დროს რომში არ იმყოფებოდა. იგი სციპიონის ხელმძღვანელობით ნუმანციაში ლაშქრობდა.

რაკი საქმე დაუბრკოლებლივ და მშვიდობიანად დასრულდა, ტიბერიუსმა სახალხო ტრიბუნის თანამდებობაზე ოქტავიუსის ნაცვლად დააყენა არა ვინმე წარჩინებულთაგანი, არამედ ვიღაც მუციუსი, თავისი კლიენტი. წარჩინებულები აღშფოთებით შეხვდნენ ასეთ საქციელს. მათ ეშინოდათ ტიბერიუსის აღზევებისა და ამიტომ ყოველნაირად ამცირებდნენ მას სენატში. ასე, მაგალითად, როცა ტიბერიუსმა სახელმწიფო ხაზინის ხარჯზე, წესის თანახმად, კარავი მოითხოვა, რაც მიწების გადანაწილების დროს სჭირდებოდა, მას უარი უთხრეს, მიუხედავად იმისა, რომ სხვები, გაცილებით უფრო მცირე საქმეთა აღსრულების დროს, ხშირად ღებულობდნენ ხოლმე ასეთ კარგებს. გარდა ამისა, ყოველდღიური ხარჯისათვის ტიბერიუსს დაუნიშნეს მხოლოდ ცხრა ობოლი²⁵. ასეთი გადაწყვეტილება გამოიტანა პუბლიუს ნაზიკამ და ამით თავი გამოიჩინა, როგორც ტიბერიუსის აშკარა და დაუძინებელმა მტერმა. პუბლიუს ნაზიკას შეძენილი ჰქონდა უამრავი სახელმწიფო მიწა და ვერ ეგუებოდა იმ აზრს, რომ ახლა ამ მიწებზე ხელი უნდა აეღო²⁶.

ხალხი უფრო და უფრო ცხარდებოდა მდიდართ წინააღმდეგ. სულ მალე ანაზღვრულად მოკვდა ტიბერიუსის ერთი მეგობარი. მის გვამზე რაღაც საეჭვო ლაქები აღმოჩნდა. ხალხმა ყვირილი მორთო: ეს კაცი მოწამლულიათ, და მის დაკრძალვაზე შეიკრიბა. ცხედარი სამგლოვიარო სარეცელით გარეთ გამოასვენეს და ხალხი მიცვალებულის კოცონს გარს შემოეხვია. ეჭვი მოწამვლის შესახებ გამართლდა. საქმე ის იყო, — რომ გვამს კანი დაუსკდა და იქიდან დიდძალი მყრალი სითხე გადმოიღვარა, რამაც კოცონის ალი დააქრო. ხელახლა სცადეს

ცეცხლის გაჩაღება, მაგრამ ვერ მოახერხეს. ბოლოს სხვა ადგილზე გადაიტანეს კოცონი და აქაც დიდი წვალუბის ფასად დაანთეს იგი.

ხალხის უფრო მეტად აღგზნების მიზნით ტიბერიუსი ძაქებით შეიმოსა; მან თავისი ბავშვები ფორუმზე გამოიყვანა და ხალხს თხოვნით მიმართა: ეს ბავშვები და ამათი დედა შეიფარეთ, ვინაიდან მე აღარ მაქვს იმედი მტრებს გადავფრჩხო.

14. პერგამონის მეფის ატალე ფილომეტორის სიკვდილის შემდეგ ევდემე პერგამონელმა რომში ჩამოიტანა ანდერძი, რომელშიაც მეფის მემკვიდრედ რომაელი ხალხი იყო აღიარებული. ტიბერიუსმა ხალხის გულის მოსაგებად მაშინვე წამოაყენა კანონი, რომ პერგამონის სამეფოს ხაზინა გადასცემოდა იმ მოქალაქეთ, რომლებმაც მიწები მიიღეს, რათა ამ ფულით მათ სამიწათმოქმედო მეურნეობის მოწყობაში შეშველებოდა. რაც შეეხება ატალეს სამეფოში შემავალ ქალაქებს, ამ საკითხზე ტიბერიუსმა განაცხადა: მათი ზედის განსჯა სენატს სრულებითაც არ ეხება და ეს საქმე მთლიანად ხალხს უნდა მიეანდოთ.

ტიბერიუსის ასეთმა გამოსვლამ სენატის ღირსება მეტისმეტად შეუარაცყო. სენატის სხდომაზე სალაპარაკოდ წამომდგარმა პომპეუსმა²⁷ თქვა: „მე ტიბერიუსის მეზობლად ვცხოვრობ და ამიტომ ძალიან კარგად ვიცი, ევდემემ მას პერგამონის მეფეთა დიადემა და პორფირი გადასცა, როგორც ისეთ კაცს, რომელიც ერთ მშვენიერ დღეს რომში უნდა გამეფდესო“. კვინტუს მეტელუსმა²⁸ კი სასტიკად გაკიცხა იმის გამო, რომ იგი მამამისივით წესიერად არ იქცეოდა. „ყოველთვის, — უთხრა მეტელუსმა ტიბერიუსს, — როცა მამაშენი ცენზორად ყოფნისას ვანშშობიდან სახლში ბრუნდებოდა ხოლმე, მოქალაქენი შიშით აქრობდნენ თავ-თავიანთ ბინებში სინათლეს, რათა ცენზორს არ ჰგონებოდა, მეტისმეტ დიდ დროს ატარებენო მხიარულებაში და ღრეობაში. შენ კი თვითონვე გინათებენ ღამით გზას ყველაზე უფრო თავზე ხელაღებული და მაწანწალა მოქალაქენიო!“.

ერთი ტიტე ანიუსი იყო, ყოვლად უზნეო და დავადაუქერელი კაცი. მაგრამ კამათის დროს ისეთი კითხვებისა და პასუხების მიცემა იცოდა, რომ ამ მხრივ უძლეველი ვინმე ჩანდა. აი, ამ ტიტე ანიუსმა დავა დაუწყო ტიბერიუსს იმის დასამტკიცებლად, რომ ტიბერიუსმა პატივი აჰყარა ამხანაგს, რომელიც კანონთა ძალით ეწმინდეს და ხელშეუხებელ პიროვნებად ითვლებოდა. ამან ბრბო აღაშფოთა. ტი-

ბერიუსი გარეთ გამოიჭრა, შეკრიბა ხალხი და ბრძანება გასცა ანიუსი მოეყვანათ. მას სურდა, ანიუსის წინააღმდეგ ბრალდებით გამო-სულიყო. ანიუსმა, რომელიც ბევრად ჩამორჩებოდა ტიბერიუსს მჭევრმეტყველებაში და არც მასავით ცნობილი პიროვნება იყო, თავის საყვარელ სერხს მიმართა. მან ტიბერიუსს სთხოვა: სანამ სიტყვით გამოხვიდოდე, ერთ პატარა კითხვაზე მიპასუხო. ტიბერიუსი დათანხმდა: მკითხე, რა გინდაო? ღრმა დუმილი ჩამოვარდა. მაშინ ანიუსმა ასე მიმართა ტიბერიუსს: „დავუშვათ, რომ შენ ჩემი პატივის აყრა და შეურაცხყოფა მოინდომე, მე კი დახმარებისათვის ერთ-ერთ შენს ამხანაგს მივმართე; იმან რომ ჩემი შეგლა განიზრახოს და შენ გან-რისხდე, წაართმევ თუ არა მას თანამდებობასო?“

ამბობენ, ამ შეკითხვამ ისეთ უხერხულ მდგომარეობაში ჩააყენა ტიბერიუსი, რომ თავისი შეუდარებელი მჭევრმეტყველებისა და იშვიათი მამაცობის მიუხედავად ამჯერად დუმილი არჩიაო.

15. ერთი სიტყვით, მან მაშინ სახალხო კრება დაშალა. ტიბერიუსმა იგრძნო, მის პოლიტიკურ ღონისძიებათა შორის ოქტავიუსის გადაყენება იყო ის ნაბიჯი, რომელმაც შეაძრწუნა არა მარტო დიდებულნი, არამედ ხალხიც. ისე ჩანდა, თათქოს ოქტავიუსის გადაყენებით სახალხო ტრიბუნების დიდი და ბრწყინვალე ღირსება შეიღახა და გაითელა. აი, ამიტომ ტიბერიუსმა ხალხს გრძელი სიტყვით მიმართა. ამ სიტყვიდან ზოგიერთი დასკვნის მოტანა. მე მგონი, უადგილო არ იქნება, ვინაიდან ეს ნათლად წარმოგვიდგენს ტიბერიუსის გონივრულობასა და მისი სიტყვების დამაჯერებელ ძალას.

„სახალხო ტრიბუნი, — თქვა ტიბერიუსმა, — უწმინდესი და ხელ-შეუხებელი პიროვნებაა იმიტომ, რომ ის ხალხისთვის სწირავს თავს და ხალხის კეთილდღეობას ემსახურება. მაგრამ თუ ტრიბუნი ხალხს ზურგს შეაქცევს, უსამართლოდ მოექცევა, შეუსუსტებს ძალას და კენჭისყრის უფლებას აღუკვეთავს, მაშინ იგი თვითონვე ხსნის თავის თავს ამ თანამდებობიდან, რამეთუ არ ასრულებს მოვალეობას, რისთვისაც ტრიბუნის რწმუნება მიენიჭა. ტრიბუნმა რომ კაპიტოლიუმში დაანგრიოს, მან რომ ჩვენი იარაღის საწყობები გადაწვას, ესეც კი შეიძლება ასატანად ჩაითვალოს; თღონდ ასეთი საქციელის ჩამდენი ტრიბუნი ცუდი ტრიბუნის სახელს დაიმსახურებს. მაგრამ ის, ვინც ხალხის ძლიერებას ხელყოფს, სახალხო ტრიბუნი აღარ არის. განა საშინელება არაა, რომ ტრიბუნს საკუთარი ნება-სურვილით შე-

უძლია საპყრობილეში წაიყვანოს კონსული მაშინ, როცა ხალხს ნება არა აქვს წაართვას ტრიბუნს ძალაუფლება, რომელსაც ბოროტად იყენებს იმის მიმართ, ვინც მას ეს პატივი მიანიჭა? კონსულსაც და ტრიბუნსაც ხომ ორივეს ხალხი ირჩევს! მეფის ხელისუფლება ყველა სახელმწიფო თანამდებობას შეიცავს და ამასთან ერთად უზენაესი ღვთისმსახურების შემწეობით ღვთაებრიობას აღწევს. მიუხედავად ამისა რომმა გააძევა ტარკვინიუსი²⁹, ვინაიდან უსამართლოდ იქცეოდა; ამგვარად, ერთი კაცის ქედმაღლობის მიზეზით დაემხო თვით რომის დამფუძნებელი მამაპაპეული ხელისუფლება. განა რომში მოიპოვება ვინმე იმაზე წმინდანი და თაყვანსაცემი, როგორიც დაუქრობელი ცეცხლს მეთვალყურე ვესტას ქუჩაში ქალები არიან?³⁰ მაგრამ თუ რომელიმე მათგანი ცოდვას ჩაიდენს, მას ცოცხლად მარხავენ მიწაში: ღმერთების წინაშე შემცოდველი ქუჩაში ქალები მაშინვე კარგავენ ღმერთების მიერვე ბოძებულ შეუვალობის უფლებას. აი, ამიტომ სრულიად არაა დასაშვები ხალხის შეუტაცხმყოფელმა ტრიბუნმა ხალხისაგან მინიჭებული ხელშეუხებლობა შეინარჩუნოს; ვინაიდან იგი თვითონვე აცამტკერებს იმ ძალას, რომელმაც იგი აღაზევა. თუკი სამართლიანად ჩაითვალოს ტრიბუნის ტრიბუნობა ტრიბთა უმრავლესობის მიერ ხმის მიცემის საფუძველზე, მაშინ რატომ არ უნდა ჩაითვალოს უფრო სამართლიანად თანამდებობიდან მისი გადაყენება იმ შემთხვევაში, როცა ყველა ტრიბმა მის საწინააღმდეგოდ მისცა ხმა? ღმერთებისადმი მიძღვნილ შეწირულებებზე უწმინდესი და ხელშეუხებელი არა არის რა; მაგრამ ხალხისათვის არავის აუკრძალავს ასეთი საგნებით სარგებლობა, მათი ხელის ხლება და სურვილის მიხედვით მათი ერთი ადგილიდან მეორეზე გადატანა. ასევე სრული უფლება აქვს ხალხს, შეწირულების მსგავსად, ტრიბუნის თანამდებობა ერთი პიროვნებიდან მეორეზე გადაიტანოს. ასე რომ ტრიბუნობა სრულებითაც არ არის ხელშეუვალი და აღუკვეთელი თანამდებობა. ეს მრავალი მაგალითით მტკიცდება. ტრიბუნის რწმუნებით შემოსილი პიროვნებანი საკმაოდ ხშირად თვითონვე იღებდნენ ხელს ტრიბუნობაზე და განთავისუფლებას მოითხოვდნენ“.

16. აი, ასეთი იყო ტიბერიუსის მიერ თავის გასამართლებლად წამოყენებული მთავარი დებულებები.

ტიბერიუსის მეგობრები, რაკი ხელდავდნენ, მტრები ირაზმებოდნენ და ტიბერიუსს ემუქრებოდნენ, ფიქრობდნენ: საჭიროა ტიბერიუსმა

მომავალი წლისათვის კვლავ მიიღოს ტრიბუნობაო. მაშინ იგი შეეცა-
და ისევ მოეგო ხალხის გული ახალი კანონებით. ამ კანონთა ძალით
მან შეამცირა საშვედრო საშსახურის ვადა, დაადგინა სასამართლოს
გადაწყვეტილების გასაჩივრების უფლება სახალხო კრებაზე, ხოლო
იმ სენატორთა რიცხვს, რომლებიც მანამდე დამოუკიდებლად აწარ-
მოებდნენ სასამართლო საქმეებს, თანაბარი რაოდენობის მოსამართ-
ლენი დაუმატა მხედართა წოდებიდან. ერთი სიტყვით, ტიბერიუსი
ყოველგვარი ხერხებით ცდილობდა დაეკანონებინა სენატის ძლიერე-
ბა; ამას იგი აკეთებდა არა იმდენად სამართლიანი და სასარგებლო
მოსაზრებით, რამდენადაც პირადი რისხვისა და ჭიუტობის მიზე-
ზით.

ახალი კანონების გატარებისათვის საჭირო კენჭისყრის დროს ტი-
ბერიუსის მომხრეებმა იგრძნეს, მოწინააღმდეგენი იმარჯვებდნენ
(ამის მიზეზი ის გახლდათ, რომ ხმის მისაცემად ხალხის დიდი ნაწი-
ლი არ გამოცხადებულა). მაშინ ტიბერიუსმა და მისმა მეგობრებმა
სხვა ტრიბუნებს ლანძღვა-გინება დაუწყეს და ამით დრო მოიგეს.
მერმე სახალხო კრება დაშალეს და მეორე დღისათვის გადადეს. ტი-
ბერიუსი დამწუხრებული ჩამოვიდა ტრიბუნიდან ფორუმზე და
ცრემლმორეულმა ვედრებით მიმართა ხალხს. „მეო, — ამბობდა იგი, —
მეშინია, მტრები ამაღამ სახლში არ შემომეჭრან და არ მომკლანო“. ამ
სიტყვებმა ისე იმოქმედა ხალხზე, ტიბერიუსის სახლის წინ იმ ღამეს
მრავალი მდამით შეიკრიბა. ისინი მცველებად დაუდგნენ ტიბერიუსს
და ღამე გაუთიეს.

17. მეორე დღეს დილით სამისნო ფრინველთა გამგებელმა გა-
ლით ქათმები გამოიყვანა გარეთ და საკენკი დაუყარა. მიუხედავად
იმისა, რომ ღონივრად შეიწვლრია გალია, ერთის გარდა ქათმები გა-
რეთ არ გამოვიდნენ, მაგრამ საკენკს ამ ქათამაც არ ახლო პირი.
მან მარცხენა ფრთა შეარხია მხოლოდ, მერმე ფეხი გამოსწია წინ და
ისევ გალიაში შებრუნდა. ამ ავმა ნიშანმა ტიბერიუსს ადრე ნანახი
უბედურების მომასწავებელი ნიშანი მოაგონა: ტიბერიუსს ერთი შე-
სანიშნავი და ძვირფასად შემკული საომარი მუზარადი ჰქონდა. ამ
მუზარადში ერთხელ გველები ჩამძვრალიყვნენ, შიგ კვერცხები და-
ეღოთ და წიწილები გამოესხათ. სამისნო ქათმების ქცევით გამოწვე-
ული შესუფოთება ამ მოგონებამ კიდევ უფრო გაუძლიერა ტიბერი-
უსს; მაგრამ როგორც კი გაიგო, კაპიტოლიუმზე უკვე შეიკრიბა

ხალხით, მაინც გამოვიდა სახლიდან იქ ასასვლელად. სახლიდან გამოსვლისას ისე მაგრად წამოკრა ფეხი ზღურობლს, რომ ცერზე ფრჩხილი მოსძვრა და სისხლმა ფეხსაცმელში გამოჟონა. მცირეოდენი მანძილის გავლის შემდეგ ტიბერიუსმა ერთი სახლის სახურავზე, მარცხენა მხრიდან, დაინახა ყვავები, რომლებიც ერთმანეთს ეჩხუბებოდნენ. კაპიტოლიუმისაკენ მიმავალ ტიბერიუსს, რა თქმა უნდა, მთელი ამაღა ახლდა თან, მაგრამ ერთ-ერთი ყვავის მიერ ჩამოგდებული ქვა მაინცდამაინც მის ფერხთა წინ დავარდა. ამ შემთხვევამ ტიბერიუსს ყველაზე უმამაცესი მომხრეებიც კი საგონებელში ჩააგდო. მაგრამ კუმელმა ბლოსიუსმა, რომელიც ტიბერიუსის ამაღაში იმყოფებოდა, თქვა: „დიდი სირცხვილი და თავლაფის დასხმა იქნება, თუ ტიბერიუსს, გრაქუსის ძეს, სციპიონ აფრიკელის შვილიშვილსა და რომაელი ხალხის წინამძღოლს ყვავის შეეშინდება და თანამოქალაქეთა მოწოდებას არ გამოეხმაურება; მართალია, მტრები ამ სილაჩრეს სიცილის საგნად არ გაიხდიან, მაგრამ მყისვე დაიწყებენ ხალხში ყვირილს: ტიბერიუსი თვითნებობს და ტირანის მსგავსად იქცევაო“.

სწორედ ამ დროს ტიბერიუსთან მეგობრების მიერ კაპიტოლიუმიდან გამოგზავნილმა შიკრიკებმა მოიბრინეს და მათი შემონათვალი მოახსენეს: სწრაფად ამოდი, აქ ყველაფერი რიგზეაო. პირველად მართლაცდა ყველაფერი წარმატებით მიმდინარეობდა ტიბერიუსისათვის. დაინახეს თუ არა იგი, მეგობრები ყიჟინით მიეგებნენ; ხოლო როცა ტიბერიუსი კაპიტოლიუმზე ავიდა, სიხარულით მიიღეს და მჭიდროდ შემოერთყნენ გარს, რათა უცხო ვინმეს მასთან ახლოს მისვლა არ შეძლებოდა.

18. მუციუსმა კვლავ დაიწყო ტრიბების მიხედვით ხმების შეგროვება, მაგრამ იმას, რასაც უწინ ადვილად აკეთებდა, ახლა ვერაფერი მოუხერხა. ამის მიზეზი ის იყო, რომ გვიან მოსულებმა საშინელი ალიაქოთი ატეხეს. ისინი ძალით ცდილობდნენ წინ გასულიყვნენ, სხვები კი ხელს უშლიდნენ და ამან დიდი არეულობა გამოიწვია.

ამ დროს სენატორი ფულვიუს ფლავუსი³¹ ერთ საჩინო ადგილზე შედგა. მაგრამ რაკი ლაპარაკით ვერაფერს გახდებოდა და ხმას ვერავის მიაწვდენდა, კაპიტოლიუმზე მყოფთ ხელის ქნევით ანიშნა: ტიბერიუსს პირადად მინდა რაღაც ვუთხრაო. ტიბერიუსმა მაშინვე უბრძანა ხალხს გაწევ-გამოწეულიყვნენ და ფლავუსისათვის გზა მიეცათ. ფლავუსი დიდი გაჭირვებით ავიდა კაპიტოლიუმზე, მიუახლოვ-

და ტიბერიუსს და აუწყა: „სენატის სხდომაზე, როცა კონსული ვერ დაიყოლიეს, მდიდრებმა გადაწყვიტეს თვითონვე მოგვლან; ამ განზრახვის სისრულეში მოსაყვანად მზად ჰყავთ მრავალი შეიარაღებული მონა და მეგობარი“.

19. როცა ტიბერიუსმა ფლავიუსის ნათქვამი თავის მომხრეებს გადასცა, ამით მყისვე შემოირტყეს ქაშაღები ტოგებზე, დაღეწეს ის შუბები, რომლებსაც ლიქტორები ბრბოს გასარეკად იყენებდნენ და თავდამსხმელთაგან თავის დასაცავად ამ შუბთა ნამტვრევებით შეიარაღდნენ. უკანა რიგებში მყოფი ხალხი, რომელმაც არ იცოდა, თუ რა ხდებოდა წინ, ჰკვირობდა და კითხულობდა: რაშია საქმეო? ტიბერიუსს უკანა რიგებამდე ხმის მიწვდენა არ შეეძლო, ამიტომ მან ხელი თავზე მიიდო და ამით ხალხს ანიშნა: განსაცდელი მელისო. როცა მისმა მტრებმა ხელის ასეთი მოძრაობა დაინახეს, მაშინვე გაიქცნენ სენატში და სხდომას აუწყეს: ტიბერიუსმა მეფის გვირგვინი მოითხოვა, რამეთუ ხალხის წინაშე თავზე ხელი დაიდოო. ამ ამბავმა ყველა შეაშფოთა. ნაზიკამ კონსულს თხოვნა დაუწყო: უშველე რომს და ტირანი მოსპეო. კონსულმა მას აუღელვებლად უპასუხა: „ძალადობით ვერ ვიმოქმედებ და ვერც ერთ მოქალაქეს ვერ მოვაკვლევინებ გაუსამართლებლად. მაგრამ თუ ხალხი ტიბერიუსის მხრივ შეგონებით ან ძალდატანებით კანონთა საწინააღმდეგო რასმე დაუტყვრს მხარს და ხმას მისცემს, ასეთ გადაწყვეტილებას მე არამც და არამც არ დავამტკიცებ“. კონსულის ასეთ პასუხზე ნაზიკა ადგილიდან წამოიჭრა და შეჰყვირა: „რაკი კონსული რესპუბლიკას ღალატობს, წინადადებას გაძლევთ, ვისაც ჩვენი კანონების გადარჩენა გინდათ, მე გამომიყვითო!“ თქვა თუ არა ეს, ნაზიკამ ტოგის ყური თავზე წამოიგდო და პირდაპირ კაპიტოლიუმისაკენ გაემართა. მას სხვებიც მიჰყვნენ. ნაზიკას გამყოლებმა მარცხენა მკლავზე ტოგები დაიხვიეს, მარჯვენათი კი შემხედურებს გზიდან იშორებდნენ. ისეთ წარჩინებულ ვაჟაყცებს, როგორც ნაზიკა და მისი მომხრენი იყვნენ, წინ ვერაფერ უღგებოდა, ყველანი გზას უთმობდნენ, გარბოდნენ და ერთმანეთს აწყდებოდნენ.

ნაზიკასი და მის საშველად წამოსულ სენატორთა მომხრენი სახლებიდან წამოღებული კეტებითა და ქოკებით იყვნენ შეიარაღებულნი. თვითონ სენატორებმა კი დამფრთხალი ბრბოს მიერ დამტყრული სკამების ნამსხვრევებს სტაცეს ხელი და ყველანი ტიბერიუსისაკენ გაეშურნენ. გზადაგზა სცემდნენ მათ, ვინც ტიბერიუსის დასაცა-

ვალ თავს იდებდა. ზოგიერთი მათგანი მოკლეს, დანარჩენები კი უკუაქციეს. გაიქცა ტიბერიუსიც, მაგრამ ვილაცამ ტოგაზე სტაცა ხელი. ტიბერიუსმა ტოგა მყისვე შეატოვა მტერს და ტუნისს ამარა გაიქცა. მაგრამ ახლა ფეხი წამოსდო რადაცას და მის წინ დაცემულთა გროვაზე დავარდა. როცა წამოდგომა დააპირა, ერთ-ერთმა მისმა მოწინააღმდეგე ტრიბუნმა პუბლიუს სატურნიუსმა მთელი ხალხის თვალწინ სკამის ფეხი დაჰკრა თავში. ეს იყო პირველი დარტყმა. მეორე დარტყმას თავისად იკვებნიდა ლუციუს რუფუსი და ისე ამოყობდა ამით, როგორც დიდი სავმირო საქმით. ტიბერიუსის მომხრეთაგან სამასზე მეტი კაცი მოკლეს მხოლოდ კეტებითა და ქვებით. მანვილით აქ არც ერთი კაცი არ მოუკლავთ.

20. შემთხვევითი გადმოგვცემენ, მეფის ხელისუფლების დამხობის შემდეგ ეს პირველი განხეთქილება იყო რომში, რომელიც მოქალაქეთა სისხლის ღვრით და მკვლელობით დაარულდაო. ყველა სხვა ამბობდა, რა ძლიერიც არ უნდა ყოფილიყო ის და რა მნიშვნელოვანი მიზეზებიც არ უნდა ჰქონოდა, ყოველთვის მშვიდობიანად მთავრდებოდა მოწინააღმდეგე მხარეთა მორიგების საფუძველზე: წარჩინებულთ ხალხის ეშინოდათ და დათმობაზე მიდიოდნენ, ხოლო ხალხი პატივს სცემდა სენატს და თავის მხრივ ასევე თმობდა.

ჩემი აზრით, ტიბერიუსისათვის რომ მოშინ თხოვნით მიემართათ და შეგონებით ემოქმედათ მასზე, მისი დაყოლიება ძნელი როდია იქნებოდა. კიდევ უფრო ადვილად წავიდოდა იგი დათმობაზე, თავდამსხმელთ რომ სისხლის ღვრისა და მკვლელობისაგან თავი შეეკავებინათ. ტიბერიუსს ზომ სამი ათას კაცზე მეტი მომხრე არა ჰყავდა იქ!

როგორც ჩანს, ტიბერიუსის წინააღმდეგ ამხედრების საფუძველი უფრო მეტად მდიდართა რისხვა და სიძულვილი იყო და არა ის ნაირნაირი საბაზი, რასაც წარჩინებულნი იმიზეზებდნენ. ამას აშკარად ამტკიცებს, ის, რომ ტიბერიუსის გვამს საშინლად უდიერად და უკანონოდ მოექცნენ. მისი ძმის თხოვნა, ცხედარი წავიღო და ღამით დამარხა, უარყვეს. ტიბერიუსის გვამი სხვა მოკლულთა გვამებთან ერთად მდინარეში გადაადგეს.

საქმე ამით როდის დამთავრდა. ტიბერიუსის მეგობართაგან ზოგი გაუსამართლებლად გააძევეს რომიდან, ზოგი კი შეიპყრეს და სიკვდილით დასაჯეს. მოკლულთა შორის იყო რიტორი დიოფანე. ვინმე

გაიუს ვილიუსი, ტიბერიუსის ერთ-ერთი მომხრე, გველებით სავსე ქარში ჩაადგეს და ასე გამოასალმეს წუთისოფელს.

კუმელი ბლოსიუსი კონსულებთან მიიყვანეს და აქ მომხდარი ამბების გარშემო დაკითხვა დაუწყეს. ბლოსიუსმა აღიარა: ყველაფერს ტიბერიუსის ბრძანების თანახმად ვაკეთებდიო. ნაზიკამ ჰკითხა:

— რას იზამდი, ტიბერიუსს რომ შენთვის კაპიტოლიუმის გადაწვა ებრძანებინა?

— ასეთ ბრძანებას, — მიუგო ბლოსიუსმა, — ტიბერიუსი არასოდეს არ მომცემდა.

მრავალმა სენატორმა დაჟინებით მოითხოვა ბლოსიუსისაგან ნაზიკას კითხვაზე პირდაპირი პასუხის გაცემა. მაშინ ბლოსიუსმა განაცხადა. „თუკი ტიბერიუსი ამას მიბძანებდა, მე ხალისით დავემორჩილებოდი და შევასრულებდი დავალებას, ვინაიდან ტიბერიუსი ისეთ ბრძანებას არ მომცემდა, ხალხისათვის სასარგებლო რომ არ ყოფილიყო!“ ამ პასუხით მაშინ ბლოსიუსმა თავი დაიხსნა განსაცდელისაგან, მერმე კი არისტონიკესთან წავიდა აზიაში. როცა არისტონიკეს საქმეები უკუღმა წავიდა, ბლოსიუსმა თავი მოიკლა³².

21. სენატმა მომხდარი ამბების გამო ხალხის დაშოშმინება მოინდომა, მიწების გადამიჯვნა აღარავისთვის დაუშლია და ნება მისცა ამ საქმისათვის ტიბერიუსის ნაცვლად ახალი რწმუნებული აერჩიათ. კენჭისყრის საფუძველზე ხალხმა აირჩია პუბლიუს კრასუსი, გრაქუსების მოყვარე კაცი; მისი ქალიშვილი ლიციხია ცოლად ჰყავდა გაიუს გრაქუსს. სხვათა შორის, კორნელიუს ნეპოტი³³ ამბობს, გაიუსი კრასუსის ქალიშვილზე კი არა, ლუზიტანებზე გამარჯვებული და ტრიუმფგადახდილი ბრუტუსის ასულზე იყო დაქორწინებულიო; მაგრამ უმრავლესობა მაინც ისე გადმოგვეცემს, როგორც ჩვენ ვწერთ.

ასე იყო თუ ისე, ტიბერიუსის სიკვდილს ხალხი მაინც მეტისმეტად განიცდიდა. აშკარა იყო, იგი შურისძიებისათვის ხელსაყრელ დროს ელოდებოდა. ნაზიკას ხალხი გასამართლებით ემუქრებოდა. სენატმა, რომელსაც ეს ამბავი აშინებდა, საჭიროების გარეშე დაადგინა ნაზიკა აზიაში გაეგზავნათ. საქმე ის იყო, რომ ხალხი ყოველი შეხვედრის დროს აშკარად ამცლანებდა თავის ზოხლს ნაზიკას მიმართ. აღელვებული მოქალაქენი, სადაც კი წააწყდებოდნენ მას, უყვიროდ-

ნენ, რომ ის ღმერთების მიერ შეჩვენებული ტირანი და ღვთისმკრეხელია; რომ მან წმინდანი კაცის სიკვდილით შებილწა ყველაზე უწმინდესი და ყველაზე უფრო სათაყვანო ტაძარი რომის ტაძართა შორის. ნაზიკა, მიუხედავად იმისა, რომ მას, როგორც უზენაეს ქურუმს, უდიდეს მსხვერპლთშეწირვათა გამგებლობა ჰქონდა დაკისრებული, იძულებული გახდა იტალიიდან წასულიყო. იგი დამწუხრებული და შერაცხვენილი ხეტილობდა უცხო ქვეყნებში და მალე პერგამონის მახლობლად გარდაიცვალა.

საკვირველი არაა, რომ ხალხს ნაზიკა ასე ეზიზღებოდა. ის კი არა, სციპიონ აფრიკელმა, რომელიც სრულიად დამსახურებულად სარგებლობდა ხალხის უსაზღვრო სიყვარულით, რაც სხვას არ ღირსებია, კინაღამ არ დაკარგა ხალხის ასეთი განწყობა. ამის მიზეზი კი ის გახლდათ, როცა ნუმანციაში ტიბერიუსის სიკვდილი შეიტყო, უმაღ ჰომეროსის სიტყვები წამოიძახა:

„დაე ასე ჩაძაღდეს იგი, ვინც ამის მსგავსს ჩაიდენს საქმეს!“ 34

მცირე ხნის შემდეგ, როცა გაიუს გრაქუსმა და ფულვიუსმა ჰკითხეს: რას ფიქრობ ტიბერიუსის სიკვდილზეო, მან უპასუხა, ტიბერიუსის პოლიტიკური ნაბიჯები არ მომწონდაო. ამიერიდან ხალხი ყოველთვის აწყვეტილებდა ხოლმე სიტყვას სციპიონს ყრილობაზე ლაპარაკის დროს და იმას აკეთებდა, რასაც უწინ არ კადრულობდა. თვითონ სციპიონი კი იქამდე მივიდა, რომ ხალხის ლანძღვა-გინებას მიჰყო ხელი. ეს ამბავი დაწვრილებით გვაქვს აღწერილი სციპიონის ცხოვრებაში 35.

გაიუს გრაპუსი

1. ძმის სიკვდილის შემდეგ გაიუს გრაპუსი მტრების შიშით თუ იმიტომ, რომ შათ მიმართ ზალხის სიძულვილი გაედვიძებინა, ერთხანს ფორუმს თავს არიდებდა და დროს მშვიდად ატარებდა სახლში. იგი ისე იქცეოდა, თითქოს არაფერს აკეთებდა და თითქოს მომავალშიც ასევე უმოქმედოდ აპირებდა ცხოვრებას. ამის გამო ხმები დადიოდა: გაიუსი ტიბერიუსის პოლიტიკურ მოღვაწეობას გმობს და ოდნავადაც არ ემხრობა მასო. გაიუსი იმხანად მეტისმეტად ახალგაზრდა გახლდათ. იგი ცხრა წლით უმცროსი იყო ძმაზე! ტიბერიუსი კი ისე გამოესალმა წუთისოფელს, ოცდაათ წელსაც ვერ მიაღწია.

როცა გავიდა დრო და თანდათანობით გამომვლავნდა გაიუსის ხახიათი, აშკარა გახდა, გაიუსისათვის უცხო რამ იყო უქნარობა და განცხრომა, ღრეობა და ანგარება: იგი მკვევრმეტყველებაში იწაფებოდა და პოლიტიკურ ასპარეზზე გამოსასვლელად, ასე ვთქვათ, ფრთებს ისწორებდა. ცხადი იყო, გაიუსი ცხოვრებას უმოქმედობაში არ გაატარებდა.

მისი ერთ-ერთი მეგობარი, ვინმე ვეტიუსი სამართალში მისცეს. მისი დაცვა გაიუსმა იკისრა და ისეთი სიტყვა წარმოთქვა, ხალხი სიმოვანებისაგან უსაზღვრო აღტაცებაში მოვიდა. ამით გაიუსმა დაამტკიცა, რომ სხვა ორატორები მასთან შედარებით ბალღები იყვნენ¹.

გაიუსის ასეთი წარმატების გამო წარჩინებულნი ისევ შიშს მიეცნენ. ისინი განუწყვეტლივ ეთათბირებოდნენ ერთმანეთს, როგორმე ხელი შეეშალათ გაიუსისათვის და მისთვის სახალხო ტრიბუნად გახდომის საშუალება არ მიეცათ.

მოხდა ისე, რომ მცირე ხნის შემდეგ გაიუსი კვესტორად აირჩიეს და იგი სარდინიაში გაემგზავრა კონსულ ორესტესთან ერთად². ამ

ამბავმა შტრები ძალიან გაანარა, თვითონ გაიუსი კი მაინცდამაინც არ შეწყუბუღლა: იგი ჭეშმარიტი მეომარი იყო და ლაშქრად წასვლა მჭევრმეტყველებასე ნაკლებ როდი ეხერხებოდა. თანაც საქმე ის იყო, რომ პოლიტიკურ ასპარეზსა და ტრიბუნას ჯერხნობით შიშის თვალთ შესცქეროდა და, რაკი არ შეეძლო უკუეგდო ხალხისა და მეკობრეების მოწოდება — ტრიბუნი გამხდარიყო, სამშობლოდან გამგზავრება კიდევაც გაუხარდა. მიუხედავად ამისა, მეტისმეტად გავრცელდა მოსაზრება, რომ გაიუსი შეუპოვარი დემაგოგი იყო და ტიბერიუსზე უფრო მეტად ცდილობდა ბრბოში სახელის მოპოვებას. ამ მოსაზრებას ჭეშმარიტებასთან საერთო არაფერი აქვს. როგორც ჩანს, სახელმწიფო საქმეებში გაიუსის გარევის მიზეზი უფრო მეტად იმულება იყო და არა საკუთარი სურვილი. ორატორი ციცერონი გადმოგვცემს: გაიუსს, რომელიც ყოველგვარ თანამდებობას გაურბოდა და სიმშვიდეში ცხოვრებას არჩევდა, ერთხელ სიზმარში ძმა გამოეცხადა და ასე უთხრა: „რალას აყოენებ, გაიუს? უკან დაახევი გზა არ არის; ჩვენ ორივეს ერთნაირი სიცოცხლე და ხალხის კეთილდღეობის გულისათვის ერთნაირი სიკვდილი გვიწერიაო!“³

2. სარდინიაში ყოფნის ქაშს გაიუსმა კეთილშობილება და ვაჟკაცობა მრავალი მაგალითით დაამტკიცა. იგი დიდად გამოიჩინებოდა სხვა ახალგაზრდებს შორის მამაცობით, სამართლიანობით, რასაც ხელქვეითებთან ურთიერთობაში იჩენდა, ბოლოს იმით, რომ საკუთარ სარდალს დიდი მოკრძალებით და პატივისცემით ეპყრობოდა. რაც შეეხება გონივრულობას, უბრალოებასა და შრომისმოყვარეობას, გაიუსი ამ მხრივ უფროსებსაც კი აღემატებოდა.

იმ წელიწადს სარდინიაში მკაცრი და ჯანმრთელობისათვის პირდაპირ დამლუპველი ზამთარი დადგა. კონსულმა ორესტემ სარდინიის ქალაქებს ჯარისკაცებისათვის თბილი ტანსაცმელი მოსთხოვა, მაგრამ ამ ქალაქებმა რომში ელჩები აფრინეს და სენატს სთხოვეს; ასეთი ხარკისაგან გაგვათავისუფლეთო. სენატმა თხოვნა შეიწყნარა და კონსულს დაავალა სხვაგან ეშოვნა ტანსაცმელი ჯარისკაცებისათვის. კონსულმა ეს ვერაფრით ვერ მოახერხა, ჯარისკაცები კი სიცივით იყინებოდნენ. მაშინ გაიუსმა სათითაოდ ჩამოიარა სარდინიის ქალაქები და ისეთი ზეგავლენა მოახდინა მათზე, რომ ისინი მაშინვე დაეხმარნენ რომაელებს და ჯარისკაცებს ტანსაცმელი გაუზზავნეს.

გაიუსის ასეთი მოქმედების ამბავი რომ რომს ჩაიტანეს, იქ ეს დემა-

გოგის დასაწყისად ჩათვალეს. სენატი მეტისმეტად შეშფოთდა. სწორედ ამ დროს ლიბიიდან რომში ჩამოვიდნენ მეფე მიციფსას⁴ გამოგზავნილი ელჩები, რომლებმაც განაცხადეს: ჩვენმა მეფემ გაიუს გრაქუსის ხათრით კონსულ ორესტეს სარდინიაში პურის მარაგი გაუგზავნაო. სენატორები ამაზე მთლად გაცოფდნენ და მიციფსას ელჩები რომიდან გარეკეს. სენატორებმა ამის შემდეგ დადგენილება გამოიტანეს სარდინიაში მყოფი ჯარი ახალი ჯარით შეეცვალათ; კონსულ ორესტეს წინადადება ეძლეოდა ადგილზევე დარჩენილიყო. მათი აზრით, რაკილა უფროსი რჩებოდა, თავის მოვალეობას გაიუსიც იქვე გააგრძელებდა.

მივიდა თუ არა ამ დადგენილების ამბავი გაიუსის ყურამდე, იგი გაჯავრდა, ჩაჯდა ზომალდში და ყველახათვის მოულოდნელად რომში გაჩნდა. ასეთი საქციელი გაიუსს ბრალდებად შეურაცხეს მტრებმა და ხალხსაც უცნაურად მოეჩვენა ის, რომ კვესტორად მყოფი კაცი თავის უფროსზე აღრე სტოვებდა თანამდებობას.

გაიუსი სამართალში მისცეს. მას ცენზორთა სასამართლო ასამართლებდა. აქ მან სიტყვა მოითხოვა და ისე შეუუცვალა მსმენელთ გუნება-განწყობილება, რომ გაამართლეს და უსამართლოდ დაჩაგრულ კაცად ჩათვალეს. მთელი სასამართლო ამ აზრით დაიშალა. გაიუსმა თავის სიტყვაში შემდეგი თქვა: „მე მონაწილეობა მივიღე თორმეტ ლაშქრობაში, მაშინ როცა სხვებმა, კანონის თანახმად, მხოლოდ ათჯერ ილაშქრეს. მე კვესტორად ვახლდი კონსულ ორესტეს მთელი სამი წლის მანძილზე. მაშინ როცა კანონი უფლებას მაძლევდა ერთი წლის სამსახურის შემდეგ წამოვსულიყავი სარდინიიდან. ყველა მოლაშქრეთაგან მხოლოდ მე წავიღე ფულით სავსე ქისა და უკან ცარიელი ჩამოვიტანე, მაშინ როცა სხვებმა შინიდან წამოღებული ღვინით სავსე ამფორები გამოცალეს და უკან ოქროთი და ვერცხლით სავსე ჩამოიტანეს“.

3. ამის შემდეგ გაიუსი კვლავ რამდენჯერმე მისცეს სამართალში. ახლა ბრალად სდებდნენ სხვა დანაშაულს. ასე, მაგალითად, აბრალდებდნენ მოკავშირეთა აჯანყებას და ფრეგელის შეთქმულებაში მონაწილეობას⁵. მაგრამ გაიუსმა ყოველგვარი ეჭვებისაგან დაიხსნა თავი, დაამტკიცა თავისი უდანაშაულობა და მყისვე დაიწყო სწრაფვა სახალხო ტრიბუნის თანამდებობისაკენ. მთელი წარჩინებულობა, როგორც ერთი კაცი, ამის წინააღმდეგ დაირაზმა; სამაგიეროდ არჩევნებში

გაიუსის დასახმარებლად იმდენი ხალხი მოაწყდა რომს იტალიიდან, რომ ძალიან ბევრმა თავშესაფარი ვერ იშოვა ქალაქში. არჩევნებში მონაწილეთა ასეთი სიმრავლე ფორუმმა ვერ დაიტია. ამიტომ ხმის მიცემა სახლის სახურავებიდან და ბანებიდანაც კი ხდებოდა.

წარჩინებულებმა იმით დაძლიეს ხალხი და იმით შეაკვეცეს ფრთა გაიუსის იმედებს, რომ გაიუსი საკუთარი მოლოდინის წინააღმდეგ აირჩიეს არა პირველ, არამედ მეოთხე ტრიბუნად⁶. მაგრამ, მიუხედავად ამისა, მიიღო თუ არა თანამდებობა, მაშინვე პირველი ადგილი დაიკავა. ეს იმიტომ, რომ მის მჭევრმეტყველებას ისეთი ძალა ჰქონდა, როგორიც არავისას. დასტიროდა რა თავის ძმას, გაიუსს ეს საშუალებას აძლევდა ფრიად თამამად და თავისუფლად ელაპარაკა. როგორც კი ჩაივდებდა ხელში რაიმე საბაბს, გაიუსი მყისვე აკონებდა ხალხს ტიბერიუსის თავზე დატრიალებულ შემადრწუნებელ ამბავს და ამ მოგონებას წარსულის მაგალითებს ურთავდა. ასე, მაგალითად, იგი ახსენებდა ხალხს, თუ როგორ გამოუცხადეს ომი რომაელთა წინაპრებმა ფალისკებს⁷ იმიტომ, რომ ფალისკებმა მათი სახალხო ტრიბუნი — ვინმე გენუციუსი გალანძღეს; თუ როგორ მიუსაჯეს სიკვდილი გაიუს გეტურიუსს მხოლოდ იმისათვის, რომ მან ერთადერთმა არ დაუთმო გზა ფორუმზე მომავალ სახალხო ტრიბუნს. „ტიბერიუსი კი, — ეუბნებოდა გაიუსი ხალხს, — თქვენ თვალწინ კეტებით მოკლეს მდიდრებმა და მის გვამს გულშემზარავად მიათრევდნენ კაპიტოლიუმიდან შუაგულ ქალაქამდე მდინარეში გადასაგდებად. ტიბერიუსის მეგობრები, რომლებიც შეპყრობილ იქნენ, გაუსამართლებლად დახოცეს მაშინ, როცა ჩვენ მამა-პაპათაგან დანატოვარი კანონი გვაქვს; კანონი, რომლის ძალითაც, თუ სისხლის სამართლის დანაშაულის ჩამდენი სასამართლოში არ გამოცხადდება, მის კარზე დილით ადრე მიდის მებუჯე და სასამართლოში იწვევს. მანამდე ამ კანონის თანახმად მოსამართლეთ განაჩენი არ გამოაქვთ. აი, როგორი ფრთხილნი და წინდახედულნი იყვნენ ჩვენი წინაპრები ადამიანის ბედის განკითხვის საქმეში!“

4. გაიუსმა (იგი მეტად მაღალი, ძლიერი ხმით ლაპარაკობდა ხოლმე) ასეთი სიტყვებით ხალხი ძლიერ ააღელვა და მერმე ორი კანონი შეიტანა დასამტკიცებლად სახალხო კრებაში. პირველი კანონი ხელმეორედ თანამდებობის დაკავების ნებას არ აძლევდა იმ პირს, ვისაც ხალხმა ერთხელ უკვე ჩამოართვა ეს თანამდებობა; მეორე კა-

ნონი კი უფლებას ანიჭებდა ხალხს თვითონვე გაესამართლებინა ის თანამდებობის პირები, რომლებიც გაუსამართლებლივ აძევებდნენ რომიდან რომის მოქალაქეს. პირველი კანონი აშკარად ჰყრიდა ღირსებას მარკუს ოქტავიუსს, რომელიც სახალხო ტრიბუნის თანამდებობიდან ტიბერტიუსის დაყენებით იქნა გადაყენებული. რაც შეეხება მეორე კანონს, მას მხედველობაში ჰყავდა პოპილიუსი, რომელმაც თავისი პრეტორობის დროს გაუსამართლებლად გააძევა რომიდან ტიბერტიუსის მეგობრები⁸. პოპილიუსმა ხალხის საშსჯავროს აღარ დაუცადა და იტალიიდან გაიქცა; პირველი კანონი კი გაიუსმა უკანვე წაიღო. მან განაცხადა: დედაჩემ კორნელიას თხოვნით ოქტავიუსისათვის მიბატიებიაო. ხალხს ესიაშოვნა ასეთი წყალობა და გაიუსს კანონის უკან წაღება დაუდასტურა. ამის მიზეზი ის იყო, რომ ხალხი პატივს სცემდა კორნელიას, როგორც სციპიონის ქალიშვილს, უფრო მეტად კი როგორც გრაკუსების დედას. შემდეგ ხანებში რომაელებმა მას სპილენძის ქანდაკება დაუდგეს და ზედ ასეთი წარწერა გაუკეთეს: კორნელია, გრაკუსების დედა⁹.

სხვათა შორის, ჩვენ გადმოგვცემენ მრავალ სიტყვას, რომლებიც დიდი მჭევრმეტყველებით წარმოუთქვამს გაიუსს დედამისზე ერთ-ერთ თავის მტერთან პაექრობის დროს ფორუმზე. „განა შენ ბედავ, — მიუმართავს მას მტრისათვის, — გაცივხო კორნელია, ვინც ტიბერტიუსი შობა?“ რაკი კორნელიას გამკიცხველი სახელგაგარდნილი მრუში იყო, გაიუსს მისთვის უთქვამს: „განა შენ ბედავ ასე უტიფრად შეუდარო თავი კორნელიას? განა შენც გაგიჩენია შვილები, როგორც მას? ყველა რომაელმა იცის, რომ კორნელიამ, ქალმა, გაცილებით უფრო დიდხანს გაძლო უმამაკაცოდ ვიდრე შენო!“

აი, ასეთი გესლიანი იყო გაიუსის სიტყვები; ამის მსგავსი კი შეგვიძლია მრავლად ამოგვკრიფოთ მისი ნაწერებიდან.

5. იმ კანონთაგან, რომლებიც გაიუსმა ხალხის საკეთილდღეოდ და სენატს ძლიერების დასასუსტებლად წამოაყენა, ერთი კანონი ღარიბებისათვის საზოგადო მიწის დარიგებას ითვალისწინებდა; მეორე — სამხედრო კანონი იყო და წინადადებას იძლეოდა ჯარისკაცები ჯამაგირის დაუკლებლად მოემარაგებინათ ტანსაცმლით, სახელმწიფო ხარჯზე და ჩვიდმეტ წელზე ნაკლები ასაკის მოქალაქე ჯარში არ წაეყვანათ. მესამე კანონი მოკავშირეთა საკითხს ეხებოდა

და იტალიის მთელ მოსახლეობას ხმის მიცემის უფლებას ანიჭებდა რომის მოქალაქეთა თანაბრად. მეოთხე კანონი პურის კანონი იყო; იგი ღარიბთათვის პურზე დაბალ ფასებს აწესებდა. რაც შეეხება მეხუთე კანონს, ეს კანონი სასამართლო წარმოების შესახებ იყო შედგენილი და სენატორებს სამოსამართლო უფლების უდიდეს ნაწილს აბრთმევდა. ყველა უმნიშვნელოვანეს საქმეს აქამდე მხოლოდ სენატორები იხილავდნენ და ამის გამო ისინი ხალხისა და მხედრებისათვის ფოიად საშიშარი იყვნენ. სამას მოსამართლე სენატორს გაიუსმა ამდენივე კაცი დაუმატა და ამგვარად ექვსასკაციანი, შერეული სახის სასამართლო დააწესა. ამ კანონის გატარების დროს, ამბობენ, გაიუსი განსაკუთრებული ყურადღებით მოეკიდა სხვა რამესაცო. სახელობრ: ყველა მის წინ გამოსული ორატორი სენატისაკენ და ეგრეთ წოდებულ კომიციისაკენ პირმიბრუნებული ლაპარაკობდა, გაიუსმა კი პირველად შეაქცია ზურგი სენატს, მიბრუნდა ფორუმისაკენ და ისე წარმოთქვა სიტყვა. ამიერიდან იგი ყოველთვის ასე იქცეოდა. პირის ამ უბრალო შებრუნებით, უბრალო მოძრაობით გაიუსმა ფრიად დიდი საქმე გააკეთა. მან სახელმწიფოს არისტოკრატიულ წყობილებას, ასე ვთქვათ, დემოკრატიული იერი მისცა და ორატორები დაავალდებულა ლაპარაკს დროს პირი ხალხისაკენ ექნათ ხოლმე და არა სენატისაკენ.

6. ხალხმა არა მარტო მიიღო ზემოაღნიშნული სასამართლო კანონი, არამედ იმის უფლებაც მიანიჭა გაიუსს, რომ მას პირადად აერჩია მოსამართლენი მხედართა წრიდან. ამ უფლებამ გაიუსი თითქმის მონარქის ძალით აღჭურვა და სენატი იძულებული შეიქნა მის გადაწყვეტილებებს დამორჩილებოდა ხოლმე. მაგრამ გაიუსს მუდამ ისეთი წინადადებანი შემოჰქონდა, რომელნიც სენატის ღირსებას შეეფერებოდნენ. ასეთი იყო, მაგალითად, ფრიად სამართლიანი და შესანიშნავი გადაწყვეტილება იმ პურის შესახებ, რომელიც პროპრეტორმა ფაბიუსმა გამოგზავნა ესპანეთიდან. გაიუსმა დაიყოლია სენატი ეს პური გაეყიდათ, იღებული ფული ესპანეთის ქალაქებისათვის გაეგზავნათ და ფაბიუსი სასტიკად გაეკიცხათ იმისათვის, რომ თავისი ძალმომრეობით რომის მბრძანებლობას შემაძრწუნებელ და აუტანელ რამედ ხდიდა პროვინციის ხალხისათვის.

გარდა ამისა, გაიუსმა შეადგინა კანონები ახალშენთა ღიარსების, გზების გაყვანისა და საზოგადო ბედლების აშენების თაობაზე. ყვე-

ლა ამ საქმეს იგი თვითონვე ჩაუდგა სათავეში და არა მარტო არ იღლებოდა ეგზომ დიდ საქმეთა სიმძიმით, არამედ გაკვირვებასაც კი იწვევდა თავისი სისწრაფითა და შრომისმოყვარეობით. ამას იგი თითოეულ საქმეში იჩენდა და ისე მიჰყავდა ბოლომდე ესა თუ ის წამოწყება, თითქოს ამის მეტი საზრუნავი არა ჰქონოდა. გაიუსის დაუცხრომლობით და გულმოდგინეობით, რასაც ყოველ საქმეში აქსოვდა, ისინიც კი გაოცებულნი იყვნენ, ვინც მას ზიზღითა და შიშით შესცქეროდნენ.

ხალხს უკვირდა, როცა ხედავდა, გაიუსს ბუზივით გარს ეხვივნენ მოიჯარენი, ოსტატები, ელჩები, თანამდებობის პირები, ჯარისკაცები და სწავლულები; გაიუსი ყველას თავაზიანად ექცეოდა; ამ თავაზიანობის გამოჩენისას თავი დარბაისლურად ეჭირა და თითოეულს ისე ეპყრობოდა, როგორც საჭირო იყო. ამით მან გამოამყდავანა, რაოდენ უსამართლოდ იქცეოდნენ მისი ცილისმწამებლები, რომლებიც მას საშიშ, უხეშ და მოძალადე კაცს ეძახდნენ. ერთი სიტყვით, გაიუსი რომ ხალხის ჭეშმარიტი წინამძღოლი იყო, ეს ადამიანებთან ურთიერთობასა და საქმიანობაში უფრო კარგად ჩანდა, ვიდრე ტრიბუნიდან წარმოთქმულ სიტყვებში.

7. ყველაზე უფრო მეტი შრომა გაიუსმა გზების მშენებლობაზე გასწია: იგი თავგამოდებით ცდილობდა ყოველი გზა მარჯვე და ამასთან ლამაზი ყოფილიყო. ოლქებზე გამავალი შარავნები ლარივით სწორად იგებოდა და მიხვეულ-მოხვეული ადგილები არსად არა ჰქონდა ზოგიერთ მათგანს გათლილი ქვებით კირწყლავდნენ. ზოგს კი დატკეპნილი ქვიშით ამაგრებდნენ. წყალდიდობისგან გაჩენილ ნალვარევ ადგილებსა და ხეებზე ან მიწით ავსებდნენ, ანდა ზიდებით აკავშირებდნენ. ამიტომ გზა ყველგან სწორი, ერთნაირი სიმაღლისა და სიგანის გამოდიოდა. ეს მეტად ლამაზ სანახაობას ქმნიდა. გარდა ამისა, გაიუსმა ყველა გზა მიღებად დაჰყო (რომაული მილი, სხვათა შორის, რვა სტადიონზე ცოტა უფრო ნაკლებ მანძილს შეიცავს) და ყოველი მილის აღსანიშნავად ქვის ბოძები აღმართა. გზების ორივე მხარეზე, ახლო-ახლო შუალედებში დადგმულ იქნა სხვა ქვებიც. მათი დანიშნულება ის იყო, რომ ცხენოსანს ცხენზე შეჯდომა გაადვილებოდა და ამისათვის სხვისი დახმარება არ დასჭირებოდა.

8. ასეთი მოღვაწეობისათვის ხალხი გაიუსს ცამდე აღიდებდა და ყოველთვის მზად იყო გაიუსის საამებლად ყველაფერი გაეკეთებინა,

რასაც იგი მოითხოვდა. ერთხელ სახალხო კრებაზე გაიუსმა ხალხს უთხრა: თქვენგან ერთ წყალობას ვითხოვო, და დაუმატა, თუ ამ წყალობას მიიღებდა, ეს მისთვის ყველაზე უფრო სანუკვარი რამ იქნებოდა, თუ არადა არც ამაზე დაიწყებდა ჩივილს. მისი ეს გამოსვლა კონსულს თანამდებობის მოთხოვნა ეგონათ და ყველა მოელოდა იმას, რომ ერთდროულად კონსულობისა და სახალხო ტრიბუნობის მიღებას შეეცდებოდა. მაგრამ საკონსულო არჩევნების დღეს, როცა ყველანი დაძაბულ მდგომარეობაში იყვნენ, გაიუსი მარსის ველზე გაიუს ფანიუსთან ერთად გამოცხადდა. მან ხელჩაიდებული მოიყვანა ფანიუსი და აქ მეგობრების დახმარებით კონსულად წამოაყენა. ამან ფანიუსს ძალიან უშველა და კონსულად აღიარეს; გაიუსი კი მეორედ იქნა არჩეული ტრიბუნად. ხოლო ამას მიაღწია არა ხვეწნითა თუ ძალდატანების გზით, არამედ იმ სიყვარულის წყალობით, რომელიც ხალხს მის მიმართ ჰქონდა.

გაიუსმა მალე დაინახა, რომ სენატი მას აშკარად მტრობდა და ფანიუსსაც გაუცვიდა უკვე მის მიმართ კეთილგანწყობილების გრძნობა. ამიტომ კვლავ დაიწყო ხალხის მიმხრობა ახალი კანონების შემწეობით. სახელდობრ, შეადგინა კანონი ტარენტუმსა და კაპუაში ახალშენების მოწყობის შესახებ, აგრეთვე კანონი, რომელიც ითვალისწინებდა სამოქალაქო უფლებათა მინიჭებას ლათინებისათვის მთლიანად. სენატმა, რომელსაც შეეშინდა გაიუსის ძლიერება მეტისმეტად არ გაზრდილიყო, მისგან ხალხის ჩამოშორების მიზნით ახალსა და უჩვეულო ფანდს მიმართა. მანაც, თავის მხრივ, ხალხის გამოქომაგება დაიწყო და ისეთი რამეებით ცდილობდა მისი გულის მოგებას, რაც მაინცდამაინც ხელსაყრელი არ ჩანდა.

სახალხო ტრიბუნთა კოლეგიაში გაიუსს ერთი ამხანაგი ჰყავდა, სახელად ლივიუს დრუზუსი. გვარიშვილობითა და ზრდილობით ეს კაცი არც ერთ რომაელს არ ჩამორჩებოდა, ხოლო თავისი ბუნებრივი თვისებებით, მკვერმეტყველებითა და სიმდიდრით შეეძლო ყველაზე უფრო საპატიო და გავლენიან პირთ შეჯიბრებოდა. დიდებულებმა დახმარებისათვის სწორედ ამ ლივიუსს მიმართეს და მოუწოდეს მათ მხარეზე დამდგარიყო და მათთან ერთად გაიუსის წინააღმდეგ ამხედრებულიყო. ლივიუსს, სენატის რჩევით, ძალმომრეობა კი არ უნდა ეხმარა ხალხის მიმართ, არამედ რწმუნების აღსრულების დროს მისი გული მოეგო; მას ისეთი საქმეებით უნდა ეამებინა ხალხისათვის,

რომელთა შეუსრულებლობაც, მართალია, მისდამი ზიზის გამოიწვევდა ხალხში, მაგრამ სხვა მხრივ საპატიო იქნებოდა.

9. ლივიუს დრუტუსმა თავისი რწმუნება, როგორც სახალხო ტრიბუნისა, მთლიანად სენატის სამსახურს დაუქვემდებარა და ისეთი კანონების გატარება დიწყო, რომლებშიც კარგი და სასარგებლო არაფერი იყო. ლივიუსი, როგორც ეს კომედიიში ხდება ხოლმე, მხოლოდ ერთ რამეს ისახავდა მიზნად: იგი იქითკენ მიისწრაფოდა, რომ პირმოთნეობისა და მამებლობის გზით თვითონ ამოღლებულიყო ბრბოს თვალში, გაიუსი კი დაემცირებინა.

ასეთი ფანდებით სენატმა ცხადზე უცხადესი გახადა ის, რომ მისი მტრობა მიმართული იყო არა გაიუსის კანონთა, არამედ პირადად გაიუსის წინააღმდეგ, და რომ იგი, სენატი, მოწადინებული იყო ან სულ მოესპო გაიუსი, ანდა მეტისმეტად დაესუსტებინა. აი, ამის მაგალითებიც. როცა გაიუსმა წინადადება შეიტანა ორი ახალშენის დაარსებასა და იქ ყველაზე ღირსეულ მოქალაქეთა გადაყვანაზე, სენატმა გაიუსს ბრალად დასდო მლიქვნელობა ხალხის წინაშე; მაგრამ როცა ლივიუსმა წამოაყენა კანონი თორმეტი ახალშენის მოწყობისა და თითოეულ ახალშენში სამ-სამი ათასი უღარიბესი მოქალაქის გაგზავნისა, სენატმა ეს მოიწონა. სენატმა სასტიკად გააციხა გაიუსი, როგორც ბრბოს გამრყენელი, იმისათვის, რომ მან ღარიბებს მიწები დაურიგა და ყოველ მათგანს ხაზინის სასარგებლოდ გადასახადი დაუფწესა; ხოლო ლივიუსი, რომელმაც გააუქმა ეს გადასახადი დარიგებულ მიწებზე, მეტისმეტად შეაქო. როცა გაიუსმა მთელ ლათინებს სამოქალაქო უფლებები მიანიჭა, სენატი საშინლად შეშფოთდა; მაგრამ როცა ლივიუსმა წამოაყენა კანონი, რომელიც კრძალავდა ლათინების გაჭოხვას თვით სამხედრო სამსახურშიც კი, სენატმა მხარი დაუჭირა ამ კანონს.

გარდა ამისა, ლივიუსი ყოველთვის, როცა თავის კანონთა გამოცხადებამდე ტრიბუნიდან სიტყვას ამბობდა, ამტკიცებდა, ესა და ეს კანონი მე შევადგინე ხალხისათვის მზრუნველი სენატის მითითებით. ლივიუსის მოღვაწეობაში ასეთი პოლიტიკური ნაბიჯი ყველაზე უფრო სასარგებლო აღმოჩნდა, რამეთუ ლივიუსმა ამით ჩააქრო ის ეჭვი და ზიზი, რომლითაც ხალხი დიდებული შესცქეროდა და დაასუსტა ძველი გულდრძოლობა და მტრობა სენატის მიმართ. იგი ხალხს არწმუნებდა, რომ ყველა კანონი შემოჰქონდა სენატის რჩევით და რომ

ამ კანონთა ძირითადი მიზანი ხალხის დაკმაყოფილება და სიკეთე იყო.

10. უდიდესი ნდობა ხალხისადმი კეთილგანწყობილებასა და სამართლიანობაში დრუშუსმა იმით მოიპოვა, რომ იგი, როგორც ჩანდა, კანონთა შედგენის დროს არასოდეს პირად სარგებლობას არ ითვალისწინებდა. ახალშენთა მოწყობისას ლივიუს დრუშუსი ამ საქმის ხელმძღვანელად ყოველთვის სხვა ვინმეს ნიშნავდა და არა თავის თავს; ის არც საზოგადო კონებათა გამგებლობას კისრულობდა ხოლმე; გაიუსი კი ყოველთვის თვითონ უდგებოდა სათავეში ასეთ საქმეთა უმრავლესსა და უდიდეს ნაწილს.

ერთ-ერთმა სახალხო ტრიბუნმა რუბრიუსმა გაატარა კანონი სციპიონის მიერ დანგრეული კართაგენის აღდგენისა და იქ ახალშენის მოწყობის შესახებ. ამ საქმის ხელმძღვანელობა წილად ხვდა გაიუსს და იგი ლიბიაში გაემგზავრა. ისარგებლა რა გაიუსის არყოფნით რომში, დრუშუსმა კიდევ უფრო მძლავრად დაიწყო გალაშქრება მის წინააღმდეგ, გადაიბირა ხალხი თავის მხარეზე და ათასგვარი ბრალდებებით ყველაზე მეტად თავს დაესხა გაიუსის ამხანაგ ფულვიუსს, რომელიც გაიუსთან ერთად არჩეული იყო მიწათა განაწილების საბჭოს წევრად. ეს ფულვიუსი ფრიად მოუსვენარი კაცი იყო; სენატს ქირივით ეზიზღებოდა იგი და სხვებიც ეჭვის თვალით შესცქეროდნენ. ფიქრობდნენ, ფულვიუსი მოკავშირეებს აღელვებს და იტალიოტებს ფარულად აჯანყებისაკენ მოუწოდებსო. ეს ეჭვები გამოთქმული იყო სრულიად უსაფუძვლოდ, დაუმტკიცებლად; მაგრამ ამ ეჭვებს თვითონ ფულვიუსი აძლევდა საბაბს თავისი მოქმედებით, როგორც შფოთისმოყვარული და მშვიდობისმოძულე კაცი.

ყველაზე მეტად სწორედ ამ ამბავმა დაატეხა თავს გაიუსს ზიზღი და კიდევაც დაღუპა იგი.

როდესაც სრულიად მოულოდნელად გარდაიცვალა სციპიონ აფრიკელი და მის ცხედარზე ძალადობის ნიშნები ნახეს, როგორც ეს ჩვენ მისი ცხოვრების აღწერაში გვაქვს გადმოცემული, ამ საქმეში ბრალი უწინარეს ყოვლისა ფულვიუსს დასდეს¹⁰. საქმე ის იყო, რომ ფულვიუსი სციპიონის დიდ მტრად ითვლებოდა და გარდაცვალების დღეს კიდევაც შეურაცხყო იგი ტრიბუნიდან. სციპიონის მკვლელობის ეჭვი შეეხო გაიუსსაც. ეს შემადრწუნებელი ბოროტმოქმედება, სხვათა შორის, ყოველგვარი მისაგებლის გარეშე დარჩა; კვლევა-ძი-

გზაც კი არ უწარმოებიათ. კვლევა-ძიების წარმოების წინააღმდეგ წავიდა ხალხი და იმის შიშით, მკვლელობის გამოკვლევის დროს დამნაშავედ გაიუსიც არ აღმოჩენილიყო, საკმე მოსპო. მაგრამ ეს ამბავი უფრო ადრე მოხდა.

11. ლიბიაში დანგრეული კართაგენის ადგილას იმ ახალშენის დაარსებას, რომელსაც გაიუსმა იუნონია, ესე იგი ჰერაია უწოდა, ამბობენ, თან მრავალი ავის მომასწავებელი ნიშანი ახლდაო.

პირველი ალამი, თუმცა მებაირალე მთელი ძალ-ღონით ცდილობდა მის შენარჩუნებას, ქარმა გაიტაცა და დაფლითა. მძლავრად მოვარდნილმა ქარმა გაფანტა ავრეთვე საკურთხეველებზე დაწყობილი სამსხვერპლო საქონლის შიგნეული და ახალშენისათვის შემონახულ საზღვრებზე გადაიტანა. მერმე მგლები მოცვივდნენ, ამოგლიჯეს სამიჯნო ბოძები და შორს გაიტაცეს.

მიუხედავად ასეთი ნიშნებისა, გაიუსმა სულ რაღაც სამოცდაათ დღეში მოაგვარა ყველაფერი, რაც კი ახალშენის დაარსებისათვის იყო საჭირო. ამის შემდეგ რომში დაბრუნდა, ვინაიდან შეიტყო, დრუზუსი ფულვიუსს სდევნისო, და თანაც გრძნობდა, ამბავთა მსვლელობა მის რომში ყოფნას მოითხოვდა.

ლუციუს ოპიმიუსი, ოლიგარქიული დაჯგუფების მომხრე და სენატში დიდი გავლენის მქონე კაცი, წინა წელს, როცა კონსულობისავე მიისწრაფოდა, დამარცხდა¹¹. ამის მიზეზი კი ის გახლდათ, რომ გაიუსმა ფანიუსი წამოაყენა კონსულად. ოპიმიუსს ბევრი მხარდამჭერი ჰყავდა და დაიმედებული იყო, რომ ნამდვილად მიიღებდა კონსულობას, ამ თანამდებობის აღსრულების დროს კი გაანადგურებდა გაიუსს, ვისი ძალაც დაკნინებას იწყებდა. ოპიმიუსს იმის იმედიც ჰქონდა, რომ ხალხი, რომლის წინაშე სენატი უკვე დათმობაზე მიდიოდა, გამაძლარი იყო სხვადასხვა წარჩინებულ პირთა მიერ გამოცემული გულის მოსაგები კანონებით.

12. ჩამოვიდა თუ არა რომში, გაიუსი, უწინარეს ყოვლისა ხალხთან დასაახლოებლად პალაციუმიდან ფორუმს ქვემოთ მდებარე ადგილზე გადასახლდა; ეს ადგილი თითქმის სულ უბრალო და ღარიბი მოქალაქეების სამკვიდრებელს წარმოადგენდა. ამის შემდეგ გაიუსმა გამოაქვეყნა თავისი დანარჩენი კანონები, რათა ისინი კენჭისყრის საშუალებით ძალაში შესულიყო. როცა სენატმა დაინახა, კანონისათვის ხმის მისაცემად გაიუსის ირგვლივ ყოველმხრივ იკრიბებოდა

ბრბო, მაშინ დაიყოლია კონსული ფანიუსი უკლებლივ გაეძევებინა ქალაქიდან ყველა ის პირი, ვინც რომაელი არ იყო. როდესაც გამოაქვეყნეს ეს უჩვეულო და უცნაური ბრძანება, რომელიც სასტიკად უკრძალავდა რომაელი ხალხის ყველა მოკავშირესა და მეგობარს იმ დღეებში უბრალო გამოჩენასაც კი, გაიჟსმა თავის მხრივ გამოსცა განცხადება, რომლითაც კონსულის მოქმედების წინააღმდეგ ილაშქრებდა და მოკავშირეთ დახმარებას ჰპირდებოდა, თუკი ისინი რომში დარჩენას მოისურვებდნენ. მაგრამ გაიჟსმა დაპირებული დახმარება მათ ვერ გაუწია. ასე, მაგალითად, როცა დაინახა, ერთ-ერთი მისი სტუმარი და ახლობელი კაცი ფანიუსის ლიქტორებს შეპყრობილი მიჰყავდათ, მის დასაცავად ხელი ვერ გამოიღო და გვერდი აუარა. იგი ან იმიტომ მოიქცა ასე, რომ შეეშინდა ამაო გამოსარჩლებით საკუთარი ძალისა და გავლენის დაკნინება არ გამოემუღავნებინა, ანდა, როგორც თვითონ ამბობდა, არ უნდოდა მტრებისათვის მიეცა ხელჩართული ბრძოლის საბაზი, რასაც ისინი უამისოდაც დაეძებდნენ.

გაიჟსი თავის ამხანაგებსაც კი წაეყიდა. აი ამის მიზეზი. ქალაქის მმართველებმა მოედანზე გლადიატორთა ბრძოლის სანახაობის მოწყობა განიზრახეს ხალხისათვის. ამ საქმის გამგებლებმა მოედნის ირგვლივ მერხები დადგეს და მათ დასაკავებლად ფასი დააწესეს. გაიჟსმა უბრძანა დაუყოვნებლივ აეღოთ ეს მერხები, რათა ღარიბ ხალხს დაცლილი ადგილიდან უფასოდ შეძლებოდა სანახაობის ცქერა. მის ბრძანებას არავინ არ დაემორჩილა. მაშინ გაიჟსმა სანახაობისათვის დანიშნული დღის წინა ღამეს დაუცადა და როცა ეს ღამე დადვა, წაიყვანა თან დაქირავებული მუშები, რამდენიც კი გამგებლობაში ჰყავდა, დააშლევინა მერხები და მეორე დღეს ხალხს თავისუფალი ადგილი მიუჩინა. ასეთმა საქციელმა გაიჟსს მამაცი კაცის სახელი მოუპოვა ბრბოში, მაგრამ შეუტრაცხოფილმა ამხანაგებმა, მასავით სახალხო ტრიბუნებმა, იგი თავზედ და მოძალადე ადამიანად ჩათვალეს.

ამ შემთხვევამ, როგორც ჩანს, ხელი შეუწყო იმას, რომ იგი მესამედ აღარ აირჩიეს სახალხო ტრიბუნად. ამბობენ, ხმის უმრავლესობა მაშინ გაიჟსმა მიიღო, მაგრამ მისმა ამხანაგებმა ტრიბუნებმა ხმები განგებ დაითვალეს ცუდად და ყალბი შედეგი გამოაცხადესო. სხვათა შორის, ეს კარგა ხანს სადაო საკითხი იყო.

ასეთმა მარცხმა გაიჟსზე მძიმედ იმოქმედა. ამბობენ, მტრებს, რომლებიც მას დასცინოდნენ, მეტისმეტი სითამამით უთნაო, რომ

ისინი სარდონიული სიცილით იცინიან და არ ესმით, თუ რთვად
წყველია ჰუმანობის მათ გარშემო მისი პოლიტიკური ნაბიჯები.

იმ დღეს, როდესაც ოპიმიუტსა და მის მომხრეებს გაიუხის კანონები უნდა გაეუქმებინათ, ორივე მოწინააღმდეგე მხარემ გარაუქრუ-ზევე დაიკავა კაპიტოლიუმი. როცა კონსულმა აქ მსხვერპლი შესწი-რა, მისმა ერთ-ერთმა ლიქტორმა, ვინმე კვინტუს ანტილიუსმა, რო-მელსაც სამსხვერპლო შიგნეული ერთი ადგილიდან მეორეზე გადაჰ-ქონდა, ფულკიუსსა და მის მომხრეთ შესძახა: „თქვენ, ჰეი, მაწანწა-ლა მოქალაქენო, გზა მიეცით რიგიან ხალხსო!“ ამ სიტყვებს მან, რო-გორც ზოგიერთები გადმოგვცემენ, ზედ ისიც დააყოლა, რომ მოწინა-აღმდეგეთ გაშიშვლებული ხელით ფრიალ შეურაცხყოფელი რამ უჩ-ვენა. ანტილიუსი მყისვე განგმირეს თითქოს საგანგებოდ ასეთი საქმი-სათვის გაკეთებული ვრძელი საწერი ჯიხებით.

14. რაჟილა მაშინ დიდი წვიმა წამოვიდა, მოწინააღმდეგე მხარენი იძულებული შეიქნენ დაშლილიყვნენ. მეორე დღეს, დილაადრიან კონ-

სულმა სენატი შეკრიბა კუროაში და ბჭობა დაიწყო. სწორედ ამ დროს საგანგებოდ დანიშნულმა პირებმა, რომელთაც ანტილიუსის გამოწვევებული სხეული საკაცზე დაედოთ, ფორუმი გადმოიარეს და გვამი თვალთმაქცური მოთქმითა და ტირილით კუროის კარებამდე მიიტანეს. ოპიმიუსმა კარგად იცოდა, რაც მოხდა, მაგრამ თავი მოიკატუნა და ჰკვირობდა: რა ამბავიაო? მაშინ სენატორები ამბის გასაგებად გარეთ გამოვიდნენ და, როცა მოედნის შუაგულში დასვენებული ცხედარი იხილეს, წუხილი დაიწყეს, თითქოს რაღაც საშინელი და მეტისმეტად დიდი უბედურება მომხდარიყოს. ამ თვალთმაქცობამ უსახლვრო ზიზი და წყრომა გამოიწვია ხალხში წარჩინებულთა მიმართ. „მათ, — ამბობდა ხალხი, — საკუთარი ხელით მოჰკლეს კაპიტოლიუმზე სახალხო ტრიბუნი ტიბერიუს გრაქუსი და მისი გვამი მდინარეში გადაადგდეს; ლიქტორი ანტილიუსი კი, რომელიც შეიძლება დაუშახტურებლად მოკლეს, თუმცა ამის მიზეზი თვითონვე იყო, ავერ ფორუმზე დასვენებული! მის წინ დგას რომელი ხალხის სენატი, დასტირის მას და უბრალო, დაქირავებულ კაცს პატივით ასაფლავებს; ამას კი სენატი იმისათვის აკეთებს, რომ მოსპობს ერთადერთი გადარჩენილი მზრუნველი საწყალი ხალხისა!“

სენატორები კუროაში შებრუნდნენ, გამოიტანეს საგანგებო გადაწყვეტილება და კონსულ ოპიმიუსს დაავალეს, როგორც კი შეეძლო გადაეჩინა ქალაქი და გაენადგურებინა მოძალადე ტირანები. ოპიმიუსმა სენატორებს წინადადება მისცა იარაღი აეჭხათ, მხედრებს კი უბრძანა მეორე დღეს ვარიურაჟზე ყოველ მათგანს ორ-ორი შეიარაღებული მონა მოეყვანა. ფულვიუსიც თავის მხრივ მოემზადა და მრავალრიცხოვანი ბრბო შეკრიბა. გაიუსი, როცა ფორუმიდან მიდიოდა, მამამისის ქანდაკების წინ შეჩერდა, დიდხანს უცქირა დუმილით და მერმე ცრემლების ღვრითა და ღვრით გაშორდა. ამ სურათის დაინახვამ ხალხს გული აუჩვილა. გაიუსის მწუხარების მოწმეებმა გააციხეს თავიანთი თავი, რომ ასეთი კაცი ბედის ანაბარა მიატოვეს და გასცეს; მერმე სახლამდე გაჰყვნენ მას, იქ, კარის წინ, დაარჯად დაუდგნენ და ღამე გაუთიეს. ესენი ფულვიუსის მცველთა მსგავსად როდი მოიქცნენ. ფულვიუსის გათამამებულმა მცველებმა მთელი ღამე ღვინის სმაში, ტანისკვრასა და ღრიანცელში გაატარეს. ყველაზე უწინ თვითონ ფულვიუსი დათვრა და ისეთ უხეშ ლაპარაკსა და მოქმედებას მოჰყვა, რაც მის ასაკს სრულგებობაც არ შეეფერებოდა.

გაიუსის სახლის წინ დარაჯად მდგარნი კი, ვით ეს საყოველთაო უბედურების ჟამს შეშვენოდა, სრულ სიწყნარეს იცავდნენ, მყოფადის შესახებ დინჯად მსჯელობდნენ და წასაძინებლად ერთმანეთს რიგრიგობით სცვლიდნენ.

15. მეორე დღეს, გარიერაზე, როცა ძლივძლივობით გამოაფხიზლეს ღრმად ჩაძინებული მთვრალი ფულვიუსი, მისი მომხრენი შეიარაღდნენ იმ საჭურვლით, რომელიც ფულვიუსის სახლში მოიპოვებოდა და რომელიც ფულვიუსმა ხელთ იგდო კონსულობის დროს, როცა გალები დაამარცხა. ამის შემდეგ ფულვიუსის შეიარაღებული ხალხი დიდი მუქარითა და ყიჟინით ავენტინუმის გორაკის დასაქვევებლად გაეშურა.

რაც შეეხება გაიუსს, იმ დღეს იარაღის ასხმა არ მოისურვა და სახლიდან ტოვის ამარა გამოვიდა ისე, როგორც ჩვეულებრივ გამოდიოდა ხოლმე ფორუმზე წასასვლელად. წელზე ახლაც მხოლოდ მოკლე მახვილი ერტყა.

როცა სახლიდან გამოსვლას აპირებდა, კართან ცოლი ჩაუვარდა ფეხებში. ცალი ხელი მას ჩასჭიდა, ცალიც პაწაწა ვაჟსა და ასე უთხრა: „დღეს შენ, ჩემო გაიუს, უწინდებურად ტრიბუნაზე როდი გაცილებ, ვით სახალხო ტრიბუნსა და კანონმდებელს; არც სახელოვან ომში მიდიხარ, სადაც შეიძლება სხვებთან ერთად დაღუპულიყავ მაგრამ ამით ისეთ ტანჯვას მაინც მომგვრიდი, რომელსაც საამაყო ნუგეში შემოსავდა. ახლა შენს თავს ტიბერიუსის მკვლელთ უგდებ ხელში და შენს სიმაართლეში დარწმუნებული უიარაღოდ მიდიხარ; მზად ხარ ყველაფერი აიტანო და სხვაზე ხელი არ აღმართო; შენ დაიდუბები, მაგრამ შენი სიკვდილი საერთო საქმეს სარგებლობას როდი მოუტანს. აი, ხომ ხედავ, ბოროტმოქმედებმა გაიმარჯვეს და სამართალს ახლა ძალითა და მახვილით ქმნიან. შენი ძმა რომ ნუმანიციასი მოეკლათ, დაზავების შემდეგ მის გვამს მაინც მოგვცემდნენ. როგორც ჩანს, ალბათ მე უბედურსაც მომიწევს რომელიმე მდინარეს ან ზღვას ვემუდარო მაჩუქოს ზღვის ტალღებში ჩაძირული შენი საბრალო სხეული. ტიბერიუსის მკვლელობის შემდეგ განა სანდოა კანონები ანდა ღმერთები?“

აი, ასე ამბობდა ლიციनिया და თან ცრემლებად იღვრებოდა. გაიუსმა წყნარად მოიცილა იგი თავიდან და მეგობრების თანხლებით წასასვლელად დაიძრა. საბრალო ლიციनिया მას ტოვაში ჩაეჭიდა, მაგ-

რამ იატაკზე დაეცა და დიდხანს ეგდო უგრძნობლად ძირს. ბოლოს გონებაშიმხდილი ქალი მონებმა ხელში აიყვანეს და მის ძმას, კრასტს მიჰგვარეს.

16. როდესაც ყველანი შეიკრიბნენ დანიშნულ ადგილზე, ფულვიუსმა, გაიუსის რჩევით, თავის უმცროს შვილს შიკრიკის კვერთხი გადასცა და მტერთან მოსალაპარაკებლად ფორუმზე ჩავზავნა. ეს ყმაწვილი მეტად ლამაზი იყო. ზრდილობიანად, კრძალვით წარდგა იგი კონსულისა და სენატორების წინაშე და მათ ცრემლების ღვრით საზავო პირობები გადასცა. სენატორთა უმრავლესობა უკვე თანახმა იყო დაზავებაზე, მაგრამ ოპიმიუსმა განაცხადა: „დამნაშავე მოქალაქენი მაცნეთა შემწეობით კი არ უნდა აწარმოებდნენ სენატთან მოლაპარაკებას, არამედ თვითონვე უნდა ჩამოვიდნენ გორაკიდან; ისინი საშჯავროს წინაშე უნდა წარდგნენ მორჩილად და შეწყალება ითხოვონ“. ამის შემდეგ ოპიმიუსმა ფულვიუსის ვაჟს უბრძანა: „აი, ამ პირობებით შეგიძლია მოხვიდე ისევ აქ, თუ არა და თვალით აღარ დაგინახოთ“.

როგორც ამბობენ, გაიუსს უნდოდა თვითონვე მისულიყო სენატთან და დაზავებაზე დაეყოლიებინა იგი; მაგრამ არავინ დაეთანხმა. მაშინ ფულვიუსმა კვლავ გაგზავნა შვილი ძველი პირობებით. ოპიმიუსმა, რომელიც ისედაც ჩქარობდა ბრძოლის გაჩაღებას, ყმაწვილი ამჯერად დააჭერინა და საპყრობილეში გაგზავნა, თვითონ კი მრავალრიცხოვან მძიმედ შეიარაღებულ მეომართა და კრეტელ მოისართა თანხლებით ფულვიუსის წინააღმდეგ დაიძრა. კრეტელთა რაზმმა სეტყვასავით დააყარა ისრები ფულვიუსსა და მის მომხრეთ, დასჭრა მრავალი, საშინელი აურზაური შეიტანა მტრის რიგებში და მოწინააღმდეგე უკუაქცია. ფულვიუსმა თავი ერთ უპატრონოდ მიგდებულ აბანოს შეაფარა, მაგრამ სულ მალე იპოვეს და უფროს ვაჟთან ერთად აკლწეს.

გაიუსი ამ ბრძოლაში ჩაბმული არცის უნახავს. იგი ფრიად შეძრწუნებული იყო მომხდარი ამბებით და იმ განზრახვით, რომ თავი მოეკლა, დიანას ტაძარში შევიდა. მაგრამ ერთგულმა მეგობრებმა, პომპონიუსმა და ლიკინიუსმა ამის საშუალება არ მისცეს. ხელიდან მახვილი გამოჰგლიჯეს და ურჩიეს გაქცეულიყო. მაშინ, ამბობენ, გაიუსი მუხლებზე დაეცა ღმერთქალის წინაშე, ხელები აღაპყრო და შეეშუღარა, რომელ ხალხს ასეთი უმადურობისა და ღალატისათვის არა-

სოდეს არ ასცდნოდა მონობის უღელი. ხალხის უდიდესმა ნაწილმა მართლაც აშეარად უღალატა მას მაშინვე, როცა სენატმა საყოველთაო პატიება გამოაქვეყნა.

17. გაქცეულ გაიუსს მტრები დაედევნენ და ერთ ბოგირთან წა-
მოეწივნენ. ერთგულმა მეგობრებმა, პომპონიუსმა და ლიცინიუსმა
გაიუსი აიძულეს კვლავ განეგრძო გზა, თვითონ კი მდევრებს გადა-
უდგნენ წინ, შეებრძოლნენ და, სანამ არ დაიხოცნენ, არც ერთი მათ-
განი ხიდთან არ მიუშვეს.

ლტოლვილ გაიუსს თან მიჰყვებოდა ერთი მონა, სახელად ფილო-
კრატე. შემხვედრი ხალხი მხოლოდ ამხნევებდა გაიუსს, თითქოს
იგი რაღაც უბრალო შეჭიბრებაში მონაწილეობდა და არა სამკვდრო-
სასიცოცხლო ბრძოლაში, დახმარებით კი არავინ დახმარებია; ის კი
არა, ცხენიც არ ათხოვეს, თუმცა მეტად იხვეწებოდა. მდევრები გა-
იუსს ისევ მიუახლოვდნენ. მან დაასწრო და ფურიათა პატარა, წმინ-
და ჭალაში შევიდა. აქ იგი მისივე თხოვნით მოკლა ფილოკრატემ,
რომელმაც მერმე თვითონაც მოიკლა თავი. ზოგიერთთა გადმოცემით
კი ისინი ცოცხლად ჩაუვარდნენ ხელში მტრებს; ფილოკრატე ისე
მჭიდროდ მიეკრა თურმე მაშინ თავის პატრონს, რომ გაიუსისათვის
შახვილის დაკვრა ვერც ერთმა მდევარმა ვერ მოახერხა მანამ, სანამ
მონა მრავალი დაკვრით არ მოკლესო.

იმასაც ამბობენ, ვიღაც უცნობმა კაცმა გაიუსს თავი მოჰკვეთა
და კონსულთან მიჰქონდაო; მაგრამ ეს თავი ოპიმიუსის ერთმა მეგო-
ბარმა, ვინმე სეპტიმულეიუსმა წაართვა, ვინაიდან ბრძოლის დაწყე-
ბის წინ გამოაცხადეს, რომ გაიუსისა და ფულვიუსის თავების მომ-
ტანთ ამ თავების წონა ოქრო მიეცემათ ჯილდოდო. შუბზე წამოცმუ-
ლი თავი სეპტიმულეიუსმა კონსულ ოპიმიუსს მიართვა. მოიტანეს
სასწორი და გაიუსის თავი აწონეს. იგი ჩვიდმეტნახევარი გირვანქა
გამოვიდა თურმე. საქმე ის იყო, რომ სეპტიმულეიუსმა აქაც ითალ-
ლითა და გაიმეგრობა გამოიჩინა; მან თავიდან ტვინი ამოიღო, განთა-
ვისუფლებული სივრცე კი ტყვიით ამოავსო. ფულვიუსის თავის მომ-
ტანთ, ვინაიდან ისინი უბრალო ხალხი აღმოჩნდნენ, არაფერი მიუ-
ღიათ.

გაიუსისა და ფულვიუსის ცხედრები მოკლულთა სხვა გვამებთან
ერთად, რომელთა რიცხვიც სამი ათასამდე აღწევდა, მდინარეში გა-
დაყარეს. მათი ქონება სახელმწიფო ხაზინას გადაეცა. დახოცილთა

ცოლებს სამგლოვიარო წესის აღსრულება სასტიკად აეკრძალათ, ხოლო გაიუსის ქვრივს ლიცინიას მზითევიც კი წაართვეს.

გაიუსის მტრები შეტისმეტად შეუბრალებლად მოექცნენ ფულვიუსს უმცროს ვაჟს. ამ ყმაწვილს ხელი არავის წინააღმდეგ არ აღუშრათავს და არც ბრძოლაში მიუღია მონაწილეობა. ბრძოლის დაწყების წინ იგი საზავო პაროზებით მივიდა კონსულთან, მაგრამ მაშინ შეიპყრეს, ხოლო ბრძოლის დამთავრების შემდეგ მოკლეს. კონსულის ამ საქციელისა თუ სხვა ამგვარ მოქმედებათა გარდა ხალხი უფრო მეტად მაინც იმან აღაშფოთა, რომ ობიმიუსმა თანხმობის ტაძარი ააგო. ეს იმის ნიშანი იყო, რომ ობიმიუსი ამყობდა თავისი მოქმედებით, ღიდგულობდა და ამდენი ხალხის დაღუპვის აღსანიშნავად თითქოს ერთგვარ ტრიუმფს იხდიდა. აი, ამიტომ ვილაციებმა ტაძარს ღამით ასეთი ტაეზი წააწერეს:

უფუნურმა აუგო საქმემ ეს ტაძარი თანხმობის ღმერთქალს.

18. ობიმიუსი პირველი კაცი იყო, რომელმაც კონსულობაში დიქტატორის უფლებები მიიღო; მან გაუსამართლებლად დახოცა სამი ათასი მოქალაქე, მათ შორის კონსულად ნამყოფი და ტრიუმფგადახდილი ფულვიუს ფლავუსი და ტოლსწორებში სიქველთა და სახელოვნებით გამორჩეული გაიუს გრაქხუსი. აი, ამ ობიმიუსმა მერმე მექრთამეობასაც მიჰყო ხელი. როცა იგი ნუმიდიის მეფე იუგურთასთან ელჩად გაგზავნეს, ამ მეფისაგან ფული მიიღო ქრთამად. მექრთამეობისათვის ობიმიუსი გასამართლეს და სასტიკად შეარცხვენეს. პატივაყრილი დაბერდა იგი საყოველთაო ზიზღსა და კიცხვაში.

რომაელი ხალხი ობიმიუსის წყალობით გაჩაღებული ხოცვა-ჟლეტის ქაშს სასოწარკვეთილი და ხელებშებოროკილი იყო, მაგრამ მცირე ხნის შემდეგ მან დაუბრკოლებლად გამოამეტავნა, თუ როგორ უსაზღვროდ განიცდიდა გრაქხუსთა სიკვდილს. დახოცილ ძმებს ქანდაკებები გაუქეთეს და საჯარო ადგილზე დადგეს; ის ადგილები კი, სადაც ტიბერიუსი და გაიუსი დახოცეს, წმინდა ადგილებად აღიარეს. რომაელ ხალხს აქ შესაწირავად მოჰქონდა წლის დროთა ყველა ის პირველი ნაყოფი, რასაც დედამიწა იძლევა. მოქალაქენი მრავლად მოდიოდნენ ხოლმე ამ ადგილებთან, ვით ღმერთთა ტაძრებთან, სწირავდნენ მსხვერპლს და პირქვე ემხოზოდნენ.

19. კორნელიამ, როგორც გადმოგვცემენ, ეს მეორე უბედურებაი

დიდი სულგრძელობით გადაიტანა. იმ წმინდა ადგილთა შესახებ, სადაც მისი შვილები დახოცეს, ასე თქვა თურმე: „ჩემს შვილებს ღირსეული საფლავები აქვთო“.

ტიბერიუსისა და გაიუსის სიკვდილის შემდეგ კორნელია ეკრეთ წოდებულ მიზენუმის¹³ მახლობლად ცხოვრობდა და ცხოვრების ჩვეული ნირი ოდნავადაც არ შეუცვლია. მას მრავალი მეგობარი ჰყავდა და ისეთი სტუმართმოყვარე იყო, რომ პურმარტილი ყველასათვის მზად ჰქონდა. მასთან ხშირად იყვნენ ბერძნები და სწავლული კაცები. სხვადასხვა ქვეყნის მეფენი საჩუქრებს უგზავნიდნენ და, თავის მხრივ, ისიც სამაგიეროს უხდიდა. კორნელია მეტად სასიამოვნოდ უყვებოდა ხოლმე სტუმრებსა და შინაურებს თავისი მამის — სციპიონ აფრიკელის ცხოვრებისა და მოღვაწეობის ამბებს. ყველაზე უფრო დიდ გაკვირვებას კი კორნელია მაშინ იწვევდა, როცა სრულიად უდარდელად მოიგონებდა ხოლმე. საკუთარი შვილების საგმირო საქმეებსა და დაღუპვას. ისე ჩანდა, თითქოს ვიღაც ძველისძველ დროში მცხოვრებ პირთა ამბებს უყვებოდა მსმენელთ. აი, ამიტომ ეგონათ ზოგიერთებს: სიბერისაგან კორნელიამ ჭკუა-გონება დაკარგა და აუწერელ უბედურებათა მიზეზით გრძნობები დაუჩლუნგდაო. სინამდვილეში კი თვითონ ისინი იყვნენ გრძნობადაჩლუნგებულნი, რომელთაც ასე ეგონათ. მათ არ ესმოდათ, თუ რაოდენ მხნეობას აღლევს ადამიანს თანდაყოლილი კეთილი თვისებები და კარგი აღზრდა. არ ესმოდათ, რომ გასაჭირის ქაშს ბედი ხშირად მძლავრობს ხოლმე სიკეთეზე, მაგრამ ამავე ბედს სრულიად არ ძალუძს მწუხარების დიდსულოვნად გადატანის უნარი წაართვას სიკეთეს თუნდაც უსაზღვრო უბედურების დროს.

ციცერონი

1. გადმოცემის თანახმად, ციცერონის დედა, ჰელვია, კეთილშობილი ქალი იყო და პატიოსან ცხოვრებას ეწეოდა; მამის თაობაზე კი სარწმუნო იმთავითვე არაფერი იცოდნენ. ზოგიერთთა მიხედვით იგი სადღაც სამღებრო სახელოსნოში დაბადებულია და იქვე გაზრდილა, სხვები კი მას ვოლსკების სახელოვანი მეფის, რომაელთა წინააღმდეგ მამაცი მებრძოლის ტულიუს ატიუსის შთამომავლად თვლიან¹. ასეთი თუ ისე, მის გვარეულობაში პირველი კაცი, ვინც ციცერონად იწოდებოდა, ეტყობა, საკმაოდ სახელმოხვეჭილი ვინმე იყო. ეს იქიდან ჩანს, რომ მისმა ჩამომავლებმა შერქმეული მეტსახელი თავიდან კი არ მოიცვილეს, არამედ სიყვარულით შეითვისეს, თუმცა ბევრს ის სასაცილოდ ჰქონდა აგებული. საჭმე ისაა, რომ „ციცერონს“ ლათინები ცერცვს ეძახიან; პირველ ციცერონს თურმე ცხვირის წვერზე ცერცვის ნაჩვრეტის მსგავსი პაწაწა ნაპობი ჰქონია და მეტსახელიც აქედან მიუღია².

იმ ციცერონს, ვისზედაც ჩვენ ახლა ვწერთ, როცა მან პოლიტიკურ ასპარეზზე შედგა ფეხი და თანამდებობისაკენ სწრაფვა დაიწყო, მეგობრებმა ურჩიეს ძველი მეტსახელი თავიდან მოეცილებინა და ახლით შეეცვალა; მაგრამ მან ახალგაზრდული სიამაყით დაიკვება თურმე: ყოველნაირად ვეცდები ციცერონის სახელი სკავრუსებისა და კატულუსების სახელებზე უფრო სანაქებო გავხადოო³.

სიცილიაში კვესტორად ყოფნის უამს ციცერონმა ღმერთებს ერთი ვერცხლის ნივთი შესწირა და ზედ თავის სახელთაგან მხოლოდ პირველი ორი — მარკუსი და ტულიუსი დააწერა; მათ გვერდით კი მესამე სახელის ნაცვლად ოსტატუს ხუმრობით ცერცვი ამოაქრევინა. აი ის, რასაც მისი სახელის შესახებ მოგვითხრობენ:

2. ამბობენ, ჰელვიამ ადვილად და სრულიად უმტკივნეულოდ იმ-

შობიარა ციცერონზეო. მომხდარა ეს ახალი კალენდების მესამე დღეს⁴; ამ დღეს თანამდებობის პირნი ახალი იმპერატორის კეთილდღეობისათვის აღთქმას სდებენ და მსხვერპლს სწირავენ. ციცერონის ძიძას იმხანად რაღაც აჩრდილი გამოეცხადა თურმე და უთხრა: შენ ძუძუს აწოვებ მას, ვინც რომაელთათვის დიდად სასარგებლო კაცი იქნებაო. მართალია, ეს მაშინ სიზმრად ნახულ და მოჩმხულ ამბად მიიჩნიეს, მაგრამ ციცერონმა მალე დაამტკიცა ასეთი წინასწარმეტყველების ჭეშმარიტება; როცა სასკოლო ასაკს მიაღწია, მეტად ბრწყინვალე ნიჭი გამოიჩინა და ისეთი სახელი და პატივი მოიხვეჭა ბავშვებში, რომ მამები ხშირად დადიოდნენ ხოლმე სკოლაში, რათა საკუთარი თვალით ენახათ ციცერონი და დარწმუნებულიყვნენ მის სახელგანთქმულ სწრაფ ათვისების უნარსა და საზრიანობაში, რასაც იგი მეცნიერებათა მიმართ იჩენდა. ზოგ-ზოგი მამები კი, რომლებიც უფრო გაუნათლებელნი იყვნენ, სასტიკად კიცხავდნენ თავიანთ შვილებს, როდესაც ხედავდნენ, რომ ისინი პატივისცემით ეკიდებოდნენ ციცერონს და ქუჩაში სიარულის დროს შუაში იყენებდნენ.

ციცერონი, როგორც ამას პლატონი მოითხოვს ბუნებით ცოდნისმოყვარე და ფილოსოფიისადმი მიდრეკილი კაცისაგან⁵, დიდ თავყვანს სცემდა ყოველგვარ მეცნიერებას. იგი ცოდნისა და საგანმანათლებლო მოძღვრების არც ერთ სახეს არ ეკიდებოდა უპატივცემლოდ, მაგრამ ყველაზე უფრო მეტი ხალისით მაინც პოეზიისაკენ მიისწრაფოდა⁶. ჩვენამდე მოღწეულია ტეტრამეტრებით შეთხზული მისი ყრმობისკამინდელი ერთი პატარა პოემა „პონტიუს გლავკუსი“⁷. დროთა ვითარებაში ციცერონი წარმატებით ეუფლებოდა პოეტური ზელოვნების მრავალფეროვან დარგს და სახელი მოიხვეჭა არა მარტო როგორც ორატორმა, არამედ როგორც ერთ-ერთმა საუკეთესო პოეტმაც რომაელთა შორის; მაგრამ მისი სახელი, როგორც შესანიშნავი ორატორისა, მკვევრმეტყველებაში შემოჭრილ სიბალებთა მიუხედავად, დღესაც ისევე ძლიერია, მისი პოეტური შემოქმედება კი შემდეგდროინდელ ნიჭიერ პოეტთა ზელოვნების წყალობით პატივმოკლებულ იქნა და უსახელოდ დაიფერფლა.

3. დაწყებითი განათლების მიღების შემდეგ ციცერონი უსმენდა აკადემიკოს ფილონს⁸, რომელსაც კლიტომაქეს მიმდევართა შორის ყველაზე მეტ პატივს სცემდნენ რომაელები შესანიშნავი მკვევრმეტყველების გამო და, გარდა ამისა, უყვარდათ კიდევ კარგი ხასიათი-

სათვის. ამავე ხანებში ციკერონი მჭიდროდ დაუკავშირდა მუციუს-სა⁹ და მის მეგობრებს, რომელთაც სახელი ჰქონდათ განთქმული პოლიტიკურა მოღვაწეობით და სენატშიც პირველობდნენ. ამათი წყალობით მან საფუძვლიანად შეისწავლა რომის კანონები. ერთხანს ციკერონი სამხედრო მოღვაწეობასაც ეწეოდა სულას ხელმძღვანელობით მარსების ომში¹⁰; მაგრამ მერმე, რა დაინახა, რესპუბლიკა თანდათანობით შინაომსაკენ მიისწრაფოდა და ამის წყალობით შეუზღუდავ მონარქიას უახლოვდებოდა, მშვიდ, მეცნიერულ ცხოვრებას მიეცა. იგი დაუახლოვდა ბერძენ სწავლულებს და მეცნიერებას ეწაფებოდა მანამ, სანამ სულამ არ გაიმარჯვა და რომის სახელმწიფომ ერთგვარი სიმშვიდე არ მოიპოვა.

სწორედ ამ ხანებში სულამ საჯარო ვაჭრობა გამოაცხადა პროსკრიპციათა ძალით მოკლული ერთი პიროვნების ქონებაზე. ეს ქონება ორი ათას დრაქმად შეისყიდა სულას აზატმა ქრიზოგენემ. მოკლულის შვილმა და მემკვიდრემ როსციუსმა აღშფოთებით დაიწყო მტკიცება: მამაჩემის ქონება ორას ორმოცდაათ ტალანტად ფასობსო. უსამართლობაში მხილებული სულა განრისხდა და ქრიზოგენეს შეგონებით აღძრა საქმე როსციუსის, ვითარც მამისმკვლელის, წინააღმდეგ. სულას სისასტიკის შიშით როსციუსს გერაგინ ეხმარებოდა; ის კი არა, ყველამ ზურგი შეაქცია. მარტოდმარტო დარჩენილმა ყმაწვილმა კაცმა შემწეობისათვის ციკერონს მიმართა. ციკერონი მაშინ მეგობრებმა წააქეხეს: ამაზე უფრო ბრწყინვალე და მშვენიერი დასაწყისი სახელის მოსახვეჭად სხვა არაფერი შეიძლება იყოსო.

ციკერონმა მართლაც იკისრა როსციუსის დაცვა და საოცარი წარმატებაც მოიპოვა¹¹, მაგრამ სულას შიშით რომი დატოვა და საბერძნეთში გაემგზავრა; წინასწარ კი ხმა დაყარა: შეუძლოდ ვარ, მკურნალობა მესაჭიროებაო. აგებულებით იგი მართლაც სუსტი, გამხდარი კაცი იყო; თანაც კუჭის ტკივილის გამო ფრიად მცირე, მსუბუქ საკვებს ღებულობდა და ამასაც მხოლოდ დღის მიწურულში. ხმა მეტად ძლიერი და კარგი ჰქონდა, მაგრამ ტლანქი და დაუხვეწელი. მგზნებარე, დაძაბული სიტყვის წარმოთქმისას მუდამ ისე მალდა აუწევდა ხმას, რომ მის ჯანმრთელობას ეს ერთგვარ საფრთხეს უქმნიდა.

4. ჩავიდა თუ არა ათენში, ციკერონმა მაშინვე მოუხმინა ანტიოქე აკალოხელს. იგი მოხიბლული დარჩა ანტიოქეს მდიდარი და მოხდე-

ნილი მკვერმეტყველებით, მაგრამ არ მოეწონა ის სიბაზღე, რომელიც მას ფილოსოფიაში შეჰქონდა. საქმე ის იყო, რომ ანტიოქე მაშინ უკვე განუდგა ეგრეთ წოდებულ ახალ აკადემიას და დაუბირისპირდა კარნეადეს სკოლას. იგი ასე ან იმიტომ მოიქცა, რომ შემეცნების საკითხში შეგრძნებათა მიერ ცხადი აღქმა აღიარა, ანდა, როგორც ზოგიერთი ამბობს, ერთგვარი პატივმოყვარეობისა და კლიტომაქესა და ფილონის მიმდევრებთან უთანხმოების გამო თვალსაზრისი გამოიცვალა და უმეტეს წილად სტოელთა მოძღვრებას მიემხრო¹². ციცერონი კი გატაცებული იყო ახალი აკადემიის მოძღვრებით და მთელი ყურადღება იქითკენ ჰქონდა მიმართული. იმ შემთხვევაში, თუ სახელმწიფო მოღვაწეობას ჩამოშორდებოდა, განზრახული ჰქონდა გასცლოდა ფორუმსა და პოლიტიკას და თავისი ცხოვრება მშვიდად გეტარებინა ათენში ფილოსოფიის სამსახურში.

მაგრამ ციცერონს მალე სულას სიკვდილი ეუწყა. ამ დროს ვარჯიშობის წყალობით სხეული უკვე გაუჟაჟდა და თანდათანობით გამოჩანსალდა, როგორც ახალგაზრდა კაცს შეშვენის. ხმაც დაეხვეწა, აეცხო, სასმენად საამო გაუხდა და მისი სხეულის აღნაგობას შეუხმატებილდა. მეგობრები ხშირ-ხშირად სწერდნენ წერილებს რომიდან. ჩქარა ჩამოდო, და ანტიოქეს აქეზებდა: დროა, სახელმწიფო მოღვაწეობას მოჰკიდო ხელიო. მაშინ ციცერონი კვლავ შეუდგა საკუთარი მკვერმეტყველების, როგორც აუცილებელი იარაღის, გაღესვას. იგი ავითარებდა თავის პოლიტიკურ ნიჭს; თვითონაც იწაფებოდა სიტყვების წარმოთქმაში და სახელგანთქმულ ორატორთა მოსამენადაც დადიოდა.

აი, ამისათვის გაემგზავრა იგი აზიაში და როდოსზე. აზიელ ორატორთაგან ციცერონი სწავლობდა ქსენოკლე ადრამიტიონელთან, დიონისიოს-მაგნესიელთან და მენიპე კარიელთან, ხოლო როდოსზე მოლონის ძეს აპოლონიოსს და ფილოსოფოს პოსიდონიოსს უსმენდა¹³.

ამბობენ, აპოლონიოსმა, რომელმაც ლათინური ენა არ იცოდა, ციცერონს სთხოვა სავარჯიშო სიტყვა ბერძნულად წარმოეთქვა; ციცერონი ხალისით დაეთანხმა, რადგან ფიქრობდა, აპოლონიოსი შეცდომებს ასე უკეთ გამისწორებსო. როცა ციცერონმა სანიმუშო სიტყვა წარმოთქვა, დამსწრენი აღფრთოვანდნენ და ორატორის ქებაში ერთმანეთს შეეჯიბრნენ; აპოლონიოსს კი სიტყვის მოსმენის დროს არავითარი სიხარული არ გამოუჩნდებოდა. ხოლო როცა ციცერონმა

ლაპარაკი დაამთავრა, საკმაოდ დიდხანს იჯდა დაფიქრებული: ციცერონს ეს ეწყინა. მაშინ აპოლონიოსმა ასე მიმართა: „ზე, ციცერონო, გაცეხული ვარ შენი ხელოვნებით და გაქებ კიდევაც, მაგრამ ელადის ბედს დავტირი; აშკარად ვხედავ, რომ შენი წყალობით რომაელთა ხელში გადადის განათლება და მჭევრმეტყველებაც, ეს ერთადერთი უპირატესობა, რაც დღესდღეობით მრავალ მშვენიერებათაგან შემოგვრჩა“.

5. იმედებით აღსავსე ციცერონი პოლიტიკური ასპარეზისაკენ მოსწრაფოდა, მაგრამ ერთმა მისნობამ მის აღტაცებას ფრთა მოაკვეცა. როცა იგი დელფოში ღვთაებას დაეკითხა, როგორ გამხდარიყო ყველაზე უფრო სახელოვანი, პითიამ ურჩია ცხოვრებაში წინამძღოლად გაეხადა არა ხალხის აზრი მასზე, არამედ საკუთარი ბუნებრივი მიდრეკილება.

პირველ ხანებში რომში დაბრუნების შემდეგ ციცერონი მეტისმეტად სიფრთხილით იქცეოდა და თანამდებობის მოპოვების საქმეს ზანტად ეკიდებოდა. ამიტომ მასაც აგდებით ეპყრობოდნენ და ხშირადაც ესმოდა ხოლმე მის მიმართ რომაელ მდაბიოთა შორის გავრცელებული და გაცვეთილი სიტყვები — „ბერძენი სქოლასტიკოსიაო“. მცირე ხნის შემდეგ მამისა და მეგობრების წაქეზებით ბუნებით პატივმოყვარე ციცერონი მთლიანად მიეცა სავექილო მოღვაწეობას და პირველობაც მოიპოვა, მაგრამ თანდათანობით კი არა, არამედ სწრაფად და ბევრად აჯობა მათ, ვინც სახალხო მოედნებზე სასამართლო მჭევრმეტყველებით იქცევდნენ თავს.

ამბობენ, ციცერონს დემოსთენესე ცოტა ნაკლი როდი ჰქონდა, მაგრამ ამ ნაკლის გამოსასწორებლად ბეჯითად მეცადინეობდა კომიკოს როსციუსთან და ტრაგიკოს ეზოპუსთან. ამ ეზოპუსზე გადმოგვცემენ შემდეგს: ერთხელ იგი თეატრში ასახიერებდა ატრევსს, რომელსაც განზრახული ჰქონდა შური ეძია თიესტესზე; სწორედ იმ დროს, როცა განცდების წყალობით მეტისმეტად აღვზნებული იყო, მის წინ გაირბინა ერთმა მსახიობთაგანმა; ეზოპუსმა მას კვერთხი დაჰკრა თურმე და იქვე სული გააფრთხილბინა¹⁴.

მომხიბლავი მეტყველება დიდ დახმარებას უწევდა ციცერონს მსმენელის დასარწმუნებლად. იმ ორატორებს, რომლებიც ლაპარაკში ხმამაღალი ყვირილით ცდილობდნენ ფონს გასვლას, ციცერონი დასცინოდა და ამბობდა: ეს მჭევრმეტყველები უძლურების გამო

ისევე გადიან ფონს ყვირილით, ვით კოჭლები ცხენზე ამხედრებითო, სიტყვაქაზარაკობა და მოსწრებულნი ხუმრობა მის სავექილო მოღვაწეობას გონებაშეზღუდვას და მოხდენილს აჩენდა; მაგრამ დაცინვას საკმაოდ ჩშირად მიმართავდა და ამ ვხით მრავალ პიროვნებას გესლავდა; სამაგიეროდ ავი კაცის სახელსაც იძენდა.

6. მოუსავლიანობის დროს ციცერონი დანიშნეს კვესტორად; მას წილად ხვდა სიცილია. დასაწყისში იგი არ მოსწონდა მის მიერ შევიწროებულ მოსახლეობას, რომელსაც იძულებით აგზავნიდნენ პურს რომში. მერმე კი, როცა გამოცდადეს მისი მზრუნველობა, სამართლიანობა და უწყინარი ხასიათი, ისეთი პატივისცემით ეკიდებოდნენ, როგორც არასოდეს არ ღირსებია სხვა ვინმე თანამდებობის პირს¹⁵.

სწორედ იმ ხანებში სიცილიის პრეტორთან გასასამართლებლად გამოგზავნეს წარჩინებული წარმოშობის რამდენიმე ახალგაზრდა კაცი, რომელთაც ბრალად ედებოდათ რომში წესრიგის დარღვევა და სიმხდალე, ციცერონმა ისინი ჩინებულად დაიცვა და სასჯელს გადაარჩინა¹⁶.

ასეთი წარმატებებით გაამაყებულ ციცერონს რომში დაბრუნების ჟამს, როგორც თვითონ ამბობს, ერთი სასაცილო საქმე დაემართა. კამპანიაში¹⁷ იგი გზად შეხვდა ერთ წარჩინებულ რომაელს, რომელსაც მეგობრად თვლიდა. ციცერონმა, დარწმუნებულმა, ჩემი სახელი და ჩემთა საქმეთა დიდება მთელ ქალაქს ექნება მოდებულიო, ამ კაცს ჰკითხა: რას ფიქრობენ და რას ამბობენ რომაელები ჩემი მოღვაწეობის შესახებო? „კი მაგრამ, — უპასუხა რომაელმა, — შენ სად იყავი, ციცერონო, ამ ხნის განმავლობაშიო?“ ამ შემთხვევამ ციცერონს სასო წარუკვეთა; მიხვდა, მის სახელს ვერავითარი დიდება ვერ მოეტანა მისთვის და ისე ჩანთქმულიყო რომში, ვით უსაზღვრო ზღვაში. შემდეგ ხანებში წინდახედულად იქცეოდა; თავის ყოყმოებას ფრთა შეაკვეცა და დარწმუნდა, რომ დიდება, რომლისკენაც მისწრაფოდა, მეტად უსაზღვრო და მიუწვდომელი რამ იყო. მიუხედავად ამისა, სიცოცხლის ბოლომდე შემორჩა ხოტბის დიდი სიყვარული და დიდებისადმი შეუკავებელი ლტოლვა; ეს მის გონივრულ მსჯელობას ჩშირად ამღვრევდა ხოლმე.

7. სახელმწიფო მოღვაწეობას ციცერონი მთელი გულმოდგინებით შეუდგა. სამარცხვინოდ მიაჩნდა ისეთი პოლიტიკოსი, ვინც, ას-

რულებდა რა საზოგადოებრივ სამსახურს ადამიანთა შემწეობით, თავის მოქალაქეთა გაცნობის საქმეს დაუდევრად და გულგრილად გვიდებოდა. ყოველმა ხელოსანმა, — ამბობდა ციცერონი, — რომელიც უსულო იარაღებით მუშაობს, იცის თითოეული იარაღის სახელი, ადგილი და დანიშნულებაო. აი, ამიტომ იყო, რომ ციცერონმა ჩვეულებისამებრ ყოველთვის იცოდა არა მარტო სახელი იმ პირთა, ვისთანაც საქმე აკავშირებდა, არამედ ისიც, თუ სად ცხოვრობდა თითოეული მათგანი, რომელი ადგილ-მამულის პატრონი იყო, ვინ იყვნენ მავანი და მავანი პირის ახლო მეზობლები და მეგობრები. როცა იტალიაში მოგზაურობდა ხოლმე, ადვილად შეეძლო ყოველ კუთხეში დაესახელებინა და ეჩვენებინა თავისი მეგობრების მამულები და საცხოვრებელი კარ-მიდამოები.

მცირეოდენი, მაგრამ ხარჯებისათვის ასე თუ ისე საკმაო ქონების პატრონი ციცერონი საერთო გაკვირვებას იწვევდა იმით, რომ დასაწყევ სიტყვაში არც გასამრჯელოს და არც ქრთამს არ იღებდა. მისი უანგარო ხასიათი განსაკუთრებით მაშინ გამოემჟღავნა, როცა ვერესის წინააღმდეგ მიმართული საქმის წარმოება იცისრა. ეს ვერესი სიცილიის პრეტორად იყო და იქ მრავალი უსამართლობა ჩაიდინა. სიცილიელებმა მის წინააღმდეგ საქმე აღძრეს, ციცერონმა კი ვერესისათვის მსჯავროს დადებას მიიღწია არა საბრალოდ სიტყვის წარმოთქმით, არამედ ასეთი სიტყვის წარმოუთქმელადაც¹⁸. ვერესის მფარველმა პრეტორებმა საქმის გარჩევის განუწყვეტელი გადიდების და განზრახ დაყოვნების წყალობით სასამართლო სხდომა ბოლო დღემდე მიიტანეს. ცხადი იყო, ეს ერთი დღე საბრალოდ სიტყვას არ ეყოფოდა და საქმის გარჩევაც ვერ დამთავრდებოდა. ციცერონი ადგილიდან წამოდგა და განაცხადა, რომ სიტყვა არ სჭირდებოდა მან მხოლოდ მოწმეები გამოიყვანა, საჭირო დასკვნები მიიღო და მსაჯულებს მოსთხოვა განაჩენი გამოეტანათ.

გადმოცემა კი ამბობს, სასამართლოს იმ სხდომაზე ციცერონმა მრავალი მოსწრებული სიტყვა თქვაო. რომელთა ენაზე „ვერესი“ ნიშნავს „დაკოდილ ღორს“. როცა ერთმა გააზატებულმა კაცმა, სახელად ცეცილიუსმა, ვისაც ებრაელობას სწამებდნენ, სიცილიელთა ჩაჩუმება და ვერესის ბრალმდებლად მარტოდმარტო გამოსვლა დააპირა, ციცერონმა იკითხა: „რა საქმე აქვს ებრაელს ღორთან?“¹⁹

ვერესს ერთი მოსწრებული ვაჟი ჰყავდა, გარყვნილებით კარგად

ცნობილი; როცა ვერესი ციცერონს კიცხავდა, ზნედაცემული ხარო, ამან მიუგო: „ასეთი საყვედური საკუთარ შვილებს უნდა უთხრა გამოცეტილ თათაშო“.

ორატორმა პორტენზიუსმა ვერესის აშკარა დაცვა ვერ გაბედა, მაგრამ დაიყოლიეს, რომ მსჯავრის დადებას დასწრებოდა, რისთვისაც ჯილდოდ სპილოს ძვლისაგან ნაკეთები სფინქსი მიიღო. ციცერონმა მას რამდენიმე დახლართული შეკითხვა მისცა; პორტენზიუსმა უპასუხა: გამოცანების ახსნაში გამოუცდელი ვარო; „კი მაგრამ, — უთხრა ციცერონმა, — სფინქსი რისთვისდა გყავს სახლშიო!“²⁰

8. ვერესი დასაჯეს. ციცერონმა მას შეიდას ორმოცდაათი ათასი დრაქმის გადახდა გადაუწყვიტა სასჯელად. ციცერონს ცილი დასწამეს: ფული აიღო და ვერესს ჯარიმის თანხა შეუმცირაო²¹. ასეთი ცილისწამების მიუხედავად, როცა ციცერონი ედილი გახდა, მადლიერების გრძნობით აღსავსე სიცილიელებმა თავიანთი კუნძულიდან დიდძალი სურსათი ჩამოუტანეს და მიართვეს. იგი ამ საჩუქარს არ დახარბდა და სიცილიელთა ხელგაშლილობა მხოლოდ და მხოლოდ სურსათზე ფასების დასაწევად გამოიყენა.

ციცერონს ჰქონდა შშვენიერი აგარაკი არიპინუმში და ორი პატარა მამული: ერთი ნეაპოლთან და ერთიც პომპეის მახლობლად²². ამას ემატებოდა მისი ცოლის ტერენციას მზითვეი — ას ოცი ათასი დინარი და კიდევ რომელიღაც შემკვიდრეობით მიღებული თანხა, რაც ოთხმოცდაათ ათასამდე დინარს შეადგენდა.

ამ შეძლებით იგი კარგად და თანაც თავდაჭერილად ცხოვრობდა ბერძენ და რომაელ სწავლულთა საზოგადოებაში. მზის ჩასვლამდე სუფრას თითქმის არასდროს არ მიუჯდებოდა; ამის მიზეზი მოუცლელობა როდი იყო; კუჭის ტკივილები აწუხებდა და ჯანმრთელობას უფრთხილდებოდა. საკუთარ თავს მეტისმეტად უვლიდა. სხეულის დაზეღას და სეირნობას იმთავითვე განსაზღვრულ დროს ანდომებდა. ასეთი ზეგნით სხეული ისე გამოიწროთ, რომ სრულიად სადი და ყოველგვარი ბრძოლისა და ჯაფის ამტანი გახადა.

მამისეული სახლი ციცერონმა ძმას დაუთმო, თვითონ კი პალატინუმის მახლობლად დაიდო ბინა, რათა ისინი, ვისაც მისი სამსახური სჭირდებოდა, შორს სიარულით არ შეწუხებულიყვნენ²³. ციცერონის კარებთან კი ყოველდღე მრავლად მოდიოდნენ. ხოლმე მისი თაყვანისმცემელნი, რომელთა რიცხვი იმათზე ნაკლები როდი იყო, ვინც დიდი

მოწიწებით სცემდა თავყვანს რომაელთა შორის უდიდეს გაქცე-
ვებს: კრასუსს — სიმლიდრისათვის და პომპეუსს — ლაშქრობებში
მოხვეჭილი ძლიერებისათვის. თვითონ პომპეუსიც მოკრძალებული პა-
ტივით ეკიდებოდა ციცერონს, რომლის პოლიტიკური მოღვაწეობა
მუდამ უწყობდა ხელს მისი ძალისა და სახელს ზრდას.

9. პრეტორობისათვის ციცერონთან ერთად მრავალი წარჩინებუ-
ლი პირი იბრძოდა, მაგრამ ამ თანამდებობაზე ყველაზე უწინარეს
სწორედ იგი აირჩიეს²⁴. სასამართლო საქმეებს ციცერონი, როგორც
ჩანდა, ყოველთვის მიუკერძოებლად და გონივრულად არჩევდა ხოლ-
მე.

გადმოცემით, ციცერონის მიერ გამომძაღველობისათვის სამარ-
თალში მიცემულ იქნა ლიკინიუს მაცერი, კაცი, რომელიც თვითონაც
დიდი გავლენით სარგებლობდა რომში და თანაც კრასუსი მფარვე-
ლობდა²⁵. სწორედ იმ დროს, როცა მოსამართლეები განაჩენს კენჭს
ტყრიდნენ, საკუთარი ძალითა და სხვისი მფარველობით დაიმედე-
ბულმა მაცერმა სხდომა დატოვა, სახლში დაბრუნდა, სასწრაფოდ გა-
იკრიჭა თავი, მერმე, აქაოდა გამარჯვებული ვარო, თეთრ სამოსში
გამოეწყო და კვლავ ფორუმისაკენ გასწია²⁶; ეზოში მას კრასუსი შე-
მოხვდა და აღუყა: კენჭისყრის შედეგად ერთხმად გაგამტყუნესო; მა-
შინ მაცერი შინ შებრუნდა, საწოლზე წამოწვა და სიცოცხლეს გამო-
ეთხოვა. ამ საქმემ დიდი სახელი მოუპოვა ციცერონს, როგორც შე-
უპოვარ და სამართლიან მსაჯულს გადაწყვეტილების გამოტანაში.

უხეში ხასიათის კაცს ვატინიუსს, რომელიც თავის დასაცავ თავ-
ხედურ სიტყვებში ავდებით იხსენებდა მსაჯულებს, ჩიყვით გამობე-
რილი კისერი ჰქონდა. ერთხელ იგი ციცერონთან მივიდა და რაღაც
სთხოვა. ციცერონმა პასუხი არ მისცა, საკმაოდ დიდხანს ფიქრობდა.
მაშინ ვატინიუსმა უთხრა: მე რომ პრეტორი ვიყო, ამაზე ასე არ
ვიყოყმანებდიო; „საქმე ისაა, — მიუგო ციცერონმა, — რომ შენსავით
სქელი კისერი არა მაქვსო“²⁷.

პრეტორობის ორი თუ სამი დღეა ჰქონდა დარჩენილი ციცე-
რონს, როცა წარუდგინეს მექრთამეობაში ბრალდებული მანილიუ-
სი²⁸. ხალხის კეთილგანწყობილება და მფარველობა ამ მანილიუსის
მხარეზე იყო, რადგან ყველას ეგონა, რომ პომპეუსის გულისათვის
სდევნიდნენ; მანილიუსი კი პომპეუსის მეგობარი იყო. ბრალდებულ-
მა რამდენიმე დღით საქმის გარჩევის გადადება მოითხოვა; ციცერონ-

მა მხოლოდ ერთი დღით გადაუდო. ხალხი ამაზე საშინლად აღშფოთ-
და: პრეტორები ბრალდებულებს სულ ცოტა ითი დღის ვადას მაინც
აძლევდნენ ხოლმე ყოველთვის. სახალხო ტრიბუნებმა ციცერონი კა-
თედრაზე აიყვანეს და ყრილობის წინაშე ბრალი დასდეს. ციცერონმა
სიტყვა მოითხოვა და თქვა: „მე, რამდენადაც კი კანონები უფლებას
მაძლევდა; ყოველთვის ღმობიერად და კაცთმოყვარულად ვექცეოდი
ბრალდებულთ და დიდ უსამართლობას ჩავიდენდი, თუ ამგვარადვე არ
მოვეპყრობოდი მანილიუსს; რაკი პრეტორის უფლებით სარგებლობი-
სათვის მხოლოდ ერთი დღე დამრჩა, მანილიუსის საქმის გასარჩევად.
განგებ ეს ერთადერთი დღედა მივიჩნიე საქმალ; ეს საქმე რომ გასარ-
ჩევად სხვა პრეტორს დავეუტოვო, სწორედ ეს იქნება იმისი ნიშანი,
რომ მანილიუსისათვის დახმარების გაწევა არ მინდა“: ამ სიტყვამ
ხალხში დიდი გარდატეხა მოახდინა. ციცერონი ქება-დიდებათ აავსეს
და სთხოვეს მანილიუსის დაცვა ეკისრა. იგი ხალხით დათანხმდა, რო-
გორც ჩანს, პომპეუსის ხატრით, რომელიც იმხანად რომში არ იმყო-
ვებოდა. ციცერონმა საფუძვლიანად მოჰკიდა ხელი ამ საქმეს, კვლავ
გამოვიდა სიტყვით ხალხის წინაშე და დიდი სიმამაცით გაილაშქრა ოლი-
ვარქიული პარტიის მომხრეთა და პომპეუსის მტრების წინააღმდეგ.

10. კონსულად იგი აღწევებულ იქნა რესპუბლიკის საკეთილდღე-
ოდ როგორც მდაბიო ხალხის, ისე არისტოკრატის დახმარებით²⁹.
ამათი მხარის დაჭერა ციცერონისათვის შემდეგი მიზეზით აიხსნება:
სულას მიერ მოწყობილი სახელმწიფო გადატრიალების შედეგი და-
საწყისში მეტად უცნაური ჩანდა: მაგრამ დრომ და მიჩვევამ ერთგვა-
რი სიმყარე მიანიჭა ახალ წესრიგს და საზოგადოების თვალში ასა-
ტანიც გახდა. მაგრამ გამოჩნდნენ ისეთები, რომლებიც მიისწრაფოდ-
ნენ შეერყიათ და შეეცვალათ არსებული სახელმწიფო წყობილება
არა საერთო კეთილდღეობისათვის, არამედ პირადი ანგარების მიზ-
ნით. პომპეუსი მაშინ ჯერ კიდევ პონტოსა და სომხეთში ომობდა
იქაურ მეფეებთან და რომში არ მოიბოვებოდა ისეთი მნიშვნელოვა-
ნი ძალა, რომელიც სახელმწიფო გადატრიალების მოსურნეთ და-
უპირისპირდებოდა.

მეთაურად მათ ჰყავდათ ლუციუს კატინი, კაცი მამაცი, დიდ
საქმეთა ხელმძიყოფელი და მეტად ძლიერი, რომელსაც სხვა მრავალ
დანაშაულთან ერთად თავის დროზე ბრალად ედებოდა საკუთარ
გაუთხოვარ ქალიშვილთან ცხოვრება და ძმის მკვლელობა. კატინი-
ნამ იმის შიშით, ჩადენილი მკვლელობისათვის სამართალში არ მიმ-

ცნო, მოკლული ძმა, ვითომც ცოცხალი ყოფილიყო, სულს თურმე სიკვდილით დასასჯელთა სიაში შეატანინა.

კაიხადეს რა კატილინა ხელმძღვანელად, ბოროტმოქმედებმა ერთ-მანეთს ერთგულების მრავალი ფიცი მისცეს, რაც იმით განამტკიცეს, რომ აღამიანი დაკლეს და მისი ხორცი იგემეს³⁰.

კატილინამ ქალაქის ახალგაზრდობის უდიდესი ნაწილი გარყვნა; იგი განუწყვეტლივ უწყობდა ახალგაზრდებს სხვადასხვა ღრეობებს, მოჰყავდა ქალები და ამისთვის საჭირო ხარჯს დიდი სიუხვით სწევდა.

ამბოხებისათვის მზად იყო მთელი ეტრურია და ამიერალპების გალიის უდიდესი ნაწილი. ქონებრივი უთანასწორობის გამო რომი გადატრიალების საშიშროების წინაშე იდგა; ყველაზე უფრო სახელოვანნი და კეთილშობილნი თეატრებსა და წვეულებებზე, თანამდებობათა მოპოვებასა და მშენებლობებზე გაწეული ხარჯების შედეგად გადატაცდნენ; მათი სიმდიდრე უგვარო და უგვანო ხალხის ხელში გადავიდა; საკმარისი იყო ერთი პატარა ბიძგი და ყოველ თავზნელადღებულს შეეძლო დაემხო რესპუბლიკა, რომელიც მისდათავად მძიმე სენით იყო შეპყრობილი.

11. ასეთ ვითარებაში, წინასწარ მტკიცე დასაყრდენის მოპოვების მიზნით, კატილინამ კონსულობისაკენ სწრაფვა დაიწყო. იგი დიდ იმედებს ამყარებდა იმაზე, რომ გაიუს ანტონიუსთან ერთად იქნებოდა კონსულად. ანტონიუსი ისეთი კაცი გახლდათ, რომელსაც დამოუკიდებლად არც კარგი და არც ცუდი საქმის შეთაურობის უნარი არ ჰქონდა, მაგრამ სხვისი ხელმძღვანელობით შეიძლებოდა მნიშვნელოვან დამხმარე ძალად გადაქცეულიყო. საზოგადოების საუკეთესო და საპატიო ნაწილმა წინასწარ იგრძნო ეს და კონსულად ციცერონი წამოაყენა. ხალხმა აღფრთოვანებით დაუჭირა მხარი მას. კატილინა დამარცხდა. კონსულებად ციცერონი და გაიუს ანტონიუსი აირჩიეს; აქვე უნდა ითქვას, ასარჩევ პირთაგან მხოლოდ ციცერონი იყო უბრალო მხედრის და არა სენატორის შვილი.

12. კატილინას ზრახვები საზოგადოებისათვის ჯერ კიდევ არ იყო ცნობილი, როცა მომავალი ბრძოლის დიდმა ნიშნებმა უკვე ციცერონის კონსულობის დასაწყისშივე იჩინა თავი. ერთი მხრივ, ისინი, ვისაც სულს კანონებით აკრძალული ჰქონდათ მაგისტრატურების მიღება, — ასეთები კი საქმოდ ბევრნი და ძლიერნიც იყვნენ, — თანამდებობებს ეძიებდნენ და ხალხის წინაშე პირმოთნეობდნენ; მართა-

ლია, სულას ტირანას ბევრ რამეში სამართლიანად სდებდნენ ბრალს, მაგრამ არსებული სახელმწიფო წყობილების გადატრიალებას სრულიად უსაფუძვლოდ და შეუფერებელ დროს ლაშობდნენ; მეორე მხრივ, სახალხო ტრიბუნებმა იმავე მიზნით წამოაყენეს კანონები განუსაზღვრელი უფლებებით მოსილი ათი კაცის არჩევის თაობაზე. ამათ ნება ეძლეოდათ ემართათ მთელი იტალია, მთელი სირია და პომპეუსის მიერ ახლად შემოერთებული ყველა ქვეყანა; გაეყიდათ საზოგადო ქონება, დაესაჯათ, ვინც სურდათ, გაეძევებინათ არასამე-დონი, დაეარსებინათ ქალაქები, გამოეტანათ ხაზინიდან ფული და შეეგროვებინათ და შეენახათ ჯარი მათი სურვილის შესაბამისი რა-ოდენობით³¹.

ამ კანონს მხარი დაუჭირა ბევრმა წარჩინებულმა პირმა და უწინა-რეს ყოვლისა ციცერონის თანაკონსულმა ანტონიუსმა იმ იმედით, რომ ათეულში ერთ-ერთი თვითონ იქნებოდა. ეტყობოდა, იცოდა კ-ტილინას სახელმწიფოს წინააღმდეგ მიმართული ზრახვები, მაგრამ ეს სრულებით არ აწუხებდა, ვინაიდან ყელამდე ვალებში იყო ჩაფლუ-ლი. ეს გარემოება ყველაზე მეტად აშინებდა საუკეთესო მოქალაქე-ებს.

საფრთხის თავიდან ასაცილებლად ციცერონმა ანტონიუსს საგამ-გებლოდ უბოძა მაკედონიის პროვინცია; თვითონ კი ზელი აიღო მის-თვის განკუთვნილ გალიაზე. ასეთი სამსახურის გაწვევით სავსებით დაეუფლა ანტონიუსს და აიძულა იგი, როგორც დაჭირებულ მსა-ხიობს, მეორე როლი ეთამაშა სამშობლოს ხსნის საქმეში. ანტონიუსის გადმობირებისა და მოთვინიერების შემდეგ ციცერონმა კიდევ უფრო მეტი მხნეობით შეუტია გადატრიალების მოსურნეთ. მან სენატში გაილაშქრა ზემოსენებული კანონის წინააღმდეგ და ისე დააშინა ამ კანონის შემქმნელნი, რომ სიტყვაც ვერ შეუბრუნეს. მცირე ხნის შემდეგ საგანგებოდ მომზადებულმა ტრიბუნებმა კვლავ სცადეს ხე-ლის გამოღება და კონსულები სახალხო კრებაზე მიიწვიეს. ციცე-რონი სრულიად არ შეუშინდა ამას; თან გაიყოლია სენატი, გამო-ვიდა ხალხის წინ და არა მარტო წამოყენებული კანონი გააქარწყლა, არამედ ისე დაამარცხა თავისი მკვერმეტყველებით სახალხო ტრიბუ-ნები, რომ სხვა განზრახვაზეც აღებინა ზელი³².

13. ციცერონმა ყველაზე უკეთ უჩვენა რომაელებს, თუ რაოდენი სიამე შეიძლება მოფინოს მკვერმეტყველებამ მისდათავად მშვენიერ

საქმეს; რომ არ შეიძლება დამარცხდეს სამართლიანობა, თუ მას გა-
მართული სიტყვით იცავენ, რომ სახელმწიფოს გონიერმა მოღვაწემ
თავის საქმიანობაში კეთილი მოქმედება ყოველთვის უნდა ამკობინოს
მაამებლობას და წარმოთქმული სიტყვით სასარგებლო გახადოს ის,
რაც შეიძლება მწუხარების მომგვრელი აღმოჩნდეს.

ციცერონის მწევრმეტყველების მომხიბლავი ძალის მაჩვენებელია
ის ამბავი, რაც მისი კონსულობის ქაშს მოხდა თეატრის ადგილების
გამო. უწინ მხედრები ბრბოსთან ერთად შერეულნი ისხდნენ ხოლმე
თეატრში და ისე უცქერდნენ წარმოდგენებს. მარკუს ოთონმა კი,
როცა პრეტორად იყო, პირველმა გამოჰყო მხედრები დანარჩენ მო-
ქალაქეთაგან და მიუჩინა განსაკუთრებული ადგილი, რომელიც დღე-
საც მათ განკარგულებაშია. ხალხმა ეს შეურაცხყოფად მიიღო, და
როცა ოთონი თეატრში გამოჩნდა. ლანძღვითა და სტვენით შეხედნენ;
მხედრები კი ტაშის გრიალით შეეგებნენ³³. ხალხმა კიდევ უფრო გა-
აძლიერა სტვენა; მხედრებმაც, თავის მხრივ, ტაშისცემას უმატეს.
მერმე ესენი ერთმანეთს მიუბრუნდნენ; ატყდა საშინელი ლანძღვა-
გინება და თეატრი დიდმა უწყსრივობამ მოიცვა. როგორც კი შეიტყო
ეს ამბავი, ციცერონი თეატრში მივიდა, ხალხი ბელონას ტაძარში³⁴
გააწვია, იქ ცოტა გაკიცხა, მერე დაუყვავა და უკან გაისტუმრა. თე-
ატრში დაბრუნებულმა ხალხმა ტაშისცემა გაუმართა ოთონს და ამ
კაცის პატივისცემასა და განდიდებაში მხედრებს გაეჯიბრა.

14. კატილინას შეთქმულებამ, რომელიც დასაწყისში ჩაქოლეს
და დააფრთხეს, კვლავ წამოყო თავი: შეთქმულები ისევ იკრი-
ბებოდნენ და ერთმანეთს მოუწოდებდნენ უფრო გაბედულად მოეკი-
დათ ხელი საქმისათვის, სანამ პომპეუსი დაბრუნდებოდა; პომპეუსზე
კი ამბობდნენ, თავისი მხედრობით უკვე უკან ბრუნდებაო. კატილი-
ნას ყველაზე უფრო აქეზებდნენ სულას ძველი მეომრები, რომელ-
თაც მთელ იტალიაში ჰქონდათ ფეხი გადგმული; ამ მეომართა უდი-
დესი და უმაჰაცესი ნაწილი მიმოფანტული იყო ეტრურიის ქალაქებ-
ში და ახალ ძარცვა-გლეჯასა და მზამზარეული სიმდიდრის დატაცე-
ბაზე ოცნებობდნენ. ამით წინამძღოლად ჰყავდათ მალიუსი — სულას
ლაშქრობებში სახელმწიფოებრივი კაცი³⁵. აი ესენი შეუერთდნენ კა-
ტილინას და არჩევნებში მისთვის მხარდასაჭერად რომში ჩამოვიდნენ.
კატილინა კვლავ ცდილობდა მიეღო კონსულობა და გადაწყვეტილი
ჰქონდა არჩევნების დროს ატეხილ აურზაურში მოეკლა ციცერონი.

ეტყოფა, მაშინ ღვთაებრივი ძალაც წინასწარ იუწყებოდა მოსალოდნელ ამბებს ხშირ-ხშირი მიწისძვრებით, მეხთა დაცემით და სხვა ნიშნებით. სხვადასხვა პირთაგან მიღებული მამხილებელი ცნობებიც დამაჯერებელი ჩანდა, მაგრამ არ იყო საკმარისი წარჩინებული და მეტად ძლიერი კათილინას ბრალის დასამტკიცებლად. ამის გამო ციცერონმა არჩევნების დღე გადადო, კათილინა სენატში მიიწვია და დაუწყაო გამოკითხვა გავრცელებული ხმების თაობაზე. კათილინამ, დაიმედებულმა იმით, რომ სენატში ბევრი იყო სახელმწიფო გადატრიალების მოსურნე, შეთქმულთა წინაშე თავის გამოჩენის სურვილით ამოძრავებულმა ციცერონს თავხედური პასუხი მისცა: „არის ორი სხეული; ერთი მკლეა და მიკნავებული, მაგრამ თავი აბია, მეორე ღონიერი და დიდია, ოღონდ თავი აკლია: რას ვაკეთებ ცუდს იმით, რომ ამ უკანასკნელს თავს ვადგამ?“ გადაკვრით ნათქვამ სიტყვებში კათილინა სენატსა და ხალხს გულისხმობდა. ციცერონი ძალიან შეშინდა, ჩავშანი ჩაიცვა და ასე ჩავიდა მარსის ველამდე წარჩინებული მოქალაქეებისა და მრავალი ახალგაზრდის თანხლებით. აქ ციცერონმა ჩამოუშვა მხრებიდან ტოგა და ჩავშანი გამოაჩინა, რათა ენიშნებინა დამსწრეთათვის, განსაცდელში ვიმყოფებიო. გამწყარალი ხალხი მჭიდრო რკალად შეიკრა მის ირგვლივ. ბოლოს, როცა საქმე კენჭისყრაზე მიდგა, კათილინა კვლავ გააშავეს, ხოლო კონსულებად სილანუსი და მურენა აირჩიეს³⁶.

15. მცირე ხნის შემდგომ, როცა კათილინას მომხრე ჯარისკაცები ეტრურიაში უკვე შეგროვდნენ, ასეულებად დაირაზმნენ და თავდასხმისათვის დანიშნული დღეც მოახლოვდა, ციცერონის სახლს შეუღამისას მიაღწენ უპირველესი და ფრიალ გავლენიანი რომაელი ვაჟაკები: მარკუს კრასუსი, მარკუს მარცელუსი და სციპიონ მეტელუსი. მათ კარზე დააკაკუნეს, გამოიწვიეს მეკარე და უბრძანეს გაეღვიძებინა ციცერონი და მათი მოსვლა ეუწყებინა. საქმე შემდეგი იყო: კრასუსს მსახურმა ნასადილევეს გადასცა ვიღაც უცნობი პირის მიერ მოტანილი წერილები. მათზე აღნიშნული იყო, რომელი ვის ეკუთვნოდა. ერთი, უსახელო პირის შეთხზული, თვითონ კრასუსს ეგზავნებოდა. ამანაც მხოლოდ ეს წაიკითხა. წერილი იტყობინებოდა, რომ კათილინა დიდ ზოცვა-ჟღერტას ამზადებდა; ამასთან კრასუსს რჩევა ეძლეოდა ქალაქიდან გასულიყო. სხვა წერილები კრასუსს აღარ გაუხსნია და დაუყოვნებლივ მიუტანა ციცერონს ან იმიტომ, რომ მოსა-

ლოდნელმა საფრთხემ შეაშინა, ანდა უნდოდა გაეფანტა ის ეჭვი, რაც მის მიმართ იყო აღმოცენებული კატილინასთან მეგობრობის გამო.

ციცერონმა ვითარება აწონ-დაწონა და დილაადრიანად სენატი შეკრიბა. მან აქ წერილები მოიტანა, დაუბრუნა იმათ, ვისაც ეკუთვნოდა და ბრძანა ხმადაღლა წაეკითხათ. ყველა წერილი ერთხმად შეთქმულებაზე იუწყებოდა. ამავე დროს ყოფილმა პრეტორმა კვინტუს არიუსმა ეტრურიაში რაზმების შედგენის ამბავი გამოაცხადა. მიიღეს აგრეთვე ცნობა, რომ მალიუსი რომიდან რაღაც ახალ ამბის განუწყვეტელ მოლოდინში დიდი რაზმით დაეხეტებოდა ეტრურიის ქალაქებში. მაშინ გამოიტანეს სენატის გადაწყვეტილება, რომელიც ყველა საქმეს კონსულებს ანდობდა, რათა ასეთი ძალაუფლების მიღების შემდეგ ყველაფერი საკუთარი ნება-სურვილის მიხედვით განეგოთ და რესპუბლიკა დაეცვათ. ასეთი გადაწყვეტილება სენატს ყოველთვის კი არ გამოაქვს, არამედ მხოლოდ მაშინ, როცა დიდი საშიშროების წინაშე დგას³⁷.

16. მიიღო თუ არა ასეთი ძალაუფლება, ქალაქგარეთ საქმეთა წარმოება ციცერონმა კვინტუს მეტელუსს მიაწოდო³⁸, ქალაქის გამგებლობას კი თავითონ მოჰკიდა ხელი. ახლა იგი ყოველდღე გამოდიოდა საჯაროდ, თან ისეთი მრავალრიცხოვანი დაცვა ახლდა, რომ როცა ფორუმზე მივიდოდა, მოედნის დიდ წილს მისი ამაღლი იკავებდა. კატილინას შემდგომი დაყოვნების მოთმენა აღარ შეეძლო; მან გადაწყვიტა მალიუსის მხედრობისაკენ გაჭრილიყო, მარციუსსა და ცეთეგუსს კი დააეალა მახვილით შეიარაღებულნი დილით ადრე მისდგომოდნენ ციცერონს კარზე, ვითომცდა მისასალმებლად, მერმე კი თავს დასხმოდნენ და მოეკლათ³⁹. ღამით ციცერონთან ერთი წარჩინებული წარმოშობის ქალი ფუღვია⁴⁰ მივიდა, ეს ამბავი აუწყა და გააფრთხილა მორიდებოდა ცეთეგუსსა და მის თანამზრახველთ. მარციუსი და ცეთეგუსი დილაადრიან მივიდნენ ციცერონთან, მაგრამ სახლში არ შეუშვეს; მაშინ გაბრაზდნენ და ისეთი ყვირილი მორთეს კართან, რომ მათ მიმართ აღძრული ეჭვი კიდევ უფრო გააძლიერეს.

როგორც კი გამოვიდა შინიდან, ციცერონმა მოიწვია სენატის სხდომა ზევს სტესიოსის ტაძარში, რომელსაც რომაელები იუპიტერ სტატორის ტაძარს ეძახიან: იგი აგებულია საღვთო გზის დასაწყისში, საიდანაც პალატიუმზე აღიან. სენატის სხდომაზე სხვებთან ერთად

მოვიდა კატილინაც, ვითომცდა ბრალდებისაგან თავის დასაცავად. მის გვერდით ჯდომა არც ერთმა სენატორმა არ ისურვა; ყველანი წამოდგნენ იმ მერხიდან, სადაც კატილინა იჯდა და ადგილი გამოიკვალეს. ბოლოს წამოდგა ციცერონი და უბრძანა მას გაშორებოდა ქალაქს: რაკილა სახელმწიფოს მართვაში მე სიტყვის ძალას ვეყრდნობი, შენ კი იარაღს, ამიტომ ჩვენ შორის კედელი უნდა აღიმართოსო⁴¹.

კატილინა დაუყოვნებლივ გავიდა ქალაქიდან სამასი შეიარაღებული კაცივით; გვერდით, თითქოს დიდი თანამდებობის პირი ყოფილიყო, წკებლის კონეებითა და ცულებით აღჭურვილი ლიქტორები დაიყენა, გაშალა დროშები და მალიუსისაყენ გავმართა. აქ მან ოცი ათასამდე კაცი შეაგროვა და დაიწყო ქალაქების შემოვლა, რომელთაც განდგომისაყენ მოუწოდებდა. რაკი ომი გარდაუვალი გახდა, კატილინას დასამარცხებლად ანტონიუსი გაიგზავნა.

17. კატილინას მიერ გარყვნილ იმ მოქალაქეთ, რომლებიც ქალაქში დარჩნენ, თავს უყრიდა და ამხნევებდა კორნელიუს ლენტულუსი, მეტსახელად სურა, წარჩინებული წარმოშობის, მაგრამ უზნეო ცხოვრების მიმდევარი კაცი, რომელიც თავაშვებული საქციელისათვის თავის დროზე სენატიდან გააძევეს. იმხანად იგი მეორეგზის ეწეოდა პრეტორობას, როგორც ეს წესადაა მიღებული იმ პირთათვის, რომლებიც ცდილობენ ხელახლად მიიღონ სენატორის ღირსება. გადმოცემით, მეტსახელი სურა მან მიიღო შემდეგი მიზეზის გამო: სულას მმართველობის დროს, როცა კვესტორად იყო, ლენტულუსმა დიდძალი საზოგადო თანხა მიითვისა და გაფლანგა. გამწყარალმა სულამ სენატის სხდომაზე მას ანგარიში მოსთხოვა. ლენტულუსი გულგრილად და სავსებით მოუპრიდებლად წარუდგა სენატს და განუცხადა, რომ არავითარ ანგარიშს არ იძლევა და მზადაა მხოლოდ გამოშვიროს კანჭი, როგორც ამას ბავშვები სჩადიან ბურთის თამაშში დაშვებული შეცდომის დროს. აი, აქედან შეერთება მას სურა, ვინაიდან „სურას“ რომაელები კანჭს ეძახიან. ერთხელ იგი სამართალში იყო მიცემული; მაშინ ზოგიერთი მოსამართლე მოისყიდა და, როცა მხოლოდ ორი ხმის უმრავლესობით გაათავისუფლეს, თქვა, ამ ორ მოსამართლეში ერთ-ერთისათვის ამაოდ მიმიცია ქრთამი; ჩემთვის სრულიად საკმარისი იყო, თუ ერთი ხმითაც ვიჭნებოდი გამართლებული.

აი, ასეთი ზასიათის კაცი, კატილინას მიერ ისედაც წაქეზებული, კიდევ უფრო მეტად გარყვნეს ფუჰი იმედებით ცრუ მისწებმა და თაღლითებმა. ისინი უკითხავდნენ ვითომდა სიბილას წიგნებიდან ამოკრეფილ ყალბ ლექსებსა და წინასწარმეტყველებებს, არწმუნებდნენ, რომ ამ წიგნებში რომს ბედისწერის ძალით ერთმმართველად დანიშნული ჰყავს სამი კორნელიუსი, რომელთაგან ორს, ცინას და სულას, უკვე აუხდათ წინასწარმეტყველება, ახლა კი მას, როგორც მესამე კორნელიუსს, ღვთაება ანიჭებს ერთხელმწიფებას და იგი — ლენტულუსი ვალდებულია მთლიანად მიიღოს ეს წყალობა და თავისი სიზანტით, კატილინას მსგავსად, არ გაუშვას ხელიდან მშვენიერი შემთხვევა.

18. ამის გამო ლენტულუსი მცირე და უმნიშვნელო გეგმებს როდი აწყობდა; მას გადაწყვეტილი ჰქონდა ამოეკლიტა მთელი სენატი, დაეხოცა სხვა მოქალაქეებიც, რომლებზედაც კი ხელი მიუწვდებოდა, ცეცხლისთვის მიეცა თვით ქალაქიც და არავინ დაენდო პომპეუსის შვილების გარდა. ეს ბავშვები შეთქმულებს უნდა გაეტაცათ და ჰყოლოდათ, როგორც პომპეუსთან შესარიგებლად გამოსაყენებელი მძევლები, ვინაიდან უკვე ყველგან დაჟინებით დაირბა ხმა, პომპეუსი დიდი ლაშქრობიდან უკან ბრუნდებოდა. თავდასხმისათვის განსაზღვრულ იქნა სატურნალიების ერთ-ერთი ღამე⁴². შეთქმულებმა ცეთეგუსის სახლში მიიტანეს და დამალეს ხმლები, ძენძი და გოგირდი. მათვე გამოყვეს ასი კაცი, რომიც ას უზნად დაანაწილეს და თითოეულ უბანს წილით თითო-თითო კაცი მიუჩინეს, რათა ყველას ერთდროულად დაეწყო ცეცხლის წაქიდება და ქალაქი მთლიანად გახვეულიყო ხანძარში. სხვებს კი უნდა გადაეღობათ წყალსადენები და მოეკლათ ყველა, ვინც წყლისათვის მივიდოდა.

ამ საქმეთა მზადების დროს შემთხვევით რომში იმყოფებოდა ალობროგთა ორი ელჩი, — იმ ტომის, რომელიც მაშინ მეტისმეტად შევიწროებული იყო და რომის მბრძანებლობის ქვეშ იჩაგრებოდა⁴³. ლენტულუსმა და მისმა მომხრეებმა ეს ელჩები იმ ვარაუდით, გალიის აჯანყებისა და რომისაგან მისი ჩამოცილების საქმეში გამოგვადგებიანო, შეთქმულებაში ჩაითრიეს. მათ ელჩებს გადასცეს წერილები მათი ქვეყნის სენატისათვის და აგრეთვე კატილინასათვისაც: ისინი ალობროგებს თავისუფლებას ჰპირდებოდნენ, კატილინას კი მოუწოდებდნენ გაეთავისუფლებინა მონები და სისწრაფოდ რომზე წამო-

სულიყო. ელჩებთან ერთად კათილინასთან გაგზავნეს კროტონელი ვინმე ტიტუსი, რომელსაც წერილების წაღება ჰქონდა დაეღუბული.

მაგრამ ყველა ამ განზრახვას ისეთი თავქარიანი აღმშენებისას, რომლებიც ერთმანეთს უმეტეს წილად ღვინის სმის დროს და ქალთა თანდასწრებით ხდებოდნენ, შეუწყვეტილად ადევნებდა თვალყურს ციკერონი მთელი თავისი ძალების დაუზოგავად, ფხიზელი გონებით და გასაოცარი წინადადებულობით. მრავალი პირი ჰყავდა მას ისეთი, რომლებიც აკვირდებოდნენ, თუ რა ხდებოდა ირგვლივ და ძიებაში ეხმარებოდნენ. ციკერონს საიდუმლო საუბარი ჰქონდა შეთქმულე-ბაში საგანგებოდ ჩაბმულ სანდო ხალხთან და უცხოელებთან შეთან-ხმების ამბავი ვაიგო. ამიტომ ღამით ჩაასაფრა ხალხი და ალობროგე-ბისავე ფარული დახმარებით ზემოხსენებულ კროტონელი წერილე-ბიანად შეიპყრო.

19. როგორც კი ინათა, ციკერონმა შეკრიბა სენატი თანხმობის ტაძარში. აქ მან ეს წერილები წაიკითხა და მაცნეებსაც მოუსმინა. იუსიუს სილანუსის განცხადებით, ზოგიერთებს გაეგონათ ცეთეგუსის ნათქვამი: მოკლულ უნდა იქნას სამი კონსული და ოთხი პრეტორიო. ამგვარივე ცნობა მიაწოდა სენატს ყოფილმა კონსულმა პი-ზონმა. ერთ-ერთმა პრეტორმა, გაიუს სულპიციუსმა, რომელიც ცე-თეგუსის სახლში გაგზავნეს, იქ აღმოაჩინა მრავალი ისარი, სხვადა-სხვაგვარი იარაღი, აუარებელი ხმალი და ყოველნაირი მახვილი, სულ ახლად დაღესილები. ბოლოს, როცა კროტონელს სენატმა ხელშე-უხებლობა აღუთქვა, თუ ყველაფერს იტყოდა, ლენტულუსი მხილე-ბულ იქმნა. მაშინ მან მოიხსნა რწმუნება, — იმხანად იგი ხომ პრეტორი იყო, — იქვე სენატში გაიხადა ძოწეულშემოვლებული ტოგა და თავისი სავალალო მდგომარეობისათვის შესაფერი სამოსი გადაიცვა. იგი და მისი მომხრეები გადასცეს პრეტორებს შინაურ პატიმრობაში ასაყვანად.

უკვე მოსაღამოვდა, მაგრამ შეკრებილი ხალხი გარეთ იცდიდა. ციკერონი სენატიდან გამოვიდა და მოქალაქეებს უამბო, რაც მოხ-და⁴⁴. ამის შემდეგ ხალხმა იგი მიაცილა მეზობლად მცხოვრებ მე-გობრის ბინამდე, რადგან მისი საკუთარი სახლი დაკავებული ჰქონდათ ქალებს, რომლებიც წმინდა საიდუმლოებას უსრულებდნენ ღმერთ-ქალს, ვისაც რომაელები „კეთილს“, ხოლო ელინები „გინეკეას“ ეძა-

ხიან. ამ ღმერთქალს ყოველწლიურად სწირავენ მსხვერპლს კონსულის სახლში კონსულის ცოლის ან დედის ხელმძღვანელობით და ვესტას ქურუმ ქალწულთა თანდასწრებით ⁴⁵.

მეგობრის სახლში ციცერონი რამდენიმე კაცის თანხლებით შევიდა და მაშინვე შეუდგა იმის განსჯას, თუ როგორ მოქცეოდა შეპყრობილ პირებს. უმაღლესი სასჯელის გამოყენებას, რაც სრულიად შეესაბამებოდა ესოდენ დიდ დანაშაულს, იგი ერიდებოდა და ვერ კისრულობდა თანდაყოლილი სათნოებისა და აგრეთვე იმის გამო, რომ არავის ჰგონებოდა, თითქოს მეტისმეტად ბოროტად იყენებდა ძალაუფლებას და სასტიკად უსწორდებოდა წარჩინებული წარმოშობის პირთ, რომელთაც ქალაქში ფრიად ძლიერი გავლენის მქონე მეგობრები ჰყავდათ. მაგრამ, მეორე მხრივ, მას აშინებდა შეთქმულთაგან მოსალოდნელი საფრთხე, თუ მათ ღმობიერად მოექცეოდა. სიკვდილის გარდა სხვა სასჯელი მათ ვერ მოდრეკდა; კიდევ უფრო მეტად გათავზედდებოდნენ და ძველ ცოდვას ახალრისხვას დაუმატებდნენ. იგი კი სულმოკლე და ლაჩარი ეგონებოდა ხალხს, რომელიც ისედაც არ თვლიდა მაინცდამაინც მამაც გაუკაცად.

20. სანამ ციცერონი ამ ძნელად გადასაწყვეტი საკითხის განსჯით იყო გართული, მსხვერპლის შემწირველ ქალებს ერთი სასწაული გამოეცხადათ: საკურთხეველზე ცეცხლი უკვე ჩამქრალი ეგონათ, რომ ფერფლიდან და ჩაღველფილ ნაკვერჩხლებიდან უეცრად აღმაიფეთქა. ამან ქალები საშინლად დააფრთხო; ქურუმმა ქალებმა კი ციცერონის ცოლს ტერენციას ურჩიეს დაუყოვნებლივ მისულიყო ქმართან და წინადადება მიეცა მისთვის შეესრულებინა ის, რაც სამშობლოს კეთილდღეობისათვის გადაეწყვიტა, ვინაიდან სწორედ მისი ხსნისა და სახელისათვის მოავლინა ღმერთქალმა დიდებული სინათლე. ტერენციამ (იგი ბუნებით ღმობიერი და მხდალი ქალი კი არ იყო, არამედ პატივმოყვარი; როგორც თვითონ ციცერონი ამბობს, იმდენად ოჯახის ამბებს არ აზიარებდა ქმარს, რამდენადაც თვით ერეოდა მის სახელმწიფოებრივ საქმეებში) ყველაფერი ეს ამცნო ქმარს და დაპატიმრებულ შეთქმულთა წინააღმდეგ აღაგზნო. ასევე მოიქცნენ ციცერონის ძმა კვინტუსი და ფილოსოფიურ მოღვაწეობაში მისი ერთ-ერთი მეგობარი პუბლიუს ნიგიდიუსი ⁴⁶, რომლის რჩევა-საც ხშირად იყენებდა უადრესად მნიშვნელოვან პოლიტიკურ საქმეებში.

მეორე დღეს სენატში დაიწყო მსჯელობა შეთქმულთა სასჯელის თაობაზე. პირველად აზრის გამოთქმა სთხოვეს სილანუსს. ამან განაცხადა: პატიმრები უნდა ციხეში გაიგზავნონ და უმადლესი სასჯელით დაისაჯონ. რიგრიგობით ყველამ დაუჭირა მხარი მას, ვიდრე ჯერი არ მიდგა გაიუს კეისარზე, ვინც შემდეგ დიქტატორი გახდა. იგი მაშინ ჯერ კიდევ ახალგაზრდა კაცი იყო და საკუთარი აღზევნების საქმეს მხოლოდ საძირკველს უყრიდა, მაგრამ თავისი პოლიტიკითა და იმედებით უკვე გავლენული ჰქონდა ის გზა, რის წყალობითაც რომაელთა რესპუბლიკა მონარქიით შეცვალა. თავის ზრახვებს იგი ყველას უმაღლავდა, ციცერონს კი მრავალგზის აღუძრა ეჭვი, თუმცა მხილებისათვის ხელმოსაჭიდ არც ერთ საბაბს არ აძლევდა. იყვნენ ისეთები, ვინც ამბობდა: იგი თითქმის ამხილეს, მაგრამ დაუძვრა ციცერონსო. სხვები კი ამტკიცებენ: ციცერონმა კეისარის მეგობრებისა და პირადად მისი ძლიერების შიშით განზრახ დახუჭა თვალები და უყურადღებოდ დატოვა მის წინააღმდეგ მიმართული ჩვენებებით. მისთვის ცხადი იყო, რომ გამამართლებელ განაჩენს შეთქმულნი კეისართან გაინაწილებდნენ, მაგრამ კეისარი მათი სასჯელის მოზიარე არ გახდებოდა.

21. როდესაც აზრის გამოთქმის ჯერი კეისარზე მიდგა, იგი წამოდგა და მოითხოვა, დაპატიმრებულნი სიკვდილით კი არ დაესაჯათ, არამედ ჩამოერთმიათ ქონება, წაეყვანათ იტალიის იმ ქალაქებში, რომელთაც ციცერონი აირჩევდა და ყოლოდათ პატიმრობაში მანამ, სანამ კატილინას არ დაამარცხებდნენ⁴⁷. შესანიშნავი მჭევრმეტყველებით წარმოთქმულ ამ ლმობიერ მოსაზრებას გარკვეული ძალა თვით ციცერონმა შეჰმატა. იგი წამოდგა, ორივე წინადადება ცალ-ცალკე გაარჩია და პირველსაც დაუჭირა მხარი ნაწილობრივ და მეორესაც, რომელიც კეისარმა შემოიტანა. მისი მეგობრები ფიქრობდნენ, კეისარის აზრი ციცერონისათვის ხელსაყრელიაო: თუ იგი დაპატიმრებულთ სიკვდილით არ დასჯიდა, ნაკლებ წყრომას დაიმსახურებდა; ამიტომ მათ მეორე წინადადება ამჯობინეს პირველს. მაშინ თვით სილანუსმაც შესცვალა თავისი აზრი და თქვა, სიკვდილით დასჯა სრულიადაც არ ჰქონია მხედველობაში: უმადლესი სასჯელი რომაელი სენატორისათვის საპყრობილეაო.

როგორც კი გამოთქვა ეს აზრი, მის წინააღმდეგ პირველად კატულუსს ლუტაციუსმა გაილაშქრა; შემდეგ სიტყვა აიღო კატონმა და

თავისი სიტყვით იმდენად გააძლიერა კეისარზე შიტანილი ეჭვი, რომ სენატი წყრომით აღივსო და ბრალდებულთ სიკვდილით დასჯის განაჩენი გამოუტანა⁴⁸. კეისარმა ახლა ქონების ჩამორთმევის წინააღმდეგ გაილაშქრა, ვინაიდან არ მიაჩნდა სამართლიანად მისი წინადადებიდან უკუეგდოთ ის, რაც კაცთმოყვარული იყო და გამოეყენებინათ მხოლოდ და მხოლოდ უსასტიკესი ნაწილი. სენატის უმრავლესობა ცდილობდა ძალით დაეთანხმებინა კეისარი. მაშინ მან სახალხო ტრიბუნებს მიმართა. ტრიბუნებმა მის თხოვნას ყური არ ათხოვეს, მაგრამ ციცერონმა თვითონ დაუთმო და ქონების ჩამორთმევის წინადადება უარყო.

22. ამის შემდეგ სენატორთა თანხლებით ციცერონი გაემართა მსჯავრდადებულებისაკენ. ისინი ყველანი ერთ ადგილას კი არ იყვნენ, არამედ თითოეული მათგანი განცალკევებულად იმყოფებოდა სხვა და სხვა პრეტორის მეთვალყურეობის ქვეშ. უმაღლეს მოხელეთაგან შემდგარი დამცველი რაზმით გარშემოხვეულმა ციცერონმა ჯერ ლენტულუსი წამოიყვანა პალატიუმიდან და საღვთო გზით ფორუმზე გაატარა. ამ ამბით შეძრწუნებული ხალხი დუმილით მიჰყვებოდა კონსულს უკან. განსაკუთრებით შეშინებული და განცვიფრებული იყო ახალგაზრდობა; მას ეგონა, თითქოს სრულდებოდა წინაპართაგან დაწესებული, წარჩინებულთა ძალაუფლების გამომსახველი რომელიღაც წმინდა საიდუმლოება.

ციცერონმა ფორუმში გაიარა და გავიდა ციხესთან. აქ მან ლენტულუსი გადასცა ჯალათს და უბრძანა მისი მოკლა. შემდეგ აქვე მიიყვანა ცთეგუსი; მერმე სხვებიც და სათითაოდ დაახოცინა⁴⁹.

ფორუმზე, შეთქმულებაში მონაწილე პირთა დიდი ჯგუფი იდგა; ამ ჯგუფის წევრებმა საქმის ვითარება არ იცოდნენ და დაღამებას ელოდნენ; ეგონათ, პატიმრები ჯერ კიდევ ცოცხლები იყვნენ და შეიძლებოდა მათი გატაცება. დაინახა თუ არა ესენი ციცერონმა, ხმამაღლა შესძახა: „მათ გაასწორეს ანგარიში სიცოცხლესთანო!“⁵⁰ ასეთ გამოთქმას ხმარობენ ჩვეულებრივ რომაელები სიკვდილის აღსანიშნავად და ავბედითი სიტყვის პირდაპირ თქმას გაუბრძანა.

დადგა საღამო. ციცერონი ფორუმზე გავლით შინ ბრუნდებოდა. მოქალაქენი ახლა დუმილით და რიგზე ჩამწყრივებულნი კი აღარ მიაცილებდნენ მას, არამედ შეძახილებითა და ტაშისცემით ხვდებოდნენ ყველგან, სადაც კი გამოჩნდებოდა და სამშობლოს მსხნელსა და

დამფუძნებელს ეძახდნენ. ქუჩები გაკაშკაშებული იყო რადგან მოსახლეობას ეველა სახლის კარებში შანდლები და მაშხალები გამოედგა. ქალები სახლთა ბანებიდან უნათებდნენ გზას, რათა პატივი ეცათ და დაენახათ ის კაცი, ვინც მედიდურად მიაბიჯებდა ფრიად წარჩინებულ პირთა თანხლებით. ამთგან მრავალს ჰქონდა გადახდილი დიდი ომები, ბევრს ტრიუმფალური სვლაც დაემსახურებინა და ბევრს კიდევ არცთუ ისე მცირე მიწა-წყალი მოეპოვებინა სახელმწიფოსათვის. ისინი მსვლელობის ეამს ერთმანეთში საუბრობდნენ იმაზე, რომ რომელი ხალხი მრავალ ძველ სარდალს უნდა უმადლოდეს სიმდიდრეს, სამხედრო დავლასა და თავის ძლიერებას, მაგრამ უშიშროებასა და ხსნას იგი უნდა უმადლოდეს მხოლოდ ერთს — ციცერონს, რომელმაც მას თავიდან ააცილა ესოდენ დიდი და მრისხანე საფრთხე.

საოცარი ჩანდა არა ის, რომ ციცერონმა შეთქმულთა საქმეს ხელი შეუშალა და დამნაშავენი დასაჯა, არამედ ის, რომ სახელმწიფო გადატრიალების მიზნით მოწყობილ ამბოხებათა შორის უდიდესი ამბოხება მან ყოველგვარი აურზაურისა და შფოთვის გარეშე, სულ მცირე მსხვერპლის გაღებით ჩააქრო. საქმე ის იყო, რომ კატილინას მომხრეთა უმრავლესობამ გაიგო თუ არა ლენტულუსისა და ცეტეგუსის ხვედრი, მიატოვა წინამძღოლი და მიმოიფანტა. დარჩენილებთან ერთად კატილინა შეებრძოლა ანტონიუსს და თავისი ლაშქრით დაიღუპა.

23. მიუხედავად ამისა, ზოგიერთები მზად იყვნენ გაეციხათ ციცერონი საქმეთა გამო და ვნება მოეტანათ მისთვის. მეთაურებად მათ ჰყავდათ შემდგომი წლისათვის თანამდებობათა აღმსრულებელი პირები — კეისარი, ვინც პრეტორობას გასწევდა, და მეტელუსი და ბესტია, რომლებიც სახალხო ტრიბუნები იქნებოდნენ, როცა ამ პირებმა ძალაუფლება მიიღეს, ციცერონს, რომელსაც კონსულობის ვადის რამდენიმე დღეა ჰქონდა დარჩენილი, ხალხის წინაშე სიტყვით გამოსვლის ნება არ დართეს; ტრიბუნაზე სავარძლები შედგეს და საშუალება არ მისცეს ასულიყო იქ და ელაპარაკა. მათ ციცერონს წინადადებით მიმართეს: თუ გასურს, მხოლოდ გამგებლობის დამთავრების აღსანიშნავი ფიცი წარმოთქვი და მაშინვე ჩამოდი ტრიბუნიდანო. ციცერონი ამაზე დათანხმდა და ფიცის წარმოსათქმელად ტრიბუნაზე ავიდა. როცა მის ირგვლივ სიჩუმე დამყარდა, მან წარ-

მოთქვა არა მამა-პაპათაგან დაწესებული ფიცი, არამედ საკუთარი, ახალი ფიცი, რომ მან სამშობლო იხსნა და დიდება შეუწარმოა. მისი ფიცი მთელმა ხალხმა გაიმეორა⁵¹.

ამის შემდეგ კეისარი და სახალხო ტრიბუნები კიდევ უფრო მეტად გაბრაზდნენ და ცდილობდნენ ახალი შფოთი აეტეხათ ციცერონისათვის. მათ შემოიტანეს კანონი, რომელიც ითვალისწინებდა პომპეუსისა და მისი მხედრობის გამოწვევას რომში, რათა ამით საზღვარი დასდებოდა ციცერონის მმართველობას. მაგრამ ციცერონს და მთელ რესპუბლიკას დიდი შემწეობა აღმოუჩინა კატონმა, რომელიც იმხანად სახალხო ტრიბუნი იყო. მას თანამდებობით ამხანაგების თანაბარი ძალაუფლება ჰქონდა, მაგრამ ვაცილებით უფრო დიდი გავლენით სარგებლობდა და ციცერონის მტრების პოლიტიკური ზრახვების წინააღმდეგ სასტიკად ილაშქრებდა. მან მრავალი სხვა წინააღმდეგობაც ადვილად დასძლია და ხალხის წინაშე წარმოთქმული სიტყვით ისე აღაზგავა ციცერონის კონსულობა, რომ ციცერონს უდიდესი პატივი სცეს, რაც არავის არასოდეს ღირსებია, და სამშობლოს მამად აღიარეს. როგორც ჩანს, ციცერონი პირველი იყო, ვინც ამ სახელს ატარებდა და იგი კატონმა მისცა მას ხალხის წინაშე წარმოთქმულ სიტყვაში⁵².

24. ციცერონმა იმხანად უაღრესად დიდი გავლენა მოიპოვა რომში, მაგრამ ბევრმაც შეიძულა. ეს სიძულვილი მისი რაიმე ბოროტი საქციელით კი არ იყო გამოწვეული, არამედ იმიტომ, რომ საკუთარი თავის განუწყვეტელი ქება-დიდებათ თითქმის ყველას შეაძულა თავი. ვერც სენატი, ვერც ხალხი და ვერც სასამართლო ვერ შეიკრიბებოდა ისე, რომ კვლავ და კვლავ არ მოესმინათ მისგან კატილინასა და ლენტულუსის ყბადაღებული ამბავი. ბოლოს და ბოლოს ციცერონმა საკუთარი წიგნებიც და სხვა ნაწერებიც თავისი თავის ხოტბით აავსო. ავად აკვიატებული და მავნე ჩვევის წყალობით მისი სამუშაო, მეტად სხარტი სიტყვები მომაბეზრებელი და აუტანელი გახდა მსმენელთათვის.

ასეთი უსაზღვრო პატივმოყვარეობის მიუხედავად ციცერონი არასოდეს არ უყურობდა სხვებს შურის თვალთ და, როგორც ეს მისი ნაწერებიდან ჩანს, არ იშურებდა ქება-დიდებას არც წარსული, არც თავისი დროის დიდი აღმამანების მიმართ. ამ მხრივ ციცერონის მრავალ გამონათქვამს იმოწმებენ ხოლმე. ასე, მაგალითად, არისტოტელეს

მან უწოდა მდინარე, რომელიც ოქროს ტალღებს მოაჩუხჩუხებს; პლატონის დიალოგებზე მას უთქვამს: თუ შეიძლება დავუშვათ, რომ ზეესი ადამიანური ენით ლაპარაკობდა, მაშინ იგი პლატონის დიალოგების ენით ილაპარაკებდაო. თეოფრასტეს ჩვეულებრივ „თავის სიტყვებას“ ეძახდა. კითხვაზე: — შენი აზრით, დემოსთენეს სიტყვებში რომელია უმშვენიერესი? ციცერონს უბასუხნია: — ის, რომელიც ყველაზე უგრძესიაო. მიუხედავად ამისა, ზოგიერთები, ვინც თავს დემოსთენეს თაყვანისმცემლებად თვლიან, ჩასციებთან ციცერონის იმ გამოთქმას, რომელიც ერთ-ერთი მეგობრისადმი მიუწერია: ხანდახან სიტყვებში დემოსთენესაც ჩაეძინებო. ამ პირთ ავიწყდებათ ის მრავალი აღფრთოვანებული ხოტბა, რასაც ხშირად მიმართავს ხოლმე ციცერონი დემოსთენეს მიმართ და ის, რომ მან ანტონიუსის წინააღმდეგ მიმართულ სიტყვებს, იმ სიტყვებს, რომლებიც განსაკუთრებული მუყაითობით დაამუშავა, „ფილიპიკები“ უწოდა ⁵³.

მჭევრმეტყველებითა და სიბრძნით სახელგანთქმულ მის თანამედროვე პირთაგან არც ერთი არ დარჩენილა, ვისი სახელიც კიდევ ფუფრო მეტად არ გაედიდებინოს ციცერონს თავის სიტყვებსა თუ ნაწერებში გულწრფელი ხოტბით. პერიპატეტიკოს კრატისეს მან რომის მოქალაქის ფულგენია მიაღებინა კეისრის ნებართვით, რომელიც მაშინ უკვე სახელმწიფოს მეთაური იყო; არეოპაგს კი გამოატანინა გადაწყვეტილება ეთხრავთ კრატისესათვის დარჩენილიყო ათენში, რათა გაენათლებინა ახალგაზრდობა და იქ ყოფნით ქალაქი დაემშვენებინა ⁵⁴. ცნობილია ციცერონის წერილები პეროდესა ⁵⁵ და ზოგიც შვილისადმი მიწერილი. ამ წერილებში იგი შვილს წინადადებას აძლევს ფილოსოფია კრატისესთან ისწავლოს. რიტორ გორგიას ციცერონი ეიცხავს იმისათვის, რომ ყმაწვილ კაცს ფუფუნებასა და ლოთობას აჩვენებს, შვილს კი ურჩევს ყოველგვარი კავშირი გაწყვიტოს გორგიასთან ⁵⁶. ციცერონის ბერძნული წერილებიდან მხოლოდ ეს და მეორე — ბიზანტიელი პელოპისადმი გაგზავნილი წერილია ერთგვარი წყრომით შეთხზული. გორგიას ციცერონი სამართლიანად ესხმის თავს, თუკი ნამდვილად ისეთი ავი და თავაშვებული კაცი იყო, როგორიც ჩანს. რაც შეეხება პელოპს, ციცერონი მას წვრილმან რამეებში ედავება და უსაყვედურებს, რომ გულგრილად მოექცა და ბიზანტიელთაგან არ გამოითხოვა ციცერონისათვის საჭირო ზოგი რამ პატივი და გადაწყვეტილება.

25. ციცერონის პატივმოყვარული მისწრაფებანი იმაშიც შედგება, რომ თავისი მშვერმეტყველებით ხშირად ქედმაღლობდა და მისთვის საკადრის თავდაჭერილობის საზღვარს გადადიოდა. ერთხელ მან სასამართლოში დაიცვა მუნაციუსი⁵⁷, რომელმაც განთავისუფლებისთანავე აღძრა საქმე ციცერონის მეგობრის — საბინიუსის წინააღმდეგ. ამბობენ, ამაზე ციცერონი ისე აენთო რისხვით, რომ მუნაციუსს შესძახა: „მუნაციუსო, ხომ არ გგონია, შენი თავის წყალობით დაუძვერი სასჯელს და არა იმით, რომ ჩემმა მშვერმეტყველებამ სქელი ბურუსი მოჰფინა შენს საქციელს, რომელზედაც სასამართლოს დღესავით ნათელი წარმოდგენა ჰქონდაო?“

ერთხელ კიდევ ტრიბუნიდან ხოტბა შეასხა მარკუს კრასუსს და ბრწყინვალე წარმატებაც მოიპოვა, მაგრამ სულ რამდენიმე დღის შემდეგ იგივე კრასუსი საშინლად გამოლანძღა. მაშინ კრასუსმა ჰკითხა: — „განა შენ არ იყავი, ამ ცოტა ხნის წინათ რომ სწორედ აქვე მაქებდი?“ „დიახ, მე გახლდით, — უპასუხა ციცერონმა, — მშვერმეტყველებაში გავივარჯიშე: მინდოდა გამომეცადა ჩემი სიტყვის ძალა ჩირის ფასად ღირებულ საგანზე ლაპარაკშიო“.

ერთ დღეს კრასუსმა განაცხადა: სამოც წელზე მეტი არც ერთ კრასუსს არ უტეხოვრია რომშიო. მეორე ხნის შემდეგ ამ სიტყვებზე უარი თქვა: რა მრჯიდა, ეგ რომ მეთქვაო. „შენ იცოდი, — უთხრა ციცერონმა, — რომ რომაელნი სიამოვნებით მოგისმენდნენ და ამიტომაც ხალხის გულის მოგება გინდოდაო“. იგივე კრასუსი ირწმუნებოდა, რომ მას მოსწონს სტოელების მოძღვრება, ვინაიდან სტოელების მტკიცებით მდიდარია ის, ვინც მადლმოსილი კაცია. ამაზე ციცერონმა მას უთხრა: „კარგად დაუკვირდი, უფრო მეტად შენ მათი ის მოძღვრება არ მოგწონდეს, რომლის მიხედვითაც ყველაფერი ბრძენს ეკუთვნისო“. ცნობილია, რომ კრასუსს ვერცხლმოყვარეობას სწამებდნენ.

კრასუსის ერთ-ერთი ვაჟიშვილი საოცრად ჰგავდა ვინმე აქსიოსს და ამით საშინლად უტეხდა სახელს საკუთარ დედას. და აი, როცა ამ ყმაწვილმა კაცმა სენატში სიტყვა წარმოთქვა და საერთო მოწონებაც დაიმსახურა, ციცერონმა შეკითხვაზე: შენ როგორილა აზრის ხარო, ასე უპასუხა: „აქსიოს კრასუს“⁵⁸.

26. კრასუსმა, როცა სირიაში გასამგზავრებლად ემზადებოდა, უმჯობესად ჩათვალა ციცერონი მისი მეგობარი ყოფილიყო და არა

მტერი. ამიტომ ფარისევლობა დაუწყო და უთხრა: „შენთან ვახშმობა მწადიანო. ციცერონი ხალსით დაეთანხმა. რამდენიმე დღის შემდეგ ზოგიერთმა მეგობარმა სიტყვა ჩამოუგდო მას ვატინიუსზე, რომელიც მტრად ჰყავდა გადაკიდებული, — ძალიან უნდა შენთან შერიგება და მეგობრობაო. „როგორ, — შენიშნა ამაზე ციცერონმა, — ვატინიუსსაც ხომ არ სურს ჩემთან ვახშმობაო“ აი, ასეთი იყო ციცერონი კრასუსის მიმართ. ჩიყვიან ვატინიუსს კი, რომელიც სასამართლოში თავის დასაცავ სიტყვას ამბობდა, სახელად გაბერილი ორატორი შეატყვა. ერთხელ მას აღუყვას: ვატინიუსი გარდაიცვალაო; მცირე ხნის შემდეგ, როცა სარწმუნოდ შეიტყო, ცოცხალიაო, ასე თქვა: „წყველ იყოს, ვინც ასე საძაგლად იცრუაო!“

კეისარმა წინადადება შეიტანა კამპანიის მიწები ჯარისკაცებს დარიგებოდათ. უმრავლესობა გულისწყრომით შეხვდა ამ აზრს სენატში. ლუციუს გელუსმა კი, რომელიც სიბერისაგან მთლად მიხრწნილი იყო, განაცხადა: სანამ მე ცოცხალი ვარ, ეგ არ მოხდებაო. „მოვიცადოთ, — თქვა ციცერონმა, — გელიუსი ხომ დიდი ხნით არ თხოულობს ვადის გადაღებასო“ 59.

ერთი ოქტავიუსი იყო, რომელსაც ლიბიელობას სწამებდნენ. მან თურმე რომელიღაც სასამართლო სხდომის დროს შენიშნა: ციცერონის ლაპარაკი არ მესმისო; „აბა, რა ჩემი ბრალია, — უთხრა ციცერონმა, — შენ რომ ყურები გახვრეტილი გქონდესო!“ 60

მეტელუს ნეპოტმა ერთხელ თქვა: ციცერონმა თავისი ჩვენებებით უფრო მეტი ხალხი დაღუპა, ვიდრე დასაცავი სიტყვებით გადაარჩინაო; „გეთანხმები, — მიუგო ციცერონმა, — რომ ჩემში ენამქვერობას სინდისის ძალა სჭარბობსო“.

ერთმა ყმაწვილმა კაცმა, რომელსაც ბრალად ედებოდა შხამგარეული ნამცხვრით მამის მოწამვლა, თავხედურად განაცხადა: ციცერონს გამოვლანძღავი. „უფრო მეტი სიამოვნებით მივიღებ მაგას შენგან, ვიდრე ნამცხვარსო“, — მიუგო მას ციცერონმა.

პუბლიუს სესტიუსმა სისხლის სამართლის ერთ საქმეში სხვებთან ერთად დამცველად აიყვანა ციცერონი, მაგრამ სხდომის დროს სულ თვითონ მოინდომა ლაპარაკი და არც ერთ დამცველს არ ათქმევინა სიტყვა. როცა ცხადი გახდა, მოსამართლენი მას ათავისუფლებდნენ და უკვე ხმის მიცემაც დაიწყეს, მაშინ ციცერონმა უთხრა: „ისარგებ-

ლუ დღევანდელი შემთხვევით, სესტიუსს, თორემ ზვალ ისევ ჩვეულებრივი ადამიანი იქნები და არავინ არ მოგისმენსო“⁶¹.

პუბლიუს კოსტა, რომელიც თავს კანონების მცოდნედ ასაღებდა, სინამდვილეში კი ძალიან გაუხსათლებელი და გონებაჩლუნგი ვინაჲ იყო, ერთხელ ციცერონმა რაღაც საქმესთან დაკავშირებით სასამართლოში გამოიძახა მოწმედ. როცა მან განაცხადა: არაფერი არ ვიციო, ციცერონმა უთხრა: „შენ ალბათ გგონია კანონთა შესახებ გეკითხები რასმერ“.

მეტელუს ნეპოტი ერთ რომელიღაც კამათში წამდაუწუმ უმეორებდა ციცერონს: „ციცერონო, ვინ არის შენი მამა?“ „მაგვერ კითხვაზე პასუხის გაცემა, — მოუგო ციცერონმა, — შენ უფრო მეტად გაგიძნელა დედაშენმაო“. მართლაც, ნეპოტის დედას გარყვნილი ქალის სახელი ჰქონდა გავარდნილი, თვითონ ნეპოტი კი დიდ ცეტი ვინმე იყო. ერთხელ მან მოულოდნელად მიატოვა სახალხო ტრიბუნის თანამდებობა და პომპეუსთან გაემგზავრა სირიაში, საიდანაც ასევე მოულოდნელად დაბრუნდა უკან და ამ საქციელით კიდევ უფრო მეტად დაამტკიცა თავისი თავქარიანობა.

ნეპოტმა დიდი ამბით დაკრძალა თურმე თავისი მასწავლებელი ფილაგროსი და საფლავზე ქვისგან გამოკვეთილი ყვავი დაუდგა. „ეგ ძალიან ბრძნულად გაგიკეთებია, — უთხრა მას ციცერონმა; — შენმა მოძღვარმა ფრენა უკეთ გასწავლა, ვიდრე ლაპარაკიო“.

მარკუს აპიუსმა ერთ-ერთი დასაცავი სიტყვა შესავლით დაიწყო და თქვა: ჩემმა მარწმუნებელმა მეგობარმა მოხოვა, ამ საქმეში მთელი მჭევრმეტყველება, მზრუნველობა და ერთგულება გამოიჩინეო. ამაზე ციცერონმა შენიშნა: „ნუთუ ისეთი გულქვა კაცი ხარ, რომ შენს მეგობარს იმ მრავალ თხოვნათაგან არც ერთს არ შეუძრულებო?“

27. გესლიანი ხუმრობის გამოყენება მტრებისა და მოკამათე მხარის წინააღმდეგ მჭევრმეტყველური ხერხია. ციცერონი კი სხვების გასაცინებლად ამ ხერხს ყველას მიმართ იყენებდა განურჩევლად და ამით საკმაოდ დიდ სიძულვილს იმსახურებდა. მოვიტან რამდენიმე მაგალითს.

მარკუს აკვინიუსს, რომელსაც განძეგებაში მყოფი ორი სიძე ჰყავდა, ციცერონი ადრასტეს ეძახდა⁶².

ღვინის უსაზღვროდ მოყვარული კაცის — ლუციუს კოტის ცენ-

ზორბის დროს ციცერონს კონსულად ირჩევდნენ⁶³ მას წყალი მოსწყურდა და, როცა სვამდა, გარშემოჯარულ მეგობრებს უთხრა: „კიდევ კარგი, გარს მახვევიხართ; ალბათ შიშობთ, ცენზორი არ გამიწყრეს, წყალს რომ ვსვამო“.

ერთგულ იგი შეხვდა ვოკონიუსს, რომელსაც სამი ერთიმეორეზე უმნო ქალიშვილი ახლდა. ციცერონმა წამოიძახა:

„წარმოშვა შეილნი, თუმც უფლება ფებემ არ მისცა“⁶⁴.

მონურ ჩამომავლობაში ეკვმიტანილი მარკუს გელიუსი ერთხელ წერილებს უკითხავდა სენატს მშვენიერი და ძლიერი ხმით. „ნუ გიკვირთ, — მიმართა ციცერონმა სენატორთ, — ეგ კაცი ერთ-ერთი ნაშიერია იმათი, რომლებიც საჯაროდ ყვიროდნენო“⁶⁵.

რომელთა დიქტატორს სულას, ვინც მრავალი ადამიანი მისცა სიკვდილს განსაკუთრებული სიების გამოქვეყნებით⁶⁶, ჰყავდა ძე ფაუსტუსი. როცა ფაუსტუსმა შემკვიდრეობის უდიდესი ნაწილი გაფლანგა და ვალვებში ჩაეარდნის შემდეგ ღარჩენილ ქონებაზე საჯარო ვაჭრობა გამოაცხადა, ციცერონმა შენიშნა, რომ ეს განცხადება უფრო მოსწონს, ვიდრე ფაუსტუსის მამისა.

28. ასეთი გესლიანი ენის წყალობით მან მრავალი მტერი გაიჩინა. მის წინააღმდეგ დაირაზმნენ კლოდიუსის მომხრენიც, რომლებმაც ხელი ჩასჭიდეს შემდეგ საბაბს. კლოდიუსი, კეთილშობილი ჩამომავლობის კაცი, ასაკით ახალგაზრდა იყო, მაგრამ ხასიათით — თავხედი და თავნება. მას უყვარდა კეისრის ცოლი პომპეია და ამის გამო ქნარზე დამკვრელი ქალის ტანსაცმლით მოკაზმული მის სახლში მალ-მალად აკრძალული აქვთ. იქ მართლაც არც ერთი მამაკაცი არ იყო. ჯერ სულ ახალგაზრდა და პირტიტველ კლოდიუსს იმედი ჰქონდა ქალებთან ერთად შეუმჩნევლად შევალწევ პომპეიასთანო. მაგრამ როცა ღამით უზარმაზარ სახლში შევიდა, დერეფნებში დაიბნა. მოწრი-ალე კლოდიუსი კეისრის დედის ავრელიას მზევალმა ქალმა დაინახა და ვინაობა ჰკითხა. კლოდიუსი იძულებული გახდა პასუხი გაეცა და უთხრა: პომპეიას მოახლე გოგოს ვეძებ, სახელად ავრასო. მზევალმა შეიცნო თუ არა მამაკაცის ხმა ყვირილი მორთო და ქალებს მოუხმო. ქალებმა ყველა კარი ჩაკეტეს, იჭაურობა დაჩხრიკეს და შეიპყრეს

კლოდიუსი, რომელიც იმ მოახლე გოგოს საწოლ ოთახში დამალუ-
ლიყო, ვისთანაც ერთად სახლში შემოვიდა.

ეს ამბავი მეტისმეტად გახმაურდა, მაშინ კეისარმა პომპეია გაუშ-
ვა...⁶⁷ კლოდიუსს კი ბრალად დასდო მკრეხელობა და სამართალ-
ში მისცა⁶⁷.

29. ციცერონი კლოდიუსის მეგობარი იყო და კატილინასთან და-
კავშირებულ ამბავთა მსვლელობის ეამს კარგადაც იყენებდა მას,
როგორც უერთგულეს თანაშემწესა და პირად მცველს.

მაგრამ ახლა, როცა კლოდიუსი თავგამოდებით უარყოფდა ბრალ-
დებას, მაგ დროს რომში სულაც არ ვიყავი, ქალაქიდან ძალზე და-
შორებულ ადგილებში ვიმყოფებოდიო, — ციცერონმა ამის საწინა-
აღმდეგოდ აჩვენა: სწორედ იმ დღეს კლოდიუსი ჩემთან სახლში მო-
ვიდა და ზოგ-ზოგ რამეზე მესაუბრაო.

ეს მართლაც ასე იყო. მაგრამ, ეტყობა, ციცერონმა ასეთი ჩვენე-
ბა ჭეშმარიტების სიყვარულით კი არ მისცა, არამედ იმიტომ, რომ
ამით თავი ემართლებინა თავისი ცოლის, ტერენციას წინაშე. ტერენციას
საშინლად ეზიზღებოდა კლოდიუსი მისი დის, კლოდიას მიზეზით,
რომელსაც თურმე ციცერონზე გათხოვება სურდა და ამ საქმეს აკე-
თებიანებდა ვინმე ტულუსს. ეს ტულუსი ციცერონის ერთ-ერთი
ყველაზე უფრო ახლო მეგობარი და შინაური კაცი იყო; იგი კლო-
დიას მეზობლად ცხოვრობდა, ხშირად დადიოდა მასთან და საჭირო
სამსახურს უწევდა, რითაც ტერენციას ეჭვები აღუძრა.

ჰოდა, უკმათი ხასიათის და ქმარზე მბრძანებლობის მოყვარულმა
ტერენციამ წააქეზა სხვებთან ერთად ამხედრებულიყო კლოდიუსზე
და მის წინააღმდეგ მიეცა ჩვენება.

კლოდიუსის წინააღმდეგ მოწმედ გამოვიდა მრავალი წარჩინებუ-
ლი და პატიოსანი მოქალაქე. ისინი მას ბრალად სდებდნენ ფიცის
გატეხას, თაღლითობას, ბრბოს მოსყიდვასა და ქალების შეცდენას.
ლუკულუსმა კი მსახური ქალები წარმოადგინა იმის მოწმეებად, რომ
კლოდიუსს სამარცხვინო კავშირი ჰქონდა თავის ყველაზე უმცროს
დასთან მაშინ, როცა ეს ქალი მისი, ლუკულუსის ცოლი იყო. გარდა
ამისა, დაჟინებით დადიოდა ხმები, რომ კლოდიუსი ცხოვრობდა და-
ნარჩენ ორ დასთანაც, რომელთაგან ერთი — ტერცია მარციუს რექსის

⁶⁷ ტექსტი დაზიანებულია.

ცოლი იყო, ხოლო მეორე — კლოდია — მეტელუნ ცელერისა⁶⁸. კლოდიას მეტსახელად კვადრანტიარის ეძახდნენ; ეს იმიტომ, რომ ერთ-ერთმა საყვარელმა მას გაუგზავნა ქისა, რომელშიც ვერცხლის ნაცვლად სპილენძის ფული ჩაუყარა: სპილენძის უწვრილეს ფულს კი რომაელთა ენაზე კვადრანტი ჰქვია. ამ დასთან კავშირმა ყველაზე მეტად გაუტეხა სახელი კლოდიუსს.

მიუხედავად ამისა, ხალხმა მაშინ ძლიერი წინააღმდეგობის გაწევა დაუწყო კლოდიუსის ბრალმდებლებსა და მტრებს. დაშინებულმა მსაჯულებმა სასამართლოს შენობის არგვლივ დაცვა დააყენეს; მოსამართლეთა უმრავლესობამ კი ხმის მისაცემ ფირფიტებზე თავი-ანთი აზრი ფრიად გაუგებრად წააწერა. ბოლოს და ბოლოს მაინც გაიბრკვა, რომ მსაჯულთა დიდი ნაწილი კლოდიუსის გამართლებას ემხრობოდა; ამის გამო დაირბა ხმა: მსაჯულები მოისყიდესო. როცა მათ შეხვდა, კატულუსმა უთხრა: „სავსებით სწორედ მოიქეცით, პირადი უშიშროებისათვის რომ დაცვა გამოითხოვეთ; თქვენ გეშინოდათ, ვისზე თქვენთვის ფული არ წაერთმია“⁶⁹. როცა კლოდიუსმა ნიშნისმოგებით მიმართა ციცირონს: შენს ჩვენებებს მოსამართლენი არ ერწმუნენო, ციცირონმა მიუგო: „ოცდახუთმა მსაჯულმა დამიჯერა მე, ვინაიდან სწორედ ამდენმა გაგამტყუნა შენ; შენ კი არ დაგიჯერა ოცდაათმა და მანამ არ გაგამართლა, სანამ შენგან ფული არ აიღოთ“.

სასამართლოში გამომჩნეხულმა კეისარმა კლოდიუსის წინააღმდეგ ჩვენება არ მისცა და განაცხადა, რომ მას ცოლისათვის მრუშობა არ შეუშინებია, მაგრამ გაუშვა იმიტომ, რომ კეისარის მეუღლეს არა მარტო სამარცხვინო საქმეთაგან უნდა ეჭიროს თავი შორს, არამედ სახელიც უმწიკვლო უნდა ჰქონდესო.

30. როგორც კი გადაურჩა საფრთხეს, კლოდიუსი სახალხო ტრიბუნად აირჩიეს. იგი მაშინვე დაუპირისპირდა ციცირონს და მის წინააღმდეგ ყოველგვარი საქმის შეგროვება და სხვადასხვა ჯურის მოქალაქეთა წაქეზება დაიწყო. ლმობიერი კანონებით მან ხალხის გული მოიგო, ხოლო ორივე კონსულს სახალხო კრების დადგენილებით სამგებლოდ მიუჩინა დიდი პროვინციები: პიზონს მისცა მაკედონია, გაბინიუსს კი სირია. მრავალი ღარიბი მოქალაქე კლოდიუსმა თავის პოლიტიკას მიაძხრო და გარს შეიარაღებული მონები შემოიკრიბა.

იმხანად რომში ყველაზე უფრო ძლიერი იყო სამი კაცი: კრასუსი, პომპეუსი და კეისარი. კრასუსი აშკარად ებრძოდა ციცერონს: პომპეუსი ორივესთან თვალთმაქცობდა; კეისარი კი თავისი ჭარბი გალიაში ვასალაშქრებლად ემზადებოდა. ციცერონმა ამ უკანასკნელს მიაშურა, თუმცა იგი მისი მეგობარი არ იყო და კატილინას შეთქმულების დროიდან ეჭვის თვალით უყურებდა. ციცერონმა მას სთხოვა ლეგატად წაეყვანა ლაშქრობაში. კეისარი ამაზე დათანხმდა. კლოდიუსმა, როგორც კი დაინახა, ციცერონი მის (სახალხო ტრიბუნის) ძალაუფლებას ხელიდან უსხლტებოდა, თავი ისე დაიჭირა, თითქოს მასთან შერიგება სურდა. იგი თითქმის ყველაფერს ტერენციას აბრალეზდა; ამიერიდან ციცერონს ყოველთვის კარგად იხსენებდა და მოქარგული სიტყვებით არწმუნებდა: შენ მიმართ ზიზღი და რისხვა არ მამოქმედებდა, მხოლოდ ზომიერი და მეგობრული საყვედურებით მოგმართავდიო. ასეთი ქცევით კლოდიუსმა ყოველგვარი შიში გაუფანტა ციცერონს. ამანაც კეისრის ლეგატობაზე უარი თქვა და კვლავ პოლიტიკურ საქმიანობას მიჰყო ხელი.

კეისარს ეს ეწყინა. მაშინ მან კლოდიუსი გააძლიერა, პომპეუსი კი სრულიად ჩამოაშორა ციცერონს: ხოლო თვითონ ციცერონის წინააღმდეგ მიმართული საბრალდებო სიტყვით გამოვიდა ყრილობის წინაშე. მან თქვა, რომ ცეტეგუსის, ლენტულუსისა და სხვების გაუსამართლებლად დახოცვა, მისი აზრით, იყო უმსგავსო და უკანონო საქციელი. ასეთი იყო ბრალდება, რომლის საფუძველზე ციცერონი სამართალში მისცეს⁷⁸. განსაცდელში ჩავარდნილმა და ათვალწუნებულმა ციცერონმა სამკლოვიარო ტანსაცმელი შემოიბურა, თმა მოუშვა, უბან-უბან სიარული იწყო და ხალხს ემუდარებოდა: დამიფარეთო. მაგრამ მას ყოველ ნაბიჯზე გზას უღობავდა კლოდიუსი უტიფარი და თავხედი ხალხისაგან შემდგარი რაზმის თანხლებით. კლოდიუსის მხლებლები აღვირახსნილი უზრდევლობით დასცინოდნენ ციცერონის შემოსილობას და მის სასოწარკვეთილ შესახედაობას; ზოგჯერ კი ტალახსა და ქვებს ესროდნენ და ხელს უშლიდნენ ხალხს მისი სათხოვარი მოესმინა.

31. მიუხედავად ამისა, ციცერონთან ერთად მხედართა წოდების თითქმის მთელმა შემადგენლობამ გადაიცვა ძაძა. ოცი ათასამდე ყმაწვილი კაცი თმაჩამოშვებული მიჰყვებოდა უკან ციცერონს და მის მუდარას თავის ღალადისს უერთებდა. მალე სენატიც შეიკრიბა, რათა

მიეღო გადაწყვეტილება, რომლის ძალითაც მთელი ხალხი ძაძით უნდა შემოსილიყო და ამით საზოგადო მწუხარება აღენიშნა. მაგრამ კონსულებმა წინააღმდეგობა გაუწიეს ასეთი გადაწყვეტილების მიღებას. როცა კლოდიუსმა შეიარაღებული რაზმით სენატის შენობის გარემოცვა დაიწყო, მრავალი სენატორი ტანსაცმლის ზევით და ყვირილით გარეთ გამოვარდა. თუმცა ამ სანახაობას არც სიბრალული და არც სირცხვილი არ გამოუწვევია კლოდიუსისა და მისი ძალების თვალში.

ციცერონი ან უნდა გაქცეულიყო, ანდა საქმის გადასაწყვეტად იარაღით შებრძოლებოდა კლოდიუსს. იგი იძულებული გახდა შემწეობა ეთხოვა პომპეუსისათვის, რომელიც მაშინ განზრახ გავიდა ქალაქიდან და ალბანუმთან ცხოვრობდა მამულში. დახმარების სათხოვრად ციცერონმა მას ჯერ თავისი სიძე პიზონი მიუგზავნა⁷¹, მერმე კი პირადად მივიდა. მაგრამ პომპეუსმა, როცა მისი მოსვლა აუწყეს, მასთან შეხვედრას თავი აარიდა. მას სინდისი ქენჯნიდა იმ კაცის წინაშე, რომელმაც მისი გულისათვის მრავალი დიდი ბრძოლა გადაიხადა და თავისი პოლიტიკური საქმიანობით ბევრი სამსახური გაუწია. ახლა კი, როცა კეისრის სიძე გახდა, პომპეუსმა სიმამრის დაჟინებული თხოვნით ციცერონის ძველი დამსახურება ქარს გაატანა, უკანა კარიდან გაიპარა და გაიქცა⁷².

პომპეუსისაგან გაყიდულმა და მარტოდმარტო, ბედის ანაბარად დარჩენილმა ციცერონმა ახლა კონსულებს მიაშურა. გაბინიუსი, როგორც ყოველთვის, ცივად შეხვდა; პიზონმა კი საკმაოდ ლმობიერი საუბარი გაუმართა და ურჩია იქაურობას გასცლოდა. გზა ეტია კლოდიუსისათვის, აეტანა ბედის ცვალებადობა და მერმე კვლავ გამხდარიყო მხსნელი სამშობლოსი, რომელიც მისი მიზეზით შფოთსა და უბედურებაში იყო ჩავარდნილი⁷³.

ასეთი პასუხის მიღების შემდეგ ციცერონი მეგობრებს დაეთათბირა. ლუკულუსი არწმუნებდა: მოიცადე და გაიმარჯვებ კლოდიუსზეო. სხვები კი ურჩევდნენ გაქცეულიყო: რაკი მთლიანად გამოსცდის ხალხი კლოდიუსის თავზე ხელაღებას და უგუნთურებას, სულ მალე მოგინატრებსო. ციცერონი ამ რჩევას დაჰყვა. მას დიდი ხნიდანვე ედგა შინ მინერვას ქანდაკება, რომელსაც განსაკუთრებულ თაყვანს სცემდა. მან ეს ქანდაკება კაპიტოლიუმზე აიტანა და ტაძარს შესწირა წარწერით: „რომის მფარველ მინერვას“. ამის შემდეგ ცი-

ცერონმა მეგობრებისაგან შემდგარი მცირერიცხოვანი ამაღლა იახლა, შუალამით ქალაქიდან გავიდა და ქვეითად ლუკანიაზე მიმავალ გზას დაადგა, რათა აქედან სიცილიაში გადასულიყო.

32. როცა მისი გაქცევა გაიგეს, კლოდიუსმა სახალხო კრებაზე გაატარა დადგენილება ციცერონის გაძევების შესახებ და გამოსცა ბრძანება, რომლის ძალითაც ყველას ეკრძალებოდა იტალიიდან ხუთასი მილის მანძილზე მიეწოდებინათ მისთვის ცეცხლი და წყალი და მიეცათ თავშესაფარი. ციცერონის თაყვანისმცემელნი, რომელთა რიცხვიც მრავალი იყო, არაფრად აგდებდნენ ამ ბრძანებას. ისინი მთელი გულწრფელობით ეგებებოდნენ ციცერონს და პატივისცემით აცილებდნენ. მაგრამ ლუკანიის ქალაქ ჰიპონიუმში, რომელსაც ახლა ვიბონს ეძახიან, სიცილიური წარმოშობის ვინმე ვიბიუსმა, რომელიც ხშირად დამტკბარა ხოლმე ციცერონის მეგობრული განწყობილებით და მისი კონსულობის ეამს მშენებელ ხელოსანთა უფროსად იქნა დანიშნული, იგი სახლში არ მიიღო და შეატყობინა, გასაჩერებელ ადგილს ქალაქგარეთ მიგიჩინო. ციცერონის მრავალი სამსახურით დავალებულმა გაიუს ვერგილიუსმა კი, სიცილიის პრეტორმა, წერილობით აცნობა: სიცილიაში ჩამოსვლისაგან თავი შეიკავეო.

ასეთი ქცევით ნაწყენი ციცერონი ბრუნდუზიუმში ავიდა. ხოლო აქედან, როგორც კი დაუბერა ზურგქარმა, ზომალდით დირაქიუმისაკენ გაემართა. მაგრამ ზღვაზე ქარიშხალი ამოვარდა და მეორე დღეს ციცერონი ისევ ბრუნდუზიუმის ნავსადგურში აღმოჩნდა. მერმე კვლავ გავიდა ზღვაში. ამბობენ, როცა იგი დირაქიუმს მიადგა და ნაპირზე გადასვლას აპირებდა, მიწა და ზღვა ერთად შეიძრაო. მისნებმა ეს შემდეგნაირად ახსნეს თურმე: ციცერონის გაძევება ხანგრძლივი არ იქნება; მომხდარი სასწაული ცვალებადობის მომასწავებელიაო.

გულწრფელი პატივისცემის გამო ციცერონის სანახავად დიდძალი ხალხი დადიოდა. საბერძნეთის ქალაქები ერთმანეთს ეცილებოდნენ მასთან ელჩების მიგზავნასა და მიპატიეებაში.

მიუხედავად ამისა, დროის დიდ ნაწილს ციცერონი სასოწარკვეთილებასა და დარდში ატარებდა და უიმედო შეეყარებულთა მსგავსად სულ იტალიას გასცქეროდა. ამ უბედურების ეამს მეტისმეტად იყო სულით დაცემული და შეწუხებული. ამას არავინ მოელოდა ისეთი კაცისაგან, ვისაც ეგზომ დიდი განათლება ჰქონდა მიღებული.

ესი თვითონაც ხშირად მოითხოვდა მეგობრებისაგან, მისთვის ფილოსოფოსი ეწოდებინათ და არა რიტორი. ფილოსოფია, — ამბობდა იგი, — მე ავარჩიე, როგორც ჩემი ძირითადი საქმიანობა, მჭევრმეტყველებას კი საჭიროებისამებრ იბრალად ვიყენებ პოლიტიკურ საქმიანობაში. მაგრამ პატივმოყვარეობას ისეთი ძალა აქვს, რომ ადვილად შეუძლია ადამიანის სულს უბრალო საღებავივით ჩამოარეცხოს ყოველგვარი ცოდნა და პოლიტიკური მოღვაწენი ბრბოსთან ურთიერთობისა და დაახლოების წყალობით ამ ბრბოს განცდებით გაჟღერდნის. ეს ასე ხდება, თუ სახელმწიფო მოღვაწე გარემოსთან კავშირში ფრთხილი არ არის; თუ ის არ ცდილობს ღრმად ჩასწვდეს საქმეთა არსს და არ აპყვეს ამ საქმეებით გამოწვეულ ვნებათ.

33. ციცერონის გაძევების შემდეგ კლოდიუსმა ყველა მისი აგარაკი გადაწვა; ცეცხლს მისცა აგრეთვე მისი სახლი რომში და აქ, ნასახლარზე, თავისუფლების ტაძარი ააგო. ციცერონის დანარჩენ ქონებას კლოდიუსმა გაყიდვა დაუპირა და საამისო განცხადებას ყოველდღიურად აქვეყნებდა შიკრიკთა მეშვეობით; მაგრამ არავინ არაფერს ყიდულობდა, ასეთი საქციელის წყალობით მან მეტისმეტად დააშინა არისტოკრატები; აიყოლია რა თავზეხელაღებული ხალხი, რომელიც მზად იყო ყოველგვარი უხამსობა და თავხედობა ეკისრა, კლოდიუსი თავს დაესხა პომპეუსსაც და ლაშქრობის დროს მის მიერ გამოტანილი ზოგიერთი გადაწყვეტილების გაუქმებას მიჰყო ხელი. ამით შეურაცხყოფილმა პომპეუსმა ფრიად ინანა, რომ ციცერონს უღალატა. ახლა მან აზრი გამოიცვალა და ყოველნაირად ცდილობდა მეგობრების დახმარებით ციცერონის დაბრუნების საქმე მოეგვარებინა. კლოდიუსმა ამის წინააღმდეგ გაილაშქრა. მაშინ სენატმა მიიღო გადაწყვეტილება, რომ ყოველგვარი დადგენილების გამოტანას შეაჩერებდა და საზოგადო საქმეთა წარმოებაზე ხელს აიღებდა, სანამ ციცერონს გაძევებიდან დაბრუნების უფლება არ მიეცემოდა.

როცა ხელისუფლებას სათავეში კონსული ლენტულუსი და მისი მომხრენი ჩაუდგნენ, შინაურმა შფოთმა კიდევ უფრო იმატა. ფორუმზე სახალხო ტრიბუნები დაჭრეს; ციცერონის ძმამ კვინტუსმა კი იმით გადაირჩინა თავი, რომ გვამებს შორის ჩაწვა და თავი მოიმკვდა. მაგრამ ხალხი თანდათან უკვე გონს მოვიდა. ერთ-ერთმა სახალხო ტრიბუნმა ანიუს მილონმა გახედა და პირველმა აღძრა სამართლო საქმე კლოდიუსის ძალადობის წინააღმდეგ. პომპეუსის

გარშემო მრავალი რომაელი და მახლობელ ქალაქთა ბევრი მოსახლე დაირაზმა. მომხრეებთან ერთად პომპეუსი ფორუმზე გამოვიდა, გააძევა იქიდან კლოდიუსი და რომაელთა მოუწოდა ციცერონის სასარგებლოდ მიეცათ ხმა. ამბობენ, ასეთი ერთსულოვნებით არასდროს არც ერთი დადგენილებისათვის არ მიუცია ხმა ხალხსო. სენატმაც თავის მხრივ თავი გამოიღო ხალხის წინაშე და დაადგინა: მადლობა გადაეხადათ იმ ქალაქებისათვის, რომლებმაც პატრივი სცეს ციცერონს გაძევების დროს და საზოგადო ხარჯზე აღედგინათ ციცერონისათვის კლოდიუსის მიერ განადგურებული სახლი და აგარაგები ⁷⁴.

ციცერონი რომში დაბრუნდა გაძევებიდან მეოთქვსმეტე თვეზე. ზხად მომავალ ციცერონს ისეთი გულწრფელი და აღფრთოვანებული შეხვედრა გაუმართა სხვადასხვა ქალაქთა მოსახლეობამ, რომ მის მიერ შემდეგ ხანებში ამასთან დაკავშირებით თქმული სიტყვები მთლიანად ვერ ვადმოსცემენ სინამდვილეს. იგი ამბობს: იტალიამ მხრებზე შესმული შემოიყვანა რომშიო.

კრასუსიც კი, რომელიც გაძევებამდე მტრობდა ციცერონს, გულთბილად მიეგება მას და შეურიგდა, რათა, — როგორც თვითონ ამბობს, — ეამებინა ამით თავისი ვაჟისათვის, ციცერონის მხურვალე თაყვანისმცემელ პუბლიუსისათვის.

34. მცირე ხნის შემდეგ, ისარგებლა რა კლოდიუსის რომში არყოფნით, მრავალრიცხოვანი ამაღლის თანხლებით ციცერონი კაპიტოლიუმზე ავიდა და ჩამოგლიჯა და დაამსხვრია სახალხო ტრიბუნთა ის ფირფიტები, რომლებზედაც აღწუსული იყო კლოდიუსის ტრიბუნობის უამს მიღებული გადაწყვეტილებები. კლოდიუსმა ამის განთა საჩივარი აღძრა; ციცერონი თავს იმართლებდა: პატრიციული წოდების კლოდიუსი უკანონოდ გაძვრა სახალხო ტრიბუნად; ამიტომ მის მიერ გაკეთებულ არც ერთ საქმეს კანონიერი ძალა არა აქვსო ⁷⁵. ამაზე კატონი გაწყრა და შეედავა: კლოდიუსს მე როდი ვაქებ, მისი პოლიტიკური საქმიანობით აღშფოთებულიც კი ვარ, მაგრამ, ჩემი აზრით, საშინელება და ძალადობაა სენატის გადაწყვეტილება იმის შესახებ, რომ მოსპოს ეგზომ დიდმნიშვნელოვანი დადგენილებები და საქმეები, რომელთა შორის ჩემი განკარგულებებიც იყო. კიპროსისა და ბიზანტიონის თაობაზეო.

ერთი სიტყვით, ციცერონმა აწყენინა კატონს; მაგრამ ეს დავა აშ-

კარა მტრობამდე არ მისულა; თუმცა, უნდა ითქვას, მათ ურთიერთობაში ამის შემდეგ ერთგვარი ჩრდილი ჩამოწვა.

35. ამ ამბავთა შემდეგ მილონმა კლოდიუსი მოკლა. მკვლელობისათვის სამართალში მიცემულმა მილონმა დამცველად ციცერონი აიყვანა. იმის შიშით, რომ ქალაქში მღელვარება არ დაწყებულიყო სახელგანთქმული და ფიცხი მილონის საფრთხეში ყოფნის გამო, სენატმა პომპეუსს დაავალა ხელმძღვანელობა გაეწია, როგორც მილონის საქმის გარჩევის მსვლელობისათვის, ისე სხვა სხდომებისათვისაც და ქალაქისა და სასამართლოების უშიშროება უზრუნველყო.

პომპეუსმაც ჯერ კიდევ ღამით ფორუმის ირგვლივ მდებარე მალღობები ჯარისკაცებით გაამაგრა. მილონს ეშინოდა, ასეთი უჩვეულო სანახაობით შესფოთებულ ციცერონს მის დასაცავად კამათი სუსტად არ ჩაეტარებინა. ამიტომ ურჩია, ფორუმზე მოფარდაგული ტახტრევანით მოსულიყო და გულდამშვიდებით მოეცადა, სანამ მსაჯულები არ შეიკრიბებოდნენ და სასამართლო ხალხით არ აივსებოდა. ციცერონი, როგორც ცნობილია, არა მარტო საომარ საქმეებში იყო მხდალი, არამედ ლაპარაკსაც შიშით იწყებდა. თავისი მრავალრიცხოვანი სიტყვების წარმოთქმისას იგი ძლივს იკავებდა ზოლმე ძრწოლასა და კანკალს, ისიც მხოლოდ მაშინ, როცა კამათში გაფიცხდებოდა. ერთხელ იგი იცავდა კატონის მიერ სამართალში მიცემულ ლიცინიუს მურენას და პატივმოყვარეობით აღტყინებული ყოველნაირად ცდილობდა ეჯობნა პორტენზიუსისათვის, რომელმაც მურენას დასაცავად უკვე წარმოთქვა თავის მხრივ სიტყვა და ბრწყინვალე წარმატებაც მოიპოვა. ამისათვის ციცერონმა თითქმის მთელი ღამე მოუსვენრად გაატარა. ბევრი ფიქრითა და უძილობით დაღლილ-დაქანტულმა მეორე დღეს გაცილებით უარესად ილაპარაკა, ვიდრე შეეძლო.

მილონის გასამართლების დღეს, როცა ციცერონი ტახტრევანიდან გადმოვიდა და მალღობზე (თითქოს საომრად გამზადებული ბანაკი ყოფილიყო) მჯდარი პომპეუსი და ფორუმის გარშემო აელვარებული იარაღი დაინახა, ისე შესფოთდა, რომ ლაპარაკი ძლივძლივობით დაიწყო და მთელი სხეულით აკანკალებულს სიტყვა პირში უწყდებოდა. მილონი კი ამჟამად და ვაჟკაცურად წარსდგა სასამართლოს წინაშე; მან არც თმის საგანგებოდ გაწარდა და არც სამგლოვი-

არო ტანსაცმლის ჩაცმა არ ჩათვალა საჭიროდ. ასეთმა ქცევამ, იჯარა-
უღება, საკმაოდ შეუწყო ხელი მისთვის უსიამოვნო განაჩენის გა-
მოტანას⁷⁵. ეს კია, რომ მაშინ ციცერონის შიში მეგობრის სიუჟა-
რულის გრძნობას უფრო მიაწერეს, ვიდრე სიმხდალეს.

36. პართებთან ომში მოკლული კრასუს უმცროსის ნაცვლიად
ციცერონი გახდა იმ ქურუმთა საზოგადოების წევრი, რომელთაც
რომაელები ავგურებს ეძახიან. მცირე ხნის შემდეგ კი წილის ყრით
საგამგებლოდ ერგო კილიკია და თორმეტი ათასი ქვეითი მეომრისაგან
და ორი ათას ექვსასი ცხენოსნისაგან შემდგარი ლაშქარი. ამ ლაშქარ-
თან ერთად იგი გაემგზავრა კილიკიაში. მას დავალებული ჰქონდა კა-
პადოკიის მხარე მეფე არიობარძანესთან შეერიგებინა⁷⁷ და მისი მორ-
ჩილი გაეხადა. კაპადოკია მან მართლა ისე დაიმორჩილა და მოათვი-
ნიერა, რომ არც ომი გადაუხდია და არც არავისი საყვედური არ და-
უძსახურებია. თავისი ღმობიერი მმართველობის წყალობით დაამოშ-
მინა კილიკიელებიც, რომლებიც, როგორც ჩანს, მზად იყვნენ ამბო-
ხებისათვის პართებთან რომაელების მიერ განცდილი მარცხისა და
სირიაში ამტყდარი უწყსრიგობის გავლენით⁷⁸.

ციცერონი მეფეთაგან მირთმეულ საჩუქრებსაც კი არ ღებულობ-
და, ხოლო საგამგებლოს ქვეშევრდომნი სრულიად გაათავისუფლა
უმაღლეს მონღელთა პატივსაცემად გამართულ ღზინებისაგან, თვი-
თონ კი ყოველდღე იპატიებდა სუფრაზე სასურველ პირთ, რომელ-
თაც მდიდრულად არა, მაგრამ კეთილი გულით უმასპინძლდებოდა.
მის სახლს მეკარე არ ჰყავდა მიჩენილი; მიუხედავად ამისა, ციცე-
რონს წამოწოლილს ვერავინ მიუსწრებდა. იგი დილაადრიან მოსასვე-
ნებელი ოთახის წინ იდგა, ან ბოლთას სცემდა და მასთან მისასალ-
მებლად მისულთ ეგებებოდა. ამბობენ, რომ ციცერონი არავის არ
როზგავდა, არავის ახევდა ტანზე სამოსელს⁷⁹, ბრაზმორეული არავის
არ ლანძღავდა და სასჯელის დადების დროს არავის აბუჩად არ იგ-
დებდა. მან საზოგადო სახსრების დატაცების მრავალი შემთხვევა
აღმოაჩინა და ამით ხელი შეუწყო ქალაქთა აღორძინებას. იმათ,
რომლებიც მიტაცებულს უკან დააბრუნებდნენ, სხვამხრივ აღარ
სჯიდა და ძველ ღირსებას უნარჩუნებდა.

ციცერონმა წამოიწყო ომი. ამ ომში მან დაამარცხა და უკუაქცია
ამანოსთან⁸⁰ განლაგებული ავაზაკები, რისთვისაც ჯარისკაცებმა
იმპერატორად აღიარეს.

რიტორმა ცელიუსმა ციცერონს მიმართა თხოვნით: სანახაობის გასამართაოდ ავაზები მჭირდება და კილიკიიდან რომში გამომიგზავნეო. ციცერონმა, რომელიც თავს იწონებდა შესრულებული საქმეებით, ცელიუსს მისწერა: კილიკიაში ავაზები აღარ არიან; ისინი კარიაში გაიქცნენ ნაწყენნი იმით, რომ მხოლოდ მათ უწყევთ ომი იმ დროს, როცა ირგვლივ ყველა მშვიდობით განისვენებსო.

როცა ციცერონი საგამგებლო ოლქიდან გამოემგზავრა, ჯერ როდოსზე შეჩერდა. მერმე კი მცირეოდენი ხანი ხალისით დაჰყო ათენში წინათ აქ გატარებულ ნანატრი დროის მოსაგონებლად. აქ იგი შეხვდა ყველაზე უფრო გამოჩენილ მეცნიერთ, სიხარულით მონახულა ძველი მეგობრები და ნაცნობები და ელადის მიერ ღირსეულად პატივცემული დაბრუნდა რომში სწორედ იმ დროს, როცა სახელმწიფო ციებ-ცხელებით იყო შეპყრობილი და შინა ომისაკენ მიისწრაფოდა⁵¹.

37. სენატმა განიზრახა კენჭი ეყარა და გამოეტანა დადგენილება ციცერონისათვის ტრიუმფის გადახდაზე. ამაზე ციცერონმა განაცხადა, რომ მისთვის უფრო სასიამოვნო იქნება კეისრის სატრიუმფო ეტლს მიჰყვეს უკან, ოღონდ მეტოქეთა შერიგება მოხდეს. შერიგების რჩევას იგი ცალ-ცალკეც აძლევდა გადამტერებულ მხარეებს. კეისარს მრავალი წერილით, პომპეუსს კი დაჟინებული თხოვნით ემუდარებოდა: ორივე დაწყნარდით და შერიგდითო. მაგრამ ბოროტების განკურნვა შეუძლებელი გახდა. კეისარი რომზე მოდიოდა⁵². პომპეუსი აღარ დაელოდა მას და წარჩინებულთა მრავალრიცხოვანი ჯგუფის თანხლებით ქალაქი დატოვა. ციცერონი ამ ლტოლვილთ არ შეუერთდა; მოსალოდნელი იყო, რომ იგი კეისარს მიემხრობოდა. ცხადია, დიდხანს მერყეობდა ორ აზრს შორის და იტანჯებოდა. ავი წერილებშიც წერს: არ ვიცი, ვის მხარეზე გადავიდე; პომპეუსს დიდებული და სამართლიანი საბაბი გააჩნია ომის საწარმოებლად, მაგრამ კეისარი უკეთ სარგებლობს შექმნილი გარემოებით და საკუთარი თავისა და მეგობრების ხსნა უფრო შეუძლია. ერთი სიტყვით, გასაჭეცვი არის, მაგრამ ვისთან — ესაა გასარკვევით.

ტრეპაციუსმა, კეისრის ერთ-ერთმა მეგობარმა, ციცერონს მისწერა წერილი: კეისარი ფიქრობს, რომ შენ მის მხარეზე უნდა გადმოხვიდე და მისი იმედები გაიზიარო მაგრამ თუ სიბერის გამო თავს არიდებ, მაშინ საბერძნეთში გაემგზავრე და იქ ორივე მეომარი მხა-

რისაგან მოშორებულმა მშვიდად იცხოვრეო. ციცერონს გაუკვირდა წერილი რომ თვითონ კეისარმა არ მოსწერა და ბრაზით უპასუხა: არაფერს არ ჩავიდენ ისეთს, რაც ჩირქს მოსცხებს ჩემს წინანდელ პოლიტიკურ საქმიანობასო. აი ის, რაც ამაზე მის წერილებშია აღნიშნული.

38. როცა კეისარი ესპანეთში წავიდა, ციცერონი მაშინვე ჩაჯდა ხოშაღდში და პომპეუსთან გაემგზავრა. იქ ყველას გაეხარდა მისი დაბრუნება. მაგრამ კატონმა ნახა თუ არა, საშინლად გაკიცხა პომპეუსის მხარეზე გადმოსვლის გამო. „ჩემთვის, — უთხრა მან ციცერონს, — უხერხული იქნებოდა სელი აძელო იმ პოლიტიკურ მიმართულებაზე, რომელიც თავიდანვე ავირჩიე; შენ კი უფრო მეტ საოგებლობას მოუტანდი სამშობლოსა და მეგობრებს, მხარი რომ არავისთვის დაგეჭირა, რომში დარჩენილიყავი და შენი მომავალი მოქმედება ამ ომის შედეგისათვის შეგფუარდებინა; ახლა კი სრულიად წინდაუხედავად, ყოველგვარი იძულების გარეშე, კეისრის მტერი გახდი და აქ მოსვლით ჩვენს თავზე ჩამოწოლილი უდიდესი საფრთხე უნდა გაიზიარო“.

ამ სიტყვებზე ციცერონს აზრი შეაცვლევინეს. მასზე იმანიც იმოქმედა, რომ პომპეუსი არც ერთ მნიშვნელოვან საქმეში არ ირევდა. დამნაშავე ამაში ციცერონი თვითონვე იყო. იგი არც მალავდა, რომ ნანობდა თავის საქციელს და ახლა ყოველნაირად ამცირებდა პომპეუსის სამზადისს. ჩუმ-ჩუმად კიცხავდა მის გადაწყვეტილებებს და გამჭირდავი სიტყვებით თავშეუკავებლად დასცინოდა მის მოკავშირეთ. თვითონ გაუცინარი, მოღუშული სახით დადიოდა ბანაკში, სხვებს კი აიძულებდა ეცნათ მაშინ, როცა სამხიარულო არაფერი ჰქონდათ. უმჯობესია ამ მხრივ მცირეოდენი მაგალითები მოვიტონოთ.

დომიციუსმა ერთხელ განიზრახა საომარ საქმეებში სრულიად გამოუცდელი ვიღაც კაცი მეთაურად გაეყვანა და მისი ქება დაიწყა: მეტად მაღალი ზნეობისა და გონების ადამიანიაო. „თუ ასეა, — უთხრა ციცერონმა, — რატომ შენი შვილების მეურვედ არ გაიხდი მაგ კაცსო?“⁸³

ზოგიერთმა ხოტბის შესხმა დაუწყო ბანაკში მყოფ მშენებელთა უფროსს თეოფანე ლესბოსელს⁸⁴; ამ კაცმა კარგად დააწყენარა როდოსელები, რომლებმაც ფლოტი დაკარგესო. „აი რამხელა სიკე-

თეა, — თქვა ამაზე ციცერონმა. — უფროსად ზერძენი კაცის ყო-
ლაო!”

როცა კეისარმა ყოველმხრივ წარმატებას მიაღწია და პომპეუსე-
ლებს თითქმის ალყაც კი შემოართყა, ლენტულუსმა თქვა: როგორც
გავიგე, კეისარის მეგობრები დიდად დამწუხრებულნი არიანო. „შენ
გინდა თქვა, რომ ისინი კეისარზე ბრაზობენო“, — უთხრა ლენტუ-
ლუს ციცერონმა.

ვინმე მარციუსს, რომელიც იტალიიდან ის-ის იყო მოვიდა და
ამბობდა: რომში დაჟინებით დადის ხმა, პომპეუსს უკვე ალყა შე-
მოართყესო, ციცერონმა ჰკითხა: „შენც იმიტომ მოხვედი, რომ ეს
საკუთარი თვალით ნახო და დარწმუნდეთ?“

დამარცხების შემდეგ ნონიუსმა თქვა: საჭიროა კიდევ იმედი ვი-
ქონოთ, ვინაიდან პომპეუსის ბანაკში შვიდი არწივი დარჩაო. „შენი
რჩევა, — უთხრა მას ციცერონმა, — ცუდი როდი იქნებოდა, ჭილ-
ყვავებს რომ ვეომებოდეთო“.

ლაბიენუსმა, ეყრდნობოდა რა რომელიღაც წინასწარმეტყველე-
ბას, განაცხადა: ბოლოს და ბოლოს პომპეუსი აუცილებლად გაიმარჯ-
ვებსო⁸⁵; ციცერონმა დაცინვით შენიშნა: „გამოდის, ჩვენ სამხედრო
ეშმაკობას მივმართეთ და ბანაკი დღეს განზრახ დავკარგეთო“.

39. მცირე ხნის შემდეგ მოხდა ბრძოლა ფრასალესთან, რომელ-
შიც ციცერონს ავადმყოფობის გამო მონაწილეობა არ მიუღია. ხო-
ლო როცა პომპეუსი გაიქცა, კატონმა, ვის ხელთაც დირაქიუმში მრავ-
ალრიცხოვანი ჯარი და დიდი ფლოტი დარჩა, მთავარსარდლობა
დააგულა კანონის ძალით ციცერონს, როგორც თავის დროზე კონ-
სულის ღირსებით შემოსილ კაცს. ციცერონმა წინამძღოლობაზე
უარი თქვა და განაცხადა: ამიერიდან თქვენთან ერთად საერთოდ
აღარ მივიღებ მონაწილეობას ომშიო. ამის გამო კინაღამ მოკლეს;
ახალგაზრდა პომპეუსმა და მისმა მეგობრებმა მოლაღატე დაუძა-
ხეს და ხმლებიც იშიშვლეს; ციცერონის საქმე გათავებული იყო,
კატონი რომ არ გამოქომაგებოდა; მან ძლიერპირობით გამოსტაცა
იგი თავდამსხმელთ ხელიდან და ბანაკიდან გაიყვანა.

ციცერონი ბრუნდუზიუმში ჩავიდა და იქ მცირეოდენი ხანი დაჰ-
ყო კეისარის მოლოდინში, რომელიც ჯერ კიდევ დაკავებული იყო
აზიისა და ეგვიპტის საქმეებით. როგორც კი ეშუწყა, კეისარი ტა-
რენტოში ჩამოვიდა და იქიდან ახლა ხმელეთით ბრუნდუზიუმში მო-

დისო, ციკერონი მის შესახვედრად გაეშურა. კეისრის მხრივ პატი-
ების იმედი საბოლოოდ დაკარგული არ ჰქონდა, თუმცა მრავალი ადამი-
ანის თანდასწრებით გამარჯვებული მტრის დიდსულოვნების გამოც-
დისა ძალზე ეშინოდა. თუმცა არ დასჭირვებია გაეკეთებინა ან
ეტყვა ისეთი რამ, რაც მის ღირსებას შელახავდა. დაინახა თუ არა
კეისარმა, რომ იგი ყველაზე წინ მოეშურებოდა მის შესაგებებლად,
მაშინვე ჩამოქვეითდა, გადაეხვია და მასთან პირისპირ საუბარში კარ-
გა ძალი გზა განელო ფეხით.

ამიერიდან კეისარი მუდამ პატივისცემით და მეგობრული გრძნო-
ბით ექცეოდა. ასე, მაგალითად, როცა ციკერონმა კატონის სახოტბო
სიტყვა შეთხზა, კეისარმა საპასუხოდ დაწერა ასევე ხოტბა, ოღონდ
აქ ქება-დიდება შეასხა ციკერონის ენამჭევრობასა და მის მთელ
ცხოვრებას, რომელიც, მისი აზრით, მეტისმეტად ჰგავდა პერიკლესა
და თერამენეს⁸⁶ მიერ განვლილ სიცოცხლის გზას. ციკერონის სი-
ტყვის სათაურად „კატონი“ აქვს, კეისრისას კი — „ანტიკატონი“⁸⁷.

გადმოცემის თანახმად, კვინტუს ლიგარიუსი სამართალში მისცეს,
როგორც კეისრის ერთ-ერთი მტერი. მისი დაცვა იკისრა ციკერონმა.
მაშინ თურმე კეისარმა მეგობრებს უთხრა: „ლიგარიუსი რომ ბორო-
ტი კაცი და ჩვენი მტერია, ეს გადაწყვეტილი საქმეა, მაგრამ რა
გვიშლის ხელს, რომ კარგა ხნის შემდეგ კვლავ მოვისმინოთ ციკე-
რონის სიტყვა?“ დაიწყო თუ არა ლაპარაკი ციკერონმა, მაშინვე
ცხოველი შთაბეჭდილება მოახდინა კეისარზე; ხოლო შემდეგ, როცა
მისი სიტყვა უფრო და უფრო გრძნობათა აღმძვრელი და საოცრად
მომხიბლავი გახდა, კეისარს ფერმა დაუწყო სახეზე თამაში; ცხადი
იყო, მის სულში მთლიანი გარდატეხა ხდებოდა. და ბოლოს, როცა
რიტორი ფარსალეს ბრძოლებს შეეხო, თავდავიწყებამდე მისულ კე-
ისარს მთელი სხეული აუკანკილდა და ხელიდან რაღაც ნაწერები
გაუვარდა. ციკერონის ენამჭევრობით დაძლეულმა კეისარმა ლიგა-
რიუსს ბრალდება მოხსნა⁸⁸.

40. იმის შემდეგ, რაც რესპუბლიკური წყობილება მონარქიით
შეიცვალა, ციკერონმა სახელმწიფო მოღვაწეობას თავი მიაწება და
თავისუფალ ღირს იმ ახალგაზრდებთან მეცადინეობაში ატარებდა,
რომელთაც ფილოსოფიის შესწავლა სურდათ. ამ ყველაზე კეთილშო-
ბილი და წარჩინებული ოჯახიდან გამოსულ ახალგაზრდებთან ურთი-
ერთობის წყალობით მან კვლავ დიდი გავლენა მოიპოვა. ქალაქში.

მისი ძირითადი საქმიანობა მაშინ იყო ფილოსოფიური დიალოგების შეთხზვა და გადათარგმნა და დიალექტიკასა და ფიზიკაში ხმარებულ სიტყვათა გადმოღება ლათინურ ენაზე. როგორც ამბობენ, იგი პირველი კაცი იყო, რომელმაც რომაელებს ლათინურ ენაზე მიაწოდა და ნაწილობრივ მეტათორებისა და ნაწილობრივ სხვა უკვე ცნობილი გამოთქმების წყალობით გასაგები და ადვილად ასათვისებელი გაუხადა ბერძნული სიტყვები: ფანტასია (წარმოდგენა), სინკატატესისი (შეთანხმება), ებოზე (მსჯელობაში თავის შეკავება), კატალეფსისი (აღქმა); ამით გარდა კიდევ: ატომი (განუყოფელი), ამერესი (უწილო), კენოსი (სიცარიელე) და მრავალი სხვა ასეთი. პოეზიის თანდაყოლილ ნიჭს იგი მხოლოდ თავის გასართობად იყენებდა. ვადმოგვცემენ: ყოველთვის, როცა კი მიყოფდა ხელს ამ საქმეს, ღამეში ხუთას ტაეპს თხზავდაო.

მაშინდელი დროის დიდ ნაწილს ციცერონი ატარებდა ტუსკულუმში — თავის მამულში და იქიდან მეგობრებს სწერდა: ლაერტეს ცნოვრებას ვეწვიო⁸⁹. შეიძლება იგი ჩვეულებისამებრ ხუმრობით ამბობდა ამას, ანდა შესაძლოა პატივმოყვარეობა სახელმწიფო მოღვაწეობისაკენ ეწეოდა და გულისტკივილით განიცდიდა აწმყო მდგომარეობას. ქალაქში ციცერონი იშვიათად ჩადიოდა და ისიც იმიტომ, რომ კეისარს მისალმებოდა. იგი ერთ-ერთი პირველთაგანი იყო იმით შორის, რომლებიც მხარს უჭერდნენ კეისარის ახალ-ახალ პატივში აღზევებას და ცდილობდნენ ყოველთვის ახალი რამ ეთქვათ კეისარის შესაქებად და მის საქმეთა განსაღიდებლად. ასეთია, მაგალითად, ციცერონის სიტყვები, პომპეუსის ქანდაკებებთან დაკავშირებით თქმული. ეს ქანდაკებები ჩამოხსნეს და მიწაზე დაყარეს. კეისარმა ბრძანება გასცა თავ-თავის ადგილას დაედგათ ისინი. ამაზე ციცერონმა თქვა: ამ კეთილშობილური საქციელით და პომპეუსის ქანდაკებათა აღდგენით კეისარი თავისთვის მტკიცე ძეგლს იდგამსო.

41. როგორც ვადმოგვცემენ, ციცერონს განზრახული ჰქონდა დაეწერა სამშობლოს ისტორია, ჩაერთო შიგ მრავალი ამბავი საბერძნეთის ისტორიიდან და აქვე შეეტანა მის მიერ შეკრებილი ყველა თქმულება და მითი. ამაში მას ხელი შეუშალა აურაცხელმა იძულებითმა და თავგამაბზერებელმა საზოგადო და პირადმა საქმემ. ეტყობა, ამ უსიამოვნო საქმეთა დიდი ნაწილი თვითონვე შეამთხვია საკუთარ თავს. უწინარეს ყოვლისა, მან გაუშვა ცოლი ტერენცია, რომე-

ლიც ომის დროს ისე გულგრილად მოექცა, რომ საღაშქროდ გამ-
გზავრება აუცილებელი საგზლის გარეშე მოუხდა; ხოლო მერმე,
როცა კვლავ იტალიაში დაბრუნდა, მისვან ვერავითარი სითბო ვერ
იგრძნო. ბრუნდუნიუში კარგა ხანს იმყოფებოდა, ტერენცია კი
ერთხელაც არ ჩასულა მასთან და როცა იქ, იმ სიგრძე გზაზე, მისი
ქალიშვილი, ახალგაზრდა გოგონა გაემგზავრა, არც შესაფერისი გამ-
ცილებელი გააყოლა და არც საჭირო საგზალი გამოუწყო. გარდა
ამისა, ციცერონს მთლად გაპარტახებული სახლი და უამრავი ვალი
დაახვედრა.

აი, ასეთ ამბებს ასახელებენ გაყრის უმთავრეს საბაბად. ტერენცია
ამას ყველაფერს უარყოფდა; ციცერონმაც თვითონვე მშვენიერად
გამართლა ყოფილი ცოლი იმით, რომ მცირე ხნის შემდგომ შეირთო
სულ ნორჩი ქალწული, რომლის სიტუტუფითაც, როგორც ტერენცია
ამბობდა ყველგან, იგი მოიხიბლა. ციცერონის მიერ გააზატებული
ტირონი კი წერს, რომ მისმა პატრონმა ახალგაზრდა ქალი შეირთო
სიმდიდრის გულისათვის, რათა ვალები გაესტუმრებინათ. ეს გოგონა
მართლაც ძალიან მდიდარი იყო და მის ქონებას ანდერძის ძალით
მეურვედ დანიშნული ციცერონი იცავდა⁹⁰. როცა მას ათასობით ვა-
ლი დაედო, მეგობრებმა და შინაურებმა რჩევა დაუწყეს, არ გაეთვა-
ლისწინებინა ასაკი, შეერთო ეს გოგონა და მისი მზითევით მევალები
მოეცილებინა თავიდან.

„ფილიპიკების“ საწინააღმდეგოდ დაწერილ პასუხში ანტონიუსი,
იხსენიებს რა ამ ქორწინებას, ამბობს: ციცერონმა გააგდო ცოლი, ვის
გვერდითაც დაბერდაო; თანაც გესლიანად დასცინის აქ ციცერონს,
როგორც შინჯდომია უმოქმედო კაცს, რომელსაც მეომრისა არაფერი
სცხია.

დაქორწინდა თუ არა ციცერონი, მცირე ხნის შემდეგ გარდაიცვა-
ლა მისი ქალიშვილი. იგი მშობიარობას გადაჰყვა ლენტულუსის
ოჯახში. ეს ქალი ცოლად გაჰყვა ლენტულუსს პირველი ქმრის — პი-
ზონის სიკვდილის შემდეგ. ციცერონის სანუგეშებლად ყოველი
მხრიდან ჩამოვიდნენ ფილოსოფოსები, მაგრამ იგი ისე იყო შეწუხე-
ბული მომხდარი უბედურებით, რომ ახალი ცოლიც გაუშვა, ვინაიდან
ტულიას სიკვდილით გამოწვეული სიხარული შენიშნა.

42. აი ასეთი მდგომარეობა ჰქონდა ოჯახში ციცერონს. რაც შე-
ეხება კეისრის წინააღმდეგ მოწყობილ შეთქმულებას, ამაში მას მო-

ნაწილობა არ მიუღია, თუმცა ბრუტუსის ყველაზე ახლობელი მეგობარი იყო და აწმყოთი უკმაყოფილო ისე ნატრობდა წინანდელ წესრიგს, როგორც არაფერს. მაგრამ შეთქმულნი კერ დაენდნენ მის მხდალ ხასიათს და თან მხედველობაში მიიღეს მისი ასაკი; ასეთ ასაკში კი უმტკიცეს ვაჟეცებსაც ეკარგებათ მხნეობა.

როცა ბრუტუსმა, კასიუსმა და სხვა შეთქმულებმა განაზრახნ სისრულეში მოიყვანეს, კეისრის მეგობრები მათ წინააღმდეგ აღსდგნენ და კვლავ გაჩნდა საშიშროება, რომ შეიძლება სახელმწიფო ისევ შინაომებში გახვეულიყო. მაშინდელმა კონსულმა ანტონიუსმა სენატი შეკრიბა და მოკლე სიტყვით ერთსულოვნებისაკენ მოუწოდა. ციკერონმა კი შექმნილ მდგომარეობასთან შეხამებული გრძელი სიტყვა წარმოთქვა და დაიყოლია სენატი ათენელების მაგალითისა-მებრ⁹¹ მიეღო გადაწყვეტილება კეისართან დაკავშირებული ყველა საქმის ამნისტიის თაობაზე და აგრეთვე იმაზეც, რომ ბრუტუსსა და კასიუსს საგამგებლო ოლქები გადასცემოდათ. მაგრამ ამან არაფერით შედეგი არ გამოიღო. ისედაც შეწუხებული ხალხი მთლად გაცოფდა მაშინ, როცა ფორუმზე გამოტარებული კეისრის გვამი იხილა და როცა ანტონიუსმა მახვილებით დაცხრილული კეისრის წამოსასხამი ყველას დაანახვა; რისხვამორეული ხალხი ფორუმზევე შეუდგა შეთქმულთა ძებნას; მერმე კი ჩირაღდნებს სტაცეს ხელი რომაელებმა და მკვლელების სახლების დასაწვავად გაეშურნენ⁹². შეთქმულებმა წინასწარვე მიიღეს საჭირო ზომები და ამ საფრთხეს გადაურჩნენ, მაგრამ რაკი სხვა მრავალი და უფრო დიდი საშიშროება მოელოდათ, ქალაქი დატოვეს.

43. მოხდა თუ არა ზემოხსენებული ამბავი, მაშინვე წამოჰყო თავი ანტონიუსმა და, რაკი ერთმმართველობისაკენ მიისწრაფოდა, ყველასათვის საშიში კაცი გახდა; მაგრამ განსაკუთრებით საშიში იგი მაინც ციკერონისთვის იყო. ანტონიუსი ზედავდა, რომ ციკერონის გავლენა პოლიტიკაში კვლავ იზრდებოდა; მან იცოდა, რომ იგი ბრუტუსისა და სხვა შეთქმულთა მეგობარი იყო, ამიტომ მისი რომში ყოფნა მეტისმეტად აღიზიანებდა. ეტყობა, ისინი ჯერ კიდევ წინათაც უნდობლად ეკიდებოდნენ ერთმანეთს და ამის მიზეზი მათი ცხოვრების განსხვავებული ხასიათი გახლდათ. შეშინებულმა ციკერონმა ჯერ სირიაში გამგზავრება გადაწყვიტა დოლაბელასთან ერთად ლეგატის ჩინით; მაგრამ კეთილშობილმა და მისმა თაყვანისმცემელმა

ვაჟკაცებმა ჰირციუსმა და პანზამ, რომელთაც ანტონიუსის შემდეგ კონსულობა მოელოდათ, თხოვნა დაუწყეს: შენ თუ აქ იქნები, ანტონიუსს დავამსობთო⁸⁰. მაშინ ციცერონმა დოლაბელას, რომელსაც არტუშ მაინცდამაინც დიდი ნდობის თვალით უყურებდა, გზა მშვიდობისა უსურვა; ჰირციუსსა და პანზას კი შეუთანხმდა, რომ ზაფხულს ათენში გაატარებდა და როცა ისინი კონსულობას მიიღებდნენ, უკანვე დაბრუნდებოდა. ამის შემდეგ მარტოდმარტო გაემგზავრა ათენში.

ზღვაზე მგზავრობა მეტისმეტად გაგრძელდა. რომიდან კი, როგორც ეს ჩვეულებრივ ხდება ხოლმე, ყოველდღე მოსდიოდა გზაში ახალ-ახალი ამბები: ანტონიუსი საოცრად გამოიცვალა; იგი ახლა ყველაფერს სენატის სურვილისდა მიხედვით აკეთებს, თავის მთელ პოლიტიკურ საქმიანობას მას უმორჩილებს და მხოლოდ მისი, ციცერონის ყოფნადაა აქ საჭირო, რომ ყველაფერი საუკეთესოდ წარიმართოს. ციცერონმა რომ ესენი მოისმინა, ზედმეტი სიფრთხილისათვის საკუთარი თავი გაიცემა და კვლავ რომში დაბრუნდა. დასაწყისში მისი იმედები არ გაცრუებულა: მის შესახვედრად იმდენი გაბარებული და მის ნახვას მოწყურებული ხალხი მოაწყდა, რომ თითქმის მთელი დღე ხელის ჩამორთმევასა და მეგობრულ მისალმებებში დაიხარჯა ქალაქის კარიბჭეებსა და ქუჩებში.

მეორე დღეს ანტონიუსმა სენატი შეკრიბა და სხდომაზე ციცერონი მიიწვია, მაგრამ ციცერონი არ მივიდა. მან მთელი დღე ლოგინში გაატარა: მგზავრობაში დავიღალე და თავს შეუძლოდ ვგრძნობო. სინამდვილეში, როგორც ჩანს, სენატში მიუსვლელობის მიზეზი იყო შიში ანტონიუსის ვერავობის წინაშე; ეს შიში ციცერონში გამოიწვია რაღაც ეჭვმა და გზაში მიღებულმა ცნობამ სიფრთხილის შესახებ. ანტონიუსი ცილისწამებამ აღაშფოთა; მან გაგზავნა ჯარისკაცები ბრძანებით: ან მოეყვანათ ციცერონი, ან მისი სახლი დაეწვათ. მრავალი წინააღმდეგობისა და ხვეწნის შემდეგ ანტონიუსი მოლბა და დაკმაყოფილდა მხოლოდ იმით, რომ ციცერონისგან საწინდარი აიღო⁸¹.

ამის შემდეგ ანტონიუსი და ციცერონი ერთმანეთს უსალმოდ უვლიდნენ გვერდს და სიფრთხილით იქცეოდნენ. ასეთი იყო მათ შორის არსებული უთანხმოება, როცა აპოლონიიდან ჩამოვიდა ახალგაზრდა კეისარი. ამან მოკლული კეისრის მემკვიდრედ გამოაცხადა.

თავი და ოცდახუთი მილიონის თაობაზე დავა გაუმართა ანტონიუსს, რომელმაც ეს თანხა დიდი კეისრის ქოსებიდან მიითვისა⁹⁵.

44. მაშინ ახალგაზრდა კეისრის მამინაცვალთა ფილიპე და დის ქმარი მარკელუსი ყმაწვილი კაცის თანხლებით ციცერონთან მივიდნენ და შეთანხმდნენ იმაში, რომ ციცერონი მჭევრმეტყველებისა და პოლიტიკური გავლენის ძალით მხარს დაუჭერდა ახალგაზრდა კეისარს სენატში და ხალხის წინაშე, კეისარი კი, თავის მხრივ, ფულთა და იარაღით ციცერონის ხელშეუხებლობას უზრუნველყოფდა. საქმე ის იყო, რომ ყმაწვილ კაცს უკვე თავის გამგებლობაში ჰყავდა საკმაოდ დიდი რიცხვი იმ მეომართა, რომლებიც თავის დროზე მოკლული კეისრის სარდლობით ლაშქრობდნენ.

იყო უფრო მნიშვნელოვანი მიზეზიც, რომ ციცერონს ხალხით მიეღო ახალგაზრდა კეისრის მეგობრობა. ჯერ კიდევ პომპეუსისა და დიდი კეისრის სიცოცხლეში ციცერონმა თურმე ასეთი სიზმარი იხილა: კაპიტოლიუმში ვიღაცამ თავი მოუყარა სენატორთა შვილებს; მათი რიცხვიდან ერთ-ერთი იუპიტერს რომის წინამძღოლად უნდა დაენიშნა. მოქალაქეებმა ფიცხლად მიიჩინეს იქ და ტაძრის გარშემო დადგნენ; ძოწით მოქარგული ტოვებით შემოსილი ყმაწვილები კი მღუმარედ ისხდნენ ტაძარში. უცებ ტაძრის ყველა კარი გაიღო; ყმაწვილები ფეხზე წამოდგნენ და რიგრიგობით ღმერთის გარშემო სვლა დაიწყეს; იუპიტერი მათ ყურადღებით აკვირდებოდა და გულდაწყვეტით გარეთ ისტუმრებდა. მაგრამ როცა ახალგაზრდა კეისარი მიუახლოვდა, იუპიტერმა მარჯვენა ხელი ზე ასწია და წარმოთქვა: „რომაელებო, თქვენ შინაომებს ბოლო მოეღება, როცა ეს წინამძღოლად გავიხდებით!“

იხილა რა ასეთი სიზმარი, ამ ყმაწვილი კაცის სახე, ამბობენ, ნათლად აღიბეჭდა ციცერონის გულში და მტკიცედ დამკვიდრდა მის ხსოვნაში, თუმცა ყმაწვილს პირადად არ იცნობდა. მეორე დღეს, როცა ციცერონი მარსის ველზე ჩადიოდა, წინ შემოხვდნენ იქიდან ამომავალი, გიმნასტიკური ვარჯიშობიდან დაბრუნებული ახალგაზრდები. პირველი მათ შორის, რომელმაც მისი ყურადღება მიიპყრო, იყო ყმაწვილი კეისარი, სწორედ ისეთი, როგორიც სიზმრად იხილა. გაოცებულმა ციცერონმა მისი მშობლების ვინაობა იკითხა.

გამოთრეკა, რომ მისი მამა იყო არცთუ მაინცდამაინც წარჩინებული კაცი — ოქტავიუსი, დედა კი — ატია, კეისრის დის ქალიშვილი;

რაკილა დიდ კეისარს ვაჟი არ პყავდა, ამ ნათესაობის საფუძველზე თავისი ქონება და სახლი სამეშკვიდრეო ანდერძით მას დაუტოვა.

ამბობენ, ამის შემდეგ ციცერონი ყოველ შეზვედრაზე ყურადღებით ექცეოდა ყმაწვილ კეისარს და ესეც სიამოვნებით ღებულობდა მის მეგობრულ აღერსსო. აღსანიშნავია ისიც, რომ ეს ყმაწვილი რაღაცა ბედად ციცერონის კონსულობის წელს დაიბადა⁹⁶.

45. ასეთი იყო მათი მეგობრობის საყოველთაო აღიარებული მიზეზები. სინამდვილეში კი ციცერონი კეისართან დააკავშირა უწინარეს ყოვლისა ანტონიუსისადმი ზიზღმა და, მეორე მხრივ, მისმა დიდებისაკენ სწრაფვამ. გარდა ამისა, ციცერონი იმედოვნებდა, რომ კეისარის ძლიერებას რესპუბლიკის სამსახურისათვის გამოიყენებდა. რაც შეეხება ახალგაზრდა კეისარს, იგი ისე დაუტკბა ციცერონს, რომ მამას ეძახდა. ამან საშინლად აღაშფოთა ბრუტუსი; ატიკუსისადმი⁹⁷ გაგზავნილ წერილებში ბრუტუსი ჩივის ციცერონზე: ემსახურება რა ანტონიუსის შიშით კეისარს, იგი, ცხადია, სამშობლოს თავისუფლებისათვის კი არ იღწვის, არამედ კეთილ ბატონს იძენს თავისთვისო. ასეთი წყრომის მიუხედავად ციცერონის ვაჟი, რომელიც ფილოსოფოსებთან სწავლობდა ათენში, ბრუტუსმა თავის წრეში მიიღო, ლეგატად დანიშნა და ყმაწვილმა კაცმა მისი დახმარებით მრავალ წარმატებასაც მიაღწია.

იმხანად ციცერონის ძლიერებამ რომში უმაღლეს წერტილს მიაღწია: ციცერონი იმორჩილებდა ყველას, ვისაც მოისურვებდა; მან გააძევა ანტონიუსი, ამხედრა მთელი რომი მის წინააღმდეგ და ორი კონსული, პირციუსი და პანზა მასთან საომრად გაგზავნა; ამასთანავე ციცერონმა დააჯერა სენატი გამოეტანა გადაწყვეტილება, რომლის ძალითაც კეისარს, ვითარცა სამშობლოსათვის მეტრძოლს, ლიქტორთა თანხლებითა და საპრეტორო ძალაუფლების ნიშნების ტარების უფლება მიეცა.

ჩქარა ანტონიუსი დამარცხდა; მასთან საომრად გაგზავნილი ორივე კონსული ბრძოლაში დაეცა⁹⁸, ომიდან დაბრუნებული მათი ლაშქარი კი კეისარის მხარეზე გადავიდა. ახალგაზრდა კაცის წინაშე, რომელიც ჩინებულად იყენებდა ბედის წყალობას, სენატი დაფროხა და შეეცადა პატივისცემითა და ჯილდოთა დარიგებით კეისარისთვის ჯარები ჩამოეშორებინა, აქაოდა ანტონიუსის უკუშეცდვის შემდეგ რესპუბლიკას მეომრები აღარ სჭირდებოდა.

ამით შეშფოთებულმა კეისარმა ციცერონს მოუგზავნა მოციქულები, რათა ეთხოვათ და თან ერჩიათ მისთვის, რომ საკუთარი თავისა და კეისარისთვისაც ერთდროულად მოეპოვებინა კონსულობა; მერმე კი, როცა ძალაუფლებას ხელში აიღებდა, საქმეები ემართა ისე, როგორც თვითონ მოისურვებდა და წინამძღოლობა გაეწია ჰაბუციასთვის, რომელსაც კონსულის სახელისა და პატივის მეტი არაფერი სჭირდებოდა. თვითონ კეისარიც აღიარებს, რომ ეშინოდა მხედრობის დაშლისა და მარტოდმარტო დარჩენის; ამიტომ მარჯვედ გამოიყენა ციცერონის თანამდებობისმოყვარულობა და წააქეზა იგი მოეპოვებინა კონსულობა მისი გულმოდგინე მხარდაჭერით.

46. ახალგაზრდა კაცის მიერ გაბრეცებული და მოტყუებული ციცერონი, რომელმაც დიდი დახმარება გაუწია მას კონსულად არჩევაში და სენატიც მის სასარგებლოდ განაწყობ, მაშინვე გაკიცხეს მეგობრებმა; მცირე ხნის შემდეგ კი თვითონაც იგრძნო, რომ თავი დაიღუპა და ხალხის თავისუფლებაც გაყიდა.

როგორც კი აღზევდა ახალგაზრდა კეისარი და კონსულობა მიიღო, მყისვე დაუკრა თავი ციცერონს და ანტონიუსსა და ლეპიდუსს დაუმეგობრდა. მერმე მათი და საკუთარი ძალები გააერთიანა და რომის სახელმწიფოს მეთაურობა ისე გაინაწილა ახალ მეგობრებთან, როგორც კერძო რამ ქონება. მათ შეადგინეს დასახოცად განწირულთა სია, რომელშიც ორასზე მეტი კაცი შეიტანეს.

ყველაზე უფრო დიდი კამათი გაიმართა სამეულში ციცერონის ზემოხსენებულ სიაში შეტანის საკითხთან დაკავშირებით. ანტონიუსი არავითარ შეთანხმებაზე არ მიდიოდა, თუ პირველ რიგში ციცერონს არ მოკლავდნენ; ლეპიდუსი ანტონიუსს მიემხრო; კეისარი კი ორივეს წინააღმდეგობას უწევდა.

სამეულის განმარტობებული და საიდუმლო შეკრება გრძელდებოდა სამი დღის მანძილზე ქალაქ ბონონიასთან⁹⁹. ისინი თავს იყრიდნენ ბანაკისაგან მოშორებით მდებარე ერთ კუნძულზე, რომელსაც გარს მდინარე უვლიდა.

პირველი ორი დღის განმავლობაში, ამბობენ, კეისარი თავგამოდებით იბრძოდა ციცერონისათვის, მაგრამ მესამე დღეს დათმობაზე წავიდა, და გასწირა იგიო. მსხვერპლი, რომელიც სამეულში განაწილდა, ასეთი იყო: კეთსარი ხელს იღებდა ციცერონზე, ლეპიდუსი

სწირავდა საკუთარ ძმას — პაულუსს, ანტონიუსი კი — ბიძას დედის მხრივ, ლუციუს კეისარს ¹⁰⁰.

აი, ამგვარად დაეკარგვინა ამ ხალხს ადამიანური განსჯის უნარი რისხვამ და მორელულმა ცოფმა. ამით უფრო ის დაამტკიცეს, რომ არც ერთი მხეცი არაა იმ ადამიანზე მეტად მძვინვარე, რომელიც ძალაუფლებით აღჭურვილია და ბოროტი ვნებების დაკმაყოფილება სურს.

47. როცა ეს ამბები ხდებოდა, ციცერონი ძმასთან ერთად იმყოფებოდა ტუსკულუმთან მდებარე საკუთარ მამულში ¹⁰¹. გაიგეს თუ არა დასახოცად განწირულთა სიაში შეტანის ამბავი, ძმებმა გადაწყვიტეს გადასულიყვნენ ასტურიაში ¹⁰², ციცერონის ზღვისპირა მამულში, საიდანაც გაემგზავრებოდნენ მაკედონიაში ბრუტუსთან, რომელზეც უკვე ხმები დადიოდა: მეტად გაძლიერდაო.

მწუხარებისაგან სასოწარკვეთილი ძმები დანიშნული ადგილისაკენ ტახტრევნებით გაემართნენ. გზადაგზა ჩერდებოდნენ, თავ-თავიანთ ტახტრევანს ერთმანეთის გვერდით ადგმევინებდნენ და ერთუროს შესტიროდნენ. უკვირდებოდა რა ასეთ ძნელბედობას, უფრო მეტად კვინტუსი დარდობდა და ჩივილით ამბობდა, სახლიდან არაფერი არ წამომიღიაო. ციცერონსაც სურსათის ფრიად მცირე მარაგი ჰქონდა თან. ამიტომ კვინტუსმა უმჯობესად ჩათვალა ციცერონს გზა განეგრძო, თვითონ უკან დაბრუნებულიყო, სახლიდან საჭირო სურსათი წამოეღო და სასწრაფოდ ძმას დასწვოდა. ეს გადაწყვეტილება მიიღეს, ერთმანეთს ჩაეხვივნენ და ტირილით განშორდნენ.

რამდენიმე დღის შემდეგ საკუთარმა მონებმა კვინტუსი გადასცეს მის მეძებარ რაზმს და იგი თავის ვაჟთან ერთად მოკლეს.

ციცერონი ტახტრევნით ასტურაში მიიყვანეს. იგი აქ გამზადებული ხომალდს წააწყდა; მუისვე ჩაჯდა შიგ და ზურგჯარის წყალმართ კირკეთუმს მიაღწია ¹⁰³. მეზღვაურებს სწრაფად უნდოდათ აქედან გასვლა, მაგრამ ციცერონი, ზღვის შიშით თუ იმის გამო, რომ კეისრისადმი ნდობა ჯერ კიდევ არ ჰქონდა სრულიად დაკარგული, ნაპირზე გადავიდა და ფეხით ასი სტადიონი გაიარა რომის მიმართულებით. მერმე ისევ მოერია სევდა, აზრი გამოიცვალა და ზღვის პირს დაუბრუნდა ასტურასთან. აქ მან მთელი ღამე მძიმე ფიქრებში გაატარა. ისიც კი მოუვიდა თავში აზრად, რომ ფარულად კეისრის სახლში შესულიყო, მის კერასთან თავი მოეკლა და ამით კეისრის წინააღმდეგ

შურისმაძიებელი ღვთაება აეშხედრებინა. მაგრამ მოსალოდნელი წამების შიშმა ასეთი ნაბიჯის გადადგმაზე ხელი ააღებინა. ბოლოს, მრავალ შფოთიან და აბნეულ აზრებში გახლართულმა მსახურთ უბრძანა ზღვით წაეყვანათ კაიეტაში¹⁰⁴, სადაც ჰქონდა მამული და საზაფხულოდ აგებული საუცხოო სახლი. ამ დროს იქ საამუშაოდ უბერავს ხოლმე თბილი ქარი. იქვე არის აბოლონის მკირე ტაძარი, რომელიც ზღვას ზევიდან დაჰყურებს.

უეცრად ამ ტაძრიდან აფრინდა ყვავების გუნდი და საშინელი ჩხავილით გაემართა ციცერონის ზომალდისაკენ, რომელიც ნაპირს უნდა მისდგომოდა. ყვავები ორივე მხრივ შემოასხდნენ ზომალდის ქანდარას: ზოგი ჩხაოდა, ზოგიც ნისკარტით ჰკორტნიდა ბაგირებს. ყველამ იგრძნო, რომ ეს ავის მომასწავებელი ნიშანი იყო.

ციცერონი ნაპირზე გადმოვიდა, სახლში შევიდა და მოსასვენებლად წამოწვა. მაშინვე უამრავი ყვავი შემოასხდა ფანჯარას ზარდამცეში ჩხავილით. ერთ-ერთი მათგანი დააფრინდა საწოლს, რომელშიც წამოსახსამში გახვეული ციცერონი იწვა და ნისკარტით ფრთხილად გადააცალა სახეზე წაფარებული წამოსახსამის ყური.

ამის დანახვაზე ციცერონის მსახურებმა თავიანთ თავს გააციხვია დაუწყეს: „ნუთუ ჩვენ არ უნდა დავიცვათ ჩვენი პატრონი და უმოქმედოდ ველოდოთ იმას, თუ როდის გავხდებით მისი მოკვლის მოწყენი, მაშინ როცა დაუმსახურებლად დაჩაგრულს თვით უტყუი არსებანიც ეხმარებიან და ცდილობენ საფრთხე ააცილონ?“ მრავალი თხოვნისა და ძალდატანების შემდეგ მსახურებმა ციცერონი დაიყოლიეს და ტახტრეკანით ზღვის ნაპირზე წაიყვანეს.

48. სწორედ ამ დროს კაიეტაში მოვიდნენ მკვლელები: ცენტურაონი ჰერენიუსი და სამხედრო ტრიბუნი პოპილიუსი, რომელსაც თავის დროზე მამის მკვლელობისათვის სამართალში მიცემულს ციცერონი იცავდა. მკვლელებს თან ახლდათ ხელქვეითები. ისინი მიადგნენ ციცერონის აგარაკს, მაგრამ გამოკეტილი დაუხვდათ. მაშინ კარები შეამტვრიეს. ციცერონი არსად ჩანდა. სახლში მყოფებმა განაცხადეს: ჩვენ იგი არ გვინახავსო. მაგრამ, როგორც ამბობენ, ერთმა ყმაწვილმა კაცმა, ციცერონის ძმის აზატმა და ციცერონის მიერ თავისუფალი კაცისათვის შესაფერი ცოდნით და განათლებით აღზრდილმა, სახელად ფილოლოგუსმა სამხედრო ტრიბუნს დაანახვა ტახტრეკანი, რომელიც ხეხილებით დაჩრდილული ხეივანით ზღვისკენ მიჰ-

ქონდათ. მაშინ სამხედრო ტრიბუნმა თან რამდენიმე კაცი გაიყოლა, ზეივანს გარს შემოურბინა და გასასვლელთან მივიდა. ციცერონმა შეამჩნია თუ არა, პერენიუსმა ზეივანს თავს დაუარაო, მსახურთ უბრძანა გაჩერებულიყვნენ და ტახტრევანი დაედგათ. თვითონ კი ჩვეულებრივსამებრ მარცხენა ხელი ნიკაპზე მიიღო და მეკვლეებს დაჟინებით მიაშტერდა. მისი ფერმკრთალი, წვერმოშეებული და ფიჭრებით დატანჯული სახე იმდენად საბრალო იყო, რომ როცა პერენიუსი მოსაკლავად მიუახლოვდა, სხვებმა თვალებზე ხელები მიიფარეს. როგორც კი გამოიყო ციცერონმა თავი ტახტრევნიდან, იგი მყისვე მოკლეს. ციცერონი მაშინ სამოცდაოთხი წლის კაცი იყო ¹⁰⁵. პერენიუსმა, ანტონიუსის ბრძანების თანახმად, მას მოჰკვეთა თავი და ხელები, რომლებითაც „ფილიპიკები“ დაეწერა. ციცერონმა თვითონ უწოდა „ფილიპიკები“ ანტონიუსის წინააღმდეგ მიმართულ სიტყვებს და დღემდე ასევე „ფილიპიკები“ ეწოდებათ.

49. ციცერონის მოკვეთილი ნაწილები რომში ჩაიტანეს. ანტონიუსი იმხანად თანამდებობის პირთა არჩევნებით იყო გართული. როცა ციცერონის სიკვდილის ამბავი გაიგო და მოკვეთილი ნაწილები დაინახა, — ახლა კი დამთავრდა პროსკრიპციებით, — წამოიძახა. მერმე ბრძანება გასცა ციცერონის თავი და ხელები საორატორო კათედრაზე დაეწყოთ. ეს იყო შემადარწუნებელი სანახაობა რომაელთათვის. ისინი ფიჭრობდნენ, რომ შესცქეროდნენ არა ციცერონის სახეს, არამედ ანტონიუსის მახინჯ სულს ¹⁰⁶.

ამდენ ბოროტებაში ანტონიუსმა ერთადერთი სამართლიანი საქმე გააკეთა. ფილოლოგუსი მან სრულ განკარგულებაში გადასცა კვინტუსის მეუღლეს პომპონიას.

პომპონიამ იგდო თუ არა ხელთ გამცემი, მრავალი საშინელი წამება არგუნა და ზოლოს აიძულა თავისივე ხელით ნაჭერ-ნაჭერ ამოეკვეთა საკუთარი სხეულიდან ხორცი, შეეწვა და შეეჭამა. ასე გადმოგვცემს ამ ამბავს ზოგიერთი ისტორიკოსი; ციცერონის აზატი ტირონი კი ერთი სიტყვითაც არ ახსენებს ფილოლოგუსის ღალატს.

გამიგონია ასეთი ამბავი: მრავალი ხნის შემდეგ კეისარი შევიდა თურმე ერთ-ერთი შვილშვილის ოთახში. ყმაწვილს ხელში ციცერონის წიგნი ეჭირა და, როცა პაპა დაინახა, შეშინებულმა წიგნი ტანსაცმელში დამალა. კეისარმა ეს შენიშნა, წიგნი გამოართვა. ფეხზე მდგარმა წიგნის კარგა მოზრდილი ნაწილი წაიკითხა, მერმე კვლავ

დაუბრუნა ყმაწვილს და უთხრა: ნასწავლი კაცი იყო, შვილო, ნასწავლი და სამშობლოს მოყვარულიო.

სულ მალე კეისარმა ანტონიუსი დაამარცხა და, როცა კონსული გახდა, ამხანაგად ციცერონის შვილი აიყვანა¹⁰⁷. მათი კონსულობის დროს სენატმა ანტონიუსის ქანდაკებები მოსპო, გააუქმა მისთვის მიუკუთვნებული ყველა ღირსება და დაადგინა, აშიერიდან ანტონიუსის არც ერთ შთამომავალს არ ეტარებინა მარკუსის სახელი. ღვთაებრივმა ძალამ ამგვარად არგუნა წილად ციცერონის ოჯახს დაეგვირგვინებინა ანტონიუსის დასჯის საქმე.

၁၁၆၈၁၁၆၁၁၈

<https://www.facebook.com/groups/ELLIB/>